



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Tappan Presbyterian Association  
LIBRARY.

*Presented by* HON. D. BETHUNE DUFFIELD.

From Library of Rev. Geo. Duffield, D.D.



*Geo Duffield*

Section


1<sup>st</sup>











Witsius, Herman

D[567] HERMANNI WITSII 208.W7

EXERCITATIONES SACRÆ

IN

SYMBOLUM

QUOD

APOSTOLORUM DICITUR

ET IN

ORATIONEM  
DOMINICAM.



CUM PRIVILEGIO S. REG. POL. MAJ. & ELECT. SAXON.

---

BASILEÆ.

Apud JOH. RUDOLPHUM IM-HOFF.

M DCC XXXIX.

• 1.508

1.508

1.508  
1.508  
1.508

*Daphn. Pres. Associn.*

*71-27-1923*

NOBILISSIMIS & AMPLISSIMIS  
Inclutæ Reipublicæ  
ULTRAJECTINÆ  
CONSULIBUS  
ET  
SENATORIBUS,  
ECCLESIAE NUTRITIIS, BT

ACADEMIAE PRÆSTITIBUS.

H. WITSIUS.

992

.W83

1739

*Dedicat consecratque.*

**E**X quo tempore rei Academicæ admotus sum, PATRES  
CONSCRIPTI, id mihi negotii credidi primum dari,  
ut sacratissimam Evangelii veritatem, quantum illius à  
me fieri poterat, pure, perspicue, accurate, modeste,  
graviter, studiosæ juventuri inculcarem; totamque quanta  
quanta est ad generosæ pietatis praxin referrem. Uti enim veri-  
tate ista nihil præstantius, nihil acquisitu dignius, aut scitu utili-  
us jucundiusque est; ita illa caste se imprimis sancteque haberi  
postulat. Non est coelestis illius sapientiæ idoneus auditor, ne  
dignum nunc doctorem dicam, qui non animum ei submittit  
æquum, pacificum, placidum, & pietatis non fucatæ sedulo stu-  
diosum. Ubicunque novaturiendi pruritus, contendendi lubi-  
do, vitilitigandi acrimonia, facturiendi insana voluptas, fastuo-  
sa sui cum aliorum contemptu elatio, similesque malæ pestes do-  
minantur; in iisdem pectoribus pudicum veritatis amorem ha-  
bitare, quidquid illius nomen prætexatur, haut facile quis mihi  
persuaserit. Neque profecto cognitam ille, perspectamque veri-  
tatem habet, sicuti veritas in Christo Jesu est, qui eum tantum  
in finem cognoscit, ut sua quadam linguæ volubilitate de ea ina-  
niter garriat, ut scripturientis calami acumine litigiose disputet,  
aliove eam modo ambitioni suæ famulari cogat. Tum deinum  
opes illa suas explicabit, arcanæque dulcedinis gustu explebit a-  
nimum, ubi nativa simplicitatis suæ luce in mente radians volun-  
tatem simul affectusque castæ charitatis ardore inflammat; ubi  
infelicia vitiorum lolia urendasque filices absūmit; ubi homi-  
nem totum, supra hujus mundi caduca evectum, coelique ac-  
censum desiderio, ad Divinæ transformat imaginem puritatis. Hoc  
modo, hac finē, quum discendam docendamque coelestem ve-

*500 64-9-21*

## D E D I C A T I O.

ritatem esse arbitrarer, illius instituti mei typum quendam publi-  
Academicæ proponere animum induxi. Et præcipua quidem Re-  
ligionis nostræ capita selegi, Oecumenico comprehensa Symbolo,  
ut iis qui operam mihi dant præirem in illorum exponenda indole;  
asserenda, comprobanda, vindicanda certudine; &, quod  
potissimum intendebam, adsignanda urgendaque sacra praxi.  
Hinc natæ mihi EXERCITATIONES istæ, quas in illustri FRISI-  
ORUM Lyceo cum ipso professionis meæ exordio inchoatas,  
in Vestro autem Athenæo exeffectas & consummatas, Vobis,  
PATRES CONSCRIPTI, LUBENS MERITO DATUM DICATUMQUE venio. Vos qui auctorem amplissimis  
invitatum conditionibus, tam comiter excepistis, tam benevole  
& prolixè etiamnum fovetis, eadem frontis serenitate literarum  
hoc accipite munusculum: non pretium, ut me devictum liberem;  
sed pignus, ut obstringam. Non enim exigua hæc, & discipulis  
solum meis scripta, referendæ gratiæ esse volo, sed testandæ.  
Id cæteris vestris in me beneficiis addite, ut quod offero  
non à se æstimetis, sed ab animo; qui quum maxima quæque  
se Vobis debere profiteatur, nihil nunc in omni re literaria  
aliud invenire potuit, quo fidem quoque modo liberet. In voto  
desino: Deus Optimus ille & Maximus, qui Rempublicam  
Vestram, & cum ea Ecclesiam atque Academiam, tot ereptas  
discriminibus, potenti sua dextra vindicavit, protexit, auxit; qui Vos  
difficillimis hisce temporibus, dum altera alteram procella urget,

*Et malus celeri sancius Africo,*

*Antennæque gemunt,*

ad clavum sedere iussit; idem Rempublicam Vobis, Vos Reipublicæ  
sospitet. Sub imperio Vestro Pio, Felici,

*Redeat Concordia, Virtus,*

*Cumque Fide Pietas alta cervice vegetur.*

Valete, PATRES CONSCRIPTI, & Magistratum diu ac prospere  
gestum Filiis olim serisque nepotibus tradite. Ita scribebam in Urbe  
Vestra Postridie Kalen: Maj. ANNO MDCLXXXI. COSS. ALBERTO VAN BENTHEM,  
PAULO VOET VAN WINSEN. Quod Reptij Prid: Non: Jul: ANNO MDCLXXXIX.  
COSS. JOANNE BORRE VAN AMERONGEN II. & ARNOLDO SPOOR. Tertiaque nunc,  
& novissima fortassis, scriptione ob signo Kal. April. A. MDCXCVII.  
COSS: CORNELIO VAN LIDT DE JEUDE, & EVERARDO VAN ZYPESTEIN. II. Quo me anno,  
PATRES, pro insigni & vestra nunquam satis prædicanda adversus me benevolentia,  
iterum Academiæ vestræ esse voluistis Rectorem.

AD



## LECTOREM.

**N**on morabor te multis, Benevole Lector: uerbo expediam, quodnam operis huius institutum, quis scopus sit. Id præmonendum ante omnia arbitror, non eruditis ac studiorum nostrorum veteribus hæc scripta esse, sed Discipulis solum atque Auditoribus meis, quibus facem ac sacratissimæ Religionis nostræ genuinam praxin præluere volui. Non enim putabam commitendum esse, ut qui è Disciplina nostra ad sacros venirent ambones, sublimibus fortasse sed frigidis dissertationibus, aut calidis etiam sed parum profuturis disputationibus, plebis Christianæ aures obtunderent, animos interim nullo rerum cælestium gustu, nulla diuinarum consolationum dulcedine, nullo veræ pietatis amore imbuentes. Religionem non in lingua sed in animo, non in verbis sed in factis, non in speculationum subtilitate sed in cordis puritate, non in novorum εὐαγγελίων adfectione sed in nova vitæ studio sitam esse, hoc erat quod quotidie meis ingeminabam. Eum demum dictabam verum esse Theologum, qui in simul τὸν μὲν ὄντων θεωρητικὸς τὸν δὲ δεόντων πρακτικὸς esset. Atque hanc rem non perfunctorie solum & dicis causa ad sacri sermonis finem, verbulo tangendam esse; sed totam orationem ita esse componendam, ut mens, cum stupore quodam in admirabilium veritatum meditatione defixa, cælesti se ardore inflammari sentiat ad vitam sicuti tantarum rerum cognitione & fide dignum est componendam. Informandas etiam mentes esse, ut diligenti instituto examine ex ignorantis infallibilibus dignoscere queant, num ad se quoque Evangelii promissa pertineant. Idque tanta esse urgendum sermonis vehementia, ut vel securissimis quibusque fatalis iste veteris excutatur, neque possint Auditores quin de anima suæ statu sollicitius acquirant. Addebam nullum esse Theosophiæ nostræ caput, quod non eximiam quandam ad hanc rem pollentiam haberet: quumque id exemplis quibusdam demonstrassem, ceperunt nonnulli obtestari ut quæ meditata haberem scripto secum communicarem. Atque ea quidem harum Exercitationum origo est. Institueram autem initio, ea quæ ad Theoriam pertinent, tanquam ex Institutionibus Catecheticis, Systematibus Theologiæ & Locis quos vocant Communibus nota, supponere: atque duntaxat agere, ut fidei dogmata ad Christianæ Pietatis praxin referrem. Sed quum in ipso Professionis primordio versarer, & ex me quoque intelligere gestirent Auditores mei, quo ordine, & quo argumentorum selectu dogmata ista tractanda existimarem, ne hac quoque in parte peritiori eorum volui deesse. Hinc factum est ut in ipsa dogmatum è Sacris Literis repetitione fuerim aliquando prolixior, & occasione ita ferente τῶν ὑποφρονούντων torsiones refutaverim. In argumentorum autem selectu, & tractandi methodo, mea quadam usus sum libertate, qua puto fraudandum non esse eum qui veritates omnes, quarum professione Ecclesia

## Ad Lectorem.

*Christi ab erroneis quibusvis cœtibus distinguitur, usque adeo fartas testas esse cupit, ut nihil in tota vita agat libentius, quam iis illustrandis, confirmandis & ad verum suum usum transducendis, omnem suam operam impendere. Christiani sumus. Unum habemus Magistrum & Doctorem infallibilem, Christum. Ad homines ubi devotum est, tunc unius semper sententiam sequi, non id curiæ, ut eleganter alicubi Seneca loquitur, sed factionis est. A qua ego me alienum esse profiteor, fore spondeo. Non me cuiquam mancipavi, nullius nomen fero, multum magnorum virorum iudicio tribuo, aliquid & meo vindico. Non defuere tamen quibus displicerit imocua hæc libertas; quam ut ego invideo nulli, ita nec mihi invidendam fuisse autumavi. Aliqui non satis me ubique ἀρχαίων locutum fuisse opinantur: alii indignantur prolixius, quod novis hypothesebus, ac prophetiarum periodicis interpretationibus, non per omnia adurrexerim. Ut ceteros taceam, quibuscum altercari mihi nunquam libebit; Vir Clarissimus, JOHANNES VANDER WAEYEN, Collega quondam meus, amicus ac necessarius, postquam à se ipso dissidere cepit, divortium etiam cum amicis fecit: & quum antea non pessime de me sentiret, mutata postmodum velificatione, in plerisque suis scriptis, qua vernaculis qua Latinis, non mea tantum, sed & me ipsum notandum, exagitandum ac traducendum sibi sumsit; ea animi impotentia, eo fastu atque arrogantia, ea fingendi audacia, ea convitiandi licentia, ea contumeliarum protervitate, ut omnes humanitatis, æquitatis atque honestatis leges vel ignorasse, vel certe tunc oblitus fuisse videatur. At quo meo crimine? Nullo equidem; nisi quod pro Professoris Theologi officio, sine partium studio, sine cuiusquam infestatione, modeste sententiam meam dixi super iis, quæ his annis disputata inter eruditos sunt: & quod, homo meticulosioris ingenii, animo præfagii, & Principibus Viris prænuñciavi, turbas illas quibus ab aliquo jam tempore quassata fuit Ecclesiarum Frisicarum tranquillitas. Vehementius id mihi doluisset, nisi eodem modo exceptos cernerem alios quorum venerabile in Ecclesia nomen est, atque eum imprimis Virum, quo in diffusissima pariter atque accuratissima omnis sacra literatura peritija maiorem fortassis nunc orbis Reformatus non habet, cujus ipse olim VANDER WAEYEN non Collega, sed Auditor, Discipulus atque Admirator fuit. Si isthac sibi ratione cum Symmptis suis agendum esse Vir Magnus existimet, per me quidem sua fruatur indole; modo eam Deo atque Ecclesiis adprobet. At ne sirit unquam Deus, ut ea ipsum ripa sequar. Id semel sibi dictum habeat: ad convicia ipsius aeternum mihi ipse impono silentium; operam per Dei gratiam daturus, ut non verbis, sed factis refellam. Non tam præclare de ipso, tam abjecte de me, tam inique de lectoribus sentio; ut viros prudentes atque æquos ex contumeliis ipsius sententiam laturos verear. Si quid interim monstraverit quod ad clariorem & distinctiorem veritatem Divinarum cognitionem adiumento esse queat, quo id*

*cunq̃ue*

## Ad Lectorem.

cunque modo fuerit propositum, habebitur tamen gratia. Ex iis sum qui cotidie amant proficere, nulliusque mortalium monita respuunt, modo fida sint ac salutaria. Gavisus equidem fuissē, si plura mihi discere licuisset ex ea quam nuper edidit Summa Theologiæ Christianæ; neque existimasse causam mihi irarum datam, quod aliquoties per multas paginas me i' notatum viderem, si iis id fuisset factum rationibus quibus minus exacta perceptionis aut mala *εγγειφθεως* convinceretur animus. Nunc id liquido deprehendo, quod per nimiam sive occupationem, sive festinationem, mea alicubi non satis porceperit; atque inde eas mihi absurditates impegerit, à quibus alienissimus sum. In aliis id me valde solatur, quod, si errem, errorem eum communem habeam cum præstantissimis, imo & plerisque Ecclesiæ nostræ doctoribus: nec quidquam mihi vitio verti possit nisi quod receptiorem tueor sententiam. An perite & pertractate, ansecus; ignoscat mihi Vir Clarissimus, si alios arbitrari malim qui animo magis defæcato ad hæc sacra accedant, minusque quam ipse suis indulgent adfectibus. Male cuncta ministrat Impetus. Ego vero uti credo me non esse *ἀναμάχητον*, ita meas cespitationes nolim obeffe veritati. Quod passim exprobrat candoris defectum, id nescio quomodo à quoquam mortalium aliter refutari possit, nisi videnti protestatione sinceritatis, illiusque ipso facto demonstratione ubi quis convincitur erroris. De animo enim judicare illius est qui solus renes ac corda scrutatur. Abdita mentium cœlesti menti reservanda: nec pectoris fibræ pulsandæ cuiquam & referandæ, nisi qui eas fecit. Profecto autem nihil a me cuiquam attributum esse, nisi quod ab ipso ita dictum scriptumve existimaui: Si mentem cuiusquam male expressero, non data id factum esse opera, sed & *ἀελοφία*; quam monitus ita corrigam, nulla ut querela remaneat materia. Sponte offero

*Σπόγγον ἀκεστόν, πλαζομένης γραφίδος.*

Spongiam, aberrantis quæ medicina stili est.

Id unum obtestatus, ut eodem & alii agant candore, neq; quæsitis verborum involucris obnubant sententias, quas ubi commodum est, apud suos tradunt explicatis. Nunquam illud à me factum: sed quod verum sanctumq;, quod verbo Dei consentaneum credidi, hoc quam potius disertissime semper expressi; neque cuiusquam mortalium gratiam captans, neque offensam metuens. At non committam ut odiosa earum rerum qua ad præsens institutum non pertinent disceptatione fastidium lectori creem. Erit suus huic causæ locus in tertia editione illorum librorum quos de Oeconomia fœderum Divinorum scripsi; ubi omnibus rite atque in timore Domini pensatis, & profecissis me ostendam, & eos laudabo per quos profeci, & bene dicta cordate tuebor. Hæc amicorum hortationibus Anno 1689. dederam, ne silentium meum aliquorsum, ut solet, traheretur. Postea usu venit ut quod futurum esse credabam, libri de Fœderum Divinorum œconomia tertium recunderentur: in qua editione excusatus sum quod animo destinaveram, eâ sacrarum reverentiâ literarum, eâ equitatis, modestiæ, mansuetudinis, & erga dissentientes comitatus, ut maiore non potuerim. Tu, Lector, quisquis pius, peritus, atque extra partes positus es, iudica: Deumque mecum ora, ut Spiritus ipsius bonæ deducat nos in semitam rectam.

Valde

Valde Venerabili Viro ,  
**HERMANNO WITSIO**

Academicas in Symbolum Oecumenicum  
Exercitationes edenti ,

Doctōri & Præceptori , optimo, incomparabili ,

S C A Z O N.

**A**T quo Calore quove conciti motu  
Meritas Tibi speremus eloqui laudes  
Titulosque , WITSIO? quò rapis Tui plenos  
Vi blandiore, quosve ducis in saltus

Succo fluentes atque cœlico rore ,  
Quo terra ocellus ille sacrosanctorum  
Potor fluentorum , illa Terra Belgarum ,  
Cœlestioris proma conda Doctrina ,  
Nil divius nil purius bibit quidquam ?

Jam diu diserta vldimus rudimenta  
Sacri laboris : quamque teste fers Cœlo  
Scientiæque & Conscientia laudem  
Miramur olim. Seu minacis Interpres  
Tonantis ærumnabile illud abs alto  
Quod quondam Amosides onus tulit Vates ,  
Diamque Litæm altamque sapius causam ,  
Ter maximi optimique Numinis causam ,  
Jussus redordiri , impiata vineta  
Putator ambis , sordidumque labruscas  
Præitum laborum traducesque silvestres  
Sterilesque truncos atque degener colle  
Recidis omni rejicisque sarmentum.  
Seu infæcto , & oris inverecundi ,  
Et obstinato calcitrare Livori ,  
Cordata quàm facunda non minùs scripta  
Reponis , & non absque tadio multo  
Cuncta eloquentum ulcisceris piè , menti  
Bona intonatum devovendo , & edurum in  
Caput benignos colligendo carbones  
Multum adstupenti. Quis modestior Paci  
Silentium donare ? fortior verba  
Præbere Vero ? ne sibi furor pugna  
Insanientis aut Scientia turbo

Doctrina

Doctrina honorem poscat, ille divinis  
Humana miscens, aetheremque terrenis  
Spurcans salivis; neu loquax strepat caelo  
Tonante Rana. Promptior quis exemplo  
Monituque Honestum urgere, & ipsa Virtutis  
Ostendere edita templa, ne boni vultum  
Mentita culpa devium trahat vulgus?  
Non aliter animo sic recepit in terris  
Sic hausit aethram, seculique venturi  
Faciemque propinquiore contigit visu,  
Tantumve toto limpidam Deo merisit,  
Pavitque mentem. Porta cui poli tanto  
Patuit hiatus? perviam alta colorum  
Cortina in adyta quem profundius misit  
Quae Caelitum gens ipsa cernua gestit  
Inspexere fronte? Namque grandibus quis non  
Adiurgat orsis, dum Salutis augusta  
Momenta libras singula, aviternumque  
Pars Sacramentum, & verenda consulta  
Divini Senatus, Aetherique jurata  
Primae fœdera, fœderumque difformes  
Leges renarras; improbosque Sponsoris  
Magni Labores, & laboribus pactam  
Pretium, futurum ordinemque fatorum,  
Flos lactea explicas medulla, & utrumque  
Vetus Novumque clave duplici Tempus  
Aperis, reique duplicem sacra vultum  
Animum bifrontem exporrigendo complexus  
Morâ atque metâ competente deformas  
Mundique ab incunabilis recentes per  
Ecclesiae juvenantiores atates,  
Nec una fidei pullulantis augmenta,  
Choragium omne, tota quo stetit quondam  
Mosis potestas, anxiasque spes Patrum  
Ac vota, longe edisseris, tot umbrarum  
Vestita schemate, tot typis figurata,  
Enigmatum crepusculis tot occulta,  
Oraculorum rapta per tot ambages,  
Tam multiformi tracta fymate: integram  
Nutu Dei perenni dadalo textam  
Telam affabrè dum denique, ô adorande

*Divinitatis Archymista divine,  
Non simplici stupendus arte detexis?*

*Seclo tamen debere pergit & fama  
Sublimis illa & ambulare per doctas  
Mens sueta curas, nesciique mentiri  
Per cuncta Libri: discutitque, & ex sacri  
Anquirit usque latifundiis agri  
Tot ruderatum opinionibus Verum,  
Coloribus tot imitantibus sparsum,  
Scintillulasque fenerat nova luci  
Jam funeratas: nec nigrante defossa  
Aurei talenta pectoris tegit cryptâ  
Sed paginâ benigniore plus mihi  
Transcripta donat seculo. Illicet præsens  
Toti orbis auditorio labor surgit,  
Janque in celebri se recens die jactat,  
Quo Christiana scita plebis, & nuda  
Publicaque verba, Scriptor, & fidem casta  
Antiquitatis sequeris, ut præit simplex  
Deoque digna Religio, nec infausto  
Paratragediata Veritas fuko.  
Heic hospitalis illa portio ingentis,  
Quem possides, Dei, ingenique inexhausti  
Vegens accenmen, & sacrum eloqui pondus  
Se prædicandis oppido explicant signis,  
Dum mentis illud ignea entheum lumen  
Toto theatro spargis, immerentique  
Tot expetenda dogmata imputat ævo,  
Multum disertis expedita pagellis.*

*Agnosce Lector, æstimaque, non lentè  
Orbe erudito se quod approbat, tanti  
Tam luculentum munus instar Auctoris.  
Non somnia his imaginosa, non nugæ  
Chartis laboriosa inambulant, quales  
Sicci solentes litoris legunt nautæ  
Bullas sonoras, quasve nubium aurigæ  
Ventosiores, ut populo palam vendant,  
Nebulas sequuntur. Non nuces vides cassas,  
Adfanasve, pectorisve fastosos  
Vapidi tumultus, qualibus cerebrosi  
Libros amant implere Phantasi curis,*

*Quos*

*Quos musca cum proboscide , atque vexato  
 Quæstus juvat labore nodus in scirpo.  
 Sacrario isthoc mascula illa creatos  
 Se venditat Sapiencia osa Doctores,  
 Cælestis illa , tota quanta divina ,  
 Nihil profani noxiiq̃ue contrectans ,  
 Non insolens , non aucupans novos sensus ,  
 Lasciuientis seculi & senescentis  
 Funestius dubium an frequentius crimen ;  
 At strenuum illud integrans sine ampullis  
 Lenocinantibusque inaniis Verum ,  
 Quod cade signatum Dei Redemptoris ,  
 Crucibus , quadrigis , eculeisque fundatum ,  
 Tormenta per mille atque mille per mortes  
 Fuso cruore Martyrum , intulit calo  
 Animosa virtus , sancta sed Fides terris  
 Regina stabili sancit sacramento  
 Heu ! illa aviris dum stetit tkolis , felix ,  
 Pietaticultrix antequam evaporavit  
 Aetas Parentum , qua sacris procul rixis ,  
 Dissentiendi sordidoque pruritu ,  
 Non glande pasta vel rudi tamen fæco ,  
 Non fece pota vel sophisticis sputis  
 At nec malo libidinantiore luxu ,  
 Sed flore lactis , sed liquore Sionis  
 De fontibus scaturiente contenta ,  
 Sciri negata scire non nimis quarens ,  
 Diviniores se excitabat ad curas ;  
 Nunc exul , exspes , improbisque vab ! fæc  
 Contusa colaphis , quando perdidit fractas  
 Circum-malorum fraude-venta Tutorum  
 Res sacra vires , dogmatumque nascentum  
 Profano aceto lota , inelegantique  
 Postposita pellici , & pedisseque iussa  
 Vices obire Virgo , vilior scorto ,  
 Vab ! impotente Virgo , vidit extremum  
 Nefas suorum : quando pristinum Candor  
 Sanctumque nomen , & modestus illorum  
 Scrutator ardor , que silentii sacrum  
 Post supparum verenda providum Nomen  
 Nec vult videri tota , tota nec condi ,*

*Puraque concors Veritatis adfectus  
 Sororiâ cum Caritate proscriptus ,  
 Orbemque totum demigrans sub extremam  
 Concessit Arcton ; indidemque porrigo  
 Subiit novandi , & immodesta libertas  
 Per sacra eundi , per profana , per fas &  
 Nefas ruendi , quâ procacior quemque  
 Trahit lubido , & illa cochleâ in morem  
 Cuniculosâ hypocrisis lantens testâ ,  
 Intraque se reposta cratibus septem  
 Longe reductis , Religioque plus centum  
 Plicis striata : quando flebile Europa  
 Pomum momordit ; ambitusque non viles  
 Venatus animas ; pestilensque & haut unâ  
 Sanabile anticyrâ usque & usque rixandi  
 Corda cacoëthes insolenter infedit ;  
 Studiisque tot divortiisque discordes  
 Famosa Erimys usque lancinat fratres ,  
 Odiisque scindit. Unde tanta pugnandi  
 Talisque rabies ? candidis quis indixit  
 Hæc bella calanis ? amæ dura Cadmeis  
 Enata sulcis se novissimè in nostris  
 Reseruit agris ferream seges fratrum ,  
 Cerita pubes , quæ , vidente ridente  
 Hoste , invicem se conficit suis telis ?  
 Parum cruentos ergo visa sumsisse  
 Orchestra vultus , luctuosa quamdudum  
 Bellona gressu concurret cothurnato ,  
 Formidoloso Europen efferans cantu  
 In se manûs convertere & suas gnatas ,  
 Aquilisque prohibens & Leonibus somnos ;  
 Nisi igne sacro se quoque & sacris pascat  
 Vulgus favillis , mobile & suo semper  
 Favens periculo ? Ah ! digna pluribus perdis  
 Gens , quàm quibus quotidie peris , damnis  
 Non absque sumtu ! quem Sinona , quod maris  
 Ferale Dolopum credula invehis monstrum ,  
 Dolitura serò , ( & serò , scis , Phryges quondam  
 Sapere ) nunc quod triste guadium gaudes ?  
 Quid si docentis ipse , Lector , haurires  
 Responsa ab ore , nemo qualia audivit*

*Tripodium*



Tripodum minister, mysticosque sermones,  
 Quos ore profert, nec supinus auditor  
 Venerabili suspendereris ab vultu?  
 Credes? at immo credere istud hinc ausis  
 Fassure mecum: graphica WITSII dextra, &  
 In secla ituras illinens stilus chartas,  
 Vinci nisi ore WITSII nequit solo;  
 Nec ultimâ felicitatis in parte  
 Mecum putaris, pectus illud, os illud  
 Coram tueri quisse, & inclytas coram  
 Tacitâ stupere quisse mente virtutes.  
 Nam plura nunquam videris simul monstra,  
 Opesve plures: neminemque spectâris  
 Absolvere omnes ex decore sic scenas.  
 Absconsa magni sive Codicis sensa  
 Pubi emedullans simplici docet visu,  
 Acieque mentis liberalis erectâ,  
 Eniti in altum: duplicis quod est Agri  
 Nimique lyncis, hoc foco his procul sacris  
 Exesse jussu; & atra candidis confert,  
 Incerta certis, cumque turbido errore  
 Opinionem noctis haut minus fontem  
 Exarmat, alma notionis ut puro  
 Dies in auro fulgeat: nec aprica  
 Nimbofa flamma copiam arceat lucis:  
 Seu eruditis armilustriis adstes  
 Quæstorque pulcris consecraneam bellis  
 Format juventam; quisque tutius dirum  
 Cataphracta virtus hostem adorta defendat;  
 Quis pertinacem fundat & stygi mactet,  
 Tela elaborat administer, & tota  
 Qua sanctiore fornicis penetrâli  
 Vetus supellex vel novella servatur,  
 Enumiando promit arma tironi.  
 Seu copiosum cymbulâ equor ingressus  
 Solenne Remis ad celestina lentatis  
 Cælestiorum lina dogmatum tendit,  
 Zephyrosque poscit, aliusque subnecta  
 Dicentis illa haut æmulanda majestas,  
 Præsens adspirante Numinis flatu  
 Ingens in ævum mergitur: sacrique ipse

Fluentis instat medius aureo templum  
 Sophiæque doctos imbuit lares fluxu  
 Jam ripâ inaudax semilibrumque intra  
 Spatiatus alveum, nec fragosus incedens  
 Nimiûsve rerum, jam per aggerem praecepto  
 In obvias se plebis inserens aures  
 Torrentiorem, & incitos simul fastûs,  
 Apicesque honoris & superbia colles  
 Altasque scelerum criminumque radices  
 Fundo revellens; saxaque ipsa facundâ  
 Convulsa strage tabito emovens limo,  
 Placide verendus: plurimùm tamen lene  
 Admurmurantis more rivuli labens,  
 Propter sonori marginem cavum topi,  
 Quem creber ambiat sititor, illum  
 Vado videri, & roscidum & suum semper,  
 Animisque titillante cereis flecti,  
 Et gratioso blandus incidens sensu,  
 Pra quam fluentis pura guttula electri,  
 Tenerrimoque vulnerans sono pectus,  
 Securque circum ludibundus & fibris  
 Penitus inerrans. Palpitare tunc castis  
 Corda entheata gaudiis; decentesque  
 Ridere fletûs, pra dolore, sed lato  
 Singultientes, flere risus, at motu  
 Voluptuoso, quando melleus fandi  
 Danaëio se pondere in sinûs ipsos  
 Penetrat imber, atque amabilem plenis  
 Si qua est animula miscella, vagula, sol  
 Rorem propinat poculis. Simul dulcis  
 Siticulosa flore musteo Suada  
 Inebriatur auris, & simul sancto  
 Lymphatur æstu, seculique despectum  
 Mens & suave radium imbibit vita,  
 Ardetque superas jugiter peremantes  
 Non eloquendi fluminis catarractas,  
 De fonte calum purius refundentes,  
 Lautamque vivis amphoris sitim stinguit  
 Sub vorticosi mersa Numinis lymphis.  
 Verende WITSII, cujus insidens labris  
 Divina Peitibo sacro sancta stillantem

Latio-

Latioque Patrioque Tullio humectat  
 Et invidendis uberat favis linguam,  
 Fandi potentem quando suspicit magnas  
 Hiantes & aure & ore devorans voces  
 Juventa totis destinata divinis,  
 Tantoque cætus, si bonum suum novit,  
 Felix Magistro, & insolente famosi  
 Monitore Recti. Pande mentis angustos  
 Doctor recessus. Vindica fidem Vero,  
 Lumen Lyceo, gloriam ingenii fama,  
 Scientiam Orbi, Conscientiam Calo.  
 Jam vindicasti. Laudibus tuis ecce  
 Subscribit Æther, docta natio applaudit,  
 Invisus atrum Livor atterit dentem,  
 Reddunt honorem idonei aestimatores,  
 Faventque linguis; vilis umbra post omnes,  
 Meus Tuarum cultor ille virtutum,  
 Litatque farre simplici, indifertumque  
 Ineruditus carmen adstrepit Scæzon:  
 Ex pro salute, pro laboribus longum  
 Superstitandis, grande, ritè quod vortat!  
 At impetrabile, ore suscipit votum,  
 Ut sospitem Æther commodet diu terris  
 Patriaque profuturum; ut oris ac mentis  
 Non penitendos illa demetat fructus,  
 In postumisque sero discat absentem  
 Quæsisse chartis, tunc Sionios inter  
 Scriptum Quirites, Cælitum Senatorem.  
 Sine hac Tibi accini, Professor, & nostra  
 Interpretare gratitudinis partem  
 Quas candidas conatur, ô genus Divum,  
 Amor loquelas. Cernitis? polo latè  
 Nititur emicat præsegius. Annuit votis  
 Virtus Olympi, longiusque Te nobis  
 Servare velle, Te decoris exemplum  
 Animamque. Ipsa, Livor hoc audi,  
 Eternitatis Diva præstes & fama,  
 Felicibus qua dat libris perrennare,  
 Rerumque trux vorator omnium Tempus,  
 Genium hisce Scriptis, inclutamque & ingentem  
 Laude usque germinante præstat ætatem.

ISACUS TREUGHORN, Dantiscanus.

*Nomina Ornatissimorum Juvenum qui Respondentium vices in Exercitationibus hisce Academicis sustinuerunt.*

## In Academia FRANEQUERANA.

**S** Alomon Opitius, Lesna Polonus 1675. 29. Sept.  
Thomas Ecken, Regiomonto Borussus. 20. Octob.  
Tiardus Greidanus, Franequera Frisius. 4. Decemb.  
Rombertus Itfma, Sneca Frisius. 1676. 17. Mart.  
Regnerus Ens, Bolswardia Frisius. 7. Jun.  
Sebastianus Reinhardus, Bremenensis. 8. Novemb.  
Alexander Dennis, Regiomonto Borussus. 1677. 16. May.  
Andreas Pama, Sneca Frisius. 16. May.  
Rintius Meilsma, Oldega Frisius. 29. Junij.  
Samuel Audzjejevicz, Lithuanus 20. Octob.  
Johannes Nelenus, Wormera-Batavus. 24. Novemb.  
Johannes Böshafi, Ungarus 1678. 29. Jun.  
Ernestus Sigismundus Crellius, Berolino Marchicus. 16. Octob.  
Henricus Cramer, Vesalia-Clivensis. Norimb.  
Henricus Ratbergen, Wormera-Batavus. 4. Decemb.  
Jacobus de Clyver, Mattiacus. 1679. 15. Febru.  
Franciscus Gellides, Leovardia Frisius. 22. Febru.  
Andreas Gottlieb Hefius, Anhaltinus. 1. Mart.  
Henricus Warendorp, Winsumo-Omlandus. 12. April.  
Abrahamus Acronius, Hufuma-Frisius. 28. Octob.  
Andreas Austen, Dantiscanus. 3. Decemb.  
Petrus Roldanus, Enchusa-Batavus. 1680. 31. Mart.

## In Academia ULTRAJECTINA.

**H**ermannus van Zure, Ultrajectinus. 1680. 22. May.  
Petrus Lastdrager, Tvviskâ-West-Frisius. 20. Octob.  
Johannes Best, Ultrajectinus. 10. Novemb.  
Stephanus P. Kiskomaromi, Ungarus. 1681. 12. & 16. Febr.  
Stephanus R. Szombati, Ungarus 18. & 23. Febr.

EXER-

## EXERCITATIO PRIMA.

DE

## SYMBOLI APOSTOLICI AUCTORIBUS ET AUCTORITATE.

## B R E V I A R I U M.

1. *Historiam Symboli copiose exposuerunt Usserius, Voëtius, Vossius, Heideggerus.*
2. *Apostolos Symboli Auctores esse, Romana Ecclesia credit.*
3. *Et quidem singulos Apostolos suam quemque articulum dixisse.*
4. *Imò quid quisque dixerit in numero se habere opinantur.*
5. *Quod ex inscriptione & vocabulo Symboli, ut & Patribus, & Ratione, probare conantur.*
6. *Verum enim vero hæc vel incerta, vel falsa sunt.*
7. *Nam neque inscriptio Apostolici est Authentica, & tale dici potest, non ob efficientem causam, sed ob materiam.*
8. *Neque Symbolicam collectionem notat; & si notaret, referri id posset, non ad colligentium, sed ad collectorum pluralitatem.*
9. *Id quod ex Patribus desumitur argumentum admodum vacillat.*
10. *Quod a Ratione petitur magis obest, quam prodest.*
11. *Contrarium longe probabilius esse, variis argumentis evincitur.*
12. *Singulos Apostolos sententiam suam dixisse, pene ridiculam videtur.*
13. *In prima Christianismi simplicitate nullum fuit Symbolum præter illud Christi, Mat: XXVIII.*
14. *Ceterum crescentibus hæresibus varii articuli lapsu temporis additi sunt.*
15. *Auctoritas hujus Symboli magna est, non tamen summa.*
16. *Non est precandi formula.*

**D**octrinam Symbolo Apostolico succincte comprehensam Academicis exercitationibus explanaturus, ut ab illius Auctoribus & Auctoritate ordiar ipsa me res monet. Hanc autem eruditionis Theologicæ partem Maximi Viri, *Jacobus Usserius, Gisbertus Voëtius, Gerardus Johannes Vossius, & Johannes Henricus Heideggerus*, omnes immensæ propemodum lectionis, tam copiose pertractarunt, ut secuturis otium fecisse censei debeant. Mihi saltem nihil hic restat, nisi ut, in gratiam eorum qui nobis dant operam, quæ illi fuscè exposuerunt, & locupletibus luculentisque ex omni Antiquitate testimoniiis confirmaverunt, in summam contracta, hac diatriba exhibeam.

II. Apostolos vere Auctores Symboli esse quod ipsorum circumfertur nomine, pro tam indubitato Ecclesiæ Romanæ Doctores communiter tenent, ut præfactam esse temeritatem dicant illud in quæstionem vertere. Traduntque Apostolos jam Spiritu Sancto plenos, antequam Hierosolymis, Evangelium prædicaturi, quaquaversum discederent, tam sui causæ, ne, diversa docendo, alii ab aliis alienis fierent animis, quam Ecclesiæ causæ, quo certam ea haberet formulam, quam baptizandis exponeret, collegisse.

Symb. Apost.

A

gisse

Historiam  
Symboli co-  
piose expo-  
suerunt Usserius, Voëtius, Vossius, Heideggerus.

Apostolos  
Symboli  
Auctores  
esse Romanæ  
Ecclesiæ cre-  
dit:

gisse verba quædam brevia & certa, expedita sententiis, sed diffusa mysteriis, & continentia compendium quoddam eorum, quæ quisque corde ad justitiam credere, & ore ad salutem confiteri debeat: atque ita natum esse illud quod nunc habemus Symbolum. Quo autem tempore illud factum sit, pro certo determinare non possunt. Quibusdam id contigisse existimantibus, mox ubi Spiritus Sanctus in Apostolos descendit: aliis vero id referentibus ad tempus quo Herodes, non Antipas [quod magno Vossio excidit Thesi VI]. sed Agrippa, in Judæorum gratiam, crudeliter Christianos persequebatur. Qua de re legere est Act: XII.

Et quidem singulos Apostolos suum quemque articulum dixisse.

III. Cæterum aliud addunt; non ab uno aliquo, cui id operæ datum erat, Concilii Apostolici nomine, formulam hanc concinnatam esse; sed Apostolorum singulos suum quemque articulum dixisse, eaque factum esse ratione, ut articulorum numerus numero Apostolorum exacte responderet. Ita ut singuli articuli essent à singulis per expressionem, totum Symbolum à quolibet per approbationem.

Imo quid quisque dixerit in numerato se habere opinantur.

IV. Et nequid nobis in tanti momenti negotio lateret, placuit Annalium Ecclesiasticorum Conditori Baronio, ad An: XLIV. certiores nos facere, quem cuique Apostolo articulum debeamus: laudata B. Augustini auctoritate, qui de Tempore, Sermon: CXV. sic scripsisse perhibetur. Petrus dixit: Credo in Deum Patrem, Omnipotentem. Johannes dixit: Creatorem Celi & Terræ. Jacobus dixit: Credo & in Jesum Christum, filium ejus Unicum, Dominum nostrum. Andreas dixit: Qui conceptus est de Spiritu Sancto, natus ex Maria Virgine. Philippus ait: Passus sub Pontio Pilato, crucifixus, mortuus, & sepultus. Thomas ait: Descendit ad inferos, tertia die resurrexit à mortuis. Bartholomæus dixit: Ascendit ad Cælos, sedet ad dextram Dei Patris omnipotentis. Mattheus dixit: Inde venturus est judicare vivos & mortuos. Jacobus Alphæi: Credo & in Spiritum Sanctum, Sanctam Ecclesiam Catholicam. Simon Zelotes: Sanctorum communionem, Remissionem Peccatorum. Judas Jacobi: Carnis resurrectionem. Mattheus complevit: Vitam æternam. Amen.

Quod ex inscriptione, & vocabulo Symboli, ut & Patribus, & Ratione, probare conantur.

V. Hæc omnia, ne temere credulitatem suam hujus modi traditionibus addixisse videantur, variis argumentis firmatum eunt. Ac primo quidem inscriptione pugnant, qua diferte hæc formula Apostolis vindicatur. Cur enim Symbolum hoc Apostolicum in omni Ecclesia Christiana vocaretur, si Apostolos Auctores non haberet? Secundo ex Symboli vocabulo id colligunt. Quod collationem notare putant: qualis coena est collatio, ubi singuli convivarum suam conferre solent portionem: inde, inquit, nomen datum hisce fidei capitibus, quia Apostoli singuli, ad hoc veluti spirituale epulum, indubitatum aliquod contulerint caput fidei. Sive, ut sua eos lingua loquentes audiamus: Symbolum, inquit Gabriel Biel, in distinct: XXIII. quæst: unica. art: I. lib: III. deducitur à sin, quod est con, & bolos, particula vel morsellus, quasi particularium collectio: nam quilibet Apostolo-

entem particulam suam, quasi bolam suam, apposuit. Tertio nubem testium ex antiquitate producant: quorum ingenti numero in III de Trinitate Genebrardus pugnat. Imo si Sixtum Senensem audimus Bibliotheca Sancta Lib. II. Omnes Orthodoxi Patres affirmant, Symbolum ab ipsis Apostolis conditum. Impri-  
mis Rufinum laudant, qui historiam concinnationis Symboli fuisse profecutus est. Quarto ab utilitate id suadente, vel etiam iubente, ita argumen-  
tantur: expedivit ut Apostoli discessuri ab invicem normam primæ futuræ præ-  
dicationis in commune constituerent: ne forte, ab aliis alii abducti, diversum quid  
his, qui ad fidem Christi invitabantur, exponerent: quæ Rufini verba sunt. Sic ergo vel utile, vel necessarium fuit, ab initio formulam aliquam con-  
fessionis exstare, Apostolorum respectu. Minus adhuc tali Symbolo Eccle-  
sia carere potuit. Opus enim fuit ut Baptizandi ederent fidei confessio-  
nem: hæc autem brevis esse debuit, & plena, planaue: talem vero  
Apostolicum esse Symbolum cernimus.

VI. Verum utut hæc ingenti confidentia dicantur, plurimosque, ex nostris etiam, astipulatores inveniant; tanti tamen non sunt, ut cum præ-  
stantissimo Chamero, Pamfr: Lib. IX. de Canone Cap: X. dicere non audea-  
mus: Esse ab Apostolis Symbolum sic compositum, si non falsum, certe, quod proxi-  
mum falso esse nemo negat, incertum est. Non inutile est hominum animis ejus  
generis præjudicia evellere. Agedum itaque singula argumenta ad  
calculos vocemus.

Verum  
enimvero  
hæc vel in-  
certa, vel  
falsa sunt.

VII. Quod ad primum attinet: Apostolicum vulgo hoc Symbolum vo-  
catur. Sed quæritur primum, qua auctoritate, tum quo sensu, ita vocetur? Fieri potest ut ex communi & inveterato præjudicio id nominis  
fortitum sit; undetamen nihil certo concludi potest. Ne quidem Sa-  
crorum Librorum inscriptiones omnes, & subscriptiones Epistolarum  
Pauli, authenticas, fatisque certas esse, eruditissimi Viri observarunt. Et  
quis id de inscriptione Symboli asseveraverit? aut si asseveret, qui proba-  
verit? Demus tamen à prima sui nativitate, & recte quidem, Symbolum  
hoc Apostolicum dictum esse: ne tum quidem quod intenditur satis con-  
fectum erit. Ita enim dictum esse credibile est, quoad materiam, non  
quoad causam efficientem: quia continet ea fidei capita, quæ ex Aposto-  
licis scriptis desumpta sunt. Sane Symbolum Ecclesiæ Hierosolymitanæ,  
ab hoc nostro, & sententia, & verbis, diversum, Apostolos Auctores non  
habet, & tamen vocatur à Cyrillo, Catechesi XVI II. *ἡ ἀποστολικὴ πίστις*, Traditio Sancta & APOSTOLICÆ fidei. Neque, opinor, Ni-  
cenæ Synodi decreta Apostolos Auctores habuerunt: de iis tamen Atha-  
nasius dicit, *αἱ τῶν ἐν ἐκείνῳ χρόνῳ ἀποστολικαὶ*, Hodiernæ Synodi scribunt APO-  
STOLICÆ. Hoc est, Apostolicis Scriptis convenienter.

Nam neque  
inscriptio  
Apostolici  
est Authen-  
tica, & tale  
dici potest,  
non ob effi-  
cientem  
causam, sed  
ob materiam.

VIII. Minus adhuc roboris in secundo argumento est. Nam, si lar-  
giamur Symbolum esse collectionem, vel collationem, ita dici posset, non

Neque Sym-  
bolum col-  
lectionem

notat ; & , si  
notaret, re-  
ferri id pos-  
set, non ad  
colligen-  
tium, sed ad  
collectorum  
pluralita-  
tem.

Id quod ex  
Patribus de-  
sumitur ar-  
gumentum  
admodum  
vacillat.

ob colligentium, sed ob collectorum pluralitatem: in cuius rei signum *Athanasius* solus Symbolum collegit : [si modo id *Athanasii* sit] quæ non inerudita *Cajetani* observatio est, ad *Thoma secundam secundæ, Quæst* : I. *Art* : VIII. Verum non largimur Symbolum significare collationem, sive coenam collatitiam. Talem Græci non σύμβολον, sed συμβολήν nuncupant. Sane *Aristophanis* interpreti σύμβολη δίδωται ἐν τῇ ἐκ κοινῆ συντεταμένῃ. Quod ante *Vossium Casaubonus* quoque ad *Athenaum* monuit *Lib* : III. *Cap* : XXXI. & *Matthias Martinus* in *Etymologico*. Diffiteri tamen nolo, *Hesychium* σύμβολον, inter cæteras significationes, per, συμβόλιον quoque interpretari. Quæ *Biel* similesque Scholastici de bolis nugati sunt, erudito hoc seculo refutatione sunt indigna. Symbolum ergo dicitur hæc formula, quia est veluti tessera pacti, quod in Baptismo inimus cum Deo, & velut Sacramentum militare, quo fidi Christo milites à perfidis desertoribus facile distinguuntur. Hoc sensu de συμβόλῳ στρατιωτικῷ insignibus militaribus loquitur *Herodianus Lib* : II. *Cap* : XIII. Optime *Maximus Taurinensis* de *Tradit* : *Symb* : Symbolum tessera est & signaculum, quo inter fideles perfidosque secernitur.

IX. Tertium argumentum, ab Auctoritate Patrum desumptum, tanti momenti non est, uti quidem prima fronte videtur. Nam I. Observavit Polyhistor *Vossius*, ante annum quadringentesimum, neminem id quod nunc tantopere urgent Pontificii scripsisse; neminem etiam aliquanto post, nisi qui in Romana, vel Italica, vel saltem Occidentali degeret Ecclesia. Illi vero qui tam procul ab Apostolorum ævo abfunt, non sunt idonei primæ Antiquitatis Auctores. II. Adde quod supposititia videantur quædam. Sane sermo ille cxv *Augustini*, unde probat *Baronius*, quam Apostolus quisque sententiam dixerit, pro genuino ab aliis non habetur. Quod *Baronius* dissimulare non fuit ausus. III. Ipse *Rufinus*, cuius testimonium hic in prima acie collocari solet, non est Pontificiis testis ἀντιπύδου. Sic enim *Bellarminus*, *Libro de Scriptor* : *Eccles. Num* : CCCXC. In *Apologia pro Origene* multa mentitur, ipso *Hieronymo* teste. Et *Possevinus* in *Apparatu Sacro*, tom : II. p. 358. scripta *Rufini* vocat *Labyrinthum* : dicitque hanc facile judicari posse, cuius ingenii aut fidei *Rufinus* fuerit. IV. Neque *Rufinus* tamen Symbolum ab Apostolis conditum esse confidenter pronunciat : sed id *Majores tradidisse* scribit : indicans se in eo plurimum quidem sequi opinionem; non tamen id pro certa historia habere. Et, quemadmodum *Erasmus* in suo ad *Parisiensium* Censuram responso notavit, in media narratione non dicit, *Apostoli*, sed, *qui Symbolum tradiderunt* : velut incertus, à quibus id factum sit. V. Prætenfa traditio etiam antiquissimos quandoque Patres misere decepit, licet eam ex illorum haberent ore, qui Apostolorum Auditores credebantur. Quibus non imposuit *Papæ*, *Zelotæ* quidem illius, sed tamen nimis creduli & superstitiosi, traditiones Apostolicas venditandi lubido? Quis ignorat *Cyprianum* cum suis tradi-

tionem



tionem Apostolicam obtendisse pro suo anabaptismo ? quam tamen Romana Ecclesia, non magis quam nos, pro genuina agnoscat. Gnorismata quibus traditiones genuinæ à spuriis dignoscantur tam sunt inevidentia, totaque adeo traditionum materia tam Cimmeria involuta caligine, nihil ut inde certi, & quod assensum imperet, demonstrari queat. Atque ita tertium quoque argumentum cadit.

X. Quarta ratio talis est, ut suspectam merito eam pro qua profertur sententiam facere debeat. Nam neque Apostoli tali prædicationis suæ Canone & unionis vinculo indigebant, quippe Spiritus Sancti pleni, qui ducebat eos in omnem veritatem : neque à Baptizandis in initio Christianismi alia exigebatur fidei professio, à simplici illa qua se credere dicerent in Christum, sive in Patrem, Filium & Spiritum Sanctum. Uti liquet in Baptismate illorum de quibus agitur in Actis Apostolicis. Ita ex examine argumentorum patet, non posse ex illis demonstrari Apostolos Auctores illius Symboli esse, quod vulgo eorum nomine circumfertur.

Quod à Ratione petitur magis obest, quam profect.

XI. Quanquam hæc sufficere deberent ad destruendam hanc hypothesein ; quæ credi non debet, quia probari non potest : ex abundantia tamen argumentis quibusdam ostendemus, quam parum illa verisimilitudinis habeat. I. Si Apostoli Symbolum tale communicatis consiliis condidissent, quod inter ipsos vinculum unionis, & toti Ecclesiæ brevis credendorum norma foret, non est credibile Beatum Lucam, qui actus Apostolicos, eos etiam qui longe minoris momenti sunt, accurate descripsit, hoc tantum negotium tam profundo silentio transmissurum fuisse : vel Apostolos ipsos, in Epistolis suis, nihil de tanta re fuisse monituros. II. Non omisissent etiam Prisci Patres, contra hæreticos disputantes, ad hoc Symbolum provocare, quod utilissimo compendio potuissent & debuissent facere, si quidem illud ab Apostolis concinnatum esse constitisset. III. Nunquam venisset Sanctis Patribus in mentem, tot Symbola & confessiones cudere, quæ perfectione multum cederent Symbolo quod Apostolorum dicitur. Non potuit id aliunde provenire, nisi quia illud plenius planiusque nondum natum notumque erat. IV. Non fuisset tanta, pro diversitate Ecclesiarum, in Symbolis diversitas, si Apostoli Symbolum aliquod, iis sententiis, eo ordine, iis verbis, Ecclesiæ Universali tradidissent. Nunc autem Symbolum Hierosolymitanum, quod *Cyrillus* explicuit, & sententiis, & ordine, & verbis, à vulgari non parum discrepat ; uti accuratâ collatione demonstravit *Vossius*. Quam vero Ecclesiæ Symbolum fidelis retinuisse credibile est, eâ ipsâ in cuius medio id conditum esse volunt ?

Contrarium longe probabilius esse, variis argumentis evincitur.

XII. Porro singulos Apostolos sententiam quemque suam dixisse, tam parum probabile est, ut pene ridiculum videatur. Parumque abest quin veneranda hæc fidei formula isthuc modo in insolenter consutum

Singulos Apostolos sententiam suam dixisse

se, pene ridiculum videtur.

centonem transmutetur. Quis à se impetrare potest ut credat, *Petrum dixisse: Credo in Deum Patrem Omnipotentem: Johannem addidisse: Creatorem Celi & terræ*, & sic porro? articulis aliquando male divulsis, male junctis. Quid non ausa est temeritas, ut justum numerum duodenarium articulorum inveniret, respondentem scilicet numero Apostolorum? Quid? an duo distincti articuli sunt: 1. *Credo in Deum Patrem omnipotentem* 11. *Creatorem Celi & terræ*? Quos tamen ita discerpunt, ut hunc Johanni, illum Petro tribuant. An unus articulus est, *Descendit ad inferos: Tercio die resurrexit ex mortuis*? Quas duas distinctissimas sententias, quarum illa ad humiliationem, hæc ad exaltationem Christi pertinet, in unum conflant, & *Thomæ* adscribunt. An unus est articulus, *Credo in Spiritum Sanctum, Sanctam Ecclesiam*? Quam *Jacobi Alphæi* esse dictitant. Hæc imperitiora sunt, quam ut fidem apud prudentes mereantur.

prima Christianismi simplicitate, nullum fuit Symbolum præter illud Christi. Mar: xxviii: 19.

XIII. Quid ergo de Symbolo hoc tenendum est? Brevibus id quod vero propius videtur exponemus. In prima Christianismi simplicitate nullum aliud Symbolum invenitur, præter id quod Christus tradidit *Mat: xxviii: 19. Ite & docete omnes gentes, baptizantes eos in nomine Patris, Filii, & Spiritus Sancti.* Hoc Symbolum nudum fundamentum est, ad quod antiqui Patres sæpe provocarunt. Loca quædam, ex plurimis, Venerandus *Voëtius*, Præceptor mihi omni observantia colendus, adduxit; quorum unum atque alterum hic dabo. *Athanasius in Epistola ad ubique Orthodoxos, & Oratione contra Sabellium, & contra Arianos: Summa, inquit, & corpus totius nostræ fidei continetur in verbis Baptismi, & fundatur in illa Scriptura: Ite & Baptizate omnes nationes in nomine Patris, Filii, & Spiritus Sancti. Augustinus similiter, sermone in Symbolum. Hanc fidei normam ipse Dominus noster Jesus Christus instruxit, & nemo nisi impius de ea Catholica fidei regula dubitat, quam ille dixit, cui fides ipsa debetur. Ipse ergo Dominus noster Jesus Christus, quem jam glorificatus resurrexit à mortuis, in calum ascensurus ad Patrem, hæc sacramenta fidei discipulis reliquit. Ait enim, euntes baptizate omnes nationes in nomine Patris, Filii, & Spiritus Sancti.*

Cæterum crescentibus hæresibus varii articuli lapsu temporis additi sunt.

XIV. Cæterum crescentibus cum tempore hæresibus non licuit Ecclesiæ in ea simplicitate manere. Lapsu ergo temporis varii articuli nudo huic fundamento superstructi sunt, quibus Ecclesiæ doctrina ab hæretica, item Ecclesiæ filii ab hæreticis, & eorum sectatoribus, fecernerentur. Patet id ex eo, 1. Quod Antiquissimi Scriptores, *Martialis, Ignatius, Justinus, Irenæus, Tertullianus*, quum summam fidei recensent, ultra Trinitatem non progrediantur: *Hilarius, initio Lib: II: de Trinit: solam Trinitatis professionem sufficere debuisse multis disputat; quod additum, hæreticorum excludendæ importunitati acceptum ferendum esse. In eandem sententiam it Paschasius, Præfat: ad libros de Spiritu Sancto. II. Constat Articulum de Descensu ad inferos in multis Symboli editionibus*

non comparuisse. Ipse *Rufinus in Expositione Symboli*, cap: xx. testatur suo tempore eum in Symbolo Ecclesiæ Romanæ & Orientalium Ecclesiarum defuisse. Esse autem eum ex Symbolo *Athanasii* in Symbolum Apostolorum intrusum, ab hominibus qui non animadverterunt in eodem Symbolo desiderari articulos mortis & sepulturæ, conjectat *Molinæus Tom: 1. Thesi: Sedanens: p. 581.* Cæterum de hac re prolixius & accuratius suo loco dicendum erit. III. Epithetum, *Catholicæ*, Ecclesiæ datum, Apostolorum ætate ignotum erat. Neque agnovit illud *Rufinus*. Et verisimile est *Catholicæ* nomen apponi cœpisse, ut Ecclesia, quæ toto orbe obtineret, distingueretur à conventiculis Hæreticorum, & Schismaticorum: qualia erant Novatianorum, & postea Donatistarum. Unde concludimus, non esse hoc Symbolum unius Auctoris, vel unius Concilii; sed labentibus seculis, varia occasione, à variis, multis accessionibus locupletatum: exstantibus tamen veteris fundamenti, cui reliqua superædificata sunt, indiciiis.

XV. De *Auctoribus* quod satis est locuti, nunc de *Auctoritate* videamus. Statuimus ergo, I. Merito huic Symbolo Majorem Auctoritatem tribui, quam reliquis quæ exstant omnibus. Quia & sententiis plenum, & verbis perspicuum, & ordine concinnum est: & tam generaliter in Christianismo nunc receptum, ut pro Christiano haberi non debeat, qui id proterve rejecerit. II. Quia & quoad sententiam cum S. Scriptura exacte convenit, & verbis Scripturæ plerumque, paucissimis vocabulis exceptis, expressum est; ut materialiter Divinum & Authenticum dicatur, non repugnamus. III. Quoad formam tamen, & singulorum articulorum dispositionem, scriptum mere humanum est: quod per se non obligat ad fidem, sed quia ex Scriptura Canonica desumptum est, & cum ea per omnia convenit. IV. Non ferimus ergo ut formaliter pro Authentico habeatur, non minus quam verbum Dei scriptum, quod contendunt Pontificii; aut fere Authenticum, quomodo nonnulli ex nostris minus caute locuti sunt: quia Auctoritas Divina, quum non nisi summa sit, gradus non habet. Si ab Apostolis, à Spiritu Dei actis, prolatum est: non fere, sed vere est Authenticum. Si non est prolatum ab Apostolis, vel Apostolicis viris, infallibilis Spiritus instinctu, uti non esse probatum supra dedimus; neque vere, neque fere est Authenticum. Nullum intermedium, aut quasi, hic potest habere locum.

Auctoritas  
hujus Sym-  
boli magna  
est, non ta-  
men sum-  
ma.

XVI. Unum adhuc monendi sunt juniores: pessime scilicet, in Ecclesia Romana, Symbolum Apostolorum, pro formula quadam orationis haberi: cui puerili errori Doctores ipsorum occasionem vel fomentum dederunt, vocando illud, *Hymnologiam Catholicam*, & *Hierarchicam Eucharisticam*. Distinguendæ sunt tres illæ notæ formulæ: Decalogus, Oratio Dominica, & Symbolum. In Decalogo Deus loquitur Homi-  
nibus.

Non est  
precandi  
formula.

nibus. In Oratione, Homo loquitur Deo. In Symbolo, Homo loquitur & Deo, & hominibus. Uti Oratio distincta est à Lege: ita & Symbolum distinctissimum est ab Oratione.

---

E X E R C I T A T I O I I  
DE  
ARTICULIS FUNDAMENTALIBUS.  
B R E V I A R I U M.

1. *An omnes, & soli, necessarii articuli Symbolo contineantur.* 2. *Necessarium quid dici potest, ad Salutem, ad Religionem, ad Ecclesiam.* 3. *Necessariorum cognitio vel magis vel minus explicata est.* 4. *Plura cognoscenda sub N. T. quam sub V.* 5. *Nihil pro fundamentali articulo haberi debet, quod in Scriptura non reperiatur.* 6. *Et quod ibi evidenter propositum non sit.* 7. *Id solum pro fundamentali articulo tenendum, sine quo neque fides, neque resipiscentia potest consistere.* 8. *Eum quoque articulum fundamentalem esse patet, cui, si non teneatur, annexuit Deus comminationem exitii.* 9. *Non illud omne fundamentale est, quod annexam habet promissionem vite.* 10. *Sed fundamentale est quod scriptura fundamentum vocat.* 11. *Et sine quo id quod necessarium est nec credi, nec cognosci potest.* 12. *Denique quod res ipsa docet non minus, vel etiam magis, necessarium esse eo, quod ut tale in Scriptura proponitur.* 13. *Horum utriusque discrimen.* 14. *Necessariorum articulorum non aequè distincta in omnibus scientia præcise necessaria est.* 15. *Necessariorum articulorum numerum determinare vel impossibile, vel difficile admodum est.* 16. *Neque id oppido necesse est: sive singulos spectes: 17. sive universam Ecclesiam.* 18. *Non omnes articuli necessarii Symbolo continentur.* 19. *Quo sensu omnia Symbolo contineri quidam dixerint.* 20. *Neque omnia eo contenta necessaria sunt.* 21. *Qualia tamen non male sunt inserta Symbolis.*

An omnes,  
& soli, ne-  
cessarii arti-  
culi Symbo-  
lo conti-  
neantur.

**Q**uam non semel Symbolum Christianismi tesseram esse dixerimus, quæritur non immerito, an omnes articulos necessarios & fundamentales contineat, & an omnes quos continet protulibus debeant censer? Cui quæstioni satisfieri non potest, nisi primo explicatum sit, quid per articulos necessarios & fundamentales intelligatur, & quæ eorum sint utriusque. Tam autem abstrusum hoc negotium est, ut etiam sagacissimi quique Theologorum senserint hic sibi hærrere aquam; & vix quisquam inventus sit, qui vel ipsi sibi, nedum aliis, omni ex parte satisfecerit. Nos quoque hic ali- quid, cum aliis, & post alios, conemur.

II. Ad

II. Ad pleniorē hujus rei intelligentiam distinctiones aliquot præmitti necesse est. Et *primo* quidem, dogmata quædam *necessaria* dici possunt, ad *Salutem*, vel ad *Religionem*, vel ad *Ecclesiam*. Ad *Salutem* necessarium est, sine cujus cognitione & fide Deus adultos non facit salvos: ad *Religionem* necessarium est, sine cujus professione & praxi nemo censi potest Religiosus: ad *Ecclesiam* necessarium est, sine quo nemo ad communionem Ecclesiæ visibilis assumitur. Potest aliquid esse sine quo quis ad Ecclesiæ communionem admitti non debeat, cui non ideo statim omnis derogetur religio, vel salus. Nemo confestim eum quem non ausit condemnare, ad Ecclesiæ idcirco suæ communionem promiscue admittet, cujusunque opinionis vel sectæ sit. Et in Religione, quæ sub præceptum cadant manifestum est; at quousque error & peccatum in aliquo tolerare possit, vel ite, Dei benignitas, ut adhuc servetur; vel quid illud minimum sit, sine quo neminem servat Deus, quis dixerit? Hæc est distinctio Clar: *Hoornbeeck Socin: Confut: Tom: I. p: 209.*

Necessarium quid dici potest, ad salutem, ad Religionem, ad Ecclesiam.

III. *Secundo*, dogmatum ad salutem necessariorum *cognitio* varios habet gradus: vel enim est clara, distincta, certa, cum firmissimo assensu; vel est confusior, & magis implicita, vacillans etiam quandoque, & assensum habens non sine lucta: prout revelatio Divina, & dispensatio mediorum salutis, & ministerium gratiæ, vel magis vel minus clara, abunda, efficacia sunt. Quanquam necessitate præcepti omnibus incumbat, ut, quantum fieri pote est, ad clarissimam, distinctissimam, certissimam credendorum cognitionem enitentur: tamen duditandum non est, quin immensa Numinis clementia multos cœlo beet, qui etiam præcipuorum articulorum non nisi confusam admodum cognitionem habent, quam verbis suis exponere non admodum idonei sunt. Minimus cognitionis requisitæ gradus hic esse videtur, ut quando articulus ille fidei exponitur, mens eum eatenus saltem apprehendat, ut pro vero agnoscat, & amplectetur.

Necessarium cognitionis, vel magis, vel minus, explicata est.

IV. *Tertio* distinguenda quoque sunt *tempora*. Neque dubitandum est, quin prædicato Evangelio impletionis, plura scitu necessaria sint ad salutem, & cognitio magis explicita requiratur, quam sub Oeconomia Veteris Testamenti. Nam pro mensura revelationis scientiam quoque, & scientiæ necessitatem, augeri consentaneum est. Sub Testamenti Veteris Oeconomia, quin agente in terris Christo, potuit quis vere fidelis & in statu gratiæ esse, pui Christi passiones, mortem, resurrectionem ignorabat, imo ea prædicanti Christo obloquebatur, ut patet exemplo Petri, Mat: xvi: 21, 22. & qui in Messiam quidem generatim credens, nesciebat tamen Jesum illum Christum esse, quemadmodum ex historia Cornelii Centurionis constat. Act: x: 2: 4. Non tamen, opinor, quisquam hodie eum pro vere fidei agnosceret, qui hæc de Domino Jesu ignora-

Plura cognoscenda sunt sub N. T. quam sub V.

ret : minus, si iis, quando ipsi exponebantur, obloqueretur. Bene *Thomas Aquinas*, in *Secunda Secunda Quæst* : 1. *Art* : VII. *Articuli fidei temporum successione creverunt, non quidem quantum ad fidem, sed quantum ad explicitam & expressam professionem : nam quæ explicitè & sub majore numero à posteris credita sunt, eadem omnia à superioribus Patribus implicite & sub minore numero credita sunt.*

Nihil profundamenti articulo haberi debet quod in Scriptura non repertur.

V. Distinctionibus hifce præmissis, primo generatim in articulo- rum fundamentalium inquiramus : tum specialius investigemus, an cer- tus eorum numerus determinari queat. Utaliquid pro articulo funda- mentali habeatur, hæc requiruntur. 1. Ut reperiatur in Scriptura : quip- pe quæ perfecta omnium ad salutem sciendorum, credendorum, facien- dorum, norma est, & potest nos *οὐσίαι αἱ σωτηρίας*. 2 Tim : III : 15. Quod nunc adversus Pontificios, & Enthusiastas supponimus.

Et quod ibi evidenter propositum non sit.

VI. II. Ut clare in Scriptura reperiatur, adeo ut vel simplicissimus quisque, modo attendat, id in Scripturis doceri facile pervideat. Ratio est, quia salus non modo præparata est sapientibus & qui perspicaci præ- diti sunt ingenio, sed etiam pueris & infantibus in Christo. 1 Cor : 1 : 25. Mat : XI : 25. Clare autem in scripturis extare censenda sunt, non mo- do quæ totidem verbis ibi leguntur, sed & quæ per evidentem, omnibus- que attendentibus obviam, consequentiam, inde deducuntur. Nam per consequentias etiam fundamentales fidei articulos probatum passim ivere Christus & Apostoli. Non tamen ita hæc intelligi debent, quasi funda- mentales articuli *ubique* tam clavis & cuivis intelligibilibus verbis in Scri- pturâ proponerentur, & ea res pro fundamentalis articulo habenda non esset, quæ aliquo in loco ita proponitur, ut vel eruditorum exerceat in- dustriam. Nam quum Deus eandem veritatem *πολυτρόπως καὶ πολυτέλειαν* in Scriptura doceat, id sine cujus fide non contingit aliquem servari ali- quando ita clare proponit, ut nemo attendens, & Spiritu Sancto illumi- natus, id ignorare, nemo, non contentiosus, id in dubium vocare queat : aliquando etiam ita involvit, ut obscuriora cum clarioribus conferendi necessitatem studiosis imponat. Non consistit autem cognitio articuli fundamentalis in intelligentia hujus vel illius Scripturæ loci, sed in scientia illius veritatis, quæ hic fortasse obscurius indigitatur, sed alibi clare, imo clarissime, exponitur. Neque tamen tantam hic claritatem cum Remon- strantibus requirimus, uti illa solum pro fundamentalibus habeamus, quæ apud Christianos omnes in confesso & apertissimi juris sunt, adeoque nec controversa sunt, nec controversi possunt. Etenim juxta hanc regu- lam vix quicquam relinquetur quod Ethicam Gentilium, & Theologiam Muhammedicam de Christo, superet. Vere dixit *Clemens Alexandrinus Stromat* : lib : 1. *Nullam existimo Scripturam adeo feliciter procedere, cui nullus contradicat.*

VII. III. Ut talis sit sine quo neque fides in Christum Dominum, neque praxis veræ resipiscentiæ, consistere possit. Quippe uti fieri non potest, ut quis sine fide Deo placeat; Heb: xi: 6. ita sine sanctimonia nemo videbit Deum Heb: xii: 14. Verbi gratia, quum fieri non possit ut quis in Deum credat, nisi norit eum esse, & veracem esse in omnibus dictis suis; quum item fieri non possit ut quis eum amet colatque, nisi credat eum esse remuneratorem eorum qui ipsum quærent: asseveranter dicendum est, articulos de Existentia & Veracitate Dei, & retributione mercedis, fundamentales esse. Præterea quum salus non contingat sine Christo; Act: iv: 12. per Christum nemo adultus servetur nisi mediante fide; Marc: xvi: 16. fides autem cognitionem supponat: Rom: x: 14. necesse est ad salutem ut Christus cognoscatur. Joh: xvi: 3. & xx: 31. Porro quum Deus honorare non velit, nisi honorantes se: i Sam: ii: 30. & qui Filium non honorat is neque Patrem honoret - Joh: v: 23. Filius autem honorari rite nequeat, nisi pro eo agnoscatur qui est, verus & ὁμοῦς cum Patre Deus, Joh: x: 30. & eo nomine Patri ὁμοῦς, intrepide statuimus, articulum de vera Deitate Christi fundamentalem esse.

Id solum  
pro funda-  
mentali arti-  
culo re-  
nendum,  
sine quo  
neque fides,  
neque resci-  
piscencia,  
potest con-  
sistere.

VIII. IV. Dubitari nequit quin talis articulus fundamentalis sit, cui, si non admittatur, Deus, supposita Evangelii *ἰσχυρία* & benignitate, annexuit comminationem exitii. Dico, supposita Evangelii *ἰσχυρία*: nam alias omnis culpabilis ignorantia, cujuscunque veritatis à Deo revelatæ, juxta legis rigorem, damnabilis est. Ex hac regula concludimus, articulum de incarnatione Christi fundamentalem esse. Johannes quippe scribit, Epist: i. Cap. iv. 2. 3. *Quicumque Spiritus profitetur Jesum Christum in carnem venisse, ex Deo est. At quicumque Spiritus non profitetur J. C. in carnem venisse, non est ex Deo.* Ratio hujus regulæ hæc est, quia nemo unquam servatur, in quo illud est, propter quod, etiam supposito Evangelio, se à coelo homines excludere declarat Deus.

Eum quo-  
que articu-  
lum funda-  
mentalem  
esse patet,  
cui, si non  
teneatur,  
annexuit  
Deus com-  
minationem  
exitii.

IX. Addiderunt quidam, eum quoque articulum fundamentalem esse, qui annexam habeat promissionem vitæ æternæ. Verum id universale non est. Exempli causa, de Prophetiis Apocalypsios dicitur. Apo: i: 3. *Beatus qui legit, & beati qui audiunt verba Prophetiæ hujus.* Temere tamen inde quis concludat, Prophetias Apocalypsios esse articulos fundamentales. Ratio est, quia non omnia ea ad quæ Deus salutem promittit talia sunt, ut singulorum absentia mox in statu damnationis ponat. Nam supponunt id sine quo non contingit salus, licet non necessario neque semper id sequantur. *Qui crediderit & baptizatus fuerit, servabitur,* dicit Dominus. Marci xvi: 16. Inde tamen non sequitur baptismum tam necessarium esse, ut sine eo nemini obtingat salus. Nam ipse Dominus baptismi mentionem omittit, quando enuntiationem hanc affirmantem in negantem convertit, dicens solummodo, *qui non crediderit, condemnabitur.* Nam

Non illud  
omne fun-  
damentale  
est quod  
annexam  
habet pro-  
missionem  
vitæ.

fieri non potest ut quis adultus bene baptizetur nisi credens : etiam si fieri possit ut quis vere credens non baptizetur.

Sed fundamentale est quod Scriptura fundamentum vocat.

X. v. Pro fundamentali quoque articulo id tenendum est, quod Scriptura *fundamentum* vocat : sive expressis id verbis fiat, sive æquipollentibus. Ita doctrina de Christo Domino, ejus persona & officiis, fundamentum à Paulo nuncupatur. I Cor. III : II. *Nemo potest aliud fundamentum ponere præter id quod positum est, quod est Jesus Christus.* Hoc est, nemo potest aliam doctrinam fundamentalem docere, quæ se juncta sit à doctrina de Christo. Huc quoque referri potest quod Christus Petro dicebat : Mat. XVI : 18, *Super hac Petra ædificabo Ecclesiam meam.* Id est, vel super me ipso, quem confessus es, vel super hac doctrina quam professus es, me Filium Dei asserendo. Doctissimus Camero, sagax scripturarum interpret, animadvertit, verba Pauli I. Tim. III : 15 : 16. ita jungi posse : *Columna & firmamentum veritatis, & sine dubio magnum est pietatis mysterium, Deus conspicuus factus est in carne, justificatus est in Spiritu, &c.* confertque eum hoc loco initium nobilissimi operis Maimonidis יסוד היסוד ועמוד החכמות *fundamentum fundamenti & columna sapientia est, scire quod Ens aliquod primum detur.* - Jacobus Capellus, vir profundissimæ eruditionis, constructionem hanc approbans, eam quoque Andrea Melvino & Johanni Frabricio placuisse testatur. Additque Irenæi testimonium ; ex quo colligit, videri eum ita quoque legisse. Sic enim Irenæus tertium librum suum inchoat : *Non enim per alios dispositionem, & inveniunt, salutis nostra cognovimus, quam per eos per quos Evangelium pervenit ad nos : quod quidem tunc præconiterunt, postea vero per Dei voluntatem in Scripturis nobis tradiderunt, FUNDAMENTUM ET COLUMNAM fidei nostra futurum.* Non admodum ab simile est Basilii Seleuciensis dictum, *Sermone in Mat. XVI : 16. de confessione Petri.* *Αὕτη γὰρ ἀληθείς ἡ νοθεύσις ἡ Πίτρεα, αὕτη στήριξις ἡ κρηπίς, τὸ τοῦ πύλου τὸ ἄλφειον, ἡ ἀληθείς. Στερεὰ λίθος.* Hæc enim verè Pietatis Petra, hæc salutis basis, hic fidei murus, hoc veritatis fundamentum est. Scultetus in notis suis hæc pie pariter doctèque observata fatetur. Neque abludit Johannes Henricus Ursinus, *Analectorum Libro VI. Cap. XXXV.* Et sane, modo auctoritate Veterum codicum juvarentur, nulla mihi expositio videretur plausibilior. Quæ si admittatur, jam summam fundamentalium articulorum breviter expressam haberemus, quæ in ruborem Socinianos dare posset, blasphemantes de persona Christi vix quicquam cognitu necessarium esse.

Et sine quo id quod necessarium est nec credi nec cognosci potest.

XI. VI. Hoc quoque omittendum non est : si posita re quapiam uti cognitu necessaria, ea intelligi non possit, nisi alia quæpiam intellecta creditave ante fuerit, & hæc utique in necessariis habenda erit. Verbi gratia. Necessarium cognitu est, servari nos sola gratia Domini nostri Jesu Christi. *Nam si quis aliud Evangelium prædicet, præter hoc, is sit anathema,* Gal. 1 : 8. Id autem neque intelligi neque credi potest, nisi sciamus nos

per



per peccatum in tam profundum miserie barathrum præcipitatos esse, ut liberatio nostra nostram, omniumque adeo creaturarum, valentiam superet. Atque ita ex necessitate articuli de liberatione nostra, valide concludimus necessitatem articuli de nostra miseria.

XII. VII. Denique, si expressum fuerit, cognitum necessarium esse id, quod magis dubium esse debuerit utrum esset necessarium nec ne, & id erit necessarium quod minus fuerit dubium, aut certe non magis. Exempli causa. Docet Apostolus, articulum de justificatione ex fide Christi, sine operibus legis, esse necessarium, quando testatur, eos, qui *justitiam Dei non norunt, & propriam justitiam student constituere, justitiæ Dei subjectos non esse* Rom: x: 1. Hujus articuli demonstrata necessitas evincit necessarium quoque esse, ut sciamus, nos in nobis ipsis iræ Dei & condemnationi esse obnoxios. Quum id multo evidentijs, & cuique se ipsum intuenti magis obvium sit: neque sine ejus rei cognitione ad justitiam quæ in Christo est quærendam impelli queamus.

XIII. Certiora his quæ diximus nobis non occurrunt, neque alibi invenisse meminimus. Hæc autem eo sunt disposita ordine, ut priora duo ostendant, quid pro fundamentalis articulo habendum non sit: sequentia, quid omnino eo loco censi debeat. Nam etiamsi omnis articulus necessarius in Scriptura exstare debeat, & quidem evidenter; non tamen quidquid conceptis verbis in Scriptura traditur, ex: gr: Aaronem natu majorem fuisse Mose, vel Paulum habuisse pemulam, mox necessarium est. Sed id, sine quo neque fides neque resipiscencia potest consistere; quo negato Deus ipse se in cælum neminem intrmittere testatur; quod scriptura fundamentum vocat; sine quo id quod indubie fundamentale est neque intelligi neque credi potest; aut quod, re ipsa docente, non minus vel etiam magis necessarium est eo quod Scriptura necessarium esse testatur: id omne, inquam, ut pro necessario admittatur omnis jubet ratio.

XIV. Illi porro qui ita fundamentales sunt articuli sciri & credi debent à quovis adultæ ætatis Christiano, docto & indocto, à cerdone & fullone non minus quam à Professore Theologo. Ita tamen ut Deus cognitionem minus distinctam minusque explicitam in illis ferat, quibus ingenium habetius, memoria labilior, revelatio obscurior, & ministerium tepidius segniusque contigit; quam in iis ubi omnia contraria obtinent. Interim hoc quoque evenire potest, ut aliquis qui fundamentum tenet, errorem aliquem admittat qui cum fundamentalis articulo pugnat, qui scilicet vel propter hebetudinem ingenii, vel propter institutionis defectum, & imbibita præjudicia, non animadvertit errorem esse, nedum ut animadverteret errorem illum cum fundamento pugnare. Et tum error ille non excludit à salute. Ita in medijs Papatus tenebris servati sunt electi, qui fundamentales veritates tenebant, licet abriperentur ad communes errores.

res, verbi gratia, ad communionem missæ, quam in rei veritate abnegationem unici sacrificii Jesu Christi, & horrendam idolatriam esse, vere Catechesis nostra dixit.

Necessario-  
rum articu-  
lorum nu-  
merum de-  
terminare,  
vel im-  
possibile,  
vel difficile  
admodum  
est.

XV. Quinam autem & quot præcise articuli ad salutem necessarij sint, determinatu si non impossibile, certe admodum difficile est. Nam sine dubio plures fundamentales sunt iis quibus in Scriptura, si non teneantur, diserta exitii comminatio adjuncta est. Et quotquot de hac materia scripserunt, saltem quos nobis videre datum est, quantumvis exiguum articulo-  
rum fundamentalium numerum faciant, ne quidem conati sunt omnes necessarios articulos hoc quo diximus modo ex Scriptura probare. Quisque pro suo captu ratiocinatus est. Quod quam lubricum sit, quis non videt? Accedit, quod Divina gratia tenuissimo quandoque filo electos Christo jungat, & ardentissimæ charitatis flammæ, ac sincerissimum Deo placendi studium, magnumque salutis desiderium in iis se animabus exferant, in quibus perexigua est cognitio articulo-  
rum fidei. Et quis hic, ipso non præeunte Deo, exacte definiat, minimum illud in singulis articulis, ad quod indispenfabiliter alligatum sit judicantis Dei tribunal?

Neque id  
oppido ne-  
cessè est :  
sive singulos  
spectes ,

XVI. Neque oppido necesse est, ut quot præcise articuli Fundamentales sint in numerato habeamus. Nam cuilibet nostrum incumbit, ut summa ope ad incrementum salutaris notitiæ nitamur, ne forte necessaria comperiamur ignorare. Ille nihil adhuc de viis Domini novit, uti oportet nosse, qui non vult, quando potest, plura discere. Cautè admodum Leo Papa dixit: *Concili : Gallic : à Sirmondo editorum tom: II: p: 257. Quisquis ad hoc (de quo quærebatur capite) sensu subtiliori pertingere potest, & id scire, aut ita sciens credere noluerit, salvus esse non poterit. Sunt enim multa sacra fidei altiora mysteria, ad quorum indagationem pertingere multi valent : multi vero aut ætatis quantitate, aut intelligentiæ qualitate præpediti, non valent : & ideo, uti diximus, qui potuerit & noluerit, salvus esse non poterit.* Non ergo requiritur ad consolationem nostram ut numerum articulo-  
rum necessa-  
riorum exacte cognoscamus. Sufficit id generatim scire, eum necessaria tenere, qui Deum, in Christo, ex animo, amare, eique confidere, diciterit: interimque officium omnium esse adolefcere in cognitione mysterii Dei & Christi. 1 Cor: XIV: 20. Eph: IV: 13.

Sive univer-  
sam Eccle-  
siam.

XVII. Nec Ecclesiæ admodum interest præcise necessariorum numero-  
rum tam exacte scire. Nostrum quippe non est involare in tribunal Dei, & de proximo pronunciare ob quantillum scientiæ defectum, quantillumve errorem, cœli mansurus sit extorris. Tutius id Deo committetur. Et etiam si invenissemus, non tamen inde constaret, quinam præcise ad communionem Ecclesiasticam admittendi, qui arcendi sint. Neque enim secure recipias errantem, vel peccantem, in Ecclesia, quem ta-  
men

men propter illum errorem, illud ve peccatum, coelo excludere non audeas. Nec etiam, hoc semel determinato, via complanata esset ad solidam Ecclesiarum pacem; quasi, modo necessaria teneantur, de cæteris anxie non sit laborandum. Nihil enim in veritatibus Divinis, licet una altera momentosior sit, parvum & contemtibile existimandum est, in quo an erres an recte sentias parum oppido intersit. Breviter, si usque adeo utile foret, certum & determinatum articulorum necessariorum numerum habere, Deus, Sapientissimus simul & Benignissimus, hac quoque in parte Ecclesie suæ consulisset, numerumque illum in Scripturis definiisset. Quod quum non fecerit, ex eventu patet necessarium non fuisse.

XVIII. Hisce præmissis ad Quæstionem Thesi 1. propositam respondemus: non omnes articulos necessarios, si id solum quod expressum est consideres, Symbolo contineri. Nihil enim hic est de Verbo Dei, quod fidei nostræ proximum objectum, norma, & fons est; quodque propterea *fundamentum Apostolorum & Prophetarum* dicitur, hoc est ab iis positum, & cui fides nostra inædificari debet. Eph: 11: 20. Nihil de peccato & miseria nostra, cujus cognitio tamen ut unice necessaria inculcatur. Jer: 11: 13. Nihil de justificatione per fidem sine operibus legis, cujus tamen notitiam tanti faciebat Apostolus, ut præ ea reliqua omnia damnum & stercora reputaret Phil: 11: 8.9. & Christi exortes esse, & à gratia excidisse declaret, quicumque per legem justificari volunt. Gal: v: 4. Nihil etiam de Dei adoratione & cultu, & praxi novæ vitæ: quæ exerceri rite non possunt, nisi & cognoscantur & necessaria esse credantur.

XIX. Si qui ex nostris dixerint, omnes fundamentales articulos Symbolo contineri, ii id non eo dixerunt sensu, quasi verborum Symboli recitationem mox pro sufficiente Christianismi signo haberent. Nam fides nostra non in verbis, sed in sensu sita est; non in superficie, sed in medulla, non in sermonum foliis, sed in radice rationis. Nemo hodie hæreticorum est, qui se Christianos dici postulant, quin verbis Symboli facile subscripturi sint, unoquoque tamen sensum quem vult, licet ab Orthodoxia alienissimum, iis affingente. Tum etiam sub expressis in Symbolo ea comprehenderunt, quæ necessario vel supponuntur, vel consequuntur; & sine quibus ea quæ expressa sunt, solide cognosci, sincere agnosci, nequeunt.

XX. Et uti non omnia necessaria Symbolo continentur; ita nec omnia ibi contenta absolute necessaria sunt. Quis enim salutem omnibus iis derogare præsumat, qui fortasse nesciunt Christum sub Pontio Pilato passum esse, & tempus ejus resurrectionis ignorant; & articulum de descensu ad inferos, & de Ecclesia Catholica, vel communione Sanctorum, non intelligunt? Nos tam rigidi esse non audemus, ne perfidi compariamur adversus generationem filiorum Dei.

XXI. Ne-

Qualia ta-  
men non-  
male sunt  
inserta  
symbolis.

XXI. Neque male id, tam à Priscis Patribus, quam ab Ecclesiarum Reformatarum Antistitibus, factum est, ut quædam non præcisè necessaria, & aliis quandoque quam Scripturæ verbis, Symbolis ac Confessionibus inserta sint. Nam quum omnes fidei nostræ veritates admodum pretiosæ, insuperque arcto nexu colligatæ sint, prudenter firmitati necessariorum per stabilitiorem minus necessariorum, sed tamen omni acceptatione dignarum, cautum est. Expedi etiam Ecclesiæ, ut se ab omnibus veritatem pervertentibus sollicitè secernat: maleque illius incoherentiæ consulunt, quamquam sub specioso pacis & tolerantiae prætextu, qui omnes in non præcisè fundamentalibus errantes passim ab ea ulnis exceptos velint. Non decet id castissimam Jesu Sponsam. Et quum hæretici in generalibus ludere solèant, verbaque Scripturæ retinentes alienum iis affingant sensum; necessitas aliquando jubet, ut, quo liquidius seductorum strophæ detegantur, quis genuinus Scripturæ sensus sit, nostris verbis exponamus. Ita τὸ ὁμολογῆν οἱ ὀρθόδοξοι olim Orthodoxi se ab Arianis prudenter distinxerunt. Quicumque ejusmodi formulas calumniantur, & non nisi brevissimas volunt, nudisque Scripturæ verbis contextas, eos aliquid monstrari alere, omnium seculorum experientiâ comprobaturum est.

## EXERCITATIO III

DE

## FIDE SALVIFICA.

### BREVIARIUM

1. Summa dicendorum. 2. Fides salutaria plurima in se comprehendit. 3. Plane quemadmodum vitæ; quippe quæ spiritualis vitæ scaturigo est. 4. Neque ad unam aliquam animæ facultatem adstringi debet, non magis quam liberum arbitrium, & justitia originalis. 5. Quod minus mirum est, quia facultates animæ rationalis realiter non distinguuntur. 6. Attamen inter actus fidei unus aliquis præcipuus est. 7. Neque in praxi fidei tam distinctus ordo est, quam nos nobis in theoriâ proponimus. 8. Ad fidem pertinet cognitio. 9. Quæ tamen in multis admodum implicita est. 10. Summa eorum, quæ cognoscenda sunt. 11. Cognitioni necesse est accedere assensum. 12. Fidei inest παραφορία. 13. Et ὑπόστασις. 14. Et ἰδέσθαι. 15. Unde patet fidei divinæ non posse subesse falsum. 16. Circa certissimas veritates fideles quandoque titubant. 17. Assensum sequitur amor. 18. Hunc fanes & sitis Christi Domini. 19. Hanc excipit receptio Christi Domini. 20. De qua non semel S. S. loquitur. 21. Quæ cum reclamatione in Christum conjuncta est. 22. Explicatio vocis ἰσχυρῶς. 23. Per fidem quoque anima se Christo ut Domino dedit. 24. Hinc oritur Syllogismus

*logismus fidei, cujus conclusio est, Christus meus est. 25. Unde procedit beata animæ tranquillitas. 26. Compendium eorum, quæ dicta sunt. 27. Ex memoratis fidei actibus, quidam antecedenter, quidam formaliter, quidam consequenter, ad fidem pertinent. 28. Fides Historica quid sit, & an rectè ita dicatur? 29. Fides temporaria quid? 30. Differt a Fide salutari I. in Agnitione Veritatis. 31. II. In Applicatione promissionum Evangelii. 32. III. in Gaudio. 33. IV. In Fructibus. 34. Cur singuli dicamus, CREDO. 35. potest quis suæ fidei sibi esse conscius. 36. Quomodo ad illius cognitionem deveniatur. 37. Unde nonnunquam ejus cognoscendæ difficultas. 38. Licet non præcisè ad salutem sit necessarium, multifariam tamen expedit, fidei suæ conscientiam habere. 39. Ad fidei professionem adulti omnes obligantur. 40. Modus professionis in prisca Ecclesia.*

**D**E Symboli Auctoribus & Auctoritate, itemque de Articulis fundamentalibus in genere, quantum instituto nostro sufficere arbitrati sumus, præfati, nunc singula quæ Symbolo continentur propius lustremus; à Prima voce hac exercitatione ordientes. CREDO. Uberem unica hæc vox differendi nobis materiam suppeditat. Quatuor enim res, & eæ quidem maximi momenti, ejus ambitu continentur. I. Ipse credendi actus, five *Fides Salutaris*. II. Actus illius ad cujusque credentis animum specialis appropriatio, ita ut quisque fidelis pro se credat. *Credo, non Credimus*. III. Actus illius conscientia, per quam quisque fidei sibi suæ conscius ac certus esse potest & debet. IV. Fidei in corde residentis & operantis oralis professio. De singulis ordine agemus.

II. *FIDES SALUTARIS*, cujus naturam nunc explicatum imus, non est unus aliquis singularis animæ actus vel habitus, neque ad unam duntaxat animæ facultatem restringi debet, sed est aggregatum quid, constans ex variis actibus, se invicem inconfuse permeantibus, & dulci & gratia se mutuo promoventibus juvantibusque: totius hominis mutationem importat; totius vitæ spiritualis fons, & denique totius animæ sancta erga Deum in Christo *in ipsa* & operositas est. Ideoque sub uno aliquo conceptu universus ejus ambitus vix distincte comprehendi potest.

*Fides salutaris plurima, in se comprehendit.*

III. Nèque mirum cuiquam videatur, quod unius virtutis Christianæ nomine tot simul complectamur. Uti enim quum quis vitam dicit, eo vocabulo id designat, quod se per totam animam, & singulas illius facultates, diffundens, corpori quoque communicatur, & ad omnes viventis actiones se extendit: ita quum de fide loquimur, quæ totius vitæ spiritualis uberrima fcaturigo est, id ea voce significatum volumus, quod omnes facultates permeat, iisque cum Christo uniendis, atque ita vivificandis, sanctificandis, beandis, idoneum est.

*Plane quemadmodum vita, quippe quæ spiritualis vitæ fcaturigo est.*

Neque ad  
unam ali-  
quam ani-  
mæ faculta-  
tem adstrin-  
gi debet,  
non magis  
quam libe-  
rum arbi-  
trium, &  
justitia ori-  
ginalis.

IV. Plura sunt, tam in *naturalibus*, quam in *moralibus*, quæ omnium ferme consensu per universam animam se extendunt, neque uni alicui facultati adstringi sese patiuntur. In *naturalibus*, liberum arbitrium, quod qua *arbitrium* ad *intellectum*, qua *liberum* ad *voluntatem* magis refertur: adeo ut, quemadmodum *Bernardus* nonnullibi loquitur, *homo liber sui sit, propter voluntatem; iudex sui, propter rationem*. In *moralibus*, Imago Dei, & justitia originalis, quæ neque in solo intellectu, neque in voluntate sola collocanda sunt, sed quæ utraque facultas suo sibi jure vindicat.

Quod mi-  
nus mirum  
est, quia fa-  
cultates ani-  
mæ rationa-  
lis realiter  
non distin-  
guuntur.

V. Nonne omnis difficultas tolleretur, & universa quæ inter Theologos agitata est de fidei subjecto controversia componeretur, si, quod jure possumus, realem intellectus & voluntatis, tam ab anima, quam à se invicem, diversitatem esse negaremus? Quid enim aliud intellectus est, quam anima intelligens & cognoscens? Quid voluntas, quam animam volens & appetens? Neutiquam licet nobis animam concipere uti rem in sese brutam & irrationalem, quæ aliâ demum re superveniente intelligens & rationalis evadat. Quod quidam dicunt, intellectum ab anima derivari, quadam emanatione, vix concipi potest qui fiat. Etenim si anima in proprio suo & formali conceptu ratiocinandi vim non includat, non potest illam parere; quum frustra exspectes à causâ quod neque formaliter neque eminenter in se continet. Si anima per sese ratiocinandi virtute polleat, nulla necessitas efflagitat, ut alia aliqua facultas superaccedat virtuti illi qua anima per sese pollet. Similis ratio voluntatis est, quæ non magis quam intellectus ab anima realiter distinguitur. Sed est ipsa anima, quatenus à Deo apta nata est ad appetendum bonum. Ambæ hæ facultates, quemadmodum ab anima, ita à se invicem modaliter distinguuntur. Etenim explicari non potest, si voluntas ita ab intellectu fecernatur ut cœca sit in se, quomodo objectum ab intellectu monstratum ut bonum animadvertere, atque ita rationaliter appetere queat. Et quare, quæso, inter utramque reale constitueremus discrimen? An quod objectum varium sit? Sed utriusque objectum reapse idem est, scilicet Verum Bonum, tametsi ratio considerandi varia sit. Intellectus enim Bonum, quatenus Verum considerat. Voluntas Vero quatenus est Bonum sese applicat. Et nonne intellectus Contemplantis & Practici objecta longe magis inter se dissident? quos tamen unam eandemque animæ potentiam esse Philosophi ferme consentiunt. An quod actus sint diversi? Sed non omnis actuum diversitas potentia diversitatem inducit. Differt sane simplex apprehensio à judicio & discursu: qui tamen ejusdem facultatis actus sunt. Quemadmodum ergo facultatum harum divortium faciendum non est, ita nihil mirum si in utraque fidem collocemus.

Attamen in-  
ter actus  
fidei unus

VI. Hoc interim monemus, inter eos quos descripturi sumus actus, unum aliquem præcipuum esse, in quo formam fidei atque essentiam, quatenus

quatenus nos cum Christo unit, & justificat, consistere existimamus. Quod aliquis probe observandum, in negotio imprimis justificationis, ne quis nonnullos charitatis actus fidei praxi diversimode implicitos, ad causas justificationis trahat.

VII. Porro id quoque tenendum, ea quæ nos ad majorem *dispositionem* distincte singula explanabimus, in ipsa fidei *praxi* variis modis sibi invicem innexa esse. Dum universa anima se huic operi Dei impendit, plurimæ actiones confertim ad Deum Christumque tendunt, nulla certa methodo servata: quas singulas suo ordine digerere nec vacat, nec lubet sæpe fidei in ipso opere occupato; imo vero quandoque nec possibile est. Expectat tamen ut ad naturalem fidei processum attendamus, quo tota illius ratio penitus nobis perspecta sit.

VIII. Primum quod fides vel complectitur, vel supponit, est rerum credendarum *cognitio*. Patet id contra ineptientes Pontificios. 1. Ex differtis S. S. locis, ita de fide loquentibus, ut in ipsius conceptu ac praxi cognitionem involvi manifeste innuant, Jes: LIII: 11. Joh: XVII: 3. col: cum Hab: 11: 4. Joh: VI: 69. 2 Tim: 1: 12. 11. Ex ipsius fidei natura, quæ, quum sine dubio dicat assensum veritati à Deo revelatæ præbitum, necessario præsupponit cognitionem harum duarum rerum. 1. Deum aliquid revelasse. 2. Quidnam illud sit, cui ut Divinitus revelato assentitur. Ut enim quis assentiri dicatur alicui veritati, quam plane ignorat, & de qua non scit ullum fide dignum testimonium extare, alienum est. 11. Ex modo quo fides in electis producit; quod fit *externe*, per præconium & auditum Evangelii, Rom: x: 17. revelantis id quod credi debet, cum demonstratione veritatis ad omnem conscientiam. 2 Cor: IV: 2. & *interne*, per institutionem Dei Patris. Joh: VI: 45. Si ergo fides per institutionem tam externam, quam internam, cordi ingeneretur, oportet ut in cognitione consistat. Nam proprius ac proximus institutionis effectus, est cognitio. 14. Ex adjuncto consequenti, quæ est confessio & *avocatio*. Rom: x: 9: 10. 1 Pet: III: 15. Hæc autem ut sine cognitione sit, fieri non potest. Optime Hilarius: *Nec enim quisquam quod non sapit loquitur, aut, quod loqui non potest, potest credere.*

IX. Fatendum equidem est, in hac mentium nostrarum caligine plurima, etiam à maxime illuminatis, ignorari: multaque, præsertim à rudioribus & pueris in Christo, implicita fide credi, quatenus in genere pro infallibili omnium credendorum principio totam Scripturam admittunt, in qua quam plurima ipsis ignorata continentur, & quatenus *nuptas* Christianismi *dōctas* amplectuntur, in quibus multæ aliæ veritates concentrantur, quæ exinde per evidentem consequentiam deducuntur, quas credunt in suo fundamento. Uti Johannes de fidelibus scribit, eos *omnia scire*. 1 Joh: 11: 20. Quia fundamentum illud fundamentorum, do-

aliquis præcipuus est.

Neque in praxi fidei tam distinctus ordo est quam nos nobis in Theoria proponimus.

Ad fidem pertinet cognitio.

Quæ tamen in multis admodum implicita est.

cente Spiritu, didicerunt, ad quod omnes salutares veritates reducuntur, & ex quo deducuntur. Uterius pergam. Fieri potest, ut aliquis, cui parcam cognitionis portionem admensus est liber bonorum suorum distribitor, Deus, in fide tamen firmissimus sit, ad martyrium usque. Attamen hinc nequaquam sequitur, fidem per ignorantiam melius quam per cognitionem describi: vel, bene eos facere, qui ignorantiam in populo, quasi fidei & devotionis matrem, fovant. contra Col: III: 16. Nullo quippe modo quis potest credere quod plane ignorat. Rom: x: 14. Omnibusque enitendum est, ut fides sua quam minime implicita, quam maxime distincta sit: uti decet eos qui sunt *παραρμήτοι πάσης γνῶσεως*. Rom: xv: 14. Nam quo quis distinctius percipit in lumine Spiritus veritatem à Deo revelatam, & in ea splendentes Divinitatis radios, eo firmius veritatem illam credet. Ipsi illi Martyres, qui cætera rudes erant, clarissime & distinctissime viderunt, veritates illas pro quibus mortem oppetere non dubitabant, certissimas & Divinas esse; etiam si fortassis non multum disputare pro iis valerent.

Summa eorum quæ cognoscenda sunt.

X. Porro ea quæ homini crediturò cognitu sunt necessaria, sunt, in genere, Divinitas Scripturarum, in quam ultima fidei analysi est; specius, ea quæ salutem in Christo obtinendam concernunt: quæ summatim ad hæc tria capita reduci possunt. I. Ut cognoscas, te per peccatum abalienatum esse à vita Dei, & *posteriores factum gloria Dei*: Rom: III: 23. neque fieri posse, ut vel ipse te, vel angelus è coelo, vel ulla in mundo creatura, imo ne tota quidem creaturarum universitas, ex hac miseriæ abyssu extractum in felicem statum restituat. II. Ut cognoscas Christum Dominum, *plenum gratia & veritate*: Joh: I: 14. qui est unicum illud nomen sub coelo datum quo possimus salvari. Act: IV: 12. & in cujus cognitione æterna consistit vita. Joh. XVII: 3. III. Ut cognoscas necessarium esse, si salutem in Christo obtinere velis, ut Christo uniaris per Spiritum & Fidem, eique te non justificandum modo, sed & sanctificandum, & suo arbitratu regendum, tradas, *probans quæ sit voluntas Dei, bona illa, placens, ac perfecta*. Rom: XII: 1.

Cognitioni necesse est accedere assensum.

XI. Cognitioni huic assensus accedat oportet, qui secundum fidei actus est, quo quis ut vera recipit & agnoscit, ea quæ cognoscit; *recipiens testimonium Dei*; atque ita *obsignans Deum esse veracem*. Joh: III: 33. Assensus imprimis fundatur in infallibili veracitate de se ac Filio suo testificantis Dei. I. Joh: v: 9. 10. Cui testimonio, in Scripturis revelato, & Divinitatis suæ radios quaqtaversum spargenti, non minus tuto fidelis innititur, quam si ipse omnibus iis rebus præsens interfuisset. Quando enim anima, collustrata Spiritus luce, Divinas illas veritates cernit, & in iis eximiam quandam *διεπείριον*, & sapientissimum ac indivulsum omnium nexum, non potest non assentiri veritati tot argumentis se ingerenti; sed tam



tam securè id quod ita cognoscit pro certo admittit, quasi ipsa suis id oculis vidisset, vel manibus palpasset, vel in tertium sublimata coelum ex ipsius Dei ore ἀκούσας audivisset. Quicquid ogganniat τὸ φρόνημα τῆς σαρκός, quid contra arguentur vani Sophistæ, licet fortassis non omnibus objectionibus diluendis idonea sit, persistit tamen in veritatis hujus agnitione, quam clare nimis vidit, & certo nimis ex ore Dei audivit, quam ut ab ea ullis se sophismatibus abduci patiatur. Neque enim, inquit, arte compositionis fabulas se κατασκευάσας, quæ non credidi Domini nostri Jesu Christi potentiam & adventum, Sed in Spiritu, ἐν πνεύματι sui τῆς ἐκείνου μεγαλειότητος, & vocem ejus αὐτὸς ἀκούει. 2 Pet: 1: 16: 18. Atque ita fidei adest ὑπόστασις, & ἰσχυρὸς Heb: 11: 1. & πληροφορία. Rom. 14: 21. De quarum Vocum significato non inutile erit quædam monere.

XII. Non semel de πληροφορία loquitur Apostolus. πληροφορίαν συνίστης. Fidei inefficitur Col: 11: 2. & πληροφορίαν τῆς ἐλπίδος Heb: 11: 11. & πληροφορίαν πίστεως. Heb: 10: 22. Juxta etymologiam notat illa vox plenam lationem: metaphora, uti videtur, a navibus desumpta, quum ventis implentur vela secundis. Atque ita hic significaret animi, a Spiritu sancto propulsi, ad assensum perceptæ veritatis vehementem inclinationem. Præstantissimus Græcæ linguæ Magister Hesychius, explicat per βεβαιότητα, firmitatem. Atque eo significato πληροφορία πίστεως nihil aliud est quam ἐνέργημα τῆς εἰς χεῖρας πίστεως, uti has phrasas alternat Apostolus Col: 11: 2: 5. & πληροφορημένα πράγματα sunt negotia de quibus plane fides facta. Luc: 1: 1. Tam firmum ergo esse oportet in homine fideli Divinæ veritatis assensum.

XIII. Ἐμφανισθέντα etiam ὑπόστασις vocabulum est, quo de fide loquens utitur Apostolus Heb: 11: 1. Neque Latini vocem ullam habent quæ hujus vim omnem exprimere sufficiat. 1. ὑπόστασις notat existentiam, sive, ut non nemo ex veteribus dixit, existentiam rei, quo sensu Philosophi dicunt τὰ πρὸς εἰς relata habere ὑπόστασιν, hoc est, esse revera, non autem esse τῆς ἡμετέρας διανοίας ἀνωμαλίσματα, mentis ὀψιστάσματα. Et sane id facit fides, ut res sperata, quæ actu nondum exstat, existet tamen in mente fidelis, qui tam firmiter promissionibus Dei assentitur, quasi rem promissam jam præsentem haberet. Hoc Chrysostomus in animo habuit, quando hunc locum ita interpretatur: ἡ πίστις οὐ παροῦσα, ἀλλ' ἐστὶ ἐν ὑποστάσει, ἀλλ' ἡ ἐλπίς ὑφίσταται αὐτῇ, ἐν ἡμετέρᾳ ψυχῇ. Resurrectio nondum existit in se, sed spes (dicamus nos fides) eam facit & existentem facit in anima nostra. Felicissime idem expressit Scholiastes Græcus, cujus verba Beza adduxit: Ἐπειδὴ γὰρ τὰ ἐν ἐλπίσει ἀποδέσκατα εἰναι, ὡς εἰδὲ μὴ παρόντα, ἡ πίστις ὑπὲρ τὰς αὐτῶν καὶ ὑπόστασις γίνονται αὐτὰ καὶ παρίστανει τρεπὸν τίνα παρασκευάζουσα, διὰ τὴν πιστεύειν εἰναι. Quoniam enim quæ sunt in expectatione posita, essentialiter sunt expertia, ut pote quæ nondum exsint, fides est quædam ipsorum substantia & essentia, quod efficiat quandam ut exsint, atque adeo ut sint præsentia, eo quod illa esse credat. 11. ὑπόστασις

*basin* seu *fundamentum* etiam significat, quo sensu *Diodorus Siculus*, *Gomaro* citatus, *ὡς ἐστὶν τὸ τάφος* dixit, h. e. *fundamentum sepulcri*. Atque eo spectat *Calvini* interpretatio, *fides est hypostasis*, id est, *futura vel possessio in qua pedem figimus*. III. Notat etiam *subsistentiam*, sive *constantiam*, impetui hostili nullo modo cedentem. Ita *Plutarchus* in *Demetrio*; *ὁ δὲ οὐ φεταμένη τῷ ἐναντίῳ, ἀλλὰ φευγόντων, nemine hostium subsistente, sed fugientibus omnibus*. Et *Polybius* in descriptione *Horatii Coclitis*, metuebant *ὅτι ἂν τῶν δυνάμεων εἰς τὴν ὑπέρτασιν αὐτῶν, non tam robur quam constantiam ipsius, nequaquam loco cedentis*. Et sane in fide aliquid est quod omnes tentationum insultus intrepide sustineat, neque ab assensu semel cognitæ veritatis se dimoveri patiatur. Quæ cuncta si jungamus simul, dicemus; fidem tam firmum esse Divinæ veritatis assensum, ut etiam longe post futura quasi præsentia sistat, utque animæ futura sit in qua pedem figat, nulli assultui cedens.

Et ἔλγχο-  
χο.

XIV. Neque præteriri debet quod *Apostolus* fidem vocet *ἔλγχοι* eorum quæ non videntur. *Ἐλγχοι* autem duo notat, I. *Certam demonstrationem*. *Aristoteles*, *Rhetoricorum ad Alexandrum* cap: XIV. *Ἐλγχοι δὲ εἰσι δύο, μὴ δύνασθαι ἄλλως ἔχειν, ἀλλ' ὅτως ὥς ἡμεῖς λέγομεν*. Id est, *elenchus istiusmodi ratiocinatio est quæ aliter se habere non potest; sed ita necessario est uti nos dicimus*.

II. *Convictionem animi* per talem demonstrationem veritatis. Uti *Aristophanes* in *Pluto*, *οὐ γὰρ ἐλέσθαι μὲν ἔγωγε δύναμαι, περὶ τούτου, Νυνδὺν με hac de re convincere potes*. Est ergo in fide, si *ἔλγχοι* fit, certa animi convictio, propter claram & infallibilem veritatis demonstrationem. Demonstratio autem hæc veritatis innititur testimonio fallere nescientis Dei: ex quo ita argumentatur fides; quicquid Deus, qui *ἀποκαλύπτει* est, revelat, id non potest non esse verissimum, καὶ πάντως ἀποδοχῆς ἄξιον, etiamsi fortassis neque oculis id cernere, neque plane assequi queam.

Unde patet,  
fidei Divi-  
næ non  
posse subes-  
se falsum.

XV. Omnia huc tendunt, ut firmitatem assensus qui in fide est doceant, supra quam nulla Mathematicæ demonstrationis certitudo ascendere potest. Quapropter incaute admodum loquuntur, qui contendunt, fidei Divinæ posse subesse falsum. Quam proprium fidei objectum sit testimonium Dei quod necessario verum est, & omni demonstratione certius. Neque ulla Scripturæ loca adduci possunt, quibus aliquid homini credendum proponitur, quod verum non sit.

Circa certif-  
simas veri-  
tates Fideles  
quandoque  
situbant.

XVI. Cæterum alius hic removendus scrupulus est. Si fides tam certus ac firmus assensus est, an ergo illi vera fide destituuntur, qui etiam circa fundamentales veritates, quandoque fluctuant? Resp. I. Nos fidem nunc describimus in idea consideratam, uti virtutem illam Christianam ad cuius perfectionem omnes contendere debemus, non uti aliquando est in subiecto. II. Possunt quandoque in præstantissimis fidelium, præsertim vehementi alicui tentationi expositis, hæitationes, titubationes, dubitationes, inclinationes in contrarium, existere: quod fluctuationes *Asaphi*, *Jeremiæ*, aliorum, circa Providentiam Dei evincunt: sed hæc fidei quædam

dam deliquia sunt, ex infirmitate carnis oborta. **III.** Cum tentationibus istis luctatur continuo fides, non assentitur illis injectionibus Diaboli, vel *opori* *ma* carnis, neque acquiescit unquam, donec in sacrarium Dei introverit, & informante Spiritu fidei, in contemplatione & agnitione earum circa quas titubatur veritatum: confirmata sit. Ibi demum, neque usquam alibi, plantæ pedum suorum requiem invenit.

**XVII.** Assensum hunc sequitur veritatis ita cognitæ & agnitæ amor, atque hic *tertius* fidei actus est, de quo Apostolus 2 Thesi: 11: 10. Etenim quum in veritatibus salvificis clara gloriæ Dei manifestatio sit, non modo quatenus verax est in testimonio suo, sed & quatenus Sapientia, Sanctitas, Justitia, Bonitas, Potentia, cæteræque virtutes Dei in iis elucescunt, fieri non potest, quin anima fidelis, amabiles has numinis virtutes in veritatibus illis cernens, in amorem illarum exardescat, in iis exsultet, & Deum glorificet. Hinc credens dicitur *Deo gloriam dare*, Rom: 14: 20. & *gloriam ejus amare*. Joh: 11: 43. Præsertim deliciatur anima in fundamentali veritate de Christo. Eam ut inestimabilem thesaurum & ingentis pretii unionem diligit. Hæc credentibus *timor* est 1 Pet: 1: 7. hoc est *timor* *caritatis*. Verum quidem est, caritatem stricte loquendo à fide distingui; sed tamen utriusque virtutis actus ita sibi invicem impliciti sunt, ut fidem, neque explicare, neque exercere possimus, sine intercurrentibus quibusdam actibus amoris. Qualis hic quoque est de quo nunc agimus. Quod præstantissimi etiam Theologi ante me observarunt. Ut de aliis nunc taceam, *Chamierus Panstrat: Tom. III. Lib: XII. Cap: IV. Num: XVI. Wendelin: Theol: Lib: II. Cap: XXIV. ad Thesi: VIII. Uterque pro se Augustinum citat: dicentem: quid est credere in Deum? Credendo amare. Videatur item Clar: le Blanc, Sedanensis Theologus in eruditissimis Thesisibus de Fidei justificantis natura* & c: §. xcvi. Si quis autem amorem hunc, Scholarum glossemate, actum fidei imperatum vocare velit, per nos equidem licebit, modo id teneatur, fieri non posse, quin anima fidelis, dum fidem exercet suam, veritates, uti in Christo sunt, cognitæ & agnitæ, sincere amet, gaudens hæc talia vera esse, & in veritate ista delicias: longe aliter ac Diaboli & impii, qui quæ vera esse sciunt, vera esse nollent.

**XVIII.** Hinc exoritur *quartus* fidei actus, *Fames sitisque Christi*. Anima quippe fidelis veritates salutares cognoscens, agnoscens, diligens, non potest non optare, ut ea omnia quæ vera sunt in Christo, sibi quoque vera sint, ipsaque, juxta illas veritates, & per illas, sanctificetur, & beetur. Serioque desiderat, se, propter peccatum alienatam à vita Dei, esse rursus ad gloriam Dei, per gratuitam justificationem, atque in ea per Sanctificationem obsequari. Hæc est *fames* illa & *sitis justitiæ*, de qua Mat: v: 6. Et qua quæso ratione fieri potest, ut is qui se credit sentitque in se ipso longe miserrimum, qui persuasissimus est se nulla re, neque in coelo neque in terra,

terra, è miseria sua liberari posse, qui videt simul plenitudinem salutis in Christo, qui certus est, non posse se salutem consequi, nisi cum Christo uniatur, qui veritatem istam de plenitudine salutis in solo Christo & communione cum eo ex animo diligit; ut is, inquam, non serio & ardentem desideret, Christum habere in se habitantem, hoc quærat, hoc ambiat, & tali quidem desiderio, cui, nisi per possessionem rei desideratæ, satisfieri non potest: uti fames & sitis non sedantur, nisi per cibum & potum.

Hanc exci-  
pit Receptio  
Christi Do-  
mini.

XIX. Famem hanc sitimque excipit *Christi Domini*, ad justificationem, sanctificationem, plenamque adeo salutem, *receptio*. Qui quintus, & is quidem formalis ac præcipuus, fidei actus est. Scilicet, Pater Coelestis animæ ægræ lassæque Filium suum, Christus Dominus se ipsum, cum omnibus beneficiis suis & plenitudine quæ in ipso residet salutis, gratis offert, dicens הַנְּנִי הַנְּנִי, *Ecce me, ecce me*, Jes: LXV: 1. Anima autem suæ jam sibi miseriæ conscia, plenitudinem salutis in Christo cum gaudio & spe animadvertens, ac impense ejus communionem desiderans, non potest non oblatum illud grande bonum, summa cordis lubentia, apprehendere & recipere, atque ita accipiendo suum facere. Et hoc demum actu Christus proprium animæ credentis peculium fit. Ita quicquid Christi est, una cum Christo oblatum, sibi vendicat, & imprimis justitiam Christi, quæ salutis fundamentum est. Atque hoc modo Christum apprehendendo ei unitur; & unita cum Christo, ipsa fecisse, ipsa passa esse censetur, quod Christus, qua sponsor, loco ipsius fecit & passus est. Quo probe animadverso, facile est intellectu, quomodo per fidem in Christum justificemur.

De qua non  
semel S. S.  
loquitur.

XX. Non semel Scriptura hunc huius actum disertis verbis repræsentat. Illustis locus est Joh: 1: 12. ὅσοι ἔλαβον αὐτόν, quod æquipollet τοῖς πιστεύουσιν εἰς τὸ ὄνομα αὐτοῦ. & Col: 11: 6. οἱ δὲ οὐ παρέλαβόντες τὸν χριστὸν Ἰησοῦ τὸν κύριον; quibus addi potest quod ἐμφανιστάς τωσδε dixit Dominus Jesa: XXV: 1: 5. יְחִיק בְּמַעַךְ *firmiter apprehendet robur meum*, vel *arcem meam*: ita ut non dimittat. Etenim הַחֲזִיק, & שָׁלַח *dimisit*, opponuntur. Prover: 14: 13.

Quæ cum  
reclinatione  
in Christum  
conjuncta  
est.

XXI. Quia autem anima, Christum ita apprehendens ad salutem, simul in ipsum *reclinat*, eique *imititur*, ideo fidei actus hac quoque Metaphora frequenter explicatur: ut Ps: LXXI: 6. עָלַי תִּבִּי יִמִּיכִם *tibi imitatus sum*. Jes: XLVIII: 2. עַל אֱלֹהֵי יִשְׂרָאֵל נִסְמְכִנוּ *Deo Israel imitantur*, simulant & mentientes veram fidem, & alio vocabulo נִשְׁעַן, ut Jes: 1: 10. יִשְׁעַן בְּאַהֲרֵן *imitatur Deo suo*. adde Jes: x: 20. 2 Chr: XVI: 7: 8. Quem actum animæ fidelis ita reclinantis in Christum, eique innitens, si a receptione Christi subtiliter distinguere, eaque posteriorem statuere, velis, non improbe pugnabo. Dicamus ergo hunc sextum fidei actum esse.

Explicatio  
vocis  
הִשְׁתַּחֲוִּיתִי.

XXII. Quem significanter admodum expressum existimamus Hebraice voce הִשְׁתַּחֲוִּיתִי, quæ proprie significat *gestandum se rejicere in alicujus veritatem & potentiam*, uti infans se gestandum rejicit in nutriciæ brachia.

Deri-

Derivatur enim ab אמן, quod est proprie *gestare*: hinc אומן, *gestator, nutricius*. Num: xi: 12. *Per eum in sinu tuo, quemadmodum fert האומן nutricius lactentem.* & האמן est *gestari*. Jef: xl: 4. *בנותיך על צר תאמנה filie tue ad latus (in ulnis) gestabuntur*: Pro eo enim dicitur Jef: lxvi: 12. *על צר תנשא Ad latus portabuntur.* Et sane Christus credentes in se בתיקו ישא in sinu portat. Jef: xl: 11. uti אמונים, ἀγαπίους: nam ea quoque similitudine Moses utitur. Deut: i: 31. *Portavit te Dominus Deus tuus, sicut vir filium suum portat, suppositis brachiis suis æternis.* Deut: xxxiii: 26. האמן ergo vi vocis est *gestandam se dare* Christo, atque ita se in sinum & brachia ipsius rejicere. Qua similitudine fidelis animæ erga Christum actuositas elegantissime exprimitur.

XXIII. Porro quando fidelis anima Christum ita recipit, eique innititur, non considerat ipsum ut *Salvatorem* duntaxat, sed etiam ut *Dominum*. Recipit enim totum Christum, & talem qualis est. Est autem non minus Dominus quam Salvator. Imo non potest esse Salvator, nisi & Dominus sit. In eo salus nostra consistit, quod non Diaboli, non nostri, non ullius creaturæ, sed Christi Domini simus. Fides ergo *Christum Dominum recipit*. Col: i: 6. Neque aliter se Christus animæ maritum offert, nisi hac quoque conditione ut eum pro *Domino* suo agnoscat. Pf: xlv: 11. 12. Et quando anima se gestandam rejicit in Jesum, simul abrenunciat propriæ suæ voluntati, deditque se arbitrio Jesu, ut ab ipso, quo lubitum est, portetur. Hinc in fide quoque est humilis sui deditio, & mancipatio, per quam fidelis, quantus est, se Christo, sibi gratis donato, ex officio reddit. *Ego dilecti mei sum, & dilectus meus meus est.* Cant: vi: 3. 2 Cor: viii: 5. *ἑαυτοὺς ἑδωκαν ὅτι κυρίου.* dederunt se ipsos Domino. Ferme uti Amasai cum comitibus suis hac formula se dabat Davidi. i Chro: xii: 18. *לך דור ישי וועמך בן ישי Tibi sumus, o David, & tecum sumus, o fili Isai.* Atque hæc nostri deditio Christo facta, quam pro septimo fidei actu numeramus, est fons ac scaturigo perennis veræ obedientiæ, quæ propterea etiam vocatur ὁμολογία πιστῆς, obedientia ex fide promanans. Rom: i: 5.

XXIV. Postquam fidelis anima Christum ita recepit, eique se rursus dedit, potest & debet exinde concludere, Christum cum omnibus suis beneficiis salutaribus suum esse, seque per ipsum certo beatum iri; juxta hunc infallibilem fidei syllogismum: Christus se plenum servatorem offert omnibus fatigatis, esurientibus, sitientibus, ipsum recipientibus, ipsi se reddere paratis: Atqui ego fatigata sum, esurio &c: Ergo Christus se mihi obtulit, meus jam est, & ego ipsius, neque quicquam me ab illius amore separabit. Hic octavus fidei actus est, & is quidem *reflexus*, ex conscientia fidei justificantis exortus. Gal: i: 20. 2 Tim: i: 12. Rom: viii: 38.

XXV. Hinc procedit denique animæ, quæ suæ jam sibi cum Christo per fidem unionis conscia est, *fiducia*, tranquillitas, gaudium, pax, & unde procedit beata

animæ tran-  
quillitas.

animosa quorúmvis hostium, quorumvis discriminum, provocatio, gloriatio in Domino, gloriatio, in adversis, Dum anima *jucunde inimitur dilecto suo*, מתרפקת על דוד, Cant: VII: 5. passis brachiis se in illum injiciens, vel cubito dulciter in illum recubans, (מרפק enim Thalmudicis *ocillan* significat) certa de sui cum ipso mutua communione mutuoque amore; dum canit, *Ego dilecti mei sum*, & desiderium ejus est ad me, Cant: VII: 10. pie exultat & deliciatur in Domino suo, inebriatur in amore ejus, gaudet χαρὰ ἀνεκλάττω καὶ διδύκω μέγα, latitiū ineffabili & gloriosa. 1 Pet: 1: 8. & ad exardescentes reciprocantis amoris flammās salutariter liquefcit, gloriatur denique in *ipse gloria Dei*. Rom: v: 2.

Compen-  
dium eo-  
rum quæ di-  
cta sunt.

XXVI. Quæ fusc ita explicata sunt, nunc breviter contracta uni veluti obtutui subjiciamus. Complectitur fides cognitionem mysterii Dei & Christi in lumine gratiæ, cujus mysterii veritatem fidelis propter auctoritatem testificantis Dei pleno animi assensu agnoscit; nec hoc tantum, sed & amat veritatem illam, in ea exultat, Deumque glorificat: impossibile quoque communionem Christi desiderat, ut ea quæ vera sunt in Christo sibi quoque ad salutem vera sint: propterea, quando in verbo & Spiritu offertur ipsi Christus, summa animi lubentia illum recipit, illi innititur, in illum se reclinat, illi se tradit, & mancipat: quo facto eum jam suum esse gloriatur & in illo quam jucundissime deliciatur, requiescens sub umbra arboris vitæ, & dulcissimis illius fructibus se satians. Hæc est illa *fides electorum Dei*, Tit: 1: 1. inestimabile donum, vinculum unionis nostri cum Christo, scala Paradisi, clavis arcæ Foederis quæ referantur ejus Thesauri, fons perennis vitæ sanctæ, tranquillæ, beatæ.

Ex memora-  
tis fidei ac-  
tibus, qui-  
dam antecede-  
nter, qui-  
dam forma-  
liter, qui-  
dam conse-  
quenter ad  
fidem perti-  
nentes.

XXVII. Si quis se existimet ἀνεκλάττω, quando hos fidei actus ita distinguit, ut quosdam fidem stricte dictam antecedere existimet; veluti cognitionem veritatis revelatæ, cui præstantes nonnulli Theologi addunt piæ voluntatis erga Deum affectionem: alios ad ipsam fidei formam & essentiam pertinere, ut assensum, famem sitimque justitiæ receptionem Christi ut Servatoris & Domini, animæque ad illum perflugium: alios actus fidei accidentales esse, qui fidei firmatæ & roboratæ tantum conveniunt; videlicet certitudinem illam, Christum jam meum esse, & suavissimam in Christo ut meo recumbentiam, cum exultatione & gloriatione in eo conjunctam: causam non dicimus quin ista sua accuratione fruatur, quæ neque nobis displicet. Id tantum intendimus demonstrare in plena fidei praxi omnia ista concurrere.

Fides Histo-  
rica quid sit,  
& an recte  
ita dicatur?

XXVIII. Ex antedictis evidens est, à fide *salutari*, quam hætenus descripsimus, immenso prope intervallo distare fidem quam *Historicam* & *Temporariam* nuncupare solent; dubito tamen an nomenclatione satis congrua. *Historicam* fidem vocant *nudum assensum præbitum* iis quæ in verbo Dei continentur, propter *Auctoritatem asserentis Dei, sine ullo pio voluntatis motu.*

Verum

Verum quum assensus ille non tantum præbeatur Sacrarum literarum Historiis, sed & ad præcepta, dogmata, promissa, minas, se extendat; titulus fidei Historicæ angustus nimis esse videtur. Nisi fortassis ita dicatur, respectu modi quo versatur circa suum objectum. Uti enim qui Historias rerum nihil ad se pertinentium legit, eas nude contemplatur, nec inde commovetur aut afficitur intus; ita qui fidem illam habent, otiose duntaxat speculantur circa ea quæ verbo Dei docentur, neque referunt ea ad praxin. Quanquam nec hoc universaliter verum est, Historias, etiam antiquissimas, & alterius mundi, sine affectu, commotione, & applicatione legi. Satiùs ergo esset, fidem hanc *Theoreticam*, vel *nudi assensus*, appellare.

XXIX. Fidem *temporariam* Dominus noster Mat. XIII: 21. eam dicit, quæ præter illum generalem assensum, in cognita agnitaque veritate exultat, eam profitetur, multasque emotiones in corde, & actiones in vita ciet, quæ speciem aliquam pietatis exhibeant, sed ad tempus duntaxat, dum omnia sub Evangelio prospera sunt; deficit autem ingruentibus persecutionum procellis. Hæc sapienter à Domino *ὑποκριτική* nuncupatur. Cæterum quum contingere possit, atque adeo contingat frequenter, ut lætis Ecclesiæ rebus, homines in hac fidei professione, & imaginario gaudio, ac tali vitæ instituto quod ad pietatem sufficere arbitrantur, ad vitæ suæ finem perseverent; minus commode *temporaria* fidei nomen, quod soli Apostatarum fidei dedit Dominus, huic, non salutari quidem, sed constanti tamen fidei, datur. Melius fortasse eam *Præsumtuosam* fidem diceremus, si Latine id linguæ genius ferret.

XXX. Interest autem consolationis nostræ, ut sciamus distincte, quibus modis fides hæc à vera, viva & salvifica, cujus speciem audacter mentitur, discriminetur. Et primo quidem in *agnitione* revelatarum veritatum non exigua differentia est, quibus quidem ut veritatibus præsumtuosa hæc fides assentitur, sed quum destituta sit vero Spiritus lumine, propriam earum veritatum formam, & pro ut veritas sunt in Jesu, non videt: non animadvertit in iis resplendentes Dei virtutes: non rite æstimat earum pretium: quum primum eas nosse coepit, capta quidem est earum novitate & raritate, sed non exardescit vivo earundem amore: neque laborat admodum ut eas non modo sibi impressas, sed & in se expressas habeat: & quotiescunque alia animo obversantur, quæ magna voluptatis vel utilitatis specie blandiuntur, facile patitur ideas istarum veritatum, quæ commodo illi inimicæ sunt, obliterari, & parum abest quin optet eas non esse veritates; quas invita pro talibus cogitur habere. Hæc autem in vera fide plane sunt contraria; quemadmodum Thef. xv: 1. ostendimus.

XXXI. Secundo in *applicatione promissionum Evangelii* ingens est discrimen. Nam fides præsumtuosa non procedit vera methodo. Temere sibi imaginatur, salutem Evangelio promissam ad se pertinere, vel nullo plane

Fides temporaria  
quid?

Differt à Fide  
de Salutari  
I. In agnitione Veritatis.

II. In applicatione  
promissionum Evangelii.

fundamento, vel falso. Quandoque enim hi tales, sine ullo sui examine & scrutinio, quod, ut molestum nimis, ac rebus suis incommodum, refugiunt, ipsi sibi stulte blandientes, gratiam Domini nostri fastuose sibi arrogant, ac vano illi somnio secure indormiscunt, non inquirentes, neque volentes inquirere, quodnam hujus suæ imaginationis fundamentum sit. Aliquando pro fundamento confidentiæ suæ ponunt, vel conceptum illum perversum de universali Dei misericordia, & nescio qua facilitate fœderis Evangelici: vel opinionem sufficientis sanctitatis suæ, quandoquidem paulo minus mali sunt profligatissimis: vel communionem externam Ecclesiæ & cultus religiosi: vel securitatem dormientis suæ conscientiæ, & suorum suaviludia somniorum, quæ existimant esse pacem Dei & consolationem Spiritus Sancti. Hisce ac similibus rerum inaniis se ipsos decipiunt; quasi hæc sufficientia gratiæ indicia forent. Sed veri Fideles, ex imo Miseriæ suæ sensu, ad gratiam D. Jesu anhelantes, illamque trepida humilitate apprehendentes; non tamen de ea ut jam sua facta gloriari audent, nisi postquam diligenti scrutinio certa & infallibilia gratiæ gnotificata in se compererint. Cum profunda humilitate, ac sacro quodam horrore, & sincera sui abnegatione, accedunt, gratiam Christi apprehensuri. Et de ea apprehensa non gloriantur, nisi post exactum, primo *παραλαβὴν* gratiæ, tum proprii cordis sui, examen. Utrumque in præsumtuosis secus est. Qui temere apprehendunt quod ipsis eo ordine non offertur (non enim Deus offert peccatoribus securitatem & gaudium, antequam dolore de admittis criminibus; & debita salutis sollicitudine, perculsus sit animus) tum etiam temere de apprehensa gratia gloriantur; cujus se participes esse factos, nullis necessariis argumentis addicere norunt.

III. In gaudio.

XXXII. *Tertium in gaudio*, quod utramque fidem comitatur vel sequitur, discrimen est, & id quidem duplex; I respectu *ortus*, II respectu *effectus* istius gaudii. In fide præsumtuosa oritur gaudium partim ex novitate & raritate rerum revelatarum (nam cognitio veritatis rarioris & abstrusioris delectat intellectum, uti fruitio boni voluntatem) partim ex vana illa imaginatione, bona Evangelio oblata ad ipsos pertinere, quorum qualemcumque gustum, sed suprema modo labra efficientem, ex communibus Spiritus Sancti donis percipiunt. Sed in fide viva emergit gaudium multo nobilius, ac solidius, ex amore pretiosissimarum illarum veritatum, quarum cognitione se felicissimam factam esse anima à Deo edocta merito arbitratur; ex spe non fallaci, & certa spiritus sui persuasione, accedente Divini Spiritus testimonio, de præsentis Dei gratia & futura gloria; & denique ex suavissimo præsentis gratiæ sensu, & futuræ gloriæ prælibatione. Et quum tam diversæ utriusque gaudii *causæ* sint, *effectus* etiam diversissimos esse non est mirum. Prius illud animam sui plenam facit, amoris Dei vacuum relinquit, & inani sua titillatione securitatis carnalis soporem aggravat.



gravat. Posterius autem fideles admirabilitate immeritæ Dei *φειλας* incredibiliter percellit, mutua benignissimi Jesu redamatione inflammata ingeneratque sollicitam *ἀντιέσις*, ne quid immenso illo Dei favore indignum admittant, neve Spiritum gratiæ tam comiter ipsos habentem, tristitia ac dolore afficiant.

XXXIII. *Quantum* discrimen in *fructibus* situm est. Nam Fides præsumtuosa vel profundo securitatis sopore homines obruit, ut carni indulgendo altum stertant: vel externam quandam actuum in melius mutationem importat, facitque *ut per agnitionem Domini & Servatoris Jesu Christi pollutipnes mundi aliquatenus effugiant*: 2 Petr: 1: 20. vel quando præclarissime operatur, levia quædam & evanida accuratioris pietatis proposita ac tentamenta excitat: sed non purificat ipsum cor, non introducit novos sanctitatis habitus: & quotiescunque vel planditiæ mundi ac carnis, vel incommoda aliqua Evangelicam pietatem comitantia, solito fortius ingruunt, mox in orfæ probitatis cursu fatiscunt, redeuntque *ut fues lota ad volutabrum cæni*. Per superficialiam illam veritatis Evangelicæ, & boni, tam jucundi, ac utilis, quam honesti, quod Evangelio ostentatur, cognitionem, quæ non alte mentibus ipsorum impressa est, sollicitantur quidem ad vitæ emendationem: sed quando de præsentis alicujus boni acquisitione, vel de evitando imminente malo agitur, ideæ veri & boni, quas Evangelium iis suggererat, adeo obliterantur, ut præsentem voluptatem utilitatemve, aut evitacionem ingruentis mali, omnibus Evangelii promissis, omni Evangelicæ pietati, antehabeant. Verum viva Fides tam profundis characteribus honesti speciem animæ imprimit, ut nihil sibi pulcrius arbitretur, quam ei omni contentione operam dare: tam vividis coloribus Christi Domini nitidissimam sanctitatem depingit, ut anima eam peramanter contemplans ad illius imaginem transformetur: 2 Cor: 1: 18. tam patheticè morientis Christi caritatem repræsentat, ut nihil antiquius ducat fidelis quam ipsi rursus & vivere & mori; Gal: 2: 20: tam alte meditationem promissæ beatitudinis inculpat, ut pro ea omnia experiri, omnia sustinere paratus sit. 2 Cor: 12: 16 17: 18. atque ita ipsum cor purificat, Act: 15: 9. ad sinceram constantemque pietatem; quæ una cum fide vividior vel languidior, vividior vel languidior est.

XXXIV. Hæc de vivæ Fidei natura, illiusque à præsumtuosa distinctione commentati; nunc cætera brevius faciliusque exsequemur. Ac quod *secundo* nos loco dicturos polliciti sumus aggrediamur, quid sibi velit quod fides hæc cuique in individuo approprietur. Non enim dicimus CREDIMUS sed CREDO. Cujus rei tres potissimum rationes esse videntur. 1. Quod alterius fides alteri ad salutem prodesse non possit, sed sua quisque fide justificetur. Non imus inficias, fidem parentum hæcenus ipsorum liberis prodesse, ut eo nomine ii quoque inter foederatos Dei censeantur, quamdiu

Cur singuli dicamus, CREDO.

quamdiu actionibus suis contrarium non demonstrant, Non sufficit tamen hæc parentum fides liberis ipsorum servandis, nisi ipsi quoque regenerentur, & per Spiritum gratiæ Christo uniantur. Joh: 111: 3: 5, Solet huc referri celebris locus Hab. 11: 4. *צִדִּיק בְּאֵמוּנָתוֹ יִחְיֶה*, qui vertitur à quibusdam, *justus fide sua vivet*. Sed nolo dissimulare, affixum relativum commodè referri posse ad Christum, de quo superiori versu dictum erat, *veniendo veniet*: sic ut sensus sit, in *Fide illius*, supple, *Christi*. quemadmodum & Jes. LIII: 11. *וַיֵּדַע* cognitionem Christi significat. Et hic sensus plenior Christoque gloriosior videtur. Manet tamen ea veritas, sua propria quemque fide justificari. Altera singularis numeri ratio hæc est: Quia hæc fidei summa in prisca Ecclesia hoc fine condita est, ut baptizandi de ea interrogati pro se quisque responderent. Sic enim baptizandus interrogari solebat, *Quid credis?* Ad quod ille respondens, dicebat, *Credo in Deum Patrem &c.* 111. Accedit hæc quoque ratio, quod non ea certitudine de alterius fide testari possimus: qua de nostra. Optime *Augustinus de Trinit: lib: XIII. cap: 11. Fides est in intimis nostris, nec eam quisque hominum videt in alio, sed unusquisque in semet ipso: deinde potest & simulatione confingi: & putari esse in quo non est. Suam igitur quinque fidem apud se ipsum videt.*

Potest quis  
sua sibi fi-  
dei esse con-  
scius.

XXXV. Nunc quod tertium erat inquiramus, quomodo quisque sua sibi fidei sit conscius. Possè autem, & solere in fidelibus conscientiam fidei suæ esse, non solum exemplo suo Paulus docet, 2 Tim. 1: 12. *novi cui crediderim: sed & monitione illa ad omnes directâ, 2 Cor: XII: 5. vos ipsos tentate an sitis in fide, vos ipsos explorate.* Quæ monitio frustra foret, si tentando & explorando ad notitiam rei quam investigant pervenire non possent. Imo vero posse, diserte satis innuit, addendo; *an non cognoscitis vosmet ipsos, videlicet Jesum Christum in vobis esse?*

Quomodo  
ad illius co-  
gnitionem  
deveniat.

XXXVI. Neque difficile intellectu est, quomodo hæc conscientia fidei in fidelibus oriatur. Primo enim eos de natura fidei salvifica bene ex verbo Dei informatos esse oportet. Nec necesse est multis *negociis* mentes infirmorum fatigare. Explicetur modo iis simpliciter & clare, quinam veræ fidei principes & essentielles actus sint. Inculcetur differentia inter fidem firmam & debilem; vividam & languentem; tranquillam ac multis tentationibus quassatam. Moneanturque non solum debilem, languentem, quassatam fidem, veram esse: sed & in scrutinio sui ipsius fidem debilem non esse exigendam ad ideam fidei firmæ; neque languentem, ad ideam vividæ; neque quassatam, ad ideam tranquillæ: sed unamquamque cum sua idea contendendam esse. Qua re probe perspecta, quisque se ipsum examinet, an actus iis quos descripsimus homogeneos exerat. Quod nemo ad se ipsum attendens potest ignorare. Horum quæ quisque cogitat & vult, eo ipso quod illa cogitat & vult, sibi immediate conscius est. Fides autem mentis & voluntatis actio est.

**XXXVII.** Regeat fortassis non nemo, si tam in expedito sit positum, fidei suæ conscientiam habere, unde ergo contingit, fidelium plurimos tam molestis circa hoc negotium fluctuationibus excruciaci? Sed illius rei non una ratio est. I. Sæpe evenit ut perversam sibi fidei salvificæ ideam vel ipsi finxerint, vel ab aliis incaute præformatam temere arripuerint. Ita experientia magistra didicimus, afflictas animas non exiguo numero in ea fuisse opinione versatas, essentiam fidei consistere in Divini amoris certa persuasione, & jucundo sensu, ac salutis suæ *εὐφορίᾳ*. Quas res quum in se ipsis non animadverterent, inclementi iudicio se albo fidelium expungebant. Idem tamen de natura fidei melius informati, edoctique, hæc quæ mox enarravimus potius firmatæ fidei gloriosos fructus, quam veræ fidei essentielles actus esse, paulatim ad tranquilliorē mentem redibant. II. Contingit etiam aliquando fideles tot tentationum procellis agitari, ut ad proprios animæ suæ actus dignoscendos minus attendant, vel etiam attendere valeant. Nam eo rerum articulo, tam confuse, ac subsultim omnia ab ipsis peraguntur, ut, in ista perturbatione, proprii cordis constitutionem liquido cernere non possint, cogitationibus mentis, & emotionibus voluntatis, mira variationum mobilitate sibi invicem succedentibus, adversantibusque. III. Quandoque etiam difficultate sua non caret, præsertim in afflicto animarum statu, contentio illa actuum suorum cum descriptione veræ fidei, sive, ut clarius exponam, collatio regulæ cum eo quod ad regulam illam exigi debet. Præprimis quando quis ideam fidei vividæ sibi proposuit, & in se ipso non nisi languidam fidemprehendit. Tum fieri vix aliter potest, quin, exiguam harum convenientiam, imo maximum inter utramque discrimen videns, sequius de fide sua arbitretur.

**XXXVIII.** Non quidem præcise necessarium est ad salutem, ut quisque se credere norit: nam promissio salutis sinceritati fidei annexa est: *Marc: xvi: 16. Joh: iii: 16. non cognitioni quam quis de fide sua habet. Expedit tamen ut quis accurato scrutinio in fidei suæ veritatem sinceritatemque inquirat. I. Ut Deo pro inestimabili hoc dono debitas agat gratias. Si enim Paulus toties Deo gratias agebat pro aliorum fide: Eph: i: 15: 16. Phil: i: 3. Col: i: 3: 4. I Thes: i: 2: 3. 2 Thes: i: 3. quanto magis id cuique faciendum incumbit pro sua? Non potest autem id facere, nisi fidem se habere sciat. II. Ut valide se ipsum consoletur. Nam conscientia fidei nostræ simul nos certos facit de salute. Uti hæc duo jungit Apostolus 2 Tim: i: 12. *novi cui crediderim, & mihi persuasum est, eum posse depositum meum in illum diem custodire.* III. Ut alacrius in stadio pietatis decurrat. Nam certus se ex fide operari, certus etiam est laborem suum non fore inanem in Domino: & hæc certitudo facit, ut fidelis sit stabilis, immotus, eminens in opere Domini semper. I Cor: xv: 58.*

Unde non nunquam ejus cognoscendæ difficultas.

Licet non præcise ad salutem sit necessarium, multifariam tamen expedit, fidei suæ conscientiam habere.

Ad fidei  
professionem  
adulti  
omnes obli-  
gantur.

**XXXIX.** Tandem de fidei *professione* verbo aliquid dicendum, quippe cuius formula quædam hoc Symbolum sit. Hanc Dei nomine cuiusvis fidei præcipit Petrus 1 Epist: 111: 15. *Ejote semper parati ad respondendum cuilibet poscenti rationem ejus spei quæ in vobis est.* Hanc dicat fidei Spiritus, non minus linguas fidelium quam corda movens, ceu *mustum* illud mysticum quod facundas facit virgines. Zach: 1x: 17. *Quoniam habemus eundem Spiritum fidei, secundum illud quod scriptum est; Credidi & ideo locutus sum; nos quoque credimus, quoniam ob rem etiam loquimur.* 2 Cor: 1v: 13. Hanc exigit Dei gloria, cui amplificandæ, per enarrationem veritatis & virtutum Dei in ea elucescentium, lingua nostra inservire debet: & cuius magnificationem in sua dicendi libertate Paulus intendebat. Phil: 1: 20. Hanc postulat caritas erga proximum, isthoc modo ædificandum. Phil: 11: 15. Hac procures viri Christiani nominis iverunt, qui fremente mundo, frendente Diabolo, ringentibus Tyrannis, contenta omni morte, sub gladio, ad crucem, in mediis flammis, intrepide & λαμπρότατη φωνῇ, clarissima voce, ut de Vetio Martyre scribitur apud Eusebium, Hist: Eccl: Lib: v. cap: 1. quæ vera sciebant locuti sunt. Præclare Basilus Magnus *Moralium regula sexta*: ὅτι δι' ἀφέως καὶ ἀναισχύτους παρρησιάζονται ἐν τῇ ὁμολογίᾳ τοῦ κυρίου ἡμῶν Ἰησοῦ Χριστοῦ καὶ τῶν λόγων αὐτοῦ. *Quod intrepide & sine pudefactione libere agere oporteat in confessione Domini nostri J. C. & sermonum ejus.* Huc exemplo nos suo ipse Dominus Jesus ducit, qui testatam fecit coram Pontio Pilato præclaram illam professionem. 1 Tim: vi: 13. Huic; si sincero edatur corde, annexa salutis promissio est: Mat: x: 32. Rom: x: 10. Uti ex adverso dirissima quæque iis minitatur Dominus, qui pudore mundano eum coram hominibus profiteri erubescunt. Luc: 1x: 26.

Modus confessionis in  
prisca Ecclesia.

**XL.** Laudabilis ergo mos ab omni ævo in Ecclesia Christiana fuit, ut nemo adultus ad sacrum baptismi lavacrum admitteretur, nisi edita prius publice fidei suæ professione. Ad eundem modum Christianorum liberi, postquam adoleverant, olim coram Episcopo sistebantur, ut officium illud implerent quod ab iis exigebatur qui se ad baptismum adulti offerebant. Nam quia in infantia baptismi initiati, fidei confessione apud Ecclesiam tunc defuncti non erant, sub finem pueritiæ, aut ineunte adolescentia, representabantur iterum à parentibus, & ab Episcopo examinabantur, secundum formulam Catechismi quam tunc habebant certam ac communem. Ex quo prisco ritu Romana Ecclesia fictitium Confirmationis Sacramentum cudit: observante Calvino, Instit: Lib: 1v. Cap. xix: §. 1v: Idem quoque apud Bohemos Fratres in usu fuit, apud quos parentes infantes suos, duodecimo fere ætatis anno, Pastori in Ecclesia sistebant, ut fidem suam publice profiterentur, & appareret functione essent in eis erudiendis officio suo, quod se facturos in Baptismo erant polliciti. *Lafritius de moribus & institutis Fratrum Bohemorum, Cap: x11: §. 28. 29.* Quod qua ratione

tionem solitum ab ipsis fuerit fieri, accurate narratur, in *Ratione Disciplinae Ordinis Fratrum Bohemorum*, p. 46. Simile quid in Ecclesia Anglicana obtinere docet *Durellus*, in *Vindictis Ecclesiæ Anglicæ* Cap. XXIII. pag. 253. Optandum foret idem nostris quoque Ecclesiis in usu esse, vel saltem, ut ii, qui ad Sacram admittuntur Synaxin, publice etiam, inspectante & audiente tota Ecclesia, profiterentur Dominum; quod qui vel coram Synedrio, vel Pastore privatim, facere renuunt, nescio quid caussificantes, eos monitos volo, etiam atque etiam cogitent, quid Dominus de iis pronunciet quos sui ac sermonum suorum puduerit.

## EXERCITATIO IV.

## DE

## FIDE EXISTENTIÆ DEI.

## BREVIARIUM.

1. Præcipuum Fidei objectum est Deus. 2. 3. Credere Deum, Deo, & in Deum, an differant. 4. Vox Dei quid notet. 5. Esse Deum, ex terminis patet. 6. Cognitio Deitatis quo sensu homini ingeniata sit. 7. Pulchra Maximi Tyrii sententia. 8. Quod & Conscientia hominis evincit multifariam. 9. Hæc propter officium & operationes suas Deus dicta Gentibus. 10. Ipsa quoque mens ignorare non potest se à Deo & ad Deum factam esse. 11. Idem ex cæterarum creaturarum consideratione concluditur. 12. Quod Jobus docet Cap. XII: 7. 8. 9. 13. Et David Ps: XIX. 2. 3. 4. 5. 14. Quem locum pessime Socinus pervertit. 15. Gentilibus ipsis hæc in parte cæcior. 16. 17. 18. 19. 20. Rom. 1. 20. explicatur. 21. Mira Socini torsio. 22. 23. Quæ refutatur. 24. Ipse Gentiles ex mundi consideratione ad Deum adscenderunt. 25. Pluribus hæc veritas argumentis firmari potest. 26. De qua nullo prætextu licet dubitare. 27. Fides Naturam sibi substruit. 28. Fides dat animadversionem. 29. Nititur testimonio Dei. 30. 31. Non docet modo quod sit? sed & quid & quis sit Deus.

**P** Rinceps & ultimum simul fidei objectum Deus est. Joh. XIV. 1. *Πρίντος τίς τὸς Θεός.* 1 Pet. I: 21. Qui per ipsum, Christum, creditis in Deum. Deus fidelibus obverfatur ut *ἀνταντίθετος*, increata Deum. Fidei objectum est Deus. Veritas, cui tutissime innitantur; & ut suprema felicitas cui se fide unientes & ipsi evadant felicissimi. Hinc initium Symboli, CREDO IN DEUM.

II. Existimaverunt plurimi tres illas phrasas, *Credere Deum*, *Credere Deo*, *Credere & credere in Deum*, ita distingui, ut *ista* notet, persuasum esse de existentia, *Symb. Apost.* *E* *tia,* *Deum,* *Deo, & in*

Deum, an  
differant?

tia, five, ut Macrobius loquitur, *exstantia* Dei; *illa*, Deo aliquid testanti adhibere fidem; *hæc*, in Deum salutari animi fiducia recumbere.

III. Cæterum hæc uti in Scripturis non sunt fundata, ita ex mera Hebraismi ignorance ortum habent. Nusquam Scriptura ea locutione utitur, *Credere Deum*. Paulus dicit *πιστεύουσι τῷ ἰησοῦ*, *Credere quod sit*. Heb: xi: 6. *Et in Deum Credere*, Hebraismus est, ab antiqua tam Græci quam Latini sermonis puritate desciscens. Scilicet Hebræi suum האמין promiscue construunt vel cum ל, vel cum ב, eadem significatione. uti Pf: cvi: 13. וְאִמְּנוּ בְּדִבְרֵי, *Et crediderunt in verbis ejus*, *Et* vers: 24. לֹא אִמְּנוּ לְדִבְרוֹ, *non crediderunt verbo ejus*. Id, ut pleraque, imitati sunt Hellenistæ, & Sacri N. T. Scriptores. Pro exemplo sit, Joh: vii: 30: *ἐπιστεύουσιν αὐτῷ*. v: 31. de iisdem, *πιστεύουσιν αὐτῷ*. Unde patet admodum eos errare, qui sciscunt phrasin in *aliquem credere* eum religiosum animi affectum significare, quo solus Deus honorandus est. Quum expresse dicatur, Exod: xiv: 31. וְאִמְּנוּ בַיהוָה וּבְמֹשֶׁה עֶבְדוֹ, *crediderunt in Jehovah Et in Moysen servum ejus*. Similiter 2 Chr: xx: 20. Falluntur item qui τὸ credere in Deum, vel in Christum, descriptionem vivæ fidei continere autumant, quum *primus* de Ninivitis dicatur Jon: iii: 5. *posterius* de Judæis Joh: ii: 23. quibus tamen *non credebat se* Christus. v: 24. Quemadmodum contra de viva & salvifica fide dicitur altera phrasi Joh: v: 24. *Qui credit ei qui misit me, habet vitam æternam*, & Act: xvi: 34. de Commentariensi, *πιστεύουσιν τῷ θεῷ*. Phrases indiscriminatim usurpantur. Vide sis eruditissimas Gomari observationes in Joh: ii: 23. & xii: 42.

Vox Dei  
quid notet.

IV. *Deum* quando dicimus, intelligimus eo nomine *Ens infinite perfectum*, quod cæterorum omnium extra se *Auctor Et Dominus* sit. Hæc enim est communis illa notio, quam omnes gentes, singulæ sua lingua exprimunt, quotiescunque de Deo loquuntur. Credenti autem in Deum ante omnia necessarium est certa animi persuasionem tenere, ens tale perfectissimum revera existere. *πιστεύουσι γὰρ διὸ προσερχόμενοι τῷ θεῷ, ἵνα ἴσιν*. Heb: xi: 9. Quandoquidem autem *Fides Naturam* sibi substruit, cui *Gratia Revelationem* superædificat: videndum *primo* est quid Natura hic docere queat; *tum* quid fides Christiana persuasioni ex natura haustæ superaddat.

Ess: Deum  
ex terminis  
patet.

V. Existencia Dei tam necessariæ & evidentis veritatis est, ut recte attendenti vix quicquam certius, notius, evidentius, occurrere queat. Ex ipsa illa Deitatis notione, quæ omnibus communis est gentibus, id claret. Qui Deum dicit, dicit Ens infinite perfectum. Id autem nequidem cogitatione concipi potest, sine existentia suæ necessitudine. Quum enim perfectius sit existere quam non existere; necessario existere quam contingenter & ad arbitrium alterius existere; ab æterno existere, & in æternum, quam aliquando existere, & aliquando non existere: sequitur, in essentia Entis perfectissimi existentiam, & eam quidem necessariam atque æternam

æternam includi. Adæo ut non magis idea Entis perfectissimi, sine necessaria existentia dari queat, quam idea montis sine valle. Porro, qui negat Deum esse, simul dicit impossibile esse ut ens perfectissimum ac æternum existat. Nam si aliquando esse incipiat, non erit æternum, ideoque nec perfectissimum ideoque nec Deus. Quod autem non est, nec incipere potest esse, id esse impossibile est. Et juxta hanc hypothesin, in conceptu Deitatis includetur impossibilitas existentia. Quod tam est contradictorium, ac si quis dicat in conceptu ejus quod infinite perfectum est includitur necessarius magnæ perfectionis defectus.

VI. Hanc existentia suæ cognitionem menti humanæ tam alte Creator infixit, ut omnes natura magistra ad eam sapiant. Rom: 1: 19. *Τὸ γνωστὸν τῷ Θεῷ, id quod de Deo cognosci potest, manifestum est in iis.* Deus enim id iis manifestum fecit. Atque hæc est quam vocare solent ingenitam Dei cognitionem. Eusebius in *Præparationibus Evangelicis* Lib: 11. Cap: v. non male dixit *ἐντοδιδακτὸς ἰστορίας, μᾶλλον δὲ Θεοδιδακτὸς*, notiones quam sibi quisque magister est, aut potius quantum quisque magistrum Deum habet. Quod non ita est intelligendum, quasi infantes jam inde ab utero actua-lem Dei scientiam haberent, quippe quod verbo Dei, testanti ipsos non posse discrimen inter dextram & sinistram suam, Jon: 1v: 11. & universali experientia, repugnat. Neque tamen tam tenuiter id interpretandum est, quod Deus solummodo facultatem se cognoscendi hominibus dederit, modo illius rei argumenta ipsis clare proponantur ac demonstrentur, vel modo quis facultate ista bene utatur ad argumenta illa investiganda: quasi tam laboriosa operæ foret ad illam Dei cognitionem pervenire. Sed hoc volumus, Deum sui ipsius vestigia tam alte penitis mentibus imprefisse, ut homo postquam ad rationis usum pervenit, non possit non sæpe de Deo cogitare, neque aliter cogitationes illas nisi vi sibi facta expectorare.

VII. Pulcherrime *Maximus Tyrius*, Philosophus Platonicus, *Dissert.* 1. cujus inscriptio est, *Quid sit Deus secundum Platonem*: *Εὐ δὲ ἐξήραντο τὴν*

*Pulchra Ma-  
ximi Tyrii  
sententia.*

*τῆ ἐξμεταλλῆ αἰώνι δύο καὶ τρεῖς ἄνθρωποι καὶ ταπεινὸν καὶ ἀναεὶδὸς γένος, καὶ πω-  
πλατῆται μὲν τοῖς ὀφθαλμοῖς, ἐκπαταμένον δὲ τῆς ἀνοίας, ἐντελεμαίνον δὲ τῇ ψυ-  
χῇ, ἀλογον καὶ ἄλογον καὶ ἀκαρπὸν ὡς βῆτ' ἀκέραιον ὡς ὄρεος ἄκρον, καὶ παρὰ τὰς ἡμέρας  
τὴ γένεσι πύκτου τὸ θεῖον. Ἰσασί γὰρ ἢ καὶ ἰσχυροὶ καὶ λέγοντες ἀκαρπῆς. Hoc est ex ver-  
sione Heiniana: Quod si ab omni ævo duo aut tres existerent, tam abjecti ho-  
mines, ut sine allo-sensu oberrarent; quorum neque lucem certam oculi, neque cer-  
tum sonitum aures admitterent, anima vero ac præstantiore sui parte mutili essent,  
irrationalē, sterile, atque inutile hominum genus, ut si leonem sine stomacho, be-  
vem sine cornibus, avem sine alis dicas: ex his nihilominus hominibus aliquid  
quid de Divina natura intelliges: nam & introiti hoc sciunt, & introiti dicunt.*

Neque minus præclare, impius quantumvis, *Julianus*: Πάντες ἀδελφοί μου ἡμεῖς οὐκ ἐσμὲν πεπιστωμένοι, καὶ πρὸς τὸ αὐτὸν, ἐκ αὐτῶν τὸ σκεῖν, ὅτι διατιθέμενοι τὰς ψυχὰς πρὸς αὐτόν. ὡς περὶ ἡμῶν πρὸς τὸ φῶς τὰ βλέποντες: omnes ante doctrinam numen aliquod esse persuasimus; eò respiciendum, ad id properandum. Credoque sic animos nostros habere ad Deum, ut visu prædita ad lucem.

Quod &  
conscientia  
hominis  
evincit mul-  
tifariam.

VIII. Huc pertinet conscientia, non uno modo hominem de existentia Dei convincens: I. Quum Dei in pectore humano vicaria, & legum ejus depositaria sit; Dei nomine quæ facienda, quæ fugienda sint, inculcat: idque tanta cum auctoritate, ut etiam si rerum Domini timendique Tyranni millena edicta ex adverso fanciant, illa tamen occulto ingeminet susurro, sibi magis, &, cujus nomine loquitur numini, parendum esse, quam quibuscunque hominibus. Brevibus, & ut legislatorem decet, *πάστα*, inquit, *ἡμεῖς καὶ τὸ θεῶν*. Omnia mihi, & Deo. *Arri: Epictetus Lib: IV. Cap: VII I*, Id est quod David canit *Pf: XXVII: 8*. *לך אמר לבי*, tibi i. e. pro te, tuam vicem, tuo loco, dicit cor meum. II. Quum intimorum hominis secretorum gnara sit, nullaque vel minima cogitatio, nulla quantumlibet exilis animi motio clam illam esse queat, simul testatur alium adhuc præter se esse, qui una secum factorum, dictorum, cogitatorum omnium scientissimus est: cujus rei gratia etiam *συμείθεως*, conscientia dicitur, quasi una cum alio, (& quo nisi Deo?) secretorum hominis scia. Et hoc quoque respectu *συμείθεως τῆς*, conscientia Dei nuncupari potest. I *Pet: II: 19*. III. Quando de hominis statu & actionibus judicat, facit id sub Deo, & in ordine ad Deum. Benefacta etiam occulta, etiam male ab aliis habita, laudans, docet, probi viri laudem, non ex hominibus, sed ex Deo esse: *Rom: II: 29*. & quando illa placidissima tranquillitate remuneratur, etiam, & præcipue quidem, in articulo mortis, ostendit Deum esse *ὡς παρὰ τῶν* iis qui ipsi serviunt. *Heb: XI: 6*. Quando ob malefacta hominem increpat, accusat, condemnat, plectit, sævoque flagello lancinat, licet intima homini, & pars illius sit, tamen à partibus Dei stat, neque pensi habet quantumvis suo illo testimonio homo gravetur; & vel millies tacere jussa, & vim passa, & exsecta prope, & cauterio usta, tamen exsurgit iterum, & instat acriter, nequicquam obnitente reo. IV. In omnibus hisce ad tribunal Dei citat hominem, innuitque cuncta ibi revidenda esse, atque exactius judicatum iri de singulis: & pro ut hic illa sententiam pronunciavit, ita vel confidenter ad Deum accedere, vel ad ejus cogitationem contremiscere facit: idque tam valide, ut nulla se vi creata in hisce operationibus suis impediri patiatur. Si cor nostrum nos condemnet, Deus major est corde nostro, & novit omnia. Dilecti, si cor nostrum nos non condemnet, confidentiam habemus apud Deum, I *Joh: III: 20: 21*. Pleraque horum brevibus complexus est Paulus *Rom: II: 15* Neque sunt hæc infirmarum mentium terribilissima, quæ fortiores facile eludant. Nam etiam audacissimos sæpe constrictos tenet



tenet conscientia, & profligatissimus quisque, etiam si spem vultu simulet, premit altum corde dolorem. Sardonius feroculorum istorum risus est, intus urgente stimulo.

IX. Conscientia hæc, quum tam valide homini commonestret Deum, ejus nomine omnia agat, ad ipsum cuncta referat, Dei denique in anima vices gerat, Deus gentilibus dicta fuit. Hinc *Menander* apud *Plutar*: *In Platon: Quæst.* I. ὁ νῦν γὰρ ἡμῶν ὁ θεός. *Mens enim nostra Deus est.* *Euripides* similiter citatus *Gatakero* in notis ad *Marcum Antoninum*. p. 432. ὁ νῦν γὰρ ἡμῶν ὁ θεός ἐστὶν ἐν ἡμῶν θεός *Mortalium cuique sua mens est Deus.* Quo nihil aliud, opinor, innuebant, quam quod senarius ille dilucidius exprimit: βροτοῖς ἀπαρῶν ἡ συνείδησις θεός. *In hominibus conscientia Dei instar habet.* Sed nihil præclarior est illo *Epicteti* apud *Arrianum* Lib: II. Cap: VIII. Οὐκ ἴδως ὅτι θεὸν τρέφεις, θεὸν γυμνάζεις; θεὸν περιφύεις τάλαν, καὶ ἀγροῖς; δακτύλῳ με λέγεις ἀργυρεῖν εἶναι ἢ χρυσεῖν; ἔξωθεν ἐν σάβλῳ φέρεις αὐτόν. . . . αὐτὸν δὲ θεὸν παροῖον ἴσθαι, καὶ ἐφορᾶν. . . καὶ ἰπταμένον, ἢ καὶ αἰσχυρὰ ταῦτα ἐνδυμένον καὶ ποιῶν, αἰνίσσῃ τῆς αὐτοῦ φύσεως, καὶ διαχόλων. *Nescisne te Deum nutrire? Deum exercere? Deum circumfers, miser, & ignoras? Fortasse de externo aliquo, argenteo, vel aereo, loqui me opinaris. In te ipso eum fers . . . Ipso autem Deo intrinsecus presente, & omnia tum intuentem tum audiente, non veremur ea cogitare & facere, ignare natura tua, & invise Deo? Ob eandem rationem Plato, in Philebo, αἰεὶς κίλυνος μορμύς, τοὺς τὸν θεὸν τὸν ἴσταναι αὐτοῖς, τὸν λέγειν, διαφθείροντας, μυθικῶς Ἀθεοὺς vocavit, qui Deum in ipsis habitantem, rationem nempe corrumpunt.*

X. Ipsa quoque mens, ad se ipsam attendens, ignorare non potest, se uti à Deo, ita & ad Deum, factam esse. Quum enim clarum illi & evidens sit, quod non ultro & deliberato consilio in hoc quod gestat corpus habitatum concesserit; neque id sibi ipsa fabricaverit; & subjecerit; neque etiam ipsa sciat, quomodo membra sibi subjecta moveantur ad voluntatem suam; neque antequam in corpore hospitaretur ullibi fuerit; neque parentum consilio & potestate hoc sit quod est; neque sibi ipsa dare possit quod deesse sibi videt; neque in semet ipsa existentiae suæ causam inveniat; fateri cogitur se factam esse, ideoque ejus esse qui ipsam fecit. Qui non potest alius esse à Deo. A quo quum facta sit, ad eum etiam factam esse necesse est. Oculi ad lucem est, auri ad fonos, lingua ad sermonem, sermo ad interpretationem mentis. Mens ipsa ad quid? Nempe ad id quod ipsam expleat. quo cognito sapiens, quo amato sancta, quo potita beata sit. Quod & se ipsa melius sit, & rebus omnibus creatis augustius, & quod appetitui suo in infinitum tendenti satiendo abundantissime sufficiat, quod denique Deus sit. Id si non esset, neque se posse esse, & etiam si ipsa esset, frustra se esse, & ad nullam convenientem finem esse, liquido, modo attendat, animadvertit. Exfecat

Hæc propter Officium & operationes suas Deus dicta Gentilibus.

Ipsa quoque mens ignorare non potest se à Deo & ad Deum factam esse.

mentem suam qui non dicit, *ubi est Deus qui fecit me, qui dat cantica nocte.*  
Job: xxxv: 10.

Idem ex cæ-  
terarum  
creaturarum  
confidera-  
tione con-  
cluditur.

XI. Sed præter *ingenitam* illam cognitionem, cujus argumenta in se ipso homo invenit: est & alia quæ ex cæterarum creaturarum consideratione hauritur. Hæ quum sibi ipsis dare non possint ut in existentia sua perseverent, neque à se ipsis factæ sunt. Et si per singulas eamus, quantum cogitatione pertingere valemus, deveniendum tandem erit ad causam primam, cui eæ, quæ primæ concipiuntur, existentia suæ initium debent, & in cujus æternitate, quum necessario à se ipsa & sine initio existat, cogitationes nostræ, velut in immensa abyssu, absorbeantur. Infinites Sacræ literæ, inculcant, ex Creaturarum contemplatione supremi Numinis existentiam indubitatis argumentis colligi.

Quod Jobus  
docet Cap:  
xii: 7. 8. 9.

XII. *Ἐμφανίσταται* testimonium existat Jobi xii: 7. 8. 9. *Enimvero roga, age, pecudes & docebunt te, & alites celi, & indicabunt tibi &c: Quis non novit per omnia hæc, quod manus Dei fecerit hoc?* Ablegamur ad colloquium cum creaturis, ut edoceant nos de Creatore. Colloquium illud non potest aliud notare, quam attentam creaturarum considerationem, in ortu, in essentia, in facultatibus, in operationibus suis, in ordine ad se invicem, in lege cui subsunt, & quæ ad conservationem universi inviolabiliter observatur. Responsum quod dant, doctrina quam promunt, est demonstratio Deitatis. Nam quum se ipsas producere non potuerint, neque adhucdum se conservare possint, multo minus se tam sapienter gubernare, ut quæque suo ordine & habeat quod ad existentia suæ continuationem facit, & ad alias juvandas comparata sit, & toti universo famuletur, uti in familia ac civitate prudentissime constituta; etiam silentes cuius animum advertenti inclamant, se potentissimi simul & Sapientissimi numinis manu, uti factas olim esse, ita etiam regi. Et notandum collectionem hanc non traditioni alicui *παροραῖν*, sed ipsi creaturarum institutioni, omni etiam humana traditione seposita, adscribi.

Et David  
Pf: xix: 2.  
3. 4. 5.

XIII. Non minus validum est illud Pf: xix: 2. 3. 4. 5. quod brevi paraphrasi explicabo. *Cæli enarrant gloriam Dei.* Nam quum Thronus ipse sit, affabre ab ipso factus, testantur de ejus Potentia, Majestate, & Opulentia. *Et opus manuum ejus indicat expansum.* Clamans se non nisi verbo ipsius coaptatum esse, ut inferiora superioribus commode uniantur, & terrestria, influxu cœlestium, per expansum se iis communicante, subsistant. *Dies ad diem eructat dictum, & nox ad noctem ostendit scientiam.* Hæ tenebrarum lucisque vicissitudines tam exacto, tam constanti ordine, sibi invicem respondentes, illa solis siderumque vertigo, nec tardius reptans quam olim, nec præcipiti magis motu rotata, sed conservans adhuc modum cursus primogenium, curatarum vicissitudinum harum causa, sapien-

sapientissimum Rectorem arguunt. Nullaque dies est, nulla nox, quin & pro se aliquid de Deo dicat, & attestetur alteri, præcedentis veluti discipulus, & sequentis magister. *Non est dictum, & non sunt sermones, non auditur vox eorum.* Non docent *verbis*; quia si dicto docerent, cum dicto desineret institutio. Non erudiunt *sermonibus*, qui in concatenatorum subtiliter argumentorum nexu consistunt; quibus fieri vix potest quin aliqua insit obscuritas. Non auditur *vox eorum*, cuius sonus obtunderet nos nimio fragore. Sed *coelum, & semper, & clare, & suaviter* docet: quasi in speculo videndas exhibens Creatoris sui virtutes. Nisi ita interpretari verba velis; (quod neque nobis displicet) *Non est sermo, & non sunt verba, ubi non auditur vox eorum.* Quantumvis inter se populi linguæ differant, & Græcus Barbaros non intelligat: tamen ad omnes pariter erudiendos communis coeli sermo est. Nec quicquam præter concordiam obstat, quo minus alienissimi quique ex unius veluti Doctoris ore proficiant, *בכל הארץ יצא קוץ*, *in totam terram exivit linea eorum.* Talis est coelorum institutio, ut præceptorum, qui pueros docent literas; figuras nimirum elementorum iis delineando. Ita coeli radiis suis lineas ducunt, & quasi elementa, ex quibus, inter se combinatis, varietate junctis, integer sapientiæ liber componitur. Id notat *קו*. ut Jes: xxviii-13. *קו לקו*. *Linea ad lineam.* A quo non multum abludit Græcorum *φύσις*, quo utitur Apostolus Rom: x: 18. quod non tantummodo *sonum*, sed & *literam* apud Plutarchum in Fabio notat: quemadmodum in Lexico suo observavit Scapula. Et hæc quidem linea *in totam terram exivit, & in extremum orbis habitabilis vocabula eorum.* Omnes homines, sive in habitabili, sive desertissima terra sint, hoc Magistro erudiuntur. Nullus est orbis angulus, ubi figuræ coeli, quæ totidem Divinarum perfectionum argumenta sunt, non cernuntur.

XIV. Hæc quum simplex, & verbis consona, & Deo digna explicatio sit, pessime Socinus, hic pro confesso sumi, non ex coelorum intuitu probari, contendit, quod creati à Deo sint: negatque eos Dei gloriam narrare nisi iis qui aliunde de Dei existentia & mundi creatione persuasi sunt. Et quæ de tota terra ad quam exivit linea ipsorum canuntur, ad solam restringit Judæam: adductis in eum sensum Ps: xlv: 17. cv: 7. & 11: 8. Quæ audax scripturarum perversio est. I. Etenim Psalmum insipienti clarum est, vatem duas Deum agnoscendi vias monstrare, quarum altera *natura* est, quam delineat ab initio ad versum 8: altera *revelationis*, quam, ut multo perfectiorem, exornat deinceps. Neque hanc illi, sed illam huic præstruit. II. Neque ita verba Psalmi interpretanda sunt, uti Socinus facit; *Firmamentum indicat quale sit opus, seu celebrat opus.* Sed, *firmamentum indicat opus manuum ejus.* i. e. annunciat se opus Divinæ omnipotentiae esse.

Quem locum pessime Socinus pervertit

Quo

Quo sensu & coeli, & Sol, & Luna, & quotquot sunt rutilantia sidera, Deum celebrare dicuntur: quia, quum ipso præcipiente condita sint, homini ad Dei laudes decantandas uberrimam suppeditant materiam. Pf. cXLVIII: 1: 3: 5. III. Neque id Judæis duntaxat, sed ea lingua quæ & Israelitis, & Græcis, & Barbaris, ex æquo intelligibilis est. Non enim se gentibus quoque olim ἀναμαρτυροῦντος reliquit. Act: XIV: 17. IV. Idque per totam terram, usque ad extremum orbis habitabilis: quæ sane angusto Judææ ambitu neutiquam continentur. Nisi quis intra Judæam quoque arcfare velit quod de Evangelio, *cuius creatura prædicato*, Mar: XVI: 15. iisdem verbis exponit Apostolus Rom: X: 18. V. Nec potis est hæreticus ullum scripturæ locum assignare, ubi *tota terra, & extremum orbis habitabilis*, ita junctis vocabulis, solum Judææ tractum notet. Nam quæ profert testimonia, ea aliena sunt. Pf. XLV: 17. est prophetia de vocatione gentium, ut patet ex vers: 18. Pf. CV: 7. *Judicia ipsius sunt in omni terra*, nulla specie ad Judæam restringitur: quum in toto orbe judicia exercent, & ea quæ exercuit in populo suo publicata sint gentibus, Perper: in confundit hæreticus judicia *operum Dei cum judiciis legis*, quæ quondam solis patefecerat Israelitis. Pf. cXLVII: 20. Et etiam si daremus Judæam quandoque omnem terram dici, nunquam tamen fines orbis habitabilis tam exiguo terræ angulo terminantur. Pf. 11: 8. sermo est de Regno non Davidis, sed Christi, *cui data est omnis potestas in celo & in terra*: Mat: XXVIII: 18. *ut dominetur a mari ad mare, & a flumine usque ad terminos orbis terrarum*. Pf. LXXII: 8. VI. Quamvis ea phrasis alibi id significaret, tamen hic id significare non potest: quum de omni ea terra hic agatur, ubi solis conspicitur linea, & lucida tela diei, & maturans omnia sentitur calor.

Gentilibus  
ipsis hac in  
parte coe-  
rior.

XV. Et profecto nisi frontem de rebus periisse dudum compertum foret, pessimos hos scripturarum depravatores in ruborem dari oportuisset à prudentioribus Gentilium: quorum bene multi, ex sola coeli fiderumque, atque ordinis qui in universo conspicitur, consideratione, ad numinis agnitionem excitatos se convictosque fatentur. Notum est Platonis illud: *οὐρανὸς οὐδέποτε παύεται διδάσκειν ἀνθρώπους*. Nunquam calum homines docere cessat. Cui consonum est Lucilii illud apud Ciceronem, de *Natura Deorum Lib: II*. Quid enim potest esse tam apertum tanque perspicuum, quum calum suspeximus, cælestiaque contemplati sumus, quam esse aliquod nomen præstantissimæ mentis, quo hæc regantur? Et pauculis interjectis: *Quod quæ dubitat, hanc sane intelligo, cur non idem, sol sit, an nullus sit, dubitare possit. Quid enim est hoc illo evidentius?* Adde & alterum illud ejusdem Ciceronis ex *Orat: de Haruspic*. Respo: *Quis est tam vecors, qui, quum in calum suspexerit, Deos esse non sentiat, & ea, quæ tanta mente sunt, ut vix quisquam arte ulla ordinem rerum ac vicissitudinem persequi possit, casu fieri putet?* Sed quid

quid singulos moror? Universos cives suos, ex cæli animadversione, ad agnitionem Divinitatis lege lata obstrinxit Locrensiū Legislator Zaleucus. Is enim, teste *Diodoro Siculo*, *Lib: XII.* Καταβυλόμενος ἰδὲ ἀρχῆς καὶ νῆς νομοθεσίαν, ἤρξατο παρὲς τῶν ἰκνυαίων θεῶν. Εὐθύς γὰρ ἐν τῇ προαιρέσει τῆς ὅλης νομοθεσίας ἔφη θεῶν τὰς κατοικεῖν ἐν τῇ πόλει πάντων πρῶτοι ὑπολαβόντες καὶ πεποισμένοι θεῶν εἶναι, καὶ ταῖς δυνάμεις ἐπισκοπεῖν τοὺς ἕκαστον, καὶ τῇ διακόσμῳ καὶ τάξει, κρείνναι, ἢ τυχόν, ὃδ' ἀνέξεται εἶναι ταῦτα τὰ κατασκευάσματα. *Ad leges componendas à populo delectus, novæque sanctiones aggressus, statim à Diis cælestibus initium fecit.* In ipso enim novi operis exordio hæc præfatur: *Ab incolis suæ urbis requiri, ut ante omnia certo persuasum habeant, credantque esse Deos, & mente cælum intuentes, & mirificum ejus ornatum atque ordinem, non casus fortuiti, nec hominum illud opificium esse, judicent.*

XVI. Quid porro ad sententiam nostram evidentius est, famoso illo *Rom. 1:20.* *Invisibilia ipsius à creatione mundi rebus factis animadversa conspiciuntur, ejus tum æterna potentia, tum Divinitas.* Ubi nota 1. Quid de Deo cognitum esse dicat Apostolus. 11. Quo modo. 111. Ex quo tempore. 1v. Unde.

Rom. 1:20.  
explicatur.

XVII. Quid de Deo notum est? Id primo generatim exponit Apostolus. τὰ ἀόρατα αὐτοῦ. *invisibilia ejus:* (mentem enim esse Deum, ab omni corporis mole secretam, nullisque oculis spectabilem, inter primas notiones est) tum specialius. 1. *Potentia ejus,* quæ solo suo nutu, sine adminiculatione ulla, sine ulla præexistentis materiæ oportunitate, eo solum quod vult, omnia facit existere; & donec vult, in existentia sua permanere. 11. *Æternitas,* quæ nec initium, nec finem dierum, nec cum fluxu temporis commune quicquam habet. Nisi enim ab æterno fuisset Deus, non esset. Nam quod non fuit ab æterno, neque produci potest, illud non est. Produci autem Deum, à ratione omni alienissimum est. Et quod initium non habuit, id neque finem habere potest. Nam causam necessariæ existentiae in propriis perfectionibus suis possidet. Subtiliter alicubi Aristoteles, τὸ εἶναι αἰώνιον, καὶ αἰὲν, ἄμειν. *Necessario, & semper, simul sunt.* Et nisi æternus esset Deus, non posset esse formator temporum. Eleganter *Synefius Hymno 111.* προύσκειν τῷ κόσμῳ ῥίζα. *Quæ ante substantiam es mens, Mundi Radix 111.* Θεότης. *Divinitas.* Quæ hic significat virtutes & decentias Dei, inprimis quod sibi ipse sufficiens sit, & nullius rei indigus. Act: xvii: 25, tum etiam σχίσιν illam quam habet ad creaturas, utpote omnium Dominus, & idcirco ab omnibus amandus colendusque.

XVIII. Quomodo hæc cognoscuntur? Νοῦμενα καθ'αἰσθάναι. *Mente perspiciuntur.* 1. Etiam si corporis oculis aspectabilia non sint, sunt tamen menti ac animo aspectabilia. Sed animo, νοῦντι, *attendenti,* ac consideranti; non torpenti, neque se ipsum impie excæcanti. 11. Tali menti *conspectiuntur.* Tam enim prompta est hæc cognitio, qualis est eorum

Symb. Apost.

F

quæ

quæ sunt oculis subiecta fidelibus, veluti solis qui orbem illustrat, lunæve, aut siderum : ita ut homo jure exigere non possit ampliorem & evidentiorum eorum demonstrationem.

XIX. *Ex quo tempore hæc ita conspiciuntur?* ἀπὸ τῆς αἰῶνος αἰῶνος. à conditu mundi. Nonnulli hoc construunt cum *antecedentibus*, hoc sensu, quæ *invisibilia fuerunt jam inde à condito mundo* : sed quum ea quæ ad Deum pertinent in se & semper invisibilia sint, melius est ut ad *sequentia* id referatur, *Conspiciuntur à Creatione mundi*. Id rursus duplicem potest habere sensum: primo, ut *argumentum cognitionis* notet, quali dixisset, ex consideratione creationis mundi, ut Mat. VII: 16. ἀπὸ τῶν καρπῶν αὐτῶν, ex fructibus earum cognoscetis eos: secundo, ut *tempus* significet: innuente Apostolo, quam diu mundus fuit, & in eo homines, tam diu virtutes hæc Dei affulsisse hominibus.

XX. At unde earum cognitionem possunt haurire? τοῖς ποιήματι. Etenim quæ extra Deum oculis se nostris ingerunt, testantur se esse ποιήματα, res factas; h. e. se habere causam, fabrum, architectum, atque ita ad ποιητὴν τῶν ὧν ἑλπί, hominem manuducunt, qui uti ab imperfectionibus rerum creatarum est immunis, ita omnes earundem perfectionibus eminenter possidet.

Mira Socini  
torsio

XXI. Mirum est quomodo hæc torqueat Socinus. Per *invisibilia Dei* intelligit *mysteria Evangelii*, quæ *abscondita* dicuntur à *constitutione mundi*. Mat. XIII: 35. *Æternam Dei divinitatem*, dicat esse id quod nos Deus perpetuo facere vult. (quo sensu Divinitatem enuntiari ait Col. 1: 9.) & *æternam potentiam*, vult esse *promissiones quæ nunquam intercedunt*, (quo sensu Paulus superius dixerat Evangelium esse *potentiam Dei* ver. 16.) & *miracula*, refert ad *miracula à Deo, Christo, & Apostolis edita*.

Quæ refuta-  
tur.

XXII. Ad quæ hæc observamus. I. Pervertit hæreticus *scopum* Apostoli, qui est, *Gentiles*, scripto Dei verbo carentes, convincere peccati, & meritis maledictionis, uti ejusdem rei convincit *Judeos* qui verbum Dei scriptum habuerant, cap. 11: 17. &c: ut exinde concludat, utroque sola Dei gratia, per fidem in Christum debere justificari. Cap. 11: 9: 23: 24. Unde claret, Apostolum hic considerare gentiles, in statu naturæ, ante omnem quæ ipsis facta sit Evangelii prædicationem.

XXIII. II. Pervertit item *verba* Apostoli. Nam I. Aliud sunt ἀόρατα τῶν θεῶν, aliud *mysteria Evangelii*, quæ unquam illo vocabulo exprimi, nequidem conatur probare. Apostolus hic oculos corporis opponit oculis mentis, & quæ illis visibilia esse negat, his visibilia esse asserit, quomodo & Deum ἀόρατον dicit 1 Tim. 1: 17. Quod attinet Mat. XIII: 25. ibi & phrasis alia est, & res diversissima: sic ut hic Pauli locus cum illo Christi dicto inepte contendatur, II. Toto coelo distant æterna Divinitas, & id quod Deus nos perpetuo facere. Quæ pro iisdem venditare est

XXIV. Turpe est tam luculenta Scripturæ testimonia alio torqueri  
ab iis qui Christianos se dici postulant: quum Gentiles ex mundi confi-  
deratione ad Condito rem ipsius Deum adscenderint. Aristoteles, sive  
quisquis Auctor est Libri de mundo Cap: XI. Ἀρχαῖοι μὲν οὖν τοι λόγοι καὶ  
πατέρες οἱ πῶτα ἀνθρώπων, οἱς ἐστὶν θεὸς τὰ πάντα καὶ διὰ τοῦ ἡμῶν οὐρανίου. ὁ δὲ  
πᾶσι δὲ φέρει αὐτὰ καὶ ἰσχυρὰ ἀνθρώποις, ἰσχυρότερον τῶν ἐν τούτῳ οὐρανίῳ. *Vetus*  
*igitur sermo est, omnibusque patriis hominibus, universa tam ex Deo, tum per*  
*Deum constituta fuisse & coagmentata.* Neque id antiqua solum traditione  
nititur; sed ex imperfectione omnium creaturarum valide concluditur.  
*Nam nulla natura sibi ipsa sufficit, destituta illa quæ ex ipso procedit salute:* Quæ  
quidem proba illatio est, ex imperfectione creaturarum & insufficientia,  
ad perfectissimum & sufficientem Creatorem adscendens. Omne enim  
quod imperfectum esse dicitur, id diminutione perfecti imperfectum esse  
perhibetur. Etenim perfectione sublata, unde illud quod imperfectum  
perhibetur existerit, ne fingi quidem potest: uti argumentatur Boëthius  
Lib: III. Profa x. Adde ex Cicerone Lib: II. de Divinatione. *Esse præstan-*  
*tem aliquam, æternamque naturam, & eam suspiciendam adorandamque hominum*  
*generi, pulchritudo mundi, ordoque rerum celestium cogit confiteri.*

XXV. Confirmant eandem veritatem, admiranda portentorum, futurorum vaticinia, fatales Monarchiarum periodi; atque id genus plura, quæ copiose ab aliis exposita hic nobis verbo duntaxat repetenda fuerunt. Vide Dan: 111: 26. &c: IV: 34: VI: 27.

De qua nullo  
lo prætectu  
licet dubi-  
tare.

XXVI. Veritati huic de existentia Dei, tot se ac tam claris tamque fortibus argumentis ingerenti, firmiter cuivis assentiendum est. Nullo unquam tempore, prætectu nullo, ea de re dubitandum. Ne quidem eo fine ut dubitando ad certiorum cognitionem pervenias. Tam evidens est hæc veritas, ut nemo, attendens serio, de ea dubitare serio possit. Nam qui Athei dicti sunt antiquitus, ii & pauci oppido fuerunt, & profligati plerumque nebulones, quibus expediebat non esse Numen: & contradicendi magis studio quam ex intimo animi sensu ita fuerunt locuti, uti is qui nivem atram esse pugnabat: & ita aliquando nuncupati sunt, quia falsos gentilium Deos rejiciebant: uti demonstravit *Vossius de Idololatria Lib: 1. Cap: 1.* Ideoque pium nunquam est, quacunque demum intentione, huic se dubitationi immergere. Nunquam justum est dicere: forte non est Deus: forte Spiritus aliquis malignus, & summe potens nos in omnibus his quas de Deo habemus cogitationibus decipit. Non tamen oscitanter hæc veritas prætermittenda, aut temere nobis rei tam nobilis sufficiens cognitio arroganda, ne forte non fatis amemus, aut adoremus quod nescimus. Qua in re caute procedere, non est de Deo dubitare, sed de nobis, an diligenter fatis hac in parte nostro defuncti simus officio.

Fides Natu-  
am sibi sub-  
stitu.

XXVII. Cuncta quæ hætenus diximus, *Natura & ratio de Existentia Dei* docere hominem, etiam peccatorem, possunt. Illa substituit sibi *Fides Christiana*, non evertens Naturam, sed, per illam, supra illam ascendens. Nimirum ut scite *Tertullianus* ait, *Libro de resurrectione Carnis: Præmisit Deus naturam Magistræ, submissurus & Prophetiam, quo facilius credas Prophetiæ, discipulus Naturæ.* Cui succinit *Clemens Alexandrinus, Strom: Lib: VII. p: 710.* Editionis Parisiensis A.O. 1641. φιλοσοφία δὲ ἡ ἑλληνικὴ οὐ τοῦ ἀποκαθάρσει καὶ προετίλει τῆς ψυχῆς οἷς ἀρεταῖς πίστεως. ἐφ' ἣ τὰς γνώσεις ἐποικοδομεῖ ἢ ἀλλ' ὅτι. *Philosophia autem Græca veluti præpurgat & præparat animum ad fidem accipiendam, super quam veritas ædificat cognitionem.* Quo sensu excusari potest, quod *Lib: VI. p: 648.* Philosophiam Naturalem appellet *ἡ ἀρχὴ τῆς κατὰ Χριστὸν φιλοσοφίας, imas Christiana Philosophia scalas.* Videamus ergo quid *Christiana Fides* circa Dei existentiam huic persuasioni naturali superaddat.

Fides dat  
animadver-  
sionem.

XXVIII. 1. Facit ut quis attento animo observet illa Deitatis argumenta, quæ, tam Macrocosmus, quam Microcosmus, suppeditat. *πρὸς τοὺς ὁμοίους* Fide animadvertimus. *Heb: XI: 3.* Multa quæ ad τὸ γνωστὸν Dei pertinent, & in evidentissima luce posita sunt, occaecatis oculis à plurimis prætereuntur. Friget, languet, torpet hac in re maxima pars hominum: unde fit, ut vel in nuda Divinitatis opinione subsistant, vel, si qui penitius in contemplationem numinis descendant, contenti sint tenuibus veritatis elementis, quæ plurimo errore foedant, sic ut dum sapere videntur, & cogitationibus indulgent suis, revera infatuentur. Illi imprimis qui mali  
animi



animi uestro perciti malunt non esse Deum; (quem criminum vindicem esse ignorare non possunt) omnes de Numine cogitationes suffocare nuntantur, quæ non nisi invitis obversantur pectoribus. De talibus scribit Apostolus: Rom: 1: 28. *ὅτι ἰδοὺ παρέθετο τὸς θεὸς ἰσχυρὸν καὶ ἐργασίαν, non tanti iudicaverunt Deum in cognitione habere.* Hoc est, ut Theophylactus explicat, *ἀπειθαρχήσαντες τῷ θεῷ, improbarunt Deum nosse.* Fuit in ipsis peccatum *ἀγνοίας, ἀλλὰ μελέτης, non ignorantia, sed studii,* ut Chrysostomus observat. Quale eorum est, qui Deo dicunt: *recede à nobis: non cognitione viarum tuarum non deleſcamur.* Job: XXI: 14. Fides autem Christiana facit ut quis veritatem hanc de Deo amet, & propterea ad argumenta dilectam sibi veritatem probantia cum cura attendat, & in illorum se contemplatione oblectet: occinens Deo, *suavis erit de te meditatio mea, ego labor in Jehovah.* Ps: CIV: 34. Simulque omnem *δεισιφίαν*, ac vanam scientiæ opinionem, procul esse iubens, efficit ut homo humilis Dei discipulus fiat, & ab illius unius ore pendens, in cæteris quæ ad Deitatem pertinent, ab ipso erudiri cupiat; dicens, *Quis est Doctor sicut ille?* Job: XXXVI: 22.

XXIX. II. Non contenta est Divinitatem iis argumentis nosse quæ natura suggerit, sed nititur insuper Dei de se ipso, tam externe per Verbum Scripturarum, quam interne per secretam Spiritus vocem testificantis, Testimonio. CREDIT enim Deum esse, quia audit verbum ejus, quod tam Sapiens, tam Sanctum, tam Suave, tam Efficax, tantaque Majestate plenum esse comperit, ut non nisi Dei verbum esse queat. Et quemadmodum quis Patrem suum adesse credit, quia notam ejus vocem audit, ita & Fides Deum in mundo esse credit, quia auribus suis illam Numinis vocem haurit, quæ incredibili suavitatis pollementia in intima cordis se insinuans, ab omnibus deceptorum spirituum illusionibus plurimum distat. Et uti sponsa suos dilectissimi Sponsi sonos audiens, mox exclamat; *Hæc est vox dilecti mei, Ecce illum.* Cant: 11: 8. ita Fidelis Dei vocem in mundo audiens, novit & discernit eam Joh: x: 4. clamatque; *Domine mi. & Deus mi.*

XXX. III. Natura confuse duntaxat & generatim Deum aliquem esse docet, sed QUIS sit ille Deus determinata non enucleat. *Μακρὸν ἔστιν ὁ θεός, antea quoque nobis laudatus, postquam dissertatione prima in genere nonnulla de Numine dixisset, ita porro inquit, Τῦτος μὲν ἐστὶν ὁ θεός, ὁ ἱεὺς ἀναδεδεικνύμενος ἡμῖν ἀσφαλῶς διδόναι πατέρα καὶ γινώσκειν τὸ ἔμψυχον. τῦτος ὁνομαζομένη ἐστὶν ἡ γὰρ ὁδὸς ὁδὸς. Talem Academicus ille Vates (Platonem intelligit) Patrem & Auctorem Universi nobis dat. Illius tamen nomen non edit: non enim novit. Haut immerito Clemens Alexandrinus, in Admonitione ad Gentes, pag. 14. Atheismini reos peragit Gentiles; atque ejus quidem gemini: primo quod τὸν μὲν ὄντα θεὸν ἀγνοήσαντες, cum qui est vere Deus*

ignoraverint; dein, quod eos non esse existimaverint, eos Deos nominantes qui revera non sunt. Eleganter admodum Vossius de Idololatria Lib: I. Cap: IV. Idem illis contigit, ut crederet illi apud B. Johannem Cap: IX. Hic enim quam videret Filium Dei à quo visum acceperat; rogavit nihilominus quis esset Filius Dei. Nempe quia, quem videret, nesciret eum esse quem videret: ut si Regem cernas, & Regem esse nescias. Similiter Gentiles prope omnes eum, qui videri nequit, in opere elucentem viderunt, & clamoso silentio audiere dicentem, esse se opificem & Rectorem universi, colique à nobis velle ac debere: sed ad conspectum oculos clausere, ad vocem obturarunt aures, ac quasi alto pressi sopore, tales imaginati sunt, qualia forent qua oculis se quotidie subjicerent; somnioque suo nimium creduli, opificium amplexati sunt pro opifice, divinitatem non tribuendo Deo, sed non-Deo. Quod vere erat veritatem in mendacio desinere. Neque minus præclare Hist. Pel. Lib: III. Part: III. Thesi VI. Quæ verba, licet prolixiuscula, quia rem nitidissime expomunt, non pigebit appingere. Ita ergo ibi: Quamquam vero aliqua de Deo novimus naturâ, verum tamen Deum non novimus nisi per revelationem Divinam ... Nec adversus illud quod dicebamus, gentes non novisse verum Deum, obijci illud debet, quod de iis Apostolus ipse dicat Rom: I: 21. *νόοντες τοὺς θεοὺς*. Nam quemadmodum Oedipus, quam se, ut Poëta ajunt, patrem habere scires, eum tamen Lajum esse ignorabat: itidem gentes eò natura lumen pertingere poterant, ut unum esse Deum cognoscerent, eumque omnis boni fontem; nec tamen quis Deus ille foret, novissent: unde & hunc *ἀνοητοὶ θεοὶ* annuntiarî iis opus fuit, teste Apostolo in Actis XVII: 23. Duplex igitur Dei cognitio est: prior simplex, qua scitur esse Deum, eumque sapientem, bonum, potentem, iusti remuneratorem, iniustitia vindicem: altera vero applicata ad certum subiectum, puta Deum Israël. Generalem illam notitiam gentibus concedimus: posteriorem non item, quia præclaras illas de Deo notitias in mendacio & impietate detinuerunt, tribuentes illas, non vero, sed falso numini: unde non novisse Deum plurimis scripturarum locis dicuntur.

XXXI. Verum Fides Christiana novit Nomen Dei, cujus scientiam ex doctrina Christi Domini hausit. Joh: XVI: 6. editque nomen illud, dicendo: *Tu solus nomine tuo es JEHOVA, Altissimus super universam terram.* Ps: LXXXIII: 19. Fides Divinitatem in ipso Deo agnoscit, & ea quæ Dei sunt non adscribit non-Deo. Non dicit: *לֹא יְהוָה פָּעַל כָּל זֶה*, Non-Jehova operatus est hoc omne. Quod esset *נִכְרַח*, alienare, Divinitatem & opera Dei à Deo. Deut: XXXII: 27. Fides distinguere eum solum Deum esse scit, qui se protoplastis in Paradiso, dein Patriarchis & Prophetis *παρουσίας αὐτοῦ* manifestum fecit, & denique visendum præbuit in Filio, humana carne vestito. Ille uti verbo suo proclamât, Ego, Ego sum Jehova, & non est præter me qui sospitet. Jes: XLIII: 11. Ita

## De Fide Existentiæ Dei.

47

Ita fides illi dicto assentiens regerit, *Tu solus ille Jehova es, Tu fecisti calum* &c. Neh: ix: 6. Fidelium Christianorum est ita in veritate loqui, ut vane Tryphon ille apud *Lucianum*, vel quicumque Auctor est Dialogi qui inscribitur *Philopatris*: ἡμῖς γὰρ τὸν εἰς Ἀδύτου ἀγῶνας ἐφιορῶντες, καὶ πρὸς ἀντιθέσεις, χεῖρας οἷς ἑμὰς ἐκτάμεντες, τὰς αἰχμαλώτους. Nos autem qui *Ignotum Athenis Deum* invenimus, adorantes, manibus in *Calum* expansis, huius gratias agemus.

## EXERCITATIO V.

In qua exponitur,

Quid sit,

## CREDERE IN DEUM.

### BREVIARIUM.

1. Credere in Deum plurima complectitur. 2. Natura quidem aliquo modo docet beatitudinem in communionem Dei consistere. 3. Sed illa cognitio in Gentilibus evanuit. 4. Fides id longe distinctius & efficacius docet. 5. Heb. xi: 6. exponitur. 6. Cognitio ipsa Dei excitat vehemens desiderium communionis cum ipso. 7. Communionem Dei sibi oblatam alacriter fides apprehendit. 8. Accedit diligens sui scrutinium. 9. 10. 11. 12. Gnorismata ex quibus quis novit Deum suum factum esse. 13. 14. 15. 16. 17. 18. Magnum est anima in Deo suo exsultantis gaudium. 19. Persuasio Naturalis de Numine idonea quidem est ingenerando studio probitatis. 20. Sed in paucis id prestatit. 21. 22. 23. 24. Fides autem in Deum vera pietatis mater est. 25. Ea qua prædicta sunt, non æque efficacia sunt in omnibus fidelibus.

**H**Æc sunt quæ Fides Christiana de Dei existentia Credis: Sed nullo pacto existimandum est, angusta illa Confessionis nostræ verba, CREDO IN DEUM, nihil aliud in se complecti. Imo vero continent universam piæ animæ in Deum, tanquam Salutare suum, recumbentis operositatem. Cujus ratio enucleatius nunc discipulis nostris præformanda & exponenda est. Comprehendit ergo Fides in Deum, quando in omni sua latitudine sumitur. i. Cognitionem & Agnitionem illarum Dei perfectionum per quas Salus & Beatitudo peccatoris fieri potest. ii. Questionem unionis & communionis cum Beato & Beatifico illo Numine. iii. Dei se ipsum ad salutem offerentis alacrem acceptionem. iv. Sedulum animæ scrutinium, num inhabitantis in se Dei gnorismata deprehendat, v. Gaudium inenarrabile

Credere in Deum plurima complectitur.

narrabile ex eorum conscientia ortum. VI. Sanctam animi sollicitudinem digne Deo ambulandi. De singulis ordine agemus.

Natura quidem aliquo modo docet, Beatitudinem in communione Dei consistere.

II. Quicumque se in contemplatione Dei sedulo exercet, etiam Natura duce animadvertere poterit, Deum optimum, Beatissimum, Sufficientissimum esse: unde infallibili sequela concluditur, summum bonum in illius similitudine ac communione consistere. Scite id Philosophicis rationibus Boëthius demonstravit, de Consolatione Philosophia, Lib. III. Prof. X. Deum omnium principem, Bonum esse, communis humanorum conceptio probat animorum. Nam quoniam nihil Deo melius excogitari queat, id, quo melius nihil est, bonum esse quis dubitet? Ita vero Bonum esse Deum ratio demonstrat, ut Perfectum quoque bonum in eo esse convincat. Nam si tale sit, rerum omnium princeps esse non poterit: erit enim eo præstantius aliquid, perfectum possidens bonum, quod hoc prius atque antiquius esse videatur. Omnia namque perfecta minus integris priora esse clauerunt. Quare ne in infinitum ratio prodeat, confitendum est, summum Deum summi perfectique boni esse plenissimum. Sed perfectum bonum, veram esse beatitudinem constituimus. Veram ergo beatitudinem in Summo Deo sitam esse necesse est. Unde hoc infert veluti corollarium: Quoniam beatitudinis adeptione sunt homines beati, beatitudo vero est ipsa Divinitas, Divinitatis adeptione fieri beatos manifestum est. Sed uti iustitia adeptione iusti, sapientia sapientes fiunt, ita Divinitatis adeptione, Deos fieri simili ratione necesse est. Omnis igitur Beatus, Deus; sed natura quidem Unus, participatione tamen nihil prohibet esse quam plurimos. Hactenus Boëthius, cum cuius extremis verbis conferri velim Petri phrasin 2 Epist. cap. 1. vers. 4. Ut DIVINÆ NATURÆ CON-SORTES evadatis.

Sed illa cognitio in Gentilibus evanuit.

III. Verum utut evidens & certa hæc illatio sit: nihilque, nec re ipsa verius, nec ratiocinatione firmitus, nec Deo dignius concludi possit: attamen paucissimi oppido eorum qui solam naturam magistram habuere, de veritate hac serio cogitarunt. Et dubitari merito posset, an ipse unquam Boëthius in has meditationes incidisset, si philosophia ipsius spiritualiori luce fuisset illustrata. Quando Plato definiverat beatitudinis finem esse ἀπολαύειν θεῶν καὶ τῶν τοῦ θεοῦ ἀδελφῶν, assimilationem Deo, quoad ejus fieri potest; Clemens Alexandrinus id referens, non injuria ambigit, an magnitudini genii ipsius adscribendam sit, quod in veritatem sacris Christianismi dogmatibus tam consentaneam inciderit: an vero id hauserit ab aliquibus quæ tunc erant Divinis eloquiis. Strom. lib. II. p. 403. Sed præterquam quod lucidissima ista veritas obscure admodum Gentilibus nienti obversata sit, quæ via communio Dei obtineri queat juxta cum ignorantissimis ignoraverunt. Hinc fit, ut cogitationes hominis naturalis à meditatione hujus veritatis facile abstrahantur; & voluntas ad appetitionem maximi illius boni non ita ut par est feratur: & mens affectuum mole pressa in ratiocinationum

num suarum sublimitate ac subtilitate tandem evanescat, & ad corporalia, terrena, caduca bona, turpiter subsidat, *Dei oblita*. Pf. ix: 18.

IV. At Fides Christiana uberiori luce animam perfundit, facitque ut distincte de Deo cognoscat: A. Eum esse *τὸν μακάριον καὶ μέγαν ἀναγνώστην*, longe distinctius & efficacius docet. 1 Tim: vi: 15, qui in possessione, cognitione, ac fruitione infinitarum perfectionum suarum, absolutissimam, Deoque dignam, beatitudinem invenit. B. Eum non sibi duntaxat, sed & creaturis suis rationalibus, quibuscum se communicare dignatur, ad omnem beatitatem sufficientissimum esse, utpote *שׁוּבָא לָאֵל* Gen: xvii: 1. quique est *omnia in omnibus*: 1 Cor: xv: 28. in *cujus facie est satietas gaudii*, Pf. xvi: 11. ita animam implentis, ut præter eum nihil desiderabile sciat, nihil scire desideret. Psal: lxxiii. 25. C. Tantas esse in Deo omnisufficientiæ divitias, ut, quod incredibile propemodum videtur, non obstante Majestate, Sanctitate, Justitia, Veritate, cæterisque virtutibus suis, Deus ac salus hominis, per peccata perditum, esse queat, neque queat tantum, sed & velit: ita ut peccatori liceat canere: *Ecce Deus noster hic est; expectavimus eum, & servabit nos: hic est Jehova quem expectavimus, exultabimus, & latibimur de salute ejus*. Jes: xxv: 9. D. Eum salutem, jam per Filium partam, & per Spiritum applicandam, omnibus eam desiderantibus in Evangelio gratis offerre, & ad illius participationem quoscuque comiter ac blande invitare: dum alta voce clamat, *An non ego Jehova? Nullus amplius Deus præter me est; Deus fortis, justus & servator. Nullus est præterquam ego. Respiciate ad me, & servemini omnes fines terræ: nam ego sum Deus fortis, & nullus præterea*. Jes: xlv. 21. 22. E. Tantam salutem non esse negligendam, sed, omnibus rebus posthabitis, operam dandam esse, ut participes ejus evadamus, Deum gratiose se nobis offerentem magna desiderantis animi alacritate acceptantes, eique nos rursus prono affectu de-  
dentes. Heb. 11. 1. 2. 3.

V. Hæc omnia iis continentur verbis quæ Apostolus scripsit Heb. xi. *Heb. xi: 6. Credere oportet eum qui accedat ad Deum, quod sit, & quod quærentibus eum remunerator fiat.* Quo sermone augustius aliquid exhibetur iis, quæ peccatorem natura docere potest. Nam I. CREDERE quod Deus sit, est fidem adhibere testimonio illi, quo Deus nomen suum, & virtutes, & divitias omnisufficientiæ suæ, patefecit. Nam fides est cognitio, Dei testimonio nixa. Et quum Deus, qualem se in verbo suo revelavit, talis sit ac tantus ut salus peccatoris fieri possit; non vere credit DEUM ESSE, qui non credit Evangelio hanc laudem Deo danti quod justificare possit impium. Hoc enim in notione Dei, qualem se verbo patefecit, includitur. II. Possit tamen Deus Deus esse, etiam si nollet fieri id, quod propter sufficientiam potest fieri, scilicet Deus & salus peccatoris. Hinc ulterius fides Christiana pergit: creditque Deum reapse FIERI

REMUNERATOREM eorum qui ipsum quærunt : juxta illud Dei testimonium, *non dixi semini Jacobi, quærite me frustra.* Jef: XLV: 19. III. Dictat Fides, bonum illud impenso studio QUÆRENDUM, & ad illud ACCEDENDUM esse. Quod supponit, existare testimonium aliquod Dei, quo exponatur, quomodo quæri & adiri à peccatoribus velit. Omnino enim statuendum est, peccatorem non posse quærere Deum, nisi & quærat justitiam Dei, quam in salute peccatoris demonstrari necesse est. Rom: III: 26. Neque decere ut accedat ad Deum sine sacerdote: Heb: VII: 16. absque quo accedendi confidentiam habere non potest. Jer: XXX: 21. Quibus verbis doctrina de Christo, & de satisfactione Divinæ justitiæ per eum, continetur. Unde patet, dilute nimis eos hanc Apostoli sententiam interpretari, qui nihil ea contineri volunt, præter id quod Theologia naturalis de Deo docet. Nam præterquam quod illa qualiscunque scientia proprie dicta fides non sit; fides illa, si ita vocare libeat, naturalis, nunquam sufficit ad salutem, nunquam efficit ut quis Deo placeret.

Cognitio  
ista Dei  
excitat  
vehemens  
desiderium  
communio-  
nis cum  
ipso.

VI. Distincta istarum veritatum cognitio, quam Fides Christiana de Deo in se complectitur, excitat in animo tam vehemens Dei & communionis cum ipso, *desiderium*, ut non modo volatice aliquo appetitu in ipsum ad breve tempus feratur; sed & omni quiete ac tranquillitate careat, donec summi istius boni, summopere appetiti, ipso actu consors fiat. Conscientia fide informata, sive, ut Psalter loquitur, *cor hominis fidelis, gnari quantam perfectionum omnium pulchritudinem in Dei facie cernere sit*, dicit Dei vice ac loco, *Quærite faciem meam.* Cui invitationi mox respondere facit fides, *Quæro faciem tuam, Jehova.* Pf: XXVII: 8. *O Deus, Deus fortis meus es, tempestive requiro te, sitiens est tui anima mea, arescit ad te spectans caro mea.* Pf: LXIII: 2. Hinc sanctum votum illud, confusis mundanorum hominum votis oppositum, *Mul- ti dicunt, quis nobis dabit videre bonum!* Ego autem dico, *Astolle tu super nos lucem faciei tuæ, Jehova.* Pf: IV: 7. Hinc illæ æstuantis continuo animæ querelæ, quamdiu communionis suæ cum Deo necdum certa est: identidem ingeminantis, quid prodest mihi DEUS nisi MEUS? Hinc firmum illud fixumque propositum non desistendi à quæstione Dei, donec inventus fuerit, ut Deus lætissimæ exultationis. Cant: III: 1: 2: 3. Jef: VIII: 17.

Communi-  
onem Dei sibi  
oblatam ala-  
criter fides  
apprehen-  
dit.

VII. Quando in hac animi Deum quærentis sollicitudine ipsum sese numen benevole offert, dicens *Ecce me, Ecce me*, non pigratur fides passis eum ulnis amplecti. *Apprehendit arcem fortitudinis ejus.* Jef: XXVII: 5. Et uti qui in procelloso mari, submersioni proximus, naufragæ puppis partem aliquam reperit, in eam toto corporis nisu se conjicit; ita anima salutem suam quærens in offerentem sese Deum reclinat, ac universo impetu

## Quid sit Credere in Deum

51

impetu suo in illius brachia gremiumque prolabitur. *Quis me desiderat, & salutem in me?* proclamat in Evangelio Deus. *Ego*, inquit fidelis. *Sicut ceruus glocitat adspirans ad alveos aquarum, sic anima mea glocitat adspirans ad te, Deus.* Ps. XLII: 2. *En ergo me*, respondet in Spiritu Deus, *ad sitis tua expletionem.* Nec mora, accipio, regerit fidelis: *sis ergo meus, sim ego tuus, nec quisquam nos imposterum separet.* Hoc est, credere in Deum, ita ipsum acceptare.

VIII. Sed quo præstantius est id de quo agitur bonum, quo ardentius est illius desiderium, eo sollicitior est fidelis anima, ne falso ac temere id sibi arroget. Vera in Deum fides, uti mater est bene fundatæ *navis portus*, ita omnis temeritatis ac arrogantiae inimica est & expultrix. Non doct levibus argumentis audacter Deo dicere, *Tu meus es.* Sed paulatim eo ducit, omnibusque probe exploratis hanc demum conclusionem format, quæ omnis consolationis fundamentum est. Gnorismata autem quibus persuadetur fidelis Deum, in quem credit suum factum esse, hæc sunt præcipua.

*Accedit diligens sui  
scrutinium.*

IX. 1. Sincerum illud Dei, & artissimæ cum ipso unionis, desiderium, nuspiam reperitur, ubi non se Deus ad salutem cum anima communicare occooperit. nisi enim ad eam jam accessisset, rutilantibus blandæ faciei suæ radiis eam illuminando, & funibus prævenientis amoris sui eam ad se trahendo; neque cognosceret ipsum, neque desideraret, quæreretque. Animæ ad Dei communionem anhelantis desiderium, non sine communionem Dei in anima est. Hinc illa Davidi juncta, *O Deus, DEUS MEUS es, & Tempestivè quæro Te.* Ps. LXIII: 2. Quia ita ad Deum quærendum festinat, ut reliqua omnia, cum ipso comparata, non nisi pro stercorebus ducat, is jam a Deo apprehensus est. Phil. III: 8. 12. Non currit, nisi tractus. Cant. I: 4. Non amat, nisi amatus, I Joh. IV: 10: 19.

*Gnorismata  
ex quibus  
quis novit  
Deum suum  
factum esse.*

X. 11. Deus se cum anima communicans, eam non felicem modo, sed & sanctam facit. communicat enim se talem qualis est. Est autem Sanctus ille, Jes. VI: 3, & is qui Israël sanctificat, Ezech. XX: 12. Indit legem suam mentibus, & inscribit eam cordibus eorum, quorum Deus est, Jer. XXXI: 33. & dat ipsis cor unum, & viam unam ad reverendum ipsum omnibus diebus. Jer. XXXI: 38. 39. Vult quidem esse portio suorum: Jer. X: 16. ita tamen ut ipse eorum Dominus maneat, cujus Majestatem eo reverentius colant, cujus Sanctitatem eo studiosius imitentur, cujus bonitatem eo humiliter prædicent, cujus amicitiam eo sollicitius conservent, quo propius se iis fruendum dare dignatus est. Imo sicut olim Spiritus Dei aquis incubando eas plurimæ vitæ foetas reddebat, ita & Deus animam inhabitans vitam ei suam communicat, facitque ut antiqua illa & naturalis vita animæ per præstantiorem Dei

vitam

vitam paulatim absorbeatur, & non tam ipse homo vivat, quam in homine Deus. Gal: 11: 20. Atque hæc communicatio Sanctitatis tam indivulſe cum communione Dei nexa eſt, ut nemo de hac vere gloriari & ſincere in ea exultare queat, niſi illam quoque in ſeſe fulgentem habeat. Et quotieſcunq; Sanctitas fidelium deliquium patitur, toties etiam *παραφάρμακον* communionis ipſorum cum Deo immittitur. Pf: LI: 12: 14.

XI. III. II quorum Deus factus eſt Jehova, æquo animo abſentiam illius ferre non poſſunt. Ipſo faciem ſuam abſcondente, ad tranquillam animi ſerenitatem, & totius ſpiritualis vitæ alacritatem non influente ita perturbantur, ut animo quaſi deſatiſcant, Cant: v: 6. amore ægri ſint, Cant: 11: 5. conſolationes omnes, niſi illo redeunte, reſpuant. Pf: LXXVII: 3. Qui dolor, ſi non ex guſtu ſenſuve priſtinæ fruitionis, certe ex ingenti æſtimatione Divinæ familiaritatis, oritur: cui nemo verum ſuum pretium ponit, niſi qui ad eam eſt admiſſus. De peccatis quomodocunq; dolere etiam hi poſſunt, qui Dei ſunt exfortes. Sed ob Sponſi abſentiam nulli lugent, niſi Filii nuptiarum, Mat: 1x: 15.

XII. IV. Quibus ſe dedit Deus, ii etiam frequenter ſanctis animi ad Deum euntis emotionibus de Deo cogitant. Ubi Theſaurus, ibi cor. Mat: vi: 21. Hinc illi qui de Deo ut ſuo facto gloriabantur, proteſtati ſimul ſunt, ſe de nulla re libentius quam de ipſo cogitare. Cantabat ſponſa, dilectum ſuum eſſe. Cant: vi: 3. ſed & addebat, *Eſt amicus meus mihi ut fasciculus Myrrhinus inter ubera mea pernoctans.* Cant: 1: 13. *Psallebat David, Jehova portio prædii mei & poculi mei* Pf: xvi: 5- ſed & addebat, *proponq; mihi Jehovam jugiter.* verſ 8. Confer Pf: lxi 11: 2: 7. *Pie Auguſtinus in præſatione Manualis ſui. Mens mea devota tibi, tui amore ſuccenſa, tibi ſpirans, tibi inbians, te ſolum videre deſiderans: nihil habet dulce niſi de te loqui, de te audire, de te ſcribere, de te conferre, tuam gloriam frequenter ſub corde revolvere: ut tui ſuavis memoria, ſit inter hos turbines aliqua repauſatio mea. Te ergo invoco, deſideratiſſime, ad te clamo clamore magno in toto corde meo. Et quum te invoco, utique in me ipſo invoco. Quoniam omnino non eſſem, niſi tu eſſes in me. In me es, quoniam in memoria mea manes: ex ea cognovi te, & in ea invenio te, quum remiſiſcor tui, & delector in te, de te.* Ex his ſimilibusque indiis certior eſſe fidelis poteſt, Deum jam ſuum Deum factum eſſe.

Magnum eſt  
animæ in  
Deo ut ſuo  
exultantis  
gaudium.

XIII. Quod quando anima certo novit, præſertim ſi ex ipſius id Dei, intus per Spiritum eam alloquentis, ore audiat, & guſtu Divinæ dulcedinis reapſe experiatur; incredibile eſt, quanto demulceatur gaudio. De quo Petrus 1 Epi: Cap. 1: 8. *In quem credentes exultatis gaudio ineffabili & glorioſo.* Hinc illud animæ in Deo ſuo beatæ ſuaviſſimum canticum: *Jehova portio prædii mei & poculi mei tu ſuſtentas ſortem meam.*

*Funiculi*



*Fanicult acciderunt mihi in locis amenis, etiam possessio est elegantissima, quæ obtigit mihi. Idcirco letatur animus meus, & exultat gloriæ meæ.* Pf. xvi: 5. 6. 9. Alibi quoque hæc duo eodem quasi citharæ pulsu junguntur, *Auctor latissimæ exultationis meæ, & O Deus, Deus mi.* Pf. xlin: 4.

XIV. Neque vero id mirum est. Nam quando quis Deum suum esse novit, invenit in eo fortissimam protectionem contra omne malum: In *Jab* *Jehova* *rupes seculorum* est. Jes. xxvi: 4. *Dico in Jehova est receptus meus & propugnaculum meum, DEUS MEUS est, cui confido:* Pf. xci. 2. & inexhaustum omnis desiderabilis *boni fontem*: non modo quicquid cogitare & desiderare potest, sed & supra id quod cogitare & desiderare potest, in infinitum. *Quam pretiosa est benignitas tua, Deus, quam filii hominum ad umbram alarum tuarum sese recipiunt! Uberrime explentur pinguedine domus tuæ, & de torrente deliciarum tuarum bibendum das eis. Quandoquidem penes te est fons vitæ, in luce tua fruimur luce.* Pf. xxxvi. 8. 9. 10. Utrumque Deus brevibus, sed efficacibus, verbis junxit Gen. xv. i. *Ego CLYPEUS sum tibi, & MERCES tua ampla valde.* Et Psaltes, Pf. lxxxiv. 12. *Quia SOL & SCUTUM est Jehova Deus.*

XV. Tanti boni repræsentatio & fruitio, non potest non summe delectabilis esse, Si enim singula bona delectabilia sunt, quam delectabile illud bonum est, quod continet jucunditatem omnium bonorum? & non qualem in rebus creatis sumus experti, sed tanto differentem, quanto differt à Creatura Creator. Omnis pulchritudo, & omnis gloria, & omne gaudium mundi visibilis, nil nisi radii sunt & splendores vibrati & emissi à Rege pulchritudinis, gloriæ, & lætitiæ. Quæcunque facta sunt ab eo facta sunt, ideoque quodcunque bonitatis inest in eis quæ facta sunt, non potuit nisi ab eo defumi, à quo omnia facta sunt. Ac proinde commodato quasi accepta bonitas merito confunditur & erubescit ex collatione sui cum illa bonitate quæ illius fons est & origo. Et certe Deus ille est, in cujus una luce lucida omnia, in cujus una gloria omnia gloriosa, in cujus una pulchritudine omnia pulchra, in cujus una lætitia omnia læta continentur. Quando in creaturas contulit lucem & gloriam, pulchritudinem & lætitiā, sibi servavit radicem lucis, gloriæ, pulchritudinis, & lætitiæ: sic plus semper in se tamquam in fonte reliquit, quam ex se in creaturas derivavit. Et tam immensi boni possessio, non immensum propemodo gaudium crearet?

XVI. Accedit, quod tanta sit Dei se ipsum gratiose communicantis dulcedo, ut omnes amarissimas etiam amaritudines dulcorare queat. Minima suavitatis ipsius guttula, ori ad ipsum anhelanti instillata, maximas ægritudines facile dispellit. Hæc lapides torrentis dulces fecit Stephano, crucem Andreæ, violentam pellis detractionem Bartholomæo, craticulam Beato Laurentio, virgas, equuleos, rotas, flammās, ut

de carceribus & exilio taceam, tot myriadibus sanctorum Christi martyrum, qui dulcedine hac Dei gustata, ad immanissima tormenta, læti cantantesque, tanquam ad lautissimas epulas, deducebantur. Incredibilia quidem ista mundo videntur. Verum ita comparatum cum hac Dei nostri suavitate est, ut nemo eam nisi gustando discat. Mannæ illius dulcedinem nemo credit, nisi qui edit.

XVII. Et quidquid hujus homini in hac vita datur, nil nisi primitiæ & arrha majoris æternique boni est. Unde exoritur gaudii hujus constantia & inamissibilitas, si non quoad effectum, & actus quos vocant secundos, saltem quoad fundamentum & actum primum. *Gaudium æternum super caput eorum erit.* Jes: xxxv: 10. *Gaudebit cor vestrum, & gaudium vestrum nemo tollet à vobis.* Joh: xvi: 22. Nam etiam si Deus in hac vita, pro immensa sua sapientia, dulcedinis suæ communicationem plurimā sæpe, sed semper salubri, amaritudinis mixtura temperet: manet tamen illud in fidelibus, quod subinde rursus ebullientis gaudii, & postmodum in omne ævum perennaturæ lætitiæ, uberrima scaturigo est.

XVIII. Neque metuendum cuiquam est, ne in excessu hujus gaudii peccet: quum ipse Deus non ad hilaritatem tantum, sed ad sanctam quandam mysticamque ebrietatem invitet. Cant: v: 1. Quò quis de Spirituali hoc nectare uberius hausit, licet aliis istarum deliciarum ignaris insanire videretur, eo est felicior simul & sapientior. In vino corporeo spiritus sunt qui corporeos spiritus exhilarant, sed ubi copiose nimis bibitur turbat cerebrum, & insanos facit sapientes. At vinum Spirituale quod totum est Spiritus, & Spiritus in apice atque excessu Spiritualitatis, & recenter à primo & summo Spiritu extractus & exsuctus, quanta vi & quali ecstasi animam invadit & abripit? Neque tamen turbat, nisi salutariter, & sapienter, & sancte, ut sui impos, sed Dei sui plena, cœloque proxima, supra hominem sapiat & loquatur. Quod cum stupore non semel me in simplicibus cæteroquin animabus observasse recordor. Hæc est Christianæ fidei, in Deo ut suo exsultantis, spiritualis ac mystica lætitia.

Perfusio  
Naturalis de  
Numine  
idonea qui-  
dem est in-  
generando  
studio pro-  
bitatis.

XIX. Eadem illa Fides Dei Veræ Sanctitatis Mater est. Negari non potest, quin & ea de numine persuasio quam ex Natura Gentiles habuerunt idonea fuerit ingenerando studio alicui probitatis & respicientiæ. Prope supra Gentilissimum meditationibus suis hac in parte Epistatus ascendit, qui apud Arrianum Lib. ix. Cap. xiv. ita loquitur:

Μαθὼν οὖν πρῶτον τὸ ὅτι ἔστι θεός, καὶ προσηύχων τῷ ὅλῳ, καὶ ἔκ τινος λαβὼν αὐτόν, ὃ μόνον ποιῶντα, ἀλλ' ὅδ' ἀνασῶμεν, ἢ ἐκδυμῶμεν. ἵστα πῶς τινος εἶναι; οἷός γάρ τις ἐκείνῳ ἐνισθῶσι, τὸν ἐκείνῳ ἀρίστην καὶ πιστοτάτην ἀνάληψιν παρασθῆναι κατὰ δύναμιν ἐξομωσθῆναι ἐκείνῳ. εἰ πιστός τις τὸ θεῖον, καὶ τῷτοι εἶναι πιστός εἰ ἐλεύθερος, καὶ τῷτοι ἐλεύθερος. εἰ εὐεργιστὴς, καὶ τῷτοι εὐεργιστὴς. εἰ μεγαλόφρων, καὶ τῷτοι μεγαλόφρων. οὕτως οὖν τοιῶν ζηλωτῶν, τὰ ἑξῆς πάντα καὶ ποιῶν καὶ λέγων.

Primum

*Primum illud est discendum, ESSE DEUM, & providere rebus universis: ac non modo facta, sed ne cogitationes quidem & motus animorum eum latere posse. Deinde cujusmodi sint Dii? Nam qualis illi reperiuntur, talis ut sit etiam is, qui illis placere ac parere velit, opera necessario danda erit, ut quam proxime ad eorum similitudinem accedat. Si numen fidele est: illum quoque fidelem esse oportet. Si liberum: illum quoque liberum. Si beneficium: illum quoque beneficium. Si magnanimum: illum quoque magnanimum esse oportebit. Denique ut imitatore Dei, reliqua omnia & facere & dicere. Ita persuasio de Divinitate mater Probitatis est.*

XX. Optime quidem & verissime hæc ita dicuntur. Sed veritas ista à paucissimis est cognita, & in iis qui eam aliquatenus cognoverunt, pravarum cupiditatum compedibus constricta, in pietatis actus minime affur-  
Sed in paucis id præstat.  
 rexit. Unde hoc eos quasi fulmine prostermit Apostolus: *Quum cognovissent Deum, non sicut Deum glorificaverunt, aut gratias ei egerunt; sed evanuerunt in cogitationibus suis, & obscuratum est insipiens cor eorum.* Rom: 1: 21: Illucebat iis Deus radiis quibusdam, unde cognovisse Deum dicuntur, sed non admiscere eos in adyta cordis, quod idcirco obscuratum dicitur. *In Dei sapientia non cognovit mundus per sapientiam Deum.* Fabrica mundi testabatur Dei potentiam, sapientiam, bonitatem: ac propterea exigebat ab homine ut fideliter serviret Deo, tum ob summam ejus Majestatem, tum propter tot benefacta: pariter etiam quod cultores ejus præmium maneret vitæ beatæ. Sed maluit mundus otiose opera Dei contemplari, frigideque de iis differere, nullum interea conditori honorem exhibendo. Illi quoque qui acutius cæteris videbant, non ad verum ivere Deum, quo itum oportebat; sed ad creaturam, qua ibat vulgus, quod tamen, ubi commodum erat, hac quoque in parte insanire præclari isti sapientiæ magistri clamitabant.

XXI. Verum Christiana de Deo fides hominem veræ pietatis sancti-  
Fides autem in Deum veræ pietatis mater est.  
 tatisque vacuum esse non sinit. Quod plurimis modis demonstrari potest. 1. Dum attollit mentem ad contemplationem sacratissimi numinis, & in ista sibi jucunda meditatione fixam tenet, animus insensibiliter ad imaginem Divinæ sanctitatis transformatur. 2 Cor: 11: 18. Postquam Moses, ad familiare Dei commercium in sacro monte admissus, quadraginta ibi dies exegisset, cutis faciei ejus tam illustri fulgore radiabat, ut ferre eum Israëlitarum oculi nequiverint. Exod: xxxiv: 29: 30. Idem iis spiritali modo contingit, qui Deum in luce fidei frequenter & sedulo contemplantur. Cœlestis Spiritus radii copiose à Parte luminum emanantes, ac fide recepti, penitus animæ partes permeant, novumque iis cœlestis sanctitatis jubar addunt. Quo sæpius eum fidelis in spiritu intuetur, eo clarius perfectiones ejus, quarum ornamentum est sanctitas, cognoscit. Quo clarius eas cognoscit, eo ardentius illas

illas diligit. Quo ardentius eas diligit, eo similior iis evadere cupit. Nam amor tendit ad similitudinem cum amato. Porro quo ardentius Deum diligit, eo & sapius, & lubentius, & attentius eum intuetur; atque ita istum intuendi ac diligendi orbem, continuo in se redeuntem, sæpe percurrens, quavis illius repetitione novum gloriosissimæ hujus imaginis lineamentum nanciscitur.

XXII. II. Quando Fides castissimam Dei puritatem considerat, facile inde concludit, sibi quoque accuratæ sanctitati operam dandam esse, si communionem Dei consequi, servare & ad lætitiā suā efficacem retinere, velit. Rationi hoc suggerenti assentitur. Scripturæ disertius docenti, *חֲבִיבֵי יְהוָה* Familiare Jehovahæ commercium non esse nisi timentibus eum: Pf. xxv. 14. ipsique Domino, inclamanti, *separamini, & impurum ne tangite, tum ego excipiam vos*, 2 Cor. iv. 17. lubenter credit. Experientiā etiam Magistra condocet, quam primum in pietatis studio flaccescit, mox illam Divinæ communionis dulcedinem imminui. Quam quum Fides supra omnia quærat, fieri aliter non potest, quin ad eximiam aliquam vitæ sanctimoniam potenter extimulet; quippe sine qua neque obtineri, neque conservari posse, eam quam tantopere expetit Dei communionem, certissima est.

XXIII. III. Stupenda illa Dei charitas, qua se ipsum animæ ad salutem dat, quādo Fide apprehenditur, & uti par est credenti re-præsentatur, mirabiles flammæ mutuæ redamationis accendit. Ausimque dicere, neminem vere credere Deum factum esse suum Deum, quin, dum id credit, in voragine ista Divini amoris stupens absorbeatur, exoptetque sibi longè capaciorem animam, ut tota charitate, tam diligentis, quam dilecti Dei, repleatur. Non nescio in ipsis aliquando fidelibus languere amorem illum, quo supra modum mensuramque omnem Deum suum diligere tenentur: sed & tum fides illa, de Deo ut suo, non admodum præsens, neque vivida, aut excitata erit. At quando omnino talis est; dictat homini canticum amoris, non absimile ei quo *Augustinus* Deum deveneratus est: *Soliloq: Cap. XIX. Amo te Deus meus, magisque semper amare cupio; quia tu es reuera omni melle dulcior, omni lacte nutritibilior, & omni luce clarior. Idcirco super omne aurum & argentum & lapidem pretiosum es mihi charior. O amor, qui semper serves & nunquam te pescis, accende me. Accendar (inquam) totus à te, ut totus diligam te. Minus enim te amat, qui tecum aliquid amat, quod non propter te amat. Diligam te, Domine, quoniam tu prior dilexisti me.*

XXIV. IV. Qui vere credit se jam Dei factum esse participem, is sui ipsius uti non potest esse, ita nec potest velle ut sit; sed si quid semetipso præstantias haberet, id Deo suo redderet: indignaturque se meliorem non esse, dignioremque qui Deo reddatur; tantum abest ut quicquam

quam sibi reservare velit, quod Dei ministerio non impendat. Non possum mihi temperare, quin *Bernardi* verba ex tractatu *de diligendo Deo* hic adscribam: quibus in hac materia nihil elegantius, neque efficacius fingi potest. Sic ergo ille: *Si totum me debeo pro me facto, quid addam pro re-fecto hoc modo? Nec enim tam facile refectus sum, quam factus. Nam qui me semel, & tantum dicendo, fecit in reficiendo profecto, & dixit multa, & pertulit dura; neque tantum dura, sed & indigna. In primo opere ME mihi dedit. In secundo, SE. Et ubi SE DEDIT, ME mihi REDDIDIT, DATUS ergo, & REDDITUS, ME pro ME debeo, & RIS debeo. Quid Deo retribuam pro SE? Nam etiamsi ME millies rependere possem, quid sum ego ad DEUM? Ita ratiocinari, ita se ipsum excitare, Christiana in Deum Fides docet.*

XXV. Non tamen ita hæc intelligenda sunt, quasi nemo sincere queat dicere, CREDO IN DEUM, in quo non omnia ea quæ nunc diximus, & eo quem delineavimus gradu, inveniuntur. Nos enim illud credere in Deum nunc descripsimus, non prout locum habet in infirmis & *ἐλαφρόπτερος*, sed prout est in idea, & visum quandoque fuit in iis quos uberiori Spiritus sui mensura dignatus est Dominus. Atque utile est, ita Fidem in Deum nobis proponere: non, ut quædam in nobis non cernentes animum despondeamus; sed ut, pulchritudine illius ac præstantia capti, tenuia quæ habemus initia omni studio excolamus, quo paullatim ad illam Fidei *πληροφορίαν* perveniamus, quæ tam præstantium fructuum ferax est. Credimus, Domine: succurre incredulitati nostræ.

Ea quæ prædicta sunt, non æque efficacia sunt in omnibus fidelibus.

## EXERCITATIO VI.

### DE FIDE

#### IN

## DEUM TRIUNUM.

### BREVIARIUM.

1. *Symboli distributio.* 2. 3. *Quo sensu singulis personis suæ distinctæ actiones attribuantur.* 4. *Simplex mysteriū S. S. Trinitatis explicatio.* 5. *Trinitatis doctrina est Mysterium, quod natura non docet.* 6. *Sed plurimis utriusque Instrumenti Testimoniis confirmatur.* 7. *Credere in Deum Triunum quid sit.* 8. *Cognitio S. S. Trinitatis ad salutem est necessaria.* 9. 10. 11. 12. 13. *Argumenta id probantia.* 14. 15. 16. 17. 18. 19. *Trinitatis Mysterium Adamo in statu innocentiae ignotum non fuit.* 20. *Agnitio quoque Trinitatis necessaria est ad salutem.* 21. *Et qui*  
*Symb. Apost.* H *eam*

*eam negant pro christianis & Fratribus non sunt habendi. 22. 23. Sed præcipue requiritur pia animi in Triunum Deum reclinatio. 24. 25. 26. 27. Praxis hujus Articuli.*

Symboli  
Distributio.

**V**ulgata Symboli in tres partes distributio est; quarum *primâ* agatur de DEO PATRE, & CREATIONE; *secundâ*, de DEO FILIO, & REDEMPTIONE; *tertiâ*, de DEO SPIRITU SANCTO, & SANCTIFICATIONE. Nam quum vetustissima formula nuda Trinitatis professione absoluta fuerit, hinc factum est, ut Symbolum nostrum, quod ex ea, variorum articulorum accessione, tractu temporis est concinnatum, ita adhuc dum constitutum sit, ut ad Tres Divinitatis personas cætera omnia referi queant. Hoc enim Fundamentum Fundamentorum remansit, cui reliqua inædificata sunt.

Quo sensu  
singulis per-  
sonis suæ dis-  
tinctæ acti-  
ones attri-  
buntur.

II. Cæterum quum singulis personis suæ distinctæ actiones adscribuntur, non ita id intelligendum est, quasi vel virtus, vel operatio ipsarum divisa sit, vel una immediate magis quam alia effectum suum attingat. Etenim quum Deus unus sit, una omnium & individua virtus est, ac operatio, & unaquæque persona totius operis immeditata & perfecta causa est. Eadem virtute, eodemque actu, Filius & Spiritus Sanctus mundum creant, quo Pater. Attamen paullo diversa ratio est eorum operum, quæ ad redemptionem nostram pertinent. Nam quum ad ea requiratur humanæ naturæ societas, eam autem solus sibi Filius personaliter univerit; opera ista Theandrica soli etiam Filio propria sunt. Ita tamen, ut quæ Deitas contulit, totius Trinitatis sint: quemadmodum Patri, æque & Spiritui Sancto, ac Filio attribuuntur. Patri, Joh: XIV: 10. *Non credis, quod ego sum in Patre, & Pater in me sit? Verba quæ ego loquor vobis, à me ipso non loquor. Pater vero, qui in me manet, ipse facit opera.* Spiritui Sancto, Mat: XII: 28. *In Spiritu Dei ejicio demonia.* Ipsa incarnatio, & similia, licet terminative solius Filii sint, effectivæ tamen totius sunt Trinitatis. Heb: X: 5. Luc: I: 35.

III. Sed hæc Divinorum operum distinctio respicit, I. *Ordinem Personarum*, qui ut in subsistendo, ita & in agendo, observari debet. Quia ergo Pater prima Deitatis persona est, & creatio primum Divinitatis externum opus, quippe inchoatio rerum omnium quæ extra Deum sunt, merito illa, speciali œconomia, Patri vindicatur, qui propterea *Dominus celi & terræ* dicitur. Mat: XI: 25. ita tamen ut neque Filio ea abrogetur Heb: I: 10. neque Spiritui Sancto Gen: I: 2. II. attendendum quoque est ad *terminationem actionis in certa quadam persona*. Ob hanc rationem Redemptio secundæ personæ attribuitur, cui soli humana natura adaptata est, in qua, & per quam, plurima ad salutem nostram pertinentia Divinitas est executâ. Mat: I: 21. Quamquam & PATER  
*mundum*

*mundum sibi reconciliasse* dicatur; 2 Cor: v: 19. *Pace facta per sanguinem crucis Christi.* Col: 1: 20. & *abluti, sanctificati, iustificati sumus* SPIRITU Dei nostri. 1 Cor: vi: 11. Uti & de Deo vivo, *eternus* confiderato, scribit Paulus, quod sit *conservator omnium hominum, maxime vero fidelium.* 1 Tim: iv: 10. III. Addunt nonnulli, ob *proximum, immediatumque agendi principium*: quo pacto Sanctificatio adscriberetur Spiritui Sancto. 2 Thef: 11: 13. Verum dubitare liceat, an id sit solidum. Nam una persona Divina non agit per aliam ut per causam mediam: quum una eademque singularum virtus sit, eadem immediatâ tendentiâ singulæ attingunt effectum. Deus Sanctus, *eternus* confideratus, est sanctificator Israël. Ezech: xx: 12. Non minus immediate Pater id facit, & Filius, quam Spiritus. Quia eadem omnium & virtus & operatio est. Si ordo agendi in personis spectetur, Pater quidem agit per Filium & Sp: S. Sed eo sensu omnia opera Dei, immediata Spiritus S. opera *ἀπορροατικῶς* dici deberent: quod alienum est. Nam per Filium agit Pater non minus immediate, quam agit ipse Filius. Item, Pater & Filius agunt per Spiritum S. non minus immediate quam agit ipse Sp: S. Ratio, quia distinctio causæ remotæ & proximæ, mediata & immediata, non habet locum nisi ubi & essentiarum & operationum est diversitas. Vide *Forbes: instruct. Histo: Theol: Lib: 1. cap: x.* Cur ergo tam constanter Sanctificatio tertiæ personæ attribuitur? Nulla mihi nunc ratio occurrat convenientior eâ quam dicturus sum. Sanctificatio peccatoris sequitur gratiam & meritum Christi: Spiritus S. autem in ordine hypostatico subsistendi & operandi sequitur Filium, quam ob rem & *Spiritus Filii* vocatur. Gal: iv: 6. Ideoque nulli potius applicatio meritorum Filii attribuenda videtur, quam illi qui & Filio proximus est, & ab ipso mittitur, & ex iis quæ Filii sunt omnia sumit quæ dat. Joh: xvi: 14.

IV. Operæ pretium est ut distinctius hoc mysterium expendamus. Non explicabo nunc eas voces quibus ecclesia in hoc negotio usa est, de quibus accurate, pro more suo, *Gomarus in Thesibus*, fusius *Johannes Gerhardi in Locis communibus*, Loc: III. Cap: 11. egere: neque scholastice definiam quid essentia, existentia, suppositum, persona sint. Peti ea possunt ex Systematibus quæ omnium manu teruntur. Simpliciter tantummodo, & ad captum simplicium, exponam quid de tremendo hoc mysterio sciendum credendumque sit. Verus Deus, qui est creator coeli & terræ, & salus electi populi, simplicissima Unitate unus & unicus est. 1 Cor: viii: 6. 1 Tim: ii: 5. Attamen non obstante illa unitate tres sunt à se invicem distinctæ *ὑποστάσεις* sive personæ, quarum singulæ ille unus verus Deus sunt, communem habentes eandem *μορφήν*, *φύσιν*, sive quod idem est *ἕκαστος*, *essentiam* (nam *ἡμία*, *καὶ φύσις*, *κατὰ τοὺς ἀγίους πατέρας ἰαυρόν ἐστι*, *Essentia*, & *Natura*, &

Simplex  
mysterii SS.  
Trinitatis  
explicatio

*Forma, juncta Sanctos Patres unum idemque est.* monente Damasceno *Isago: cap: 1.)* Et hæc tres, sunt PATER, & VERBUM sive FILIUS, & SPIRITUS SANCTUS. Qui non sunt tres Dii, neque tria duntaxat nomina, vel attributa sive virtutes Dei, sed tres distinctæ in una individua Deitate personæ. Hæc scire ad salutem sufficit, etiamsi quis scholarum subtilitates ignoret, quæ audaces sæpe, atque oppido temerariæ sunt.

Trinitatis  
doctrina est  
Mysterium,  
quod natu-  
ra non do-  
cet.

V. Veritas hæc inter ea fidei nostræ mysteria est, quæ natura sola, hominem, imprimis corruptum, non docet: & de quibus pulchre *Justinus Martyr, in consut: Græcar: quæst: p. 304.* ὑπὲρ ὧν, ὑπὲρ λόγων, ὑπὲρ νοημάτων κτιστὴς φύσις τὰ ἡμέτερα, ὅταν δὲ καὶ τοὺς τὰ τοιαῦτα ζητοῦντι ἀπορίας τίς ἐπιλή-  
• • • • • πρὸ φανερῶν τοῖς ζουμένοις ἐτοίμην λόγον, τὰς πείσιν. *Omnein intellectum, sermonem om-  
nem, omnem denique naturæ creatæ comprehensionem nostrā superant.* Idcirco si  
• • • • • tibi in his inquirendis occupato dubitatio aliqua suboriatur, asser paratam quæ-  
• • • • • sitorum solutionem, nempe fidem. Et sane de hoc mysterio Christus dixit: *Mat. XI. 27. Patrem nemo novit nisi Filius, & cuicumque voluerit Filius reterege.* Ex  
• • • • • sola igitur Filii revelatione discitur *ex his* illa quæ inter ipsum Patremque est.  
Quam ob rem non assurgimus iis Theologorum nostrorum qui myste-  
rium hoc rationibus è natura petitis probare, confirmare, ac polixis si-  
• • • • • militudinibus illustrare, aggressi sunt, quod post alios subtiliter ac fuse co-  
• • • • • natus est *Bislerfeldius* in Synopsi præfixa eruditissimo operi adversus *Crel-  
• • • • • lium*. Tutius intra Scripturam solam consistitur; ne in non necessarias  
• • • • • difficultates nos induamus. Quæ ex Orpheo, Zoroastre, Trismegisto,  
• • • • • Sibyllis, similibusque Scriptoribus producantur testimonia, ὑποβολιμαία.  
• • • • • supposititia sunt, & quo clariora, eo magis suspecta. Nam verbo Dei con-  
• • • • • trarium videtur, existimare, tam profunda mysteria Gentilibus fuisse  
• • • • • clarius proposita, quam illi populo quem Deus Opt: Max: ut peculia-  
• • • • • riter suum dilexit, & suamet ipsius, & fidelium suorum servorum, voce  
• • • • • erudiit: uti bene argumentatur *Casaubonus Exercit: I. ad Apparatum An-  
• • • • • naliū, Num. XVIII. p. 53.* Videatur imprimis *Amyrædus Dissert: de  
• • • • • Myster. Trinit. p. 112. 117. & seq.* Quæ ex Platone ejusque discipulis pro-  
• • • • • feruntur, verbis quidem aliquo modo consentiunt, sensu dissentiunt, & ex  
• • • • • sacris quæ tunc exstabant scriptis, vel traditione aliqua hausta, cenferi pos-  
• • • • • sunt: quod non improbabile esse, *Clemens. Alexandr. Strom. Lib. II. p.  
• • • • • 103.* differit. Vide *Joh. Gerhardi, Loc. Comm. p. 329.* & *Lipsium in  
• • • • • Manuductione ad Philosophiam Stoicam. Lib. II. Dissert. XIX.* Sed omnium  
• • • • • prolixissime atque ex professo hanc rem egit *Christianus Schotanus, in  
• • • • • Triumpho Biblico Lib. III. Cap. VII.*

Sed pluri-  
mis utrius-  
que instru-  
menti testi-

VI. In Scriptura, tam Veteri, quam Nova, plurima & luculenta de hoc mysterio testimonia exstant. Ex quibus patet I. *Plures una Divinas personas esse.* II. *Specialius, eas esse tres numero.* III. *Specialissime, eas*



eas esse *Patrem, Filium, & Spiritum Sanctum*. *Primum* probatur I. Ex iis <sup>monitiis con-</sup>Scripturæ locis, ubi Deus ad se ipsum; vel de se ipso in plurali loquitur. ut Gen. 1. 26. & 111. 22. & XI. 7. Jes. VI. 8. II, Ubi Dominus de Domino loquitur, aut a Domino distinguitur. Gen. XIX. 24. Pl. XLV. 8. coll: cum Heb. 1. 8. Pl. CX. 2. coll. cum Mat. XXII. 43. 44. Dan. IX. 17. Hof. 1. 7. Prov. XXX. 4. *Secundum* ex iis locis evincitur, ubi tres distinctæ personæ recensentur: ut Pl. XXXIII. 6. Jes. LXI. 1. coll: cum ver. 8. unde patet Jehovah esse qui ibi loquitur. Jes. LXIII. 2. 10. Hag. 11. 5. 6. Mat. III. 16 17. *Tertium* confirmatur ex Mat. XXVIII. 19. Rom. I. 4. 2 Cor. XIII. 13. 1 Joh. V. 7. Quæ testimonia omnia explicare, ac vindicare, prolixum nimis, & ab instituto nostro alienum est.

VII. Explicandum nobis sumimus, quid sit in *Deum Triunum credere*. <sup>Credere in</sup>Id tria præcipue notat. I. *Cognitionem* hujus mysterii. II. *Agnitionem* ejus- <sup>Deum Tri-</sup>dem, sive assensum. III. *Animi in Deum ut Triunum placidam sanctamque* <sup>num quid</sup>  
*reclinationem*. <sup>sit.</sup>

VIII. Quod *cognitionem* hujus mysterii attinet, eam tam necessariam <sup>Cognitio</sup>esse statuimus, ut sine ea nemini adulto salutem polliceri audeamus. <sup>SS. Trinita-</sup> <sup>tis ad salu-</sup> <sup>tem est ne-</sup> <sup>cessaria.</sup> *Fatemur*, distinguendum esse mensuram cognitionis, magis minusve claræ ac distinctæ: distinguenda etiam esse tempora; nam proportioni revelationis cognitionem respondere conveniens est: distinguenda esse hominum ingenia; quorum alterum altero institutionis longe est capacius: distinguendam item cognitionem mentalem ab illius explicatione orali: considerandam denique esse diversitatem ministerii, sub quo quisque vivit. Non definimus etiam gradum modumve hujus cognitionis: hoc monemus duntaxat, non videri nobis eum in via salutis esse, qui hujus mysterii plane est ignarus. Huc faciunt sequentia argumenta.

IX. 1. Quum ipse Dominus vitam æternam collocet in cognitione <sup>Argumenta</sup> <sup>id proban-</sup> <sup>tia.</sup> Patris & Filii ab ipso missi; Joh. XVII. 3. quis dixerit eam cognitionem ad vitam æternam necessariam non esse? Quod æque absurdum foret, ac si quis diceret, ad salutem necessarium non esse id in quo ipsa salus consistit. Porro, nemo cognoscit Patrem, qui ignorat, eum Filium suum ab æterno genuisse. Neque quisquam novit Filium, qui nescit, eum eundem cum Patre Deum esse. Joh. XIV. 9. 10. *Dicit ei Jesus, Tantum temporis vobiscum sum, & non nostis me? Philippe, qui vidit me vidit Patrem... Non credis me in Patre, & Patrem in me esse? Quæ trinitatem, saltem pluralitatem personarum, in una Deitate important.*

X. 11. In confesso est, sine notitia veri Dei nullam salutis spem esse. Verus autem Deus ille demum est, qui, Unicus essentia, in tribus consistit personis. Quicumque aliter, vel non ita, Deum sibi representat, non verum Deum sibi representat, sed cerebri sui figmentum ac idolum. *Augusti-*

*mus Quæst. XXIX. in Iosuan: Quisque talem Deum cogitat, qualis non est Deus; alterum Deum utique & falsum in cogitatione portat.* Atque hæc est ratio, cur Gentiles, qui in genere non ignorabant esse aliquod infinitum numen, quia tamen Trinitatem ignorabant, quæ fundamentum est foederis Dei cum electis peccatoribus, ἀδελφοὶ ἐν κόσμῳ fuisse dicantur. Eph: 11: 12. Verus Deus, quem Paulus prædicabat, erat iis ἄγνωστος. Act: xv11: 23. *Gentes non noverunt Deum.* 1 Thess: iv: 5. Quia scilicet: non agnoverunt Deum ut Triunum. Sciverunt quidem esse aliquod summum numen; & eatenus idem Paulus testatur, eos Deum novisse, Rom: 1. 21. sed quis ille Deus esset, id vero ignoraverunt: uti si quis norit Regem aliquem in regno esse, personam tamen Regis incognitam habeat.

XI. 111. Ignorata Trinitate, præcipua fidei ac consolationis nostræ fundamenta ignorari necesse est. Nam in mysterio Dei & Patris & Christi omnes thesauri sapientiæ ac notitiæ absconditi sunt. Col: 11: 2. 3. Scire non possum quomodo Deus digne peccatoris misereatur, nisi sciam eum Filium habere, quem mittere possit ut pro peccatis satisfaciatur, & Spiritum, qui merita Filii mihi applicet. Si Patrem Deum esse nesciam; ignoro Filium Dei esse, quod felicitatis nostræ summa est. Si ignorem filium Deum esse; non rite æstimabo amorem Patris, qui eum mihi dedit, neque charitatem Filii in tanta Majestate se ipsum tantopere pro me humiliantis; neque de satisfactione illius securus esse poterō, ad quam infiniti valoris pretium requiritur; neque potentia illius tuto nitar, nisi constet eam immensam esse; breviter pro servatore eum & summo bono meo habere non poterō, quia præter verum Israëlitis Deum, nemo illius ἡγούμενος ac Redemptor est. Jes: lrv: 5. Si denique Spiritum Sanctum, cui me ducendum regendumque dare debeo, Deum esse exploratum non habeam; non poterō subjectionem sub illo pro verâ libertate habere, non poterō in illius custodia, et testimonio de salute mea, tanquam sufficientissimo arrhabone, sancte securus esse. Nam tam delicata res est Christiana Fides, ut in nulla re nisi in summo Deo secure acquiescat. Illud autem, unde tot rerum necessariarum cognitio pendet, imprimis à nobis cognoscendum esse necesse est. Firmat hoc argumentum nostrum experientia. Li enim qui Trinitatem negant, iidem satisfactionem quoque Christi, & immensam Spiritus in nostri regeneratione ac conservatione potentiam, & salutis certitudinem, ac inconcussam fidei πνευματικὴν, negant. Quemadmodum in Socinianis videre est. Adeo mysterium nostræ per Christum salutis cum Trinitatis mysterio junctum est, ut hoc ignorato, vel negato, illud cognosci, vel agnosci nequeat.

XII. iv. Constat utique salvari non posse eum qui Deum Patrem non honorat. Ita enim ipse: 1 Sam: 11: 30. *Honorantes me honorabo: sed qui me contemnunt vilipendentur.* Nemo autem Patrem rite honorat, qui

qui non & Filium Joh: v: 23. *Ut omnes honorent Filium, sicut honorant Patrem. Qui non honorat Filium, non honorat Patrem qui misit eum.* Porro Filium nemo honorare potest, qui eum non novit, & quidem pro eo qui est, Unigenitum, Patri *ἑμῷ*, & idcirco eodem, id est Divino, honore cum Patre dignum. Quid enim honor est, nisi venerabunda agnitio præstantiæ in eo quem honoramus? Ergo sine cognitione Christi, ut unius cum Patre Dei, nulla salus est.

XIII. v. Cujus baptizandi omnes ex instituto Christi professionem edere debuerunt, illius cognitio ad salutem est necessaria. Nemo enim profiteri potest quod nescit. At Trinitatis illius, in cuius nomen baptizantur, professionem edere fideles ab omni ævo debuerunt. Nam in alicujus nomen baptizari, est ei se dedere in obsequium quale Deo debetur. Quod confessionem Deitatis involvit, vel supponit. Non quidem diserte in Scriptura memoratur, illam confessionem istis terminis exactam fuisse: verum nec id legitur, Apostolos in nomine Patris, Filii ac Sp: S. baptizasse, quos tamen institutionis Dominicæ retinentissimos fuisse indubium est. Quando etiam Apostoli baptizarunt *in nomine Christi*, quod Lucas in ipsorum actis testatur, Act: 11: 38. & VIII: 16. & XIX: 5. eo nomine (utacute *Ambrosius* observavit *Lib. 1: de Sp: S. Cap: III.*) tota Trinitas intelligitur. Intelligitur enim, quum Christum dicis, & Pater, à quo unctus est, & ipse, qui unctus est, & Sp: S. quo unctus est. Quam re *Ambrosius* secutus est *Basilium*, cujus ista verba sunt: *De Spi: San: ἡ τῷ χριστῷ προσήγαρη τῷ πατρὶς ἐστὶν ἑμολογία. δαλῶς γὰρ πάντα χρίοντα Θεόν, καὶ χριστόντα υἱόν, καὶ τὸ χρίμα τὸ πνεῦμα.* Appellatio Christi est confessio totius. Notat enim & Ungentem, Deum; & Unctum, Filium; & Unctionem, Spiritum. vide *Vossium de Baptismo* p. 51. Et quando Dominus dicit *Mar: XVI: 16. Qui crediderit & baptizatus fuerit, servabitur: qui autem non crediderit, condemnabitur*: quid magis rationi consentaneum est, quam pro objecto fidei ab ipso statui eam doctrinam quæ una cum baptismo traditur? Hinc veteres fere ad unum omnes una cum baptismo Trinitatis meminerunt. *Ambros: Lib: 11: de Sacramentis, Cap: VII. Interrogatus es, Credis in Deum Patrem Omnipotentem? Dixisti, Credo: & misisti, hoc est, sepultus es. Iterum interrogatus es, Credis in Dominum nostrum Jesum Christum? Dixisti, Credo: & misisti. Ideo & Christo es consepultus . . . . Tertio interrogatus es, Credis in Spiritum S.? Dixisti, Credo. Tertio misisti &c.* *Basilius: Δεῖ ἡμᾶς βαπτίζεσθαι ὡς περιλάβομεν, πνεῦμα δ' ὡς βαπτίζομεθα, δεξιζομεν δ' ὡς πεποιήκαμεν πατέρα, καὶ υἱόν, καὶ ἄγιον πνεῦμα.* Baptizari debemus sicut accepimus, credere autem sicut baptizati sumus; & sentire sicut credimus, de Deo Patre & Filio & Sp: S. Alia Patrum testimonia vide apud *Forbesium, Instruct: Histo: Theol: Lib: 1. cap: XVII.* Quibus nunc addo id quod *Naxianzenus* habet *Orat: XXXII.* quam recitavit in Concilio Constantinopolitano, Oecumenico sexto, Ao. 381.

πιστεύουσιν ἐν πατρί καὶ υἱῷ καὶ πνεύματι ἁγίῳ, ὁμοούσιον τε καὶ ὁμοδύναμον, ἐν ᾧ καὶ τὸ βασίλειον τῆς ἐκκλησίας ἔχει, ἐν τῇ τοῖς ἐνόμοις καὶ πράγμασι (ὁ δὲ οὐ μόνος) ἀρρα-  
 ρος ἐν ἀδελφῇ, καὶ ὁμοδοξία διατέτακται. *Credimus in Patrem & Filium & Sp: S. ejusdem essentiae, ejusdemque gloriae: in quibus & baptismum perfectionem habet; quod tunc in nominibus, tunc in rebus (NOSTI QUI INITIATUS ES) abnegatio est Atheismi, & confessio Deitatis.* Adeo tum demum quem ab Atheismo ad verum Deum transire, quando confessionem Trinitatis in Baptismo edebat, pii Veteres crediderunt.

Trinitatis  
 Mysterium  
 Adamo in  
 statu inno-  
 centiae  
 ignotum  
 non fuit.

XIV. Non intempestivum erit hic inquirere, *an Trinitatis mysterium Adamo in statu integritatis cognitum fuerit?* Celeberrimus Theologus, *Moses Amyraldus* in animum induxit, ut id negaret, *Dissert: de Mysterio Trinitatis* p. 121. & prolixius p. 158. & seq. Ubi contendit, Oeconomiam, quæ intercedit inter tres personas Deitatis; ita potissimum versari in procuratione salutis generis humani, ut NON POSSIT EJUS NOTITIA PERTINERE AD STATUM INNOCENTIAE, IN QUO NULLUS SALUTI VEL REDEMPTIONI LOCUS. Nobis fecus videtur: & sententiam nostram sequentibus thesibus exponimus, ac probamus.

XV. Fatemur quidem, Trinitatis doctrinam Mysterium esse, quod homo, quantumvis sapiens ac industrius, ex solo sui ipsius, ac creaturarum consideratione, haurire non possit; sed & pro certo habemus, Deum Adamo in statu integritatis nonnulla revelasse, quæ natura sola ipsum docere non poterat. Quippe quum magni Dei socius ac amicus & quasi vicarius in terris esset, ad felicitatem ejus pertinebat commercium Dei sui frui, & ea subinde ex ipsius ore discere, quibus ad laudes Creatoris sui redderetur instructior. Et sane unde præceptum de Arbore Scientiæ, unde significationem Arboris Vitæ habebat, nisi ex Divino alloquio? Unde sciebat conjugis suæ talem creationem, se dormiente factam, ut carnem eam ex carne sua, & os ex ossibus esse prædicaret, nisi ex revelatione Numinis? *Zanchius, de Creatione Hominis Lib. 1. Cap. 1. §. xli.* non dubitare se dicit, quin Deus per Filium suum, specie humani corporis vestitum, externe & visibiliter Adamum aliquoties affatus sit. Nam quam gratiam plurimis postea Deus præstitit, hanc denegatam fuisse primo homini, summo Dei amico, ad imaginem Dei perfectissimam creato, nullo modo credibile esse opinatur. Et sic sentire testatur Patres, *Justinum, Irenæum, Tertullianum, Eusebium, Ambrosium, Augustinum,* & alios. Ego, uti de modo revelationis extra Scripturam nihil determinare aucto, ita revelationes aliquas revera Adamo factas esse, ex iis quæ adduximus, dubitandum non esse existimo.

XVI. Inter ea quæ revelavit Deus, mysterium quoque Trinitatis esse, hinc evinco. Intellectum Adami præstantissima sapientia ornatum fuisse,

in confesso est. Princeps autem sapientiæ pars est, Deum nosse. Non ita generatim & confule, ut quis sciat esse aliquod Infinitum Numen, a quo reliqua omnia sint. Ea enim cognitio remansit in Gentilibus, quos cæcos, & fatuos, & imagine Dei destitutos esse, omnes novimus. Sed ad veram *θεωρίαν* pertinet, ut distincte noveris, QUIS ille Deus sit. Si generales, quos habes, de Deitate conceptus, alteri aliqui applices, quam illi, qui ita unus est essentia, ut trinus personis sit, non tam verum Deum nosse, quam idolum ac cerebri tui figmentum loco veri Dei substituere, censendus es. Quod quum de Adamo integro cogitare contradictorium, ac ferme blasphemum sit, relinquatur ut eum aliquam Triunus Dei, qui solus verus Deus est, cognitionem habuisse statuamus. Eodem argumento *Epiphanius* pugnat, quum in *Panario* p. 8. ita de Adamo scribit: *οὐκ ἰδωλολάτρης δὲ ἦν, καὶ ἔδει πατέρα Θεοῦ, καὶ υἱόν, καὶ ἅγιον πνεῦμα. Μεσότης γὰρ ἦν. καὶ ἔδει ὅτι ὁ πατὴρ ἵστα τῷ υἱῷ ποιῶντων ἄνθρωποι.*

Non erat autem idoli cultor. Noverat enim *ἃ* Patrem Deum, *ἃ* Filium, *ἃ* Spiritum sanctum. Etenim *Propheta* erat, *ἃ* sciebat, Patrem dixisse Filio, *Faciamus hominem*. Ubi primo docet, obtigisse Adamo revelationes Propheticas similes, dein inter revelata mysterium Trinitatis fuisse; quod eo argumento probat, quia non erat idololatra; supponens, id eum fuisse futurum, si aliam quam Triunus Dei ideam habuisset.

XVII. Sed & alteram rationem subinnuit, quam nos fusius exsequemur. Quum Deus in Creationis opere Trinum se monstraverit, Pater per Filium secula condiderit, Heb. 1. 2. Spiritus Sanctus aquas incubando foverit, & Univerſa adeo Trinitas ad hominis creationem multo hortatu se accinxerit; credibile non est, Trinitatem protoplasto prorsus incognitam fuisse, nisi eum Creatorem suum ignoravisse credamus. Nam quum & Filius & Spiritus Sanctus Creator ipsius fuerint; si eos ignoraverit, Creatorem suum ignoravit, eique gratias agere, & ut par erat, colere non potuit. Sane emphasi sua non caret, quod Scriptura sæpiuscule, quum de Creatore hominis loquitur, plurali utatur numero. ut *Jes. LIV: 5. בעליך עשׂיך*, quod ad verbum est, *Mariti tui, factores tui*. *Ps. CXLIX. 2. ישׁמח ישראל בעשׂיו*, *Latetur Israël in factoribus suis*. Ad id attendere jubet hominem, & id menti insculpere, etiam in tenera juventute: *Ecc. XI: 1. זכר את בוראך* *Memento Creatorum tuorum*. Crimen est, quum homo id non facit, neque dicit, *Job. xxxv. 9. איהו אלהי עשׂי*. *Ubi est Deus, factores mei?* Quæ phrasæ; nisi ad Trinitatem referantur, periculosa videri possent. Absurdum porro est, Adamum de Deo CREATORE (Creatore, inquam, nam id hic urgemus) ignoravisse, quod nunc Adami posteros ignorare Deus non patitur. Idque eo magis, quia Deus eum in finem hominem condidit, ut sui virtutumque suarum in novo orbe præconem

eum haberet. Indubie autem ad gloriam Dei facit, ut non modo virtutes Dei, sed & quomodo se illæ in distinctis Deitatis personis, earumque operandi modo ac ordine, exseruerint, singulatim celebraverit.

XVIII. Hinc patet, Oeconomiam Trinitatis non ita ad procurationem salutis generis humani restringendam esse, ut non in prima mundi, hominisque Creatione observanda sit. Ipsum Evangelium, dum explicat admirabilem Oeconomiam, quatenus versatur in procuranda generis humani salute, simul cogitationes nostras extollit ad eandem Oeconomiam, quatenus se in primo mundi conditu manifestavit. Ostendit enim in veteri creatione typum quendam & instar fuisse novæ. 2 Cor. iv. 6. & Filium Dei, Servatorem nostrum, esse ἀρχὴν τῆς κτίσεως τοῦ θεοῦ, *Principium* (activum scilicet) *creationis Dei*, Ap. iiii. 14. Per quem conditi sunt Throni & dominationes, visibilia & invisibilia, ἵνα γένηται ὁ παῖς ἀντὶς πάντων, *ut primas tenent in omnibus*, Col. i. 16. 18. in operibus tam naturæ quam gratiæ princeps. Male itaque ex hac hypothesi quod Oeconomia Trinitatis potissimum versetur in procuranda salute peccatoris, Adamo Trinitatis cognitio denegatur. Quum procuratio hæc salutis, quæ nova creatio est, adumbrata sit per primam, in qua non minus se manifestavit Trinitas.

XIX. Tum etiam periculose dicitur, *in statu innocentia nullam salutem vel redemptionem locum fuisse*. De redemptione, verum est; de salute, falsum. Eadem enim salus, eadem vita æterna, quam per Christum obtinemus, promissa Adamo erat, si perstaret in sanctitate: uti alibi fuisse demonstramus. Huc faciebat *Arbor Vitæ* quæ jam tum symbolum erat, non mediatoris quidem qua talis, sed tamen Filii Dei. *In ipso enim vita erat*. Joh. i. 4. Quod symbolum frustra fuisset, si illius significatio Adamo fuisset incognita.

Agnitio  
quoque Tri-  
nitatis ne-  
cessaria est  
ad salutem.

XX. Hactenus de cognitione hujus mysterii. Non minus necessaria est illius *Agnitio & Assensus*, postquam alicui ex verbo Dei est expositum. Manifestum quippe est, deteriorem longe illius conditionem esse, qui veritatem fundamentalem, sibi cognitam, inficiatur & oppugnat, quam qui eam simpliciter ignorat. Neque dubito confidenter declarare, exsortes eos æternæ salutis esse, qui Trinitatis se doctrinæ opponunt: Johanne edicante, i Epist. cap. ii. 23. *Quisquis negat Filium, nec Patrem habet*. Negat autem Filium, qui Deitatem ipsius negat, & qui negat Spiritum Filii, Filio ὁμοῦς, & sine quo nemo Jesum Dominum dicere potest. i Cor. xii. 3.

Et qui eam  
negant pro  
Christianis  
& Fratribus  
non sunt  
habendi.

XXI. Unde pro Christianis ac Fratribus eos agnoscere, ullamve Ecclesiasticam pacem iis offerre, vel ab iis oblatam admittere, non possumus, qui Trinitatis doctrinam negant, oppugnant, blasphemant: quales hodierni Sociniani sunt. Quos, quantumlibet se speciosa pietatis larva

larva venditent, Christianismi everfores, & *ῥωμαῖοι*, crassosque idololatrias esse, pleno ore pronunciamus: quibuscum nullam Ecclesiis nostris societatem esse volumus, & quibus ex Apostoli præscripto nec *Ave* velimus dicere. 2 Joh. vers. 10. Laudamus Christophori Krainscii zelum, qui, quando Smalcus Socinianorum Antesignanus cum suis Orthodoxos primum in Synodo Lublinensi Ao. 1612. dein in Synodo Belziesi, iniqua unionis postulatione turbabat, ingenue respondit: *Domini facessite hinc, ne turbetis nos: citius enim calum cum orco concordare poterit, quam nos Evangelici vobiscum. Qui Deum timet, e templo exeat, e vestigioque ipse exibit.* De quo facto & dicto Krainscii quum quererentur adversarii, quasi indignos eos conversatione censuisset, subsumsit Leszczynius Comes, *Ego quoque Deum timeo, & propterea abibo.* Simulque cum dicto abivit, & consensu carpento discessit. Sic unio denegata. *Lætus in compendio Hist. univers. cap. xxxv. p. mibi 508.* Qui plura desiderat, adeat Venerandi Voëtii eruditissimas *Theses, de Necessitate & utilitate Dogmatis de SS. Trinitate.*

XXII. Verum quid proderet nuda & mere speculativa hujus mysterii *Cognitio*, & *Agnitio*, nisi accederet pia animi in *Triunum Deum reclinatio*? Quam primum fidelis anima veritatem hanc a Deo edocta est, in ea deliciatur, gaudens ea se nunc de Deo suo scire & credere, quæ omnem sensum, omnem sermonem; intellectum omnem superant, quæ incomprehensibili infinitate ejus digna sunt, & quibus denique ab omnibus gentium idolis, & quos quisque sibi perversis conceptibus suis formavit falsis Diis, distinguitur. Inveni Te, inquit Fides, inveni & agnosco Te, mi Deus, rupes salutis meæ, quem reliquus mundus ignorat, quem, sapientissimi mortalium, Athenienses *Ἀγνοῦσι* sibi fatebantur. *אֲנִי הוּא*. Tu ille ipse es: in simplicissima Unitate Trinus: in inconfusa Trinitate Unus, Pater, Filius, & Spiritus S. Tu es ille *ὁ ἀληθινὸς Θεὸς καὶ ὁ ζων ἀνὴρ*.

Sed precipue requiritur pia animi in *Triunum Deum reclinatio.*

XXIII. Neque hic subsistit Fides. Sed Patrem Deum agnoscens, Omnipotentem virtuti, Imperscrutabili Sapientiæ, Immensæ Bonitati, & inexhaustis Sufficienciæ ipsius Divitiis fidenter se committit. Filium Deum agnoscens, in ipsius satisfactionem ut plenissimam, & propter Deitatis eminentiam infiniti valoris, secure recumbit. Certe, inquit, in *Jehova* isto plena *justitia* & *robur* est; ad eum quisque venit; in *Jehova* *justificabuntur* & *gloriabuntur totum semen Israelis.* *Jes. xlv. 24. 25.* Spiritum Sanctum Deum agnoscens, ejus ductui Sapienti ac Sancto se tuto credit, ejus testimonio ut infallibili & *ἁγρονίῳ* sine metu fidit. Et hos tres unum esse sciens, non distrahitur in operationibus suis, sed omni nisu in *Triunum* illum incumbit, certa de singularum personarum, propter unitatem tam voluntatis quam essentiae, in promovenda salute sua consensu

Praxis hujus  
articuli.

XXIV. Nihil falsius est ea Remonstrantium calumnia, qua articulum de SS. Trinitate ullum ad praxin usum habere inficiantur. Omnis doctrina *veritatis, secundum pietatem est*. Tit. 1. 1. Et hæc tam notabilis, tam fundamentalis, non esset? Imo totius fidei, totius veræ religionis, scaturigo est. Non potest habere Fidem Christianam, qui non credit e Deitate potuisse nobis dari, & datum fuisse revera, efficacem apud Deum Mediatorem. Hoc autem fieri non potuisset, si Deitas in una duntaxat confisteret persona. Nulla etiam religio est, nisi quis verum Deum colat. Non colit verum Deum, sed cerebri sui figmentum, qui non adorat in æquali Divinitatis Majestate Patrem, Filium, & Spiritum S. I nunc & doctrinam eam ad praxin inutilem esse clama, sine qua nulla fidei aut pietatis Christianæ praxis esse potest. Injuri in Deum Remonstrantes sunt, quando palpum obtrusuri, quos plus justo amant, Sociniani, eos describunt quasi *qui vitam suam ex Evangelii præscripto sic instituunt, ut Patrem in Filio ejus colant, & ab utroque Spiritus Sancti gratiam sanctis piisque precibus ambire studeant*. Apol. Fol. 53. Quid audiemus tandem? Illine vitam ex Evangelii præscripto instituunt, qui, satisfactionem Christi negantes, Evangelium evertunt? Illine Patrem in Filio colunt, qui æternum Dei Filium *ψαδὸν ἀνθρώπων* esse calumniantur; quem uti talem adorantes convertunt in idolum? Illine piis precibus Spiritus S. gratiam ab utroque ambiunt, qui Spiritum, Dei accidens, & creaturam, vel saltem medium quid inter Deum & creaturam esse, blasphemant? Quanto rectius *Ignatius in Epistola ad Antiochenos*: *ὅτις ἐν ᾧ οἱ θεοὶ καὶ πατὴρ καὶ υἱὸς ὁ θεὸς, ἐν ἀμαρτίᾳ τῆς τοῦ Χριστοῦ θεότητος, ἐν διαβόλῳ, καὶ ἐξ ὁποῦ πᾶντα διαμορφώσας. Omnis qui annunciat unum solum Deum, & tollit Christi Divinitatem, is est Diabolus, & hostis omnis justitiæ.*

XXV. Specialiores nunc usus assignemus. Primo utilis est doctrina SS. Trinitatis ad *Institutionem*, idque dupliciter. I. Informatur intellectus noster quomodo in meditatione sua circa Deum versari debeat, non hærendo in sola contemplatione Unicæ essentiae & attributorum ejusdem, sed & adscendendo ad admirabilem illam Trinitatem. Magna certe pietatis pars est, Deum recte cognoscere. Jer. 18. 24. Non potest mens nostra præstantius suæ meditationis objectum habere, quam tremendum hoc mysterium, cujus intuitiva & perfecta cognitio in lumine gloriæ omnem felicitatem suam absolvet. II. Docemur hoc incomprehensibili mysterio, quod omnem sensum rationemque superat, ut in Divinis rebus propriæ sapientiæ nostræ renunciemus, omnemque cogitationem in captivitate redigamus ad obedientiam fidei. Nemo enim de hoc mysterio recte cogitare idoneus est, qui non, sensum humanæque ratiocinationis humilitate superata, in sublimiorem fidei sphaeram evolaverit, ubi solius Dei de se ipso testimonio nixus, id credit,



credit, quod neque oculis cernere, neque mente comprehendere valet, ibi subsistens, ubi Deus nihil amplius revelat. *Gregor. Nazianz. Orat. XXIX.* Ἀκούεις γένεσιν, τὸ πῶς καὶ περὶ αὐτοῦ. ἀκούεις τὸ πνεῦμα προῖον ἐκ τοῦ πατρὸς, τὸ ὅπως καὶ συνεπαραγμένον. *Audis generationem; de modo ne sis curiosus. Audis Spiritum ex Patre procedere; quomodo id fiat ne curiose indages.*

XXVI. Secundo ad *Consolationem*. I. O quam dulce est in arctissima illa trium personarum unionē, imo unitate, exemplar & ideam nostrae unionis cum Christo, & per Christum cum Deo, cernere! Juxta Orationem Domini, *ut omnes unum sint, sicut tu Pater in me, & ego in te: ut & ipsi in nobis unum sint: ut sint unum, sicut & nos unum sumus, Ego in eis, & tu in me.* Joh. XVII. 21. 22. 23. II. O quam suave est, quum Patrem, qui me in Filium adoptavit, Deum esse credo, qui, ut ipse Dominus omnium est, ita me heredem omnium facere potest: quum Filium, cui desponsata est anima, itidem Deum, ac Regem gloriæ esse cogito: quum Spiritum S. quo obsignatus sum ad diem plenæ salutis, similiter Deum, & consequenter αὐτοκρατορῶν esse certus sum! III. O quam jucundum est SS. Trinitatis mysterium meditati, in facie æterni Patris, immensi erga me amoris pietatem cernere; in facie coæterni Filii, Sanctissimæ φιλadelphίας comitatem; in lumine Spiritus S. vincula meæ cum Deo unionis!

XXVII. Tertio ad *Admonitionem*. I. Ut nos Christiani, quos *imitatores Dei* esse par est, *uti dilectos filios*, Eph. v. 1. in concordi vivamus pace, *unanimis & sententiis uni*: Phil. 11. 2. *studentes servare unitatem Spiritus ad connexum pacis*. Eph. iv. 3. II. Ut Divinam Patris nostri Majestatem reverenter habeamus: ut Filio, Regi gloriæ, cordis nostri portas alacres pandamus: Ut Spiritum S. in eadem Majestate cum Patre & Filio Deum, non *contristemus*. Eph. iv. 30, neque eum *dolore afficiamus*. Jes. LXIII. 10. neque *extinguamus*. 1 Thef. v. 19. sed ei nos totos in sancta templa consecremus. 1 Cor. III. 16. & VI. 19. Solicite nobis ab illo in ipsum peccato caventes, quod neque in hoc neque in futuro seculo remittetur. Mat. XII. 32. Concludo verbis Synesii ex hymno tertio:

Ἦμεν οὐ μόνον, Ἦμεν οὐ τελευτῶν.

Μόνον ἢ τελευτῶν ἂν. Τημεν ἢ μόνον ἂν.

## EXERCITATIO VII

## DE FIDE

IN

## DEUM PATREM.

## BREVIARIUM

1. Patris vocabulum non uno sensu de Deo dicitur. 2. Nobis nunc primam personam notat. 3. Quæ prima dicitur: non ætate. 4. Neque natura vel causalitate. 5. Nec dignitate. 6. Sed ordine subsistendi. 7. Et operandi. 8. A se ipso est, non solum, quoad essentiam, sed & quoad modum habendi essentiam. 9. 10. Generavit Filium ab æterno, per communicationem ejusdem essentia sua. 11. 12. Socinianorum strophæ deteguntur. 13. 14. 15. 16. 17. Pater cum Filio S. S. spirat. 18. 19. 20. Episcopi sententia de subordinatione Divinarum personarum refutatur. 21. 22. 23. Ad objectiones respondetur. 24. 25. Fides Patrem Christi ut NOSTRUM quoque Patrem confidebat. 26. Præstantissima est conditio Filiorum Dei. 27. 28. 29. Ratiæ divini Testamenti exponitur. 30. 31. 32. 33. Bona Testamenti. 34. 35. Stipulationes Testamenti. 36. 37. 38. 39. 40. Gnosimata Filiorum Dei.

Patris vocabulum non uno sensu de Deo dicitur.

**P**ATRIS vocabulum, quando de Deo usurpatur, quandoque secundus sumi, quandoque *ἐκκλησιαστικῶς*, receptissima Theologorum observatio est. *Ὀυρανὸς* sumtum, toti individua Trinitati commune est: atque ita usurpatur imprimis cum respectu ad creaturas. Id enim propter quod Deus hominum cæterarumque creaturarum Pater vocatur, non uni alicui personæ singulare est, sed singulis æqualiter competit. Pater omnium dicitur, quia omnes creavit. Mal. II. 10. Pater Spiritum Heb. XII. 9. quia eos format in medio hominis. Zach. XII. 1. Confer Jer. xxxviii. 16. Itemque, quia sollicitam hominum curam gerit, prospiciendo singulis. Fecit ex uno sanguine totam gentem humanam. Nec longe abest ab unoquoque nostrum, in ipso enim vivimus, movemur & sumus. Sicut & quidam Poëtarum dixerunt: *Τὸ πᾶν ἐκ τοῦ θεοῦ ἐστίν*. Act. xvii. 26. 27. 28. Hæc autem ita ad primam Deitatis personam referenda sunt, ut non minus secundæ ac tertiæ accepta ferantur.

Nobis nunc Primam personam notat.

II. Nobis vero Patris nomen nunc *ἐκκλησιαστικῶς* venit, uti designat Primam Deitatis Personam, quæ à se ipsa est, & sola quidem Filium ineffabili modo generavit, una autem cum Filio Spiritum Sanctum modo non minus ineffabili spirat. Quæ descriptione ea omnia continentur, quæ ut proprietates characteristicas Patris Scriptura proponit.

III. Harum *Prima* est Patris *Personalis Primitas*. *Quem* Patrem primam personam dicimus, non intelligimus id de ordine *Duratonis*, quasi *Etate* ac *Tempore* reliquis sit anterior. Nam & Filii *egressus sunt* *מִמֵּי עוֹלָם*, jam inde ab initio, à diebus seculi Mich. v. 1. Et *Jobova possidebat*, hypostaticam illam sapientiam, principio *via sua*: ante opera sua, ante ullum tempus. Prov. VIII. 22. Unde pie in *Expositione Fidei* dixit *Athanasius*, *ὁὗτος ἐν τῷ Πατρὶς ἀνάγκη καὶ ἀδύνατος γεννημένος*, *Filiam ex Patre sine initio, & ab aeterno genitum*. Et Spiritus iste, per quem factum est ut Christus uti inculcata hostia Deo offerretur (quod de tertia persona intelligere nihil vetat, imo vero admodum consentaneum est,) *aeternus* nuncupatur Heb. IX 14. Et sane aeternitas adeo essentialis Dei proprietas est, ut quod aeternum non est neque pro Numine agnoscendum sit. Pertinet ad *τὸ γινώσκειν τὸ Θεῷ*, quod natura ipsa suggerit, *Aeterna Potentia* Rom. I. 23. Porro quod aeternum est, nihil quod se vel momento prius sit habere potest. Optime in *Symbolo* suo *Athanasius*, *Patris, & Filii & Spiritus Sancti una est Deitas*, καὶ ἐνδιαιρούμενα (alii legunt *κοινάδι*) ἡ μεγαλειότης, *coeterna magnificentia*.

Quæ prima dicitur: non etate.

IV. Neque primum dicimus patrem ordine *Naturæ* vel *Causalfitatis*. Nusquam enim Scriptura id testatur: extra quam in tam tremendo mysterio loqui periculosum est. Causa proprie definitur; quæ influit esse in aliud. Id autem in personis Divinis, ubi essentia *ταυτότης* est, non obtinet. Et ubi natura una est, uti hic, ibi naturæ prioritas vel posterioritas perperam concipitur. Non nescio Veteres Græcos *τὸ ἀπριον καὶ τὸ ἀκαύστητον*, *caussum & caussum* in Divinis quoque admisisse; (vide *Forbes. Lib. I. Cap. xx.*) sensu Orthodoxo, sed phrasi non admodum probanda. Omnem tamen naturæ prioritatem & inæqualitatem disertis verbis removerunt. Videamus quomodo se *Damascenus* explicet: *Lib. I. de Orthodoxa Fide. Cap. IX.* *Εἰ δὲ λέγομεν τὸν πατέρα ἀρχὴν αἰῶνος τοῦ υἱοῦ, καὶ μετὰ τὸν υἱὸν τὸν υἱὸν χροῖον ἢ φῶς ἐκφανόμενον. διὰ αὐτὸν γὰρ τὰς αἰῶνας ἐποίησεν, ὅθεν ἔγεννησεν ὁ υἱός, αἰ μὴ κατὰ τὸ αἰῶνός, τὸν ἑαυτοῦ, ὅτι ὁ υἱὸς ἐν τῷ πατρὶς ὑπάρχων, καὶ ὁ πατὴρ ἐν τῷ υἱῷ. *Quem autem dicimus Patrem esse principium, aut majorem Filio, neutiquam hoc affirmamus, cum* **VEL TEMPORE VEL NATURA PRIOREM** *esse atque potiorum Filio; quippe per quem secula ipsa fecerit. neque aliud quippiam aut aliter, quam quatenus Pater causa Filii est: sive quia Filius à Patre genitus est, non autem Pater à Filio. Sunt in hoc discursu quæ displicent ut minus accurata. Nam dura est, catachrestica, & ἀνευφελὲς locutio, Patrem esse caussum Filii. Neque verum est, Patrem eo respectu Filio majorem esse: quum rapinam non ducat Filius τὸ αἶμα ἑαυτοῦ Phil. II. 7. Attamen Orthodoxiæ cautum est, quum non alio sensu Pater causa Filii dicatur, nisi quatenus Filius ex eo genitus est, & omnis naturæ temporisque prioritas excluditur.**

Neque Natura, vel Causalfitatis.

V, Denique primum etiam non agnoscimus Patrem *Dignitate* vel *Pra-* *Nec Dignitate.*  
*stantia.*

*stantia.* Etenim infinita ac suprema præstantia essentialia Deitatis attributum est. Et si datur persona aliqua Filio vel Spiritu Sancto præstantior & dignior, neuter erit Deus optimus Maximus: *Hi tres unum sunt*, 1 Joh. v. 7. essentia, omnibusque attributis essentialibus; *ὁμοῦς, καὶ ἰσοδοξοί.*

Sed Ordine  
subsistendi.

VI. Sed primitas hæc, est 1. *Ordinis in subsistendo.* Patri enim *ὡρίσμεν* adscribitur. Filius dicitur illius *ὑποστάσις, χαρακτήρ.* Heb. 1. 3. Pater ergo est *ἀρχιτροπός*; Filius *ἐκτόπιμα.* *Ἀρχιτροπός* autem prior est *τῷ ἐκτοπιματί.* Qua similitudine & alibi utitur Apostolus, quum Filium vocat *imaginem Dei invisibilis* Col. 1. 15. Prioritas ista, uti nullam præstantiam Filio demit, ita nullam Patri addit. Imo vero utriusque æqualitas metaphorica ista eleganter significatur. Pulcherrime Theophylactus: *Ὅντι γὰρ ὑπερέχει. τῆς ὑποστάσεως ὁ χαρακτήρ, ἡ μὲν ἀνυπόστατος ἔστι κατὰ ὑπερέχει, ὅτι ἡ ὑπόστασις πολλὴν ἔχει τῷ χαρακτήρι, ὁ γὰρ δὲ ἀχαρακτήριστος ἔχει ἑαυτὸν τὸ μέτρον.* Non enim character hypostasim, sive, expressa forma exprimentem excedit, ne in eo quod excedit, sine hypostasi, sine exprimente, sit. Neque hypostasis amplius aliquid continet characterem, hoc est, exprimens forma expressa major non est; cateroquin in ea saltem parte expressa non esset.

Et Operandi.

VII. 11. *Ordinis in operando.* Quum enim per Filium operetur Pater, Heb. 1. 2. necesse est, ut ipse relate ad aliam personam operetur *ἀνάρχως*, & principium operationis, non essentiali modo, sed & personale, in se ipso habeat. Pertinet huc quod Christus asserit, Joh. v. 19. *Non potest Filius a semet ipso operari, nisi quod viderit Patrem operantem; quacumque enim ille facit, hæc etiam Filius pariter facit.* Quod de Filio, tam Theologice, quam Oeconomice considerato, verum est. Nam sicut Filius, quoad humanam suam naturam, nihil facit nisi Patris instinctu, jussu & exemplo, adeo ut in omnibus actionibus illius sit executio voluntatis, & demonstratio sanctitatis, quæ in Patre est: ita etiam, quia Filius Dei, nihil potest facere, *ἀφ' ἑωυτοῦ*, quod Hebræi dicerent *לברו*, seorsum a Patre, quum una eademque utriusque essentia, potentia, & voluntas sit; ita tamen ut Pater in ordine operandi primas teneat, & Filius eum operantem videat, id est, molitiones & decreta Patris, quæ & sua sunt, intime cognoscat, approbet, & exactissime exsequatur. Unde clarum est, ordinem operandi a patre incipere. Neque hæc rursus ordinis prærogativa quidquam supremæ dignitati Filii derogat: nisi quis hoc accipiat absurdissime pro imbecillitatis argumento, quod quum Patris & Filii unica sint potentia & voluntas, Filius nihil possit & velit nisi in & cum Patre. Ipseque Filius suæ isti dignitati sufficienter cavit, quando testatur se *quacumque Pater facit, ea ipse pariter facere*, non alia ad eorum exemplar, uti Grotius hoc torquet, sed eadem, & ea *ἰσούτως*. Quod, Nazianzeno monente, intelligendum est.

ὅτι κατὰ τὴν γινόμενὴν ὁμοίωσιν, ἀλλὰ κατὰ τὴν τῆς ἰευσίας ὁμοτιμίαν, *non secundum similitudinem eorum quæ sunt, sed secundum æqualem potestatis dignitatem.* Arguitque τὴν ἐν τοῖς ἱεροῖς ἀπαράλλατον ταυτότητι, *absolutissimam operum identitatem*: ut *Cyrillus Alexandrinus* ad hunc textum ait. Quo modo si verba exponantur, continebunt invictum argumentum, non solum nihil mali fecisse Dominum in sanatione istius ægri; sed nequidem fieri posse ut male agat, quia potentia & voluntas qua miracula facit eadem est cum potentia & voluntate Patris, servata duntaxat personalis ordinis distinctione in operando. Huc autem sermo Domini directus est.

VIII. Altera Patris proprietas Characteristica est, quod *a se ipso sit*. Quod non est accipiendum de essentia, sed de modo habendi essentiam. Nam si essentia consideretur, & Filius & Spiritus Sanctus sunt ille Deus qui a se est. Id quippe adeo in Deitatis notione includitur, A se esse, id est, propter infinitatem perfectionum suarum a nemine in existendo dependere, sed ipsi sibi omnia sua debere; ut, qui quoad essentiam suam ab alio est, eo ipso Deus non sit. Propterea recte Veteres Christum αὐταγόον, *A-se-& per-se Deum*, dixerunt: inter alios *Eusebius* in Oratione Panegyrica ad Paulinum Tyrriorum Episcopum. *Histor. Lib. x. cap. iv.* ubi Christum nuncupat τὸ καθόλου θεῷ παῖδα γηένσι καὶ αὐταγόον, quia eam essentiam Divinam habet quæ a se ipsa est, quippe verus Deus, licet illam qua Filius habeat a Patre. Pater ergo a se est quoad personalitatem, id est, essentiam Divinam habet a nulla alia persona sibi communicatam. Nusquam enim Scriptura Patrem ab alio vel genitum, vel spiratum esse, vel quovis modo exivisse, memorat. Bene idcirco *Athanasius* in Expositione Fidei: πιστεύομεν εἰς ἓνα ἀγίνητον θεόν, πατέρα παντοκράτορα τόν ἔχοντα ἀπ' ἑωυτοῦ τὸ εἶναι. *Credimus in unum ingentium Deum, Patrem Omnipotentem, qui ex se habet quod est.*

A se ipso est non solum quoad essentiam sed & quoad modum habendi essentiam.

IX. Tertia proprietas characteristica est, quod *solus ab æterno generaverit Filium*: quemadmodum dicit Pl. II. 7. *Filius meus es, hodie genui te.* Quod ita Christo dictum esse, ut præter eum nemini, Apostolus fidem facit. Heb. I. 5. Qua autem in re generatio ista consistat, id nobis hominibus & intellectu & explicatu impossibile est. Modeste, quem modo laudavi, *Athanasius*: Ἐγγίθη δὲ ἀνευφράστως καὶ ἀπεριμήτως. *Genitus est ineffabiliter & incomprehensibiliter.* Attamen in omni conceptu generationis proprie dictæ, qua quis constituitur alicujus filius, includitur communicatio ejusdem essentiae: quæ in personis creatis non nisi specie eadem est, in Deo autem, propter simplicissimam illius unitatem, eadem est numero. Hinc per generationem Filii intelligimus eam Dei actionem, qua eandem numero essentiam quam ipse habet communicavit Filio, ut Filius eam pariter habeat.

Generavit Filium ab æterno, per communicationem ejusdem essentiae suæ.

X. Neque circa Scripturam hæc dicuntur. Præit ipse Filius Joh. v. 26.

Symb. Apost.

K

Sicut

*Sicut Pater habet vitam in se ipso, ita & Filius dedit vitam habere in se ipso.* Vitam habere in se ipso, est non modo sibi ipsi sufficere ad consummatissimam beatitudinem, qualis vita sola Deo digna est, sed etiam vitæ fontem esse, ad eam dandam iis qui non erant, & reddendam iis qui mortui erant. Quæ essentialia Dei perfectiones sunt. Hoc modo Pater vitam habet in se ipso. Ut Filius eodem modo eandem vitam in se ipso habeat, dedit ei Pater; quod ejusdem essentialis, quæ per se vivit & omnis veræ vitæ fons est, communicationem necessario importat. Non nescio esse ex nostris, etiam magni nominis, Theologos, qui hæc de Christo non κατὰ διλογίαν, sed κατ' ἐκλογίαν directe dicta esse pugnent. Cæterum etiam si id iis daremus (quod tamen ut demus nihil est necesse) non potuisset Christo dari ut qua Mediator fontem vitæ in se haberet, nisi ipse essentialiam haberet per se viventem, quæque adeo esset αὐτοζών. Hæc enim Dei gloria est, ut occinatur ipsi, *penes te est fons vitæ.* Pl. xxxvi. 10. Eam autem gloriam non dat non-Deo. Jes. xlii. 8.

Sociniano-  
rum stro-  
phæ dete-  
gantur.

XI. Verum non tam faciles adversariis largimur, per *Generationem* Christi Pl. 11. memoratam, intelligi illius *resuscitationem ex mortuis*, & per *hodie* diem illum quo Deus eum a mortuis suscitatum Regem populi sui constituit. Nam 1. Nusquam gignere in sacris literis significat e morte eripere. Neque licet nobis novas vocum significationes cudere. 11. Etiam si fortean aliquando metaphorica ista significatione usurparetur, quod tamen nondum probatum est; hoc loco extra proprium sensum exponi non potest. Quia hic adducitur ut ratio propter quam Christus Filius Dei vocetur. Filius autem Dei est non metaphorice, sed proprie. Nam & Pater vocatur *proprius ipseus Pater.* Joh. 5. 18. & ipse *proprius Patris Filius.* Rom. viii. 32. quo nomine a Filiis metaphoricis distinguitur. 111. Christo dicta sunt verba hæc ea emphasi, qua ne Angelorum quidem ulli, nedum hominum, dici potuere Heb. 1. 5. Si autem nihil significarent præter suscitationem ex mortuis, nihil Christo attribuerent quod non cum pluribus commune habeat, qui similiter virtute Dei ad gloriam & regnum æternum suscitati sunt. 1v. Christus se ipsum quoque sua virtute e morte suscitavit. Joh. 11. 19. x. 18. Unde juxta hanc explicationem sequeretur, quod se ipsum genuerit, & sui ipsius Filius sit. v. Denique falsum est, Christum eo demum die a Patre genitum, vel Filium dictum esse, quo e mortuis suscitatus est, quum etiamnum vivus frequenter se Filium Dei professus, & pro tali agnitus sit: uti ex Evangelica Historia notissimum est. vi. *Hodie*, quando de humanis rebus agitur, adverbium temporis est: sed Divinis applicatum, *ὑποκειμένης* debet intelligi. Et si vocabulo a nostro tempore translato exprimenda sit æternitas, quæ interminabilis vitæ tota simul & perfecta possessio est, quid illi absque successione durationi convenientius est vocabulo, *Hodie*?

XII. Neque

XII. Neque ullum causæ suæ præsidium adversarii habent in Pauli verbis. Act. XIII. 32. 33. *Quoniam hanc* (promissionem Patribus factam) *Deus adimplevit nobis filiis ipsorum*, ἀνεστήσας Ἰησοῦν, *suscitato Jesu*; *Ut etiam in Psalmo secundo scriptum est, Filius meus es tu, ego genui te.* Nam I. Non probat ibi Paulus resurrectionem Christi ex hoc Psalmi secundi dicto; quod quidem describit resuscitatum, non probat resurrectionem, sed ex Jes. LV. 3. & Ps. XVI. 10. dum vers. 34. ita inquit, *quod autem suscitaverit eum ex mortuis* &c. ita dixit, &c. II. Imo ne illa quidem verba, ἀνεστήσας Ἰησοῦν, de resurrectione ex mortuis agunt, sed de exhibitione Jesu in Salvatorem, nam hæc fuscitatio diserte discernitur a resurrectione ex mortuis, de qua demum agitur vers. 34. Sensus est, Deum promissionem patribus factam implevisse, quando Christum hominibus in carne exhibuit. Quænam autem illa promissio est? Patet ex Ps. II. Ubi Deus Ecclesiæ pollicetur, fore ut talem super eam Regem ungat, qui Filius suus esset, hodie (id est ab æterno, in æternum: nam apud Deum perpetuum est hodie) ex se genitus. Hoc exhibitionis sensu eadem voce ἀνεστήσας usum esse Lucam cap. II. 30. & III. 26. Grotius, non exolum adversariis nomen, annotavit. Addimus nos act. VII. 37. *ὅτι οὗτος ὁ υἱὸς ἀναστήσει κύριος*. III. Si admittamus; verba Psalmi ad resurrectionem Christi applicari, quod *Calvino*, *Caneroni*, nostrorumque aliis visum est, id tantum significabitur, resurrectione ista declaratum ac comprobatum esse, quod Christus Filius sit ab æterno a Patre genitus. Scilicet blasphemix eum damnaverant Judaicum Synedrium, quia se Filium Dei dixerat. Deus ergo eum a morte suscitans, quæ ipsi ut blasphemo inflicta fuerat, absolvit ipsum ab isto crimine, & publice pro unigenito Filio agnovit. Atque ita ἀπλοῦς υἱὸς τοῦ θεοῦ ἐν δυνάμει, hoc est, definite, solitarie, cum exclusione omnium aliorum, *designatus, demonstratus, determinatus* est *Filius Dei in potentia*. Rom. I. 4. Verbum Apostoli efficacissimum est, & uti erudite notavit *Ludovicus de Dieu*, significat Christum intra tales terminos constitutum, iisque ab aliis ita determinatum ac determinatum esse, ut judicari aliter nec debeat, nec possit, quam quod sit Filius Dei. Illud ἐν δυνάμει jungi potest cum *demonstratus*, & tum significabit, eum valido argumento comprobatum esse Filium Dei: vel cum *Filius Dei*, & tum notabit, eum id esse in plenissima emphasi, quam vocabulum illud habere potest, ut illud nomen, ipsi tributum, sit διαφορώτερον ὄνομα Heb. I. 4.

XIII. Quarta ιδιότης προσελικυ Patris est, quod *una cum Filio Spiritum Sanctum spiret*, qui propterea dicitur רוח פיו *Spiritus oris ejus*, Ps. XXXIII. 6. & רוח אל ושכנת שדי *Spiritus Dei*, & *Halitus Omnipotentis*. Job. XXXIII. 4. Hæc scimus. Quis autem spirationis modus sit, & quæ ratione communicatio essentix quæ tertiæ personæ facta est per *Spirationem*

Pater cum  
Filio S. S.  
spizat.

nem discriminetur a communicatione ejusdem essentiae quæ secundæ personæ facta est per *Generationem*, illius rei cognitionem cœlesti Academiæ reservare supremo Magistro visum est. Non placet nobis Scholasticorum audacia, qui *Generationem* ad intellectum pertinere dicunt, quasi Pater se ipsum contemplando sui imaginem personalem genuerit quæ dicatur Filius: *Spirationem* vero ad voluntatem referunt, ut Pater, una cum Filio, se ipsum volendo & amando Spiritum Sanctum produxerit. Non modo religio nobis est tam altum sapere, sed & averſamur tam inanes ingenii in divinis rebus temere ludentis sophisticationes. Potior nobis est *Nazianzeni* modestia: *Orat. XXXIX.* πνεῦμα ἄγιον ἀλάτῃς τὸ πνεῦμα, προῖόν μὲν ἐκ τοῦ πατρὸς ὡς οὐκ ἐκ τοῦ μηδὲ καὶ γεννητὸς, ἀλλ' ἐκπορεύεται. Spiritus Sanctus vere Spiritus est, procedens quidem ex Patre, non tamen Filiationis modo, ut nec generationis; verum processionis.

XIV. Hoc unum tuto dicere possumus, quod *Generatio* soli Patri competat, *Spiratio* autem Patri & Filio. Colligi id potest ex Joh. xv. 26. *Quum autem venerit Paracletus ille quem ego mittam vobis à Patre, Spiritus ille veritatis qui à Patre procedit, inparietur.* Non minus à Filio mittitur Spiritus, quam à Patre procedit. Fateor & missionem & ἐκπόρευσιν istam non esse *φυσικὴν* five *ἐκφυσικὴν*, sed *ἐκλογικὴν*, agique ibi directe de Spiritu Sancti datione, ejusque egressione ad homines: sed quæ mysterium æternum præsupponat. Omnino enim consentaneum est, genuinam subsistendi rationem in temporaria manifestatione relucere.

XV. Non dissimulo tamen, opponi observationi huic posse, quod Christus, qui tamen quoad hypostasin a Spiritu Sancto uon est, a Spiritu Sancto missus dicatur. Ita enim vulgo ista vertuntur *Jes. XLVIII. 16. Et nunc misit me Dominus Jehova, & Spiritus ejus.* At respondeo 1. non utique quaque certum esse, an Christus ille sit qui ibi loquitur. Magni Theologi, *Hieronymus, Vatablus, Calvinus, Junius, nostrates Belgæ*, alique quos citat *Cornelius à Lapide*, volunt hæc esse verba *Jesaiæ* quibus dictis suis fidem adstruit. 11. Si ad Christum referenda sint, ut plurimi tam ex antiquis quam recentioribus sentiunt, quibus ego refragari non ausim, dici potest, Christum a Spiritu Sancto missum esse qua homo erat, & ad hominum redemptionem. Nam Sp: S. adscribitur fabrica humanæ naturæ Christi *Luc. 1. 35.* Ita ex *Anselmo* respondet à Lapide. 111. Textus Hebræus habet *ורוּחַ יְהוָה שְׁלַחְנִי*, quod commodè verti potest, *Dominus Jehova misit me & Spiritum suum.* Sic ut missio Spiritus cum missione Filii jungatur, quemadmodum eventu quoque comprobatum est. Quocunque sensu interpreteris, nihil facit locus allegatus adversus hypothesin.

XVI. Cur etiam *Spiritus Filii*, *Gal. 1v. 6. & a Filio suo accipere diceretur*, *Joh. xvi. 14. nisi a Filio procederet?* Nam, ut sæpius jam monitum, *ἐκπορεύεται* sequitur τὸ *διαλογίζεσθαι*.



XVII. Hinc patet, quid judicandum sit de Græcorum cum Latinis super hoc capite pertinaci contentione. Non dubito quin peccatum sit utrumque. Quum Symbolum Constantinopolitanum, A. C. 381, editum, haberet τὸ πρῶτον τὸ ἅγιον, τὸ ἐν τῷ πατρὶ ἐκπορευόμενον. male Latini Symbolo isti addiderunt, FILIOQUE. De quo additamento differentem vide *Vossium, De Tribus Symbolis, Dissert. III. Thesi xv. Et sequentibus* : & *Heideggerium Dissert. : Sect. : Tom. : II : p. 728.* Male, inquam, hoc fecerunt. Nam etiamsi verum esset quod addebant, verba tamen Symboli verba Scripturæ erant : additamentum illud ἀνταρθεῖν in Scriptura non exstat. Præterea qui Symbolo antiquo aliquid addit, is se falsum testem facit; vult enim credi, antiquitus à Patribus auctoribus istius Symboli aliquid determinatum esse, quod determinatum non est. Male etiam Græci super hoc negotio tam pertinaciter contenderunt. Quum dogma Latinorum veritati consentaneum sit, & a priscis Ecclesiæ suæ Doctoribus eodem modo traditum, uti ex *Athanasio, Epiphania, Cyrillo Alexandrino, Gregorio Nysseno*, aliisque pridem demonstratum est. Imo, si quod rei est velimus dicere, vix ulla realis controversia restat. Sive enim dicamus Sp. S. procedere a Patre & Filio, sive ἐν τῷ Πατρὶ δι' υἱοῦ, uti Cyrillus Constantinopolitanus in sua confessione, conscripta A. C. 1631. loquitur, parum admodum interest. Quum neutra phrasis in sacris literis reperiatur : neutra etiam incommoda & veritati dissentanea sit. Sed de his hætenus.

XVIII. Notanda hic est EPISCOPII sententia de reliquarum Personarum sub Patre subordinatione : qui Patrem sic esse *Primum* contendit, *ut etiam SUMMUS sit, tum ORDINE, tum DIGNITATE, tum POTESTATE.* ORDINE, quia Filius Et Sp. S. ab illo ut sint necesse est. DIGNITATE, quia principium Et causa ut sint ipsis Pater est : dignius autem est esse a nullo, quam esse ab alio ; Et generare, quam generari ; spirare, quam spirari. POTESTATE, id est, jure sive dominio, quia Patri est jus mittendi, dandi Filium ; effundendi Spiritum Sanctum : neutri vero jus est in Patrem. Hinc Pater nunquam missus aut datus ; sed semper mittens sive dans legitur. Hæc ille, *Insti. Theol. Lib. IV. Cap. XXXII.* Similia habet *Curcellæus. Dissert. de Vocibus Trinitatis Et c. Parag. LX.*

XIX. Ad quæ in genere observamus. I Recedere eos hac in parte a Catholice Ecclesiæ Fide, quæ secundam Apostolicam Disciplinam, Evangelicamque Doctrinam, Patris Et Filii Et Spiritus Sancti unam Deitatem sub pari Majestate Et sub pia Trinitate credit : uti Imperator loquitur Lege 1. Codi. de Sum. Trin. & Fide Catholica. Et *Athanasius, Libro de Consubstanti Essentia Et c. Capite, Quod non tres Dii sunt* : οὐκ ἔστιν ἀπὸ αὐτῶν ἡ ἀρχὴ, μήτε γενεή, μήτε δόξα, καὶ οὐδὲν αὐτῶν ἐκ τῶν ἑτέρων, ἀλλὰ πάντα ἀπὸ τοῦ πατρὸς, ὡς ἀπὸ τοῦ Θεοῦ. Ubi vero indivisa dignitas, unum regnum,

ἄλλως ἰμῶ, κατὰ φύσιν; ἄλλως ὁμῶς, κατὰ θέαν: *Aliter meum, per Naturam; aliter Vestrum, per Adoptionem.*

XXV. Qua autem ratione Deus fidelium Pater sit, alibi fufius explicuimus. Ne quid tamen Exercitationi huic defit, breviter notamus, Deum Patrem nostrum dici 1. Propter hyperphysicam ex Spiritu ipsius *Regenerationem*, qua novæ ac cœlestis vitæ initium nobis inditur, nosque *Divinæ* adeo *naturæ*, nostro modo atque ordine, *confortes reddimur*. 2 Pet. 1. 4. De hac Johannes loquitur Cap. 1. 12. *Qui non ex sanguinibus, neque ex voluntate carnis, neque ex voluntate viri, sed ex Deo nati sunt.* 11. Propter *commubium* cum D. Jesu, cujus quando sponsa facta est anima nostra, transsit in familiam Patris ipsius, & Pater eam dulcissimo *Filiæ* nomine compellat. Pf. XLV. 11. Et Jesus ipse eodem halitu eam & *sponsam* & *sororem suam* indigitat. Cant. v. 1. 2. 111. Propter *Adoptionem*, qua jus & privilegia filiorum nanciscimur, & æterna Hæreditas immutabili testamento nobis addicitur. *destinavit nos quos adoptaret in Filios.* Eph. 1. 5. *Si filii, ergo hæredes.* Rom. VIII. 17.

Præstantissima est conditio filiorum Dei.

XXVI. Præstantissima fane conditio filiorum Dei est. Si tanti faciebat David generum Regis appellari, qualis Saul erat, 1. Sam: XVII. 23. quanti nobis faciendum est, quod Filii Dei vivi dicamur? 1. *Quam* eximia est ista *nobilitas*, generis nostri originem non a *Principe* aliquo vel Monarcha terreno, sed a Rege cœlorum arcessere? 11. *Quid* pulchrius esse potest *Divina illa natura*, quam nova generatione nacti sumus? 1 Pet. 1. 4. Ipse Deus in filiis suis, ut peculio suo, gloriatur, imo eos *proventus sui primitias* vocat. Jer. 11. 3. *qui ipsi in laudem & nomen & gloriam sunt.* Deut. XXVI. 19. Ferme uti parentes, qui pulchritudine liberorum suorum insignes eos aliis quoque ostentant. 111. *Quid* etiam optabilius *conjugio* illo cum primo genito Filio Dei? quo nihil pulchrius, ditius, gloriosius denique, ipsa cogitatione fingi potest: qui & *candidus est*, & *rubicundus*, & *vexillarius e myriade*. Cant. v. 10. 1V. Denique nihil præstantius esse potest *hæreditate* ista, quam adoptionis jure filii Dei consequuntur, quæ irrevocabili ipsis Testamento addicta est.

Ratio Divini testamenti exponitur.

XXVII. Non inutile erit huic meditationi aliquantisper immorari, apertoque Patris nostri TESTAMENTO inquirere, QUÆ ac QUANTA BONA, & sub quibus STIPULATIONIBUS nobis legaverit. Per TESTAMENTUM intelligimus: *Ultimam & immutabilem Dei voluntatem, sacrarum literarum scriptura consignatam, & morte ac sanguine Jesu confirmatam, qua electos fideles suos ex hæredes declaravit.*

XXVIII. Dico Testamentum esse *Voluntatem* Dei, siue illud *voluntatis suæ consilium*, Eph. 1. 11. quo hæreditatem & hæredes designavit & de quo Dominus loquebatur: Luc. XII. 32. *ιδούγω ὑμᾶς ἐν τοῦ πατρὸς ἡμετέρου βασιλείᾳ*. Addo, esse *ultimam & irrevocabilem* Patris *volunta-*

*voluntatem.* nam uti hoc ad validum Testamentum in humanis rebus requiritur, Gal. III. 15. ita nec huic Testamento deest. *Qua in re Deus volens ex abundanti hereditibus promissionis ostendere immutabilitatem consilii sui, fide iussit jure jurando: ut per duas res immutabiles, in quibus fieri non potest ut mentitus sit Deus, validam consolationem haberemus.* Heb. VI. 17. 18. Hac voluntate sua designaverit, & *Hereditatem*, tam *Grætiæ*, quam *Gloriæ*, de qua mox; & *Hæredes*, non indefinite, quosvis credentes, sed nominatim has & illas personas: *quarum nomina scripta sunt in cælis*, Luc. X. 20. & *calata in manibus Dei.* Jes. XLIX. 16. Eam voluntatem suam sacris utriusque instrumenti scriptis expresse, quæ propterea quoque Testamentum dicuntur. 2 Cor. I. 14. Denique, ne quid deesset, cuncta confirmata & designata sunt sanguine ac morte D. Jesu, Heb. IX. 16. 17.

XXIX. Quod ut intelligatur, notandum est, Deum Patrem testamento eum honorem Filio suo Jesu legavisse, ut caput electorum esset in gloria, & jus haberet omnia sua iis impertiendi. Ps. II. 8. Jesus iterum ex potestate sibi facta a Patre, testamento de bonis suis cum electis communicandis disponit. *Ego diciturum testamento addico vobis, sicut dedito testamento addixit mihi Pater meus, regnum.* Luc. XXII. 29. Ita ut hæc testamenti factio originaliter quidem a Patre, proxime tamen a Christo Mediatore sit; qui mortuus est, non ut morte sua vacuum faceret hereditatem: (*vivis enim in æternum* Apoc. I. 18.) sed ut obsignaret promissa, & jus ad hereditatem suis acquireret. Hinc sanguis ab ipso fusus, *sanguis Testamenti* dicitur. Zach. IX. 11. Mat. XXVI. 28.

XXX. BONA Testamento legata eximia sunt. Ea nunc ad tria summa capita referimus. *Primum est totius mundi possessio.* Hoc enim promissum est Abrahamo & femini ipsius, fore eos *hæredes mundi.* Rom. IV. 13. In quem locum audire lubet commentarium Ludovici de Dieu. *Sicut peccatum, eo ipso quod nos a Deo separavit, ejusque maledictioni subjecit, extorres nos & exhæredes fecit, adeo ut non vel in minimam creaturam spirituale ac filius Dei dignum jus dominiumve haberemus: sic contra eo ipso quod Deus sit Deus noster, nosque ipsius benedicti, restituiamur tanquam filii in jus & dominium omnium paternorum bonorum; quinque præter Deum & mundum nihil sit, hæredes mundi finis, terrestrii, celestii, præsentis, futuri.* Unde I Cor. III. 22. *Omnia vestra sunt: & inter ea omnia nominatur vers. 22. mundus, & quicquid in eo est, præsentia & futura.*

XXXI. Hæc autem possessio mundi consistit in hisce sequentibus rebus. 1. Ut quisque filiorum Dei tantum de bonis hujus mundi possideat, quantum Patris coelestis sapientia ita ad sustentationem vitæ animalis sufficere sciscit, ne quid spiritualis illa capiat detrimenti: & eo quidem modo possideat, ut in illius usu fructu gustet charitatem Patris, id sibi in melioris boni arrham donantis, & Primogeniti Fratris, qui pauper ipse

ipse factus est ad ditandos suos. 2 Cor. VIII. 9. Quæ Dei Patris Christi-  
que charitas quando ad minimam panis micam, vel frigida guttam ac-  
cedit, facit ut illæ omnibus divitum hujus seculi cupediis immensum  
preferendæ sint. *Pauculum illud quod justus habet plus est copia multorum im-  
proborum.* Pl. XXXVII. 16. II. Ut creaturæ omnes pro scalis ipsis in-  
fervire debeant, quibus ad Creatorem enitantur. In omnibus enim ado-  
randas virtutes ipsius tanquam in lucido speculo contemplantur. Pl. CIV.  
24. & in ea meditatione exsultant. Pl. XCI. 5. 6. Imprimis in iis Dei  
erga se amorem cernunt. Quum solem, quum lunam, quum sidera in-  
tuentur, tot sibi faces a Patre suo accensas gaudent, ad quas quæ filii  
Dei digna sunt operentur: neque minus id admirantur, quam si singu-  
lis suis sol, suave luna luceret. Pl. VIII. 4. 5. Nihilque præter deco-  
rum faciunt, quando sui causa mundum adhuc in statu suo manere,  
sibi que istius rei gratiam ab improbis deberi, opinantur. Nam *semen  
sanctum statumen* mundi est. Jes. VI. 13. III. Ut omnes creaturæ, ac  
universa Dei circa eas gubernatio, *adjumento iis ad bonum sint.* Rom.  
VIII. 23. Quod tam late se extendit, ut & coelestes & infernales  
Angeli ministerio huic vacare necesse habeant. Coelestes, nonne sunt  
*αἰνῶντα λατρεύοντες*, ministerii mutare fungentes spiritus, qui ministerii causa  
*mittuntur propter hæredes salutis futuros?* Heb. I. 14. Pl. XXXIV. 8. & XCI.  
11. Et infernalis ille, arrogantiae doctor, nonne colaphis suis Paulum  
ad humilitatem erudire, invitus, & aliud longe agens, cogeatur?  
2 Cor. XII. 7. IV. Si hic mundus, qui vanitati propter peccatum sub-  
jectus est, iis non sufficiat; ex cineribus hujus intereuntis alium conditu-  
rus est Deus, *novum calum novamque terram* fabricaturus, *in quibus justitia  
habitet.* 2 Pet. III. 13. Nihil horum est, quod non includi possit ge-  
nerali illo promisso de hæreditate mundi.

XXXII. Alterum hujus Testamenti bonum, est Spirituale REGNUM.  
*Pacificor vobis regnum.* Luc. XXI. 29. Ad quod etiam abjectissimi cæ-  
teroquin filiorum Dei, etiam pauperes, etiam servi ancillæve, vocan-  
tur. *Nonne Deus elegit pauperes mundi hujus, ut fierent divites fide, & hæredes  
regni, quod promisit iis qui ipsum diligunt?* Jacob. II. 5. Huc pertinet A.  
Excellentia filiorum Dei, qua cæteris omnibus mortalibus præstant.  
Prov. XII. 26. B. Victoria de peccato & infanis cupiditatibus carnis,  
quibus ipsi Reges timendique Tyranni subsunt ac serviunt. Rom. VI.  
14. 18. C. Conculcatio Diaboli sub pēdibus. Rom. XVI. 20. D.  
Triumphus de superato universo mundo, quo ringente æternum sal-  
vabuntur. I Joh. V. 4. E. Inæstimabiles divitiæ spiritualium dono-  
rum. Pl. XLV. 10. etiam in media paupertate. Apoc. II. 9. F. Sancta  
animi pax & gaudium per Spiritum Sanctum. Rom., XIV. 17. Quæ  
omnia hic inchoantur in gratia, consummanda in gloria.

**XXXIII.** *Tertium* Bonum est ipse DEUS. Rom. VIII. 17. *Hæredes Dei.* Mutua hic est hæreditas. Fideles sunt portio Dei, & Deus est portio ipsorum, quemadmodum hæc reciprocantur, Jer. x. 16. *Formator omnium est Jacobi portio; vicissim Israël est tribus possessionis ipsius.* In ista Dei possessione inveniunt filii ipsius & Protectionem contra omne malum. Ps. xci. 2. *Dico, in Jehova est receptus meus & propugnaculum meum.* Quare? DEUS MEUS est, cui confido. vid. Ps. xxvii. 1. 2. Jes. xliii. 2. 3. 2. Communicationem omnis boni. Ps. xxxvi. 8. Nam. Tota illa infinitas perfectionum quæ in ipso Deo sunt, gloriosa & admirabilis apparebit in filiis Dei; iisque ad consummatam beatitudinem se fruendam dabit. Et quid anima præter infinitum illud desideret? Ps. lxxiii. 25. *β.* Quid non dabit Deus iis, quibus se ipsum dat; 1 Cor. iiii. 22. 23.

**XXXIV.** STIPULATIONES in hoc Testamento, si illud integrum, una cum omnibus præmissionibus suis spectetur, proprie dictæ nullæ sunt; constat enim absolutis & meris promissis, a nulla conditione, quæ ex nostris viribus præstanda sit, suspensis. Ita tamen Divina providentia singula disposuit, ut certum ac sapientem inter sese ordinem habeant, ac priorum bonorum, quæ promissa sunt, legitimus usus, viam sternat ad possessionem ulteriorum bonorum. Qua de re alibi ex professo agimus.

Stipulationes Testamenti.

**XXXV.** Iisdem ergo libris, quibus comprehensum est Testamentum, jussit Deus, ut quisquis se promissa hæreditate consolari vult, 1. Scripta Testamentum exhibentia amet, scrutetur, meditetur, servetque in corde suo, ut non contemnendam hæreditatis suæ partem. Deut. xxxiii. 4. imo *supra penum suam.* Job. xxiii. 12. Deut. vi. 6. 2. Promissam hæreditatem magni uti meretur, faciat. Illam esuriat, sitiatque, nulla re nisi hac contentus. Mat. v. 6. *β.* Cætera omnia præ ea pro damno & stercorebus ducat. Phil. iiii. 8. sua omnia lubenti animo venditurus, ut eum inæstimabilis pretii unionem nanciscatur. Mat. xiii. 46. 2. Deum in ista benignitate glorificet, Ps. xxxi. 20. 2. Id quod modo accepit diligenti cura custodiat. Apoc. ii. 25. & iiii. 11. 3. Ita ambulet uti dignum est conditione sua, & expectatione tantæ hæreditatis. 1 Thef. ii. 12. 1 Joh. iiii. 3. 4. Facilis sit ad impertiendum fratribus suis ea quæ a Patre accepit, tam in corporalibus quam in spiritualibus. Rom. xii. 13. 1 Thef. ii. 8. Id operam dans, ut & alii secum ad eandem hæreditatem cernendam adducantur. Act. xxvi. 26. Nihil enim cuiquam per multitudinem cohæredum decedit. imo accedit potius, gaudio ex abundantia amoris plurimum multiplicato.

**XXXVI.** Cæterum ne in tanti momenti negotio blandis imaginationibus nobismet ipsis imponamus, necesse est ut ad ea quæ Scriptura sup-

Glorificata filiorum Dei.

peditat filiorum Dei gnorismata curate nos examinemus. Eorum præcipua hæc sunt. I. Impressio & expressio Divinæ imaginis, & sancta cum Patre nostro conformitas. Quid enim magis naturale est, quam ut filius patrem suum referat? Sicut ergo naturalis Dei Filius est *effulgentia gloriæ Patris*, ita & nos nostro ordine ac modo id esse par est. Uti Adamus corruptus *filium genuit ad imaginem suam, ad similitudinem suam*, Gen. v. 3. Ita & Deus filios gignens, format eos ad suum instar, *ad justitiam & sanctimoniam veram*. Eph. iv. 24. Atque hæc quidem similitudo Dei, familiari cum ipso consortio paulatim perficitur: donec eam adoptionem nacti de qua Apostolus, Rom. viii. 23. perfecte similes ei futuri sumus. I. Joh. iiii. 2.

XXXVII. II. Nova vita quæ Deo digna sit, & effectum Spiritus Adoptionis, qui *Spiritus vite* est. Rom. viii. 2. Qualis creaturarum est spiritus, talis quoque earum est vita. Homo naturalis non habet nobiliorem spiritum, neque præstantius vitæ principium sua anima: unde & vita ipsius non nisi animalis est. Filii autem Dei quum præditi sint *Spiritu illo ingenuitatis* Ps. li. 14. qui idem *Spiritus Christi* est, Gal. iv. 6. talem suo modo vitam vivunt, qualem vixit olim Christus: ejus exemplum & exemplar pro viribus æmulantes. Eph. v. 1. *Estate imitatores Dei, ut filii dilecti*.

XXXVIII. III. Verus ac sincerus Dei amor. Hoc ipsa natura docet. Quis enim genuinus filius patrem suum non amet? Est hæc non scripta, sed nata lex. Oritur autem iste amor, partim ex consideratione amabilissimarum Dei virtutum; ad quarum familiarem contemplationem filii ejus admittuntur, *Regem in pulchritudine sua videntes*, Jes. xxxi. 11. 17. Ps. lxxii. 3. partim ex effluentibus continuo Divinæ erga eos charitatis radiis, quibus fieri non potest quin inflammentur. I. Joh. iv. 19. Charitatem hanc quotiescunque attenta mente pensitant, angustiores universam animæ suæ capedinem esse opinantur, quam ut debitæ redemptioni sufficiat.

XXXIX. IV. Reverentia & obedientia filialis. Mal. i. 6. I. Pet. i. 17. Sequitur ea ex eo de quo mox locuti sumus amore. Amor iste vetat quicquam facere quod ingratum sit Deo, cujus si honorem ab alio quopiam imminui cernat, vix patitur animum sui compotem esse: Ps. xlii. 4. II. ex adverso ad omnia pietatis officia præsumptum paratumque sistit. Joh. xiv. 21. Non finit hominem quietum esse, si forte maleconsulto facto Deum irritaverit, ac faciem ejus non uti olim comem blandamque videat: impellit eum denique ut ad pedes Patris sui coelestis venerabundus procidens, cum dolore ac lacrymis delictorum suorum veniam petat, & accuratorem in posterum observantiam polliceatur. Luc. vii. 31.

XL. v. *Φιλία* minime fucata, qua omnes eos prosequitur in quibus Dei imaginem, & ejusdem secum gratiæ participationem animadvertit. Dum cætera sæpe gnosimata in occulto latent, fraterna ista charitas hæsitanti animæ status sui indicium exhibet. 1 Joh. III. 14. Neque fieri potest ut amor fratrum ab amore Dei sejungatur. Qui amat prototypum, amabit etiam ectypum. Qui amat Deum, eum quoque amabit qui Dei est, & in quo virtutes Dei cernit, & quem à Deo amari credit. 1 Joh. IV. 20. Beatus ille cujus spiritus una cum Spiritu Dei testatur hæc in ipso gnosimata reperiri.

## EXERCITATIO VIII.

DE

## CREATIONE.

## BREVARIUM.

1. 2. 3. 4. *בְּרָא*, Non præcise significat productionem rei alicujus ex nihilo. 5. 6. Utinæ Græcorum *κτίσις*. 7. Neque Latinum CREO. 8. Theologi tamen in pressa ista significatione voces has usurpare solent. 9. Creationis Definitio. 10. 11. Ante Creationem præter Deum nihil fuit. 12. 13. 14. 15. 16. Omnia ex nihilo condita esse ratio suadet, fides persuadet. Hebr. XI. 3. 17. 18. Cui impie obliuiscantur Sociniani. 19. 20. 21. 22. 23. 24. 25. 26. 27. Terra informis ipsa quoque creatu est; tantum abest ut materia sit creationi præexistens. 28. 29. 2. Mach. VII. 28. exponitur. 30. 31. Cui non videtur repugnare Sap. XI. 18. 32. 33. 34. 35. Philonis sententia. 36. *Es veterum Hebræorum*. 37. Distinctio creationis mediatae & immediata. 38. 39. Solo Dei nutu peracta creatio est. 40. 41. 42. Audax novæ Philosophiæ dictatum. 43. 44. 45. 46. 47. Creatio solius Dei opus est. 48. 49. Et incommunicabilis omni creaturæ. 50. Ex creatione recte concluditur Filii & Spiritus S. una cum Patre Deitas. 51. 52. 53. 54. 55. 56. 57. Mundus infinitus non est. 58. 59. Mundus habet initium. 60. 61. Neque ab æterno creari potuit. 62. Natalis mundi non liquet. 63. Ejus tamen principium ad æquinoctium autumnale referendum esse videtur. 64. Mundus non uno momento, sed sex dierum spatio conditus est. 65. 66. Quæstio, an singulorum dierum opera momento facta sint, an aliquo temporis tractu, non est magni momenti. 67. 68. Neque validis utrimque argumentis disputata. 69. 70. 71. 72. 73. Et denique sine distinctionibus quibusdam expediri non potest. 74. Mundus unus est. 75. 76. Plures tamen a Deo conditi fuisse nihil prohibet. 77. 78. 79. 80. 81. 82. 83. 84. 85. 86. 87. Ridiculos se faciunt qui probabilius esse statuunt Lunam hominibus habitari

quam non. 88. 89. 90. 91. Ordinis quem Deus in creando tenuit summa est sapientia. 92. 93. 94. 95. 96. 97. 98. 99. 100. 101. Articuli humanæ praxi.

ברא, I.  
Non præcise  
significat  
productionem  
rei ali-  
cujus ex ni-  
hilo.

**O**Pus quod PATRI in Symbolo attribuitur, est CREATIO: de qua nobis Exercitatione hac compendiose agendum est. A voce ordiamur. Quod Latini *Creare* dicunt, id Hebræi vocant ברא. Quæ vox significat rem aliquam novam solo nutu & imperio producere: vel, mirabili virtute magnifice aliquid efficere, ac patrare. Ita Moses ait Num: xvi: 30. בריאה יברא *Creationem creabit Dominus*, i. e. rem insolitam jussu suo edet, faciens ut ima terra dehiscat. Itemque Jeremias, Cap. xxxi. 22. ברא יהוה חרשדי בארץ. *Creavit Dominus rem novam in terra*; hoc est, jubebit id existere, cui nihil par aut geminum unquam fuit.

II. Non tamen existimandum est, quod verbum ברא semper, & vi quadam sibi propria, notet *productionem rei ex nihilo*: nam & de iis usurpatur quæ primo hexæmero disertim ex præexistente materia facta esse narrantur. Gen. i. 21. 27. & singulorum hominum, qui naturali generatione ex parentibus suis nascuntur, בורא, *Creator*, Deus nuncupatur. Eccl. xii. 1. non quoad animam solum, quam utique ex nihilo creat, sed quoad integram personam, quæ nutui ipsius debet quod existat, & qui ברא נפלא, *terribilem in modum mirabiliter factus est*. Pl. cxxxix. 14. Similiter Pl. cii. 19. עם נברא יהלל ידו, *populus qui creabitur laudabit Dominum*. Adde Ezech. xxi. 30. in loco quo נבראת, *creata es*.

III. Neque puto cuiquam dubium esse, quin novi isti coeli, novaque terra, quam juxta summi Numinis promissum præstolamur, ex ruderibus ac cinere ejus qui nunc est mundi construenda sint: de iis tamen Deus dicit, הנני בורא: *Ecce ego creo celos novos* &c. Jes. lxxv. 17.

IV. Imo est ubi res, quæ jam actu existunt, quando novus iis vigor inditur, creari dicantur. Pl. civ. 30. תשלח רוחך יבראן, *Si mittas Spiritum tuum, creantur, & renovas faciem terræ*. Ex quibus testimoniis liquet, Verbum ברא de iis quoque rebus prædicari, quæ nequaquam ex nihilo factæ sunt: ita tamen ut quatenus creantur, nutu atque imperio Dei מאין ליש, uti *Kimchi* loquitur, e statu non existentiae talis in statum talis existentiae transeant.

Uti nec  
Græcorum  
κτίσις.

V. Respondet Græcorum verbum κτίσις, unde κτίσις *Creatio*. 2 Pet. iii. 4. Marc. x. 6. id est, talis actio per quam creatura existit. Sed & hoc vocabulum generale est, & quamlibet rei productionem notat. κτίσις, inquit *Hesychius*, est ἰδέσθαι, ἰσχυρῶς, ἀπλάσθαι. κτίσις, πλάσις, ἰσχυρῶς. Et Petrus Magistratum a Deo ad res humanas constitutum, ἀρχιεπισκοπὴν καὶ κτίσιν vocat 1 Pet. ii. 13.



VI. LXX. Interpretes non dubitarunt ea voce uti de summa Sapiencia, & quemadmodum nostri id explicare solent, de generatione *τὸ γένος*. Prov. VIII. 21. Uti & Chaldaeus Paraphrastes ibi vocabulum *בְּרִי* usurpat. Et sunt qui nomen *בְּרִי*, *Filius*, & latinum *parere*, & Belgicum *Baren*, inde deducant. Attamen quum vocabula ista in Theologorum scholis aliud nunc significant, phrasin istam imitari, Ubi de Unigenito Dei Filio sermo est, ut is quoque *בְּרִי*, *κτίσις* *Creatus* dicatur, quocunque id fiat, sensu, in tanta hæreticorum pravitate, neque prudens factum, neque tutum homini Theologo esse arbitror.

VII. Sed nec Latinum *Creare* præcisè id significat, quod nos nunc ea voce designare solemus: imo dubitari potest, an unquam prisca illi Romuli nepotes hanc significationem agnoverint. *Creare* apud ipsos est *gignere* (ut apud Virgilium, *Salmone creatos*; & Horatium, *Fortes creantur fortibus*) & quoquo modo *facere*, uti Ennius ait, *Dicitur Vesta hanc urbem creavisse*: vel etiam *in dignitate aliqua constituere*; quo sensu Consules, Duces, Magistratus, *creari* dicuntur. Neque Latini CREO.

VIII. Licet ergo hæ voces, in usu tam sacro quam seculari, laxæ admodum significationis sint, quia tamen præstantissimus & mirabilissimus creationis modus est, quo aliquid ex nihilo producitur, obtinuit in Theologorum disputationibus, ut istiusmodi actio pressè *Creatio* nuncupetur, & à *Generatione* aliisque producendi modis distinguatur. Theologi tamen in pressa ista significatione voces has usurpare solent.

IX. *Creatio* ergo, ut ab *οὐρανολογία* ad *πρωτογονία* transeamus, est illa *Creationis Definitio*. Dei actio qua totum hoc universum, omnipotentis voluntatis suæ jussu, sex dierum spatio, e nihilo, fecit & perfecit.

X. Ante Creationem præter Deum omnino nihil fuit: non mundus aliquis, qualis nunc, quem coæternum Deo perperam nonnulli statuerunt: non materia aliqua informis, ex qua per motum, à nescio qua Mente, cætera fabricata sint: quemadmodum apud Laërtium Anaxagoras, *πάντα χεῖματα ἦν ὁ μὲν. ὅτῃα γὰρ ἰδὼν αὐτὰ διακόμει*, *Omnia simul erant, deinde accessit mens, eaque composuit*: non denique spiritus aliqui à Deo distincti, quod æternæ Deitatis Christi hostes invita Scriptura contendunt: sed *αὐτὸς* Nihil.

XI. Deus se ipso suisque infinitis perfectionibus, earumque plenissima cognitione, dilectione, ac fruitione contentus, in se ipso consummatissimam, seque dignam beatitatem inveniebat, cujus nomine: *μακάριος* Paulo dicitur. 1 Tim. VI. 15. Placuit tamen illi ostendere virtutes suas in operibus aliquibus extra se, quorum formam ac imaginem in mente sua ab æterno sapientissime delineaverat. Et quum nullius rei auxilio indigeret, uti citra ipsum nihil est, neque adeo esse potest, solo voluntatis suæ imperio omnia quæ exstant ex nihilo procedere jussit. *Fecit terram virtute sua, stabilis orbem habitabilem sapientia sua; & prudentia sua extendit coslos.* Jer. X. 12.

XII. Hæc

Omnia ex  
Nihilo con-  
dita esse Ra-  
tio suadet.  
Fides per-  
suadet.  
Heb. xi. 3.

XII. Hæc quum obscurius paullo dictet ratio, præsertim uti tunc peccato vitata obstrepera Deo est, Fides, Dei testimonio nixa, sine hæsitatione amplectitur. Πίστις νοῦμεν κατηρτισθαι τὸς αἰῶνας ῥήματι Θεοῦ, eis τὰ μὲν ἐν φαινομένῳ τὰ βλέπομενα γυγνόμενα. Heb. xi. 3.

XIII. Per τοὺς αἰῶνας idem intelligit Apostolus quod Hebræorum magistri per עולם, *secula*, sive *mundos*. Plurali autem numero utitur, quia illi tres mundos distinxerunt, *imū*, qui est plantarum, animalium, hominum; *mediū*, in quo sunt stellæ; & *summū*, qui Angelorum & beatarum mentium receptaculum est.

XIV. In istis αἰῶσι, sive *mundis*, est κατηρτισμός, *conciunatio*, sapiens partium collocatio, rerumque omnium, ad fines, sibi ac universo convenientes, destinatio. Hæc utcunque animadvertit humana ratio; ut tamen accuratius attendat, & distinctius cernat, per *fidem* excitatur. Sed & plura docet *fides*: sive spectes κατηρτισμόν & ordinem creationis, quem ex solo Mose discimus, sive eum ordinem qui adhuc se in mundo conspiciendum exhibet, in quo carnalis nostra ratio, pro sua temeraria δόξισοφία, multa reprehendere sustineret, nisi compesceretur fide.

XV. Hic κατηρτισμός, ita per fidem observatus, ad Deum nos ducit, cuius verbo, id est, jussu, secula condita sunt: atque eo quidem modo ut τὰ βλέπομενα, id est ea quæ existant, (Hebræi, quos imitatur Apostolus, dicunt, מַשְׁכָּנֵה, τὰ ὑποκείμενα, *quæ inveniuntur*) μὲν ἐν φαινόμενῳ, per anastrophē, Hellenistis imprimis usitatam, pro ἐν μὴ φαινόμενῳ, *ex non apparentibus facta sint*: hoc est, ut judiciose Chrysostomus, τὰ ὄντα ἐξ ἐκ ὄντων, *existentia ex non existentibus*.

XVI. Nam φαίνεσθαι aliquando significat *in lucem edi*: & exinde, simpliciter existere. Ut Mat. ix. 33. οὐδέποτε ἑώρακ' ἄνθρωπος ἐν τῷ Ἰσραὴλ. Quibus verbis nequaquam hoc dictum volebat turba, similia quidem acta fuisse in Israël, at non apparuisse: verum simpliciter, nihil simile unquam contigisse. Φαινόμενα, sunt actu existentia, quæ vocatione Divina non indigent ut veniant & appareant. Μὴ φαινόμενα, sunt nihil, τὰ μὴ ὄντα, quæ à Deo vocari necesse habent, antequam compareant. Ro n. iv. 17.

Cui impie  
obluantur  
Sociniani.

XVII. *Schlichtingius*, malæ scævæ interpres, more suo, sensum Apostoli pervertens, dictat, τὰ μὴ φαινόμενα illa rerum elementa esse, quæ initio mundi confusa erant: colligitque ex his Apostoli verbis, quod etiam ex historia creationis mundi à Mose descripta apparere contendit, Deum, quum hunc mundum conderet, seu creationem initio Geneseos descriptam ordiretur, non plane ex nihilo eam tum perfecisse, sed ex rudi illa, & tenebris oblita mole. Quomodo & Sapiens dixit, ἐξ ἀμέρφου ὕλης. Sap. xi. 18. ubi Latinus, *ex materia invisâ*. De hujus vero materiæ créatione, nullam in sacris literis mentionem esse

esse dicit. Eandem infaniam prolixè infanit *Voskelius, de Vera Relig. Lib. II. cap. IV.* Ubi hanc observationem addit, in Græca V. T. versione, quam N. T. Scriptores sequi solent, loco ejus quod in Hebræo *terra* dicitur *desolata*, exstare vocem *âšpares*, *invisibilis*.

XVIII. Quæ eo comparata sunt, ut præter Deum aliquid ante mundum conditum exstitisse credatur, & enervetur illud nostrorum argumentum, quod pro Christi vera Deitate ex ejus ante mundum existentia, quæ juxta scripturæ phrasin æternitatem notat, petere solent.

XIX. At frustra sunt Hæretici. Etenim Historia Mosaica diferte testatur, Deum fecisse eam terram quæ erat *תרו וברו* & spissa caligine oblita. Ita enim verba sonant. *In principio creavit Deus Cælum & terram. Terra autem erat res informis & inanis.* Terra scilicet illa quam Deus creavit, *הארץ*, cum *ה* demonstrativo, tum quum primum crearetur, erat res informis &c.: Non itaque illa ex re informi creata est. Unde ergo? Quid restat præter nihil?

Terra informis ipsa quoque creata est: tantum abest ut materia sit creationi præexistens.

XX. Si insistent, primum versum totius operis comprehensionem continere; in sequentibus autem exponi, unde cætera omnia creata sint: Respondemus, dato priore hujus asserti membro, nequaquam hanc Moysi mentem esse, ut id, quod primo versu cælum ac terram dicit, ex ista materia quam secundo versu terram informem &c. vocat, formatum esse velit. Sed postquam cæli ac terræ nomine omnia complexus esset, de supremo cælo, in quod Dei thronus est, postea silens, quomodo terra se haberet, quum primum à Deo prodisset, & quo pacto ex ea cætera omnia formata sint, in sequentibus exponit. Ita *Vatablus*, ad quem *Voskelius* in hac causâ provocat. *Dilucide sic vertas: Initio quum creavit Deus cælum & terram, tum terra &c.: Per cælum intelligit corpora cælestia, per terram autem, terrestria. Proponit initio rem totam ut Auctor ejus cognoscatur, & quod mundus non fuit ab æterno, — deinde ex nihilo Deum aliquid creasse. An qui ita loquuntur cum hæreticis sentiunt?*

XXI. Deinde necesse non est, ut demus primum versum summam ea omnia comprehendere, quæ postea sigillatim facta narrantur. Mihi enim probabilis admodum Davidis Kimchii sententia videtur, cui adstipulantur plurimi Theologorum, qua veterum, qua recentiorum, ordinem creationis à Mose describi: Ita scilicet ut primum omnium crearet Deus cælum, supremum nimirum cum Angelis, tum terram, cujus prima facies & conditio versu 2. edifferitur, unde postea concinnata sunt reliqua. Dicitur autem informis & inanis, oppositè ad cælum, quod mox ad perfectionem suam perductum, & incolis instructum fuit.

XXII. Eam quidem primitus aquis obiectam, spissisque tenebris involutam fuisse, Moyses memorat: eandemque Græci interpretes, vim Hebrææ vocis non satis bene assecuti, *âšpares* dixere. Non tamen ex

qualicumque phrasium similitudine, fatis etiam dissimili, Apostolum huc spectasse probari potest. Et sane aliud sunt τὰ μὴ φαινόμενα Paulo, aliud τὰ αἰσθητά Græcis. Etenim τὰ μὴ φαινόμενα Paulo considerantur, ut creationis terminus a quo. Terra autem invisibilis non notat molem creationi præexistentem; sed alteram universi partem, una cum cælo primo die creatam. Vim manifestam inferunt, tam Mosaicæ Historiæ, quam universo Scripturarum tenori, qui hæc alio torquent. De priori jam diximus. Deo altero videamus.

XXIII. Si illa, quam fingunt, conditi mundi materia antea existerit, quæro, an antea a Deo ex nihilo facta sit, an vero a se ipsa sit, & Deo συνίστη? Alterutrum enim esse necesse est. Atqui utrumque Sacris literis repugnat.

XXIV. Non ante creationem Mosi memoratam condita est ista materia. Creatio enim Mosaica בְּרֵאשִׁית, in initio facta est, ante quod universale initium, alterius rei initium sine contradictione statui non potest. Adde quod Scriptura in eo Summi Numinis præ cæteris omnibus rebus excellentiam collocet, quod *ante montes editos, ante formatam terram orbemque habitabilem fuerit*. Ps. xc.2. Et Deus ipse id urgeat tanquam Deitatis suæ argumentum, Jes. xliii. 19. *Etiam antequam dies essent, ego ille sum*. Breviter quod *ante principium fuit, ante primordia terræ*, hoc fuit *ante ullum tempus*, hoc æternum est ex Scripturæ phrasi, hoc *ante opera Dei* est, Prov. viii. 22. 23. hoc factum esse non potest.

XXV. Porro qui factam esse materiam hanc negat, ei religio non est viginti quatuor cœlestibus Senioribus obloqui, qui Deo occinunt, TU CREATISTI OMNIA. Apoc. iv. 11. & Johanni ac Paulo idem asserentibus. Joh. i. 3. Col. i. 16. Quæ, invita veritate, ad novam rerum creationem per Evangelium, ab hæreticis trahuntur. Hæc si certa sunt, uti sunt, certum quoque est, aut merum figmentum, adeoque plane nihil esse primam hanc mundi materiam, aut illam a Deo esse conditam.

XXVI. Præterea, si & ab æterno fuerit ista materia, & a se ipsa existerit, nihilque sui Deo debuerit, quid juris in illam Deus habuit, ut eam pro arbitrio suo fingeret? Basilius in Hexaem. Hom. ii. 'Εἰ μὴ ἢ αὐτὴ αὐτῷ ἦν, ὁμοτιμία τῇ Θεῷ αὐτῶν προσέτιον ἀξίωμα. Omne enim jus Dei in creaturas, vel ex Dei in eas beneficio, vel ex earum contra Deum maleficio oriri, alias adversarii contendunt. Prius hic locum non habet, ex hypothesi. Posterius locum habere non potest in materia bruta. Adde quod concipi vix queat, quomodo illam occupaverit, quæ non æqualis tantum Deo, sed & aliquo modo superior videri posset. Certe talis qua Deus eguerit, quæque copiam sui subministraverit operandi, atque Deo præstiterit quo egebat. Ipsa autem Deo non eguit, saltem usa non fuit. Atqui nemo non subjicitur ei cujus eget, ut possit uti. Quin & nemo de

de alienis utendo non minor est eo de cuius utitur. Grande profecto beneficium Deo materia contulerit, ut haberet hodie per quam cognosceretur, & omnipotens vocaretur. Uti acute observavit facundissimus *Vogelsangius in Disput: Physica de Mundo* §. VIII. Vide de hac controversia pulchre differentem *Dionysium* apud *Euseb: de Præp: Evan: Lib: VII. Cap. penultimo*: περί τῆ μη ἀγίνεσθαι εἶναι τὴν ὕλην. Et *Origenem* ibidem, qui ex professo eam explicationem refutat quam Socinianis adoptare placuit.

XXVII. Neque ficta quadam modestia argumenti hujus robur eludent hæretici; dum simulant se, quia Scriptura de materiæ istius creatione tacet, nihil etiam definire. Etiam si enim definire non ausing, alterutrum tamen verum est: vel creata est ista materia ante principium Mosaicum, vel non. Tertium non datur. At utrumque falsum esse ostendimus.

XXVIII. Paulinus locus, quem præ manibus habemus, conferri non debet cum Sapient. XI. 18. sed potius cum 2 Mac. VII. 28. ubi pia illa mater filium suum ad martyrium animans, jubet eum, coelum terramque, & omnia quæ in iis sunt, intuentem, γινώσκαι ὅτι ἐκ ὧν τῶν ἐκείνων ἐποίησεν αὐτὰ ὁ Θεός; agnoscere, Deum ea ex non existentibus fecisse. Quod & Grotius observavit quem Schlichtingius (teste *Lubienecio* in præfatione Schlichtingii commentariis posthumis præfixa) summo loco posuit, & de quo dicere solitus fuit, *Orbem Christianum per XV. annos post Apostolos seculatam expectasse virum.*

2 Mach.  
VII. 28. ex-  
ponitur.

XXIX. Neque ullius momenti est Volkeli exceptio, in loco Machabæorum intelligi nihil privativum, sive materiam ea forma carentem quæ introducenda est: quia nimirum tum de cæteris omnibus rebus, tum nominatim de homine isthic asseritur, eum ex nihilo esse factum: quum tamen tum de aliis nonnullis rebus, tum imprimis de homine constet, eum ex terra formatum esse. Quando enim pia illa foemina ex Catholicæ Ecclesiæ mente, omnia, & in iis genus humanum, ex nihilo creata esse dicit, ad primam atque universalem rerum originem assurgit, cujus terminus a quo nihil fuit, non privativum, sed negativum: licet, si singula speciatim spectes, alia immediate, alia mediate, omnia tamen ex nihilo denique sint.

XXX. Ad id quod ex Sap. XI. 18. profertur, brevi responsione defungi possemus, dicendo, Auctorem illum neque nobis, neque adversariis esse authenticum: qui si errorem istum ex Gentilium Philosophorum lacunis hausisset, ex indubitata fidei scriptoribus arguendus, non pro Mosis vel Pauli genuino interprete obtrudendus erat.

Cui non videtur repugnare Sap. XI. 18.

XXXI. Verum tamen vix animum induco ut credam, hanc ei mentem fuisse, quam affingunt hæretici. Nam quum omnipotentem Dei manum mundum ex informi materia creavisse ait, non de πρώτων rerum omnium exordio agere videtur, sed de creatione rerum terrestrium

ex materia ista quam Moſes Gen. 1. 2. a Deo conditam eſſe memorat. Terra enim cum iis quæ in ea ſunt, in ἀτιδιατολή Coeli, vulgato hominum ſermone mundus dici ſolet. Eam autem ex informi, id eſt, conſuſa iſta materia concinnatam eſſe, conſtat. Illam porro materiam a Deo factam eſſe nequaquam auctor iſte negat. Ex adverſo Deum τὰ πάντα, omnia ſermone ſuo feciſſe teſtatur. Cap. IX. 1. & hoc ipſo Cap. verſ. 26. innuit, nihil exſtare poſſe τὸ μὴ κληθεῖν ὑπὸ τῷ Θεῷ, quod a Deo vocatum non ſit. Quod etiam de iſta, qualiſcunque ſit, ἀμόρφον ἢ, verum eſſe debet.

Philonis  
ſententia.

XXXII. Cæterum ſi certum foret, quod, Hieronymo teſte, nonnulli ſcriptorum veterum affirmant, e mentitum hunc Salomonem Philonem Judæum eſſe, qui Moſes Atticiſſans dictus fuit; non aliunde ſecurius quam ex Philone commatis hujus mentem colligeremus. Is autem in libro de Opificio mundi, ab hæreticorum Hypotheſibus longiſſime recedit.

XXXIII. Verba ejus non procul ab initio hæc ſunt. Ἄλλ' ἄγε μέγας Μωϋσὲς ἀλλωτρεῖται τοὺς οὐρανούς, νομίζων εἶναι τὸ ἀγίνωτον. πάν γὰρ τὸ αἰσθητὸν ἐν γένεσι καὶ μεταβολαῖς, ὑδῆποτε κατὰ τὰ αὐτὰ ἐν. τῷ μὲν ἀόρατῳ καὶ νοητῷ πραγματευόμενος ἀλλοφὲς καὶ εὐφραδὲς ἀδιότηλον. τῷ δὲ αἰσθητῷ γένεσι τὸ εἰκῆλον ἔσομα ἐπιφάμεται. At magnus ille Moſes longiſſimo intervallo diſtare exiſtimans rem viſibilem ab infecta (quandoquidem quicquid ſenſui ſubjectum eſt, generationi mutationique obnoxium, nunquam eodem ſtatu manet) inviſibili. Et mente ſola comprehenſibili natura æternitatem tamquam germanam cognatamque attribuit: de ſenſibili autem generationem tamquam proprium vocabulum prædicat.

XXXIV. In quibus verbis notandum I. Quod ſoli inviſibili naturæ, quæ non ſenſu aliquo, ſed nuda mente percipitur, id eſt, Deo, juxta doctrinam Moſis, æternitatem vindicet. Ergo non materiæ alicui primæ, quam νοητὸν, non αἰσθητὸν eſſe; nemo ſanus dixerit. II. Quod nihil earum rerum quæ mutationi ac alterationi obnoxie ſunt; infectum eſſe poſſe teſtetur. Talis autem ſine dubio eſt informis iſta materia. III. Quod Genetiſis apud Philonem, uti etiam apud Moſen, Gen. 11. 4. idem illud ſignificet, quod nos creationis vocabulo ſolemus exprimere: ne quis in voce cavillum quærat.

XXXV. Quando ergo paulo ante dixerat, ἐπεὶ ἀμυγναιότερόν ἐστιν ἐν τοῖς ἔργοις, τὸ μὲν εἶναι δραστήριον αἴτιον, τὸ δὲ παθητόν, duo eſſe in rebus neceſſaria: alterum cauſam agentem, alterum quod ab agente afficitur: per τὸ παθητόν, non intelligit materiam creationi præexiſtentem, ſed a creante Deo formatam. Quod ex ſequentibus verbis patet: πρὶς δὲ τὸ μὴ γινώσκειν οὐκ αἰσθάνεται μὴ πεποινηκέναι. Nihil commercii habet cum eo quod non factum eſt, is qui id non fecit.

Ex veterum  
Hebræo-  
rum.

XXXVI. In eadem plane ſententia priſca Judæorum natio fuit Quemadmodum magnus ille R. Eliezer dixit, שְׁנֵי דְּבָרִים, שְׁנֵי דְּבָרִים, שְׁנֵי דְּבָרִים.

הקנה את העולם הזה וישם בלבו *antequam D. O. M. mundum crearet ipse solus existit & nomen ejus.* Vide *Sodes Menasse Ben Israël, de Creatione. Probl. III.* ubi opinionem hanc ab omnibus antiquis sapientibus receptam atque approbatam esse ostendit. Nam quæ alii Doctores de mundo alio ante hunc condito, multisve rebus ante mundum creatis mugantur, illa Kabbalistica, *μυστηριώδη*, & allegorica sunt: uti etiam illa Rabbi Eliezeris verba, quibus coelum e luce vestimenti Dei, & terram e nive quæ sub folio gloriæ est, facta esse docet. Quæ tam aliena ac mirabilia esse testatur *Maimonides, More Nev. Part. II. Cap. XXVII.* ut similia apud nullum eorum qui legem Judaicam sequuntur vidisse meminerit.

XXXVII. Tenenda interim distinctio est, quam supra quoque attigimus: si primam rerum originem spectemus e nihilo creata esse omnia: alia tamen immediate, uti prima opera primi diei, omnesque substantiæ spirituales; alia mediate, ut insequentium dierum opera; quæ ex materia quidem facta sunt, sed inhabili, & ex qua nulla virtute naturali tale quid produci potuisset, quæque propterea ad res inde productas nihili instar habet.

Distinctio  
creationis  
mediatæ &  
immediatæ.

XXXVIII. Hæc rerum productio solo Divinæ voluntatis jussu, *Solo Dei nam peracta creatio est.* *ἐπεταρατο ὁ κόσμος βολήματι* inquiebat *Alexandrinus Clemens*, sive, quod idem est, verbo, vel nutu facta est. *Dixit Deus, sit lux, & existit lux.* Gen. 1. 3. *Ipse dixit, & existit, ipse precepit & stetit.* Pl. xxxiii. 9. *Tu condidisti omnia, & PER VOLUNTATEM TUAM sunt, & creata sunt.* Ap. iv. 11. *Eo solo quia Deus voluit existere creaturas, sine ulteriori molimine, sine operosa actione, exstiterunt.* *Μόνον αὐτοῦ τὸ βούλημα κατεποίησα.* *Sola illius voluntas est mundi creatio:* ait idem *Clemens in Protreptico ad Gentes.* Cui consentit *Philo de mundi opificio:* *Ἄμα γὰρ ὁρῶ εἰκὸς Θεοῦ, ὃ προστάττοντα μόνον, ἀλλὰ καὶ διανοούμενον.* *Deum non jussu solum, sed & cogitatu operari merito creditur.*

XXXIX. Illud mirabilius, quod *Maximus Tyrim*, e pago Philosophus, & arcanarum literarum rudis, eandem veritatem facundissima oratione docuerit. *Dissert. xxv.* *Ὅμοι δι τῷ Διὶ τὸ πῦμαλι γῆ ἐποίησεν καὶ ὅσα γῆς θέρματα, καὶ θάλασσα ἐποίησεν καὶ ὅσα θαλάσσης κινήματα, καὶ ἀντὶς ἐποίησεν καὶ ὅσα αἰθέρος φαινόμενα, καὶ ἑρᾶς ἐποίησεν καὶ ὅσα ἐν ἑρᾷ κινήματα. ταῦτα ἔργα τῶν Διὸς νοημάτων.* *Una cum nutu Jovis terra constitit, & quicquid terra educat: mare constitit, & quicquid mare producit, aër constitit, & quicquid aër fert: caelum constitit, & quicquid caelo movetur. Omnia hæc Jovis nutu perfecit.* Paulo ante dixerat, hæc omnia ejus esse opera, *cujus mens solida & incorrupta nusquam dividitur, sed incredibili velocitate, unico oculi intuitu, quodcumque tangit, ornat atque illustrat.* Christiane & sancte, si pro Jove *Jehovam* dixisset.

Audax novæ Philosophiæ dictatum.

**XL.** Quæ quum ita sint, tota mente detestamur audax illud novæ Philosophiæ dictatum, quo asseritur, *etiamsi Deus nullam mundo aliam formam quam chaos ab initio dedisset, dummodo post naturæ leges constitutas ipsi concursum suum ad agendum, ut solet, commodaret, sine ulla in creationis miraculæ injuria credi posse, eo solo res omnes pure materiales cum tempore, quales nunc esse videmus, effici potuisse.* Quæ eo tendunt, ut persuadeatur mustæ sapientiæ mystis, per generationem naturalem, juxta regulas motus, ex chaos omnes res naturales paulatim ita produci, constitui, ordinari potuisse: imo est qui dicat, posito ordinario Dei concursu prodire *debuisse*, uti nunc per creationem illam supernaturalem productæ, constitutæ, ordinatæ sunt & consequenter opus non fuisse opere isto miraculoso, quod Creatio appellatur.

**XLI.** Hæc sunt *κατὰ νόμον*. Non enim sine superbæ temeritatis nota abire debet, quod misellus homuncio eam se rationem invenisse gloriatur, qua ex indigesta mole, solo motu aurigante, cujus nimirum regulas omnes in comperto habeat, miranda illa opera sua sponte prodire potuissent, imo debuissent; quæ nunc potenti Dei jussu condita, juxta cum sanctis Dei vatibus, omnes Angelorum chori obstupefunt. Jobum olim Deus e turbine alloquebatur: *Accinge nunc ut vir lumbos tuos; & quod interrogabo te notum fac mihi. Ubinam eras quum fundarem terram? indica si novisti intelligentiam. Quis disposuit mensuras ejus, quandoquidem scitis es? aut quis extendit in ea regulam?* &c Job. xxxviii. 3. 4. 5. Sed haberent audaculi hi quod ex suis hypothelibus responfarent Deo: nihil scilicet in omnibus istis operibus tam mirandum esse, quod non juxta suas motus regulas sponte ex chaos fuisset proditurum. Verum tamen non dubito, quin eadem increpatione qua Jobus a Deo objurgandi sint: *Quis est, qui obtenebrat consilium sermonibus inscite?* Ibid: vers. 2.

**XLII.** Injuriosa etiam hujusmodi dictata sunt, quicquid contra prætendatur, in creationis miraculū. Cujus præcipua admirabilitas in eo consistit, quod vel ex nihilo, vel ex materia prorsus inhabili, nullamque ad rem inde conficiendam proportionem habente, solo numinis jussu omnia extiterint. Quæ admirabilitas magnam partem, si non prorsus, tollitur, quando, posito ordinario Dei concursu, sua sponte, *αὐτομάτῃ εὐτυχίᾳ*, ut *Gregorius Nyssenus* loquitur, juxta regulas motus, omnia eodem modo ex chaos proditura fuisse asseritur: modo libuisset Deo, qui nunc opus deproperabat, motui & chaos temporis alicuius moram indulgere. Quid enim tum creatio miraculosi habet, nisi quod aliqua velocitate & acceleratione ordinariam rerum naturalium generationem superet? Hæc eo paulatim ducunt, ut mundi vera creatio tandem albis dentibus irrideatur. Quod & facere non erubuit aliquis ex isto nido pullus, in eo libro in quo novitiam hanc Philosophiam Scripturæ interpretationem constituit.



**XLIII.** Quum itaque ex antedictis palam fit, Creationem esse produ-  
ctionem rerum ex nihilo, idque solo jussu nutuque, consequens est ut  
eam Divinæ plane omnipotentiae opus dicamus. Hinc & sibi soli eam  
adscribit Deus, cum remotione omnis causae, sive sociæ, sive instrumen-  
talis. *Attollite in sublime oculos vestros, & videte quis creaverit ista, produ-  
cens numero suo exercitum ipsorum: quis ista vocet de nomine, præ amplitudine vi-  
rium, prout fortis est robore, adeo ut quicquam ne desit. An non novisti? Annon  
audiisti, Deum æternum, Jehovah, Creatorem extremitatum terræ, non defa-  
tisci, neque defatigari?* Jes. XL. 26. 28. adde vers. 12. 13. 14. Jes. XXXVII.  
16. XLII: 5. & XLIV: 24. *Ego Jehova facio omnia, extendo celos SOLUS, ex-  
pando terram PER ME IPSUM.* Cui geminum est, Job. IX. 8. *Qui ex-  
tendit celos SOLUS: & calcatur celsa maris.*

**XLIV.** Perfide Socinus, tam evidentibus testimoniis pressus, excep-  
pit: non probari iis, Deum in mundo condendo & componendo nullius prorsus ope-  
ra usum esse: sed tantum nullius qui ab ipso totus non penderet, vimque istam, cir-  
ca mundi creationem aliquid operandi, ab ipso non habuerit. Hoc est Prophe-  
tis, ipsique Deo in os contradicere. Nam quum Deum solum celos  
extendere clamant, omnem, qualiscunque illa sit, causam remonent.  
Quum additur, Deum terram per se ipsum expandere, docetur, actio-  
nem illam esse *αὐτοῦ*; in qua nulla causa, ne quidem instrumentalis,  
& aliena virtute operans, locum habeat. Rabbini dicunt, *בְּלֹא  
הַשְׁתַּלְשׁוּל הַמִּטָּר*, immediate & sine concatenatione  
causarum.

**XLV.** Atque hoc quidem opere discriminat se Deus Israëlitis ab om-  
nibus fictitiis Diis Gentilium, Majestatemque suam contra illos asserit.  
Ps. XCVI: 5. *Omnes Dii populorum sunt idola. Jehova vero celos fecit. & Jer.  
X. II. Sic dicitote illis, dñi isti qui celos & terram non fecerunt, perituri sunt e  
terra & regionibus sub celo ipsi.* Non abs re est quod, quum omnia sua va-  
ticia Hebraico sermone complexus Jeremias sit: hoc unicum comma  
Chaldaico idiomate extet. Quia nimirum ita muniendi fideles erant  
adversus tentationes Babyloniorum, ut in tempore addiscerent, quod  
idololatris istis sua lingua responsarent.

**XLVI.** Non multum ab hoc Dei dicto abludunt *Sophacis* verba:  
*Εἰς τοὺς ἀλυσίαιον, εἰς ἱπὶ Θεός, ὅς ἔκτισεν τὴν γῆν καὶ γαῖαν μακρὰν.*  
Unus vere, Unus Deus est, qui celum condidit ampliusque terram. Propius ac-  
cedunt sive *Pythagoræ* sive *Orphei* versus *Justino* citati, in *Libro de Monarchiis*

*Ἐν τοῖς ἱπὶ. Θεός ἐμὲ παρὶ ἱπὲς, ἕως ὀπίθεν  
κόσμου ἱπὲς τῆς γῆς εἰς ἡμῶν, ἱπὲς ἕως.*

Quæ Vir doctissimus ita Latine reddidit:

Quæ Deus affectat dici, producere mundum  
Hinc similem tentato, suum quem dicere possit.

XLVII. Apostolus quoque invisibilia Dei, *in rebus manifestis*, jam inde a condito mundo mente perpenſa pervideri docet, & ſpeciatiſſimè ætèrram Dei tum potentiam tum Divinitatem. Rom. 1. 20. Quèſ locum a perverſis hæreticòrum interpretamentiſ alibi vindicavimus. Hoc unum hic monentiſ, non proceſſuram Apoſtoli argumentationem, ſi aliud mundi creator aut eſſet aut eſſe poſſet, præter Unicum illud Ætèrnum & Omnipotentiſ numen.

Et incom-  
municabilis  
omni crea-  
turæ.

XLVIII. Porro adeo Deo propriam eſſe creandi actionem, ut cum nulla creatura communicabilis ſit, hoc pacto demonſtratur. Creatio eſt productio rei per merum creantiſ imperium. Si itaque fingamus, Deum hoc dare creaturæ alicui ut ad ejus imperium reſ alia exiſtat; vel exiſtèret illa reſ nihil ad illius exiſtentiam cooperante, ſive volente ac jubente Deo, ſed ita ut totam exiſtentiam ſuam nutui imperantiſ creaturæ deberet: vel exiſtèret, Deo ſimul cum creatura quæ creare fingitur rei illius exiſtentiam volente ac jubente. Atqui utrumque indigniſſimum Deo eſt, & maniſtam contradictionem implicat. Si prius dicatur; fingitur, Deum velle, ut creatura aliqua ſit, quæ in operationib꿯 ſuiſ ab ipſo non dependeat, & ut per merum abſolutumque creaturæ iſtius imperium reſ aliqua etiam ipſo non volente exiſtat. Quo nihil cogitari poteſt abſurdius. Sin poſterius eligatur: non tam creatura illa, quæ creare fingitur, crearet (quippe cujuſ imperium ad exiſtentiam rei non eſt ſufficiens) ſed Deus crearet ad imperium illius creaturæ, qua volente rem aliquam exiſtere, Deus idem vellet ac juberet. Atqui hoc non modo contra hypotheſin eſt; ſed & Deum facit in operationib꿯 ſuiſ ab imperio alicuj꿯 creaturæ dependentem. Quæ quum a ſupremi numiniſ dignitate alieniſſima ſint; conſequeuſ eſt, ut creandi actionem ac facultatem incommunicabilem eſſe creaturæ concludamus.

XLIX. Imo ne quidem inſtrumentum aliquod creationiſ ſtriſte dictæ cogitari poteſt. Non ob eam modo rationem quia omne inſtrumentum materiã & ſubjectum aliquod requirat, in quod uti aptitudini ſuæ convenientiſ eſt operetur, creatio autem ſtriſte dicta omnem præexiſtentem materiã removeat: ſed præcipue, quia creatio ſolo creantiſ imperio ac voluntate peragitur, quæ omnem aliam concauſſam, cujuſcunq꿯 tandem illa generiſ ſit, excludit: juxta id quod modo produxiſmus: *Expando terram per me ipſum.* Jeſ. XLIX. 24.

Ex Creatio-  
ne recte  
concluditur  
Filii & Spi-  
rituſ S. una  
cum Patre  
Deitæſ.

L. Ex demonſtratiſ invictè colligitur Filii ac Spirituſ Sancti eadem cum Patre Deitæſ. Licet enim Patri, propter rationeſ alibi a nobiſ aſſignatæ, in Symbolo, creatio attribuat꿯, eandem tamen Filio quoque & Spiritui Sancto Sacræ Literæ adſcribunt. Utrumque eorum frequenter Deum dici conſtat. Si autem, quum Deus vocent꿯, Cœlum & terram non fecerint, illiſ eoſ Diſ accenſeri neceſſe eſt  
*qui*

qui perituri sunt e terra & regionibus sub celo. Jer. x. 11. Quod blasphemum foret.

LI. Mundum a Deo conditum, amplissimum virtutum Divinarum theatrum esse, cujus justa mensura mortalibus explorata non sit, nemo pius negaverit. *Quis mensus est pugillo suo aquas, & celos spiritalia expandit, aut complexus est trientali pulverem terræ? & ponderavit statera montes, & colles lancibus?* Jes. XL. 12. Adde Jerem. xxxi. 37. *Si mensurabuntur celi superne, & peruestigabuntur fundamenta terræ infra, &c:* Eundem tamen mundum infinitum esse, sive, quod idem est, nullos extensionis limites habere, nemo sanus dixerit. Quam enim aquarum coelorumque dimensionem hominibus Deus abrogat, eandem sibi attribuit. Non posset autem mensurari universum, ne ab ipso quidem Deo, nisi quantitatis suæ terminos limitesque haberet.

Mundus infinitus non est.

LII. Admitti in hoc negotio posset *Infiniti & Indefiniti* distinctio, modo sincere & commode explicetur. Ut indefinitus mundus esse statuatur respectu nostri, quatenus terminos ac mensuram universi præcise assignare non valemus, licet in genere sciamus, mundum terminos ac limites habere, ideoque infinitum non esse.

LIII. Verum postquam dixeris, nos nullos in mundo terminos intellectu posse concipere, idque non provenire ex mentis humana imbecillitate, sed ex positiva mundi idea in qua nullos terminos imaginari nobis possumus: quæ mundi idea quæm non sit orta ex præjudiciis, nec aliunde hausta, necesse est ut a Deo nobis indita, & per consequens vera sit, & naturam mundi representans: imo postquam dixeris, Cognoscimus hunc mundum, sive substantiæ corporeæ universitatem, nullos extensionis suæ fines habere: postquam, inquam, deliberato animo hæc omnia asserueris, ad tam immanis sententiæ invidiam declinandam subungere, te mundum indefinitum potius quam infinitum velle dicere, ut *Infiniti* nomen soli Deo reservetur, id est, contra omnes candoris leges, officias facere lectori. Si enim idea mundi, ut nullos terminos imaginabiles habentis, vera, nobisque a Deo indita sit; si cognoscamus eum nullos extensionis suæ fines habere: quid subterfugimus? quid tergiversamur? cur non scapham scapham, ficum ficum vocamus? cur non id quod terminos finetque non habet, infinitum, uti credimus, ita dicimus? Quid in *indefiniti* vocabulo ignobiles timidasque latebras quærimus? Rotunde loquamur. τὰ δ' ἄλλα κόμισθαι, καὶ λόγων εὐμαρξίαι.

LIV. Ἀπειρον μὲν ἐν τῷ ἔχειν, ὃ κατὰ τὸ πρὸς λαμβάνουσιν, αἰετὶ λαβεῖν ἔχειν. Infinitum igitur hoc est, cujus quantitate aliqua accepta, semper aliquid extra sumere licet: inquit Aristoteles, Natur: Auscul: Lib: III. Cap: IX. Jam autem prorsus ita nobis mundum novi Philosophiæ instauratores describunt, ut hæc infiniti definitio ipsi ex amussi competat. Afferunt enim se quocunque mundi fine posito semper ultra tendere,

atque ulteriorem extensionem concipere. Quid ergo, quum rem intrepide asserant, de Infiniti vocabulo pueriliter, ac contra quam viros decet, cavillantur?

LV. Rem ipsam videamus. Et ne forte argumenta nostra, quia nostra, superciliose contemnantur; hanc nobis gratiam faciant, Viri æquissimi, ut ad horam Celeberrimi COCCEJI, armis (non invisum neque leve iis nomen allegamus) illiscum experiamur. Is in Gen. 1. §. 16. in hunc modum commentatur.

LVI. *Melissus Samius, Parmenidis Discipulus, quem refutat Aristoteles, dicit, ἀπειρον ἴσται τὸ πᾶν. Repugnat Scriptura. Cælum enim & terra non sunt ἀπειρα. Nam terra habet πικύρα. & cælum æreum, & sidereum, & cælum tertium, quæ nos spectat, non est ἀπειρον, sed περὶπεριούριον. A quo finitum tollitur, id totum finitum est. Nos quidem metiri non possumus, & est aliquid majus cogitatione nostra. Sed Deus cælum spiritibus metitur, & moderatur. Jes. XL. 12. Extensionem habent omnes hæ partes. Quæ extenduntur, & initium extensionis habent & finem. Si non, idem simul habebit spatorum partiumque numerum, & non habebit. Non habebit: quia ἀπειρον. Habebit: quia partes habet extra partes. Numerum actu infinitum mens humana non admittit. Quippe nullus numerus est cui non possit aliquid superaddi. &c.*

LVII. Respondeant nunc illi, qui argumenta contra corpus actu infinitum mera sophismata esse contendunt. Vel si hæc obscuriora videantur, quod tamen viris eruditis videri non debet, audire gestio, quid huic uni demonstrationi, quæ plana & facilis est, opposituri sint. Omne corpus est quantum. Omne quantum habet partes extra partes. Quod infinitum est partes extra partes habere non potest: ideoque nec quantum, nec corpus esse. Non posse autem id quod infinitum est partes extra partes habere, sic conficitur. Illæ partes singulæ vel finitæ essent, vel infinitæ. Si infinitæ, singulæ partes erunt æquales toti: quod est contradictorium. Si finitæ, non possunt constituere totum actu infinitum. Finitæ enim partes, quantumcumque multiplicentur, semper finitæ manent. Porro evidentis veritatis est, totum non esse majus omnibus suis partibus simul sumtis. Si itaque finitæ partes, etiam omnes simul sumtæ, finitæ semper maneant; totum quoque quod ex iis resultat finitum esse necesse est.

Mundus habet initium.

LVIII. Uti mundus *Extensione* finitus est, ita etiam *Duratione*. Initium existentiae ejus passim Scriptura inculcat. In principio creavit Deus. Gen. 1. 1. Quo innuitur, una cum rebus creatis cepisse temporis, quo rerum creaturarum duratio circumscribitur, initium. Ita etiam קדמי ארץ *primordia terræ* memorantur, *quam nondum essent abyssus*. Prov. viii. 23. 24. Et cogitationes nostræ ad eam Dei æternitatem attolluntur, quæ τὸ τὸ νόημα ἀνασχεδόν anteceffit. Eph. 1. 4. Joh. xvii. 5.

LIX. Impudentissime sophisticantur illi Socini affectæ, ab Episcopo notati Conci. vi. in Job. xvii. qui montes collesque ab æterno fuisse colligunt, eo quod æterni colles dicantur. Gen. xlix. 26 Quibus merito opponit Pl. xc. 2. *Antequam montes erant, & antequam terra formata est, tu es Deus a seculo usque in seculum.* גבעות, colles seculi Patriarchæ sunt, qui ab initio fuerunt, & una cæperunt cum תִּי אֵינִי: propterea etiam קרי קרי montes antiqui, à Mose nuncupati. Deut. xxxiii. 11.

LX. Cæterum supposita mundi in tempore creatione, ex Scripturis jam evicta, quæritur, an mundus ab æterno creari saltem potuerit? Ad quam quæstionem acute mihi respondisse videtur Athanasius, contra Arianos Orat. 11. *Quod tametsi Deo possibile fuerit ab æterno opera facere, non tamen potuerint ea quæ facta sunt ab æterno fuisse: si quidem ex non entibus emerissent, nec erant priusquam fierent. Quæ autem non erant antequam fierent, quomodo ea coexistere potuerunt cum Deo semper existente?*

Neque ab æterno creari potuit.

LXI. Cujus demonstrationis hæc esto *ἰσχυρία*. Quin omnes Dei perfectiones ab æterno ei insint, nemo dubitat. Ideoque ab æterno eam habuit potentiam, ut quandocunque vellet, solo voluntatis suæ jussu omnia producere potuerit. Attamen a parte rerum producendarum repugnat ut existant ab æterno. Quia quod ab æterno est, id necessario est, id semper fuit actu, id nunquam fuit potentia. Contradictionem autem implicat, ut id quod libere extra se effecit Deus, ita ut illud potuerit non efficere, id nunquam fuerit potentia, & nunquam in fieri, adeoque nunquam non fuerit actu. Quæ quum satis evidentia sint, nollem a viro Docto dictum esse, *difficulter eos refelli posse qui possibilem mundi æternitatem statuunt.* Vide sodes subtiliter ac solide de hac materia disputantem Coccejum in Gen. i. §. 39. & sequentibus. Itemque Disputat: Select. xxvii. §. 29. &c.

LXII. Quot annis nunc a mundi natali absimus, Chronologi certant, & adhuc sub iudice lis est. Eam nos pro desperata habentes nostram nunc non facimus. Sufficiat ὡς ἔστιν scire, mundum necdum sex mille annorum ætatem attigisse.

Natalis mundi non liquet.

LXIII. Facilius paullo deciditur quæstio de anni tempore quo conditus est mundus. Fortissimis enim argumentis ii pugnare videntur, qui principium mundi ad æquinoctium autumnale referunt. I. Certum est annum civilem Abramidarum ab autumnno coepisse, cujus mensis primus antiquo Chaldæorum vocabulo vocatur תשרי Tisri, *Initium*, à radice שרר incipere. Videatur de hujus civilis anni usu Exod. xxi. 1. 16. xxxi. v. 22. Abrahamum autem suis tradidisse, & in Ægyptum intulisse eam anni rationem quam ab Henoch acciperat, apud Eusebium de præparatione Evangelica Lib. ix. cap. iv. Alexander Polyhistor auctor est. II. Idem confirmant anni Sabbatici, qui ab æquinoctio autumnali ex mandato Dei inchoabantur. Lev. xxv. 9. Quid enim convenientius fuit quam eorum

Ejus tamen principium ad æquinoctium autumnale referendum esse videtur.

initium idem esse cum initio mundi? ne semestre spatium superesset quod ad annos Sabbaticos non pertineret. III. Accedit quod illa omne genus frugum ad usum hominis maturitas autumpnem potius quam quamvis aliam anni tempestatem arguat.

Mundus  
non uno  
momento,  
sed sex die-  
rum spatio  
conditus est.

LXIV. Porro quum facile Deo *ἵσταναι καὶ ἰσχυρὸν ἔσται καὶ κτισθῇ* omnia perfecta creare: placuit tamen sexiduum huic operi impendere: quod historia Mosaica, temerariis allegoriis neutiquam stupranda, discrete memorat. Eo docemur, neque nobis in meditatione operum Dei leviter festinandum esse; sed curate potius & anxius singula perpendenda: eique rei totum vitæ nostræ sexiduum impendendum esse, donec, in beatissimæ tranquillitatis Sabbato, omnia consummata, ac consummate, videamus.

Quæstio, an  
singula sin-  
gulorum  
dierum  
opera mo-  
mento facta  
sint, an ali-  
quo tempo-  
ris tractu;  
non est ma-  
gni mo-  
menti.

LXV. Quæ nuper de processu operum Dei singulis diebus disputari coepta sunt, an scilicet singula diei alicujus opera unico momento perfecta sint, an tractu aliquo temporis, ea neque magni oppido momenti sunt, neque validis utrinque ex Scriptura rationibus, vel adstructa, vel destructa, hactenus videntur.

LXVI. Momentum quæstionis quod attinet, ego eam inter problemáticas colloco, de quibus salva fide & charitate inter Reformatos disputari potest: modo id firmiter ac bona fide teneatur immane, discrimen esse inter primam rerum *creationem*, quæ jussu Dei, plane extra ordinem deinceps observandum, peracta est, & inter *Generationem naturalem*, ex materia habili, juxta regulas motus, paulatim procedentem. Nam ut per negationem creationis, momentaneæ procedatur ad assertionem absurdissimæ illius hypotheseos, de omnibus per solum motum, supposito ordinario Dei concursu, sua sponte orituris, id quidem ego toto animo detestor. In ipsa autem quæstionis solutione cavenda est *ἀμετρία τῆς ἀνιδρωγῆς*. De qua re mox dicemus.

Neque vali-  
dis utrim-  
que argu-  
mentis di-  
sputata.

LXVII. Qui existimant ad singula opera singulorum dierum singulos etiam dies adhibitos fuisse, hoc potissimum argumento pugnant. Quia dicendum fuisset alias, quod Deus singulis diebus quievisset toto die, excepto solo illo momento; quum tamen Scriptura tantum quietis Dei mentionem faciat die septimo. Verum ea ratio non est nauci. Etenim si per *quiescere* intelligas cessare a productione alicujus operis, antequam novum opus inchoetur, dubium non est quin Deus singulis diebus quieverit. Non enim opera Dei ita concatenata fuerunt, ut nullum eorum fuerit interstitium. Quod ex eo patet, quia cujusque diei opere absoluto, Deum id primum comprobasse narratur, antequam ad alia opera transiret: & ad singula opera singula distincta sua verba sive jussa memorantur. Et sane inter creationem cæterarum animantium ac hominis, inter creationem Adami ac Evæ, notabile interstitium est. Quo quievisse Deum om-  
nino

nino est dicendum. Quies autem septimi diei longe alterius generis est: quippe quæ partim in eo consistit quod Deus a novarum specierum creatione cessaverit, partim quod in opere Universi nunc absoluto sibi ipsi complacuerit. Porro quod de unico momento singulis diebus creationis operi dato additur, id ad invidiam contrariæ sententiæ conciliandam pertinet. Quum enim singulis diebus plura ac diversa opera adscribantur, non puto quenquam esse, qui omnia simul unico istius diei momento facta esse velit. Quod certe historiæ de operibus primi & sexti diei diserte repugnat.

LXVIII. Qui contra tendunt singula opera singulis momentis esse facta, hac præcipue ratione utuntur. Quia vocatione & jussu Dei peracta creatio dicitur. Deo autem rem apparere jubenti nihil resistere potest, atque ad illius imperium cuncta sine mora adesse debent. Cæterum neque id firmiter concludere videtur. Quod enim Deus omnipotenti voluntatis suæ jussu præsto esse jubet, id quidem non potest non præsto esse vocanti, non tamen necesse est ut in momento cum omni sua perfectione præsto sit. Potest Deus jubere ut tractu aliquo temporis proveniat. Jussum Dei causa existentiae rerum est. Existendi modus a jubentis arbitrio pendet. Qui si res momento existere jubeat, existant momento: si cum tempore aliquo ad perfectionem tendere, cum tempore id fiet. Itaque ex nudo Dei jussu de existentia creaturarum, nihil pro speciali isthoc existendi modo concludi potest. Nam & quædam quæ Deo jubente fiunt, tractu temporis peraguntur. Verbi gratia, accessus animalium ad Adamum, ut ab ipso velut Domino nomina sua acciperent, sine dubio jubente Deo, at tamen non sine successione, factus est. Neque excipias, impetum accedendi momento animalibus istis inditum esse. Non enim solus iste impetus, sed & ipsa accessio Divinæ jussionis est effectum.

LXIX. Mea sic est sententia: Non sine distinctione quæstionem hanc expediri posse. Nimirum nonnulla e nihilo producta sunt, uti cælum supremum, & terræ chaos, & angeli, mentesque humanæ, hæc non potuerunt aliter nisi in momento creari. Quum inter existere & non existere nullum detur medium, transitus ab *adventu* ad *te ti* moram successionemve non admittit.

Et denique  
sine distin-  
ctionibus  
quibusdam  
expediri  
non potest.

LXX. Alia per motum facta sunt ex materia preexistente. *Οἷμα ὅτι πῶτος καὶ εὐσεύς ἐκγόνη τὰ ἐν τῇ κτίσει φαινόμενα πάντα, τὰ κατὰ τὸ ὅσιον βάλθημα παραχρῆμα ὡς γένον.* Existimo res universas quæ inter creata cernuntur, de quæ voluntate ac sententia Dei exortæ sunt, à motu & quiete profectas esse: in- quiebat Gregorius Nyssenus, De hominis opificio. Cap. 1. Nobis non libet nunc tam liberaliter loqui. Sed certe nonnulla opera motu peracta sunt. Uti exsiccatio terræ, & confluxus aquarum in unum locum, qua de re in hunc modum Psaltes canit: *Pl. civ. 6. 7. 8. Supra montes stabant aquæ. Ex increpatione tua diffugerunt, a voce tonitru tui accelerarunt fugam,*

conscen-

*conscenderunt montes, descenderunt valles : in locum quem fundaveras ipsis.* Item credibile est de aëthrorum divisione, quæ, e lucis primigeniæ globo frustratim discerpta, in tam longe diffitis cœli partibus sine motu locari non potuerunt. Motum autem in momento quod vocant Mathematico, exclusa omni successione, fieri non posse, sic demonstratur : quia tum corpus in pluribus locis simul esset, simul in termino a quo, termino ad quem, & intermedio. Imo alicubi simul esset & non esset. Quod enim movetur, eo ipso quod movetur, definit esse in termino a quo, unde recedit : & nondum est in termino ad quem, quo tendit.

LXXI. Tenendum tamen motum hunc plane extraordinarium longeque celerrimum fuisse, nequaquam exigendum ad communes motus quæ nunc observantur regulas; sed Divino, & speciali quidem, mandato, initium suum, processum ac modificationem omnem debuisse.

LXXII. Herbarum arborumque ex tellure, piscium reptiliumque ex aquis, animantium denique omnium ex terra generatio, non est concipienda tanto successione paratu facta esse, ut partibus majoribus, particulisque minimis, sensim compositis atque dispositis, labente tandem die, vix perfectionem suam opera ista consecuta sint. Sed iussu Dei herbæ in sua integritate, arbores una cum fructibus, pisces, volucres, cæteræque animantes ὁλόκληροι repente prodierunt: singula tempore brevissimo, quod ad eam qua nunc nascuntur & crescunt mensium annorumque successionem momenti rationem habet. Πάντα ἐν μίᾳ καὶ ῥοπή ἀνέβη ἐκ τῆς γῆς, ὡς ὅττα πρότερον, κατὰ τῆς οὐκείας ἡμετέρας ιδιότητος.

*Uno temporis puncto quæ prius minime erant, e terra nata sunt, suis quæque proprietatibus distincta : inquit Eustathius in Hexaëin. Quæ totidem ferme verbis reperiuntur apud Basilium Homil. iv. Sicuti immutatio gloriosa corporum nostrorum, imaginem quandam primæ creationis exhibens, fiet momento, & jactu oculi. I Cor. xv. 52.*

LXXIII. Quum fingulis diebus multa & magnifica admodum opera a Deo patrata fint, & quidem alia post alia, licet pleraque brevissimo tempore peracta sint, ita tamen ut momenta operum fingulis diebus inchoatorum & finitorum horis suis assignari a nobis non possint, merito Theologi cum scriptura dicunt, *sex dies*, non *sex momenta*, creationi rerum impensose esse. Non enim existimandum est, Deum velut operarium, penso temporive suo alligatum, a mane ad vespere in opere defudasse.

**Mundus  
Unus est**

LXXIV. Mundus duntaxat *Unus* est; hic ipse de cujus creatione nunc agimus, qui per Christum conditus est, in quem Christus venit, & qui suo ambitu omnia ea complectitur quæ facta sunt. Joh. 1. 3. 10. Plures fingere, qui sive simul, sive alter post alterum existant, deliria sunt eorum qui non verentur *ἡμετέριον αὐτὸ καὶ ἡμῶν αἰῶνος, ἀλλὰ φησὶν ἔσθαι ἕτερον τὸ πρὸς τῆς καταβολῆς αἰῶνος.* Col. II. 18. LXXV.

LXXV.



LXXV. Plures tamen, ab hoc distinctos diffitosque, a Deo, si ita vi-<sup>Plures ta-</sup>sum fuisset, condi potuisse, eos omnes credere par est, qui immensam<sup>men a Deo</sup> atque inexhaustam Numinis potentiam sancte agnoscunt. Nam quod<sup>condi po-</sup>nonnulli objectant, mundum hunc <sup>esse</sup> esse, præter quod circa contra-<sup>tuisse nihil</sup>ditionem nihil creatum, esse potest, puerilis est cavillatiuncula. Nunc<sup>prohibet.</sup> <sup>esse</sup> vocatur, quia revera omnia quæ creata sunt ejus ambitu continen-  
tur. Si alius mundus crearetur, hic <sup>esse</sup> esse desineret.

LXXVI. Neque plures est alia ratiuncula: vel aliquid intermedium fore, vel nihil. Si nihil, ne quidem discretos fore. Si aliquid, hoc vero ipso fore continuos. Non enim verum est, ea dissita non esse inter quæ nullum corpus est medium. Ad distantiam sufficit ut non adsint, & se invicem non tangant. Nec refert an interjectum sit aliud corpus, an interjici possit, neutro extremorum statione sua remoto.

LXXVII. Cæterum mirari subit, eos qui nequidem per Divinam om-<sup>Ridiculos se</sup>nipotentiam plures mundos huic universo similes confieri posse dispu-<sup>faciunt qui</sup>tant, plures particulares mundos, sive corpora terræ, quam nos incol-<sup>probabilius</sup>imus, similia, in quibus aut homines aut aliæ creaturæ viventes degant,<sup>esse statuunt</sup>non difficulter admittere. Et etiamsi, pro sua modestia, nihil hac in par-<sup>lunam ho-</sup>te temere vel affirmandum vel negandum pronuncient; non possunt<sup>minibus ha-</sup>tamen a se impetrare, quin acriter objurgent eos, qui præjudiciis tantum<sup>bitari quam</sup>laborantes, & proprio amore veluti mente-capti, nos homines solos Dei<sup>non.</sup>delicias esse putant, & nostram terram totius mundi angulum amoenissimum: quod non sine reliquorum operum Dei contemptu fieri arbitran-  
tur. Adduntque nos revera quidem nescire, an in luna sint homines aliæve crea-  
tura: sed si omnino judicare velimus, verisimile fore statuere ibi homines esse: quam negare esse.

LXXVIII. Hæc an ex Luciani commentariis, vel ex illius Viri  
improbi ac fide dignissimi relatu, qui non ita pridem anserinis pennis in  
sublime evolans superas eas regiones accurate lustravit, incognitas hæc-  
tenus cæteris mortalibus, qui <sup>de quibus aliter idem</sup> viri oppido doctissimi ha-  
beant, equidem nescio. Mihi sane hac occasione in mentem venit ejus  
rei quam pridem in Luciano legisse memineram; quamque in Audito-  
rum meorum gratiam paucis hic referre constitui. Sic ergo ille in *Primo verarum historiarum libro* commentatur: se postquam cum fociis septem  
dies totidemque noctes ingenti turbine per aëra vectus fuisset, octava  
die navigio suo appulisse ad terram quandam magnam in medio aëris,  
insulam quæ globi formam habens, plurima luce micabat. Eam autem  
& habitatam invenisse & cultam. Verum ne ignari hominumque loco-  
rumque oberrarent, nescii quo sub cœlo tandem, quibus orbis in oris  
jactarentur: commodum accidit ut ab <sup>invenirentur</sup>, vel, si Latine mavis,  
equivulturibus quibusdam, (hi homines erant, equorum loco vulturi-  
bus

bus insidentes, Regi a principibus ministeriis) ad Regiam novi advenæ deducerentur. Rex ex forma atque habitu Grajos homines esse animadverso, comiter narrat sibi quidem Endymionis esse nomen, cæterum terram illam in quam, tam vasta æris spatia emensi, delati erant, Græcis  $\Sigma\epsilon\lambda\eta\eta\eta\eta$ , (Latini LUNAM dicunt) vocitari. Porro sibi cum Solis Rege (illam enim regionem non minus quam lunarem frequentibus incolis scaterere) grave ac difficile bellum esse; & plura ejus generis, quæ nunc non est narrandi locus. Nisi forsitan Viri Docti sua *Keplero*, insigni Astronomo, debere malint: qui in *Selenographia* sua narrat, se per tubum opticum in lunæ maculoso vultu vidisse cellissimos montes, ingentes valles, fossas vastissimas & numerosissimas, silvas etiam vægrandes, maria quoque, multaue alia, terræ quam nos incolimus simillima. Incolas etiam iis adscribit, brevis vitæ, stupendæ interim magnitudinis, quindecies nostris hominibus majores, æquales balænis, oppida exstruentes adversus ardores solis. Et ne fides dubia sit, conjicit *Keplerus*, se laborantes vidisse operarios.

LXXXIX. Verum, ut quod sentio candide eloquar: non sine dedecore sacratissimæ religionis nostræ hæc a Viris Theologis ita disputari, profanisque hominibus atque Ecclesiæ Reformatæ hostibus uberem sarcasmorum materiam illiusmodi *metempsychosis* suppeditari, plane apud animum meum existimo. Demus enim ex *Hevelii* observationibus constare, in Luna esse loca alta & depressa, similia nostris montibus & vallibus: quæ quæso probabilis ratio suadet, ut homines ibi, & civitates, ac republicas statuamus? Quænam istarum rerum vel levissima indicia, aut in natura, aut in Scriptura, reperiuntur?

LXXX. Imo vero non pauca in Scriptura sunt quæ lunaticæ isti imaginationi adversentur. Moses tam distincte consilium Dei de condendo homine edisserens, satis ostendit, nullum ei simile animal in universo tunc fuisse. Quorsum enim Deus introduceretur dicens, *Faciamus hominem secundum imaginem nostram* &c. ac si operum suorum colophonem moliretur, si fortasse ante biduum lunam solemve vel cætera etiam alia hominibus instruxisset? Quorsum, quasi comperto non bene fore homini si solitarius maneat; de uxore demum illi formanda cogitasse narratur? *Ανθρωπος οὐκ ὁντις* quidem hæc dicuntur, sed omni venustate carerent, neque sensum *διανοητικῶν* funderent, si alibi jam aliquot hominum paria existissent.

LXXXI. Accedit quod *Jesaias* terræ speciatim id adscribat, quod *non ad inanitatem creata, sed ad inhabitandum formata sit*. *Jes. XLV. 18.* Paulus etiam dum totam gentem hominum ex uno sanguine factam prædicat, ut habitaret super universa superficie terræ *Act. XVII. 26.* aliam gentem hominum, aliunde ortam, atque in superficie lunæ habitantem non agnoscit.

LXXXII.

**LXXXII.** Suffragatur quoque ratio. Si enim in Luna aliisve stellis homines exstarent, eos vel in primæva integritate sua remansisse, uti Angelis boni, vel in peccatum lapsos esse, uti nos, necesse est. Neutrum autem horum in Scripturis reticere debuisse videtur, præsertim quum tot illius rei memorandæ occasiones suppeterent. Sive enim exaggerandum peccatum nostrum erat, sive prædicanda Divinæ erga nos clementiæ immensitas, sive exponenda beati illius confortii amplitudo quo gavisuri in coelis sumus, operæ pretium erat tot ex alio orbe myriadum sanctorum vel verbulo meminisse : imprimis quum in hoc argumento frequens angelorum mentio fiat, qui tamen non minus quam isti homines alterius orbis incolæ sunt, & quorum negotia minus nos tangere videntur, quam aliorum qui ejusdem nobiscum sunt speciei.

**LXXXIII.** Sin Lunaticos istos homines, vel Solares quoque, Mercurialesve, eadem nobiscum peccati calamitas invaserit, vel omnes æternum miseros manere, vel quosdam eorum, uti nos, per Christum redemptos esse, vel aliam iis salutis viam patefactam esse, dicendum est. At nihil horum verisimilitudinem ullam habet.

**LXXXIV.** *Non primum.* Nam frustra Deum eos omnes filios hominum creasse, si per nullum eorum in agnitione virtutum suarum celebrandus sit, ex Pl. LXXXIX. 48. colligitur. Tum etiam locum huic rei inculcandæ apprime idoneum Paulus habuisset, Hebr. 11. 16. ubi monet Christum non Angelos assumisse, sed semen Abrahami. Nam certe ita charitatem Christi erga nos maxime commendasset, si libuisset illi addere, non Angelos modo qui peccaverunt, sed & integros ejusdem nobiscum naturæ hominum nandos, præteritos esse, ut hujus solius telluris, quæ fortasse omnium minima est, hominibus tanti beneficii gratia fieret.

**LXXXV.** *Non secundum.* Quum enim Christus non ex uno iiscum sanguine humanam naturam assumeret, eorum neque Frater neque *Goël* est. Quum in eorum orbe neque vixerit, neque passus sit, neque docuerit; denique nec humilem se, nec gloriosum ostenderit, vel ad universi consummationem usque ostensurus sit: Act. 111. 21. non est credibile eam iis salutem partam esse sine Christi ad eos adventu, quam non nisi sua apud nos *inoparia* nobis peperit. Ut taceam nunc de prædicatione Evangelii, cujus *sonum in omnem terram*, cujusque *verba ad ultima orbis terrarum exiisse* Apostolus quidem testatur: Rom. x. 18. sed ad lunæ aliorumve siderum incolas pervenisse, asseverare non sustinuit. Nihilne etiam de iis dicendum fuisset, iis in locis quibus gloriosum illud iudicium describitur novissimo die incredibili solemnitate celebrandum? Quum utique ad gloriam Domini nostri Jesu vehementer faciat, si non hujus tantum mundi hominum, sed & aliorum, non minus quam Angelorum, futurus sit iudex.

LXXXVI. *Non tertium.* Non enim est in alio quoquam salus. Act. iv. 12. Neque dignum est Sanctissimo Numine, homines peccatores ad communionem sui admittere, sine satisfactione iustitiæ suæ. Ea porro fieri non potest nisi per personam *Θιάγγελου*. Quæ, alibi a nobis probata, hic fusius exsequi nihil attinet. Et sane in gratiam lunaticorum istorum hominum novæ Theologiæ hypothesen, a nostris diversissimæ, fingendæ essent; uti etiam in gratiam suorum Præadamitarum bona fide fecit is qui nuper primus eos detexit.

LXXXVII. Quæ quum ita sint, mirum profecto est, viros sapientes & sobrios ab animo suo impetrare potuisse, ut in tanta eruditionis luce publice scriberent, verisimilius eos arbitrari, qui unam hominibus incolli existimant, quam qui incultam esse malunt credere. Quorum ego *ληρολογήματα* omni seria refutatione indigna esse judicasset, nisi tam portentosarum opinionum opprobrium ab Ecclesiis nostris-removendum foret.

Or linis  
quem Deus  
in creando  
tenuit sum-  
ma est sa-  
pientia.

LXXXVIII. De singulis singulorum dierum operibus ut differamus non fert instituti nostri ratio. Ordinem modo breviter lustremus, quem in creando Deus tenuit. Et primo quidem Cælum, Majestatis suæ Thronum, condidit: una cum Angelis satellitibus suis, & reliquorum operum testibus atque inspectoribus: uti colligere est ex Job. xxxvi. 11. 7. Deinde inferiora hæc in usum vitæ animalis concinnavit. Ut doceremur rebus Divinis atque coelestibus supremum semper principemque locum in æstimatione nostra attribuere.

LXXXIX. Cælum gloriæ suæ uno eodemque tempore & inchoavit, & consummavit, & gloriosis incolis instruxit. Cætera autem a rudibus initiis orsa paullatim perfecit: potentiam bonitatemque suam primum in imperfectione atque infirmitate creaturæ demonstrans, deinde in consummatione. Eo facit productio rerum sine luce, ut lux ex tenebris prodiret. Unde dulci meditatione ascenditur ad processum Dei in adornando novo mundo gratiæ. 2. Cor. iv. 6. Ubi etiam a tenuibus initiis incipiens sensim opus suum perficit: donec beatissimo illo æterni Sabbati die, omnimoda approbatione, placide in opere consummato acquiescat.

XC. Post alia omnia hominem condidit. Post hominem nihil. Quare docemur, cætera quidem propter hominem condita esse, non cælo ipso summo cum suis Angelis excepto; hominem autem ad Deum solum illiusque cultum esse factum; quum nihil post hominem factum sit, cui ut majori inservire debeat.

XCI. Sed neque hæc observatio omittenda est, in nullo suorum operum, utut amplissimorum, acquievissse Deum, donec hominem fecisset. Eo autem condito mox *שָׁנָה*, *respiravit* ac recreatus est. Exod. xxxi. 17.

Eleganter

**Eleganter Macarius Homilia xv.** Μεγάλη ἀξιώματις ἐστὶν ὁ ἄνθρωπος. ἰδὲ πόσους ἔχει ὁ ἑρως καὶ ἡ γῆ, ὁ ἥλιος καὶ ἡ σελήνη, καὶ ἕκαστος ἐν αὐτοῖς ὁ κύριος, εἰ μὴ ἐν τῇ ἀνθρώπῳ μόνῃ ἐκαστοῦνται. τιμώτερός ἔστι ἰσὺς ὁ ἄνθρωπος ὡς πᾶν τὰ δημιουργήματα. *Summa dignitatis est homo. Intuere quantum sit celum, quanta sit terra, sol & luna : non tamen placuit Domino in illis requiescere, sed in homine solo. Antecellit igitur homo cunctis creaturis.* Monet hoc exemplum acquiescentiæ Dei in homine, magis Deum eo delectari, quod hominem habeat se sanctificantem, & glorificantem, quam quod coelum & terram, plurimasque, mirabiles cæteroquin, creaturas, fecerit, quæ ipsum cognoscere, & in ipso deliciari non possunt.

**XCII.** Atque ita paullatim ad PRAXIN hujus articuli deducimur. Articuli hujus Praxis. Quæ in hisce tribus potissimum consistit. I. Ut attente meditemur opera Dei. II. Per ea, velut scalam, ad Deum ascendamus. III. Denique descendamus ad nos ipsos. Omnia hæc brevibus complexus est Psaltes, Ps. viii. 4. 5. *Quum respicio celos tuos* (ecce animam ad opera Dei attendentem) *opus digitorum tuorum, lunam & stellas quas statuisti* (ecce mentem ad Deum ascendentem) *Quid est mortalis quod memor sis ejus?* &c. Ecce hominem in se ipsum descendentem.

**XCIII.** Hoc certe primo loco fides jubet, ut opera Dei νοήμεν, menteque perpendamus. Heb. xi. 3. Bestiarum, vel, qui bestiis peiores sunt, ebriosorum est, non intueri opus Jehovæ, & factum manuum ejus non considerare. Jes. v. 12. Ipsi gentilium Philosophi nihil sibi in vita jucundius accidere posse contemplatione mirandorum naturæ operum sæpe protestati sunt. Qua de re Seneca videri potest in præfatione *Quæstionum Naturalium*. Neque tamen ea in iis cernere poterant quæ fides facit ut nos animadvertamus, virtutes nimirum Dei, non Creatoris modo omnipotentis, sed & Patris nostri gratiosissimi. Et sane eum in finem hominem creavit Deus, ut esset ἡ ἀνάγκη τῆς ὁρατῆς κτίσεως, μύσῃς τῆς νοητῆς, quemadmodum Gregorius eum Nazianzenus nuncupat.

**XCIV.** Ei autem rei operam dare debet. I. Cum cura & attentione Jes. xl. 26. *Attollite in sublime oculos vestros, & videte quis creaverit ista.* Colloquium quasi cum creaturis instituendum est: interrogandæque sunt singulæ de suis admirandis. Job. xii. 7. 8. *Interroga, quæso, jumenta, & confabulare cum terra.* II. Cum admiratione Ps. cxxxix. 14. *Mirabilia sunt opera tua.* Ps. civ. 24. *Quam ampla sunt opera tua, Jehova, quam ea sapienter fecisti! quam plena est terra possessione tua!* Adde Ps. xcii. 6. 7. Job. xxvi. 14. III. Cum gaudio & exultatione. Ps. xcii. 5. *Letitia afficit me, Jehova, opere tuo: de factis manuum tuarum cantabo.* Id fecerunt jam ab initio Angeli: *quum lapis angularis terræ jaceretur, cecinerunt simul stella matutina, & jubilarunt omnes filii Dei.* Job. xxxviii. 6. 7.

XCV. Porro per creaturas, uti erectam scalam, ad Creatorem Deum ascendendum est: qui se in iis non videndum modo, sed & *palpandum* exhibet: Act. xvii. 27. *cujus gloriam celi enarrant.* Ps. xix. 2. cui bruta telluris animantia, mutique pisces testimonium perhibent, se e manu ejus prodiiisse. Job. xii. 9.

XCVI. Neque id in genere modo agnoscendum est: sed speciatim observandæ illæ Dei virtutes, quas in creationis opere luculenter exhibuit: Immensa ista *Potentia*, ad cuius nutum omnia prodierunt. Jer. xxvii. 4. Infinita illa *Bonitas*, cui soli Creaturæ omnes quicquid sibi inest boni, in solidum acceptum ferre debent. Ps. cxlv. 9. Imperfcrutabilis illa *Sapientia* quæ tam concinno cuncta ordine disposuit, & tam admirabilem se præstitit in magnis operibus, ut non sit minor in minimis. Ps. cxlvii. 5. Ingens etiam ista *φιλανθρωπία*, qua hominem profecutus est, non modo corpus ipsius tam accurata partium omnium *συμμετρία*, quæ Hippocratem aliosque anatomicos in stuporem dedit, exornans: sed in anima imaginem sui ipsius, characteremque sanctitatis suæ quasi aureo tholo suspendens: & denique dominium ipsi in cæteras creaturas concedens.

XCVII. Καὶ γὰρ (uti facunde *Philo De opificio mundi* p. 12. differit): τῆς αὐτῆς συγγενείας μεταδὲς ὁ Θεὸς ἀνθρώπῳ τῆς λογικῆς, ἥτις ἀρίστη δυνάμις ἦν, ἐδὲ τῶν ἄλλων ἐφάρμοξεν. ἀλλ' ὡς ἐκκεκοσμημένον καὶ φιλοτάτην ζῶον, τὰ ἐν κόσμῳ πάντα προεταμνάσαστο, βουλήσις γενόμενος αὐτὸν μηδὲν ἀπορῆσαι τῶν πρὸς τὸ ζῆν καὶ τὸ ἐκτελεῖν. ὡς τὸ μὴ παρασκευάζουσι αὐτὸν χορηγίαι καὶ ἀφθονίαι τῶν πρὸς ἀπόλαυσιν. τὸ δὲ ἡ δημιουργία τῶν κατ' ἑραίων, ἀφ' ἧς πληχεῖς ὁ νῦς, ἔρρωτα καὶ πότον ἔχει τῆς τέττοι ἐπιστήμης. Postquam enim Deus hominem in suam cognationem admisit, ratione donatum, dono longe optimo, nec cætera quidem ei invidit; sed ut animali familiariissimo amicissimoque omnia quæ mundo continentur præparavit, volens ut recens creatis nulla re careret, quæ ad vitam, atque adeo bene vivendum conferat: quorum alterum præstat copia ubertasque rerum ad fruendum paratarum: alterum contemplatio celestium, quæ quidem perculsa mens, animum ac desiderium scientiæ rerum hujusmodi concipit.

XCVIII. Imo etiam ex creaturarum magnitudine, pulchritudine ac præstantia, per viam quam vocant *Eminentia*, ad considerationem Divinæ magnitudinis pulchritudinisque meditationibus nostris enitendum est. Quod non possum melius exponere quam *Basilii* vere *Magni* verbis, quæ exstant *Homil. i. in Hexaëm. circa finem.* Τὸν ἀριστοτέλην τῶν σοφῶν καὶ ἐντίκτως γενόμενον δεινάζομαι: καὶ ἐν τῷ καλλῷ τῶν ὁρατῶν τὸ ὑπὲρ καλλὸν ἰνα ὁμολοῖται. καὶ ἐν τῷ μεγέθει τῶν αἰσθητῶν τῶν καὶ περιγραπτῶν ζῴων τῶν ἀναλογιζόμεθα τοὺς ἀπείρους, καὶ ὑπερμεγέθη καὶ πάσαις δυνάμεσιν ἐν τῷ πλάθει τῆς αὐτῆς δυνάμεως ἀπεκτείνονται. Quæ sic utcunque reddidit *Johannes Argyropilus.* Optimum illum summumque Architectum, qui sapienter, exactissimaque cum arte res omnes instruxit atque creavit, admiratione gloriaque perinde uti

*uti decet afficiamus. Denique a rerum illarum pulchritudine quæ conspiciuntur, illum pulcherrimum opificem animadvertimus. Tum a sensibilibus horum definitorumque corporum magnitudine immensum illum ac infinitum, omnemque mentem in copia illius concipienda virium exsuperantem excogitemus. Unde consequitur, officii nostri esse, ut Creatorem supra creaturas æstimemus: in creaturis ipsis, circumscriptæ quippe ac finitæ bonitatis, & idcirco ad plenam animo satietatem præstandam non sufficientibus, nequaquam acquiescamus: imo ne creaturis quidem gaudeamus, nisi quatenus virtutes Creatoris in iis expressas animadvertimus: adeo ut non tam creaturæ nos delectent, quam in iis, & per eas, Creator Deus. Pf. LXXIII. 25.*

XCIX. Denique laudibus nostris & gratiarum actionibus tantus Univerſi artifex continuo prosequendus est. Qua in re quum tot ac tam præstantibus hymnis satisfacere sibi non posset jucundissimus Israelis Psalter, omnium creaturarum in officii istius persolutione opem sollicitat. Pf. CXLVIII. Mirabilis certe est illa Epicteti ad Deum Creatorem celebrandum parænesis: quam hic quoque apponerem, nisi alibi me eam dedisse meminissẽm. Exstat ea apud *Arrianum Dissert. lib. 1. cap. XVI.*

C. Sed & ad nos ipsos descendendum est. I. Ut discamus Magnum illum Creatorem timere ac venerari. *An me non reverebimini, dictum Jehovah? an a facie mea non contremiscetis, qui disposui arenam in terminum mari?* Jer. v. 22. Pf. XXXIII. 6. 7. 8. Nam & omnes creaturæ in ipsius manu sunt, ut iis vel pro nobis, vel contra nos, pro arbitrato suo uti possit: & nos ipsi non nisi in eo vivimus, movemur, & sumus. Act. XVII. 28.

CI. II. Ut ei cultum ac ministerium debitum deferamus, cui paret omne genus terræque marique animantium. Quando enim creaturas omnes juxta naturæ leges ei dicto audientes esse cernimus, Pf. CXLVIII. 8. profecto pudore suffundi debemus, si nos, tot beneficiis præ cæteris aucti atque mactati, solique cum Angelis ratione donati, rebelles in eum comperiamur, sine quo uti nihil possumus, ita contra eum nihil aut vel le aut cogitare nobis fas est. Hinc est, quod per irracionales creaturas Deus rationales sæpe & convincat & pudefaciat. Jes. I. 2. 3. Jer. VII. 7.

CII. III. Ut quotcunque his pietatis officiis sincere defungimur, multifariam nosmetipsos fide in Deum Creatorem consolemur. 1. Si Deus ille, omnipotens Creator, noster sit, utique de omnibus necessariis nobis providebit. Nam *Jehovæ est terra, & quod implet eam; orbis habitabilis, & habitantes in eo.* Pf. XXIV. 1. *Quum jumentis cibum suum det, & pulvis corvorum qui crocitant,* Pf. CXLVII. 9: quanto minus hominibus, qui tantum cæteris creaturis antecellunt, ipsumque ut Patrem invocant, necessaria deesse patietur? Pf. XXXVI. 7. Mat. VI. 26--31.

CIII. Memorabile exemplum est in quod hodie incidi, dum *Monodiam Gregorii Nazianzeni in Basilium Magnum* lego. Refert is, Basilii majores,

vigente immanissima Maximiani persecutione, in quidam montis specum, cum paucis ministris, aufugisse. Ubi annos supra septem commorati, sub dioque agitantes, solo pane victitarunt, neque ullam propterea lamentationis vocem, sicut in deserto Israelitæ, emiserunt. At Deus, qui in eremo Judæos manna & coturnicibus pavit, opsonia impræparata atque improvisa adesse iis iussit; cervos nimirum pingues, ad eos, nemine persequente, venientes: e quibus quod erat opus pro tempore interficerent, reliquos dimittebant, ac quodammodo voluntarios, in promtuarium usui futuro conservabant. Adeo verum est Psalms illud: *Juvenes leones pauperantur atque esuriunt: quærentes autem Jehovah non indigent ullo bono.* Ps. XXXIV. 11

CIV. 2. Si omnipotens ille Creator, noster sit, nihil tam admirandum est quod pro nobis non queat vel ite effectum dare. Ita Jeremias argumentatur Cap. XXXII. 17. *Eheu Domine Jehovi ecce tu fecisti cælos & terram virtute tua maxima, & brachio tuo extento.* לֵאלֹהֵינוּ נִפְלָא, מִמֶּךָ כֵּל דְּבָרָא, hoc est, ut bene Belgæ nostri transtulerunt, *nulla res mirabilis tibi erit, quam non in tuorum gratiam facile præstes.* omnes etiam creaturas ita moderabitur, ut nullæ earum nocere suis queant. Jes. XLIII. 2. Dan. III. 17. 27. 28. 29. & VI. 23. 28. Sed contra salutem ipsorum promovendæ inserviant. Rom. VIII. 28.

CV. 3. Denique quanta est hæc piorum felicitas, quod non creaturis duntaxat, Rom. IV. 13. I. Cor. III. 21. 22. sed & ipso Creatore potiri iis datum sit. Nam *Formator omnium est portio Jacobi* Jer. X. 16. *Opifex noster est conjux noster.* Jes. LIV. 5. cui non modo per totam vitam fas est confidere; Ps. XXXVII. 5. sed cui morientes etiam ut *Fideli Creatori animas nostras committere possimus.* 2. Pet. IV. 19.

## EXERCITATIO IX.

### DE

## NOMINE JESU

### BREVIARIUM.

1. Quatuor tituli secundæ Trinitatis personæ attribuntur. 2. Cur Filius Dei prænomen Hebræum, agnomen Græcum habeat. 3. Nomen Jesus non est Græcæ originis. 4. Sed a יֵשׁוּעַ vel יְהוֹשֻׁעַ derivatur. 5. Observatio. R. Hakkados. 6. Jesus certe Salvatorem notat. 7. 8. 9. An præterea notionem nominis Jehovah includat, disquiritur. 10. Nomen Jesu a Deo Patre datum est. 11. Solemniterque nuncupatum in circumcisione Christi.



12. In emphasi sua solt Filio Dei proprium. 13. Non tamen superstitiose venerandam. 14. Omnis hujus nominis vis in Filio est. 15. 16. 17. 18. Quam neque Sociniani, neque Remonstrantes, neque pontificii, ex vero, & plene explicant. 19. 20. 21. Vis nominis in eo sita est, quod plenissime salutis unicuique existat auctor. 22. 23. In peccato omnis miserie compendium est. 24. 25. Ejus sublatio pars una est beatitudinis. 26. Altera beatitudinis pars consistit in participatione maximorum bonorum. 27. 28. 29. 30. 31. 32. 33. 34. 35. Salutis illius auctor nobis Christus est, sufficienti impetratione, & potenti applicatione. 36. 37. 38. 39. 40. Signa ex quibus dignosci potest, an quis vere credat, Filium Dei esse JESUM. 41. Bernardi suave Canticum.

I. **P**ostquam ea quæ de PRIMA Adorandæ Trinitatis PERSONA credenda sunt non perfunctorie expendimus, ad SECUNDAM nunc transeamus. Cui quatuor in Symbolo tituli attribuantur, JESUS, CHRISTUS, FILIUS Dei Patris UNIGENITUS, DOMINUS NOSTER. Horum titulorum priores duo, Officii nomina sunt. Tertius Naturam indicat. Quartus Dignitatis est, monstratque relationem illam quam ad nos habet.

Quatuor tituli secundæ Trinitatis personæ attribuantur.

II. De Officiorum nominibus non infcite a nonnullis observatum est, alterum eorum Hebræum, alterum Græcum esse. Quia tam Hebræis quam Græcis, Gentilibus æque ac Judæis, Filius Dei in Sospitorem datus est. *Lumen detegendum Gentibus, & gloria populi Israël.* Luc. II. 32. Addunt alii, prænomen Hebræum, agnomen Græcum esse: quia salus ex Judæis, iisque primum annunciata & oblata est. *Judæo imprimis tum & Græco.* Rom. II. 10. Quæ observatio an solida sit, non anxie nunc inquiram: res certe ipsa verâ est, gloriosa Jesu, jucunda nobis.

Cur Filius Dei prænomen Hebræum, agnomen Græcum habeat.

III. Errant sine dubio, qui cum *Moschopulo* nomen 'Ιησους ab 'Ιω deducunt, cujus futurum est 'Ιωσα, inde 'Ιωσους, & mutato α in η, 'Ιησους. Quasi dicas, *eum qui sanat.* Et ridiculos sese tali originatione Hebrææ linguæ peritis facerent, si non admittamus *Grotii* observationem, eos per quendam ingenii lusum quæsisse vocem Græcam, quæ Hebrææ יהוה, non sola significatione, sed sono insuper cohæreret. *Philonis* more, qui ita ad Græcas voces amat alludere, ut ab Hebræa notatione quam minimum recedat. Certum autem est, Hebræorum יהוה, & Græcorum 'Ιησους, & sono & significatione admodum affinia esse. Unde factum videtur, ut Judæi quidam, inter Græcos versantes, quum hoc ipso nomine Hebræo vocarentur, Græce sibi nomen *Ιωαννης* fecerint.

Nomen Jesus non est Græcæ originis.

IV. Sed verissime *Theophylactus*, in *Mat: Cap: I.* Το 'Ιησους ὄνομα ἐκ 'Εβραϊστικῶν ἔστιν, ἀλλ' 'Ελληνικόν. Et tenenda nobis originationis est, quam ἀπὸ τῆς 'Εβραϊστικῆς

Sed a יהוה vel יהושע derivatur.

ἄγγελοι Angelos assignat Mat. 1. 21. Ea nos quasi manu ducit ad Hebræam vocem יהוה, Quæ occurrit Ezr. 11. 2. & 111: 2. & 2 Paral. xxxi. 15. Plene autem scribitur יהושע, Hanc Græci, facilitatem pronunciationis impense amantes, in Ἰησοῦ transformarunt. Quod invicte ex eo concluditur, quia Josua, Filius Nun, eodem Jesu nomine apud eos designatur. Heb. iv. 8.

Observatio  
R. Hakka-  
dos.

V. Memorabile est quod Rabbi Hakkados in libro Gale Razaia dixisse narratur: Quia Messias homines salvabit, vocabitur יהושע, Jeschua, Gentes autem alterius nationis quæ fidem ejus sectabuntur, vocabunt eum Jesus: & propterea invenies hoc nomen Jesu designatum. Gen. xlix. 10. יְהוֹשֻׁעַ בְּנֵי שִׁירָה יְהוֹ. Si enim acceperis primas literas harum dictionum, nomen יהושע Jesu eadem litera conficiunt.

Jesus certe  
Salvatorem  
notat.

VI. Planum ergo est, bene dixisse Damascenum, de Orthodoxa Fid. lib. 1. Cap. XII. τὸ Ἰησοῦ ὄνομα Σωτῆρ ἐμμενίσταται. Nomen Jesus est, si interpreteris, Σωτῆρ. Qua voce tantum ait significari Cicero, Act. iv. in Verrem, ut id Latino uno verbo exprimi non possit. Nam Servatoris nomen Græci vocabuli vim omnem non exhaurit. Grotius existimat vocem Sospitatoris, quæ antiquior est, sed in sacris magis quam usu populari recepta, ejusdem cum Græca originis atque efficacis esse. Obtinuit tamen in Ecclesia, licet fortasse minus Latinum, Salvatoris nomen. Cui nos facile acquiescimus.

An præ-  
terea no-  
tionem no-  
minis Jeho-  
væ includat,  
disquiritur.

VII. Id itaque Ἰησοῦς sit, Ἰησοῦς esse a Jehoschua, & Jehoschua Salvatorem notare. Sed an non & amplius aliquid significet, disquirunt eruditi. Eusebius in Demonstrationibus Evangel. lib. iv. cap. ult: ita commentatur: Σωτῆρ ὁ θεὸς οὗτός ἐστι τῶν Ἑλλήνων φωνή, τὸ τῷ Ἰησοῦ μεταλαβόντι ὄνομα σημαίνει. Jesu nomen, in aliam translatum linguam, Salutare Dei significat. Et mox. Ἰησοῦς δὲ ἰσὺ ἰάω σωτήριον, τῷ ἰσὺ θεοῦ σωτήριον. Josue autem est, Jao, five Jehovæ) Salus, id est, Salutare Dei. Videtur credidisse illud יהוה in hac voce, ut & in Jehonathan, Jehotzedec, similibusque, ex יהוה esse.

VIII. Neque præter omnem rationem. Nam etiam si linguæ genius facile ferat ut ab יהושע formetur nomen verbale יהוה, non tamen sine magna quadam causa factum est, quod Moyses ministri sui nomen, qui antea יהושע dicebatur, non in יהוה modo, sicut scribitur Neh. viii. 18. sed in יהושע commutaverit, ut omnes literas nominis tetragrammati haberet. Num. xiii. 17. Inest illiusmodi prophetiæ nonnumum mutationi ingens quædam emphasis: importans augmentum honoris & dignitatis. Hosea autem, voce nominaliter sumpta indubie servatorem notat. Si Jehosua plane idem significet, nihilque omnino superaddat, cur illa nominis mutatio a Mose facta? Cur Spiritui Sancto digna visa, quæ ad feræ posteritatis memoriam æternum victuris chartis commendaretur? Scilicet is qui ante, privato parentum consilio, pioque voto,

Hosea,

*Hosea*, sive *Salvator*, dictus est : nunc a *Mose*, Prophetico instinctu, *Jehoschua* sive *Salvator Domini*, vocatur : a Domino quippe destinatus & missus, ut magnæ alicujus salutis auctor populo suo existat, atque in ea re eximius typus illius, qui nomen *Jehoschua* in omni sua emphasi portaturus erat : ita quidem ut & *Salvator Jehovæ*, & *Salvator Jehova* simul esset. Vide *Gomaram in Mat. 1. 12.*

IX. Lubet hic appingere *Johannis Gerhardi* commentationem, in *Loci Communiibus*, Loc. IV. Cap. 1. Ubi in hæc verba fatur : *Josua Salvatoris nostri typus, dictus fuit primo Hosee, sed Moses id nomen mutavit in Jehoschua, præfixa litera jod.* I. Ut certiorum ipsi *Josua*, & populo per ipsum, salutem, & victoriam de *Canaanis* promitteret, quam hac exploratione inchoabat. *Hosee* enim formatur ex imperativo, & significat *salva*. *Jehoschua*, vero ex futuro, *Salvabit*. II. Ut innueret multa ei bona largiturum Deum, cui primam literam nominis sui tetragrammati addidisset. III. Quia *Moses* Spiritu Prophetico providebat, *Josue* typum gesturum *Jesu Christi*, tum nomine, tum reipsa; deductione scilicet populi in terram *Canaan*. Quemadmodum enim *Deus Abrahamo* & *Sara* addidit literam *ן* ex nomine tetragrammato, ut significaret se ex illis nasciturum hominem : sic nomini *Josua* addidit literam *י* *Jod* (sic enim puto legendum esse) ut sic *Jehoschua* contineat omnes literas nominis tetragrammati ; ut significetur, *Jesum*, cujus typus erat *Josue*, fore *Jehovam*, id est, verum Deum.

X. Non privata auctoritate, neque solo piæ matris consilio nomen illud Christo inditum est. Sed disertio Dei Patris mandato, quod per Angelum annunciari curavit. *Mat. 1. 21. Luc. 1. 31.* Etenim par erat ut omnia quæ circa Christum peragebantur ex numinis præscripto fierent. Decebatque cœlestem Patrem id sibi officii deposcere, ut ipse Unigenito suo Filio nomen daret. Quis enim cæteroquin posset? Quod est nomen Filii ipsius, si noveris? *Prov. xxx. 4.* Et denique nostri summopere intererat, ut certi essemus humanum omne consilium ab illius nominis datione abesse, cujus meditatio omnis nostræ consolationis fundamentum est.

Nomen *Jesu*  
& Deo Patri  
datum est.

XI. Actu Christo inditum solemniterque nuncupatum hoc nomen est, in & cum circumcissione. *Luc. 11. 21.* Ita enim antiquitus pii facere solebant. *Luc. 1. 57.* Neque caret id suo mysterio. Nani ab ipsa circumcissione, imo & in ea, incipiebat Christus ea facere quæ ad salutem nostram facienda erant. Protestabatur hoc symbolo sui sub lege subjectionem. *Gal. v. 3.* Ostendebat se esse semen *Abrahami* *אברהם*. Libabat jam primitias pretiosissimi illius sanguinis, quo conscientiæ nostræ mundantur. Obligabat se ad susceptionem eorum omnium, quæ & facienda & patienda erant, ut bona fœderis Abrahamici ad hæredes promissionum pervenirent. Denique præscissione particulæ illius a suo corpore præfigurabat futuram sui excisionem e terra viventium,

Solemniter-  
que nuncu-  
patum in  
circumcis-  
sione Christi,

Jef. LIII. 8. ad salutem corporis sui mystici. Eph. v. 23. Et quid convenientius erat quam Filio Dei, *Jesu*, sive *Salvatoris*, nomen, eo in actu dari, in quo tot procurandæ per ipsum salutis signacula exstabant?

In emphasi  
sua soli Fi-  
lio Dei pro-  
prium.

XII. Maximum citra controversiam hoc nomen est: designans opus, & includens gloriam, quæ soli Deo propria sunt, & cum non-Deo communicari non possunt. Ideoque in emphasi sua sumtum creaturarum omnium & dignitatem & valorem longissime exsuperat. *Ego, ego Jehova*, ואין מבלעדי מושיע, & non est *Salvator præter me*, proclamat ipse. Jef. XLIII. 11. Qui præter Dominum nostrum id nominis gestarunt, in iis vel nudum superbumque nomen sine re fuit, humano consilio impostum, ambitioseque assumtum: vel Divina dignatione iis indultum, quos propter leviores, corporalem, atque temporariam salutem, hac quoque in parte Filii sui typos esse voluit. In quibus consequenter tanto humiliorem significationem habuit, quanto umbra vilior est corpore. In plenitudine significationis suæ, non solum *ἱσχυῆς*, sed & *μοραρέτης*, Filio Dei competit.

Non tamen  
superstitiose  
veneran-  
dum.

XIII. Oppido tamen illi falluntur, qui nomen *Jesu*, prout vel literis pingitur, vel lingua profertur, tantæ præ cæteris aliis Dei Christive nominibus dignitatis esse existimant, ut vel genuflexione, vel alio quovis honoris signo, venerandum sit. Docet quidem Apostolus, in nomine *Jesu flectendum esse omne genu*: Phil. II. 10. Verum nomen ibi non vocabulum illud significat, sed personam ipsam, & dignitatem illi collatam, quæ vocabulo isto exprimitur. Uti passim in sacris literis; & nominatim Act. IV. 12. Conferendusque hic locus est cum illo Jef. XLV. 23. ad quem manifeste Apostolus alludit, *Mibi flectetur omne genu*.

Omnis hu-  
jus nominis  
vis in Filio  
Dei est.

XIV. Neque fas est eum cujus est *יושיע* Prov. VIII. 14. nomen sine re gerere. Quicquid ergo *Salvatoris* vocabulo designari potest, id reapse in *Jesu* nostro invenitur. Angelo hanc nomenclaturæ rationem addente: *Ipse enim servabit populum suum a peccatis suis*.

Quam ne-  
que Soci-  
niani, neque  
Remon-  
strantes,  
neque Pon-  
tificii, ex  
vero, &  
plene expli-  
cant.

XV. Porro *Servare* nos dicitur, non quia doctrinam Evangelii salutis clarissimis verbis exposuit eandemque, & sanctissimæ vitæ exemplo, & miraculis supra fidem, & patientia malorum pene incredibili, & atrocissimæ dirissimæque mortis martyrio, confirmavit: viamque ad salutem resurrectione sua palam fecit, & potestatem a Deo adeptus est vitam nobis æternam conferendi. Quæ Socini semi-Turcica blasphemiam est. Si enim nullâ alia in re salvatio Christi consistat, quantum tandem illud est, in quo cæteris quibusdam Prophetis, & suismet imprimis Apostolis, anetstet?

XVI. Neque propterea *Salvatoris* nomen gerit, quia in eum nos restituit statum, in quo Deus, non obstante amplius iustitia sua vindicatrice, secundum misericordiæ suæ affectum, de novo beneficia sua commu-  
nicare

nicare & potest & vult, ea lege & modo qui ipsi videtur: ita tamen ut hæc salutis per Christum impetratio, quod ad naturam rei attinet (etiam si aliter futurum esse certo Deus noverit) possit facta tecta manere, suisque numeris perfecta constare, etiam si nulli essent quibus applicaretur, & qui perciperent ejus fructum. Quomodo in Synodalibus Scriptis suis Remonstrantes augustum hunc Domini nostri titulum extenuant p. 283. 285.

XVII. Hæc si vera sunt, non hominibus impetraverit actualem quorundam restitutionem in gratiam, imo nihil iis impetraverit quo salvi fiant: sed Deo impetraverit potestatem gratiose cum hominibus agendi, sublato justitiæ vindicatricis impedimento. Imo ne hanc quidem Deo impetraverit, quippe quam, ipsis arbitris, ante & citra ullum Christi opus, a se ipso Deus habeat. Ita enim in *Apologia* scribunt, p. 46. b. *Statuere justitiam Dei vindicatricem sic esse Deo essentialem, ut Deus ejus vi obligetur, & necessitetur ad puniendum peccata, ineptissimum & Deo indignissimum est. Corvinus similiter, in Censura Anato: Molin: p. 436. Potuisset nos Deus salvare, citra satisfactionem Christi: sed noluit id facere.* Hæc eo non obscure tendunt, ut totum salutis per Christum partæ negotium audacibus commentis evacuetur.

XVIII. Non denique eo nomine Salvator dicitur, quia morte passionibusque suis, pro peccatis quæ vocant mortalibus, & pœnis æternis, satisfecit: relinquens fidelibus, ut ipsi pro peccatis venialibus & pœna temporali satisfaciant, partim quidem operibus pœnalibus in hac vita, partim tormentis purgatorii in vita futura. Vel etiam, quia sua perfectissima sanctitate meritus est, ut quæ nos debemus, imperfecta licet, modo ex fide profecta, sanctitatis opera, salutem ipsam mererentur; quæ ultra debitum præstamus, salutis etiam eximium quendam gradum. Quemadmodum illud salutis nostræ opus Christum inter atque homines inique admodum Pontificiæ sectæ Doctores partiuntur: absurda absurdis densissime, ne perpluant, cumulantes tegentesque.

XIX. Quibus errorum portentis opponimus sacratissimum hoc Petri veriverbium Act. iv. 12. *Non est in alio quoquam salus: nec enim aliud nomen est sub cælo quod datum est inter homines, per quod oporteat nos servari.* Ser. vat autem nos Christus, quia VERAM, Spiritualem, Æternamque SALUTEM nobis IMPETRAT & APPLICAT.

Vis nominis in eo sita, est quod plenissime Salutis Unitus existat Author.

XX. Ad cujus rei distinctam perceptionem, necesse est, ut primo Salutem eam consideremus, cujus auctor nobis Christus est: deinde *Actiones Christi* circa istam salutem.

XXI. *Salus* duo complectitur: *Immunitatem ab omni malo, & Communionem omnis boni.*

XXII. Id quod malorum omnium maximum, & cæterorum fons ac origo est, quodque hominem unice miserrimum facit, est PECCATUM: cujus etiam solius mentionem facit Angelus, dum rationem nominis

In Peccato omnis miserie compendium est.

Jesu explicat. In peccato autem miseriæ omnis compendium esse, hoc pacto demonstratur: in similitudine cum Deo summam hominis beatitudinem sitam esse, non Johannes modo dicit; 1. Joh. 1.11. sed & natura, Gentilium Philosophorum aliquos condocescit. Imo tam evidētis illud veritatis est, ut in sua cum Protoplastis disputatione, id, tanquam inconcussæ certitudinis, Diabolus suppoluerit. Unde colligitur, in statu longe omnium miserrimo eum versari, qui beatissimo numini dissimillimus est. Porro perfectionum omnium Divinarum decus, purissima ipsius sanctitas est. Hinc dicitur נָאֵר בְּקֹדֶשׁ, *gloriosus in sanctitate*. Exod: xv. 11. Sanctitati isti quam maxime adversatur peccatum. Restat ergo ut in peccato, quod hominem in conditione constituit quæ beatitudini Divinæ dissimillima, imo adversa plane sit, maximam hominis miseriam consistere concludamus.

XXIII. Quod penetrantius se conscientia ingeret; si expendamus tria hæc peccato inesse. 1. *Maculosam spurcitiem*, qua penitam animam inficit. Jac. 1. 21. quæque candidissimæ pulchritudini imaginis Dei directe adversatur. 11. *Tyrannice Dominandi vim*, qua ablata omni libertate ac generositate quæ filiis Dei digna est, horribili jugo servæ colla premit. 2 Pet. 11. 19. nullum usquam laborum terminum, metam nullam ponens, sed cum hirudinis filia illud suum, *Præbe, Præbe*, continuo ingeminans. Prov. xxx. 15. 111. *Reatum*, quæ peccatorem omne genus poenarum, in corpore atque anima, æternum ferendarum, damnatam facit. Adeo quidem, ut, nisi aliunde Divinæ satisfiat justitiæ, ei qui vel semel adversus eam deliquit, omni restitutionis spe decollante, nihil superfit præter horrendam quandam expectationem judicii, & fervorem ignis, qui devoraturus est adversarios. Heb. x. 27. Vid. Rom. 1. 32. & 11. 9. Atque ita omnia mala tristitia ad peccatum referri possunt: quia in peccato obligatio ad ea perferenda est.

Ejus sublatio pars una est beatitudinis.

XXIV. Peccato autem sublato nihil mali potest remanere. Cur enim Deus male mularet artificiosum manuum suarum opus, in quo nihil reperit quod adversum sibi fiet, vel oculos sanctitatis suæ offendant? Huc pertinet *מַאֲסוֹת* ille Davidis. Ps xxxi. 1. אֲשֶׁר נִשְׁתִּי בַשָּׁעַ. *Beatus levatus a defectione*.

XXV. Quod tamen non ita est intelligendum, quasi absentia hujus mali, five immunitas a miseria, universam beatitudinem absolveret. Est etenim beatitudo, status bonorum omnium possessione perfectus. Sed uti tenebræ non pelluntur nisi per lucem, neque nuditas tollitur nisi per vestes, neque paupertas nisi per opes: ita etiam peccatum auferri non potest, quoad *Reatum*, nisi per justitiam ejusmodi quæ simul causa juris ad vitam est: quoad *Dominium* & *Maculam*, nisi per sanctificationem Spiritus: quoad *Maledictionem* quam importat, nisi per communicationem

nicationem Divini favoris. Quæ quia sejungi non possunt, hinc est quod in peccati ablatione salus nostra constituatur.

Altera Be-  
titudinis  
pars confi-  
git in parti-  
cipatione  
maximorum  
bonorum.

XXVI. Cæterum quam maxime ad salutem pertinet I. Istiusmodi ju-  
stitiæ participatio in qua sit *δικαιοσύνη* sis *δικαιοσύνη* *ζωή*. Rom. v. 18. II.  
*ὁμοίωσις τῆς ἀγαθίας*, in qua resplendeat Divinæ pulchritudo imaginis. Eph.  
iv. 24. quæ sit *Ornamentum domus Dei*. Pf. xci. 11. 5. & *Decor omnis filia*  
*Regis*. Pf. xlv. 14. III. Communio cum Deo in gratia. Ita ut dicere  
nobis liceat, *Jehova est portio prædii & poculi mei, tu sustentas sortem meam*.  
Pf. xvi. 5. Quæ communio Dei non solum complectitur potestatem  
familiariter ad eum accedendi, ut relictis oculis in devotarum precum  
meditationumque Sanctuario conspiciatur: Pf. lxxiii. 3. sed & *παιδεία*  
illam qua omnes pressi animi dolores in sinum ejus effundamus, & bal-  
butientia vota uberiolem gratiæ mensuram poscentia confidenter expo-  
namus; Heb. iv. 16. & descensum illum Divinæ gratiæ, quo animam  
sibi dilectam, se diligentem, benigne *invisit*, Joh. xiv. 23. & blandissimis  
verbis *ad cor ejus loquitur*. Hos. ii. 14. & denique ipsam *Dei fruitionem*:  
quæ in eo sita est, quod anima ei ut thesauro suo suavissima assiduitate  
incubet, Pf. lxxiii. 28. ejus opulencia ditetur, ejus ubertate pascatur,  
ejus potentia custodiatur, ejus sapientia dirigatur, ejus bonitate refocilletur,  
ejus sufficientia repleatur: sic ut præter ejus perfectam fruitio-  
nem, cujus nunc nil nisi primitias habet, nihil desiderabile cognoscat.  
IV. Quæ hinc sequitur, pax conscientiæ, & *opulencia plene cer-  
tiorata intelligentiæ*, Col. ii. 2. & firmissima certitudo consumma-  
tæ felicitatis suo tempore potiundæ: atque hinc resultans *gaudium  
ineffabile & gloriosum*, quo *nondum videntes*, tamen *exsultare* Petrus  
testatur. 1 Pet. i. 8. V. Denique perfecta Dei fruitio in glo-  
ria, primum in anima, postquam ex animalis hujus corporis erga-  
stulo discesserit. 2 Cor. v. 1. Phil. i. 23. tum in corpore & ani-  
ma simul, sed corpore jam glorioso & coelesti facto, post beatam  
resurrectionem. Pf. xvii. vers. ult. Phil. iii. 21.

XXVII. Hæc demum illa *Salus* est, cujus ratione Filius Dei JESUS  
nuncupatur. Circa quam duæ imprimis illius *Actiones* expendendæ sunt.  
I. IMPETRATIO. II. APPLICATIO. Quarum illa *jus Salutis*:  
hæc ipsam Salutis *possessionem* ac fruitionem nobis confert. Illam consum-  
mavit Jesus in *Statu Exinanitionis*: hæc occupatum eum tenet in *Statu  
Exaltationis* usque ad *ἑνδοξασθαι τὴν αἰώνον*.

Salutis illius  
Author nobis  
Christus  
est, suffi-  
cienti Impe-  
tratione, &  
potenti Ap-  
plicatione.

XXVIII. Impetravit autem Jesus Salutem hoc modo. I. Suspicien-  
do reatum peccatorum nostrorum, poenasque his debitas in corpore &  
anima luendo (quum *θεωρόμενος* esset, & consequenter infinitæ dignita-  
tis persona) Iustitiæ Dei vindicatrici plenissime satisfecit; nobis-  
que immunitatem ab omni malo, in quo maledictio est, acquisivit.

*Redemit nos ab execratione Legis, dum pro nobis factus est execratio.* Gal. 111. 13. 11. Omnem Legis obedientiam, tam naturæ, quam actionum suarum exactissima sanctitate, pro nobis adimplens, acquisivit nobis jus consummatæ illius beatitudinis, cujus potiundæ, ex Veritate, Sanctitate, & Justitia Dei, unica conditio est, constans perfectæ sanctimonix praxis. Juxta illud legis, *qui fecerit ea bono, vivet in iis.* Rom. x. 5. Cui <sup>divinæ legis</sup> legis satisfieri per Christum debuit. Rom. viii. 4. Atque ita in Christo est <sup>divinæ legis</sup> redundans in omnes homines ad justificationem vitæ, & per unius illius obedientiam *justi constituuntur multi*; & gratia regnat per justitiam ad vitam æternam. Rom. v. 18. 19. 21.

XXIX. Itaque effectus hujus impetrationis, non est nuda *possibilitas remissionis* peccatorum, & reconciliationis nostri cum Deo, uti Remonstrantes pugnant: sed *remissio peccatorum*, & *reconciliatio actualis*, eatenus ut salva veritate & justitia sua, salvo fœdere quod cum Filio pepigit, non possit Deus quemquam electorum mancipare condemnationi, aut excludere a communione salutis: imo ex adverbo declaraverit, præstita jam a Filio, & acceptata a sese satisfactione, nihil se electis vel patiendum vel faciendum imponere posse, quo sibi immunitatem a poena, jus ad vitam acquirant: sed id unicum superesse, ut, suo singuli ordine ac tempore, parto sibi per Christum jure, & possessione ex jure, gaudeant. Atque illud est quod Apostolus dicit: 2 Cor. v. 19. *Deus erat in Christo mundum reconcilians sibi, non imputans ipsis offensas eorum.*

XXX. Porro salutem *Impetratam* potenter Jesus *Applicat*, & quidem iis omnibus, ac solis, quibus eam impetravit, id est, quorum peccata in se suscepit, quorumque personas, qua sponzor, sustinuit. *Pro quibus enim Christus mortuus est*, illis animose licet dicere, *Quis intentabit adversus nos crimina? Deus is est qui justificat. Quis est qui condemnat?* Rom. viii. 33. 34. Quos Christus *redemit ab execratione legis*, illi sub execratione non manent; sed ad illos *devenit benedictio Abrahami.* Gal. iii. 13. 14. pro quibus Christus *se ipsum dedit*, eos *redemit ab omni iniquitate*, & *purificavit sibi in populum peculiarem, accensum studio bonorum operum.* Tit. ii. 14. Brevis æquè late se extendit Impetrationis atque Applicationis objectum: & unum plane idemque est.

XXXI. *Applicatur* autem electis salus: *Inchoate, in hac Vita: Consummate, in Futura.* Nam in hac quoque Vita, *Primitiæ Spiritus*, Rom. viii. 23. qui *Spiritus gloriæ* est, 1 Petr. iv. 14. filiis Dei conceduntur. *Qui credit in Filium*, non modo post hac habebit, sed jam *habet vitam æternam.* Joh. iii. 36. & *Spe salvus factus est.* Rom. viii. 24. Ea a Christo nactus quibus non solum se in adversis hujus mundi soletur; sed ex quibus etiam colligat, quantum illud bonum sit quod asservatur sibi in cælis.

XXXII. Applicatio Salutis quæ *hujus vitæ* est, hisce actionibus peragitur.



gitur. I. Electos ac Redemptos suos, foris per Verbum Evangelii, intus per Spiritum Gratiae, ad partem salutis participationem efficaciter *Vocat*, Invitat, Pellicit. Jes. XLV. 22. II. Eodem verbo & Spiritu eos, indito novae vitae principio, *Regenerat*, ut sint *primitiae quaedam eorum quae fecit*. Jac. I. 18. III. Fide donatos *justificat*. Rom. VIII. 30. IV. Justificatos ad *Pacis* atque *Amicitiae* jucundissimum commercium admittit. Rom. V. 1. Jac. II. 23. V. Per gratiosam *Adoptionem* in jura Filiorum eos recipit: *Spiritu Adoptionis* donat, & immutabili Testamento coelestem hereditatem addicit. Rom. VIII. 15. 16. 17. VI. Pulcherrimis *sanctitatis* habitibus magis magisque exornat. I. Thes. V. 23. VII. Spiritu Sancto, qui futurae hereditatis arrha est, *obsignat*, & *consolatur*. Eph. I. 13. 14. VIII. Virtutis suae praesidio *custodit*, per Fidem, ad salutem paratam revelari praestituto tempore ultimo. I. Pet. I. 5. IX. Denique dilectis suis, in confinio praesertim mortis, tam claram aliquando rerum coelestium visionem, tam uberem earundem gustum largiri solet, ut eas oculis coram cernere videantur, neque aliter iis affecti sint, quam si rebus ipsis praesentes interessent.

XXXIII. Futura vita considerari potest, vel respectu *animae separatae*, ante diem judicii: vel respectu *totius hominis*, post consummationem saeculi.

XXXIV. Animam, mox postquam animalis hujus vitae laboribus defuncta est, in Coelestia & gaudia & habitacula suscipit: non ejus solum conditione & statu, sed & commorationis loco, gloriose commutato, Luc. XXIII. 43. Ap. XIV. 13. Heb. XII. 23.

XXXV. Consummatis autem omnibus iis quae ad Ecclesiae in hac terra plenitudinem spectant, ipse in nubibus caeli, ad universale judicium, incredibili Divinae magnificentiae pompa apparens, corpora suorum, e pulvere mortis suscitata, coelestibusque qualitatibus decora, beatae animae, nulla iterum morte sejungenda, uniet; secumque in domum Patris sui assumet; ubi, omnibus ad luculentissimam gloriae Dei demonstrationem compositis, universa electorum panegyris, iis bonis satiabitur, *quae oculus non vidit, nec auris audivit, neque in mentem hominis venerunt*. I. Cor. II. 9. Joh. XIV. 3. I. Thes. IV. 14. & seq. I. Cor. XV. 22. & seq. Qui tantae nobis salutis tantus auctor est, quis eum omni jure JESU nomen gerere inficias iverit?

XXXVI. Restat nunc, ut quisque semet ipsum exploret, an revera credat Filium Dei JESUM, id est, perfectum unicumque salvatorem esse. Quia enim ab ineunte id aetate audivimus, quia isthoc nomine Filium Dei compellare sueti sumus, quia contrarii professio, uti Christianismi totius abnegatio, horrendum merito in omnium auribus sonaret: hinc quisque se in Filium Dei, ut Jesum, & servatorem suum, credere, etiam

Signa ex quibus dignosci potest, an quis vere credat, Filium Dei esse JESUM.

re nunquam rite perpenſa, temere ſibi perſuadet. Quum tamen pluri-  
mi id ſe non credere, toto vitæ ſuæ inſtituto teſtatum faciunt.

XXXVII. Qui revera credit Chriſtum eſſe JESUM, ſive omnem ſa-  
lutem ſuam unice in ipſo repositam eſſe, is I. Reliqua omnia præ Chriſto  
parvi faciet, & quantumvis præclara atque luculenta videri queant, ſi  
cum Chriſto componantur, vel eidem opponantur, pro *damno* tamen  
& *ſtercoribus reputabit*. Phil. 111. 7. 8. Splendor ille ſufficientiæ Chriſti,  
oculis fidei perſpectus, cætera cuncta obſcurabit, ut ſtellas omnes præ-  
ſtinguit æthereus ſol. Poſtquam id animo ſemel fixum ſedit, ſolum Je-  
ſum eſſe omnia, quid, inquit, mihi reliqua erunt, ſi Jeſu caream? Quid  
opes, quid honores, quid voluptates, quid cætera univerſa, quæ vel for-  
tunæ, vel corporis: vel animi bona invidioſo nomine dicuntur? Quum  
ſalutem in ſolo Jeſu reperiri perſuaſiſſimum habeam, in iis ſalus eſſe non  
poſeſt. Neque ſi adſint, ſalutem conferunt: neque ſi abſint, auferunt.  
Nihil ſunt, citra Jeſum: quia Jeſus eſt omnia. Si quid ſint quando in  
Jeſu poſſidentur, totum illud a Jeſu habent, e cujus tunc charitate  
profluunt, quique iis, tenuem quidem illum, ſed guſtum tamen ſuavita-  
tis ſuæ indidit. Ideoque ſi quo in pretio eſſe debeant, non aliunde id eſt,  
niſi quia a Jeſu veniunt, & ad Jeſum ducunt.

XXXVIII. 11. Idem Jeſum ſupra omnia deſiderabit. *Ἀγαθὸν ἰσὺς ὁ  
πάντα ἱστίωναι.* Bonum eſt id quod ab omnibus appetitur, finitore Ariſtotele. Qui  
ergo non bonum ſaltem, ſed & ſummum bonum, & id quidem unice in  
Chriſto Jeſu ſitum eſſe credit, fieri non poſeſt, quin impenſe Jeſum iſtum  
amet, eſuriat, ſitiat, Pf. XLII. 2. quærat omni & prece & pretio, paratus  
omnia vendere, ut unionem illum, vere unionem, acquirat. Mat. x111.  
46. Sæpe ille privatim & in publico, domi & foris, in otio & in nego-  
tio, ſolus & in conſortio, apud animum ſuum ſuſpiriis inenarrabilibus  
dicet: Utinam ego D. Jeſu tuus, utinam tu meus eſſes!

XXXIX. 111. Non poterit etiam acquieſcere niſi in poſſeſſione Jeſu,  
neque antea quam poſſeſſionis illius certus ac ſanctè ſecurus ſit. Si quis,  
mercaturam exercens, norit omnes res opeſque ſuas in uno ſitas eſſe na-  
vigio, quam ſolicitos dies nocteſque exigit, & ad quamvis coeuntium  
nubium atritatem, ad quemvis ſævientis procellæ inpetum, quam tre-  
pidus pavet? nunquam ſecurus donec illud quod exſpectat navigium in  
in portu videat. Ita etiam qui firmiter credit in ſolo Jeſu omnem ſalutem  
ſuam eſſe reconditam, is in continua verfabitur inquietudine, donec ipſe  
Jeſus animæ ſuæ dicat, *Salus tua ego ſum*. Pf. xxxv. 3. Non audebit in  
tanti momenti negotio levibus quibusdam ratiunculis, aut male blandi  
cordis adulationibus niti. Gravius eſt illud excellenter excellentis glo-  
riæ æternum pondus, quam ut ab arachneo temerariæ imaginationis filo  
ſuſpendatur.

## De Nomine Jesu.

221

**XL. IV.** Is denique communionis suæ cum Iesu certus A. Exultabit gaudio ineffabili cujus naturam & proprietates alibi descripsimus. B. Iesum illum suum omni ope operaque solícite custodiet, ne quid fortasse intercedat quod jucundissimam Salvatoris sui & salutis in eo fruitionem turbet. Cant. III. 4. C. Liquefcet in amore Iesu, & sancte amens non patietur se ab illius amplexibus avelli. Cant. VIII. 6. 7.

**XLI.** Hos similesque credentis amantisque animæ adversus Iesum affectus eleganti cantico profecutus est Bernardus, digno certe quod memoriter discatur, & frequenter D. IESU in Spiritu & Veritate occinatur. Quod propterea in eorum gratiam, qui Bernardi Opera non habent, hic dabo.

Bernardi  
suave Can-  
ticum.

**O** Jesu mi dulcissime,  
 Spes suspirantis animæ,  
 Te quærunt pia lachryma,  
 Te clamor mentis intima.  
 Jesu dulcedo cordium,  
 Fons vivus, lumen mentium,  
 Excedens omne gaudium,  
 Et omne desiderium.  
 Quando cor nostrum visitas,  
 Tunc lucet ei veritas,  
 Mundi vilescit vilitas,  
 Et intus fervet charitas.  
 Jesu mi bone, sentiam,  
 Amoris tui copiam,  
 Da mihi per præsentiam,  
 Tuam videre gloriam.  
 Quem tuus amor ebriat,  
 Novit quid Iesus sapiat.  
 Quam felix est quem satiat?  
 Non est ultra quod cupiat.  
 Jesu decus Angelicum,  
 In aure dulce canticum,  
 In ore mel mirificum,  
 In corde nectar calicium.  
 Desidero te nullies

*Mi Jesu, quando venies?  
 Me latum quando facies?  
 Me de te quando saties?  
 Jam quod quæsvi video,  
 Quod concupivi teneo.  
 Amore Jesu langueo,  
 Et corde totus ardeo.  
 O beatum incendium,  
 Et ardens desiderium!  
 O dulce refrigerium,  
 Amare Deum Filium?  
 Tu mentis delectatio,  
 Amoris consummatio.  
 Tu mea gloriatio,  
 Jesu mundi salvatio.  
 Tu verum cæli gaudium,  
 Jesu cordis tripudium,  
 Tollens omne fastidium,  
 Mel, nectar, melos, suavitatem.  
 Jesu corona Martyrum,  
 Et flos perennis virginum:  
 Tu casti cordis lilium,  
 Tu decertantis præmium.  
 Exaudi preces supplicum  
 Nil extra te quærentium.*

# EXERCITATIO X DE NOMINE CHRISTI. BREVIARIUM.

1. Cognomen salvatoris Christus est. 2. 3. Quod Gentiles quidam, vel ignoranter, vel contumeliose, Chrestum pronunciarunt. 4. Partitio eorum, quæ exponenda sunt. 5. Unctio Christi notat Designationem illius ad munus Mediatorum, & Collationem Spiritus. 6. Sub designatione varia continentur. 7. Collatio Spiritus tres præcipue gradus habet. 8. Quibus trina Davidis unctio quodammodo respondet. 9. 10. 11. Unctione olim consecrati sunt Prophetae, Sacerdotes, Reges; sed non omnes, neque semper. 12. Trino huic Unctorum ordini tripartita munus Christi unctio analoga est. 13. Propheta fuit Christus. 14. Prophetarum est, Docere, Prædicere, ea quæ dicunt rite Confirmare. 15. Omnes has numeris Prophetici partes Christus absolvit. 16. Atque ita quidem ut in singulis Divina ejus eminentia eluceat. 17. Prophetam egit ab initio, agitque etiamnum. 18. 19. 20. Sanctionum Christi, & Miracula, & Mors ad alia etiam officia pertinent. 21. Christi Sacerdotium Atrónico præstantius est. 22. Sacerdotis est Offerre, Intercedere, Benedicere. 23. Singula accurate præstitit, præstat, præstabit Christus. 24. In oblatione Christus est Sacerdos, Victimæ, & Altare. 25. Oblationis tres sunt articuli. 26. Illius effectus est deletio peccati. 27. Intercessio Christi plena Auctoritatis est. 28. Multaque habet respondentia precibus Pontificis Hebræorum. 29. Nec quisquam eo modo alteri benedicere potest, quo Christus Sacerdos. 30. Quando & qua ratione, Benedicens eo cui benedicitur major sit. 31. Etiam in V. T. Christus quosdam Sacerdotii actus exercuit. 32. Regnum Christi vel Divinum est, vel Oeconomicum. 33. Oeconomicum iterum est, vel Potestatis Universalis, vel Gratia, vel Gloria. 34. Regum est Leges ferre, Populum Regere ac Tueri. 35. Nihil horum non facit Rex Christus. 36. Alio modo verbo suo & Spiritu utitur Christus in administratione Regni, atque in exercitio munus Prophetici. 37. Christus Rex quoque fuit sub T. V. 38. Et in diebus carnis suæ. 39. Sed maxime post ascensionem in celos. 40. 41. Regnum C. est æternum. 42. 43. 44. Attamen certo respectu finem habebit, & tradetur Patri. 45. 46. 47. 48. 49. Dici non potest quantopere meditatio nominis CHRISTI ad consolationem eorum omnium faciat, qui ipsum qualis quantusque est, fide recipiunt.

I **S**ospitatoris nostri JESU cognomen CHRISTUS est, Hebraice, משיח, juxta pronunciationem Hellenistarum, *Messias*, Joh. 1. 42. Latine, *Unctus*. Qui titulus licet aliis quoque principibus viris, tam e populo Dei, 1 Sam. xxiv. 7. quam e Gentibus Jes. xlv. 1. attributus sit; in Jesu tamen nostro est διαφωτιστης ὄνομα. Heb. 1. 4. Quippe qui est משיח נגיד, *Christus Antecessor*, Dan. ix. 25. משיח ita nuncupatus, *excelsus supra Reges terræ*. Ps. lxxxix. 28. *qui primas tenet inter omnes*. Col. 1. 18.

Cognomen  
Salvatoris  
Christus est.

II. Vel ignorantia fuit, vel malitia in plebe Gentili, & quibusdam de seculo scriptoribus, quod Venerandum hoc Domini nostri nomen unius literæ mutatione in *CHRESTUM* transformaverint. Lucianus in *Philopatri*: 'Εὐ τοῦ Χρηστοῦ Χρηστοῦ καὶ ἐν ἱστορίαις: Si quidem & *CHRESTUS* inter gentes fuerit. Ignorantiam dixerunt *Tertullianus* & *Lactantius*. Quorum ille *Apologet.* Cap. III. in hunc modum scribit: *Quam & perperam Chrestianus pronuncietur a vobis (nam nec nominis est notitia penes vos) de suavitatem & benignitate compositum est. Oditur itaque in hominibus innocuis, etiam nomen innocuium: & nunc secta oditur pro nomine istius sui Auctoris. Hic de Vera Sapient.* Lib. IV, Cap. VII. ita infit. *Exponenda hujus nominis ratio est, propter ignorantiam eorum qui cum immutata litera Chrestum solent dicere. Fortassis ortus est error ex confusione pronunciationis vocalium α. & ι. Æoles enim has sæpe inter se permutare Grammatici tradunt. Ex eadem prava Jotacismi consuetudine factum est, ut Veteres aliquando scripserint Χριστός cum diphthongo. Videatur Huet: Dem. Evang. Propos. III. Paragr. xx.* Sed nec malitia abfuisse videtur: tam enim vulgatum in omnium ore genuinum Domini nomen erat, ut, a plurimis saltem, ignorari minime potuerit. Et licet χρεσῦ vocabulum suavitatem ac benignitatem signet, uti pulchre retorsit *Tertullianus*, & *Christus* re vera χριστός fuerit (confer Mat. xi. 30.) subsuit tamen nomenclationi illi convitium ac contumelia. Ita enim eum qui ipsa est benignitas vocabant κατ' ἀντίφρασιν. Quemadmodum & de Pertinace tradit *Capitolinus*, *Chrestologum* vocatum fuisse, quod bene loqueretur, maleque faceret; blandusque esset verbis, re non item.

Quod Gen-  
tiles qui-  
dam, vel  
ignorantes,  
vel centu-  
meliose,  
Chrestum  
pronun-  
ciarunt.

III. Huc quoque retulerim *Suetonii* illud in *Claudio*, Cap. xxv. *Judeos impulsore Chresto assidue tumultuantes Roma expulit.* Etiam si enim *Christus* ipse Romæ nunquam fuerit, tamen doctrina Christi ibidem per ejus discipulos disseminata, magnarum litium causa, certe occasio; esse potuit, nonnullis ex Judæis qui Romæ commorabantur magno eam animo recipientibus, aliis vesano studio ac præfracta contumacia eidem obnitentibus. Ex quibus contentionibus istud *Claudii* edictum natum est. Neque enim apud scriptores *Chrestum* ullum insignem virum memorari, præter *Chrestum Sophistam Bizantinum*;

qui Adriani Imperatoris tempore Romæ Herodis Attici auditor fuit, erudite observatum est a Marcello Donato in hunc Tranquilli locum. Cæterum hæc *in præfatione*. Nunc ad Christum nostrum redeamus.

Partitio  
eorum quæ  
exponenda  
sunt.

IV. Ad emphasin hujus nominis rite intelligendam, tria distincte enucleanda sunt. I. Quid unctio, unde Christo nomen est, significet. II. Ad quot ac quæ munera unctus sit. III. Qua ratione fideles omnes ad Unctionis illius, uti & nominis, participationem admittantur. Nam *uti oleum effusum est nomen ejus*. Cant. 1. 3. quod non sibi tantum retinet, sed & cum *consortibus suis* Ps. XLV. 8. gratiose communicat.

Unctio  
Christi no-  
tat Designa-  
tionem il-  
lius ad mu-  
nus media-  
torium, &  
Collatio-  
nem Spi-  
ritus.

V. Unctio Christi duo notat. I. *Designationem* ipsius ad munus Mediatorium. *Neque enim ipse sibi hanc honorem tribuit ut fieret Pontifex*. Heb. v. 4. sed Deus eum *æternis* definit, Act. XVII. 31. II. *Collationem donorum* Spiritus Sancti, qui *non ad mensuram* ipsi concessus est. Joh. I. 11. 34. Jes. LXI. 1. Act. x. 38. Utraque sua distinctim momenta ac periodos vel gradus quosdam habet.

Sub Desi-  
gnatione va-  
ria conti-  
nentur.

VI. Sub Designatione continentur. I. Præcognitio, Præordinatio, five Prædestinatio Filii Dei in Mediatorem, quæ ab æterno facta est. I. Pet. 1. 20. Et sane si nos *in Christo electi* sumus *ante facta mundi fundamen- ta*. Eph. 1. 4. uti servandi per Christum; necesse est Christum una nobiscum electum esse, uti servatorem nostrum. Conf. Jes. XLII. 1. II. Promissio Christi in Prophetiis, illiusque tam accurata delineatio, ut quam primum in mundum venit, mox pro eo qui erat, ab iis qui consolationem Israël exspectabant, & ad ipsum attendebant, agnosci potuerit. *Hunc enim Pater, Deus, obsignavit*. Joh. VI. 27. Id est, hunc ita delineavit per certa gnorismata, talesque ei notas ac *calaturas* impressit, Zach. III. 9. ut iis *definitus fuerit* *videt* *Omnes in dominum*. Rom. 1. 4. III. Introductio Christi ad munus mediatorium, per missionem in mundum, Joh. x. 36. IV. Testificatio Patris de Filio, per vocem e cœlo delatam. Cujus tria exempla habemus. I. In Baptismo ad Iordanem. Mat. III. 17. Joh. 1. 32-34. II. In monte Sancto, Mat. XVII. 5. III. Quum passionis suæ horam præsentisceret. Joh. XVI. 28. Omnia hæc generali Unctionis notione comprehenduntur. Certe æterna Præordinatio, cujus executio duntaxat & declaratio reliqua sunt, distinctim *unctio* nuncupatur. Prov. VIII. 23. *Ante seculum inuenta fui, ante principium, ante primordia terre*.

Collatio-  
nis Spiritus  
sancti præci-  
pue gradus  
habet.

VII. Ad alteram Unctionis partem referro. I. Plenitudinem illam Spiritus qua humana Christi natura a prima nativitate ipsisque incunabulis impertita est, per *inhabitationem* Divinitatis in assumpta carne. Col. 1. 19. & 11. 9. Cujus stupenda quædam indicia in Pueri duodecenni emicuisse, & cum ætate luculentiora facta quosvis admirabilitate sua perculerunt. Luc. 11. 47 52. II. Collationem indulgentissimam

tissimam eorum donorum Spiritus, quibus in publica muneris sui functione probaturus erat se promissum Messiam esse, cæterisque salutis, vel actoribus quadantenus, vel præconibus, qui ante ipsum fuerant, immensum quantum antecellere. Huc facit descendens in ipsum Spiritus, sub columbæ specie, emblema, quum per Baptismum Johannis, Patrisque testimonium, publice muneri suo inauguraretur. Mat. III. 16. III. Summum illud gloriæ ac lætitiæ fastigium, ad quod, in præmium laborum suorum, evectus est, post resurrectionem e mortuis, & adscensionem in coelos. Eo nos ducunt verba Ps. XLV. 8. *Dilexisti iustitiam, & odisti improbitatem*, omnes commissi tibi muneris partes consummate implesti, כן הוּ, *propterea in præmium meritorum tuorum, unxit te, o Deus, Deus tuus oleo lætitiæ*, ornavit te eximia gloria & glorioso gaudio, *pro consortibus tuis*.

VIII. Tribus hifce unctionis gradibus respondere quodammodo videtur trina Davidis Unctio. 1. Bethlehemi per Samuelem, vivente adhuc & regnante Saule. 1 Sam. xvi. 13. A quo tempore aliquamdiu privatus vixit. 11. Hebrone, quum inungeretur in Regem Iudæ, mortuo Saule. 2 Sam. ii. 4. Quo tempore Regnum quidem actu capebat, ita tamen ut plurima ei cum domo Saulis subeunda fuerint certamina. 111. iterum Hebrone, quum universali Populi consensu totius Israël Rex declararetur, familia Saulis omni potestate exuta. 2 Sam. v. 3. qua unctione confirmatus arcem Sion occupavit. Ita etiam Dominus unctione Spiritus delibutus fuit: jam tum quum privatus ageret. Cæterum ampliore ejusdem mensura donatus est, quum actu ipsi adeunda Mediatorii muneris functio erat, qua defungi non poterat sine maximis certaminibus. At postquam resurrectione se sua hostium omnium Victorem ac Triumphatorem esse demonstravit, oleum gaudii sine mensura in caput ipsius effusum, & *Sceptrum robustum suum Sione emissum est*. Ps. cx. 2. Huc, nisi fallor, Petrus collimavit, quum diceret, Act. 11. 36. *Certo sciat igitur tota domus Israël, quod Deus hunc fecerit Dominum, & Christum, hunc ipsam, inquam Jesum, quem vos crucifixistis*.

IX. Munera, quibus unctione sua initiatus est Dominus, tria sunt, juxta trinum eorum ordinem, quibus, ex instituto Dei, antiquis temporibus unctio quandoque obtigit. Hi erant *Primo Prophetæ*, uti ex exemplo Elifæi colligi solet. 1 Reg. xix. 16. *Elisæum, Filium Saphati, Abimechbularum ungito in Prophetam loco tuo*: De qua tamen unctione Elifæi in Prophetam, ut & Hazaëlis in Regem Syriæ, & Iehu in Regem Israël, disquirunt eruditi, utrumque ea proprie, & ad literam; an figurate, ac *καταχρηστικῶς*, pro designatione, creatione, declaratione, interpretanda sit. Sunt quibus posterius placet. I. Quia nusquam legitur, vel Hazaëlem, vel Elisæum unctos ab Elia esse. Iehu quidem unctus

Quibus trina Davidis unctio quodammodo respondet.

Unctione olim consecrati sunt Prophetæ, Sacerdotes, Reges; sed non omnes neque semper.

est, sed non ab Elia, imo ne ab Elisæo quidem, verum ab Elisæi Discipulo, idque cursim admodum ac perfunctorie. 11 Reg. ix. II. Quia Elias mandatum Dei erga Elisæum exsequens non dicitur eum unxisse, sed pallium suum ei iniecisse. 1 Reg. xix. 19. III. Quia unctionis Propheticæ proprie dictæ nullum alibi vel mandatum vel exemplum exstat. Ita post *Theodoretum*, *Abulensem*, *Salianum*, aliosque *Cornelio a Lapide* citatos, *Piscator* noster. Sed opponi potest. I. Non esse a proprio atque usitato vocis significatu recedendum, nisi urgente necessitate; quæ hic nulla est. II. Non idcirco non unctos ab Elia esse illos quos ungere jubetur, quia nuspian id factum esse memoratur: quum ne id quidem memoretur, quod Hazaëlem ac Jehu Reges Syriæ & Israël renuntiaverit: quod tamen supponitur. III. Duram admodum *κατάχρησις* fore, si designatio Prophetæ unctio dicatur, & tamen in creatione Prophetæ unctio proprie dicta nunquam fuerit adhibita. Absurde enim quis Consules Romanos ad Consulatum unctos diceret. IV. Nihil ob stare quo minus credamus plus una ceremonia Elisæum in Prophetam allectum fuisse. Nam uti hactenus non male Sanchez, *unctio* (inquit) *Elisæum fecit Prophetam, pallium, Elia contubernalem*: quam & alias hic Prophetarum habitus fuisse videatur. Zach. xii. 4. Quod addit, & *Monachum*, ridiculum atque ineptum est. V. Interim unctionem Propheticam perpetuam atque universalem fuisse, non est quod temere asseramus. Sufficit nobis hoc mandatum; sive extra ordinem illud esse existimemus, sive fuetum satis in simili occasione.

X. Præterea uncti quoque jussu Dei sacerdotes sunt. Exod. xxx. 30. *Aaronem quoque & filios ejus ungito; ita sanctificaveris eos ut sacerdotio fungantur mihi.* Quod præceptum ita intelligendum esse Judæorum Magistri sciunt, ut in filiis Aaronis omnes eorum posteris, gregarii sacerdotes, uncti esse censeantur, sine repetita unctione singulorum qui defunctis in sacerdotio succedebant. Cæterum, Pontifex novus in initiatione numeris sui semper ungebatur, uti & ille Sacerdotum quem *משוח מלחמה*, *unctum belli causa* (ex lege Deut. xx. 2.) vocitant. Hanc vero unctionem tantummodo ad templi primi ævum pertinere volunt. Fieri enim debuit eo unguento sacro quod ex præscripto numinis Exod. xxx: conficiebatur, cuique simile facere severo interdicto vetitum est. vers. 33. Ajunt autem Talmudici, adhibitum illud initiationi consecrationique fuisse, usque ad tempora Josiæ, qui illud in templo recondidit, sub humum, in loco abdito secretoque, quem diu ante summa cura Rex Salomo paraverat, quum ex vatum responsis didicisset, futurum olim uti templum ab Assyriis solo æquaretur, Vide sis *Cunæum*, de *Republ: Hebr. Lib. I. cap. xiv.* & *Outranum de Sacrific. Lib. I. Cap. v. §. vii.* *Seldenum de success. in Pontif. Lib. II. Cap: ix.* Sed imprimis *Simeo-*



us de *Munis varia sacra*, in quibus exhibet prolixum commentarium *Abernelis* in *Exod. xxx.* ubi de modo ungendi sacerdotes expresse differitur.

XI. Denique Unctione consecrati sunt Reges : de qua fufe & docte differuit *Guilielmus Schickardus, de jure Regio.* Non tamen omnes Reges unctos esse Thalmudici docent, sed eos tantum qui vel primi fuere in sua familia, vel competitores regni habebant. Ob priorem rationem uncti sunt Saul, David, &c : Alii propter adversam factionem : ita unctus est Salomo ob factionem Adoniæ, Joas ob Athaliæ, & Jehu ob Jorami. quamvis & hic regiam dignitatem primus in familiam suam intulisse videatur. Id interim a Sapientibus se accepisse recentiores Magistri tradunt, Reges Israël, qui, secessione a Judæis facta, sedem imperii Samariam tenebant, haut delibutos illo oleo fuisse quod ex edicto numinis confectum a Mose erat : quare Eliam non nisi balsamo vulgari usum esse, quum Josaphati filium Jehu ungeret.

XII. Juxta triplicem hunc unctorum ordinem, tripartita etiam muneris Christi functio fuit. De unctione *Prophetica* sermo est *Jes. lxi.* quod oraculum ipse sibi Christus vindicat. *Luc. iv. 12. 16.* De *Sacerdotali* unctione agitur, *Ps. cx. 4.* coll. cum *Heb. v. 4. 5. 6.* *Dan. ix. 24. 26.* ubi agitur de *ungendo Sancto Sanctorum*, id est, Christo, cujus unctio per unctionem sanctuarii & arcæ præfigurata fuit, de excindendo Messia, & de scedere per Messia excisionem firmando. De unctione *Regia* constat ex *Ps. 11. 6.* De munerum horum ordine, & cujus mediatio præmittenda sit ut disputemus vix operæ pretium est. Nam singulorum exercitia ita sibi invicem innexa fuere, ut non tam tempore quam natura distinguenda sint.

Trino hujus  
Unctorum  
ordini tri-  
partita mu-  
neris Chri-  
sti functio  
analogæ est.

XIII. A *Prophetico* igitur munere pro more ordiamur. Prophetam, fuisse Christum, Mose non partem modo, sed & majorem, qui *verba Dei locutus erat*, quæ Deus sibi ipsi reservaverat ultimis temporibus dicenda, quæ non liceat nudo homini loqui *2 Cor. xii. 4.* (confer *Jo. iii. 34.*) colligitur ex *Deut. xviii. 18.* coll. cum *Heb. iii. 5.* & *Act. iii. 23.* Adde *Jes. xlii. 1.* *Joel. ii. 23.* *Joh. vi. 14.* & *Heb. iii. 1.* ubi Apostolus τῆς ὁμολογίας ἡμῶν nuncupatur : quem nos confitemur Doctorem a Deo missum esse qui ea docet quæ & corde credenda sunt ad justitiam, & ore confitenda ad salutem, & cui adstipulari debemus in omnibus; in illius verba jurantes, ei Amen dicentes dum facimus scedus cum Deo. conf. *2 Cor. ix. 13.*

Propheta  
fuit Chri-  
stus.

XIV. Partes Prophetici muneris tres sunt I. *Docere* viam salutis. II. *Vaticinari*, five futura, coeteroquin arcana, prædicere. III. *Doctrinam* ac vaticinia sua rite *confirmare*, eximia quadam vitæ sanctitate, &, si res ita ferat, miraculis, atque martyrio.

Propheta-  
rum est,  
Docere,  
prædicere,  
ea quæ di-  
cunt rite  
Confirmare.

XV. Nihil horum est quod non accuratissime a Christo præstitum sit.

Omnes has  
muneris  
sit.

Propheticæ  
Partes Chri-  
stus absolvit.

fit. Nam I. Mystéria regni cœlorum, arcanumque Dei de salute nostra consilium, luculentissime edisseruit. Joh. xv. 15. xvii. 8. 11. Novæ Ecclesiæ fata, ad extremum usque diem, prophetiis suis delineavit. Mat. xxiv. & xxv. Apoc. i. i. 111. Universum ministerium suum confirmavit. A. Intaminatissimæ sanctimonix, tam in vita, quam in morte, exemplo, nec exemplo tantum, sed & exemplari. I Cor. xi. 1. I Thef. i. 6. I Pet. ii. 21. B. Stupendis Miraculis, quibus par aut simile nemo unquam conspicatus est. Luc. vii. 14. 15. 16. Mat. xi. 3. 4. 5. C. Martyrio mortis suæ. quo respexit Apostolus I Tim. vi. 13. *Ἰησοῦ Χριστοῦ, τοῦ μαρτυρήσαντος ἐπὶ Πόντου Πιλάτου τῇ κατὰ ὁμολογίαν.* Et hac Emphasi videtur dici Jesus Christus, Apoc. i. 5. *ὁ μάρτυς ὁ πρῶτος, primogenitus ille ex mortuis.* Gregorio Nazianzeno in Oratione xviii. Christus dicitur *πρῶτος μάρτυς, primus martyr.* Et ne honori Christi quicquam decedere videretur, Lugdunenses & Viennenses olim *ἰμωδόντες* se quam martyras dici voluerunt. Euseb. Histo. Eccl. Lib. v. Cap. xv.

Atque ita  
quidem ut  
in singulis  
Divina ejus  
eminentia  
eluceat.

XVI. Non debet hic nobis indicta manere Christi in singulis Prophetici muneris partibus præ cæteris Prophetis eminentia. Nam *Doctrinam* si species, non modo *eructavit occulta inde a præscito tempore.* Pl. lxxviii. 2. *revelavitque mysteria quæ a temporibus secularibus tacita fuerunt.* Rom. xvi. 25. & quæ ipse non aliunde didicerat, sed in sinu Patris viderat. Joh. i. 11. & 111. 32. viii. 38. 40. Sed & per Spiritum intus docuit ac *mentem suorum aperuit ut intelligerent Scripturas.* Luc. xxiv. 40. *Prophe- tias* non ex alieno instinctu afflatusve proferebat, sed, ex Deitatis corporaliter in ipso habitantis plenitudine, futura omnia per se calluit, alio- que Prophetas per Spiritum suum condocescit. I Pet. i. 11. *Vitæ sanctimoniam* nulla labe taminata fuit. 2 Cor. v. 21. *Miracula* suapte virtu- te patravit. Alii ipsius nomine ac potentia. Act. iii. 6. 12. 16. Mortis corporalis *Martyrio* æternæ mortis dolores accesserunt. Mat. xxvi. 38. xxvii. 46. quod in aliis martyribus secus fuit, quibus in mediis tor- mentis cœlestium gaudiorum non parca plerumque prælibatio con- cedebatur.

Prophetam  
egit ab ini-  
tio agitque  
etiamnum.

XVII. Porro non eo solum tempore Prophetam egit quo in terris versatus est, sed & ab initio: subinde ad præludium incarnationis in visi- bili specie familiares suos erudiens. Gen. xviii. Olimque in Spiritu profectus antiqui etiam mundi incolis prædicavit. I Pet. i. 18. Hinc *a principio, non in occulto locutus* esse dicitur. Jes. xlvi. 16. & etiamnunc per Spiritum, per Scripturas, per ordinarium Ecclesiæ ministerium, Ec- clesiam instruit. 2 Cor. v. 20.

Sanctimonia  
Christi, &  
Miracula &  
Mors ad alia  
etiam officia  
pertinent.

XVIII. Sciendum autem, ea quæ de Sanctimonia vitæ Christi, & Mi- raculis, ac Morte diximus, ita ad Propheticum ipsius munus pertinere, ut alio respectu ad cætera etiam officia referantur. Nam Sanctimonia quidem

quidem Christo, uti Prophetæ, binas ob causas necessaria fuit. 1. Ut non verbis solum sed & factis doceret, se ipsum in exemplar proponens. Mat. xi. 29. 11. Ut fidem faceret Doctrinæ quidem suæ in universum, sed illi imprimis parti, quæ se Messiam, & Filium Dei, & mundi Sosпитatorem esse profitebatur. Quod esse sane non poterat, nisi ab omni labe purus. Joh. viii. 28. 29. 46. Sed & eadem Sanctimonia ad Sacerdotale officium binas itidem ob causas requirebatur. 1. Ut purus Sacerdos pura Deoque placens Victimam esset. Heb. vii. 26. 11. Ut omnem Legis iustitiam qua Sponsor noster implens, nostræ iustitiæ defectum suppleret, & jus nobis ad vitam æternam acquireret. Rom. v. 19. Denique & ad Regium Christi munus pertinet, quod sine sanctitate & iustitia nequaquam administrari potest. Ps. xlv. 7. lxxxix. 15. xvi. 10.

XIX. Idem de *Miraculis* Christi est observandum. Nam præterquam quod in genere testarentur eum Messiam esse, olim Patribus promissum, nunc a Patre missum. Joh. v. 36. & x. 25. Quatenus iis Doctrinæ a Christo prædicatæ Veritas adstruebatur, ad Propheticum munus spectant: Luc. xxiv. 29. in quantum iis inerat ablatio temporalis miseriæ, & collatio corporalis boni, quæ typi erant spiritualis sanationis a peccato, Mat. viii. 17. coll. Jes. liii. 4. referenda sunt ad munus Sacerdotale. Denique in quantum verbo potentiæ suæ & ventis, & mari, & morbis, & morti, & ei qui mortis imperium habet, Dæmoni, imperitabat, indicia erant Potestatis Regiæ, cui quicquid est dicto audiens esse cogitur.

XX. Denique mors Christi, licet ad Propheticum munus referatur, quatenus Martyrium est: maxime tamen ad Sacerdotium pertinet, quippe in qua est oblatio Christi, & ablatio nostrorum peccatorum: uti mox docebimus.

XXI. Quia non sufficiebat salutem nobis annunciari, nisi & impetretur ac procuretur: hinc necesse fuit, Christum non PROPHETAM modo sed & SACERDOTEEM esse. Uti Sacerdotium, quovis Aaronico longe præstantius, a Paulo ipsi vendicatur. Heb. vii. 20. 21. 22. viii. 6. Christi Sacerdotium Aaronico præstantius est.

XXII. Sacerdotis autem officium in genere est, in iis esse *qua apud Deum agenda sunt* in commodum populi. Heb. v. 1. Specialius tria complectitur. 1. Dona & victimas *offerre* pro peccatis. Heb. v. 1. 11. *Intercedere* pro populo. Joel. ii. 17. Quod imprimis incumbabat Pontifici festo expiationis die, quando cum thuribulo & sanguine sacri hirci intrabat in Sanctum Sanctorum. Levit. xvi. 12. 15. 111. *Benedicere* populo. Num. vi. 23. Deut. xxi. 5. 1 Chr. xxi. 13. Si Hebræorum Doctoribus fas sit credere, fuit in iis precibus quas Expiationis die fundebat Pontifex notabile aliquid, quod hic non videtur prætereundum. Narrant tres distinctas precum formulas fuisse, quibus Pontifex in Sacro illo

anniversario utebatur. Primo pro se orabat, dein pro suis, atque universa familia Aaronica, denique pro toto populo. Prima oratio fiebat juxta juvenicum piacularem, hac formula, *Obsecro Domine, peccavimus, deliquimus, rebellavimus in conspectu tuo, ego, & familia mea, & filii Aaroni, populus tuus sanctus. Obsecro, Domine, remitte nunc peccata, delicta, & rebelliones, quibus peccavimus, deliquimus, & rebellavimus in conspectu tuo, ego, & familia mea, & filii Aaroni, populus tuus sanctus. Sicut scriptum est in Lege Moysi servi tui, ubi dictum est, in hac die expiatio erat vestri, & mundatio ab omnibus peccatis vestris, coram Domino mundabimini. Cui Pontificis orationi Sacerdotes ita respondebant: ברוך שם כבוד מלכותו לעולם ועד, benedictum sit nomen gloria regni ipsius in seculum, & sempiternum. Altera formula, quæ adhibebatur circa hircum in desertum abducendum, Pontifex pro toto orabat populo: consimili carmine. Quibus precibus populus una cum sacerdotibus respondebat, uti supra. Tertia oratio fiebat, quando Pontifex in adytum intrabat, ut suffitum faceret, adytumque densa nube impleret: tunc pededentim retrogradiens, ita populum Deo commendabat. Placeat tibi, Domine Deus, ut si hic annus calidus fuerit, idem quoque sit pluvius: ut ne discedat sceptrum a familia Juda; nec victu careat populus tuus Israeliticus, irritaque ut sint impiorum preces. Non frustra hæc a nobis observata esse, sequentia docebunt.*

Singula accurate præstitit, præstat, præstabit Christus.

XXIII. Nihil horum est quod non exacte Dominus præstiterit. Quippe qui misericors & fidelis Pontifex est, in iis quæ apud Deum peragenda sunt, ad expiandum peccata populi Heb. 11. 17. Nam. 1 Per Spiritum æternum se ipsum **OBTULIT** inculpatum Deo, ut sanguine suo emundaret conscientiam a mortuis operibus. Heb. 1X. 14. Unicaque oblatione consummavit in perpetuum eos qui sanctificantur, Heb. X. 14. 11. **ORAVIT** pro suis in terra. Joh. XVII. 10. Et etiam nunc pro iis orat in coelis: Rom. VIII. 34. comparens apud faciem Dei pro nobis, non cum alieno sanguine, sed suo, intercessionem suam fundans in dignitate ac virtute oblationis suæ. Heb. IX. 24. 25. 111. Plus quam Sacerdotalem **BENEDICTIONEM** suis impertit, non moriens solum in cruce; Gal. III. 13. vel jam adscensurus in coelum; Luc. XXIV. 51. sed præcipue regnans in coelesti solio. Eph. 1. 3. plenissime tamen in extremo judicio. Mat. XXV. 34.

In oblatione Christus est Sacerdos, Victimæ, & Altare.

XXIV. In oblatione Sacerdos est Christus **Θιάς**: maxime secundum Divinam naturam, & vim indissolubilis vitæ. Heb. VII. 16. **Vi-ctima**, idem Christus, maxime secundum humanam naturam. Heb. X. 10. Cui tamen Divinitas personaliter unita dignitatem ac valorem contulit. Quippe per quam factum est ut non nudi hominis, sed *Dei sanguis* libaretur. Act. XX. 28. Altare nonnulli Divinitatem Christi esse dicunt, alii cruce. 11. Nobis utrumque verum esse videtur, pro duplici olim altaris usu: qui erat 1. Sustinere Victimam Deo cremandam. 11. Eam Sanctificare, quod

quod non per se faciebat, sed per ignem sacrum, qui cœlitus delapsus Sacrosancti Spiritus typus ac figura erat. Priori respectu altare dici potest, imo debet, crux, in quam Christus sursum elatus fuit. 1 Pet. 11. 24. Joh. 11. 32. 33. Posteriores *expon* habuit ipsa Christi Divinitas, & Spiritus ejus æternus, per quem inculpatum se Patri stitit. Heb. 1x. 14. Et hoc pacto conciliari possunt Annotatores Belgæ, modo crucem, modo Divinitatem Christi, sacrificii hujus altare fuisse, asserentes. Confer. *Notas ad Ps. cx. Num. 19. cum ad Heb. xiii. N. 15.*

XXV. Oblatio ipsa consistit in passionibus & morte Christi: quod invicte concluditur ex Apostoli argumentatione Heb. 1x. 25. 28. Flam- Oblationis  
tres sunt ar-  
ticuli. mæ quibus crematus est sunt zelus Divinæ gloriæ, & immensa adversus fratres charitas. Ps. lxix. 10. quibus accessit baptismus ignis accensi ab ira Dei adversus peccata nostra. Luc. xii. 50. Cæterum in hac oblatione Christi tres articuli distincte considerari possunt: sicuti & in reliquis sacrificiis. Illa enim *viva* primum offerebantur ad ostium tentorii conventus, Lev. 1: 2. 3. deinde ad honorem Dei *maclabantur*, & imponebantur altari, vel in totum vel ex parte consumenda igne; denique *sanguis* quorundam deferabatur in *intimum adytum*. Ita etiam Christus seipsum obtulit 1. *Vivus* etiamnum ac valens: quando sua sponte eo proficiscebatur, unde se ad judicium, mox ad crucem, uti victimam piacularem, ductum iri sciebat. Luc. xviii. 31. atque ad mortem imminentem ultro se sistebat Deo. Hoc est quod dicit: Joh. xvii. 18. *ἐγὼ ἀντὶς τοῦ ἀγαλλῶ ἑμαυτὸν. pro iis ego me ut victimam Deo offero.* Nam *קָרַב*, five *ἀγαλλῶ*, *sanctificare*, idem quandoque quod *προσφέρειν*, five *offerre*, valet. Lev. xxii. 2. 3. Deut. xv. 9. Nec aliam commodam significationem hoc in loco recipit. Optime *Chrysostomus* hæc verba, *ἀγαλλῶ ἑμαυτὸν*, exponit, *προσφέρειν εἰς θυσίαν*. II. *Patiens & moriens*, & sanguinem suum fundens, uti explicatum est modo, inque eum finem extra Hierosolymam eductus, uti extra castra & urbem cremandæ erant eæ victimæ, quibus maxime adumbratus fuit. Heb. xiii. 11. 12. III. Sanguinem suum, five animam a corpore separatam, (sanguis enim pro anima est) in sanctuarium sine manibus factum, id est, cœlum ipsum inferens, ac Patri suo sistens. Heb. ix. 12. Christus enim non ut Pontifex solum in cœlis est, sed & ut *agnus maclatus*. Apoc. v. 6. Quem Christi in cœlestia adyta ingressum, ut sanguinem ibi suum, in signum maclatæ victimæ, sisteret, non video cur ad oblationem ejus pertinere negemus.

XXVI. Finis atque effectus oblationis, est plena peccati nostri expiatio ac deletio. Heb. i. 3. 1 Joh. i. 2. Ita quidem ut neque imputari ad poenam fidelibus queat, quod & olim habebant vi sponsonis Christi, & oblationis suo tempore consummandæ: neque chirographi ex- Illius effe-  
ctus est de-  
lectio pec-  
cati. catio, aut reatus, ut nondum expiati, in repetitione victimarum confessio,

locum post hæc inveniant; qui fructus consummatæ oblationis est. Col. 11. 14. Heb. x. 2.

Intercessio  
Christi ple-  
na auctori-  
tatis est.

XXVII. Intercessio Christi non est nuda pro nobis deprecatio, non absimilis ei quam fideles sibi invicem debent. Sed est gloriosa illius Christi voluntatis qua sanctificamur repræsentatio, nixa dignitate personæ, efficacia oblationis, virtute justitiæ pro nobis consummatæ, & sacro foedere quo jus ipsi partum est non modo gratiam aliquam pro nobis orandi, sed & *poscendi gentes in hereditatem suam* Pl. 11. 8. *poscendi*, inquam, uti debitam *mercedem*, & *opera pretium*. Jes. XLIX. 4. Unde cum auctoritate aliqua, quæ cæteris omnibus præter Filium Dei; & tam præstantis pacti sponsores, indecora foret, dicit, Joh. XVII. 24. *Pater, quos dedisti mihi, dico. Volo ut ubi sum ego, & illi sint mecum.* Estque adeo hæc intercessio tantæ dignitatis, auctoritatis, atque efficaciz, ut non magis in alium transscribi queat, quam ipsa peccatorum nostrorum expiatio, cui innititur, & quacum individuo comitatu jungitur. 1 Joh. 11. 1. 2. Est enim opus *exaudientiæ*, ad quod concurrit non solum voluntas humana Christi, per repræsentationem juris quæsitæ, & orationem ex sympathia nostrarum infirmitatum: sed & voluntas Christi Divina, audientiam & exauditionem præstans.

Multæque  
habet res-  
pondentia  
precibus  
Pontificis  
Hebræo-  
rum.

XXVIII. Cæterum observanda hic est convenientia precum Christi cum illis, quas Hebræorum Pontificem, die Expiationis, fuisse memoravimus. Sicuti enim illi *trina* attribuitur oratio, ita etiam Christum in novissima parte functionis suæ sacerdotalis, *ter* præcipue orasse deprehendimus. Primo quando jam in procinctu erat ut se offerret. Joh. XVII. Dein in ipsis passionibus suis, quæ simul sumtæ oblationem ejus constituunt: repetitis aliquoties vicibus: sed quæ in unam formulam contrahuntur, Pl. XXI. 1. Denique postquam intravit in sanctum sanctorum sine manibus factum. Ubi intercessione sua impetrat, ut Ecclesia in æstu persecutionum, rore ac pluvia spiritualium consolationum refocillata, *similis sit borto irriguo*. Jer. XXXI. 12. ut regnum suum spirituale perpetuum sit, *quandiu erit Sol, & durante Luna in generationem æternam*. Pl. LXXI. 5. ut *anima sacerdotum irrigetur pinguedine, & populus suus bonitate sua saturetur*. Jer. XXXI. 14. Denique ut cassa successu sint omnia hostium vota atque conamina. Jes. LIV. 14 — 17. In illa quoque Oratione Christi quam Johannes memorat Cap. XVII. eum ordinem tenuisse Christum deprehendimus, ut primo *pro se* oraret, vers. 1 — 5. dein *pro Apostolis*, qui singulari modo sui erant, & quasi *familiam* ipsius constituiebant. vers. 1. & seq. denique *pro toto populo*, omnibusque credituris. vers. 20. & seq.

Nec quif-  
quam eo  
modo alteri  
benedicere

XXIX. Similiter Benedictio Christi Sacerdotalis toto genere distat ab illa qua vel pii, sibi invicem, vel Antecessores, Ecclesiæ, *sancta* omnia apprecantur

precantur. Hæc enim nudis verbis, animique bona voventis sinceritate consistit, & obsecratio Dei est, ut hominibus beneficiat. Illa vero ipsis factis absolvitur, ac reali communicatione spiritualium bonorum, quæ non ab alio petit, sed ex iis quæ sua sunt sumit, ut impertiat nobis. Ezech. XLV. 18. *מִמֶּנִּי יִהְיֶה אֲרֵץ בְּנֵי* ex iis quæ ipse possidet hereditatem dabit filiis suis. conf. Joh. XVI. 14. 15.

potest quo  
Christus Sa-  
cerdos.

XXX. De illiusmodi Benedictione liquido verum est illud Apostoli Heb. VII. 9. *Sine ulla controversia, id quod minus est, ab eo quod majus est benedicatur.* Qui aphorismus, quum universalis non sit, restringi ad eam Benedictionem debet, qua Benedicens, Christum, is cui benedicatur, Ecclesiam vel membrum illius, repræsentat. Qualis erat typica illa Benedictio qua Sacerdotes ex mandato Dei benedicebant populo. Neque enim eo modo populus benedicebat Sacerdoti, vel Sacerdotes Pontifici.

Quando, &  
qua ratione,  
Benedicens  
eo cui bene-  
dicimus ma-  
jor sit.

XXXI. Prælia quædam muneris Sacerdotalis etiam in Veteri Testamento Christus exhibuit, Nam 1. Qua Sponsor peccata electorum in se suscepit expianda suo tempore. Pl. CXIX. 122. & *maçntum* est, in victimis, quæ oblationis suæ typi erant, inde a *jacto mundi fundamento*. Ap. XII. 8. indeque consecuti justificationem cæteraque bono salutaria ejus temporis fideles sunt. Heb. XI. 7. 6. 11. Virtute Sponsionis illius intercessit etiam pro fidelibus. Zach. I. 12. 13. III. Cunctarum Benedictionum, quæ in V. T. ecclesiam redundarunt, unicus fons est. Prov. VIII. 18. 21.

Etiā in V.  
T. Christus  
quosdam  
Sacerdotii  
actus exer-  
cuit.

XXXII. Ad REGIAM nunc Christi dignitatem transeamus. Ubi omnino distinguendum est *Regnum Christi Divinum, Naturale & Essentiale*, quod qua Deus cum Patre & Spiritu Sancto commune habet, a *Regno Personali, Oeconomico, Mediatorio*, quod ipsi soli a Patre demandatum est: ita tamen ut non tam reipsa hæc regna differre statuamus quam certo quodam respectu & appropriatione. Nam illud regnum Christo qua Deo competit; hoc qua *Θεοκρατία*: illud cunctas creaturas complectitur, quatenus a Deo ut universi Domino, tam in genere entis, quam moris, dependent; hoc specialem respectum habet ad Ecclesiam. Verumtamen tantæ dignitatis atque eminentiæ est regnum Christi Oeconomicum, ut non-Deo competere non possit, regnumque ejus Divinum supponat vel includat.

Regnum  
Christi vel  
Divinum  
est, vel Oe-  
conomi-  
cum.

XXXIII. Regnum Mediatorium, de quo hic nobis est agendum, considerari potest trifarium. 1. Ut Regnum *Potestatis* in omnia, ne Angelis quidem exclusis, sive bonis, sive malis: attamen cum certo respectu ad Ecclesiam, quatenus creaturis omnibus in commodum Ecclesiæ utitur. Mat. XXVII. 18. Eph. I. 20. 21. 22. Phil. II. 9. 10. Gloriam.

Oeconomi-  
cum iterum  
est, vel Po-  
tatis Un-  
versalis, vel  
Gratiæ, vel  
Gloriæ.

II. 11. Ut regnum *Gratiæ*, quod exercetur in Ecclesia militante:

cujus cum *externa forma* spectanda est, consistens in congregatione visibilis coetus, per ministerium a Christo institutum, quo sensu illi quoque in regno Christi sunt, qui regi mentiuntur, & fraudulenter se ei subjiciunt. Mat. XIII. 47. & VIII. 12. tum *interna*, quæ est mystica ac spiritualis fidelium sub Christo ut Domino ac capite subordinatio, in justitia, & pace, & gaudio, per Spiritum Sanctum. Rom. XIV. 17. III. Ut regnum *Gloriæ*, quod exercetur circa Ecclesiam triumphantem in coelis: nunc quidem inchoate, quoad animas; Heb. XII. 23. postea consummate, quoad integras personas. I Cor. XV. 54. 55.

Regum est  
Leges ferre,  
Populum  
Regere, ac  
Tueri.

XXXIV. Regis officium tribus potissimum partibus absolvitur. I. Ut justas sanctasque *Leges* subjectis sibi populis *prescribat*. II. Ut juxta leges istas *populum regat*, gubernet, judicet. III. Ut suos adversus quoscumque hostes fortiter *tueatur*, ac defendat.

Nihil ho-  
rum non fa-  
cit Rex  
Christus.

XXXV. Neque hic vel sibi, vel suis, unctus Domini deest. Etenim I. Eo ipso quia rex est, Legislatores etiam populi sui est. Luc. 41. 46. Joh. XIII. 34. & XV. 17. Non novam legem promulgando quæ Mosaica sanctior sit, cuique uti perfectiori promissio vitæ æternæ sit addita: (nam, & Mosaica lex ab eodem Rege Christo, uti mox ostendemus, promulgata est, & sanctitatem ad Divinæ instar compositam, id est, consummatissimam, poscit; & nos æternam vitam non exspectamus nisi virtute illiusdem legis, quatenus ei per Christum satisfactum est) sed eandem legem inculcando, in novæ vitæ & gratitudinis normam. Mat. XXI. 37. 38. 39. II. Secundum leges istas *populum, Juste, Sancte, Sapienter, Clementer Regit*: Ps. XLV. 7. totumque orbem habitabilem aliquando judicaturus est. Act. XVII. 31. III. Potenter suos Tuetur, ac, nequicquam adversantibus inferorum portis, de omnibus hostibus triumphare facit. Mich. V. 3. 4. Mat. XVI. 18. Joh. X. 28. 2 Thes. III. 3. Rom. VIII. 37.

Alio modo  
verbo suo &  
Spiritu uti-  
tur Christus  
in admini-  
stratione re-  
gni, atque  
in exercitio  
muneris  
Propheticæ.

XXXVI. In Regni administratione Verbi quoque & Spiritus sui opera Christus utitur; verum alio modo atque *Christi* quam in exercitio muneris Propheticæ. Ibi enim verbo suo *docet*: ut *המורה לצדקה*. *Doctor ille ad justitiam*. Joel. II. 27. hic *jubet*: ut *נגיד ומצור לאמים*. *Dux & qui præcepta dat nationibus*. Jes. LV. 4. Ibi spiritu suo *mentes illuminat ad intelligendam veritatem*: Luc. XXIV. 45. hic *corda flectit*, omnesque tam animi quam corporis facultates prælo esse facit ad obedientiam. Jer. XXXII. 39. 40.

Christus  
Rex quoque  
fuit sub  
T. V.

XXXVII. Negari sane non potest, quin multo illustrius sit regnare Christi sub Testamento Novo, quam sub Veteri. Id adeo verum est, ut Novi Testamenti conditio propterea *αὐτοκρατορίας regnum* *calorum* passim in Evangelio dicatur, & Prophetæ, de eo tempore vaticinantes, *Jehovam* tunc *regnum capessere* narrent. Ps. XXII. 29. XCVII. 1. XCIX. 1.

Attamen



Attamen sub V. quoque T. Filius Dei Rex Israël fuit. Jud. viii. 23. Regem se præstitit. I. Quum in amplissima populi panegyri e medio tonitruum ac fulgetrorum igneam legem tulit: Act. vii. 38. col. cum 35. Pl. lxxviii. 8. 9. col. cum Eph. iv. 8. Heb. xii. 26. II. Quum universam illam Hierarchiam Seniorum, Sacerdotum, Pontificum instituit, qui, in populo juxta præscriptum Regum regundo, & gubernando, nil nisi ministri ac mandatarii Filii Dei fuerunt: de quibus idcirco eximie verum est quod Sapientia dicit: Prov. viii. 15. *Per me Reges regnant, Dominatores exercent justitiam* III. Quum populum ex malis suis tam frequenter eripuit, & adversus quoscunque hostes tam potenter tutatus est. Jes. lxii. 19. Hac ratione Filium Dei, uti Regem, Rex ipse David adorât. Pl. xlv. 5. *Tu ipse es Rex meus, o Deus: præcipe omnino domui salutem Jacobi.*

XXXVIII. At quantumvis illustria hæc videri possint, non nisi tenebræ sunt melioris regni, quod Oeconomiae Novi Testamenti reservavit Dominus. Cujus primordia quidem Christo adhuc vivente deprehensa sunt; sed præcipua gloria post ejus ex mortuis suscitationem demum demonstrata est. Non obstante forma servi, in diebus carnis suæ, Regiæ Majestatis radii emicuerunt. I. In Nativitate, quam exercitus cœlestes læti celebraverunt; prædicantes *natum esse Christum Dominum*. Luc. ii. 11. 13. & Magi e longinquo venerati sunt, ea offerentes, quæ Regi, aut ei qui plus quam Rex est, debentur. Mat. ii. 1. 2. II. In Vita cursu. Ea suæ dignitatis indicia, familiaribus præsertim, exhibens, quibus compellerentur dicere, ut Nathanaël: *Tu es ille Filius Dei: tu es ille Rex Israël*. Joh. i. 50. Ventis etiam, & procellis agitato mari, ea auctoritate imperans, ut qui videbant, in stuporem dati, exclamarent: *qualis est ille quod venti quoque, & mare, auscultent ei!* Mat. viii. 27. Sed tunc maxime pro Rege se gessit, quando asinæ insidens Hierosolymam proficiscebatur, plurima turba comitante, & acclamante: *Hosanna Filio David, Benedictus qui venit in nomine Domini*: ut ita fidem absolveret vaticinii, quod apud Zachariam exstat. Mat. xxi. 8. 9. III. In maxima dirissimarum perpeſſionum humilitate, quando Regem se esse professus est. Mat. xxvi. 64. Joh. xviii. 36. 37. Et pro Rege agnitus, non a latrone modo, Luc. xxi. 42. sed & a Pilato, quamvis aliud agente. Joh. xix. 19.

XXXIX. Sed luculentiora omnia fuere post Christi ex mortuis resurrectionem & ascensionem in coelos. Act. i. 36. Ubi iterum occurrunt quatuor magnæ periodi. I. In collectione Ecclesiæ ex Judæis & Gentibus per præconium Evangelii Regni. Pl. cx. 1. 2. Cui conjuncta fuit destructio Politicæ & Hierarchiæ Judaicæ, ad erectionem regni Libertatis. Huc refer Mat. xvi. 28. & xxvi. 64. Adventus in nube  
symbolum

Et in diebus  
carnis suæ.

Sed maxime  
post ascen-  
sionem in  
coelos.

symbolum est potentis & repentini in terra iudicii. Confer *Jes. xlii. 1.* II. In subjectione Regnorum mundi per Constantinum Magnum. Tunc audita est vox ea magna in coelis dicens: *Nunc facta est salus, & potentia, & regnum Dei nostri, & potestas Christi ejus &c.* Ap. *xlii. 10.* III. In destructione Regni Anti-Christi & Bestiæ, quæ inchoata per Reformationem, Ap. *xiv. 7.* & seq. consummabitur statuto tempore. Ap. *xix. 1.* IV. In gentis Judaicæ conversione, &, quæ eum comitabitur, totius Ecclesiæ gloria. Rom. *xi. 15.* *Jes. lxx. 19.* *lx. 1.* Quæ omnia finient in gloriosam Christi apparitionem ad universale Judicium. Mat: *xxv. 31.*

Regnum  
Christi  
æternum  
est.

XL. Regnum Christi, illiusque gloriam, æternam fore frequenter Scriptura asserit. Pl. *xlvi. 7.* I Chr. *xxii. 10.* coll. cum Luc. *i. 32. 33.* Dan. *ii. 44.* & *vii. 14.* Neque fieri potest ut sit aliter. Si enim Regnum aliquod finem habeat, vel ex eo id procedit, quia ipse Rex moritur vel quia hostes eum regno privant, vel quia subditi per rebellionem se ejus imperio subducunt, vel quia ipse se Regno abdicat. At nihil horum in Christo est.

XLI. Non *primum*. Nam semel mortuus ad gloriosi hujus Regni impetrationem, vivit in æternum ad illius non abrumpendam possessionem. Rom. *vi. 9. 10.* Ap. *i. 18.* Non *alterum*. Nam omnes hostes jam morte ipsius victi triumphatique, volentes nolentes fera colla iugo subdere didicerunt. Joh. *xvi. 33.* Heb. *ii. 14.* Col. *ii. 15.* Et si quid fortasse hic restet, id omne Pater sibi sumsit, ipso interim secure ad dexteram illius quiescente. Pl. *cx. 1.* Non *tertium*. Nam subditi ipsius sunt *gens iusta, conservans omnem fidem.* *Jes. cxvi. 2.* Ipse imperium in corda voluntatesque habet, eamque sui reverentiam animo indit, ut non recedant a se. Jer. *xxxiii. 40.* Si qui desciscant, ii ex fidei subditis nunquam fuere. I Joh. *ii. 19.* & tamen vel invitis iis dominabitur, *regens eos virga ferrea & tanquam vasa fictilia conterens.* Ap. *ii. 27.* Non denique *quartum*. Nam neque decreto numinis, neque promissioni Patris, neque prædictioni Scripturarum, neque fructui meritorum suorum, propriæ dignitati, tam care acquisitæ, cui electorum gloria artissimo nexu juncta est, detractum quicquam volet.

Antamen  
certo respec-  
tu finem  
habebis, &  
tradetur Pa-  
tri.

XLII. Dissimulandum tamen non est, exstare nonnulla apud Paulum quæ eo nos ducere videntur, quasi aliquando abdicaturus se regno Christus sit: imprimis I Cor. *xv. 24-28.* Qui difficilis sane locus est: in quo illustrando, & cum antedictis conciliando, plurimorum infumta est opera. Nos quoque aliquid conemur: ea methodo, ut primo exponamus quid de æterna Regis Christi, & regni illius gloria *iniquis & vitiosis* sit, cui idcirco nequaquam hic Paulus obloquatur: dein, quo tamen sensu Paulus dicat, finem fore, & regnum Deo ac Patri tradendum esse, & Filium

Filium ipsum subjectum iri ei qui subiecit ipsi omnia, ut non tam Mediator, quam Deus ipse immediate, omnia sit in omnibus.

XLIII. Certum est. I. Regnum Christi Divinum, Essentiale, Naturale, æternum esse. Dan. iv. 34. II. Humanam Christi naturam semper personaliter unitam fore cum Divinitate, eoque nomine gavissuram esse gloria quæ creaturarum omnium gloriam longissimo intervallo superet. Nam & illa quoque pro sua parte consors est nominis illius supra omne nomen, quod, in præmium antedaneæ humiliationis, Mediatori *ἐξαιρέτω ὁ Θεός*. Phil. II. 2. III. Christum semper fore caput, id est longe nobilissimum membrum Ecclesiæ, & ut tale ab Ecclesia agnoscendum, venerandum, celebrandum. Rom. VIII. 29. IV. Regnum ipsum Mediatorium æternum fore quod ad effectus suos gloriosos, tam in capite quam in membris. Quales sunt, in Christo, Divinæ Majestatis effulgentia in persona *Θεωτερόν* luculentissime splendens, cui nihil unquam decedet; in electis, plena libertas, subjugatio omnium hostium, totalis abolitio peccati, quoad reatum, dominium, reliquias, omnemque molestiam ejus sequelam, & gaudium ineffabile ex intima communione Dei resultans. Quæ in æternum agnoscentur & celebrabuntur, ut beneficia Regis Christi, & emanantia ex inhabitatione Spiritus illius qui nunquam non Christi Spiritus est. Gal. iv. 6. Atque eatenus æternum est Regnum Christi, tantumque abest ut iis rebus Paulus hic obloquatur, ut e contra ipse eas copiose docuerit.

XLIV. Attamen inficiandum non est, post novissimi judicii diem, aliam plane Regis Christi, ac Regni Mediatorii, rationem fore. Etenim I. Tunc cessabit Oeconomica Regni istius gubernatio, qualis nunc est, per ministerium Ecclesiasticum, & Auctoritatem Civilem tuendæ Ecclesiæ intervientem, quum *ut inane sustuleris omne imperium, & omnem auctoritatem & potestatem*. I Cor. xv. 24. II. Totius muneris sui Mediatorii, ut perfectissime consummati, non in iis modo quæ ad salutem impetrandam, sed & eandem universæ Ecclesiæ perfecte applicandam, pertinent, rationem Deo Patri, post novissimum judicium, Christus reddet, sistens ei Ecclesiam suam plane gloriosam, sine ruga aut macula ulloque simili defectu. Quod indicio est, nulla se parte mandato muneri defuisse. Et hæc referri potest quod dicitur, *Tradet Regnum*, id est Ecclesiam consummatam, *Deo ac Patri*. III. Ea ratione reddita, ipsa se Deitas, sine interventu Mediatoris, cujus, sublato plane peccato cum omnibus reliquiis & consequentiis, nullus amplius usus esse videtur, immediate cum beatis communicabit; eodem ferme modo quo se communicat cum Angelis: hoc solum discrimine, quod beati hanc immediatam Divinitatis communicationem Christi meritis æternum se debere grati profitebuntur. Et hoc

est quod dicitur, *ut Deus sit omnia in omnibus*. v. 28. IV. Tum etiam Christus quoad humanam naturam, sine ulla muneris Mediatorii fractione, Deo subjectus erit, sicut unus ex fratribus, in omnimoda gloria, & quidem excellentissima, sine ulla illius gloriæ imminutione qua nunc fruitur. Sicuti Filius aliquis Regis, qui a Patre, cum summa potestate, ad rebelles domandos, civesque a tyrannica quorundam usurpatione vindicandos, missus, ad libitum Patris omnibus feliciter peractis, laboriosoque imperio, cujus nullus nunc amplius usus est, defunctus, in honesto otio, aulaque Regiæ delitiis, secure vivit. Atque hoc iis verbis innui videtur: *Postquam vero subjecta ei fuerint omnia, tunc & ipse Filius subijcietur ei qui subjecit ipsi omnia*. V. Atque hactenus Regni Mediatorii, cujus functio imperfectionem aliquam in Ecclesia supponit, *finis erit*. v. 24. Qui finis adeo non cum dedecore Christi Regis conjunctus est, ut contra ad gloriam ipsius faciat. Juxta id quod dicitur: I Cor. XIII. 10. *Quum venerit perfectum, tunc quod ex parte est abolebitur*. Finis ejusmodi est

Dici non  
potest quan-  
topere me-  
ditatio no-  
minis  
CHRISTI  
ad consolati-  
onem eo-  
rum om-  
nium faciat,  
qui ipsum  
qualis quan-  
tusque est  
fide reci-  
piunt.

XLV. Magna certe Dei & Potentia, & Sapientia, & Bonitas est, quod, tribus hisce Christi muneribus; omnibus defectibus illis qui miseros nos reddunt, succurrat. Nam ignorantia & coecitati nostræ medetur, qua Propheta, reatum peccatorum nostrorum expiat, qua Sacerdos; Potentiam suam in infirmitate nostra consummat, qua Rex. Qua Propheta, viam salutis monstrat; qua Sacerdos, Salutis jus impetrat; qua Rex, Salutem ipsam donat. Qua Propheta, intellectum rerum Spiritualium Spirituali cognitione exornat; qua Sacerdos, ab omni eos immunditiæ Spiritus & carnis emaculat; qua Rex, voluntates ad sui obsequium flectit.

XLVI. Beatos ergo tanto DOCTORE sedulos Discipulos! qui maximas, admirabilissimas, salutiferas veritates, in quas cupiunt Angeli introspicere I Pet. I. 12. eos condocesecit: idque tanta perspicuitate, ut sapientiam offerat imperito, Pl. XIV. 1. 8. & comitate ac suavitate propemodum incredibili. Pl. XLV. 3. quam non sponsa solum merum amorem spirantibus verbis deprædicat: Cant. V. 16. sed & carnales homines, ipsique hostes, suo modo agnoscunt. Luc. IV. 22. Neque extrinsecus tantum auribus oculisque sublimia hæc mysteria proponit, sed & intus dat Spiritum Sapientia & revelationis per agnitionem sui, Eph. I. 17. novam coelestemque mentem alumnis suis impertit, ita ut res Divinas coelestesque in nativa ipsarum idea cernant, & veritatem cognoscant sicuti est veritas in Jesu, Eph. IV. 21. ipsique adeo mentem Christi habeant. I Cor. II. 16. Et quæ omnium suavissima atque efficacissima docendi ratio est, non videndas modo, sed & gustandas experiundasque veritates suas supremus hic Magister exhibet. Pl. XXXIV. 9. Non novit duntaxat,

non

non credit solum, sed & gustat ac sentit quandoque genuinus Christi discipulus, quid sit remissio peccatorum, & privilegium adoptionis, & familiare Dei commercium, & Spiritus pectori inhabitantis gratia, & amor Dei effusus in corde, & manna absconditum, & suavissima Jesu oscula, arthabo denique & pignus consummatæ felicitatis. Introducit sectatores suos blandissimus hic Doctor in scholam, uti in locum convivii, & *comedite, inquit, amici, bibite & inebriamini, dilecti.* Cant. v. 1. atque ita flore non Liberi Patris, sed Liberatoris Jesu, liberaliter aspersi, multo gloriores ad cœlestia contemplanda oculos aquirunt, quam Jonathan olim postquam de favo mellis gustaverat. 1 Sam. xiv. 30. Verissime ergo, uti omnia, id quoque Suprema Sapientia dixit: Prov. viii. 34. 35. 36. *Beatus homo, qui auscultat mihi &c.*

XLVII. Beatos etiam tanto PONTIFICE mœstos peccatores! qui & *misericors, & fidelis est in iis omnibus quæ apud Deum agenda sunt:* Heb. ii. 17. *unicaque oblatione in perpetuum consummavit eos qui sanctificantur.* Heb. x. 14. Ita quidem, ut reatu omni peccatorum nostrorum expiato, nulla in nobis *condemnatio* remanserit: Rom. viii. 1. adeoque *libertatem habeamus ingrediendi sacrarium per sanguinem Jesu, ea via quam dedicavit nobis recentem & vivam, per velum, hoc est, per carnem suam.* Heb. x. 19. 20. Accedit quod Pontifex iste maximus, *purificatione peccatorum nostrorum per se ipsum facta, sedeat ad dextram Majestatis Dei in locis excelsissimis,* Hebr. i. 3. ibique continuo pro nobis intercedat. Rom. viii. 34. Nostræ quidem preces tam frigidæ sæpe sunt ac languidæ, ut vix ipsi eas audiamus, nedum ut ad aures Domini exercituum pervenisse in animum inducere audeamus, nisi fortassis ad vindictam non satis reverenter habitæ Majestatis suæ. Quanto ergo solatio est, quod Pontificem habeamus, Deo proximum, qui jugiter pro nobis interpellat, & nunquam non a Patre exauditur. Joh. xi. 42. qui preces nostras aureo suo thuribulo indens, una eas cum suo suffitu, super altare aureum, quod ante thronum est, offert. Ap. viii. 3. ut in odorem bonæ fragrantiae Domino sint. vid. Hebr. iv. 14. 15. 16. Id dum facit, fieri non potest quin simul nos amplissimis suavissimisque benedictionibus suis exhilaret ac locupletet: sic ut *venientes cantemus in excelsis Sionis, & confluvimus ad bonitatem Jehovæ, sitque anima nostra similis hortu irriguo, &c.* Jer. xxxi. 12. 13. 14.

XLVIII. Beatos denique tanto REGE fideles subditos! Cujus & Leges omnes justæ, sanctæ, bonæ sunt, & exhilarantes animum. Pl. xix. 9. & tota Regiminis ratio plena justitiæ, Sapientiæ, Moderationis; & Tutela omnipotens, adeo ut nemini fas sit suorum quenquam *malis afficere, aut corrumpere in toto monte Sanctitatis suæ.* Jes. xi. 9.

XLIX. Cæterum quibus tantæ sub Christo beatitudinis confortibus esse lubet, eos oportet totum etiam Christum quantus est, in omnibus officiis

officiis suis, fide recipere. Neque enim est ut in partes secari queat. 1 Cor. 1. 13. Aut totus possidetur, aut totus amittitur. Quibus volupe non est eum pro Propheta agnoscere, cujus se disciplinæ dedant, ac pro Rege, cujus obsequantur voluntati, frustra eos ac temere in ipso ut in Sacerdote gloriari certum est. Non expiat cuiusquam peccata, qua Sacerdos, nisi quem simul instruit, qua Propheta, & ad nutum suum gubernat, qua Rex. Eisdem Discipulos, & Clientes, & Subditos habet.

## E X E R C I T A T I O X I

DE

## NOMINE CHRISTIANORUM

### B R E V I A R I U M.

1. 2. 3. 4. A Christo Christiani dicuntur, qui antiquitus Discipuli. 5. Quod non nisi dedicatus Gentium primitiis factum est. 6. Et quidem primitus Antiochia, in civitate Gentili, atque inimica prisca Ecclesia. 7. Male hoc nomine Antiochena Ecclesia ceteris se prætulit. 8. Pessimeque ad Petri, tanquam Antiochena Ecclesia Fundatoris ac Patriarcha, præminentiam hoc torquet Baronius. 9. 10. Christiani nomen quam contentum exorsumque Gentilibus, tam gloriosum fidelibus fuit. 11. Nomen Christiani maxima quævis complectitur. 12. Primo quidem omnem ferme fidelium *christi* ad Christum. 13. 14. Deinde etiam participationem unctiois Christi. 15. Quæ unctio & summam iis utilitatem adfert. 16. Et gaudium latissimum. 17. 18. Et gloriosam denique late se diffundentis odoris fragrantiam. 19. 20. Tertio Christiani nomen communionem aliquam officiorum Christi infert. 21. Quand Prophetiam extraordinariam aliquid primitivæ Ecclesia contigit. 22. Ordinaria Christianorum Prophetia, partim in discendi, partim in docendi modo consistit. 23. Nam omnes immediate a Deo docti sunt. 24. Et familiariter quandoque ad verum celestium contemplationem admittuntur. 25. Est etiam ubi visiones iis obtingunt ad antiquas propheticas aliquatenus accedentes. 26. Ea autem quæ didicerunt, docent. 27. Ore. 28. Vita. 29. Morte. 30. Sacerdotium Christianorum spirituale est. 31. Et in eo consistit, ut Deo proximi sint, ac familiariter ad eum accedant. 32. Tum etiam ut spirituales hostias offerant. 33. Denique ut in cultu divino assidui sint. 34. Christiani quoque Reges sunt. 35. Quibus inest generosus animus. 36. 37. Cum amplissimo imperio. 38. Opibus Regiis. 39. Et Majestate venerabili. 40. Concluditur eos qui Christiani nuncupari amant, eo ipso ad maxima quæque obligari.

**I** **A** CHRISTO, Magistro, Domino, Sponso, Capite, Fideles omnes CHRISTIANI dicimur; uti unctionis ipsius, ita & nominis participes.

A Christo  
Christiani  
dicuntur,  
qui antiqui-  
tus Discipu-  
li.

**II.** Originem hujus denominationis, quæ ter omnino in Sacris literis occurrit, Act. xxvi. 28. 1 Pet. iv. 16. primamque illius historiam, reperire est Act. xi. 26. *Factumque est ut annis totum congregarentur in Ecclesia, docerentque turbam multam, & DISCIPULI NOMINARENTUR PRIMUM ANTIOCHIÆ CHRISTIANI.* Ubi & antiqui simpliciorisque nominis cum recenti ac significantiore commutatio, & tempus quando, & locus ubi ea permutatio facta sit, distinctim edisseruntur.

**III.** Antiquitus fideles Discipuli dicebantur, vel absolute, vel Discipuli Domini. Act. xi. 1. Id enim Christus Apostolis in mandatis dederat ut in discipulatum suum, verbi præconio, gentes omnes cogerent. Mat. xxviii. 19. *Μαθητεύσατε πάντα τὰ ἔθνη.* Eoque universum Evangelii Ministerium comparatum erat, uti mortales ex Discipulis hominum, sive Judaicæ illi forent sive Gentilitiæ *διεθνικοί* Doctores, ex Discipulis vaserimi seductoris Satanae, ex Discipulis vesanarum cupiditatum, quæ nihil admodum boni auribus animisque instillant, Discipulos Dei Christi-que ejus faceret, Sapientiae veræ, coelestis, Divinae, studiosos atque candidatos. Cui qui sedulo operantur, iis Discipulorum nomen, quod & diligentiae, & modestiae indigamentum est, eximie competit. Eoque pacto commonescebant fideles, & ut Divina Oracula diligenter scrutarentur, & ab unius Magistri ore submisse penderent, & quantumlibet profecerint, in discendum tamen se sublelliis collocatos esse semper meminert.

**IV.** Cæterum sicuti Philosophorum sectatores a suæ singuli sectæ auctoribus denominari solent: ita etiam conveniens visum est Spiritui Sancto ut Christi Discipuli ab ipso *Christiani* imposterum vocitarentur. Nemo enim dignior est hoc maximo Prophetarum, ex quo omnis familia in celis & in terra nominetur. Eph. i. 15. Et Platonicis, & Aristotelicis, & Gamalielis Hebræi affectis, gloriosum oppido est, veteri studio sectaque abdicatis, nomen suum Christo dare, & a Christo vicissim accipere. Nam quis est Doctor, sicut ipse? Job. xxxvi. 22. Tertullianus in Apologes. Cap. l. *Quid novi, si aliqua Disciplina de Magistro cognomen- tum sectatoribus suis inducit? nome Philosophi de Auctoribus suis nancupantur Platonici, Epicurei, Pythagorici? Etiam a locis conventiculorum & stationum suorum Stoici, Academici? neque medici ab Erasistrato, & Grammatici ab Aristarcho, Coci etiam ab Apicio?*

**V.** Uti in omnibus, ita in tempore etiam ac loco hujus *ἐνοπαιδευτικῆς* admirabilem atque adorandam fest nobis exhibet summi numinis providentia. Nam tum demum Christianorum nomen fidelibus datum est, postquam Gentilium

Quod non  
nisi dedica-  
tis Gentium  
primis fa-  
ctum est.

Gentilium primitiæ, in cornelio, illiusque familia, dedicatæ erant, & Ecclesiæ constabat, *Deum etiam gentibus dedisse respicientiam ad vitam.* Act. xi. 18. postquam multus numerus Græcorum, fide Cyprii & Cyrenensibus, qui Dominum Jesum iis evangelizaverant, habita, conversus esset ad Dominum. vers. 20. 21. postquam denique Paulus ac Barnabas turbam multam, Gentilium imprimis, annum integrum docuissent: ne quicquam de supercilio sibi sumeret Judæorum natio, si sibi primum, eoque tempore quo verbum vitæ angustis gentis suæ sinibus terminabatur, augmentum hoc Christianorum nomen concessum esset. Nunc Gentibus primum datum est, vel saltem Ecclesiæ ex paucioribus Judæis pluribusque Gentilibus mixtæ, idque in civitate Gentili, ut liquidum esset universis, *Deum non respicere ad personam, sed in quavis gente acceptum ei esse quævis qui eum timeat: act. x. 34. 35. neque in Christo Jesu circumcisionem quicquam valere, aut præputium, sed novam creaturam.* Gal. vi. 15.

Et quidem  
primitus  
Antiochiæ  
in civitate  
Gentili, at-  
que inimica  
priscæ Ec-  
clesiæ.

VI. De Antiochia autem plura observanda sunt. I. Fuisse eam civitatem Gentilem, *scilicet Hierosolyma de illustri Christianorum nomine, quasi suis primum civibus dato, superbiret.* II. Fuisse Metropolim Syriæ, sedemque primariam terribilis istius Antiochi, qui in Veterem Ecclesiam nefandis stragibus grassans, illius temporis Antichristus, magnique Antichristi præcursor ac typus erat. Ita Christus Jesus in eadem urbe trophæa sua erexit, ubi Satanæ hostisque sui thronus erat: atque inde regni ac populi sui nomen exire jussit, qua patet orbis, extra anni solisque vias, unde dirissima quondam populi sui persecutio, & sanctuarii sui profanatio exorta est. III. Fuisse eo tempore civitatem maximam potentissimamque totius Asiæ, uti Alexandria Africæ, Roma Europæ: non modo ut urbis splendor magnificentiam aliquam huic *impendere* daret, sed præcipue ut inde velocius majorique compendio per orbem inclaresceret.

Male hoc  
nomine An-  
tiochena Ec-  
clesia cæte-  
ris se prætu-  
lit.

VII. Temere tamen hinc collegit Antiochena Ecclesia, primas sibi præ cæteris deberi: quod olim illi a Chrysostomo exprobratum est, Homil. vii. in Mat. ubi ita Antiochenos alloquitur: *Vos autem, si quidem aliquod de honore certamen oriatur; omni ambitione contenditis ut vel universo præsideatis orbi, illo scilicet vobis privilegio blandientes, quod hac prima civitas fidelibus Christianorum nomen imposuit.* Verum enim vero pernitiola ista Ecclesiarum ambitio est. Omnes in Christo pares sunt, *isrlaui natiui mlti.* sorores in eadem familia: neque externa civitatum pompa, vel numeri amplitudine, vel temporis antiquitate, vel beneficio aliquo singulari, alteri adversus alteram gloriari, seseve extollere fas est. Alias Hierosolymitana cæteris immensum indubie antestaret, quæ non modo omnes in universum Apostolos, sed ipsum Dominum, Doctorem Fundatoremque habuit, & in cujus conspectu plerique eorum gesta sunt, quæ maxime in Evangelio stupemus.

VIII



VIII. Frustra etiam ad Petri præminentiam trahit Baronius, quod in Antiochena Ecclesia, quam Petri sedem, quamque a Petro erectam fundatamque jactat, felicissimum Christianorum nomen inchoatum sit. omnia enim hæc de Petro, præter, imo contra Scripturam, asseruntur. Falsum est, Petrum Ecclesiam Antiochenam erexisse aut fundasse. Primi Evangelium ibi prædicarunt Discipuli Hierosolymitani qui dispersi erant persecutione orta ob Stephanum : dein Cyprii quidam & Cyrenenses : postmodum Barnabas, communi consensu Hierosolymis eo fine missus : & denique cum eo Paulus, accersitus Tarso. Act. xi. 19. 25. De Petro in 1. c. Quæ tam evidentis veritatis sunt, ut vel invito Baronio hanc extorserint confessionem, non esse a Petro Evangelium Antiochiæ primitus prædicatum. *Annal. T. 1. p. 272. juxta Editio : Antverp. An. 1612.* Quid autem est Ecclesiam fundare & erigere, nisi per prædicationem Evangelii fundamentum illud ponere quod unicum est, nempe Christus, eique fideles superstruere, ut sint domicilium Dei per Spiritum ; 1 Cor. iii. 10. 11. Eph. ii. 20. 21. 22. Sed hæc non faciunt ad granditatem Pontificiam. Aliud in animo habuit Annalium Pater. *Accipiendum est, inquit, sic a Petro fundatam dici Ecclesiam Antiochenam, quod scilicet illi a Petro præcipua dignitas sit collata, ut Orientalium maxima diceretur, & esset : Dicendumque, Petrum primum erexisse, seu instituisse sedem Patriarchalem Antiochenam. Ad quod agendum—nulla profecto incubuit necessitas ut Petrus abiret Antiochiam, cum ubicunque ageret, id sua, qua pollebat, auctoritate præstare potueris.* Sed cur id ita dicendum, accipiendum, credendum est, Baroni ? Qua Scriptura teste ? ubi Spiritus S. foundationem aut erectionem Ecclesiæ memorans intelligit constitutionem sedis Patriarchalis ? Quis Lucas, aut si quem alium nostri Actuum Apostolicorum Scriptorem videmus, asserere. Petrum ut Patriarcham Antiochiæ sedisse idoneis argumentis addicit ? Non conveniunt hæc cum simplicitate Ecclesiæ Apostolicæ. Longissime absunt a phrasi Sacro-Sancti Sp. Repugnant Historiæ Sacræ. Orta enim Antiochiæ contentione de ceremoniis, non recurritur ad Petrum ut interposita auctoritate sua patriarchali litem dirimat, quod tamen fieri debuisset : sed ad totum Apostolorum collegium res refertur, cujus consultum per delectus Antiochiam mittitur, nulla Patriarchæ mentione. Act. xv. Missa erga ficta hac Antiochenæ Ecclesiæ per Petri sedem eminentia, sufficiat nobis scire, eam a Deo electam fuisse quæ fidelibus primo Christianorum nomen daret.

IX. Nomen quam contemptum exosumque Gentilibus, tam gratum, charum, gloriosumque Fidelibus. Gentilibus Christiani erant *ἀποστολὴς ἰσχυρὸς ὄνομα* ; si cui ex iis tunica ad pompam seculi non canderet, illud de trivio passim inclamabatur : *Ἰμποστορ ἔστι* : solum nomen ad crimen sufficiebat, *Ἀδελφὸν πλείονος κλειψὶς ὀφθαλμοῖς ἐν ὀπίσθῳ αὐτοῦ ἰμπίγγεσθαι*, *ut*

*Pessimeque ad Petri, tamquam Antiochenæ Ecclesiæ Fundatoris ac Patriarchæ, præminentiam hoc torquet Baronius.*

*Christiani nomen quam contemptum exosumque Gentilibus, tam gloriosum fidelibus fuit.*

*ut*

ut bonum alicui testimonium ferentes, admiscerent nominis exprobrationem. Bonus Vir Cajus Sejus, sed tantum quod Christianus. Item alius: Ego Lucium sapientem virum repente factum Christianum, supple, miror, vel defero, aut aliquid simile. Tertullia: *Apol: Cap. III.* & Justinus *Apol. p. 156.* ὅφ' ἡμῶν τὸ ὄνομα, ὡς ἑγγύχως λαμβάνεται. Iterumque p. 144. μέντοι μετὰ τὴν ὀνομασίαν τῷ Χριστῷ. Plane sicuti Dominus prædixerat. *Mat. xxiv. 9.* Quod fuisse prosequitur *Euseb. Demonstr. Evan. Lib. III. Cap. v. p. 77. Edit. Steph. An, 1545.* Non incestus, non parricidii, non veneficii scelera atrociori poena vindicanda censebantur, quam nudum Christianismi nomen, non criminis aliquo, ut Tacitus ait, *Annal. xv.* sed odio generis humani convictum. Non sufficiebant sueta tormentorum aut mortium instrumenta, non unci, non laminæ, non gomphi, non equulei, non cruces, non metalla, non bestię, non visa pridem vivicomburiorum exempla. Nova conquirenda erant expiando nominis hujus crimini. Justo humanius videbatur, Christianos homines ad stipidem dimidii assis, vel assis, devinctos, sarmentorum ambitu exuri, idque tam frequenter, ut Sarmentitiorum & Semaxiorum exinde nomen hæreret: ignota priscis severitas exigebat, ut ubi dies defecisset in usum nocturni luminis flammarentur, tæda, papyro, & cera, tunicaque alimentis ignium illita atque intexta circumvestiti, stipite interim, qui in os emergat, per medios homines adacto. Videatur *Calvisius Ad annum LXIV.* ubi Neroniani hujus supplicii modus graphice depingitur. Et quis cuncta cruciatuum mortiumque genera enumeret, virgarum, trochlearum, furcarum, rotarum, ponderum, fartaginum, ollarum ferventium, Cyphonismi, & Scaphismi, de quibus in *Martyrologio Romano Baronius*: eorumque tormentorum quæ *Eusebius lib. v. cap. I. & lib. VIII. cap. VII. & IX. & XI. & lib. VI. cap. XXXIX.* alibique, passim, memorat? Ad tam inmanem sævitiam lassandam satis erat piaculi in innocuo Christiani nomine: sine ulteriori vel indicio vel judicio: quod Justinus, Athenagoras, Clemens Alexandrinus, Tertullianus, Hieronymus, Augustinus, alique, non minus vere quam libere conquesti sunt.

X. Usque tamen adeo invito Christianorum nomine exsultarunt fideles, ut ne mille quidem mortibus permutatum illud vellent; sed, vel rogati, vel sponte etiam, se Christianos esse, non faterentur modo, sed jactarent: etiam tum quum minus oportuna professio illa videri poterat. Christianismi rei, gaudebant: accusatio votum erat, poena felicitas. Denotati gloriabantur: accusati non defendebant: damnati agebant gratias. Et dum vel ungulæ fodiebant, vel cruces suspendebant, vel ignes lambebant, vel gladii guttura detruncabant, vel Bestię insiliebant, obfirmato animo hilarique facie Christianos se esse gloriabantur. Sanctus Lucianus, apud Chrysostomum, interrogatus, πῶς εἰ παρὰ τὸν

ἡμεῖς ἐσμὲν. φησὶ, εἰ ἕως ἐκείνου; χριστιανὸς εἶμι. τίς ἀπορίαν; ὁ δὲ  
 εἰς ἀπάντη λέγει, εἰ χριστιανὸς εἶμι. *Qua ex patria ortus es? Christianus sum,*  
*ait. Quam artem profiteris? Christianus sum. Quibus maioribus? ille vero*  
*ad omnia dicebat; Christianus sum.*

XI. Neque mirum profecto est tanti fideles hoc Christiani nomen fe- Nomen  
Christiani  
maxima  
quævis com-  
plectitur.  
 cisse; quippe quod omnem ferme ipforum ad Christum *χριστόν*, & com-  
 municationem mysticæ unctionis, & participationem officiorum com-  
 plectitur, & ad contemptum seculi, aususque humanis majores, professores  
 suos obligat. De quibus singulis enucleatius nunc nobis est agendum.

XII. Nihil usitatius esse quam ut *Discipuli a Magistro* denominentur, Et primo  
quidem om-  
nem ferme  
fidelium  
 supra vidimus. Sed & *servus* in Oriente *Dominorum* nomina aut notas  
 frontibus inultas fuisse, alibi docuimus. Non semel ad hunc morem in  
 mystica Apocalypsi alluditur. Cap. VII. 3. dicit Angelus: *ne laedite ter-  
 ran—quousque obsignaverimus servos Dei nostri in frontibus suis.* Adde Cap.  
 XIII. 16. Ipseque Dominus Jesus de suis similiter: Cap: III. 22.  
*Inscribam ei nomen Dei mei, & nomen civitatis Dei mei, id est novæ Hierusalem,*  
*quæ descendit e Cælo a Deo meo, & nomen meum novum.* Hoc est,  
 ipso facto, & communicatione amplissimæ mercedis, ostendam, me  
 eum pro fidei Patris mei servo, & Spiritualis Ecclesiæ cive, meoque pe-  
 culio, ac *סגור*, *σπίρη*, agnoscere. Tum etiam *Uxorem a Marito*  
 nuncupari non recentior solum consuetudo fert, sed & antiquissimum  
 ac primævum institutum jubet. *Vocabitur vir eo quod ex viro desum-  
 ta est.* Gen. II. 23. Denique ea *Capitis* est ac *membrorum* unio, ut no-  
 minis quoque unitate merito includatur. Omnes itaque has *σχέσεις* ac rela-  
 tiones fidelium ad Christum unicum Christianorum nomen feliciter ex-  
 ponit. Notat enim eos *Discipulos* esse Christi *Magistri*. Mat. XXIII. 8.  
*Servos Christi Domini* Joh. XIII. 13. *Sponsam Christi Sponsi.* Joh. III.  
 29. & *Uxorem Christi Mariti.* Eph. V. 25. Apoc. XIX. 7. *Membra* deni-  
 que mystici illius corporis, cujus caput Christus est. Eph. I. 22. Quam ob  
 rem cætus fidelium non *Christianus* duntaxat, sed & **CHRISTUS** dici-  
 tur, membris capiti accensitis. I Cor. XII. 12. *Sicut enim corpus*  
*unum est, & membra habet multa, omnia vero illa membra corporis, quod*  
*unum est, multa sunt, sed unum sunt corpus, ITA ET CHRISTUS.*

XIII. Præterea, quum Christianus a Christo, Christus ab unctione di- Deinde  
etiam parti-  
cipationem  
unctionis  
Christi.  
 catur, neque callum rei que vacuum id nomen in alterutro esse  
 queat, necesse est ut fideles ejusdem cum Christo unctionis consortes  
 esse significet. Et sane *uti unguentum effusum est nomen ejus.* Cant. I. 3. effu-  
 sum, non in ipsum modo, citra mensuram, liberalissime; verum ita ut  
 ab ipso in omnia mystici sui corporis membra, ad extremos usque ma-  
 nuum pedumque digitos, ac digitorum ungues, defluat; plane sic  
 ut unguentum illud optimum superfusum capiti Aaronis—descen-  
 debat

debat super barbam, imo usque ad oram vestium ejus. Pf. cxxxiii. 2. Atque hoc est quod Johannes dicit 1 Epist. ii. 20. *Vos unctionem habetis a Sancto illo profectam.* Iterumque vers. 27. *Unctio quam vos accepistis ab eo manet in vobis.* Consistit autem illa Unctio in participatione ejusdem Spiritus, 2 Cor. i. 21. 22. Porro qui nos confirmat vobiscum in Christum, & qui unxit nos, Deus est: qui etiam obsignavit nos, indiditque arrhabonem Spiritus cordibus nostris.

Quæ unctio  
& summam  
eis utilita-  
tem affert.

XIV. Cæterum hac communicatione unctionis Christi nihil Utilius, Latius, Gloriosius, contingere fidelibus potest.

XV. Uti crebra unctione pugiles olim, cæterique in gymnics ludis decertantes, nervos suos flexiles, & membra agilia, reddere conabantur: uti vulnera quondam vino & oleo, felicius fortasse quam nunc operosæ Chirurgices ambagibus, curari solebant: Luc. x. 24. uti denique in primitiva Ecclesia ægroti multi oleo inuncti sanabantur. Marc. vi. 13. Jac. v. 14. 15. Quo modo & Severum, Antonini patrem, per Proculum Christianum a valetudine remediatum esse, Tertullianus asserit ad Scapulam, Cap. iv. In quem locum vide observationes de la Cerda. Imo, si Hieronymo, in vita Hilarionis, credere fas sit, mortui quandoque resuscitabantur. Ita etiam mystici olei, sive Spiritus Christi, participatione, mortui excitamur, Joh. vi. 63. (est enim Spiritus vitæ Rom. viii. 2.) ægri sanamur. Pf. ciii. 3. 4. vulnera conscientis nostris a peccatis inflicta curantur. Pf. li. 10. 14. accingimur etiam robore, & disponuntur pedes nostri sicut cervarum. Pf. xviii. 33. 34. adeo ut manus remissas & genua soluta surrigere, rectasque orbitas pedibus nostris facere valeamus. Heb. xii. 12. 13. Sicut in Christo capite, ita etiam in fidelibus membris, unctio Spiritus & Potentia junguntur. Act. x. 38. Gal. iii. 5. Et qui possit aliter? Nam Spiritus quo inungimur Virtus Altissimi est. Luc. i. 35. & Virtus ex alto. Luc. xxiv. 49.

Et gaudium  
hæcissimum;

XVI. Sed & ex eadem unctione lætitia, animique in Dei gratia gestientis alacritas oritur. Naturalis hæc olei virtus est, ut nitere faciat cutem faciei. Pf. civ. 15. Et delibutio unguenti hilaritatis symbolum antiquis erat. Eccl. ix. 8. Proinde Auctor suis Jesus est ut ad tetricitatem jejunii dissimulandam caput oleo inungant. Mat. vi. 17. Nihil autem tanta exhilarandi virtute pollet, quanta amoris Dei in corde per Spiritum S. effusio, qui propterea oleum lætitiae nuncupatur. Pf. xlv. 8. De eo prolixè sibi gratulabatur Psalter Pf. xxi. 5. *Delibutum reddis unguento caput meum.* Hinc gaudium tam exuberans, ut ne lethalis quidem umbræ vallis, aut terrorem incutere, aut lætitiam animo expectorare valeat. Atque hæc vera ratio est cur Christiani sævissima quævis tormenta incredibili, non dico constantia, sed alacritate, gestientes, cantantesque subierint, sustinuerint, vicerint: quia nimirum hujus unctionis, a qua

invidio-

invidiosum illud nomen, cruciatuum suorum causam, fortiti erant, suavissimo odore, pollentissimaque fragrantia, supra quam dici aut cogitari potest, refocillabantur. Huc sacrum illud Sponsæ carmen pertinet: Cant. 1. 2. לְרִיחַ שֶׁמֶן טוֹבִים. *Ad odorem bona sunt unguenta tua, — idcirco puella diligit te.*

XVII. Accedit etiam fidelibus eximium decus & gloria, ex fragrantia unctionis hujus quaquaversum sese diffundentis conf. Joh. xii. 3. Non contemnenda olim Regiæ magnificentiae pars erat quod quaqua grade-<sup>Et gloriosam denique late se diffundentis odoris fragrantiam.</sup>rentur latum lætumque de se odorem spargerent. Ps. xlv. 9. Profusus admodum hac in parte Antiochus Epiphanes erat, cui quum e populo qui dam dixisset, Beatus es, o Rex, qui adeo bene oles; ast ego, inquit, hac in re continuo tibi fatisciam, & perquam satum reddam; quo dicto, bicongium vas pretiosissimi plenum unguenti super illius caput infundi iussit: ex quo vehemens adeo odoris fragrantia est exorta ut plerosque à foro ipso, & longinquis etiam urbis partibus excitos ad eum statim locum contraxerit. Refert hoc ex *Polybii lib. xxvi. Athenæus. lib. x. pag. mihi 438. confer eandem Athen. Lib. v. p. 194.* Cæterum suæ communicatione unctionis majora fidelibus præstat Christus: efficitque ut odoris sui fragrantiam per universum mundum sparserint, atque infinitam hominum multitudinem, sedibus suis longe lateque excitam, ad Christianismi non admirationem modo, sed & amorem, & susceptionem ac confessionem, sermonum suorum suavitate, & vitæ infucata probitate pellexerint. Imo vero nedum hominibus, ipsi Deo, *odor vestimentorum* ipsorum, quæ ex palatiis Christi eburneis habent, *est sicut odor agri cui benedixit Jehova.* Gen. xxvii. 27.

XVIII. Lepida nuper fabella totum pervagata Orientem in Europæis auribus fessa confedit. Narrant Ao. c l o c l v. mense Octobri, Maronitas quosdam Pastores, dum capras in montibus Nebo & Abarim pascebant, frequenter observasse, quasdam capras duobus tribusve diebus longius a grege exspatiari & abesse, reduces autem pilis admodum suaviter odoris fuisse. Visum pastoribus scrutari rem tam miram. Ducibus ergo capris ad præcipitia immanis profunditatis pervenerunt, intra quæ invenerunt vallem, brevi circuitu, amoenissimam, in quam difficilimus per rupes, terræ motu, ut videbatur, hinc inde convulsas, descensus erat. Ibi reperta cavea suavissimi odoris, & in ejus medio sepulchrum ex vivo saxo, literis quibusdam inscriptum. Ipsi pastores cum stupore egressi late odorem de se, sordidisque cætera vestimentis, spargebant, & rei novitate commoti, Patriarchæ Maronitarum in monte Libano, cuncta quæ viderant, quæ repperant, nunciarunt. Fidem faciebat, inusitata suavitatis odor. Proinde missis eo duobus sacerdotibus, monumentum reppererunt, cui literis Hebraicis inscriptum erat, MOSES SERVUS

**DOMINI**: falsoque sibi gaudio persuaserunt, invenisse se Mosis Prophetæ sepulchrum, tanto opere ab Numine occultatum. Vide *Hornii Histor. Eccl. p. 262.* Fabulis quidem ista quam veritati propiora esse videntur. At qui de Mosis sepulchro spirare frustra creditus fuit odor, is re vera spirat de sepulchro Christi. Eum sectantur omnes oves ipsius: & copiosum adeo inveniunt, ut ipse a sepulchro Christi redeunt, id est, meritis mortis ipsius locupletatæ, & hominibus, & Deo sint bona fragrantia Christi. 2 Cor. 11. 15.

Tertio Christiani nomen communionem aliquam officiorum Christi infert.

**XIX.** Porro sicuti Christus unctione sua trino initiatus est muneri, Prophetico, Sacerdotali, Regio; ita & qui ab ipso Christiani denominantur, suo quodam modo *Prophetæ, Sacerdotes, Reges* sunt. Suo quodam modo, dico. Nam certe alius plane generis atque ordinis hæc Christianorum officia ab officiis Christi sunt. In quibus quum tota ipsius functio Mediatoria consistat, non magis ea cum aliis communicari possunt quam ipsa Mediatio. Sed nostra illa nomina tenuem quidem, uti par est, tantam tamen quanta nobis ad gloriam ac salutem sufficit, analogiam cum Christi muneribus habent. *Prophetas* factos esse fideles, colligimus ex Joëlis 11. 28. 29. *Eritque postea ut effundam Spiritum meum super omnem carnem, & prophetabunt filii vestri & filia vestra &c.* De qua promissione Petrus Act. 11. 39. *Vobis enim facta est promissio, & liberis vestris, & omnibus longe post futuris, quoscumque videlicet advocaveris Dominus Deus noster.* Eisdem quoque *Sacerdotes & Reges* esse, liquet ex 1 Pet. 14. 9. *Vos autem estis Regale Sacerdotium.* & Ap. 1. 6. *Fecit nos Reges & Sacerdotes Deo & Patri suo.*

**XX.** Prophetia fidelium, a publico & antecessorio docendi munere distincta, vel extraordinaria fuit, quorundam, in Ecclesia primitiva; vel ordinaria, communis, omniumque temporum est.

Quod Prophetiam extraordinarium aliquid primitive Ecclesie contigit.

**XXI.** Extraordinarium erat, quod de plebe fideles, non destinati muneri alicui Ecclesiastico, & innuptæ virgines, tanta Spiritus ubertate perfundebantur, ut repente de Divinis rebus cum stupore audientium differerent, ignotas sibi nuper linguas loquerentur, & futura a Deo edocti prædicerent. Cujus rei testimonia atque exempla habemus. Act. x. 44. 46. & XIX. 6. & XXI. 9. 1 Cor. XII. 9. 10. & XIV. 26. & alibi. Ita Deo placuit fidem adstruere Evangelio: quod ubi confirmatum satis erat, ad *ἀπαλογησίν* Judæorum; & convictionem gentilium, librisque *διακρίσεις* copiose ac luculenter expositum, paullatim insolentiores illæ Spiritus operationes, tam in doctoribus, quam in gregariis fidelibus, cessaverunt. Quo autem præcise tempore desitæ sint, definire ego quidem non ausim. Melitonis, Methodii, Gregorii Neocæsariensis, qui Thaumaturgus dictus est, prophetias, veteres cum elogiis prædicant: quas vel mendaciter a Viris Sanctis fictas, vel atrabiliarias, nedum diabo-

diabolicas fuisse, difficile suspicatu, durum dictu est. Probare tamen non possum *Basilii & Gregorii Nysseni* *ὁμολογίας*. quorum ille *libro de Spir. Sancti: Cap. XXIX.* hic *in vita Gregorii Thaumaturgi*, eundem illi Spiritum tribuunt quem Apostolis & Prophetis, imo Mosi ferme parem faciunt. Hoc constat, Propheticum eum Spiritum nunc cessare. Nam quæ de futura Ecclesiæ per Lutherum aliosque Dei viros reformatione vaticinia magno numero collegit *Micraëlius Histor. Eccles. Lib. III. Sect. II.* & *Johannes Gerbardi, Loco de Ecclesia, Paragr. 292.* ea partim pia vota sunt, partim probabiles conjecturæ; uti in summa morum corruptione meliora tempora ominari solemus, partim Apocalypsios Sacræ ad ea tempora applicationem continent, partim etiam sublestæ fidei sunt. Et quas nuper magno ambitu Ecclesiis obtrusit Comenius prophetias, eæ quam varæ sint erudita dissertatione demonstravit Venerandus Collega noster ARNOLDUS. Quicquid autem Spiritus Dei, cui metam ponere nostrum non est, huic vel illi de specialibus quibusdam futuris revelet; nobis sufficit Scriptura *ἰσχυρός*. *Ad Legem & Testimonium.* Vide fodes eruditissimam *Voëtii* disputationem de *Prophetia & Prophetis*: quæ in Tomo II. invenitur. De *Ufferii* prophetiis nonnulla satis notabilia memorat *Richardus Parr* in *Vita Magni illius Primatis*, edita Londini Ao. 1686. Quibus addi possunt exempla non absimilia ministrorum quorundam Scotorum, narrata a *Flaminio*, viro pio & erudito, in *Tractatu Anglico*, cui titulum fecit *de Complemento Scripturarum*. p. 353. & seq. & 392.

XXII. Ea ergo expendamus quæ *ordinaria*, Christianis cunctis communia, omniumque temporum sunt. Sicuti in prophetia veterum hæc duo concurrebant; quod ipsi a Deo immediato influxu *edocuebantur*, atque ita edocti alios *docebant*: ita etiam in prophetia fidelium eadem hæc observanda sunt.

Ordinaria }  
Christianorum prophetia partim in dicendi partim in docendi modo consistit.

XXIII. Christiani omnes sunt *ἰσχυροὶ*, & *Spiritu*, ut *Tertullianus* ait, *Divino inundati*. *Jes. LIV. 13.* *Joh. VI. 46.* *Habent unctionem a Sancto illo profectam, & norunt omnia: neque necesse habent ut quisquam alius eos doceat: quoniam eadem unctio doceat eos de omnibus.* *I Joh. II. 20. 27.* *Deus Domini nostri Jesu Christi: Pater ille gloria, dat illis Spiritum sapientia & revelationis per agnitionem ipsius, illuminatos oculos mentis eorum.* *Eph. I. 17. 18.* Licet enim intercedat externum hominum ministerium, invalidum tamen illud est, nisi accesserit interna & immediata Spiritus revelatio. *Act. XVI. 14.* Quæ singulis quidem juxta mensuram Divinæ gratiæ; omnibus tamen sufficienti sua portione conceditur. Nemo enim potest dicere *Jesum Dominum nisi per Spiritum Sanctum.* *I Cor.*

Nam omnes immeditate a Deo edocti sunt.

XII. 3.

XXIV. Universali huic eorum quæ credenda sunt revelationi accedit

Et familiariter quando-

que ad re-  
rum cœle-  
stium con-  
templatio-  
nem admiit-  
tuntur.

Est etiam  
ubi visiones  
iis obtin-  
gunt ad an-  
tiquas pro-  
pheticas ali-  
quatenus ac-  
cedentes.

Ea autem  
quæ didice-  
rant, do-  
cent.

Ore.

quandoque specialior & familiarior D. Jesu ad animam manifestatio, quando eam veluti manu prehensam in penetralia sua introducit, Cant. 1. 4. levatoque sipario & diductis cœlorum cortinis, ea quæ intra velum sunt, ipsas nimirum cœli delicias, ac futuræ vitæ gaudia, menti contemplanda, animoque prælibanda exhibet. Quod amantibus sese pollicitus est. Joh. XIV. 21. *Ego diligam eum, & ei conspiciendum præbebo me ipsum.*

XXV. Contigit etiam quandoque ut Spiritus Dei in ipsa phantasia fidelium, sive vigilantium, sive dormientium, lucidissimas rerum cœlestium imagines depingat, ita quidem ut eas non mente tantum percipere, sed & oculis coram cernere videantur, ferme sicuti Prophetis antiquitus suæ obtingebant visiones. Frequenter id ægris ac moribundis accidere, historiæ de vita ac morte piorum, & diligens ægrorum visitatio evincunt. Exempla habemus in Olympia Fulvia Morata, erudita ac celebri suo tempore foemina, de qua Celeberrimus Voëtius Disput. Select. Tom. II. p. 691. Caspare Oleviano, apud Melchiorem Adami in ejus Vita. Johanne Hollando, de quo Boltonus, & ex eo Hoornbeeckius de desertione spiritali Cap. III. Wenceslao Budowicio, & Casparo Kaplin, Nobilibus Bohemis, apud Latum in Histor. pag. mihi 528. aliisque sine numero. Visiones aliquot Martyrum in Africa, ex epistola a Confessoribus & carcere scripta, narrat Baronius Tom. II. ad Annum CCLXII. Num. VII. & seq. iterumque Num. XXVI. XXVII. XXVIII. rursus. XLIV—XLVI. Quæ internæ atque immediatæ revelationes tales sane sunt, ut eo nomine Prophetis accenferi Christiani queant.

XXVI. Ad prophetiam quoque Christianorum pertinet ea docere, quæ a Deo didicerunt. 1 Pet. II. 9. *Ut virtutes prædicetis illius qui vos vocavit e tenebris ad admirabilem suam lucem.* Jes. XLIII. 21. *Populus quem formavi mihi, laudem meam enarrabunt.* Hoc faciunt ORE, VITA, MORTE.

XXVII. ORE. 1. Confessione nominis Christi. 2 Cor. IV. 13. Rom. X. 10. Mat. X. 32. Confer Exerc. III. Thef. 39. II. Piis sanctisque de communi salute colloquiis, & collationibus, cum domesticis, notis, quibuscunque, pro re nata. Eph. IV. 29. & VI. 4. Phil. II. 16. III. Cantu sacrorum hymnorum. Eph. V. 19. Col. III. 16. Quod qui facit is prophetare dicitur. 1 Sam. X. 5. XIX. 24. 25. 1 Chr. XXV. 1. 2. 5. Insigne testimonium est quod sui temporis locique Christianis Hieronymus dat, ad Marcellam scribens, quum eam ad rus Bethlemiticum invitaret. Quocunque, inquit, te verteris arator sive tenens Alleluja decantat; sudans messor Psalmis se advocat; & curva attondens vites falce vinitor, aliquid Davidicum canit: hæc sunt in hac provincia carmina, hæc, ut vulgo dicitur, amatoria cantiones. Meritoque ad honorem majorum nostrorum trahimus, quod ad eorundem opprobrium maledicus Jesuita

Strada



*Strada scripsit Decad. I. Lib. III. Deserta a Catholicis ea (Maroti nimirum & Bezæ) hymnorum translatio atque damnata, mansit obfirmato studio apud hæreticos: mosque canendi Psalmos Gallica lingua, ad modos Genevatum, in ætibus, in triviis, in officinis, propria exinde nota hæreticorum fuit. Ita Papiſtæ inde hæreticos dignoscunt, unde antiqui Christianos,*

XXVIII. Sed & VITA docent vere Christiani, exemplari nimirum fan- Vita  
tate, qua mundi in pravo jacentis malitia arguitur, veræ virtutis decus vel invitis ferme oculis ingeritur, & generosi istius Spiritus qui Christianos agitat mirabiles effectus pateſcunt, ad aliorum convictionem, Dei-  
que gloriam. Mat. v. 16. Phil. II. 16. 1 Pet. II: 11. & III. 1. Pul-  
chre *Tertull. de Pallio, Cap. VI. Etsi eloquium quiescat, aut infantia subdu-  
ctum, aut verecundia retentum (nam & elingui philosophia contenta est) ipse habi-  
tus sonat — De occurſu meo vitia suffundo.*

XXIX. MORTE denique prophetiam suam consummant Christiani, Morte  
ii imprimis qui ad Martyrium a Deo vocantur. Incredibile dictum est  
quam libere, apposite, copiose, constanter, coram Principibus, Regibus,  
Imperatoribus, callidisque sophistis, religionis Christianæ veritatem asse-  
ruerint, Viri, Mulieres; Senes, Juvenes; Pueri etiam innuptæque puel-  
læ; quam animose pro eadem dirissimas mortes subierint, sub virgis,  
sub gladio, in rotis actrochleis, in mediis flammis: in crateribus can-  
dentibus, abscissa etiam nonnunquam lingua, quo illustrius foret mira-  
culum, Christum confitentes laudantesque. Non omnes Christiani ad  
martyrium vocantur, omnes tamen quando vocantur præsto esse debent.  
Aliud est animo deesse martyrium, quod plurimis Christianis contin-  
git; aliud animum deesse martyrio, quod nulli Christiano decorum est.  
Omnes obligat dictum Domini: Ap. II. 10. *Fidelis esto usque ad mortem.*  
Item Luc. XIV. 23. *Si quis venit ad me: & non odit patrem suum & ma-  
trem — atque adeo etiam animam (id est vitam) suam, non potest meus esse  
discipulus.* Sciendum tamen quod, juxta gratiosam numinis æstimatione-  
nem, semper Deo mancipata devotio in dicatis hominibus pro martyrio deputetur:  
uti Pontianus loquitur in Vita Cypriani.

XXX. Prophetiæ Christianorum junctum est Sacerdotium. Sacerdotium  
Christianorum  
Spiri-  
tuale est.  
Jes. LXI. 6. *Vos vero Sacerdotes Jeb. v. 2 vocabimini.* Quod Sacerdotium  
non in eo situm est, ut brutas Deo pecudes immolent, uti V. T. sa-  
cerdotes faciebant. Nam postquam Christus remissionem peccatorum  
nostrorum impetravit, non est amplius oblatio pro peccato. Heb. x. 18. Ne-  
que in eo, ut hostiam incruentam, ipsumque adeo Christum, sub spe-  
ciebus panis & vini, ad expianda tam mortuorum quam viventium  
peccata, Patri quotidie offerant, uti impie Pontificiorum sacrificuli con-  
tendunt. Nam Christus semel in consummatione seculorum, ad pecca-  
tam per immolationem sui ipsius e medio tollendam, factus est manifestus.  
Heb.

Heb. ix. 26. *unicaque ille oblatione in perpetuum consummavit eos qui sanctificantur.* Heb. x. 14. *Sed totum illud Sacerdotium Spirituale est, ad offerendum Spirituales hostias, acceptas Deo per Jesum Christum.* 1 Pet. ii. 5.

Et in eo  
consistit, ut  
Deo proxi-  
mi sint, ac  
familiariter,  
ad eum ac-  
cedant.

XXXI. Sacerdotium Christianorum in eo consistit, ut Deo proximi sint, libertatemque habeant familiariter ad eum accedendi. Vox Hebræa כהן *Cohen*, *Sacerdos*, significat proprie ministrum qui Regi proximus, & ab intimis consiliis est. Ita Hira Jairites *Cohen Davidis* dicitur. 1 Sam. xx. 26. quod Kimchius explicat עבדו ובעל עצתו, *Servus & consiliarius ejus, cui præ cæteris attendebat.* Et Davidis filii *Cohanim* vocantur, 2 Sam. viii. 18. id est, uti exponitur 1 Chr. xviii. 17. הראשונים ליד המלך. *primarii ad manum Regis.* Similiter & 2 Reg. x. 11. & omnes magnates ejus וידיעיו וכהניו & *necessarios & Cohanaiv* id est, *intima admissionis amicos ejus.* Porro Deus Rex coeli, omniumque dominantium dominus est. Is suos etiam *Cohanim*, sive *Sacerdotes*, habet. Ii jus habent accedendi ad ipsum. Exod. xix. 22. & sunt קרוביו, *appropinquantibus ad eum*, sive *propinqui ejus*, Lev. x. 3. & vocantur *Principes Sanctuarii.* Jef. xliii. 28. Tales autem omnes Christiani sunt, amici ac familiares Regis coelorum, qui libertatem habent ingrediendi sacrarium, per sanguinem Jesu, ea via quam dedicavit iis recentem & vivam. Heb. x. 19. 20.

Tum etiam  
ut spiritua-  
les hostias  
offerant.

XXXII. Deinde pars etiam Sacerdotii Christianorum & præcipua quidem in eo est, ut omne genus spiritualia sacrificia Deo sancte offerant. In honorem ipsius veterem hominem mactantes, mortificatione terrestrium membrorum suorum. Col. iii. 5. *Dedicantes ei מנרת* *munus eleemosynarum.* Heb. xiii. 16. Et *Suffragium precum.* Ap. viii. 3. 4. Et תורה, *sacrificium laudis*, id est, *fructum laborum consentientium nomen ejus.* Heb. xiii. 15. *Eucharisticum* denique corporis & animæ. Rom. xiii. 1. *parati etiam, ubi res ita fert, offerri pro libamento super sacrificio & ministerio fidei Fratrum.* Phil. ii. 17. 2 Tim. iv. 6. Non ineleganter Christiani, qua Sacerdotis, ideam his verbis Tertullianus descripsit: *Apol. cap. xxx. Famulus ejus qui eum solum observo, qui propter disciplinam ejus occidit, qui ei offero opimam & majorem hostiam quam ipse mandavit, orationem de carne pudica, de anima innocenti, de Spiritu Sancto profectam. Non grana thuris unius assis, Arabica arboris lacrymas, nec duas myrrha guttas, nec sanguinem reprobis bovis mori optantis, & post omnia inquinamenta etiam conscientiam spurcam.* Quibus gemina habet *Euseb. Demonstr. Evang. lib. i. p. 21. iterumque p. 27. ad finem lib. i.*

Denique ut  
in cultu Di-  
vine assidue  
sint.

XXXIII. Porro quum Sacerdotum sit in iis esse quæ apud Deum agenda sunt, Heb. v. 1. & in omni opere Sancti Sanctorum; 1 Chr. vi. 49. & consequenter perstare in domo Jehovah singulis noctibus: Ps. cxxxiv. 1. meminerint Christiani ad sacerdotium quoque suum pertinere, ut sint eminentes in opere

*opere Domini semper.* 1 Cor. xv. 58. frequentes in sanctuario ejus, ut affluant Divino cultui. Heb. x. 25. ipsa etiam ædium suarum conclavia, intimosque animæ recessus, in Augustum Deo templum consecrantes, ubi jugia ei devotionis officia præstentur.

XXXIV. Noluit Deus in prisco Israël Sacerdotalem Tiam Regium-que Diadema eodem capite portari: dum ita dignitates has partitus est, ut illa Leviticæ tribui cederet, hæc Judæ. Utramque tamen in novo Israël combinat. De cujus enim Sacerdotio mox egimus, eidem dicitur Jel. LXII. 3. *Eris coronata ornatu manu Jehovæ, & cidari Regia manu Dei tui.* Christiani quoque Reges sunt.

XXXV. Inest autem spiritualibus hisce Regibus Generosus admodum animus, רוח נריב, *Spiritus ingenuitatis* Ps. II. 14. רוח יתיר, *Spiritus excellens.* Dan. v. 12. & VI. 4. quo nomine non modo equitio juncto curribus Pharonis, Cant. I. 9. sed & Equo Divina Majestatis in prælio comparantur. Zach. x. 3. Porro facit hic generosus Spiritus, ut invisibilia, cœlestia, æterna bona in oculis & animo habentes, 2 Cor. IV. 18. reliqua quæ cæteri mortales stupent, pro crepundiis, rebus nihili, imo stercore ac damno, reputent: Phil. III. 7. 8. atque ipsas adeo Regiæ aulæ delicias ac pompam vilia habeant præ opprobrio Christi. Heb. XI. 26. Stimulat etiam eos sancta quædam φιλοτιμία 2 Cor. v. 9. ut præstare cæteris hominibus nitantur. Prov. XII. 15. tantumque iis præcellere, opibus mysticæ sapientiæ, decore spiritualis gratiæ, eminentia virtutum Christianarum, atque omnibus denique iis in quibus præstantia aliqua sita est, quantum Reges antecellunt suos subditos. Quippe qui id agunt ut non hominibus solum, sed & cœlestibus Angelis, imo ipsi Deo ac Christo, admirationi sint. Cant. VII. 1. Omnia tamen procul ostentatione & superbia: nam, ut præclare Basilii Seleuciensis, Sermone in ea Domini verba, *Nisi conversi fueritis & efficiamini sicut parvuli,* γέννηται ὡς βρέφος ἀνθρώπος τῆς ταπεινότητος ἢ δούλου, *Vis humilitatis mensura incrementi est.* Eam quoque dignitatis suæ æstimationem Regius iste Spiritus fidelibus ingenerat, ut mille mortes oppetere malint, quam quicquam committere quod probrosum nobilissimæ conditioni suæ sit, cujus rei in Nehemia cap. VI. 11. Danielis locis, Dan. III. 16. — & infinitis martyrum myriadibus, tam Maccabaicis temporibus, quam postea, luculenta admodum exempla habemus.

XXXVI. Cæterum quid Rex esset sine regno atque imperio? Id ergo, & quidem amplissimum, Christiani omnes habent, sive dites sint, sive pauperes, sive ingenui, sive servilis in seculo conditionis. Imperant autem I Toti mundo, cujus inveteratas, sed pravæ consuetudines, quibus & generosissimi quique de seculo mancipati, & ceu ridiculi moriones, exiguo stramine, valide tamen, ligati sunt, magno animo spernunt, rejiciunt, conculcant, non ferentes se

*sub ullius rei redigi potestatem.* I. Cor. VI. 12. *Quicquid ex Deo natum est vincit mundum.* I Joh. V. 4. II. *Peccatis & concupiscentiis carnis, quibus Reges ipsi timendique tyranni miserum in modum & abjecte oppido serviunt.* Rom. VI. 14. *Licet enim legio hæc audacissimorum hostium tanto quandoque impetu in Christianos irruat, ut prostrati ferme videantur, redit tamen, jacentibus etiam, in præcordia virtus, de genubus pugnam instaurant, & quos prælio propemodum victos dixisses, ii bello se plus quam victores esse demonstrant.* Rom. VIII. 37. III. *Ipsi Satana, quem Deus pacis conculcat sub pedibus ipsorum.* Rom. XVI. 20. Ap. XII. 11. *Cujus rei indicium præcis temporibus erat, quod ad jussu Christianorum Diaboli inviti ringentesque obsessorum corporibus excederent: juxta promissionem Domini.* Mar. XVI. 17. *Eos autem qui crediderint hæc signa sequentur: demonia ejicient &c.* quam virtutem, Justini, Irenæi, Tertulliani, Origenis ævo, cum stupore Gentilium, Christianos passim exercuisse, ex disertis eorum testimoniis probavit Grotius, in *notis ad d. Iam Marcii locum.* Adde Euseb: adversus Hieroclem. *Ἐπὶ τοῖς τοῖς τῆς ἐκείνου δυνάμεως τῆς ἀρετῆς ἐπιδείκνυνται, μαχηρὲς ἰσας καὶ φαῖλος δαίμονας, ψυχὰς ἀνθρώπων καὶ σώματα ἰσχυρῶς, ἀπαλαίνον διὰ μίτης τῆς ἀρετῆς προσηγορίας αὐτῶν. αὐτὴ πῖστα καταλέγουσιν.*

XXXVII. Ita-quidem cum Christo capite in medio hostium suorum dominantur. Pf. CX. 2. *Erectum interim in anima ipsorum est beatum justitiæ ac pacis regnum, ubi Spiritus Christi sceptrum tenet, Caritas pro lege est, omnesque tam animæ quam corporis facultates sponte se Spiritui submitunt: unde incredibilis animi tranquillitas ac lætitia oritur. Atque hoc est regnum illud Christianorum quod Paulus describit:* Rom: XIV. 17. *Regnum Dei est justitia, & pax, & gaudium per Spiritum Sanctum.*

Opibus Regiis;

XXXVIII. Imperio huic adsunt Regiæ opes ac Regia Majestas. Opes, non seculares, sed coelestes, ac spirituales. Nam *pauperes hujus mundi elegit Deus, ut fierent divites fide & hæredes regni.* Jac. II. 5. *Opes Christianorum sunt Dei verbum in sanctiore animi ærario reconditum.* Pf. CXIX. 72. Job. XXIII. 12. *Et sapientia ex verbo illo hausta.* Job. XXVII. 15. Prov. III. 14. 15. *Et gratiæ Divinæ ubertas, cujus vel minima guttula totius universi auro contra non chara est. Et denique quæ eos manet beatitudinis coelestis affluentia, cujus in hoc seculo primitiis fruuntur.* Pf. XXXI. 20. *Theauris istis incumbentes Regum æquant opes animo.* Καὶ τὸ τοῦ γένους βασιλείου ἔσχατον.

Et Majestate venerabili.

XXXIX. Opes comitatur Majestas, & Dignitas qua venerabiles & Sacrosancti sunt, tam apud Deum quam homines. Deus enim non patitur eos injuria impune a quoquam affici, etiam reprehendit propter eos Reges, ne attingitote (inquiens) sanctos meos. Pf. CV. 14. 15. Magnifi-

ca admodum Dei apud Jesaïam verba sunt, cap. XLIII. 4. *Ex quo pretiosus visus es in oculis meis honoratus fuisti, quia ego dilexi te, & subjeci homines tibi & nationes desiderio tuo.* Facitque idem Deus, ut amicis pariter ac inimicis venerabiles sint. De amicis hoc exstat testimonium, quo nihil in hoc genere dici potuit gloriosius: Jes. XLIX. 23. *Et erant Reges nutritii tui, & feminae principes eorum nutrices tuas, vultu in terram demisso incurvabunt se habentes honorem tibi, pulveremque pedum tuorum lingent: ut experiaris me esse Jehovahi, nec erubescere eos qui expectant me.* De inimicis consimiliter Jes. LX. 14. *Et adibunt te demisse filii affligentium te, & incurvabunt se ad plantas pedum tuorum quicumque spernebant te, &c:* Adde Ap. III. 9.

XL. Et iis quæ fuscè hactenus disputata sunt, liquido constat, illustre admodum CHRISTIANORUM nomen esse, si ut par est, in omni significationis suæ latitudine sumatur. Et uti eximiae consolationis materia iis omnibus est, quos, non justo liberalior hominum indulgentia, sed ipsius Dei os novo isthoc nomine diserte nuncupavit. Jes. LXII. 2. ita etiam ad maxima quæque facinora, ad exactissimam ac Divinæ propemodum similem sanctionem obligatos se esse sciant, quicumque augusto hoc nomine gloriantur: ne professio vitæ non respondens & certam & gravissimam pariter condemnationem inducat. O quam sancte Chrysostomus! in Job. XIV. *Ὅσα μὲν ἔστιν ἡ ζωὴ τοῦ ἀνθρώπου, τόσα καὶ ἡ κρίσις αὐτοῦ ἐν τῷ ὀφείλει.* Quo major est bonus quo nos dignatus est Deus, eo majoris virtutis sumus debitores. Neque minus eleganter Ambrosius, *Quod sumus professione, actione potius quam nomine demonstremus; ut nomen congruat actioni, actio respondeat nomini: NE SIT NOMEN INANE, ET CRIMEN IMMANE.* Concludimus aureis Augustini verbis, *De vita Christiana: Non in hoc nobis nomine tantum, quod Christiani sumus, blandiamur, sed propter hoc & nos judicandos credamus, si nomen nobis frustra vendicemus alienum.* Vide sis Gregorium Nyssenum *de perfecta hominis Christiani forma.*

Concluditur, eos qui Christiani nuncupari amant, eo ipso ad maxima quæque obligari.

## EXERCITATIO XII.

DE

## JESU CHRISTO FILIO DEI UNIGENITO.

## BREVARIUM.

1. 2. In mysterio Dei, & Patriæ, ac Christi, omnes thesauri sapientiæ reconditi sunt. 3. 4. 5. Christus Dei Filius est, in omni istius nominis excellentia. 6. 7. Et quidem ex Deo genitus. 8. Idque ab æterno. 9. Triplex Messias egressus. 10. Christus proprius Dei Filius, & Patri idcirco aequalis est. 11. Nomen Dei

*Dei est in medio illius. 12. Et quia faciem Dei in se contemplandam exhibet, Angelus faciei ejus nuncupatur. 13. Imo & ipsa Dei facies, & Temuna, imago. 14. 15. Et emphatice admodum resplendescencia gloria, & character hypostaseos ejus. 16. 17. Paulus hoc dicto ad quædam V. T. oracula alludit. 18. Christus Unigenitus Dei Filius est. 19. 20. 21. 22. Socini impia tergiversatio. 23. 34. 25. 26. 27. Præcis hujus Articuli.*

In mysterio I.  
Dei, & Pa-  
tris, ac Chri-  
sti, omnes  
thesauri sa-  
pientie re-  
conditi  
sunt.

**Q**uiscunque ad æternam animæ suæ salutem anhelat, eum summa ope niti decet, ut in omni opulentia plene certiorata intelligentia consequatur cognitionem mysterii Dei ac Patris & Christi: in quo sunt omnes thesauri sapientiæ ac notitiæ absconditi. Col. 11. 2. 3. Nimirum est Deus in mundo, per quem mundus est: ex quo, & ad quem nos sumus: I Cor. VIII. 6. Rom. XI. 36. quique creaturis suis rationalibus, imo homini peccatori, fieri potest quod sibi ipsi est, fons consummatæ beatitudinis. I Tim. VI. 15. Ea enim Divini Numinis est ratio, ut Patrem in eo cogitare debeamus, qui vitam perditō reddere, imaginem suam in Peccatore restaurare, alienatum ab se in gratiam & affectum filii recipere, hæredem denique æternorum coelestiumque honorum scribere queat. Luc. XII. 32. Pater ille Filium habet, ὁμοῖος sibi, atque ἰσότητος, quem in mundum mittere, humana carne induere, legi, juxta consilium pacis, quod inter Deum, & Virum cui nomen Germen est, intercedit, Zach. VI. 12. 13. subicere possit, ut, omni legis jure per eum adimpleto, juste, sancte, sapienter bonitatem suam adversus peccatorem exercere queat. Gal. IV. 4. 5. Cujus muneris adpectu, Filius ab æterno ad id destinatus, Prov. VIII. 23. & uberrimis Spiritus donis largiter delibutus, Jes. LXI. 1. Christus id est, Unctus nuncupatur. Ea res mysterium est, quod nemo novit nisi a Deo reveletur. Mat. XI. 27. & cujus universam rationem mortalium nullus assequitur, etiamsi a Deo revelatum sit. Prov. XXX. 4. In isto mysterio est sapientia, & cognitio: quia sine eo cognito, neque Divini operis ratio constat, neque quicquam quod Deo dignum sit in salutis nostræ negotio cogitari potest. Sapientia ista thesaurus est inæstimabilis. Job. XXVIII. 15. — 19. sed reconditus in hoc mysterio. Eo enim non revelato, neque cognito, sapientiam Dei ignorari necesse est, & quicumque ei meditando se, ut par est, impendit, is continuo novum thesaurum inveniet, non ita olim a se deprehensum. Justum ergo sanctumque factum erit, si meditationi mysterii, hujus aliquantisper immoremur, & Jesum Christum ut UNIGENITUM, Patris FILIUM, NOSTRUM autem DOMINUM, in fide contemblemur. Nihil sane alienius est a Pauli mente, ac Christianissimi genio, ea Ostorodi blasphemia, quam evomuit Infit. Cap. VI. Nihil necesse est

*ad cognoscendum Dei erga nos voluntatem, quantum ad salutem requiritur, Christi cognoscere essentiam, solummodo ejus officium.*

II. Confitemur in Symbolo, Jesum Christum esse I. FILIUM Dei.

Christus Dei  
Filius est,  
in omni  
istius nomi-  
nis excellen-  
tia.

II. A Deo GENITUM. III. UNIGENITUM.

III. *Filium* se Dei esse, & ipse contestabatur in confessu eorum, qui Pl. LXXXII. 6. sed longe exiliori sensu, *Filii altissimi* vocantur. Mat. XXVI. 64. & Pater e coelo proclamabat. Mat. XVII. 5. & Spiritus S: descensu in eum suo comprobabat. Mat. III. 16. Atque hac in re sacra scriptura nostrae de Christo confessionis ac fidei summam collocat: ut credamur, ac Profiteamur, Jesum esse Filium Dei. Joh. XX. 31. Joh. IV. 15. v. 5. Mat. XVI. 16. Joh. VI. 69. Act. VIII. 37. IX. 20.

IV. Nomen illud quum Christo datur, *διαφορώτερος*, *excellentius* est omni eo quo nuncupati sunt Angeli. Heb. I. 4. licet & illi *Filii Dei* dicantur. Job. I. 6. XXXVIII. 7. *Διαφορώτερον* quum dicit Apostolus, non distantiam modo *graduum*, sed & *speciei* indicat: adeo ut tota, atque ipsa definitione distinguatur, & Christo applicatum profus aliud significet. Neque enim graduum aliquod discrimen ad nominis *διαφορά* sufficit. Multis sane eminentiæ parafangis Assyriorum, verbi gratia, vel Persarum Rex, Regi alicui Cappadociæ, vel Ponti, aut Lacedæmonis, antestabat: non tamen Regis nomen *διαφορώτερον* est, quando de Persa vel Assyrio, quam quando de Cappadoce, Pontico, aut Lacone usurpatur. Neque de nihilo est quod Christum hoc nomen *κατακληρονομήσει*, *hæreditario jure possidere*, asserat. Indicat enim Christo illud proprium esse, & inalienabile, qualis est hæreditas. Nec hoc tantum: sed & Christum illud possidere non ex gratuito dono, neque ut operæ suæ præmium, aut consequens meritum, sed ut hæreditatem, jure propinquitatis illius intimæ quæ ipsi cum Patre intercedit, cujus vi nomen illud ei plane debetur; neque fieri ullo jure vel pacto potest ut id non obtineat; vel non a Deo Patre hominibusque, pro eo quod est agnosci debeat. Nos quidem hæredes Dei sumus, quia filii sumus. Rom. VIII. 17. & quia ex Deo, nostro modo, sumus geniti, & Christum accepimus, *data est nobis potestas ut filii Dei fiamus*, Joh: I. 12. five pro talibus nos gerere ex indulto Dei audeamus: attamen nusquam nomen filiorum Dei *hæreditasse* dicimur.

V. Eodem pertinet quod Christum vocet *ἰσπεδίον τοῦ Θεοῦ* in *δυνάμει*. Rom. I. 4. *ἰσπεδίον* est *definire*, determinare, rem intra suos fines ac terminos ita constituere, ut ex iis natura rei intelligatur, qualis in se sit, & quomodo ab aliis differat: vel definite, solitarie, & cum exclusione reliquorum omnium aliquid denotare. Hesychius *ἰσπεδίον* vertit *ἰσπεδίον*, *ἔξω δυνάμει*, *ἔξω*, *ὑπερῷον*, *ὑπερῷον*, *ὑπερῷον*, *ὑπερῷον*, *ὑπερῷον*. Statuit, terminum dat, judicat, in certa positione collocat, dirimit, determinat.

Act. x. 42. Christus dicitur *ἀπορρίπτω* ὡς Θεὸς *ἀπερὶς*, definitus, singulariter denotatus, a Deo iudex. Adde Act. xvi. 31. Hic similiter, determinatus est esse Filius Dei, id est, intra tales terminos constitutus, iisque ab aliis ita diremtus, & cum exclusione aliorum ita definite declaratus, ut judicari aliter nec debeat, nec possit, quam quod sit Filius Dei. Idque *ἐν δυνάμει*, in potentia. Eodem ferme recidit, siue id jungas cum *ἐπιστάς*, ut dicatur Christus in potentia determinatus, id est, validissimo argumento demonstratus, talis Dei Filius; siue cum *ὁὖς Θεοῦ*, ut intelligatur esse Filius Dei in potentia. Hoc est A. In omni emphasi vocabuli, juxta validissimam & maxime propriam illius significationem. B. In potentia ea quæ absolute sic dicta, Deoque propria est, qui propterea *הגבורה*, *י דנאמס*. Potentia, Hebræis dicitur, & cujus intuitu Christus vocatur *אל גבור*, Deus Potens, Jes. ix. 5. Posterior tamen illa constructio & simplicior & efficacior videtur.

Et quidem  
ex Deo GENI-  
TUS.

VI. Porro ita Dei Filius Christus est, ut ex Deo GENITUS sit. Sic enim dixit ei Pater, *Filius meus es, ego hodie GENUI te*. Ps. ii. 7. Id est, feci te ex me ipso procedere. Verbum *יולד* de matribus solet dici, quia immediate ex se hominem edunt. Jer. xxx. 6. Interrogate *עֲלֵי וִידַעְתֶּם*, *אִם יוֹלֵד זָכָר*, an pariat mas? Patribus ordinarie attribuitur *הוֹלִיד*, gignere, facere ut aliqua pariat, causam fecunditatis alteri existere. Hic Deus sibi vindicat quod matrum est quia processio Filii ex ipso est immediate. Neque hic agitur de humanæ naturæ formatione in Mariæ utero, (cujus intuitu vox *הוֹלִיד* commodior videri posset, quia virtus Deitatis causa fecunditatis fuit Virgini) sed de genitura Christi *נאטא Θεολογίας*. Quæ diligentissimi interpretis observatio retundendis Socinianorum nefariis argutiis, apprime idonea est. Confer ea quæ Exerc. vii. §. xi. annotavimus.

VII. Qua autem in re genitura Filii Dei consistat, quis mortalium mente conceperit, quis ore vel calamo differuerit, qui ad minimæ rei naturalis generationem exacte explicandam aquam sibi hæere sentit? Id unum tuto, quia ex ipso Dei verbo, dixerimus, generationem esse participationem vitæ, quam Filius in se ipso habeat. Joh. v. 26. siue essentialis Divinæ, viventis, & vivificæ, quam non adventitiā, novam, dependentem aliunde, sed in se ipso habeat, sicut Pater eam in se habet: quæque in Filio fundamentum sit potentia illius, quam qua Mediator habet, ad vitam, tam spiritualem & sanctam, in hoc seculo, quam beatam illam ac æternam, in futuro, mortuis peccatoribus impertiendam. Adi dictam Exercitationem §. x.

idque ab  
æterno.

VIII. Genitura hæc Filii Dei ab æterno est. Ita enim Suprema Sapientia de se ipsa loquitur. Prov. viii. 22. *Jehova קנני ראשיתה דרכו* habuit, vel acquisivit, me, principio, vel principium, via sua, *בפעליו* molitiones



*molitiones suas, pridem.* Tribuit sibi Sapiencia Genituram, per quam factum est ut Deus eam haberet uti Filium. Nam קנה de pariente dicitur Genes. iv. 1. אִישׁ קִנִּיתִי, *Virum pariendo acquisivi.* Et de gignente. Deut. xxxii. 6. הוּא אֲבִיךָ קִנִּיךָ. *Ipse est Pater tuus qui acquisivit te.* Eam genituram vocat principium viarum Dei, quia est processio aliqua מוצא, *egressio.* Mich. v. 1. Nullaque processio in Deitate quæ hac prior sit, aut esse, aut fingi potest. Vel ita potest capi, ut ipsa sapientia principium viarum Dei dicatur; quia nihil agit Deus, nisi in filio & per eum: qui eam ob rem describitur ut אֵלֶּיךָ וְעַתָּה אֲרִיבֶנְךָ תִּבְּרֵנִי. Ap. iii. 14. Acquisitio hæc per genituram, hoc initium viarum Dei, præcedit מַעֲלִי מִלִּי מִלִּי. *Quæ vox non externa modo opera, sed & præparaciones qualvis ac decreta, significat.* Vid. Mich. ii. 1. Pl. lvii. 3. Ante processum Divinorum decretorum Sapiencia a Patre processit, non temporis ratione, quia decreta quoque æterna sunt; sed naturæ ordine, quia nullum decretum formatum est sine Filio. מאן pridem æternitatem notat. Quod enim quodammodo ante æterna Dei decreta est, illud quin æternum sit fieri non potest. Addit vers. 24. *Quum non essent abyssi,* הוּלֵלְתִי, *genita, edita sum.* confer Pl. li. 7. Jes. li. 2. Abyssus autem jam erat ab initio. Gen. i. 2. Et ne quis dubitet de sapientia Hypostatice, sive de Filio Dei, hic sermonem esse adjungitur vers. 30. *Et eram apud ipsum* אִמְנִי, *hoc proprie significat* בְּיָמֵינוּ, *Filium in sinu gestatum, uti colligere est ex Numero. xi. 12. Fer eum in sinu tuo, quemadmodum fert* הָאִמִּי *nutritus lactentem.* Idem autem Christo applicatur. Joh. i. 18. *Filius unigenitus, qui est in sinu Patris, id est, Patri, & natura, & dilectione mutua intimus.*

IX. Non est hic omittenda Michæ prædicatio. Cap. v. i. *Ex te* (o Bethlehem) יִצְחָק *prodibit mihi futurus Dominator in Israël,* וְיִצְחָקוֹתַי, *egressus.* מִקְדָּם מִיְמֵי עוֹלָם *cujus egressus sint ab initio, a diebus seculi.* Digna præconio nostro est Viri Doctissimi observatio, qui ex hoc loco triplicem Christi אֵלֶּיךָ, *sive egressum, docuit. Unus est externus, & visibilis, quoad nativitatem carnis, ex Bethlehemo. Quomodo verbum נִצַּח de nativitate frequenter usurpatur.* Gen. xvi. 6. 2 Reg. xx. 18. & de Christo ipso. Jer. xxx. 21. *Et dominator ejus e medio ipsius נִצַּח, prodibit, id est, nascetur.* Confer Jes. xi. 1. Hic egressus Deo futurus esse dicitur. *Egredietur לי mibi.* Mea virtute; propter meam bonitatem & veritatem: ad gloriam meam. *Alter egressus internus & æternus est; ea nempe Messiae generatio per quam est & dicitur Filius Dei, quæ eam illi dignitatem conciliat, ut, in omni vocis emphasi, Dominator liberi populi istius sit, cujus beata in eo consistit libertas quod soli subsit Deo.* Jes. xxxiii. 22. *Hæc generatio quoad Spiritum, alteri illi, quæ quoad carnem est,* אֵלֶּיךָ וְעַתָּה אֲרִיבֶנְךָ תִּבְּרֵנִי. *Prorsus sicut Rom. i. 3. 4. ix. 5. Et facta est מִקְדָּם.*

Ea vox, de *duratione* usurpata, aliquando indefinite *tempus longe præteritum* notat : aliquando definite *æternitatem*. ut Deut. xxxiii. 17. **אלהי קרם**, *Deus æternitatis*. & Pl. lv. 20. **יִשָּׁכַח קרם**, *qui habitat æternitatem*. & Hab. i. 12. **הֲלֹא אַתָּה מִקִּדְם יְהוָה**, *nonne tu ab æterno Jehova es?* Ex quo loco patet, non solum quod **קרם** *æternitatem* significet ; sed & **מִקִּדְם** *ab æterno*. Veruntamen quum egressus, qui ab egressu ex Bethlehemo distinguuntur in plurali memorentur numero, **מוֹצְאוֹת**, præter eum qui ab æterno est, *tertium* fas est cogitare factum a *diebus seculi*. Is est egressus Messiae in verbo promissionis antiquissimæ. Nam & egressus de *sermone* usurpatur. Deut. vii. 3. **מִצֵּי יְהוָה**, *egressio oris Domini*. Adde Pl. lxxxix. 35. & Dan. ix. 25. **מִן רִכְרִי**, *ab egressu verbi*. Adde v. 23. & Esth. i. 19. Luc. ii. 1. **מִיָּמֵינוּ וְהַיּוֹם**. Atque una cum verbo promissionis ac gratiæ egreditur Messias in verbo, venitque ad afflicti peccatoris solamen. Pl. xlv. 5. *Prosperare equita super verbo veritatis*. Egressus iste in promissione factus est **מִיָּמֵי עוֹלָם**, a *diebus seculi*, a tempore antiquissimo, ab initio mundi, ex quo dies seculi currere coeperunt, in ipso paradiso. Nam antiquissimum retro tempus ea phrasi designatur. vide Mich. vii. 14. Mal. iiii. 4. Jcf. lxiii. 9. 11. Deut. xxxii. 7. Et omnino conferri debet Tit. i. 2. *Sub spe vita æternæ, quam promisit Deus, mentiri nescius* **ὁπὸς ἡ ζωὴς αἰωνία**, *ante tempora secularia*. Nec exemplum novi, ubi phrasis illa absolutam æternitatem initio carentem notet.

Christus  
Proprius  
Dei Filius,  
& Patri id-  
circo æqua-  
lis est.

X, Genituræ hujus adspectu Christus **PROPRIUS** *Dei Filius* vocatur ; Rom. viii. 32. non *metaphoricus*, non *adoptivus*, non ea notione qua & alii ; sed *naturalis*, (quo modo Simon Andreæ *proprius frater* dicitur. Joh. i. 42.) eoque nomine Patri **ἴσος**, *æqualis*. Joh. v. 18. Non male, & præter mentem Domini Jesu, ex sermone illius id inferebant Judæi. Nam tum eos redarguisset calumniæ, protestatus fuisset injuriam sibi fieri : & si nihil est nisi merus homo, tam immanem blasphemiam, usque adeo injuriosam Deo, tamque suæ indecoram modestiæ, longissime a se repulisset. *Non enim suam quæsit gloriam*. Joh. viii. 50. sed *ejus a quo missus est*. Joh. vii. 18. Quia ergo non nisi in Filio honorari potest Pater ; Joh. v. 23. ideo ipse id docebat, eo comparatus erat universus sermo, eo omnia tendebant argumenta, ut palam fieret se ita *proprii* Patri sui *proprium* esse *Filium*, ut ejusdem cum eo essentia, potentia, dignationis sit. Neque memorat Johannes quid auditores, sive bene, sive male, ex oratione Christi collegerint ; sed quid ipse Christus tum dixerit, tum fecerit. Uti revera dicebat, *Deum proprium Patrem suum esse* ; ita revera *æqualem se faciebat Deo*.

Nomen Dei  
est in medio  
illius.

XI. Propter eandem rationem *nomen Dei in medio ipsius esse docemur*. Exod. xxiii. 21. *Nomen Dei* significat illa Dei attributa, illas perfectio-

nes

nes atque virtutes, quibus se hominibus manifestum facit, præsertim in opere salutis nostræ; quas Deus, nomen suum edens, coram Mose proclamabat, Exod. xxxiv. 5. 6. 7. &, quas Christus quum promulgasset, ipsoque opere demonstrasset, *nomen Dei manifestum se fecisse hominibus*, protestatur. Joh. xvii. 6. Nomen autem illud Deitatem ipsam in suo conceptu involvit, neque fieri potest ut communicetur non-Deo, non magis quam Deitatis gloria, a qua vix, si vel vix, distat. Jes. xlii. 8.

XII. Affine est quod *Angelus faciei Dei* dicatur: Jes. lxiii. 9. non modo quia *faciem Dei* jugiter *contempletur*, quod sane supra cæteros angelos modo facit eminentissimo, adeo ut *nemo Patrem nosse* dicatur *nisi Filius*: Mat. xi. 27. sed & quia *Dei facies*, pacata illa & benevola, homini peccatori nusquam nisi in Christo *contemplanda* datur. Joh. i. 18. *Facies* autem *Dei* hoc sensu quid aliud quam ipsissima Dei gloria est, prout illa se ad electorum glorificationem exerit; sive, ut cum Paulo loquamur, 2 Cor. iv. 6. *lux notitiæ gloriæ Dei in facie Jesu Christi*. Ea Dei facies quum in Christo visenda exhibeatur, ita ut qui Christum vidit, is eo ipso *Patrem viderit*: Joh. xiv. 9. necesse est, Christum ejusdem gloriæ ac Deitatis quæ in Patre est consortem esse.

XIII. Imo & ipsa *Dei facies* nuncupatur. Exod. xxxiii. 14. 15. *Di-* Imo & ipsa  
*cente Deo, ame FACIES MEA præcederet, ut quietem darem tibi? dixit* Dei facies  
*ei Moses, si FACIES TUA non præcedet, ne jubeto nos hinc discedere.* & Temuna  
mirum promiserat antea Deus, *Angelam in cuius medio nomen suum sit*, imago,  
id est, Filium Messiam, iis in deserto præcessurum, *ad introducendum eos in locum præparatum.* Exod. xxxiii. 20. 21. Cæterum offensus horrenda illa *מוֹרָא*, aliquem se quidem ex gregariis angelis missurum addicit, qui gentes promissa expellat regione: se vero cum iis non profecturum ininatur. Attamen Mosis precibus fatigatus, qui prioris istius promissi præstationem urgebat, quærit an acquiescere non possit, *nisi facies sua præcedat*, id est, idem ille angelus de quo antehac fuerat locutus. Eodem, nisi fallor, nos ducit Mal. iii. 1. *Ecce ego missurus sum Angelum meum* (is est Johannes Baptista) *qui expediat viam לפני, faciei meæ?* (hoc est Christo. Ita enim sequitur) *Et repente veniet in templam suam Dominus quem vos queritis.* Cogitandum quoque est, an non eodem referre liceat Davidis illud: Ps. xvii. 15. *Ego in iustitia videbo faciem tuam: satiabor, quum expergiscar, תמונתך, imaginem tuam.* Quid vetat id contendere cum 1 Joh. i. 2. Christus enim & facies & imago Dei est. Col. i. 15. Neque alienum est, eundem per תמונת דודי intelligere Num. xii. 8. Id enim Mosis eminentiis, quibus reliquis præcellebat Prophetis, annumerandum esse videtur, quod Filium Dei immediate se alloquentem & oculis & auribus usurparet: quum aliis angelorum plerumque internuncio arcana sua panderet.

Emphati-  
ce admo-  
dum, re-  
splendescen-  
tia gloriæ,  
& character  
hypostaseos  
ejus.

XIV. Quicquid sit, memorabile admodum illud elogium est quo Paulus Christum condecorat, Heb. 1. 3. Ἀπαύγασμα τῆς δόξης, καὶ χαρακτήρ τῆς ὑποστάσεως αὐτοῦ. Quæ de Christo quidem dici possunt ratione officii, ita tamen ut prius atque excellentius in persona ipsius verent. Est enim, qua Filius Dei lumen de lumine, & gloriæ Patris splendor augustissimus. Joh. 1. 14. Spectavinus, gloriam ejus, gloriam ut unigeniti a Patre. Sapient. VII. 26. ἀπαύγασμα φωτὸς αἰδίου. Anastasius: Ὅτι δὲ ὡς τὰς ἀκτίνας ἀπέστειλε, τὸ ἀπαύγασμα ἐπὶ γῆς. Filium autem ut radios emisit, resplendescentiam in terra. Innuitur enim ea phrasi, & gloria Filii qua Patri est ἰσότης, & processus Filii naturalis e Patre; quod Oecumenius attendit. Διὸ μὲν τὸ ἀπαύγασμα τὴν κατὰ φύσιν ἐκ τοῦ Πατρὸς προέξον διηλοῖ: per splendorem namque manifestat naturalem Filii ex Patre progressum. Siquidem nunquam omnino cuiusquam splendor κατὰ χάριν καὶ ἰσότησις, per gratiam, aut adoptionem, procedit, nec a sole, nec ab igne.

XV. Est idem expressa imago τῆς ὑποστάσεως Patris. In qua quidem Hypostaseos voce exponenda, haut nihil ambigo an non justo subtiliores. quandoque sumus. Id constat, eam, scholastice nimis habitam, aliter atque aliter acceptam fuisse, & multis rixis atque contentionibus in Ecclesia dedisse occasionem. Qua de re ex Veteribus videri possunt, Socrates, Histo. Eccl. Lib. III. cap. VII. Theodoretus, Lib. II. Cap. VIII. Rufinus, Histo. Lib. I. cap. XXIX. ex Recentioribus Forbescius, Instructio. Histo. Theo. Lib. I. cap. II. §. 8. Nobis nihil antiquius est simplicitate. Res ipsa postulare videtur, ut ὑπόστασις, ac χαρακτήρ, ceu correlata interpretemur. Nimirum forma quæ in annulo est, dici potest ὑπόστασις; quæ in æra, χαρακτήρ. Qua in re, ut judiciose annotavit Gomarus, elegans similitudo est. Ut enim character, forma, cum archetypo, seu exemplari, convenit; sic Christus, essentia, cum Patre: sed modo præstantiore, ut qui unum sit essentia; non specie, sed numero. Unde in forma Dei subsistens dicitur. Phil. II. 6. Deinde, ut character ab archetypo differt, subsistendi modo; quod archetypum formam communicavit; character vero per impressionem eandem communicatam accepit: ita Pater a se Deitatem habet, quam Filio per generationem æternam communicavit; Filius vero a Patre accepit. Ideoque Filius non est Pater, sed alius a Patre dicitur. Joh. v. 32. Denique character, quamvis exemplar non sit, illud tamen plene exprimit, sic Filius Patrem nobis revelat, & in se conspiciendum præbet: unde Nazianzeno dicitur ἰκανὸν ἀρχετύπου. Eleganter admodum ex Gregorio Nysseno Theophylactus: ὅτι γὰρ ὑπερῆκει τῆς ὑποστάσεως ὁ χαρακτήρ, οὐ μὴ ἀνυπόστατος ἢ κατὰ ὑπερέχει. ὅτι ἡ ὑπόστασις ὅλως ἐστὶν ἐν τῷ χαρακτήρ, ἢ γὰρ ἂν ἀχαρακτήριστος ἦτοι καὶ αὐτὸ τὸ μὲν.

Paulus hoc  
dicto ad  
quendam V.

XVI. Acutissimus Bisterfeldius, locum hunc adversus Crellium vindicans, Lib. I. sect. II. cap. xxx. præmonet, Apostolum ad Hebræos scribentem,

bentem, tali descriptione, talibusque in ea vocibus uti, quæ in V.T. fundamentum habeant. Addito hoc universali axioma, in *Novo Testamento* nec *phrasin*, nec *vocem aliquam*, nisi plane sit vox tantum *historica*, nullum *fidei mysterium significans*, usurpari, quin ex *Veteri* desumatur. Posterius illud uti ego *ἀπαρί* præstare non ausim: ita quod de hoc nominatim loco dicit, facile concisco. Videamus ergo quid in V. T. Paulinæ huic phrasi respondeat. Nam non satisfacit hic omnino Bisterfeldius. Is putat *τὸ ἀπαρί* respondere voci *מראה*, Num. XII. 8. Sed *מראה* potius est *מִצֵּה*. Phrasis ista, *מראה ולא בחידור*, *adpectu*, & non in *anigmatibus*, in *παράλληλ* quodammodo opponitur Paulinæ isti 2 Cor. V. 7. *διὰ πίστεως περιπατοῦμεν, ὃ δὲ οὐδὲς, ut πλὴν* respondeat *חידור*, *מראה* *τὸ ἀπαρί*. Mihi probabilius videtur ad illud gloriæ Divinæ *ἀπαρί* respici, quod super arcam fuit, & umbratile erat, sicut ipsa arca; cujus veritas, & *τὸ σῶμα* in Christo est: Col. II. 9. vel, quod resplenduit in facie Moysi; aut in Cherubinis Ezechieli visis. Ezech. I. 13. ubi vox *נוגה* occurrit, quæ Græcæ a Paulo adhibitæ admodum consentanea est: vel, quod cæteris omnibus præferrem, si omnia simul sumere iniquum videatur, ad eum Divinæ Majestatis splendorem qui Prophetis aliquando affulsit, specie humana Deum conspicientibus. Sic vidit, ut de aliis taceam, Ezechiel *מראה הנוגה מראה רמות*, *speciem splendoris, speciem similitudinis gloriæ Jehovah*. Ezech. I. 28. Confer Jes. LXVI. II. *זיו כבודו*, *splendor gloriæ illius*. Paulus ergo iisdem propemodum elogiis Messiam describens, quid aliud docere voluit, quam eundem illum esse, qui, in præludium futuræ incarnationis, tam augusta Deitatis specie contemplandum se Prophetis exhibuit. Propius vero est quod observat Bisterfeldius, *Charactere* respondere *תמונה*. Nam uti *χαρακτήρ* significat certam figuram, certo numero & proportionem insculptam, & impressam, ita & *תמונה*. Quod autem addit: *deducitur enim תמונה a מין, hoc est, numerus, ut quam accuratissima expressio significetur*, vereor ut accuratum sit. *Mijn* enim non numerum notat, sed speciem, sive genus rerum. *Temuna* ergo est ejusmodi *ὁμοίωμα* quod ipsam rei speciem ac formam refert, qua ab omnibus aliis rebus discriminatur. Plane sicut character totam illam figuram exhibet quæ in exemplari est.

XVII. Nisi quis contendere malit cum Hagg. II. 24. Ubi Zerubbabeli, id est, secundum quosdam interpretes, Christo, qui Zerubbabelis & filius erat, & per eum præfiguratus, dicitur: *ponam te ut חותם figillatum*, sive annulum signatorium. In sigillo est *χαρακτήρ*. Sensus ergo esset: imprimam tibi omnimodam mei similitudinem. Demonstrabo te esse Filium mihi *ὁμοῦσιον καὶ ὁμόδοξον*: omnibusque signis te talem manifestabo. Adde Zach. III. 9. *Cælo cælaturus ejus*. Facio ut in illo

appareant omnes illæ notæ, atque excellentiæ, quæ indicia sunt Messiae & Filii mei. Quicquid sit, concludimus, Filium Dei, eo ipso quia a Deo genitus est, Deo Patri qui ipsum genuit, per omnia similem atque æqualem esse, verum atque unum cum ipso Deum.

Christus  
Unigenitus  
Dei Filius  
est.

XVIII. Quumque plus uno qui talis Dei Filius sit esse nequeat, hinc Scriptura eundem UNIGENITUM Patris Filium dicit. Joh. 1. 14. 18. 111. 16. 18. 1 Joh. iv. 9. Equidem fideles quoque *a Deo geniti sunt*, Joh. 1. 13. Jac. 1. 18. 1 Joh. 111. 9. & v. 1. neque aliud est ea fidelium genitura quam communicatio ejusdem numero essentiae, five *natura Divinae*, quæ communicata est Christo. 2 Pet. 1. 4. Attamen communicatio illa ejusdem Divinae naturæ, & consequenter genitura ex Deo, quæ fidelibus obtingit, alius plane ordinis ac generis est atque ea quæ Christo attribuitur. Illa enim nostra, *impropria, metaphorica, gratiosa* est, *similitudinem* aliquam, qua homini fas est, cum Deo importans: nequaquam *paritatem*, omnium minime *identitatem*. Hæc Christi, *propria* est, *κατὰ φύσιν*, *naturalis, æterna*; inferens cum Deo Patre *ἰσότητα* *ἰσότητος*, *ταυτότητα*. Manifeste hoc Johannes docet, qui quum fideles *a Deo genitos* dixisset, mox eodem halitu, & eadem propemodum periodo, Christum *unigenitum Dei Filium* esse testatur. Joh. 1. 13. 14. 1 Joh. iv. 7. 9. ut ne dubitaremus alterius plane generis hunc atque illos esse. Quod nisi esset, utique, ad evitandam tam duram *ἰσολογίαν*, post nominatos plures filios e Deo genitos, Christum *principium* reliquisque excellentiorem dicere satius habuisset, quam *Unigenitum*.

Socini im-  
pia tergi-  
venatio.

XIX. Profecto impia prorsus Socini tergiversatio est, qui, ut veram atque æternam Filii Dei *ἰσότητα* evertat, non solum pro solida & unica hujus rei *caussa*, incomprehensibili nimirum generatione, ea substituit, quæ *indicia* duntaxat, & *argumenta a posteriori* sunt: sed & Christum ideo unigenitum Dei Filium dici negat, quia solus a Deo genitus est. Quod est Spiritui Sancto, imo & sibi ipsi, in os contradicere. Si enim alii præter Christum ex Deo geniti sunt, eadem scilicet generationis specie, certe Christus non est unigenitus.

XX. At quam tandem ille causam dicit (nam vera rejecta alienas fingi necesse est) cur scriptura eum *unigenitum Dei Filium* vocet? Confert Christum cum *Isaaco*, quem Moses *ἑνὸν* unicam Abrahamo, Gen. xxi. 1. 2. 12. Paulus Heb. xi. 17. *μονογονῆτον* *unigenitum*, dicit: quum tamen constet eo ipso tempore, pro quo ita appellatur, *Ismaëlem*, non minus quam *Isaacum*, Abrahamo genitum existisse. Ejus appellationis duas potissimum rationes esse sophisticatur: primo, excellentiam paternæ erga se dilectionis, quemadmodum & Salomo Prov. iv. 3. dicit, se fuisse *unigenitum coram matre sua*, quamvis non esset solus ex eadem matre Davidi natus. 1 Chro. i. 11. 5. deinde; quia solus ei in universa hæreditate

state successurus erat. Ad eundem modum Christum unigenitum Patris Filium dici negatur, quia *unice* Patri dilectus, & *solum* universorum hæres constitutus est. Heb. 1. 2.

XXI. Verum enimvero tum demum legitima esset Christi cum Isaac contentio, si quarum rerum in Christo summa est præstantia, earum in Isaac tenuem duntaxat umbram fuisse meminisset: neque ex vocum quarundam similitudine, quæ cum imperfectionis aliqua connotatione de Isaac prædicantur, Christi gloriam, cui *διαφορέτης ὄνομα* competit, offuscatum veniret. De cætero quoque fallitur, & fallit hæreticus. Ideo *unicus* Abrahamo Isaac dicitur, quia solus ex promissione natus, solus Parenti mutari auctique nominis causa erat. Ideo *unigenitus*, quia solus ex legitima uxore Sara prognatus. Quæ res, *Unici & Unigeniti* nomenclationem fundantes, causæ fuerunt tam teneræ dilectionis, & *ἀγαπῆς*, sive quod ex assè hæres constitutus sit: non contra. *Dilectio & hæreditas* arguunt quidem eum esse *unigenitum*, non *faciunt*. Idem de Christo tenendum est. Quia is est unigenitus Dei Filius, hinc Deus eum unice diligit, & hæredem declaravit universorum.

XXII. Frustra objicitur Prov. 1v. 3. Ubi in textu est *אֲנִי בְּעֵינַי*, *unicus coram matre mea*. Nam I. *אֲנִי* in nativo suo significato non exhaurit omnem notationem vocis *μονογενής*. Aliud est *unicus*, aliud *unigenitus*. Si illud, materia id ita exigente, significet unice dilectum, non propterea & hoc. Et David dixit 1 Chr. xxix. 1. Salomo *בְּנִי אֲנִי* *Filius meus UNUS*, a Deo electus, mihi dilectus, præ cæteris eximius: *Unigenitum* non dixit. II. Quis dicet, ea quæ hic memorantur intelligi non posse coepta saltem esse illo tempore quo revera matri suæ unigenitus erat. Salomon, licet deinceps fratrum aliquot numero auctus sit. Nam post filium ex adulterio conceptum primogenitum eum Batsabæ fuisse, ex 2 Sam. xi 1. 24. liquido constat. III. Quid vetat hæc exponere ut per *πρῶτογενῆτος* a Salomone dicta: uti filius unigenitus ita loquens introducatur, non præcise ipse?

XXIII. Cæterum fidei nostræ nequaquam sufficit, cogitationi huic de Christo, ut *unigenito Dei Filio*, immorari, nisi & quam ille ad nos, & quam nos ad illum *ἐξέστη* habeamus, simul contemplemur. Et hic quidem primo se obtutu prodit immensa illa Dei Patris charitas, qua nos *natura ira filios*, Eph. 1. 3. & *patre* prognatos *Diabolo*, Joh. viii. 44. in eam asseruit dignitatem, qua Filio suo unigenito, non quidem pares certe, at, nostro quodam modo similes tamen evadamus, *conformandi imagini ipsius*, ut ipse sit *primogenitus inter multos fratres*. Rom. viii. 29.

XXIV. Sed & alterum majoris adhuc charitatis indicium est, quod, ad eam nobis dignitatem conciliandam, *Filio*, huic *suo unigenito* non pepercerit, sed nobis *eum dederit*, pro nobis *tradiderit*. Joh. 1. 16. Rom. viii. 3. b.

Magnam rem, nec immerito, præstitisse visus Abrahamus est, quod filium suum, unicum, Isaacum, quem diligebat tenerrime, Deo non subtraxerit. At is non nisi homo, & peccator erat: & Deo debebatur, Deo dabatur; affectu magis, quam re ipsa: neque poterat gloriosius mori quam a Deo in sacram victimam desideratus, atque hac in re immolandi Messiae typum gerens, nec moriebatur tamen. Quid porro Abrahami filius ad Unigenitum Dei? qui nobis datus est homuncionibus, revera ad salutem nostram immolandus, mactandus, igne Divinae justitiæ, adversus peccata nostra accensæ, & quoad animam, & quoad corpus, cremandus, consumendus.

XXV. Quanta etiam Christi Domini erga nos pietas, qui *non erubescit nos fratres vocare*? Heb. II. II. tantus, tantillos! Infinita utique inter Christum & nos est dignitatis distantia: Christum, inquam, Unigenitum Dei Filium; nos, quando optime nobiscum comparatum est, *abortivos partus*. I Cor. xv. 8. Indignissimum Sauli factum videbatur, quod Regis filius, Jonathan, in fratris affectum Isaacii filium, Davidem, suscepisset. I Sam. xx. 30. At quanto se humiliter deprimat Dei Filius, nos suos appellando fratres: nobis dando, ut eadem erga ipsum familiaritate uti audeamus? At vide quantum hic subsit amoris miraculum! Ut minor esset conditionis inæqualitas, Filius Dei, *qui in forma Dei existens rapinam non duxit parem esse Deo, se ipsum exinanivit, assumpta forma servi*: Phil. II. 7. & , qui infimus omnium humillimæ nobiscum confirmationis gradus erat, apparuit *in speciemati rapinæ amptius*. Rom. VIII. 3. Nos autem ad celsissimam, qua fieri potuit, dignitatis sublimitatem evehit, *data nobis ea gloria, quam dederat ei Pater*. Joh. XVII. 22. & *confortes nos Divina naturæ faciendo*. 2 Pet. I. 4. Quæ quidem incredibilis prope modum charitatis argumenta sunt.

XXVI. At ne hic quidem subsistit Fratris nostri pietas; qui non modo *in similitudinem*, sed & *primogenituræ* tam nomen, quam jus, electos suos admittit. Exod. IV. 22. Heb. XII. 23. Jac. I. 18. Quod certe mirabile est, & rationem plane superat. Neque enim per rerum naturam fieri posse videtur, ut plus uno primogenitus inter multos fratres sit. Nec *primogenituram suam* Filius Dei, ad exemplum profani Esavi, *vendidit*. Nec, uti Ruben, maleficio aliquo *amisit*. Denique dignitas illa, quam nativitatis suæ jure obtinet, & inalienabilis, & incommunicabilis est, non minus quam æterna Divinitas. Unde ergo nobis primogenituræ nomen, & , quia id cassum esse non potest, jus quoque? Plena utique mysteriorum sacratissima religio nostra est; quæ non ratione metienda, sed fide amplectenda sunt. Non *cessit* primogenitura sua Christus; sed suo nos secum Spiritu in arctissimam unitatem copulans, sui nos ipsius, omniumque bonorum suorum, ac consequenter primogenituræ quoque



que suæ, confortes fecit. Non *vendidit* profane suam, sed liberaliter nobis nostram *emit*, & perfectissima obedientiæ suæ sanctitate *acquisivit*. Atque uti non definit *Unigenitus Dei* Filius esse, licet & nos *e Deo geniti* dicamur : ita nec *primogenitura* illius obstat, quod nos ejusdem Patris *primogeniti* agnoscamur. Quippe nostra hæc alterius prorsus generis atque ordinis sunt. Hoc interim ex *primogenitura* ista obtinemus, quod *Dominum* omnium fratrum nostrorum simus, qui quidem ex eodem nobiscum sanguine, non tamen eodem Spiritu nati sunt : & supra eos plus quam *in dupla portione* omnium Paternorum bonorum *hæredes*. Gal. IV. 1. 1 Cor. III. 21. *Christi cohæredes*. Rom. VIII. 17.

XXVII. Nobis autem opera præprimis danda est, ne quicquam committamus quod tanto indignum sit Fratre. I. Quum nunc voti illius, quod olim sponsæ erat, damnates simus, & ipse *Frater noster sit factus, surgens ubera matris nostræ*; Cant. VIII. 1. reliquum est ut *inventum* eum nunquam intermorituri affectus osculo *osculemur*. Si ita Josephus fratres suos, ac præ cæteris Benjaminem, excipiebat; Genes. XLV. 14. 15. quanto potiori jure nos nostrum Christum? qui non ad nos venit, ut frumentum auferat; sed ut cibum, qui ad vitam æternam fovendam sufficit, afferat. II. Quandoquidem non *frater* modo noster, sed & *primogenitus frater* est, Rom. VIII. 29. imo *primogenitus omnis creatura, primas tenens in omnibus*. Col. I. 15. 18. omni etiam a nobis honore est prosequendus : non minori certe quam Jacobus horridum fratrem suum Esavum prosequeretur. Gen. XXXII. 4. XXXIII. 3. III. Volupe nobis esse debet, familiari ipsius commercio potiri. *Bonum enim est per quam amœnum est, fratres una habitare*. Ps. CXXXIII. 1. Et quantum ipse quovis Jonathane est præstantior, tanto flebiliorem esse par est lessum illum, quem desideratæ ipsius familiaritatis carentia ciet. Confer. 1 Sam. XX. 41. IV. Ipse nobis in omnibus *exemplo* sit: 1 Pet. II. 21. ut similitudinem ejus, qua pote, exprimentes, nostræ, ex eo, filiationis certi simus. V. Ejus quoque gratia omnes eos diligamus qui illius sunt; & in quibus vel tenuem ipsius deprehendimus imaginem, atque hinc ullam cum eo cognationem : uti David animum suum inducebat benignitatem exercere erga omnes qui ex familia Saulis erant, *propter Jonathanem fratrem suum*. 2 Sam. IX. 1. VI. Nunquam committamus ut nos *Christi*, vel *Evangelii*, vel *crucis* ipsius *pudeat*. Marc. VIII. 38. Rom. I. 16. Gal. VI. 14. sed in tristibus æque ac lætis, in adversis non minus quam prosperis, eum fratrem nostrum esse læti alacresque profiteamur, ne & eum nostri pudeat in illustri adventus sui die, quando cernenda erit coelestis hæreditas.

## EXERCITATIO XIII

DE

## JESU CHRISTO DOMINO NOSTRO.

## BREVARIUM.

1. Christum nemo, ut par est, Dominum dicit, nisi per Spiritum. 2. Dominum se Christus, uti est, ita & agnosci postulat. 3. 4. Reges & doctores vel parum admodum, vel nihil differunt. 5. Utrumque vocabulum de Christo usurpari potest, & usurpatur in Sacris. 6. Neque potest non Dominus esse, quoniam Jehova sit. 7. Sed & Dominus est, quia Mediator. 8. Jus habens in electos, ex Donatione Patris. 9. Et emptione propria. 10. Quos actu sibi possidendos vindicat, quoniam per Regenerationem eripit Diabolo. 11. Dominium Christi, licet per incarnationem, & in statu humiliationis quoque, agnitum fuerit, in statu exaltationis longe gloriosissimum est. 12. Idque sibi & asseruit valide. 13. Et olim demonstrabit luculenter. 14. Qui sincere id Dominium Christi agnoscit, is & Majestatem ejus cum tremore suspiciet. 15. Et Satana, peccato, ac sibi ipsi renunciabit. 16. Quod magna solemnitate Veteres in baptismo facitabant. 17. Christi denique voluntati se totum subijciat. 18. Tam mandanti. 19. Eo ipso quia mandat. 20. Quam decernenti. 21. Ne pudorem hic nobis Gentiles incutiant. 22. Dominium Christi uberrima fidelibus consolationis scaturo est.

Christum  
nemo, ut  
par est, Do-  
minum di-  
cit, nisi per  
spiritum.

I. **N**on contemnenda civilitatis atque elegantiae humanae pars est debitis quemque honoris titulis compellare: quorum inter, se haut quaquam parcos priscaevi fideles fuisse, ex plurimis sacrorum monumentorum exemplis constat. Quantum autem Unigenitus Dei Filius mortales omnes gloria praeclit, tanto devotioris animi veneratione a nobis est colendus; cavendumque solícite, ne ullis debita observantiae officiis defuisse videamur. Hæc enim est supremi numinis voluntas, ut omnes honorent Filium prout honorant Patrem. Job. v. 23. Cæterum coelestis illa urbanitas, quæ non oris, sed cordis est, non nisi in schola Spiritus docetur, ac discitur. Nemo enim potest dicere Jesum DOMINUM, nisi per Spiritum Sanctum. 1 Cor. xii. 3. ita nimirum ut Dominium Jesu, & ea in quibus id dominium fundatum est, & quæ illud consequuntur, rite cognoscat, agnoscat, celebret, totumque animum suum, uti Domino illo dignum est, comparatum habeat. Id ergo nunc nobis annitendum, ut, Spiritu Christi prælucente, accurate exponamus, quid sit eum in Spiritu ac veritate DOMINUM nominare.

II.

II. Revera Christus DOMINUS est, *האדון*. Mal. III. I. *Dominus & Calo.* I Cor. xv. 47. Eo quoque titulo compelli se a nobis postulat. Joh. XIII. 13. *Vos vocatis me, Magister, & Domine: & bene dicitis: sum enim.* Fidei hæc compellatio est, & animo, & ore dicentis, *Domine mi, ac Deus mi.* Joh. xx. 28. Nullaque adeo lingua exstat, quæ ad veritatis illius professionem obligata non sit, *Jesum Christum esse Dominum ad gloriam Dei Patris.* Phil. II. II.

*Dominum se Christum uti est, ita & agnosci postulat.*

III. An Filius Dei, cui passim *κύρις* titulus attribuitur, *διοπάτης* quoque dicatur, & quæ utriusque vocabuli discrepantia sit, disquiritur inter eruditos. Sunt qui jubent credere, *διοπάτης* non nisi de Patre in sacris usurpari: & *διοπάτης* dici respectu *servorum*, qui obligati sunt ad parendum: Christum vero *κύριος* vocari, quia habet *hæreditatem* ad *ωσιπύουσι*: quam vocum distinctionem colligi existimant ex Judæ vers. 4. Ubi Deus dicitur *διοπάτης*, *herm*, quia imperium habet in omnia: Christus *κύριος ἡμῶν*, *Dominus noster*, quia potestatem habet in nos, ut in rem suam propriam, & peculium a se emtum. Oportet enim posterius priori aliquid superaddere, ne inanis sit prorsus synonymi vocabuli inculcatio. Favere distinctioni huic Ammonius videtur; in libello *de similibus* & *diversis dictionibus*, ad vocem *κύριος*. *κύριος*, inquit, καὶ διοπάτης διαφέρει. *κύριος ὁ τῆς γυναικὸς ὁ ἀνὴρ καὶ τῶν υἱῶν ὁ πατὴρ. διοπάτης δ' ἀρχιυπερτάτος τῶν ἄλλων.* Voces *κύριος* & *διοπάτης* differunt. *κύριος* enim dicitur etiam maritus respectu uxoris, & pater respectu filiorum. *διοπάτης* autem respectu aliorum qui ære emti sunt. Eadem fere habet ad vocem *διοπάτης*. Et fateor profecto, me viris magnis hæc olim accredidisse.

*κύριος & διοπάτης vel Patrum admodum vel nihil differunt.*

IV. Attamen re curatius librata, observatoque vocabulorum usu, comperi distinctionem istam solidam non esse. *κύριος* enim vox est generalissima, significatque τὸ κύριος ἔχοντα, qui auctoritatem ac potestatem habet, quomocunque acquisitam, in rem quamcunque. Et *διοπάτης* non solum cum adpectu ad servos usurpatur, sed ad quoscunque homines ditioni ac regimini alicujus subjectos. *διοπάτης πάντων ἀνθρώπων*, exstat apud *Æschin. contr. Ctesiph.* Demosthenes similiter pro Cor. *διοπάτης, ἀγαθῶν, καὶ κακῶν πάντων.* Ubi notandum, vocabula illa pro synonymis poni. Apud Plutarchum in *Artax*: junguntur. *διοπάτης οὐ καὶ ἀδελφῶν.* Imo & *διοπάτης* quis dicitur suæ *περιουσίας*, sive *peculii*. Sic Lucianus, τῷ δαυλίῳ *διοπάτης* & Theophyl: *Epist.* XIX. *διοπάτης χρημάτων.* Vide *Stephani Thesaurum*. Græci quoque V. T. interpretes pro Hebraico *אדון* indiscriminatim ponunt *κύριος* & *διοπάτης*, licet illud frequentius. Nullo etiam exemplo probatur, stilum N. T. hæc eo quo dictum est modo distinguere. Nam quod ex Epistola Judæ proferatur, de Christo melius exponi, mox docebimus. Nec verborum eodem recidentium accumulatio indecoram tautologiam infert: sed intendit

significationis vim, ideoque & sacris & profanis auctoribus usitatissima est. Exemplum recens in Demosthene vidimus. Et conferri potest 1 Tim. vi. 15. ὁ μόνος δυνάστης, ὁ βασιλεὺς τῶν βασιλευμένων, καὶ κύριος τῶν κυριευόντων. Sique omnino aliqua admittenda sit distinctio, quid eam electe persuadet quam sibi Viri Docti sumunt? Si quid interest, *δυναστεύειν* privati juris nomen est, *κύριος* honoris & auctoritatis. Nam & *matres-familias* ἐποικοκυρεῖν jubentur, *ποικιλεύειν*, ait Erasmus in Scholiis.

Utumque  
vocabulum  
de Christo  
usurpari  
potest, &  
usurpatur in  
sacris.

V. Neque ulla ratio est quæ suadeat, ut Christum *δυναστεύειν* dicere, vel in scripturis dici, affirmare vereamur. Nam quum, qua Deus est, communia omnia cum Patre habeat, eadem certe ratione *δυναστεύειν* est qua Pater. Tum etiam proclivius longe est Petri dictum 2 Epist. Cap. ii. 1. de Christo exponere quam de Patre: nam & verbum *mercatus est* eo nos ducit, & plures pseudo-prophetæ Christum directe quam Patrem impetunt. Neque necesse Judæ verba ita interpungere, ut Deus Pater solus *δυναστεύει*. Jesus Christus *ἐξ ἡμῶν* dicatur. Quod non pati articulum, qui omnibus epithetis communis unum subjectum arguit, Beza adversus Erasmus pugnat, & Bisterfeldius adversus Crellii exceptiones tuetur. Lib. i. Sect. i. Cap. vii. Adde, in MS. quibusdam legi, τὸν μόνον *δυναστεύειν* καὶ κύριον ἡμῶν Ἰησοῦν &c: omissa Dei voce. Complutensis editio dubium omne tollit, verba sic concipiens: καὶ τὰς μόνων θεῶν καὶ *δυναστεύειν* τὸν κύριον ἡμῶν Ἰησοῦν. In eundem sensum & Syrus, & Æthiops, & Arabus uterque. Quid ni etiam ad Christum referamus illum occisorum martyrum clamorem Apoc. vi. 10. ἔως πότε ὁ *δυναστεύων*, &c: Ecclesiastici certe Scriptores Christum frequenter hoc nomine compellant, ut videre est in *libro responsionum ad Orthodoxos*. Isidorus Pelusiota Lib. i. Epist. xliii. τὸν *κύριον ἡμῶν καὶ *δυναστεύων* Χριστόν*. Photius *Τεττακτὸς* 238. Ἡρώδης μὲν *δυναστεύων* διέμαρτε, φοβούμενος δὲ πολλῶν *ἐκείνου* χεῖρας. Et qui ex Domini familia orti, *δυναστεύοντες* nuncupati sunt: teste Euseb. Lib. i. cap. vii. Desinamus ergo distinctioni minus solidæ magna postulata inædificare. Nec Christi auctoritas, nec res religionis nostræ, in verborum sunt sitæ minutiis.

Neque potest non Dominus esse, quum Jehovah.

VI. Porro omni jure hic honoris titulus Christo debetur. Est enim JEHOVA, omnemque habet in se Deitatis præcellentiam, quæ Domini Divini radix est, & fundamentum. Jehova diferte nuncupatur. Jes. xl. 3. *Vox clamantis in deserto, Parate viam Jehovæ*, id est Christo, de cujus præambulone Johanne hic sermo est. Iterumque Cap. xlv. 24. *אמר צדקת יהוה לי ביהוה* Certe in Jehova, mihi dixit, vel de me dixit, scilicet Pater, est abundantissima justitia & robur, ad eum quisque veniet. De Christo autem hæc dici, non solum res ipsa docet, sed & Apostoli auctoritas, antecedens comma Christo applicantis. Rom. xiv. 11. Porro quia Christus est Jehova, eo ipso Dominus est, ejusdem cum Patre auctoritatis, & potestatis in omnia quæ extra ipsum sunt; quæque ipsi debent quoque

quod sint. *Omnia enim per ipsam facta sunt, & sine eo factum est nihil quod factum sit.* Joh. 1. 3. Et propterea imperium habet in omnia. Impresse Apostolus: 1 Cor. VIII. 6. *Unus Dominus Jesus Christus, per quem omnia & nos per ipsam.* Atque hactenus Dominium Christi pure Divinum est, cujus intuitu creatura omnes, rationales imprimis, tam angeli, quam homines, servi ipsius sunt, ab ipso dependentes, quique legem ipsius pro regula atque amussi actionum suarum habere debent. Nam & venti & mare auscultant ei, & boni Angeli imperium ejus volentes lubentesque, mali inviti quidem, sed agnoscunt tamen. Mat. VIII. 27. 31.

VII. Cæterum præter Dominium illud quod *qua Deus*, ex infinita naturæ suæ præcellentia, in omnia habet; alterum ei quoque Dominium a Patre datum est, quod *qua Mediator* habet, speciatim in electos, qui ipsius sunt peculium & hæreditas, & ut Petrus ait, 1 Pet. 11. 9. *his is wigmoelen.*

*sed & Dominus est, qua Mediator.*

VIII. *Jus* illud Christi, ut Domini, in electos, ut suum peculium, tribus quasi articulis consummatur. I. *Primum* ejus fundamentum in æterno Patris decreto est, quo ipsi acquirendi ac redimendi dati sunt. Eam ob rem Patri gratias agit: Joh. XVII. 6. *Tui erant*, uti omnes creaturæ tuæ sunt, sed mihi eos dedisti, speciali decreto ex communi reliquorum sorte eos exemisti, mihi eos credidisti, per me suo tempore redimendos, vocandos. Eodem sensu electos ex gentibus, nondum actu redemptos nec vocatos, oves suas vocat. Joh. x. 16. quarum scilicet jam tum Dominus erat ex destinatione Patris.

*Jus habens in electos, ex Donatione Patris:*

IX. II. *Plenus* tamen hoc jus acquiritur *solutione* actu præstita, quando scilicet semetipsum pro nobis tradidit, ut *emti pretio nostri juris esse* definireremus. 1 Cor. VI. 19. 20. & VII. 23. 1 Pet. I. 18. 19. Ap. V. 9. Nam sicuti pretio numerato emtæ rei dominium ad emtorem transit: ita etiam Christus pleno jure electorum omnium Dominus factus est, ex quo suum pro iis sanguinem, verum redemptionis pretium, dedit. Tunc enim Pater ipsi dixit: Pl. 11. 8. *Pete a me*, pro jure tuo (juxta pactum conventum, de quo Jes. LIII. 10.) *& dabo gentes in possessionem tuam, & fines terræ jus possessionis tuæ.*

*Et emptione propria.*

X. III. Virtute hujus juris electos jam *tuetur ut rem suam*, conservat in hac vita, impertit media salutis, præservat a peccato in Spiritum Sanctum, multaque circa eos facit quæ quasi molimina quædam illius sunt qui id quod suum est vindicare sibi occipit. Attamen tunc demum in *possessionem* eorum venit, quum Spiritu suo efficaciter vocat, regenerat, fide donat. De jure quidem olim Christi fuerunt: de facto tamen hactenus Diaboli, peccati, & sui sunt, donec validis istis Spiritus Christi operationibus, omni alieno Dominio exempti, ipsi in solidum vindicentur. Tunc abrenunciant Satanz, peccato, sibi ipsis: Christumque redemptorem

*Quos actu sibi possidendos vindicat, quum per regenerationem eripit diabolo.*

pro unico ac legitimo Domino suo agnoscunt. Hoc pacto eximit eos Dominus ex presenti seculo malo. Gal. 1. 4. adducit ad se. Joh. x. 16. & purificat sibi in populum peculiarem. Tit. 1. 14.

Dominiū  
Christi, li-  
cet ante in-  
carnatio-  
nem, & in  
statu humi-  
lilationis  
quoque,  
agnitum  
fuerit, in  
statu exalta-  
tionis longe  
gloriosissi-  
mum est.  
Idque sibi  
& asseruit  
valide.

XI. Dominiū illud Christi & Veteres ante incarnationem agnove-  
runt (nam David eum in Spiritu *Dominiū suū* dixit. Pl. cx. 1. Mat.  
xxii. 44.) & qui cum eo in terris, dum adhuc majestatem dissimulabat,  
conversati sunt. Verum tamen luculentis id accessionibus auctum or-  
natumque est, quando ad dexteram Dei Patris sublimatus, solemniter  
Rex dominusque Ecclesie suae declaratus est. Qua de re Petrus Act. 17.  
36. *Certo sciat ergo tota domus Israël, quod Deus hunc fecerit DOMINUM*  
& *Christum.* Adde Eph. 1. 20. 21. 22. Philip. 11. 9. 10. 11.

XII. Sed & valide Dominiū suū asseruit, totique orbi compro-  
batum dedit, quum in refractariam nationem Judaicam horrenda occi-  
dione animadvertit, diruta politia, cremato templo, sublatoque toto illo  
carnalium rituum choragio, quibus rebus spiritualis sui regni gloria non  
parum obfuscabatur. Conf. Luc. xix. 27. Item quum post multa &  
cruenta Ecclesie suae certamina, triumphatis saevissimis, tam Orientis,  
quam Occidentis, Tyrannis, sub Constantino Magno eam in libertatem  
vindicaſſet, rerumque Dominos vel amantes Ecclesie nutritios fecit, vel  
mentiſſet sibi, ac fraudulenter se subſicere, coegit. Denique quum immi-  
nuta plurimum Antichristi, solium ejus invadentis, tyrannide, Patrum  
noſtrorum ævo, æternum Evangelium quo ipse Unicus Ecclesie Domi-  
nus prædicatur, per totum orbem publicari jussit.

Et olim de-  
monſtrabit  
luculenter.

XIII. Et porro se Dominum esse demonstrabit, quando converſis ad  
se Israëlitis, deſectoſque profano Antichristi throno, ac deſtructis deſtru-  
ctoribus terræ, dominatus & dignitas rerum, ipsi & populo Sanctorum  
Altissimorum dabitur, regnaque omnia mundi Domini nostri & Christi  
ejus fient, & Ecclesia sub pacifico ejus dominio abundantissimis Spiritus  
donis locupletabitur. Uti beata hæc tempora utriusque instrumenti  
Scripturæ mira verborum pompa deprædicant; alibi a nobis oportunitus  
ac copioſius enarranda. Quibus ſuccedet tandem extremus Domini  
Christi actus, quum hominibus & dæmonibus judicatis, hoſtibusque om-  
nibus conculcatis, univerſam ſuorum panegyria coelo aſſeret, glorifica-  
tus in ſanctis ſuis, & mirabilis factus in omnibus credentibus. Et tale qui-  
dem, nec tale, ſed, ſupra quam a nobis & dici & cogitari poteſt, ſubli-  
mius, Chriſti Dominiū eſt.

Qui ſincere  
id Domi-  
nium Chri-  
ſti agnoſcit,  
is & Maje-  
ſtatem ejus  
cum tremo-  
re ſuſpiciet.

XIV. Quod rite a nobis agnoſci, vere credi, tum demum patebit,  
quando ita erga illum affecti ſumus, uti eos concedet qui ſe illius potius  
quam ſuos eſſe meminerunt. Nimirum qui non ore tantum, & ex con-  
ſuetudine, ſed ex arcani Spiritus perſuaſione, Chriſtum Dominum  
dicunt, ſi tantam in ipſo Deitatis excellentiam, tantam virtutum Di-  
vinarum

vinarum sublimitatem, tam uberem gratiæ abundantiam, tam venerandam denique gloriæ ex omnibus illis resultantis corruscantisque Majestatem suspiciunt: ut quicquid unquam præclarum augustumque in mundo visum est, quicquid in Seraphinorum Cherubinorumque choris illustre splendidumque micat, ei collatum fumus videatur & umbræ umbra. Talem eum sibi sponsa figurabat, ut *fulgidum ac rubrum, insignitumque præmyriade*; majorem cunctis illis elogiis quæ amico ore confertim in eum congerit. Cant. v. 10. & seq: Talem Petrus cum comitibus conspexit. 2 Pet. 1. 16. 17. Talem Johanes non semel vidit. Ap. 1. 13. & seq. & xix. 11. &c. & ante eum Jesaias, Cap. vi. 1. & Ezechiel, Cap. 1. 26. & Daniel, Cap. vii. 13. 14. Talem eum omnes servi ipsius esse credunt, etiam si nunquam viderint nisi oculis fidei, uti delineatus est in mysticis Scripturarum tabulis, aut Majestatis suæ radiis sive visibili pompa cordibus affulget. Nemo certe Dominatum Christi rite venerabitur, qui non eum creaturis omnibus immensum excellere perpendit, dignumque agnoscit quem secum omnes orbis terrarum Principes, Reges, Imperatores, omnes coelestium Angelorum ordines, cernui colant, celebrent, adorent; coronas suas ad pedes ejus deponentes: qui non denique ita illius unius gloria in admirationem raptus est, ut totus ad eam esse cupiat gestiatque. *Quoniam Dominus tuus sit, incurva te ei*, Pl. XLV. 12.

XV. Deinde, quicumque Christum Dominum suum esse agnoscit, eum necesse *Satanæ, mundo, peccato, sibi denique ipsi renunciare*, ut nullius nisi Christi sit. Fieri enim omnino non potest, ut quis duobus dominis, tam sibi invicem contrariis, & quorum alter certe jure suo integrum hominem postulat, simul inferviat. Mat. vi. 24. Qui Christi est, non est *Satanæ*: liberatus est ab illius tyrannide. Heb. 11. 14. 15. *olim ambulavit, sed olim, secundum principem cui potestas est aeris, & spiritus nunc agens in hominibus contumacibus*. Eph. 1. 2. Non est *mundi*: exentus est e præfenti seculo malo. Gal. 1. 4. didicitque, *amicitiam mundi inimicitiam esse adversus Deum*. Jac. 1. 4. Non est *peccati*: cui morte Christi *anxietas*, 1 Pet. 1. 24. *cujus olim quidem servus erat, sed a quo nunc liberatus, servus factus est justitiæ*. Rom. vi. 17. Non est *sui ipsius*. 1 Cor. vi. 19. ut dominum se, vel *actionum*, vel *fortis* suæ esse postulet, sua sibi stulta concupiscentiâ dictante legem: sed subjugatis affectibus, domitisque carnis desideriis; & quod de propria voluntate superest paulatim evanescente, ac in nihilum abeunte, solus in eo vivere & dominari Christus incipit. Gal. 1. 20. Id utique omnibus Christi servis proprium est, ut priscorum illorum Dominorum, vel Tyrannorum potius, impotens imperium, & quicquid ei affine esse norunt, oderint, horreant, execrentur.

Et Satanæ;  
peccato, ac  
sibi ipsi re-  
nunciabit.

XVI. Solemniter hoc faciebant Veteres in Baptismo, ubi nomen

Quod ma-  
gna solem-

nitate Vete-  
res in bap-  
tismo facti  
tabant.

Christo dabant. Pathetica admodum est allocutio ad baptizandos, quam Patriarcha, prisco ritu, feria sexta in Parasceve, ex ambone inculcabat; cujus partem aliquam quæ nostro nunc instituto servit ex Barberino M.S. Sancti Marci hic exhibemus. Hodie fidei vestra chirographum Christo expos-  
turi estis: papyrus, atramentum, & calamus, conscientia vestra; lingua, habitus  
erit. Videte itaque qua ratione professionem hanc estis subsignaturi. Ne aberre-  
tis, ne forte decipiamini. Testamentum componunt morituri, & alium pos-  
sessionum suarum heredem relinquunt. Et vos quoque crastina nocte morituri  
estis peccato: nunc vero renunciatio vestra testamentum est, & peccati hære-  
dem Diabolum scribitis, & peccata ipsi relinquitis, ut paternam hereditatem. Si  
quis igitur Diaboli aliquid in animo retinet, moriturus ideo renunciet; non enim  
possessionum ultra Dominus est. Vestrum itaque, quod Diaboli est, nullus in ani-  
ma quid retineat. Omnes sordes & malitiæ reliquias in Diaboli facie projicite,  
& Christo conjungamini: nullus contemnat, state cum tremore. Cuncta quæ in  
præsenti sunt, tremenda sunt & horrenda, Cuncta virtutes celorum hic ad-  
sunt; omnes Angeli & Archangeli verba vestra invisibiliter scribunt. Inclina-  
nt e cælis Cherubim & Seraphim, vestra pacta pollicitaque suscepturi, & Do-  
mino illa representaturi. Videte itaque quomodo Diabolo resistatis, & rerum  
universarum opifici adhareatis. Postmodum vero dicit illis: Quod ego dico, &  
vos pariter dicite: Renuncio Satana, & omnibus operibus ejus, & omni cultui  
ejus, & omnibus Angelis ejus, & omni pompæ ejus. Hæc autem ter dicit.  
Illique cuncti respondent. Deinde interrogat eos: renuntiastis Satana?  
dicunt ei, Renunciavimus. Mox dicit eis, state cum tremore. Quod ego di-  
co, & vos dicite: Et conjungor Christo &c: Hoc omnibus respondentibus,  
ter dicit. Deinde ter interrogat: Christo conjuncti estis? & ubi re-  
sponderunt, conjuncti sumus, post brevem precationem subiungit: Ecce renuntiastis Diabolo,  
& Christo conjuncti estis. Completa sunt tabula, &  
Christus in cælis eas tenet. Respicite pacta. Tabulas vobis has custodite, in die  
namque judicii publice sunt proferenda &c. Vide Feblavii notas ad Christopho-  
rum Angelum. p. 482. &c. Pie profecto, Sancte, Religiose! Utinam  
diei illius quo invocato Christi super nos nomine in ipsius transivi-  
mus ministerium, utinam sacratissimi illius pacti quod baptismo signa-  
tum est, nunquam dememinissemus! Enim vero utile est affectuoso  
quodam sermonis apparatu iterum hæc iterumque animis eorum in-  
gerere, qui Christo initiati Dominum eum nuncuparunt. Atque eo  
fine formulam hanc cum juventute nunc nostra communicamus.

Christi de-  
nique vo-  
luntati se to-  
tum subji-  
ciet:

XVII. Porro, qui bona fide Christum Dominum suum esse profite-  
tur, eum oportet summa cum lubentia, sine contradictione, sine mur-  
mure, voluntati se illius submittere: voluntati, inquam, tam mandan-  
ti, quam decernenti; ut & lubenter faciat quæ imperantur, & placide  
ferat quæ immittuntur. Servi enim voluntatem cum voluntate Domi-  
ni



ni sui in omnibus conformari eaque quasi absorberi, par est: ut ei ex animo dicat, *non mea, sed tua voluntas fiat.* Id Deo se debere ad malignam naturæ lucem Gentiles viderunt, qui Christum Dominum ignorabant, a quo nos emti sumus. Divine Epictetus apud *Arrian: Lib: II. Cap. XVII.* *μηδὲ ἄλλο θέλει, ἢ ὃ ὁ θεὸς θέλει. Nihil velis aliud, nisi in qua Deus vult.*

XVIII. Sed de *mandante* voluntate primo dicamus. Mentiuntur <sup>Tam mandantis</sup> profecto quotquot Christum Dominum vocant, atque interim præceptis ejus non obsequuntur, ob eam rationem quia præcepit. Luc. vi. 46. *Quid me vocatis, Domine, & non facitis quæ dico?* Si tantæ sit centurionis alicujus in milites servulumque suum auctoritas, ut ad nutum ipsius proficiscantur, & veniant, & jussa faciant: Mat: viii: 9. quanto major in suos esse debet, summi imperatoris nostri & Domini, Jesu? *Σουλὴν τὴν ἐπὶ ὁ θεὸς ἐκέλευε, καὶ ἄλλα πολλὰ καὶ ποικίλα, ταῦτα οὐκ ἐστὶν τὸ τῷ στρατιώτῃ πρέσβλημα, καὶ τὸ στρατῶν πρόστασις ἡμεῖς, εἰ οἷον τι μαρτυροῖμεν ἢ θελήσει.* Militia quadam est cuiusque vita, longa & varia. Tuendum tibi est militis maxime: & quicquid Imperator jusserit, ad nutum ejus exsequendum: & si fieri queat, divinandum etiam quid velis: dicebat apud *Arrianum Lib. III. cap. XXIV.* Epictetus: sed Imperatorem militiæ nostræ Christum ignorabat. Tu nosti, & cum Paulo dicito, Domine, quid me vis facere? Act. ix. 6. pendens unice ab ipsius nutu, omnibusque ac singulis mandatis, quantumvis ingrata carni, vel absfona fortasse male sanæ rationi videantur, alacri promptitudine obsecundans; tamen vel in certissimam ire mortem juberet. Si Davidis Heroës, audito volatrico Regis desiderio, quo aquam sibi bibendam dari optabat ex cisterna Bethlehemi quæ ad portam est, per castra Philistæorum perruperunt, haustamque e dicta cisterna aquam ad Davidem detulerunt: 2 Sam: xxi: 17. 15. 16. quid arduum nobis videri debet, quod placere Domino nostro intelligimus? Socrates aliquis Deo dicat: *Ἡ δὲ χάρις καὶ τὸ εἶναι ἐν χειρὶ τοῦ πολεμικοῦ ἀποθανεῖναι πρότερον ἢ τὸ εἶναι ἐν καταστάσει.* Quemcumque mihi locum stationemve assignaveris, decies nullies mortem oppetam prius quam ut eam deferam. *Arria: ibidem.* Et nos non dicamus cum Paulo? nullius rei habeo rationem, neque vita mea mihi ipsi chara est ut consensum cursui meo cum gaudio, & ministerium quod accepi a Domino Jesu. Act. xx. 24.

XIX. Nec sufficit quomodocunque facere ea quæ a Christo nobis <sup>Et ipso</sup> <sup>quis mandant:</sup> mandata sunt, nisi & ea propter faciamus quia mandata sunt. In eo formalis ratio obedientiæ est, ut imperium Christi agnoscentes, ei nos submittamus. Est sane summa in omnibus Christi præceptis æquitas, jucunditas, utilitas; quæ & animadverti a nobis & amari debent, & præcepta ipsa amabilia facere: attamen tumi demum ejus apud nos constabit dominium, quum sola jubentis voluntas pro omni ratione stat; etiam si, quæ

quæ mentis sæpe nostræ cæcitas est, illius neque æquitatem, neque jucunditatem, neque utilitatem aliquam cerneremus. Hinc illa præceptis sæpe addita: *Ego sum Jehova*. Levit. XVIII. 2. 5. 6. &c. &, *Nomen ego præcepi tibi?* Jos. 1. 9. *Masculæ*, ut solet, Tertullianus, *de Penitentia*. Cap. IV. *Nos vero pro nostris angustius unum inculcamus, bonum atque optimum esse quod Deus præcipit. Audaciam existimo de bono Divini præcepti disputare: neque enim quia bonum idcirco auscultare debemus, sed quia Deus præcipit. Ad exhibitionem obsequii prior est Majestas Divina potestatis. Prior est auctoritas imperantis, quam utilitas servientis.* Hunc Tertulliani excursum mire firmat Chrysostomus, *Orat: II. adversus Judæos*. Οὐ γὰρ τὰς ἐντολὰς τοῦ κυρίου ἀκούσαντες τὸν θεὸν τὸν ἀγαθόν, ἀλλὰ τὸν θεὸν λέγοντες, *Deo præcipiente non est curiose inquirendum in naturam eorum quæ dicuntur, sed obediendum duntaxat.* Et statim: ὁ θεὸς ἐντολὰς, καὶ οὐκ ἀκούσαντες αὐτοῦ. *Deus præcepit: nihil ultra querito.* Vide reliqua: nam prolixus in hanc rem est.

Quam decernenti.

XX. Ad eundem modum decernenti voluntati Christi se submittere oportet eum, à quo dominium ejus, ut par est, agnoscitur. Nam si ipse Dominus est, nos peculium ipsius; quis prohibere eum potest quo minus de suo faciat quod vult? Mat. xx. 15. *Imo vero, o homo, tu quis es qui ex adverso responsas Deo? num dicet figmentum fictori, cur me tale fecisti? An non habet potestatem figulus in lutum?* Rom. ix. 20. 21. *Præclara submissionis hujus exempla habemus in Aarone, Lev. x. 3. Eli, 1. Sam. III. 18. Davide. 2. Sam. xv. 27. 29. 30. Ezechia. Jes. xxxix. 8.* Sic omnes decet. Nam & frustra dispensationi ejus obnitaris, & improbe. *Frustra: quia volentem ducit, nolentem trahit. Novi te omnia posse, וְלֹא יִבְצֵר מִמֶּךָּ מוֹמֶר, & non amputabitur a te cogitatio, nulla cogitationum tuarum in cassum recidet, vel, non est ardua præ te cogitatio, quam tu non superes, quæque non frustra adversus te machinetur.* Job. xlii. 2. *Improbe: quia æquius est te Domino cedere, quam Dominum tibi: & omnia quæ tua sunt pessum ire, quam ut sacratissimæ illius voluntati vel tantillum decedat.* Nam & *Justus*. est Dominus noster, Rom. ix. 14. *qui propter judicium & multitudinem justitiæ non opprimit quemquam: Job. xxxvii. & Sapiens, qui infinito melius rebus nostris consultum novit, quam ipsi nos: & Bonus, qui peculio suo conservando, ornando, amplificando, diligentius quam nos incumbet, suisque omnia in bonum vertet, etiam quæ pessima esse videbantur.* Enimvero injurius est in Dominium Christi qui non melius sibi fore firmiter statuit, quando ex Christi voluntate res fluunt, quam quando ex sua.

Ne pudorem hic nobis Gentiles incusant.

XXI. Turpe profecto atque pudendum est, si non *Fides* eam nos observantiam erga Christum doceat, quam *natura* Gentiles docuit erga Deum.

Illi viderunt, *Viri boni officium esse præbere se fato.* Seneca de Provid. Cap. v. *Et Deum, quo auctore cuncta proveniunt, sine murmuratione imitari.* Epist. cvii. Illi sciverunt, nihil æquius esse, quam ut voluntatem nostram postponamus Divinæ, aut potius dedamus absorbendam ab ea. Supra Philosophum Epictetus, apud Arrian. Lib. iiii. Cap. xxvi. *ὁρῶντες ἡμεῖς τὴν ὁρμὴν τοῦ Θεοῦ. Θέλει μὲ ἑαυτὸν κυριεύειν; Καὶ γὰρ θέλω. Θέλει ὁρμῇ ἐνὶ τοῖς; Καὶ γὰρ θέλω. Θέλει ὁρῆσθαι; Καὶ γὰρ θέλω. Θέλει με τυχεῖν ἰσῆς; Καὶ γὰρ βούλομαι. Ὅτι θέλει, ὃ βούλομαι. Appetitum meum obedientem præbui Deo. Vult ille, me febricitare? volo ipse. Vult, me animam aliquo convertere? Et ego volo. Vult, appetere? Et ego volo. Vult, me aliqua re potiri? Ipse similiter volo. Non vult? nolo. Seneca pariliter: Epistol. lxxiv. *Placeat homini quicquid Deo placuit. Illi docuerunt, frustra se eum lassare qui Divinæ obnititur voluntati: quo facit elegans illud Palladæ distichon in Anthol. lib. i. Cap. xiii.**

Βί τὸ φίρον εἰς φίρον, φίρον καὶ φίρον, εἰ δ' ἀγανατεύῃ,  
καὶ σ' αὐτὸν λυπεῖς, καὶ τὸ φίρον εἰς φίρον.

*Si te fata ferunt, ferto fertorque. gravatim*

*Si fers, te crucias, nec minus illa ferunt.*

Illi sanciverunt, melius nobis esse quod Deus vult, quam quod nos. Epictet. apud Arri. lib. iv. Cap. vii. *Ἀλλ' ἄλλοι ἡμεῖς θέλω, τὸ γινώσκοντες κατὰ τὴν φύσιν ὃς θεὸς θέλει, ἢ ἑγώ. προσκείμενος δαίμονι, καὶ ἀκούων ἐκείνου. συνερχομαι, συνερχομαι, ἀπὸ τοῦ συνδύου. Semper illud potius volo quod fit. Melius enim id iudico quod Deus vult, quam quod ego. Adhæreo illi ut minister, Et pedissequus: cum illo defidero, cum illo expeto, denique quod ille vult, idem Et ipse volo. Imo & eo usque sunt progressi, ut non patienter modo, sed & libenter, & cum gratiarum actione, omnia a Deo suscipienda esse disputaverint, nec disputaverint tantum. Idem epictetus (ab illius enim, quem sæpe in manus refumo, lectione nunc recens, non tempero mihi quin pulcherrima hæc scita auditoribus meis impertiam) Lib. iiii. Cap. xxvi.*

*Ἀλλὰ ἀγαθὸν οὐδὲν ἐνὶ κακῷ, ὅτι ζῶντι, ὅτι ἀποθανόντι. τί γὰρ; ὅταν μὴ παρὶς τοσοῦτος; Τί γὰρ ἄλλο, ἢ ὅτι ἀγαθὸς κρατύνει τὸ ἀνακλινόμενον μετὰ τὴν φύσιν; ἀκούων, ἡκουσάμενος τὸν ἡγεμόνα, ὡς αὐτὸν τὸ ἔργον. καὶ γὰρ ἡλθεῖν ὅτι ἡμεῖς ὡς, καὶ ἀπὸ τοῦ πάλιν κατὰ τὸ ἐκείνου δαίμονα καὶ ζῶντος μετὰ τὸ ἔργον ἢ ὡς αὐτὸν τὸ θεόν, καὶ αὐτὸν ἐν ἡμεῖς, καὶ πρὸς ἡμᾶς, καὶ πρὸς πολλούς. Bono viro nihil est malum, vel viventi, vel mortuo. Quid ergo, quum visum non præbet? Quid vero, vel nisi ut Imperator bonus receptui mihi cecinit? Pareo, sequor, collaudo Imperatorem, facta ejus prædico. Nam Et quum illi visum est, veni. Rursus ab eo, quum illi visum est. Memini, dum viverem, minus fuit, Deum celebrare, tum ipse mecum, tum apud singulos, tum apud multos. Iterumque Lib. iv. Cap. vii. *Χάρη ἔχει ἑκάστῳ πάντων τῷ Θεῷ μακάριον μνησθῆναι καὶ ἐν ἑαυτῷ αὐτὸν γινώσκοντα. Gratiæ agens**

*Symb. Apost.*

*Z*

*Deo*

*Deo pro omnibus nusquam quicquam ab illo factum reprehendens. Ex his omnibus intulerunt, nihil homini probo & decentius & conducibilius esse, quam Deum vocantem quocunque sequi; jubentes semper in promptu habere Cleanthis illud, quod Seneca ita transtulit. Epist. CVII.*

*Duc me parens, celsique dominator poli,  
Quocunque placuit, nulla parendi mora est.  
Assum impiger, fac nolle. comitabor gemens,  
Ducunt volentem fata, nolentem trahunt.  
Malusque patiar, quod pati licuit bono.*

Aurea hæc sunt, & gemmea, quæ, Gentilibus tanquam injustis possessoribus erepta, nostræ sunt transcribenda philosophiæ, ipsaque *rectu* ad Christum transferenda, si, dum Dominum eum vocamus, mentiri nobis religio est.

Dominium  
Christi  
uberrima  
fidelibus  
consolatio  
nis scaturigo est.

XXII. Porro quis dubitet, quin maxima piis hominibus CONSO-  
LATIO ex hoc fonte scaturiat, quod immanissimorum tyrannorum sævis imperiis exempti, non Diaboli amplius, non peccati, non fui, sed Christi Domini sunt? Nam & *gloriosissimum* est, tam Sapienti, Justo, Forti, Felici, omnibusque modis Augusto, parere Domino. Conf. 1 Reg x. 8. Et *jucundissimum* ei subesse, *cujus sceptrum est sceptrum rectitudinis*, Pl. XLV. 7. *cujus præcepta recta sunt, latificantia animum, & desiderabilia auro, & quidem auro purgatissimo quam plurimo, ac dulciora melle, & quidem acato melle.* Pl. XIX. 9. 11. qui levato jugo, non *Satana* solum & peccati, quod omnibus incumbebat mortalibus, sed & priscarum *ceremoniarum*, quod graviter patrum maxillas pressit, suum nobis imponit, quod leve ac *suave* est, & in solis amabilissimæ charitatis officiis consistit: qui, ut verbo dicam, nihil suis injungit, cujus non ipse prior in se ediderit exemplum. Joh. XIII. 15. & bonitate ac clementia tantum mortalium omnium indulgentiam superat, quanto coelum sublimius terra est. Pl. CIII. 11: Mich. VII. 18. Suosque non in *servorum*, sed *amicorum*, Joh. XV. 14. 15. imo, ut nuper vidimus, *fratrum* loco habet. *Utilissimum* denique est eum Dominum habere, qui & *Sapientissimus* est, ut suorum prospiciat commodis; & *Potentissimus* simul, ut adversus omnem, tam vim, quam fraudem hostilem, tueatur; idemque *Disissimus* ac *Liberalissimus*, qui omni eos bonorum affluentia, tam corporalium quam spiritualium ac coelestium, locupletet, tandemque universæ gloriæ suæ, pro singulorum captu, compotes consortesque faciat. Quæ res fusc deduci possunt, amplamque piis meditationibus materiam suppeditant. Sed ad incarnationis Christi Oeconomiam properamus.

## EXERCITATIO XIV.

DE

JESU CHRISTO, CONCEPTO E SPIRITU  
SANCTO, NATO EX MARIA VIRGINE.

## B R E V I A R I U M.

1. *Incarnatio Filii Dei olim promissa, quando se in medio populi ambulaturum pollicitus est.* 2. *Illiusque praeludia quaedam antiquis exhibita.* 3. *Partitio eorum, quae de hoc mysterio dicenda sunt.* 4. *Solus Filius incarnatus est.* 5. *Illius rei rationes.* 6. 7. *Incarnationis modus exponitur.* 8. 9. 10: 11. 12. 13. *Qua consistit in assumptione humanae naturae in individuum unitatem Divinae personae.* 14. *Incarnationis princeps causa Deus est.* 15. 16. *Sigillatim tamen Spiritui S. adscribitur.* 17. *Zach. VI. 12. 13. exponitur.* 18. *Maria quoque in hac consideratione locus est.* 19. 20. *Qua, femmate; ex Davidis donio.* 21. 22. *Conditione; intacta Virgo fuit.* 23. *Et illibata Virginitate, vere tamen Christi mater facta est.* 24. 25. 26. 27. *Anabaptistarum periculosus de origine carnis Christi error.* 28. *Frustrum incarnationis Christi.* 29. *Qui, homo factus, Mediator noster est.* 30. 31. *Et legem homini praescriptam complere idoneus.* 32. *Quod aurium perforatione enigmatice significatum est.* 33. *Porro, ex hominibus factus est, ut noster esset Goël.* 34. 35. 36. 37. 38. *Cujus vis vocis exponitur.* 39. *Ex Virgine procreatus, ut omnis labis purus esset.* 40. 41. 42. *Qua puritatis nativitatis Christi, pars est universalis justitiae illius, nostro originali peccato directe opposita.* 43. 44. 45. 46. *Praxis hujus articuli.*

**I**nter eximias illas promissiones, quibus Israëliticum populum summi numinis bonitas mactavit, principem merito locum illa obtinet, qua se in medio illius ambulaturum esse addixit. Lev. xxvi. 12. Pollicitationi isti non uno modo graduque a Domino satisfactum est. I. Quando structo *tabernaculo conventus*, & fabricata *arca testamenti* ac foederis, iis, velut singularis praesentiae suae symbolis, populum decoravit. De *tabernaculo* enim dixit: Exod. xxix. 42. 43. 46. *Conveniam vobiscum intra portam tentorii conventus, alloquendo te ibi. Conveniam illic cum filiis Israël, & habitabo inter filios Israël, ac ero illis Deus.* In *arca* autem proficiscebatur ipse Jehova in conspectu illorum, explorando iis locum quietis. Num. x. 33. 35. Adde Exod. xxv. 25. II. Quum praeter *Symbolicam* illam praesentiam, se iis favore, gratia, promississimoque auxilio

*xilio præsto esse comprobaret. Qua de re Jeremias Cap. viii. 19. An Jehova minime est Zione? an rex ejus minime est in ea? & Pl. xlv. 6. Deus est in medio illius, non dimovetur illa. & Pl. lxxv. 12. Orbita illius stillant pinguedinem. III. Imprimis quum adaptato sibi corpori humano, terram Israël perambulans, populum suum comiter visitavit. De qua visitatione Zacharias, Cap. iii. 10. Cane & latere filia Zionis, quia ecce venturus sum, & habitaturus in medio tui, dictum Jehovæ. Atque alter iterum Zacharias, Luc. i. 78. invisit nos avaratā iz vpus. Et Johannes, Cap. i. 14. Sermo ille factus est caro, & commoratus est inter nos. Græce, ἑνώμενος ἐν ἡμῖν. Id est, in carne, tanquam in habitaculo aut tabernaculo suo, inter nos conversatus est, sicuti Divina שכינה olim in templo fuit. Patres dixerunt ἱεραρχοῦ ἱερουσαλμ. Mystrium illud, quum spei nostræ fundamentum, & lætitiæ omnis scaturigo sit, attenta nobis mente lustrandum est.*

Itiusque  
prælua  
quædam an  
tiquis exhi  
bita.

II. Futuræ incarnationis *præludia* pridem exhibita Veteribus sunt, non modo in *Symbolis* quibusdam, in quibus *arca fœderis* eminebat, cujus *aurum* significabat *æternitatem, gloriam, & præstantiam Deitatis* Christi, *lignum* vero *humana natura humilitatem*, juxta quam *fructus terra* est. *Jes. iv. 2. sed & in visionibus extaticis*, qualis *Ezechieli* obtigit. *Cap. i. 26. & Danieli*, *Cap. vii. 13.* quibus se Deus sub specie humana, sed solito augustiore, conspiciendum præbuit: non ut Antropomorphitis vel Iconoplastis peccandi daretur occasio; sed ut in *schemate prophetico* admirandæ *incarnationis* adumbraretur *mysterium*. Imprimis autem id præsignificaverunt *apparitiones* illæ Dei, *Abrahamo*, aliisque factæ, quando assumpta humanæ naturæ forma, ore ad os ab iis conspectus, hospitio exceptus, & mensæ admotus est. Quo referri potest illud Christi, *Joh. vi. 11. 56. Abrahamus pater ille vester gestivit videre diem istum meum, & vidit, ac gavisus est. Dies Domini est adventus ejus in carnem. Mal. iv. 5. Is postquam promissus erat Abrahamo, gestivit eum videre: quod & obtinuit quodammodo; non solum oculis fidei Jehovam incarnandum contemplans, & quasi præsentem sibi sistens: sed & cōminus eum conspiciens, in assumpta hominis figura, edentem, bibentem, & familiariter secum colloquentem. Consimiles apparitiones obtigerunt Jacobo, in specie colluctantis viri. Gen. xxxii. 24. 31. Josua, in forma hominis armati. Jos. v. 13. Gideoni, sub quercu in Ophra Jud. vi. 11. Manoa & uxori. Jud. xiii. 3. Quibus prælusum fuit Prophetiæ illi, quæ exstat *Jes. lli. 8. Vocem speculatores tui, attollunt vocem, pariter cantant, כי עין בעין יראו* quia oculis coram intuentur, eum nimirum qui proloquitur, ecce me, verj. 6.*

Partitio co  
rum quæ de  
hoc myste

III. Nobis autem, quibus res pridem facta narratur, singula distinctius examinanda sunt. Quæ ad IV summa capita referimus. Sunt

ca I. *Respondens Subjectum.* II. *Modus.* III. *Causa* IV. *Fructus*, at-  
que utilitas. rio dicenda  
sunt.

IV. *Subjectum* incarnationis, sive is qui homo factus est, non est *Pater*, Solus Filius  
incarnatus.  
neque *Spiritus Sanctus*; sed *solus Filius*. *Verbum caro factum est.* Joh. 1.  
15. *Deus Filium suum misit, factum ex muliere.* Gal. iv. 4. *Jesus Chri-*  
*stus in carnem venit.* 1 Joh. iv. 2. Eadem quidem est trium in Deitate  
personarum essentia, atque operatio. Verum non *essentia* Divina carnem  
assumpsit, sed *persona* quædam: essentia saltem non aliter, nisi quatenus  
characterisata, & quasi restricta est in persona Filii. Non sane absuit vel  
Pater, vel Spiritus Sanctus, quum Filius incarnatus est: totius adoran-  
dæ Trinitatis gloria in carne Christi conspicitur. Joh. xiv. 7. 9. Joh. i.  
18. 2 Cor. iv. 6. Attamen non quia Pater in Filio est, ideo Pater quo-  
que cum Filio *est incarnatus*, sed *est in incarnato*. Joh. xiv. 10. Eadem  
certe Patris, Filii, ac Spiritus Sancti voluntate corpus, Deitatis futura se-  
des, factum est. sed qua voluntate Pater & Spiritus Sanctus corpus illud  
voluerunt esse Filii, eadem voluntate Filius id voluit esse suum, ideoque  
ex communi consensu non nisi Filii esse potuit. Heb. x. 5.

V. Cur autem *Filius* præcise homo factus sit, illius rei nulla certior illius rei  
ratione.  
dari potest ratio, quam Divini consilii, sapientissima semper, *inductio*. Post-  
quam tamen illud nobis consilium patefactum est, non difficulter ani-  
madvertit fides, virtutibus id Divinis convenientissimum dignissimum-  
que esse. Nimirum conveniens est, I. Ut per quem *creatus* fuerat ho-  
mo, Joh. 1. 3. Col. 1. 16. per eundem etiam *renovetur*, & quasi *recreet-*  
*ur*. Eph. 11. 10. II. Ut is qui Personale Dei *verbum est*, Joh. 1. 1. no-  
bis ea *Dei verba* *predicaret*, quæ se locuturum esse in extremo dierum pro-  
misit; & quæ præter Deum nemo potest dicere. Joh. 111. 34. III.  
Ut is qui *Filius* Dei est per *naturam*, nos faceret Dei *filios* per *gratiam*.  
IV. Ut *imago* Dei gloriosa per eum in nobis instauraretur, qui ipse  
*imago Patris*, Col. 1. 15. & *Character hypostaseos illius est*. Heb. 1. 3.  
Denique non potuit immensus Patris amor luculentius demonstrari,  
quam Filium suum unigenitum nobis, & pro nobis, dando.  
Joh. 111. 16.

VI. Ad MODUM incarnationis primo pertinet illius *veritas*. Non Incarnatio-  
nis modus  
exponitur.  
enim *verba dicentis* Filius Dei homo factus est, sed *reipsa*. Heb. 11. 14. 17.  
Habens omnes *partes* hominis *essenciales*, tam *animam*, Jes. LIII. 11. Mat.  
xxvi. 38. quam *corpus*. Mat. xxvi. 26. phantasmati ac spectro opposi-  
tum. Mat. xiv. 26. 27. Et utriusque *facultates* atque *affectiones*, in  
*corpore* quidem, *dimensionem* ac *palpabilitatem*. Luc. xxiv. 39. ac *statu-*  
*ra incrementum*. Luc. 11. 40. in *anima* vero, *intellectum* finitum ac  
circumscriptum. Luc. 11. 54. 2. Mat. xiiii. 32. & *voluntatem* a Di-  
vina distinctam. Mat. xxvi. 39. Expertus quoque est *famem*, Mat. iv. 2.

*stigm.* Joh. XIX. 18. *sonnium*, Mat. VIII. 24. *lassitudinem*, Joh. IV. 6. *tristitiam*, Mat. XXVI. 37. *lacrymis se prodentem*. Joh. XI. 35. Luc. XIX. 41. Breviter, *Filius hominis venit edens ac bibens*. Mat. XI. 19. & *habitu inventus est ut homo*. Phil. II. 8.

VII. Porro facta est incarnatio Filii Dei, I. Non per *mutationem* Deitatis in humanitatem, quippe quæ mutationis omnis expers est. Mal. II. 6. Jac. I. 17. quod inepte homines imperiti ad Deitatem Patris restrinxerunt; quum Deitas non nisi unica sit, idemque de Deo Filio dicatur. Pl. CII. 28. coll. cum Heb. I. 11. qui etiam homo factus Deus mansit. Rom. IX. 5. II. Non per *confusionem* utriusque naturæ in unam. Utraque enim distincte in Christo est, cum distinctis utriusque proprietatibus. Rom. I. 3. 4. I Tim. III. 16. III. Non per *creationem* humanæ naturæ ex nihilo, aut *descensum* ejusdem *e cælo*: tunc enim homo quidem, sed non *Filius hominis*, neque *proximus* noster, neque *ex fratribus* esset; quod tamen esse debuit, uti mox ostendemus. IV. Non denique per *apparitionem breviculam κατὰ παύσας* in carne personaliter sibi non unita, quomodo & olim visum esse mox jecimus, & Patrem quoque ac Spiritum Sanctum apparuisse pii veteres, neque sine ratione, crediderunt. Gen. XVIII. 1. 2.

Quæ confit in assumptione humanæ naturæ in individuum unitatem Divinæ personæ.

VIII. Sed per *assumptionem humanæ naturæ in unitatem individuum Divinæ personæ*. Eo enim *assumptionis* termino ipse Spiritus Sanctus utitur. Phil. II. 7. *μορφῇ δούλου λαβών, ἡ ὁμοιωθεὶς ἀνθρώπων γενόμενος*. *formam servi assumpsit, similis hominibus factus*. Ubi *forma servi* non quidem præcise humanam naturam qua talem significat: hanc enim adhuc retinet, forma servi post resurrectionem deposita, & nunc se gerens *ἡσαυθ*, *inftar Dei*, non dissimulata amplius Majestate. Sed *forma servi* notat *conditionem humanitatis abjectam*, sive humanam naturam in statu servili. Hanc assumpsit sibi Christus, dum se exinanivit, & in similitudine hominis esse coepit, manens interim id quod ab æterno est, *ἡ μορφῇ Θεοῦ*, *in forma Dei*, vere Deus, & ut talis manifestatus, cognitus, agnitus. Forma enim notat rem ipsam veram, eamque manifestam factam.

IX. Eadem res innuitur Heb. II. 14. *Sicut pueri communionem habent (κοινωνίαν) carnis & sanguinis, ipse similiter μετέλαβεν τὴν αὐτῶν particeps factus est eorundem*. Eandem carnem & sanguinem quam pueri habent, Christus quoque habet. Sed non eodem modo habet Christus, quo modo habent pueri. Illi *κοινωνίαν* communionem inter se habent naturam, & præter illam nullam habent. Iste vero *μετέλαβεν*, una cum alia natura quam ab æterno habebat, postmodum cum illis habere coepit carnem & sanguinem: præexistit illi naturæ in cujus deinde participationem venit, quippe qui fuerit *καὶ ἀρχαίς*, *quum fundaretur terra*. Heb. I. 10.

X. Neque aliud voluit Apostolus, quum dixit, *Deum manifestum, factum*



*sum esse in carne.* 1 Tim. III. 16. Scilicet, is qui Deus est, neque definire potest esse id quod est, visus, auditus, manibus palpatum est in carne, in corpore humano rationali anima agitato : quod sibi ipsi (ita Athanasius) ut ὁργανὸν ὑποκείμενον ἰδιωτικόν, instrumentum personaliter unitum proprium fecit, cujus oculis videret, cujus auribus audiret, cujus manibus ageret, cujus pedibus medium populum suum perambulare, in quo & pateretur & glorificaretur, & moreretur & revivisceret : ita quidem ut actiones per illam carnem exercitæ, propter arctissimam illius cum Deo Filio unionem, non minus Dei sint, quam creatio vel gubernatio universi : utque ad conspectum illius hominis dici debeat, *Ecce Deus noster hic est.* *Exspectavimus eum & servabit nos.* *Hic est Jehova, quem expectavimus, exultabimus, & letabimur de salute ejus.* Jes. xxv. 9. Respondet hoc Apostoli dictum phrasi prophetiæ, Jes. xl. 5. וְגִלְיָהוּ & revelabitur gloria Domini. ad quod vaticinium Johannes alludit. Joh. i. 14.

XI. Eodem tendit Joh. i. 14. *Et sermo ille, qui ab initio erat, & apud Deum erat, & Deus erat, σὰρξ ἡγῆστο caro factus est, coepit esse homo :* non utique per transmutationem Deitatis in humanitatem sed per tam arctam humanæ carnis secum unionem, ut ea persona quæ hætenus nil nisi Deus fuit, nunc etiam homo facta sit. Similis phrasis in primi hominis creatione occurrit. Gen. i. 7. וַיְהִי הָאָדָם לְנֶפֶשׁ חַיָּה. Quod Apostolus vertit. 1 Cor. xv. 45. Ἐγὼ οὖν ὡς ἄνθρωπος ἄδῃ. Hætenus homo plasma fuerat pulvereum : postquam vero Deus halitum vitæ ei inspiraverat, factus est in animam viventem, id est animal vivens, non abiciens naturam pulveream, sed accipiens animam. Ad eundem modum, quatenus humana Divinis comparare fas est, Sermo caro factus est, non cessans esse quod erat; sed accipiens naturam humanam, cujus antea non μετέχεα. Non latuit antiquos doctores dicti hujus efficacia. Tertullianus contra Praxeam. Cap. XXI. Imprimis ipsa statim præfatio Johannis Evangelizatoris demonstrat, quod retro fuerit, qui caro fieri habebat.

XII. Insurgit Socinus, verba vertenda esse, & sermo erat caro : contenditque additam esse hanc pericopam, ne quis ex metaphorico loquendi modo, quo usus fuerat Johannes, præstantiam Sermonis deprædicans, colligeret, verbum hoc substantiam incorpoream, vel naturam Divinam atque æternam fuisse : ideo aperte coitetur, eum fuisse carnem, id est hominem inbecillum, ærumnosum, despectum : ut ita dubitationem omnem tolleretur, quæ in legentium animis oriri potuisset. Et ne cui mirum videatur, τὸ ἡγῆστο explicari per τὸ ἦν, adducit Luc. xxiv. 19. ὁ δὲ ἡγῆστο ἀντὶ προφήτου &c. quod vertit, qui fuit vir Prophetæ.

XIII. Sed omnino hic hæreticum ratio fugit. Non enim descripsit nobis Johannes Christum, ut Deum metaphoricum, sed verum : 1 Joh.

v. 20. eoque nomine ab omnibus λεγομένοις Θεοῖς, *nominatis diis*, distinctum. I Cor. viii. 5. 6. Neque opus habuit verborum aliquam correctionem adhibere, ne quis magnificentius quam par est de Christo sentiret. Omnis enim humana cogitatio, sermo omnis, longe subidet infra illius præstantiam *qui Deus est supra omnes benedictus in secula*. Rom. ix. 5. Et si id intendisset, quod Socinus dicitat, non adhibuisset ejusmodi vocabulum, quod citra omnem controversiam plerumque & proprie significat *factus est*, sive esse incepit, atque ita patrocinator potius sententiæ illi, quam erroris arguit hæreticus: sed dixisset perspicue, *ὁ υἱοθεῖς ὁ υἱός*. Præterea, etiamsi fortasse *ὁ υἱοθεῖς* pro *ἰσῶς* aliquando apud scriptores Græcos occurrat, rariusculum tamen illud, & Poëticum, atque abusivum est, uti diligentissimus Interpres ex Moschopulo observavit. Neque temere illius significationis exemplum ex sacris literis allegabitur. Nam quod Socinus profert, alienum est. Id verum est, verbum *υἱοθεῖς* sæpe usurpari ubi significat *demonstrare se talem*, gerere se pro tali, inveniri talem. Vide Mat. v. 45. I Thef. ii. 5. 7. 10. Rom. iiii. 4. Ita etiam Luc. xxiv. 19. Sensus est, inventus est Propheta, & demonstravit se talem, coram Deo & universo populo: petendaque illius loci explicatio ex Act. ii. 22. *virum a Deo demonstrationem ad vos virtutibus atque prodigiis*.

Incarnationis principis causa Deus est.

נָסִיבָהּ

Incarnatio

XIV. Nunc, de quo tertio nos loco dicturos esse polliciti sumus, CAUSSAS incarnationis indagemus. Ubi primo ad ipsum assurgendum est *Deum*, rei tam admirabilis *principem auctorem*. Jer. xxxi. 22. *Domineus creat rem novam in terra: femina ambit virum*. Mulier aliqua, in qua nil hic observandum venit præter foemineum sexum, *ambit*, non amplexu, sed conceptione in utero, *virum*, id est, *filium masculum*, Ap. xii. 5. Atque ita quidem ut hæc circumdatio viri per foeminam solius Dei opus sit, non mariti, non hominis alicujus cum ea congressu. *Domineus id patrat*: sive *creat*, נָסִיבָהּ, solo voluntatis suæ jussu facit existere; uti *rem novam*, cui nihil par aut geminum unquam visum sit: quæ nunc tamen visa est *in terra*, illa, inquam, terra Israëlitis, ad quam se in medio populi sui venturum aliquoties Deus pollicitus est. Explicatio hæc plana est, analogiæ fidei, & proprietati verborum consentanea, scopo quoque sermonis Prophetici apprime conveniens. Revocat enim virginem Israëlitis, filiam averfam, ad viam illam rectam & munitam, quam calcaverant patres ipsius in fide. Certum autem est, hunc præcipuum esse ac capitalem averse Israëlitis errorem, quod Messiam sibi Divinitus datum non agnoscat. De illius nativitate prophetaverat, cap. xxx. 21. *Et existet dux ejus ex ipso*. Eam pluribus descripserat, ex adjuncto comitante, *infanticidio Bethlehemitico*, hoc ipso capite. vers. 15. Nunc aliud signum addit, *creationem rei novæ*, nati-

matritatem ex virgine : inclamans, *quousque circumduces te, in viis devius, a Deo tuo, a salute, a semitis priscorum patrum abducentibus, o filia aver-  
sa, variisque erroribus acta* : iis quæ dicturus sum attende, res inusitata facta est in terra, quæ a seculo non est audita, quam tamen patres expec-  
tarunt, *famina circumdat virum*. Crede mihi, ab hoc mysterio, illiusque agnitione, *refitutio iactura tua, & irrigatio anima desessa, & impletio anima  
mala, dependent*.

XV. Tota ad hoc opus concurrit Sacrosancta Trinitas. Hinc singulis adscribitur personis ; Patri, Heb. x. 5. Filio, Phil. ii. 7. Spiritui Sancto, Luc. i. 35. *Spiritus Sanctus superveniet in te, & virtus Altissimi obumbrabit te.* & Mat. i. 18. *Uterum gerens ex Spiritu Sancto.* iterumque, vers. 20. *quod in illa nascitur ex Spiritu Sancto est.* Quæ multo simplicius de tertia Deitatis persona, quam de Filio secundum Divinam naturam, exponuntur. Quomodo autem Spiritus in beata Virgine operatus sit, satis & castius multo est, ad ipsius Dei exemplar, sacri silentii sipario obtegere : quam audaci animo, ore, calamo, determinare. Sufficiat scire, gemino miraculo Spiritus S. opus distinctum fuisse. I. Fœcundatione uteri virginis. II. Sanctificatione fructus ventris, quem virgo conciperet & pareret.

XVI. Non tamen hæc conceptio, Spiritui Sancto speciatim attributa, efficit eum propterea *Patrem Christi* : aliud quippe est aliquid *ex materia aliunde sumta formare* ; aliud *ex propria substantia generare*. Non diffitemur, Deum omnium hominum, propter creationem & conservationem, parentem metaphorice vocari, & *hactenus* etiam Spiritum S. *humana* Christi natura patrem quodammodo posse dici ; quum tamen generatio non *natura* proprie, sed *persona* sit, persona autem Christi non sit genita a Spiritu S. neque usquam in Scriptura Spiritus Sanctus Christi Pater dicatur : nobis quoque ab ea phrasi religiose est abstinendum.

XVII. Facta hæc sunt juxta pactum conventum Patris & Filii, sive, ut Zach. vi. 12. 13. juxta *consilium pacis*, quod est inter *Jehovan exercituum*, Patrem, & *Virum*, Filium, futurum hominem ; cuius viri nomen est *Germen*, quippe ex Deo ortum, Jes. iv. 2. Mal. i. 12. & stirps nova novi generis, sive filiorum Dei secundum Spiritum. Quod *germen* *de subter se germinabit* : id est, ut Aben Ezra *אמר* a semetipso, nullo satù, nulla viri, propria sua virtute, proveniet : nasciturum quippe ex virgine. Et *adificabit templum Jehovæ*, templum *Jehovæ* *adificabit* : tam templum corporis sui naturalis, Joh. ii. 21. in quo *omnis plenitudo Deitatis habitabit corporaliter*. Col. ii. 9. (quod *adificavit*, primo quum voluntate sua homo nasceretur, dein, quum resurgeret ex mortuis : utroque modo suis factus *למקדש*, in Sacramentum. Jes. viii. 14.) quam templum corporis mystici, id est Ecclesiæ.

1. Cor. III. 16. 2 Cor. VI. 16. Eorundem enim verborum repetitio facit ut de non uno templo cogitemus.

Mariae quoque in hac consideratione locus est.

Quæ stemmate, ex Davidis domo,

XVIII. Sed nec causarum ordine omnino excludenda *Maria* est. De qua tria potissimum observanda sunt. I. *Stemma*, ex semine Abrahamæ, gente Israëlitis, tribu Judæ, domo Davidis. II. *Conditio*, illibatæ virginitatis. III. *Soboles* ad Christum, uti veræ Matris.

XIX. Necesse fuit juxta Prophetias Messiam *semen Abrahamæ* esse. Gen. XXI. 18. coll. cum Gal. III. 16. ex posteris *Israhel*, qui hæres avitæ promissionis dictus est. Gen. XXVII. 14. ex *tribu Judæ*, ad quam eadem restricta est hæreditas. Gen. XLIX. 8. 10. ex *domo Davidis*. Pl. XXXII. 11. coll. cum Act. II. 30. & quidem quando posteritas *Isai* futura erat *præ truncum succisus*, sine flore, fronde, germine, ornatu. Jes. XI. 1. Omnia hæc in *Maria* concurrerunt. Quæ ex *tribu Judæ* fuit: nam manifestum est ex *Juda* exortum esse Dominum nostrum: Heb. VII. 14. & ex *domo Davidis*. Nam ea verba, ἡ ἵνα Δαυὶδ Luc. I. 17. non minus ad Mariam referri debent quam ad Josephum. Et quam afflicta tunc familia illa ac pene nulla fuerit, ex eo patet, quod Josepho, cui desponsata erat *Maria*, res ad securum ac dolabram redierat: uti etiam proximos Christi agnatos, propter paupertatem & manus labore callosas, irrisos Domitiano fuisse, Ecclesiæ testatur historia.

XX. Nec repugnat huic genealogiæ, quod *Elisabet cognata Maria*, Luc. I. 36. eademque ex *filiabus Aaronis*, fuisse dicatur. ibi: vers. 5. Nihil enim obstat quo minus Mater Mariæ ex tribu Levi, & Aaronis familia fuerit: suntque ex Veteribus qui eam tradant *Elisabethæ* fuisse sororem. Fieri etiam potuit ut *Elisabethæ* mater vel avia ex tribu Judæ fuerit, adeoque Mariæ patrem quantunivis propinqua consanguinitate attingens: pater vero vel avus ex tribu Levi. Familia autem, juxta tritissimum Judæorum canonem genealogicum, non ex matre, sed ex patre censetur. Quod nonnulli objectant, nefas fuisse Israëlitis, uxorem ducere, vel nubere, extra suam cuique tribum, gratis sumitur: saltem universale non est. Non invenimus ejus rei in sacris monumentis interdictum. Exempla vero exstant in contrarium. Aaron, *Levita*, duxit *Aminadabi filiam*, sororem *Nabassonis*, Exod. VI. 22. qui fuit princeps filiorum *Judæ*. 1 Chr. II. 10. Si excipias, ante legem hoc esse factum: exemplum aliud, post legem. \* *Jojada Sacerdos*, consequenter *Levita*, *Aaronides*, duxit in uxorem *filiam Regis Jehoram*, ex tribu Judæ, domo Davidis. 2 Chr. XXII. 11. Si istes, plus indultum fuisse Sacerdotibus Levitisque quam aliis tribubus; non, quod jure possem, privilegii nunc istius tabulas exigam, sed moneo id sufficere ad tollendam eam de qua agimus difficultatem. Potuit enim ex hac hypothesi pater *Elisabethæ*, *Aaronides*, uxorem sibi sumere e familia Davidis, atque ita Mariæ parentibus cognata-

cognata. Sed & in aliis tribubus idem videmus. Certe *David Judæus*, uxorem habuit filiam *Saulis Benjaminitæ*. Nec ulla lex in contrarium reperitur. Nam Num. xxxvi. 6. est determinatio specialis casus in virginibus *ישראליות*, ad quas devolvitur tota hæreditas, omni virili stemmate defuncto: quarum matrimonia non solum *sue tribus*, sed & *sue familie* hominibus adstricta erant. Istiusmodi autem specialis determinatio communem libertatem firmat potius, quam tollit. Porro talem virginem *ישראלית* Mariam fuisse, ideoque Josepho ut proximo agnato desponsatam, vero non absimile est. In cæteros genealogiæ, difficiles satis, nodos, non libet nunc nos induere. Impiis Scripturarum irrisoribus abunde a viris doctissimis satisfactum est.

XXI. Ex Virgine nasciturum Messiam, prædictum est. Jes. vii. 14. coll. cum Mat. i. 21. Circa quem locum frustra Judæi cæci & stulti de significatione vocis *יולדת* digladiantur, qua nulla efficacior in Hebræa lingua exstat ad intactæ virginitatis foemellam exprimendam. Talem se fuisse Maria coram Angelo profitetur. Luc. i. 34. nec vanitatis ab eo redarguitur. Josephus autem angelo monitore discit, sponsam suam non ex congressu viri, sed Sancti Spiritus influxu, esse gravidam. Mat. i. 20. Et quis nunc in dubium vocet, quin virgo conceperit, virgo pepererit? Quum ne insensissimæ quidem Christi hostes, inter tot quibus eum lacerarunt convitia, vel minimum ei materni probrum thalami contumeliose objecerint, quum nihil fuerit facilius, quam fontem adulterii convincere, plectere, jubente lege, nec repugnante sponso: quumque uno ictu omnem filii gloriam ignominiose matris supplicio pessundare potuerint. Cui etiam non plane prostituti pudoris foeminae in mentem venire queat, ut se Virginem peperisse jactaret? ut id ipsa de se credat? ut ab aliis credi sibi speret aut postulet? præsertim humilis sit & paupercula, quod ne Reginae quidem in suo crederetur regno, vel aula. Profecto nisi testimonium conscientia, & invicta veritatis vis, & miraculum obumbrantis Spiritus, & oracula Angelorum, id profiteri coëgissent; quæ adeo effrons est audacia, ut tam incredibilia comminisci in animum inducat?

XXII. Hæc nobis de beata Virgine ex sacro Evangeliorum codice sufficiunt: explosis iis quæ inepti fabulatores de prodigiosa ejus natiuitate, & educatione in templo, vel etiam Sancto Sanctorum, & voto perpetuæ virginitatis, & examine pudicitia illius, per sacerdotem, & nescio quam Salomen, ejusdemque fursuris nugis, ex spurio *Jacobi Protevangelio*, *Nicephoro*, aliisque nullius judicii scriptoribus, Evangelio assuerunt: quæque *Baronius in Apparatu ad Annales* reponere, ac in tanta literarum luce magnam partem tueri, non erubuit: eoque impudentior *Xaverius Jesuita*, in *Historia Christi Persice* conscripta, perinde quasi ejusdem certitudinis essent cum Divinis & indubitatae fidei Evangelicis scriptis, genti-

bus in Oriente obtrusit: merito a *Ludovico de Dieu* eo nomine castigatus. Specimen *Protangelii Jacobaei* invenient studiosi apud *Boxhornium*, *Histor. Univers.* p. 49.

Et illibata  
virginitate,  
vere tamen  
Christi ma-  
ser facta est.

XXIII. Nos pergamus, ostensuri Mariam vere *Christi Matrem* fuisse: ita enim frequenter vocatur. Mat. i. 18. Luc. i. 43. Joh. ii. 1. & alibi passim. Id autem non fuisset, nisi Christus humanam suam naturam ex illius substantia, sive semine ac sanguine, assumsisset. Propterea ex muliere factus, Gal. iv. 4. & fructus uteri Mariae, Luc. i. 42. & semen mulieris, dicitur. Gen. iii. 16.

Anabaptista-  
rum pericu-  
losus de Ori-  
gine carnis  
Christi ce-  
sor.

XXIV. Quæ Anabaptistarum quorundam sententiam perimunt, asserentium Christum humanam suam naturam e celo detulisse, ex Patris aut Spiritus Sancti essentia, vel rore æterni numinis, vel materia coelesti, sideræ, aut elementari formatam: per Mariam autem transivisse, uti aqua per canalem, vel radii solares per vitrum. Inepte sane, quum Scriptura Mariam Spiritus S. virtute Christum concepisse, in utero gestasse, atque, uti cæteræ matres, statò tempore peperisse, testetur. Quæ a similitudinibus istis *ἀνέκδοτοι* quam alienissima sunt.

XXV. Non diffitemur utique, quod toties in Sacris legimus, Christum e celo descendisse. Joh. vi. 33. i Cor. xv. 47. 48 Eph. iv. 2. 10. Verum id non præcise de humana est intelligendum natura; sed de persona Filii Dei; quæ de coelo descendisse dicitur, quia singulari modo præsentem se mortalibus exhibuit in carne personaliter sibi unita. Neque fortius stringit, id quod exstat Joh. vi. 51. *Ego sum panis ille vivus qui e celo descendi. . . panis autem quem ego dabo caro mea est.* Docemur enim iis verbis, Filium Dei, ut hominibus peccatoribus veræ vitæ auctor esset, in assumpta carne se manifestasse, quæ ipsa caro non labore aut cura hominum, sed Divina & coelesti ordinatione atque efficientia, in cibum spiritualem, causam veræ ac beatæ vitæ, ordinata est.

XXVI. Non parvi æstimanda hæc controversia est, quasi nihil nostra interfit, ut cognoscamus unde carnem suam Christus habeat, modo constet veram habere. Non enim homo solum Messias, sed & proximus, & frater noster esse debuit; & semen Abrahæ, & fructus lumborum Davidis. Qui aliter nobis Messiam repræsentant, alium ab eo fingunt, qui a Prophetis promissus, a Patribus expectatus est.

XXVII. Non est existimandum Apostolum necessitatem hujus cognitionis tollere, vel extenuare, quando scribit: i Cor. v. 16. *Quod si etiam novimus secundum carnem Christum, nunc tamen non amplius novimus: supple, secundum carnem.* Nam illud *secundum carnem*, non adjicitur ibi Christo, ut Act. ii. 30. Rom. ix. 5. sed cognitioni nostræ, quæ distribuitur in cognitionem secundum carnem, sive carnalem, & cognitionem secundum Spiritum, sive spiritualem. *Cognitio secundum carnem* consta-

bat

bat carnali, vel oculorum visione, vel consanguinitate, qua se beatos nonnulli prædicabant, vel ab aliis prædicabantur, qui Christum incarnatum, maxime post resurrectionem, viderant vel palpaverant: vel qua beatiore gentibus existimabantur Judæi, ut rami naturales. Illi glorificationi, ut temporariæ, & minus solidæ, nuncium mittit Apostolus: ut erudite notavit lumen quondam Friscæ Academiæ, Cl. Cloppenburgius. *De inhaer. Hom. lapsi Disput. III. §. 9. 10.*

XXVIII. Nunc denique quid ex omnibus hisce ad nos **FRUCTUS** Fructus incarnationis Christi. redeat, expendamus: & distincte quidem, quid lucri capiamus I. Ex eo quod *Christus homo sit.* II. Quod *ex hominibus.* III. Quod *ex virgine.*

XXIX. *Homo* quum factus sit Filius Dei, noster quoque *Mediator est*, Qui homo factus Mediator noster est. *ad omne opus perfecte articulatus.* Idcirco Paulus, Mediatorem proponere volens, diserte commemorat esse hominem. *1 Tim. II. 5. Unus, inquit, mediator Dei & hominum, homo Jesus Christus.* Poterat Deum dicere: poterat saltem & nomen hominis, sicut Dei, *omittere*: sed ut infirmitati nostræ tempestive occurreret, aptissimo remedio usus est. Filium Dei tanquam unum ex nobis familiariter in medio statuens. Ita enim oportuit Filium Dei nobis Immanuel fieri, id est *nobiliscum Deum*: & hac quidem lege, ut mutua conjunctione ejus Divinitas & hominum natura inter se coalescerent: alioqui nec satis propinqua vicinitas, nec affinitas fatis firma, unde nobis spes fieret, Deum nobiscum habitare.

XXX. Sed & alia ratio subest. Sponfori nostro id incumbabat præstandum quod lex a nobis exigit, ut *dimulctus* illius impleatur. *Rom. VII. I.* nosque juxta antiquam conventionem servemur. Legi autem hominibus latæ nisi per hominem satisfieri non potest: neque quoad præcepta, Et legem homini præscriptam complere idonea. quæ spiritum & animam & corpus sancta servari ac Deo impendi postulant, neque quoad *comminationes*, quibus & corpori & animæ sua mors indicitur. Unde necesse est; Sponsorem nostrum verè hominem esse, ut corpore atque anima *omnem justitiam impleat.* *Mat. II. 15. & utriusque morte subita, suos a morte vindicet.* *Heb. II. 14.*

XXXI. Hinc est quod Apostolus individuo nexu hæc duo copulet, *factus ex muliere, & factus sub lege* *Gal. IV. 4.* Indicans proximum incarnationis Christi finem esse, ut in natura sua humana illi subjiciatur legi, quæ homini primum lata est.

XXXII. Idem ænigmatice per Davidem Christus innuebat *Ps. XL. 7.* Quod tantum perfectione ænigmatice significatum est. *Aures perforasti mihi.* Quod Apostolus exponit, *Heb. x. 5. corpus adaptasti mihi.* Alluditur ad *Exod. XXI. 2. 6.* Servo Hebræo, ejusdem cætero qui cum vero suo originis & dignitatis, si ex amore veri, & conjugis suæ, licet servæ, & liberorum in servitute natorum, in ministerio domini sui ultra annum septimum *continuare sponte eligeret*, ex præscripto legis,

ad januam heri fui, aut alterutrum postem, *auris* subula *perforanda* erat. Hoc ad sese transfert Christus. Ipse, cæteroqui Deo Patri suo *par*, *formam sumpsit servi*: & ex amore Dei Patris, Joh. XIV. 31. & conjugis suæ, Eph. V. 25. & liberorum sub legis *servitute natorum*, Gal. IV. 5. *voluntario* & *duraturo* se ministerio *mancipavit*. Hoc, professione non unius modo auris, sed אָזְנִי, *uiriusque auris*, significabatur. Quæ quatenus *Messia facta* est, promptissimam ejus ferviendi *alacritatem* declarat, de qua ipse: Ps. XL. 8. 9. quatenus est *actio Patris*, geminatam Patris *iudicandæ* in Filii voluntaria subiectione figurat. Utriusque hujus rei professio fuit, quum ex voluntate Patris & Filii *corpus Christo adaptaretur*, in quo spontaneam illam *servitutem* serviret. Jes. XLIX. 5. *Et nunc dicit Jehova* אֲנִי הָיִינוּ לַיהוָה *qui format me ab utero in servum sibi*.

Porro, ex hominibus factus est, ut noster esset Goël.

XXXIII. Sed & ex hominibus, *hominis filius*, Mediator noster esse debuit, ut *proximus noster*, & *frater*, atque ita גוֹאֵל, *ἐκδιότης*, sive *redemptor ex jure propinquitatis*, esset. Heb. II. 10. 11. 16. 17. *Ἐπεὶ οὖν*, *decurrit*, Deo dignum fuit, ut *qui sanctificat*, & *qui sanctificantur*, ex uno sint omnes, ex uno sanguine, conf. Act. XVII. 26. ut sic se invicem possint appellare *fratres*. Nam Mediator legi de diligendo proximo & fratribus subiectus esse debuit. Unde debuit, *per omnia fratribus similis fieri*. Οὐ γὰρ δὴ πᾶς ἀγγέλων ἐκδικεῖται, non enim *Angelos sibi vindicandos assumit, sed semen Abraham assumit*.

Cujus vis vocis exponitur.

XXXIV. Pertinet huc vox Hebræa, גוֹאֵל, *Goël*, *Vindex*, quæ Christo attributa multo significatu foeta est: digna itaque quæ paullo diligentius hic a nobis excutiat. In veterum Hebræorum *Goële* tria potissimum observanda veniunt. I. *Persona*. II. *Officia*. III. *Modus præstandi illa officia*. *Persona Goëlis*, sive *Vindicis*, debebat esse qui erat cognatione proximus, vel illo deficiente, agnatus quivis. Levit. XXV. 25. 48. 49. Tali, hoc nomine, quadruplex jus competebat, aut, si mavis, *quadrupartitum* incumberebat *officium*. I. *Res venditas aut alienatas fratris aut cognati, agrum puta aut domum, redimendi*. Lev. XXV. 25. II. *Eundem captivum, vel servum, liberandi*. ibid. vers. 47. 48. III. *Interfectum, vindicandi*: unde vocabatur גוֹאֵל הַדָּם, *Vindex sanguinis*. Num. XXXV. 19. Deut. XIX. 6. IV, *Uxorem defuncti fratris vel propinqui ducendi*, ad semen illi excitandum. Deut. XXV. 5. In cujus rei fidem *oran vestimenti sui extendebat super eam*. Ruth. III. 9. Hoc enim apud Judæos symbolum officii, amoris, & protectionis conjugalitatis fuisse, discimus ex Deut. XXI. 30. & Ezech. XVI. 8. Ad modum præstandi hæc officia, tria pertinent. I. *Quod solvendum* quandoque fuerit *pretium*; ut in redemptione rei venditæ. II. *Quandoque adhibenda potentia*, & vis; ut in vindictis sanguinis. III. *Quandoque exercenda charitas* erga viduam; uti in jure Leviratus. Hæc si simul sumantur, ea fere omnia absolvunt, quæ de *Goële* lex antiqua docet.



XXXV. Christus *Goël* dictus fuit ante & extra politiam Mosaicam. Gen. XLVIII. 16. Job. XIX. 25. Et fortassis nonnulla ad jus vindictarum pertinentia, in familiis Patriarcharum viguerunt; in quibus certe aliquid deprehensum est de jure Leviratus. Gen. XXXVIII. 6. 7. Sed & a posterioribus Mose Prophetis aliquoties eodem nomine insignitus est Christus. Jes. XLIII. 14. LIX. 20. Omniaque in Christo concurrunt, quæ Lex in Vindice requirit.

XXXVI. Is quippe, si *personam* spectemus, assumptâ carne nostrâ frater & consanguineus noster factus est, ut, quam jus proprietatis haberet, qua Deus, jus propinquitatis nancisceretur, qua cognatus noster. Heb. II. 11. 14. Singulari quidem ratione *Judeorum* cognatus est; ex iis enim ortus. Rom. IX. 4. Heb. VII. 17. Quam ob rem semen Abrahamæ assumptum dicitur. Heb. II. 16. Unde colligit Paulus Judæos aliquando vindicandos. Rom. XI. 26. Sed & generaliiori consideratione, frater est *aliorum hominum* sine gentium discrimine: non quidem omnium & singulorum, sed eorum qui pertinent ad *semen mulieris*, quod ex promissione tale dicitur, & opponitur *semini serpentis*. Ergo Israëlita paterno maternoque genere cognati Messia sunt, tam ratione Matris Evæ, quam Patris Abrahami: nam & illi promissio facta benedicti seminis. Gentiles cognati Messia sunt, genere saltem materno. Utrobique spectanda non caro nuda, sed Divina promissio: unde veræ cognationis origo. Eph. III. 15.

XXXVII. Jure hujus propinquitatis Christus nos sibi *asseruit*. Cujus rei formula exstat: Jes. XLIII. 1. *Ita dixit Dominus, creator tuus, Jacob, formator tuus, Israël: ne timeas, כי גאלתיך, quia VINDICAVI te, nomen tuum nuncupavi; MEUS ES.* Nihilque eorum omnium omisit Christus quæ a *Goële* expectari poterant. Nam I. Bona deperdita, & hæreditatem cœlestem, a qua malo nostro merito excideramus, iusto merito suo recuperavit, Tit. III. 7. *æternam redemptionem nactus.* Heb. IX. 12. II. Captivos nos, & Diabolo mancipatos, liberavit. Luc. I. 71. III. De hostibus, qui animæ nostræ mortem intulerant, vindictam sumsit. Col. II. 15. Heb. II. 14. IV. Nos a priori marito, Lege nimirum & foedere operum, solutos, æternò atque indissolubili connubio, ex foedere gratiæ, *sibi* copulavit. Rom. VI. 4. Eph. V. 25. 26. atque in hujus rei fidem perfectissimæ justitiæ suæ vestem super nos extendit. Gal. III. 27. quod adumbratum fuit virgine illa sordida ac nuda, super quam Deus oram suam expandit, matrimonio cum ea contracto. Ezech. XVI. 8.

XXXVIII. At neque in modo hæc officia præstandi omissum est quicquam. Nam I. Redemit nos soluto lytro sufficientissimo. Job. XXXII. 11. 24. Mat. XX. 28. I. Tim. II. 6. II. Eripuit captivos Diabolo, summa vi  
atque

atque potentia. Jcf. xl. 10. Mat. xii. 19. Luc. xi. 21. 22. III. Exercuit incredibilem charitatem, despondendo atque acquirendo sibi Ecclesiam. Eph. v. 25. 29. 30. Vide copiose de his differentem *Jacobum Altingium*; in *commentariis ad Rom. xi. 26.* & in *quarta Heptade dissertationum, dissertatione IV. Sect. xv. & Dissert. vi.*

Ex virgine  
prognatus,  
ut omnis la-  
bis purus  
esset.

XXXIX. Quod autem ex *Virgine* prognatus sit Dominus noster, argumentum est conceptionis & nativitatis *Sancæ* atque *immaculatæ*. Hinc enim duo ista consequuntur. I. Quod Sponsor non sit ex foedere Adami, (quippe non natus juxta legem naturæ) & consequenter non sub sit imputationi peccati Adamici. II. Quod non potuerit considerari ut in Adamo existens, quando Adamus peccabat. Non enim natus est virtute illius verbi quo Deus matrimonio ante lapsum benedixit, & quæ benedictio antiqui foederis annexum est, *Crescite & multiplicamini*: sed vi promissionis novæ, lapsum insecutæ, qua nuncupatus est semen mulieris, & constitutus secundus Adam, novæ creaturæ stirps & caput.

Quæ puritas  
nativitatis  
Christi pars  
est universa-  
lis justitiæ  
illius, non  
suo origina-  
li peccato  
directe op-  
posita.

XL. In nostrum certe commodum cedit immaculata ista conceptio- nis & nativitatis Christi, sive, quod idem est, connata humanæ Domi- ni naturæ, sanctitas. Nam ex adverso respondet impuritati & vitiosi- tati naturæ nostræ in qua concepti ac nati sumus, eique tegendæ desti- nata est: pars nimirum perfectæ illius justitiæ Christi qua universo legis postulato, uti Sponsor, pro nobis satisfecit, quæque tota, quanta- quanta, nostra est. Lex scilicet neminem declarat vita dignum æterna, nisi qui tam natura quam actionibus sanctus est, Quum tota peccati ratio in *inopula* consistat; naturæ nostræ connata vitiositas, nisi legi re- pugnet, peccatum non erit. Non repugnabit autem legi, nisi lex contra- rio præcepto naturæ sanctitatem exigit quæ creaturæ rationali connasca- tur. Porro Christus ut Sponsor noster illud omne præstitit quod lex ju- stitiæ causa a nobis postulabat. Nostri ergo causa juxta legis postulatam justus ac sanctus nasci debuit, ut sua originali justitia peccatum nostrum originale tegeret & defectum justitiæ originalis sarciret.

XLI. Non est hæc assertio novitium commentum, aut imperitiæ nostræ temerarius error, uti non nemo arbitratus est. Idem ante nos maximi in Ecclesia viri convenienter sacris literis docuerunt. Cateche- sis Palatina *Quæst. xxxvi.* *Quem fructum percipis ex sancta conceptione & na- tivitatis Christi? Resp. Quod is noster sit Mediator, & sua innocentia ac perfecta sanctitate, mea peccata in quibus conceptus sum tegat, ne in conspectum Dei veniant.* Gomarus, *disput. xvi. §. xvi.* *Cujus justitia (Christi) mem- bra sunt duo; justitia habitualis ac originalis, naturæ; & actualis, vitæ, perpetua. Quarum illa, injustitiæ nostræ originali: hæc, actuali opponitur: eamque suo modo tegit, non tollendo reatam, quod passioni convenit: sed supplendo defectum integræ justitiæ: quam & jus Dei absolutam, & conditio vitæ*

*vita aeterna consequenda, a nobis requirit. Qua de re Chatechesis nostra, recte, Respons. ad Quaest. xxxvi. Eadem habet, Disput: xxv. §. xxii. Non dissimulo, ablationem reatus peccati originalis accuratissimo Gomaro distincte passioni deputari. Verum enim vero, peccatum tegere quod post Catechesin Gomarus de Originali Christi justitia dicit, est remittere. Pl. xxxii. 1. Remittere, est tollere reatum. Tum etiam, populariter loquendo, id quod defectum justitiæ originalis supplet, eadem opera originalis peccati reatum tollit. Denique, si omnino velimus cum Cl: Gomaro ἀπεβελον, dicemus, immaculatam Christi nativitatem sine exinanitione non fuisse, in qua est passio. Eandem quoque sententiam propugnat Cloppenburgius. De Instaurat. hom. laps. Disput. iii. §. xx. Hanc porro naturæ humanæ, (inde a conceptione perfectam, secundum legem Dei definite sanctam) sanctitati, merito, inter Deum offensum infusite sanctum, & hominem peccatorem a vita Dei alienatum, Mediam, diximus. Quandoquidem videtur non absque intuitu ad hanc Christo inhaerentem sanctitatem conceptionis & nativitatis, quæ justitiæ universalis ipsius pars princeps & fundamentum est, Scriptura pronuntiare hæc sequentia: ipsum nobis factum esse a Deo justitiam. I Cor. I. 30. nos Christum induisse. Gal. iii. 27. ita ut in ipso unus simus, scilicet unus novus homo. collatis Gal. iii. 28. cum Eph. iv. 24. Col. iii. 10. Et postquam verba Catecheseos ad Quaest. xxxvi. descripsisset, pro mantissa addit: Responsio hæc aut non est ad interrogationem, aut loquitur de sanctitate conceptionis & nativitatis Christi. Posterius est verissimum.*

XLII. Non præjudicant hæc necessitati mortis Christi, quam alibi Catechesis, ad expiationem tam actualis quam originalis peccati, inculcat, & quam nos etiam sancte profitemur. Nequaquam enim id volumus, quasi hæc sancta Christi conceptio ac nativitas, seorsim a cæteris obedientiæ ac justitiæ Christi partibus, impuritati naturæ nostræ tegendæ sufficiat. Sed consideramus eam ut primam universalis sanctitatis Christi partem, cujus valor (si omnes sanctitatis Christi partes cum partibus miseriæ nostræ ἐν παραλλήλῃ conferantur) proxime referri debet ad peccatum nostrum originale, & ad sarciendum justitiæ originalis defectum.

XLIII. Temere certe circa hæc Christianæ Philosophiæ arcana versaremur, nisi piis sanctisque meditationibus in nostrum ea commodum, Deique in Christo converteremur gloriam. Et primo quidem in genere hinc discimus sacratissimæ religionis nostræ Divinitatem, quæ sola eum nobis Mediatorem, Deum inter ac peccatores, monstrat, in quo conscientia delictorum suorum onere pressa, & remedia alibi quærendo frustra fatigata, placide secureque acquiescat. Quæ hominum, quæ angelorum solertia, hæc tam abdita, tam sublimia, tantoque intervallo omnem omnium creaturarum captum superantia, excogitare valuisset; ut

Praxis hujus  
articuli.

**Æternus Dei Filius Homo** in tempore nascatur, quo legem hominibus latam implere, poenas peccatis hominum debitas subire, uti sponsor; queat: & quidem ex hominibus, uti eos ceu fratres & proximos sibi diligat ac vindicet: & virgine tamen viro intacta, ne quicquam ex humanæ vitiositatis spurcitie, per ordinariam connubii viam in posteros se diffundente, attraheret. Quam adoranda hic se pandit Dei Sapientia, Sanctitas, Veritas, Bonitas, *φιλανθρωπία*, in inveniendo, admittendo, dando, perficiendo hoc salutis nostræ medio! Quam hæc satisfaciunt animæ salutem suam sitienti, de omnibus tamen, quæ a se ipsa, ullove vel angelorum vel hominum, peragi possunt, merito desperanti! Hic, hic demum animadvertit quod alibi neque in cœlo neque in terra exstat, supremi numinis virtutibus dignum, homini securum, reconciliationis nostræ modum. Hæc, hæc sunt tremenda Christianismi mysteria, *quæ oculus non vidit, nec auris audivit, nec in mentem hominis venerunt*, 1 Cor. II. 9. *quæ a temporibus secularibus tacita fuerunt, nunc vero manifesta sunt, & per Scripturas Propheticas ex imperio æterni Dei ad obedientiam fidei, omnibus notificata.* Rom. XVI. 25. 26.

**XLIV.** Deinde liquefcere nos oportet, in immensa hac Christi adversus nos charitate. Humani generis, etiam quando optime cum eo comparatum est, præstantiam cœlestium geniorum nobilitati postponendam esse, quis ambigit? Sed Angeli, ecce, peccarunt, peccavit itidem homo. Angelos interim Deus noxæ dedens, æternæ mancipatos miseriæ, hominum miseretur, & ut misereatur, ejusdem ipsiscum naturæ consors, fit. Non enim Angelos assumpsit, sed semen Abraham. Quanta in hac Christi humiliatione amoris sublimitas! Præ gaudio tumultuabant olim male consulti Lytrensenses quum Pauli Barnabæque miracula cernerent. *Dii*, inqueiebant, *assimilati hominibus, descenderunt ad nos.* Act. XIV. 11. Quod illi temere præsumebant, id nos vere dixerimus, Deum in forma hominis e cœlis ad nos invisisse: occinentes ei, *quid est mortalis, quod memor sis ejus? aut filius hominis quod visites eum?* Pl. VIIII. 5. Nonne miraculorum omnium fidem superat, quod æternus Dei Filius, Dominus gloriæ diffimulatis Majestatis suæ radiis, *creatura factus sit, & inter creaturas non Cherubimorum aut Seraphinorum aliquis, sed homo (homo autem quantilli aestimandus est?)* & ex hominibus non Rex aut Monarcha, sed *servus eorum qui dominantur.* Jes. XLIX. 7. Nimirum familiariter nobiscum conversari, in eaque conditione vivere voluit, quæ Fratrum nobis nomen conciliaret, Heb. II. 11. 12. *Per omnia nobis similis factus est, ut misericors esset & fidelis Pontifex in iis quæ apud Deum agenda forent, ad expiandum peccata populi.* ibid. vers. 17. *qui sensu possit affici infirmitatum nostrarum, tentatus in omnibus similiter absq. ne tamen peccato.* Heb. IV. 15. Denique ad infimum vilitatis nostræ gradum se submisit, ut nos supra hominum conditionem evectos,

electos, suæ, id est *Divina natura*, consortes faceret. 2 Pet. I. 4. O pietas! ô charitatis prope incredibilis vehementia! ô plus quam fraterni paternive affectus teneritudo! qua grati animi emotione agnosceris? qua mutua redamatione compenlaberis? Quæ frigidissimi pectoris glacies non liquefieret, incalesceret, in flammam iret, -ad tam immentem pietatis ardorem?

XLV. Cæterum id quoque animadvertendum est, si lætitiæ nostræ solidum in Christi *incomparabili* fundamentum collocare velimus, necesse esse, ut idem qui olim in Virginis utero ad hominis similitudinem efformatus est, in nostris quoque *formetur animis*. Gal. IV. 19. ibi vivat, ibi foveatur, ibi *crescat in virum adjectum, ad mensuram plena statura Christi*. Eph. IV. 13. Quum ille e Spiritu conceptus sit sancto, non est ut nos fratres ejus esse jactemus, nisi eodem Spiritu ad imaginem Dei regenitos esse sancto vitæ instituto comprobatum demus. Et quemadmodum non nisi a Virgine concipi voluit: ita & nos puro eum castoque complectamur animo, qui, procul omni mundani stupri probro, virgineo amore in unum feratur Deum.

XLVI. Denique uti coelestium Chori Angelorum Filium Dei hominem natum lætis celebrabant canticis; Luc. II. 13. 14. ita nostrum quoque est magnum illud pietatis arcanum, illiusque auctorem Deum, non intermorituræ venerationis laudibus decorare. Carmen beati Angeli præcinnunt: nos voce animoque subsequamur: Gloria in excelsis Deo, qui præclaro hoc opere admirandarum virtutum suarum luculentius specimen edidit, quam olim in totius creatione universi! Gloria Patri, qui talem nobis Sponsorem excitavit, admisit, dedit! Gloria Filio, qui se humana carne vestiens vadimonium pro nobis tam lubenter obivit! Gloria Spiritui Sancto, tam abstrusæ, tam momentosæ, tam pretiosæ veritatis indici ac testi, tam optatæ salutis arrhaboni. Salvus sis Christe Jesu, Verus ac Æternus Deus, Verus ac Sanctus Homo, Utrumque simul in Unitate personæ, distinctis utriusque naturæ proprietatibus. Te agnoscimus. Te colimus. Ex tua unius manu salutem expectamus. Te cognoscat, agnoscat, adoret nobiscum, atque ita per te fervetur, universus electorum tuorum mundus.

## EXERCITATIO XV.

DE

CHRISTI. SUB PONTIO PILATO  
PASSIONE.

## BREVARIUM.

1. Zach. III. 9. exordii loco exponitur. 2. Capita hac Exercitatione tractanda. 3. Christus ~~divinitus~~ passus est, utraque natura quod ei conveniens est conferente. 4. Humana patiente tam corpore quam anima, 5. Divina humana vires sufficiente. 6. Et passionibus infinitam dignitatem conciliante. 7. 8. Cui veritati frustra argutius suis obnititur Socinus. 9. Christus iram Dei passus est. 10. 11. 12. Quae fieri non potest quin adversus peccatum aliquando exardescat. 13. 14. Unde in ipsa etiam remissione peccati demonstrationem Divinae iustitiae intervenire necesse est. 15. 16. Eam iram Dei sustinuit Christus ab initio vitae ad ejus usque finem. 17. 18. 19. Idque ut peccatores reconciliaret Deo. 20. Nam in sanguine ejus est ~~salvatio~~. 21. 22. Non pro omnibus singulisque hominibus, sed, ex Dei Christique consilio, pro solis electis. 23. Cur Pilati in Symbolo mentio. 24. Ejus ingenium & indoles. 25. Summa in Judaeam potestas. 26. Quae, quum externa atque Gentilis fuerit, maximarum rerum nos admonet. 27. Praxis. 28. 29. A Christo patiente discimus misericordiam nostram. 30. Liberationem. 31. Et gratitudinem.

Zach. III. 9.  
exordii loco  
exponitur.

**U**Ti Divinis Sacrarum Literarum Emblematicis nihil elegantius & ad docendum efficacius fingi potest: ita illud mihi semper venustum oppido visum est, quod existat Zach. III. 9. Ubi Sospitator noster figuratur Lapide a Deo collocato coram Josua Pontifice: in quem unum Lapidem septem conversti sunt oculi, & cujus calaturas Deus calavit, dum in eo erat ut iniquitatem terrae abstergeret uno die. Lapis ille Christum significat, qui & rupes salutis nostrae, Deut. xxxii. 15. & Lapis angularis est, in quo totum Ecclesiae aedificium congruenter coagmentatum crescit, ut sit templum sanctum Domino. Eph. ii. 20. 21. Isque Unicus est: quum aliud fundamentum nemo queat ponere. I Cor. iii. 11. Eum Lapidem Deus posuit. Deus, inquam, qui adeo dilexit mundum, ut Filium ei suum unigenitum dederit. Joh. iii. 16. Et posuit quidem coram Josua, ut ipse, caeterique sacerdotes, omnesque arcanæ veritatis doctores, ad eum attenderent, eum populo monstrarent uti totius coelestis doctrinae fundamentum, ei se, & populum sibi

sibi concreditum, inædificarent. Quod diligenter imprimis Petrus & Paulus Apostoli se factitasse comprobant. 1 Pet. ii. 4. 5. 6. 1 Cor. iiii. 10. In eum Lapidem *septem oculi sunt: Dei* nimirum, cum *voluptate eum intuentis*, cum *cura tuentis*; Zach. iv. 10. tum etiam *Ecclesia*, omni mentis nisu in eum respectantis. Jes. xlv. 22. *יְהוָה יִשְׁמַע, Reficite ad me, ut salvemini, omnes extremitates terra.* Verum ut dignoscatur Lapis ille a cæteris omnibus, *calari eum Divinitus calaturis suis* oportet, quo pertinet *nomen Dei*, ipsi quasi *sigillo impressum*. Exod. xxxiii. 21. Heb. i. 3. hoc est Divinæ Majestatis splendor, in ipso & factis ejus elucens. Joh. i. 14. & præterea diræ illæ *perpeffiones* quibus Deum *decnis salutis nostræ principem consummare*. Heb. ii. 10. Per eas enim effectum est, ut *uno die*, illo nimirum quo sacrificium consummatum, & ultimus veluti satisfactionis quadrans numeratus est, *totius terra sit deleta iniquitas*, mundusque Deo reconciliatus. Heb. x. 14. Hunc ergo lapidem, Christum, cum *calaturis suis*, perpeffionibus, nos quoque curate lustremus: tum *perpeffiones* ipsas expendentes, tum *Judicem* in Judæa *supremum*, sub quo præcipuæ ei evenerunt.

II. De *perpeffionibus* Christi (quarum nomine ea etiam comprehenduntur, quæ singulatim deinceps memorantur in Symbolo) rite dicturo *quinque* Capita exponenda veniunt. I. *QUIS* passus sit. II. *QUID*. III. *QUANDO*. IV. *QUO FINE*. V. *PRO QUIBUS*.

III. *QUIS* passus est? Christus Mediator, persona *divina*; tota; Christus inquam, persona, *Satisfactionem passionis* absolvit: utraque natura id quod suum est conferente. In *humana* quidem proprie *sola* passus est; quum adoranda Divinitas nulli gloriosissimæ beatitudinis suæ, uti augmento, ita nec diminutioni, sit obnoxia; in se sola suarumque perfectionum possessione, cognitione, fruitione, omnes felicitatis, quæ supremo nomine digna sit, thesauros sufficientissime inveniens. Si peccas, quid operaris illi? siue multa sunt defectiones tuæ, quid facis illi? Si justus es, quid das illi? aut quid e manu tua accipit? Job. xxxv. 6. 7. Non tamen omnino nihil huc contulisse Divinitatem, ex iis quæ mox dicenda sunt patebit.

IV. Quemadmodum *totus homo, & anima & corpore*, obsequium debebat Deo, totus item, tam corpore quam anima, peccavit, & propterea utraque sui parte æterni exitii damnas erat; ita Christum *anima* non minus quam *corpore* pati necesse fuit, ut in utroque Deum glorificaret, peccatum hominis lueret, poenæque peccato debitas sustineret. De corporis passionibus universa Evangeliorum historia copiosissime loquitur. De anima ipse conquestus est: Mat. xxvi. 38. Undiquaque tristis est anima mea usque ad mortem: cujus vehementissimæ tristitiæ argumentum erat sudor ejus, similis gruniorum sanguinis descendenti in terram.

*ram.* Luc. xxii. 44. Quæ non tam exiliter exponenda sunt, ut corpus propriæ passionis fuerit subjectum, anima vero solummodo passa sit per *cupressum*. Nam neque corpus adhucdum patiebatur: & corporis passionem longe minimam illius pœnæ partem faciunt quam Sponsor humani generis subeundam habebat.

Divinâ, hu-  
manæ vires  
sufficiente,

V. *Divinitas nihil quidem ipsa passa est: attamen carni patienti suffecit vires*, ut Divinæ vindictæ omni eam iræ suæ pondere prementis onus sustinere posset; non succumbens calamitati, sed ea fortiter superata, gloriosum caput feliciter exsertans. Tanta enim Divinæ iracundiæ, quando omni suo impetu in peccatum irruit, vehementia est, ut nisi major humana, & creata omni, vis succurrat, defetisci sub eo hominem & æternum conteri necesse sit. Ps. xc. ii. Nah. i. 6. Unde consequitur, eum debere esse *וַיִּבֶן לֵה*, Deum fortem & Heroem, Jes. ix. 5. cui non cum inferiorum modo copiis, sed cum ipso Deo, peccatum persequente, confertis quasi manibus luctandum erat.

Et passioni-  
bus infinitam  
dignitatem  
conci-  
liante.

VI. Sed & aliud hic præstitit Christi Divinitas. Quum enim per eam factum sit, ut persona patiens esset *divinitas*, in qua omnis plenitudo Deitatis habitat corporaliter. Col. ii. 9. non mystice, ut in fidelibus, non symbolice, ut in sacramentis, non typice & umbratice, ut in templo & arca; sed corporaliter, id est, realiter & personaliter, prout *omnis* vel *umbra* opponitur, vel personam designat: simul etiam per eam effectum est, ut passio tantæ personæ, Divinæ nimirum & infinitæ, insuita quoque dignitatis censeretur debeat. Ita quidem ut breviss passio Christi æterna damnandorum æquipolleat: & unius passio tot electorum myriadibus redimendis sufficiat. Hinc Scriptura toties nos ad hanc personam patientis dignitatem revocat, ut pondus infinitum satisfactionis Christi agnoscamus: quum ait, Deum acquisivisse Ecclesiam proprio suo sanguine. Act. xx. 28. Dominum gloriam esse crucifixum. I Cor. ii. 8. Christum se per Spiritum æternum obtulisse Deo. Heb. ix. 14. Sanguinem Jesu Christi, filii Dei, nos purgare ab omni peccato. I Joh. i. 7.

Cui veritati  
frustra argu-  
tibus suis ob-  
stitit Socini-  
ana.

VII. Ad hanc passionibus dignitatem conciliandum non requirebatur, ut ipsa Divinitas, vel Christus qua Deus, pateretur: sufficiebat eum pati qui Deus est. Omnes enim actiones & passionem sunt personæ, & a dignitate personæ æstimantur, ac denominationem accipiunt, ut a principio quod, licet pro harum conditione attribuendæ sint naturæ ex qua ortum habent, ut principio quo.

VIII. Frustra etiam argutatur Socinus, dignitatem personæ nihil conferre ad infinitatem pœnæ, quia nulla sit apud Deum personarum acceptio. Rom. ii. 11. Quod si hoc obtinet, quum ejus misericordiæ locus relinquitur, quid tandem erit quum de pœna irroganda ex justitia, seu potius severitatis absolutissimæ præscripto, agitur? Resp. I. Alia est



est *ἀποστασία* quam Deus a se removet, alia Personæ *ἡ δόξα* confideratio in æstimatione passionis: Ibi enim *πρόσωπον*, non notat *ipsum hominem*, quem *personam* dicimus, sed *statum externum*, sive qualitatem Personæ ac rei, quæ est extra causam de qua agitur, & ad ejus momentum non pertinet. Hinc vero *persona* patientis *dignitas* non est *qualitas externa* quæ ad rem non faciat; sed, si quid aliud, ad causæ momentum plurimum confert. Multum enim interest quis aliquid in se suscipiat. Brevis alius est *ὑπόστασις*, id est, faciem accipere, quod vitiosum est, & bene de Deo negatur, aliud ad *ὡς αὖτις*, sive *personam*, respicere, quod justum est, & recte Deo tribuitur. II. Si fortasse *dignitas persona* non valeret in *ipso reo* patiente; quia eadem quæ est in *solvente*, fuit in *peccante*, & quæ considerari potest in *pæna* ad ejus *imminutionem*, spectatur in *peccato* ad ejus *intensionem*: in *sponsore* tamen valet, qui non ob sua, sed aliena delicta satisfacit.

IX. Cæterum QUID passus est Christus? Uno verbo, *iram Dei adversus peccata totius generis humani accensam*. Patet enim ira Dei e *celo adversus omnem impietatem & injustitiam hominum*. Rom. i. 18. Significat ea ira sanctissimum peccati odium cum iusta vindicta: uti ira & *revelatio iusti judicii Dei* Apostolo junguntur. Rom. ii. 5.

X. Non potest Deus, qui sanctus est, peccatum & peccatorem non odisse. *Non es Deus fortis qui delectetur improbitate*: — *odisti omnes qui operum dant iniquitati*. Ps. v. 5. 6. Ex isto autem odio, præsertim tam iusto, atque in eo qui puniendi ius potestatemque habet, sequitur *vindicta*. Ita enim infert Plantes: *non est commoraturus apud te malus, non consistunt infanti e regione oculorum tuorum, perditurus es loquentem mendacium*. ib. com. 7.

XI. Nimirum est in peccato proterva Divinæ Majestatis ac gloriæ læsio atque imminutio. Quicumque enim peccat, in peccando ita se gerit quasi nullus esset Deus, quem vereri habeat. Ps. x. 5, xiv. 1. aut quasi *ipse sibi Deus*, & supremus actionum suarum arbiter, esset. Ps. xii. 5. Quod quid aliud est quam in Majestatem & gloriam Dei proteraciter involare? Eam autem gloriam quum merito charissimam sibi Deus habeat, non magis a se impetrare potest, ut læsionem illius plane impunitam dimittat, quam *familis* esse potest peccatori: uti ipse nos arguementari docuit. Ps. l. 21.

XII. Affectum istum erga gloriam suam a peccatore violatam, si-  
gnificantissimo vocabulo Deus ipse קנא, id est, *zelotypiam*, nuncupat; similitudine ab honesto conjuge defuncta, qui ad minimum thalami opprobrium totus exardescit. קנא, חמרת גבר, *zelotypia est ardor viri*. Prov. vi. 34. Hinc ex Dei quoque zelo, qui gloriæ suæ, qua nihil charius, vindictio est, peccati punitio necessario consequitur.

Quæ fieri non potest quin adversus peccatum aliquando exardescat.

tur. Exod. xx. 5. *אל קנא מוקד עון*, Deus zelotes, qui visitat iniquitatem. & Jos. xxiv. 19. *אל קנא הוה*, Deus zelotes est, non feret defectionem vestram & peccata vestra.

Unde vel in remissione peccati demonstrationem Divinæ justitiæ intervenire necesse est.

XIII. Adeo quidem, ut tum quoque *quum iniquitatem & defectionem & peccatum condonat*, *אל יקרא לך נקרא* prorsus infontem non habeat. Exod. xxxiv. 7. sed in illustrissimo isto *misericiæ suæ actu* aliquam etiam *justitiæ suæ demonstrationem* postulet. Memorabile est, aliquoties sententiam hanc ingeminari, ubi summa Dei erga peccatores benignitas, vel ab ipso, vel a servis suis, celebratur: uti Num. xiv. 18. Jer. xxx. 11. xlvi. 28. Ut sciant nimirum fideles, non esse sibi exspectandam, vel expetendam etiam, peccatorum suorum veniam, sine declaratione aliqua Divinæ adversus ea severitatis. Severitatem autem istam Deus dupliciter ostendit, I. dum peccatum *castigat in ipsis fidelibus*, quibus cæteroqui condonat. Pl. xcix. 8. Et hoc est quod dicitur, Jer. xlvi. 28. *castigabo te למשפט*, ad iudicium, modice, & non omnino habebis infontem. II. Et præcipue quum peccatum, quod fidelibus remittit, in sponsore vindicat. Non enim remittit, neque potest remittere, nisi iuste.

XIV. Idcirco ΕΠΕΡΕΠΕ ΔΕCUIΤ eum propter quem sunt omnia, & per quem sunt omnia, ut posteaquam multos filios in gloriam adduxisset, principem salutis ipsorum per passiones consummaret. Heb. 11. 10. Id enim exigebat *ῥα εἰς* & decentia (si ita loqui fas sit) numinis, ut peccata remittens justitiam aliquando suam in poscendo Christi Sponsoris sanguine demonstraret: quod præclare iterum Apostolus docet: Rom. 111. 25. 26. *Quem præstituit Deus ut esset placamentum per fidem in sanguine ipsius, ad demonstrationem justitiæ — — ut sit ipse iustus, & justificans eum qui est ex fide Jesu.* Et sane nunquam sanctissima Dei ira adversus peccata hominum luculentius demonstrata est, quam quando, nobis ea remittens, in dilectissimo Filio suo tam severe vindicavit. Hanc ergo iram Dei adversus peccata humani generis conceptam Christus sustinuit.

Eam iram Dei sustinuit Christus ab initio vitæ ad ejus usque finem.

XV. QUANDO? Jam inde *ab initio vitæ suæ, & maxime sub illius finem.* Universam nimirum hominis vitam miseriæ mancipavit peccatum, dignumque eum effecit, qui nullo non tempore, delicti sui atrocitatem, & urgens Dei Judicis flagellum, experiretur: id quod mox a crimine suo homini intentavit Deus. Gen. 111. 17. *Maledicta est terra propter te, cum dolore comedito proventum ejus* OMNIBUS DIEBUS VITÆ TUÆ. Christus ergo vadimonium pro nobis subiens, vitæ etiam ab initio ad finem usque misera sponte se subjecit: semper circumferens *formam servi*, Phil. 11. 7. & ostentans *similitudinem carnis peccatricis*. Rom. vii. 3. Quumque omnes illæ perpeffiones ex maledictione Dei

Dei

Dei adversus peccatum proficiantur, & vi sponfionis pro peccato Christo incumbant, singula etiam in unam summam colligendae sunt ad absolvendum satisfactionis apotelesma.

XVI. Perpeffionum Christi *quatuor* quasi *Periodi* sunt. I. In *vita exordio*: ubi occurrit Exinanitio per assumptam formam servi, Nativitas in paupertate, Circumcisio octavo die, cujus non dolor solum attendendus, sed & quae ei inerat obligatio ad totum legis postulatam explendum, & praesignificatio fore ut Christus excinderetur olim e terra viventium, ad salutem corporis sui mystici, sicut in circumcissione amputabatur pellicula, ne totus homo interiret. Adde persecutionem Herodis, Fugam in Aegyptum, Infanticidium Bethlehemiticum, totque moestarum matrum, illius occasione, ploratum. II. In *vita privata*, quam cum parentibus in re tenui exegit, pro *fibro* & *fabri filio* existimatus. Marc. vi. 3. III. In *vita publica*, ab aetatis suae anno trigesimo: quando cum paupertate, invidia, malevolentia, convitiis, calumniis, insidiis, persecutionibus, Scribarum imprimis atque Phariseorum ac primatum populi, affidue ipsi luctandum fuit. IV. In *sine vita*, & novissimo illius die: quando perpeffionum omnium horror incredibili vehementia ei incubuit. Ubi distincte iterum considerari possunt. I. Ea quae Christum post ultimum cum suis epulum, tam Paschatis, quam Coenae, in quibus instantium passionum terribilis pictura cernebatur, perpeffus est in *horto Gethsemane*, vehementer contritus spiritu, venumdatus & proditus a Juda, captus ab hostibus, desertus a discipulis. II. Quae passus est, coram *tribunali Judaeorum*, falso accusatus, injuste condemnatus, acerbè illusus, interimque a charissimo suo Petro ter abnegatus. III. Quae passus est in *adibus* tam *Pilati* quam *Herodis*, post novas accusationes, latroni Barrabae a toto populo postpositus, crudelibus flagris, auctore Pilato, laceratus, a suis pertinaciter ad crucem postulatus, tandem, reclamante Judicis conscientia, condemnatus. IV. Denique quae passus est, *post* sui per Pilatum *condemnationem, ad mortem usque*.

XVII. QUO FINE hæc perpeffus est Dominus? Ut *reconciliaret electos peccatores Deo*; & *resisteret* iis numinis *favorem*, in quo vita & salus est. Nimirum in passionibus *duo* considerari possunt, *dolor* quem sustinuit, poenas peccatorum nostrorum ferens, ad *expiandum* eorum *reatum*: & *eximius charitatis ardor* erga *Patrem* coelestem & *fratres* terrenos; Joh. xiv. 31. & xv. 13. in quo *submississimæ obedientia* exemplar erat, Phil. ii. 8. ad *favorem* Patris nobis *conciliandum*.

Idque ut  
peccatores  
reconcilia-  
ret Deo.

XVIII. Reconciliationis hujus, per Christi passiones partæ, disertim & frequenter Scriptura meminit. Rom. v. 10. *Si quum inimici essemus reconciliati sumus Deo per mortem Filii ipsius.* 2 Cor. v. 18. *Deum reconciliavisti nos*  
Symb. Apost. Cc filii

sibi per Jesum Christum, vers: 19. Deus erat in Christo mundum reconcilians sibi, non imputando eis offensas eorum. Col. 1. 20. Placuit Patri per eum reconciliare omnia sibi, pace per sanguinem crucis ejus facta. Et quæ ejus generis plurima exstant testimonia.

XIX. Notandum autem, reconciliationem hanc & Deo Patri, & Christo Mediatori, & ipsis quandoque fidelibus attribui: sed sub alia atque alia ratione. Deus Pater nos reconciliare dicitur, quatenus ab æterno decrevit quosdam ex hominibus in peccatum prolapsis in gratiam restituere, ipseque ex *φιλανθρωπία* sua placabilis, & modo qui numine suo dignus erat, placari volens, illud omne præparavit, quod ad componendam inter se & peccatores discordiam necessarium erat. Id docemur 2 Cor. v. 19. Col. 1. 20. Christus Mediator reconciliat nos Patri satisfactione ac merito suo illud Deo exhibendo cujus intuitu iram omnem ponit: nam & omne jus legis implevit, ut juste Deus peccatorem justificare queat, & sanguine suo conscientias electorum mundat ab operibus mortui, ne amplius in ea peccata prolabantur, quæ reconciliationis vinculum abrumphant, sed serviant Deo vero & vivo. Heb. ix. 15. Adde 1 Pet. ii. 24. Fideles dicuntur se Deo reconciliare: 2 Cor. v. 20. quatenus beneficium sibi a Deo Patre destinatum, a Christo Mediatore impetratum, in Evangelio oblatum, vera fide amplectuntur, inimicitias omnes pro sua quoque parte deponentes, & Deum amantem vicissim redamantes.

Item in sanguine  
ejus est  
iustificatio.

XX. Et ne dubitemus *passiones* Christi ad reconciliationem hanc intercedere tanquam *causam meritoriam*, scriptura Christum *ιασµος* vocat, 1 Joh. ii. 2. *ιασµος* is τῷ ἁγίῳ. Rom. iii. 24. allusione facta *partim* ad sacrificia expiatoria V. T. unde aries, quo fiebat sacrificium, *ἁγίος* *ιασµος* aries expiationis: Num. v. 8. & dies, quo propitiatio pro peccatis populi fieri solebat, *ἁγίος* *ιασµος*, dies expiationis, Lev. xxi. 27. nuncupatur: *partim* ad operculum arce, quod Hebræi כַּפֹּדֶת, Paulus *ιασµος* vocat Heb. ix. 5. Non unam ob causam tegmen illud arce fœderis, *propitiatorium* dicitur. I. Quia tegebat legem arce inclusam, ne illa fideles criminum, adversus se & fœdus commissorum, reos peragere posset. II. Quia Deus se ibi placari & propitiari populo suo patiebatur, resperzione sanguinis victimarum, quæ fieri solebat ad hoc operculum. Lev. xvi. 14. III. Quia consequenter ibi se propitium, & placatum, ac velut throno gratiæ, qui inter Cherubim erat, insidentem, populo suo exhibebat. Apostolus vero nomen figuræ atque umbræ corpori, ut par est, applicans, Christum *ιασµος* dixit. I. Ipse enim est, qui perfectissima justitia sua peccata nostra obtegit, ne unquam in conspectum Dei veniant: medium se inter Deum ac nos interponendo, sicut operculum medium erat inter legem in arca repositam, & Majestatem Dei habitantem inter Cherubinos. II. Ipse est, qui, adspersione sanguinis sui, quem Paulus

*Quia sacrificium* vocat, Heb. xii. 14. facta, plenam nobis expiationem apud Deum obtinuit. Heb. i. 3. & ix. 12. III. Ipse denique est, in quo Deus thronum gratiæ erexit, ad quem accedere jubemur : & in quo gratiosa ad preces nostras responsa accipimus. Heb. iv. 16.

XXI. Cæterum PRO QUIBUS Christus passionibus suis satisfecit? Non pro omnibus singulisque hominibus, sed, ex Dei Christique consilio, pro solis electis. Non diffitemur equidem, passiones Christi *in se* consideratas, habita *per-*sona patientis ratione, quæ, ut sæpe jam monuimus, infinitæ dignitatis est, tanti esse valoris, ut omnibus omnino hominibus, & pluribus insuper, si extarent, hominum myriadibus, redimendis sufficerent, si quidem Deo & Christo placuisset ut sponsonem pro iis omnibus susciperet. Neque inficias imus, Christum, *qua hominem*, legi charitatis subjectum, omnes homines, ut proximos suos, sancte amasse, ex animo iis bene cupivisse, pereuntium perditioni serio indoluisse, quos tamen, *qua Deum*, sciebat esse reprobos, & pro quibus, *qua Mediator*, non sponsonderat : ita tamen ut *affectum* hunc humanitatis subjecerit ordinationi Divinae. Sed nec hoc negamus, occasione passionis & satisfactionis Christi, multa bona reprobis quoque obtinere. Iis enim debent reformationem mundi a crassa illa idololatria, & belluina feritate, per prædicationem Evangelii ; multa etiam præclara, licet non salutaria, Spiritus Sancti dona ; & quod *per agnitionem Domini ac Servatoris Jesu Christi mundi pollutiones effugerint* ; quæque id genus plura sunt. Eaque obtinent non fortuito, citra intentionem Dei & Christi ; sed ex destinato numinis & Servatoris consilio. Id interim ex Scripturis tenemus, Christum ex voluntate Dei Patris, suoque proposito, non sponsondisse, nec satisfecisse, adeoque non esse passum, nisi pro iis quos Pater ipsi dedisset, quique revera servantur. Quia descendi, inquit, e caelo, ut exsequar non voluntatem meam, sed voluntatem ejus qui misit me. Hæc autem est voluntas ejus qui misit me, Patris, ut QUICQUID MIHI DEDERIT non perdam ex ea. Joh. 38. vi. 39.

XXII. Faciunt huc ea Scripturæ testimonia, quibus passiones Christi ad oves suas, ad Ecclesiam suam, ad populum suum, & quidem populum sibi peculiarem, restringuntur. Joh. x. 15. Eph. v. 25. Act. xx. 28. Tit. ii. 14. Omnia enim eo tendunt, ut amplificetur insignis Christi amor erga oves suas, pro quibus animam ponit, erga ecclesiam, quam suo sibi sanguine acquisivit, erga populum suum, pro quo se tradidit. Si autem nihil eximii in hoc negotio oves, ecclesia, populus Christi, præ cæteris omnibus mortalibus habeant ; quæ probabilis dici potest ratio, cur immensus iste amor, animam ponentis, sanguinem fundentis, & tradentis se Christi, illis speciatim imputetur ? Sed hac de re alibi a nobis fusius actum est.

XXIII. Placuit Symboli conditoribus PONTII quoque PILATI meminisse, uti sub cujus præfectura passionem suam Dominus consummavit : non ea mente, quasi eas solum Domini passiones meritorias esse existi-

Cur Pilati in Symbolo mentio.

stimaverint quæ post latam a Pilato sententiam ei evenerunt; (eo enim nihil absurdius, nihil a communi Christianismi sensu alienius est) sed partim ut epocham Christi passi cum Romanorum historiis facilius esset conferre, sicut Lucas ad epocham Christi nati descriptionem Augusti iusti factam memorat; partim ob alias rationes momentosas, quæ mox exponendæ venient.

Esus ingo-  
nium & in-  
dolca.

XXIV. De Pilato autem tria observanda sunt. I. *Ingenium atque indoles hominis, quam Philo in Legatione ad Cæsarem vivis coloribus delineavit.* *Ἦν γὰρ τῶν φύσιν ἀναμάρτης καὶ μετὰ τὴν ἀνδρείαν ἀπειθήμων.* Quod interpretes concisus reddidit: *erit pervicaci duroque ingenio.* Paulo post exprobrat Pilato, *δυσδαλὴς, καὶ ὄργις, καὶ ἀπειρίας, καὶ ἀνίας, καὶ ἰσχυρῆς, ἀρτίς καὶ ἰσχυρῆς φύσις,* & denique *ἀνέναντος καὶ ἀγρυπνησάτου ἀνέστη:* *venditatus sententias, rapinas, injurias, clades, tormenta, crebras caedes indemnatum, crudelitatem sævissimam.* Et sane talem esse hominem oportuit, qui nequicquam reclamante animi conscientia, tam immania adversus innocentissimum caput, & sanctissimum virtutum exemplar, licere sibi viderit. Sed & meritis scelerum poenas dedit: a Vitellio, Syriæ Præfide, primum in ordinem redactus, dein loco motus, demum Romam missus, ut apud Cæsarem causam suam ageret, & objecta dilueret: quod quum nequiret facere, *perpetuo exilio Vienna (in Galliis) recluditur, tantisque ibi irrogante Cæso doloribus coarctatus est, ut sua se transverberans manus, multorum malorum compendium mortis celeritate quaesierit.* Verba sunt Adonis, qui ejusdem civitatis Episcopus fuit, in suo *Chronico.*

Summa in  
Judæam po-  
testas.

XXV. II. *Summa Potestas, quam tunc Imperatoris populi que Romani nomine in Judæa obtinebat, quamque ipse Christus ut superne ei datam non dedignatus est agnoscere.* Joh. XIX. 11. Sub istiusmodi iudice, qui causæ cognoscendæ, & sententiæ ferendæ jus potestatemque haberet, & quidem quæ ad causæ momentum pertinebant in iudicio examinatis, pati Christum par fuit. A. Ut satisfaceret Prophetiæ, *Jes. LIII. 8. A contumelione & JUDICIO tollitur.* B. Ut abunde certi essemus de Christi innocentia, quæ, pessimis artibus impetita, post causæ scrutinium, quæstione rite habita, constanter a iudice agnita, & quinquies laudata fuit. In hoc autem cardine universum salutis nostræ negotium vertitur. Quid enim sperandum nobis a Christo esset, nisi non ob sua eum crimina, sed nostra, condemnatum esse constaret? C. Ut ipse injuste a supremo illius terræ iudice condemnatus, nos a justo quod nobis imminabat Dei iudicio liberaret. Injuste sane Pilatus agebat, quem ipse absolverat ad clamorem populi condemnando, *Luc. XXIII: 24. Veruntamen Deus, cuius est iudicium, Deut. 1. 17. Christum, ut nostris oneratum obstrictumque criminibus,*

Pilati

Pilati ore, rite legitimeque damnavit, atque ita, Sponsorem dammando nostrum, nos absolvit. *Castigatio pacis nostra imponitur ei, & tunice ejus fit curatio nobis.* Jes. LIII. 5.

XXVI. III. Prætereundum non est, potestatem illam, cui tum suberant Judæi, *Externam* atque *Gentilem* fuisse. Tiberius enim, *Romanorum Imperator*, Pilato Judææ præfecturam, suo populique Romani nomine, demandaverat, & *Vitellius, Syria præfes*, eum loco movit: unde patet, *Judæam tunc Provinciam fuisse Romanorum, & accensam Syria.* Quod profecto non parum ad rem communem Christianorum, ac præsens negotium, facit. Nam A. Hinc patet, tempus, adventui Messiae destinatum, jam exspirasse, *sceptro penitus a Juda sublato*, & Syriæ Præfecto Judææ præsidem coercente: quod ante Messiam fieri non debuisset, arcana cecinerunt oracula. Gen. XLIX. 10. Jes. VII. 8. *Caput Syria erit Damascus*, non Judææ, quæ non dependebit a Damasco vel Syria, antequam Virgo conceperit, filiumque pepererit. vers. 14. Et Judæi contra semet ipsi testantur, Pilato dicentes, *nobis non licet interimere quenquam.* Joh. XVIII. 31. (sive quod ea iis ab Romanis ablata fuerit potestas, ut plurimi credunt, sive ipsius Synedrii oscitantia eam perdidissent, ut *Lightfootus* prolixè pugnat ad b. l. & ad Mat. XXVI. 3.) & clamantes *non habemus Regem nisi Cæsarem.* Joh. XIX. 15. B. *Omniū redemptorem*, tam Gentium, quam Judæorum, uti pro omnibus, ita & ab omnibus pati decuit. Act. IV. 27. *Congregati sunt enim vere adversus sanctum Filium tuum Jesum quem unxisti, Herodes & Pontius Pilatus, cum gentibus & populis Israelis.* C. sub Gentili pati debuit, ut more Romano cruci affigeretur, quod insolitum cæteroqui Judæis supplicium erat: observante ipso Johanne cap. XVIII. 31. 32. *Judæi discerunt ei, nobis non licet interimere quenquam.* Ut sermo Jesu impleteretur quem dixerat, significans quæ morte futurum erat ut moreretur. Si enim juxta Judæorum leges interimendus fuisset, non tam *lignum* expectandum habuisset quam *lapides.*

XXVII. Nunc hujus quoque articuli PRAXIN meditemur. *Quid* Præf. quid nobis ad sapientiam, humiliationem, consolationem, salutem denique necessarium est, id omne, modo per fidem attendamus, in CHRISTO PATIENTE conspiciendum exhibetur. Summa salutaris Sapientiæ, uti ex fundamentis Catecheticis constat, *tribus* hisce capitibus absolvitur, agnitione MISERIÆ, LIBERATIONIS, GRATITUDINIS nostræ, quæ Paulus quoque junxit Rom. VII. 24. 25. Nihil autem horum est, quod aliunde & clarius & affectuosius discamus, quam ex passionibus Christi.

XXVIII. Ad *miseriam nostram* & *pravitas peccati* & *diritas meritis* A Christo patiente discimus Mi- pertinet, Utramque, peccator, in Christi passionibus conspice.

tus, procul omni solamine, in maximis angoribus, execrabili est affixus cruci, manibus pedibusque inserto clavorum chalybe perterebratis. Quod consolationibus SS. Spiritus mulceris; quod in afflictionibus exsultas; quod liber tibi ad thronum gratiæ accessus patet; quod conscientiam tranquillam habes; quod cœlum ipsum, & vitam audes sperare æternam: non aliunde, nisi ex iisdem Christi perpeffionibus oritur, qui ipse tua causa blando paterni favoris influxu in mœroribus suis caruit, de angustis animi conquestus est, non exauditas preces suas doluit, Pf. XXI. 1. 2. 3. & vinculis mortis atque inferni cinctus constrictusque est. IV. Hinc etiam magnitudinem boni illius æstima, quod ipse Dei Filius, cui quarumvis rerum pretia optime cognita sunt, tam caro passionum pretio suis impetrare non dubitavit.

Et Gratitudinem.

XXXI. Quanam autem *grati* animi testificatione immenso huic amori quodammodo respondebimus? I. Quicquid in animo nostro odii, iræ atque vindictæ esse potest, id omne adversus peccatum convertamus, quæ unica omnium Christi dolorum causa fuit. Non Judas, non Scribæ, aut Seniores populi atque Pontifices, non plebs Judæorum, non Herodes, aut Pontius Pilatus, quicquam in eum valuisse; non expedita in eum fuissent aut flagra, aut spinæ, aut clavi; non incurrisset in eum Princeps tenebrarum cum copiis suis: nisi peccata nostra in se suscepisset, haut alio modo pianda. Jes. LIII. 5. 6. 7. Et nos ea olim, atque utinam olim! admissa, non amarissimis deplorabimus lacrimis? Zach. XI. 10. Nos in eo cœno ac stercore volutabimus, a quo præter sanguinem Filii Dei nihil nos mundare valuit? Nos ad servitutem pristinorum criminum redibimus, & ad vanas conversationes a Patribus traditas, a quibus in libertatem vindicari non potuimus, nisi tam inæstimabilis pretii lytro? Nos veterem illum hominem, parricidam Christi, Domini, Fratris, Sponsi nostri, in animis nostris vivere, vigere, rerumque potiri patiemur? Absit, procul absit a generosis pectoribus tam fœda ignavia. O peccata nostra, ô filiæ Babelis internecioni devotæ, bene illi sit qui rependet vobis, qui prehendet parvulos vestros, allidetque ad petram salutis nostræ. Pf. CXXXVII. 8. 9. II. Quicquid contra gratum esse Domino nostro novimus, id omne ei & incunctanter & abunde præstemus. Triginta argenteis a Juda venditum, omnibus mundi thesauris infinito chariorem æstimemus: a discipulis desertum, immoto animi proposito, quocunque præverit, pedepressum sequamur: a Petro abnegatum, confiteamur constanter: a Proceribus urbe ejectum, comitemur alacriter, opprobrium ejus portantes, recipiamusque cum verbo & Spiritu intra valvas urbium, portas ædium, penetralia cordium nostrorum, ibi victurum ac dominaturum in omnia secula: eum adhuc in egenis suis nudum, famelicum, sitientem, amiciamus, cibemus, potemus: hoc est,



est, aceti ac felleis loco, bibendum ei dare de vino aromatate, de succo malograna-  
torum. Cant. viii. 2. Nihil denique in ejus cultu ac ministerio tam af-  
perum nobis occurrat, cui non lubenter nos in ejus gratiam impenda-  
mus, qui multo plura & acerbiora pro nobis sustinuit

## EXERCITATIO XVI

DE

## CRUCIFIXIONE ET MORTE CHRISTI.

## B R E V I A R I U M.

1. Christi CRUX totius Religionis fundamentum est. 2. Voces Patibuli, Fur-  
cæ, Crucis exponuntur. 3. 4. 5. Forma, Partes, Magnitudo crucis. 6. Chri-  
sti crucem nihil admodum a vulgari diversum habuisse, probabile est. 7. 8. 9.  
Historia crucis per Helenam reperta. 10. 11. 12. 13. 14. 15. 16. Quam  
fabula propiore esse multis argumentis arguitur. 17. 18. Crucifixionem præ-  
cedit I. Verberatio. 19. 20. Quæ in Christum quoque crudeliter adhibita. 21.  
II. Crucis portatio. 22. Quam Christus pariter subivit. 23. III. Vestium des-  
poliatio. 24. A qua nec Christus immunus. 25. 26. 27. Crucifixionis modus  
varius. 28. In Christo maxime vulgarem usurpatum esse credibile est. 29. Cru-  
cifixionem quæ sequi sueta. 30. Ea nec Cruci Christi defuerunt. 31. Crucis  
supplicium pro summo cum causa habitum est. 32. 33. A Deo ipso maledictum.  
34. Christi in cruce MORS, sancta quidem & placida: 35. Attamen male-  
dicta. 36. Crucifixio Christi, ut plena mysteriis, quæ ad nos quam maximo  
pertinent, religiose meditanda est. 37. Flagellatio, Crucis portatio, Ve-  
stium despoliatio, olim prædicta, præfigurataque sunt. 38. De crucifixione  
vaticinati sunt David & Zacharias. 39. 40. Lectio כארי Ps. xxii. 17.  
defenditur. 41. 42. 43. Crucifixionis typi. 44. 45. Custodia, ludibria,  
mors, pariter prædicta & præfigurata. 46. Breviter, omnia Christo ex desi-  
nito Dei consilio evenerunt. 47. 48. Gravis admodum Christo fuit flagella-  
tio. 49. 50. 51. Et educio ex urbe portantis Crucem. 52. 53. Et ve-  
stium despoliatio. 54. Sed supra omnia ipsum crucis supplicium.  
55. 56. Et quæ id consecuta sunt; Custodia. 57. Ludibria. 58. 59.  
Mors. 60. 61. 62. Non sine spiritali copulatione meditanda hæc nobis  
sunt. 63. 64. Omni dolore atque ira in peccatum versa. 65. 66. 67. 68.  
69. 70. 71. 72. 73. Christi crucifixionem scaturiginem consolationis esse,  
per singulas partes ostenditur. 74. 75. A Christo moriente, sancte & vivere  
& mori discimus.

Christi  
CRUX to-  
tius religio-  
nis funda-  
mentum est.

I. **F**undamentum fundamentorum, & columna secretioris sapientiae, CRUX CHRISTI est, qua sine nec religionis nostrae arcana cognosci, nec digna Deo sanctitas comparari, nec aeterna salus obtineri potest. Hujus rei gratia Paulus, ceterorum omnium quae didicerat veluti oblitus, in animum induxit, *nihil penes Corinthios scire prater JESUM CHRISTUM, eoque CRUCIFIXUM.* 1 Cor. 11. 2. Si qua ergo materia, haec certe homini Theologo, imo cuicunque Christiano, accurate & pie meditanda est. Et nos quidem in praesentia ita eam tractabimus, ut *primo* crucifixionis Christi *historiam*, uti ab Evangelistis enarratur, exponamus; ex Antiquitate Romana, sed carptim ac parce, ea comportantes, quae huic rei illustrandae sunt: *dein* ad *mysteria* interioris Christianissimi transibimus, in quorum fide ac praxi germanae pietatis medulla est.

Voces Patibuli, Furcae, Crucis, exponuntur.

II. Praelibanda nonnulla videntur de *vocabulis* quibus hoc supplicium designatur, & de *forma* crucis, antequam *crucifixionis modum* enucleemus. Creberrimae sunt voces *Patibuli*, *Furcae*, *Crucis*, quae generaliiori significatione, a disertissimis etiam Latinae linguae auctoribus; quandoque confunduntur. Attamen *Crux*, proprie & stricte dicta, a *Patibulo*, itidem stricte dicto, distinguitur. *Patibulum* vel *Vetus* est, vel *Novum*. *Vetus*, stipex erat superius bifidus, lignum nimirum unum divisim cornibus exurgens ad figuram literae Y. *Patibulum* dicebatur, non a *pati*endo, ut post *Isidorum* multi voluerunt, sed a duobus illis *patentibus* ramis, sive cornibus: ut *Latibulum* a *latendo*. Idem, ob similitudinem instrumenti rustici, *Furca* frequenter vocabatur: quae cum *Veteri Patibulo* prorsus idem est. *Novum Patibulum* a Constantino est introductum: qui quum nollet salutare signum subservire ad perniciem, poenisque vilescere damnatorum, *vetus veterrimumque supplicium patibulorum primum* removit; uti *Victor* in *Constantino* ait; vel, ut *Cassiodorus*, *Hist. Trip. par. 1. cap. 19. Supplicium Crucis, quod primum apud Romanos erat in usu, lege prohibuit.* Illius loco aliud introduxit *Patibulum*, hodieque usitatum; ad formam Graecae  $\pi$ . in quo damnati non clavis affiguntur, sed recte strangulantur. Ab utroque patibulo distincta erat *Crux*, cujus formam mox exhibebimus. Videri de his vocabulis possunt *Casaubonus*, *Exerc. XVI. ad Ann. Baro. Salmasius*, in *Epistola altera ad Bartholinum de Cruce & Vossius*, in *Harmo: Evang. Lib. 11. cap. VII. §. XI.* itemque in *Etymologico*: qui *Lipsii* hallucinationes erudite castigarunt.

Forma, Patibuli, Magnitudo Crucis.

III. *Forma crucis*, vel *rarior* erat, vel *frequentior*. *Rarior*, decussata, ad speciem literae X, quae figura est crucis. *Hieron. in Jer. xxxi: Nec minus clare Isidorus. Orig. Lib. 1. cap. 111. X litera, & in figura crucem, & in numero decem demonstrat.* Haec est illa quae *Andreana* dicitur, valida & satis vetere fama, dubium tamen, an vera. *Frequentior* referebat literam T: arrectario tamen ligno supra transversum aliquando eminente.



*si redemptio ipsa non cernitur?* Ita eam loquentem in scenam producit *Ambrosius*, Orati. in Fun. Theodosii. Periculis ergo tam Christianorum quam Judæorum, Paulino teste Epist. XI. Hierosolymam accitos congregavit. Tum omnium una de loco testificatione confirmata, jussit illico, urgente sine dubio concepta revelationis instinctu, in ipsum locum operam fassionis accingi. Neque diu fuit, quin abdita crucis arcana paterent. Sed quum tres pariter cruces, ut quondam fixa Domino & latronibus steterant, reperta fuissent, gratulatio repertarum cepit, anxia dubitatione confundi, piorum metu, ne forsitan pro cruce Christi patibulum latronis eligerent. Unde colligas, formam omnibus eandem fuisse.

VIII. Cæterum quæ tandem nota discriminis? Si *Ambrosio* credimus, Deum *in* *maximo* intervenire necesse non fuit. Invenit enim Helena in medio patibulo, prælatus titulum, JESUS NAZARENUS REX JU-DÆORUM. Hinc collecta est series veritatis, titulo Crux patuit. Et fortasse sic ea tempestate credebatur. At aliter *Ruffino* visum, qui rem tantam non absque miraculo confici potuisse credidit. Adducta est *semitiva* mulier, quæ primæ secundæque crucis attactu nihil adjuta, simul ac tertiam admoventi sensit, repente adaperis oculis resurrexit, & stabilitate viriorem recepta, alacrior multo, quam quum sana fuerat, tota domo discurrere, & magnificare Dei potentiam cepit. *Ruffi. Hist. Lib. 1. Cap. XVII.* Id si ad faciendam fidem non sufficiat, aliud, & majus, ex Paulino audi, cui *Sulpitius* adstipulatur *Severus*. Cadaver illatum est; deponitur; jacenti una de crucibus admoventur, dein altera: sed eamque ligna mors sprevit. Postremo Dominicam crucem prodit resurrectio: & ad salutis ligni tactum, morte profuga, furus excussus, & corpus erectum est. *Nicephorus* utrumque conjungit. *Lib. VIII. Cap. XXIX.*

IX. Imperatrix ergo voti compos effecta, tantisque confirmata miraculis, templum mirificum, eo in loco in quo crucem repererat, regia ambitione construxit. Crucis autem inventæ partem alteram Hierosolymis esse relictam, alteram ad Constantinum ablatam, & *Sozomenus* & *Theodoretus* affirmant. Quam ubi *Constantinus* (ita *Socrates* in epist.) accepisset, in suam inclusit statuam quæ Constantinopoli in foro collocata est: ratus civitatem, in qua illa servaretur, omnino salvam & incolumen fore. Hæc est rei gestæ historia: quæ tot, tantæque fidei & auctoritatis, firmata testibus, tam constanter in Oriente pariter atque Occidente credita, extra omnem dubitationis aleam posita esse videtur. Idque eo magis, quia *S. Cyrillus*, Hierosolymitanus Antistes, qui his temporibus vixit, & interfuisse potuit ejusdem crucis inventioni, ad Constantium, Constantini filium, de salutari crucis ligno reperto scripsit. Vide *Baron. Tom. III. ad An. CCCXXVI. Num. XLII. & seq.*

X. Non desunt tamen Viris Doctis quæ contra dissentent. Ac primo quidem vetant oculos nobis præstringi narrationis alicujus late didita; multif-

multique, etiam non omnino imprudentibus, creditâ fama. Homo natura ad fingendum pronus est: & facile ab aliis ea commenta recipiuntur quæ rei alicui cui impense student commendandæ idonea sunt. Quod exemplis confirmare in mundo est. Quid per multa secula celebrius fuit Constantini lepra, & Baptismo apud Romam a Sylvestro, Urbis Episcopo? Quid Catharinæ, Regiæ apud Alexandriam virginis, diris passionibus vulgatus? aut Giganthea Christophori statura? Quid Sancta Ursula cum undecim mille virginum choro, illarumque martyrio, decantatus? Quid famosius Rhemeni ampulla, ad Chlodovæum inungendum Divinitus delata? Quam nobilis & antiqua fabula de Carolo Martello ad gehennam damnato? Horum tamen omnium cordatiores Romanensium hodie pudet. Ita quoque fieri potuit, ut hæc de reperta cruce, annis aliquot post Helenæ mortem, a nescio quo primum conficta, patulas aures invenerint: quia admodum favere videbantur illi circa reliquias religioni, quæ affecto seculo quarto gliscere coepit. Sane Chronicum Colonienſe, conscriptum Anno M. cccc. xcix. ante exortam Reformationis lucem, hanc inventæ crucis historiam, non minus incertis & dubiis accenset, quam illam de undecim mille virginibus.

XI. Nam & illud observandum, non esse hanc rem traditam nisi ab iis qui Constantino & Helena aliquanto tempore posteriores fuerunt. Quod rem mature quidem, nec multis post Helenæ obitum annis, traditam receptamque demonstrat: veram esse, non vincit. Primus qui illiusce meminit *Cyrillus Hierosolymitanus* est, si modo Cyrillus. Hunc potuisse interesse inventioni Crucis, Baronius dixit: interfuisse, erubuit dicere. Sed non sine causa a Viris Magnis dubitatur, an veri Cyrilli hæc gemina epistola sit: tum quia *Hieronymus*, acer licet reliquiarum patronus, de ea epistola nihil dicit, quo loco Cyrillum inter illustres illius memorizæ scriptores referens de ejus rebus & libris docet: *Lib: de Script. Eccl. in Cyrillo*: tum quia ipsa Epistola ea continet quæ vero Cyrillo indigna sunt. Nam postquam præfatus esset, literas se dare non verborum adulatione refertas, mox tamen Constantium vocat *maximè piatissimum Imperatorem*, qui sua erga Deum pietate majores suos superaverit. Et deinceps, *Hæc ab Hierosolymis primas munusculo vocat*. Tibi, *quæ pietatis studio, Christi Unigeniti Filii Dei & Salvatoris nostri una nobiscum adoratori*. Quo modo Episcopum orthodoxum Imperatori Ariano, multique sædo criminibus, scripsisse, probabile non est. Vide *Baronium ad An. cccliii. Num. xxvi.* & seq. ubi epistolam tam exhibet: & quum tanta Constantii encomia displicerent, ipse in margine annotavit, *Profusa laudatio*.

XII. *Ambrosii* testimonium annis plus minus octoginta, re gesta, si modo gesta, posterius est. Theodosius enim, in cuius oratione funebri id differit Ambrosius, obiit Anno Christi cccxciv. Crucis autem inventio refertur ad annum cccxxvi. Adde Ambrosium, virum cætera gravissimum, magnum fuisse reliquiarum promotorem: quem mirum non est sparso de Crucis inventione rumori facile credidisse. Hoc enim natura cuivis insitum est, ut iis quæ valde cupimus, licet non satis explorata sint, statim ac facile adhibeamus fidem, iisque, ut hypothesi interservitur, utamur alacriter.

XIII. Et profecto si tanti Crucis inventio est, ut, juxta Ambrosium, dicendum fuerit Helenæ; *quomodo me redemptam arbitror, si redemptio ipsa non cernitur?* quo pacto excusari possunt Apostoli, primique Christiani, quod potiundæ cruci non majorem adhibuerint diligentiam? Non enim Judæi, non Pilatus, qui Christi cadaver Arimathæensi Josepho concessit, discipulis infelix magistri patibulum, uti opinor, invidissent. Fac invidisse. Cur non saltem Apostolorum discipuli, diruta Judæorum Politia, Urbe ferro & flammis excisa, ex vicino, quo confugerant, oppido statim advolant, in ruderibus illis crucem scrutaturi, tantam religionis suæ partem, inexhaustum benedictionum ac miraculorum thesaurum, Ecclesiæ peculium, spem, præsidium? Præsertim quum nullum ibi persecutionum ludibrium metuendum, sed solitudo, ac muta omnia, essent. Nimirum existimabant id quod res est, nihil ad Ecclesiam commodi ex materiali illa cruce redundare nunc amplius posse. Sufficiebant iis fides, dilectio, cultus Crucifixi: & pia Evangeliorum meditatio, in quibus de Domini perpeffionibus sufficienter erudimur.

XIV. Cæteri Auctores fidem historiæ destruant magis quam ut adruant. Adeo sibi dissona commentantur. Vide sis a quam tenuibus initis, uti in fabulis fieri assolet, fama vires eundo acquisiverit. *Cyrillus*, ut ajunt, simplicissime primum dixit, Constantini temporibus salutare Crucis lignum repertum. Hic substitit. *Ambrosius* rudem fabellam exornavit, vel ab aliis exornatam excepit, & Helenam crucis quærendæ atque inveniendæ ducem edidit: addito, ex titulo crucem Domini deprehenfam: non contemnendum etiam commentarium de clavis adjunxit. Aliis placuit exiliorem hanc Ambrosii narrationem miraculi gloria animare. *Ruffinus* ergo, Ambrosio paulo junior, ægram producit, Dominicæ crucis contactu repente sanatam. Sed quum nec id pro tantæ rei majestate satis esset, *Paulinus*, Poëtæ & Oratori haut vulgari, illustrius miraculum fore visum est, si mortuo vita quam si ægræ valentia restitueretur: Hinc cadaver cruci admotum, quod vita recepta mox in pedes surrexit. Sollicitudinem fortasse tam discors *Ruffini* & *Paulini* narratio scrupulosis incutiat animis: sed *Nicephorum* nunc vide, qui ingeniose,

& plane ex Græcanica solertia, difficultatem omnem eximit, utrumque admittendo miraculum. Ita paulatim instructa fabella est, quam alii aliis magno nisu tradiderunt, identidem factam auctiorem: donec Gelasio Papæ opportunum visum est fingendi libidini fibulam imponere.

XV. Sed nullum validius argumentum eo est, quod ab *Eusebii* desumitur silentio. Is Cæsareæ, urbis in vicino Hierosolymorum positæ, Episcopus, eo ipse tempore vivens, Constantino ipsi & Helenæ perquam familiaris, rem tantam, si gesta est, ignorare non potuit. Si scivisset, si vel tenuis illius aura ad aures ejus dilapsa fuisset, indictam præterire non debuit, non potuit etiam, quum tam accurate in literas digereret, quæcunque a Constantino & Helena in terra sancta, in locis Nativitatis, Passionis, & Sepulturæ Christi, gesta fuere; nusquam in laudibus Augustæ parcus. Si ulla res, hæc certe quantivis erat pretii, nec ullo modo prætermittenda accurato scriptori, ut fuit Eusebius. Unicum hoc ab Eusebii silentio argumentum, in re tam nobili, tam notabili, ubi tam comoda narrandi oportunitas, tam urgens necessitas, ad displodendam universam illam de crucis inventionem narrationem abunde sufficit.

XVI. Nec invenit quod opponeret Bellarminus, nisi unum aliquid: quod tamen aliquid nihil est. Nimirum mentionem hujus rei inveniri, non quidem in *Historiis*, attamen in *Chronico Eusebii*. Ex quo ad *Annum Constantini XVI.* hæc verba profert. *Helena Constantini Mater, divinis monita visionibus, beatissimum Crucis lignum, in quo mundi salus pependit, apud Hierosolymam reperit.* Sed hæc vel fraus est Bellarmini, vel mera supinitas. Nam neque in Græco Eusebiani Chronici textu horum verborum quicquam invenitur: neque, *Scaligero* teste, & *Spondano* non abnuente, in ullo scriptorum codicum Latinorum. Ipseque *Baronius* Eusebii Chronicon a librariis admodum depravatum esse fatetur. Et res ipsa hic clamat. Non enim crucis inventio, si inventa est, ad Annum Constantini *XV.* sed *XXI.* qui incidit in Annum Christi *cccxxvi.* referenda est. Hoc ergo additamentum a mala est & fera manu. Faciunt hæ rationes, ut cum *Chamiero*, *Panstrat. Lib. XXI.* Cap. *iv.* *Salmasio*, in *Epist. de Cruc.* p. 368. & seq. *Dallao*, de *object. cult. relig. Lib. v.* Cap. *i.* aliisque, illam de crucis inventionem historiam pro fabula habeamus.

XVII. Sed e diverticulo in viam. Nunc *crucifigendi modum* expendamus, & ordine, Quæ *Ante fixationem*, Quæ *In illa*, Quæ *Post illam*. ANTE FIXIONEM tria adhibita, *Verberatio*, *Impositio Crucis* ad gestandum, *Despoliatio vestium*. Crucifixionem præcedit i. Verberatio.

XVIII. *Verberationem* erga omnes capitis damnatos præmittere Romani solent. Hinc antiquæ formulæ: *I licitor, colliga manus, verberato, caput obnubito, arberi infelici suspendito.* Vel: *Summove licitor. despolia, verbera, lege, animadvertte.* Nominatim ea animadvertit crucifixioni præmittebatur.

tur *Alii verberati crucibus affixi. Livius, Lib. XXXIV. Et Judæi apud Josephum Lib. V Halose: Cap. XXXII. περμασμένοι flagellati, & præcruciati ante mortem omne genus verberibus, crucifigebantur.* Exempla passim apud Historicos existant *ὡς καὶ καὶ*. Multa congestit *Cassaubonus ad Lib. I Polybii*, ubi de auctoribus sceleris Rhegiensis agit. Verberatio hæc quandoque *virgæ* peracta, quod mitius censebatur & honestius: crebrius tamen *flagellis*, quæ & inhonestiora & asperiora erant. maxime quum inistis talis & officulis exasperarentur: unde, *Ulpiano teste, L. VIII. de pœnis, ministrorum immanitate multi sub ejusmodi flagellis interierunt.* Cæterum & illud observandum: flagellationem non uno semper loco, aut tempore factam. Aut enim *ante Deductionem* utebantur, in *Prætorio*: vel in ipsa *Deductione* per viam, quod moris magis fuit prisca.

Quæ in  
Christum  
quoque cru-  
deliter adhi-  
bita.

XIX. Constat, *Flagellationem* etiam in Dominum gloriæ adhibitam esse, antequam suffigeretur cruci: sed an *more Romano*, an *alian ob causam*, id enimvero dignum est quæri. Illud *Matthæus* innuere videtur: *Cap. XXVII. 26. τοῦ δὲ Ἰησοῦ φραγελλώσους παρίδωναι, ὡς συνήθη.* Consentit *Marcus. Cap. xv. 15.* Sed ex *Joh. XIX. 1.* clarum est, flagellationem a Pilato usurpatam ad efferatos Judæorum animos, si pote, mitigandos, ut a nece Christi petenda abstinerent. Quo & illa Pilati apud *Lucam* spectant, *Cap. XXIII. 22. Castigatum ergo dimittam illum.* Non impetrant assensum qui tantillo tempore binas Christi flagellationes statuunt, alteram ante latam sententiam, privato Pilati consilio, quam *Johannes* memoret; alteram post, publico more Romano, de qua *Matthæus & Marcus.* Nobis sic videtur: videbat Pilatus pertinax primatum & populi in Christum odium: qui, quicquid contra moliretur, præfracte Christum ad crucem poscebant. Quumque sciret, si ad extremum hoc supplicium omnino deveniendum esset, non posse illud adhiberi, nisi in præcruciato flagellis, inde nunc sibi inchoandum duxit, sperans interim fore, ut Judæi supplicio isthoc emolliti, crucifixionem flagitare desinerent. Atque ita duo sibi Pilatus flagellatione Christi proposuerit: primo, exasperatos Judæorum animos tam tristi spectaculo ad misericordiam flectere; vel si hoc non succederet, & prorsus cogeretur Christum ad crucem tradere, ut hac quoque in re mori Romano satisfactum foret. Hanc consilii partem *Matthæus* cum *Marco*, istam cæteri *Evangelistæ* exponunt.

XX. Sævam hanc flagellationem atque immitem oppido fuisse, facile colligitur ex fine quem se assecuturum Pilatus sperabat. Novarat enim obstinatas Judæorum mentes: quas, nisi miserando admodum exemplo, ad misericordiam macerare, frustra, & insipienter etiam, tentasset. Propius quoque fidem est, non *virgæ*, sed *flagræ* cæsum esse Dominum: non modo quia vulgatus illud, & Pilati consilio conducibilis erat



erat; sed & quia ipsa Evangelistarum verba, *φραγίσσασθαι & μαρτύρειν* id suadent. Istud enim corruptum est a Latino *flagellum*, illud est a *μάστιγος*. *flagrum, scutica*. Columna Christum, dum flagellabatur, alligatum fuisse, Veterum multi crediderunt: neque abludivit a more Romano. Cæterum columinam istam Hieronymi adhuc tempore fuisse superstitem, quæ Ecclesiæ tunc porticum sustinens infecta Domini sanguine viscebatur, credulus sit oportet qui sibi patitur persuaderi. Quæ recentiores revelationes de flagris aculeatis, & verberum numero, aliisque circumstantiis, Evangelio addunt, inverecunda *φιλομήτων* inventa sunt. Præposterarum sane gratias Christi erga nos pietati habemus mentiendo. Neque existimandum est, non rite perpeffionibus ejus suum esse constitutum pretium, nisi stolidis nostris affabulationibus eas exaggeremus.

XXI. Ferenda etiam misero *crux* sua imponebatur, *Artemidorus: Lib.* II. Crucis portatio.

II. Cap. XLI. *ὁ μάλιστ' προσκλῦνθαι τῷ σταυρῷ, πρότερον αὐτὸν βασάνειν.* Qui in cruce figendus, prius eam portat. Pertinebat id ad ludibrium & ignominiam. Et præbebat doctrinam non inutilem, quam eleganter exsequutus *Plutarchus* est, *de tarda nuntiis vindicta*. Sicut maleficorum quisquis corpore suam effert crucem, ita quemque per malitiam cruciatuum caussam in se, ex se gignere.

XXII. Ad eundem modum suam quoque *crucem* Christus bajulavit. *Quam Christus pariter subivit.* Joh. XIX. 17. donec illi defetiscenti auxiliator & subsequa adjungere-tur, vel substitueretur potius. Profecto non ex misericordia, sed crudelitate deducendum; qui metuebant ne in via deficeret, quem in cruce mallent videre spirantem, atque expirantem.

XXIII. Denique Crucifixionem præcedebat *Vestium despoliatio*. Nudi enim, quales a matre editi sunt, in cruce pendebant. *Artemidorus: Lib.* III. Vestium despoliatio.

II. Cap. LVIII. *Γυμνοὶ γὰρ σταυρῶνται.* Nudi enim crucifiguntur. *Arrian. Dissert. Lib. IV. Cap. XXVI.* καὶ ἐν τῷ βαλανίῳ ἐλθὼσάμενος, καὶ ἐκτείνας, σταυρὸν, ὡς ἐν ἱσχυραμένῳ. In balneo vestibus exutus, & extendens semet ipsum, ut solent crucifixi. *Acta Pionii Martyris*, qui presbyter Smyrnenlis erat, apud *Baronium*, Tom. II. ad A, CCLIV. Num. XIX. *Quum igitur fidei studio alacriter in stadium venisset, ultro se vestimentis spoliavit. Deinde corporis sui decus & castitatem recogitans, ingenti repletus est gaudio! & in cælum suspiciens, ac Deo qui se talem conservasset gratus agens, super lignum se ipsum extendit, militique tradidit ut clavis confingeretur.* Ex quibus testimoniis colligi posse videtur, etiam eas partes, quas natura tegi voluit, ab omnibus spectatas esse.

XXIV. Quumque id vulgo in cruciariis factum sit, quid est, cur, *A qua nec Christus immunis.* contra multorum ex Patribus sententiam, aliter cum Christo comparatum fuisse pugnemus? qui vestibus suis despoliatum esse Christum legimus, verenda velo vel femoralibus contexta non legimus. Nam, quod nonne-

mo urget, Christi passionem fuisse voluntariam, nec alia pati decrevisse quam quæ decerent; propterea vitasse quicquid honestati repugnaret, quale fuisset, si a matre, & foeminarum aliis, conspiceretur prorsus nudus: judiciose respondit *Vossius, Harm. Evan. Lib. II. Cap. VII. §. III.* ad gravitatem passionis pertinuisse, si mors ejus maxime fuerit ignominiosa: opprobrium autem auctum eo esse, si nullo fuerit tectus velamine. Quodque ad sanctarum foeminarum adspectum attinet, cogitandum, quid e gentilibus Livia Augusta dixerit, quum in angusta via obviam venissent, qui ad supplicium prorsus nudi raperentur. Ajebat illa, non magis horum visu se moveri, quam quum nudas conspiceret statuas. Et certe flagrantior pariter ac castior, coelestis magis ac Divinus, earum in Christum amor erat, quam ut ulla hostium in sanctissimum corpus illius contumelia, a tam charo spectaculo arceri potuerint.

Crucifixio-  
nis modus  
varius.

XXV. Nunc ad CRUCIFIXIONEM ipsam deventum est: quæ non uno semper modo peragebatur; siue *Tempus* attendas, siue *Instrumenta*, siue *Situs* crucifixi. *Tempus* quod attinet, usitatissimum erat, ut crux prius defigeretur in terra quam affigeretur reus, uti multis probat *Lippsius, de Cruce Lib. II. Cap. VII.* Hinc illæ loquendi formæ, *ascendere in crucem, insilire in crucem, crucifigere, in crucem levare*, nempe in medium illum palum, in quem miser, a carnifice adjunctus, fessurus insiliebat, uti eques inequum. Sed & jacentes subinde & supinos impositos fuisse cruci, dein erigendæ, ex *Pionii*, supra a nobis laudati, *actis*, collegerunt quotquot fere hanc materiam tractant. Ita enim illa: *Eum igitur ligno fixum erexerunt.*

XXVI. *Instrumenta* adstrictionis Clavi fuere, vel *Funes*, sed plurimum illi, quod ipsa Crucifixionis vox importat. De *Funibus*, *Anoniamus Lib. XXII.* *Dracontium & Diodotum, injectis per crura funibus, exanimati sunt.* Clavi manibus primum infigebantur, initio facto a dextra: fortasse non in media vola semper, sed superius paululum, circa carpum. *Brachia enim affigi*, Plautus dixit. Tum ad *pedes* itum. Qui quandoque uno clavo uterque transfixi sunt, quandoque singuli singulis.

XXVII. *Situs*, siue habitus crucifixorum item diversiformis fuit, uti ingeniosa in poenas crudelitas est. *Usitatissimus* fuit: ut brachiis in superiori transverso ligno expansis, cruciarius medio palo quodammodo infideret, pedibus terram versus propendentibus. *Rarus*, schema inversum. *Seneca, Consolat. ad Marc. Cap. XX.* *Alii capite converso ad terram pendere.* Picturas vide apud *Lippsum Lib. III. Cap. VIII.* Ita Petrum crucifixum ajunt, ipso rogante, ne Domino adsimilaretur.

In Christo  
maxime  
Vulgarem

XXVIII. In Christi Crucifixione omnia ex receptiori consuetudine peracta esse, non est cur dubitemus. Eum ergo, non cum cruce,  
ei

ei affixum, sed in crucem, illi affigendum, exaltatum fuisse credimus; crucique non funibus alligatum, sed clavis affixum; an tribus; an quatuor, illiquidum est: eo denique habitu, ut erecta facies in omnium esset oculis.

usurpatum  
esse, credi-  
bile est.

XXIX. POST FIXIONEM præcipue notanda, *Ludibria*, miseris insultantium. *Custodia*, & *Mors*. *Custodia*, & vivorum, & mortuorum erat; ne quis corpora detraheret ad sepulturam. *Mors* ab non una causa, molesta semper ac plena doloris; quandoque a stillante paulatim sanguine, ex vulneribus, tam per flagra, quam per clavos factis; quandoque fame ac siti. Fuitque quum illam minime vitalem vitam ad tertium quartumve diem, vel ultra, traherent. Interdum a volucris aut feris vivi lacerati sunt, aliquando & lanceis interfecti, subinde & flammis ustulati. Crurifragium de latronibus cum Christo crucifixis Evangelistæ narrant. Cæterum an id ex more Romano factum sit, an in gratiam Judæorum, ne qua fraus ipsorum legi fieret, quæ ad solem occasum suspendiosos deponi jufferat; mihi quidem in subnubilo est.

Crucifixio-  
nem quæ se-  
qui solet,

XXX. Nos ad Christi Crucem redeamus, qui immanissimis *ludibriis* ac fannis, a Judæis ac Gentilibus, primoribus & plebe, exceptus fuit. Nec intra verba res stetit. De siti querenti acetum ex sponsia sugendum dedere. Quod non ad ignominiam factum, sed humanitate quali quali, impetrare a me non possum ut accredam Vossio. Nam manifesto satis ad ludibrium id refert Lucas, Cap. XXI. 36. Ἐκπαύλει δὲ αὐτοῦ καὶ οἱ στραῖται, ἀποσπασάμενοι καὶ ἄλλοι ἀποσπασσάντες αὐτοῦ. Sed nec sueta militum custodia aberat. Mat. 27. 36. At consummatis omnibus quæ in hac vita agenda aut patienda sibi incumbabant, solito citius in cruce expiravit.

Ea nec Cru-  
ci Christi  
defuerunt.

XXXI. Nemo nunc est qui dubitare queat, quin Crucis supplicium *Summum*, vel *Supremum*, & *extrema pena*, cum causa, Juris consultis, atque historicis, habitum dictumque sit. Nam & *Ignominia* & *Dolor* incredibilis, hic de palma certant. *Ignominia*: non enim nisi vilissimis capitibus, & sceleratissimis mortalium, statuta antiquitus hæc poena est. *Servi*, *Latrones*, *Sicarii*, & id genus monstra hominum, damnatæ crucis candidati erant. Liberi autem homines, & cives Romani, supplicio hoc affici non poterant, nisi prius *Servi pena* fierent: libertate iis erepta servilibus flagris. *Dolor*, qui non potuit non esse maximus, in corpore loris modo lacerato, nunc clavis transverberato, iis partibus quibus sensus peracutus est; vulneribus, ob molem corporis, & expansionem membrorum, diductis atque hiantibus. Dolor, quo diuturnior eo immanior. Hæc ex Romanorum instituto, & rei ipsius natura, Sed & tertium accessit, ex Hebræorum lege, *Maledictio*. Cujus nunc ratio tradenda nobis anquisitius.

Crucis sup-  
plicium pro  
summo cum  
causa habi-  
tum est.

XXX. Deut. xxi. 22. 23. jubet Deus fontem, morti adjudicatum,

A Deo ipso  
maledi-  
ctum.

& post mortem e ligno suspensum, ante occasum solem tolli atque sepeliri: ea ratione addita, כִּי קָלְלָהּ אֱלֹהִים תָּלָהּ quia maledictio Dei est suspensus. Paulus eandem sententiam, verbis aliquantulum diversis, laudat, & ad Christum transfert. Gal. III. 13. Hic duo quæri solent, & primo quidem, cur Deus hoc supplicii genus præ cæteris omnibus speciali infamia notaverit, ut non solummodo, quod in se est, truculentum atque horribile hominibus videatur, sed & suspensus ipsius Dei dicatur execratio. Nihil equidem detractum volo prolixis Doctissimorum Virorum super hanc rem commentationibus. Id proferam quod simplicissimum mihi, & maxime obvium, esse videtur. Nimirum infelix illud potoplastorum peccatum circa arborem commissum est. Hinc prima mali labes. Inde ira Dei atque maledictio, toti humano generi, imò ipsi terrarum orbi, incumbens. Deus ergo pro maledictionis symbolo sapienter elegit suspensionem ab infelici arbore, quæ omnibus adspectantibus primam Divinæ iracundiæ originem rememoraret; neque voluit, primum illud peccatum, & quæ ab eo promanarunt, expiari, nisi vas humani generis in ligno se suspendendum daret. Non enim ea legislatoris mens est, quoslibet, sine discrimine, suspensos, gratiæ suæ participatione excludi. Sed in ipsa suspensione ad ꝑꝑ lignum, siue fontis siue infantis, siue poenitentis siue non, monumentum exstare voluit maledictionis, quæ ex crimine, circa ꝑꝑ lignum commissio, orta, mundo erat incubitura, donec Messiae in ligno passionibus aboleretur.

XXXIII. Sed & ad non immerito quæritur, quo jure Apostolus hæc ad crucis transferat supplicium? Nam quicquid Baronius & Lipsius contra tendant, crux antiquis Hebræis inusitata atque ignota fuit: sed uti Sozomeno vocatur, νεκρωτήριον ἑρμηνεύει τιμωρίαν. Quod invictis argumentis demonstravit Casaubonus Exerc: XVI. Exstat quidem in Chaldaica Ruthæ paraphrasi Cap. I. 17. Quatuor judicia mortis in nocentes. Injectio lapidum, crematio ignis, interfectio gladii, וְלִיכָרָה קֶסֶם & SUSPENSIO PATIBULI. Sed vel priscorum suæ gentis rituum ignarus fuit recentior interpres, & strangulationem, quæ longe alio modo peragebatur, cum suspensione ad patibulum imperite confudit; vel genus supplicii suo tempore exoletum, verbis alterius, tunc usitati atque isti analogi, proferre voluit; vel denique id quod post mortem fiebat mortis generibus perperam accensuit. Plurimum enim interest, an quis jam capitaliter plexus funibus suspendatur, quod faciebant Hebræi; an vero vivus ligno affigatur, lenta sævaque ibi morte functurus, quod Romanorum erat. Vide sis Schichardum de jure Regio. Cap. IV. Theorem. XIV. cum Animadversionibus Carpzovii. Optime tamen Paulus ea quæ de suspensione ad lignum in genere dicta sunt, crucifixioni peculiariter applicat, quum genus omnes in se species complectatur.

Christi in  
cruce  
MORS, Sam-  
eta quidem  
& Placida.

**XXXIV.** Sub tam indigna ignominia, in tantis animi corporis-  
que cruciatibus, dum ut execratio Dei in ligno penderet, animam  
Christus exhalavit. Morte I. *Temporaria*, absoluto primum opere  
quod a Patre sibi demandatum erat, Joh. xvii. 4. peractis omnibus  
quæ sacra cecinerant oracula, Joh. xix. 28. usque quæ ad impetratio-  
nem salutis nostræ in hac vita præstanda erant, a maximo ad minimum,  
**CONSUMMATIS.** vers. 30. Antea enim sua sibi statione minime  
discedendum esse merito arbitrabatur. II. *Voluntaria*, juxta Joh. x. 18.  
Cujus rei indicia erant, *validus paulo ante mortem clamor*, Mat. xxvi. 1-  
30. magnam huc virium præsentiam arguens: & spontanea, atque  
consulta, *capitis inclinatio*. Joh. xix. 30. *Theophylactus*: *In nobis contrarium*  
*fit. Primum enim expiramus: deinde inclinamus caput. Ille autem prius*  
*inclinavit: deinde expiravit.* διὸ καὶ πρῶτον ἀγλῆται, ὅτι τὸ θανάτου αὐτὸς κύριος  
ἦν. καὶ τότε κατ' ἰσχυρίαν ἰσχύει. Ex quibus omnibus manifestatur, quod ipse  
fuerit Dominus mortis, & omnia secundum potestatem fecerit. III. *Pia*: nam  
in precibus obiit. IV. *Placida*: conscientia sibi attestante omnia vitæ  
hujus officia consummata esse: certusque, Deum, uti benignum Pa-  
trem, spiritum suum suscepturum, a Diabolo liberaturum, & sibi in re-  
surrectione redditurum esse. Hoc enim verba illa innuunt, *in manum*  
*tuam commendo Spiritum meum.* Eodem tendit instar precum Christi quod  
exhibetur Pf. xxi. 21. 22. *Eripe a gladio animam meam*, fac ut placide  
expirem, vim cuspidis, latus meum jam jam scrutaturæ, ita frustra-  
do. *Eripe a manu canis*, impuri militis, aut carnificis Romani, *uni-*  
*cam meam*, id est, charissimam. Mortem potius meam prævortito of-  
fragio instanti. *Serva me ex ore leonis*, Diaboli qui hactenus potesta-  
tem mortis habuit; probatoque me illius victorem esse per gratiosam  
resuscitationem. *Respondisti mihi e cornibus monocerotum.* Exaudivisti  
me, clamantem ad te, quum adhuc in potestate principum hujus sæ-  
culi essem: certumque nunc facis, non esse ulli homini permissum am-  
plius in me sævire: Hæc enim verba Christi sunt, ad mortem sese accin-  
gentis: quæ conferri possunt cum τὸ ταναΐσθαι, indicantque Christi  
in Deum.

**XXXV.** Non obstat tamen hæc *σιδωπία* quo minus Christum *maledi-*  
*ctionem Dei* ad mortem usque, quin & in ipsa, tulisse credamus. Nam  
& suspensio maledictionis erat symbolum, non cassum sane in Christo:  
& moriendi necessitas ex maledictione illa Christo incumbere qua pri-  
mi peccatum Adamini Deus persecutus est, cui per secundum Ada-  
mum oportebat satisfieri. Et Christus moriens *posuit animam suam*  
*victimam pro reatu.* Jes. liii. 10. Adeoque fuit *ἀναπρία*. 2. Cor.  
v. 21. hactenus ferens peccata nostra in corpore suo in ligno. 1. Pet. i. 1.  
24. donec mors intercederet eis ἀπολύσας, Heb. ix. 15. & reconcilia-

vet nos in corpore carnis sua per mortem. Col. 1. 22. Concipi autem non potest quo pacto Christus peccata nostra, eorumve reatum ad mortem usque ferre, non nisi per mortem auferre, reconciliatione tum demum plena impetrata, dicatur, nisi & ad mortem usque, & in ipsa, maledictionem Dei sustinuerit. Neque de nihilo est quod S. Petrus *tuus odium* mortis Christi memoret: Act. 11. 24. & Jesaïas eum *abscissum e terra viventium* prædicet, & per mortem demum *ex judicio* & *angustia sublatum*. Jef. LIII. 8. Denique, qui poterimus securi esse a maledicta nos morte liberos fore, nisi talem pro nobis Christus subierit?

Crucifixio Christi, ut plena mysteriis, quæ ad nos quam maxime pertinent, religiose meditanda est.

XXXVI. Vidimus hactenus Crucifixionis Dominicæ HISTORIAM. Caterum terrulenti & abjecti nimis animi est in externo literarum cortice hærrere. Tremenda hic subsunt mysteria, sacro quodam attonitæ mentis stupore expendenda, omnique pietatis affectu penitis imprimenda cordibus. *Pupilla carnis crassa crassum perspicit*: nobis autem ad arcanorum Dei consiliorum incredibilem sapientiam meditationibus nostris adscendendum est: qui Judæorum, scelere amentium, impia crudelitate, & Diaboli, dum Christum oppugnat sui ipsius perniciem accelerantis, vefano furore, ad conficiendam humani generis salutem prospicienter abusus est. Adeo nostra interfuit, ut cuncta hæc Uncto Domini evenirent. Quæ propterea longe aliter consideranda sunt, quam si peregrino alicui, ignotoque nobis mortali, accidissent. Nam & *amicus* est, & *consanguineus*, & *frater*, & *sponsus*, & *Dominus*, & *Deus noster*, qui suscepto pro nobis vadimonio, non bono solum nostro, sed & loco, maledictionem Dei subiit, in cruce scalam ad paradisum erexit, morte denique sua vitæ nobis & immortalitatis auctor factus est. Cuncta igitur quæ dicta sunt ita cogitationibus nostris remetiamur, ut *primum* PRÆDICTA antiquitus PRÆFIGURATAQUE esse ostendamus quæ ad Crucifixionem Christi pertinent omnia: tum quam GRAVIA ei, perpeffuque aspera fuerint: tandem quantam VIM habeant AD ANIMOS nostros in vitæ spiritualis valentia, beatæque immortalitatis spe, ROBORANDOS.

Flagellatio, Cautis Portatio, Vestium despoliatio, olim prædicta præfigurataque sunt.

XXXVII. In Crucifixionis Historia distincte enucleavimus, quæ ANTE eam, quæ IN, quæ POST. Antecessit Crucifixionem FLAGELLATIO, CRUCIS PORTATIO, VESTIUM DESPOLIATIO. ILLA prædicta est Jef. I. 6. *Tergum meum do percutientibus*. Lxx. habent *is māsyras*. Jef. LIII. 5. *מִסֵּר שְׁלוֹמֹנוּ* Pana exemplaris quæ pacem nobis affert super ipso erat, & *vibice ejus*, quem flagra fecerunt, *sanatio nobis facta est*. Juste hæc ei propter crimina sua evenisse male sani Judæi injuste arbitrabantur: qui *astimabant eum* *מִכֶּרֶךְ אֱלֹהִים וּמִטֶּנֶן* percussum Dei, vel Deorum, justo judicio eorum qui Dii vocantur, & summi Dei vicarii quidam sunt, *flagellatum & afflictum*, live *subactum* servilibus flagris. *vers. 4.* quum tamen non esset *מִכֶּרֶךְ* aliena vi compressus, sed *מִלְּנִי* qui volens se submisit. ISTA

*prefigurata* est in hostiis omnibus, quibus, una cum manibus offerentis, illius imponebantur peccata : Levit. 1. 4. 111. 2. IV. 4. & speciatim in *birco expiationis*, qui peccata totius Israël, sibi a Pontifice imposita, portabat *אל ארץ גורר* in *terram excisionis*. Lev. XVI. 21. 22. Sed signatissime in *Isuaco*, portante ligna quibus offerendus Deo erat, ad *montium aliquem in terra Moria* : Gen. XXII. 1. 6. quem probabile admodum est eundem cum *Calvaria* fuisse. Nam montana *Moriae* regio plures habebat colles five monticulos, in quibus *mons Civitatis David, & Templi, & hæc ipsa Calvaria* : observante *Munstero, Cosmograph. Lib. v. Cap. XLV.* De HAC vaticinatus est David Ps. XXII. 12. *Dividunt vestes meas sibi, & super indumento meo jaciunt sortem.*

XXXVIII. De CRUCIFIXIONE ipsa præclare idem David, eodem De Crucifixione vaticinati sunt David, & Psalmo. vers. 17. 18. *Circumdant me canes, milites Romani, ad crucifigendum me parati; cæcus maleficorum me cingunt, populus rebellis Judæorum, ad crucis meæ spectaculum sedibus suis excitus: כְּאֵרִי, fodientes manus & pedes meos, clavis eos perterebrantes: quod milites fecere ad postulatum Judæorum, atque ita per illos isti. Act. II. 23. Enumerarim, vel adnumero, numeranda spectatoribus præbeo, omnia ossa mea.* Adeo dissentium corpus meum in ligno est.

XXXIX. Crucem lectoribus in pericopa hac vox כְּאֵרִי figit, quam *ut foderunt* verti possit, vel ut dignum Deo sensum habeat, in כָּרִי, vel כְּאֵרִי כְּאֵרִי transformandam esse passim contendunt interpretes; Judæorum in corruptione hujus vocis perfidiam acriter insectantes. Sed mihi, in tanta, etiam fumorum virorum, dissensione, cornicum oculos confixisse videtur C. D. JACOBUS ALTINGIUS, rei Hebræorum Grammaticæ hoc seculo facile princeps. Is, sine ullius literulæ aut apicis in textu authentico mutatione, communem Christianorum interpretationem defendi posse, hoc pacto evincit. כְּאֵרִי, inquit, est masculinum plurale participii præsentis in Kal: & significat *fodientes*. Radix est כָּרָה, Lexicis quidem ignota, (nisi quod *Forsterus* eam habet in *Dictionario* p. 373.) sed significatione respondens כָּרָה quod probant derivata, כָּרָה *mensura*, & כָּרָה *catinus*, quæ vasa *excavando* vel *fodiendo* fiunt. Porro כָּרָה, Media radicalis, frequenter mutatur in כָּ, ut Hof. x. 24. וְכָרָה, & Zach. XIV. 10. וְכָרָה, & Prov. XXIV. 7. וְכָרָה, & quæ plura id genus sunt. Epenthesis autem literæ מ in verbis quiescentibus ultima radicali ה, nullo idoneo exemplo comprobatur. Itaque a radice כָּרָה percommode derivatur in participio plurali כְּאֵרִי, pro quo hic sine Mem ponitur כְּאֵרִי Nam, observante in Grammatica sua *Kimchio*, existant pluralia aliquot quæ usurpantur cum solo Chirec sine Mem: ut 2 Sam. XXII. 8. וְכָרָה, *Caput tributorum.* Ezech. XXXI. 30. וְכָרָה omnes *Zidonii*. Sic & וְכָרָה ter occurrit, notante *Masora*, &

& ex illa *Elia Levita*: quibus alia similia, aut minus etiam controversa, addidit *Altingius*, quæ observationi istî indubitatam fidem faciunt. Et quid obstat quo minus iis hoc nostrum כְּאֵרִי adnumeremus? Potest ergo id retineri, atque ita ut scribitur legi, sine ullo significationis sensusque præjudicio.

XL. Eodem refero Zach. XII. 10. *Et respicient in me quem transfixerunt.* Quæ transfixio non solum illa militis lancea facta est, quam alludit Johannes: Evang. Cap. XIX. 37. sed & *Clavis*, seu crucifixionis instrumentis, quæ toti populo, uti hic, ita alibi, attribuitur. Implementum prophetiæ eo ducit. Quum Petrus mox post effusum Spiritum gratiæ his eos verbis increpuisset: *Vos Jesum manibus sceleratis affixum cruci interemistis*, Act. II. 23. 36. illi compuncti corde dixerunt, *quid faciemus viri fratres?* vers. 37. monitique ad crucifixum illum respexerunt. Quod fidei, est, se convertentis a vana spe ad veram salutis arcem, & in ea acquiescentis,

Crucifixio-  
nis typi.

XLI. Eximius Crucifixionis Christi typus fuit *Serpens Æneæ*, Dei jussu a Mose in pertica erectus, ut Israëlita vanenatis serpentium moribus faucii, ejus intuitu curarentur. Num. XXI. 6. & sequent: Quod ipse Dominus sibi applicat. Joh. III. 14. Nimirum *serpens* ille *Christum* figurabat, qui, licet ipse omnis peccati expers, in similitudine tamen *carnis peccatricis* venit. Rom. VIII. 3. & ex voluntaria sponcione, vicem sustinuit eorum, qui, sicut & cæteri, *progenies viperarum* sunt. *Exaltatio serpentis* in pertica significabat *exaltationem Christi*: non eam quæ gloriæ est, in cælum; sed quæ est *ignominia*, in *crucem*: ipso Johanne interprete. Joh. XII. 32. 33. Per *Mosem* autem *exaltationem serpentis* fieri Deus voluit, quia virtute maledictionis, quam lex, per *Mosem* laus, intonat, cruci affixus Christus est. Qua de re alibi quoque copiose dixisse meminimus.

XLII. Sed & *holocausta*, quæ quia attolli solebant & tota ascendebant in altare, עֹלֹת, id est *עֹלָוֹת*, *elevationes*, dicebantur, notabant fore ut Christus se offerens pro peccatis, *ascenderet & exaltaretur* in crucem.

XLIII. Neque cassum ratione est, quod viri eruditissimi ex Hebræorum commentariis observarunt, *agnum Paschalem* a clavis ferreis, qui infixi erant parieti sive columnæ, solitum fuisse suspendi, ut ita excoriaretur: fuisse etiam veru ligneo transfixum, & subjecto igne, in medio furni ad assationem suspensum. Quod Christum in cruce pendentem utcunque referebat. Maxime si illud verum est, quod *Justinus*, in *Dialogo cum Tryphone Judæo* tradit: veru unum ab imis partibus ad caput usque adactum fuisse, & aliud rursus ad interscapilium, cui pedes agni posteriores appendebantur; quod exacte fatis crucis figuram repræsentat. Verum enimvero quum ritus iste non Divinæ institu-



stitutionis, sed Judaicæ *deutipræsum* sit: typum in iis Divinum quærere nefas est.

XLIV. Crucifixionem subsecuta sunt CUSTODIA, quæ compre-  
hendi etiam videtur iis Psalmi XXI. 1. verbis, quæ ex vers. 17. nuper lau-  
davimus. *Circumdederunt me canes, cæcis maleficorum circumvenerunt me,* &  
quasi orbe facto, ne qua elaberer, cinxerunt. LUDIBRIA, verbotum  
prædicta. Pl. XXI. 7. 8. 9. una cum ignominiosa ista aceti potatione.  
Pl. LXIX. 22. MORS, cujus frequentes admodum ac disertæ prædictio-  
nes existant. Pl. XXI. 16. *In pulvere mortis collocaſ me.* Jes. LIII. 8.  
*Excisus est e terra viventium.* vers. 9. Mortes in plurali numero ei adscri-  
buntur, quia mors ejus Corporea comitata fuit doloribus mortis Spiritu-  
alis atque Æternæ, peccato tamen & desperatione, atque æternitate quæ dam-  
natorum mortibus adfunt, eximiis, illis, ob patientis personæ sanctita-  
tem, ista, ob dignitatem. vers. 10. *Exposuit animam suam sacrificium pro  
reſta.* vers. 12. *Tradidit in mortem animam suam.* Danieli non mors so-  
lum Messiae revelatur, sed & tempus mortis, idque ea diei hora qua mor-  
tuus est. Dan. IX. 26. *Post septimanas sexaginta duas excindetur Messias.*  
Quod Danieli a Gabriele annunciatum est sub tempus maneris vespertini.  
vers. 21. quo tempore Christus exspiravit. Mat. XXVII. 46. Merito  
ergo Paulus tradidit, *Christum mortuum esse pro peccatis nostris secundum scrip-  
turas.* I Cor. XV. 3.

XLV. Accedunt typi. Pontifices prisce, quorum mors profugis ad  
læres desertos redeundi facultatem dabat; Num. XXXV. 28. *Simſon,* ma-  
jorem hostium stragem in morte sua edens, quam toto heroicæ vitæ  
cursu; Jud. XVI. 30. *Hosia,* quarum mors & sanguis sanctificabat in-  
quinos ad puritatem carnis. Heb. IX. 13. 14. & quæ mane ea hora of-  
ferebantur, qua cruci suffixus est Christus, vespere, qua mortuus. Im-  
primis Pascha. I Cor. V. 7.

XLVI. Ex quibus omnibus liquet, definito illo consilio & præcognitione  
Dei cuncta hæc Christo evenisse. Act. II. 23. nihilque ab hostibus esse  
factum, præter ea quæ manus Dei & consilium ejus prius prædestinavit ut fie-  
rent. Act. IV. 28. Qui eo pacto improbos ministros sanctissimæ & sa-  
pientissimæ voluntatis Dei se bræbuerunt: Dei, inquam, per eos, licet  
inſcios ac rebelles, implentis, quæ prænnunciaverat per os omnium Prophe-  
tam suorum, Christum suum perpeſſurum. Act. III. 18.

XLVII. Nunc videamus quam GRAVIA hæc, & dura diraque  
perpeſſu, Christo acciderint. FLAGELLATIO sane ut magna passio-  
num pars anxio Christi animo frequenter obverſata est. Mat. XX. 19.  
*Tradent filium hominis eis ut crucifigant.* Luc. XVII. 32. *postquam flagellave-  
rint eum, occident.* Neque immerito. Nam & ignominiosa hæc poena  
erat, & plena doloris. In cives Romanos, hominesque liberos, loris

Symb. Apost.

F f

ſævire,

Custodia,  
ludibria,  
mors, pari-  
ter prædi-  
cta, & præ-  
figurata.

Breviter,  
omnia Chri-  
sto ex defi-  
nito Dei  
consilio  
eveniunt.

Gravis ad-  
modum  
Christi  
fuit flagel-  
latio.

sævire, jus & fas non finebant. Act. xvi. 37. xxii. 25. *Mastigia & Flagriones* dicebantur mancipiorum vilissima. Hanc autem ignominiam non terrestris Romæ, sed cœlestis Hierosolymæ; non Civis, sed princeps; non magno solum Rege, sed supremo Dei numine prognatus, subeundam habuit. Judæis præceperat Deus ne in facinorosis flagellandis quadragesimum excederent ictum, uti *ne vilesceret frater in oculis eorum*. Deut. xxv. 3. Romanis autem ignota erat hæc moderatio: qui, præterquam quod nulli ictum numero adstricti erant, aciculas sæpe uncinulosque ferreos scuticis suis innexuerunt, quibus miseri costas usque & ossa lacerabantur. Hoc tamen flagellorum genere cæsum esse Christum, scriptura tacente, asseverare formidamus. At quam crudeliter cum eo actum sit, hinc colligere est; quod Pilatus ipse eum post flagellationem ex prætorioeductum populo spectandum proposuerit, cum notabili hoc epiphonemate, ECCE HOMO: quasi diceret, nondumne miserrimi hominis, tam fœde cruciati laceratique, commiseratione tangimini? nondumne anhelatæ feritati, ac plumbeo vestro aut ferreo satisfactum est odio?

XLVIII. Sed quod gravissimum Christo fuit, dum flagris discindebatur innocentissimum tergum ac pectus, in animo simul dirissima Divinæ virgæ, nostris quæ in se susceperat peccatis debitæ, verbera expertus est: quæ cæteris officula & aculeos sævissimæ maledictionis addiderunt. Nam dolore affectus est a defectionibus nostris, attritus ab iniquitatibus nostris. *Et Jehova fecit ut incurreret in eum iniquitas omnium nostrum*. Jes: liii. 5. 6.

Exclusio  
ex urbe,  
portantis  
crucem.

XLIX. Quam acerba etiam fuit Christi, CRUCEM suam PORTANTIS, ex urbe ad supplicii locum EXTRUSIO? prædicta in sacro monte a Mose & Elia. Luc. ix. 31. & præfigurata iis animalibus quorum sanguis pro peccato inferebatur in sancta per summum Pontificem, quorumque corpora extra castra cremabantur. Lev. iv. 12. Num. xix. 3. Heb. xiii. 11. 12. Non modo injusta hac expulsiōe indignus declaratur, qui honestorum posthæc consortio civium fruatur: sed & altius suberat mysterium, quod majorem animo anxietatem incuteret, Vocatur Jerusalem civitas sancta. Mat. iv. 5. *urbs Regis magni*. Pl. xlviii. 3. *civitas Dei*. Pl. lxxxvii. 3. ubi *Jehova ignem & furnum suum habet*. Jes. xxxi. 9. eoque nomine *typus* erat cali. Heb. xii. 12. Christus ergo velut *adversarius*, terrestri Hierosolyma ignominiose ejectus, in figura ista cernebat carendum sibi ad tempus jucundissimo Angelorum Patrisque cœlestis commercio esse, & quasi extorrem cœli relegari ad inferos.

L. Sed dolorem atque ignominiam nimisquam auxit probrosa illa CRUCIS PORTATIO, in corpore tam tenero, tot vigiliis injuriisque

que lassato, tot flagris recens sauciato: quod quam, tanto ponderi impar, jamjam in via defecturum videretur, a Simone Cyrenæo adjuvari opus habuit. Triste sane spectaculum, quod non sine causa profundissimas lacrymas ex oculis filiarum Jerusalem elicit. Dominum gloriæ, uti furciferum, infame crucis lignum bajulare! & dum agitur, pellitur, truditur, sub ea cæspitare, titubare, lapsare! Eum qui afflictis omnibus opem fert, nunc adjuva indigere!

LI. Atque utinam præter externum illud ac visibile nihil premeret! Sed accedebat omnium nostrorum reatus criminum, quæ una cum ligno bajulanda ipsi imponebantur. Nam *morbos nostros ipse pertulit, & dolores nostros ipse bajulavit.* Jes. LIII. 4. *peccata nostra tulit in corpore suo.* 1 Pet. II. 24. De cujus oneris gravitate questus David est. Ps. xxxviii. 5. *Iniquitates meæ transcendunt caput meum; uti onus grave gravius est, quam ut ferre queam:* & tamen nunquam onus illud in omni suo pondere sensit.

LII. Impendio quoque amara Christi fuit VESTIUM DESPOLIATIO: quum ob *Dolorem* tum ob *Pudorem*. Vestes enim vibicibus ac vulneribus impactæ, iis saltem corporis partibus quæ cruce modo pressæ fuerunt, non sine exquisitissimo doloris sensu potuerunt avelli. Magna etiam ignominia fuit, Virum honoratum, Doctorem eximium, Prophetam sanctum, coram omnibus denudari: ut hoc quoque nomine dicendum ei fuerit, *operuit confusio faciem meam.* Ps. LIX. 8. Quum Ammonitarum Rex vestibus servorum Davidis ad nates præcisus, eos sic dimisisset, non illi modo *rubore suffusi sunt valde*; sed Rex ipse tantam injuriam, contra jus & fas gentium, legatis suis illatam, ferali bello ultus est. 2 Sam. x. Cæterum probrosius nunc longe agitur, cum Davidis non servo, sed filio, sed Domino, & legato Magni Dei, Angelo foederis: cui non para aliqua vestium abscinditur, sed omnes & totæ detrahuntur, ut, spectaculum hominibus Angelisque factus nudus pendeat: quod scelesti illi qui id ita voluerunt, sua suæque urbis excidione luent. At miram hic rerum catastrophem vide. Ante paucos dies, Christo, dum asina vectus Hierosolymam tendebat, *plurima turba vestimenta in via straverunt; clamantes, Hosanna Filio David, Benedictus qui venit in nomine Domini.* Mat. XXI. 8. 9. Nunc eundem Hierosolyma turpiter expulsum, mox crucifigendum, vestibus suis despoliari lætabundi spectant: quas forte inter se profani milites partientur. O scelerosam inconstantis popelli vesaniam!

LIII. Cæterum nec hic mysterium absuit. Christum, licet mundissimæ sanctitatis decore eximie fuerit ornatus, quia tamen peccatum pro nobis factus, & peccatoribus, omni Divinæ gloriæ ornatu destitutis, suffectus, est, omni ad tempus decore exui, solaque ignominia operiri, & in ejus rei symbolum, nudum in cruce pendere, par fuit.

Sed supra  
omnia ip-  
sum Crucis  
supplicium.

LIV. Verum omnes ignominiae, Doloris, Maledictionis numeri in ipso CRUCIS SUPPLICIO summam comprehensi videntur. Quid contumeliosius evenire potuit Regum Regi, a coelestium geniorum choris sic reverenter adorato, quam ut latronibus accensus, medius iis, terram inter coelumque probrose suspenderetur, quasi neutro dignus, & facinorosorum princeps? Quid indignius quam sacros illos pedes, quibus totam peragravit Israelitidem, ut totam sibi beneficiis divinciret, manusque tot stupendis miraculis claras, infelici ligno clavis affigi? Quid miserius, quam tot horas, sine ulla dolorum respiratione, cum urgente simul ac morante morte luctari? Quid perpeffu intolerabilius, quam tot afflictum cruciatibus, Divinae Paternaeque gratiae, olim tam suaviter mulcentis, influxu omni carere? nec tantum; sed & iram Dei vindictamque omni pondere suo animae incumbentem, experiri? uti maledictionis instar, in conspectu tam Angelorum quam hominum, a ligno suspendi, non ἀμαρτῶδῃ quidem, sed ἀμαρτίαι, non κατὰ πρός modo; sed & κατὰ πρός?

Et quae id  
consecrata  
sunt, Cu-  
stodia,

LV. Equis etiam dubitat, quin grave Christo fuerit improborum militum CUSTODIA cingi? quasi periculum foret, ne vel alii ipsum, vel ipse se, crucis cruciatibus eximeret. Quod utique si voluisset, non omnes Romanorum legiones, non additae iis infernalium daemonum copiae, valuissent impedire. Attamen nequid ignominiae deesset, Christum velut sevam belluam custodiri oportuit, ut ipsi non minus quam Jobo querela haec competeret, *Proinde non cohibeo os meum, loquor in angustia spiritus mei; queror in amaritudine animi mei: An mare sum? an cete? quod disponis circa me custodiam?* Job. VII. 11. 12. Magno olim solatio Davidi fuit, quod Hierosolymis profugus servos suos a latere haberet, cum Cerethaeis omnibus, omnibusque Pelethaeis, caeteris etiam heroibus, una cum ipso stentibus, & extrema quaque pro ipso ausuris 2 Sam. xv. 16. 17. 18. Sed noster David, ad moeroris sui augmentum a latere utroque latrones, circum se cruentatos sanguine suo milites, cernit; amicos nullos, nisi pauculos, pavidos, doloris sui materiem potius quam levamen.

LVI. Sed & montem malis daemonibus cinctum videt, immane adversus se frendentibus; sicut Eliseus quondam bonis Angelis, in sui tutelam vigilantibus. 2 Reg. vi. 17. Nam, si unquam, nunc certe, in eum Princeps seculi huius cum atris copiis movit; quibuscum confertis manibus dimicandum habebat; morti vicinus, cum eo penes quem mortis imperium est, & qui tot victoriae suae trophaea in ipsissimo hoc campo erexit.

Ludibria,

LVII. Caeterum quid virulentius iis LUDIBRIIS CONTUMELIIS-QUE, quibus & pessimi optimates, & furens plebs, ipsum incesse-  
Crimi-

Criminosorum sceleratissimi, in novissimo ac pridem merito supplicio, inveniunt tamen qui ex communi humanitatis affectu sibi condoleant, lacrymisque suis, si non possint aliter, solentur. At Christo dicendum fuit, *opprobrium frangit animam meam, adeo ut afficiar aegritudine: quumque expecto qui condoleat, nemo adest, aut consolatores, tamen non invenio.* Ps. LXX. 21.

Solamen aliquod miseris est, habere qui secum fleant, qui verbis, qui nutu, commiserationem testificentur. Quid autem durius, quam in rebus suis adversis alienatos a se omnium animos cernere? Hinc anxie illa Jobi vociferatio. Cap. XIX. 21, 22. *Miseremini mei, miseremini mei, vos amici mei; quia manus Dei plagis afficit me. Quare persequimini me, sicut Deus fortis? Et carne mea non saturariini?* Ad eundem nunc modum cum Christo comparatum est. Insultant misero, contra Salomonis monitionem. Prov. XXIV. 17. 18. *Quum manibus contingere paucissimi possent, plurimi eum linguarum spiculis & amentatis telis impetunt, quorum acie nihil acutius, Ps. LI. 4. LV. 22. veneno nihil pestilentius est. Ps. LVIII. 5. CXL. 4. Non vita solum, sed & quoad fieri potest, honore privatum eunt. Optima quæque calumniantur, in quibus emicans sanctitatis splendor, & digitus Dei manifestissime se exseruit. Ministros denique se Diaboli præbent, eam ludificantes iis gloriâ, quam olim a Deo Patre assertam, Mat. III. 17. nunc a Christo sibi vendicant, nequam spiritus frustra oppugnavit. Mat. IV. 3.*

LVIII. Horribilissimum autem sicut proverbio dicitur, MORTIS telum est: talis præsertim mortis qualem Christus oppetiit. Quæ, uti Divinæ indignationis terribilis effectus, primo intentata Adamo est; cui secundus Adamus prædem se substituit. Mira certe res, fidem fere, rationem prorsus superans! Eum qui tot agros a morte præservavit, tot mortuos a culcitella, feretro, sepulcro, in vitam restituit, unicus vitæ & immortalitatis auctor, verus Deus & vita æterna est, ipsum sese morti submisisse!

LIX. Sed mortem non uni: quippe cui, præter communem animalium mortis horrorem, & spiritualis atque æternæ mortis dolores inerant. De quibus in typo David, ita tamen ut verborum emphasis in antitypo potissimum veret. Ps. XVII. 5. 6. *Circumdederunt me dolores mortis, torquentes: Belial perterrefecerunt me. Dolores inferorum circumdederunt me, occurrerunt mihi tendicula mortis.* Hinc deprecationes, & supplicationes illæ, oblatæ cum clamore valido & lacrymis apud eam qui poterat ipsum servare a morte. Heb. v. 7. Quas si quis ex solius corporalis mortis metu profectas esse dixerit, næ is insignita Christum afficit injuria: tanquam minus ei ad mortem subeundam animi fuerit, quam Socrati alicui, aut Catoni, totque martyrum myriadibus, viris, foeminis, puellis, quæ spretis sævissimarum mortium cruciamentis, lætæ ac gestientes vita excefferunt. Aliud ergo suberat: venenatus nimirum peccati stimulus, vim atque

acumen suum ex lege trahens, quo non corpus solum, sed & anima Christi, crudelem in modum ita compungebatur, ut nec ungulæ, nec ignes, aut quicquid prisca vel recens commenta severities est, tantis æquiparanda tormentis veniant. Pulchre Chrysostomus, explicans 2 Cor. v. 21. *Fecit ut qui non novit peccatum pro nobis peccatum esset*: τὸν ἑαυτοῦ, inquit, ὡς ἡμετέρας ἁμαρτίας ἀφάρτος, ὡς ἡμετέρας ἀνομιὰς. ἡμετέρας γὰρ ἡμάρτανται ἐν ἑαυτῷ. τὸ γὰρ ἀνομιᾶν τοῦ ἑαυτοῦ πολλὰ μᾶλλον ἢ. *Ut peccatorem condemnari sinit, ut maledictum mori. Maledictus enim qui pendet in ligno: atque ita mori morte ipsa multo gravius est.*

Non sine  
spirituali  
sympatris  
meditanda  
hæc nobis  
sunt.

LX. O quam lapidea nobis & aenea corda esse necesse est, qui hæc scribentes, legentes, audientes, meditantes, non solvimur in singultus, & liquecimus in lacrymas! Dum Abelis a germano trucidati, aut Josephi a fratribus divenditi, aut Davidis a filio Absalomo profugi, aut chari Deo martyris in inhumani carnificina Christum laudantis historia, vel tragoedia etiam ex arte facta ac ficta, oculis atque animo obversatur, adeo quandoque nos sentimus commoveri ut vix temperemus a lacrymis. Et istis his Christi, Fratris, Sponsi, Domini, Dei nostri, infandis cruciatibus, quos ipse insons, nostrorum gratia peccatorum, ex immensa charitate, sic habens sustinuit, non ita saltem afficiemur, ut & animo doleamus, & sancte contra hostes exardescamus?

LXI. Non tamen hoc a te, Christiane, exigo, ut naturali ea erga Christum commiseratione tangaris, qua calamitosos prosequi communis docet humanitas. Id genus questu planctuque Hierosolymitanis nurbus ipse interdixit. Luc. xxi. 27. 28. Nunc certe minus decet, posteaquam omnibus illis eluctatus difficultatibus, opere salutis nostræ consummato, merita in coelis gloria potitur.

LXII. Neque indignationi tuæ adversus Judæos frigidam suffundo, ut tu eodem erga eos modo animatus sis, quo ferunt Chlodovæum, Gallorum Regem, fuisse: qui, quum Remigium Episcopum dominicæ passionis historiam recitantem audivisset, dixisse fertur: *Si ego cum Gallis meis ibi interfuissem, impia isti colluviei probe comminuissem caput.* Satis poenarum misera illa natio numinis iustitiæ dat, quæ post tot millena suorum milia trucidata, post terram suam anathemate percussam, tot jam secula coeli solique sui extorris sedibus incertis vagatur, neque Deo acceptabilis & vilis hominibus, incumbens sibi iram ad finem usque portatura. 1 Thef. ii. 15. 16. donec plenitudine gentium intromissa, & ipsa tandem salutis per Jesum compos fiat. Rom. xi. 25. 26.

Omni dolore atque ira in peccatum versa.

LXIII. Satius est, ut calidis lacrymis peccata tua defleas, quibus omnium cruciamentorum auctor Christo & causa exististi. Hic est effectus spiritus gratiæ. Zach. xii. 10. Satius, est ut in Christo, velut in speculo, ea quæ tu meritis es, contemplans, obstupescas. Te, te dignum fallus

fallus qui Divinae vindictae flagris, non corpore solum, sed & animo, discindaris; qui ex piorum coetu, quos toties inconsultis dictis factisque offendisti, ex civitate Dei, Hierusalem coelesti, panegyri & concione electorum qui conscripti sunt in coelis, nunquam rediturus extrudaris, peccatum tuum ipse portans; qui omnibus despoliatus praetextis, solo operatus ignominiae pudore, hominibus daemonibusque ludibrium debeas, qui maledictae crucis clueas candidatus; qui omnibus omnium incessaris contumeliis, nullaque consolationis mica in mediis mortis angoribus fruaris; qui Diabolorum perpetui corona cinctus ad aeterna custodiaris tormenta; qui denique cunctis cujuscunque mortis amarioribus sine fine, sine intermissione, explearis. Id vide, dole, plora.

LXIV. Satiùs denique est ut sancta adversus crimina tua vindicta cupiditate accensus, eadem iis rependas quae intulerunt Jesu. *Compesce* peccati corpus, neque ignavum illud veteris hominis mancipium lascivire aut superbire patitor. 1 Cor. ix. 27. Rom. v. 12. Domo animoque tuo *expulsum*, ceu impietatis mentis reum, omnique *nudatum* patrocinii praetextu, *cruci affigito* Dominicae, ut male ibi pereat. Rom. vi. 6. Illius enim virtute crucis, *te mundo, mundum tibi crucifixum* esse oportet. Gal. vi. 14. Assiduus in monstri hujus debellatione esto; neque acquiescas, donec plenam de eo vindictam sumseris, *mortificatis terrenis membris tuis*. Col. i. 11. 5. Beatum illum qui ita *cum Christo Plantatus coaluerit assimilatione mortis ejus*, quippe qui *et resurrectionis assimilatione cum ea coaliturus sit*. Rom. vi. 5.

Christi crucifixionem consolationis scaturiginem esse, per singulas partes ostenditur.

LXV. Dici sane non potest, quantam iis qui ita in crucifixione carnis toti sunt CONSOLATIONEM meditatio crucis Christi pariat. FLAGELLIS suis, Christiane, omne tibi genus flagella sanctificavit & dulcavit. Dum in benedictum ipsius corpus inciderunt, eo ipso benedicta sunt. Nam tu quis es, qui a flagellis omnibus immunem vitam exigere praesumas, quam ipsum Dei Filium, qui sine peccato in mundum venit, sine flagello non exivisse videas? Heb. xii. 6. Sufficiat tibi maledictionis aculeos flagris tuis per Christum exemptos, illiusque te vibice sanatum esse. 1 Pet. ii. 24. Si tibi quoque contingat quod Apostolis, ut Christi nomine virgis cadere, gaudio id tibi & honori ducito, quod *dignus habearis reliquias passionum Christi, explere in carne tua*. Act. x. 40. Col. i. 24. Plena sunt monumenta Veterum, plena omnis Ecclesiae historia, *Matrum, virgum, parvulorum, virginum*, qui ridetes cantantesque, sine ullo doloris sensu, in coelestis gaudii exuberantia, non laceros solum flagris artus, sed & patentia ictibus ossa, intimosque vicerum recessus, stupentibus spectatoribus praebuerunt. Unde hoc? nisi quod Christi flagellis animati, & spiritu ejus hilarati nihil in ipsis asperum sentirent, sed contra experirentur, suavissimos ictus citius Christi

vibere

wibicibus curatos esse, quam infligebantur a carnifice?

LXVI. Sed & hoc ad consolationem tuam, Christiane, pertinet, quod Dominus tuus CRUCE ONERATUS uti pamentum aliquod a furentibus Judæis metropoli sua *expulsum* sit. Ita via ei strata est, ut nobis, qui peccatores sumus e gentibus, salutaria crucis suæ beneficia veniret oblatum, aditumque ad coelestem Hierosolymam patefaceret. Ille verus est *Eliakim, Deus qui stabiliet nos, in cujus manum tradita est dominatio, ut patris loco sit habitatoribus Hierosolyma, & domui Jebudæ*, non externarum, illarum, sed spiritualium. *Cruce*, quam portat, *clavis est Davidis, hæmeris imposita*, qua claudit infernum, ne vel nos in eum precipitemur, vel ex eo ad cædem nostram conjurati hostes prorumpant: & regni sui fores nobis *pandit*, nunc in gratia, mox in gloria: arcam etiam Divinæ opibus munificentiae instructissimam aperit, ut *gratias Davidis certissimas* largiter nobiscum communicet. Jes. XXI. 20. 22. LV. 3.

LXVII. DESPOLIARI se vestibus suis passus est, nudusque in cruce pependit, ut (a) *probrum ignominiosæ nuditatis suæ*, per peccatum contractæ, *tegeret*; teque (b) *candidissima justitia sua bysso amictum*, ac (c) *vestibus auro ocellatis decorum*, & Christianarum virtutum quasi totidem unionum (d) *monili ornatum*, Deo ac Patri suo *sisteret*. (e) *expiatis insimul iis circa vestium pompam insanis*, quas olim cum mundo insanivisti. a. Ap. III. 11. b. Ap. XIX. 8. c. Pl. XLV. 14. 15. d. Prov. I. 9. Cant. IV. 9. e. I Pet. II. 24.

LXVIII. Infame autem CRUCIS lignum gloriæ tuæ fastigium, in firmitatis fulcrum, scala Paradisi, *arbor vita est, ferens fructus duodecim, per singulos menses fructus suos edens, & folia ad sanationem gentium*. Ap. XXII. 2. Hic deleta totius terræ *iniquitas uno die*. Zach. III. 9. Hic parta libertas filiis Dei digna. Hic scissum quod *adversum nos erat rituum chirographum, & sublatum e medio, posteaquam affixum erat cruci*. Hic *exspoliata imperia ac potestates traduxit palam, triumphatis illis per eam*. Col. II. 14. 15. Hic hic invenit afflicta anima dulcationem aquarum tribulationis suæ, quantumvis ex ipsa Maræ scaturigine haustæ videantur. Exod. xv. 23. 25. Verbo dicam: Ab omni nos maledictione liberavit, omni benedictionum genere cumulavit, quum suspensus e ligno execratio Domini factus est. Gal. III. 13.

LXIX. Adde, Christum, militum, veluti tot canum, CUSTODIA cinctum, prædiarias tibi Angelorum cohortes impetrasse. Pl. XXXIV. 8. ipsumque te *virtutis suæ presidio custoditurum ad salutem paratam revelari præsinito tempore ultimo*. I Pet. I. 5. Multis, non abnuo, Indibriis, ignominiis, ac virulentarum linguarum obrectationibus expositus es, quibus parum abest quin aliquando firmitate tua excutiaris, spe ac fide vacillante: sed vide sis omnes illius modi tentationes in Christo tibi præmonstratas, sanctificatas, tuamque vicem superatas esse. Mo-  
do



do ne pigeat te Christo hac quoque parte conformari. Et ab ipso discito, silentio, fide, patientia, quicquid ejusmodi ignitorum telorum est retundere atque extinguere : nixus Dei verbo, & spe illa quæ non confundet in æternum, certusque Christum, pariter ac tu tentatum, *miseri-cordem ac fidelem pontificem fore.* Heb. 11. 17. 18.

**LXX.** Tandem in MORTE Christi cerne I. *Expiationem peccati tui.* Posuit enim animam suam victimam pro reatu. Jes. LIII. 10. *ut consummaretur pravaricatio, obsignaretur peccatum, expiaretur iniquitas, & adduceretur justitia æterna.* Dan. ix. 24. Nam sicut illud statutum est hominibus ut semel moriantur, ita & Christus semel oblatuſ est, *ὡς τὸ πᾶν ἀνομιᾶν ἀμαρτίας, ut in se ipso attolleret, atque ita auferret, multorum peccata.* Heb. ix. 27. 28.

**LXXI.** II. *Mortis tuæ mortem.* Heb. 11. 14. 15. Mors existimabat penitus se absorpturam Christum; sed verso rerum ordine ipsa a moriente Christo absorpta est in Victoriā. 1 Cor. xv. 54. Christus morti *vermis* fuit quo avide nimis cum hamo deglutito ipsa male periit. Venenum fuit, quo semel hausto mors sensit *ἀδυνασ* & velut dolores *partus* : nec potuit eum retinere, aut conquiescere, antequam ex sepulcro resurgeret, fieretque *præmogenitus ex mortis.* Ap. 1. 5. Solida petra fuit, cui mors infigens aculeum, & illidens dentes, omnia pungendi mordendique instrumenta amisit. Mortem denique *κατέργησεν*, 2 Tim. 1. 10. *abolevit, ἀπύρην*, id est, inefficacem reddidit. Ut frustra sit quicquid illa Furor pestis pejor in novissimo adversus electos molitur. Non est mors fidelibus quod est in se, maledicta peccati poena: sed peccati ærumnarumque omnium finis, & introitus ad vitam æternam. Joh. v. 24. optanda potius quam extimescenda.

*Nomina mors retinet, faciles sunt cætera somnus.*

**LXXII.** Animosè Lutherus in Epist: ad Hardmannum a Cronbergh: Mortem nobis intentant ac minantur, & præsens exitium. Quod si tam præcellerent ornati sapientia, quam neminem non exsuperant stultitia, profecto vitam nobis minari debebant. Ridiculum sane minarum & terriculamentorum genus, si Christum & suos Christianos mortis formidine ab instituto detertere potuerint; quum ipsi sint mortis victores per Christum, qui de morte devictuſ & triumphatus omnibus suis trophæum fixit. Non secus, ita me Deus bene amet, delirant isti, ac si quempiam per id detertere in animum induxissē, si equum ejus, instrato ephippio, adhibitisque habenis instructum, equitandum sibi producerem: Paulo post, Si quidem hæc vita, quum diu in carne vivimus, peccatis obnoxia est, quorum commercium & labem devitare non potest, propter carnem conjunctam comitem: propterea subinde clamat in nobis gemitibus inenarrabilibus, capti Spiritus innovatio, **ACCELERA MORS, MATURATO LUX TERRIS ULTIMA, MORTIS PECCANDIQUE FINEM FACTURA. AMEN.**

**LXXIII. III. Confirmationem Testamenti Novi.** Vetus olim firmatum fuit sanguine victimarum, altari, & libro foederis, & populo Israëlítico adperso. Exod. xxiv. 6. 8. Heb. ix. 18. 19. quanto autem Veteri Novum præstat; tanto id nobiliori sanguine sanciri par est, sanguine nimirum filii Dei, ut *testatoris* ad confirmationem testamenti morientis. ibi. vers. 15. 16. Non quidem ut morte sua vacuum faceret hæreditatem (mox enim revixit, bonorum suorum æternus possessor) sed ut promissiones testamenti omni modo faceret irrevocabiles. Huic rei figurandæ inservit *scissio veli*, quæ moriente Christo facta est, significans abolitionem chirographi nobis subcontrarii, & ruptionem maceriei, Israëlitas a gentibus discriminantis, & fideles ipsos quodammodo dirimentis a Deo. Eph. ii. 14. 15. 16.

A Christo  
moriente,  
sancte & vi-  
vere & mo-  
ri discimus.

**LXXIV.** Omnia nunc hæc in unam summam colligito, & ex iis, quantum debeas Christo. Finge te præsentem ei adstare in Golgotha, spectatoremque tantæ indignitatis, a jam jam morituro patheticis his vocibus compelli: *Intuere me quisquis es mortalium irretorto fidei obtutu. Vide crudelium flagrorum in corpore meo vibices, vide quam ignominiose Hierosolyma expulsus, a cruce nunc porter, quam portavi modo. Nudum me conspice, qui Virgine natus verecundi semper pudoris exemplar fui. Pedes manusque, tot nimiorum mirorum fama inclutas, clavis perterebratas cerne. Audi ludibria, contumelias, blasphemias, quibus improbißimi sanniones patienti insultant. Scitoque ex mero tui amore, ut tu, vindictæ numinis & vindici Diabolo ereptus, æternum salveas, hæc a me subiri, qui cæteroquin omni celestis vitæ gloria ac jucunditate perfrui potuissem. Et tibi nunc grave erit, superba hujus mundi Babele relicta, humili te meorum cætui jungere; & crucem me imitando portare; & portentosam illam secularis arrogantia pompam, tam corpori quam animo gravem, procul amovere, neque adhuc in membris meis nudum ex tua bonorum exuberantia nutrire; & mea causa, nihil admodum nocitura pati ludibria? Tu ne tantillum quidem mei ergo facias? qui tantus, tantum, tui? Per ego te amoris mei viscera, per corporis mei vulnera, per hanc a qua pendo crucem, per tuam te vitam atque salutem, mox per mortem abruptendo sermone, hortor atque obtestor, semove te e cætu malignantium; mente, voto, totoque vitæ instituto plurimum ab iis distans; exito extra castra, probrum meum portans, non enim hic permanentem civitatem habes, sed expectas futuram: Suave & leve præceptorum meorum jugum libenter suscipito, constanter ferto: Corpus ne curato ad lasciviam; sed animum exornato sanctitatis decore, quam tibi nuditate mea peperit: Virtutes meas gratanter celebra, naviter imitare, quas nequicquam profani nebulones calumniati sunt: redama te tanto opere amantem: impende te totum mihi, qui me totum tibi: breviter (nam moriendum est) MIHI VIVE, QUI TIBI MORIOR.*

LXXV. A Christi denique MORTE *piæ ac beatæ* MORTIS EXEMPLUM petito. I. Quicquid in hac tibi vita agendum est sedulus obito, ut *absoluto penso* securus te componas ad quietem: nec *peccatorem* occupare præsumito, ante feliciter consummatum agonem. 2 Tim. iv. 7. 8. II. Omnibus te seculi curis exsolvito, ut urgente fatali hora, liber ac libens ad Deum emigres. Luc. ii. 29. Phil. i. 23. 2 Cor. v. i. III. Cum precibus exito; & si lingua ad vocis officium non sufficiat, cum gemitibus saltem inenarrabilibus; pro te, pro amicis, pro inimicis. Act. vii. 59. 60. IV. In fide melioris conditionis mox a morte in coelis obtinendæ, & beatæ resurrectionis die novissimo. 2 Cor. v. i.

## EXERCITATIO XVII.

DE

## SEPULTURA CHRISTI.

## BREVIARIUM.

1. 2. 3. 4. 5. 6. Sepulturam Christi per viros divites ac honoratos, potissimumque per Josephum Arimathæensem, procuratam esse, ad *modum* nostram expendere utile est. 7. Christi cadaver, honoris ergo, munda involutum sindoni est. 8. 9. Addita a Nicodemo mixtura Myrrhæ & Aloës, vel ad polincturam, vel ad combustionem. 10. Quam curam cadaverum a piis ad spem resurrectionis relatum fuisse credibile est. 11. Judaicorum sepulcrorum forma. 12. Cur sepulcrum Christo contigerit alienum. 13. Esaxo excisum. 14. Novum. 15. In horto. 16. Proxime locum crucifixionis. 17. Sepultura Christi prædicta Psal. xxii. 16. 19. Ps. xvi. 9. 10. 20. Jes. liii. 9. 21. Suspendio Christi e ligno non est sepultura cum improbis. 22. Jonæ typus. 23. Cetus Jonæ non est Balena, sed Canis potius Marinus. 24. Herculis *parvulus* fabula hinc petita. 25. Cor terræ est sepulcrum. 26. 27. 28. 29. Circa temporis analogiam doctis magnorum virorum subtilitatibus, præferenda videtur recepta simplicitas. 30. Non constat, Jonam, integrum triduum hæsisse in ceto. 31. 32. 33. Praxis hujus articuli.

L MOrtem Christi excepit illiusdem SEPULTURA. Quam vero <sup>Sepulturam Christi per viros divites ac honoratos; potissimumque per Josephum Arimathæensem.</sup> perfectissent omnia quæ de ipso scripta sunt, detractum e ligno posuerunt in monumento. Act. xiii. 29. Cujus historiam quum descripte nobis Evangelistæ enarrarint, pietatis Christianæ interest, ut sanctis eam meditationibus ad usum nostrum convertamus.

sem, pro-  
curatam  
esse ad  
maius  
nostram ex-  
pendere uti-  
le est.

II. Præcipua funerationis Christi cura JOSEPHO ARIMATHÆENSI incubuit, cui post modum se junxit NICODEMUS. Viri uterque *honorati, dices, Senatorii ordinis*, magnæque apud suos existimationis. Et sane ex quacunque hominum conditione suos habet Deus: *non multos* quidem *sapientes, potentes, nobiles*; 1 Cor. i. 26. at tamen ex iis *aliquos*. Quin admirabilem se hoc facto Divina præstiterit providentia, dubitare nefas est. Nam neque Apostolis humandi præceptoris provincia tam commode demandari potuit; ne Pharisei ac sacerdotes non sepultum Christum dicerent, quem e sepulcro mentiti sunt furto sublatum: neque, quantumvis id voluissent Apostoli, vel a Pilato, vel a Judæorum senatu, valuissent impetrare. Magnorum virorum auctoritatem intercedere oportuit, ut honesto sepulcro Dominus conderetur.

III. Hi quo honore & affectu *vivum* persecuti sunt Magistrum: eodem, aut majore etiam, prosequuntur *mortuum*, & quidem *ita mortuum*. In qua re sinceræ constantisque fidei ac amoris exemplum edunt: quæ tantum abest ut ignominioso Domini supplicio deliquium aliquod patiantur, ut ex adverso acrius se exserant. Vivo Jesu, Josephus *occultus erat discipulus, propter metum Judæorum*; Nicodemus ob eandem causam *noctu veniebat*. Joh. xix. 38. 39. Nunc Josephus *ταλμῷ*, & quanti Christum faciat apud Pilatum profitetur: Mar. xvi. 43. Nicodemus metu posito, prodit in publicum, superboque aromatum munere defunctum veneratur. Nimirum illud est quod dicitur: Cant. viii. 6. 7. *Fortis est ut mors amor, durus ut sepulcrum zelus: pruna sunt ignis, flammæque Divina. Aqua multa non possent extinguere hunc amorem, &c.*

IV. Et sane quo ditiores fuerunt atque honoratiores, eo illustrior eorum fides ac zelus est: quicquid enim in mundo magnum possidebant, facto hoc suo præsentaneo exposuerunt discrimini. Tanta erat collegarum in Christum acerbitas, tam immanis lymphatæ plebis furor, ut bonorum confiscatio, & capitis diminutio, & civium indignatio, prorsus iis extimescenda fuisse videantur. Et quis nescit, quantopere locupletum animus opibus suis ac honoribus constrictus esse soleat? Unde & a Domino observatum, nihil esse difficilius, quam ut dives aliquis salvus fiat, & in regnum cælorum intret. Mat. xix. 24. At magni hi viri, vere nunc magni, hoc quicquid est, Christo collatum, pro damno ac stercore reputant, lubentes certe Christo sacrificant, id operam dantes ut *in Deo, bonisque operibus, divites sint*. 1 Tim. vi. 18.

V. Observatu quoque dignum est, quod, quum Christus faventes sibi ex procerum virorum ordine aliquos habuerit, eorum tamen opera & intercessione ad mortem effugiendam noluerit uti: bene, ad honestam sibi sepulturam procurandam. Moriendum enim Christo prorsus erat, ut mortem aboleret: insepulto manendum non erat, ne post mortem superesse videretur maledictio.

VI. Sed nec illud omittendum, quod ipsa *Josephi* appellatio typi nos admoneat. *Josepho* illi nomen erat, qui Patriarcham Jacobum, parentem suum, vivum sustentavit, mortuum magnifice tumulavit. Gen. I. Et *Josepho* alicui Christi nascentis cunæ, adolescentis educatio curæ fuit. Nunc alteri rursus *Josepho* ejusdem mortui committitur sepultura.

VII. Hic impetratum a Pilato Christi corpus *munda involvit sudoni*. Mat. xxvii. 59. Id est linteo purissimo, pretiosissimo. Sic enim viri honorati sepeliri antiquitus solebant: involucris e ferico, Mose Ægyptio teste, etiam Principi interdictis. Paulo splendidius Christi mortui quam *recens nati* corpus exceptum est: quia *natus* est, ut omnes pro nobis mortalis vitæ ærumnas subiret, morte autem sua perpeffiones consummavit: hinc in sepultura initia aliquot gloriæ emicuerunt. Sed initia tantum, eaque sic satis tenuia. Totus enim hic splendor, *liberalitatis* erat alienæ.

Christi cadaver, honoris ergo, mundæ involutum sudoni est.

VIII. Ad munditiem *Josephi* accessit magnificientia Nicodemi, afferentis *mixturam myrrhæ & aloës ad libras fere centum*. Joh. xix. 39. quæ vel pollin-  
tura destinata erat, vel, ut alii malunt, *combustioni honoraria*, proxima occasione faciendæ. Utrumque enim in usu apud Israëlitas fuit. Cadavera aromatibus condiendi morem ab Ægyptiis Israëlitas hausisse, verisimile est. Levi tamen inter utrosque discrimine. Nam Ægyptii interius etiam inungentes, viscera eximebant; ipsumque cerebrum extrahebant per nares: qualis condituræ modus *capixoris* dicitur Herodoto. Judæi autem *exterius* solum ungebant: sed largiter, si defuncti id poscebat conditio. Quo tam copiosus Nicodemi apparatus pertinet: cui penitus immergi cadaver Christi potuit.

Addita e Nicodemæ mixtura Myrrhæ & Aloës, vel ad pollin-turam, vel ad combustionem.

IX. Sed & *combustioni* in solemnibus funeris faciendæ adhibita aromata fuisse, ex historia *Asæ* liquet 2 Chr. xvi. vers. ult. Qualis combustio *Joramo*, ceu indigno, negata. 2 Chron. xxi. 19. Non quod ipsa Judæi cadavera cremarent: ut Græci, ac Romani, & aliæ quædam gentes. Aperte Tacitus: *Hist: Lib. v. Corpora condere, quam cremare, more Ægyptio*. Imo vero non Ægyptio, sed avito. Quod ex iis constat quæ de Saræ sepultura, aliisque, Scriptura narrat. Sed super defunctis, inque honorem eorum, cremabant aromata. Quod Herodi Magno maxima cum pompa factum *Josephus* videtur innuere. *Antiq. lib. xvi. c. x. & Halof. lib. I. c. xxi.* ubi in illius exequiis quingentos famulos aromata attulisse testatur. Cui usui, nisi ut cremarentur? Ita disertim *Chronicon Regum sub templo secundo, fol. 54. cos. 2.* Quinquaginta servorum ejus circumdabant lectum, quisque instructus thuribulo aureo manu sua, *וְשֵׁרָפִים עֲצֵי בְשָׂאִים*, *לְרוֹב כֶּמֶח*, & comburebant ligna aromatica magno numero, omnesque qui lectum cingebant in eum myrrham purissimam injiciebant. Non solebat autem id honoris exhiberi nisi Regi, aut Principi Academia, uti est in *Abodha zara* Cap. 1. De Rege notum est. De principibus affertur

exemplum R. *Gamalielis Senis*, quo defuncto *Onkelos* profelytus septuaginta minarum Tyriarum pretium combussisse narratur, Nicodemus ergo in funere Jesu tantam myrhæ & aloës comportans copiam, eo illum pro Rege, & Principe Doctore, agnoscit.

Quam ruzam cadaverum a piis ad spem resurrectionis relatum fuisse, credibile est.

X. Neque cassâ prorsus ratione fuit tam sollicita exequiarum cura, tamque enixum studium, ut defunctorum corpora quam diutissime conservarentur, bonumque spirarent odorem. Credibile est, sanctos id fecisse, non solum testando amoris erga defunctum, sed etiam ob spem resurrectionis. Videtur quidem aliqua fidei infirmitas fuisse, quod aromaticis unguentis a putredine præservare conentur, quem David cecinerat *corruptionem non esse visuram*. Ps. xvi. 10. constatque satis, eos non nisi confusos admodum de proxima Christi resurrectione habuisse conceptus. Quicquid tamen fecerunt, amoris fuit, & fidei, cum imbecillitate, mentisque caligine, luctantis. Non enim potuerunt penitus ignorare prædictionem de resurrectione Christi post triduum; quæ ne hostibus quidem incognita fuit. Mat. xxvii. 63. Alienumque ab eorum pietate est, ut exequiarum officio falsitatis eam arguere animum induxerint. Modum interim complendi vaticinii ignorantes, eumque incuriosa fidei humilitate Deo committentes, partibus suis deesse noluerunt. Et quicquid illi animo agitaverint, nobis certe aromata ista, quibus Christi corpus involvitur, in mentem revocant suavem ac vivificum odorem, ex morte ejus & sepultura ad nos redundantem. Jucundumque nobis est, hoc quoque adpectu ei occinere, *myrrha, aloë & cinnamomum sunt omnia vestimenta tua*. Ps. xlv. 9.

Judaicorum sepulcrorum forma.

XI. Ita pollinctum, vel saltem aromatibus instructum, Christi corpus monumento intulerunt, non nostro more arcæ inclusum, sed suis modo involutum linteis. Forma enim Judaicorum sepulcrorum a nostris haut paullum diversa fuit. Solebant illi, opulentiores nimirum, cavernam in petra excavare, quæ primo aream haberet in medio, ad ingressum, ab utroque autem latere speluncam, area quatuor cubitis depressiorem, quæ suas iterum haberet cavitates, sive loculos, כוכין Hebræis dictos (in quibus componebantur cadavera) numero sere octo, vel interdum tredecim, ut integra aliqua familia, distinctis foraminibus, in una spelunca condi possit. Vide sodes quæ ex *Bava Batra*, Cap. vi collegit *Lightfootus*, in *Centur. Chorograph. Matthæo præmissa* Cap. C. Neque negligenda hæc talia sunt, si intelligere velimus, quomodo foeminae, & Johannes, & Petrus in monumentum Christi introivisse, & inclinata facie in sepulcrum despexisse dicantur. Omnes nimirum, in area stantes, deorsum spectaverunt in depressiorem illum locum, ubi ipsa cadaverum receptacula erant; quo tandem & Petrus descendit.

XII. Porro de sepulcro quinque notabiles circumstantiæ ab Evangelistis

listis annotantur. I. Quod fuerit *Alienum*; *Josephi*, non Christi. II. *excisum a Petra*. III. *Novum*, in quo nemo hactenus depositus erat. IV. *In horto*. V. *Eo loci ubi crucifixus est Christus*. Nihil horum est observatione nostra indignum.

XIII. In *alieno*, non suo, repositus est omnium Dominus sepulcro. Adeo eum ad extremum usque comitata paupertas est. Primulum natus, in non suis cunis vagiit. Vivens, *non habuit ubi dormiturus caput reclinaret*. Mat. VIII. 20. Mortuo, aliena liberalitas de monumento prospexit. Hæc est ea paupertas, qua nos facit divites. 2 Cor. VIII. 9. Et cur proprium haberet sepulcrum, qui per triduum duntaxat in sepulcro commoraturus erat? Quid ni alieno conderetur monumento, qui ob aliorum culpam mortuus in aliorum salutem sepultus est?

XIV. E *solido saxo excisum* monumentum erat; ne specie quadam mentiri Judæorum improbitas posset, discipulus Christi per occultos terræ meatus illapsos, cadaver clanculum extraxisse. E saxo excisum.

XV. *Novum* etiam, ne vel alium Christi loco, vel Christum alterius cujuscumque, prius inibi sepulti, merito aut virtute, suscitatum, fingat calumnia: neve infirmiorum aliquis simile quid Christo accidisse suspicetur, quale Moabitæ illi, qui in sepulcrum Elisæi projectus, tactis Prophetæ ossibus, mox revixit. 2 Reg. XI. 21. Et novo sane sepulcro dignus erat, qui novum nomen ac honorem sepulcris sua morte peperit, ut sint *κατακλισίαι* dormientium olim excitandorum cubilia. Novum.

XVI. Nec de nihilo est, quod *in horto* fuisse hoc monumentum tradatur. Uti enim *in horto* sanguineum sudorem exsudans novissimæ passionis suæ initium facere voluit, ita quoque sepultura in horto extremum humilitationis suæ actum clausit: ut ostenderet passioni & humiliationi suæ reparari bona coelestia, quæ, dum voluptati & ambitioni indulgent protoplasti in horto, sibi & posteris amiserant. Et ubi commodius quam in horto sepeliendus erat ille, qui instar virgæ Aaronicæ die tertio iterum progerminaturus erat; & cujus morti, sepulturæ, ac resurrectioni debemus, quod corpora nostra instar graminis revirescentis ex terra iterum sint proditura? In horto.

XVII. Eo denique loci hic hortus fuit, *ubi crucifixus est Christus*. Proxime locum crucifixionis. Joh. XIX. 41. Id est, in proxima vicinia, a supplicii loco, si tractus illius ruspatoribus fidem adhibere fas est, centum & octo pedum spatio distans: ut hoc quoque modo Jesaiæ vaticinio sua constaret veritas, *posuit cum improbis sepulcrum ipsum*. Jesh. LIII. 9. Qua de re mox uberius.

XVIII. Non accidit hæc sepultura Christo *nisi secundum Scripturas*. Sepultura Christi prædicta Ps. I Cor. XV. 4. Quibus ea & prædicta, & præfigurata est. Prædicta Ps. XXII. 16. In pulverem mortis deponis me. Cujus quidem depositionis in pulverem *initium* videre est in *Gethsemane*, quando Christus æstu Divinæ iræ prope-

propemodum exhaustus, *procidit in terram*: Mat: XIV. 34. *sed complementum in morte & sepultura.* Hoc enim vult dicere Dominus: per angores animi sui, & luctam spiritualem, inchoatam in horto, continuatam in cruce, factum esse, ut exhausto vitali succo, celerius solito ad mortem redigeretur, mortem, inquam, qua homines resolvuntur in pulverem, & quafuncti, in pulvere sepulcri deponi solent. Recipimus hic interpretationem *Kimchii*. אני מוכן להשימני בקבר שהוא עפר מות, *ego paratus sum ut ponar in SEPULCRO, QUOD EST PULVIS*

Pl. XVI. 9.  
10.

**MORTIS.** XIX. Adde Pl. XVI. 9. 10. *Etiā caro mea habitabit secure, vel procumbet tuto, placide in sepulcro quiescet, quia non relinques animam meam in inferno, vitam meam in potestate mortis; aut, cadaver meum in sepulcro.* Nam & נפש aliquando *cadaver*, vel saltem *hominem mortuum*, & שאול *sepulcrum* notare, suo loco fufius docebimus. Non dabis, non fines, *Sanctum tuum videre corruptionem*: descendam quidem in imas partes terræ, ubi mortis aula & regnum est: tantum tamen in me tyrannus iste non valebit, ut ullam in corpore meo *corruptionem*, ullam putrefactionis notam, deprehendere cogar: quia חסידך sum, & מיטת עץ, qui & te perfecte dilexi, & quem tu benignitate summa prosequeris. Quæ Davidem, in persona Christi, de ejus sepultura, & resurrectione, cecinisse, Petrus evincit. Act. II. 29.

Jes. LIII. 9.

XX. Sed nihil disertius illo Jes. LIII. 9. ויתן את רשעים קברו, *quod ad verbum sonat, & dedit cum improbis sepulcrum ejus, & cum divite in mortibus suis.* Cujus vaticinii hæc potest esse *diagnosis*, ut prius membrum intentionem hostium Christi, alterum Dei consilium exponat. Videlicet populus prævaricator, de quo versu antecedenti, id animo agitabat, ut Christus defunctus, una cum latronibus probrose in scrobem aliquam, vel puteum facinorosum cadaveribus infamem, projiceretur. Id enim Hebræorum jura poscebant, de quibus Sanhed: Cap. VI. Halacha v. *Humatio interfecti a Synedrio non fuit in sepulcris patrum ejus: sed duo sepulcreta parata erant a Synedrio, unum occisis gladio & strangulatis, alterum lapidatis [qui etiam suspendebantur.] & combustis.* Illic sepeliendus ex more Jesus; neque aliter destinaverat populus. Aliter tamen Deus, qui Filium suum in morte cum divite, id est; viro primariæ dignitatis & opulentæ, (nam vox עשיר dignitatem & ordinem Senatorium connotat. Eccl. x. 19.) qualis Josephus, esse voluit. Vel etiam ita exponi verba possunt, ut prorsus in sepultura Christi impleta sint. Cujus quidem sepulcrum in horto divitis Josephi fuit, attamen, uti modo ex Johanne observavimus, prope Calvariam, atque ita apud improbos: improbis etiam militibus, ut totidem impuris canibus, ad postulatū Judæorum, cinctum & custoditum.

Suspensio  
Christi e li-

XXI. Quæ quum sensum facilem atque obvium fundant; nihil necesse



celle est, ut *duplicem* hic *sepulturam* Christi prædici fingamus; *alteram*, <sup>quo non est sepultura</sup> *improbiorum*, infepultam, quæ est *suspensio in ligno*, alteram, *divitum*, <sup>cum improbis</sup> in *inferioribus terræ*. Quasi Christus *cum improbis* sepultus dicatur, dum, <sup>probis</sup> *sive vivus*, *sive mortuus*, pependit in ligno. Cum *divite* autem, quum monumento Josephi conderetur. Frigida hæc sunt, nulloque simili scripturæ dicto fulta. Non enim quia *asini sepultura* est, jacere in agro, Jerem. **xxi. 19.** Idcirco *improbi sepultura* est, *περὶ αὐτῶν*, *sive pendere usque ad vesperam in ligno*: quum sacrae literæ sepulturam, etiam improbi, a suspensione in ligno distinguant: Deut. **xxi. 23.** Non ignoro equidem servi illud apud *Plautum in Milite*:

— Scio *crucem* mihi *futurem sepulcrum*.

*Ibi majores mei siti sunt, pater; avus, proavus, abavus.*

Sed comica ejusmodi facietæ a severitate Divinorum vaticiniorum alienissimæ sunt: easque in re tragica, aut gravi historia, flagitiosas censeret tota Criticorum natio.

**XXII.** Illustris sepulturæ Christi TYPUS in JONA est. De quo ipse Dominus Mat: **xi. 40.** *Sicut enim fuit Jonas in t̃h cordis t̃u p̃ntus, in ventre ceti tres dies, & tres noctes, ita erit filius hominis in corde terræ tres dies, & tres noctes.* Jonæ typus

**XXIII.** Non est necesse ut per *cetum* hic *Balenam* intelligamus. Nam <sup>Cetus Jonæ non est Balena, sed Canis ponticus Mari-nus.</sup> generale illud nomen est, & de quovis magno pisce usurpatur. Ut generica etiam appellatione **גדול גד**, *piscis magnus*, in historia Jonæ dicitur. Accedit, quod, experientia teste, Balenæ, ut ut magnæ belluæ, gulæ meatus ita angustos habeant, ut aditus vix femipedem pateat, & solidum hominem deglutire haut quaquam possint. Probabile itaque est, *Canem* aliquem fuisse *Marinam*, qualem *Carchariam* nonnulli ob *dentium asperitatem*, alii *Lamiam* aut *Lammam* vocant, *ἀπὸ τῆ ἔχου μέγα λαιμὸν*, ob *gulæ vastitatem*. Id genus belluas captas fuisse ajunt, in quarum ventriculo integri homines loricati reperti sint.

**XXIV.** Huc etiam *Herculis* fabula facit, à Cane *Carcharia*, quem <sup>Herculis τριπικία fabula hinc petita.</sup> Neptunus immiserat, absorpti: quem, quum toto triduo intus discerpisset, amissa capitis sui cæsarie exiit. Unde & *τρίπικρον* Græco Poëtæ dictus, quod tribus diebus in ceto hæserit, quas *vesperas* rectius nuncupaveris, propter tenebrosam belluæ ventrem. Quæ ex sacra Jonæ historia, nugaci torsione, petita esse, res ipsa loquitur, & *Cyrillus* suis in *Jonam* commentariis observavit. Vide sodes *Grotium*, de *Verit. Relig. Christi. Lib. I. §. XVI. cum notis m. §.* Et *Bocharti Hierozoic: Part. II. Lib. v. Cap. XII.*

**XXV.** Jonas dum in visceribus piscis fuit, dicit se fuisse **בבטן שאול** <sup>Cor terræ est sepulcrum.</sup> in *ventre inferni*, aut *sepulcri*. Jon. **ii. 5.** & **בלבב ימים** in *corde marium*. *vers. 3.* Atque ita repræsentabat Christum situm in corde terræ.

*Symb. Apost.*

H h

Quod

Quod non significat infernum damnatorum, qui in media esse terræ perhibetur, ut ait Hieronymus, sed tale terræ receptaculum, quod supra, infra, & ab utroque latere, terram habet, aut simplicius, quod intra terram est. Sicut Tyrum in corde marium scriptura collocat, Ezech. xxviii. 2. id est, in insula mari circumflua. Et via navis in corde maris dicitur. Prov. xxx. 19. ubi coelum undique & undique pontus. Et mons afit לב העולם, ad cor usque celi. Deut. iv. 11. Absalom vixit בלב הארץ in corde quercus. 2 Sam. xviii. 14 id est simpliciter, usque ad coelum, & in quercu, intra ramos ejus. Ita cor terræ est sepulcrum. *Crisostomus*: 'Οὐ γὰρ ἵππευ ἐν τῇ γῇ, ἀλλ' ἐν τῇ καρδίᾳ τῆς γῆς. ἵνα καὶ τὸν τάφος ἀνθρώπου, καὶ τοὺς δίκαιους ὁμαλίσω. Non dixit, in terra, sed in corde terræ: ut & sepulcrum denotet, & nemo apparentiam fuisse suspicaretur.

Circa tem-  
poris analo-  
giam doctis  
magnorum  
virosum  
subtilitati-  
bus, præfe-  
renda vide-  
ant recepta  
simplicitas.

XXVI. Major difficultas est circa temporis analogiam; & ut tres dies illi cum tribus noctibus inveniantur, quos se, ad Jonæ instar, in corde terræ exacturum, Dominus prænuñciavit. Sunt, tam ex Veteribus, quam Novioribus, qui ad subtilitates hic se vertunt. Observatum a Clar: Cloppenburgio est, qui tamen ipse ad simplicitatem magis inclinare videtur: non inepte tridui initium statui in illa hora, qua, in cruce exaltatus Christus, e terra viventium sublatum fuit: ex qua hora ter visus est sol lucens, & ter fuerunt tenebrae, ante horam resurrectionis Christi: intervenientibus miraculosis tenebris. Huc ducit Ambrosii rhetoricatio, de Interpellat: Lib. i. Cap. v. Dixerat Dominus, quia tribus diebus futurus erat in corde terræ, & tribus noctibus. Dixerat hoc sol: servabat præceptum. Dubitabat ergo, dicens: quid facio? orior, & dies est. Occido, & nox est. Si cursum meum servavero, demorabor mundi salutem. Festinemus igitur ad redemptionem nostram. Post pauca. Abbreviabo horas ubi adscenderit crucem. A sexta statim fiat nox: ne videam Domini passionem, sed fugiam parricidalis persecutionis spectaculum. Occidam, & erit nox horarum trium. Egre diat, & innovabo diem, ut sit horarum trium. Percussus (lege, percursus) est primus dies. Sequitur nox, secundo spatio suo. Sequitur similiter dies. Incipiet nox. Tertia resurget Dominus in nocte, & erit dies in lumine resurgens.

XXVII. Aliter paullo serius ac severus Theologus, Guilielmus Teelin-  
gus, qui, in meletematicis Catecheticis, vernaculo sermone editis, monet, Christum dici posse in corde terræ fuisse, ex illo tempore, quo iræ Divinæ sensu tactus, ἵππευ ἐν τῇ γῇ. Marc. xiv. 35. ut prima trium noctium censeretur quæ nox illa qua proditus est Christus, qua ineunte coenam celebravit cum discipulis. 1 Cor. xi. 23.

XXVIII. Quas cogitationes Celeberrimus Coccejus hoc modo amplia-  
vit. Quod Christus dixit, se tres dies & tres noctes in corde terræ futurum, id, partim proprie & secundum literam, partim secundum analogiam, intelligendum est, de toto illa tempore humiliationis Christi a Cena usque ad vespertam, qua se

se manifestavit discipulis, & in iis quasi denuo revixit. A Cena in hora potestatis tenebrarum fuit, donec revera in terra conderetur: & eum ipse integre revixit, quum ii, qui ipsius erant, plerique revixerunt, & ex tristitia sua recreati sunt.

XXIX. Tribuat his quisque observationibus quantum volet. Nobis, etiam si eruditas, & auctoribus suis non indignas, fateamur, recepta tamen plus placet simplicitas. Existimamusque, Christum non mathematice temporum momenta exputasse, sed, vulgari sermone usum, per tres dies & noctes tria *τοξήμερα* denotasse, quorum pars, vel major, vel minor, ut vulgo fieri assolet, per Catachresin Synechdochicam, totius nomine venit. Exspiravit Christus, ut nos dicere consuevimus, die Veneris, circa tertiam pomeridianam, restantibus illius diei horis tribus usque ad occasum solem, quæ pro die censentur primo. Successit sabbathum integrum, a vespere ad vesperam: dies secundus. Insecuta mox tertia, sub cuius matutinum crepusculum resurrexit Christus.

XXX. Neque constat sane, Jonam solidum triduum, horarum Non constat, Jonam integrum triduum hæsisse in ceto. LXXII. in ceto exegisse. Major fortassis etiam hac in parte analogia est, quam ex incerto præjudicio hactenus suspicati sumus. Posteaquam hæc scripsissem Divina ducente virgula in *Isidori Pelusiotæ* verba incidi; quæ ex *Lib. I. Epistola CXIV.* hic exhibebo. *Τῶν τριῶν τῆς ταρῆς τῷ κυρίῳ ἡμερονυλίων ὅσα ἐστὶν ἡ διασάφεις. Γέγραπται. ὡς περ ἦν ὁ Ἰωνᾶς ἐν τῇ κοιλίᾳ τοῦ κήτους τρεῖς ἡμέρας, καὶ τρεῖς νύκτας, ὕψους καὶ ὁ ὕψος τοῦ ἀνθρώπου ὅσας ἐν τῇ κοιλίᾳ τῆς γῆς τρεῖς ἡμέρας καὶ τρεῖς νύκτας. Ὁ τοῖον ἐπαγγελῶμεν τὸν τύπον πλάσῃ Ἰωνᾶ, ἀκριβῶς αὐτὸν ἐπιστάμεν, ἰσχυρὰ καὶ παρῇ Ἰωνᾶ, καὶ ῥητορικῶς ἐν τῷ βυθῷ, καὶ ἐκρυπτομένῃ ἐν τῷ βυθῷ, τῷ τῷ πλάσῃ ἀσφαλῶς, τοῦτο ἐν τῷ τάφῳ διατρέψας, ὅσα Ἰωνᾶς ἐν τῇ κήτῃ.* *Trium Domini in sepulcro dierum hæc est explanatio.*

*Scriptum est: QUEMADMODUM* Jonas fuit in ventre ceti tribus diebus & tribus noctibus: *ITA* etiam filius hominis erit in corde terræ tribus diebus, & tribus noctibus. *Is igitur, qui se Jonæ typum expressurum receperat, quum eum exacte nosset, (quippe qui etiam Jonæ adesset, quum in profundum præceps ageretur, atque e profundo ejiceretur) eum quoque, ACCURATE* explevis, *TANTO* temporis spatio in sepulcro commemoratus, *QUANTO* Jonas in ceti ventre. Deinde eam quoque interpretationem, claris & propriis expressam verbis, subjungit, quam *Tmemate xxvi.* ex Ambrosio dedimus: additis & aliis, quas hic referre nihil opus est.

XXXI. Nunc tandem sepulturæ Christi **PRACTICOS** videamus praxis hujus articuli. **USUS.** Facit **I.** ad *Informationem* A. Ut mortis Christi & insecutæ resurrectionis, semoto omni dubio, certi simus. Hinc non sine causâ a Marco annotatum, quod Pilatus, non nisi morte Christi probe explorata & cognita, Iosepho eum tradiderit. *Mart. xv. 44. 45.* Sapienterque Divina intercessit providentia, ut non ab hostibus, qui vel semivivum sepulcro

inferre non fuissent veriti, sed ab amicis, qui calidum spirantemque condere nequaquam voluissent, sepultus sit. B. Ut sciamus quicquid est vilitatis peccatis nostris debitæ, id Christum subiisse: ad extremum usque, in morte, & post mortem, humiliatum. Nam licet Christi sepultura multis modis gloriosa, & *somnus* ipsius in monumento *jucundus ei fuerit*, Jer. xxxi. 16. ob exantlatos hactenus labores, & præstantissimos, qui mox consecuturi erant, fructus; in se tamen pars exinanitionis, & humiliationis est, quod descenderit *eis tū katastēsa pēn tēs zēs* Eph. iv. 9.

XXXII. II. Ad *Consolationem*. A. Sepultura Christi, expiationem peccatorum nostrorum morte peractam, & maledictionem abolitam, testatur & confirmat, ex typo Deut. xxi. 25. Nam sicut suspensio e ligno maledictionem adhuc existentem & permanentem commemorabat; ita suspensi cadaveris sepultura, ejusdem abolitæ figura erat. Quarum rerum veritas & corpus in Christo est. B. Peccata nostra una secum sepelivit: tam quoad *Justificationem* ut tecta, & a conspectu Dei semota sint, ne ad nos accusandos *in lumine vultus ejus collocentur*. Ps. xc. 8. quam quoad *Sanctificationem*; *consepulti enim ei sumus per baptismum in mortem*, Rom. vi. 4. ut vetus noster homo paulatim prorsus aboleatur, & dominari in nobis ac vivere desinat. C. Mortem in ultimo quasi arcis suæ angelo & asylo prosequens, inde exturbavit, & sepulcra nostra sanctificavit, ut placida corporum nostrorum *dormitoria* sint: Jes. lvii. 2. donec expergiscamur, *in justitia vultum Dei visuri* & *satiandi imagine ejus*. Ps. xvii. 15.

XXXIII. III. Ad *Admonitionem*: ne ulla Christi vilitate offendamur; sed ad Josephi, Nicodemi, piarumque foeminarum exemplum, eum mortuum quoque & sepultum, summa animi veneratione prosequamur, viva fide ut unicum vitæ auctorem apprehendentes, sanctis suspiriis manæ quærentes, absentem pie desiderantes, nosque ipsos cum omnibus quæ nostra sunt liberaliter ei offerentes. Quod certe longe ipsi futurum est gratius, quam quantivis pretii aronata, ipsumque adeo insanæ opulentiae templum, ad monumentum ejus a Constantino exstructum miraque verborum pompa ab *Eusebio* celebratum. *De vita Constant. Lib. III. Cap. xxiv. & seq.*

## EXERCITATIO XVIII.

DE

## DESCENSU CHRISTI AD INFEROS

## BREVARIUM.

1. 2. 3. 4. Christum ad Inferos descendisse, nusquam in sacris diserte dicitur  
 5. Neque in Symbolis antiquissimis. 6. Et quæ Symbola id habuerunt, ea  
 plerumque de sepultura tacent. 7. Neque sine errore quodam ambo tandem  
 juncta sunt. 8. Non tam inquirendum, quid antiquorum nonnulli eo dicto  
 intellexerint, quam quid intelligere debuerint. 9. 10. 11. 12. Descensus  
 Christi ad inferos quæ corpus spectat, sepulturam notat, aut statum mor-  
 tis. 13. Sed  $\text{ἐξ}$  ad animam pertinet. 14. 15. 16. 17. Non quasi  
 Christus localiter, vel in Tartarum descenderit, vel in nescio quem Limbum.  
 18. 19. 20. Verum descensus iste metaphorice extremos illos angores notat,  
 quos ante mortem, in anima corpore juncta, sustinuit. 21. 22. Angores  
 Christi gravissimi fuerunt. 23. 24. Uti liquet, ex Partibus. 25. 26. Ad-  
 junctis. 27. 28. Effectibus. 29. Omnibus tamen sine ullo crimine sanctissime  
 defunctus est. 30. 31. 32. 33. 34. Nec in precibus quicquam jure car-  
 pui. 35. 36. 37. 38. 39. Angoris Christi causa. 40. 41. Usus hujus  
 doctrinae prædici. I. Ad excutiendam securitatem. 42. 43. 44. II. Ad  
 consolationem. 45. III. Ad Informationem.

**I** DE DESCENSU CHRISTI AD INFEROS tantum ferme Christum ad Inferos de-  
 Dissertationum est, quantum est muscarum quum caletur scendisse,  
 maxime. Earum autem copia & ubertas facit ut nostræ nusquam in  
 huic adstrictiori ac breviori esse liceat. sacris diserte  
dicitur.

II. Atque id omnium primo observatum velim, phrasin hanc, *Christum descendit ad inferos*,  $\alpha\upsilon\tau\omicron\varsigma\epsilon\iota\varsigma$  in Sacris Literis nusquam reperiri. Dicitur quidem descendisse, dicitur in inferis fuisse, sed ita junctis verbis ut descendisse ad inferos prædicetur, nulli legimus.

III. Descendisse is  $\tau\alpha\ \nu\alpha\tau\omicron\upsilon\varsigma\epsilon\iota\varsigma$   $\mu\iota\gamma\epsilon\iota\ \tau\omicron\varsigma\ \gamma\acute{\alpha}\varsigma$  ad inferiores partes terræ, Paulus scribit, Eph. iv. 9. Quibus verbis totum exinanitionis Christi statum complexus Apostolus videtur: cujus initium in Nativitate, finis in Mor-  
 te ac Sepultura. Totum enim universum in duas distribuitur partes; Su-  
 periores, quæ Cali, & Inferiores, quæ Terræ sunt. Christus igitur quum  
 a Patre coelo exiens humana se carne induit, ac in terra conspicien-  
 dum præbuit, ad inferiores mundi partes descendit. Et considerandum  
 est.

est, an non hanc mentem habeat illud *Jef. xlv. 23.* *Cantate celi, quia Dominus fecit, clangite ארץ תחתיות IMA TERRÆ, fragorem edite montes cantu, silva &c.* Ubi coelis, qui sursum sunt, opponuntur ima terræ, sive terra quæ deorsum est (conf. *Jef. l. 2. Deut. xxxii. 1.*) cujus terræ partes, montes & silvæ deinceps narrantur. Adde, quod *Psaltes* matris suæ uterum ארץ תחתיות inferiores partes terræ, metaphorice nuncupaverit. *Pf. cxxxix. 15.* *Factus sum in abdito, artificiose, & velut phrygionico opere, confectus sum in IMIS PARTIBUS TERRÆ.* In quem locum non male *Jansenius*: *Tota mea substantia, quam habui in utero matris, loco magis abdito quam est nullum antrum terræ, non fuit occulta a conspectu tuo.* Sed non existimo hanc expositionem totam Apostoli mentem declarare. Nam si vocum emphasin attendamus: imæ partes terræ non solum ipsam terram notant, summo cælo oppositam, sed & illas terræ partes, quæ aliis ejusdem terræ partibus, id est, terra viventium, *Jef. l. 8.* depressiores sunt. Hic est locus mortis & sepulturæ. *Ezech. xxvi. 20.* *Faciám ut descendas cum descendentibus in foveam, ad populum antiquum, & collocabo te בארץ תחתיות in terra inferiorum partium.* Iterumque *Ezech. xxxi. 14.* *Omnes illi traditi sunt morti, אל ארץ תחתית ad terram imam, inter filios hominis, ad eos qui descenderunt in foveam.* Satis hinc Scripturæ usus. patet. Assentitur *Chrysostomus*: τὰ δὲ κάτω μέρη τῆς γῆς θάνατον φωνῇ. Inferiores autem partes terræ mortem vocant. Sepulti etiam sub terra esse dicuntur. *Ignatius ad Trallianos*: τὸ τάφωτον ὡς γὰρ, μένει ἐν τῷ μνημείῳ. Sabbato sub terra mansit in monumento. Totam Apostoli, ex nostro sensu, mentem, brevibus expressit *Theophylactus* ὁλοῦ ὅτι αὐτὸς ὢν κατέβη, καὶ σαρκύμενος εἰς τὰν γῆν, καὶ θανάτῳ εἰς τὰν ᾗδου. Planum est, quod, quum in supernis esset, descenderit, per incarnationem in terram, & per mortem ad inferos.

IV. De mora Christi in inferis David cecinit: *Pf. xvi. 10.* *Non es derelicturus נפשי בשאול τὰ ψυχὴν μου εἰς ᾗδου animam meam in inferno.* Cujus vaticinii sensum Petrus pandit, *Act: 11. 29. 30.* *Viri fratres, licet libere apud vos loqui de Patriarcha Davide, eum & obiisse & sepultum esse, & monumentum ejus esse apud nos ad hunc usque diem... Præscius locutus est de resurrectione Christi, non derelictam esse apud inferos animam ejus; neque carnem ejus sensisse corruptionem.* De singulis verbis mox videbimus.

V. Deinde, id quoque notandum est, articulum hunc de descensu Christi ad inferos, in omnibus propemodum antiquis symbolis omitti. Quod proluxa exemplorum inductione comprobat *Molinaus in Thesibus, & Vossius Harni. Evang. Lib. 11. Cap. XIII. Tmemate IV.* Antiquissimum omnium in quo reperitur, privatum *Athanasii* symbolum est. Si modo *Athanasii*: nam ut id, si non pro falso, saltem, quod falso proximum est, pro dubio habeamus, magnis à nobis rationibus impetravit idem

idem *Vossius*, ostendens, ante annum sexcentesium symbolum illud vel omnino non fuisse, vel saltem non fuisse in Ecclesia notum. Vide eum de *Tribus Symbolis. Dissert. II*

VI. Denique & hoc dignum est animadversione, quod quæ symbola antiquitus articulum de *descensu Christi ad inferos* habuerunt, ea articulum de *sepultura* non habuerunt; & vice versa. Unde errore quodam factum esse Viri eruditi censent, ut, quum prius qui unum dicerent alterum præterirent, ambo postea coeperint conjungi. Sane temporibus *Ruffini*, hoc est, circa annum quadringentesimum, ipsa Ecclesia Romana erat contenta meminisse solius sepulturæ. Aquilejensis vero Ecclesia habuit quidem utrumque in symbolo suo, sed, si ex *Ruffini* mente judicandum, unum idemque ambobus significari arbitrabatur. Prorsusque hic *Vossio* adstipulor, statuenti: *Orientales per descensum Christi ad inferos* primitus intellexisse quod *Occidentales* vocarent *sepulturam*.

VII. Quando vero hæc duo, idem notantia, tanquam diversa, jungi coeperint, solide nequit comprobari. *Erasmus* putat, id factum ab *Thoma Aquinate*, qui vixit anno CIO CCC LXV. Invenio tamen apud *Socratem Lib. II. Cap. XLI* editionis Græcæ, quod in Latina versione est XXXII. *Arianos*, *Acacio* addictos, numero quinquaginta Constanti-nopolim convenisse, ibique symbolum condidisse, in quo profitemur, credere in Christum *θανάτου, καὶ ταφῆς, καὶ εἰς τὸ καταχθόνιον διαβηδέναι, αἰῶνα καὶ ὁ αἰὼς ἰσχύει: Mortuum, & sepultum, & qui subterraneum penetravit, quem etiam infernus reformidavit.* Quo amplius aliquid quam sepulturam innuere videntur. Gesta hæc sunt circa annum CCCLIX.

VIII. Verum enimvero, etiamsi neque in Scriptura Divina, neque in antiquissimis symbolis, caput de descensu Christi ad inferos iis verbis inveniatur; pie tamen ille a nobis creditur & asseritur, modo sensu commodo. In quo investigando, non tam laborabimus, quid antiqui nonnulli iis verbis intellexerint, quam quid, congruenter analogiæ fidei, & scripturæ phrasi, intelligere debuerint. Neque multum morabimur, quo ordine hunc articulum in symbolo nunc locatum inveniamus, a quo eum antiquitus prorsus abfuisse jam jecimus, dummodo de re ipsa constet.

IX. Quum ergo Christum ad inferos descendisse profiteamur, partim id ad corpus referendum esse credimus, partim ad animam.

X. Quatenus ad CORPUS spectat, *Sepulturam* notat, vel *Retentionem corporis* in sepulcro, ac in *statu mortis*. Indubium enim apud omnes ingenuos est, vocem Hebraicam *קבר*, quam Græci *τάφος* reddunt, frequenter *sepulcrum* denotare, vel *statum* quorumcunque hominum in morte. Omitto alia quæ a viris Doctis magno numero sunt allata. Pro *sepulcri* notione peremptorium est *Pl. CXLI. 7. Dispersa sunt ossa nostra* *יָדָהּ* *ידהּ* *juxta*

Et quæ symbola id habuerunt, ea plerumque de sepultura tacent. Neque sine errore quodam ambo tandem juncta sunt.

Non tam inquirendum, quid antiquorum nonnulli eodico intellexerint, quam quid intelligere debuerint.

Descensus Christi ad inferos, quam corpus spectat, sepulturam notat, aut statum mortis.

*juxta sepulcrum.* Pro conditione mortis. Pf. XLIX. 15. In SCHEOL ponentur bestiae. Hoc est, morientur morte pecudum: quæ nec sepeliri solent, & certe in inferum damnatorum, aut nescio quem limbum, non penetrant.

XL. Porro, uti SCHEOL, & אֲדָמָה, conditionem mortuorum atque sepulcrum notant; ita in SCHEOL, vel אֲדָמָה ire, aut descendere, significat, in eam conditionem & locum venire. Ita Hiskias, Jcf. XXXVIII 10. *Rescissis diebus meis ibo ad portas SCHEOL, accensebor mortuis, & sepultis, prout residuo annorum meorum.* Et Patriarcha Jacobus, Gen. XXXVI 1. 35. *Descendam lugens ad filium meum SCHEOLAH, is אֲדָמָה.* Quod planissime de statu mortis dictum: sed nihil admodum obstat, quo minus etiam de sepulcro exponatur. Nam etiamsi non putaverit Jacobus, Josephum sepultum esse, in sepulcrum tamen veniens, ad Josephum, licet insepultum, venturus erat, una cum ipso, uti rebatur, futurus inter mortuos. Non illi ad Patres ire, vel, is aggregari, dicuntur, qui uno iiscum conduntur tumulo: sed qui ad sepulcrum descendentes, etiam cum non tumultatis majoribus, in eandem mortis conditionem compinguntur. Ut taceam Salomonis Jarchii interpretationem, qui exponit, descendam in Scheol, אֶל בְּנֵי אָדָם, propter filium meum. Ut intelligatur mortis causa, non consortium.

XII. Quicunque ergo, antiquorum Patriarcharum ac vatum sermone, Christi in sepulcro ac morte conditionem exprimere vult, is non elegantius neque efficacius id poterit, quam dicendo Christum ad inferos descendisse. Atque hic illius dicti אֲדָמָה, proprius, & literalis sensus est.

Sed & ad  
Animam  
pertinet.

XIII. Sed & ad ANIMAM referri posse monuimus: non eam tamen ob causam, quia Pf. XVI. 10. scriptum est, *non relinques animam meam in inferno.* Nihil enim necesse est, id de ea hominis parte intelligere, quam nos animam aut mentem dicimus. Vox Hebræa נֶפֶשׁ, qua Psalter titur, significat aliquando animal; sive brutum, Gen. I. 20. 21. sive rationale. Gen. II. 7. I. Cor. XV. 40. Huc spectant locutiones illæ, *quicumque occideris animam.* Num. XXXI. 19. *Et moriatur anima mea.* Num. XXXIII. 10. Jud. XVI. 30. Hoc est, moriar ego. Eodem sensu exponi posset: *non relinques animam meam, id est, me.* Sed pressius. NEPHEs significat etiam animal mortuum, sive cadaver. Num. XIX. 11. *Qui tetigerit mortuum, לְכָל נֶפֶשׁ הָאָדָם, quodcunque cadaver hominis.* vers. 13. *Omnis tangens בְּנֶפֶשׁ הָאָדָם, mortuum, cadaver hominis qui mortuus est.* Prætereo parilia sine numero. Quid igitur impedit, quo minus cum Venerabili Beza, in prima editione N. T. si non vertamus, saltem exponamus, *Non derelinques cadaver meum in sepulcro.*

Nam



Nam per NEPHES aliquando *cadaver* notari, per SCHEOL *sepulcrum*, satis ex ante dictis constare arbitror.

XIV. Christum tamen, quoad *animam* quoque, ad inferos descendisse profiteamur. At profecto non eo sensu, qui post Veterum nonnullos Romanensibus nunc allubuit: quasi anima Christi, per mortem a corpore separata, revera, proprie, localiter, subterranea quædam loca visitaverit: sive *Tartari*, ut iis quos æternæ poenæ manent, ipsique adeo Diabolis, regni sui potentiam, & victoriam de peccato reportatam, ostentaret: sive *Limbi* nescio cuius, qui ad marginem Tartari situs esse perhibetur, ut salutem a se partam patrum animabus annuntiaret, easque secum inde educeret, in coelum evehendas.

Non quasi  
Christus lo-  
caliter vel  
in Tartarum  
descenderit;  
vel in nescio  
quem  
Limbum.

XV. Nam ejusmodi animæ Christi ad inferos descensum, neque factum esse scriptura, ex qua sola sapimus, docet; neque ut fieret ullo passio necessarium, aut conveniens erat. Christus moriturus, verbis veluti conceptis, atque solemnibus, spiritum suum in manus Patris commendavit. Luc. XXI. 46. eadem procul dubio mente, qua ante eum David. Ps. xxxi. 6. post eum Stephanus. Act. vii. 59. quorum hunc saltem de suo ad inferos descensu ne quidem cogitasse, certum est. Adde, quod Christus eodem quo passus est die, latronem secum in Paradiso futurum pollicitus est. Luc. XXI. 43. Sed paradiso non est apud inferos. Nec credibile est, Christi animam, deducta latronis anima in paradisum, statim ex eo excessisse, ad inferos descendisse, atque Patres inde evocatos revolando confestim in coelum intulisse: unde mundi totius spatium, tam exiguo tempore, quartum emensa, appetente tertio die ad corpus remigraret.

XVI. Et cui usui illa animæ Christi ad *Tartarum* profectio? Tantine fuit ea victoriæ suæ apud damnatos ac diabolos ostentatio, ut excursionem ad terræ centrum quieti in coelis fruendæ præhabuerit? Num tempus quoque illud triumpho idoneum fuit, quo mortis adhuc vinculis constrictus victo quam victori videbatur similior? Et quis unquam imperatorem ad triumphum in carcerem abire vidit? Quid etiam tam terribile est anima Christi a corpore separata, ut tantam in inferis trepidationem generaret? Nonne efficacius id fecerit sensus iræ Divinæ intensior? An necesse erit, post ultimum judicium Christi animam perpetuo inferis adesse, cujus præsentia magis magisque excarnificentur?

XVII. Sed neque *Limbus* ille Patrum, quem in tartari confinio locant accurati inferorum metatores, uspiam gentium exstat; quum Deus ante Christi per passiones consummationem *multos filios in gloriam introduxerit*. Heb. ii. 10. neque si exstaret, Christum in eum descendere, ad Patres extrahendos, opus fuit. Non postulavit id salutis ipsorum vel *Impetratio*, vel *Notificatio*, vel  *Applicatio*. Non illa: quia jus

Symb. Apost.

I i

plene

plene acquisitum erat morte Christi. Non *ista*: quia vis Spiritus Sancti, quæ sanctas animas illustrabat, & insperem rerum futurarum certissimam erigebat, facilius iis Evangelium revelare potuit quam anima Christi. Non *hæc*: uti enim Christi corpus die novissimo non detrudetur ad sepulcra, ut inde corpora fidelium educat: ita nihil necesse fuit, ut, si vel maxime in inferis piorum animæ fuissent, Christi anima ad eos penetraret: quum nullo negotio, vi Spiritus sui, uti tunc excitabit corpora, Rom. viii. 11. ita nunc animas evocare potuerit.

Verum descensus iste metaphoricè extremos illos angores notat, quos ante mortem, in anima corpori juncta, sustinuit.

XVIII. At quo tandem pacto Christum, quoad *animam*, ad inferos descendisse credimus? Non *proprie* profecto, sed *metaphorice*; neque tum, posteaquam per mortem a corpore suo se juncta fuit, sed quum, corpori adhuc unita, cum horrendis anxietatibus luctaretur. Uti enim, qui beatissimos se & gloriosissimos prædicare volunt, se *ad astra venisse*, & *sublimi vertice sidera ferire*, jactant: quid ni descendisse ad inferos Christum illi dicerent, qui significare incredibiles illos angores volunt, quibus anima ipsius fuit expolita? Nihil enim frequentius est, quam ut quæ non nisi certo quodam loco contingere solent, ea, quamvis ab eo loco se juncta, loci tamen ipsius nomine nuncupentur.

XIX. Neque abhorret Scripturæ stilus: quæ sicut *fastum* & imaginariam *felicitatem* Babylonii Monarchæ *adscensionem in celum*, ita ejusdem *ignominiosam* depressionem, *dejectionem ad inferos*, & *ad latera foveæ*, appellat. Jes. xiv. 13. 15. Adde Ps. lxxxviii. 4. Ubi Heman de se, vel de Ecclesia, vel fortassis in persona Christi: *Saturata est malis anima mea, & vitæ mea ad SCHEOL, inferos, pertingit*. Iterumque vers. 7. *ponis me in sepulcro omnium infimo, in tenebrosissimis, in profundis locis*. Quæ non possunt aliter quam figurate de afflictæ animi moeroribus intelligi. Non enim hæc querela est hominis mortui, ac sepulti, aut animæ separatæ, in subterraneis specubus laborantis; sed hominis vivi, ac præ æstu iræ Divinæ conturbati. Parilia inveniuntur Ps. xviii. 5. 6. xxxi. 4. cxvi. 3. atque alibi passim.

XX. Neque hoc ad exquisitiorem poenarum infernalium sensum requirebatur, ut in anima separata Christus affligeretur. Quandoquidem contra, ad exquisitiorem poenam sensus, in extremo judicio corpora damnandorum reunientur animabus suis in inferno. Itaque exquisitior fuit ille sensus maledictionis in Christo, quando acerbiter cruciatuum in corpore cumulat *labor animæ*, Jes. liii. 11. luctantis cum sensu iræ Dei. Uti acute observatum a Cl. Cloppenburgio. Nihil ergo flagitii a Catechesi nostra, aliisque commissum Theologis est, quando doctrinam longe utilissimam, & ex ipsis religionis penetralibus depromptam, de angoribus animi Christi, ad articulum de descensu ad inferos illustrandum adhibuerunt.

XXI. De istis porro Angoribus Christi tria nobis breviter claranda sunt. I. Eorum *Natura*, sive *Qualitas*. II. *Causa*. III. *Utilitas* inde ad nos redundans. Sub *Qualitate* duo iterum complector, *Gravitatem* & *Sanctitatem*. Angores Christi gravissimi fuerunt.

XXII. *Gravitatem* colligere licet ex accurata Evangelistarum descriptione, quæ exstat Mat. xxvi. 37. 38. 39. Marc. xiv. 33. 34. 35. Luc. xxi. 42. 43. 44. Adde Heb. v. 7. 8. Ubi iterum signate observamus. I. *Partes*. II. *Adjuncta*. III. *Effectus*. Quæ singula agonizæ hujus gravitatem comprobant.

XXIII. *Partes* duæ sunt. I. *Tristitia* ex intuitu mali *præsentis*. Quæ Uti liquet, ex partibus. emphaticis admodum enarratur vocabulis. Dicitur enim *λόγος*, quæ anima Christi fuit *πένθος*, undique *tristis*, & quidem *usque ad mortem*. Mat. xxvi. 38. *Ἀγωνία*. Luc. xxi. 44. lucta cum dolore & anxietate, qualis est illius qui se ad acerrimum præparat certamen. *Ἀδυναμία*. Mat. xxvi. 36. quæ animus præ horrore concidit, & veluti sub doloris pondere fatiscit, & consilii inops est. *Etymologus* *ἀδυναμία* explicat per *ἀδυναμία*, *ἀπορίη*, *ἀμαχανία*.

XXIV. II. *Metus*, ex consideratione mali *futuri*. Vocatur ea *ἐκκρίσις* Heb. v. 7. quo nomine, tam apud exoticos, quam sacros scriptores, *timorem* designari, nemo mediocriter Græce peritus ignorare potest. Jos. xxi. 24. respondet Hebræo *יָרֵא*, quo anxietas notatur. I Sam. xviii. 15. De Saule, *καὶ ἐκκρίσθη ἀπὸ προσώπου Δαυὶδ*. Hebr. *יָרֵא*. Adde Act. xxiii. 10. *ἐκκρίσθη ὁ χιλιάρχος*, *tribunus*. *veritus ne Paulus discerneretur*. Alia multa in hanc sententiam congeffit *Chamierus Panstrat. Lib. v. Cap. xvi*. Marcus & Lucas *φόβος* dicunt, quod est aliquid plus quam metus: percellit enim ita, ut pene det in stuporem ac mentem eripiat.

XXV. Utriusque vero, & *Tristitiæ*, & *Metus*, magnitudinem *Adjuncta* duo demonstrant. I. *Sudor sanguineus*, tanta copia prorumpens ut in grumos concreveret. Luc. xxi. 44. qui validum animi *πάθος*, & extraordinariam quandam sanguinis, a partibus exterioribus ad interiores, ab his vicissim ad illas, reciprocationem arguit, cujus æstu atque agitatione non cutis tantum atque carnis meatus, sed & ipsa vasorum oscula, & universa pæne corporis compages resolverentur. Cujus affectus non quidem nulla, rara tamen, in historiis exempla exstant: nec nisi in atrocissima mœsti animi trepidatione, diraque & insolita anxietate. Vide fodes Venerandi *Voetii* de hac re copiosissimam Dissertationem.

XXVI. II. *Angeli eum corroborantis præsentia*. Luc. xxi. 43. Cor- Adjuncta, roborantis, inquam, non communicatione potentiz, aut partem oneris, Christo impositi, in se suscipiendo; Christus enim *torcular calcavit solum*. Jes. lxiii. 6. Sed repræsentatione efficacissima, & brevitatis passionum, & promissi auxilii Divini, & gloriæ consecuturæ, respectu Dei, sui, electorum. Quantum autem hunc angorem fuisse oportuit,

tuit, in quo Dominus a servo; Creator a Creatura, Deus ab Angelo solamen petiit?

*Missia.*

XXVII. *Effectus* hujus angoris, fuerunt *preces* & supplicationes ferventissimæ, quas cum clamore valido & lacrymis ter repetitis vicibus, Patri obtulit, pronus in terram procidens. Apostolis etiam præcipiens, ut, se paullo longius progresso, officio non deessent in vigiliis ac precibus. Quæ intensissimum dolorem, ex præsentis, vel imminētis, gravissimi mali apprehensione, arguunt.

XXVIII. Eodem facit appellatio *calicis*, quem Christus a se transferri petit. Eo enim vocabulo generatim in sacris notatur quæcunque fors five bona, five mala, a Deo homini assignata. Translatione, uti videtur, defuncta a patribus familias, cuique assignantibus, quantum bibere debeat. Quod & apud Romanos facere solebant *conviviæ*, five *modinperatores*, vel *reges convivii*, qui, ut Horatius ait, *regna vini sortiebantur talis*: talorum enim jactu creabantur. Significat autem hic, non poculum *bilaritatis*, ut Pl. XVI. 5. & XXIII. 5. sed *calamitatis*: uti Pl. XI. 6. Jec. II. 17. Ap. XVII. 6.

Omnibus  
tamen sine  
ullo crimi-  
ne sancti-  
me defun-  
ctus est.

XXIX. Hactenus de dolorum *Gravitate*, nunc *Sanctitatem* videamus: quæ & in ipsis ostendenda *angoribus*, & in *precibus* inde ortis. Prius non est admodum difficile. Nam neque sensus mali præsentis, neque metus imminētis, neque dolor ex utroque ortus, per se malum morale, five peccatum, est. Si quod in istarum rerum perpeffione crimen est, id consistit, vel in mollitiæ animi fracti, nimis sua mala æstimantis, vel in desperatione eventus, ubi causa bene sperandi est; vel in impatientia animi, & murmure adversus Deum. Atqui nihil horum, sed contraria omnia, in Christo deprehenduntur. Nam id quod sustinuit afflictionem pondus æstimatione omni gravius est. Pl. xc. 11. Et in gravissimis discriminibus fide inconcussa, omniumque tentationum victrice, ad promissionem eventus mentem reflexit; & quodcumque id fecit, semper speravit. Quod & hostium probabant infanz sananz, & ipse sanctissima professione testabatur. Pl. xxii. 9. 10. Ut & in coena novissima. Mat. xxvi. 28. 29. ubi poculum distributum eo pacto fecit sacramentum effundendi sanguinis sui, in qua *conviviæ* bibendum ipsi erat poculum iræ: ut mox subjungat, fore, ut fructum vitis novum bibat cum suis Apostolis, in regno Patris sui. Tantum demique ab omni murmure abfuit, ut non potuerit se absolutius decreto numinis, & scripturarum vaticiniis, submittere. Joh. xviii. 11. *An non bibam poculum, quod dedisti mihi pater?*

Hec in precibus quicquam jure carpen.

XXX. Major difficultas in Christi *precibus* est, quomodo iis sua constet & *Sapientia*, & *Pietas*? Quæ enim sapientia est, tanto opere, ac ter repetitis vicibus, calicis illius translationem petere, quem tibi ex decreto Dei,

Dei,

Dei, tuoque pacto, funditus ebibendum noris, & ad quem ebibendum ipse in mundum venisti? Quæ pietas etiam, tale voluntatis tuæ desiderium exponere, quod consilio ac voluntati Divinæ adversa fronte refragari videatur? Et qui pote est, ut hinc abfuerit error, quum, Christus ipse, dum se corrigit in posteriore orationis parte, in priore se modum excessisse fateatur? Sed nec hic nobis apologia pro Domino deest: quæ profecto non indigeret, si nos ipsi ea qua par est sapientia ac pietate de actionibus ejus arbitraremur.

XXXI. Nimirum tres hic distincte *volitiones* considerandæ veniunt, binæ Christi hominis, tertia Dei: quæ in sua singulæ objecta, diversimodis quidem, sed sapienter omnes, & sancte, feruntur. *Prima* Christi, qua *veri hominis est*: appetitus nimirum ille naturalis, tendens ad bonum suum & immunitatem ab omni malo. Intellectus Christi vere & sapienter æstimabat diritatem malorum sibi imminentium, quorum jam sensu aliquo tangi incipiebat. Eam porro inclinationem naturæ hominis Deus ipse indidit, ut horreat ac refugiat mala, quatenus ea sibi novit incommoda esse. Neque Christus fratribus suis per omnia similis, atque adeo verus homo fuisset, nisi exhorruisset ad atrociam ista mala, qua talia. Hanc voluntatis suæ naturalem inclinationem exponit, quum petit, ut, si possibile sit, calix iste transeat, considerans eum ut in iacundum admodum, atque amarum. Quæ inclinatio & *Sapiens* & *Sancta* est; quippe *Natura*, *Rationi*, & utriusque auctori *Deo*, consentanea. Eph. v. 29. *Naturæ enim nunquam suam ipsam carnem odio habuit, imo enutrit ac fovet eam.*

XXXII. Cæterum præter illum ad spectum *incommodi*, alium quoque mala Christi ingruentia habebant; videlicet rationem *medii*, a *Deo destinati*, ad promotionem gloriæ suæ in salute electorum, atque hæcenus non mala erant, sed bona, atque appetibilia. Hinc orta *altera* Christi *volitio*, a priori diversa, non adversa. Quia objectum sub alia *ratione* nunc intellectui & voluntati obversabatur. Quod enim, *qua malum*, horrebat & averfabatur, idem illud *qua medium*, *Divinitus*, ad summum boni consecutionem *destinatum*, atque *Dei ita voluntati consentaneum*, ipse quoque volebat. Neque dubium est, quin & id *Sapienter*, ac *Sancte*. Sapientiæ est, media, licet difficilia, ad magni boni consecutionem lubentissimo animo adhibere, præsertim si hæc sola sint, & unice conducibilia. Sanctitatis est, affectus omnes *naturæ* subjungere ad *obsequium Dei*.

XXXIII. Non alienum a re præsentis est exemplum ab agro peti-  
tum. Cui si quis offerat amarum absinthii laticem, vix est ut non exhorrescat ad pocula tetra medentum, malitque ea non haurire. Idem tamen, expendens potionem istam ad salutem sibi utilem fore, & gratias Medico agit, & magno satidiosum haustum mercatur, & appetitum naturæ ad patientiam rationis domat. Eodem modo Christus poculum

sibi oblatum, *qua animam* considerans, transferri expetit. Idem vero poculum attendens *qua salutare suis*, non vult illud non epotum transire. Atque ita *voluntate sua absoluta*, quæ *Rationis* est, ad omnes circumstantias attendentis, *voluntatem suam conditionatam*, quæ *Natura* est, malum qua incommodum refugientis, limitat; ut utraque *Divina* consonet.

XXXIV. Verum enimvero inanis & puerilis prorsus captiuncula est, errorent aliquem arguere ex correctionis formulis *αλλὰ . . .*, quibus Evangelistæ Christum usum esse testantur. Quod enim ex *correctione Logica*, & *Ethica* concludi potest, male infertur ex *Rhetorica*. *Logica* pro *falso*, *verum*: *Ethica* pro *males*, *bonum* reponit. *Rhetorica* autem non est emendatio ejus quod male dictum erat (male enim quicquam dici aut illa vetat) sed additio ejus quod expressius, & efficacius, & limitatius est, ac id quod magis indifferens, ac minus proprium est. Illius instar habemus I Cor. xv. 10. *Amplius laboravi quam omnes: non ego tamen, sed gratia Dei qua mecum est*. Ubi correctio non verum pro falso reponit: sed id quod vere, attamen minus plene, dictum erat, exponit: & limitat. Nam & ipse laboraverat, sed sub præsidio *Divinae gratiæ*. Pariliter & hic: correctio Christi non est emendatio erroris, sed remotio conditionis antea positæ, & declaratio disertæ, quod *voluntatem* illam *conditionatam*, quæ, ex recto sui amore, perpeffionum tristitatem refugiebat, *absoluta voluntate*, quæ omnibus rite pensitatis eligebat, *voluntati Patris* submitteret.

Angoris  
Christi  
causæ.

XXXV. CAUSSÆ tanti in Christo angoris tres potissimum esse videntur. *Prima est ira maledictionis Divinae*, ipsi ob peccata nostra jam incumbentis, & porro incubituræ, *gravitas*. Gal. III. 13. Jes. LIII. 6. 7. Premebant eum peccata non unius alicujus hominis aliqua, sed omnium electorum omnia, pro quibus, ex suscepto sponfionis officio, ad ultimum nunc sibi quadrantem satisfaciendum esse videbat. Videbat formidabile Dei tribunal, cui sistendus erat, *ut qua non rapuerat solveret*: Ps. LIX. 5. Judicem incomprehensibili vindicta armatum: Legem execrationum fulmina vibrantem; Justitiam ad extremum rigidam atque inexorabilem. In quas cogitationes quum tota Christi mens eo tempore defixa fuerit, fieri aliter non potuit quin gravissime iis angeretur. Nihil & *objecto* illo, quod Christo tunc ob oculos versabatur terribilius est: nihil etiam *efficacitate* ea validius, *qua* terribile illud objectum animo Christi ingerebatur.

XXXVI. *Objectum* ipsum quod attinet, in eo omnes horribilitatis numeros, quasi in unam collectos summam, inveniri, hoc pacto demonstrari potest. Maledictio singulis singulorum hominum peccatis denunciata, poenam infinitam necessario in se includit, ob infinitudinem Majestatis adversus quam perpetrantur. Omniū autem electorum ma-  
ledi-

dicto Christo imposita fuit. Si quid igitur esse posset infinito infinitus, poena illa, quæ Christo, subeunda proponebatur, excedebat infinitatem ipsam propemodum infinite. Quis enim vel sua peccata numerare, vel omnium electorum numerum inire queat; Et hoc est quod dicit Ps. XL. 13. *Comprehenderunt me iniquitates meæ ut non possim videre, multiplicata sunt præ capillis capitis mei, & cor meum dereliquit me.* Iniquitates suas vocat, non quas commiserat, sed quas sponcione in se susceperat.

XXXVII. Porro non solum mens Christi sua sponte se ad objecti tam horribilis contemplationem appulit; sed & Deus ipse potentia sue efficacitatem adhibuit, ut terrore isto penitissimæ animi partes imbuerentur. Idem flagitavit relatio iudicis, ut tanti mali diritas menti Christi ab ipso numine objiceretur. Quæ circa corpus fiunt, administrari possunt hominibus. Conscientia sensu doloris torqueri fatis non potest, ut iustitiæ Dei satisfiat, nisi iustitia ipsa Dei sese intus revelante. Ipse Deus proprio filio non pepercit. Rom. VIII. 42. *ipse percussit eum.* Zach. XIII. 7. coll. cum Mat. XXVI. 31. *ipse eum pro nobis peccatum fecit.* 2. Cor. V. 21. *ipse propter nos fecit incurrere in eum*, quasi agmine facto, *peccata nostra.* Jes. LIII. 6.

XXXVIII. Accessit & altera angoris causa, subjectio ad potestatem tenebrarum. Luc. XXI. 33. non quidem ad victoriam, at certe ad vexationem ac luctum gravissimam. Princeps hujus mundi, Diabolus, facultate a Deo impetrata, cum omnibus copiis suis infernalibus, in Christum movebat: Joh. XIV. 50. hominibus tanquam satellitibus suis, ad corpus, &, qua fieri poterat, animum, lacerandum, abutens. Sed ipse animo præsertim insidiabatur, quem ingestis inferorum cruciamentis terribat, si quo pacto fidem Christi tentationibus suis labefactare posset, atque ita salutem nostram intervertere, vel saltem eum qui illam procurabat pessimis vexare modis. Jus certe aliquod, per peccatum, in totum genus humanum acquisiverat, cujus respectu peccatores *captura iusti* dicuntur. Jes. XLIX. 24. Proinde quum *redimendi* essemus in iustitia, censuit Justus iudex universi, ut, quicquid juris in electos peccatores Diabolus acquisiverat, id in Christum exerceret: mortis ei aculeum altissime cordi infigendo. Juxta sententiam in Paradiso pronunciatam, *Tu conteres ei calcaneum.* Gen. III. 15.

XXXIX. Sed nec tertia causa defuit, quod nimirum in omnibus hisce difficultatibus a Deo Patre suo derelictam sese senserit, orbatus nunc suavissimæ illius gratiæ, qua antea toties ac tam jucunde gavissus erat, influxu, idque eo nunc tempore, quo, multo magis quam olim, ea indigebat. Hinc lugubris ille questus. Ps. XXII. 2. 3. Mat. XXVII. 36. Huc referendæ sunt tenebræ in crucifixione Christi factæ, analogæ tenebris exterioribus,

*terioribus*, quibus damnatio, omnis consolationis exors, comparatur. Mat. xxii. 13. Nihil enim in sacris nostris frequentius est, quam ut mœoris tempora *dies tenebrarum* & *caliginis*, *dies nubis* & *obscuritatis*, dicantur. Joël. ii. 2. Vid. Jes. v. 30. xiiii. 10. 11. Jer. xv. 9. atque alibi sæpe. Miraculosæ ergo hæ tenebræ, non in oculos solum Christi, sed & in animum incurrerunt; sensitque se a Deo, fonte lucis & lætitiæ, desertum, non minus quam terra solis lumine orbata erat.

Ufus hujus  
doctrinæ  
prædici.  
I. Ad excu-  
tiendam se-  
cuzitatem.

XL. Nunc tandem quem USUM nobis harum rerum meditatio præbere queat, expendamus. Et facit sane ad *excutiendam carnalis securitatis torporem*. Nusquam enim peccati atrocitas, & iræ Dei adversus peccatum severitas, luculentius, quam in Christo ad inferos descendente, cernuntur. Ito, peccator, ad montem Oliveti, vide Christum in pulvere volutantem, fortem illum ac magnanimum heroem humi procumbentem, generosum illum de tribu Juda Leonem in terram prostratum: audi eum qui afflictarum mentium unicum solamen, atque adeo Deus lætissimæ exultationis nostræ est, de mœore, quo undique cinctus sit, lugubrem in modum conquerentem: vide grumos illos sanguinis, quibus, præ incredibili animi angore, sanctissimum corpus ejus deturpatur: audi deprecationes illas, cum lacrymis & clamore valido, surdo nunc Patri oblatas: & quære ex Christo, quænam demum tam immensæ auxietatis causa sit, quum nullæ adhuc hostiles turmæ, nulla vincula, flagella nulla, non accusatores, non judices, non crux ulla præsto sit; sed ipse in horto amoenissimo, nec procul a fidis discipulis: discesque, peccata, illa ipsa quæ tu tam levia hætenus censuisti peccata, tantorum ei causas esse dolorum. Ea, nunc Christo imposita, adeo eum presserunt, depresserunt, tantum non oppreserunt. Et quisquam præsumat, vel nullam, vel leviculam admodum pro iis expiationem aut satisfactionem sufficere? Non certe, homo, non satisfeceris Deo, *etiamsi cum holocaustis ante Deum venias, aut vitulis amniculis, aut millibus arietum, aut myriadibus torrentium olei*: non si vel *primogenitum pro defectione tua dederis, & fructum ventris tui pro peccato anima tua*. Mich. vi. 6. 7. Vide, vide sodes, iterum atque iterum vide, quam acerba Christo acciderint, quum luenda ipsi Electorum incumbant crimina.

XLI. Sed tu quis es, mortalium omnium stultissime, qui omnis cum Christo communionis prorsus exors, sed prave securus, hilaria quotidie agitas, genio indulges, corpus ad molliem curas, nihil tibi denique vetitæ voluptatis reliquum facis? Quum Christum nunc plorantem audis, tu quoque flet, & *ejulato propter arummas tibi superventuras*, Jac. v. 1. De risu dehinc dicito, insanit: & de lætitia, *ecquid illa facit?* Eccl. ii. 2. certus ex risu etiam animum dolere, & *finem lætitiæ mœorem esse*. Prov. xiv. 13. Quid spumanteis mero pateras sectaris, quum illud



illud te Divini furoris poculum maneat, cuius vinum est turbidum, plenum mixtione, ex quo fudit, cuiusque faeces omnes omni improbi terra exsugendo bibent? Ps. LXXV. 9. Noli dubitare, depluet super te Dominus prunas, ignem, & sulphur: ventusque procellosissimus portio calicis tui futurus est. Ps. XI. 6. Quid in tuis tibi maleficiis plaudens oblatranti conscientiae nescio quam offam objicis, omnesque inferorum, ad quos praecipitem te ferunt vitia, cogitationes, quantum pote, expectorans, coelum tibi stulte polliceris? Quo tu te fastuosius in coelos adscensurum jactas, eo tibi truciùs respon-  
sabit Deus; Imo vero in infernum dejiceris, ad latera foveae. Deducetur in infernum factus tuus, strepitus nabliorum tuorum, substernetur tibi lumbricus, & obteget te vermis. Jel. XIV. 15. II. Quid tu tibi de precum tuarum exau-  
ditione imaginaris, ubi forte libuerit vacaveritque e doloris lectulo sup-  
plicia Deo dedicare? Ego jam exemplo Christi monitus; quid respondi accepturus sis, non vanus vates praedico. Hæc erunt irati Numinis non  
verba, sed fulmina: Quandoquidem invitavi & renuistis, — Ego quoque in  
calamitate vestra ridebo. — Tunc invocabunt me, & non exaudiam, mane  
querent me, nec invenient. Prov. I. 24. — 28. Atque ita te a Deo de-  
sertum, a Diabolo vexatum, a conscientia excarnificatum, occupabunt  
tenebræ desperationis, mox mortis, denique infernales, extremæ, æter-  
næ. Utinam hæc, ex Christi patientis horroribus, non fallaci ratio-  
cinatione, collecta, animos hominum carnaliter securorum valide per-  
cellant: antequam tempus gratiæ, & hora visitationis, ac salutis, ip-  
sis aliud agentibus elabatur!

XLII. Iis autem qui Christi sunt eadem hæc anxietatum ejus medi- II. Ad Con-  
tatio prolixam consolationis materiam suppeditat. I. Inferos pro iis Christus solationem.  
subit, ne ipsi eos subeundos haberent. Introivit in aulam validi illius armati,  
Diaboli nempe, sed validior illo; totamque armaturam ejus qua confidebat  
sustulit, & spolia ejus distribuit. Luc. XI. 21. 22. O incredibilem Do-  
mini nostri pietatem! O amoris viscera! Ipse in profundissimam se in-  
fernalium dolorum abyssum induit, ut nos, per sanguinem sacratissimi fæde-  
ris, vincti emitteremur e cisterna in qua nulla aqua, nulla vel minimi solatii gut-  
tula est. Zach. IX. 11. Non est quod nunc ad insultus Diaboli trepidemus:  
dum ipse Christo calcaneum, ipsi Christus contrivit caput. Gen. I. 11. 15.

XLIII. II. Caelestem iis impetravit gloriam. Ipse sanguineum propter  
nos profudit sudorem, ut in frigido mortis sudore intrepidus nobis ad  
Deum accessus detur. Ipse ex calice passionis faeces iræ divinæ bibit,  
ut poculum Divinæ gratiæ exuberans nobis sit. Ps. XXIII. 5. nobis-  
que uberrime expleri liceat pinguedine domus suæ, & bibere de tor-  
rente deliciarum ejus. Ps. XXXVI. 9. Ipse coepit pavere & contremis-  
cere, ut nos coram Dei judicio imperteriti consistamus. Rom. VIII.  
33. 34. Pro peccatis nostris in faciem procidit, ut nobis capita nostra

extollere liceat. Luc. XXI. 28. Ipse deprecationes suas quasi furdo Numini occinuit, ut nos in nostris, quas in nomine ipsius concepimus, semper exaudiamur. 1 Jo. v. 14. Ipse a Deo desertus est, ne nos unquam deferamur. Jes. XLIX. 15. Ipse denique quum ad inferos descenderit, hinc coeli nobis maxima porta patet. Et quo descensus ejus humilior fuit, eo sublimiorem necesse est gloriam eam esse quam nobis meruit.

XLIV. III. *Fecit ut ne in ipsis quidem trepidantis animi angoribus solamen suis deesset.* Negari nequit, quin & piis nonnunquam sua tenebrarum hora sit, qua & a Diabolo vexentur, & terroribus inferorum excrucientur, & a Deo se relictos quiritentur: attamen & tum habent, quo se angoribus Christi Consolentur. I. Nihil enim ipsis accidit, quod non antea Domino; cujus imagini conformes illos esse par est in afflictionibus, ut & sint in gloria. Quid indecentius est, quam ut Christo, calicem illis suum propinanti, respondere abnuant? II. Omnis maledictionis aculeus per Christi angores ipsorum angoribus exemptus est, quibus non exponuntur a Deo, ut irato Judice, ad poenam; sed ut Clementi ac Sapienti Patre, ad exercitium Fidei, Patientiæ, Spei Charitatis: *ut desiderium crescat, ut probetur affectus, ut amoris negotium exerceatur.* Bernardus in Cant. Sermon. LXXV. *Non deserit, ut deseratur: sed deserit ne deseratur: & videtur deserere, quia non vult deserere.* III. Cum triumphato per Christum hoste res ipsis est. Neque potest non gloriosum iis esse certamen, ex quo *plus quam victores* prodibunt. Rom. VIII. 37. Post tenebras lux orietur, Mich. VII. 8. Sævam hanc tempestatem placida excipiet serenitas, eo jucundior, quo atrocior fulminum, nimborum, procellarum furor fuerit. Jes. LIV. 11. IV. Ipsa denique conditionis istius acerbitas, insequentia, tam gratiæ, quam gloriæ, gaudia, suaviora faciet. *Placet cunctis securitas; sed ei magis qui timuit. Jucunda omnibus lux; sed evadenti de potestate tenebrarum jucundior. Transisse de morte ad vitam, vitæ gratiam duplicat.* Bernard. in Cant. Sermon. LXVIII.

III. Ad  
Informatio-  
nem.

XLV. Tandem ex Domini exemplo discito, *quo te modo in angoribus istis constitutus gerere debes.* I. Ne nimium secreta loca affectes, amica mœrori, qui sensim infelicitis animi prava quædam voluptas sit. Sed postquam in abdito querelas tuas in Dei sinum effudisti, identidem ad familiares & necessarios tuos redi. II. Indefessus tunc esto in precibus: Ps. LXL. 3. quarum formulam quandam Ps. LXXVII. & LXXXVIII. CII. alique exhibent. Aliam anxietatis illiusmodi animæ apprime idoneam, & supra modum patheticam, Thomas Godwinus dedit in aureo libello de *Filio lucis qui in tenebris ambulat. Part. II. Instructione IX.* III. Procul omni murmure, abnegato carnis ratiocinio, propriæque voluntatis impetu, totum te Deo trade, illiusque supremæ, sapientissimæ, optimæ voluntati vota semper tua submitte. Protestatus, desiderare quidem te,

ut,

ut, si fieri possit, calix iste removeatur: non tamen recusare, quin, si ita fatum ferat, totum ebibas; modo id gloriosum Deo, & tibi tandem salutare sit Mich. VII. 9. IV. Denique in patientia ac fide expecta, ut is, qui Christi precibus exauditis tandem *ipsum metu liberavit*, Heb. v. 7. hactenus ut & vires ei ad dolores sustinendos suffecerit, & calamitatum omnium victorem effecerit; tuis quoque condolens ærumnis, sua te consolationum ubertate focilles. Mich. VII. 7. Jes. VIII. 17. Redibit enim, redibit aliquando, qui procul nunc stare videtur, & *medium fortassis orationis tuæ cursum interrumpens, animæ desideranti festinus se ingeret, cælestis rore dulcedinis circumfusus, unguentis optimis delibutus, fatigatam recreabit, esurientem reficiet, aridam impinguabit, & inebriando sobriam reddet* uti propemodum Augustinus, de scala Paradisi, Cap. IV.

## EXERCITATIO XIX.

DE

## RESURRECTIONE CHRISTI.

## BREVARIUM.

1. 2. 3. 4. *Ejusdem Messia duplex status, alter Humiliationis, alter Exaltationis, distincte considerandus est.* 5. *Exaltationis subjectum Christus proprie secundum humanam, non nisi improprie secundum Divinam naturam est.* 6. *Exaltationis varii sunt gradus.* 7. 8. *Resurrectio Christi magnum fidei fundamentum est.* 9. 10. *Ejus natura exponitur.* 11. 12. *Gloria corporis Christi post resurrectionem magna quidem in terris fuit, non tamen consummata, qualis nunc est in cælis.* 13. 14. *Resuscitatio Christi opus est toti Trinitati commune.* 15. *Ob certas tamen causas frequentius Patri adscribitur* 16. 17. *Est in ea suscitatione Christi demonstratio Divinitatis ejus.* 18. 19. 20. 21. *Observationes circa Tempus resurrectionis.* 22. 23. *Quæ memorabilia fuerint in resurgendi Modo.* 24. *Resurrectionis Christi veritas confirmatur.* I. *Rei ipsius evidentia.* 25. II. *Testimonio Angelorum.* 26. III. *Crebris Christi apparitionibus.* 27. *Quæ ob prægnantes causas non toti populo Judaico, vel etiam senioribus, factæ sunt.* 28. IV. *Apparitionibus, Sanctorum, una cum Christo suscitatorum.* 29. V. *Admirandis plurimis quæ Christum vivere testantur.* 30. *Nihil horum improbe ab Apostolis fictum esse, res ipsa clamat.* 31. *Nec veritati præjudicant nonnulla in circumstantiis inartificata.* 32. *Necessaria fuit Christi resurrectio.*

rectio. 33. 34. 35. 36. 37. I. Ut satisfaceret Prophetiis. 38. II. Ut implerentur Typi. 39. 40. Quibus prophetiis ac typis non solum Christi resurrectio, sed illius tempus prae dictum ac prae figuratum est. 41. 42. Quia resurrectionem Christi tam Patris, quam Filii gloria exigebat. 43. 44. 45. Utilitas ex resurrectione Christi ad nos proveniens.

Ejusdem  
Messiae du-  
plex status,  
alter Humi-  
liationis,  
alter Exalta-  
tionis, di-  
stincte con-  
siderandus  
est.

I. **A**B omni retro antiquitate praenunciatus qui in Prophetis erat Spiritus Christi declaravit passiones Christo eventuras, & gloriam illas consecuturam. I Pet. 1. 11. Duplex enim Messiae conditio, altera Humiliationis, altera Exaltationis, arcanis vatum responsis & symbolicis typorum aenigmatibus, quodammodo delineata, disertiore alibi sermone exposita est. Fuit quum caneret vates: *adsurgit ut tenera planta, & tanquam radix e terra solitaria, non est forma ei neque decor* &c. Jes. LIII. 2. & seq. Sed & auditus est dicere: *ecce prosperabitur servus meus, extolletur, & elevabitur, & altus erit valde.* Jes. LII. 13. Est quum representatur nobis Messias, *ut servus dominantium, quem contemnit quisque, quem abominatur gens.* Est quum idem describitur, *ut constitutus in lucem gentium, & salus Dei usque ad extremitatem terrae, cui reges assurgant, principesque honorem ei habentes se incurvent.* Jes. XLIX. 6. 7.

II. Quas conditionum vicissitudines quum parum scite a se invicem divellerent recentiores Hebraeorum Magistri, binas nobis Messias commenti sunt; quorum alter, *Iosephi* per Ephraimum filius, orfo & producto aliquantisper salutis nescio cuius opere, male faustam vitae sortem, & ut illi loquuntur, *חבלי משיח*, dolores Messiae, sanguinolenta morte claudens, lampada feliciore traditurus esset, Messiae nimirum Davidis filio, qui domitis circumquaque hostibus, Israelitisque avito solo restitutis, aurea reducet secula,

*Pacatumque reget patriis virtutibus orbem.*

III. At orthodoxa veritas, uti unum duntaxat Deum, ita unum solummodo Dei hominumque mediatorem agnoscit. I Tim. 11. 5. Sed unum illum in statu duplici, primum vilitatis ac perpeffionum, quo salutem nobis impetravit, dein sublimitatis ac gloriae, quo impetratam nobis salutem potenter applicat. De eodem canitur: *fecisti eum paulisper minorem angelis, ut nimirum Dei beneficio pro omnibus mortem gustaret: & gloria ac honore coronasti eum.* Ps. VIII. 6. Heb. 11. 7. 8. 9. Unus est Zionis Rex, *justus ille ac salute prae datus*, qui primum ad eam pauper venit, sed cuius deinde dominatus protendetur a mari uno ad alterum, & a flumine usque ad fines terrae. Zach. IX. 9. 10. Utrumque in nostro convenit Jesu: qui & examinavit se, forma servi accepta; iterumque a Deo in summam elatus sublimitatem est. Phil. 11. 7. 9.

IV. Utriusque status considerationem suavem oppido ac jucundam nobis

nobis esse par est. Nam uti in illo humiliationis, incredibilem Christi, ad imam se arumnarum voraginem sua sponte demittentis, *φικαλίζονται* cernimus; ita alter, exaltationis, id nobis de Christo representat, quod & illi grati gratulemur, & in quo ipsi nos serio exultemus. Cui enim non jucunda accadat tam chari Fratris, Sponsi, Capitis, nuper cum tam denso ingruentium malorum agmine conflctantis, lætior quies, ac quasi triumphantis gloria? Gloria, quam non sibi a Patre accepit, sed communicandam cum Fratribus, Sponsa, Membris. Qui propterea *una cum Christo suscitati, unaque in calis collocati esse*, dicuntur. Eph. I. 6.

V. Exaltationis proprie dictæ subjectum Christus secundum solam humanam naturam est: Nam qua verus Deus, ob immutabilem beatitudinem, ac eminentissimam infinitamque perfectionem, decoratur indigitamento *ἰσχυ*, *Albissimi*. Pl. LXXXIX. 28. xcvi. 9. Atque hactenus in forma Dei proprie exaltari, siue altior fieri, non potuit, poteritve. In solam humanam naturam gloriæ incrementum cadit. Quia tamen tantæ altitudinis, quantam sibi Christus exaltatus vindicat, subjectum *divinæ* merus homo esse non potest: ideo sub exaltationis nomine connotatur illustrissima Divinæ Majestatis Christi, antea se sub velo servilis formæ occultantis, in humanæ gloriæ naturæ patefactio, quam orat Joh. xvii. 5.

Exaltationis  
subjectum  
Christus  
proprie se-  
cundum  
humanam,  
non nisi im-  
proprie se-  
cundum Di-  
vinam natu-  
ram est.

VI. Cæterum sicut diversis humiliationis gradibus ad extremum tandem vilitatis terminum descendit: ita & suis quibuscumque exaltationis gradibus ad summum gloriæ culmen evehctus est. Gradus hi quatuor potissimum in Symbolo enumerantur. I. *Resurrectio e mortuis*. II. *Ascensio in Cælum*. III. *Sessio ad dextram Dei Patris*. IV. *Reditus ad universale judicium* in nubibus cœli, qui ultimus & gloriosissimus Mediatori muneris actus erit.

Exaltationis  
varii sunt  
gradus.

VII. RESURRECTIO Christi magnum fidei nostræ fulcrum siue fundamentum est. *Si professus fueris ore tuo Dominum Jesum, & credideris in corde tuo quod Deus eum suscitavit ex mortuis, servaberis*. Rom. x. 9. Eo nobis tibicine subducto, nihil fidei tutum remanet: quicquid de salute spei conceperamus prorsus una corrui. *Quod si Christus non est suscitatus ex mortuis, inanis est fides vestra: adhuc estis in peccatis vestris. Nempe & qui obdormierunt in Christo perierunt*. I. Cor. xv. 17. 18.

Resurrectio  
Christi ma-  
gnum fidei  
fundamen-  
tum est.

VIII. De ea nunc Christi suscitatione dicturi, quatuor nobis capita explicanda sumimus. I. *Ejus Naturam ac Modum*. II. *Veritatem ac Certitudinem*. III. *Necessitatem*. IV. *Utilitatem*.

IX. Ad NATURAM Resurrectionis Christi rite intelligendam necessariæ hæ observationes sunt. I. Quod corpus Christi in sepulcro ab omni corruptione præservatum sit, partim ob brevem in eo moram,

Ejus natura  
exponitur.

partim virtute aromatum, sed præcipue vi Divinæ ejus naturæ, quæ singulari cura invigilans ab omni id putrefactionis labe immune servavit. Pl. xvi. 10. II. Quod anima, Patri, dum corpore excederet, commendata, ac cœlo recepta, ibi, velut in Paradiso, ab omni labore suo suaviter quieverit: Luc. xxi. 42. 46. III. Quod statuta vivificationis hora, & corpus, hætenus exanimum, Divinæ omnipotentis virtute, ita visceribus, sanguine, spiritibus, cæterisque partibus dispositum sit, ut aptum animæ domicilium foret: & anima e cœlo ad corpus inhabitandum regendumque evocata sit, restituta utriusque partis naturali atque essentiali unione. Hoc vocat D. Jesus *animæ suæ resurrectionem*. Joh. v. 17. 18. IV. Quod utraque pars præstantioribus qualitatibus, quæ novæ ac spirituali vitæ conveniunt, aucta atque ornata sit. Anima quidem, luce eximia, sanctitate splendidissima, gaudio ineffabili ac glorioso, ex charitate Dei ardentissima, illiusque jucundissimo sensu. Caro autem, novo gloriæ superindumento: hætenus saltem, ut ilico a resurrectione & immortalis fuerit, Rom. v. 9. Act. xxi. 34. & spiritualis 1. Cor. xv. 44. 46. id est, liberata ab omni necessitate terrenarum vitæ animalis functionum, & comparata ad sanctas ac gloriosas functiones vitæ cœlestis.

Gloria corporis Christi post resurrectionem magna quidem in terris fuit, non tamen consummata, qualis nunc est in cœlis.

X. Non tamen gloria corporis Christi, dum in terris morabatur consummata fuit, qualis nunc est, postquam evectus est supra cœlos Phil. i. 21. Etenim Christus eam aliquantisper obnubilari passus est, indulgens id discipulorum infirmitati, ut, dum Iesum per quadraginta dies conversabatur, non omni suo splendore visibiliter radiaret: quod eum *visionis* atque intueri possent. Nam cæteroqui splendorem illum multo minus oculis usurpare potuissent, quam Israëlita quondam radiantem faciem Moysi. 2. Cor. i. 7.

XI. Sed & illud benignæ ac sapientissimæ *consummationis* fuit, quod, ad resurrectionis veritatem evidentius comprobendam, *περὸ φάγῃν* aliquod flagitaverit: Joh. xxi. 5. quodque Apostoli *una cum eo ederint ac biberint*. Act. x. 41. Non enim id corporis conditioni mortali, aut nutritionis indigæ, sed liberæ radiorum gloriæ suppressioni tribuendum est. Præclare *Augustinus Epist. XLIX. Futura resurrectionis corpus imperfectæ felicitatis erit, si cibum sumere non potuerit, imperfectæ felicitatis, si cibi eguerit. Sed aliter absorbet terra aquam sitiens, aliter solis radius candens: illa, indigentia; iste, potentia.* Vult dicere; manducationem hanc fuisse non egestatis, sed potestatis: nec cibum in stomacho concoctum, sed absumptum; ut humorem solis calor absumit.

XII. Neque inglorium corpori Christi est, eritve, post resurrectionem gestasse, &, si volet, ad magnum novissimi judicii diem gestare, vulne-

vulnerum in manibus, pedibus ac latere spectabiles characteres; quippe qui pertineant ad gloriosum ex devicta morte triumphum.

XIII. CAUSSA resurrectionis Christi communiter *Deus* esse dicitur. *Resurrectio Christi opus est Toti Trinitati commune.*  
 Act. II. 24. III. 15. IV. 10. Rom. X. 9. atque alibi passim. Speciatim tamen resuscitatio hæc aliquando *Patri* adscribitur. Eph. I. 17. 19. 20. *Deus Domini nostri Jesu Christi. Pater ille gloriæ, exseruit præpollentiam roboris virium suarum in Christo, quum suscitavit eum ex mortuis.* Sed & alibi ipsi *Filio.* Joh. II. 19. X. 17. 18. Nec immerito: *Sicut enim Pater vitam habet in se ipso, sic dedit & Filio vitam habere in se ipso.* Joh. V. 26. Utrique communis est eadem Divina essentia, semper viva, semper actiosa, quæ fons est omnis vitæ viventium extra se, & maxime beatæ istius vitæ quam vivit natura illa quæ tam arcte Divinitati juncta est.

XIV. Dubitari nequit, quia eadem virtus vivifica *Patris & Filii*, etiam *Spiritus Sancti* sit: non tamen memini in Scripturis legere, quod Spiritus Sanctus, id est, tertia Deitatis persona, Christum e mortuis suscitaverit. Nam Rom. VIII. 11. non Spiritui S. illud vindicatur, sed ei cujus Spiritus in nobis habitat: qui Pater est. I. Pet. III. 18. Christus quidem *Spiritu vivificatus* dicitur: sed quum Spiritus ibi carni opponatur, convenientius est id de Divina Christi natura intelligere, penes quam est *ἡ ζωὴ αἰωνοῦ.* Heb. VII. 16. Eandem mentem habet I. Tim. III. 16. *Justificatus est in Spiritu:* ut & Rom. I. 4. *Declaratus est Filius Dei in potentia, κατὰ πνεῦμα ἁγίου, secundum Spiritum sanctum.* (ita enim verti malim quam sanctificationis: ea *ἀγιοποιεῖς* dicitur) per resurrectionem ex mortuis. Attamen quum Sp. S. jam a prima rerum genesi indigestam mundi molem incubando foverit: Gen. I. 2. & nominatim *Spiritus vita* dicatur: Rom. VIII. 2. quumque per eum Deus mortalia corpora nostra vivificaturus sit: ibi: vers. 11. præter omnem rationem illius vis atque *ἰσχύς* a suscitatione Christi semoveretur.

XV. Dignum animadversione est, quod multo crebrius resuscitatio *ab* *Patre* quam ab ipso *Christo* facta esse perhibeatur. Cujus rei duplex tamen causas frequenter Patri adscribitur.  
 esse causa videtur: primo ne obscuraretur Divina Christi ad gloriam vocatio: nam ne hunc quidem honorem, ut, semel mortuus, semper vivus, & vitæ princeps existeret, sumere sibi debuit, sed vocatus ab eo accipere, qui dixit *Filius meus es tu, ego hodie genui te.* Heb. V. 4. 5. Deinde, ut appareret, hanc novæ vitæ gloriam, jure ei ac merito suo obtingere, ex sententia Patris, eum justificantis, illamque ei adjudicantis, ex quo satisfecerat iudicio Divinæ damnationis. Qua de re ipse gloria- tur, post brevem passionum moram futura se consolans gloria. Jes. L. 8. 9. *Propinquus est qui justificat me, quis contendat mecum? En, Dominus Jehovi auxiliaturus est mihi: quis est condemnaturus me?*

XVI. Sive vero resuscitatio Christi ut a Patre, sive ut ab ipso *Christo* sit. *Est in exsuscitatione*

Christi de-  
monstratio  
Divinitatis  
ejus.

sto profecta consideretur, utroque adpectu invictum nobis argumen-  
tum suppeditat pro æterna Christi Deitate, atque *divinitate*. Nam quum  
in fuscitatione illa exseruerit se, uti modo ex Paulo audivimus, im-  
mensa Divinæ efficacitatis præcellentia, si ea Christus ipse in se excitando  
usus sit, infinita eum virtute instructum, & sic summi Dei æternum  
atque *ἐκείνου* Filium esse, claret; qui non minus quam Pater vitam in  
se ipso habeat.

XVII. Sed neque Pater ipsum excitare potuit, quin palam eum pro  
Filio suo agnosceret. Quum enim eo nomine a Senatu Judaico blas-  
phemix poltulatus, & ad mortem damnatus esset, quod intrepide se  
Filium Dei esse professus fuerat, Mat. xxvi. 46. 65. 66. *parem se faciens*  
*Deo*. Joh. v. 18. Pater eum ex ignominiosæ mortis clauetro in dias lu-  
minis oras reproducens; Senatum Judaicum damnavit, Christum ab-  
solvit: veram fuisse Christi de se professionem, illa ex mortuis fuscita-  
tione manifestum faciens. Et sic omni modo Christus est *declaratus Fi-*  
*lius Dei in potentia, per resurrectionem ex mortuis*. Rom. i. 4.

Observatio-  
nes circa  
tempus re-  
surrectionis.

XVIII. Circa resurrectionis TEMPUS quatuor observanda. I. Eam  
contigisse *Verno anni tempore*, ipso *Paschatis* festo, *menfe Abib*, qui a  
*recenti spica* nomen habet, eo quod in calidioribus istis regionibus eo  
mense segetes ad vitam necessariæ maturescerent; quemque Deus *sacri*  
*anni primum* esse iussit. Exod. xxi. 2. col. cum xiii. 4. Et revera D. Je-  
su e mortuis fuscitatio, lætiora ecclesiæ, post longam sævamque hye-  
mem, tempora attulit, novumque gratiæ annum inchoavit, *quo montes*  
*pacem populo protulere* & *colles propter justitiam: adeo ut ubicunque pugillus*  
*tritici in terra esset, in vertice montium, fructus ejus se commoveret, ut Libani,*  
*& cives ut herba terræ florent.* Ps. lxxii. 3. 16.

XIX. II. *Tertio* a morte & sepultura *die*: qui terminus sæpe a Christo  
prænnunciatus, Joh. ii. 19. Mat. xvi. 21. xx. 19. alibique crebro, ab  
Apostolis, resurrectione facta, diligenter notatus est; ad prædictionis  
veritatem demonstrandam. Placuit Deo tanti temporis in sepulcro mo-  
ra, quod & longitudine sua certitudini mortis Christi sufficienter attesta-  
retur, & brevitate sua attemperatum esset Dei consilio de Christo a cor-  
ruptione præservando. Quomodo autem temporis illius ratio putan-  
da sit, diximus Exercit. xvii. Tmemate xxvi. & seq.

XX. III. *Prima die Hebdomadis*. Mat. xxviii. 1. Qua uti coepta  
est mundi lucisque creatio, ita sua ex sepulcro prodictione novi mundi  
ac beatoris seculi Epocham eadem die ordiri Dominus voluit: quæ pro-  
pterea a prima antiquitate Ecclesiæ Christianæ sacra, ac *Dominica* dicta,  
fuit. Ap. i. 10.

XXI. IV. *Primo primæ diei diluculo*, oriente sole, vel jam jam ori-  
turo: Mat. xxviii. 1. ut se ostenderet *cervam* illam *aurora* esse, Ps.



XXI. I. quæ nocte senescente, die vix dum emicante, a nexibus suis libera in campos exsiliit, & e latebris suis prodiens diem ex nocte attulit: quippe non solum *stella splendida*, & *matutina*, Ap. XXI. 16. sed & *sol justitiæ*. Mal. IV. 2. qui *illuminat eos qui sedent in tenebris*, & *in umbra mortis, ad dirigendos pedes eorum in viam pacis*. Luc. I. 79.

XXII. In MODO resurrectionis memorabile est I. Quod facta sit cum terræ motu. Quod declarat *instabilium rerum*, ut puta *faciliarum*, *anotionem*, ut maneat quæ sunt *stabilia*. Heb. XII. 27. Quum enim moriente Christo *velum ruptum*, & *inimicitia in carne ipsius abolita*, Eph. I. 15. *deletoque in cruce chirographo*, Col. II. 14. resurgenti veluti apocha a Patre data sit: consequens fuit, ut ea quæ ad tempus *diuturnius* instituta erant quaterentur; locum tactura perpetuis ac stabilibus. Quod symbolicè isthoc terræ motu significatum est. II. Quod adfuerit *ministerium gloriosum Angelorum*. Nam quum *πάλιν rursus induceret primogenitum in orbem habitabilem*, dixit: *Et adorent eum omnes Angeli Dei*. Heb. I. 6. III. Quod reliquerit vestes sepulcrales in sepulcro, videlicet *linteamina*. & *sudarium seorsim involutum*. Joh. XX. 5. 6. 7. Quo significatum fuit, non egere Dominum ullis funebribus ornamentis, quippe qui induerit immortalitatem; & sublata per Christum pudoris causa, resuscitatos, vestium loco, coelesti gloria ornatum iri.

XXIII. Sed & confirmandæ veritati resurrectionis Christi hæc linteorum relictio non parum inferviebat: quod argumentum non ineleganter pro sua ætate *Sedulius* exposuit:

— — Fare, improbe custos,

Responde, scelerata cohors: si Christus, ut audes

Dicere, concluso furtim productus ab antro

Sopitus jacuit, cujus jacet intus amictus?

Cujus ad exuvias sedet Angelus? anne beati

Corporis ablato velocius esse putavit

Solvere contextum, quam devecere ligatum?

Quam mora sit furtis contraria. Cautius ergo

Cum Domino potuere magis sua lintea tolli.

Atque ita nunc insensibiliter devenimus ad Alterum tractationis nostræ Caput, de VERITATE ac CERTITUDINE Resurrectionis Dominicæ: porro nunc nobis adstruenda.

XXIV. Et primo quidem rei ipsius Evidentiam contemplemur: quæ etiam pervicacissimorum incredulitati edomandæ sufficit. Male sibi conscii Judæorum primates, & metuentes a vaticiniis Christi, institerunt apud Pilatum, ut sepulcrum in diem tertium muniretur, ne qua vel vis vel fraus crucifixum inde eximeret. Ipsi profecti sepulcrum quam fieri potest sollicitissime muniunt, lapidem obsignant, custodiam apponunt.

Symb. Apost.

Ll

Inte-

Quæ memorabilia fuerint in resurgendi modo.

Resurrectionis Christi veritas confirmatur, I. Rei ipsius evidentia.

Interim quum lucescere inciperet in tertiam a morte diem, ingenti tremore terra quatitur, coelestis genius e sublimi descendit, saxum a sepulcri ostio devolvit, ipse saxo insidet. Tantus autem vestimentorum candor erat, ut nivem ipsam anteiret: tantus faciei splendor, ut fulgur potius quam fulgorem dixeris. Vident eum a Judaica improbitate appositi custodes, sed timore exanimati in terram procidunt. Interim, nemine prohibere auso, vivus prodit Jesus, eoque sese confert ubi primum suis apparere instituerat. Custodum aliquot paulatim ad se reversi in urbem properant, primariis sacerdotum ea quæ gesta erant narraturi. Impetrant ab invitis fidem. Attamen, quum primates ab aliis credi nollent, quod nimis quam verum esse animus iis dictabat, magna nummorum vi ad aliena ac frigida commenta milites corruperunt, ut mentirentur, discipulos nocte venisse, ac dormientibus custodibus, Jesum suffratos esse. Mat. xxviii. Hæc omnia, quæ non in angulo aliquo gesta sunt, sed in urbe totius Judææ frequentissima, nonne talia sunt, ut, si vera non essent, a nemine fingi aut divulgari potuerint, eo imprimis tempore ac loco, quibus gesta esse perhibentur, ino viventibus ac rerum potentibus iis quorum intererat ne vera existimarentur?

II. Testi-  
monio An-  
gelorum.

XXV. Accedit *Angelorum testimonium*, qui nequicquam frementibus militibus, vacuum Domini sepulcrum mulieribus ostendant, resurrexisse eum testantes, & in Galilæam præire, ubi eum visuræ sint. Mat. xxviii. 6. 7. Luc. xxiv. 4. 7.

II. Crebris  
Christi ap-  
paritioni-  
bus.

XXVI. Sed quid validius crebris illis Christi redivivi *apparitionibus*? quibus fidem, etiam a maxime incredulis amicorum, extorsit. Has Petrus urget, Act. x. 40. 41. & Paulus. 1 Cor. xv. 5. 8. Eas *undenas* in sacra invenimus historia, ante Christi in celos adscensionem: *quinque*, ipso Resurrectionis die: & *sex*, sequentibus diebus, quarum tamen ordinem exacte ubique determinare non possumus. I. *Maria Magdalena* soli, apud sepulcrum. Marc. xvi. 9. Joh. xx. 14. 18. II. *Mulieribus*, a sepulcro regressis. Mat. xxviii. 9. 10. III. Duobus discipulis, *Cleopa*, & ejus *socio*, euntibus Emmaumentem. Luc. xxiv. 13. 31. IV. *Simoni Petro* soli. Luc. xxiv. 44. V. Apostolis, collectis in Jerusalem, excepto *Thoma*. Luc. xxiv. 26. Joh. xx. 19. Collegium hoc Apostolicum *Marcus* *ius Judæus*. *Undenos*, cap. xvi. 14. Paulus, *ius Judæus*. *Duodenos*, 1 Cor. xv. 5. vocat. Nam collegia prima sui institutione ad certum numerum restricta, ut *Septemvirosum*, *Decemvirosum*, & similia, postmodum, licet vel deficiente numero vel aucto, veterem appellationem retinent. Quomodo & Athenarum Rectores a Xenophonte vocantur xxx. postquam cæso Theramene non nisi undetriginta supererant. VI. Octiduo post *omnibus discipulis* insimul, *Thoma* etiam præsentem. Joh. xx. 26. VII. Ad mare Tiberiadis, *septem discipulis* piscantibus. Joh. xxi. 1.

VIII.

VIII. Undecim discipulis, in monte quodam Galilææ, ut constituerat iis Jesus. Mat. xxviii. 16. IX. Plusquam quingentis Fratribus simul. I Cor. xv. 6. X. Jacobo seorsim. ib. vers. 7. XI. Ipso die adscensionis, omnibus Apostolis simul, in monte Oliveti. Post adscensionem in cœlos, Stephano quoque visus est. Act. vii. 55. & Paulo, I Cor. xv. 8. col. cum Act. ix. 3. 17. I Cor. ix. 1. & Johanni frequenter in Apocalypsi, quamvis ea visio magis Ecstatica, & Emblematica, quam Corporalis, & Personalis fuerit.

XXVII. Nec jure exegeris, ut Dominus se toti populo Judaico, in templo, aliave panegyri, vel saltem Pontificibus ac Senioribus populi, redivivum sisteret. Nam I. Ipsum actionum suarum Dominum esse par est, quarum rationem sibi soli constare sufficit. *Non respondet de omnibus rebus suis.* Job. xxxi. 13. II. Populus Judaicus cum senioribus suis tempus gratiæ proterve spreverat: jam dies erat judicii, ac severitatis, & occultationis Divinæ faciei ab ipsis, juxta comminationem: Mat. xxiii. 39. *Dico vobis, nequaquam videbitis me ab hoc tempore, usque dum dicatis, Benedictus qui venit in nomine Domini.* III. Tempus erat dedocendi Seniores factum illum, quo se efferebant super populum Dei, & docendi e contra conditionem Regni Christi Spiritualem prorsus ac cœlestem, quæ nec humana nititur auctoritate, nec humano indiget præsidio, aut patrocínio. Maluit Deus, per plebejos homines tantæ rei historiam mundo innotescere, quam per Principes hujus sæculi: *ne fides nostra consistet in sapientia, vel auctoritate, hominum, sed in potentia Dei.* I Cor. ii. 5. IV. Exercere Dominus suorum fidem voluit: juxta illud, *Beati qui non viderunt, & crediderunt.* Joh. xx. 29.

Quæ ob prægnantes causas non toti populo Judaico, vel etiam Senioribus, facta sunt.

XXVIII. Sed & Sancti illi, qui monumentis post resurrectionem Christi egressi, in civitatem Sanctam venerunt, & apparuerunt multis, Mat. xxviii. 52. 53. invictum fuscitati Christi argumentum suppeditant. Sive enim Veteres illi fuerint, ut Adam, Noah, Abraham cum Filio ac Nepotibus, David &c. sive recentiores, ut Simeon, Hanna, Zacharias, Johannes Baptista, aliive tum temporis noti; indubie de resurrectione Christi testati sunt, eamque suæ resurrectionis causam agnoverunt. Ideo multis apparuerunt, ut ex eorum resurrectione, ait Euthymius, alii certiores redderentur & de resurrectione illius (nimirum Christi): *cogitantes, quod qui hos suscitavit, multo magis se ipsum suscitavit.* Neque modo veritas resurrectionis Christi hoc argumento comprobata, sed & illius efficacia demonstrata est. Euseb. Emisenus, Homil. vi. Pasch. Regrediens Christus post diem tertium fructus secum triduanæ peregrinationis viventibus repertavit, & ut omnes eum de inferis regredi crederent, testes secum ad superiores & præcones subactæ mortis exhibuit.

IV. Apparitionibus Sanctorum, una cum Christo suscitatorum.

V. Admirandis plurimis quæ Christum vivere testantur.

XXIX. Taceo nunc visibilem effusionem Spiritus Sancti die Pentecostes, & dona linguarum, & miracula ab Apostolis in ejus nomine

edita, & Evangelii cursum, quod est *sceptrum roboris ipsius Zionæ emissum*, Pf. cx. 2. & efficacitatem Spiritus sui vivifici in cordibus electorum, & destructionem Idololatriæ, & everfionem Politicæ Judaicæ, & tutelam admirabilem fidelium, & terribilem hostium vindictam, invitis etiam pectoribus veras voces extorquentem: & quæ id genus plura facile amplificari atque urgeri possunt, ut argumenta Christi viventis, ac rerum in cœlo potentis.

Nihil horum improbe ab Apostolis fictum esse, res ipsa clamat.

XXX. Nec est quod quis contendat, ea quæ ex sacris literis proximis, improbe ab Apostolis conficta esse, vel cæco defuncti præceptoris amore, vel ambitione aut avaritia, vel ut captos superstitione animos consultis dolis ludificarent, vel si quam aliam ea comminiscendi causam habuerint: quemadmodum *Philostratus* aliquis nescio quem *Apollonium Thyanaum* iis quos voluit coloribus affabre depinxit, & ut *Semi-Deum* aliquem morti exemptum immortali natura circumvestivit. Non enim profecto, ut ut simplices & *avisi*, fatui prorsus fuerunt Apostoli: ut quidvis sibi a Magistro, & de ipso, persuaderi paterentur, ea etiam quæ ipsa rerum lux mendacii argueret. Et in hoc negotio ipsi animum inducere nequiverunt, ut Magistrum surrexisset crederent, nisi postquam irrefutabilibus indiciis debellata erat eorum incredulitas. Nec fieri potuit, ut contra animi conscientiam totam eam scenam commentitiis fabulis instruerent. Quænam enim hæc fuisset demens impudentia, de rebus eo tempore & loco gestis, apud homines cuncta sollicitè observantes, eosdemque rerum dominos, tam petulanter mentiri? Et quæ tandem mendacii merces? Non opes enimvero, non honores; sed contraria omnia, odium plebis & primatum, carceres, flagra, exilia, mortes dirissimæ. Quæ omnia obsequioso hujus rei silentio redimere potuissent. Hæc ergo nostra est conclusio: *Scimus firmum esse testimonium eorum, qui de his testati sunt, & hæc scripserunt.* Joh. xxi. 24. Aliud certe *Philostrati* in *Apollonio* exornando institutum fuit, qui ita commentarium suum instruxit, ut appareat, maluisse eum, lectoribus industriæ atque eloquentiæ suæ admirationem, quam historiæ fidem facere. Qui si sacramento de singulis apud judicem respondere coactus fuisset, satius procul dubio duxisset, artem confiteri, & fictitio Heroi suo renunciari, quam illius causa exquisitissimas subire poenas.

Nec veritati præjudicant nonnulla in circumstantiis inveniuntur.

XXXI. Nolim etiam, contrarietates quasdam ex diversis Evangelistarum narrationibus ad totius historiæ fidem labefactandam objici. Nam, uti prudenter a Magno *Vossio* observatum est, utile fuit, ita *invenimus* scribi ab Evangelistis. Opinio alioqui foret conspirasse eos, & quod proverbio dicitur, de compacto ren. gessisse, ut in velabro olearii solent. Ad hæc, factum id videtur, ad exercendam fidem & sedulitatem nostram. Nam si serio, ut convenit, pensiculemus cuncta, comi-

comperiemus, pugnam in iis esse nullam: eam vero, quæ esse videtur, non a scribentium, sed legentium vitio, provenire. Quod de singulis ostendere, Exercitationis hujus angustia non patitur.

XXXII. Ad *tertium* nunc caput transeamus, quod de NECESSITA-  
TE est. Eam Dominus docet: Luc. XXIV. 26. *Nonne hæc OPORTUIT pati Christum, & introire in gloriam suam?* Necesse autem fuit Christum resurgere. I. Ut satisfaceret vaticiniorum oraculis. II. Ut complerentur *typorum* emblemata. III. Quia tam Patris, quam Christi, intererat, ut victor mortis declararetur.

Necessaria  
fuit Christi  
resurrectio.

XXXIII. *Suscitatus est tertio die secundum Scripturas.* I Cor. XV. 4. Quæ frequenter & luculente hanc rem prædixerunt. Ps. XVI. 10. col. cum Act. 11. 29-31. Ps. XXII. 23. Ubi postquam preces D. Jesu in passionibus, & paulo ante mortem, enarratæ fuerunt in hæc verba loquens introducit: *Enarrabo nomen tuum fratribus meis*, (confer Mat. XXVII 10. *Nunciate fratribus meis*) & *in media congregatione laudabo te.* Confer Act. XXVI. 22. Prophetæ & Moses prædixerunt, Christum fuisse passurum, ac primum ex resurrectione mortuorum, lucem annunciaturum huic populo & gentibus.

I. Ut Satisficeret Prophetis.

XXXIV. Adde Ps. CX. 7. *de torrente in via bibet.* Via, vitæ mortalis cursum notat. Ea torrente interfecatur & abrumpitur. Rapidus torrentis, significat vehementem perpeffionum inundationem. *De torrente bibere*, est eo inundari, ac tantum non suffocari, sic ut aqua ad animantia perveniant. Ps. LXIX 2. Id posteaquam Christus fecerit, tum, imo כן על idcirco, ex pacto Patris, ex condignitate antedanearum passionum, ex merito strictissime sic dicto, *extollet caput*, emerget a torrente passionum & mortis, secumque emergere faciet membra corporis sui mystici, ut participant de sua gloria, sicut paticiparunt de passionibus.

XXXV. Adde Jes. LIII. 8. *Ex coarctatione & judicio*, ex potestate seniorum populi penes quos *judicium* erat, ex potestate coercente Romani prædis, ex angustia omni, quam tam Divini, quam Humani Tribunalis *judicium* ei attulit, *assumptus est*, in gloriam nimirum. confer Ps. XLIX. 16. *Et quis enarrabit*, mente concipiet, sermone explicabit, ויגיד, id est, *tempus vitæ suæ*, quæ post mortem semel obitam æterna erit, & *familiam* subnascentium filiorum? conf. Ps. LXXIII. 15. Eodem, nisi fallor, spectat versus decimus: יהוה יחיה ויהוה יחיה ויהוה יחיה quod non male in hæc verba Celeberrimus Coccejus vertit: *Et Jehova volentem enervare ipsum infirmavit*, sive, *ad impotentiam redegit.* ויהוה enim aliquando nomen est, formæ ויהוה. Vide I Chr. XXVIII. 1. Is qui Christum *enervare*, vexare, turbare, & si pote, opprimere, voluit, Diabolus est; exercitus infernales, & simul gentes ac Judæos, in ipsum instigando. Eum Deus *ad impotentiam redegit*, κατήργησεν, *abolevit.*

Heb. 11. 14. *השכיר*, cessare fecit. Pl. VII. 3. ut Christum in morte retinere non potuerit. Porro, *ubi posuerit satisfactionis pretium anima ejus*, (Christi) *videbit semen*, ipse vivet, & viventes filios conspiciet, *prolongabit dies*, tam ipse, quam semen ejus, & *beneplacitum Jehova in manu ejus*, utriusque, Christi & seminis ipsius *prosperabitur*.

XXXVI. Et quid obstat, quo minus huc referamus Zophon: 111.

8. *Qua propter praestolamini me*, ait Jehova, *ליום קומי לעד* ad diem, quo *surgam in perpetuitatem*. Describitur hoc capite conditio Hierosolymae posterioris, & ~~negula~~ Filii Dei in carne, & qualitas temporis illius, vide vers. 5. 6. 7. *Jehova justus*, is, qui & servus Dei justus, Jes. LIII. 11. & Jehova justitia nostra, est. Jer. XXI. 6. *in medio ipse erat*. Non *faciebat injustitiam*. Sic Jes. LIII. 9. *Matutinis singulis judicium suum edebat in lucem*, non *desiderabatur*, praedicabat doctrinam de vera justitia, eamque confirmabat testimoniis prophetarum, & operibus plane Divinis. *Docebat interdum in templo*: & *totus populus Diluculo veniebat ad eum*, ut eum *audiret in templo*. Luc. XXI. 37. 38. *At nesciebat injustus pudere*. vide Mat. XXI. 37. Dein memorantur judicia Dei in gentes, ad commotionem Judaeorum. Et sane ante adventum Christi Aegyptus debellata erat per Persas: Palaestini edomiti per Graecos: Moabitarum oppida Graecis erepta possederunt Judaei: Idem Idumaeos subjugarunt: Romani, omnes. Tum Deus ~~disponens~~ ita loquens introducit, vers. 7. *Dixi*, Certe *timebis me*, &c. Conf. Mat. XXI. 37. *Postremo misit ad ipsos Filium suum*, dicens: *Reverebuntur Filium meum*. Denique convertit se Filius Dei ad suos, quos jubet patienter expectare resurrectionem suam, quae erit *לעד*, ad aeternitatem, quo sensu ea vox venit Jes. IX. 5. LXV. 18. Vidit hoc *Aberbenel*, qui exponit *קומי נצחית*, *Resurrectionem perpetuam*. In sequentibus praedicatur, id quod resurrectionem Christi consecuturum erat, videlicet effusio severitatis ac irae Dei in Hierosolymam, & conflagratio totius terrae, idque per Gentes in Imperium unum, Romanum nempe, congregatas atque associatas: & deinde conversio gentium per praedicationem Evangelii. Quae prolixius aliquanto repetere visum est, ut lucem aliquam praclaro huic vaticinio, a paucis observato, in usum Auditorum meorum, foenerarem, Plura in eundem sensum exstant, de quibus nunc dicere non vacat.

XXXVII. Id unum praeterire non possum, quod ut attenderemus Paulus fecit. Nimirum Jes. LV. 3. his verbis Deus electos compellat. *Inclinate aurem vestram & venite ad me: audite & vivet anima vestra: & pango vobiscum foedus aeternum*, *חסי דוד הנאמנים* gratias Davidis Fideles. Colon illud ita explicat & applicat Apostolus: Act. XII. 34. *Quod suscitaverit eum ex mortuis*, non *amplius reversurum in sepulcrum*, ita dicit: *Dabo vobis firmas illas Davidis beneficentias*, David hic, ut saepe in Prophe-

tis,

tiis, *Christum* significat. De eo dictum erat: 2. Sam. vii. 15. *Benignitas mea non amovebitur ab eo.* & Pl. lxxxix. 29. *In seculo servabo ei benignitatem meam.* Is autem fidelibus a Deo nominatur uti typus omnium benedictionum, promissarum foedere æterno, in quibus vita beata totius hominis est, quæ suscitationem ex mortuis supponit. Hoc enim ea verba volunt: *Dabo vobis gratias Davidis fideles:* id est, concedam vobis firma illa, stabilia, solida, ac vere beatifica bona, quæ in Messiam contuli. Nullum autem bonum plene beat, nec tam angusto nomine dignum est, a quo resuscitatio corporis sejuncta sit. Consequenter Christum quoque ex mortuis suscitavit Deus. Vis Apostolici argumenti manifesta erit ad quamvis conscientiam, si ad formam syllogisticam, uti Celeberrimus Interpretes prævit, hoc modo redigatur. Quem Deus nominat typum omnium benedictionum, atque ita etiam resuscitationis ad vitam æternam, illum resuscitavit ex mortuis, non moriturum amplius. Atqui Christum, sub nomine Davidis, facit typum omnium benedictionum, & resurrectionis ex mortuis: quando dicit, *Dabo vobis gratias Davidis fideles.* Ergo eum suscitavit ex mortuis non moriturum amplius.

XXXVIII. Vaticiniū de resurrectione Christi, Typi accesserunt. Taceo nunc Historicos illos, quos alii observarunt, in *Josepho* ex carcere, *Daniele* ex spelunca leonum, *Sociis* ejus ex fornace ardente, mirabiliter ereptis, & ad maximas dignitates evectis. Unum solummodo *Legalem* exhibere nunc lubet. Levit. xiv. 4-7. In purgatione leprosi jubetur sacerdos sibi fumere duas aviculas mundas; quarum altera erat jugulanda, sic ut sanguis funderetur in vas testaceum super aquam vivam; alteri vero intinctæ in sanguinem aviculæ jugulatæ liber in agrum volatus permittebatur. Isto tum sanguine adspargebatur leprosus. Utraque avicula Christum notabat, sed in statu diverso. *Avicula* comparatur Christus, propter alacritatem in exsequendis Dei mandatis, & *avisculum* cœleste, & quod de loco in locum fugere cogeretur ad evitandas hominum insidias. *Munda* autem aviculæ, id est, quæ edi poterat, quia Christus & in se sanctus est, & cibus fit peccatoribus ad vitam. *Avicula mandanda*, notat mortem Christi. *Fusio sanguinis super aquam vivam*, non residem, repræsentat passioni ac morti conjunctam obedientiam Christi in charitate non languida, sed scaturiente. Altera avis *viva*, *intincta sanguini*, & sic *dimissa*, Christum ex mortuis redivivum significat, per proprium sanguinem in cœlum evolantem. Heb. ix. 12. Sanguis autem Christi mortuū, sed & redivivū, (ut applicare nobis eum posset,) lepram nostram spiritualem expurgat.

XXXIX. Cæterum non ipsa solum resurrectio, & illius *semper prædictum* atque *præfiguratum* est. Prophetiam habemus Hose: vi. 2. *Vita*

II. Ut implerentur Typi.

Quibus prophetiis ac typis, non ressi-

solum Christi  
resurre-  
ctio, sed il-  
lius Tempus  
prædictum  
ac præfigu-  
ratum est.

*resituet nos post biduum: die tertio excitabit nos & vivemus coram ipso.* Non diffiteor id quod res ipsa loquitur, oraculum hoc ad Ecclesiam pertinere, quæ corpus Christi mysticum est: ita tamen ut in capite primum & literaliter veret. Ea fidelium sagacitas est, ut non subsistant in liberationibus externis, sed per eas meditationibus suis ad spirituales adscendant, & per has ad ipsum fontem, qui Christus est, ex morte redivivus. Est in illa Christi suscitatione exemplar eorum quæ obtingunt Ecclesiæ. Sicut ergo ille post biduum vitæ restituendus, tertio die excitandus erat; ita sibi Ecclesia pollicetur, fore, ut post biduum, id est, interjecto paucillo tempore, lætioribus auspiciis ex calamitate sua resurgat. Nec emphasi caret, quod se Christo in resurrectione jungat. Idem facit Apostolus Eph. 1. 9. *Christi ergo resurrectionem hic considerat, ut mysticæ suæ resurrectionis ad statum beatorem radicem & exemplar. Et præfinitionem tridui, uti instar brevius moræ, quam in calamitatibus exatura erat.*

XL. Nec desunt Typi. Non quod quemquam tertio post mortem die, sive in veteri, sive in novo Testamento, suscitatum legamus (hoc enim soli, quantum constat, Christo proprium mansit) attamen figuras hujus rei habeamus, in Patriarcha, Rege, Propheta. In ISAACO, qui tertio post præceptum de eo mactando die patri Abrahamo velut e morte redditus est. Gen. xxii. 4. Heb. xi. 19. in HIZKIA, qui item tertio post mortis sententiam die in templum adscendit. 2. Reg. xx. 5. in Jona. Mat. xii. 40.

III. Quia  
resurrectio-  
nem Christi  
tam Patris  
quam Filii  
gloria exi-  
gebat.

XLI. Denique resurrectionem Christi flagitabat, tam Patris quam Filii gloria, quam obscuratam manere jus ac fas Dei non sinunt. De Patre signanter Apostolus: Rom. vi. 4. *ὡς ἵνα ὡς ἐν νεκροῖς οὕτως δὲ καὶ τὸν πατέρα τὸν θεόν τὸν πατέρα τὸν θεόν*, non solum ad gloriam Patris, aut cum gloria Patris, sed per gloriam Patris, ea id exigente, & sic quasi operante. Finis enim non effecti solum, sed & causæ rationem habet. Nimirum intererat Gloriæ Patris, ut Filius, qui, ob confessionem Divinissimæ veritatis, injuste a Judæis condemnatus erat, justificaretur; utque promissiones omnes, quæ ex optimæ fidei pacto ei debebantur, postquam conditiones absolutissime impleset, non minus exacte ei præstarentur. Id ni fieret, qui salvæ manerent Patris *Justitia & Veritas*? Hoc ipse Jesus urget Joh. xvii. 4. 5.

XLII. De Filio per se clarum est. Is morte sua mortem mortisque principem vicit, eumque, dum sepulcro conditur, in extremo regni sui angulo profecutus, prorsus profligavit. Heb. ii. 14. *Idcirco fieri omnino non poterat ut ipse a morte detineretur.* Act. ii. 24. *Habebat in se, qua verus Deus & vita aterna, 1, Joh. v. 20. vim indissolubilis vitæ.* Heb. vii. 16. Eam sese in Mediatore, jam per passiones consummato, exferere oportuit. Non poterat aliis esse, quod dicitur Jes. ix. 6. *Pa-*



ter aternitatis, nisi id primum esset sibi. Denique talis declarari ac publice demonstrari debuit, qualis est revera, Victor ac Triumphator mortis; id autem qua ratione fieri poterat, nisi resurgendo? ut *novissimus in pulvere staret, hoste fugato*. Job. xix. 25. Hinc duo illa junguntur: Ap. i. 5. *Primogenitus ille ex mortuis, ac Princeps Regum terra*. Iterumque versu. 18. *Ego sum qui vivo, sed fui mortuus, & ecce vivo, in secula seculorum, Amen. Et habeo claves inferorum & mortis*.

XLIII. Nunc denique UTILITATEM expendamus, quæ ex Christi resurrectione ad nos redundat. Ea triplex potissimum est. I. *Justificatio nostri*. Rom. iv. 25. *Traditus propter offensas nostras, suscitatus ad nostri justificationem*. Deus enim Filium suum e mortis vinculis a carcere, in quem ob debita nostra conjectus erat, manumittens, apocham ei dedisse existimandus est, ipsoque facto declarasse, justitiæ nunc suæ ad ultimum quadrantem esse satisfactum. Quum Christus suscitatus est, eo ipso *justificatus est in Spiritu*. 1 Tim. iii. 16. Non potuit autem justificari, quin nos simul justificaremur in ipso.

XLIV. II. *Sanctificatio nostri*. Col. ii. 12. *Cum eo suscitatus es, per fidem efficacis illius virtutis Dei, qui suscitavit eum ex mortuis*. Hinc dicuntur fideles *cum Christo resurrexisse*, spiritualiter. Col. iii. 1. *& coalescere cum eo resurrectionis assimilatione: ut sicut suscitatus est Christus ex mortuis in gloriam Patris, ita & illi nova vita ambulent*. Rom. vi. 4. 5. Hæc est *vis illa resurrectionis Christi*, de qua Paulus. Phil. iii. 10. Ipse enim ex terra prodiens, non factus modo est, uti primus Adam, *anima viva, sed Spiritus vivificus*. 1 Cor. xv. 45. Vitam non sibi solum accepit, sed & suis: neque modo, ut cum Patre viveret, in coelis; sed & per Spiritum, in fidelibus. Gal. ii. 20. Sicut animales spiritus, e cerebro, per nervos, in totum corpus dispersi, vitam motumque extremis etiam membris communicant: pari ratione Spiritus vitæ qui in Christo, ut capite, ac fonte, est, arcanis meatibus ad singula mystici corporis membra defluit, novæ in iis, quæque Christo digna sit, vitæ auctor. Nam uti fideles *membra corporis ejus*. Eph. v. 30. ita & *unus cum eo Spiritus sunt*. 1 Cor. vi. 17. Ipseque *eorum vita est*. Col. iii. 4.

XLV. III. *Glorificatio nostri in resurrectione beata*. Hanc ex Christi resurrectione deducit Apostolus. 1 Cor. xv. 12. 13. 1 Thes. iv. 14. Et merito. Christus enim *primogenitus frater noster est*, nos illius *coheredes*. Rom. viii. 17. Si ille ergo vitam & immortalitatem hæreditario jure a Patre accepit, illiusdem nos quoque hæreditatis, nostro loco atque ordine, consortes esse oportet: ut quemadmodum ille *principium & primogenitus ex mortuis est*, Col. i. 18. id quoque sit *inter multos fratres*. Rom. viii. 29. *Primitia Christus: postea qui sunt Christi, in adventu ipsius*. 1 Cor. xv. 23. Præterea, Christus *Caput nostrum est*,

Symb. Apost.

M m

nos

Utilitas ex  
resurrectione  
Christi  
ad nos pro-  
veniens.

nos illius *membra*. Idcirco non existimaret se integrum vivere, nisi & nos viveremus cum ipso. Hinc ex sua vita ad nostram nos argumentari docuit. 1 Joh. xiv. 19. *Ego vivo, & vos vivetis*. Præverat Jobus, Cap. xix. 25. 26. 27. Ad hæc, Christus *secundus Adam* est, a quo non minus *vita* ad suos promanat, quam a *primo mors* ad omnes. 1 Cor. xv. 22. *Sicut enim in Adam omnes moriuntur; ita & in Christo omnes vivificabuntur*. Denique, quum idem Spiritus, per quem Deus Christum e mortuis excitavit, in nobis quoque habitet, ecqua dici potest ratio, cur non idem quoque in nobis operetur? Rom. viii. 11. *Si Spiritus ejus qui suscitavit Jesum ex mortuis in vobis habitat; is qui excitavit Christum ex mortuis, vivificabit etiam mortalia corpora vestra per inhabitantem ipsius Spiritum in vobis*. Nimirum Deus per Spiritum suum auctor suscitationis Christi fuit, quum per omnipotentem suam virtutem in qua vitæ fons est, tum virtute exactissimæ sanctitatis, qua humanam Christi naturam exornavit, omnemque corruptionis causam, peccatum videlicet, ab ea arcuit. Ps. xvi. 10. Idem quoque in fidelibus efficit. Primo sanctificando, id est; ad vitam spiritualem excitando animas, deinde etiam corpora, ad vitam gloriosam: quippe quæ, pro sua quoque parte sanctificationis fuere subjecta. Nihil facilius est quam hæc ad Consolationem amplificare: id interim identidem inculcando, non posse sibi ququam polliceri ex resurrectione Christi gratiam lætæ justificationis, & gloriolæ resurrectionis, nisi & experiatur vim illius ad vigorem vitæ spiritualis.

---

## EXERCITATIO XX.

DE

## ADSCENSIONE CHRISTI IN COELUM

### BREVIARIUM.

1. *Summa capita hujus Exercitationis.* 2. 3. *Adscensionis definitio.* 4. 5. 6. 7. *Adscensio personæ Christi competit, proprie quidem secundum solam humanam naturam: sed & figurate, secundum Divinam.* 8. *Observationes circa tempus adscensionis.* 9. *Quæ cur facta sit quadragesimo a resurrectione die* 10. *Cur loquente cum suis Jesu.* 11. *Atque adeo, benedicente iis.* 12. *Difficultates circa locum adscensionis expenduntur, & remonentur.* 13. 14. 15. *Veterum de miraculis hujus loci incertæ narrationes.* 16. *Cur ab Oliveti monte ascendere Dominum voluerit.* 17. *Adscendit autem in supra-*

*supremum calum.* 18. *Quod non est Deus, neque ubique, sed determinatus locus in altissimus.* 19. *Quo D. Jesus corpore suo continetur.* 20. *Est itaque adscensio non disparitio, aut glorificatio corporis Christi, sed motus localis.* 21. *Cur Christus & a Patre sursum sublati, & ipse adscendisse dicatur.* 22. 23. *Budai aplos circa vocem ἀνέβητος laudata.* 24. *Nubes adscendenti Christo subserviens, Divina est argumentum Majestatis.* 25. 26. 27. 28. 29. 30. 31. *Adscensionis Christi Veritas confirmata.* 32. *Neceffe fuit Christum adscendere.* 33. 34. 35. I. *Ut satisfaceret prophetiis.* 36. 37. 38. II. *Ut implerentur typi.* 39. III. *Quia intererat Dei Patris.* 40. *Et Christi.* 41. *Sed & nostri quoque.* 42. *Qui plurimum ex Christi adscensione utilitatis percipimus: non solum quia Caritas jubet ei coherere.* 43. *Sed & quia nostrum hic agitur commodum: tam quoad consolationem.* 44. *Quam quoad sanctificationem.*

**A**lter Exaltationis Christi gradus est ADSCENSIO In COELUM: in cujus tractatione eandem quam nuper insistentes methodum, quatuor hæc capita exponemus. I. Illius *Summa Capita hujus Exaltationis.* Naturam Modumque. II. Veritatem ac certitudinem. III. Necessitatem. IV. Utilitatem.

II. Quum adscensionem Christi dicimus, intelligimus *secundum illum exaltationis gloriosa gradum, quo quadragesimo post resurrectionem die, corpus jam glorificatum, e terra, & nominatim ex monte Oliveti qua parte Bethaniam spectat, per aërem & visibiles calos, spectantibus discipulis, in supremum calum intulit: mansurus ibi in gloria usque ad novissimi judicii diem.* Adscensionis definitio.

III. Attende hic I. Subjectum. II. Tempus. III. Locum, IV. Causam.

IV. SUBJECTUM Adscensionis est *Persona Christi Θεωσάντων, proprie Adscensio quidem, quoad naturam humanam, in corpore & anima, quæ humana persona Christi composita, naturæ vicinia corporum inferiorum in viciniam corporum superiorum translata est: sed & figurate, quoad Divinam; cujus adscensio sicuti descendisse in terram dictus, quando præsentem se hominibus ostendit in assumpta carne: Joh. VI. 41. 50. 51. XVI. 28. ita & in calum adscendisse dici potest, quatenus gloriæ suæ splendorem coruscare facit in ea carne quæ in coelum nunc subvecta est. Huc retulerim Pauli illud: Eph. I. 9. 10. Illud autem, Adscendit, quid nisi quod & descendit prius in inferiores partes terræ? Qui descendit, ipse est & is, qui adscendit. Non de omni adscendente verum est, eum prius descendisse. Moses primo adscendit in montem, & postea descendit. Sed Christum necesse fuit primum descendere antequam adscenderet. Est enim in τῷ αἵματι Joh. VIII. 23. ὁ ἀνθρώπου, in τῷ σώματι ἰησοῦ. Joh. III. 31. quod & Psalmus LXVIII. indicat, ubi com. 8. 9. 12. Deus & Dominus vocatur. Porro descendit Christus, non carne, quam utique coelo non detulit, sed manifestatione*

*Deitatis suæ, in carnem, quam ex Maria virgine adsumpsit. Pariter, idem ille qui descendit, is est qui & ascendit, eandem Deitatem multo luculentius nunc demonstrans in carne ad thronum gloriæ translata.*

V. Hinc & de adscensione Christi Pf. viii. 2. *Jehova. Domino nostro, cuius nomen ingens est in tota terra, accinitur, אֲשֶׁר תִּנְרָה הוֹדָךְ עַל הַשָּׁמַיִם, Quod est collocare Majestatem tuam supra celos.* Nihil horum non emphaticum est. *Hod*, si vim & originem vocis attendas, significat *claritatem* & evidentiam, quæ efficiat *הוֹדוֹת* *Hodoth*, *fateri*, tantum esse in re, quantum est in nomine rei. *הוֹד מְלִכּוּת*, significat dignitatem & Majestatem quæ est in rege, efficiens *הוֹדוֹת*, ipsi parere, voluntati & edicto ejus assentiri & obtemperare: quod acute profecto a Celeberrimo Interprete observatum est. Istiusmodi *Hod*, Claritas ac Majestas, nemini magis quam summo numini competit, virtutes suas patratione magnificorum operum demonstranti. Pf. cxlviii. 13. *Habac. i. 3.* *Eam Majestatem suam posuerat olim Deus in terra, quum habitaret inter Cherubim super propitiatorio.* *Exod. xxix. 43.* *Lev. xvi. 2.* *Psal. lxxx. 2.* *Deinde Hierosolymam totam solium gloriæ fecit.* *Jer. i. 17.* non in adyto solum intimoque sanctuario sedem habens: sed passim in tota urbe, & ubivis per plateas Hierosolymæ conspiciendum se in carne audiendumque præbens. Cæterum per adscensionem Christi Majestas Dei collocata est *supra celos*: nusquam illustrius micans, quam in carne Christi, gloria & honore coronata. Pf. viii. 6.

VI. Nec ausim iis refragari qui eandem rem arcanis ænigmatum symbolis Ezechieli præmonstratam arbitruntur. Cap. x. Videbat nimirum *gloriam Jehovæ desuper Cherubino se levare ad limen domus, quæ domus implebatur nube, & atrium splendore gloriæ Jehovæ.* *vers. 4.* *Gloria Jehovæ est gloria unigeniti a Patre, plenæ gratiæ & veritatis.* *Joh. i. 14.* *Ea fuerat antea super Cherubinis.* Id est in cælo. *Ezech. i. 26.* *Inde se levavit procedens ad limen Domus, sicuti Rex aliquis qui e throno suo surgens ad portam palatii se ostendit, clementer sui copiam populo faciens. Interim domus implebatur nube, quod significare potest habitationem Dei in populo sub specie humili: ita tamen ut per nubem istam radii Divinæ Majestatis emicarent, atrio impleto splendore gloriæ Jehovæ.* Fuit enim in *παρουσία* Christi *μεγαλειότης, καὶ τιμὴ καὶ δόξα* 2 Pet. i. 19. 17. *Eaque in sermonibus prorsus coelestibus, & factis quibus nihil unquam simile auditum, toti se manifestavit populo.* Cæterum eandem gloriam mox videt *Ezechiel exeuntem de limine domus, & stantem super Cherubinis.* *vers. 18.* *Hæc est adscensio Filii Dei e terra in thronum suum. A quo tempore nullum est sanctuarium terrenum, ubi gloria Dei habitet ac quaerenda Israël sit; sed Christus statim invenitur in propatulo, obvisus gentibus undiquaque affluentibus, sine templo manufacto. Et hoc est quod*

quod vidit Ezechiel in symbolo *gloriae Dei Israël stantis ad ostium portae domus Jehova orientalis super Cherubinis superne.* vers. 19. Erat templum situm in parte Orientali urbis, eique oppositus erat mons Oliveti. Consequenter id quod ad ostium portae Orientalis templi erat, omnium adventantium patebat conspectui. Et certe hæc duo jungi debuerunt: ut *gloria Dei collocaretur supra celos, & nomen ejus ingens esset in tota terra,* uti modo ex Ps. viii. 2. audivimus. Quæ omnia eo adduximus, ut doceremus quo pacto etiam *quoad Divinam naturam* Christus dici queat adscendisse: nimirum quatenus Deitatem suam antea demonstratam in terra, dum uti filius hominis inter homines versabatur, nunc gloriosissime exserit in carne coelo illata.

VII. Attamen adfensio in significatione sua propria, prout motum localem notat, soli *naturæ humanæ* competit: & quidem nominatim *corpori.* Corporis enim Christi illatio in celos, definit ac discernit eam de qua agimus adfensionem ab *animæ* Christi separatæ in coelum, antegressa resurrectionem ex mortuis. Ista, quamvis beata, gloriosa tamen non censetur: quia conjuncta erat cum descensione ignominiosa corporis in sepulcrum.

VIII. Circa TEMPUS adfensionis observandum. I. Quod facta fuerit *quadragesimo a resurrectione die.* Act. ii. 3. II. *Eapse hora* qua commiter *cum discipulis loquebatur,* jamque in eo erat ut *iis benediceret.* Luc. xxiv. 50. 51. Neutrum sterile mysteriorum est.

Observationes circa tempus adfensionis.

IX. Sæpiusculum se suis redivivum sistere, & prolixo satis tempore iis cum conversari Dominus voluit, ut resurrectionis suæ veritatem confirmationem iis faceret, quippe cujus testes præconesque futuri erant per totum orbem habitabilem; atque de mysteriis regni coelestis uberius eos instrueret. *Quadragesimus* autem præcise dies non inconcinne contenditur cum tempore præsentationis sui in templo. Quemadmodum enim *quadragesimo a nativitate die* parentes eum Hierosolymam adductum Domino in sacra æde stiterunt. Luc. ii. 22. col: cum. Levit. xii. 2. 4. 6. Ita & *quadragesimo a resurrectione,* quæ altera quasi nativitas est, die in templo, *αὐτοπροσώπως,* ad Patrem coelestem accessit. Accedit quod in *Mose & Elia,* qui comites ei quondam in sacro monte adstiterunt, idem dierum numerus consecratus sit. *Moses enim quadraginta diebus* sine cibo cum Deo conversatus, & non solum non enectam macie corporis habitudinem; sed insolito prorsus decore, qui adspectantium oculos præstringeret, splendentem inde reportans, Exod. xxxiv. 28. 29. instar aliquod Israëlitis exhibuit corporis glorificati, in terra tamen hætenus commorantis. Et sicut *Elias,* e somno excitatus, virtute cibi ab Angelo sibi allati, *quadraginta dierum* iter per desertum absolvit, donec pervenisset ad montem Dei Horebum; Deum illic in symbolo visurus, atque auditurus.

Quæ cur facta sit quadragesimo a resurrectione die.

1. Reg. XIX. 5. 8. ita & Dominus Jesus excitatus ex somno mortis, qui, ob eximia commoda inde ad suos redundantia, suavis ipsi fuit; Jer. XXXI. 26. & angelorum ministerio ornatus, per desertum hujus mundi, & speciatim per Judæam inculto heu! deserto simillimam, quadraginta dies obambulavit, antequam in cœlestis Zionis montem se reciperet, æternum adfuturus Patri.

Cur loquen-  
te cum suis  
Jesu.

X. Sed nec illud prætereundum, quod loquens adhuc cum suis Jesus *convulsus ab eis sit.* Act. I. 9. Plane quemadmodum euntibus & colloquentibus inter se Elia & Elisæo currus igneus cum equis igneis repente separationem fecit inter utrumque. 2. Reg. II. 12. Adeo ad extremum usque sedulum se Dominus in erudiendis ac consolandis discipulis suis præbuit. Et sicuti vix duodecennis puer docere coeperat, ita nec in cruce destitit; inque eopse opere novissima eum in terris hora deprehendit. Pulchre ad magistri exemplar Calvinus, qui hortantibus amicis ut ægrotus ab omni dictandi vel saltem scribendi labore abstineret: *Quid ergo, inquebat, vultis me otiosum a Domino deprehendi?*

Atque adeo  
benedicente  
iis.

XI. Ultimus Christi in terris actus *benedictio discipulorum* fuit. Ita enim Lucas Cap. XXIV. 52. *Sublati manibus benedixit iis. Et factum est dum ipse benediceret: &c:* Manuum elevatio ritus erat precantium: benedictio autem orationis species est. Alias manus capiti alterius imponebantur pro quo fiebant preces. Gen. XLVIII. 14. Rogabant enim, quemadmodum ipsi manu sua alium protegerent, sic Deus ut protegeret eundem in viis suis. Id autem fiebat, sicubi unus alterve foret: sin major foret coetus, compendio studebant: multarumque impositionum loco erat protensio manuum super capita coetus. Levit. IX. 22. *Tum attollens Aaron manus suas versus populum, benedixit iis.* Eum quoque morem, tum in initio, tum in fine cujusque conventus, usurparunt Christianorum Episcopi. Et in antiquis Constitutionibus quæ sub Clementis nomine leguntur, *χειροθεσία καὶ εὐλογία μὴ καὶ μεγάλη*, numerantur inter ἱεραρχικά. Vide sodes Grotium & Vossium. In hoc actu discedendum sibi Dominus existimavit. Partibus suis qua *Propheta* jam erat defunctus, qua *Sacerdos* se ipsum obtulerat, nunc piissimus Pontifex *benedictionem* suis impertitur: mox *ingressurus in adytum*, ut fusi vim cruoris repræsentet Patri, utque *Regali* decorus magnificentia in Throno gloriæ confideat. Non modo in orbem habitabilem adveniens benedictionem secum intulit: sed & recedens benedictionem post se reliquit. Adeo semper sibi simile benedictum illud semen est: & in recessu non minus quam accessu exoptatissimæ benedictionis scaturigo.

Difficultates  
circa locum  
adscensionis  
expendun-  
tur, & re-  
moventur.

XII. LOCUS duplex hic attendi debet. I. Unde discesserit Christus. II. Ubi appulerit. Priorem Sacræ literæ cum quadam loquendi diversitate adsignant. Act. I. 12. dicitur, Apostolos mox post Christi adscensionem

tionem reversos esse Hierosolymam a monte qui vocatur Oliveti, qui est prope Hierosolymam distans itinere Sabbati. Iter autem Sabbati constanter definiunt juris Hebræorum consulti per ארבע אלפיא *bi mille cubitos*, sive, ut alii id exprimunt, ארבע אלפיא פסיעות ביתר *bi mille mediocres passus*: qui juxta calculum Beza ac Ludovici de Dien constitunt quinque stadia: quot stadiis ab Hierosolyma montem Oliveti distare auctor Josephus est *Antiqu. Lib. xx. cap. vi.* At, Luc. xxiv. 50. narratur ductos fuisse discipulos *in eis B. Paulus. in Bethaniam usque*, unde in coelum adscenderit. Porro Bethania distat Hierosolymis *stadiis quindecim*: Joh. xi. 18. id est itinere Sabbati triplicato; si Beza supputatio non fallat. Cujus *involucris* difficilis profecto solutio est. Non lubet nunc in variarum me induere examen sententiarum, quæ apud suos singulæ auctores videri possunt. Id dicam quod probabilissimum videtur, tollendæque difficultati maxime idoneum. Observandum itaque. I. Vere dixisse Josephum, *montem Oliveti quinque stadiis distare Hierosolyma*, ubi nimirum mons in altitudinem aliquam incipit adurgere: imas enim montis radices adhuc propiores urbem esse, ac vix quingentis passibus, interfrente Cedronis torrente, distare, illi quoque testantur qui nostris temporibus in regionibus istis peregrinati sunt. II. Accuratiùs iter Sabbati definiri, non *quinque stadiis*, sed *septem cum dimidio*, quemadmodum Syrus pro itinere Sabbati habet, ארבע אלפיא *quasi septem stadia*. Qua de re videri possunt *Drusius & Lightfootus*, Viri harum rerum callentissimi. Iter ergo Sabbati extendit se ad notabilem altitudinem montis Oliveti, ab radicibus ejus non minus longe fortassis distantem, quam radices ab Hierosolyma. III. Duplicem fuisse Bethaniam; alteram, oppidum, sive vicum, aut castellum, ultra montem Oliveti situm, *quindecim ab Hierosolyma stadiis*, de qua Joh. xi. 18. alteram, tractum sive partem montis Oliveti, contiguum Betphage. Sicut enim בית פתי Betphage tractus Oliveti fuit Hierosolymæ proxime adjacens, ita dictus ob grossos illic nascentes; ita etiam בית היני Bethania ejusdem montis tractus est, a *dabylis* ibi frequentibus nuncupatus. Porro ubi Betphage desinebat, ibi incipiebat Bethania. Vide fodes *Lightfootus in Cens. præmissa Matthæo. cap. xxxvi. 1. & Decade Chorogr. præmissa Marco. cap. iv.* IV. Christum in coelum adscendisse, non ex *vico Bethania*, sed ex *tractu aliquo Oliveti*. Non enim eum selegit locum ubi incolas multos sive alios adfensionis suæ testes haberet, sed in partem aliquam montis solitariam discipulos adscivit, solos istius demigrationis testes futuros. Quibus observatis tollitur omne *involucris*

XIII, Narrant Veteres, locum illum in quo postremum insisterant Veterum de  
Divina vestigia, quum in coelum Dominus nube sublatus est, con- micenlis  
tinuari pavimento cum reliqua stratorum parte non potuisse, quando hujus loci  
Basil- incertæ nar-  
ratione.

Basilicam ubi struebat Imperatrix Helena. Si quidem quæcunque applicabantur, insolens humana fuscipere terra respueret, excussis in ora apponentium sæpe marmoribus. Quin etiam calcati Deo pulveris adeo perenne documentum esse perhibetur, ut vestigia impressa cernantur. Et quum quotidie confluentium fides certatim Domino calcata diripiat, damnum tamen arena non sentiat, & eandem adhuc sui speciem, impressis signata vestigiis terra custodiat. Ita *Sulpitius Severus*. Addit *Hieronymus*, de locis Hebraicis: Denique, quum Ecclesiæ, in cuius medio sunt, rotundo schemate & pulcherrimo opere conderetur; summum tantum cacumen, ut perhibent, propter Dominici corporis meatum, nullo modo contegi & concamerari potuit: sed transitus ille a terra ad cælum usque patet apertus. Meminerunt etiam ejus rei *Optatus Milevitanus*, *Paulinus*, & *Beda*, quorum verba *Baronius* exhibet, ad Ann. xxxiv. §. ccxxxvii. & seq. Nec his contenti Geographi & peregrini terræ sanctæ, asserunt, vestigia illa etiamnum inter Turcas visa, & quidem conversa ad occidentem, ne scilicet Catholica Romana Ecclesia nihil hinc pro se haberet: quippe ad quam, ut dilectam præ cæteris sponsam, ultimum se in terris Christus convertit. *A Lapide ad Act. i. 12*

XIV. *Casaubonus* miraculum illud de impressis Christi vestigiis, ob tot scriptorum consensum, & in his magni Hieronymi, fide dignissimum esse existimat. Mihi, ut verum fatear, secus videtur. Neque dubito, quin hæc una sit ex fabulis illis quas posterior ætas, contra superiorum seculorum fidem, vel confinxit, vel arripuit. Etenim, uti judiciose notavit *Hornius*, *Eusebius* quum exactissime structuram templi in monte Oliveti describat, nullo verbo hujus miraculi meminit, haut quaquam prætermisurus rem, si fuisset vera, apprime memorabilem, & confutandis Ethnicis magnum usum præbituram. Prætermittunt etiam silentio *Socrates*, *Theodoretus*, *Sozomenus*, & fabularum Pater *Nicephorus*: qui tamen de crucis inventionem tam splendide nugantur. Confer quæ diximus *Exerc. xvi. Themat. x. & seq.* Quæ vero etiamnum monstrantur peregrinantibus vestigia, ea meras malefactorum hominum offuscias esse res ipsa loquitur. Nec recens fabella antiquæ consonat. Hæc, vestigia arenæ impressa dictat. Illa, saxo. Nec vestigia nunc cernuntur, sed vestigium unius modo pedis, in parte aliqua rupis. Altero una cum saxo cui institisse dicitur a Turcis in fanum aliquod suum translato. *Della Valle Itin. Lib. i. cap. xxxvii.* Adeone nunc vestigiorum suorum securum factum esse Dominum, ut quum olim Augustissimæ Basilicæ, a pia Imperatrice in honorem ejus structæ, concameratione tegi ea noluerit, nunc earum partem alteram in fanum Pseudo-Prophe-tæ dicatum transferri patiatur?

XV. Originem erroris invenisse se credit *Hornius*, in iis *Eusebii* ver-  
bis



bis qua exstant *Lib. III. de Vit. Const. Cap. XLII.* ubi de Helenæ in Judæam adventu agens, dicit, *ὅς ἐστι τοῖς ἰσραήλ τοῖς εὐταπείνοις τοῖς πενήτοις ἀνέδιδου προσκύνειν.* post quam autem Servatoris nostri vestigia debito cultu venerata est. Quæ in genere de Judæa dicta, ubi Christus versatus est, inscite fortassis Oliveti monti applicata sunt, unde Christus adscendit. Et certe paululum aliquid ad natales fabulæ sufficit, quæ, ut ut improbabilis, insanum quantum temporis tractu crescit. Mihi tamen magis allubet opinari, ex Zachariæ vaticinio figmenti quæsitam occasionem. Apud illum enim invenimus: cap. XIV. 4. *stabant pedes ejus illo die in monte Olivarum.* Quod profecto nimis literaliter ad hanc rem traxit *Baronius.* vel ex *Pf. cxxxii. com. 7. adoravimus ubi steterunt pedes ejus.* Ita enim citat, & huc refert *Paulinus.* Superfluum esset ostendere, quam hæc aliena sint.

XVI. Illud utilius observabimus, hunc præ cæteris locum Christo unde adscenderet placuisse. I. Ut quemadmodum humanæ imbecillitatis maximæque erga nos amoris argumentum præbens, in Olivarum monte cum ira Dei colluctans, sanguineum sudavit sudorem: *Luc. xxi. 39.* sic ex eodem in coelum migrans, certum Deitatis suæ exhiberet specimen. II. Ut idem locus ad summam Christo gloriam quasi gradus esset, qui ignominie & passioni initium dederat: utque ubi cum inferorum fuerat luctatus copius, inde victor super omnes evolveret cælos. Quod & nobis exemplo est, ne triumphus gloriosus gaudiis nisi per & post certaminis molestias potiri præsumamus; neve desperemus inde nos evectum iri ad regnum, quo abducti modo sumus ad conflictum.

Cur ab Oliveti monte adscendere Dominus voluerit.

XVII. Locus quo adscendit Christus, est *coelum supremum.* *Act. i. 11.* *Sublatus est in coelum.* *1 Pet. iii. 21.* *Quum abiisset in coelum.* *Heb. iv. 14.* *Jesus Pontifex maximus pertransiit cælos, visibiles nimirum.* *Heb. vii. 26.* *Altior cælis factus.* *Eph. iv. 10.* *Adscendit supra omnes cælos.*

Adscendit autem in supremum Cælum.

XVIII. Cælum illud non est ipse Deus, nec conversatio, aut beatitudo celestis: sed est domus Patris, *Joh. xiv. 2.* & locus habitationis ejus. *2 Chron. v. 21.* *Deut. xxvi. 15.* Non est ubique, sed in altissimis; *SURSUM receptus est in coelum.* *Marc. xvi. 19.* Habetque ibi corpus Domini Jesu suum determinatum Ubi. *Joh. xiv. 3.* *proficiscor paraturus vobis Locum, ut ubi ero ego, & vos sitis.* *Col. iii. 1.* *Quæ SURSUM sunt querite, UBI Christus est.*

Quod non est Deus, neque ubique, sed determinatus locus in altissimis.

XIX. Estque ita cum corpore suo in cælo, ut cælo contineatur; non utique tanquam carcere, sed tanquam augustissimo palatio. *Act. iii. 21.* *Ὅτι δὲ ἰσραὴλ μὴ δίκονται, quem cælum capiat oportet usque ad tempora restitutionis omnium.* Ita enim, & bene, verba Lucæ interpretatus est *Nazianzenus, Orat. II. de Filio.* *Αὐτὸ γὰρ αὐτὸν περιέχον ἀπὸ τοῦ τῶδε, καὶ ἀπὸ ἰσραὴλ διχθῆναι ἀπὸ χρίτων ἀκουστικῶς.*

Quo D. Jesus corpore suo continetur.

XX. Quum igitur scriptura tam disertim enarret, terminum a quo, & *Symb. Apost.* *N n* *ad*

Est itaque Adscensio

non dispar-  
ritio, aut  
glorificatio  
corporis  
Christi, sed  
motus loca-  
lis.

*ad quem, ac viam qua* ascenderit Christus, eamque ascensionem videntibus factam esse discipulis testetur; merus stupor est, *motu hoc locali* seposito, ascensionem Christi nescio qua *disparitione* aut *glorificatione corporis* definire. Aliud est disparere, aut glorificari; aliud ascendere. Illa ab hoc, ut antecedentia ab eo quod consecutum est, distinguuntur. Luc. xxiv. 31. Mat. xvi. 3. Nec est quod prætexant immensam supremi coeli ab hoc nostro terrarum orbe distantiam, ad quam emetendam annorum aliquot centuriis opus sit. Nam jubente Deo ultra quam nos cogitare valeamus accelerari motus potest; & corpus Christi, a resurrectione sua, non animale fuit, quale suo pondere gravatur; sed spirituale, & spiritui obsequens, ut protinus ibi sit, ubi spiritus velit.

Cur Christi  
sus & a Pa-  
tre sursum  
sublatus, &  
ipse Adscen-  
dit dicatur.

XXI. CAUSSA ascensionis, est omnipotens *virtus*, tam *Patris*, quam *Filii*. Utrique enim distinctim attribuitur. Est ubi *Pater Filium evexit se, & adsumpsisse*; est ubi *Filius ipse adscensisse*, dicatur. Utrumque suam habet emphasin. Altero significatur *voluntas Patris*; altero, *virtus* Christi: & quia *utrumque* dicitur, significatur *unitas Patris & Filii*. De Patre dicitur. Act. ii. 33. *Dextra Dei sursum sublatus est*. Iterumque cap. v. 31. *Hunc Deus dextra sua sursum sublatum conspexit Principem ac Servatorem*. Scilicet non ipse sibi Christus hunc honorem tribuit, ut ante præstitutum tempus in coeleste irrumperet sacrarium; sed expectavit donec assumeretur a Patre. Deus, *Deus ipsum in sanctorum extulit sublimitatem*. Phil. ii. 9. & sicuti suscitando ex mortuis apocham ei dedit in solutionis plenariæ testimonium; ita nunc omnibus legationis ~~sue~~ partibus defunctum a peregrinatione in patriam, coelestemque aulam, revocat.

Budæi  
κρίσις  
circa  
vocem  
Ἀναλήψιος  
laudata.

XXII. Insignis est vox Ἀναλήψιος, qua frequenter in hoc negotio tam sacri quam Ecclesiastici Scriptores utuntur. Luc. ix. 51. *Quamti-  
mplementur dies ἀναλήψιος αὐτοῦ*, Marc. xvi. 19. *Ἀνελήθη εἰς τὸν οὐρανόν*, Act. i. 11. *Οὗτος ὁ Ἰησοῦς ὁ ἀναληψθεὶς ἀπὸ ὑμῶν*, & vers. 22. *Ἔως τῆς ἡμέ-  
ρας ἧς ἀνελήθη ἀπὸ ὑμῶν*. I Tim. iii. 16. *ἀνελήθη ἐν δόξῃ*. Irenæus ad-  
scensionem Christi vocat, *ἐνσάρκωσις εἰς τὰς ἡμέρας ἀναλήψης*. Ipsumque Ad-  
scensionis diem Græci dicunt Ἀναλήψιος. Est autem ἀναλαμβάνειν, ut  
erudite annotatum a Budæo, *resumere & ἀναλαμβάνειν τὸν παῖδα* apud De-  
mosthenem contra Neæram opponitur τῷ ἀποκρίσειν, sicut apud Latinos  
agnitio liberorum est contraria abdicationi. Censet ergo ἀνάληψιν signi-  
ficare *agnitionem Christi, a Patre velut antea abdicati*. Beza id repudiat tan-  
quam argutiam inanem. Nos tamen cum magnis auctoribus utraque  
manu amplexamur. Nam & genio linguæ convenit, & doctrinam  
præbet eximiam. Ante triginta tres annos missus erat a Patre Filius ad  
opus redemptionis; in quo perficiendo ita laboravit corpore & animo  
ut videretur a Deo derelictus, & quasi neglectum habitus; sed in ascen-  
sione Christi ipso facto declarat Pater se ipsum pro Filio suo agnoscere, &

& honore ac gloria coronatum velle. Est ergo in hac ἀνελήψις διακρίσις Christi. 1 Tim. III. 16.

XXIII. Sed & alibi Christus ipse *adscendisse* dicitur. Huc pertinet: Ἀποδείξας vocabulum. Joh. XX. 17. Eph. IV. 8. 9. 10. Cui geminum est verbum *παρουσία*, ab ipso Christo frequentatum. Joh. XIV. 2. 3. 12. 28. & in historia adscensionis repetitum Act. I. 10. 11. Significant illa, Christum, utentem jure sibi per obedientiam & perpeffiones quæsito, viam sibi in cœlum invenisse. In *resurrectione ex mortuis demonstratus* erat *Filius Dei in divinis*. Rom. I. 4. *data ei pariter omni potestate in cælo atque in terra*. Mat. XXVIII. 18. Ea igitur nunc potestate utitur, & uti Filius Dei glorificatus, nullius amplius peccati, ut ita dicam, reatu impuratus (Paulus dixit, *χωρίς ἁμαρτίας*. Heb. IX. 28.) qui arcere eum paterna domo posset, aut exesse vel procul stare juberet: sed e contra omnibus ex Patris voto, suoque pacto, consummatissime peractis, illiusque rei in suscitatione sui solemne nactus testimonium, lætus alacrisque ad Patrem contendit; ultroque se pandentibus cœli portis, debitum sibi gloriæ thronum occupat.

XXIV. Illud quoque in adscensione Christi notabile fuit; quod *nubes eum invisibilis suscepit, & abduxerit ab oculis ἀποδείξας discipulorum*. Act. I. 9. Id scilicet Jehovæ Deo, qui magnus est valde, ut decoris ac Majestatis Divinæ symbolum aliquod, attribuitur, *quod disponat densas nubes in vehiculum suum, itans super aliis venti*. Pl. CIV. 3. Quod igitur Christus nube vectus cœlum adscendit, id Divinam ejus arguit Majestatem. *Ubique creatura creatori suo præstat obsequium: astra indicant nascentem, patientem obnubunt: nubes recipiunt adscendentem: redeuntem ad judicium conitabuntur: Reda in hunc locum*. Sic solet Deus jucundissima suorum in contemplatione cœlestis gloriæ spectacula, obducta nube, veluti sipario, repente intercipere; dum nondum tempus est *per speciem ambulandi, sed per fidem*. 2 Cor. V. 7. Et prudenter humanæ curiositati imponit fibulam: dum permittit discipulis, ut adscendentem quidem conspiciant Jesum; in cœlos autem intrantem non cernant. Aliquid videri par fuit, ne prætextum haberet incredulitas; omnia, nefas; quo suum esset fidei exercitium, in mirandis, non rimandis, interioris sacrarii arcanis.

XXV. VERITATEM adscensionis Christi luculente confirmant, testimonio I. *Apostolorum*, quorum numerus sufficiens, sanctitas supra calumniam, & fides certissimo sensuum indicio, ad quod in hac & similibus rebus passim provocant, subnixa. Act. I. 9. 10.

XXVI. II. *Sanctorum Angelorum*, qui & vere ab Apostolis visum esse Jesum quum adscenderet, atque ita uti adscenderat e cœlo aliquando rediturum, prædicant. *ibidem*.

**XXVII. III.** *Stephani*, qui plenus *Spiritu Sancto*, intentus in *caelum oculis*, vidit *gloriam Dei*, & *Jesum adstantem ad dextram Dei*; idque morti proximus læto vultu hostibus nuntiavit. *Act. vii. 55.* Prorsus credibile est, *Stephanum oculis corporis* tale quid vidisse, qualia sæpe videntur *Prophetæ in visionibus spiritus*; nominatim *Johannes in Apocalypsi*, qui vidit *Thronum*, & *sedentem in eo*, & *Agnem tanquam mactatum*. *Ap. v. 1. 6.* *Conspiciebat autem Stephanus calos apertos*: id quod & in *baptismo Christo*. *Mat. iii. 16.* *Mar. i. 10.* Hoc ad minimum significat, remotionem impedimentorum, quæ visum remorabantur quo minus ad ea penetraret, quæ geruntur in *coelis*. Deo autem qui videntes & *coecos myopes*, & *perspicaces facit*, quique *homines eam artem docuit*, ut *longinqua tanquam propiora*, *parva tanquam magna sistere obtutui queant*, & *per tubos opticos ea oculis objiciant*, quæ cæteroquin extra visionis sphaeram sunt; facile fuit *aciem oculorum Stephani ita miraculose intendere*, ut, non obstante immenso propemodum intervallo, ea cerneret quæ in *coelo* apparebant.

**XXVIII. IV.** *Pauli*; qui non semel *Dominum sibi visum* narrat. *1 Cor. ix. 1. xv. 8.* eodem nimirum modo quo eum vidit *Stephanus*. *Act. ix. 3. 4. 17. xxii. 6. 7. 8. 9. 14.* Multa illa lux derepente e *calo* ei circumfusa fecit ut *oculos eo verteret*, unde tam insolitus affulgebat splendor: ibi conspicabatur *Justum illum*, & *audiebat vocem ex ore illius*. Non est existimandum, *Christum*, *coelo-relicto*, in *Pauli gratiam*, ad *aërem terræ proximum descendisse*: id enim repugnat *Act. iiii. 21.* aut *angelum Paulo visum*, qui *Christi personam ac vices gereret*: nefas enim est vel *angelos*, vel alias quascunque creaturas usurpare *verba Dei*. Alterutrum ergo necesse est, vel *Paulum Christum vidisse in symbolo*, quem admodum *Israëlitæ Deum viderunt in Sinai*: vel, per *miraculosam facultatis videndi elevationem*, ipsum *Christi corpus* conspexisse in *coelo*. Quod omnino innuere videtur, quum se iis aggregat qui *Christum e mortuis redivivum*, in *corpore utique*, non in *symbolo solum*, conspicati sunt. Et certe in *calis* eum vidit, quando in *Paradisum raptus*, *audivit ineffabilia verba*, quæ majorem vim habebant ac virtutem, quam ut humano sermone explicari possent; quæque nisi in *paradiso audiri non conveniat*, quippe reservata futuro seculo, & *qua non licet homini loqui*; hoc est, quæ nudo homini dicere fas non est: tantæ videlicet præstantiæ, ut qui ea loquebatur major homine agnoscendus sit. *2 Cor. xii. 4.* Non enim sine causa tautologia in *Apostoli verbis* est statuenda. Ea ut viteatur, convenientissimum est, *prims coli membrum ad audientem referri*, cui verba ea fuerunt *ἄκουσα*; *posterius ad loquentem*, cujus tanta erat præcellentia, ut nisi Deo omnibus ita loqui nefas fuerit.

**XXIX. V.** *Johannis*. *Ap. xii. 1. 2. 6.* Et signum magnum visum est, emble-

emblemata eximium rerum præstantissimarum. *In celo*, unde revelationes omnes contingebant Johanni, & quo ad eas conspiciendas iussus erat adscendere. Apo. iv. 1. *Mulier*, Ecclesia Testamenti Veteris. *Amicta sole*. Non ut altera illa, quæ amicta est purpura & cocco, & inaurata auro & lapidibus pretiosis & margaritis. Ap. xvii. 4. sed radians luce Divini verbi, accensa a Filio Dei: qui est vera lux, Joh. i. 9. hodie & heri idem. Hebr. xiii. 8. *Et luna sub pedibus ejus*, generoso animo terrestria, caduca, & transitoria calcans. Luna enim, planetarum infima, continuisque obnoxia mutationibus, instabilitatis mundanæ instar est. *Et in capite ejus corona stellarum duodecim*. Regina est Ecclesia & Regis filia. Pl. xlv. 10. 14. Hinc coronata visitur. Stellæ duodecim, sunt Patriarchæ, Prophetæ, Sancti xii. tribuum. Nam xii. tribus ante Christi nativitatem in unum coaluerant Rempubicam: & quotcunque olim ex singulis tribubus sancti fuerunt, ii ad decus & splendorem Ecclesiæ illius faciunt. *Et uterum gerens*, virtute Divinarum promissionum de Messia ex populo Israëlítico nascituro. *Clamabat parturiens, & cruciata ad pariendum*. Parturitio spem & expectationem fidelium ejus temporis significat. Act. xxvi. 6. 7. Clamor, preces ardentes, quibus adventum Messiae urgebant. Cant. viii. 1. Cruciatu, oppressionem Ecclesiæ, partim per Herodem, juratum regni Messiae hostem; partim per Phariseos & Scribas, qui ponderosis Ecclesiam oneribus gravabant, obscurata interim & ferme ablata doctrina justitiæ & gratiæ Christi: quibus rebus desiderium Messiae in fidelibus acuebatur. *Et peperit filium marem*. Christus, robustus ille heros, natus est tandem, secundum spem & expectationem fidelium. *Qui passurus erat omnes gentes virga ferrea*. Suos hostium potestati eripiens; hostesque comminuens, dracone etiam coactio regnum ei in gentes concedere. **ET RAPTUS FUIT FILIUS EJUS AD DEUM ET THRONUM EJUS.** Post acerrimos cum dracone conflictus, ex morte & inferno, sive sepulcro, virtute Patris coelestis, raptus est ad Deum, suscitatus ex mortuis adscendit in coelum, & consedit ad dextram Dei, regnaturus in gentibus. Quæ paulo altius repetenda fuerunt, ut tam præclari emblematis mentem non ignoraremus.

**XXX. VI. Spiritus e celo missi.** Act. 11. 33. *Itaque dextera Dei sursum sublatu*, & promissum Spiritum Sanctum adeptu a Patre, effudit hoc quod vos nunc cernitis, & auditis. Spiritus enim nisi Christo ad Patrem profecto venire non poterat. Joh. vii. 39. xvi. 7.

**XXXI. VII. Magnorum & admirandorum operum** post adscensionem patratorum, quæ gloriæ suæ confessionem invitis hostibus extorserunt. Mat. xxvi. 66. *Quin etiam dico vobis, Ab hoc tempore videbitis Filium hominis sedentem ad dexteram potentiae Dei, & venientem in nubibus cali.* Viderunt hoc, quum Spiritu in Apostolos effuso Hierosolyma tota

stupuit, auditis eorum concionibus, conspectisque miraculis. Viderunt, quum Paulus, unus ex persecutoribus, ipsum e coelo fulgurantem, seque compellantem, vidit & audiuit. Viderunt, quum iustissima severitate templum ac rempublicam ipsorum eversum venit. Descensus enim *in nube*, iram quandoque & vindictam notat, ut recte observavit *Maimonides*. Vide *Jes. xix. 1*. Viderunt denique, quum Christus Evangelio, veluti triumphali curru, vectus in campetribus, & *decore suo prospere equitans cum verbo veritatis*, *Pf. xlv. 5*. regnum quaquaversum per gentes omnes diffudit. In quibus, & consimilibus operibus, est spectatio adventus ipsius in nubibus appropinquantis.

Necesse fuit  
Christum  
ascendere.

XXXII. Sed & NECESSE fuit Christum ascendere in altum. *Nonne hæc OPORTUIT pati Christum, & introire in gloriam suam? Luc. xxiv. 26.* I. Ut satisficeret *Prophetiis*. II. Ut implerentur *typi*. III. Quia id & *Dei Patris*, & *Christi*, & *nostri* plurimum intererat.

I. Ut satisficeret  
Prophetiis.

XXXIII. PRÆDICTIONES hujus rei, & frequentes & disertæ sunt. Nos brevitatis gratia binas modo ex sacris canticis, unam ex *Jesaja* exponemus. *Pf. xlvii. 6. Ascendit Deus cum clangore Jehova cum voce tubæ.* Fieri; equidem potest, ut veteres Psalmum hunc cecinerint, quum inferretur Arca in Zionem vel in templum: (quanquam hæc mera conjectura est) attamen per illationem arcæ in sedem sibi destinatum de re longe nobiliore admoniti sunt. Significabat ea Christi in coelos *ἀναλίσκειν*. De hoc vaticinatur *Psalmes*. Ea facta *cum clangore*, & *cum voce tubæ*: tam *antecedente*, nam fama Christi ex mortuis suscitati, non Hierosolymam modo, sed & Judæam compleverat universam; quam *concomitante*, facta enim est gaudentibus, plaudentibus & testantibus angelis; uti & *consequente*; nam præconium Apostolorum, Spiritu Christi repletorum, & cætera illa magnifica Christi opera, de quibus modo diximus, cujuscvis tubæ voce efficaciora sunt. Atque hæc Christi ascensio, si quæ alia, cantici, jubili, effusissimæque fidelium lætitiæ, causa & materia est.

XXXIV. Memorabilis quoque in hanc rem Psalmus *lxxviii*: est in quo post multa emblematica ad Christum & Ecclesiam pertinentia, oratione ad Messiam conversa in hunc modum *Psalmes* canit. *vers. 19. Ascendisti in altum.* Tu, qui ad salutem generis humani procurandam e coelo in terram olim descendisti, nunc absoluto redemptionis opere coelum postliminio repetis: ideoque frustra est, quod *montes ac cacumina*, id est *Regna, populi Diæceses*, sibi invicem insidientur, non profuturis contestationibus singulæ sibi thronum Dei vindicantes. In coelo eum habet. Inde gubernat Ecclesiam. *Captivam abduxisti captivitatem.* De domitis hostibus illustrem in modum triumphasti: superboque inimico spolia sua adenuisti. *Jes. xlix. 24. 25. Mat. xii. 29.* Pro exemplo Paulus

lus sit : quem Christus *in triumpho circumduxit*, 2. Cor. II. 14. (id enim significat vox *θριαμβεύων*. Vide coll. II. 15.) tanquam inligne castrorum hosticorum spoliū, imo antesignanum : qui aliquando ad sanguinem usque contra Christum insaniverat, & inter primos in acie contra ipsum steterat. Eum mundo ostentavit, ita *καταδιδουμένον*, ut nullum mancipium magis Domini sui esse potuerit, quam Paulus Christi : qui & ipse *se signata Christi in corpore suo ferre* profitetur. Gal. VI. 17. ut servi olim, tam in Oriente, quam apud Romanos, literati erant, id est notis Dominorum suorum inusti. Vide *Lips. Elect. Lib. II. Cap. xv. Accepisti dona*. Data tibi a Patre potestas est in omnia : ut ex spiritualium ac cœlestium opulentia thesaurorum nihil non Ecclesiæ impertireris, quod ei ornandæ atque amplificandæ idoneum est. Neque in tua saltem persona condigna meritis præmia nactus es : sed & *In hominibus* : quum eniur illi tui sint, a Patre tibi dati, a te redempti, membra corporis tui mystici ; nihilque ipsis detur nisi virtute tuæ satisfactionis ac meriti ; & quidquid iis datur, ad tui, ceu capitis, gloriam ac decus redundet ; tu accipis in iis, ut operæ tuæ pretium, quidquid illi accipiunt tui causa. Confer Act. II. 33. *Atque etiam refractarius*, scilicet, accepisti : id est Judæos, olim rebelles, pro hæreditate tua habebis ; ut quum pridem, iusto Dei judicio, *habitaerint siticulosam*, vers. 7. omnis gratiæ ac consolationis expertes, nunc *habitent in decentiam* ; sive *pulcritudinem Jehovah*. *in* enim aliquando abstracte usurpatur, ut Ps. LXXXIX. 9. estque a *יהוה* Jer. x. 7. quod *decentiam* notat. Porro habitare pulcritudinem Jehovah, est adjungi Ecclesiæ Christi : ubi amoenitatem Jehovah videre & frui datur. Vel si cui id minus placeat, in hunc sensum vertat, *ad habitandum*, id est, ut tū in iis habites, per gratiam & Spiritum, O JAH JEHOVA, DOMINE, DOMINE. Atque ita hic luculentum oppido de adscensione Christi, illiusque fructibus, habemus vaticinium ; quod Apostolus quoque exponit. Eph. IV. 9.

XXXV. Adde Jes. LIII. 8. *Ex coarctatione & judicio יהוה adsumtus est*. Prorsus vox Hebræa respondet Græcæ *μεταλήψιος*, de qua nuper, significatque hic adsumtionem in locum ac gloriam cœlestem. Ita & de Henoch Gen. v. 24. *אֵינוּ כִּי לָקַח אֹתוֹ אֱלֹהִים* *Non erat amplius, quia adsumserat eum Deus*. Et discipuli Prophetarum Bethelitæ 2. Reg. II. 3. Eliseo dicebant, *נַחֲמֵנוּ יְהוָה לָקַח אֶת אֲדֹנֶיךָ* *Jehovam hodie adsumpturum Dominum tuum desuper capite tuo?* adde vers. 5. 9. 10. Nec abludit id quod modo ex Apocalypsi audivimus, *ἡ καὶ αὖθις πρὸς τὸν Θεόν*.

XXXVI. Nobilissimus Christi in cœlos adscendentis TYPUS, fuit Pontifex Maximus, semel quotannis, decimo die mensis septimi, cujus Calendæ annum vulgarem, sive civilem, inchoabant, cum fuso victimæ

II. Ut impleretur typi.

animæ cruore, intra velum, in sanctum sanctorum intrans, intercessurus pro populo. Levit. xvi. Ita & Dominus Jesus, in initio anni gratiæ & libertatis, fuso sanguine suo, rupto velo carnis suæ, in sacrarium non manu factum, sed coeleste, viam nobis initiaturus, intravit: ut virtutem satisfactionis suæ Patri repræsentans continuo pro nobis intercederet. Heb. ix. 24. & vi. 19. 20.

XXXVII. Eodem ducit *Manna* in urna sive cistula aurea depositio coram facie Jehovæ, ut ibi servaretur, omnis corruptionis, & putrefactionis expers. Exod. xvi. 32. 33. 34. Quo significabatur, cum qui descendit e coelo, ut esset panis vitæ peccatoribus sine ipso indubie morituris, iterum in coelum adsumtum iri, ut nulli amplius infirmitati obnoxius, in immarcescibili gloria æternum apud Patrem vivat.

XXXVIII. Adde *Henochi* & *Elia* raptus. Gen. v. 24. 2. Reg. ii. quorum ille sub *promissione*, iste sub *lege* in coelum translati sunt; sicut Christus sub *gratia*, in exemplar fidelium omnium ætatum. Observanda interim ingens inter Christi adscensionem illorumque raptum differentia. Illi enim nulla sua potentia, nullo suo jure, sed potentia Dei ac virtute meritorum Christi, & futuræ illius adscensionis, quæ virtus jam ab initio se coepit exserere, gratiose a Deo in coelum translati sunt: Christus autem sua potentia ac potestate, & jure tam Deitatis suæ, quam altero, Mediatorio, per passionem quæsito, in coelum, velut in sua, ipse ascendit. Hinc clarorem accipit Christi illud Joh. i. 13. *Nullus ascendit in coelum, nisi qui descendit e coelo: Filius hominis qui est in coelo.* Præterea illi non gustata morte translati sunt; quippe quibus non incumbere pro peccatis satisfaciendi officium: Christus vero ascendit, morte obita, & dum moriebatur morte victa, dum resurgebat triumphata; quippe cui non nisi *purificatione peccatorum nostrorum prius per se ipsam facta*, *confidendum fuit ad dextram Majestatis illius in excelsissimis.* Heb. i. 3.

Quia inter-  
erat Dei Pa-  
tris,

XXXIX. Et interfuit profecto Dei PATRIS, ut unigenitum Filium, *delicias suas quotidianas*, Prov. viii. 30. qui tot jam annis velut exsul in terris egerat, domi tandem amplexaretur: utque legatus ille honorarius, omnibus rite peractis, a tam diuturna peregrinatione, rationem redditurus, in aulam reverteret. Exigebat gloria justitiæ ejus, ne Filio unice dilecto tam insignis obedientiæ, operæque tam exacte navatæ merces, non nisi in coelo pendenda, interverteretur. Jes. xlix. 5. 6. 7.

Et Christi.

XL. Intererat CHRISTI, ut jure sibi parto gauderet, fortiterque ac feliciter prostratis hostibus, triumphali curru vectus, ringentibus diaboli, plaudentibus angelis, stupentibus impiis, accinentibus fidelium choris, non Romam aliquam aut Capitolium, sed Hierosolymam coelestem, Templumque sine manu factum, lætus ac gloriosus intraret; post prolixum animæ suæ laborem suaviter ibi quieturus. Apoc. i. i.



21. Absolverat sane omnes officiorum suorum partes quibus, defungendum illi in statu humiliationis erat sed restabant in singulis officiis aliqua, quæ nisi in coelo geragi non poterant. Ibi qua *Propheta* Cathedram erigendam habebat, ut Spiritu superne radiante intus suos erudiret. Joh. xvii. 7. 13. Ibi qua *Sacerdos* habebat comparere coram facie Dei; idque tam præcisa necessitate, ut *si in terris remanisset, ne quidem Sacerdos nosse esse posuerit.* Heb. viii. 4. Oportuit enim eum aut omnibus numeris esse Sacerdotem, aut prorsus non esse Sacerdotem. Porro id quoque Sacerdotis est (summi nimirum, de quo agimus) intra velamen ingredi, ad intercedendum pro populo. Hinc *talus nos decuit Pontifex, qui postquam semet ipsum obtulit, sublimior calis factus sit.* Heb. vii. 26. 27. Ibidem regni Thronus occupandus erat, ut Angelos in circuitu Throni magna voce jubilantes audiret: *Dignus est Agnus ille maculatus, qui accipiat potestatem, & divitias, &c.* Apoc. v. 12. ut hostes, nequicquam ferocientes, ex alto despiciens derideret. Ps. ii. 4. ut denique ex arce illa validissima invincibilibus suppetiis suos tutaretur, amplissimisque donis munifice ornaret. Jes. lvii. 15.

XXI. Interest & NOSTRI, qui hoc pacto ab omni rerum terrenarum cogitatione ac studio eramus abducendi. Tale est ingenium carnis, ut externis intenta præsidii mentem ad coelestia minus evehat, relictiisque potioribus circa minutiora occupetur. Ipsi pro exemplo Apostoli sint, qui quamdiu Dominum corporaliter secum habebant, vix aut ne vix quidem a corporalis ac mundani regni expectatione poterant abduci. Voluit igitur Dominus corporis sui conspectum ac præsentiam nobis auferre, ne in externo illo & corporali hæreremus; sed in meritum ac Spiritum ejus respicientes non nisi coelestia ac spiritualia meditemur. Idcirco etiam amantissimis sui non permisit post resurrectionem amplexus, & oscula, aut similia fuetæ familiaritatis officia: Joh. xx. 17. ut paulatim discerent corporis præsentia carere, Spiritu contenti.

XLII. Sed præter hæc omnia, dici profecto non potest, quantum UTILITATIS ex Christi in coelum adscensione ad nos redundet. Non dicam nunc, aliter fieri non posse, quin tam splendida Regis sui inauguratione, tam superbo triumpho, omnes ipsius fideles subditi valide afficiantur. Quid iis jucundius contingere queat, quam ut Dominum suum tot nuper tantisque indignissimarum calamitatum fluctibus obrutum, ipsoque Orci gurgite propemodum submersum, nunc novo spiritualis corporis splendore coruscum, nimbos ac sæva tonitrua, solem ipsum celsissimaque astra, sub pedibus calcare, coelisque omnibus sublimiorem, gratulantibus angelis & justorum consummatorum spiritibus, parem Patri Thronum occupare, cernant? Lætus Israël dies ille erat, quo arca Domini in civitatem Davidis deportabatur, & in tabernaculum

Sed & Nostri quoque.

Qui plurimum ex Christi Adscensione Utilitatis percipimus: non solum quia Charitas jubet ei *ευχαριστ.*

naculum quod ei tetenderat. Levitæ gestare eam humero; Principes eorum, agnatos suos cum instrumentis musicis, nabliis, citharique ac cymbalis comitari; Israëlitz omnes deducere cum clangore & sono buccinæ tubarumque; Rex ipse David, paludatus pallio byssino, gestire palam ac tripudiare; omnium ora in lætissimas resolvi cantus: *Vidimus incessus tuos, o Deus, incessus Dei fortis, Regis mei, in sanctuario. Præcedebant cantores, post fidicines, in medio puellarum tympana pulsantium. In congregationibus benedicite Deo, Domino e scaturigine Israël.* Ps. LXVIII. 25. 26. 27. col. cum i Chr. xv. Quid tamen illa arcæ in civitatem Davidis deportatio, nisi rudis admodum adumbratio erat Christi in cœlum adscendentis? quæ quum tam mirifice Israëlitas commoverit, in quod nos exsultantis animi gaudium erumpere par est, dum non umbram cupide prospectamus, sed rem ipsam tanquam præsentem usurpamus oculis? *Adscendit Deus cum clangore, Jehova cum sono buccinæ. Psallite Deo, psallite; psallite Regi nostro; psallite. Nam Rex totius terræ est Deus, psallite psalmo didascalico.* Ps. XLVII. 6. 7. 8. Quo die Salomo ungebatur in Regem Israël, tam profusa erat populi lætitia, tam impensus plausus, tam sonorus tiliarum strepitus, ut *finderetur terra præ voce eorum.* i Reg. I. 40. At quanto nobis lætior iste illuxit dies, quo Salomonis antitypus ac Dominus solemniter regnum capeffivit? Tunc angelis, tuac piis omnibus cœli terræque incolis, junctis manibus plaudendum, junctis oribus canendum fuit: *Jehova regnat, exsultet terra; latentur regiones pluximæ. Jehova regnat, commoveantur populi: insidet Cherubinis, nate terra. Jehova Zionæ magnus, etiam altus supra omnes populos.* Ps. XCVII. I. XCIX. I. 2. Hæc enim sacra carmina, isti accommodata tempori, jam dudum Ecclesiæ fatidicus prævit Spiritus. Enimvero non amat Christum Regem, cui volupe non est gloriosum ejus triumphum lætis canticis celebrare. Joh. XIV. 28.

Sed & quia nostrum hic agitur commodum: tam quoad consolationem,

XLIII. Sed aliud præterea nunc agitur. *Nobis, nobis illa Christi adscensio conducit.* Joh. XVI. 7. Uti nobis natus, nobis vixit, nobis passus, nobis mortuus est; ita & nobis resurrexit; nobis in cœlum adscendit. Et idcirco quidem I. Uti pro nobis *oraret*, id agendo ut virtus omnis ac valor satisfactionis suæ nobis imputetur. Rom. VIII. 34. Videtur aliquando tam procul a nobis remotum esse cœlum, precumque nostrarum tam debilis sermo, ut vix sperare audeamus, cum medias emensum nubes, supremi numinis aures feriturum esse. At quanto istud solatio est, quod advocatum in cœlo habeamus, rerum nostrarum uti gnarissimum, ita enixe satagentem, qui propinquus numini ac familiaris & necessarius, nunquam causam nostram non agit; & uti in omnibus exauditur, ita quicquid vult indubie pro nobis obtinebit. i Joh. II. I. II, *Ut locum nobis pareat.* Joh. XIV. 2. Jam olim is paratus erat immu-

immutabili æternoque Dei decreto : structus & instructus a jactis mundi fundamentis : Mat. xxv. 34. acquisitus nobis Christi patientis, morientis, & ad inferos descendentis merito : id solum restabat, ut nostro quasi loco ac nomine eum possessum inlessumque iret. Nam velut *præcursor noster ad interiora velaminis pro nobis ingressus est.* Heb. vi. 20. & nos *UNA collocati sumus in calis in Christo Jesu.* Eph. ii. 6. III. Ut sua inde in nos dona, auro contra non cara, profunderet. Arca fœderis in sedem suam introducta impertitus est David *toti multitudini Israëlitarum, tam viris, quam feminis, tractum panis, & frustum carnis, & lagenam vini.* 2 Sam. vi. 19. Sed longe potiora a Christo in coelum suscepto expectanda fuere : non panis, aut caro, aut vinum, corpori solum sustentando idonea ; sed vis vivifica *sua carnis* nuper Patri oblatae, & *frumentum* illud coeleste, *quod juvenes, mustum mysticum, quod virgines faciunt facit.* Zach. ix. 17. Ipse Christus oleo lætitiæ supra consortes uberime delibutus, non guttulas ejus aliquot in suos stillat, sed pleno eos imbre proluit. Joel. ii. 21. Jes. xliv. 3. Non ut hujus sæculi Reges argenteos fortasse velaureos aliquot nummos coronationis suæ festo die in populum projiciunt, quos pauci, & audacissimi plerumque, sibi rapiunt ; ita & suos minutis quibusdam ac veluti crepundiis contentos esse jubet : sed ea omnibus largitur, quæ non insigni auro Ophirio, aut Sardo pretioso, aut Sapphiro, aut nitidissima gemma, aut Topazio Æthiopico æstimari queant. Job. xxviii. dona nimirum Sacro-Sancti sui Spiritus, qui est *Spiritus sapientiæ & intelligentiæ, Spiritus consilii & potentiæ, Spiritus scientiæ & reverentiæ Jehovæ.* Jes. xl. 2. *Spiritus* denique *Adoptionis, per quem clamamus abba Pater.* Gal. iv. 6. IV. Ut inde aliquando rediens eo nos assumat, ubi nunc ipse est. Joh. xiv. 2. xvii. 24. O quam beata erit illa dies, qua anima nostra ex ærumnosi hujus corporis ergastulo emancipata, ab angelis supra lunam, solem, ac sidera omnia, in superbum maximi Regis palatium, ad coelestium gaudiorum fruitionem, placide deportabitur ! At quanto hac beatior illa est, qua corpus, jam gloriosum, jam spirituale, ac coeleste factum, animæ reunietur ; nolque in corpore & anima una cum beatis omnibus *rapiemur in nubes, in occursum Domini in aëra,* ut Patriarcharum Angelorumque misti choris, *semper cum Domino simus.* 1 Thef. iv. 17.

XLIV. Fieri non potest, quin is qui hanc spem fovet ea ad eximiam <sup>Quam</sup> & sublimioris alicujus sanctitatis studium excitetur. Cujus in ipsa <sup>quoad sanctificationem.</sup> Domini adfensione habet. I. *Causam Exemplarem.* Christianorum est <sup>nem.</sup> jugiter intueri in fidei ducem ac consummatorem Jesum, qui pro proposito sibi gaudio sustinuit crucem, ignominia contenta, & ad dextram throni Dei confedit. Heb. xii. 2. Is igitur quum relicto inferioris mundi luto supera petierit, noster, ut modo audivimus, *Præcursor*, quis dubitet,

quin eadem nobis premenda sint vestigia ? Quumque non aliter eum nunc sequi valeamus, quam precibus, desiderio, suspiriis, conatibus, animique sursum tendentis nisu ; sic saltem nec eum destituamus, nec desimus nobis. II. *Causam Procatartica.* A. Ubi Thesaurus, ibi Cor. Non tam ibi est anima, ubi animat, quam ubi amat. Corpora suis feruntur ponderibus ; gravia deorsum, sursum leviora. Animæ pondus amor est ; eo fertur, quocunque fertur. Si itaque, uti par est, sincero ardentique amore Jesum prosequamur ; amor iste alas animæ addet, quibus sursum evolans, ad Dominum tendet, ut, quantum pote, familiari ejus commercio, in coelestibus meditationibus, orationibus, sanctisque mentis elevationibus, potiatur. Non potest, nec vellet etiam si posset, Jesum coelo deducere ; cupit tamen cum ipso uniri, ipso frui : quid restat ergo, quam ut, spretis seculi insidiosis voluptatibus, generosæ sanctitatis nisu ad astra eat ? B. Quam indignum foret facinus, si capite in coelis auri instar purgatissimi rutilante, membra arcani corporis in pulvere terræ, spurcitie peccati, foedoque orci coeno, turpiter sese volutarent ? Hoc esset Christum in monstrum transformare, Colosso Nebucadnetzaris geminum, cujus caput quidem ex auro erat ; sed pedes partim ex ferro, partim ex luto coenoso. C. Si Christus præverit, locum nobis in domo Patris paraturus, gloriamque tam illustri loco dignam, quam indecora foret abjecti animi humilitas, in apinis, tricis, quisquiliis hujus mundi hæerere, eas ambire, iis distrahi, vel abstrahi etiam a quæstione tantarum rerum, quas cum Christo apud Deum adfervari nobis credimus ? Col. III. I. 2. III. *Causam hyperphysico influentia efficacem.* Christus caput est : fideles singuli, membra mystici corporis. Propter archissimam unionem, Spiritus e capite in membra defluit. I Joh. VI. 13. Is, uti e coelo venit, ita quibus datur eos in coelum evehit : sicut solares radii terram calefacientes vapores sursum elevant. Facit autem id Spiritus paullatim, & certis quibusdam gradibus. I. Evehit fideles, sanctis desideriis & conatibus : quo referri solet Cant. III. 6. *Quanam est illa quæ ascendit ex deserto, velut suffumigata excitatis fumis, suffumigata myrrha & thure, præstantiore quam omnis pulvisculus aromatari ?* II. *Animam ipsam*, a corpore sejunctam, reapse in coelum transfert, ad diem usque judicii Christo præsentem fruituram. III. Denique & totum hominem transferet, ubi Christus est. Atque hunc ordinem servat Dominus, ut non nisi a primo gradu transitus detur ad altiores. Fallitur quisquis se coelo receptum iri præsumit, qui non se Spiritu Christi ad sublimia ac coelestia quærenda impelli sentit, & impulsus sancto vitæ instituto comprobatur.

## EXERCITATIO XXI.

DE

SESSIONE CHRISTI AD DEXTERAM  
DEI PATRIS.

## B R E V I A R I U M.

1. 2. 3. *Jucunda fidelibus est meditatio gloriæ Christi.* 4. 5. 6. *Falluntur, qui locum ad sinistram eo, qui ad dextram est, priscis honoratorem fuisse contendunt.* 7. 8. 9. 10. *Non tamen, quia Christus Patri dexterior, ideo major.* 11. *Sessionis vocabulum quam emphasim habeat.* 12. *Cur Stephanus Christum stantem viderit.* 13. *Sessionis ad dextram Dei definitio.* 14. *Quæ significat summam Christi gloriam.* 15. 16. 17. *Eamque Christo propriam.* 18. 19. 20. *Tam respectu personæ.* 21. *Quam officii.* 22. *Regnum Christi duplex.* 23. *Regnum Mediatorum, pro disparitate naturarum, diversimode Christus adiit.* 24. *Idque vel Universale est, vel Particulare.* 25. *Quod certo tempore exinio sibi modo Christus vindicabit.* 26. *Regni illius quis terminus.* 27. *Regia Christi dignitas in cetera quoque munera derivatur.* 28. 29. 30. 31. *Summa hæc Christi exaltatio, cum aliquando Patri attribuitur, alibi ipsi Christo.* 32. *Tendit ea I. ad gloriam Patris.* 33. 34. 35. II. *Ad validam Ecclesiæ consolationem.* 36. III. *Ad terrorem impiorum.* 37. IV. *Ad ingenerandos nobis effectus tanta tanti Regis gloria dignos.*

**I** **Q**UI in animo Christum diligit, ei multis nominibus jucunda esse necesse est meditationem immensæ illius gloriæ qua auctum eum atque ornatum Pater voluit. Non potest fidelibus illustrius splendidiusve, aut gratius etiam spectaculum contingere, eo ad quod invitantur Can. III. II. *Prodite & spectate puella Zionus, Regem Salomonem, cum corona quam curavit ei mater ejus, die sponsaliorum ejus, & die lætitiæ animi ejus.* Rex Salomo, Dominus Jesus est, Caput Ecclesiæ, Filius Davidis, Princeps Pacis, Sapientia suprema. Dies Sponsaliorum ejus, est tempus Testamenti Novi, confirmati ac consignati sanguine Mediatoris; quo testamento initiato in terris, ipse coelos conscendit, ut, Spiritu gratiæ ac libertatis inde misso, perpetuo cum Ecclesiâ cohabitaret. Idem vocatur *dies lætitiæ animi ejus*. Nam & ipse tunc, post exantlatos molestissimos labores, oleo gaudii inunctus est præ confortibus suis. Ps. XLV. 8. & occasionem nactus magnitudinem gratiæ

gratiae & misericordiae suae luculentissimis in suos beneficiis explicandi, quorum fruitione supra quam dici potest exhilarentur. Non potest autem non letari Christus, quum dilectos suos gaudio perfundit, facitque ut jucundentur in bonis suis. *Jes. LXII. 5. Corona capiti ejus inposita, sublimem Regni coelestis gloriam notat, ad quam pertinet multitudo fidelium subjectorum, qui ipsi sunt כתר אר, ad ornandam se. Jes. LX. 21. Eam gloriam sine dubio dedit ei Deus Pater: sicut & Salomo regnum suum Patri debebat Davidi. Hic tamen corona a Matre curata dicitur: quia uti Bathseba impensis atque accuratis precibus coronam filio suo ambiverat; ita etiam Ecclesia, ex qua Christus est secundum carnem, Rom. IX. 5. quaeque ipsum spe & expectatione concepit ac peperit, Apoc. XII. 2. id in primis votis suis habuit, ut, defunctus acerrimis certaminibus, quiete ac gloriose in mediis hostibus dominaretur. Præterea eos quoque parit verbo fidei qui sunt gloria Christi. 2 Cor. VIII. 23. Ad eam coronam spectandam, devotarum mentium piis meditationibus, invitantur Filiae Zionis; id est fideles omnes, quotquot in toto mundo pertinent ad regnum illud Christi quod ipsi in Zione datum est. Juben-  
turque eum in finem prodire, egredie mundo & populis suis, Ps. XLV. 11. ex se ipsis quoque & ratiociniis carnis, oculis animisque ab omnibus aliis rebus ac personis abductis: quippe qui in unius Christi contemplatione abunde reperturi sint quod ad plenissimam satietatem sufficiat.*

II. Nos itaque, tam blandæ obsecundantes invitationi, in illius nunc gloriæ pia meditatione deliciemur, quam Scriptura Christo attribuit, quum eum AD DEXTERAM DEI PATRIS CONSEDISSE testatur. Quicquid enim ad seriam rerum indaginem Divinae veritatis cultores stimulare potest, id in illustri hac materia concurrere comperimus. Ut sublimitas & fructus ejus est singularis; sic ejusdem quoque magna est difficultas, variis veterum & recentium Theologorum controversiis agitata. Intendamus ergo animum, ne a genuina gravissimi dogmatis mente aberremus. Et primo quidem voces consideremus, inde ad accuratorem rei meditationem progressuri.

III. *Phrasin* quod attinet, non tam expendendum videtur, quid *dextra* significet (id enim exiguum quaestioni huic lucem adferet) quam quid notet ALICUI AD DEXTRAM ESSE. Inquirendum præterea, an qua emphasis in SEDENDI voce lateat.

*Pelluntur, qui locum ad sinistram eo qui ad dextram est priscis honoratiorem fuisse contendunt.*

IV. Non desunt qui existiment, per sessionem Christi ad dexteram Dei designari gloriam quæ Divina aliquanto sit inferior; ea induci ratione, quod apud antiquos is qui ad sinistram esset potior censeretur eo qui ad dexteram est. Primus, quod sciam, cui id in mentem venit, *Antonius Nebrissensis* est: cui quum nihil incongruentius & magis indecorum videretur, quam quod Filius priorem locum occupet, quem, tametsi

tametsi natura Patri æqualis, qua Filius tamen, & qua homo, ei cedere debuit, in eam suspicionem incidit, alium fuisse apud antiquos sedendi ordinem, quam qui sit nostris temporibus; & conquisitis veterum aliquot testimoniis evicisse se arbitratur, quod qui ad sinistram est locus dignitate judicatus fuerit præstantior. Vide ejus *Quinquagenas. Cap. xxxix.* Idem postea, additis novis argumentis, tutus est *Goropius Becanus Hieroglyph. lib. III. p. 41. & seq.* Baronius etiam novam opinionem novo paxillo suspendit, in honorem Pontificis sui Romani, cujus legatos in antiquis conciliis ad levam aliquando sedisse constat. Quod ne Sacrae sedis præjudicet, contendit, apud Romanos, in sacris, sinistrum potius semper locum habitum esse, dexterum vero posteriorem. *Ad annum cccxiii. Sect. vi.* Iterumque *ad Annum cccxxv. Sect. lvi. & seq.* Sed rationes a Becano adductas, nihil minus quam ratas; stipulas potius ac paleam esse, quæ primum examinis ignem non ferant, invicte ostendit *Lipsius Elect. Lib. II. Cap. II.* Confer *Turnebum. Advers. Lib. XIV. Cap. xxiv. & Lib. xviii. Cap. xxix. & Casaubonum, ad Sueton. Nero. Cap. xiii.* ubi istam *παράδοξον* false ridet. Baronium autem ipsa rei evidentia revellit. Vult enim cum *Theodoro*, Episcopum illum qui in concilio Nicæno primam sedem in dextro ordine occupabat, & Imperatorem adfatus est, Eustathium Antiochenum fuisse. De qua re nunc non disputo. Id enim observo; *Felicem*, Pontificem Romanum, *Epistola ad Zenonem Augustum de depositione Petri Antiocheni*, Eustathium ut præsidem Nicæni concilii laudare. Ita enim ille: *Καὶ Εὐστάθιος τῷ ὁμολογητῇ καὶ ΠΡΟΕΔΡΟΥ τῶν ΤΗΝ ὁρίαν παρίσαν ἐν Νικαίᾳ ἀβριεδύμετον.* *Eustathiique confessoris, ac PRÆSIDENTIS cccxviii. Sanctorum Patrum, qui in Nicæa convenerunt.* Id si verum est, certe prima sedes in dextro ordine, quæ præsidis fuit, non potuit inferior censeri altera aliqua in sinistro ordine.

V. Quicquid de *Romanis* sit; de *Hebrais* certe constat, dexteram partem sinistra fuisse honoratiorem. Hinc Apostolus *διξας τῆς μαγιστοῦς* dexteram Majestatis nuncupat *Heb. I. 3.* & dexteram throni Majestatis illius. *Heb. VIII. 1.* Vir dextra Dei dicitur, *Pl. lxxx. 18.* qui in maximo apud Deum amore atque honore est. *Cor sapientis est ad dexteram ejus, & cor stolidi ad levam ejus. Eccl. x. 2.* Ille dextra, hic sinistra sequitur; ille honesta, utilia, præstantia animo agitat, hic contra. *Iosephus* filios patri Jacobo benedicendos offerens, ita eos pro ætatis ratione collocavit, ut *Menasse*, qui major erat, *Israëli* a dextera: *Ephraim*, minor, a sinistra esset. *Gen. XLVIII. 13.* *Job*, ubi adolescentium adversus se factum exagitat, *יָלַד יָמִין אֶדְיָמִין*, ad dexteram, inquit, adolescenter consistunt. *Job. xxx. 12.* id est; eo nunc deventum est, ut imberbes adolescentuli se mihi, licet seni & honoratori, proterve anteponere

ponere non verecundentur. Denique Christus electos ad dexteram suam statuet, in signum honoris & amoris, hircos ad sinistram, in testimonium contemtus & ignominiae. Mat. xxv. 33. Et quid opus est in re clara multa congerere? Ad Hebraeorum autem morem Sacros scriptores, respexisse, non puto anxie probandum.

VI. Veteres Christiani pro confesso id sumunt. *Basilium*: ἡ δεξιὰ τοῦ Χριστοῦ δαδὸς τὸ τοῦ αἰῶνος ἰμῶτιμον. *Dexter locus significat parem dignitatis atque honoris praestantiam.* Chrysostomus ad Hebraeos I, 'Εἰ γὰρ ἐκείνου ἔδωκε δαδῶσαι, ὡς αὐτοῦ ἐκείνῳ ἐν δεξιῇ, ἀλλ' ἐν ἀριστερῇ. Si voluisset innuere minorem esse, non dixisset, a dextris; sed a sinistris. Theophylactus ibidem. Εὐαγγέλιον καὶ ἐν δεξιῇ, καὶ ἐν ἀριστερῇ, ὡς τὸ ἰμῶτιμον αὐτῷ διὰ τὴν τὴν πᾶσι. Sedet, idque ad dextram, & in excelsis, ut aequalis cum Patre honoris esse demonstratur. Maximus Taurinensis in Homil. de S. Pentecost. Pater Christo Filio throni sui offert SUBLIMEM confessum, & HONORIS GRATIAM, ad dextram suam illam aeterna sede constituit. Id ergo ratum fixumque esto: ad dextram aliquis sedere dignitatis atque honoris argumentum est.

Non tamen,  
quia Christi  
Patri  
dexterior,  
ideo maior.

VII. Quid tum? inquires: num Christus, quia Patri dexter, Patre major est, & honoratior? Ita quidem Socinus cum Schlichtingio suo deliravit, dictans, Christum aliquo modo, & secundum quid, in honoratiori loco nunc sedere quam ipse Deus. Nec abludit Maldonatum, ad Ps. cx. asserens, phrasin illam significare, non solum Christum aequalem esse, sed etiam majorem; administratione scilicet regni; non autem re ipsa. Sed nihil cogitari potuit ineptius. Quum enim Scriptura dicat omnia Christo esse subiecta, palam est hoc dici excepto eo qui subiecit ei omnia. I Cor. xv. 27 Et quum Divina Majestas atque ὑπεροχὴ prorsus infinita sit, nihil vel mente concipi, vel cogitatione fingi potest, quod ullo aspectu Deo sit praestantius, aut superius. Indigna quoque res est, eos nunc Christo gloriam Divina quodammodo majorem attribuere, id est vanam, & qualem nunquam sibi ipse arrogavit; qui caeteroquin in eo deprecando, & vera sua gloria spoliando, toti sunt. Bene, is quem modo laudavi, Maximus Taurinensis: Cur autem ad dextram Filius esse dicatur, moveat aliquem fortasse. Licet enim dignitatis gradus non sit, ubi plenitudo est divinitatis: tamen ideo ad dextram sedet Filius, non quo praefatur Patri, sed ne inferior esse credatur.

VIII. Sed quid tandem sibi vult, Quod Christus Patri dexter statuatur, quum honoratior Patre non sit? Ad cujus nodi solutionem a Viris doctissimis observatum est, ubi quis ad dextram regis, honoris gratia, collocatur, non tam ad personam regis attendendum esse, quam ad thronum; ac thronum ipsum considerandum esse ut bilaterem, qui sedem habeat non ad dextram solum, sed & ad sinistram; ita quidem ut dextri lateris sedes honoratior sit illa sinistri, utraque tamen sublimior ipsa regis



gis sedes in medio throno. Medius enim locus omnium honoratissimus est. Vide *Voss. Harm. Evan. Lib. III. Cap. VI. §. VII.* Pertinet huc ambitio filiorum Zebedæi, per matrem rogantium, ut alteri ad dextram Christi regis, alteri ad sinistram, sedere daretur. *Mat. xx. 21.* Adde *Suetonii* illud, *Tibe. Cap. VI. Debinc pubescens, Aëtiaco triumpho, curram Augusti comitatus est sinistrore funali equo, quum Marcellus Octavia filium dexteriore veberetur.* Dexterior equus, ut honoratior, Marcello dabatur, quippe cui Augustus imperium destinaverat: qui tamen Augustus ipse, medium, hoc est, summum locum tenebat, Primus igitur locus medius est, proximus dexter.

IX. Addunt viri eruditissimi, non esse necessarium ut tertius aliquis, qui sinisterior, regi adjungatur; concipitur enim sedem ibi vacare qui occupari queat. Cujus rei exemplum habemus in Salomone, qui matrem Bathsebam honoris gratia dextero lateri adsidere jussit. *1 Reg. 11. 19.* Nam si jussisset occupare latus sinistrum, vacante sede lateris dextri, visus fuisset unum præferre matri cui is locus reservaretur. Nunc proximum illi a rege honorem defert. Christus igitur Patri dexterior est: quia Pater consideratur ut medium thronum insidens, cui proximus dignitate est Christus, qua Mediator. Hinc dicitur *Sedere in Throno Patris*: non utique excluso Patre, aut supra eum; sed cum Patre. *Apoc. 111. 21.* Quippe cujus dignitas Mediatoria in statu exaltationis ad Divinam proxime accedit.

X. Acute hæc quidem sunt a Viris doctissimis observata: attamen hypothesis istis, & quæsitis forsitan subtilitatibus, sine incommodo carebimus, modo id simpliciter teneamus; quum fieri non possit; ut quisquam rege in suo regno major sit atque honoratior, quem dexteriores sibi rex facit, eum quidem honoratissimum esse cupit, non tamen sibi ipsi anteposit. Ad dextram summi esse, est summi honoris secundum summum; aut, si res ita ferat, honoris etiam æqualis. Nec opus est cogitare de sede vacua a sinistris. *Psalmo XLV. 10. Regina ad dextram Regis stat.* ubi nihil de levam claudentibus. Nero apud *Suetonium Cap. XIII.* Tiridatem Armeniæ Regem *juxta se latere dextro collocavit.* Quocum judiciousè contendit *Cassiodorus Eumapii* illud in *Ædesio*: *Καὶ οὐ τοῦτο ἐστὶν ἡμεῖς τοῖς ἡμεῖς τοῖς ἡμεῖς, οὐδὲ ἡμεῖς τοῖς ἡμεῖς τοῖς ἡμεῖς, οὐδὲ ἡμεῖς τοῖς ἡμεῖς τοῖς ἡμεῖς.* Claudius apud eundem *Suetonium. Cap. XXIV.* *Aulo Plautio ovationem decrevit, ingressoque obviam progressus, & in Capitolium eunti, & inde rursus reverentis, latus texit, id est Eutropio interprete, laurus incessit;* non utique deprecando Plautio, quod Becanus vellet, sed extollendo: absit tamen, ut supra se. Unde liquet, Principes eos quos honoratos cupiebant quantum fieri poterat maxime, ad dextram suam collocasse, sine consideratione

loci tertii, cujus adspectu princeps medius esset. Ad eum morem explicandum est, quod Christus Patri dexterior dicatur: videlicet eum a Patre *evectum esse in summam sublimitatem, ac donatum nomine quod est supra omne nomen*. Phil. II. 9. *Jesaias dixit Cap. LII. 13.* ירום ונשא וגבה *Supervebetur, & extolletur. & sublimis erit valde.*

Sessionis  
vocabulum  
quam em-  
phasin ha-  
beat.

XI. Inquiramus nunc quæ vis in SESSIONIS vocabulo lateat. Significat id I. *Honorem*. Ministrorum est *adjutare: Domini, confidere*. De illis vide I Reg. x. 8. Dan. VII. 10. Unde Angeli vocantur מַלְאָכִים Dan. VII. 16. & הַעֲזָרִים Zach. III. 7. ADSTANTES. De hoc Dan. VII. 9. *Videbam, donec solia abjecta sunt, & Antiquus dierum SEDIT*. Adde I Reg. II. 19. & Esth. I. 14. *Septem principes videntes faciem Regis, ראשנים היושבים* SEDENTES PRIMO LOCO in regno. Job. XXIX. 25. SEDEBAM *primarius*. Christus ergo Patrem addidens, honorem habet angelis omnibus superiorem. Cui enim Angelorum dixit: *Sede ad dextram meam?* Heb. I. 5. II. *Potestatem judicalem ac regiam*. Mat. XIX. 28. SEDEBITIS in Thronis duodecim JUDICANTES *duodecim tribus Israël*. Ap. XVII. 7. SEDEO REGINA. Sic etiam de Christo. Zach. VI. 13. *Reportaturus est decorem, & SESSURUS ac DOMINATURUS in solio ejus*. Adde Jes. XVI. 5. III. *Quietem, post exantlatos labores*. Gen. XVIII. 1. Mich. IV. 4. Joh. IV. 6. Beata hæc & gloriosa Christi quies aperte satis indicatur in allocutione Patris, quando Christo sedere jussit, quod reliquum est operæ in triumphandis inimicis sibi sumit. *Sede, donec posuero*. Ps. CX. 1. IV. non turbatam longi temporis in eodem loco *commorationem*. I Reg. II. 38. *Sedit Simeus Hierosolymis diebus multis*. Act. XVIII. 11. *Ἐξήδου, Sedit itaque illic annum & sex menses*. Sic & Christo sua gloria constans ac perpetua erit. *Oportet enim eum regnare usque quo omnes inimicos supposuerit pedibus ejus*. I Cor. XV. 25.

Cur Step-  
hanus Chri-  
stum stan-  
tem viderit

XII. Non repugnat sessioni huic quod Stephanus Christum viderit ADSTANTEM *ad dextram Dei*. Act. XII. 56. Non enim crasse de corporis habitu cogitandum, sed de re quæ per istum habitum designatur: quæ est quies Christi gloriosa ac plena potestatis. Stantis autem specie conspicatus eum Stephanus est, ut significaretur Christi, in ea gloria constituti, parata promptitudo, ad Stephanum tuendum ac firmandum, spiritumque ejus suscipiendum. Confer Mich. V. 3. Dan. XII. 1. *Gregor. Mag. Homil. XXI. in festo Ascens.* Considerandum nobis est, quid est quod Marcus ait: *Sedet a dextris Dei; & Stephanus dicit: Video coelos apertos, & Filium hominis stantem a dextris Dei. Quid est, quod hunc Marcus SEDENTEM, Stephanus vero STANTEM, se videre testatur? Sed scitis, Fratres, quia sedere judicantis est, stare vero, pugnantis vel adjuvantis. Quia ergo Redemptor noster adsumtus in calum,*

*caelum, & nunc omnia judicat, & ad extremum iudex omnium venit, hunc post assumptionem Marcus sedere describit: quia post ascensionis suae gloriam iudex in fine videbitur. Stephanus hunc in labore certaminis positum stantem vidit, quem adiutorem habuit: quia ut iste in terra persecutorum infidelitatem vinceret, pro illo de caelo illius gratia pugnaret.*

XIII. His de vocibus ac phrasi praemissis, rem ipsam nunc expendamus; quam ex antedictis in hunc modum explanamus. Sessio Christi ad dextram Dei Patris, est summa ipsius & propria in persona & Regio potissimum officio gloria, post ascensionem in caelos a Patre sibi collata, ab ipso summo jure occupata, ad Dei Patris gloriam, & perfectam Ecclesiae salutem.

Sessionis ad dextram Dei definitio.

XIV. Dubium non est quin summa Christi gloria hoc dicto exponatur, quam certis quibusdam gradibus consecutus est. Primo enim dum in humili adhuc conditione esset, radii quidam gloriosae Majestatis subinde emicuerunt. 2 Pet. i. 16. 17. Deinde exaltatus est ex conditione mortali, ad immortalem, in Resurrectione: quae est glorificationis initium. Postea ex immortalis quidem, sed hactenus terrestri, ad coelestem, in Ascensione: quae est gloriae progressus. Denique in coelis id est consecutus ut ad dextram Dei federet. Mat. xvi. 19. Sursum raptus est in caelum, ac sedet ad dextram Dei: in qua re glorificationis apex & coronis est. Heb. viii. 1.

Quae significat summam Christi gloriam:

1. *Consedit ad dextram throni Majestatis illius in caelis.*

XV. Neque summa modo haec gloria, sed & uni Christo propria est. Transcendit enim longe angelorum omnium, Heb. i. 5. nedum hominum, dignitatem. Eph. i. 20. 21. Collocavit ad dextram suam in caelis, longe supra omne imperium ac potestatem, & potentiam, & dominationem, & omne nomen quod nominatur non solum in hoc seculo, verum etiam in futuro. Id est, supra omne illud quod excelsum atque gloriosum est, tam inter homines quam inter angelos, tam in prisco seculo T. V. cujus extremi dies Apostolo haec scribente fluebant, quo seculo magnum erat nomen Moysis, Prophetae, Pontificis Maximi; quam in seculo T. N. quod futurum ab Apostolo vocari potuit, respectu *nae adonias*, expectationis veterum, & quia templo ad huc stante nondum Ecclesia plena sua libertate utebatur. In eo seculo maxime claret, nomen Christi esse *διαφορεύων*. Sed & ad futurum seculum gloria haec extendenda, ut innuatur, Christum multo sublimiorem omnibus angelis esse, quibuscunque etiam titulorum eminentiis gaudeant: & si quae sint adhuc iis nominibus augustiora angelorum vocabula, quae illis ad sociati in futuro demum noscemus seculo, iis quoque Christum imperitare.

Eamque Christo propriam:

XVI. Hactenus ergo uni Christo propria est haec gloria, ut cum nulla eam creatura partiat. Quod enim fideles in throno Christi sessuri dicantur, Ap. iii. 21. vel ad dextram ejus stare; Pl. xlv. 10. id intelligendum est de eorum communione cum Christo, per quam fit ut in gloria

Christi tanquam in sua gloria lætentur, ipsique pro suo modulo gloriam nanciscantur, Christi gloriæ quam in natura humana possidet quodammodo similem, neutiquam parem. Qua mente *Divina* etiam *confortes* dicuntur *natura*. 2 Pet. 1. 4. Quidquid fideles habent, non potest excedere eam præstantiam quam creaturas, Dei beneficentia beatas, habere par est. Id quod Christo datur, dignum est Filio Dei unigenito & *μονογενῆς*, dignum officio isto, ad cuius consortium non-Deus admitti non potest.

XVII. Sed numquid eam cum *altera Divina persona* communem habet? Respondeo, eam qua de agimus gloriam *Oeconomicam* esse, quæ Christo *qua Mediatori* competit. Sicut ergo Meditationis officium ex tribus Deitatis personis solus suscepit Filius: ita etiam gloria ea, quæ muneris bene obiti præmium ac merces est, soli competit Christo. Nulquam Scriptura dicit, Spiritum Sanctum ad dei dextram sedere. Interim, quatenus gloria hæc involvit *κοινωνίαν* Deitatis, ac *ἐκ κοινότητος, participationem honoris* cum Patre, fundatam in unitate Divinæ essentiae, eo adpectu a gloria Patris ac Spiritus Sancti separari nequit. Hactenus est communio ejusdem gloriæ ac throni. Luc. 19. 26. Ap. 1. 11. 21. Servata tamen distinctione; non *gradus*, multo minus *speciei*, sed *ordinis* tantum; qui esse potest inter eum, qui honorem dat, five qui aliquem omnibus subiectis pari secum honore afficiendum esse ostendit, & inter eum, qui eo honore afficitur, aut æquo cultu honorandus declaratur.

Tam respo-  
su Personæ;

XVIII. Gloria hæc bimembris est: alia ratione *Persona*; alia ratione *Officii*, ac potissimum *Regii*. Utramque eleganter complexus est Zacharias: Cap. VI. 13. *Reportaturus est decorem, & Sessurus ac dominaturus in solio ipsius: scilicet Jehovæ.*

XIX. Gloria *persona* attendi potest, partim ratione *Naturæ Divinæ*; partim ratione *Naturæ Humanae*. Illa nihil est aliud quam Divinæ Majestatis Christi, ex humanæ naturæ gloria relucens, illustrissima assertio, vindicatio ac patefactio. Nam ut Filius Dei, sub humilis humanæ naturæ velo, suam, in terris, contexerat gloriam; adeo ut raræ solum illius; & a plerisque despectæ, emicuerint scintillæ: sic contra, & carne in gloriam subvecta, solis instar, discussa humilis ac obscuræ conditionis nube, illustri ac sublimi suo fulgore, emicuit; & Filium hominis esse Filium Dei, ac verum Deum, luculenter ac gloriose declaravit, ac declarat. Quam etiam postulavit Christus solenni hac oratione: Joh. XVII. 5. *Glorifica me, tu Pater, ea gloria apud Te, quam habui apud Te, priusquam hic mundus esset.* Hoc est, me esse filium tuum æternum & unigenitum gloriose declara. Quod præcipue in collocatione ad dextram, tanquam glorificationis fastigio, comperitur.

XX. Gloria *humana natura*, consistit in summa perfectionis excellentia, tam quoad *animum*, quam quoad *corpus*; & gaudio gloriosissimo prop-

ter

ter utriusque perfectionem. Perfectio *anima*, est scientiæ illius & potentiæ ad summum usque gradum amplificatio: quæ sanctitati pristinæ (quæ ab ortu fuit ac mansit perfecta) accessit. *Corporis* vero perfectio, summum robur ac pulcritudinem, formam ac splendorem eximiam, complectitur. De qua Phil. 111. 21. Quæ etiam ratione sessionem Christi ad dexteram Dei oculis percipi posse, Sacræ literæ attestantur. Mat. XXVI. 64. Act. VII. 56. Hæc perfectionis suæ scientia ac sensus gignit gaudium gloriosum & ineffabile, de quo ipse in hæc verba gloriatur: Ps. XVI. 11. *Scire facies me semitam vitæ: Satietas gaudiorum est cum vultu tuos delectationes sunt in dextera tua in seculum.* Vide sodes Gomari Theses, quibus totam hanc personæ Christi gloriam exactissima accuratione delineavit.

XXI. Gloria ratione *Officii*, notat administrationem gloriosissimam Regni Christi. Ideoque quod a Psalte *sedere ad dexteram* vocatur, Ps. CX. 1. illud ab eodem *Dominari*, vers. 2. a Paulo, *Regnare* exponitur. 1 Cor. XV. 25. Quod habet *arri-dien* ad oppositum *Ministrare*, in statu humili. Mat. XX. 28. Pertinet huc Petri illud: Act. II. 36. *Certe sciat ergo tota domus Israelis, quod Deus hunc fecerit Dominum & Christum. Fecerit*, id est, *patefecerit*, vindicata ei & asserta coram omnibus creaturis ea præstantia ac potestate, quæ Unctio Dei digna est, ex qua pateat Dominium ejus supra omnia. Vel *Fecerit*, etiam revera. Non quoad Dominii *initium*: nam *natus est Dominus*. Luc. II. 11. & in profundissima humilitate mansit *Dominus Gloria*. 1 Cor. II. 8. Sed quoad dominii *gradum summum*, & perfectionem gloriosam.

XXII. *Regnum Christi duplex est.* I. *Divinum*, sive *Essentiale*, quod cum Patre ac Spiritu Sancto commune habet. II. *Mediatorium*, sive *Personale*; quod habet qua *distinctione*. Non tamen ita accipienda hæc distinctio, quasi Dominium istud Christi Mediatoris in Ecclesiam, quatenus involvit plenitudinem potestatis, & nomen supra omne nomen, in quo omne genu flectendum, in re differat a Regno Divino, aut dicat Majestatem Regni inferiorem regno Dei Altissimi. Tale enim est hoc regnum, ut importet solidam demonstrationem veræ Deitatis Christi, & *ad æquationem* ac *identitatem* cum Patre: verbo, ut non possit competere non Deo. Jes. XXXIII. 22. *Nam Jehova vindex noster, Jehova Legislato noster, Jehova Rex noster.*

XXIII. *Aditio regni Mediatorii*, pro diversa ratione disparium naturarum in persona Christi diversa quoque est. Si *Divinam naturam* attendas, est vindictio & demonstratio potestatis illius, quam filius Dei, homo factus, jure suo, habet, ab æterno habuit, & æternum habebit, in omnia. Ut enim regni sui gloria, ad tempus humiliationis, se quodammodo exinanivit; non privatione aliqua Dominii, quod a Deitate inseparabile est, sed illius sub forma servi velatione: sic contra

regnum accepisse dicitur, deposita servi specie; non novæ potestatis, qua antea caruerat, accessione, sed pristini regni, quod perpetuo habuerat, revelatione, atque confirmatione illustri: quæ ab omnibus, Dominus, licet carne veltitus, agnoscatur. Sin *humanam naturam spectes*, aditio regni significat usum gloriosum potestatis illius maximæ, finitæ tamen, ac Deo subordinatæ, quæ Christo homini data est longe supra omnes creaturas; cui, propter unionem hypostaticam cum *τῷ λόγῳ* parem nec habent, nec habere possunt, eminentissimæ angelorum classes, *ut inter omnes primas teneat.* Col. 1. 18.

Idque vel  
Universale  
est, vel Par-  
ticulare.

XXIV, Porro *Regnum Mediatorium*, vel *Universale* est, qua omnibus creaturis summa potestate imperat, cum certo tamen ad Ecclesiam respectu, quatenus in illius commodum creaturis omnibus utitur. Mat. xxvii. 11. Eph. 1. 20. 21. 22. Phil. 11. 9. 10. 11. 1. Cor. xv. 27. Heb. 11. 8. Vel *particulare*: quod est suprema ac gloriosa construendi ac conservandi Ecclesiam, ex omnibus gentibus collectam, potestas. Pf. 11. 8. cx. 1. 2. 3. Eph. 1. 22. *Constituit eam caput super omnia ipsi Ecclesiæ.*

Quod certo  
tempore  
eximio sibi  
modo Chri-  
stus vindi-  
cavit.

XXV. Eam potestatem eximio modo sibi asseret Christus, quando vindicato populo Israëlítico, Antichristo sede sua deturbato, & corruptis corruptoribus terræ, ad vocem tubæ septimæ voces magnæ in coelo audientur, *dicentes: Facta sunt regna mundi Domino nostri & Christi ejus; & regnabit in secula seculorum.* Et viginti quatuor seniores dicent: *Gratias tibi agimus, Domine Deus omnipotens, qui est, & qui erat, & qui venit: quia accepisti potentiam tuam magnam & Rex factus es.* Apoc. xi. 15. 16. 17.

Regni illius  
quis termi-  
nus.

XXVI. Sessurus est Christus ad dexteram Patris, id est, regnum hoc Oeconomicum obtenturus, *usque quo omnes inimicos supposuerit pedibus ejus.* Deinde erit finis, *quum tradiderit regnum Deo ac Patri.* Nam postquam *subiecta fuerint ei omnia, tunc & ipse Filius subicietur ei qui subjecit ipsi omnia, ut Deus sit omnia in omnibus.* 1. Cor. xv. 24. 25. 27. Quæ qua mente dicta sint, haut indiligerenter exposuimus *Exercit. x. Themate xxxix. & seq.*

Regia Chri-  
sti dignitas  
in cætera  
quoque mu-  
nera deriva-  
tur.

XXVII. Sciendum autem, dignitatem hanc regiam in reliqua etiam Christi munera derivari. *Prophetium* enim nunc exercet *Regiam*, per potentem Spiritus S. cum prædicatione ministrorum cooperationem; atque, ubi postularet utilitas, per subsequencia signa miraculosa. Mar. xvi. 20. *Illi profecti prædicarunt ubique Domino cooperante, & sermonem confirmante per signa subsequencia.* 1. Thes. 1. 5. *Sacerdotium* quoque *Regiam* exercet, dum non humiliter, sed gloriose, ut Rege dignum est, causam nostram in coelis agit, *Sacerdos in æternum secundum ordinem Melchisedechi.* Pf. cx. 4. Heb. vii. 24. 25. 26. Zachar. vi. 13. **ERIT SACERDOS IN SOLIO EJUS.**

**XXVIII.** Summus hic exaltationis Christi gradus aliquando ad *Patrem* ut causam refertur, aliquando ad ipsum *Christum*. Est enim ubi *Pater* dicitur Christum ad dexteram suam collocasse. Eph. I. 20. Huc pertinet Act. II. 33. *Dextra Dei-exaltatus*. & v. 31. *Hunc Deus dextra sua sursum sublatum constituit Principem*. Heb. II. 7. *Gloria & honore coronasti eum, constituisti eum super opera manuum*. Est etiam ubi *Christus* dicitur *consedisse ad dextram Dei*. Mar. XVI. 19. Heb. II. 7. VIII. 1. & gloriam illam suo jure sibi sumsisse. Zach. VI. 13. וְשֵׁם הוּא יִשָּׁב וְיִשָּׁב וְיִשָּׁב & accipiet Majestatem.

Summa hæc  
Christi exal-  
tatio, cur  
aliquando  
Patri attri-  
buatur, alibi  
ipsi Christo.

**XXIX.** Neutrum caret sua emphasi, Pater enim id Christo dedit, ex pacto convento, secundum *justitiam*; quæ exigit, ut exaltatio Christi gloriosa humiliationi spontaneæ exacta proportionem respondeat. Hæc autem quum ad infimum se demiserit gradum, conveniens est ut illa quoque ad summum pertineat. Jus hoc Christo partum docent verba illa Ps. II. 8. *Pete a me*, ex pacto convento, & dabo gentes in possessionem tuam. & Jes. LIII. 21. לֵבן IDCIRCO portionem ei dabo inter multos, אֲשֶׁר עָלָיו EO QUOD effudit ad mortem animam suam. Ps. XLY. 8. *Amasti justitiam, odisti iniquitatem* (hæc fuit obedientia Christi) עָלָיו, PROPTEREA unxit te, o Deus, Deus tuus oleo lætitiæ præ consortibus tuis. Hæc non est unctio gratiæ, in terris, sed Gloriæ, in cœlis. Metaphora ab hilaribus festisque conviviis desumpta. Conf. Ps. XXI. 5. Jes. LXI. 3. Luc. VII. 47.

**XXX.** Quando alibi hujus gloriæ datio gratiæ imputatur, ut Jes. XVI. 5. וְהָיָה בְּחֶסֶד כְּסֵם, & stabilitus est in gratia thronus. & Phil. II. 9. Ἐνεκεν ὧν gratiosè largitus est nomen supra omne nomen; duo docentur: primo exaltationem Christi, non minus quam humiliationem, esse ex gratia erga eos qui Christi sunt; dein, Deum magna amoris propensione Filio collatione hujus gloriæ gratificatum esse. Nam καλῶς θέλει, Hefychio interprete, est θέλει καλῶς θέλει, grata facere. Nequaquam autem gratiæ vocabulum hic torquendum ad depreciationem juris, quod Christo quovis optimo nomine competit. Id enim Apostolus eo ipso loco luculente asseruit. Et quidem *duplum*: alterum, *naturale*, fundatum in τῷ ὁμοῦ (fuit enim ὁμοῦ θεῷ, id est verus Deus, & ut talis etiam manifestatus ac cognitus: nec existimavit esse raptum τὸ ἰσὺ ἰσὺ θεῷ, hoc est, credidit, ut res est, posse se sine sacrilegio & injusta invasione Divinæ gloriæ, æqualitatem cum Deo palam profiteri, licet, rebus sic ferentibus, eam ad tempus dissimulaverit. vers. 6.) alterum, *quasitum*, fundatum in spontanea obedientia, juxta pactum. Factus obediens &c. **QUA PROPTER** etiam Deus eum ὑπακούσας. vers. 8. 9. Vigilius Lib. v. contra Eutych: An forte negabunt, Domino Jesu Christo ob meritum passionis & mortis hæc omnia fuisse collata? Legant Apostolum dicentem de ipso: Humiliavit

*liavit se ipsum, factus obediens usque ad mortem, mortem autem crucis: PRO-  
PTER QUOD & Deum ipsum exaltavit &c.*

XXXI. Christus autem ipse *confedisse* dicitur, quatenus jure suo utens, post exantlatos labores, placide quiescit: gloriamque optimo sibi jure debitam, ac prorsus suam, occupat, asserit, vindicat, & ad Patris gloriam, suorumque salutem, convenienter conditioni cœlesti, magnifice ostentat.

Tendit ea l.  
ad gloriam  
Patris.

XXXII. PATRIS GLORIA hic agitur, quæ ab illa Filii separari nequit. Phil. II. 12. *Omnis lingua profiteatur Jesum Christum esse Dominum, ad gloriam Dei Patris.* Quippe *Veritas* ac *Potentia* Dei, ex præpotenti ac constanti promissæ sessionis præstatione; *Justitia*, ex debita præmii ac gloriæ tributione; *Gratia*, ex humanæ Christi naturæ longe supra omnes angelos evectione, nostræque salutis eo modo procuratione, elucescit. Nec hoc tantum. Sed Pater honorari non potest, neque ab homine peccatore pro Patre agnosci, nisi in Filio. Joh. XIV. 13. *Ubi glorificetur Pater in Filio.* Gloria Dei est, non tantum quod is cognoscitur æternus, perfectus, potens, creator, hominis bonum, & finis, dignus obedientia, & cultu; sed etiam, quod is cognoscitur, amatur, honoratur, ut Deus, justitia, justificator sanctificator, glorificator peccatoris. Hæc autem gloria Deo non datur, nisi in Filio, primum humiliato, dein exaltato.

II. Ad validam Ecclesiæ consolationem.

XXXIII. Sed & NOSTRA hinc SALUS pendet. I. Universa hæc capitis nostri gloria ad nos redundat. Quum enim Christus ipse, quantus quantus est, noster sit; illius quoque gloriam nostram esse necesse est. Eph. I. 22. 23. *Constituit eum caput super omnia ipsi Ecclesiæ, quæ est corpus ipsius, & complementum ejus qui omnia implet in omnibus.* Quod, uti judiciose a Celeberrimo interprete observatum est, hunc habet sensum: Dedit illum Ecclesiæ caput, per quod Ecclesia constitueretur supra omnia. Ecclesia, inquam; quæ *corpus ipsius est*, data nimirum & conjuncta Christo, ut eam vivificaret & in ea viveret per Spiritum suum. *Et plenitudo ejus qui complet omnia in omnibus*, id est completum Dei, quod compleatur non solum a Deo, sed & Deo; ut scilicet Deus sit in ea omnia, & non sint in ea sicuti nunc, aliud caro, aliud spiritus; aliud vivens, aliud moriens; sed omnia in incomprehensibilem gloriam ac gaudium convertantur. Vel etiam plenitudo qua compleatur ipse Christus, uti ad capitis perfectionem cætera corporis membra faciunt, & capitis gloria a gloria membrorum separari nequit. Id enim agit Apostolus ut ostendat, eandem virtutem Deum exserere erga nos, quam exseruit in Christo collocando ad dextram suam. Et sane eodem nos ducunt verba Pl. VIII. 5. 6. 7. Quod enim ibi de *Filio hominis* dicitur, non tantum de Christo, sed & de Ecclesia oportet intelligi: quanquam de Christo, ut capite,



capite, de Ecclesia, ut corpore. Nam de quo homine dicendum fuit, eum indignum fuisse ut vilitaretur a Deo, de eodem, postquam visitatus fuit a Deo dicendum est, quod gloria & honore coronatus sit. Quod tam ad corpus quam ad caput pertinet. Quemadmodum ergo Filio hominis Capiti, ita etiam Filio hominis corpori, omnia subijci debent. Et hoc est quod Christus dicit, Ap. 111. 21. *Qui vicerit tribuam ei ut sedeat in throno meo.* &c. Non exiguum huic loco clarorem adfert observatio Ludovici de Dien: nimirum thronum Regis apud Orientales amplum & latum esse lecticæ instar, fulcris aliquantulum supra terram erectum, ac tapetibus ornatum; adeo ut præter sedem Regi propriam, alii quoque, quos honore adficere cupit Rex, in eodem throno sedes habere queant. Conferri possunt quæ de septem thronis Magni Mogol, imprimis amplissimo illo quem Tamerlanes inchoavit, curiose annotat Johannes Baptista Tavernier, *avrilins, Itiner. Part. 11. Lib. 11. Cap. VIII.*

XXXIV. II. In ista constitutus gloria continuo pro nobis intercedit: nec dubium quin semper exaudiendus. Postquam Salomò matrem ad dextram suam confidere iussisset, nihil frustra petituram spondidit. 1 Reg. 11. 20. Multo minus fieri potest ut cassæ Christi, ad Patris dextram confidentis, preces sint: quippe qui *sustineat omnia verbo suo potente, & purificatione peccatorum nostrorum per se ipsam prius facta tum demum confederit ad dextram maiestatis.* Heb. 1. 3. Hanc consolationem egregie inculcat Apostolus. Heb. VIII. 1. 2.

XXXV. III. Ex isto gloriæ throno *jus* populo suo *dicet* causamque ejus adversus quoscunque hostes fortiter ac feliciter *tuebitur*, quippe qui *dominatur inter medios hostes.* Pl. cx. 2. *Jes. xvi. 5. Et stabilietur benignitate solium cui insident constanter in tentorio Davidis, iudex & procurans jus & promptus ad justitiam.* Adde Pl. vii. 8. 9. 10. xlv. 5. 6. 7. Frustra sunt impiorum hominum, & infernalium dæmonum, nefanda adversus Ecclesiam molimina. *Sedens in celis ridet, Dominus subsumat eos.* Pl. 11. 4. Nequicquam frementibus improbis, frementibus Diabolis, regnat, æternumque regnabit Jesus; qui *ut inane tollet omne imperium, & omnem auctoritatem & potestatem.* 1 Cor. xv. 24. Regnat etiam in & cum Christo Ecclesia, quæ *una cum ipso in celis collocata,* Eph. 11. 6. vanas hostium iras ex alto dispicit: ac

*Celsior exsurgit pluvius, auditque ruentes*

*Sub pedibus nimbos, & sæva tonitrua calcat.*

*Jehova regnat celsitate indutus: Jehova robore accingit se, etiam stabilietur orbis habitabilis, ne dimoveatur. Stabile est solium tuum ab illo tempore; inde a seculo tu regnas. Utut attollant flumina, o Jehova attollant flumina somnum suum &c.* Pl. xciii.

XXXVI. Valida quoque est consideratio gloriæ hujus, qua nunc

*Symb. Apost.*

*Qq*

III. Ad  
terrorem.  
imporum.  
crea-

creaturas omnes supereminet Jesus noster, ad **TERROREM IMPROBIS** incutiendum. Huic fini ipse eam allegabat: Mat. xxvi. 64. Confer Jef. ii. 10. 11. 19. Act. iv. 3. 4. Pl. xcvi. 1-5. *Jehova Regnat-Nubes & caligo circumstant eum-Ignis ante eum procedit, & inflamat circumquaque hostes ejus. Perlustrant fulgura ejus orbem habitabilem &c.* Aperite tandem oculos mortalium vesanissimj, & excutite torporem illum quo hactenus ob-rigulistis. Hic est ipse ille Jesus, quem tam neglectim ac contemptim habuistis, cujus verbum spreveristis, cujus servos ludibrio ac contumeliis affecistis, cujus subditos oppresistis, cujus gratiam proterve rejecistis, de quo dixistis, nolumus hunc regnare super nos. Hic jam superbo Divinae Majestatis throno insidens æternum capessivit regnum, virgam ferream manu sua gerens, qua totam terram cum æneo & ferreo suo robore, cum splendore aureo atque argenteo, non secus comminuet quam figulina vascula: & contundet tanquam pulverem coram vento, friabitque tanquam lutum platearum. Agnoscite & colite tanti regis Majestatem & horrescite e conclavibus vestris. *Colite Jehovah cum reverentia, & exultate cum tremore. Osculamini Filium, ut non irascatur, & pereatis in via, quum exarserit vel minimum ira ejus.* Pl. ii. 11. 12.

IV. Ad in-  
generandos  
nobis affe-  
ctus tanta  
tanti Regia  
gloria di-  
gnos.

**XXXVII.** Denique omnibus nobis, qui in animo credimus Christum ad Patris dextram sedere, ingenerare debet tanti Regis gloria **I. SANCTAM REVERENTIAM.** Si enim exigui quidam splendoris hujus radii, per tenues quasi rimulas emicantes, tanto stupore pios perculerint spectatores: Gen. xxviii. 17. Luc. v. 8. quanta nos reverentia tangi par est, qui integro inaccesse illius lucis fulgore velut circumfundimur? Si talem eum intentis fidei oculis conspiciamus, qualis conspectus Johanni est; Ap. i. 13-17. mirum ni & nos ad pedes ejus sacri horroris plenè concidamus. **II. AMOREM DOMINII** Christi in cordibus nostris, quod tam gloriosum est in coelis. O quam alacriter ei aperiendæ sunt urbium, ædium, animorum nostrorum portæ! Pl. xxiv. 7. 10. **III. CONTENTUM RERUM TERRENA-  
RUM**, ac desiderium coelestium. Videmus enim in capite nostro Christo, *qua sit spes illa vacationis ipsum, & qua opes gloriæ hereditatis ipsum in sanctis.* &c. Eph. i. 18. 19. 20. Cui tanta proposita sunt præmia, quique nunc eorum arhabonem ac primitias habet in Spiritu gloriæ quo donatus est; eumne fas est circa minutias hujus seculi ac mera rerum ludibria pueriliter ineptire? Quin generosa mente scenicum hunc mundi apparatus despiciamus? nihil quippe habentem quod nostra sit dignum ambitione: adspirantes interim & anhelantes ad *Aggæus* illud coeleste, amarantinam illam gloriæ coronam, qua redimiti ad dextram Monarchæ nostri Jesu æternum quieturi ac triumphaturi confidebimus. Votis etiam occupantes & accelerantes illam toties sacris oraculis pro-  
missam

De Reditu Christi ad æternum judicium. 307  
 missam gloriosam manifestationem regni Christi in terris, atque felicia  
 ea tempora, quibus

— redeat concordia, virtus,

*Cumque fide pietas alta cervice vagetur.*

Aut, ut sacri potius vatis carminibus utar, quibus *montes pacem populo pro-*  
*ferant, & colles propter justitiam: ut quum descendit pluvia super sectam her-*  
*ban; quum imbres, irrigatio terræ: quibus denique floreant justis, & amplitu-*  
*do pacis; donec non sit lana.* Pf. LXXII. 3. 6. 7.

## EXERCITATIO XXII.

DE

### REDITU CHRISTI AD ÆTERNUM JUDICIUM.

#### BREVIARIUM.

1. *Doctrinæ æterni judicii ex fundamentalibus est.* 2. *Quatuor universalis Dei*  
*judicia in genus humanum.* 3. 4. 5. *Æterni judicii certitudo.* 6. *Dei*  
*generatim, iudex est.* 7. 8. 9. 10. *Et speciali appropriatione, Christus.* 11.  
*Auctoritate non aliena, sed sua, & summa.* 12. 13. *In demonstratione ma-*  
*ximæ gloriæ.* 14. 15. *Cam præba Dei.* 16. *Et numeroſo angelorum comi-*  
*tatu.* 17. *Qui sua Christo præstabant ministeria.* 18. 19. *Sancti homines*  
*proprie loquendo non erunt adſeſſores Christi in judicio.* 20. *Nequidem Apo-*  
*ſtoli.* 21. 22. *Boni angeli an judicandi ſint, non liquet: de malis, conſtat.*  
 23. *Homines omnes judicabuntur.* 24. *Super omnibus actionibus ſuis.* 25.  
 26. 27. *Num peccata piorum in judicio etiam publicanda ſint.* 28. 29.  
*Cauſæ cognitionem, non operoſum, attamen exactam;* 30. 31. 32. 33. *Ex-*  
*cipiet ſententiæ pronuntiatio.* 34. *Hanc, exſecutio.* 35. *Locus judicii erit*  
*in aëre & nubibus.* 36. 37. 38. 39. *Quæ de valle Joſaphati a normalis*  
*buc trahuntur, parum ſolida ſunt.* 40. 41. 42. *De tempore qua notanda*  
*ſunt.* 43. 44. 45. *Præxiſ bujus articuli.*

I **P** Rincipibus ſacratiffimæ religionis noſtræ elementis, ac funda-  
 mentalibus articulis, accenſet Apoſtolus doctrinam de ÆTER-  
 NO JUDICIO. Heb. vi. 2. Quod quum noviffimus Re-  
 gni Christi actus, & luculentiffima Divinæ illius gloriæ de-  
 monſtratio, & ſpei Chriſtianæ anchora, & validum carnalis ſecuritatis an-  
 tidotum, furentiumque cupiditatum frenum, & ſolicitæ pietatis incenti-  
 vum

*Doctrina  
 æterni judi-  
 cii ex fun-  
 damentali-  
 bus eſt.*

vum sit; non minori profecto quam cætera omnia accurate ac diligentia pertractandum nobis est.

Quatuor  
universalis  
Dei judicia  
in genus hu-  
manum.

II. Publica atque universalis totius humani generis judicia *quatuor* Scriptura memorat. *Primum* in Paradiso, in generis humani parentes Gen. I. I. 8. &c. *Alterum* in mundum antediluvianum. Gen. vi. 3. *Tertium* in societatem humanam ad Babylonicum flagitium in campis Sinear congregatam Gen. xi. 5. 6. 7. *Quartum* denique novissimum illud, de quo nunc agimus: quod omnium maxime universale erit, in omnes sine exceptione homines, non vivos solum, sed & mortuos. 2 Tim. iv. 1.

Æterni ju-  
dicii certien-  
do.

III. Judicaturum aliquando de universis ac singulis Deum colligi potest. I. *Ex libro communis Providentiæ.* Hic enim bonorum malorumque fata commixta, ac confusæ vices sunt. Eccl. ix. 2. Imo imperante florenteque nequitia, virtus non solum præmiis caret, verum etiam sceleratorum pedibus subiecta calcatur, & loco facinorum supplicia luit. *Premis infontis Debita sceleri noxia pena: At perversi resident celsæ Mores solio; sanctaque calcant Injusta vice colla nocentis.* Latet obscuris condita virtus Clara tenebris; justusque tulit Crimen iniqui. Ps. lxxiii. 3. Laboraret autem Divina justitia, nisi mutatis aliquando rerum vicibus, dies aliquis piorum atque impiorum vastum discrimen igne liquido liquidius demonstraret. Mat. iii. 16. 17. 18. *Tunc timentes Jehovah frequenter prædicant, alter apud alterum: eninvvero attendit Jehovah & audit, atque conscriptum est in libro commentarii coram eo, pro timentibus Jehovah, & cogitantibus de nomine ejus. Hi erunt mei, ait Jehovah exercituum, quo die ego confecturus sum peculium. Tunc conversi videbitis inter justum & improbum quid intersit, inter colentes Deum & eum qui non colit ipsum.* II. *Ex libro Conscientiæ,* quæ suis hic judicandi vicibus functa, reos omnes ad tribunal Dei citat, iterum ibi ac severius judicandos. Rom. ii. 15. 1 Joh. iii. 20. III. *Ex libro Scripturæ,* quo tota hujus judicii scena, pro majestate supremi judicis superbe instructa, cum omni suo apparatu exhibetur. In quibus plurima sunt quæ natura prorsus ignorat, alia quæ non nisi imperfecte ac confuse docet.

IV. Quatuor hic expendenda. I. JUDEX. II. JUDICANDI. III. SENTENTIA. IV. Circumstantiæ LOCI ac TEMPORIS.

V. In JUDICE consideranda I. PERSONA. II. GLORIA. III. COMITATUS.

Deus gene-  
ralis judex  
est.

VI. JUDEX, Deus est, nulla Divinarum personarum exclusa, quarum una scientia, voluntas, potestas, sententia est. Eccl. xi. 9. *Cognosce fore, ut propter hac omnia adducat te Deus ipse in judicium.* & xii. 14. *Omne opus Deus ipse adducet in judicium.* Et Paulus memorat diem iræ, & justii judicii Dei. Rom. ii. 5. prædicatque Deum judicem omnium. Heb. xii. 23. Nimirum Deus, eo ipso quia Deus est, hoc est

est ens infinite perfectum, creaturarum rationalium Rex & Legislator est. Jac. iv. 12. Ideoque & *judex*, secundum legem istam de actionibus hominum cogniturus, & vel præmia vel poenas secundum legis sanctionem distributurus. *Qui reddet unicuique secundum opera sua.* Rom. 11. 6.

VII. Sed speciali oeconomia judicium attribuitur CHRISTO: de qua re plurima & notabilia in utriusque instrumenti tabulis testimonio-  
 nia existant. *Jes. xvi. 5.* Messias nuncupatur *Judex*, & *procurans jus*, & *promotus ad justitiam*. Eodem retulerim illud Cap. xxxiii. 22. *Jehova judex noster, Jehova legislator noster, Jehova Rex noster, ipse salvabit nos.* Omnia enim hæc, epitheta sunt Messiae sospitatoris: qui uti a Deo inunctus est in Regem Zionis, ita etiam legem tulit in panegyri Israël: *Act. vii. 38.* secundum quam Israël judicabit totumque orbem terrarum. *Ezech. xxi. 27.* promittitur venturus *אשר לו המשפט* *cujus est jus*, vel *judicium*; qui & jus habet ad coronam incorruptibilem atque inalienabilem, domui Davidis promissam, & quia Rex est, potestatem habet judicium exercendi in omnes. Neque de alio interpretor illud Michæ iv. 14. *Virga percutiunt in maxilla judicem Israël.* Nam & Christo hanc injuriam illatam esse ex Evangelio constat; & quis præter eum *judex* Israël dici potest, qui a Judæis percussus sit, & in cujus vindictam Romani rempublicam destruxerint? Nam de destructricibus eorum legionibus hoc commate agitur. Eodem pertinet *Pf. lxxii. 1.* *O Deus, judicia tua Regi da, & justitiam tuam Filio regis.* Ubi Chaldaeus non prorsus incommode: *למלכה משיתה בידו דוד מלכה* *Regi Messiae, Filio Davidis Regis.* Sed satius est cogitare *ἡμεῖς διαπορεύοντες*, ut denotetur Rex, *κύριος καὶ ἰσχυρός*, qui non hæres est ullius hominis in regno suo, sed Filius veri regis, Patris Dei. In Testamento novo creberrime idem inculcatur. Vide *Act. xvii. 31.* *Rom. 11. 16.* *2 Cor. v. 5.* *2 Tim. iv. 1.*

VIII. Imprimis memorabile est Christi illud: *Joh. v. 22.* *Pater non judicat quenquam, sed judicium omne, vel totum, dedit Filio.* Cui repugnare videtur alterum illud ejusdem Christi: *Joh. viii. 15.* *Ego non judico quenquam,* & *vers. 50.* *Est qui querat & judicet, nimirum Pater.* Conciliationis hæc est ratio. Pater non judicat quenquam I. Seorsim a Filio. II. In forma visibili. III. Ut Rex Oeconomicus Ecclesiae. Non tamen idcirco omni se judicandi potestate, vel exercitatione etiam, abdicavit. Filius enim venit in nomine Patris. *Joh. v. 43.* *neque potest a semet ipso operari, nisi viderit Patrem operantem.* *vers. 19.* ideoque Pater judicat per Filium: *Deus, per virum quem definiuit.* *Act. xvii. 31,* *Dominus per Jesum Christum.* *Rom. 11. 16.* Quando autem Christus negat se quenquam judicare, id ita intelligendum est. I. Ut non sit minister condemnationis, qualis erat Moyses *2 Cor. 11. 9.* *Non enim misit enim Deus, ut judicet mundum;*

*mandum; sed ut mundus servetur per eum.* Joh. xiii. 17. II. Ut non judicet seorsum a Patre. Id enim innuunt verba sequentia vers. 16. *Et si judicem vero ego, judicium meum verum est: quia solus non sum, sed ego & Pater, qui me misit.* Confer. vers. 28. *A me non facio quicquam, sed quem admodum me docuit Pater meus, sic loquor.*

IX. Exponenda etiam ratio est, cur Patri placuerit omnem judicandi potestatem in Filium transcribere, quæ edisseritur Joh. v. 27. *Et auctoritatem ei dedit etiam judicium exercendi*, *ὅτι ΕΟ QUΟΔ Filius hominis est.* Cujus *αιτιολογίας* hic est valor. I. Quia Filius Dei voluntaria *κνώσει* filius hominis factus est, ut per ea quæ in assumpta carne faceret & pateretur, hostes regni Dei destrueret, salutemque impetraret suis; æquum fuit ut judicium quoque exerceret in debellatos hostes, & quam suis impetraverat salutem eam iis adjudicaret. Hinc victoria ipsius & judicium consociantur. Ap. xix. 11. II. Quia Filius Dei, in forma Filii hominis, legi se subjecit; & judicandum condemnandumque se improbis hominibus stitit, uti temere sibi arrogatæ Divinæ Majestatis reum: conveniens est ut versa rerum vice, legis Dominus demonstraretur, & iniquorum suorum judicum judex; asserta ei non e mentitæ Deitatis gloria. Huc provocabat, quum reus ac fordidatus, ad Judaici confessus tribunal staret. Mat. xxvi. 64. *Augustin. Serm. LXIV. de Verb. Dom. Sedebit judex, qui stetit sub iudice. Damnabit veros reos, qui factus est falsus reus.* III. Quia Filius hominis est, poterit in ea natura ab omnibus conspici, & judicium exercere *ἰκανὸς καὶ ἀκροατὴς*. Apoc. i. 7. *Ece venit cum nubibus, & videbit eum omnis oculus, etiam qui eum transfixerunt.* *Augustin. lib. I. de Trin. Cap. XIII. Ita dictum est, Pater non judicat quendam, sed omne judicium dedit Filio: ac si diceretur, Patrem nemo videbit in iudicio vivorum & mortuorum, sed omnes Filium, quia & Filius hominis est, ut possit ab impiis videri.*

X. Judicium exercebit Christus secundum *utramque naturam*: Divina conferente infinitam majestatem, scientiam, potentiam: Humana actus judicandi visibiliter & audibiliter exercente.

Auctoritate  
non aliena,  
sed sua, &  
summa.

XI. Non faciet id Christus auctoritate aliena, delegata, ut tabellio aliquis, & interpret alterius: sed sua, summa, autocratorica. In nomine quidem Patris omnia facit, ut ostendimus thes. viii. tum quia Filius est, & non nisi a Patre operatur, tum præcipue quia communi Trinitatis consilio, cujus principium a Patre ut primâ persona est, œconomiam muneris mediatorii suscepit. Attamen quum eadem sit Christi & Patris uti Deitas, ita etiam voluntas, quicquid Christus in exercitio muneris sui facit, id facit auctoritate quoque sua, Divina nimirum illa, & summa, quam cum Patre communem habet. Et hoc certe quod nunc tractamus *ἀποτίλεσμα* Divinam majestatem involvit, aut supponit; neque

neque patrari potest a non-Deo. Sine dubio gloriam Dei non alienabilem adstruunt illa Dei verba Ies. XLV. 23. *Per me iuravi, prodiit ex ore meo iustum verbum, quod non revocabitur; mihi incurvatumque iri omne genus, iuraturam omnem linguam.* Ea autem Christo, & iudicio per Christum exercendo applicat Apostolus Rom. XIV. 10. 11. *Augustinus U. S. Filius hominis iudicaturus est, nec tamen ex humana potestate, sed ex ea quia Filius Dei est. Et rursus; Filius Dei iudicaturus est, non tamen in ea forma apparens, in qua Deus est, æqualis Patri: sed in ea, in qua Filius hominis est.*

XII. Gloria Christi ad iudicium venientis erit longe maxima. *Ma-* In demon-  
stratione  
maximæ  
gloriæ.  
gna fuit quum legem ferret in monte Sinai. Exod. XIX. Deut. XXXIII. 2. Sed major erit, quum secundum legem illam iudicaturus est. *Cum* gloriæ.  
*ius vox tunc concussit terram: nunc autem denunciavit, dicens: adhuc semel ego concutiam non solum terram, sed etiam cælum.* Heb. XII. 26.

XIII. Consistit illa I. In splendore Divinæ maiestatis, illustrissimis radiis in humana etiam natura effulgente. Mat. XXV. 31. *Quum autem venerit Filius hominis in gloria sua, tunc sedebit in throno gloriæ suæ.* Ac ne quis gloriam Divinam ac infinitam minorem suspicetur, dicitur, Christum venturum in gloria Patris sui. Mat. XVI. 27. Mar. VIII. 38. non quam, veluti alienam, a Patre, ad tempus mutuetur, sed quam, *διὰ τὸ ὁμοῦναι*, rapi-  
nam non ducens *τὸ εἶναι ἰσὺς Θεοῦ*, cum Patre communem habet. Unde vocatur *θεὸς αὐτὸς καὶ τὸ πατρὸς* Luc. IX. 26. Ita Patris, ut æquo jure sua sit. Divina autem gloria ista *μετὰ τὴν ἀποκατάστασιν* I. Pet. V. 1. in assumpta carne. Usurpabitur enim cunctorum oculis. Mat. XXVI. 64. *Videbitis Filium hominis sedentem ad dexteram potentiae & venientem in nubibus cæli.* Mat. XXIV. 30. *Omnes tribus terræ videbunt Filium hominis venientem in nubibus cæli cum potentia & gloria multa.*

XIV. II. In magnificentia vocis ac tubæ, quæ adventum ejus co- Cum tubæ  
Dei.  
mitabitur. 1. Thes. IV. 16. *Ipse Dominus descendet e cælo, in caligine, cum HORTATIONIS CLAMORE*, quo iubebit & faciet vivos attendere seque ad iudicium accingere. CUM VOCE ARCHANGELI, id est, ea iussionis fixæ efficacitate qua se demonstrat principem Angelorum esse, eosque convocatos secum adducat. Unum enim solummodo Archangelum Scriptura tradit; qui Christus est, *πρῶτος τῶν ἁγγέλων* Angelus Dominus. Mal. III. 1. *Caput omnis imperii ac potestatis.* Col. II. 10. *Per quem & Angeli conditi sunt.* Col. I. 16. & de quo dictum est, *adorent eum omnes Angeli Dei.* Heb. I. 6. cui denique ipsi Angeli & potestates ac virtutes subiectæ sunt. 1. Pet. III. 22. CUM TUBA DEI, qua ut Deus excitet mortuos. Joh. V. 28.

XV. Alibi quoque huius TUBÆ mentio est. Mat. XXIV. 31. 1. Cor. XV. 51. Per quam quid intelligendum sit, non uno modo explicant secretioris sapientiæ consulti. Sunt qui proprie eam interpretantur, his

his inducti rationibus. I. Quia sine necessitate non est recedendum a litera. II. Quia in promulgatione legis clangor tubæ vehementer strepentis auditus fuit. Exod. xix. 16. Quidni idem futurum esse credamus in judicio secundum istam legem ferendo? III. Quia in Hierichuntis excidio vox tubæ Divino jussu insonuit. Jos. vi. 5. Unde inferitur ut probabile, idem quoque futurum quando Hiericho hujus mundi corruet. Alii metaphoram subesse malunt: quam tamen exponunt diversimode. Nonnulli de tonitruis, qualia Deo publice loquente adhibita sunt. Exod. xix. 16. Joh. xii. 29. Alii de articulata voce, ab Angelis in aëre formanda, qualis illa Mat. xxv. 29. *Ecce Sponsus venit, excite in occursum ejus.* Nobis simplicissimum, & scripturæ stilo convenientissimum videtur, uti intelligamus de efficacissimo, omniaque pervadente, & virtutem suam in omnibus ostendente, Christi imperio. Nam patefactio virtutum Dei in judiciis, ad quam cum stupore homines cogantur attendere, per clangorem tubæ in Apocalypsi designatur. Ille autem jussus Christi tubæ comparatur. I. Quia uti sonorus admodum tubæ vehementiori spiritu inflatæ clangor est, ita imperium hoc Christi vim suam longe lateque exferet; non per omnem modo terrarum orbem, sed & ad defunctorum receptacula, & inaccessas inferorum specus penetrans: unde & *ἐλάλει φωνῆς μεγάλης* dicitur. II. Quia tuba convocari solebat Israëlita panegyris. Num. x. 1. 2. Tunc autem convocabuntur omnes incolæ terræ. III. Tuba etiam festi dies indicabantur. Lev. xxiii. 24. Num. xix. 1. Cæterum hic dies totæ Ecclesiæ erit festivissimus.

**XVI. III. In frequenti Angelorum stipata.** Ita enim prophetavit septimus ab Adamo Enochus, dicens, *Ecce venit Dominus cum sanctis millibus suis.* Jud. verſ. 14. Et Paulus narrat revelationem Domini Jesu de cælo cum Angelis suis potentibus. 2. Theſſ. i. 7. Quorum illustris comitatus quin ad gloriam Domini, tot cœlestis aulæ satellitibus cincti, plurimum facturus sit, eccui potest esse dubium? Certe ita nos arbitrari ipse Dominus jussit. Mat. xxv. 31. *Quum venerit Filius hominis cum gloria sua, & omnes sancti Angeli cum eo, tunc sedebit in throno gloria sua.* Et Luc. ix. 26. *Filius hominis veniet cum gloria sua & Patris, sanctorumque angelorum.*

**XVII. Sed præter hoc alia tunc Christo ministeria præstabunt.** I. In judicandorum congregatione. Mat. xxiv. 31. *Mittet angelos suos & co-gent electos ejus a quatuor ventis, a calorum extremo ad eorum extremum.* Hinc junguntur adventus Domini nostri Jesu Christi, & nostri ad eum aggregatio. 2. Th. ii. 1. angelorum videlicet ministerio patranda. Mat. xiii. 27. II. In congregatorum separatione, Mat. xiii. 49. *Ita erit in consummatione sæculi, prodibunt angeli, & segregabunt malos e medio justorum.* III. In impiorum ad locum supplicii detractione. Mat. xiii. 41. 42. *Mittet*

*Filius*

Et numero-  
so Angelo-  
rum comita-  
tu.  
  
Qui sua  
Christo  
præstabunt  
ministeria.



*Filius hominis angelos suos, qui colligent ex ipsius regno omnia offendicula, & eos qui dant operam transgressionis legis; projicientque eos in fornacem ignis.* IV. In piorum ad coelum subvectione. I Thes. IV. 17. *Rapiemur cum iis in nubes, in occursum Domini in aëra, & ita semper cum Domino erimus.* Quem raptum piorum tam judicandorum, versus Christi gratiosum tribunal, quam judicatorum, in coelum, Angelorum factum iri opera, exinde colligimus, quod iidem Angeli piorum animas, a corporibus morte sejunctas, in coelum deferunt. Luc. XVI. 22. Quid ni consimile officium præstare credamus integris eorum personis.

XVIII. Quæsitum dignum est, num sancti quoque homines Christi in hoc judicio futuri sint adseffores? Ita quidem multi opinantur, propter illud Pauli dictum I Cor. VI. 2. 3. *An ignoratis sanctos mundum judicatu-  
dicaturos? An ignoratis fore ut Angelos judicemus?* Sed dubitare liceat, an illatio ea fatis sit solida. Nolim profecto eos exagitare, qui dicunt sanctos mundum judicatu-  
ros esse locutione quadam impropria, quatenus id facient in Christo capite suo, cui adunati sunt per spiritum & fidem, & cujus gloria, quantum ejus fieri potest, cum membris communicatur. Confer Eph. II. 6. Ap. II. 26. 27. II. Sententiæ Christi approbatione Ap. XIX. 1. 2. III. Virtutum suarum exemplo, quo pato & minus mali peiores condemnaturi sunt. Mat. XII. 41. 42. IV. Sui justificatione. Nam piorum absolutio impiorum erit condemnatio. Confer Heb. XI. 7. Attamen scriptura pios potius ut judicandos a Christo, quam ut illius in hoc judicio adseffores, aut subordinatos judices describit. Frequenter quidem promittitur ut cum Christo regnet, nuppiam ut cum eo in die judicii judicent.

*Sancti homines proprie loquendo non erunt Adseffores Christi in hoc judicio:*

XIX. Nam Pauli locum necesse non est ut de novissima die, aut futuro seculo interpretemur. *Sancti judicaverunt mundum*, quando Christiani facti sunt Magistratus & judices, tempore Constantini Magni, & deinceps. Id quum sanctos, Apostolo hæc scribente, maneret, indignum iis erat super rebus minutulis coram infidelibus litigare. Poteratque Apostolus de futuro hoc sanctorum judicio, uti de re nota loqui: quum Daniel olim vaticinatus sit, fore ut post deleta quatuor imperia, quæ gravi ecclesiam mundumque tyrannide presserunt, *judicium confideat, & dominatus* ultimo Regum ablatum, una cum amplitudine regnorum quæ sub toto coelo sunt, *populo sanctorum excelsorum detur.* Dan. VII. 26. 27. Quod quo tempore impletum, implendumve sit, nunc definire nihil attinet: id suffecerit observasse, tempus designari quo sancti sub Christo Rege ac præside, in hoc seculo, sub coelo, judicent, amplumque dominatum habeant. Et credibile est ad hoc Danielis vaticinium Apostolum, dum hæc scribebat, respexisse. Sed & *Angelos judicant Sancti*: I. Quando demonstrant, eos quibus gentes hætenus servierant,

non esse Deos, neque bonos genios, sed spiritus nequam, sive malos dæmonas. II. Quando verbo & sanguine suo eos vincunt, & vim eorum coërcent. Ap. XII. 10. 11. III. Quando orationibus suis eos corporibus obsessorum ejiciunt. Marc. XVI. 14. Quod diu etiam post Apostolorum tempora in Ecclesia viguisse, alibi docuimus.

Nequidem  
Apostoli.

XX. Sed an non Apostolis saltem hæc attribuenda dignitas est, ut Christi in novissimo judicio adseffores sint? quum ipse Dominus dicat: Mat. XIX. 28 *In regeneratione, quum sederit Filius hominis in throno gloria sua, sedebitis vos etiam in thronis duodecim judicantes duodecim tribus Israël.* Verum ne hic quidem de universali judicio sermo esse videtur, quoniam solarum mentio est tribuum Israël. Et jam inde a sui in cælum ascensione, confedit Dominus in throno gloriæ, ad dexteram Patris. Tempusque occupati regni, & effusi Spiritus merito *παλιγγενεσία* dicitur: initium quippe seculi novi, *quo novum cælum, novaque terra creata*, Jes. LXV. 17. & *nova facta sunt omnia.* 2 Cor. V. 17. Neque necesse est judicandi vocem in strictissimæ significationis proprietate sumere: sæpe enim tantum valet quantum *præesse*, *μεταληπτικῶς*, quia plerumque præsides juri dicundo vacant. unde *מדינר* Hebræis *præfectura* dicitur: ut erudite observavit Grotius. Sensus ergo est: proximum mihi Regi honorem occupabitis. Sumta translatione a veteri statu regni Israëliti, in quo *οἱ Φυλάρχαι* proxime ad regiam Majestatem accedebant, & in publicis coetibus juxta ejus solium sedebant in sellis curulibus: ita tamen ut Principibus Judæ & Josephi *ἐν πρώτῃ* obtingerent. Quo credibile est Zebedæi uxorem respexisse, quum ea filiis suis deposceret. Confer Luc. XXII. 29. Ubi & alterum additur, adseffuros ipsos mensæ regię, quod esse solebat maximorum procerum. Describitur ergo improprio sermone Apostolorum præ cæteris omnibus Israëlitis dignitas, tam in regno gratiæ quam gloriæ. Conf. Ap. IV. 4. Vide sis *Molin. Vat. Lib. II. Cap. V. & Hammond. Dissertat. III. quæ est de omnibus Evangelii periocis. Cap. II.* Ubi multa erudita in hunc sensum. Si tamen judicandi proprietatem urgere velis, non abnuerim connotari validum Apostolorum ministerium ad plenam convictionem infidelium ac refractoriorum. Nam sicuti secundum Apostolorum doctrinam, Christi nomine prædicatam, judicium latum est in rebellem Judæorum gentem, quod hic significari videtur: ita secundum idem Evangelium omnes judicabuntur die novissimo. Conf. Joh. XII. 48. Rom. II. 16.

Boni Angeli  
an Judican-  
di sint, non  
est. Ubi & personæ  
attendenda sunt,  
liquet: de  
malis con-  
stat.

XXI. Ad alterum nunc transeamus caput, quod de JUDICANDIS est. Ubi & personæ attendenda sunt, & opera. Personæ sunt creaturæ rationales, *Angeli*, & *Homines*. Angelorum quum *boni* alii, alii *ma- li* sint; de illis quæritur, num & judicandi sint novissimo die? Quod quidem ego non ausum affirmare I. Scriptura id nusquam docet.

II. Describuntur passim ut Christi judicis comites atque satellites. III. Jam judicati sunt, & confirmati in statu consummatæ beatitudinis, qui ipsorum respectu non videtur capax incrementi: nisi quatenus gloriam Dei illustrius emicantem conspiciant in operibus gloriæ, quam hactenus factum est in operibus naturæ vel gratiæ.

XXII. De angelis *malis*, constat ex 2 Pet. II. 4. & Jud. vers. 6. Nunc quidem propter rebellionem suam cœlo deturbati, ac tartaro velut carcere inclusi, *vinculis æternis tenebrarum constricti asservantur*. Quibus *vinculis*, præter virtutem irati Dei, qua constricti tenentur ne evadere supplicium ejus queant, commode intelligitur miserabilis quæ incumbit illis male agendi necessitas, ex vehementi amore mendacii atque injustitiæ, & ineluctabili odio Dei atque hominum: quibus accedit perpetuus conscientiæ ad flagellum Dei trepidantis horror. Jac. II. 19. Ea *vincula æterna* dicuntur, quia ubi sint semper eos & ubique misere urgent, durabuntque ad novissimum judicii diem, non tollenda tunc, sed aggravanda. Additur epithetum *tenebrarum*: quia nulla lucis, vel honestæ, vel jucundæ, scintilla iis inest. Cæterum quum sceleribus necdum suis modum terminumve ponant, citabuntur olim ad tremendum severissimi judicis tribunal: & post latam justissimæ poenæ sententiam, semper inclusi orco, ex quo nunc singulari Dei dispensatione ad tempus emittuntur; privatique infana illa voluptate, quam ex noxa piis illata & perturbatione rerum Dei quasi percipiunt, incredibilem iræ Divinæ atrocitatem, sine remissione, æternum experientur atque persentiscent. Id sibi impendere non ignorant. Hinc querela ista: Mat. VIII. 29. *Quid nobis tecum, Jesu, Fili Dei vivi? venisti huc vexatum nos ante constitutum tempus*. Adde Ap. xx. 10. *Et Diabolus qui seducebat eos coniectus est in stagnum ignis & sulphuris, ubi & bestia illa & pseudo-propheta, & torquebuntur die ac nocte in secula seculorum*.

XXIII. Præter Angelos judicandi sunt *homines*, & quidem *omnes*. *Homines omnes judicabuntur*: Quod patet. I. Ex nota universalitatis. Jud. vers. 14. Rom. XIV. 10. II. 12. 2 Cor. v. 10. II. Ex collectivi nominis usurpatione: *totius orbis*. Gen. XVII. 25. Act. XVII. 31. III. Ex singulorum distributione. Judicabit Deus *pium & impium*. Eccl. III. 17. *Magnos & pusillos*. Ap. xx. 12. *Vivos & mortuos*. Act. x. 42. 2 Tim. IV. 1.

XXIV. Ea super quibus judicabitur, sunt *omnes in universum omnium actiones*. *Super omnibus actionibus suis*. Eccl. XII. 14. FACTA. Rom. II. 6. 2 Cor. v. 10. Ap. xx. 12. 13. DICTA. Mat. XII. 37. tam *inania*, vers. 36. id est bonæ frugis expertia, quæ neque ad Dei gloriam neque ad proximi faciunt ædificationem: quam *dura*. Jud. vers. 15. id est arrogantia ac sæva: 1 Sam. II. 3. sive adversus Deum, de quibus Dan. VII. 25. XI. 36. sive adversus proximum. Ps. XII. 3. 4. 5. COGITATA. Eccl. XII. 14. Rom. II. 16. 1 Cor. IV. 5.

Num peccata  
piorum  
in iudicio  
etiam publi-  
canda sint.

XXV. Lubet hic nonnullis sciscitari, an peccata piorum & salvandorum æque ac impiorum in iudicio publicanda sint. Sed profecto quæri id facilius a nobis, quam decidi potest. Non desunt in utramque partem probabilia argumenta, Pro agente hæ rationes stant. I. Generalia sunt quæ modo protulimus Scripturæ effata de omnibus omnium operibus. II. Iustitia iudicis exigere videtur, ut omnia causæ momenta expendantur; non minus ea quæ contra eos, quam quæ pro iis sunt. III. Piorum peccata in sacrorum librorum monumentis æternitati transcripta sunt: quid ni eadem in novissimo rememorentur iudicio? IV. Præsertim quum eorum manifestatio in maiorem Divinæ clementiæ ac meritum Christi laudem cedat: quorum effectum est virtute, ut tot tantorumque criminum labe impurati non modo recipiantur in gratiam, sed & consortes constituentur regni. V. Neque id dedecori piis est, qui Divinæ misericordiæ salutem suam lubentes debent, nihilque sibi gloriosum autumant, quod a Divina est se junctum gloria, in qua omnis eorum *φλοισμία* prorsus absorbetur. - VI. Denique uti hæc sententia pietatis studium acuit, & a peccando absterret; ita altera illa securitati fomentum oblique saltem suppeditare videtur.

XXVI. Verum tamen nec negans pars suis destituta argumentis est. I. Pro ea facit descriptio processus judicialis quæ exstat Mat. xxv. ubi non malorum operum, sed solummodo bonorum, a piis patratorum, memoratio est. II. Promissio Dei, quod *nolit recordari peccatorum nostrorum amplius*: Jes. xliii. 25. Jer. xxxi. 34. *sed projecturus ea post tergum suum*; Jes. xxxviii. 17. & *mersurus profundo maris sit*. Mich. vii. 19. Quæ vero a conspectu suo removet, qui id sibi placere potis est, ut ea in conspectum producat angelorum atque hominum, amicorum & hostium? Aut qua specie quæ omnibus oceani undis oblecta olim voluit, nunc iisdem eruta in celebratissima universi totius panegyri quibusvis patere iubebit? III. Officium Christi. Ipse est *ἀντίγραφος*. Rom. iiii. 25. Id Hebraice dicitur כַּפֹּרֶת, *opertorium*. Ergo non propalabit suorum peccata. - *Advocatus*. I Joh. ii. 1. qui clientium crimina non detegit. *Amicus suorum*. *Charitatis autem est operire delicta*. Pro. x. 12. IV. Norma iudicii non erit Lex, peccata detegens; sed Evangelium, ea tegens. V. Concipi vix potest quomodo ea peccatorum propalatio non sit incussura fidelibus pudorem; & quo pacto conveniat cum gloriosa illa Ecclesiæ conditione, qua *Deo sistetur sancta & inculpata, sine macula, aut ruga, ullave simili deformitate*. Eph. v. 27.

XXVII. Haut inscite hæc, & speciose utrimque dicuntur: quum tamen non desit quod singulis rationibus obtendi queat, modestius tutiusque est quæsitæ hujus determinationem in eum reservare diem qui docebit omnia.

**XXVIII.** Ad SENTENTIAM, de qua tertio loco nobis dicendum erat, tria pertinent. I. *Causæ cognitio.* II. *Sententiæ pronuntiatio.* III. *Executio.* Causæ cognitionem, non operosam, attamen exam-

**XXIX.** *Causæ cognitio* non erit operosa. I. Propter Judicis omniscientiam. Mal. III. 5. Joh. II. 25. Heb. IV. 13. II. Propter conscientiæ lumen, quod nihil homini occultum esse patietur. Hoc modo Dominus illustratus est res tenebris occultas, & manifesta faciet consilia cordium. I. Cor. IV. 5.

**XXX.** *Sententiæ pronuntiatio* duplex est: *Absolutoria & Condemnatoria.* Illa narratur ut præcessura. I. Ut pateat, judicem ad condonandum quam condemnandum proniorem esse. II. Ad majus Electorum gaudium, qui jam absoluti securius & lætius reliqua spectabunt. III. Ad acriorem impiorum dolorem. In utraque sententia erit tam commemoratio operum, siue bonorum, siue malorum: quam assignatio præmii vel pænæ. Exci-  
piet  
sententiæ  
pronuncia-  
tio.

**XXXI.** Sententia *absolvens* tota erit gratiosa, juxta Evangelium stricte dictum. 2. Tim. I. 18. *Det ei Dominus ut inveniat misericordiam apud Dominum die illo.* Quod patet. I. Ex consideratione operum, quæ licet multis maculis turpata tam magnificis tamen verbis a judice laudabuntur ut ipsi id sancti non sine admiratione audituri sint; tanti ea a Deo fieri animum advertentes, quæ sibi tantilla videbantur. II. Ex consideratione præmii, quod non in ulla vel operum vel personarum dignitate fundatur, sed in Electione, Amore Patris, Adoptione: quæ omnia gratuita sunt. III. Ex consideratione *gratiæ* quas bona fidelium opera ad præmium habent. Quippe quæ memorabuntur, I. Ut documenta fidei & unionis fidelium cum Christo, & adoptionis, & amicitiae cum Deo, & sanctificationis illius sine qua nemo Deum videbit. II. Ut indicia enixi istius studii, quo posthabitis hujus sæculi commodis, & spretis voluptatibus carnis, quæsi verunt regnum Dei & justitiam ejus: quam quæstionem Deo dignam frustrari dignum Deo non est. III. Uti effecta Divinæ gratiæ, quibus sapientissima proportionem respondebit communicatio Divinæ gloriæ, quando sua ipse dona coronatum veniet.

**XXXII.** Sententia *condemnatoria* pronuntiabitur secundum legis æquoditionem. Rom. II. 12. *Quicumque etiam sine lege peccaverunt, sine lege quoque peribunt: & quicumque in lege peccaverunt, per legem dampnabuntur.*

**XXXIII.** Non immerito quæritur, cur nullorum hic operum meritum fiat præter illa misericordiæ erga Christum, quum nec illorum patratio videatur posse imputari, nec illorum defectus exprobrari, multis hominum millibus qui nihil unquam de Christo audiverunt, aut occasionem habuerunt Christo in membris suis benefaciendi. Tanti hæc difficultas nonnullis qua Veterum qua Novorum visa est, ut in animum

induxerint negare, quod hic Christi sermo delineationem universalis iudicii contineat. Nobis ita videtur: universale iudicium hic describi diserta commatis 32. verba evincunt. *Et cogentur coram eo omnes gentes.* Adde, Scripturam non nisi unius iudicii in ultimo Christi adventu peragendi mentionem facere. Id autem prorsus universale fore, invicte nuper probavimus. Nuspiam docetur, aliud tribunal erectum iri iis quibus Evangelium prædicatum est, aliud iis quibus non est prædicatum. Eodem die revelationis iusti iudicii Dei reddetur unicuique secundum opera sua: tam iis qui sine lege peccaverunt, quam qui in lege. Rom. 11. 5. 6. 12. Non tamen quicquid ad universale iudicium pertinet, ex hoc uno Christi sermone disci potest. Contendenda alia scripturæ testimonia sunt; ex quibus demum simul sumtis id omne conficitur quod de hac re nos condocesfacere Spiritus Dei voluit. Quæ hic a Christo memorantur, exempli duntaxat gratia allegari credibile est. Quis enim existimet, nihil in hoc iudicio expendendum esse, etiam circa eos quibus prædicatum est Evangelium, præter illos charitatis effectus vel defectus circa afflictos pios? Quod autem talia potissimum Christus allegaverit, id ex catechesi veterum Hebræorum esse videtur: cujus rudera exstant in Paraphrasi Chaldaica Ecclesiasticæ ad cap. ix. vers. 7. אמר שלמה ברוח נבואה קדם " עתיד מרי עלמה למימר לכל צדיקה כאנפי נפשיה אול טעם בחדוה לחסך דאתותב לך על לחסך די קבתא לעניא ולחשיכא דהו כפן ושתי בלב טב חמרה ראצטנע לך בנן ערן חלף חמרך דמונתא לעניא דהוי צחי: Dixit Salomo in Spiritu prophetia a conspectu Domini: Futurum est ut Dominus mandis dicat singulis iustus in facie uniuscuiusque: Vade, gusta in letitia panem tuum, qui repositus est tibi propter panem tuum quem dedisti pauperi & humili qui erat esuriens, & bibe corde jucundo vinum quod repositum est tibi in paradiso, pro vino tuo quod miscuisti pauperi & humili qui fuit sitiens. Amavit autem Dominus Jesus in concionibus suis eas adhibere formulas quas pridem ex sapientum suorum ore pietatis sectatores audiverant: ut proluxa exemplorum inductione a viris eruditissimis comprobatum est.

Hanc executionem.

XXXIV. Pronunciationem sententiæ mox excipiet *Executio*. Mat. xxv. 46. *Et abibunt isti ad supplicium æternum: iusti vero ad vitam æternam.* Si verborum Christi ordinem sequamur, ab impiis executio incipiet; sententiæ pronuntiatio a piis: quorum uti hoc ad maiorem impiorum terrorem, ita illud ad majus piorum gaudium facit. Ps. LVIII. 11. *Lætabitur iustus quum videbit ultionem.* Utrisque attribuitur *æternitas*, vel *supplicii*, vel *vita* quæ vere vita est. Supplicium non *damni* solum erit, sed & *sensus*: abibunt enim in ignem æternum qui paratus est Diabolo & Angelis ejus. Mat. xxv. 41. conf. Ap. xix. 11. xx. 10. Vita consistet in consummatissima Dei cognitione, amore, fruitione, & gaudio inde orto. Utrumque futu-

fatutum est æternum : alterum sine spe intermissionis aut remissionis ; alterum sine metu amissionis.

XXXV. *Circumstantiæ sunt Loci ac Temporis.* LOCUS communiter designatur per *aërem & nubes*. I. Thes. iv. 16. 17. Mat. xxiv. 30. Cur ibi ? I. Ut locus ille, omnium conspectui expositus, amplissimum magnificentiæ Divinæ Amphitheatrum sit. Ap. i. 7. *Ecce venit cum nubibus, & videbit eum omnis oculus.* II. Nubes non semel proponuntur ut regalis Thronus, & *Curru* Dei quo vehitur, Ps. civ. 3. Christus ergo in nubibus veniens eo ipso se Dominum gloriæ esse comprobabit, Mat. xxvi. 65. *cujus gloriæ prælium fuit in transfiguratione Christi, quando nubes lucida obumbravit ipsum.* Mat. xvii. 5. III. Filius Dei *legem promulgans in nube venit.* Exod. xix. 9. Quid ergo convenientius, quam ut secundum legem istam *sententiam* pronuntiaturus, iterum in *nube* veniat?

Quæ de valle Josaphati a nonnullis huc trahuntur parum solida sunt.

XXXVI. Non contenta communi hac loci designatione ulterius inquirat humanana curiositas, in quo tractu terræ omnium hominum ad ultimum judicium congregatio futura sit ? Et definire audeat *vallem Josaphati*, cui mons olivæ immineat, unde Dominus in cælum ascendit. Quæ Pontificii, aliquantulum interpolata a Judæis mutuati sunt. Fundamentum hujus opinionis est Joëlis vaticinium Cap. iii. 2. *Congregabo etiam omnes gentes, & deducam eas in corvallem Josaphati, ut disceptem cum eis ibi.* Iterumque commate 12. *Excitabuntur & ascendent gentes ista in corvallem Josaphati: nam ibi sedebo ad judicandum omnes istas gentes undique.* Cui Christophorus a Castro addit Act. i. 11. *Hic Jesus qui sursum receptus est a vobis in cælum, ita veniet quemadmodum spectastis ipsum ascendentem in cælum.* Cornelius vero a Lapide adjungit etiam rationem, quod justum sit ut Christus ibi gloriæ suæ majestatem ostendat, ubi summam ignominiam sustinuit; ibique judicet, ubi judicatus est.

XXXVII. Cæterum nihil horum non *avæ* est. Nam, ut a Cornelii ordinaratiocinatione; etiamsi Divinæ processum Sapientiæ, ita omnia ordinantis ut primis extrema convenient, attendere nostri sit officii, quando suum nobis consilium revelavit: a modestia tamen nostra perquam est alienum, ut ipsi nobis nescio quas convenientias fingamus secundum quas agendum Deo sit. Nisi ergo prius de Dei voluntate constet, temere id genus ratiunculas conquirimus. Nihil autem de voluntate Dei quod hanc rem attinet ex allegatis testimoniis concludi potest. Certe Act. i. 11. non agitur de *reçu*, sed de *reçu* adventus Christi.

XXXVIII. Et quæ ex Joëlis tertio capite inferuntur, meræ harrillationes sunt. I. Incertum est an vallis Josaphat sit nomen proprium, an appellativum; imo posterius & rei ipsi, & phrasi prophetiarum ænigmatica, magis videtur esse consentaneum. II. Si detur esse nomen proprium, incertum remanet, quis terrarum tractus ita nuncupatus sit. Multi existimant illam vallem designari in qua Josaphati hostes perierunt, ipse-

ipleque Dominum laudavit, & ubi dixerat, *Deus noster, an non iudicium exerciturus esses in illos?* 2. Chr. xx. 12. Verum ea vallis *Benedictionis* quidem dicitur vers. 26. nusquam, sive in scriptura, sive a Corographis, *Josaphati*. Et certum est, eam procul satis ab Hierosolymis sitam esse. Quippe propinquam isti loco ubi clades hostium contigit, quorum congregatio erat in Hazezon Thamar, quæ est Engedi. vers. 2. quo profecti sunt Israëlita per desertum Thekoa, vers. 20. quod, Hieronymo teste 12. milliaribus Hierosolymis distat: uti post partam victoriam & peractas gratias iter ingressi sunt ut redirent Hierosolymam, vers. 27. Fieri itaque non potest ut credamus eam vallem adjacere Oliveto. Alii ergo suspicantur denotari locum Hierosolymam inter & montem olivarum: qui *Josaphati* diceretur, vel a *sepulchro Josaphati* in eo sito, vel a *fabricis* quibusdam *Josaphati*, puta arcum triumphalem in victoriae suæ memoriam ibi erectum. Sed eorum hoc, incertum omnique auctoritate destitutum; illud, prorsus falsum est. Sepultus enim est Josaphatus in civitate Davidis. 1. Chr. xxi. 1. non extra Hierosolymam, in valle aliqua. Cornelii autem a Lapide error Tartessia muræna grandior est, quam vallem *Josaphat* vult esse vallem *Cedron*, & simul in ea ponit *Gebennam*, sive vallem filiorum Hinnom. Nam vallis *Cedron* fuit ad orientem Hierosolymæ inter templum & olivetum, uti constat. At vallis filiorum Hinnom erat ad meridiem. Jos. xv. 8. III. Ubi & qualiscunque sit vallis ita dicta, non potest sufficere tot millenis hominum myriadibus quot sistendi sunt iudicio. Nam quod Cornelius ille noster hariolatur, vallem illam longissime protendi posse, vicinis complanatis: tum etiam reprobos solos in terra constipandos esse, sanctos non in terra, sed altius & iudici vicini in aëre, alios pro meritis supra alios, quasi in tabulato aërio excelsius confessuros, ea febricitantium insomnia, aut delirantium suaviludia sunt: non Evangelii oracula.

XXXIX. Sed quod caput rei est, non agitur apud Joëlem de ultimo iudicio. Quod, ut alia omittam, ex eo perspicuum est, quia post hoc iudicium, a versu 17. describitur status Ecclesiæ gloriosus in terra. Quid ergo? Continet hæc prophetia enarrationem illustris alicujus vindictæ Dei in hostes Ecclesiæ Testamenti Novi: non absimilis ei quæ contigit tempore Josaphati. Ad eam enim historiam alluditur: hac mente. Quemadmodum Moabita, Ammonita, & filii montis Seir expeditionem susceperunt adversus Judæam, Rege Josaphato, ac pervenerunt ad vallem benedictionis, ubi ad cantum Israëlitis veluti cestro quodam perciti mutuis vulneribus corruerunt, ita ut manifesto appareret Jehovah iudicem, ac vindicem populi sui esse, ita etiam Deum admirabili sua providentia res gubernaturum esse, ut gentes quæ Ecclesiæ vicinæ & non uno nomine ei quodammodo cognatæ sunt, consilium suscipiant contra



tra Ecclesiam ab earum communione segregatam, & ingrediantur terminum Ecclesiæ, eamque in tantas redigant angustias, ut quemadmodum Josaphatus consilii inops fuit ita etiam Ecclesia imparem sese tantæ multitudini hostium fateatur. Fore tamen ut Deus in illo consilio & conatu gentes eas opprimat, ac inter se committat, ut se mutuo oppugnent, & vires suas consumant; & hoc facto demonstraturum; se in lite ista, quam temere moverunt Ecclesiæ, iudicem esse, quam litem pro Ecclesia decidet, ut lætis ab ea canticis celebretur.

XL. De TEMPORE notandum. I. *Diem certum a Deo definitum* esse, Act. xvii. 31. Rom. ii. 5. eumque fore diem seculi novissimum, quo futura est mortuorum resurrectio, & consummatio omnium. I Cor. xv. 23. 24. 2 Pet. iii. 10. 12. II. *Eum esse hominibus incognitum, neque inquirendum.* Christus id prohibuit. Act. i. 7. Paulus non duxit necessarium de eo scribere. I Thes. v. 1. Ne angelis quidem celestibus de eo constat: nec ipsi Christo constitit, secundum humanam naturam, in statu humiliationis. Mat. xxiv. 36. Marc. xiii. 32. Noluit autem Deus eum nobis cognitum esse, ut in sancta perpetuo versareretur sollicitudine. Mat. xxiv. 42.

De Tempe-  
re que no-  
tanda.

XLII. III. *Ita quandoque Apostolos jam suo tempore de ultimo die locutos esse, quasi proxime instaret.* I Cor. x. 11. Philip. iv. 5. Jac. v. 8. 9. I Pet. iv. 5. I Joh. ii. 16. Imo est ubi Apostolus se his annumerare videtur, quos dies iste vivus deprehendet. I Cor. xv. 52. I Thes. iv. 14. Quod tamen non ita est intelligendum, uti *Grotius* commentatur, quasi existimaverint Apostoli tam prope novissimi iudicii diem esse, ut ipsis viventibus venturus sit. Nam præterquam quod id non conveniat cum sacrarum infallibilitate literarum, quas Apostoli non *τοχρημαίως* scripserunt ex sua conjectura, sed *παραφρησίαις* & acti a Spiritu Sancto; multa prædixerunt Apostoli quæ intra vitæ suæ spatium absolvi non posse sciiverunt, & de sua ipsi morte & quæ post eam eventura essent locuti sunt. Act. xx. 12. 2 Tim. iv. 6. 2 Pet. i. 14. Et expresse Paulus monuit, non tam prope esse diem Domini, neque in eam mentem interpretanda esse sua verba. 2 Thes. ii. 2. quamvis in suis locutionibus eorum quandoque personam in se suscipiat qui eo die victuri sunt; quibus quæ eventura sunt, ea *figura quadam transfert ad semet ipsum.* I Cor. iv. 6. Vide simile *κοινωνίας* exemplum I Pet. iv. 3. Quod autem de die Domini ut tam propinquo loquantur, id, si non aliquando exponi debeat de iudicio Dei in rebellem gentem Judaicam, idcirco fieri videtur, quia secundum Dei computationem, & si tempora nostra cum æternitate contendantur, mille anni sunt sicut unus dies. 2 Pet. iii. 8.

XLII. IV. *Christum notis quasdam temporum in Scriptura expressisse, & monuisse de insignibus quibusdam in Ecclesia mutationibus, quæ*

remotius vel propius ultimum ejus adventum antecessuræ sunt. Qualia sunt. I. Scena Antichristi structa, instructa, destructa. II. Israëlitiæ gentis salutaris restitutio. III. Gentium populorumque conversio, major fortassis atque illustrior, quam quæ visa est hactenus. IV. Totius Ecclesiæ sancta & gloriosa in terris conditio: & quæ id genus plura nunc per species persequi nobis non licet.

*Periculis hujus  
amici.*

XLIII. Ad PRAXIN veniamus. Et primo utilis est hujus articuli consideratio *ad excutiendam hominibus securitatem*, & ingenerandum animis horrorem, quo ad tam illustres ac terribiles diei memoriam contremiscentes tota mente ad Deum se convertant. Audite & expendite hæc qui *securi* hactenus criminibus vestris indormivistis, & cuticulam curantes profanos Israelitarum istorum mores æmulati estis, de quibus Amosi vi. Veniet, veniet olim ille dies quo risus vester cum ejulatu commutabitur. Jac. v. 1 — 5. Audite *profani irrisores*. 2 Pet. iii. 4. 10. Audite *homines carnales*, qui in longum hæc tempus rejicitis. 1 Thef. v. 3. Audite *injusti fidelium oppressores*. Mat. xxiv. 48. & seq. Audite *scelerati hypocritæ*. Rom. ii. 16. Audite *obtretractores fratrum*. Pl. l. 20. 21. Audite *injusti quæstores*. Luc. xvi. 2. Audite quotquot *inmorigeri* hactenus fuistis *Evangelio*. 2 Thef. i. 8. Heb. ii. 2. 3. Audite denique *omnes improbi*, quibus curæ non fuit vitam vestram ad amissum Divinæ voluntatis exigere: Veniet aliquando ille dies quo omnium factorum, dictorum, cogitatorum, rationem Deo reddere cogemini. Omniscius erit Judex, judicium severum, condemnatio terribilis, executio prompta. Horrescite igitur, pavete, contremiscite.

XLIV. Sed quam terribilis hæc judicii dies impiis est; tam *optata* votifque omnibus expetenda *est piis*. Hic aliquando innocentia oppressa languet sub calumnia improborum: sed ibi proferetur in lucem. Mich. vii. 9. 10. Videbunt ibi luxuriantes olim improbos, justo nunc traditos exitio, & delectabuntur judicii Domini. Pl. lxxviii. 8. 9. Ap. xvi. 5. 6. 7. Ipsi vero dies erit consummatæ felicitatis. Os accusantium ipsos obturabitur. Rom. viii. 33. 34. Judex Amicus ipsorum est, & Paracletus, & Sponsor; ipse pro iis condemnatus injuste, ne juste unquam condemnari possint. Sententia gratiosissima pariter & gloriosissima erit. VENITE, nullus timor, nulla vos criminum conscientia deterreat, accedite intrepide: BENEDICTI PATRIS, cara Deo soboles, mihi a Patre dati; a me redempti, multisque pridem beneficentiæ Divinæ muneribus aucti atque ornat. POSSIDETE REGNUM PARATUM VOBIS A JACTO MUNDI FUNDAMENTO. Ex humili illo servitutis statu ad libertatem gloriosam transite, & regni mei confortes non ejus solummodo fruimini bonis, sed & mecum in throno confidete, immarcescibilis gloriæ coronam redimite.

dimitti. Videat mundus quam solidum vobis præparaverim gaudium: videat, & intabescat eo destitutus. Plenum nunc & consummatum humanæ fortis bonum possidete, quod toties hostes vestri impetivere, & cuius expectatio in animis vestris tot olim dubitationum insultibus concussa fuit. Videte quam solícite id vobis servaverim, non obstante vestra quam infidelitate tum infirmitate. Nunc omnes abstergite lacrymas, omnis obliviscimini mœroris. INTRATE IN GAUDIUM DOMINI VESTRI, nulla iterum tristitiæ mistura taminandum. O dulcis sententia, quæ fide jam præcepta ineffabilem gignit lætitiã! 1 Pet. 1. 8.

XLV. Denique accuratum nobis hic dies ingenerare debet studium pietatis, & exactam attentionem ad omnes actiones nostras. 2 Pet. 1. 11. 10. 11. 12. Veniet sicut fur in nocte dies illa Domini: quo cali cum fridore præteribant, elemeata vero aestuantia solvantur, terraque & qua in ea sunt exurentur. Quam igitur hæc omnia dissolvenda sint, QUALES OPORTET ESSE VOS IN SANCTIS CONVERSATIONIBUS ET PIETATIS OFFICIIS! Expectantes & properantes adventum diei Dei. O si semper illud animo nostro obversaretur, omnium aliquando actuum nostrorum reddendam esse Deo rationem, quam anxie nobis caveremus à peccatis! quam diligenter id faceremus, quod factum vellemus novissime! quanto studio rationes nostras componeremus quotidie, ne imparatos nos dies ille offenderet! VIGILATE ITAQUE, QUIA NEQUE ILLUM DIEM, NEQUE ILLAM HORAM SCITIS, QUAM FILIUS HOMINIS VENIET. Mat. xxv. 13.

## EXERCITATIO XXIII.

DE

## SPIRITU SANCTO.

## BREVARIUM.

1. Cypriani pia ad Spiritum preces. 2. 3. Spiritus vox non una semper mente de Deo usurpatur. 4. Tertia persona electe Spiritus dicitur, non propter Essentiam simplicissimam, sed ob processionis modum. 5. 6. Sancti episthetum ad Oeconomiam pertinet. 7. Personalitas Spiritus Sancti adstruitur. 1. Ex proprietatibus. 8. II. Ex apparitionibus. 9. III. Et Operationibus. 10. IV. Quia personis pari loco & ordine iungitur. 11. Non obstat

obstat personalitati Spiritus, quod eo baptizemur. 12. Vel quod Virtus Dei vocetur, si modo ita vocetur. 13. Uti nec quod hominibus dari, aut ab illis accipi dicatur. 14. Nec per Spiritum S. designatur Doctrina Evangelii. 15. Spiritum Sanctum verum ac summum Deum esse probatur. 16. 17. 18. 19. 20. 21. I. Ex Divinis nominibus. 22. 23. 24. II. Ex Attributis 25. 26. 27. 28. III. Ex Operibus. 29. 30. 31. 32. 33. IV. Ex Honore & cultu. 34. Spiritus S. persona divina est, a Patre & Filio distincta. 35. Ad praxin hujus articuli facit, ut agnoscamus Spiritum S. nobis a Deo datum esse. 36. Qui uti nova in fidelibus vita auctor est. 37. Ita & Christo eos quam arctissime unit. 38. Omniumque bonorum ejus participes facit. 39. Ac suavissime consolatur. 40. Quia Spiritus gratia operationes a quibusvis aliis per insita sibi propria discernuntur. 41. Spiritus gratia nunquam proesum amittitur. 42. Nostra erga Spiritum S. officia.

Cyprianus  
plus ad spi-  
ritum pro-  
cedit.

**Q**uandoquidem SACER Dei SPIRITUS omnis humanae auctor est sapientiae: Job. xxxi. 8. inprimis mysticae illius ac salutaris, quae nos Christianos facit: 1 Cor. ii. 10. quippe cujus beneficio & scripturas habemus, 2 Pet. i. 21. ex quibus omnia cognoscimus; & adaperatos mentis oculos, quibus cognoscimus; Eph. i. 17. ipsum a nobis non rite cognosci, non pie agnoscere, plus quam nefas esset. Videri autem non potest, nisi suo lumine; nec cognosci agnoscere, nisi suo munere ac dono. Unde & dissertationem hanc nostram eadem ordiri prece juvat, qua sermonem suum de Spiritu Sancto Cyprianus, vel quisquis sermonis istius auctor est. *Adesto Sancte Spiritus, & paraclesin tuam expectantibus illabere colitis: sanctifica templum corporis nostri, & consecra in habitaculum tuum: desiderantes te animas tuae praesentia laetifica: dignam te habitatore domum compone: adorna thalamum tuum, & quietis tuae reclinatorium circumda varietatibus virtutum: sterno pavimenta pigmentis, nitescat mansio tua carbunculis flammis, & gemmarum splendoribus, & omnium charismatum intrinsecus spirant odoramenta: affatus balsami liquor fragrantia sua cubiculum tuum imbuat, & abigens inde quidquid tabidum est, quidquid corruptela seminarium, stabile & perpetuum hoc facias gaudium nostrum, & creationis tuae renovationem in decore immarcescibili solidas aeternam.*

Spiritus vox  
non una  
semper  
mente de  
Deo usurpa-  
tur.

II. Nonnulla hic praecognoscenda, alia distincte probanda sunt. Praecognita tria sunt. I. Quotaplici significata vox Spiritus in Divinis veniat. II. Cur tertia persona electe SPIRITUS dicatur. III. Cur ei nominatim elogium SANCTI attribuitur.

III. Spiritus quando de Deo dicitur, sumitur vel *verbaliter*, vel *incomparabiliter*, vel *personatim*. Quando de Deo praedicatur quoad essentiam omnibus personis communem: uti Joh. iv. 24. *Incomparabiliter*, quum uni alicui personae

persona attribuitur: idque vel *secunda*; Marc. 11. 8. 1 Cor. xv. 45. Rom. 1. 4. 1 Tim. 111. 16. 1 Pet. 111. 18. 19. vel *tertia*. Mat. xxviii. 19. 1 Joh. v. 7. *Metonymia*, quum effecta quedam aut *dona* notat: ut Joh. vii. 39. Ubi spiritus significat dona illa, de quorum effusione vaticinatus erat Joël, aliique Prophetæ. Ita enim Hebræi dicere solent, Spiritum Sanctum sub templo secundo non fuisse. Eodem retulerim dictum id discipulorum Johannis: Act. xix. 2. *ἅλλ' ἔδωκεν, ἡ πνεῦμα ἁγίου ἵνα, ἡκούσαντες.*

IV. Quando *tertia* persona electe SPIRITUS vocatur, non fit id ob eam rationem quæ illi cum Patre & Filio communis est, nimirum propter *essentiam simplicissimam*, cogitantem, omnique imperfectionis corporeæ expertem: sed I. Propter *processionis suæ modum*. Nam *πνῆμα*, *Spiritus*, proprie *statum* significat. Gen. viii. 1. Joh. 111. 8. *ἐκείνου* autem Spiritus Sancti, quæ indicibilis & incomprehensibilis nobis est, expirationi alicui comparatur. Ps. xxxiii. 6. *Spiritus oris Dei*. Job. xxxiii. 4. *afflatus omnipotentis*. Confer Jes. xi. 4. 2 Thef. 11. 8. Cui rei respondet symbolum a Christo usurpatum, Joh. xx. 22. II. Propter *operationes suas*: tales enim ei adscribuntur, quæ statui & spiritui sunt propriæ, movere, vivificare, focillare. Joh. 111. 8. Act. 11. 2. ac facere ut & nos spiritus simus. Joh. 111. 6.

*Tertia persona electe Spiritus dicitur, non propter Essentiam simplicissimam, sed ob processionis modum.*

V. SANCTI *ἐκείνου* ei nominatim additur, non cum exclusione Patris aut Filii. Nam & Patri tribuitur; Joh. xvii. 11. & Filio. Luc. 1. 35. Act. 14. 27. Non etiam *quodam unice*, quasi hæc persona aliis sanctior sit. Nam omnibus ex æquo adscribitur. Jes. vi. 3. Et Divina Sanctitas, quum infinita sit, comparationis gradus non admittit. Sed quia secundum operationum Divinarum oeconomiam *Sanctificatio* fidelium ei attribui solet. 1 Cor. vi. 11. 2 Thef. 11. 13. Sed nec illud ita accipiendum, quasi non & Pater & Filius nos sanctificent. Nam sanctificatio, Dei opus est communiter. Exod. xxxi. 13. Ezech. xx. 12. xxxvii. 28. & speciatim Patris: Joh. xvii. 17. col. cum vers. 11. ac Filii. 1 Cor. 1. 30. Sed hæc est dispensatio operationum Dei, ut quamvis ejusdem voluntatis communi consilio, ejusdemque potentie eadem efficacia peragantur, nonnulla tamen singulis personis speciali quadam appropriatione vindicentur. Spiritui autem sancto, qui Spiritus Filii, & *tertia* persona est, ea nominatim attribuuntur quæ consequuntur meritum Filii. In quibus regeneratio & sanctificatio nostra est.

*Sancti ἐκείνου ad oeconomiam pertinet.*

VI. His *præcognitis* tria de Spiritu Sancto distincte probanda sunt. Quod sit I. *Persona*. II. *Divina persona*. III. *Divina persona a Patre & Filio distincta*.

*Personas Spiritus Sancti adstruit. I. Ex proprietatibus.*

VII. PERSONAM esse Spiritum Sanctum probatur. I. Ex *proprietatibus personarum*: quæ sunt intellectus & voluntas. Intellectum Spiritui Sancto Paulus attribuit 1 Cor. 11. 10 11. *Spiritus omnia scrutatur, etiam profunditates*

*res Dei. Quæ sunt Dei nemo novit nisi Spiritus Dei.* Ad hominem hæc transferre Spiritu Dei præditum, putidum hæreticorum commentum est. Spiritus enim Dei ab hominibus eo præditis uti passim distinguitur; 1. Pet. 1. 11. 2. Pet. 1. 18. ita & hic. **NOBIS retexit ea Deus PER SPIRITUM SUUM.** Accedit quod Spiritus Dei ita se habere dicatur ad arcana Dei, ut Spiritus hominis ad hominis cogitata. Quæ autem est analogiæ concinnitas, si hominem aliquem eodem modo comparatum esse dicamus ad ea quæ sunt Dei, quo modo mens hominis comparata est ad ea quæ hominis sunt? Adde, tam penitam cognitionem profunditatum Dei augustiorem esse quam ut in mortalium aliquem cadat: quod suo loco mox probabimus. De *voluntate* Spiritus eadem ad Corinthios Epistola agitur. Cap. XII. 11. *Omnia hæc agit unus idemque ille Spiritus, distribuens privatim singulis sicut vult.* Notandum autem est, Spiritum hoc capite distingui, uti *donantem a donis*; v. 4. plane sicuti *Dominus* distinguitur a *ministeriis*; v. 5. & *Deus* omnia agens, a suis *operationibus*. v. 6. Adeo ut prorsus hic innuatur personarum Trinitas: nimirum Pater, qui absolute Deus dici solet, Filius, qui Dominus vocatur, 1. Cor. VII. 6. & Spiritus Sanctus.

II. Ex Ap-  
positioni-  
bus.

VIII. II. *Ex apparitionibus personalibus.* Mat. III. 16. *Vidit Spiritum Dei descendentem quasi columban, & venientem super ipsam,* Luc. III. 22. *Descendit Spiritus Sanctus corporea specie, tanquam columba supra eam.* Quod autem e coelo venit & corporea se specie induens conspiciendum præbet, quomodo persona non sit, quis concipiat? Personas spirituales, angelos nimirum, ita descendisse, ac mortali conspectos esse forma, frequenter in sacris legimus. At qualitatem aliquam spirituales descendisse, aut visibilem aliquam speciem suscepisse, nusquam deprehendimus. Nam quod ex Jac. 1. 17. inferunt de iis quæ substantiæ non sunt improprie quandoque dici quod de coelo descendant: eademque adumbrari posse externa quadam specie, quemadmodum factum est læta illa pentecoste, ubi facultas diversarum linguarum vigidique sermonis concessa Apostolis, adumbrata est specie diversarum ignitarumque linguarum; Act. 11. 3. id argumentationis nostræ vim neutiquam infringit. Non enim profecto negamus, Dei dona, quæ non semper substantiæ sunt, e coelo descendere; id unum urgemus, nihil unquam aliunde venisse corporea specie indutum, quod persona non sit. Dispertitæ linguæ Apostolis instar ignis insidentes, non proxime atque immediate notabant facultatem linguarum, sed personam Spiritus Sancti facultatis istius auctorem, qui *dabas iis effari*, uti exponitur v. 4.

III. Ex Ope-  
rationibus.

IX. III. *Ex operationibus personalibus,* Quales memorantur Act. VIII. 39. XIII. 3. Rom. VIII. 26. Et alibi passim. Nec est quod excipiant adver-

adversarii, per meram fictionem personæ Spiritui Sancto talia attribui, qualia alibi attribuuntur charitati. 1. Cor. XIII. aut peccato. Rom. VII. II. aut literæ legis. 2. Cor. III. 6. Nam præterquam quod nulla hic figuræ illius indicia sint, quæ manifesta sunt alibi; est ubi Deus quasi data opera cavit, ne talem nobis personæ fictionem, ubi de Spiritu Sancto sermo est, imaginari possemus: uti 1. Cor. XII. 9. ubi Paulus charismata quædam *spirituum* nomine designaverat, mox tamen V. II. ad unum *Spiritum* charismatum istorum distributorem, veluti ad veram personam, cuncta refert. Neque unquam, ut opinor, ostendent adversarii, tales operationes, quales locis a nobis allegatis memorantur, ut *vapere* aliquem, *dicere separate mihi quos ego vocavi ad opus*, *intercedere pro aliquo*, competere non personis.

XIV. Ex eo quia *personis pari loco atque ordine jungitur, nulla discriminis nota*. Ita Mat. XXVII. 19. Apostoli jubentur baptizare non minus in nomine Spiritus Sancti quam Patris & Filii. Quid autem est alicujus nomine aliquid facere nisi id facere illius auctoritate & jussu? Ea porro auctoritas hic proponitur ut æqualis, vel una potius trium eorum. Quemadmodum ergo Pater & Filius ea phrasi auctores baptismi esse designantur, ad eundem modum & Spiritus Sanctus. Qui si persona non esset, quomodo ad eum referri posset institutio baptismi? Excipiunt quidam Pneumatomachi, etiam eas res quæ personæ non sunt in eadem orationis periodo personis jungi: uti Act. XX. 32. Paulus Ecclesiam Deo commendat, & *verbo gratia ipsius*, quod est Evangelium. Conf. Act. XIV. 3. Addunt, etiam nomina non personarum jungi nomini personæ. Ap. III. 12. *Inscribam ei nomen Dei mei*, & *nomen civitatis Dei mei*. At respondemus nos: I. Nusquam dicitur aliquid fieri in nomine ejus rei quæ persona non est. II. Non quia *λόγος τοῦ χριστοῦ* alibi Evangelium significat, ideo necesse idem ea Phrasi significari Act. XX. 32. Nam pro circumstantiarum varietate, & diversâ rei exigentia, variant sæpe verborum significationes. Non displicet nobis *Francisci Gomari* observatio, per *sermonem gratia Dei Christum* hic intelligi: qui & *ὁ λόγος sermo* apud Johannem ex Catechesi veterum Hebræorum nuncupatur, & *λόγος τοῦ χριστοῦ*, *sermo gratia* ab effectu dici potest, quemadmodum 1 Joh. I. 1. *λόγος ζωῆς*: (quali etiam phrasi *Deum omnia gratia* Petrus dixit, 1 Pet. I. 10. & *Spiritum gratia* Paulus. Heb. X. 29.) & denique *sermo gratia Dei*, quia qua mediator favorem Dei nobis conciliavit & annuntiavit. Hæc ut de Christo ita interpretemur potius quam de Evangelio, suadet Apostolici sermonis concinnitas. Longe enim convenientius esse videtur Ecclesiam Christo commendari, quam Evangelio; quod commendari solet Ecclesiæ. 1 Tim. I. 18. 2 Tim. II. 2. Si tamen omnino de Evangelio exponere velis, impropria ista locutio hunc habet

IV. Quia personis pari loco & ordine jungitur.

bit sensum, ut fideles commendentur Deo; docturo & consolaturo eos per præconium gratiæ: atque ita Evangelium Deo sociabitur, uti causa instrumentalis principali. Cui in testimonio isto, ex quo nunc argumentamur, nihil est simile. III. Non urgemus, illud omne personam esse, cui nomen attribuitur, aut cuius nomen nomini personæ jungitur, sed id in cuius nomine aliquid fieri dicitur, & quidem eodem modo quo id fit in nomine eorum qui sine dubio personæ sunt.

Non obstat  
personalitati  
Spiritus,  
quod eo baptizemur:

XI. Instes fortasse, si persona id esse videatur in cuius nomen baptizamus, id quo baptizamus persona esse nequit: quemadmodum nec aqua qua baptizamus persona dici potest. Quum ergo Christi fideles *Spiritu Sancto baptizari* dicitur, Mat. III. II. Act. I. 5. I. Cor. XII. 13. parumne liquet, Spiritum Sanctum personam non esse? Respondeo: si ulla huic argumentationi sequela insit, eadem illatione conficies, quemadmodum vestis quæ nobis circumponitur, aut panis quo vescimur, persona non est; ita nec Christum, quem induere jubemur. Rom. XIII. 14. Gal. III. 27. & quo ceu pane vitæ alimur, Joh. VI. 41. personam esse. Baptizari Spiritu Sancto, quid aliud est, si propriis uti verbis malimus, quam gratia & donis Spiritus Sancti locupletari? Quid autem obstat quo minus is persona esse censeatur, cuius in nos gratia & dona conferuntur? Adde, ne nos quidem velle quotiescunque Spiritus Sancti vox in sacris occurrit, toties ea personam designari; quum haut illubentes fateamur, aliquando metonymice per eam significari dona Spiritus. Id ergo si & hic obtinere demus, quum Spiritu Sancto dicimur baptizari, qua specie inde concludes idem intelligi debere quum in ejus nomen baptizari dicimur? quandoquidem tanta est phraeos diversitas.

Vel quod  
virtus Dei  
vocetur, si  
modo ita  
vocetur:

XII. Opponent adversarii, Spiritum Sanctum passim in sacris literis *virtutem Dei* vocari: in quem finem proferunt Luc. I. 35. Luc. XXIV. 49. coll. cum Act. I. 4. 5. 8. Act. X. 48. unde inferunt, cum personam non esse. Cæterum ea illatio prorsus imbellis est. Nam & Simon Magus a suis dictus est, ὁ δυναμὶς Θεοῦ καὶ μεγαλῆς. Act. VIII. 10. & Christus, Dei δυναμὶς vocatur. I. Cor. I. 24. Hebræi vero vocem הגבורה, quæ potentiam significat, epithetis Dei annumerant. משה השׁיב משה לפני הגבורה. Quid respondis Moses coram potentia, id est Deo? scribitur in Cod. Sabbat. Videri de hac re possunt Elias in Tübi ad vocem גבר. Bextorf. in Lex. Talm. Ex hac consuetudine existimant nonnulli Evangelistam Marcum locutum esse. Mar. XIV. 62. Videbitis Filium hominis sedentem in dextera vis dñi, a dexteris potentia: quod Hebræi dicerent לפני הגבורה. Non potest igitur personalitati Spiritus Sancti ob stare; si quando virtus Dei vocatur. Sed nec hoc probant adversarii quod vocetur ita. Si enim recte rem putemus, videbimus omnibus locis allegatis



allegatis Spiritum Sanctum & potentiam distingui. Luc. i. 24. *Spiritus Sancto*, uti personæ Divinæ, adscribitur *virtus altissimi*, uti proprietates, per quam, & secundum quam operatur: quippe quæ est *ἡ δύναμις τοῦ πνεύματος*. Luc. iv. 14. Similiter Luc. xxiv. 49. *virtus ex alto* non notat. immediate Spiritum Sanctum, sed magnitudinem illam animi qua instruendi erant Apostoli, cujus originem Spiritum S. esse innuitur, dum dicitur ex alto venire. Huc nos ducit Act. i. 8. *ἀλλὰ ἀψευδὲς ὑμῖν ἐπαγγελίᾳ τὸ πνεῦμα κυρίου ἐστὶν ὑμῖν*, id est, virtutem quam nanciscemini a superveniente vobis Spiritu. Ad eundem modum Act. x. 38. innuitur primum causa, *Quem unxit Deus Spiritu Sancto*: tum effectus, & *virtute*.

XIII. Sed neque illud validius est, quod adversus Spiritus S. personalitatem ex eo arguantur, quod hominibus *dari*, vel ab iis *accipi* dicatur. Luc. xi. 13. Joh. xiv. 16. 17. Rom. v. 5. Ioh. xx. 22. Nam I. Deus ipse semetipsum nobis dat in *mercedem amplam valde*: Gen. xv. 1. & *portio* sive *peculium* fidelium est. Thre. i. 24. Ier. x. 16. II. Christus etiam a Deo *datus*, Ies. ix. 6. Ioh. i. 16. a fidelibus *acceptus* dicitur. Ioh. i. 12. Col. ii. 6. atque ita quidem ut in *cordibus ipsorum habitet*. Eph. iii. 17. prorsus ut de Spiritu Sancto. III. In iisdem etiam locis ubi Spiritus Sanctus donum dicitur, aliquando uti persona describitur, & ab effectibus suis distinguitur. Ut Rom. v. 5. *Charitas Dei effusa est in cordibus nostris per Spiritum Sanctum qui datus est nobis*. Cujus pericopæ hæc est *mens*: Spiritus S. datus est nobis, ut non minus noster sit, quam Pater, aut Filius nostri sunt: atque ita totius individue Triados communionem, reddamur beati. Per Spiritum S. id est virtute & opera illius, habemus in *cordibus nostris*, sive sentimus & re ipsa experimur, *charitatem* Dei, eam imprimis qua nos enixe diligit, & quidem *effusam*, sive uberrimam. Hoc enim ad consolationem, a qua denominatur Spiritus S. potissimum pertinet, quod charitatem Dei gustandam nobis sentiendamque exhibeat. Similiter Gal. iv. 6. de persona Sp. S. dicitur, *emisit Deus Spiritum filii sui*; sicut vers. 4. de persona Filii, *emisit Deus Filium suum*. Porro is Spiritus qui a Deo missus est ut in cordibus nostris sit & operetur, is *clamat*, id est, ita facit nos clamare, ut noster clamor ipsius vox sit. Tam aperte hic persona describitur, ut Crellius ad prosopopœiam confugere cogatur, cui simile schema existet Cap. iii. 8. *scriptura prævidet*. Verum nihil ibi simile. Scriptura prævidet, quia Spiritus Scripturam dictans prævidet. Ibi metonymia est, non prosopopœia.

XIV. Absurditatem omnem superat, quod per Spiritum Sanctum intelligi *doctrinam Evangelii* velint, cui per prosopopœiam operationes personales attribuantur. 2 Cor. iii. 6. *Qui etiam fecit ut idonei essemus ministri novi pæcti, non literæ, sed spiritus: nam litera occidit, Spiritus autem*

Symb. Apost.

Tt

vivi-

uti nec  
quod homi-  
nibus dari,  
aut ab illis  
accipi dica-  
tur.

Nec per Sp.  
S. designatur  
doctrina  
Evangelii.

*vivificat.* Eodem torquent 2 Cor. XII. 3. *Nemo potest Jesum dicere Dominum nisi per Spiritum Sanctum.* Quasi mens Apostoli esset, neminem probe Jesum pro Domino agnoscere, nisi id ei per Evangelium revelatur. Quemadmodum & illi qui Evangelium recipiunt, *in Spiritu esse* dicuntur. Rom. VIII. 9. Sed si rem amamus dicere, quid est Scripturas petulanter *επισβάν*, si hoc non est? Singula testimonia videamus. Si daremus 2 Cor. III. 6. per Spiritum, Evangelii doctrinam metonymice intelligi, id quod Evangelio ibi improprie tribuitur in genere causæ exemplaris, id personæ Spiritus S. proprie tribuendum est in genere causæ efficientis principalis. Sicuti etiam id quod tribuitur literæ legis, eadem analogia tribuendum est personæ legislatoris. Jac. IV. 12. Sed non videtur necesse, ut eo deveniamus. Non vocat Apostolus legem literam, Evangelium Spiritum; sed docet in lege esse literam, in Evangelio Spiritum, ita ut qui ministrant legi, ministrent literæ; qui Evangelio, Spiritui. Literam vocat id quod primo ac per se non potest hominem convertere, aut spem vitæ facere peccatori, nedum ut eum vivificet. Per Spiritum intelligit, & personam illam, & gratiam illius vivificantem, quæ sine involucris panditur in Evangelio, & per illud est efficax. Certe vers. 3. Spiritum a doctrina distinguit, quum Corinthios vocat *Epistolam Christi*, *Scriptam non atramento, sed Spiritu Dei vivi.* Quam autem obtrudunt interpretationem commatis tertii; 1 Cor. XII. ea audax perversio est. *In Spiritu loqui*, est loqui ita ut docet & movet Spiritus. conf. Act. II. 4. Spiritus autem toto hoc capite non doctrinam Evangelii notat, sed eum per quem datur *sermo sapientiæ & cognitionis*, & qui auctor est fidei. vers. 8. 9. Et Rom. VIII. 9. *in Spiritu vivere* dicimur quando per efficacem personæ Spiritus S. operationem vivimus vitam novam ac spiritualem: simili phrasi, qua naturæ universalis beneficio, dicimur *in Domino vivere*, qui ipse dat omnibus vitam & halitum & omnia. Act. XVII. 25. 28.

Spiritum  
Sanctum ve-  
rum ac sum-  
mum Deum  
esse, proba-  
tur:

XV. Asserta hætenus PERSONALITATE Spiritus Sancti, nunc eum DIVINAM Personam, verum Jehovah, supremumque Deum esse, demonstratum eamus. Et quid ni iisdem uteremur argumentorum classibus, quibus Divina sese veritas fortiter hætenus ac feliciter tutata est? Cui in Sacris Divina adscribuntur *Nomina*, *Attributa*, *Opera*, Divinus item *honor* cultusque, eum pro vero Deo agnosci Deus ipse jubet. Non enim tam suæ prodigus gloriæ est, ut ea quæ diximus omnia cum non-Deo communicet. Neque adeo communicare potest. Attributa enim Dei ab essentia ipsius revera non distinguuntur. Operationes autem attributorum istorum quædam quasi emanationes sunt, & viva indicia. Honor & cultus quid nisi pia agnitio est Divinæ illius excellentiæ quæ tam stupendis se exerit operibus? Nomen autem Dei, impri-  
mi

mis Jehovah illud, omnia hæc significatus sui plenitudine complectetur. Porro nihil horum est, quod non Spiritui Sancto competere videamus.

XVI. Ut a NOMINIBUS ordiamur: fatemur equidem nusquam <sup>I. Ex Divi-</sup> disertim totidemque verbis scriptum exstare, Spiritus Sanctus est sum- <sup>nis nominibus.</sup> mus ille Deus: attamen ex Sedula Scripturarum collatione invicem colligimus, eum qui alicubi Spiritus Sanctus, eodem loci, vel in loco parallelo, Jehovah & Deum nuncupari; eaque de Spiritu Sancto dici, quæ citra controversiam de Jehovah prædicantur, & de non-Jehova prædicari non possunt. Neque necesse est, omnia, etiam momentosissima, Theologiæ mysteria extertis verbis exponi: quum sapientia nostra ex *κατακλιθεὶς τῷ πνεύματι* hauriri debeat. 1 Cor. II. 13.

XVII. Expendamus primo Psalmi xcv. mysteria. Is qui se vers. 9. 10. 11. a Judæorum majoribus in deserto tentatum probatumque dicit, postquam experti essent opus suum: qui fastidio habuit generationem illam, qui *juravit non ingressuros esse in requiem suam*; eum nemo, opinor, negaverit summum Deum esse. Idem ille est qui vers. 7. & 8. dicit, *Hodie si vocem ejus*, scilicet Filii Dei, qui Deus noster, & Rex magnus supra omnes Deos, & supremus animarum pastor est, *audieritis, ne obduretis animum vestrum*. Nam ab ultimo membro versus septimi usque ad Psalmi finem continua ejusdem personæ oratio refertur. Subsumo nunc: atqui Spiritus Sanctus is est cujus tota est hæc oratio. Id enim Apostolus nos docet Heb. III. 7. *Quia propter, sicut dicit SPIRITUS S. hodie si vocem ejus audieritis &c.* Et profecto Spiritus officium est de Christo Rege testari, Joh. xv. 26. eumque glorificare. Joh. xvi. 14. Unde indeclinabili sequela colligitur, Spiritum Sanctum eum esse Jehovah quem tentarunt Israëlitz in deserto, & qui magnificis operibus suis iustaque in rebelles vindicta se Deum Israëlitz esse asseruit. Quod excipiunt adversarii, Spiritui Sancto ea verba attribui non quasi ex ipsius persona pronunciata, sed ex persona Davidis, impulsu Spiritus: id ex tota sermonis *κατακλιθεὶς* refellitur. Non enim quæ dicuntur in Davidem conveniunt, sed in solum Deum. Nec potuisset etiam David Spiritus S. impulsu sacra ea canere, nisi Sp. Sanctus esset Jehova. In eo enim cujus impulsu loquuntur vates, omnis dictorum auctoritas fundatur: quæ quum Divina sit, non nisi in Deo fundari potest. Considera sodes Petri illationem 2 Pet. I. 19. 20. 21. Ubi omnem Prophetici sermonis firmitudinem, auctoritatemque, qua ad fidem & obedientiam obligamur, in eo fundat, quod acti a Spiritu S. locuti sint sancti Dei homines.

XVIII. Aliud addamus. Jehova, & quidem solus, Israëlitz expeditionis per desertum dux fuit. Deut. xxxii. 12. *Jehova solus duxit eum, nec fuit cum eo Deus fortis alienigena.* Quod quum dicimus, clarum est de supremo nos & autocratorico ducatu loqui, ne quis nobis

Mosen obficiat, qui sub Deo, uti illius minister, populum ex Ægypto duxit. Porro eum Jehovaham Israëlitarum exacerbarunt sua rebellionem. Exod. xviii. 7. Hæc autem omnia Spiritui Sancto Jesaias vindicat. Jes. lxi. 14. *Ut jumentum in corvalem descendens Spiritus Jehova quiete egit eam.* & vers. 10. *Ipsi rebellaverunt, & dolore affecerunt Spiritum Sanctitatis ejus.* Quid aliud hinc inferri potest, nisi Spiritum S. ipsum illum esse Jehovaham, cui tam parum acceptam tulerunt Israëlitarum liberationem suam, cujus tamen universa gloria ei debebatur.

XIX. Non minus etiam in hac quam nunc dicemus observatione valoris est. Quem Jesaias vidit celfo insidentem solio, adstantibus superne Seraphinis; quem Regem illum, Jehovaham exercituum vocat; ex cujus ore hæc verba audivit: *I. dic populo isti, audite indefinenter, at ne intelligatis, pinguescat cor populi istius &c.* is, nemine inficiante, verus & supremus Deus est. Jes. vi. Ubi ergo probavero Spiritum S. eum esse qui hæc Jesaiæ dixit, nihil ad Deitatem ejus adstruendam ultra desiderari posse videtur. Id autem Paulus docet. Act. xxvi. 25. 26. *Bene sane SPIRITUS S. LOCUTUS est per Jesaiam prophetam patribus nostris, dicent, Vade ad populum istum, & dic, Audite audietis &c.* Potuitne quicquam dici disertius? Potuit, inquirunt. Non enim ait Paulus, Spiritum Sanctum hæc dixisse Jesaiæ, sed per Jesaiam patribus. Quasi per Jesaiam ea dicere potuerit, nisi prius dixisset Jesaiæ. Imo vero ea verba, quæ Spiritui S. attribuit Apostolus, *Abi, vado ad populum istum & dic*, non proxime neque immediate ad Patres, sed ad Jesaiam, directa sunt. Ejusdem subtilitatis est, quod hac argumentandi ratione confici posse cavillentur, Spiritum Sanctum esse Christum: quippe cui, ex nostra quidem interpretatione, eadem verba attribuantur Ioh. xii. 41. In quo profecto fugit eos ratio. Confici potest ac debet ex horum locorum collatione, Spiritum Sanctum unum eundemque cum Christo Deum esse: eandem personam esse, confici non potest. Id enim quod hic dicitur tale est, ut nisi Deo competere non possit. Non est tale, ut nisi uni personæ competere non possit. Imo plurimum hunc sermonem esse, qui tamen unus Deus sit, ipsa Dei apud Jesaiam phrasis innuit. *Quem MITTAM? & quis iterum est Nobis?* Jes. vi. 8.

XX. Adferri etiam in hanc mentem solent novissima Davidis dicta 2 Sam. xxiii. 2. 3. *Spiritus Jehova בְּרִיחַ loentus est in me & sermo ejus per linguam meam. Dixit Deus Israël, mihi locuta est rupe Israël.* Ubi is qui primum Spiritus Jehova vocatur, dein Deus Israël, & rupe Israël ex multorum sententia dicitur. Verum enimvero quod citra invidiam liceat, aliter paullo instituere hic nobis lubet. Non putamus comma tertium ita exegeticum esse secundi, ut Deus & rupe Israël eandem personam notent, qui antea Spiritus Jehovæ dictus est.

Con-

Convenientius videtur per *Deum Israël*, *Patrem* intelligere; per *rupem Israël*, *Christum*, qui *Israëlem* sustentat, & eum sibi tanquam fundamento inædificandum suscepit; per *Spiritum Jehovah*, *tertiam personam*. Atque ita totam hic invenimus Trinitatem, & de Spiritu Sancto ea quæ Deitatem ipsius invicte arguunt. Quando David dicit, *Spiritus Jehovah locutus est mihi*, vel *in me*, vel *per me*, quomodocumque vertere libeat: ostendit se pro fiduciæ suæ fundamento habere, non Samuelis, non Nathanis, non Gadis verba, qui instrumenta erant, sed Spiritus Sancti dicta, qui & per eos sibi locutus erat, & virtute majore ac plane Divina se animo ejus insinuaverat, & ex ista fidei *παραπορίᾳ* loqui fecerat ad alios. Unde tale exsurgit argumentum: qui *principaliter* locutus est Davidi, in Davide; per Davidem, is est verus & summus Deus. Atqui Spiritus S. Ergo. Majorem propositionem ipse nobis præformavit Crellius. Assumptio ex eo confirmatur, quia se linguamque suam Spiritus illius instrumenta esse fatetur. Cujus autem instrumenta vates sunt, is oraculorum princeps causa est.

XXI. Validissimum pro Sp. Sancti Deitate argumentum Petrus nobis suppeditat Act. v. 3. 4. Ubi id de Spiritu Sancto tradit, quod ostendebat mendacium Ananiæ teterrimum gravissimumque esse peccatum. Nihil autem peccato illi exaggerando aptius est, quam observare, non commissum illud esse adversus nudos homines, quales Apostoli erant, sed adversus Spiritum Sanctum. Porro, nihil magis arguit, mendacium Spiritui Sancto dictum gravissimum esse peccatum, quam hæc altera observatio, eum qui Spiritui Sancto mentitur ipsi Deo mentiri. Quæ Apostoli illatio non procederet, si Spiritus Sanctus non esset Deus. Duo hic excipiunt adversarii: ac primo quidem, Ananiæ dici quod *mentitus sit Deo*, non dici quod *mentitus sit Spiritui Sancto*: sed quod *mentitus sit Spiritum Sanctum*. In Græco enim exstare, *ψευδαῖος ἐστὶ τὸ πνεῦμα τὸ ἅγιον*, quod significare potest, vel *simulare Spiritum Sanctum*, ut Erasmus alique, vel *fallere Spiritum Sanctum*, ut Piscator cum aliis: neque fortuitam esse hanc casuum mutationem, ne quis Deum eum vocari arbitraretur qui modo Spiritus Sanctus dictus fuerat. Deinde, etiamsi nostra valeret interpretatio, non magis inde inferri posse Spiritum Sanctum esse Deum, quam Apostolos esse Deum ex consimili argumentatione Pauli 1 Thef. iv. 8. *Proinde qui nos adspernatur non adspernatur hominem, sed Deum*. Responsio nostra hæc est. I. Græci suum *ψευδαῖος* construunt indiscriminatim cum dativo vel accusativo. E multis exemplis quatuor hæc sufficiant. Jes. LVII. 17. *Τὴν ἰσχυρὰν ἐπαγγελίαν καὶ ἐψέωσα μὲ*; Euripides in *Iphigenia*: *Ἡμῶν δ' ὁ φίλος παῖς ὦν, ἐψέωσεν*. Josephus Antiq. Lib. III. Cap. X *ψευδαῖος τὸν ἄνθρωπον τοῦ*

τοῦ γὰρ πνεύματος καὶ τοῦ Θεοῦ ἐν τοῖς ἰσχυροῖς. *Herodiani Lib. II. Cap. X. Περὶ δὲ τοῦ κατὰ ἐκκλησίαν, ὡς ἐκφράζεται ἐν τῇ γραφῇ.* In quibus omnibus testimoniis non potest ea vox cum accusativo constructa, aliam quam mentienti imponendique significatum habere. II. Erasmi expositio prorsus aliena est. Non enim ista pretii interversione de qua agitur simulare Ananias poterat se Spiritum Sanctum habere. Tum etiam ipse Petrus exponit aliter commate 9. *Quid est cur convenerit inter vos ut tentaretis Spiritum Domini? Fallere autem Spiritum Sanctum, quemadmodum Piscator interpretari maluit, id est operam dare ut fallas, vel nihil aliud est quam mentiri, vel etiam aliquanto plus.* Hæc ergo est Apostolicæ demonstrationis constructio, quicumque id operam dat, ut mendaciis suis Spiritum Sanctum fallat, quod tu Anania facis, illius peccatum atrocissimum ac plane Diabolicum est: is enim non hominibus mentitur, sed Deo. III. Non sequitur sane ex allegato Pauli testimonio Apostolos Deum esse: sed docetur, contemptum sermonum quos Apostoli dictante Dei Spiritu prædicabant in ipsum Deum recidere. Sicut & hic mendacium Ananiæ, quo fucum facere Apostolis conabatur, ultimo in Spiritum Sanctum redundabat, qui consequenter Deus est. Si enim voluisset Petrus dicere, Ananiam mentitum esse Apostolis, per Apostolos Spiritui Sancto, per Spiritum Sanctum Deo, sic ut Spiritus, veluti medium quoddam inter Deum & Apostolos, a Deo distinguatur, dixisset; non mentitus es hominibus, non Spiritui Sancto, sed Deo.

II. Ex Attributione.

XXII. Sed & ex ATTRIBUTIS Dei nonnulla libemus, quæ Sancto Dei Spiritui Scriptura vindicat. Ubi primo occurrit ÆTERNITAS, de qua Paulus Heb. ix. 14. *Christus per SPIRITUM ÆTERNUM se ipsum obtulit inculpatum Deo.* Longe mihi videtur concinnius ut vocem Spiritus de tertia hic persona quam de Divina Filii natura exponamus. Distincte enim hic designatur, primo *Sacerdos*, qui Christus est, potissimum secundum Divinam naturam, sive ut cum Apostolo nostro dicam, *secundum vim indissolubilis vitæ.* Heb. vii. 16. tum *victimam*, qui est idem Christus, præcipue secundum humanam naturam, in qua passus est & mortuus. Heb. ix. 13. & denique *mysticus ignis*, qui est Spiritus Sanctus, sanctificans victimam, & gratiam præstans Deo. De Sacro igne coelitus delapso, vide Levit. ix. 23. 24. Is asservandus in ara jugi Sacerdotum cura erat, ne exstingeretur. Levit. vi. 12. Hoc sensu *æternus* dici quodammodo poterat, quemadmodum & Romani *æternos Vestæ suæ ignes* laudabant. Is autem sacer ignis Sancti Spiritus erat symbolum: & *ignis* vocatur, Dan. vii. 10. & flammæ Divinæ caritatis excitat, Cant. viii. 6. 7. &, quod hic imprimis attendi meret, victimas omnes Deo gratas facit. Rom. xv. 16. *Ut oblatio gentium fiat accepta, sanctificata per Spiritum Sanctum.* Porro quæ in Sacro igne symbolica duntaxat æternitas

tas erat, ea in illius antitypo, Spiritu Sancto, vera est ac solida: non modo quia quoad operationes gratiæ suæ exstingui eum nefas est: 1 Thes. v. 19. sed cum maxime quia uti in initio jam existens Mosis memoratur. Gen. i. 2.

XXIII. Æternitati succedat IMMENSITAS. Psal. cxxxix. 7. *Quo irem a Spiritu tuo, & quo a facie tua fugerem?* Non ausim explorare observationem Anonymi in Catena Græca ad hunc Psalmum. τὸ πνεῦμα αὐτοῦ φέρει τὸ ἅγιον πνεῦμα. πρὸς ποῦ δὲ τὸν μονογενῆ υἱόν. Per Spiritum, ipseus, Spiritum Sanctum intelligit: per faciem autem, unigenitum Filium. Videamus qui hæc firmari possint. Omnino videtur facies Dei aliquando Filium notare. Promiserat Deus daturum se Israëlitis viæ ducem, Angelum in cuius medio nomen suum sit. Exod. xxxiii. 20. Deinde irritatus foeda Israëlitarum μορχομαία, se quidem cum iis iturum negat, sed Angelum missurum, qui inimicos promissæ terræ incolas expellat. Exod. xxxiii. 2. 3. Exoratus autem a Mose, iterum tandem pollicetur fore ut facies sua præcedat, ibid. vers. 14. Quid hic facies Dei aliud est quam idem ille Angelus in cuius medio nomen Dei est? Adde Mal. iii. 1. Ecce ego missurus sum Angelum meum, Johannem Baptistam, qui expedias viam פניי faciei meæ. Quæ autem est Dei facies, eum præeuntem insectura? Repente venit in templum suum Dominus quem vos queritis, & Angelus fœderis quo vos delectamini. Alia mitto, brevitatis causa. Ratio autem denominationis illius manifesta est: quia nimirum Dei gloriæ ac pulcritudo illa quæ amabilis est peccatori nusquam clarius conspicitur nisi in Christo. Joh. xiv. 9. Qui vidit me, vidit Patrem. Non est hæc observatio otiosa. Si enim facies Dei sumenda hic personaliter est, idem omnino est statuendum de Spiritu. Et sic totius adorandæ Trinitatis docetur immensitas: quoad essentiam vers. 8. שְׂמָא תִּרְיָ. Ibi in Scientiam. vers. 3. 4. 5. potentiam, & efficacem operationem.

XXIV. Adde OMNISCIENTIAM. 1 Cor. ii. 10. 11. Spiritus scrutatur omnia, etiam profunditates Dei. Quis enim hominum novit ea quæ sunt hominis, nisi Spiritus hominis qui est in eo? Ita enim quæ sunt Dei nemo novit nisi Spiritus Dei. Observa, I. Spiritum Dei nosse simpliciter omnia. II. Etiam profunditates Dei: abditissima Essentiæ, Perfectionum, Consiliorum Divinorum arcana. III. Ea nosse tam exacte quasi qui magna cura scrutatus sit. Conf. Jer. xvii. 10. Ps. vii. 10. IV. Secretissima Dei consilia nosse, uti sua ipse consilia, quemadmodum mens hominis ea novit quæ hominis sunt. V. Hæc omnia scientiæ prorsus Divinæ argumenta esse. Profunda humani cordis nosse solius Dei est. 1 Reg. viii. 39. quanto magis profunda Dei? Rom. xi. 33. Liberrimam denique VOLUNTATEM & OMNIPOTENTIAM Spiritui Paulus attribuit, eo loco quem supra excussimus 1 Cor. xii. 11.

III. Ex op-  
atione.

XXV. Ab Attributis Divinis ad OPERA tranſeamus. Ubi primo occurrit CREATIO. Ea utique Deo ſe Auctori aſſerit. Jeſ. XL. 26. 28. quum Dei ſolius, & quidem immediatum opus ſit. Jeſ. XLIV. 24. Job. IX. 18. Spiritui autem Sancto adſcribitur: tam *Macroſomi*, quam *Microſomi* reſpectu. De *Macroſomo* invenimus Gen. 1. 2. *Spiritus Dei incubabat ſuperfici ei aquarum.* Similitudo eſt ab avibus deſumpta, quæ nido incubant & pullos fovendo excludunt. Confer. Deut. XXXII. 11. Ad eundem modum Dei Spiritus informi illi maſſæ incubans, ſua illam virtute tot pulcherrimarum creaturarum foetam reddebat. *Baſilius Hexaem. Hom. II.* Συμβάλλει καὶ ζωοποιεῖ τῷ τῷ ὀρέοντι φέρον. κατὰ τῆς οἰκίας τῆς ἐκκορύφου ἀνθρώπων. Conſentiunt Talmudiſtæ in *Chagiga. Cap. II. Fol. 15.* כִּינֵר מְדַמֵּה עַל בֵּינֵר וְאֵינֶר נִנְעָר. *Inſtar columbæ quæ incubat pullis ſuis, neque tangendo ladit.* Similia habet Salomo Jarchi in b. l. Fortaſſis metaphoræ huic ortum debet ſymbolica Ægyptiorum Theologia de mundo ut ovo a Deo prodeunte. Adde Job. XXVI. 13. *Spiritu ſuo celos ornavit.* De *Microſomo* apud eundem Jobum exſtat Cap. XXXIII. 4. *Spiritus Dei fortis fecit me, & afflatus omnipotentis vitam indidit mihi.*

XXVI. REGENERATIO etiam ſolius Dei eſt. Eſt enim nova creatio quæ voluntatis juſſu peragitur. Jac. I. 18. Eſt & actio Dei immediata, ſi efficientiam realem ſpectes. Nam media non niſi moraliter agunt. Sed & hæc Divini Spiritus eſt. Joh. III. 5. 6. *Niſi quis fuerit genitus ex aqua & Spiritu non poteſt introire in regnum Dei.* Ubi aqua vel eandem rem notat cum Dei Spiritu, ut Jeſ. XLIV. 3. vel baptiſmum; quem *lavacrum regenerationis* Apoſtolus nuncupat Tit. III. 5. qui tamen quum non niſi moraliter agat, omnem ſuam virtutem a Dei Spiritu habet. Vel fortæſſis aqua id hic ſignificat quod generationis noſtræ naturalis eſt materia, ut Jeſ. XLVIII. 1. *qui ex aquis Judæ prodierunt.* Præter quam generationem naturalem, qua ex aqua naſcitur homo, alia exigitur ſupernaturalis, qua ex Spiritu naſcitur Spiritualis homo. Omnia eo tendunt, ut regenerationis noſtræ initium Dei Spiritum eſſe agnoſcamus. *Renovatio Spiritus Sancti.* Tit. III. 5. *Spiritus vivificat.* 2. Cor. III. 6.

XXVII. Similiter SANCTIFICATIO ſolius Dei eſt. Ezech. XX. 12. XXXVI. 28. Sed & Spiritui vindicatur. Ezech. XXXVI. 27. *Spiritum meum ponam in medio veſtri, quo faciam ut in ſtatutis meis ambuletis, & jura mea obſervetis, facientes ea.* 1. Cor. VI. 11. *Sanctificati eſtis per Spiritum Dei noſtri.* 2. Theſ. II. 16. *Per Sanctificationem Spiritus.* Porro aliter nos Sanctificat Spiritus, aliter verbum: ne quis & Spiritum instrumentalem ſanctificationis cauſſam eſſe exiſtimet. Omnis enim verbi efficacia moralis ab hyperphyſica Spiritus efficacitate pendet. Hinc Spiritus cum ſuis operationibus verbo quidem jungitur, ſed a verbo tamen diſtinguitur. Jeſ. LIX. 21.



**XXVIII.** Denique MIRACULA sua virtute patrare, solius Dei opus est. Pl. LXXII. 18. *Deus Israël facit mirabilia sola.* Sed & ea Spiritus sanctus sua virtute facit. Rom. XV. 19. *Virtute signorum ac prodigiorum, virtute Spiritus Dei.* Adde 1 Cor. XII. 9. 10. Imo & Christus quicquid hac in parte fecit, fecit virtute Spiritus, quæ & sua est. Mat. XII. 28. *Per Spiritum Dei ego ejicio demonia.*

**XXIX.** Sequitur ut de Divino illo HONORE ac cultu agamus qui Spiritui sancto debetur. Et primo quidem *adorationem* religiosam sumamus, <sup>IV. Ex Honore & cultu.</sup> cujus, quicquid obnuntantur alii, erga Spiritum præstandæ præcepta, præstita exempla, in sacris literis habemus. Ac præceptum quidem extat Mat. IX. 31. *Regate Dominum messis, ut emittat operarios in messem suam.* Dominus messis, qui operarios extrudit, Spiritus Dei est, ut colligimus ex Act. XIII. 2. ubi præcepti hujus invenimus executionem. *Illis autem suum ministerium obeuntibus Domino, & jejunantibus, dixit Spiritus Sanctus, separate mihi Barnabam & Saullem ad opus ad quod eos advocavi.* Ad preces Prophetarum ac Doctorum Ecclesiæ Antiochenæ respondet Spiritus: quam ob rem? nisi quia ab iis invocatus. Hæc Spiritus, ut Dominus, pro sua auctoritate declarat, quid Barnaba ac Saule fieri velit: seque eum esse asserit, qui ad ministerium eos vocavit.

**XXX.** Neque exempla defunt. Pauli illud notissimum est. 2 Cor. XIII. 13. Ubi sicut gratiam a Domino Jesu Christo, & charitatem a Deo Patre, ita & communicationem sui a Spiritu sancto petit. Non abludit Johannis votum Ap. I. 4. 5. *Johannes septem Ecclesiis quæ sunt in Asia: Gratia sit vobis & pax a Qui, & Qui erat, & Qui venturus est: & a SEPTEM SPIRITIBUS qui in conspectu throni ejus sunt: & a Jesu Christo, qui est fidus ille testis.* Ad cujus loci intelligentiam expendendum I. Quid septem Spiritus notent. II. Quo modo eos Johannes invocet. Non designantur hic per septem Spiritus Spiritus quidam creati, sive Angelici, sive humani; sed tertia Deitatis persona: quod tam ex consideratione antiqui symboli, quod alluditur, quam ex sacræ Apocalypsis stilo, colligimus. Alluditur ad candelabrum aureum cum septem suis lampadibus in Tabernaculo Moysi. Eo enim nos ducunt verba Apoc. Cap. IV. 5. *Septem lampades igneæ ardentes ante thronum, quæ sunt septem Spiritus Dei.* Nimirum Tabernaculum symbolum erat Ecclesiæ; Candelabrum, Spiritus sancti, unde Ecclesiæ omnis sua lux. Id in se unum erat, septem tamen lampadibus distinctum. Spiritus sancti una persona est, sed gratia ejus abundantissima, & consummatissima. Nam septenarius numerus multitudinis ac perfectionis symbolum est. Septem illæ lampades continentis operis erant, ex ipso lychnucho prodeuntes. Exod. XXV. 31. Gratia Spiritus sancti ei, ut ita dicam, essentielles sunt, & ex omnissufficientia Divinitatis ejus prodeunt. Propterea ab iis denominatur, *Spiritus sapientia & intelligentia* &c. Jes. XI. 2. Sed & ipse Apocalypsis stilius huc non ducit.

Vocantur enim septem hi Spiritus *Spiritus Dei*. Ap. IV. 5. Quo nomine creatum ullum spiritum in sacris dici, non memini. Collocantur inter Patrem & Filium, ut ejusdem dignitatis. Dicuntur *cornua* & *oculi Christi* Ap. v. 6. Nimirum Spiritus sanctus *Christi Spiritus* est Gal. IV. 6. Rom. VIII. 9. Qui sub *cornuum* emblemate proponitur, propter *divinum* Spiritus passim prædicatam; & *Oculorum*, vel propter scientiam, vel quia intuitus Christi est intuitus amoris, & amor in datione Spiritus. Rom. v. 5. Denique, nunquam legimus Spiritus hos Deum adorare, quod faciunt animalia & seniores. Sed e contra invocantur a Johanne: qui honor creatis spiritibus non convenit. Ap. XIX. 10. XXII. 9. Quomodo autem invocatur Johannes? Pari modo, pari cultu quo Patrem & Filium, ut auctorem cum Patre ac Filio gratiæ & pacis, sine ulla discriminis nota.

XXXI. Accedit & alterum quod in nomine Spiritus *baptizemur*. Mat. XXVI. 19. Qui honor plane Divinus est. Nam is in cujus nomen baptizamur. I. Agnoscitur verus Deus, sacramentorum auctor, Ecclesiæ Dominus ac legislator, quod præter Jehovam nemo est. Jf. XXXIII. 22. II. Ei confidimus, ut qui rem sacramento significatam conferre ac præstare potest. Quod iterum solius Dei est. Quis enim non-Deus præstabit nobis Dei gratiam, communionem, fruitionem; quæ sacramentis obsequantur? III. Ei nos sacramento dedimus in obsequium. Est enim in baptismo *stipulatio bonæ conscientie ad Deum*. I Pet. I. 21. Atque hic rursus honor amplior est quam ut in creaturam cadat. Hinc Paulus tanta eum a se sollicitudine removet. I Cor. I. 13. *Nam in nomen Pauli baptizati fuistis*.

XXXII. Adde quod Spiritui sancto in *Templum* consecremur. I Cor. III. 16. *An nescitis vos Templum Dei esse, & Spiritum Dei habitare in vobis*. VI. 12. *An ignoratis corpus vestrum esse templum Spiritus sancti, qui est in vobis*. Templum autem solius Dei ædes est; *domus adificata nomini Jehovæ*, I Reg. v. 3. 4. *sanctuarium Jehovæ*. Jf. LXIII. 18. *solum gloria & excelsi*. Jer. XVII. 12. Et in templo cultus soli Deo sacer exercetur. Ps. XXIX. 9. Neque est quod excipias, fideles non nisi metaphorice templum dici. Id enim si verum esset, servanda tamen analogia erat. Quemadmodum ergo domus a Salomone exstructa templum erat propter Divinitatis inhabitationem quam *שכינה* Hebræi dicunt: ita & fideles propterea Spiritus templum sunt, quia ille uti Deus in illis est atque habitat. Verum enimvero fideles magis proprie templum sunt quam Hierosolymitanum illud. Quippe quod figura duntaxat erat illius rei, cujus veritas in Christo primum, tum & in fidelibus est. 2 Cor. VI. 16. Eph. II. 21. 22.

XXXIII. Neque omittenda videtur Religiosa illa *obedientia* quam ut Spiritui sancto deferamus Apostolus urget. Heb. III. 7. 8. 9. *Quia propter sicut dicit Spiritus ille sanctus, Hodie si vocem ejus audiveritis, ne obdurate corda vestra, sicut in exacerbatone illa, in die tentationis in deserto, ubi tenta-*

*tentaverunt me patres vestri* &c. Merito indignatur Dei Spiritus, non fuisse sibi eum sacræ obedientiæ honorem delatum, qui Majestati suæ debebatur. Sed & peccatum aliquod memorari in sacris literis videmus, quod singulari modo in Spiritum sanctum illiusque œconomiam committitur, tantique a Deo æstimatur, ut suprà cætera irremissibile esse dicatur. Mat. xii. 31. 32. Heb. x. 26. 29. Si autem Spiritus sanctus summus ille Deus non est, quæ causâ dici potest, cur peccatum quod adversus ipsum committitur tantæ diritatis atque atrocitatis esse censeatur? Non tamen hinc intuleris, Spiritum sanctum majorem ac digniorem Deum esse quam Pater sit aut Filius. Deum esse, jure concludimus, quippe adversus quem electe & *אין יסורי* peccetur. Majorem Patre ac Filio Deum esse, concludere non possumus, quum infinitas Deitatis disparitatem omnem excludat. Quod autem peccatum adversus eum commissum nunquam remittatur, non ex eo procedit quod Patre aut Filio dignior sit: sed ex natura peccati, quo proterve ac pertinaciter rejicitur ea Dei gratia oblata, cognita, agnita, sine qua non est salus: & malitiose iis resistitur Spiritus sancti operationibus, quibus ille solis peccatores Deo ad salutem unit.

XXXIV. Atque ita Spiritus sancti *supremam Deitatem* satis nos confirmasse arbitramur; nunc quod restabat, ostendamus eam PERSONAM Spiritus S. persona Divina est a Patre & Filio distincta. Divinam esse a Patre & Filio DISTINCTAM. Huc facit. I. *Distincta recensio.* Hagg. ii. 5, 6. *Ego vobiscum sum, dictum Jehovah exercituum, cum* VERBO &c: & SPIRITU MEO *stante in vobis.* Mat. xxviii. 19. 2 Cor. xiii. 13. II. *Trium enumeratio.* I Joh. v. 7. III. *Diserta distinctionis particula.* Joh. xiv. 15. 16. *Ego vero rogabo Patrem, & ALIUM paracletum dabit vobis, ut maneat vobiscum in æternum, nempe Spiritum illum veritatis.* Huc etiam viri Doctissimi referunt Zachariæ illud Cap. ix. 12. *לך היום מגד משנה אשיר לך*, quod vertunt, *Etiam bodie indicem alterum reddam tibi.* Index dici potest Spiritus sanctus ab officio, quod est *indicare occulta.* Joh. xiv. 26. xvi. 13. *Alter, distinctus a Christo, qui prior est missus, de quo com. 9. Reddendus, partim quia jam inde a Zachariæ temporibus extraordinaria Spiritus sancti missio ad Christum usque cessavit, partim quia dandus erat loco Christi ad Patrem profecti.* Proprietates autem characteristicæ Spiritus sancti sunt, I. *Spiratio passiva a Patre & Filio.* II. *Tertius ordo subsistendi.* III. *Tertius ordo operandi.* Confer *Exercitationem septimam.*

XXXV. Hæc quidem nobis de Spiritu Sancto ex vero cognoscenda, & sincero pietatis affectu agnoscenda sunt: at tamen fides in Spiritum S. quam in Symbolo profitemur plura complectitur. Non subsistit ea fides in frigida *personæ* Divinæ contemplatione; sed pergit ad *œconomiam mysticæ inhabitationis* in fidelibus, & arcanæ virtutis quam in cordibus eorum exserit. De quibus rebus porro nunc nobis differendum

Ad prætin-  
huius arti-  
culi facit, ut  
agnoscamus  
Spiritus  
Sanctum no-  
bis a Deo  
datum esse.

dum erit, ut doctrinæ hujus medullam ac nucleum teneamus. Hæc ergo fidelium prærogativa est, quod Spiritu a Deo donati, in intimo eum animorum suorum penetrati exoptatissimum incolam habeant. 1. Cor. II. 12. *Nos enim non spiritum mundi accepimus, sed Spiritum qui est ex Deo: ut sciamus quæ Deus est nobis gratificatus.* Idque adeo est universali-  
ter verum, ut qui Spiritum Christi non habet is neque Christi sit. Rom. VIII. 7. Opera porro danda est, ut quotquot Spiritus illius facti sumus partici-  
pantes, illum etiam in nobis habitare sciamus. *An ignoratis corpus vestrum esse templum Spiritus Sancti, qui est in vobis, quem a Deo habetis?* 1. Cor. VI. 19. Hæc enim re ignorata fieri non potest, ut nostræ cum Deo ac Christo unionis, in qua omnis salutis nostræ cardo vertitur, certi simus. 1. Joh. IV. 26. *Per hoc cognoscimus, nos in ipso habitare, & ipsum in nobis, quod de Spiritu suo dedit nobis.* Non poterit autem id certius cognosci, quam ex diligenti animadversione earum operationum quibus se Spiritus ut Spiritum gratiæ & Christi conscientis approbat. Unde eadem opera colligetur, quanta sit Divini illius doni præstantia.

Qui nti no-  
væ in fide-  
bus vitæ  
Auctor est,

XXXVI. Operationes istæ Spiritus hæ sunt potissimum. Sicut in mundi primordio aquis incubando novæ iis vitæ semina indebat, unde tam concinnæ motuum vices, tam variæ creaturarum species prodierunt; ita postquam se electorum insinuavit mentibus, novæ in iis, spiritualis ac Divinæ vitæ auctor est. Joh. VI. 63. *Spiritus est quod vivificat.* Incipere autem vita illa videtur a nova luce in mente per Spiritum accensa. 2. Cor. IV. 6. quæ & nos ipsos cognoscimus cum omni criminum nostrorum atrocitate, & quem ea inducunt reatu, & mundi in malo jacentis vanitatem, & creaturarum omnium ad nos beandos impotentiam, & Evangelicarum revelationum Divinam veritatem, quodque rei caput est, Christi Domini ad salutis nostræ consummationem omnimodam sufficientiam, & Dei in Christo amabilitatem, & virtutis denique, quæ Dei imago est, decoram pulcritudinem. Quia vero intellectum inter ac voluntatem nexus est arctissimus, hinc eodem Spiritu auctore ii in voluntate motus excitantur, qui istis intellectus ideis respondeant. Profunda nimirum nostri coram Deo humiliatio, & dolor de admittis criminibus in quantum ea Divinæ adversantur sanctitati, & contemptus mundi, & sanctæ de nobis ipsis omnibusque creaturis desperatio, & viva Evangelii fides, & fames sitisque Christi illiusque quæ in solo Christo est gratiæ, & vehemens Dei in Christo amor, atque ardens virtutis studium, quo Deo quantum fieri potest evadamus simillimi. Quæ omnia dum in mente virtutem suam exferunt, evenire aliter non potest, quin eandem virtutem cum corporis etiam membris communi-  
cent, quæ sese sistant *arma ac serva iustitia ad sanctimoniam.* Rom. VI. 19. Atque ita novus quasi gratiæ mundus per Spiritum Sanctum  
in

in homine producit, qui secundum meliores motus regulas gubernatus, vegetique plenus vigoris, generosis vitæ actionibus auctorem suum Spiritum refert. Rom. VIII. 1. Gal. V. 25.

XXXVII. Porro id quoque facit Spiritus ut fideles non inter se solum, sed & cum Christo, unum sint. 1. Cor. XII. 13. *Etenim per unum Spiritum nos omnes in unum corpus baptizati sumus*, illud videlicet corpus, quod Christum esse modo monuerat Apostolus. Spiritus Christi, suavi quidem, sed tamen invicta, &, ut numero dicam, lubentifica virtute sua nostrum spiritum versus Christum trahit, ad eum apprehendendum & amplectendum. Christus etiam gratiæ suæ communicatione ad nos descendit; atque in hoc mutui amoris jucundissimo congressu fit mystica ac spiritualis unio, &, si ita loqui fas sit, commixtio, ut fidelis anima quasi dissolvatur & liquecat in Domino Jesu, & *unus cum ipso Spiritus fiat*. 1. Cor. VI. 17. *Gloriabatur olim sponsa, se dilecti sui, & dilectum suum esse*. Cant. VI. 3. Sed ecce majus hic quippiam quam *meum aut tuum*. Non unio tantum mediante Spiritu, sed & unitas. Unitas adeo nos Christo uniens, ut in ea instar quoddam sit perfectissimæ illius unitatis trium in eadem Divina essentia personarum. Joh. XVII. 21. *Ut omnes unum sint, sicut tu, Pater, in me, & ego in te, ut & ipsi in nobis unum sint*. O Divini amoris in hac spiritus sancti operatione elucens stupendum miraculum!

XXXVIII. Nam & illud hinc sequitur, ut Christi participes facti, *participes quoque simus omnium honorum ejus*. Si nos Christi sumus per Spiritum, quæcunque Christi, eadem etiam nostra sunt. 1. Cor. III. 22. 23. Ipse in se suscepit quæ nostra erant. Nostrum autem nihil erat præter peccatum & miseriam. Jes. LIII. 4. Ut quæ sua sunt nostra faceret, conferenda nobis per Spiritum; ex iis quæ Christi sunt sumentem quod nobis det. Joh. XVI. 14. Ita nobis Christus dicit, quod Pater ille filio: Luc. XV. 31. *Pili tu semper apud me eris. Omne meum tuum est*. Domine Jesu! Omne tuum nostrum! Nunquid ergo pauperculi nos homunciones, thesaurorum tuorum omnium, & immensæ illius opulentæ gratiæ tuæ confortes erimus? Quid ni, Domine? si tu noster sis per Spiritum tuum, cur non & tua?

XXXIX. Porro Spiritus iste consolator fidelium est; idque non uno modo. I. Quatenus Divini iis amoris sigillum est. Eph. I. 13. *Postquam credidistis obsignati estis Spiritu illo promissionis Sancto*. Emphasim suam habet, quod *Spiritus promissionis* dicatur: non eo solum nomine quia ipse promissus est, sed potissimum quia ipse est promissiones Evangelii intimare, inscribere, obsignare in cordibus fidelium. *Obsignatio* autem quum sit similitudinis quæ in sigillo est expressio in re obsignata, qua dignoscitur illius esse cujus impressum signum gerit, vel

qua instrumento alicui plena conciliatur fides; quid hic per obfignationem intelligemus aliud, quam communicationem efficacem Divinæ illius lucis, puritatis, sanctitatis, iustitiæ, bonitatis, gaudii, quæ in Spiritu sancto est; quibus rebus evincitur hos tales Dei esse peculium, quod sacrum sibi & inviolabile præstabit; quibusque certi redduntur de reliquis promissionibus Divinæ tam gratiæ quam gloriæ. 2. Cor. I. 21. 22. *Qui confirmat nos vobiscum, & qui unxit nos, Deus est; qui etiam obfignavit nos, indiditque arrham in cordibus nostris.* II. Et hic alter modus est quo nos consolatur Spiritus, dum *arra est hæreditatis nostræ.* Eph. I. 14. Arrha autem est pars pretii in antecessum dati, ut de toto secuturo constet. Ac credibile est respici hic ad desponsationis ritum, ubi sponsus sponsæ nummum annulumve dat, in testimonium communionis omnium bonorum. Habemus ergo in Spiritu I. non *sigillum* tantum, sed & *primitias*, Rom. VIII. 23. quæ non *spem* modo plenæ messis, sed illius *gustum* etiam exhibeant. III. Aliter quoque nos exhilarat Spiritus, dum *docet ea quæ nobis a Deo donata sunt.* I. Cor. II. 12. Id facit arcano ad spiritum nostrum: & cum spiritu nostro, testimonio. Rom. VIII. 16. Et sane sola vox spiritus est, quæ animum ærumnarum suarum onere pressum erigere valeat. Etiam si & hominum aliquis & angelorum linguis loqueretur, non accedente interno Spiritus instinctu, miser consolator, audiet. Unum autem Spiritus verbum plus valet quam milleni omnium Prophetarum, Evangelistarum, Apostolorum, imo ipsius Domini Jesu externi sermones, sejuncti ab interno Spiritus alloquio. IV. Denique quum facta verbis multo potentiora ac potentiora sint, iis quoque non sinit se *amargura* Spiritus Dei, fideles quasi manu apprehensos in conclavia & ad osculum Regis deducens, vel etiam in locum convivii ubi pro vexillo amor est, eaque eos coelestium mulcens dulcedine deliciarum, quas terrestres animæ nec sapiunt nec capiunt, & quæ Mannæ absconditæ symbolo eleganter proponuntur, ob hanc præter cæteras rationem, quia nemini notæ nisi cui gustatæ.

Quæ Spiritus gratiæ operationes a quibusvis aliis per insita sibi *spiritus* discernuntur.

XL. Neque difficile admodum fidelibus est, modo eam quam debent diligentiam attentionemque adhibeant, has Spiritus gratiæ operationes, ab illusionibus carnis aut mali dæmonis, vel etiam communioribus operationibus Spiritus non sanctificantis, dignoscere. Huc facit illud Domini: Joh. XIV. 17. *Spiritum veritatis mundus non potest recipere, quia non conspicit eum, nec novit eum: vos autem novistis eum, quia apud vos manet, & in vobis erit.* Dignoscuntur autem hæ operationes, tum ex se ipsis, si singulæ considerentur, tum ex ordine illo quo sapienter necluntur, & *exiæ* quam aliæ ad alias habent. Ea singulis inest claritatis, majestatis, efficacæ præstantia, ut non magis lux meridiana solem, quam illæ Spiritum

ritum auctorem arguant. Dum *sanctificat* fideles, purioris iis indit virtutis studium, quam quævis gentilium probitas, aut fucata Phariseorum sanctitas; quæ uti pro principio sui amorem habent, ita in ipsum hominem male desinunt: Spiritus autem adeo animos afficit ut sui amplius esse nolint, sed abnegatis malefuadæ carnis cupiditatibus, Dei se esse meminerint, secundum cuius voluntatem atque exemplar, & ad cuius gloriam omnia sua comparata esse velint. Dum *consolatur*, ea se suavitate mentibus insinuat, quæ uti jucunditate sua omnia superat, ita nihil terrenæ admistum habens facis, tantum abest ut gravet animum, ut potius limpidiorem eum, & ad Dei ministerium alacriorem reddat. Et quum omnium agit remississime, tum tamen vitam spirituales inter tot malorum dæmonum insidias, & lethalia peccatorum venena, tue-  
tur atque conservat: eosque fidelibus animos addit, ut ne quidem in maxima debilitate sua victoriam hosti concedant, sed vel prostrati de genibus pugnam redintegrent. Breviter, ea est Spiritus in omnibus istis operationibus efficacia, ut facultates animæ extollat ad ea meditan-  
da, desideranda, conanda, agenda, quæ eorum qui Spiritu destitu-  
ti sunt vires plane superant. Eo etiam *ordine* operatur, ut consolatio-  
nes suas non nisi contritis corde, ac serio de peccatis dolentibus, con-  
cedat. *Jes. LVII. 15.* nunquam etiam blanditiis suis animos demulceat,  
quin simul eos ad Dei amorem, gratitudinis sollicitum studium, quæ-  
sitissimæ pietatis praxin acuat. Quæ ubi eo modo atque ordine juncta  
sunt, non est quod quis de Spiritu sibi donato dubitet.

XLI. Sed & hoc non parum doni hujus præstantiam auget, quod  
amitti iterum non possit. *Joh. XIV. 16.* *Ego rogabo Patrem, & alium ad-*  
*vocatum dabit vobis, ut maneat vobiscum in æternum.* Nimis quam chara  
ac desiderata Apostolis erat D. Jesu præsentia. Sed quantumvis ea cha-  
ra esset, carendum tamen ea aliquando fuit. Imo *expedivit iis ut abiret*  
Dominus, quo ille succederet Advocatus, qui & plura præstaret, quam  
præstiterat præsentia carnis Christi, & non esset abiturus in æternum.  
*Joh. XVI. 7.* Et cur abiret? An vi expulsus? Atqui Spiritus Dei est:  
cui non potest prævalere spiritus mundi, atque inferorum. An quia  
male a fidelibus habitus? Sane contristatur nonnunquam eorum pecca-  
tis: sed & tum vicissim eos contristat, ut ad salutarem poenitentiam  
compunctis maneat signaculum ad diem redemptionis. *Eph. IV. 30.* Se-  
cedit quidem ad tempus quoad influxum consolationum suarum, & con-  
cessionem alacritatis in vita Spirituali; semper tamen remanet, ut fons  
vitæ, & vinculum unionis cum Christo. Est *unctio manens.* *r. Joh. II. 27.*  
& *fons aquæ salientis in vitam æternam.* *Joh. IV. 14.* Ex quibus om-  
nibus liquet, quantam nobis charitatem præstiterit Deus Spiritum suum  
largiendo.

Notra erga  
Sp. S. of-  
ficia.

XLII. Verum enim vero nostra quoque nobis erga hunc Dei Spiritum constare debent officia. I. Quandoquidem Spiritus S. summus ille Deus est; Scripturas, ejus instinctu prolatas, reverenter admodum habeamus, non minus quam si Deum ipsum præsentem, & e coelo nos alloquentem audiremus. Omnis quæ prophetis atque Apostolis infertur contumelia, in Spiritum Dei redundat. Act. vii. 51. Jes. lxiii. 10. II. Internas illius compellationes, suasiones, convictiones, debita reverentia recipiamus: nec quicquam contra agere audentes, nec cessare ubi nos excitat. Hoc enim esset *Spiritum Sanctum contristare*, præbendo ei causam indignationis, efficiendoque ne solitas nobis delicias faciat, ac Spiritum lætum se exhibeat. Eph. iv. 30. III. Ignem illum sacrum solite custodiamus, ne extinguatur, tam in nobis, quam in aliis. I. Thes. v. 19. sed potius ἀσβεστόμεν. 2 Tim. i. 7. IV. Ei nos in templa consecremus, eaque sancta ac munda servemus. I. Cor. iii. 16. 17. vi. 19. 20.

## EXERCITATIO XXIV.

DE

### ECCLESIA, ET COMMUNIONE SANCTORUM, AC FIDEI NOSTRÆ CIRCA UTRAMQUE OPEROSITATE.

#### BREVIARIUM

- I. 2. Christum & Ecclesiam, quum stabili connubio juncti sint, in meditationibus nostris non sunt divellendi. 3. 4. 5. Voces. Συναγωγὴ, Ekklesia, Παρίστης, exponuntur. 6. Ecclesiæ definitio, per singulas partes explicata. 7. Duplex Ecclesiæ forma est. 8. Sicut duplex vocatio. 9. Duplex fides. 10. Duplex sanctitas. 11. Duplex communicatio fœderis gratiosi. 12. Altera Ecclesiæ forma externa, & visibilis, altera interna ac mystica est. 13. Ad mysticam Ecclesiam non pertinent nisi electi, & vere fideles. 14. Illiusque regimen soli Deo in Christo àpiens conspexit. 15. Externa Ecclesiæ æconomus Deus præstituit, qui ab illius communione arcere non possunt, quotcumque fidem ac resipiscenciam verbis profitentur, nec factis aperte resellunt. 16. Hinc in externa ista Ecclesiæ mali misti bonis. 17. Triæ Ecclesiæ Epitheta. 18. I. Sancta. 19. II. Catholica, quæ vox neque in Sacris exstat. 20. Et καθολικὴ est. 21. III. Christiana. 22. Cur dicamus, Credo Ecclesiam, non, In Ecclesiam. 23. Profitentur eo verbo fidem de Ecclesiæ perpetuitate. 24. Cujus diversæ periodi, Deique circa eas mirabilis œcono-



oeconomia, religiose nobis attendenda sunt. 25. Sed & communio nobis cum Ecclesia colenda est. 26. A qua non est quod nos absterreant nevi quidam, aut aliorum crimina. 27. Modo veram se Christi Ecclesiam esse probet, Evangelica veritatis professione. 28. Quæ nullibi intemeratior est, quam in eorum cœtu, qui Reformati dici solent. 29, 30. Quicquid de illius novitate inepte vociferentur Romanenses. 31. Ad solidam salutis spem requiritur interna communio cum Ecclesia mystica, 32. 33. 34. 35. Cujus attributa quædam & gnorismata enarrantur. 36. Illius longe beatissima conditio, fidelibus ad consolationem suam meditanda est. 37. Quippe cujus singuli pro sua portione participes sint. 38. 39. Fides de Ecclesia nostra erga eam pietatis officia infert. 40. Articulus de Communione Sanctorum, quem fere idem sit atque ille de Ecclesia, in multis priscorum Symbolis omittitur. 41. Sancti dicuntur Deus, Angeli, Homines. 42. Illi omnes quidem communionem inter se aliquam habent. 43. Attamen in Symbolo potissimum de Sanctorum hominum communione agitur: quæ vel calitum est inter se: 44. Vel eorum, qui in terris degunt, cum calitibus: 45. Vel Sanctorum in terra degentium inter ipsos. 46. 47. 48. Praxis hujus articuli.

**N**Ullum enimvero conjugium vel reipsa dari, vel mente fingi potest, quod & pulcrum, & æquum copulatum, & mutuo amore jucundius sit, eo quod intercedit inter Deum & populum suum, inter Christum & Ecclesiam. Hic pulchritudo & venustas omnes suos numeros habet. In Christo quidem ea consummatissima est, quippe cui accinitur Ps. XLV. 3. יְפִי־ת מְכַנִּי אֱלֹהִים, multo pulchrior es filiis hominum: ubi ea radicalium literarum in Hebræa voce geminatio significationis intensiorem auget. In Ecclesia vero tanta, ut is cui judicium competit de ea pronunciet: Ecce pulchra es, Amica mea, ecce pulchra es, oculi tui columbini sunt. Imo tota pulchra es, Amica mea, & vitium in te existit nullum. Cant. IV. 1. 7. Unio autem tam hic arcta est, ut vix ulla inveniri quiverit similitudo quæ illi exprimendæ sufficiat. Matrimonium, quale in hominibus est, individuum vitæ societatem, humani juris periti dixerunt. Scriptura definit, duos unam carnem fieri. Gen. II. 24. quo certe nihil dici potuit proprium magis, atque efficacius. Atqui hic amplius aliquid est: Nam qui Domino adhaeret, non unum solummodo cum ipso corpus, ex carne ejus & ex ossibus ejus; Eph. 5. 30. sed & unus cum ipso Spiritus est. I. Cor. VI. 17. Et quis dubitet quin inter tam pulcros, tam bene junctos, dulcissima mutui amoris reciprocatio sit? Hic profecto illud obtinet: Quam pulcher es, & quam amicum, o amor, in deliciis! Cant. VII. 6. Non est ergo committendum nobis, ut quæ tot sibi nexibus implicata sunt ea in meditationibus nostris divellantur: sed postquam de Deo, Christoque, & utriusque Spiritu, disseruimus;

Symb. Apost. Xx nunc

Christus & Ecclesia, quum stabili connubio juncti sint, in meditationibus nostris non sunt divellendi.

nunc nobis de ECCLESIA agendum est, quam Elegit PATER, Redemit FILIUS, SPIRITUS autem Christo unitam osignat ad diem plenissimæ vindicationis.

II. Quatuor hic exponenda veniunt. I. *Nomen*. II. *Res ipsa*. III. *Epitheta*. IV. *Fidei nostræ circa Ecclesiam ita descriptam operositas*.

Voces

Συναγωγή.

Εκκλησία.

Προσφυγίον.

exponantur.

III. Græca vocabula, quæ consimilis admodum significationis sunt, tria occurrunt, Συναγωγή, Ἐκκλησία, Παράγωγη. Συναγωγή respondet voci Hebraicæ קהל, & plerumque in Novo Testamento significat coetus Judæorum, qui hic & illic, in variis locis atque urbibus, religionis causa habebantur. Et quemadmodum *Curia* nomen, quod primum hominibus imponebatur, qui de Republica curam una suscipiebant, traductum est ad locum in quo illi congregabantur, & βουλή apud Græcos non senatum modo significat, sed etiam locum in quo senatus habetur: idem accidit voci *Synagoga*, uti manifestum ex Luc. vii. 5. aliisque locis innumeris. Vix tamen unum in Sacro codice inveniri viri Doctissimi observarunt, ubi ea vox *Christianorum societatibus* denotandis adhibeatur. Paulus quidem Hebræos hortatur ne deferrent τὴν συναγωγὴν αὐτῶν. Heb. x. 25. Sed ibi cum Hebræis agens, eorum se locutionibus accommodat; nec tamen eadem prorsus voce utitur: neque συναγωγή idem ibi valet quod *Ecclesia*. Ecclesiam enim *Dei* aut *Christi* dicere Apostoli solent *horum* vel *illorum* Ecclesiam dicere non solent. Notat ergo ipsam *fidelium collectionem*, sive *coitionem*: sicuti & 2 Thef. ii. 1. Ubi bene Beza transtulit, *aggregationem*. Jacobus solus meminit τῆς συναγωγῆς Christianorum. Jac. ii. 2. Ubi tamen an *locum conventus* intelligat, an *conventum* sive *coitionem*, an *cetum* qui convenit in unum; non libet nunc scrupulose anquirere. Sed & is Judæos potissimum alloquitur, quibus rem gratam facturum se putavit, si eam vocem usurparet, quæ apud ipsos & frequens erat, & honorata.

IV. Christus tamen & post eum Apostoli Ἐκκλησίαν dicere maluerunt. Quæ vox ex Græcis desumpta moribus, & Judæorum deinceps applicata institutis, tandem Christianis singulari modo propria evasit. Derivatur nimirum *Ecclesia* ab ἐκκαλεῖν, *evocare*, & sic appellabatur in Rebus publicis Democraticis coetus *populi* (nam *Optimatum* coitio *συγκλησία* vel βουλή dicebatur) præconio aliquo publico evocati, & in certum quendam locum collecti, ut in commune consulerent. Adeam similitudinem, a Græcis Veteris Instrumenti Interpretibus, Ἐκκλησία dicta est illa Israëlitarum societas, quæ ex omnibus Judææ partibus, ad festa solemnia, & ad publicas ac celebres religionis actiones, in unum locum, statis quibusdam temporibus, convocabatur. In Hebræo respondet vox קהל. Ἐκκλησία autem appellatio Christo atque Apostolis ad fidelium coetum designandum magis allubuit quam quævis alia;

tum

tum quod esset ad eam rem significandam accommodatissima, tum quod discriminari hoc nomine Christianos suos a Judæis volebant, qui sibi potissimum vindicabant nomen *Synagoga*, denique ut gentibus sese accommodarent, qui posthac longe maximam populi Dei partem facturi erant. Nam *συναγωγὴ* vox est inter Græcos raro usitata, *Εκκλησία* autem vocabulum longe notissimum, & habet nescio quid popolare, & quod hominum mentes conciliare aptum natum est. Denotat enim quorumvis hominum promiscuam multitudinem, non inconditam quidem illam & confusam, sed talem tamen ut nullus ab ea ob conditionis humilitatem excludatur. Quo facit Apostoli illud 1 Cor. i. 26. *Cernitis τὴν ἀλφειὴν vocationem vestram* (unde Ecclesie nomen) *fratres, vos videlicet non esse multos sapientes secundum carnem, non multos potentes, non multos nobiles. Verum quæ stulta sunt mundo elegit Deus &c.*

V. Non est etiam negligendum nomen *Πανήγυρις*, quod Apostolus usurpat Heb. xii. 26. quodque significationem habet ab illa *ἐκκλησία* aliquid quantum diversam. Scilicet quando populus convocabatur ut de rebus ad rempublicam spectantibus *deliberarent*, sive decernerent, ea cōitio, uti monuimus, *ἐκκλησία* dicebatur. Quum autem, ut in Panathenaticis, populus invitabatur ad *spectaculum* aliquod solemne, tum conventus ille dicebatur *πανήγυρις*, & si qua tum habebatur oratio, ea dicebatur *πανηγυρὶς λόγος*. Fidelium ergo cœtus *Ecclesia* dici potest, quatenus conveniunt ut de rebus ad regnum Dei pertinentibus, id est spiritualibus ac cœlestibus, agant: *Panegyris* autem, quatenus invitati atque admissi sunt ad spectaculum longe maximum, virtutum Divinarum in Christo relucentium; quo spectaculo ne cœlestes quidem genii fatiari possunt.

VI. Satis nunc pro instituto nostro de *vocabulis* præfati ad rem ipsam accedamus. Finimus itaque Ecclesiam, quod sit *Societas hominum credentium* & *sanctorum*, a Deo per *verbum Evangelii* ex *universo generi humano*, ad *communione gratiosi in Christo fœderis vocatorum*. Nihil in hac definitione frustra a nobis esse positum, singulorum verborum declaratio docebit. Quum Ecclesiam *societatem* dicimus, ostendimus eam *multitudinem* esse, 1 Cor. x. 17. *multi sumus*. Sed multitudinem eorum qui inter se *juncti* sunt. *Unum corpus* nos, illi *multi sumus*. Adde 1 Cor. xii. 14. *Corpus non est unum membrum, sed multa*. Corpus autem Christi est Ecclesia. Col. i. 18. Ad *Homines* hunc cœtum restringimus. *Angeli* enim, etiamsi *conservi nostri* sint, Ap. xix. 10. eundem nobiscum habentes *Domini*, & *fili* ejusdem *familias*, Job. i. 6. ejusdemque beatitudinis, quæ in *communione Dei* consistit, *participes*; unde & nos *accessisse* dicimur ad *Angelorum myriadas*, Heb. xii. 22. tamen totum illud quod sunt, alio atque nos modo ac titulo sunt: non redempti a Christo, non vocati per Evangelium, non regeneriti per Spiritum, non consortes fœ-

Ecclesie definitio, per singulas partes explicata.

deris gratiæ : quæ maxima sunt Ecclesiæ privilegia, atque *καύχημα*. Non enim utique Angelos adsumsit; sed semen Abrahami adsumsit. Heb. 11. 16. Addimus esse societatem hominum *credentium*, hoc est recipientium & pro vero agnoscentium sermonem Evangelii. Act. 11. 41. *Qui libenter receperant sermonem ejus, baptizati sunt, & additi Ecclesiæ.* Heb. 111. 6. *Cujus domus nos sumus, si modo percipimus illam, & spem illam de qua gloriamur, ad finem usque firmam retinuerimus.* Et Sanctorum. 1 Pet. 11. 9. *Gens Sancta.* 1 Cor. 1. 2. *Vocati Sancti.* Hi colliguntur a Deo. Gal. 1. 1. qui propterea : *καλῶν*, vocans ille, dicitur; Rom. 1X. 11. uti ipsi, *Ecclesiæ Dei vivi.* 1 Tim. 111. 15. Collectio ista fit per *verbum Evangelii.* Nam etiam si Deus per *naturam* quoque homines quodammodo ad se invitet. Act. XVII. 27. Rom. 11. 4. non tamen ea quodlibet invitatio ad Ecclesiam constituendam sufficit: sed oportet accedere *verbum supernaturalis revelationis.* 1 Cor. 1. 21. *Nam postquam in Dei sapientia, mundus non cognovit Deum per istam sapientiam, libuit. Deo per stultitiam prædicationis salvare credentes.* Prædicatio ista ex parte quidem *Legis* est, ut rite animi præparentur. Rom. X. 4. *Nam finis legis est Christus ad justitiam cuius credenti.* Sed potissimum Evangelii. Gal. 111. 2. *Hoc solum velim discere ex vobis an ex operibus legis Spiritum accepistis, an iis antiquis precibus & auditione fidei?* Ea per Evangelium invitatio *Vocatio* dicitur Rom. VII11. 30. *τὸν καὶ ἐκάλει.* unde frequens nuncupatio *καὶ ἐκάλει*, ipsamque *ἑκκαλήσις* vocabulum. Desumpta autem hæc locutio videtur ex Prov. VIII. 1. *Nonne sapientia clamat, & intelligentia edit vocem suam &c:* & quæ similia alibi occurrunt. Porro vocatio ista fit ex *universo* genere humano, ex quo Deus primo *Israelitas* vocavit. Ps. CXLVII. 19. *dein gentes:* juxta Jef. LV. 5. *Ex gentem quam non agnoveras vocabis.* Terminus vocationis illius, est *communio gratiosi fœderis in Christo.* Quæ parabolicis verbis describitur Prov. 1X. 4-5. *Quisquis factum divertit huc. Venite, vescimini cibo meo, & bibite de vino quod miscui.*

Duplex Ecclesiæ forma est:

VII. Verum perquam attente observandum est, *duplicem* esse Ecclesiæ *formam*, aut, si mavis, *statum* atque *conditionem*; alteram *internam*, ac *mythicam*, secundum quam solus Deus de membris certo judicat; alteram *externam*, & magis *visibilem*, cujus dijudicatio hominibus etiam commissa est.

Sicut duplex vocatio:

VIII. Duplex enim est *vocatio*: altera *externa* duntaxat, per *verbum*; Mat. XX. 16. *Multi sunt vocati, pauci vero electi.* altera *interna*, per *Spiritum*; quæ priva electorum est. Rom. VII11. 30. Gal. 1. 15. 16.

Duplex fides:

IX. Duplici isti vocationi duplex respondet *fides*; altera *communis*: quam & in reprobis invenias, qua veritati Evangelicæ adficientes, evanidum aliquod gaudium perferunt; partim ob rei novitatem, ac raritatem, partim ob spem eam temerariam qua bona Evangelii, quamvis nihil

nihil ad se pertinentia, secure sibi rapiunt. Act. viii. 13. *Simon vero & ipse credidit.* Confer Mat. xiii. 20. & seq. Altera *Salutaris.* Tit. 1. 1. *Fides electorum Dei.* 1 Tim. 1. 5. *Fides non simulata.* Gal. v. 5. *Fides per charitatem efficax.*

X. Duplex etiam est *Sanctitas*; altera duntaxat *externa*, *federalis*, quæ in eo consistit, ut quis, ab impuri ac profani mundi consortio segregatus, accenseatur populo Dei, & competentiam habeat multarum promissionum. Ita Ezr. ix. 2. *Israëlitæ vocantur semen sanctum, qui se miscebant cum populis terra.* In eundem sensum Paulus dixit Rom. xi. 16. *Quod si primitia sanctæ, etiam massa: si radix sancta: etiam rami:* h. e. si patres fuerint foederati Dei; idem etiam de posteris existimandum est. Sub Novo quoque Testamento talis agnoscenda sanctitas. Nam 1 Cor. vi. 1. 2. gentibus ut *non sanctis*, tota Christianorum ratio ut *sancta* opponitur. Et 1 Cor. vii. 14. *maritus infidelis sanctificatus* dicitur in uxore credente, & contra: adeo ut *liberi* ex tali matrimonio *orti sancti sint.* Sensus est: quum alter conjugum ad foedus adsumitur, sanctitas illa, quæ consistit in competentia promissionis, hætenus communicatur cum parte infideli, ut ex tali conjugio suscipiantur liberi, qui accensendi sunt foederatis, & hæredibus promissionis. Altera vero sanctitas *interna* est atque *absoluta*, renatorum propria, conformitas nimirum cum Deo & expressio Divinæ puritatis. Ps. xciii. 5. *Domui tuæ decorus est sanctitas.*

Duplex  
Sanctitas:

XI. Ad eundem modum duplex est *communio fœderis gratia*; altera duntaxat quoad *beneficia symbolica*, & *communia*, non habentia certum cum salute nexum, ad quorum participationem aditum facit in *sanctis*, *natiuitas*, ex *parentibus fœderatis*; Gen. xvii. 7. Act. ii. 34. in *adultis*, *professio fidei ac resipiscentia*, etiamsi *fucata.* Quicumque enim Christianismi professionem edentes, eam vitæ suæ improbitate non refellunt, uti ista sua professione in foedus, jus jurandum, & execrationem transeunt, ita per Ecclesiæ ephoros a sacramentorum communione arceri non possunt: atque hætenus revera foederati Dei sunt, imo & palmites suo modo Christo insiti, quamvis in ipso fructum non ferentes, neque manentes: Joh. xv. 2. 6. quos non temerari modo præcepti, sed & violati fœderis poena manet, si improbe vivere comperiantur. Alia est *communio bonorum fœderis internorum, spirituum, salutarium*, qualia sunt remissio peccatorum, inscriptio legis in cordibus, &c: Heb. viii. 10. 11. 12. Huc pertinet distinctio Judæi in *propatulo* & in *occulto*; ac *circumcisionis* in *carne* ac *litera*, & *corde* ac *spiritu.* Rom. 11. 28. 29. quæ analogice ad Christianismum transferenda sunt.

Duplex  
communio  
fœderis  
gratiofi.

XII. Ex omnibus hisce resultat, duplicem quoque Ecclesiæ faciem Altera Ecclesiæ forma  
X x 3 five

Externæ, &  
visibilis,  
alacra Inter-  
na ac My-  
stica est.

sive formam esse: alteram *visibilem*, quæ fidei cultusque Divini profes-  
sione atque exercitatione absolvitur; alteram *spiritualem*, quæ primam  
sui originem Divinæ electioni debens: viva fide ac sanctimonia consum-  
matur. Distinctionem hanc Johannes suggerit. 1. Joh. 11. 19. *Et*  
*nobis*, id est coetu externo eorum qui Christianismum nobiscum profi-  
tentur, *egressi sunt*; *sed non erant ex nobis*, non pertinebant ad societatem  
electorum ac vere fidelium.

Ad mysti-  
cam Eccle-  
siam non  
pertinent  
nisi Electi,  
& vere fide-  
les.

XIII. Si Ecclesiam in forma sua *interna* spectes, nulli ad eam perti-  
nent nisi *Electi*. 1. Pet. 11. 9. *Vos autem estis genus electum*. Lique *intus*  
atque efficaciter *vocati*. Heb. 111. 1. *Sancti fratres, vocationis celestis*  
*confortes*. Vera ac *viva fide* præditi: & per Spiritum Dei *sanctificati*. 2.  
Thess. 11. 13. *Elegit vos Deus ab initio ad salutem, per sanctificationem Spi-*  
*ritus, & fidem habitam veritati*. Denique *arcanam communionem* cum Pa-  
tre, & cum Filio ejus Jesu Christo habentes. 1. Cor. 1. 9. *Fidelis est*  
*Deus per quem vocati estis ad communionem Filii ipsius, Jesu Christi Domini vo-*  
*stri*. 1. Joh. 1. 3. *Ut & vos communionem habeatis nobiscum: & commu-*  
*nio nostra sit cum Patre & cum Filio ejus Jesu Christo*.

Illiusque  
Regimen  
soli Deo in  
Christo  
apertè  
competit,

XIV. Hujus Ecclesiæ, secundum hanc formam spectatæ, regimen  
soli Deo in Christo competit, quippe cui soli in animos atque conscien-  
tias jus & potestas est, quique solus ad salutarium beneficiorum com-  
munionem quos vult admittere potest. Soli etiam *αρχηγόνος* vera illius  
Ecclesiæ membra singulatim certo cognita sunt. 2. Tim. 11. 19. *Novit*  
*Dominum qui sui sunt*. Ea tamen veræ fidei sanctitatisque natura est, ut  
suis se indiciis hominibus patefaciant, quantum ad judicium charitatis de  
proximo ferendum sufficit. 2. Thes. 11. 13. Jac. 11. 18.

Externæ Ec-  
clesiæ Oeco-  
nomos Deus  
præstituit,  
qui ab illius  
communion-  
e accere  
non possunt  
quocunque  
fidem ac re-  
sipiscientiam  
verbis pro-  
frentur, nec  
factis aperte  
refellunt.

XV. Sin *externam* Ecclesiæ formam consideres, ei Deus *Oeconomos*  
quosdam præstituit, quibus externorum privilegiorum dispensatio cer-  
tis legibus commissa est. 1. Cor. 14. 1. Et profecto ne ad ea quidem  
quisquam jus habet, nisi regegnus & sanctificatus: sunt enim signa at-  
que sigilla mysticæ gratiæ; quæ uti solis competit fidelibus, ita nec il-  
lius sigilla sine temeratione ab infidelibus usurpari possunt. *Oeconomo-*  
*rum officium est, ejus rei omnes atque singulos accurate commonefa-*  
*cere, ne temere se ingerentes, judicium sibi accersant*. Quum vero  
*αρχηγόνος* non sint, ab omnibus Ecclesiæ communionem petentibus,  
fidei ac resipiscentiæ professionem exigere tenentur. Quam si quis ver-  
bis præstet, neque factis palam refellat, eum si *μεμάρτυς*, quod ad se at-  
tinet, secure admittere possunt; sine scrupulosiori inquisitione in sta-  
tum internum, cujus cognitionem certam sibi Deum reservasse, legi-  
mus, Ecclesiæ ministris injunxisse non legimus. Vide Mat. 111. 6. Act.  
VIII. 37; Verum quidem est, Apostolos ac primorum temporum Evan-  
gelistas, instructos fuisse extraordinario dono, quod Paulus *δίδωμι πνεύματος*  
vocat

vocat 1 Cor. XI. 10. sed non apparet, eos in suscipiendis Ecclesie membris dono isto usos esse, ut vere regeneritos discernere ab iis qui regenerationem verbis & externo opere simularent. Hoc enim si fecissent, unde in Ecclesia Simon Magus? Act. VIII. 13. & scandalosi illi qui taxantur. 1 Cor. XI. 18. 21.

XVI. Quum ergo fieri non possit, quin in tanta profitentium multitudine, nonnulli Christo mentiantur, hinc fit ut in externa ista Ecclesia, <sup>Hinc in eterna ista Ecclesia mali misti bonis.</sup> hypocritæ ac malæ frugis homines nunquam desint. Eam ob rem Ecclesia comparatur *Area*, in qua non modo *triticum* est, sed & *palea*. Mat. III. 12. *Agro*, juxta *bonum semen* etiam *zizaniis* confito. Mat. XIII. 24. *Sagena*, cum *bonis piscibus malos* contrahenti. ibid. vers. 47. *Magna domus*, in qua omne genus *vasa*, alia quidem *ad decum*, alia *ad dedecum*, 2 Tim. II. 20.

XVII. Nunc *Epitheta* atque *Elogia* Ecclesie videamus, quæ quidem ei secundum utramque formam, attamen cum maxime secundum internam illam, conveniunt. Illorum autem tria Symbolo memorantur: SANCTA, CATHOLICA, CHRISTIANA. <sup>Tria Ecclesie Epitheta.</sup>

XVIII. SANCTA dici potest Ecclesia; I. Respectu *Doctrinae*, quæ <sup>I. Sancta.</sup> dogmatum suorum puritate, præceptorum castitate, exemplorum generositate, rationum efficacitate, quicquid in omnibus Legislatorum, aut Hierophantarum, aut Philosophorum placitis laudabile reperitur: immensum quantum superat. Deut. IV. 6. 7. 8. Rom. VII. 12. 1 Tim. VI. 3. Tit. I. 1. & II. 11. 12. II. Respectu *vita* ac morum. In veteri Ecclesia obtinebat *Sanctitas* quædam *typica*, quæ sita erat in separatione a reliquis nationibus ut cultui Dei consecraretur, & in purificatione quadam externa atque corporea, qua populus Israëliticus veluti lustratus ac februatatus fuit. Ei in nova Ecclesia respondet *Sanctitas realis*, quæ est separatio a communi conditione peccatorum, ad spirituales illum Divinum cultum obeundum qui foedere Evangelico præscriptus est. Gal. I. 4. Et purificatio mentium per sanguinem & Spiritum Jesu Christi. Tit. II. 14. Appellatur ergo Ecclesia Christiana Sancta, non solum *ἀντιμαρτυρίας* ad reliquas nationes, quæ ab omni parte impuræ & contaminatæ fuerunt. 1 Cor. IV. 12. Sed & ad gentem *Judaicam*, cujus *Sanctitati umbratili* opponitur *vera*, atque *realis*. Heb. IX. 12. 14. III. Respectu *Inviolabilitatis* suæ. Pl. CV. 13. 15. Non permisit cuiquam opprimere eos, etiam reprehendit propter eos Reges; ne attingitote, inquit, sanctos meos. Confer Zach. II. 1. Gen. XII. 3.

XIX. CATHOLICÆ elogium in sacris literis non invenitur. Primus quem illud usurpasse invenimus Ignatius est in *Epistola ad Smyr-* <sup>II. Catholica. Quæ vox neque in Sacris exstat.</sup> *licam*. Quæ *neque in Sacris exstat*. *ὅπου ὁ Ἰησοῦς ὁ Χριστός ἔστιν, ἐκεῖ ἡ καθολικὴ ἐκκλησία. Ubique Christus Jesus est, ibi Catho-*

*Catholica Ecclesia.* Sed & exstat in Epistola Ecclesiæ Smyrnenfis qua Polycarpi sui martyrium exponit, quæ inscripta est Ecclesiæ Dei apud Philomelium, καὶ πάσης τῆς κατὰ πάντα τόπον τῆς αἰῶνος καθολικῆς Ἐκκλησίας παροικίας, & omnibus ubicunque terrarum sanctæ & Catholicæ Ecclesiæ populi. *Enseb. Hist. Lib. IV. Cap. XI.*

& πολὺν  
μὲν ἐστ.

XX. Sumitur autem *Catholica* cognomen non uno sensu. I. *Latissime*, quatenus complectitur omnes locorum, temporum, personarum ac statuum differentias: atque universam Dei familiam significat, sive olim sive nunc in terris peregrinantem, & per omnia mundi tempora ac spatia diffusam. II. *Strictius*, quando Ecclesiæ T. N. attribuitur in αἰδιδασκαλίᾳ Veteris. Ea enim nulli loco ac populo affixa, uti olim, sed rupto parietis intergerini septo, toto, quæ patet, orbe sparsa, communis omnium mater est, quos eodem lacte nutritos eodem sinu fovet, mundum universum commune veluti Dei templum faciens. *Cyrillus Hierosol. cateches. XVIII.* Καθολικὴ μὲν ἔν καλεῖται, διὰ τὸ κατὰ πάντας εἶναι ὁραμένης, ἀπὸ περάτων γῆς ἵως περάτων. *Catholica igitur vocatur, quia per totam sparsa est terrarum orbem, a terminis terræ usque ad terminos.* Atque operæ pretium fuit hac etiam nota Ecclesiam Christianam, a Synagoga distinguere, ut declararetur per adventum Christi Domini suam priscis oraculis constare veritatem, quæ quasvis sine discrimine gentes, ad Dei communionem pelliciendas esse, sæpe numero cecinerant. Sed constat ab eo potissimum tempore Catholicæ nomen invaluisse, quo *Novatiani*, & postea *Donatistæ*, exiguo Ecclesiam *Africa* termino includebant. Tunc opponebant Orthodoxi *Catholicæ* elogium, ut eam quæ toto orbe obtineret Christi Ecclesiam, ab *Hæreticorum* & *Schismaticorum* distinguerent *conventiculis*. III. *Abusive*: quando notat Ecclesiam particularem, quæ communionem cum universali conservat, neque ab ea per hæresin aut schisma separata est. Imo usu invaluit, ut *Catholica* idem significet quod *Orthodoxa*. Unde frequenter apud antiquos, ἡ καθολικὴ Ἐκκλησία ἡ ἐν Σμύρῃ, ἐν Ἀλεξανδρείᾳ, ἐν Κωνσταντίνῳ πόλει, ἐν Ναζαρέθ, & talia sine numero.

III. Chri-  
stiana.

XXI. Denique & *CHRISTIANA* vocatur, quia Christi *Discipula* est, Act. xi. 26. & Christus ejus *Doctor*. Mat. xxiii. 8. Christi *sponsa*, & Christus ejus *sponsus*. Joh. iiii. 29. Christi *corpus*, ac *plenitudo*, quæ ad perfectam Christi staturam requiritur. Conf. i. Sam. xxviii. 20. πληρὺ τοῦ σώματος καὶ τῆς ἡλικίας αὐτοῦ. & Christus ejus *caput*. Eph. i. 22, 23. Tam arte denique cum Christo unita, ut & ipsa *Christus* nuncupetur. i. Cor. xii. 12.

Cur dica-  
mus, Credo  
Ecclesiam,  
non in Ec-  
clesiam:

XXII. Restat nunc ut dispiciamus quæ *fidei* nostræ circa Ecclesiam *operositus sit*, ubi primo attendenda in Symbolo est repetitio vocis *Credo*, deinde locutionis variatio; non enim sicuti antea dictum est *Credo in Deum Patrem*, &c. *Credo in Spiritum S.* ita & hic dicitur, *Credo in Eccle-*



*Ecclesiam*; sed *Credo Ecclesiam*. De industria verbum illud *Credo* repetitum esse videtur, partim ut doceremur novam rerum seriem inchoari, quarum ab antegressis magna est diversitas; partim quia sine ista repetitione verborum constructio pateret sententiam vel obscuram, vel pietati minus congruentem. Difficile enim fuisset in ea verborum complexione, *Credo in Sp. S. Sanctam Ecclesiam Catholicam*, ita iungere *Credo*, cum *Sanctam Ecclesiam*, ut supprimeretur particula *in*. Quod tamen necesse fuit. Alio enim prorsus modo fides nostra circa Ecclesiam versatur, atque circa Deum. Ecclesia nimirum ex creaturis constat; in quas vel singulatim consideratas, vel spectatas junctim, fide recumbere nefas est.

XXIII. Quum ergo *Ecclesiam* nos credere affirmamus, profiteamur exstitisse jam a temporibus secularibus, etiamnum exstare, & ad mundi usque consummationem existuram esse societatem hominum a Deo ad salutis participationem electorum, per Evangelium & Spiritum vocatorum, fidem ac pietatem verbis profitentium, factis colentium; cui societati nullæ unquam mundi in pravo jacentis machinæ, nullæ inferorum portæ prævalebunt. Fieri enim nullo pacto potest ut decretum Dei excidat. 2. Tim. II. 19. ut promissa Dei fallant. Mat. XVI. 18. ut verbum Divinæ vocationis in cassum prædicetur. Jes. LV. 10. ut prophetiæ de æternitate regni Christi mentiantur. Pl. XLV. 7. Dan. II. 44. Luc. I. 33. ut Christus operæ suæ pretium perdat: Jes. XLIX. 5. 6. & Doctor sit sine discipulis, Rex sine subjectis, Sponsus sine sponsa, caput sine corpore.

XXIV. Neque satis est ut hæc generatim credamus atque profiteamur: altius meditationibus nostris enitendum est, ut cum sacro quodam stupore admirabilem Dei in Ecclesiæ gubernatione œconomiam, & quas in ea exserit virtutes suas, venerabundi adoremus. Ab æterno nimirum totam Ecclesiæ rationem animo suo delineavit; diversa illius fata certis temporum periodis sapientissime circumscribens; verbum vocationis *πολυμερὲς καὶ πολυτρόπον* dispensans; primo liberius eam habens, in familiis Patriarcharum, dein adstrictius, in gente Israëlita, mox in plenam libertatem asserens, accepto die atque anno gratiæ; aliquando paternæ castigationis virga coercens, alias lætæ pacis abundantia locupletans; nunc grati veris floribus ornans, mox hyberna nimborum ventorumque sævitia adurens. Apprime autem mirabilem se in N. T. Ecclesia exhibuit, quam priscorum rituum fascibus evolutam, per gentes quaquaversum circumtulit, & cum Judæorum primo pertinacia, dein gentium crudelitate & hæreticorum astibus artibusque fortiter luctatam, rerum in mundo potiri sub Constantino Imperatore jussit. Quo tempore mixtura bestię cum Ecclesia coepit, & Antichristus paulatim invalescere, & populus Dei captivus abduci in Babylonem;

Profitemur  
eo verbo  
fidem de Ec-  
clesiæ per-  
petuitate.

Cujus diver-  
sæ periodi,  
Deique cir-  
ca eas mi-  
rabilis œco-  
nomia, reli-  
giose nobis  
attendendæ  
sunt.

donec per reformationem lætiora Ecclesiæ fulserunt tempora, suis tamen interstincta ac porro interstinguenda deliquiorum intervallis; terminanda vero felici Judæorum conversione, & si quam præterea fata parturiunt, gloriosa Ecclesiæ conditione, usque dum rebus iterum colabantibus Judex e cœlo appareat, omnia consummaturus. Quæ vatum decantata carminibus, & Divina Johannis Apocalypsi accurate consignata, nunc vero magnam partem ipso opere impleta, ad Divini nominis gloriam, fidei firmamen, spei exercitium, pie fidelibus meditando proponuntur. *Videant recti, & latentur: omnis vero nequitia obdat os suum. Quis est sapiens? observet ista: ut animadvertantur benignitates Jehovah.* Pl. cvii. 42. 43. Hæc demum illa sunt, in quibus nota nunc sit per Ecclesiam imperiis ac potestatibus quæ in cœlis sunt, multiformis illa sapientia Dei; secundum præstitutum æternum quod constituit in Christo Jesu Domino nostro. Eph. i. 10. 11.

Sed & communio nobis cum Ecclesia colenda est.

XXV. At neque hic subsistendum, sed communio nobis colenda cum Christi Ecclesia est, ut ei nos associemus, auditione verbi, contemperatione precum, concentu Divinarum laudum, professione fidei, ejusdemque panis ac vini ad mensam Dominicam participatione. Non accurrendum modo hic nobis, sed & convolandum est veluti columbis ad fenestras suas. Jes. lx. 8. ut per nos quoque satisfiat prophetiis istis quæ de alacritate gentium ad Ecclesiam concursu tam magnifice locutæ sunt. Jes. ii. 2. 3. Jer. xxxi. 12. Zach. viii. 20-23. & alibi passim. *O quam bonum, & quam amicum est fratres ita habitare una!* &c. Pl. cxxxiii. 1.

quæ non est quod nos absterreant navi quidam, aut aliorum crimina.

XXVI. Neque est quod ab hac nos communione absterreant quidam fortassis in Ecclesiæ regimine navi, aut aliorum etiam non satis ex præscripto agentium crimina. Si modo intemerata maneat doctrinæ veritas, & nos neque naves istos approbare cogamur, & a criminum nobis communione caveamus; tantum Dei institutis reverentiæ a nobis deferri par est, tantum charitatis iis qui in coetu isto sunt fidelibus, ut labentes frequentesque ad communia iis cum pietatis exercitia conflamus. *Non deferentes aggregationem nostræ mutui, sicuti mos est quibusdam, sed adhortantes alii alios.* Heb. x. 25. Frustra in terris Ecclesiam sine macula, aream sine palea, agrum sine zizaniis expectamus; domumve in qua nulla nisi ad decus vasa existant. Nec est quod placituros nos Deo existimemus ulla propriæ sanctitatis præsumptione cum iis quibusdam aliorum. *Qui dicunt appropinquamus ad tuos; ne attingito me, quia sanctior sum te; ii sumus f. mus in naso meo, ardens toto die.* Jes. lxxv. 5.

Modo veram se Christi Ecclesiam esse prober Evangelicæ veritatis professione.

XXVII. Id tamen solícite attendendum, ut non nisi veram nos ad sociemus Ecclesiæ, ne pro casta Christi sponsa prostitutam atque adulteram amplexemur. In tanta autem coetuum multitudine, qui certatim sibi Ecclesiæ nomen vindicant, quis animæ salutis suæ anxie præ cæteris eligendus

gendus sit, hoc opus, hic labor esse videtur. Sed una potissimum nota est, qua veram Christi Ecclesiam ab adulterina haut difficulter admodum dignoscas: nimirum coelestis doctrinae veritas, quam qui, prout a Christo, Prophetis atque Apostolis tradita est, pie profitetur coetus, eum pro Christi Ecclesia tuto agnosces. Quid enim illa est nisi *columna & stabilimentum veritatis*? 1 Tim. III. 15. *Superstructa super fundamentum Apostolorum & prophetarum, existente imo lapide angulari ipso Christo &c.* Eph. II. 20. 21.

XXVIII. Porro is est coelestis doctrinae genius, ut facile se conscientis approbet. Tota enim eo comparata est, ut ad *Dei laudem* omnia referat, Pl. cxv. 1. *Humani autem fastum ingenii validissime retundat.* Gal. VI. 3. In adversis mentem afflictam suavissime *consoletur.* Jes. XI. 1. Et castissimae *Sanctitatis* praxin fortiter urgeat. Tit. I. 1. Hæc qui observaverit facile animadvertet, quantum inter cæteros Christianum nomen perfitentes, ea quæ Reformata dici solet Ecclesia, doctrinae ratione emineat. Illud enim prorsus agit, ut Deus nullius non, uti in omnibus, ita & in homine, boni auctor datorque esse agnoscatur, ut homo suæ sibi *edivias* conscius, omnique virium, omni meritorum fiducia exutus, totus a Divina gratia dependeat; ut non ulli creatæ rei, sed soli Divinae in Christo omnifufficiëntiæ sisus, firmum in dubiis solamen habeat: ut denique immensa Dei *piramenteria* & indebita Christi pietate ad officium stimulatus generosæ sanctitati operam det, quæ seposita amoris proprii mercenaria vilitate, ex puro Dei amore ad illius gloriam cuncta molitur. In quibus rebus omnibus & singulis, quotcunque extra Reformatæ Ecclesiæ societatem sunt, plurimum deficere comperiuntur.

Quæ nullibi intemperatior est quam in eorum coetus qui Reformati dici solent.

XXIX. Neque est quod deterreri nos patiamur importunis Romanensium vociferationibus, sciscitantium ubi illa nostra Reformata Ecclesia fuerit ante exortum Lutherum aut Calvinum. Facile enim quæ stiunculae illi satisfieri potest: nec multa ambage opus est. Illud utique utrimque constat, veram Christi Ecclesiam semper fuisse. Sed nec id inficias iverint Romanenses, pro vera Christi Ecclesia illam esse agnoscendam, quæ dogmata omnia a Christo, Prophetis, atque Apostolis tradita indubitata fide tenet. Id autem nostram Ecclesiam facere, per singula capita pridem ex Scripturis evicimus. Si negent Romanenses, unum monstrent ubi a sacrarum cynosura literarum secedamus. Hæc via certissima, ac compendiosissima est. Id injunctum est animæ piæ, ut ad Lydium Scripturarum lapidem omnia exploret, non ut vasta Patrum quos vocant volumina, cunctosque tenebrosæ antiquitatis recessus perreptet, in quibus inquirendis doctissimorum se pridem fatigavit solertia.

Quicquid de illius novitate inepte vociferentur Romanenses.

XXX. At nec hoc subterfugimus: & per secula omnia monstrare

vadimonio pro ea suscepto : quamque pretiosi sui sanguinis *ἀντὶ* sibi comparavit, eternam redemptionem nactus. Heb. ix. 12. Quod iterum novi Cantici materia est. Ap. v. 9. 10. III. Quam verbo & Spiritu vocavit ad regnum suum & gloriam. 1 Thef. ii. 12. IV. In cujus medio habitat, in habitatione longe præstantiore, longe perenniore, quam ea fuit qua habitavit olim in templo Hierosolymitano. Eph. ii. 22. *Domicilium Dei in Spiritu.* 2 Cor. vi. 16. *Vos estis templum Dei viventis: sicut dixit Deus habitabo in eis & inambulabo.* Adde Joh. xiv. 23. Ap. iii. 10. V. Quam omni benedictione cumulat, & uberrimis Spiritus sui donis locupletat. Pl. cxxxii. 15. 16. *Viatico ejus assatim benedicam, egentes ejus saturabo cibo: Sacerdotesque ejus induam salute, & quos benigne in ea accipio, omnino cantabunt.* Jer. xxxi. 12. 14. *Tum venientes cantabunt in excelsis Sionis, & confluent ad bonitatem Jehovæ, cum frumento, & cum musto, & cum oleo, & cum fetibus & gregibus armenti, eritque anima eorum similis borto irriguo &c.* Joel. iii. 18. *Erit autem die illo, stillabunt montes ipsi mustum, & colles diffuent lacte, & omnes alvei Judæ diffuent aquis, & fons e domo Jehovæ prodibit, qui irrigabit vallem cedrorum lectissimarum.* VI. Quam tam tenero prosequitur charitatis adfectu, ut in laudibus illius prædicandis neque modum sibi neque terminum statuatur. Cant. iv. 9. 10. *Rapis animam meum, soror mea sponsa: rapis animum meum, uno oculorum tuorum, uno torque a faucibus tuis.* Quam pulchri sunt amores tui, soror mea sponsa &c. Et quid partem aliquam Divini hujus cantici seligo, quum totum huc pertineat? VII. Quam tam sollicita tuetur cura, ut adversus mundi inferorumque insultu tuta, adversitatum omnium plus quam victrix futura sit. Rom. viii. 35-39. Jes. lx. 18. VIII. Quam Antichristi tyrannide aliquando liberatam, & Judæorum multarumque gentium accessione auctam, eximiis Sapientiæ, Sanctitatis, Consolationis, & omnigenæ Ubertatis Spiritualis incrementis, gloriosam reddet. Uti sæpissime sacris est promissum vaticiniis, & diserte admodum ac prolixè Jes. lx. Quo toto capite nihil aliud agitur, quam ut gloriosus Ecclesiæ status describatur post restitutum ei Israël, de qua restitutione egerat Cap. lxx. 20. coll. cum Rom. xi. 26. IX. Quam denique suis in terra certaminibus defunctam, sepulcrique, quo plurimorum detenta fuerunt corpora, erutam faucibus, æternum beabit cælo. 1 Cor. xv. 22. 23. 24. *Omnes in Christo vivificabuntur. Unusquisque autem suo ordine: primitiæ Christus, postea qui sunt Christi, in adventu ipsius. Deinde finis quum tradiderit regnum Patri &c.* XXXVII. Omnis autem felicitatis hujus, quæ ad totum Ecclesiæ corpus pertinet, participationem singula mystici corporis membra, pro sua portione, donabuntur. Et quum fideles omnes mutux charitatis vinculo arctissime colligati sint, id sibi singuli datum esse autumabunt quod conceditur universis. Ecquis hæc expendens non exclamet! *Beatus quem*

Quippe cu-  
jus singuli  
pro sua por-  
tione parti-  
cipes sint.

*quem eligis, & admoveas inhabitaturum atria tua: saturamur bonis domus tua, rebus sanctis templi tui. Res reverendas in justitia proloqueris nobis, o Deus salutis nostrae, fiducia omnium extremitatum terra & maris longinquarum, Pl. LXV. 5. 6.*

XXXVIII. Sed & fides ea de Sancta Christi Ecclesia, nostrae erga <sup>Fides de Ecclesia nostra erga eam pietatis officia infer.</sup> eam charitatis officia exigit atque infer. Quomodo enim sine crimine poterimus non amare eam hominum societatem qui angelorum cura & coeli deliciae sunt? I. Caveamus igitur ne unquam *agere faciamus Ecclesiam*, cujus injurias omnes, ut sibi illatas, vindicabit Dominus. Act. ix. 4. 5. Cui non pessime successit, qui aliquid adversus eam molitus est? Zach. xii. 3. *Futurum est die illo ut disponam Hierosolyma veluti lapidem onerosissimum omnibus populis, quo quicumque onerant se, omnino caduntur, etiamsi congregentur contra illa omnes gentes. Loquantur hic foedi tremendique exitus, Pharaonis, Sennacheribi, Hamanis, Herodis, aliorumque sine numero, quorum plena omnis vetustas, plena etiam recentiora tempora sunt.* II. In Ecclesiae fata ex sacris vaticiniis diligenter inquiramus, ut quibus jam exercita certaminibus, quid sperandum porro metuendumve habeat, sacra quadam fidei ~~exordia~~ colligamus: admirabiles Domini vias semper & ubique adorantes. Ap. i. 3. *Beatus qui legit, & qui audient verba prophetiae hujus.* III. Adversus Ecclesiam non segniter condoileamus. Neh. i. 3. 4. Pl. cii. 15. Am. vi. 6. IV. Rebus illius laetis gaudeamus: bonis illi verbis gratulantes, *Benedicat tibi Jehova, o habitaculum justitiae, mons sanctitatis.* Jer. xxxi. 22. *Ut fruatur bono electorum tuorum, ut later latitia gentis tuae; ut me laudibus efferam cum possessione tua.* Pl. cvi. 5. V. Aedificationem illius quovis modo promoveamus, sermone, opere, prece. Jes. lxii. 1. *Propter Sionem non tacebo, & propter Hierosolyma non quiescam: donec prodeat ut splendor justitiae ejus, & salus ejus ut lampas ardeat.* Pl. cxxxi. 1. 8. 9. *Propter fratres, & amicos meos, eloquor nunc, pax sit in te; Propter domum Jehovae Dei nostri procurabo bonum tibi.*

XXXIX. Omnes ad hoc officium obligantur cujusunque ordinis & conditionis sint. *Magnates hujus seculi sceptrum dignitatemque quam a Christo habent, Christi regno amplificando impendant totam.* Jes. xlix. 23. *Et erunt Reges nutritii tui, & foeminae principes eorum nutrices tuae.* Ecclesiarum Episcopi id sibi solum negotii datum esse existiment, ut Ecclesiae commodis promovendis omni virium intentione, inserviant. Jes. lxii. 6. *Super muros tuos. o Hierosolyma, praeficio custodes, toto die, & tota nocte jugiter non tacituros: qui commemoratis Jehovam, ne esto silentium vobis.* Ipsi etiam e plebe fideles suarum partium esse meminerint, ut sanctis de pietate colloquiis, & inculpatae vitae exemplo, primo quidem domesticos, tum & vicinos, denique obvios quoscunque, ad Eccle-

*Ecclesiæ communionem alliciant, inque ea confirmant. 1 Thes. v. 11. 14. Quapropter adhortamini alii alios, & edificate singuli singulos, sicut & facitis. &c. Ne uxores quidem feminasve nostras hic excipio. 1 Pet. 111. 1. neque filias, quas non minus operam suam spiritualis Hierosolymæ muris ædificandis commodare par est, quam olim id faciebant filiæ principis Sallumi in Hierosolyma terrestri. Neh. 111. 12. Et quis tandem est, cui non incumbat quotidianæ orationis necessitas, adveniat Regnum tuum. Benefac pro bona voluntate tua Sioni, ædifica muros Hierosolymorum. Ps. LI. 20. O si quis det e Sione salutem Israël! reducente Jehova reducem turbam populi sui; exsultabit Jacob, latabitur Israël. Ps. XIV. 7.*

Articulus de  
communio-  
ne Sancto-  
rum, quum  
fere idem sit  
atque ille, de  
Ecclesia, in  
multis pris-  
corum sym-  
bolis omit-  
titur.

XL. Qui sequitur in Symbolo articulus, de COMMUNIONE SANCTORUM, adeo cum illo de *Ecclesia Sancta Catholica* conjunctus est, ut vere idem esse videatur. Quid enim *Ecclesia* est, nisi *societas* aliqua? Quid *societas*, nisi *unio* eorum qui aliquid commune habent? Quinam porro Ecclesiam constituunt, nisi *Sancti*? Quid denique *Catholica* Ecclesia est, nisi Gentilium cum Judæis in sanctitate adfociatio? Hinc etiam factum est, ut additamentum hoc de *Communione Sanctorum* in multis veterum Symbolis non exstet: nam nec *Hieronymus* adversus *Luciferianos* illud habet, nec *Augustinus* de fide & Symbolo, nec *Ruffinus* nec *Maximus Taurinensis*: aliique quam plurimi tam Orientales quam Occidentales consulto omiserunt. Quum tamen nunc apud omnes Christianos receptum sit, & nonnulla explicatius dicat, quæ in illo de Ecclesia articulo magis involuta sunt, nos quoque de eo, sed breviter, agemus. Atque ita quidem, ut expendamus I. Quinam hic per *Sanctos* intelligendi veniant. II. Qua in re *Sanctorum communio* consistat. III. Quid importet communionem illam sanctorum credere.

Sancti di-  
cuntur,  
Deus, Ange-  
li, Homines.

XLI. SANCTUS, *ἅγιος*, originaliter, & exemplariter, Deus dicitur Levit. xi. 44. Jes. xli. 14. quia ab omni impuritate ac vilitate secretus est. Sanctæ etiam dicuntur *Creaturae rationales*, quæ ad Dei exemplar confirmatæ ipsi in puritate, hoc est amore & cultu veritatis, similes sunt. Ita elogium hoc *Angelis* attribuitur. Mat. xxv. 31. qui & *Sancti* vocantur, sine ulla adjectione. Deut. xxiiii. 2. 1 Thes. 111. 13. col. cum 2 Thes. i. 7. Sed & *hominibus* competit, siue illi in terra adhuc versentur. Ps. xvi. 3. *Sancti qui in terra sunt, & magnifici*: siue recepti in celum donati sint perfectione Heb. xii. 24. *Spiritus justorum consummatorum*.

illi omnes  
quidem  
communio:  
nem inter se  
aliquam ha-  
bent.

XLII. COMMUNIO est relatio quædam inter plures certo titulo eadem bona possidentes. Ita communio est inter maritum & uxorem, tam corporum quam bonorum, æquo fere utriusque jure, ex lege *Ubi tu Cajus, ego Cæja*. 1 Cor. vii. 4. Et profecto negari non potest quin inter omnes eos qui *Sancti* dicuntur, communio quædam inter-

intercedat. Certe *fideles* communionem habent cum Deo & Christo, ut nuper quoque observavimus ex 1. Joh. 1. 3. & 1. Cor. 1. 9. Nam & ipsi Dei sunt peculium, & Deus ipsorum. Jer. x. 16. & consequenter quicquid Dei est, id etiam est fidelium. 1. Cor. 1. 22. Christus autem non sua solum iuscum bona communicat. 1. Cor. 1. 22. sed & ipsorum in se suscipit mala. Jes. lxxi 4. 5. 6. Est etiam communio aliqua sanctorum hominum cum Angelis qui & sua nobis libenter præstant ministeria. Heb. 1. 14. & exemplaria nostræ erga Deum pietatis sunt, Mat. vi. 10. conservi, in ejusdem Domini obsequio, Ap. xix. 10. & socii in eadem beatitudine Mat. xxii. 30. quam ob rem Paulus nos ipsos qui in terris adhuc sumus ad Angelorum myriadas accessisse scribit. Heb. xii. 22. Sed potissimum in Symbolo agitur de ea communionem quam sancti homines inter sese habent.

XLIII. Ea iterum considerari potest in triplici differentia. I. Ut Sancti celites conferantur cum se invicem. II. Sancti qui in terra sunt cum beatis coelitis. III. Sancti qui in terra sunt inter sese. Eas Ecclesiæ partes quæ in coelis sunt communionem aliqua inter se junctas esse, & quidem archiore quam ea sit quæ iis cum beatis angelis intercedit, nemo, ut opinior, ambigit. Nam & ejusdem mystici corporis membra sunt, & eadem gloria ac felicitate fruuntur, ejusdem Dei faciem contemplantes, ejusdem Christi meritis beati, in eadem Dei laudes consentientes atque concordantes, inter sese etiam amantes ardentissime. Sed quum Scriptura parce admodum ea de re loquatur; & Symbolum eos potissimum articulos contineat, qui & certissimi & maxime necessarii sunt; & in Catechumenorum usum constitutum esse videatur, qui ad baptismum admittendi interrogabantur de fide; non est credibile Symboli auctores de isthac communionem quam fidelium spiritus in coelis inter sese habent multum in constitutione hujus articuli cogitasse.

XLIV. Disertius scriptura docet communionem sanctorum in terris cum beatis spiritibus. Paulus certe Eph. i. 10. narrat ἀνακεφαλαιώσεν τὸν πάντων τὸν ἰσχυρὸν, τὸν τε ἐν τοῖς ἀραοῖς καὶ τὸν ἐν τῇ γῆ. Est illa ἀνακεφαλαιώσεν collectio in unam summam, uti in supputationibus omnia æra uniuntur & confunduntur in uno κεφαλῶν. Ea collectio omnium esse dicitur, non utique omnium creaturarum, vel omnium etiam hominum, sed omnium fidelium, omnium qui in Christo sunt. Sive illi sint in celis, sive in terra. Nam & coelites sibi conjunctissimi sunt, unaque colligati בצרור צרור in fasciculo viventium, multo magis quam dum in carne erant. 1. Sam. xxv. 29. Et illi qui in terra sunt adsociantur coelitis. Heb. xii. 22, 23. Accessistis ad montem Sion, — & conventum universalem & concionem primogenitorum qui conscripti sunt in celis, & spiritus iustorum consummatorum. Ea autem communio in hisce consistit.

I. Quod unum Deum Christumque habentes, eodemque animati

Symb. Apost.

ZZ

Spiri-

Attamen in Symbolo potissimum de sanctorum hominum communionem agitur: quæ vel coelitis est inter se

Vel eorum qui in terris degunt cum coelitis;

Spiritu, unum constituent corpus, cuius partes, si locorum spectes intervalla, magnopere quidem distractæ sunt, at quæ eodem Christi Spiritu continentur. II. Quod beatæ animæ, licet singulas fidelium mortaliū personarum, earumque necessitates, funditus ignorent: Jes. LXIII. 16. piis tamen votis suis, una nobiscum optent, & quasi accelerent diem plenæ redemptionis Ecclesiæ. Ap. VI. 10. 11. Ii vero qui in terris sunt fideles, animo, affectu, desiderio, coelitis sociantur, καὶ τὸν suum in coelis habentes. Phil. I. 11. 20.

Vel sancto-  
rum in terra  
degentium  
inter ipsos.

XLV. Sed præcipue attendenda est ea communio quam fideles inter se in terris habent. Ea tribus capitibus constat. I. *Acta unionis*, qua, licet locis admodum remoti, sibi tamen invicem Spiritu junguntur, non modo ut fratres, sed quod sæpius jam inculcavimus, unius corporis mystici membra. I Cor. XII. 12. 13. II. *Communi fruitione maximorum bonorum*. Eph. IV. 5. 6. *Unum corpus, unus Spiritus, sicut & vocati estis in unam spem vocationis vestræ. Unus Dominus, una Fides, unum Baptisma. Unus Deus & Pater omnium*. III. *Reciprocatione officiorum* ultro citroque commeanium. Quæ tres quasi partes habet. A. *Compassionem in malis*. I Cor. XII. 26. Gal. VI. 2. Ita ut quisque in malis *tristibus* cum proximo doleat, atque ad auxilium præsto sit, non minus quam si ipse iisdem illis malis affligeretur. Heb. XII. 3. In *turpibus*, non inclementer cum fratre lapso agat, sed erigere eum conetur Spiritu mansuetudinis. Gal. VI. 1. B. *Communicationem bonorum*. Phil. II. 4. Tam *corporaliū*, Rom. XII. 13. Act. IV. 32. quam *spiritualiū*. Rom. I. 11. Singuli enim singulorum indigemus: quod egregie urget atque amplificat Apostolus. I Cor. XII. 21. 23. C. *Nuncupationem votorum*, in iis rebus quas vel a fratribus averruncare, vel in eos conferre nostræ potestatis non est. I Tim. II. 1. Eph. VI. 19.

Præcis hujus  
articuli.

XLVI. FIDES ea quam de communione Sanctorum profiteamur *tria* potissimum importat. I. Ut *agnoscamus* ac celebremus admirabilem illam Dei nostri virtutem, quæ cujuscunque gentis, ætatis, conditionis, sexus fideles, tam immensis sæpe terrarum mariumque intervallis disjunctos, tam disparis ingenii, tam diversorum studiorum, adeo uno Spiritu copulat, ut in eisdem de Deo Christoque sensus, in eadem pia vota, in eandem muneris laudes amicissime conspirent: ejusdemque Divinæ gratiæ, eadem effecta, cum mutua gratulatione atque applausu, in se invicem animadvertant: unde ad primum sæpe congressum jucundissima oritur amoris reciprocatio.

XLVII. II. Ut sicuti communione Sanctorum dignum est *vitam* nostram moresque componamus. A. *Ecclesiæ* quantum fieri potest *studentes* unitati; ac solliciti caventes, ne supervacuis controversiis, animosis disputationibus, ambitiosis moliminibus, aliisve pravis affectibus pacem

faci-



sacrae societatis turbemus; sed multa humanæ condonantes infirmitati & quibus omnes laboramus imperfectionibus, concordiam tantopere nobis a Christo commendatam, diligenter excolamus, eamque piis precibus, & Christiana animi æquitate, quantum in nobis est promoveamus: Pl. cxxii. 6. Phil. ii. 1. 2. 3. iii. 15. 16. B. *Singuli singulos in communicatione donorum spiritualium ædificemus.* Quod non Pastorum duntaxat est, sed & quorumcunque fidelium. Huc faciunt *reprehensio fratris peccantis.* Levit. xix. 17. quæ, adhibita in consilium prudentia, ex charitate profecta, majorem tandem consequetur gratiam quam adulantium laborum blandimenta. Prov. xxviii. 23. *Institutio ignorantium* Rom. xv. 14. *Mutua commonefactio* ad zelum. Heb. iii. 13. *Sancta colloquia*, cum precum hymnorumque consociatione. Eph. iv. 29. v. 19. Col. iii. 16. Quæ mutua pietatis exercitia deplorandum est in Christianismo nostro ita exolevisse, vel interdum tam inconsideranter peragi, ut invisa etiam multis atque odiosa sint: quum tamen communio Sanctorum non solum in templis, sed & in privatorum ædibus vigere debeat. C. *Pauperes, egros, afflictos animo vel corpore, colloquiis, precibus, officiis solemur.* 2 Cor. viii. 1-5. Mirum dictu, & uti nunc sunt tepora, supra fidem est, quam admirabilem se priscorum Christianorum charitas præstiterit. Ex infinitis speciminibus unum nunc memorare lubet quod *Eusebius* prodit *Hist. Lib. ix. c. viii.* Quo tempore post læva Maximini adversus Christianos decreta ingens cum fame pestis grassabatur, *Christianorum erga omnes sedulitas ac pietas manifestissimo indicio universis gentibus innotuit.* Quippe hi soli in tot ac tantis calamitatibus misericordiae atque humanitatis officia rebus ipsis exhibentes, quotidie partim curam ac sepeliendis mortuorum cadaveribus pacabant. (*Moriebantur autem indies innumeri, quorum nemo curam gerebat.*) partim omnibus tota urbe egenis, qui fame opprimebantur, in unum convocatis, panes singulis dividebant: adeo ut cum hujus rei fama crebris hominum sermonibus divulgaretur, cuncti Christianorum Deum summi laudibus extollerent, eosque solos pios Dei cultores reipsa & factis comprobatos esse faterentur.

XLVIII. III. Ut in ea animæ nostræ quæramus solamen. Quid enim jucundius esse potest, mutua illa fratrum animo, ut Tertullianus loquitur, *animæque misorum*, consociatione? Pl. cxxxiii. Quid amabilius quam reciproca illa charitatis officia, & sancta illa comitas amicorum Dei sese inter ipsos instruendum, admonendum, consolantium, in easdem preces ac psalmodias consentientium? Quanto solatio afflictæ animæ est, si quando ipsa in precibus langueat ea se meditatione firmare, quod tot sint myriades fidelium pro se apud communem Patrem intercedentium? Qua gratulantis animi lætitia Divinæ in fratribus munificentiae dona exosculatur, quæ huic fini concessa novit ut conferantur

in commune, eorumque utilitas ad ipsam quoque, ut universitatis illius partem, redundet? Hæc enim Christianæ est charitatis ingeniositas, ut propter illam omnium in Christo *ἀντιπροσώπων*, summi esse arbitretur, quod singulorum fratrum est. Est denique in hac sanctorum communionem Cœli quoddam præludium, ubi nihil privum discretumque erit, sed **UNUS DEUS OMNIA IN OMNIBUS.**

## EXERCITATIO XXV.

DE

## REMISSIONE PECCATORUM.

## BREVIARIUM.

1. Ecclesia quantumvis Sancta, suis semper in terra navis laborat, ac peccatorum remissione eget.
2. Summa hujus Exercitationis capita.
3. Peccati descriptio.
4. In peccato omni est *ἀρχή* & *δορυ*, quæ designantur voce *ἁμαρτία*.
5. Uti & Macula ac Reatus.
6. quo sensu a peccato separari possit; vel non possit.
7. Remissio peccatorum.
8. 9. 10. 11. 12. Quoad substantiam est bonum fœderis Gratia omnibus omnium temporum fidelibus ex æquo conveniens.
13. Attamen quoad circumstantias pro V. & N. Testamenti discrimine diversificatur.
14. In eo & ea, quæ sub N. potissimum T. Oeconomia viget suis quibusdam interstinguitur articulis.
15. Fides remissionis peccatorum, continet I. Confessionem debiti. II. Glorificationem Dei, ut qui *δοξαίῃ*, justificare possit impium.
17. III. Receptionem animæ ad Christum; ut in eo veniam consequatur.
18. Quod non nisi secundum ordinem a Deo præscriptum fieri potest.
19. IV. Fiduciam de Remissione impetrata.
20. Quæ a temeraria præsumptione sedulo distinguenda est: ex signis Antecedentibus.
21. Concomitantibus.
22. Consequentibus.
23. 24. 25. 26. 27. Sicut miserrima eorum conditio est, quibus non remittuntur peccata.
28. 29. 30. Ita illorum est beatissima quibus hac gratia frui datur.

Ecclesia,  
quantumvis  
Sancta, suis  
semper in  
terra navis  
laborat, ac  
peccatorum  
remissione  
eget.

I. **P**æclaris quidem elogius Ecclesia Christianæ Sanctimonia celebratur: attamen dum in terra militat, suis semper navis taminata, procul ab ea perfectione abest, quam se obtenturam aliquando sperat in coelis. Hic quidem *pulchra* est, sed *ut luminaria*. Cant. vi. 10. quæ ipsa lucis experts omnem suam a sole mutuatur, sua stans temporum vicissitudinibus luminis incrementa vel decrementa habet, etiam quum plena est sua quandoque patitur deliquia, & quam-

quamvis nihil patitur, suas semper ostentat maculas. Ita & Ecclesia, quum per se mera sit *caligo*, lux non fit nisi in Domino. Ephes. v. 8. neque fulget aliter, nisi quatenus isthoc est *amicta sole*. Ap. xxi. 1. Sed nec constanter semper, ac paripietatis *alacritate*, cursum suum profequitur. Proficit aliquando, quam iter suum simile est *luci splendida*, pergenti *lucere ad ipsam diei meridiem*. Prov. iv. 18. Sed & deficit nonnunquam, quando interveniente opaca tentationum nube, aut terrenarum sollicitudinum caliginosa mole, non exiguam lucis jacturam facit. Apoc. ii. 5. Atque adeo nunquam est quin suas in ea maculas perspicacissimus Domini oculus deprehendat. Jes. lxiiv. 6. Actumque prorsus esset de illius fiducia ac spe, nisi eam repositam haberet in gratuita peccatorum remissione, quam Deus pollicetur Evangelio, ipsa per fidem proficitur. Pl. cxxx. 3. 4. *Si iniquitates observaveris, Jah, Domine, quis posset consistere? Sed* APUD TE EST CONDONATIO.

II. De ea nunc nobis PECCATORUM REMISSIONE ex ordine dicendum est: ita quidem ut primo exponamus quid PECCATUM sit, & quem importet reatum quantum debitum: tum quid sit REMISSIO PECCATORUM: & denique quid sit eam PECCATORUM REMISSIONEM CREDERE.

Summa hujus Exercitationis capitula.

III. PECCATUM est *transgressio*, sive *violatio*, sanctissima illius legis, quam Deus, supremus omnium Dominus, creatura rationali præscripsit. <sup>peccati description.</sup> Supponimus, Deum absolutum Dominum esse omnium earum rerum quæ extra ipsum sunt. Id enim fundatur in Dei independentia, cæterisque illius perfectionibus, ac creaturarum omnium omnimoda a Deo dependentia, quæ in earum conceptu, sive idea, necessario includitur. Jer. x. 6. 7. *Ex eo quod nullus est par tibi, o Jehova, magnus es, & magnum est nomen tuum* כְּבוֹדוֹ in præpollentia. (Confer Rom. i. 4. *in divinitus* ita ut sit *διὰ τὴν δόξαν* Heb. i. 4. omnem maximi nominis vim ac potestatem habens) Quis non revereatur, te Rex gentium לֵךְ יְיָ יֵאָתֵר. Quia id tibi convenit. Virtute hujus potestatis, & ad demonstrationem hujus domini, præscripsit Deus creaturis rationalibus leges. Jes. xxxiii. 22. *Jehova legislator noster; Jehova Rex noster.* Jac iv. 12. *Unus est Legislator, qui servare potest & perdere.* In ea lege non suæ solum voluntatis beneplacitum expressit, quod non potest nisi sanctissimum esse; i Thef. iv. 3. sed & eam sanctitatem quæ sibi naturalis est homini in exemplar proposuit. Lev. xix. 2. quippe ad sui creato imaginem. Nichil horum omnium est quod peccato non violetur. Est enim in eo, contemptus atque abnegatio Domini Dei, defectio, atque excussio jugi. Hoc est פָּשַׁע, defectio, & מַרְדּוּת, inobedientia, ut quæ mandata sunt non facias; imo & מַרְדּוּת rebellio, ut adverteris, & vetita facias. Thr. lli. 43. פָּשַׁע וּמַרְדּוּת defelinus & rebelles existimus. Ezech. xx.

38. **הַמְּרִיבִים וְהַמְּדִיחִים** *qui rebellant & deficiunt a me.* Est etiam in peccato *transgressio* Divinæ legis, *ἀναστασία*, 1. Joh. 1. 3. **עֲבָרָה** Pl. XLIX. 6. **מִדָּעַל** 1. Tim. 11. 14. Est denique in peccato **עָוֶן**, *per-versitas*, *συναίστης*, *distorsio*, Phil. 11. 15. repugnans *rectitudini* illi cujus *delinatio* quidem in lege, Pl. XIV. 9. sed *exemplar* in ipso Deo est, Deut. XXXII. 4. *exemplum* in primo homine fuit. Eccl. VII. 29. Huc pertinet illud Elihu Job. XXXIII. 27. **יָשַׁר הָעֵרֶתִי** *rectum perverti.*

In peccato  
omni est  
*ἀτυχία*, &  
*δυστυχία*,  
quæ defi-  
gnantur  
voce

**חֲטָאָה**.

IV. Fieri non potest quin, uti in peccato *crimen* est, ita & in eo magna sit creaturæ peccatricis *infelicitas*. Utrumque eleganter indigitatur voce **חֲטָאָה**, quæ proprie significat *aberrationem a scopo*, Jud. XX. 16. *ἀτυχία*, ita ut quis destinato excidat, incidatque in contrarium destinato, quæ *δυστυχία* est. Scopus quem sibi homo propositum habere debet, est vera felicitas, in communione & similitudine Dei sita. Ab ea aberrat peccator, aliud sibi pro fine proponens, vel non recta tendens, quo ac qua tendendum erat; & contra debitum facit, (non enim sine culpa negligere aut contemnere potest finem ad cuius prosecutionem creatus est) & se ipsum miserum reddit, quia non tantum suo se privat bono, quod in finis affecutione est, sed etiam ad finis ac boni gloriam imminutam restituendam se obligat.

Uti & Ma-  
cula ac Rea-  
tus.

V. Speciatim in quolibet peccato distinctim attendenda sunt *Macula* & *Reatus*. *Macula* est spurcities illa quam peccatum animæ affricat, repugnans puritati Divinæ, cujus in se expressam imaginem homo habere debet. Mat. XV. 20. *Hæc sunt quæ polluant hominem.* Pl. CVI. 39. **וְיִמְכְּרוּ בְּמַעֲשֵׂיהֶם** & *contaminarunt se operibus suis.* Hinc peccatum comparatur *menstruo*, Jes. LXIV. 5. & *lepra* Pl. LL. 9. col. cum Levit. XIV. 4. &c. *Reatus* est obligatio ad poenam. Rom. V. 16. *Reatus ex una offensa est ad condemnationem.* Hoc adpectu peccata *debita* dicuntur. Mat. VI. 12. col. cum Luc. XI. 4. quia damnatum faciunt hominem & poenæ obnoxium. **יֹפִי אִמְאָרְתָּא נִינְא**, *sub peccato esse*, & **וְיִדְמוּ יִמְיָדָא דִּי אֱלֹהִי**, *obnoxium esse Deo*, idem Apostolo notant Rom. III. 9. 19. *Macula* peccati proprie respectum habet ad purissimam Dei *sanctitatem*, *præceptis* legis expressam, cui adversatur: oriturque inde Dei *aversatio* atque *abominatio*; qui *purior est oculis*, quam ut malum videat. Hab. I. 13. *Reatus* respectum habet ad *justitiam* Dei *vindicativam*, de qua Jer. V. 9. 29, *An super hæc non visitabo*, inquit Dominus, *& an gentem sicut hæc est non ulciscetur anima mea?* Et ad *Sanctionem Legis*. Deut. XXVII. 26. *Maledictus qui non præstiterit verba legis hujus faciendo ea.*

Reatus quoque  
sensu a pec-  
cato separa-  
ri possit, vel  
non possit.

VI. Porro reatus iste notat aliquando *meritum* peccati, quo ob *intrinsecam* suam pravitatem puniri dignum est: de quo Apostolus. Rom. 7. 32. *Jus Dei est, ut qui talia faciunt digni sint morte.* Aliquando, *actua-*  
*lem obligationem* ad poenam, quam ipsa comitabitur *condemnatio*, &  
infi-

infectio poenae. Joh. III. 18. *Qui non creditur jam condemnatus est.* Priori sensu reatus a peccato auferri non potest. Quum enim in omni peccato Divinae Majestatis contentus sit, nullum dari potest peccatum, quod non mereatur poenam. Imo verò amplius dicendum est, nullum omnino existare peccatum quod non puniatur actu: sive in ipso peccante, sive in illius vade. Unde consequitur, si præcise amamus loqui, ne quidem actualem obligationem ad poenam reipsa infligendam, auferribilem a peccato esse. Auferri quidem illa a peccatore potest, quando peccatum cum suo reatu transfertur in vadem pro eo soluturum; unde fit ut princeps debitor a solutione absolvatur: a peccato ipso auferri non potest, nam Deus, etiam quum condonat, *וְיָסוּר מִלְּפָנָיו*, non omnino pro infante habet. Exod. xxxiv. 7. In hanc mentem interpretanda est Pauli sententia Rom. VIII. 1. *Nulla est condemnatio iis qui sunt in Christo Jesu:* non quod nullum in iis sit peccatum; aut quod peccatum illud damnationem non mereatur, aut quod peccatum illud per aliquam Dei dispensationem solutum sit actuali obligatione ad poenam: sed quia Christus pro iis condemnationem subiit, hinc peccatum in sponse vindicatum iterum in iis vindicari non potest. Breviter, omni peccato inest actualis obligatio ad poenam: sed hoc discrimine, quod aliquam eam ipsi subire teneantur, quum careant sponse, alii eam non quidem in se, attamen in sponse luant.

VII. REMISSIO itaque PECCATORUM est, *absolutio peccatoris a reatu quem in se suscepit Christus: sive, Declaratio Dei Legislatoris ac Judicis peccatorem istum non laturum poenam quam meruit, propter satisfactionem Sponsoris Christi.* Illa autem satisfactio quum non possit esse sine plenissima iustitia, quæ ius vite parit, hinc fit ut qui a reatu & damnatione absolvitur, quasi nullum unquam admisisset peccatum, eidem ius vite æternæ adjudicetur, non minus quam si omnem ipse legis iustitiam impleffet. Idcirco beati pronunciantur *quorum remissæ sunt iniquitates.* Rom. IV. 7. Ps. xxxiii. 1. 2.

VIII. Porro remissio peccatorum considerari potest vel *absolute*, uti *Quod substantiam est bonum fœderis Gratiæ, omnium temporum fidelibus ex æquo competens;* vel in certis quibusdam *circumstantiis*, quæ pro *diversa fœderis gratiæ æconomia* diversificantur.

IX. Fuit is jam ab initio effectus sponsonis Christi, ut peccatum, postquam commissum esset, non imputaretur fidelibus, quippe quod *impactum erat in sponsorem, & in eum debebat incurere, atque ab eo evenire.* Jcf. LIII. 6. 7. Adeo ut in Deo non fuerit, neque vero esse potuerit, voluntas puniendi peccatum fidelium in ipsis. Non enim patitur bona fides ut idem debitum bis exigatur.

X. Eam voluntatem suam, de non exigendo a fidelibus peccato suo,

fuos, mox post lapsum Deus hominibus patefecit in prima promulgatione Testamenti Gratiae. Eadem enim oratione, qua damnavit Diabolum, promisit gratiam Christi ad iustitiam.

XI. Eam gratiam singulis etiam credentibus applicuit, insinuavit, intimavit, ut scire potuerint se in gratiam cum Deo rediisse, neque oblitura sibi peccata sua esse quo minus coelestem hereditatem cernant; ut etiam in isto Dei erga se amore deliciaripotuerint, ac parrhesiam spei de beatitudine aeterna habuerint: ut denique reipsa post vitae huius molestias, ut amici ac filii Dei, in aeterna recepti sint gaudia.

XII. Haec ubi sunt ( fuerunt autem ab aëvo ) ibi remissionem peccatorum esse *veram ac plenam* nemo sanus inficietur. Hinc Deus etiam sub Testamento Veteri describitur, ut *condonans iniquitatem, defectionem, & peccatum*. Exod. xxxiv. 7. Num. xiv. 18. Pl. cxxx. 4. & Abraham Pater noster *justificatus* dicitur. Jac. ii. 22. Rom. iv. 2. 3. & Davidi dictum est, *Jehova transtulit peccatum tuum, non morieris*. 2 Sam. xii. 13. Et Christus introducit in haec verba intercedens, *Redime eum, ne descendat in foveam, expiationem inveni*. Job. xxxiii. 24. Atque hactenus quidem remissio peccatorum est bonum foederis gratiae, sine temporum discrimine, fidelibus omnibus commune ex æquo.

Attamen  
quoad dis-  
criminationes  
pro V. & N.  
Testamenti  
discrimine  
diversifica-  
tur.

XIII. Attamen *diversitas* aliqua agnoscenda est in *modo* remissionis, pro Veteris ac Novi Testamenti diversitate. Nam I. *Satisfactio* Christi Domini, quæ unica & sola causa meritoria condonationis est, in Veteri Testamento consideratur ut *promissa* a Christo, & *praestanda* praestituto tempore; in Novo Testamento ut actu consummata & praestita. Nunc actu existat *duplex*, sive id propter quod justificamur. Rom. v. 11. Nunc adducta est *iustitia saeculorum*. Dan. ix. 24. Nunc facta est *expiatio in sanguine Sponsoris*, & *inventa redemptio aeterna* Heb. i. 3. & ix. 12. quæ olim non ita exstabant. II. Differt etiam *modus promulgationis*. Nam vigente Legalis oeconomia *promissiones gratiae* ac remissionis peccatorum, & *obscurae* propositae sunt, & *parvae*, & plurimo *comminationum legalium* terrore mixtae fuerunt. III. Sub Veteri Testamento, expiatione nondum facta, potuit peccatum adhuc commemorari, Heb. x. 3. & *Chirographum exigi*, continens confessionem debiti nondum a sponsore soluti, quod hactenus erat *nos ipsi, et adversarios ipsi adversus nos, ac nobis subcontrarium*. Col. ii. 14. Facta autem expiatione sub Testamento Novo talis existat *forma*, cum qua non potest consistere oblatio typica peccatum commemorans. Heb. x. 18. Et *chirographum deletum* ac *cruci suffixum est*. Breviter cum Remissione T. V. consistebat servitus elementorum mundi, quam Remissio T. N. plane tollit. IV. *Sensus remissionis* peccatorum, & consolatio inde orta, & libertas accedendi ad Deum, & obsignatio Spiritus gratiae, *abundantior* magisque frequens ac penetrans est

sub T. N. in Regno Dei, quod est *justitia* & *pax* & *gaudium per Spiritum Sanctum*, Rom. XIV. 17. quam sub T. V. & oeconomia legali, ubi arcanæ Spiritus operationes ad modum externæ dispensationis attemptatæ fuerunt.

XIV. Sed nec illud prætereundum esse videtur, remissionem peccatorum, etiam prout sub N. potissimum T. viget, variis distingui *quæ sub N. articulis*. Quorum *primus* est, *generalis* illa Dei declaratio qua *justitiæ suæ* per morientem Christum plene satisfactum esse pronuntiavit, ideoque se a nemine eorum qui ad Christum pertinent peccata sua esse exacturum, data etiam apocha in resurrectione Christi. 2 Cor. V. 19. *Deus erat in Christo mundum reconcilians sibi, non imputando eis offensas eorum*. Tunc *iniquitas totius terræ amota est uno die*. Zach. III. 9. Deinde quod *generatim* ita declaratum est de omnibus, *singulis credentibus applicatur*. I. Dum homo *regentus*, ac viva fide Christo unitus, declaratur jam *actum transivisse e statu condemnationis & iræ*, in quo manet donec Christo per fidem uniatur, *in statum justitiæ & gratiæ*. Ut sit *justus & justificans eum qui est ex fide Jesu* Rom. III. 26. II. Dum sententia illa, pronuntiata in foro cali, intimatur & insinuat *conscientiæ* per Spiritum Sanctum, qui *facit audire gaudium & lætitiæ* Ps. LI. 10. Dum peccator *readmittitur ad familiare Dei commercium*, mutuumque jucundissimæ amicitiae consortium. Quod aliquoties contigit postquam homo fidelis resipuit a *grandi aliquo peccato*, vel *torpido animæ statum*, quo familiaritas cum Deo non parum turbata fuit. Id David petebat Ps. LI. 3. 14. Tunc *reipso* declarat Deus se propitium peccatori factum esse, & *generalem* illam de omnium peccatorum condonatione sententiam, mox a regeneratione pronuntiata, huic quoque *crimini aut statui* speciatim applicans, ad redintegrationem dulcissimæ familiaritatis se exorari patitur. IV. Dum Deus, in ipso *mortui articulo*, animæ e corpore emigranti uti sibi, amicæ ac dilectæ, adsignat æternæ beatitudinis domicilium, quo sese cæteroquin ob peccata indignissimam fecerat. Heb. IX. 27. V. Quum denique *novissimo* magni judicii die palam omnibus pronuntiabitur ipsoque facto comprobabitur, quam veniam gratiamque propter Christum electis suis Deus faciat. 2 Tim. I. 18. Tunc consummate implebitur id quod scriptum est. Apoc. II. 17. *Et qui vicerit dabo calculum album, & in calculo novum nomen scriptum, quod nemo novit nisi qui accipit*.

XV. FIDES autem quam de peccatorum remissione nos habere profitemur multa ac grandia salutis nostræ mysteria ambitu suo complectitur. Ac primo quidem fatemur non uno nos peccato, sed plurimis illque gravissimis obstrictos esse. 1 Joh. I. 8. Jac. III. 2. Fatemur etiam jus Deo esse, propter peccata nostra nos compingendi in infernalem carcerem, unde exire nobis non liceret, nisi soluto ultimo quadrante. Mat.

XVIII. 34. Fatemur iusta esse omnia Dei in nos iudicia quibus iram suam, & peccati odium manifestum facit. Ps. LI. 6. Rom. III. 19. Fatemur denique salutem nostram non esse querendam in ullis nostris meritis, nostrave satisfactione: sed in gratuita condonatione debitorum nostrorum, quæ uti negare non possumus, ita nec expungere. Rom. IV. 6. 7. Attenta harum veritatum meditatio, ac sincera confessio apprime utilis ac necessaria est, ad eam nobis humilitatem, sanctamque de nobis ipsis desperationem ingenerandam, sine qua nec Deo grati esse, neque ad Christum confugere, nec in ipsius gratiam tuto ac secure sperare possumus. Hæc ergo sit animi ad criminum suorum adspectum trepidantis apud Deum oratio: *Peccavi: quid faciam tibi, o custos hominum?* Job. VII. 20. *Ne congregariis iudicio cum servo tuo; nam non esset iustus coram te ullus vivens.* Ps. CXLIII. 2.

II. Glorificationem Dei, ut qui *semper* iustificare possit impium.

XVI. II. *Eam gloriam Deo damus*, ut sine ullo virtutum suarum laesione, imo cum illustri earum patefactione, peccatorum nobis nostrorum veniam facere possit. Si quis perfectionum Divinarum opulentiam, secundum ideam Optimi Maximi Numinis natura nobis impressam, curate meditetur; is fortassis *ratiocinatione colliget*, aut *suspiciabitur* saltem, non omnino esse *non adiutus*, ut iustus sanctusque Deo in gratiam cum peccatore redeat. Fovet eam spes observatio Divinæ patientiæ ac *mansuetudinis*, qua peccatores non tolerat solum, sed & ad se querendum invitat. Rom. II. 4. Cæterum *modus* ille peccata condonandi, qui solus Deo dignus est, nulla unquam humanæ mentis industria inveniri potuit. Eoque profus incognito, vix est, aut ne vix quidem, ut animus, tantæ rei momentum iusta lance ponderans, securam sibi veniæ spem formare ausit. Hic intercedit Evangelium, anxiusque mentibus, rationem monstrat, cui conscientia mox assentitur ut *ἀποκατάστασις*, secundum quam Deus in remissione peccatorum & iustitiæ suæ severum rigorem, & incredibilem simul clementiæ indulgentiam ostentat; translato criminum nostrorum reatu in expromissorem, qui & vadimonium lubens obivit, & a suscepto reatu se suosque omnes plenissime exsolvit. Rom. III. 24. 25. 26. Hæc est ea gloria, quam Fides Christiana secundum Evangelium Deo dat, quum dicit, *Credo remissionem peccatorum.* Mich. II. 18. *Quis est Deus fortis par tibi? condonans iniquitatem, & præteriens defectionem reliquias possessionis tuæ? non retinens in æternam iram suam, eo quod delectetur benignitate.*

III. Receptum animæ ad Christum, ut in eo veniam consequatur.

XVII. III. Sed non subsistit hic fides. Certa peccatorum remissionem in Christo repositam esse, ad eum *se recipit*, ut sibi quoque ad suam consequatur salutem id quod fidelibus omnibus promissum esse ex Evangelio discit. Jes. LV. 7. *Revertatur ad Jehovah, ut misereatur ipsum; ad Deum nostrum, qui condonat plurimum.* Nam profecto fieri non potest



potest ut quis credat remissionem aliquam peccatorum dari, quæ in solius Christi satisfactione ac meritis certo inveniri queat, quin eadem opera ardenti accendatur desiderio ut & ipse tanti boni participatione beetur, eoque omni se nisu conferat ubi non frustra id quæsiturus est. Gal. II. 16. *Scientes, non justificari hominem ex operibus legis, sed per fidem Jesu Christi, ETIAM NOS in Christum Jesum credidimus, UT JUSTIFICAREMUR ex fide Christi.* Jes. XLIX. 24. 25. *tantummodo in Jobova, de me inquiet, omnis justitia & robur est: AD EUM QUISQUE VENIET.* In Jobova justificabuntur, & gloriabuntur totum semen Israelis.

XVIII. Etiam atque etiam attendendum est, ut *justa* hic procedatur *methodo*. I. Primo animum criminum suorum *convictum* esse oportet, ita ut ea cum serio dolore, pudore, ac detestatione agnoscat, imo & id ipsum agnoscat plurimum se reum esse quam cogitatione valeat assequi. Ps. LI. 5. Ps. XIX. 13. Ezr. IX. 6. II. Tum ex conscientia criminum *exhorrescat ad Dei, justissimi judicis, tribunal*, gnarus & imparem se sustinendæ iræ Divinæ esse, neque vel ipsum sese, vel quempiam in universo, sive hominem sive Angelum, Divinæ justitiæ, toties a se læsæ, posse satisfacere. III. Hinc animi de se ac Deo cogitantis oritur *angor, contritio, & sancta quædam de semetipso cæterisque creaturis omnibus desperatio.* His enim sacrificiis cum maxime placetur Deo. Ps. LI. 19. Jes. LVII. 15. IV. Porro sinceram, liberam, plenam atque affectuosam peccatorum suorum coram Deo *confessionem* edat, seque ipsum prædamnet, ut intuitu ejus ingenuitatis facilius a Deo absolvatur. Ps. XXXII. 3. 4. 5. Prov. XXVIII. 13. Luc. XV. 18. 19. XVIII. 13. V. Deinde Deo se humiliter ac sine ulla reservatione *dedat, atque resignet*; ut quod bonum est in oculis suis secum faciat. Prorsus sicut Syriæ Regis famuli Achabo se sistebant, cum ciliciis ad lumbos, & funibus ad capita, quasi ad squalores, carceres, ipsamque sese restim dederent. I Reg. XX. 32. Conf. 2 Sam. XV. 26. VI. Id interim cum lacrymis ac suspiriis inenarrabilibus *orans, obsecrans, atque obtestans*, non semel modo atque iterum, sed repetitis sæpe numero precibus, ut si sibi peccatorum suorum amaritudo gustanda, & paternæ castigationis virga ferenda sit, non tamen in ira corripiatur, neque puniatur in excandescencia, Ps. VI. 2. sed liceat sibi Patris sui faciem aliquando intueri, ex qua per mediam indignationem radius quidam nondum extincti favoris resplendeat: protestatus paratum se esse tam caram gratiam vel morte redimere. Conf. 2 Sam. XIV. 42. VII. Denique in Christi merita atque intercessionem *fide recumbens*, veniam sperare audeat, Heb. V. 16. modo se posthac adversus omnia peccata sedulo *vigilaturum* esse in animo polliceatur. Job. XXXIV. 32. Ps. LXXX. 19. & ipse etiam *proximo* qui se offendit *veniam dare* paratus sit. Mat. VI. 14. 15. XVIII. 35.

IV. Fidu-  
ciam de Re-  
missione  
impetrata.

XIX. IV. Postquam fides, hac methodo procedens, ad consequendam peccatorum remissionem in Christum recubuit; ad sanctam hanc *confidentiam* paulatim pergit, ut ex certis ac infallibilibus signis, quibus arcanum Divini Spiritus testimonium accedit, colligat ac profiteatur, *remissam* sibi propter Christum omnia peccata sua esse, & apertum coeli ostium, cum libero ad gratiæ ac gloriæ thronum accessu, quod incredibilem animo lætitiæ parit. Eph. 1. 7. *Habemus redemptionem, per sanguinem ipsius, remissionem lapsum ex divite ipsius gratia.* Heb. ix. 22. 23. *Accedamus cum vero corde, per certioratam fidem, ad personam purgatis cordibus a conscientia mala, & abluto corpore aqua mundam, retineamus professionem fidei non vacillantem.*

Quæ a temeraria  
presumptio-  
ne sedulo  
distinguen-  
da est: ex  
signis ante-  
cedentibus.

XX. Cæterum cavendum est, ne loco *bene certiorata fidei* audax ac temeraria *presumptio* animo nostro obrepit. Quod ex eo dignoscere poterimus, si attendamus quid *fiduciam* hanc *antecedat*, quid *constituitur*, quid *sequatur*. *Antecedunt* ea quæ §. XVII. ordine narravimus, sincerus de admissis ommissisque dolor; terror tremorque animi ad violatam Dei justitiam expavescentis; sancta de se ipso desperatio; libera confessio delictorum; anxie preces; trepidantis animæ ad Christi merita, non sine spe veniæ, receptus; accuratoris denique posthac pietatis propositum. Non enim existimandum est, unquam contingere ut Deus de venia ac pace ad animam loquatur, quæ secure suis indormiscens criminibus, se ipsam increpare, Deique in Christo gratiam sollicitis precibus ambire neglexerit. Job. xxxiii. 26. 27. *Quum supplex oraverit Deum, benigne recipit eum, ut adspiciat faciem ejus cum júbilo; & restituit mortali justitiam ejus. Contemplatur homines, dicens, peccaveram & rectum pervertoram, quod non profuit mihi.*

Concomi-  
tantibus.

XXI. Comitatur hanc fiduciam impetratæ condonationis, accuratæ sanctitatis studium. Quum enim promissiones de justificatione & sanctificatione æque late se extendant, nemo sibi illam vindicare potest, qui non & hanc in se comperiat. Jes. 1. 16. 17. 18. *Lavate, purificate vos, &c. Discite benefacere &c. Venite tum & disceptemus, inquit Jehova, si fuerint peccata vestra velut dibaphum velut nix albescent &c.* Spiritus autem Sanctus quoties blando suo alloquio cordi dicit, confide, remissa sunt tibi peccata tua; toties etiam animum eadem opera suæ convincit indignitatis, impletque tanti favoris admiratione, ac lætis gratiarum actionibus quibus incredibilem illam Dei erga se gratiam celebret. Ps. ciii. 2. 3. *Benedic anima mea Jehova, qui condonat omnes iniquitates tuas.*

Consequen-  
tibus.

XXII. Consequitur denique fiduciam illam, insignis erga Deum & proximum amor. Quis enim non impense eum diligit, a quo, quum vindicare juste posset, tot tantorumque criminum veniam sibi factam esse credit?

credit? *Diligo*, inquit David, Ps. cxvi. 1. *quia Jehova exaudivit vocem meam, deprecationes meas.* Quæ autem deprecationum summa erat? vers. 4. *Obsecro Jehova, libera animam meam.* Adde Luc. vii. 47. Porro, amor iste Dei cum reverentia conjunctus est, Ps. cxxx. 3. *Apud te est condonatio, ut reverenter colaris.* Ista autem reverentia validum est animi ab improbitate retinaculum. Prov. viii. 13. Absit enim, ut qui sua sibi peccata condonata esse certus est, is inde sibi peccandi sumat licentiam. Rom. vi. 1. 2. Sed & iste Dei Christique erga nos amor accendit *anorem erga proximum*, ut ei quoque propter Christum ignoscere faciles simus. Col. iiii. 12. 13. *Sicut & Christus condonavit vobis, ita & vos.*

XXIII. Quanta eorum sit *felicitas* qui peccatorum suorum condonationem a Deo consecuti sunt, tum demum rite æstimabimus, ubi quantam peccata non remissa peccatori miseriam importent perpenderit. Profecto *omnes* sunt, non *deserventes* modo, sed & *indignos*, Ps. xxxviii. 5. quod magnanimum illum ex tribu Judæ leonem in pulverem usque depressit, quum criminum nostrorum suscepto reatu luendum pro iis haberet. Quod si fortasse necdum se iis pressum admodum gravatumque peccatoris animus sentiat, donec secure in iis deliciatur: exspectet paululum, *ad fores peccatum cubat.* Gen. iv. 7. instar furiosi molossi, e fopore suo proflientis, ex improviso irruiturum, neque clementius animam excepturum quam canes olim cadaver Jesabelis. 2. Reg. ix. 35. 36.

Sicut miserrima eorum conditio est, quibus non remittuntur Peccata:

XXIV. Caret certe Divinæ beneficentiæ sensu gustuque, sine qua ne vita quidem vitalis est. Ps. lxi. 4. Non licet ei faciem Dei ut propitii sui Patris intueri, Jes. lix. 2. quod ipsa morte debebat esse gravius. Frustra ex Dei ore blandi sermonis alloquium exspectat, Jes. lvii. 23. 24. 25. qui vel in ira sua silet, vel atrociter objurgat intentatque damnationem. Ps. l. 21. De coelo, ne cogitet quidem: quippe cujus oppressulæ sibi fores sunt. Eo paradiso pulsus est, aditu omni æternum intercluso. Ap. xxi. 15.

XXV. Quod si contingat eum vitæ hujus commodis aliquantulum frui, ea idem illi sunt, quod coturnices procaciter expetite Israëlitis, quibus mortem sibi manducabant. Num. xi. 33. aut quod novissimus lautitiarum apparatus malæ crucis candidatis est. Hoc habet *cam* iis *quorum portio est in hac vita*, Ps. xvii. 14. Præterea quod speret nihil habet, præter horrendam quandam expectationem judicii & ignis fervorem, qui devoraturum est adversarios. Heb. x. 27. Imo in eo quod habet fementis est unde nunquam finituros cruciatus metet. Secundum illud Apocalypsis xviii. 7. *Quantum sibi gloria attribuit & luxuriata est, tantum date ei tormentum & luctum.*

XXVI. Tam sæva peccati non remissi lues est, ut peccatorem

ipsum, quoad omnes sui partes permeet, & quicquid eum attinet, si-  
ve domi siue foris, siue in urbe siue in agro, siue prosperum illud siue  
adversum sit, tetra contagione inficiat, & perinde atque ipse peccator  
est, maledictum atque execrabile faciat. Deut. xxviii. 16. & seq.

XXVII. Omnia hæc nil nisi dolorum initia sunt. Restat conscientie  
inclementer rodentis non moriturus vermis, & inextinctæ inferorum  
flammæ, & malorum flagra dæmonum, &, quod rei caput est, iræ  
ac vindictæ Dei æternum incubituræ grave pondus. Marc. ix. 43. 44.  
Quæ non inania infirmorum animorum terriculamenta; sed vera ac fide-  
lia Dei verba sunt. Hæc eorum deploranda fors est, quibus peccata  
non remittuntur.

Ita illorum  
est beatissi-  
ma quibus  
hac gratia  
fieri datur.

XXVIII. Unde ex adverso illorum *manus ipsæ* apparet, qui levati sunt  
a defectione, quorum obiectum est peccatum, quibus Jehova iniquitatem non im-  
putat. Ps. xxxii. 1. 2. Id quia suis impetrat atque applicat Christus;  
hinc JESU siue *Sospitatoris* nomen meruit. Mat. i. 21. Plaudite felices  
animæ quæ ad tantæ salutis participationem admittæ estis. Non est quod  
ad inferorum nomen exhorrescat, aut ad celi mentionem trepidetis: il-  
li vobis clusi, hoc apertum est. Non est quod a Diaboli calumniolis ac  
nomine suo dignis accusationibus timeatis: *dejectus est accusator fratrum,*  
*qui accusabat eos in conspectu Dei nostri, die ac nocte.* Ap. xii. 9. Et si vel  
ad dextram vobis staret ut adversaretur, id audiet quod apud Zachariam  
olim Cap. i. 11. 2. *Increpet Jehova te, o Satan, increpet, inquam, te Jebo-  
va, qui eligit Hierosolyma.* Non est quod ad conscientiam vestræ paveatis tri-  
bunal: illa quidem multa vobis, & vera, exprobrabit crimina; sed pu-  
rificata sanguine Jesu, & fide in eum, omnia illa Christi meritis oblite-  
rata atque expuncta esse attestabitur. Quicquid faciat; Deus, etiam  
hac in parte, corde nostro major ac superior iudex est. *Quis intentabit*  
*crimina* &c. Rom. viii. 33. 34.

XXIX. Ablata nunc est ea quæ Deum inter & vos intercedebat olim  
hostilitas, & feliciter commutata in mutuæ amicitie suavissimum com-  
mercium. *Nam in seculum non contendam, inquit Deus, Jes. lvii. 20. 22.*  
*neque in æternum effervesceam: nam spiritus a conspectu meo obrueretur, & ani-*  
*ma quas ego feci. Vias ejus video, sed curabo eum: & deducam eum, reddam-*  
*que consolationes ei, & lugentibus ejus.* Licet nunc vobis cum omni loquen-  
di libertate ad thronum gratiæ accedere, & quidquid animo vel ægre  
vel bene est in Dei, ut indulgentissimi Patris, sinum confidenter effunde-  
re. Qui nec suæ pietatis parcus est, & ministris suis inclamat, Jes. xl.  
i. 2. *Consolamini, consolamini populum meum, inquit Deus vester &c. &*  
*ipse arcano Spiritus sui susurro animæ dicit, Tu Vocaberis delicia mea,*  
*& gaudio sponsi cum sponsa gaudebit tecum Deus tuus.* Jes. lxii. 4. 5. *Ut quis-*  
*piam quem mater sua consolatur, sic ego consolaturus sum te.* Jes. lxvi. 13.

XXX. In his autem omnibus arrha æternorum bonorum est, ad quæ non minus juris illi habent, quibus propter sufficientissimam Christi satisfactionem remissa peccata sunt, quam si, nullius unquam delicti rei, in sua ipsi persona consummatissimam legi obedientiam præstitissent. Rom. v. 20. 21. *Ubi amplificatum est peccatum, ibi superabundavit gratia: Ut quemadmodum regnaverat peccatum ad mortem; ita etiam gratia regnaret per justitiam ad vitam æternam, per Jesum Christum Dominum nostrum.*

## EXERCITATIO XXVI

DE

RESURRECTIONE CARNIS, ET VITA  
ÆTERNA.

## B R E V I A R I U M.

1. Resurrectio Triplex: 2. Civilis, 3. Spiritualis, 4. & Carnis. 5. Quæ fiducia Christianorum est. 6. 7. 8. 9. Eam futuram aliquando utriusque instrumenti tabulæ docent. 10. 11. 12. 13. 14. Suffragatur Ratio postquam ad fidei obsequium edomita est. 15. 16. 17. 18. 19. 20. 21. Eadem resurrectura sunt corpora, si substantians species: 22. 23. 24. 25. 26. 27. Frustra enim obtenditur seritas ἀθανάτων & ἀλλοφύων. 28. 29. 30. 31. 32. 33. Sed diversissimis erunt prædita qualitatibus. 34. 35. 36. 37. 38. 39. 40. 41. 42. 43. 44. 45. 46. Resurrectio omnium erit, & piorum & impiorum. 47. 48. 49. Idque uno eodemque tempore. 50. 51. 52. 53. 54. 55. 56. 57. 58. Cui adfectioni non refragatur Apo. XX. 4. 5. 6. 59. 60. 61. 62. 63. Vita æterna, spei nostræ meta, non nudam existentiam, sed felicem perennemque totius hominis conditionem notat. 64. 65. 66. Et hic sua quidem habet initia. 67. Sed majora impendent animarum separatis: quæ & remanent post animal, 68. 69. 70. & vivunt, intelligunt, sentiunt. 71. Et mox a morte corporis in cælestia habitacula & gaudia suscipiuntur. 72. Ubi eximia fruntur beatitudine. 73. 74. 75. 76. Longe tamen maxima futura est beatitudo hominis integri, post diem novissimum. 77. 78. Quæ sine ullo finis metu duratura est in æternum. 79. 80. 81. 82. 83. PRÆXIS. I. Ex tam sublimi Doctrina Evangelii discamus Divinitatem. 84. 85. 86. 87. II. Inquiramus sedulo num ad nos quoque tanta felicitatis expectatio pertineat. 88. 89. III. Adlaboremus diligenter, ne ea excidamus. 90. IV. Illius spe in omnibus nos solemus adversus 91. V. & sicut ea dignum est, generose vitam in hoc sæculo transigamus.

RESUR-

Resurrectio I  
Triplex:

**R**ESURRECTIONEM omnino *trigeminam* in arcanis Divinarum literarum monumentis invenio: quarum unam CIVILEM, SPIRITUALEM alteram, tertiam CARNIS nuncupare liceat.

Civilis,

II. CIVILEM Resurrectionem dico, ereptionem ex ingenti aliqua calamitate & discrimine, & restitutionem ex conditione misera in statum feliciorum. Uti enim *calamitas* ea *mors*, ita *beatior* conditio *vita* nomine venit. Estque hæc vel *privatorum* hominum, vel integræ aliqujus *Societatis* sive *Reipublicæ*. *Illius* instar habemus in *Davide*. Ps. xxv. 3. 4. *Samasti me, Jehova, eduxisti e sepulcro animam meam, vivificasti me, ne descenderem in sepulcrum.* In *Hizkia*. Jf. xxxviii. 16. *Fecisti ut reconvalerem vivificasti me.* In *Paulo*. 2 Cor. i. 9. 10. *Deus qui suscitavit mortuos, ex tanta morte nos eripuit, & eripit: in quo speramus nos adhuc etiam ereptum iri.* *Reipublica* *vita* est *autopsia*, sub justo ac legitimo Magistratu, quam *spiramentum narium* suarum *Israëlitæ* vocitabant. Thren. iv. 20. *Mors, est liberi imperii privatio.* *Resurrectio*, ejusdem *restitutio*. Huc referendum est *Hosæ* illud Cap. vi. i. 2. *Reparavit, & curaturus est nos: percussit, & obligaturus est nos, Vita restituet nos post biduum: die tertio excitabit nos, & vivemus coram ipso.* Et diserte imprimis *Ezech. xxxvii*. deplorata *Israëliticæ* *Reipublicæ* in *Babylonica* captivitate *calamitas* sub emblemate *campi aridi ossibus confiti*, ejusdem optata *restitutio* sub *resurrectionis* similitudine, proluxa allegoria exponitur: in qua tamen universalis resurrectionis & typus & pignus est.

Spiritualis,

III. SPIRITUALIS resurrectio est suscitatio ex *morte peccati* ad *vitam Dei*. Ea iterum vel *singulorum* est. Eph. ii. 5. Col. ii. 12. *iii*. 1. Joh. v. 25. *Amen amen dico vobis: adventat tempus, & nunc est, quum mortui in peccatis, audient vocem Filii Dei, præconium Evangelii animatum Spiritu Christi: & qui audierint, receperint obedientia fidei, vivant.* Vel *Universæ Ecclesiæ*: quando insigni *vita spiritualis* incremento, tam quoad *numerum* viventium, quam quoad *dona* *Divinæ gratiæ*, cognitione nimirum, sanctitate, lætitia, pace, similibusque, augetur. Huc pertinet *Pauli* illud *Rom. xi. 14*. ubi docet, *assumptionem* *Judæorum*, *Ecclesiæ* fore veluti *vitam ex mortuis*. Qualis autem ea *Ecclesiæ* *vita* futura sit, *Jesaias* docet. Cap. *LIX*. 21. *LX*. 1.

& Carnis.

IV. Resurrectio CARNIS, est corporis ejusdem quod morte prostratum est, per redditam ei animæ unionem ad vitam suscitatio. Ad hanc requiruntur, I. Particularum, in quas mortuum corpus resolutum est, in manu Dei conservatio. II. Conservatio etiam animæ, corpori suo tempore reuniendæ. III. Corporis ejusdem ex particulis suis, quibus olim constitit, iterata formatio, ac præparatio ut aptum animæ domicilium sit. IV. Animæ cum corpore, ita præparato, redintegrata unio. V. Vita totius compositi, ex unione ista resultans. V. At-

V. Atque hæc demum *carnis Resurrectio* ingens illud Christianismi mysterium est, absque qua & Evangelium vanum est, & fides ac spes nostra cassa, & consolatio eorum qui tam acerba propter Christum perpeffi sunt, aut exigua admodum, aut nulla prorsus. 1. Cor. xv. 13. 19. Merito *Tertullianus* librum suum de resurrectione corporum his verbis orditur: *Resurrectio mortuorum fiducia Christianorum.* Ideoque intenta admodum meditatione tam sublimis ac momentosus fidei nostræ articulus expendendus nobis est. Hac autem methodo procedere libet, ut ostendamus, I. *Futuram aliquam corporum resurrectionem.* II. Et quidem *eorundem corporum*, quoad *substantiam.* III. Resurrectionem illam *universalem* fore, tam *proborum* quam *improborum.* Inquiramus etiam, num omnium & singulorum resurrectio *uno eodemque tempore* futura sit, an vero illa *fidelium*, aut saltem *martyrum*, cæterorum resurrectionem *mille annis* sit *anticipatura.* V. Denique agamus de VITA illa ÆTERNA, quæ piis optatæ resurrectionis consequens erit.

VI. FUTURAM aliquando carnis resurrectionem & *Deum*, in utriusque instrumenti tabulis, testatur, & *Ratio*, a Deo informata, attestatur. Veteris quidem instrumenti testimonia pro temporum istorum ratione minus perspicua, attamen valida sunt; nobis præsertim, quibus ex interpretatione Domini & Apostolorum, clarior lux adfulsit. Atque ipsum quidem Dominum ex *Mose* argumentantem audiamus. Mat. xxii. 31. 32. *De resurrectione mortuorum nonne audivisti quod dictum est a Deo, dicente: Ego sum Deus Abrahami, & Deus Isaac, & Deus Jacobi? Deus non est mortuorum, sed viventium.* Observandum est, verba a Domino allegata dicta a Deo esse posteaquam Patriarchæ pridem fato functi essent. Exod. iii. 6. Unde prima consecutione infertur, eos etiam mortuos, quoad animam saltem, *Deo vivere.* Luc. xx. 38. Porro: quum foedus illud gratiæ, cujus virtute se eorum Deum dicit, non mentes separatas concernat, sed personas integras, quas signum foederis in corpore etiam circumgestare Deus voluit; sequitur ut vita foedere promissa ad corpus quoque se extendat: quod idcirco animæ, apud Deum viventi, ad ejusdem felicitatis communionem, iterum jungendum est. Tam valida hæc D. Jesu convictio fuit, ut & turbæ super doctrina ejus fuerint perculsæ, & Sadducæis os obstructum sit. Et quidquid hic viderint aut non viderint Hebræi antiquiores, recentiores certe argumento huic adsurgunt. *Aben Ezra* ad Levit. xviii. 4. iis verbis, *ego sum Jehova Deus vester*, contineri dicit promissionem *חיים בשני עולמות* *vita in utroque seculo.* Et *Menasse Ben Israël* quasi ex ore Domini nostri ratiocinatur. *De Resur. Mort. Lib. 1. Cap. x.* Nec abludit id quod existat in *Midras Kohelet* ad Cap. ix. 3.

Symb. Apost.

Bb.b

חיים

Quæ fiducia  
Christianorum  
est.

Eam futuram  
aliquando  
utriusque  
instrumenti  
tabulæ doceant.

הרשעים בחייתם קרוים מתים הצדיקים קרוים חיים במיתתם שנאמר לארץ אשר נשבעתי לאברהם ליצחק וליעקוב. *Impii dum vivunt vocantur mortui; justi etiam in morte ipsorum vocantur vivi. Quemadmodum dicitur, Exod. xxxi 11. I. Ad terram quam juramento promisi Abrahamo, Isacco & Jacobo.*

VII. Succedit *Jobi* professio. Cap. xix. 25. 26. 27. Magnam ibi rem agi, tum ipsa verborum sacra pompa ostendit; tum id quo præfatur proœmium, optans ut sermones sui non modo in libro scribantur, sed & stilo ferreo rupi incidantur ad perpetuam rei memoriam. Ut rem in pauca contraham, quum prolixius alibi argumentum illud pertractaverim, alterutrum necesse est, ut vel de *restitutione* pristinae felicitatis in hac vita, vel de corporis sui *post mortem resurrectione*, vaticinatus sit *Jobus*. Non *ilud*; nam de restitutione bonorum corporalium in hac vita desperabat. *Job. vi. 8. 9. ii. vii. 7. 8. x. 20. 21. xvi. 22. xvii. 1. 15. xix. 10. Ergo hoc.*

VIII. Adde *Jes. xxvi. 19*. Certum est, eo commate contineri consolationem Ecclesiæ adversus mala in antecedentibus memorata. Nulla autem validior potest esse consolatio ea quæ a resurrectione mortuorum desumitur: atque huc nos verborum ducit simplicitas. Cæterum non admodum constat, sintne verba Ecclesiæ aut Prophetæ nomine Ecclesiæ loquentis *ad Deum*, an Dei *ad Ecclesiam*. Si prius eligas, hæc esto paraphrasis: *Reviviscent mortui tui*; qui in tua fide, Domine, & tui nominis causa, post immensos cruciatus, mortem libentes opetierunt, & quos tu ipse, mundo jam pridem mortuos, cæteris ostentui esse voluisti, eos aliquando ad beatam vitam resurrecturos esse firmiter credimus. Singuli quoque id de nobis ipsis speramus: ideo adjungimus, *cadaver meum. Surgent*, non semper dormituri in pulvere. Hac spe fratres nostros inclamamus: quod ex ore tuo omnes avemus suo tempore audire: *expergiscimini, & cantate qui inhabitatis pulverem*; eo excusso gloriose olim prodituri. *Nam ros olerum ros tuum.* Immensa & suavi ista virtute, qua tu, Deus noster, olera etiam succisa, facis repullulascere: quid ni eadem virtute corpora nostra, per mortem decussa, & lata in corruptione, faceres regerminare? *אֶרֶץ רַפָּאִים תִּפְּלֵי* Verti id potest, & *gigantes in terram procidere facies*. Abolebis potestatem omnem, & quidquid se tibi cyclopico opponit ausu. Conf. i Cor. xv. 24. Vel etiam: *terra mortuos ut נֶפֶל fœtum abortivum*, quem sinu suo retinere diutius non potest, ejiciet. Sin malis, Deum Ecclesiam compellere, hac mente *προσκύνησον* interpretator: *Mortui tui, o popule mihi dilecte, reviviscent.* Sed quid tuos dico, mei potius sunt, *meum cadaver*, ego etiam mortuorum Deus sum, & mihi fit quod servis meis. Nisi altius etiam ascendere lubeat, & de *Christi cadavere* cogitare, cujus suscitatio & pignus



pignus & fons nostræ est. Quasi diceret D. Jesus, tam certum est, o ecclesia, tuos mortuos suscitatum iri, quam est certum, me, humana carne indutum, ad expiationem tuorum criminum morti aliquando tradendum, & ex morte ad Patris gloriam surrecturum esse. Quæ sequuntur repetitione non indigent, modo id observetur, *rorem Ecclesiæ* dici posse vivificam & delinificam illam gratiam qua a Deo donatur.

IX. *Novi* instrumenti de Resurrectione testimonia, adeo sunt multa, ut enumerare difficile, adeo perspicua, ut exponere supervacaneum sit. Videantur e multis. Luc. xiv. 13. Joh. xv. 28. 29. Joh. vi. 39. 40. 44-54. Joh. xi. 24. 25. 26. Joh. xiv. 19. Act. iv. 2. & xvii. 18, & xxvi. 8. Rom. viii. 11. 1 Cor. vi. 14. 2 Cor. i. 9. & iv. 14. 1 Thel. iv. 14. 2 Tim. iv. 1. Heb. vi. 2. & ex professo 1 Cor. xv. ubi potissima argumenti hujus sedes est.

X. Dei testimonio *Humana Ratio* non difficulter suffragabitur, postquam edomita ad fidei obsequium, cum cura ad virtutes Dei attendet, adque ea quæ olim a Deo patrata sunt. In virtutibus Dei considerandæ potissimum veniunt illius *Potentia*, *Sapientia*, *Bonitas* atque *Justitia*. Et *Potentia* quidem, quum immensa sit, efficit ut possit: cæteræ virtutes, ut & velit, suscitare mortuos. *Potentiam* Dei Sadducæis, de hac re disputans, Dominus inculcavit. Mat. xxii. 29. *erratis*, inquit, *nescientes potentiam Dei*. Et Paulus præjudicium contra veritatem illam susceptum hoc primum telo impetit. Act. xxvi. 8. *Quid? incredibile judicatur apud vos quod Deus mortuos suscitet?* *Sapientia* etiam Dei intercedere videtur, ne, corpore vita functo, anima perpetuo separata ac veluti vidua remaneat: quum alia omnia quæ existant vel permanere voluerit integra, vel integra pariter atque universa interire. Sed & *Bonitas* atque *Justitia* Dei huc nos ducunt. Uti enim *vitium & virtus totius hominis* sunt, non autem unius *partis* illius duntaxat: sic *retributionem* utrique illi rei propositam, ad *totum hominem*, non ad *partem* solum illius pertinere par est. Et sic quoque Apostolo præeunte argumentamur. 2 Cor. v. 10. *Omnes enim nos manifestos fieri oportet coram tribunali Christi, ut unusquisque reportet quæ in corpore fecerit, congruenter ad id quod fecerit, sive bonum, sive malum.*

XI. Elegans ad hujus rei illustrationem in Judæorum *Talmude* apologus exstat, quem hic appingere non pigebit. Ita ergo illi in *Gemara Sanhedrim Cap. xi. Antoninus* cum R. *Jebuda Sancto* sic collocutus aliquando est. Corpus, inquit, & anima judicio se liberare possunt. Quomodo? Corpus dicat, anima peccavit. Nam ex quo illa e me discessit, ecce lapidis instar sine sensu in sepulcro jacui. Anima autem dicat, corpus peccavit. Nam ex quo illius laxata sum nexu, ecce volito per aërem aviculæ in morem. Ad hæc Rabbi: Parabolam, inquit, tibi

dabo. Rex mortalis horto cuidam amoenissimo, in quo maturi fructus essent, duos custodes apposuit, claudum & coecum. Claudus visis fructibus coecum admonuit, ipsum uti in humeros reciperet, quo illos decerperet, & illi inter se devorarent. Insedit igitur claudus coeci cervicibus, decerptosque fructus absumerunt. Aliquanto post tempore venit Dominus horti, & de fructibus requisivit. Quum coecus, sibi oculos non esse ut videret; & claudus, sibi pedes deesse ut accederet. Quid ille? Quum jussisset hunc illius humeris excipi, utrumque simul judicavit, & plexit. Consimiliter faciet Deus, anima corpori indita, pariter animam & corpus judicabit.

XII. Sed & alia accedit ratio, non minus pragnans. Par utique est, fideles non minus præmium in Christo recipere, qui caput & auctor gratiosi illius foederis est cujus promissiones supra reliqua omnia laudantur, quam Adamus obtenturus erat vi foederis operum, si in sua perseverasset integritate. Adamus autem integer, tam corpore quam anima, vitæ futurus fuisset particeps beatæ atque æternæ. Idem ergo de iis statuendum est qui Christi sunt. Nam quum universæ legi plenissime pro iis satisfecerit, consequens est, ut *illi qui exundantiam illam gratiæ & doni justitiæ recipiant, non minus in vita regnent, quam regnaturus fuisset Adam.* Rom. v. 17.

XIII. Adde, ex *Christi Domini resurrectione nostram* quoque valide deduci. Quo argumento Jobus olim se consolatus est. Job. xix. 25. Et Dominus Apostolos. Joh. xiv. 19. & Apostoli fideles coeteros. I Cor. vi. 14. & xv. 12. Quæ autem nexus ratio? Multiplex ea assignari potest. I. Christus a mortuis resurgens *primitiæ eorum qui obdormiverunt* factus est. I Cor. xv. 20. Quemadmodum ergo primitiæ offerebantur Deo altera Paschatis Judaici feria, in spem, quin imo ad consecrationem mox insecuturæ messis, ita & Christus e sepulcro prodiens, & ut primitiæ dormientium coram facie Dei elevatus, suos omnes Deo consecravit, ut messis tempore ad eandem vitam resurgant. *Messis autem est consummatio seculi.* Mat. xiii. 39. II. Sicuti Adami peccatum causa est mortis æternæ, quæ homini integro tam quoad corpus quam quoad animam incumbere debebat: ita etiam Christi justitiam causam æternæ vitæ esse oportet homini integro, secundum Pauli illationem I Cor. xv. 21. 22. In resurrectione autem sua *justificatus* est Christus; I Tim. iiii. 16. data ei a Patre apocha, qua testabatur justitiæ suæ plenissime esse satisfactum. Unde cum Christi resurrectione nostram conjunctam esse necesse est. III. Christus resurgens, victorem se ac triumphatorem omnium hostium ostendit. *Surgente Deo disperguntur inimici ejus* Pl. LXVIII. 2. *Inimicorum omnium ultimus mors est:* eam ergo novissime destrui oportet: I Cor. xv. 26. ut quemadmodum vinculis ac doloribus

ribus suis retinere non potuit Christum qui caput est, ita nec retineat eos qui membra sunt corporis ipsius mystici. IV. Unio illa Christi & fidelium id infert ut Christus non plene se vivere existimet, si qui sui sunt non viverent secum. Iterum nos Apostolus huc ducit. Eph. 1. 20. 22. 23. *Deus suscitavit Christum ex mortuis. Et constituit caput super omnia Ecclesia quæ est corpus ipsius, & complementum ejus qui omnia implet in omnibus.*

XIV. Non minus firmiter argumentamur ex *inhabitante* in fidelibus & *sanctificante Spiritu*: rursus Apostolo auctore. Rom. VIII. 11. *Si Spiritus ejus qui suscitavit Jesum a mortuis habitat in vobis, is qui suscitavit Christum ex mortuis vivificabit & mortalia corpora vestra per inhabitantem ipsum Spiritum in vobis.* Quæ ratio non uno modo urgeri potest. I. Per *inhabitationem Spiritus corpora fidelium sanctificantur in templum Dei.* I Cor. III. 16. & VI. 19. Ecquis autem credat, permissurum Spiritum æque potentem ac bonum, ut templum suum æternis obrutum maneat cineribus? Priori sano apud Hierosolymam destructo, aliud ædificari curabat Deus, majore prædium gloria. Hag. 11. 10. Quid ni idem speremus de corporis nostri tabernaculis, quod destructa per mortem, reparaturus sit in gloria? II. Fortius stringet hoc argumentum si rite consideremus rationem sanctitatis illius, quam cum corporibus quoque fidelium Spiritus Sanctus communicat; quæ non *externa* solum, sed & realis est, & elegantissimam Dei similitudinem importat. Templum Hierosolymitanum ita destructum esse, ut in æternum maneat ruderibus suis contumelatum, mirum adeo videri non debet. Sanctitas enim qua præsentia Dei parietes illius ædificii respererat in eorum veluti superficie hærebat, & consistebat in simplici relatione ad sacrum usum. At sanctitas quam Spiritus Dei corporibus nostris inspirat, penetrat in affectus, facultates nostras permeat, nihil relinquit in membris nostris intactum, consistit in puritate aliqua quæ cum Spiritus ipsius ingenio consentit, & denique talis est ut unum quid cum ea facti esse videamur. *Naturam enim Divinam* Petrus nuncupat. 2 Pet. 1. 4. Quapropter pati ille omnino nequit, ut talia numinis sui domicilia in æternum intereant. III. Adde, Spiritum inhabitantem & sanctificantem esse Spiritum illius qui Christum suscitavit ex mortuis: unde hæc nascitur illatio. Si participes estis Spiritus Dei, qui cum omni donorum suorum plenitudine in Christo veluti in fonte est; sicut Spiritus ille in Christo capite vestro resurrectionis causa existit, tum per efficacitatem immensæ potentiae suæ, & proprietatem, ut ita dicam, personalem, qua proxima vitæ causa omnibus viventibus est, tum virtute sanctitatis, qua humanam Christi naturam exornavit, omnemque mortis causam, proprium nimirum peccatum, ab ea removet, Pl. XVI. 10. Act. 11. 24. ad eundem modum parilem in vobis producet effectum, tam potentia sua, quam

mediate sanctificatione vestri, quæ animæ resurrectio est; & quam non potest non consequi resurrectio corporis, quippe quod sanctificationis etiam fuit particeps, illiusque & sacra gessit signacula, & laudabilia edidit in hoc seculo opera.

Eadem resurrectura sunt corpora, si substantiam spectes,

XV. Atque ita nunc satis nobis adstruxisse videmur resurrectionis veritatem. Pergamus inquirere *quid* resurrecturum sit & *quomodo*. Et nobis quidem ex scripturis indubitatum est, eadem quæ nunc habemus corpora resurrectura esse; eadem, inquam, substantia, sed diversis admodum prædita qualitatibus. Demonstremus utrumque.

XVI. EADEM nobis corpora reddenda esse arguit ipsa *resurrectionis vox*. Quid enim aliud est *ἀνάστασις*, nisi *Damasceno* finitore, *διὸτι καὶ ἀνίσταται τὸ σῶμα*; Porro resurrectio non est *animæ*: quippe quæ non cecidit aut mortua est: non est *proxime* & *immediate hominis*; sed illius nostræ partis quæ nunc *caro* dicitur, id est, *corporis* quod nunc animale atque mortale est. Idcirco solum corpus *κτῆμα* dicitur, quia solum *πῶς*. Sicuti & Paulum modo dicentem audivimus. Rom. VIII. II. *Vivificabit mortalia corpora vestra*.

XVII. Accedunt & alia diferta testimonia. Job. XIX. 26. 27. *Carnem meam visurus sum Deum. Idem qui sum, ac non alienus visurus sum mihi, & oculi mei adspecturi*. Et Paulus testatur, idem corpus quod *satum est cum corruptione*, & *sedum*, & *omnium virium expers*, & *animale*, fuscitandum esse: & illud ipsum corruptibile, quod nunc circum gestamus. I. Cor. XV. 42. 43. 53. 54. & *corpus nostrum humile* Phil. III. 21. idem nimirum quod *jacuit in monumento*. Joh. V. 28.

XVIII. Specimen hujus rei editum est in iis quos Prophetæ, Christus, & Apostoli fuscitarunt. Suntne illis corpora vel e nihilo creata, vel e coelo deducta? an vero illa ipsa reddita quæ mors antea abstulerat? Mat. XXVI. 52. *Multa corpora sanctorum qui dormierant surrexerunt*. Atque hæc quid aliud sunt, nisi rudimenta quædam ac tentamenta rei, quam Deus olim in nobis perfectam daturus est?

XIX. Similitudo nostræ resurrectionis cum illa Christi idem probat. Nam *sicut gessimus imaginem terreni illius, geremus etiam imaginem celestis*. I. Cor. XV. 49. Quis dubitat, quin Christi resurrectio nostræ sit exemplar? Rom. VI. II. VIII. II. At certe Christus non aliud & adscititum corpus adsumsit aliunde, novumve e coelo deductum sibi vindicavit: sed proprium suum corpus e monumento reduxit, quod cum impressis vulnerum notis, discipulis ostenderet, quoque in cælum subveheretur. Joh. XX. 27.

XX. Christus *vivos pariter & mortuos judicabit*. Vivorum autem illorum quod nam futurum est corpus quo coram Christo comparebunt ad iudicium? Utique ipsum illud quod eatenus circumtulērunt, sed Divina, ut

ut Apostolus docet, virtute immutatum. 1. Cor. xv. 51. Quid nergo mortui pariter corpora sua resumturi sunt, ut omnium eadem sit conditio? Neque enim usquam Scriptura docet, potioem fore conditionem eorum viventium, quam fidelium qui obdormierunt in Domino. Fingere, hominibus illis quos vivos dies ille Domini deprehendet, nova superinjectum iri corpora, ex locis superioribus miraculose delapsa, quæ tanquam indusia quædam propriis atque antiquis corporibus superinducant, ut eorum mortalitatem exurant, materiam universam absument, & ipsa eorum loco hæreant; quid aliud est quam stolide & audacter, non enim ausim dicere suaviter, delirare?

XXI. Denique ipsa Divini *judicii* ratio atque *justitia* id exigit, ut iisdem numero corporibus, tam *vivi*, quam *mortui*, compareant. Actiones enim illæ super quibus judicandum est, non *corporis* seorsim, neque *animæ separatæ*, sed integræ censentur esse *personæ*, quæ corpore & anima constat. Ut ergo *eadem anima* se sistet in iudicio, ita & *idem corpus*, ut de totius personæ actionibus pronuncietur. Aliter si fieret, magna quædam & indigna Deo perturbatio esset, tam in distributione *penarum* quam in *præmiorum* remuneratione. Nam *pœnas* quod spectat, corpora quæ peccatis serviverunt in pulverem morte soluta non punirentur pro merito: quum pœna non consistat in mero non esse, sed cruciatibus æternis in ignis ac sulphuris stagno. Corpora vero aliunde adventitia, & nihil mali promerita, impiis animabus sociata, earum supplicia & cruciatus admodum injuste & inclementer participarent. Et in *præmiis* quidem eadem esset *arbitria*. Ea enim corpora quæ animæ in jejuniis, precibus, divinis laudibus, aliisque pietatis exercitiis ministraverunt, quorum membra se stiterunt arma justitiæ, quæ incredibiles aliquando cruciatus Christi ac religionis causa obiverunt, sine remuneratione ulla vel ad nihilum redacta forent, vel in elementa sua dissipata, & in eodem denique statu, quo corpora impiorum. Alia vero corpora justitiæ corona donarentur, quæ neque fidei, neque ullis sanctimonix exercitiis, nec perpersionum pro Christo susceptarum lubentia, se Deo commendassent. Quæ a Dei justitia, & perpetua scripturæ doctrina perquam aliena sunt. 2 Cor. iv. 10. *Quolibet tempore mortificationem Domini Jesu in corpore circumferimus, ut etiam vita illa Jesu in corpore nostro manifesta fiat.* Conf. 2 Thes. 1. 4. 5. 6. Et sane prolixam disputationem de resurrectione mortuorum quum concluderet Apostolus adhortatione ad firmitatem & constantiam & abundantiam in opere Domini omni tempore, hanc suæ adhortationis subjungit rationem, quod *labor ipsorum non sit futurus inanis in Domino*. 1. Cor. xv. 58. Proflus autem inanis respectu corporum foret, si illis in pulvere ac putrefactione remanentibus, alia in eorum formarentur locum, alieno labore parta remuneratione fruitura.

Frustra  
enim obten-  
ditur feritas  
ἀνθρωποφά-  
γος & ἀλ-  
κίλοφάγος.

XXII. Non dissimulo haut contemnendam difficultatem subnasci ex feritate eorum qui humanis pasti carnibus partem earum in suam transmutarunt substantiam? Quomodo enim eadem caro, diversorum hominum facta, in diversis resurgere, in his puniri, in illis coronari potest? Quid fiet devorata illa carne? Cujus in resurrectione erit? An devorantis, cujus fuit novissime? Atqui tum devoratum ea sui parte mutilum esse necesse est; quæ poenas subibit hominibus crudelibus ac truculentis debitas. An devorato postliminii jure reddetur? At tum devorantem carnis suæ parte multari continget; quæ quum male cruciari digna esset, in alio fortassis glorificabitur.

XXIII. Verum enimvero præpostera hæc nimiumque curiosa subtilitas est: cui tamen retundendæ non desunt nobis pro Deo argumenta. Et quamvis nihil admodum responsionis inveniremus, æquumne est, ut ex ratione nostra exili illa, febriculosa, multis involuta tenebris, multis inquinata vitiis, Dei sapientiam, potentiam, constantiam in promissis, & providentiam admirabilem, atque in quantisvis difficultatibus solvendis incredibilem dexteritatem, metiamur ac ponderemus? Indignas profecto de Deo cogitationes fovet, qui animum inducit nihil ei credere, nisi quod suæ ipse mentis acie pervestigare & quoad omnem illius modum rationemque profequi valeat. Quod tamen non ea de causa a nobis dicitur, quia nihil aliud dicendum suppetit: sed quia utile est rationi adversus Deum responsanti iterum illud iterumque inculcari, nihil æquius esse quam ut in Divinorum mysteriorum meditatione, seposito omni *γελῶσθαι*, edomari se ad obsequium fidei patiatur.

XXIV. Ut ergo ad rem ipsam accedamus propius: observamus primo, non esse necessarium ad corporis *ταυτότητα*, ut iisdem omnino constet partibus quibus constituit olim. Non enim si quid materiæ desit, idem corpus esse desinit. Quis audivit unquam, antropophagos-universum hominis corpus devorasse? Fac tamen devorasse universam, quantula pars comesi in comedentis facessit substantiam? Quantum est quod per sudores humoresque alios, quod per crassiora retrimenta, vel insensibilem etiam transpirationem, excernitur? Qua de re Physici audiri possunt & Medici. Quæ igitur restant non devorata, aut quæ jam devorata in devorantis non transierunt substantiam; immensæ Dei sapientiæ ac potentiæ sufficiunt, ut ex iis demortui hominis corpus refuscitet. Quod non idcirco non erit idem, quia millesima forsan illius particula antropophagi alicujus erit.

XXV. Si urgeas, in illa saltem particula remuneranda Dei laborare bonitatem sive justitiam: tantæne, inquam ego, nunc te postulas accurationis esse, ut quum modo pugnares, nihil Deum a virtutibus suis alienum facere, si in demortuorum corporum locum alia prorsus ad

præ-

præmium poenæive formet , nunc de tantilla particula sollicitum te esse oporteat? Quid? satiusne , aut credibilius etiam arbitraris , partem eam hominis essentialem , quæ in corpore sita est , universam privari sua gloria , alterumque corpus in vacuum possessionem succedere , quam si aliquid ex ea , idque valde exiguum , intereat , reliqua ejus mole ad immortalitatem traducta ?

XXVI. Verum ne in hac quidem particula nimis te laborare velim. An difficile censes omnipotenti Deo eam primo iustoque possessori vindicatam restituere? alteri autem reddere id , quod , paullo ante quam hæc sibi adjungeretur , quomocunque detritum erat? Auguste *Augustinus* , De Civit. Dei. Lib. XXII. Cap. XX, *Reddetur ergo caro illa homini , in quo esse caro humana primitus cepit. Ab illo quippe altero tanquam mutuo sumpta deputanda est: quæ , sicuti æs alienum , ei redibenda est , unde sumpta est: sua vero illi , quam fames excinaverat , ab eo qui potest exhalata revocare , reddetur.*

XXVII. Et quid demum nos cogit credere , particulam aliquam comesti corporis humani in comedentis transire substantiam , aut , si transiverit , substantiæ illi , donec vivat *ἀνθρώπου* , adjunctam manere? neque enim ullum unquam repertum esse hominem existimem , qui solis humanis victitaverit carnibus. Quid ni efficere queat , imo vero re ipsa efficiat , Divina Providentia , quæ omnia ad fines sibi propositos disponit suaviter , ut comesta hominis caro , adde & concocta variis modis , excernatur , ne polyphemis illis adcreseat? aut , etiamsi adcreverit , tabe , labore , inedia , aliove modo in auras absumatur , & ab iniquis emancipata possessoribus , suscitando corpori , in manu omniscii & omnipotentis Dei , reservetur? Quibus rite expensis , omnem illum qui ab *ἀνθρώπου* & *ἀλλοφωγία* nequitur difficultatis nodum commodo solum arbitror.

XXVIII. Attamen quæ corpora *substantia eadem* futura sunt cum pri- Sed diversif. finis erunt prædita qualitatibus. dem mortuis , ea post suscitationem *qualitatibus diversissimis* erunt prædita. Et impios quidem quod attinet ( nam & hos suscitandos esse mox docuimus ) eorum corpora ita erunt disposita , ut sine cibo somno , aliisque ad hanc vitam animale[m] pertinentibus , ferendis inferorum tormentis in æternum sufficiant. In hoc seculo humana corpora ad eum modum comparata sunt , ut ex moerore somnus , ex somno refectio quædam oriatur; ut dolor nimis intensus sensus acumen frangat , aut animi quandoque deliquium inducat , in quo quædam quasi doloris induciæ sunt; & si vehementissimus sit diuturnus esse non possit , quam in morte inveniatur finem. Sed in futuro seculo impiorum corpora ad intensissimos cruciatus ita erunt obdurata , ut sine doloris intermissione , sine sensus remissione , Divinæ expandescentiæ flammis æternum ardeant ,

nunquam in cinerem redigenda. Hoc est quod Christus dicit Mat. x. 28. *Deum non animam tantum, sed & corpus posse perdere in gehenna.*

XXIX. Cæterum in ea mutatione describenda quæ fidelium corporibus accidet, copiosior scriptura est. I. Cor. xv. 42. 43. 44. *Ita est resurrectio mortuorum: seritur corpus cum corruptione; id quod in terram cadit olim de novo proditum, antequam concidat fluxum est, perpetuæ partium sensibilibus detritio, insensibilium evaporationi obnoxium, ut non magis eundem hominem videre ac tangere bis possis, quam in eundem fluvium bis descendere, uti eleganter ab Heraclito dictum est: deinde postquam seminatum est computrescit, & in pulverem dissolvitur. Suscitatur cum incorruptione: quum recolligitur prodit non fluxum, non labascens, non vitium faciens. Seritur sudum; Nam & vivum sua laboravit vilitate, nausea, putore; & mortuum ipsis etiam amicissimis horrore est. Suscitatur cum gloria: quæ omnem in se amabilitatis, decoris, majestatisque copiam comprehendit. Seritur omnium virum exers. Nihil post mortem habet, quo se in isto partium suarum situ conservet; non est idoneum animæ habitaculum; nulla ejus pars organi usum habet. Suscitatur potens: adeo ut in gloriosissimis beatæ vitæ functionibus promptum consummatumque obsequium, sine ulla defatigatione, animæ exhibeat. Seritur corpus animale: cujus status accommodatus fuit vitæ præsentis, quod cibo, potu, somno ad sui sustentationem indiguit; quod liberis procreandis operam dedit, & quæ plura huc pertinent: uno verbo, quod animam vegetabilem vivendi principium & causam habuit. Suscitatur corpus spirituale: id non significat, ut Sociniani nugantur, subtile, flexile, agile, tenuissimos quoque mentus penetrans, instar aeris aut venti, aut potius instar spiritus Chymicorum. Sed corpus spirituale dicitur, quod nulla re ad vitam hujus sæculi pertinente indignum, non cibo, non somno, non aëre ad respirationem, Spiritum Sanctum vitæ suæ fontem habebit, quo ad functiones statui coelesti convenientes, & obsequia animæ pro exigentia istius status præstanda, vivificetur.*

XXX. Hinc lux adfulget alteri illi *pari* Apostolica. I. Cor. vi. 13. 14. *Esca ventri, & venter escæ, Deus autem & hæc & illas abolebit: quando is qui Dominum suscitavit, & nos suscitabit potentia sua. Cibi ad hoc creati, destinati, dati sunt homini in hoc sæculo, ut ventrem impleant; venter ad id destinatus & aptus natus est, ut cibos recipiat. Cibos & ventrem abolebit Deus; si singulos homines spectes, in eorum morte; si universos, ultimo die. Nam ab illo tempore non erunt cibi ulli. Non erit etiam venter, nimirum ad recipiendos cibos. Cibi ventrisque mutua relatio cessabit. Non quidem carebunt suscitatorum corpora ista sui parte; sed pars ista carebit illo usu. Nam is qui Dominum suscitavit, ad vitam*  
coele-



coelestem , & nos exsuscitabit ad vitam consimilem , ut *corpus nostrum Domino sit* , ad inhabitationem perpetuam atque gloriosam.

XXXI. Ea enim corporis nostri immutatio gloriosa ex communione Christi & Spiritus ejus oritur. *Ita etiam scriptum est: Factus est prior homo Adamus* , cæterorum caput naturale & federale , *anima vivens* ; præstantissimum quod in se habuit , fuit anima , vitæ animalis fons. *Posterior Adamus* , Christus , stirps servandorum , *spiritus vivificus* , ea conditione conceptus & natus , ut *homo* quidem esset , sed & insimul *spiritus* , vivificandi vim habens , qua & se ipsum , ad generis humani salutem mortuum , & suos ex mortuis excitare possit. *Primus homo e terra* , inde formatus , ibi creatus ; ibi exstitit. *Pulvereus* , e pulvere factus in pulverem redire potuit. *Secundus homo* , *ipse Dominus e caelo*. E caelo venit , per demonstrationem specialis suæ præsentiae in formatione & inhabitatione corporis humani ; ideoque vitæ suæ Dominus est : qui semel quidem mori potuit , deinceps mori non potest. *Qualis pulvereus ille , tales & pulverei sunt* : propter communionem naturalem & federalem , quam posterius cum primo parente habent. Finge animo Adamum cum posteris non peccasse ; nemo certe mortuus esset ; at habuissent tamen in se , remotæ saltem , mortalitatis principia , quorum vim una Dei providentia cohibuisset , novas continuo vires suppeditando , omnesque casus propulsando qui vitam hominibus eripere potuissent. Postquam vero peccavit , omnes ejusdem criminis reatu impliciti , eidem quoque mortis necessitate obnoxii sunt. *Et qualis celestis ille , tales & celestes*. Propter communionem gratiæ & spiritus cum Christo , ad quam non solum animæ nostræ verum etiam corpora admissa sunt , quemadmodum ipse semel mortuus vivit in æternum , ita etiam corporibus nostris e morte suscitatis ea vis adflabitur , ut non ex providentiæ cura extrinseca , sed insita vi , se defendant adversus mortem. *Et sicut gessimus imaginem terreni , geremus etiam imaginem celestis*. Omniño enim Christi , capitis nostri , dignitas id flagitat , ut longe vividiorum & gloriosiorum membris suis vitam infundat , quam quæ ab Adamo posteris ipsius communicare potuit. 1. Cor. xv. 45. 47. 48. 49.

XXXII. Sed & rationem suggerit Apostolus , ob quam tantam corporis nostri immutationem fieri necesse sit. verl. 50. *Quia caro & sanguis non possunt regni Dei hæreditatem consequi*. Ubi *caro & sanguis* non significant naturam humanam quatenus per peccatum corrupta est : sed ipsam corporis nostri substantiam , cum iis vitæ animalis infirmitatibus quæ eam hic consequuntur. Frequens hic Hebraismus est , non quidem apud Prophetas , sed apud Rabbinos : qui *carnem & sanguinem* vocant *nudum hominem* ; *Qualia nunc hominum producit corpora tellus*. Nec credibile est , Christum atque Apostolos alio significatu vocibus usos esse ,

quam intelligi a popularibus solebant. Accedit & ipse scripturæ sacræ consensus. Nam, ut judiciose a Gomaro, Cappello, aliisque viris eruditissimis observatum est, nusquam *moralis*, semper *physico* significatu ea phrasis usurpatur. Vide Heb. 11. 14. Mat. XVI. 17. Eph. VI. 12. Gal. I. 16. Nec alibi, si nostrum hunc locum addideris, inveniri existimo. At quicquid alibi significet, hic certe præter id quod diximus significare nihil potest. Non enim hic agitur de vitiis animi, sed de conditione corporum. Atque ipse id ita exponit Apostolus: subjungens, *neque corruptio hereditatem incorruptibilitatis consequetur*. Summa huc redit: corpora nostra, qualia nunc sunt, animalia, mortalia, corruptibilia, idonea non esse ad vitam illam cœlestem qua Deus pios beare constituit: partim quia non sufficiunt ferendæ tantæ beatitudinis moli, partim quia status ille naturæ, naturalibus infirmitatibus obnoxius, & cœli habitatio, tam latis finibus determinantur, ut una consistere non possint. Ne ergo quidquam decedat illi felicitati, quam suis destinavit Deus, voluit corpora nostra immutari, respectu qualitatum illarum, quarum nomine *σάρξ καὶ αἷμα* vocantur.

XXXIII. Quomodo ergo fiet *carnis immutatio*? Si carnem pro ipsa corporis nostri *substantia* sumas, dudum diximus idem corpus surrecturum esse: hoc sensu Jobus professus est se *carnem suam visurum esse Deum*. Job. XIX. 26. Sin una intelligas infirmitates vitæ hujus animalis, eodem modo fiet *resurrectio carnis*, quomodo *resurrectio mortuorum*. Ut enim mortui dicuntur resuscitandi, qui nunc mortui sunt, non qui mortui erunt post resurrectionem, sic resurgent ii qui caro fuerunt ante mortem, non qui caro futuri sunt postquam erunt ad vitam revocati. Hæc mente commemorationem Christi in hoc seculo, in oppositione vitæ cœlestis quæ nunc potitur, *dies carnis ejus* nuncupat Apostolus. Heb. v. 7.

Resurrectio  
omnium  
erit, & pio-  
rum & im-  
piorum.

XXXIV. At QUINAM tandem resurrectionis futuri sunt compotes? *Judeorum* aliquot doctores pios solos suscitatum iri disputant, impios autem prorsus expirare & æternis tenebris obrui, nunquam revicturos. *Socius* idem tuetur, sed tectè, veritus sententiæ istius invidiam, & orituram inde offensionem: ideoque versipellis iste serpens ita suis se sophismatis involvit, ut lector prius sentiat doctrinam illam sibi persuasam esse, quam suaderi animadvertat. Discipuli ejus, in *Doctrina suæ Compensatio*. Cap. VIII. §. I. *καὶ οἱ νεκροὶ ἀναστήσονται* hæresin illam profiteri non verentur: uti & in *Tractatu de statu mortuorum*, desumpto ex *actis Colloquii Racoviensis A. MDCVII. Volkeli, Schlichtingii*, alique ex ista schola, ad saniolem mentem rediisse videntur. Quidquid autem alii vel negent, vel dubitent, nobis tam certum est, quam quod certissimum, *universalem fore omnium omnino mortuorum resurrectionem, tam impiorum, quam piorum*, ut quod suis condignum est factis singuli,

tam

tam corpore, quam anima, reportent. Non lubet nunc nimia diligentia congerere quidquid de hac re scriptura habet: potissima solum testimonia vindicabimus.

XXXV. Et primo quidem illum Domini sermonem expendamus qui exstat Joh. v. 28. 29. *Ne hoc miramini; nam veniet hora qua omnes qui in monumentis sunt audient vocem ejus: & prodibunt qui bona fecerint in resurrectionem vite: qui vero mala egerint, in resurrectionem condemnationis.* Observa I. Agi hic de resurrectione corporis. Quod probatur A. Ex connexionne. Postquam enim vers. 25. adscripsisset sibi Dominus suscitationem spiritualiter mortuorum ad vitam spiritualem, transit ad suscitationem corporum, ut ex uno *διεργάματι καὶ θάνατον ἐργάματι* probet alterum. De diversa re eum hic sermonem ordiri, evincit illud *Ne hoc miramini*; q. d. plura ex me, & de me, ac majora audietis. Non mentes solum hominum ad meliorem vitam traducere valeo per Evangelii mei præconium, sed & corpora aliquando ex pulvere erigam omnipotenti meo jussu. B. Ex conjunctione cum universali judicio vers. 27. quod resurrectionem corporum mox insequetur. C. Ex temporis *προδεδειγμένῃ*. Dixerat vers. 25. *Venit hora, & nunc est*: quia resurrectio illa spiritualis eo ipso tempore sua habebat initia. Hic autem simpliciter dicit, *venit hora*: nimirum in consummatione seculi: nec addit, eam jam tum adesse. D. Ex descriptione subjecti: *qui in monumentis sunt*. Qua phrasi spiritualiter mortuos denotari nullo ostenditur scripturæ testimonio. Observa II. Per vocem filii hominis hic non intelligi Evangelii præconium, sed efficax & omnipotens Christi Domini mandatum, de quo Mat. xxiv. 31. 1 Thef. iv. 16. De illa enim hic voce sermo est, quæ omnibus audientibus vitam dat, facitque eos prodire e monumentis, sed exitu diversissimo. Id autem neque de ea auditione Evangelii verum est, quæ solius corporis auribus præstatur, neque de ea quæ cum fidei obsequio conjuncta est. Nam & multi eorum quorum aures ferit Evangelii sonus in morte ignorantia, errorum & peccatis manent; & nullos eorum qui Evangelium vera *ὑποταγή τῆς ἐμμελείας* suscipiunt in resurrectionem condemnationis venire consentaneum est. Observa III. Resurrectionem hic describi universalem, quæ sit omnium in monumentis jacentium, sive Judæi fuerint, sive Barbari, sive Scythæ, cujuscunque conditionis, & ætatis; sive ante Christum natum vixerint, sive post; & quocunque demum mortis genere interierint. Nihil enim horum est, quod non ista universalitatis nota includatur. *Et reddet mare mortuos quos habet; & Mors & Infernus reddent mortuos quos habent; & judicabitur de singulis secundum opera eorum.* Ap. xx. 12. Observa IV. Resurrectionem illam universalem discriminari contrario eventu. Ut enim eorum qui e sepulcris prodeunt duo sunt genera quorum alii fecerunt bona, alii egerunt mala; ita hi prodibunt in resurrectionem condemnationis, illi in resurrectionem vite.

XXXVI. Hic se convictos faterentur adversarii, nisi semel animum induxissent obniti veritati, quantumvis se clara luce ingerat. Vide ergo quid comminiscantur. Monumenta dicunt esse ignorantiam, & conditionem omnium deploratissimam. Prodire e monumentis, ex parte Dei exeundi licentiam habere. Bona & mala facere non de iis exponunt factis quæ auditionem istam vocis Filii Dei, & egressionem e monumentis antecesserunt, sed quæ consequuntur. Et quod de malis dicit Dominus ita παραφύσει. Qui mala egerint scilicet egressi e monumentis, ex parte Dei liberati illa ignorantia, & miserrima conditione, per annuntiationem spei vitæ æternæ & immortalitatis; procedent in resurrectionem judicii, hoc est, liberabuntur & illi quidem, quatenus liberari potuerunt: sed tamen quia Evangelio non paruerunt, cadet hoc illis in extremam perniciem.

XXXVII. Sed profecto hoc est scripturas ridere ac pervertere, non interpretari. Nam I. Quo exemplo probant, quod monumenta significant ignorantiam, & conditionem animæ in hac vita deploratissimam? Εν μνημαίῳ εἶμαι, est corpore conditum esse sepulcro. Joh. xi. 17. Mat. xxvii. 62. & alibi passim. Conf. Pl. lxxxviii. 6. Inter mortuos semotus, sicut confossi שכבי קבר jacentes in sepulcro. Longe aliud est ἐκπορεύσθαι, aliud ex parte Dei licentiam exeundi habere. Distincte in textu proponuntur, ea quæ Filii Dei, & ea quæ hominum sunt. Filius Dei venit ἐν πνεύματι, ἐν φωνῇ ἀρχαγγέλου καὶ ἐν σάλπιστι θ.υ. Ea vox non dabit solum exeundi licentiam: sed ad eam vocem quicquid est mortuorum de facto prodibit. Omnes eam audient; vim ejus ad vitam revocantem, ea efficacitate cui resisti non potest, in se experientur. Omnes etiam ἐκπορεύσονται, prodibunt, sive pii fuerint, sive impii. Idem actus adscribitur utrisque. Quid? an hi qui bona egerunt, solum ex parte Dei exeundi habent licentiam? nihil ne præterea? nonne ipso facto exeunt? Quis ergo tibi eam potestatem fecit, ut quod uno verbo de utrisque indistinctim dicit Dominus, tu tam diversa interpretatione in alia omnia torqueas, III. Si monumenta significant, ut tu vis, conditionem animæ deploratissimam, & prodire ex monumentis, ut nos demonstravimus, non de licentia concessa a parte Dei, sed de actu hominis ad Dei jussu prodeuntis, intelligendum sit, quo pacto concipi potest, ut liberatio ex conditione ista deplorata sit ad resurrectionem condemnationis? Si post illam liberationem, inquis, male egerit. Verum, inquam ego, qui ex morte spiritali fuscitatus est, is non peccat iterum ut æternum moriatur. 1 Joh. i. 11. 9. Et qui sermonem Christi audit, audiensque ex morte prodit, is habet vitam æternam, & in condemnationem non veniet. Joh. v. 24. IV. Obtestor quemvis Græcæ linguæ vel mediocriter gnarum, sicubi legerit, ἐκπορεύσονται οἱ ποιήσαντες, annon ita sit interpretaturus ut ἡ φωνὴ τοῦ ἐκπορεύσθαι præcedat? prorsus sicut vers. 25. οἱ ἀκούοντες ζήτουνται. Ubi auditio

fine

sine dubio antecedit vitam. Quod autem aoriston dicitur semper significare tempus verborum quibuscum junctus est, adeo ab omni re Grammatica, & recte loquentium usu alienum est, ut nihil supra. Videantur quæ eam in rem adnotavit *Becmann. Exerc. Theolog. VI. ad Job. VII. 18.*

XXXVIII. Adjungamus Dan. XII. 2. *Et multi ex dormientibus in terra pulveris expergiscentur, hi ad vitam æternam, illi ad opprobria & contemtum æternum.* Religio nobis est aliter hunc locum quam de corporum resurrectione interpretari. I. Propter exactam convenientiam horum verborum cum iis Domini quæ modo exposuimus, excepta unica voce *multi*, pro qua Dominus *omnes* dixit. Qua de re mox sumus acturi. II. Propter nexum cum antecedentibus. Commate primo promittitur Michaeli principem magnum, id est Christum Patri *videtur*. Angelorum Dominum, Ecclesiæ Regem, statutum pro filiis populi Danielis, id est residuis ex gente Judaica. Quibus post sævam illam Antiochi persecutionem iterum accidet *tempus angustia, qualis non existerit ex quo fuit gens usque ad tempus istud.* Quod Dominus discrete exponit de tempore excidii Hierosolymitani per Romanos. Mat. XXIV. 21. Attamen, inquit Deus, *tempore illo eripietur populus tuus.* Non peribunt omnes, propter electos decurtabuntur dies isti. *Adhuc decima erunt in terra.* Jec. VI. 13. Remanebit residuum aliquid ad semen. Et insigniter salvabuntur *כל הנמצא כתוב בספר* quicunque inventi fuerint scripti in libro, quos Deus in testamento gratiæ æternæ vitæ hæredes immutabili decreto scripsit. Ne quis vero Michaelis gratiam ad viventes solum pertinere existimet, mox subjungitur, mortuos quoque illius virtute suscitandos esse. III. Huc enim omnia nos *textus verba* ducunt; dormire in terra pulveris, mortuorum est: qui dicuntur dormire dormitione mortis. Ps. XLIII. 4. *dormire somno perpetuo, nec expergisci.* Jec. LI. 39. 57. & dormire in pulvere. Job. VII. 7. Unde etiam sepulcra *sepulcrum* nuncupari consueverunt. Et expergisci ex isto somno, quid aliud esse potest, quam in vitam restitui; Ita sane usurpatur Job. XIV. 12. *Ita quum vir occubuit, non resurgit usquedum erunt cali: non excitabuntur, neque expergiscentur e somno suo.* Negat quenquam e mortuis reversurum ad functiones vitæ animalis in hoc seculo. Conf. 2 Reg. IV. 31. Ps. XVII. 15. IV. eodem & consequentia aurigantur. Nam tertio commate gloriosus resuscitatorum status describitur. *Et erudientes splendebunt quasi splendore expansi, & iustificantes multos ut stellæ, in sempiterna secula.* Omnino configi hoc vaticinium debet cum Mat. XIII. 43. & 1 Cor. XV. 40. 41. 42. ubi ex professo de resuscitatorum ex mortuis gloria agitur, eaque eadem similitudine exponitur.

XXXIX. Non debet nobis scrupulum injicere, quod usus sit Deus non universalitatis nota *omnes* sed particularitatis *רבים multi*, & quidem

dem מִיִּשְׁנֵי *e dormientibus*. Ne enim nunc respondeam, quod post Augustinum responderunt plurimi, vocem *multi* aliquando aequipollere universali *omnes*, in quam rem proferri solet Rom. v. 19. dico ego, quod *multi ex dormientibus* significant immensam illam hominum multitudinem quæ ex meris defunctis constat: quam multitudinem ita in duas classes partitur Deus, ut innuat nihil restare quod ad alterutram referri non debeat. Nam quo pacto hic distribuit Deus mortuorum multitudinem, eodem pacto distribuit Christus eorundem מְיֻשְׁנֵי.

XL. Porro, quod ad nostrum nunc institutum facit, resurrectionis duplex hic signatur terminus. *Evigilabunt, illi quidem ad vitam æternam, sed alii ad opprobria & contemptum æternum.* Quod non potest commode exponi de Politicæ & Ecclesiæ Judaicæ restitutione post afflictiones Antiochi. Nam vivente Antiocho transgressores & impii non dormiverunt in pulvere, sed vixerunt & floruerunt, in honore ac pretio habitati. Ideoque mortuo Antiocho non sunt suscitati ex pulvere, sed potius civiliter & Ecclesiastice mortui: quippe qui, ut hætenus bene Grotius, fuerunt alii in נָרִי, alii in חֵרֶם. Tum etiam qui ob religionis cultum diu extorres ad sua tandem rediere, quo pacto illi evigilasse dicuntur *ad vitam æternam*? Nam cum Porphyrio & Grotio de vita longa & felici in terra Canaan id exponere, dilutum est, longeque infra verborum majestatem subsidit.

XLI. Adstipulatur hic nobis *Josephus Jacobiader*, qui comma nostrum ita מְיֻשְׁנֵי מִיִּשְׁנֵי מִיִּשְׁנֵי מִיִּשְׁנֵי: *Et tunc fiet miraculum resurrectionis mortuorum: nam multi dormientium in terra pulverulentia expergiscuntur, bi ad vitam æternam, qui sunt sancti; illi vero ad opprobria & dejectionem æternam, qui sunt impii.* Quorum resurrectionis causa est, ut impii fateantur palam, suam fidem esse falsam, & eos qui ipsi fidem habuerint, persecutos fuisse vanitatem atque evanuisse, ipsique agnoscant suos majores falsitatem possedisse. Itemque Menasse Ben Israël de resurr. mort. Lib. II. Cap. VIII. impios resuscitatum iri probat, quia apud Daniele dicitur, *Multi ex dormientibus &c.* Quod si illi *multi*, inquit, *soli iusti forent, pauci perfecti essent; nam tales hauri ita multi inveniantur.* Quid quod statim addatur; *alii in opprobrium &c. quod equidem de malis, & de impiis dicitur.*

XLII. Verum totam hanc, si quæ Christianos inter esse possit, litem Apostolus terminavit Act. XXIV. 15. *Spem habeo in Deo: fore quam etiam ipsi expectant resurrectionem mortuorum, tuam iustorum, tuam iniustorum.* Potuit ne quidquam in hanc rem dici, quod clarius est aut magis peremptorium? Potuit, inquit. Ita enim exponi Apostoli verba possunt, ut nihil ad eam controversiam faciant: nec possunt solum, sed & debent. Possunt: quia per *iustos* intelligere est eos, qui plerumque in omni

omni vita iuste vixerunt, & nunquam antea quidquam mali consulto & deliberata voluntate fecerunt: ut verbi gratia Johannes Baptista illiusque parentes: per *injustos* autem, eos qui tota vita impie vixerunt, tandem vero conversi sunt, ut publicanus ille & latro in cruce. Quia figura Apostolus se aliosque sui similes *injustos* nominat, etiamsi jam iusti essent. vid. 1. Tim. I. 15. Rom. IV. 5. 1. Pet. III. 18. Matt. XXII. 15. *De-bent.* I. Quia de ea hic resurrectione agitur cujus *spem* se habere dicebat Apostolus. Quis vero non videt non posse de ullo fidelium dici, eum *spem* habere resurrectionis impiorum? II. Quia Apostolus eandem se habere *spem* profitetur cum illa veterum *Hebræorum*: eos autem impiorum resurrectionem non credidisse colligi satis potest ex illo antiquorum dictorio, quod R. Saadias Gaon, & R. Moses Cerundensis alique laudarunt. גבורת נשמים לצדיקים ולרשעים אבל תחיית המתים לרשעים בלבד. *Virtus pluviarum communis est probis & improbis; sed resurrectio mortuorum eorum duntaxat bonum est qui probe vixerunt.*

XLIII. Non erit nobis magnus labor torsiones illas ipsa veritatis evidētia refellere. Nusquam invenimus in sacris monstrosam, quam illi fingunt, distributionem *fidelium Christianorum* in *justos & injustos*. Scriptura in ista *אֵלֶּיךָ* non fideles fidelibus unquam opponit; sed fidelibus impios. Sic opponuntur Matt. VI. 45. *πνεῦμα καὶ ὄψαδι, δίκαιοι καὶ ἄδικοι.* 1. Cor. VI. 1. *οἱ ἅδικοι καὶ ἄγιοι.* 2. Pet. II. 9. *ὑποκριταὶ καὶ ἄδικοι.* Ps. I. 6. *צדיקים & רשעים.* Quemadmodum & in modo allegato de pluvia & resurrectione adagio, & apud Hebræos scriptores passim. Non diffitemur, extra illam antithesin, *fideles* respectu conditionis antegressæ, *injustos & impios* dici. Verum ista non est unius aut alterius nomenclatura, seu publicani, seu latronis in cruce, qui eo nomine ab aliis distinguatur: sed communis est universim omnium fidelium, quorum omnium in prima justificatione *עַל יְדֵי דִּנְאוֹתָם, עָלֵינוּ*. Rom. III. 10.

XLIV. Objectum *spei* Paulinæ fuit universalis omnium resurrectio, in qua se beatam suam portionem obtenturum certus erat. Prorsus quemadmodum Christiani omnes sperant adventum Christi ad iudicium, quo & piis & impiis secundum facta sua retribuetur. Quid obstat etiam quo minus Christiani sperent resurrectionem impiorum? Non quod ullorum hominum incommodis malifve delectentur: sed quod non possint non applaudere demonstrationi Divinæ gloriæ in iustis poenis improborum. Conf. Ps. LII. 9. Ap. XVI. 5. 7.

XLV. Antiquorum Hebræorum fides ex prophetis scriptis, non ex Talmudicorum doctorum nugamentis discenda est. Sed & horum sapientissimi nobis suffragantur. Quod *Menasse*, qui & ipse Hebræus est, *Symb. Apost.* D d d nostram

nostram vicem probet. Ita ille : In *Ros a Sana* etiam aliquid dicitur quod ad confirmationem hujus sententiae facit. Ita enim verba sonant : Tria genera hominum comparebunt in die judicii , unum eorum qui perfecte juxta fuerunt , צדיקים גמורים id est, quorum merita plura sunt quam demerita, alterum pessimorum, רשעים גמורים, quorum demerita plura sunt quam merita ; tertium בנוניים eorum qui inter hos duos medii sunt , quorum merita ac demerita sunt paria. Si itaque dies judicii conjunctus erit resurrectioni mortuorum , ac tum tria ista genera hominum judicanda sunt ; necesse sane est ut cujusvis generis homines resurgant. Item in *Pirke R. Eliezer*. כל המתים עולים בתחיית המתים חוץ מדור המבול. Omnes defuncti resurgent die resurrectionis mortuorum, excepta generatione diluvii. In eo quidem illos erravisse patet, quod aliquos excluderint resurrectione. Sed hactenus senserunt cum Apostolo, resurrectionem etiam futuram esse improborum. Eam autem, quam, superius adduximus, de pluvia *psalmi* in hunc modum exponit Manasses, ut docere voluerit auctor, quæ differentia futura sit inter pluviam & resurrectionem, quum illa quidem probis & improbis æque profit, nec magis piorum quam impiorum agros irriget; hæc vero haut æque utilis improbis & intermediis atque iustis, sed malis gravissimum incommodum adferat.

XLVI. Frustra nobis illa obijciuntur loca, in quibus resurrectio ut privilegium iustorum ac fidelium Christianorum describitur. Qualia exstant Luc. xiv. 15. xx. 36. 1 Cor. xv. 23. Phil. iiii. 11. Joh. vi. 39. 40. 44. 47. 1 Thes. iv. 14. Quum enim Dominus Jesus docuerit nos distinctionem facere inter ἀνάστασις ζωῆς ἀνάστασις κρίσις, clarum est de illa sola iis locis agi, quibus exponitur fidelium consolatio in beata ad vitam æternam resurrectione : in quo consolationis verbo impiis nec fors nec pars est.

Idque uno  
eodemque  
tempore

XLVII. Nunc quarto nobis loco inquirendum, utrum universalis illa omnium resurrectio uno eodemque sit futura tempore; an vero impiorum resuscitationem mille annis anteverfura sit resurrectio fidelium, sive omnium, sive precipuorum aliquot, & imprimis confessorum atque martyrum. Ad cujus quæstionis elucidationem, si totum, uti par est, scripturarum tenorem attendamus, vix est ut possimus dubitare, quin universalis resurrectio unus sit futura temporis. Christus unam designat horam, qua tam pii quam impii in monumentis vocem suam vivificantem exaudiri sunt. Joh. v. 28.

XLVIII. Fidelibus etiam suscitationem pollicitus non est ante novissimum diem. Hæc est voluntas patris ut QUICQUID mihi dederis suscitarem illud IN ULTIMO ILLO DIE Joh. vi. 39. 40. 54. Ubi notanda curate est universalitatis nota, cum iterata temporis ejusdem

Paulus



Paulus similiter resurrectionem eorum qui in Christo mortui sunt cum descensu Domini e coelo, & tuba Dei, & raptu superstitum in aëra coniungit. 1 Thef. iv. 16. 17. Admodumque emphatice. 1 Cor. xv. 23. *Unusquisque suo ordine. Primitiæ Christus, postea qui sunt Christi, in adventu ipsius.* Ecce resurrectionis ordinem. *Christus primus est, ordine temporis & virtutis: quia ante ipsum nemo ad vitam coelestem suscitatus est, nemoque unquam ita suscitabitur, nisi illius meritis atque efficacia.* Tum ii qui *Christi sunt: at qua illi temporum differentia? nulla.* Omnes in ipsius adventu. *Momento; jactu oculi, ad ultimam tubam. Clangent enim tuba, & mortui excitabuntur incorrupti; & ceteri mutabuntur.* Omnia simul. vers. 51. 52.

XLIX. Sed neque *Principes Christiani nominis, aut martyres* reliquam fidelium multitudinem prævertent. In Paulo utraque ista dignitas concurrat modo eminentissimo. Is tamen, eodem loco quo de instante suo martyrio loquebatur, profitetur non ante se expectare *coronam iustitiæ*, quam illo die, quo *non sibi solum* eam daturum esse Dominum dictat, *sed & omnibus qui expetiverint illustrem illum ipsius adventum.* 2 Tim. iv. 6. 8. Et quid tandem ista resurrectionis anticipatione martyres lucrarentur. Nam quantumvis beatam tibi fingas Ecclesiæ illorum temporum in terris conditionem, certum est eam longe inferiorem fore gloriosa conditione coelitus: nec unquam Christum luculentioribus gloriæ suæ radiis micaturum inter mortales, quam nunc micat inter spiritus iustorum consummatorum. Nonne itaque satius multoque optabilius defunctis fidelibus, etiam Prophetis, Patriarchis, Apostolis ac Martyribus est, purissima coeli beatitudine satiatis mentibus frui, interimque certa spe expectare corporum suorum exsuscitationem quo die omnia ab omnibus peccatorum sordibus ac reliquiis repurgata, & ad laudem Dei fabrefacta, videbunt: quam ex coeli gaudiis ad hujus terræ, felicissimum, si vis, sed tamen terræ, statum revocari; ut inter sanctos quidem, non tamen omnimodo ac numero sanctos, conversentur; ubi plurima cum summa voluptate videant, sed & nonnulla, opinor, quæ mallent non videre.

L. Hæc nos ex perpetua sibi que per omnia consentiente scripturarum doctrina, sanisque ratiociniis, liquido deducimus. Habent tamen illi quibus aliter sentire lubet, quod opinioni suæ pro fundamento substernant. Nimirum Johannes Apoc. xx. 4. 5. 6. aliquam nobis Ecclesiæ periodum delineat, qua *diabolus & satanas victus sit ad annos mille.* Dein vidit thronos, & aliquos iis insidentes quibus iudicium datum est: & animas eorum qui securi percussi sunt propter testimonium Jesu, & propter sermonem Dei, quæque non adorant bestiam neque imaginem ejus, nec acceperunt characterem ejus in frontibus suis, aut in manibus suis: viventesque & regnabunt cum Christo mille illos annos. Reliqui vero ex mortuis, ita pergit, non revivif-

Cui adfectioni non refragatur Apoc. xx. 4. 5. 6.

*scient, donec consummati fuerint illi anni mille. Hæc est resurrectio prima. In qua qui partem habent illi beati & sancti sunt, & erunt sacerdotes Dei & Christi, & regnabunt cum eo mille annis.* Ex qua prophetia urgeri potest I. Promitti hic resurrectionem aliquam non spiritualem ex morte peccati ad vitam gratiæ, sed sanctorum, confessorum ac martyrum qui securi percussi sunt propter testimonium Jesu. II. Promitti resurrectionem, cujus proximus terminus non sit celi gloria, sed regnum cum Christo in terra. III. Quæ non sit futura omnium: expresse excluduntur alii non revivaturi ante mille illos annos completos. IV. Talem denique resurrectionem quæ ordine prima sit ad aliam subsequendam.

LI. Non diffiteor difficilem hinc nobis ac dignum vindice nodum ne-  
cti: experiamur tamen an insolubilem. Id primum generatim observo:  
ea quæ nos de resurrectionis tempore produximus, ex concionibus  
Christi & scriptis Apostolorum dogmaticis desumpta, propriis ac planis  
verbis exposita esse: ea vero quæ ex prophetico & mystico Apocalyp-  
sios volumine proferuntur, arcano & ænigmatico involuta esse dicen-  
di caractere. Utrum autem probabilius est, magisque cum ratione  
consentit, ut plana & dogmatica dicta a nativo verborum significatu de-  
torqueamus, quo cum iis consentiant quæ ex vaticiniorum perplexis  
ænigmatibus collegisse nobis videmur: an vero ut anxio pede proceda-  
mus in evolutione arcanorum istorum oraculorum, nihilque nobis in  
iis imaginemur quod a clare expositis fidei dogmatibus abludat?

LII. Sed & in ipso illo qui præ manibus est contextu, modo rite sin-  
gula expendamus, nihil tale est, quale hi homines non vident ibi, sed  
videre se putant. Non dicit Johannes vidisse se *animas securi percussorum*,  
multo minus ipsos martyres securi percussos, *insedisse thronis*. Sed so-  
lum se thronos vidisse, & qui federunt in iis: non determinans quos.  
Imo satis determinans, non esse illud intelligendum de animabus. Non  
enim convenit vocum genus. Ita Græca verba habent, *οὐκ ἔβλεπον ἰδὸν τοὺς θρόνους*.  
Quod si ad *τὰς ψυχὰς* pertineret, *ἰδὸν* potius dixisset. Haut abnuam,  
collocationem thronorum hic pertinere ad Ecclesiam in terris agentem;  
quæ ad minimum significat liberum & non impeditum, imo vero a  
mundi Dominis promotum ac adjutum, fidelium confessum, ad præ-  
dicandum atque audiendum Dei verbum, & Ecclesiam gubernandam  
ex potestate clavium cœlestis regni, & damnandum atque triumphan-  
dum mortiferas hæreses. Qui ergo thronis illis infident, non sunt ho-  
mines pridem defuncti; sed sancti, ea temporis periodo quæ hic deli-  
neatur, viventes.

LIII. Non dicit etiam se vidisse quod *securi percussi revixerint*, multo  
minus quod *corpora* percussorum securi revixerint in terra: sed solum-  
modo se vidisse *animas* percussorum securi: non *reviviscentes*, sed  
*viventes*,

*viventes*, hoc est lætitia immarcescibili repletas, quemadmodum Abrahamus & Isaacus & Jacobus *vivunt Deo*. Luc. xx. 38. & *regnantes cum Christo*, nimirum in regno gloriæ, ubi fructum capiunt laborum & mortis suæ, ex amplificatione Ecclesiæ durantibus *mille illis annis*: quidquid enim accedit regno Christi, sive in gratia, sive in gloria, id accedit regno coelitum, propter communionem omnium fidelium cum Christo, & communionem Ecclesiæ militantis cum triumphante, de qua Heb. xii. 22. 23. Hactenus ergo non habemus corporum resurrectionem: imo ne resurrectionem quidem ullam.

LIV. At si vel demus, *Ætææ* tantundem hic valere quam *animarum*, quo sensu creditur ea vox usurpari Ap. ii. 8. quum ea reviviscentia, si ita velis, attribuat *animabus* eorum qui securi percussi sunt, inquirendum est, qua in re ista *animarum reviviscentia* consistat. Mihi ita videtur. Qui sub regno satanæ & bestię fidos Christi servos trucidarunt, iidem eos sententiis, decretis, scriptisque suis traduxerunt ut impios, damnatos, Deo exosos, Christi hostes, Diaboli mancipia, quorum sceleribus vix unus orcus expiandis sufficeret. Atque ita pii isti homines, capite plexi, *animabus* plus quam *mortui* erant in opinione eorum qui rerum tunc potiebantur, & credulæ multitudinis iisdem imbutæ erroribus. At postquam cum lætioribus Ecclesiæ temporibus clarior Evangelii lux adfulsit, iidem illi fideles, tot proscissi convitiis, palam cogniti & agniti sunt pro amicis Dei Christique, qui regnant cum ipso in gloria. Tum compertum, creditum, publicatum est, *Cælo vivere quos forum peremit*. Frequens est in sacris, ut res aliqua *fieri aut esse* dicatur, quando *patefit, & agnoscitur*. Exempla vide. 1 Reg. viii. 24. Rom. i. 3. 4. 2 Cor. iv. 7. Neque contemnenda accessio gloriæ fidelium est, quod Dei in ipsis benignitas a terribilibus celebretur.

LV. Præter animas percussorum, quas in cælo viderat; vidit, in terra, *eos* (nota, non *animas* eorum, sed *eos ipsos*) qui non adoraverunt *bestiam & imaginem ejus &c.* qui constanter adhærentes Christo, nihil sibi commune esse voluerunt cum regno Antichristi. Et ii *vixerunt*, læta conscientie pace & uberrimis spiritus consolationibus fruentes, & *regnaverunt cum Christo*, ut victores satanæ ac mundi, participes gloriose gratiæ ejus. *Mille annis*: non quod singuli vitam ad mille annos extenderent, id nemini contigit, aut continget unquam: sed quod id genus hominum, multis ætatum successibus, ad præstitutum terminum regno isthoc potiturum esset. De his ipsis quoque, siquidem id improbe urgeas, dici posset, quod *revixerint*: quatenus id hominum genus, sub tyrannide bestię nuper vexatum, oppressum, ad paucitatem reductum, & in tantis rerum angustiis vitam vix vitalem exigens; nunc versis vicibus, numero auctum est, & liberiores spiritum trahens lacertos animose

movet. Nec durum nobis videri debet, una eademque voce vitam ac regnum animarum in coelo, & aliorum in terra designari. Quum per se pateat, unumquemque non alibi vivere ac regnare quam ubi est. Animarum autem, quas a corporibus sejunctas se vidisse Johannes innuit, animarum, inquam, istarum locus coelum est. Ibi ergo vivunt regnantque cum Christo. Aliorum fidelium, qui non sunt nudæ animæ, locus terra est. Ibi ergo ipsorum vita & regnum. Quod hic utrorumque adpectu *mille annis* circumscribitur, ea qua dictum est mente. Atque iterum hic nihil de anticipata resurrectione confessorum & martyrum.

LVI. *Reliqui vero mortuorum non revixerunt.* Reliqui ii sunt qui non ceperunt testimonium Jesu, & qui adoraverunt bestiam, id est qui perstiterunt in infidelitate sua, aut pro doctrina sana errores Ecclesiæ Antichristianæ imbibebunt. Hi certe *mortui* accensendi sunt: quandoquidem in omni regno quod regno Christi oppositum est, non nisi mors regnat. Neque *revixerunt*, ad vitam spiritualem & communionem beatæ illius conditionis qua vera Christi Ecclesia eo temporis articulo tractatur. Quod iterum non tam de certis personis, quam de tali hominum genere intelligendum est: ut doceamur, eos qui Antichristianum nomen & hæreses, quantumvis detectas, sectantur, a participatione felicitatis quæ Ecclesiæ promissa est exclusissimos esse. *Donec consummentur mille illi anni.* Totæ istius temporis periocha, qua ligatus erat satanas, ipsi tamen sub potestate mortis spiritualis manserunt. Quanto magis satana iterum soluto?

LVII. *Hæc est resurrectio prima.* Resurrectio ista qua hostes regni Christi excluduntur, morti eorum respondet: quæ quum spiritualis sit, & hanc spiritualem esse necessum est. Quod & additamentum *primæ* arguit. Nimirum Ecclesiæ, cujus fata Johannes enarrat, *geminam resurrectionem* pollicitus est Deus: alteram *hujus seculi*, alteram *futuri*. Resurrectio hujus seculi *spiritualis* est, & consistit magnifica Ecclesiæ amplificatione per efficacem Evangelii prædicationem & renovationem gloriosam Spiritus Sancti. Hæc *prima* resurrectio dicitur, opposita ad alteram *secundam*, quæ *corporum* erit, & futuri seculi. Prima autem illa diversos habet articulos, complectitur enim primam Evangelii regni promulgationem inter Judæos & Gentiles, cum multorum conversione conjunctam: Gentilismi publicam in imperio Romano abrogationem, adnitente Constantino: Ecclesiæ post convictum Antichristianismum *redivivens*: & si quæ alia rerum in melius mutatio expectanda sit. Ad eam quoque pertinet hæc de mille annis prophetia; undecunque demum illi incipiendi, aut ubicunque finiendi sint. De quo nunc disputare nihil attinet.

LVIII. *Qui partem habent in hac prima resurrectione beati & sancti sunt.*

*sunt.* Id opponitur falsæ gloriationi sectatorum bestię, qui *sanctorum* & *beatorum* titulis, post superstitiones & idololatricas Papę canonizationes, suos exornant. *Secunda mors*, defectio, induratio, relegatio in stagnum ignis & sulphuris, *non habet in eos potestatem.* Sed erunt sacerdotes Deo & Christo; liberum habebunt accessum per spem & fidem ad intima sanctuarii: & sacrificia grati odoris Deo offerent. Cætera fufius exponere non est hujus instituti. Sufficiat nunc, nihil inveniri in hac prophetia, quo subigamur credere beatam aliquam corporum resurrectionem antecessuram esse diem mundi novissimum. *Sancti idem dicunt.*

LIX. Consequens speratę Resurrectionis VITA ÆTERNA est; cuius crebra exstat in Sacris literis promissio. Joh. III. 16. 36. Rom. III. 7. Tit. III. 7. & alibi passim. Ea autem in ultimum Symboli est rejecta locum, quia revera *fidei nostra finis*, 1 Pet. I. 9. spei ultima meta, salutis nostrę complementum, totiusque illius dispensationis quę ad redemptionem attinet terminus atque cumulus est.

LX. VITÆ autem nomine non intelligitur hic nuda viventis existētia (hactenus enim & improbi vivunt, quos tamen æternę morti Divina mancipavit iustitia) sed *feliciſſima viventis conditio.* Non est vivere vita, sed *valere.* Ea notione frequenter vitę vox in sacris venit. 1 Reg. I. 26. *Vivat Rex.* Ubi Chaldæus *ܐܝܪܐ*, feliciter agat, prosperetur. Pl. XXII. 27. *Vivet animus vester in sempiternum.* Pl. LXIX. 33. *Videbunt mansueti, & latabuntur; vivet animus vester, o quærentes Deum.*

LXI. Porro ÆTERNA hæc vita dicitur, in *avridaral* vitę hujus animalis, quę ab initio talis fuit ut morte interrumpi potuerit, interveniente nimirum peccato: post peccatum vero ut morte interrumperetur necesse fuit. Ea autem quę resurrectionem consequetur, non metam, non terminum habebit: quia peccatum omne ab ea remotissimum erit, & corpus ipsum iis præditum qualitatibus quę corruptionem omnem repellunt, & dabitur denique homini, non ut prior illa vita in explorationem constantię, sed in præmium rectę factorum, & ut merces, Christi pro nobis satisfactioni debita. Huc pertinet ea Pauli distinctio inter *vitam præsentem & futuram.* 1 Tim. IV. 8.

LXII. Vita hæc, uti hic in symbolo memoratur, *totius hominis est*, summamque tam animę quam corporis, indivulso sibi nexu conjunctorum, felicitatem complectitur. Quid autem sit, neque mentis nostrę angustię, dum in hac imperfectione versamur, concipere, neque mortalis lingua profari potest. *Nondum manifestum factum est id quod erimus.* 1 Joh. III. 2. Solent in hanc rem accommodari Pauli verba 1 Cor. II. 9. *quę oculus non vidit, nec auris audivit, nec in mentem hominis venerunt, quę præparavit Deus diligentibus se.* Et recte quidem; quamvis enim de Evangelii mysteriis, antiquo Judæorum populo incognitis, a Paulo,

Paulo, ex Jefaia, dicta sint; attamen quæ fuit ratio Judæorum ad ea quæ tum latebant novissimis demum temporibus pandenda, eadem est ratio Christianorum ad ea quæ nunc nobis operta novissima die revelabuntur.

LXIII. Nonnulla tamen, quasi in gustum, nobis Deus patefecit; sine quorum generali & confusa saltem cognitione, neque fidei nostræ suæ integritas, nec spei suum robur, nec promissionum Divinarum sua nobis suavitas constaret. Quantum ergo nunc adsequimur, rudi penicillo ita vitam æternam delineare liceat. *Vita æterna est beatissima totius hominis conditio, qua Dei intima presentia, contemplatione, fruitione gloriosa in celis gaudens, ipsi, tam corpore quam anima, quoad ejus fieri potest, conformis erit, sine ulla felicitatis interruptione, vel imminutione, in interminabilem æternitatem.*

Et hic sua  
quidem ha-  
bet initia.

LXIV. Uti in adspectabilis hujus mundi conditu hunc modum Divina sapientia tenuit, ut a rudioribus exorsa quodam dierum tractu ad eam consummationem opus suum perduxerit, in qua acquiescere dignum suis fuit virtutibus: ita & in suis ad felicitatis culmen promovendis eum observat ordinem ut certis quibusdam gradibus ascendere eos faciat. In hac vita promissæ beatitudinis primitias quasdam dilectis suis exhibet. *Majora reservat animæ, quum ex hoc corpore peccati emigraverit, tantisper donec melius corpus per resurrectionem recuperet.* Tum demum maxima illa & consummatissima felicitate donabuntur.

LXV. Quemadmodum in deserto Israëlitis botrum ex Cananitide adferri curavit Deus, ut ex eo de promissæ sibi terræ fertilitate judicium facerent; ita etiam fidelibus per horridas mundi hujus solitudines iter ad cœlestia adfectantibus, gustum quandam eorum concedit bonorum, ad quorum plenam possessionem suo illos tempore admittet. Partim ut hoc pacto sese consolentur in adversis, partim ut a primitiis ad messem ratiocinatione instituta argumentando colligant, quale ac quantum futurum sit illud bonum quod in cœlis adservatur, sed maxime, ut, prælibata magna illa quam expectant mercede, in cursu fidei ac pietatis alacriores sint.

LXVI. Nam fane & hic Deus suos sibi admovet & *adpropinquare facit familiariter* Pl. LXV. 5. LXXIII. 28. & *videndum se* iis exhibet Pl. LXIII. 3. in sanctarum meditationum, precum, aliisque devotæ mentis exercitiis, & *sensu* quodam atque experientia *sua benignitatis*. Pl. XXXIV. 9. Et hic eos ad suavissimi amoris *osculum* admittit, & *introducitur in penetralia* sua ac *locum convivii*, habens pro vexillo amorem erga eos. Cant. I. 2. 4. & II. 4. Et hic se *possidendum* iis *fruendumque* præbet. Jer. x. 16. Pl. XVI. 5. 6. Adeo ut anima ei veluti thesauro suo jucundissime incubet, ejus opulencia ditetur, ejus ubertate pascatur, ejus potentia custodiatur, ejus sapientia dirigatur, ejus bonitate refocilletur; denique  
ejus

eius sufficientia repleatur. Et hic iis largitur *opulentiam plena certiorata intelligentia*, Col. 11. 2. firmissimamque certitudinem consummatæ felicitatis suo tempore potiundæ. 2 Tim. 1v. 8. & *conscientiæ tranquillatæ pacem*. Phil. 1v. 7. & quod ex tot tantorumque jure usu atque fructu bonorum non potest non oriri, *gaudium gloriosum atque ineffabile*. 1 Pet. 1. 8.

LXVII. Sed hæc quantacunque, non nisi mediocria sunt, præ illis quibus *mentes* fidelium corporibus suis *solutæ* potiuntur. Idem indubium nobis esse debet; *animam remanere post animal*. Frustra alias optasset Apostolus *dissolvi & cum Christo esse* Phil. 1. 23. Neque enim cum Christo esse potest qui prorsus non est. Falso dixisset, *accessisse nos ad spiritum justorum consummatorum* Heb. x11. 23. si nulli tales exstarent. Quid illa divitis ac Lazari parabola intenditur, nisi ut de existentia animarum separatarum, earumque diversa, etiam ante universalis judicii diem, conditione edoceamur? Luc. xvi. Nostri anima nonne ejusdem cum anima Christi naturæ est, quam Christus fratribus suis similis factus sit in omnibus, excepto peccato? Heb. 11. 17. 1v. 15. Illa vero Christi anima ecquid ipso moriente in tenues evanuit auras, ut Christus post mortem planè nihil fuerit? Quod Christianum pectus ad tam blasphemam cogitationem non horreat? præsertim qui attenderit, Christum spiritum suum e corpore migraturum, tanquam pretiosissimum depositum in manus Patris sui cœlestis commendasse. Luc. xxi11. 46.

Sed majora impendent animabus se paratis: quæ & remanent post animal,

LXVIII. Neque *remanet* solum post corpus anima, sed & *vivit, intelligit, sentit*. Patriarchas pridem mortuos omnes etiamnum Deo *vivere*, in illius nimirum gloriosa communione, Christus testatur. Luc. xx. 38. Et Paulus impresse. Rom. viii. 10. Porro si Christus in vobis est, corpus quidem est mortuum propter peccatum: spiritus autem vita propter justitiam. Nota I Per corpus & spiritum designari partes essentielles hominis: ut Eccl. xxi. 7. 1 Cor. vi. 20. 1 Thess. v. 23. II. Per mortem corporis intelligi dissolutionem vitæ animalis, ex qua morte corpus suscitandum est. v. 11. III. Spiritum non tantum *vitæ viventem* dici, sed & *vitam*: partim quidem propter spiritualis istius vitæ præstantiam & abundantiam, sed potissimum quia in spiritu est fons vitæ beatæ, corpori etiam suo tempore communicandæ. Nam ex præsentis animæ beatitudine futura corporis beatitudo invictè colligitur. IV. Vitam hanc *spiritui* adscribi, etiam dum corpus mortuum est. Nam binas ei periodos assignat Apostolus, alteram ante resurrectionem, alteram post; illam hoc commate, hanc sequenti. Nonne etiam Moyses, cujus mors & sepultura narratur Deut. xxxiv. 5. 6. apud Christum visus est, colloquens & prophetans? Mat. xvi. 3. Qualecunque id corpus fuerit, & undecunque habuerit, hoc certum, Moysen quoad animam tunc superfuisset, vixisse, intellexisse? Quid quæso mortis suæ acceleratione lucratus fuisset Paulus, Phil. 1. 21. si non ante novissimum diem gloriosa Christi communione frui datur?

& vivunt, intelligunt, sentiunt.

**LXIX.** Quid sibi vult coeleste illud præconium Apoc. xiv. 13. *Beatos esse mortuos qui in Domino moriuntur* ἀπασι, ab hoc tempore: quippe qui requiescant a laboribus suis, & quorum opera eos sequantur. Quocunque enim particulam ἀπασι referas, eam mortuorum conditionem describi quæ consummationem seculi antecedit, omnes vociferantur circumstantiæ. Et profecto, quod sine injuria dictum sit, nugas agit Grotius dum eximium illud promissum ad hujus vitæ conditionem torquet. Sicut כָּוֶן, inquit, Hebræis dicitur gravis vexatio ita כָּוֶן, regei qui graviter vexantur, quibus vita vitalis non est. Col. iii. 3. Ὅτι ἐν κυρίῳ ἀποθνήσκετε illi sunt qui Christi causa mortis pericula adierunt. Ita ἀποθνήσκετε sumitur 1 Cor. xv. 31. Hi non olim tantum beati erunt, in vita altera, sed in hoc ipso tempore: laborant quidem, sed in labore habent quietem, id est, pacem conscientia. Et opera ipsorum sequuntur eos, id est pax ea oritur ex conscientia recte factorum. Quibus reponimus: I. Id agi istiusmodi interpretationibus, ut omnia Scripturæ verba, quantumvis magnifica & grandia, in tenuem admodum ac minutum sensum exeant: quo pessimo instituto & emphasi Scripturarum, & consolationi fidelium insignita infertur injuria. II. In Domino mori duo notare potest, quorum alterum commune est omnibus fidelibus alterum martyribus proprium. Prius spectat statum morientium, ut in Domino sint, ei fide uniti, & ad mortem usque constanter in eo manentes. conf. Joh. xv. 4. 7. Rom. viii. 1. & xvi. 7. sed imprimis 1 Thess. iv. 16. ubi οὐκ ἐστὶν ἡ χεὶρ non notant martyres oppositæ ad alios fideles, sed quovis in fide Christi defunctos, oppositos fidelibus viventibus. Posterius connotat mortis causam: quasi dicas, propter Christum. ut Rom. xvi. 2. 12. Eph. iv. 1. Non infitemur, sententiam hanc martyribus consolandis potissimum destinatam esse: ita tamen ut veritatem contineat quæ piis omnibus communis sit. III. Viventes in afflictionibus οὐκ ἐστὶν dici, male probat Grotius ex Col. iii. 3. ubi neque vox illa exstat, neque res. Ἀποθνήσκετε ibi notat, vitam priorem exuere vos professi estis in baptismo. At 1 Cor. xv. 31. ea mente venit. Cæterum quæ invidia est, ad solos quos vocant confessores eam consolationem restringere, cujus verba in proprio & nativo suo significato martyres designant? IV. Hac ratione temere confunduntur locus, tempus, status laboris & quietis, pignæ & triumphi: quæ Scriptura sollicitè distinguit, huic vitæ laborem adsignans, τὸν νότον καὶ τὸν ὕπνον; Ap. ii. 2. futura, quietem. Heb. iv. 9. Imo in hac ipsa pericope adscribit Spiritus viventibus ὑπομονήν, vers. 12. mortuis ἀνάπαυσιν. V. Consecutio operum mercedem ac præmium eorum significat, maxime postquam quis operari desiit. Quum autem præmium futuræ potissimum vitæ sit, quid est cur id intra hujus vitæ limites cohibere malimus?

**LXX.** Non videtur etiam prætereundum alterum illud Apoc. vi. 9. 10. ubi narratur visas Johanni sub altari animas eorum qui maciati fuerunt propter



propter verbum Dei &c. clamantes voce magna, usque quo domine non judicas, & sanguinem nostrum vindicas, ab iis qui habitant in terra. Quarum singula data sunt stola alba, iussis ut requiescerent adhuc paululum. Quæ post mortem superant, & quidem in quiete superant, animæ, sub altari videntur, ut denotaretur martyrium illorum fidelium fuisse libationem sanguinis Deo gratissimi. Phil. II. 17. 2 Tim. IV. 6. Ad pedem altaris in templo fundi solebat victimarum sanguis. Lev. I. 5. & III. 2. 5. Is politus quasi in conspectu sanctuarii Deum admonebat de sacrificio præstito. Multo magis id faciebant animæ martyrum. Cui observationi & hæc addenda est, quod sub altari esse tantundem hic valeat atque esse sub speciali protectione Christi. Is est altare nostrum. Heb. XIII. 10. qui preces nostras & omnia devotionis exercitia ipsumque martyrium Deo gratum esse facit. Qui sub hoc altari est, is gratiosa Christi præsentia ac potenti protectione fruitur. Confer Ps. XXVII. 5. Abscondit me in sugurio suo, abdit me in abdito tentorii sui. Adde repræsentari hic animas in statu supplicum, ideoque ad basin altaris provolutas. Clamor autem earum notat ardens desiderium, ut iustitiam suam Deus in vindicatione optimæ causæ demonstret. Non enim indignum coelitis est, ea a Deo desiderare & petere quæ iusta sunt, 2 Thes. I. 6. & propter quæ facta Deo gratias agunt. Ap. XVI. 5. 6. 7. Stola alba iis datæ, significant gloriam celestem. Ap. XII. 4. & fortassis eximium præ cæteris gloria gradum, respondentem iis quæ pro Christo passi erant; in quo quasi triumphus erat devictorum hostium. Porro in ista gloria arrha quædam est, fore ut causæ ipsorum in mundo olim superet, repressis persecutoribus. Ex omnibus hisce hoc conficitur argumentum. Qui post mortem in beatifica Christi protectione sunt, & in conditione supplicum; qui sancte ab hostibus vindictam expetunt; quibus gloria superbi triumphi conceditur; ii vivunt, intelligunt, sentiunt. Atqui defunctorum animabus competunt hæc omnia. Ergo.

LXXI. Sed & illud præterea credendum est animas piorum corpore solutas in celestia habitacula & gaudia suscipi. Eadem coelestis Hierosolyma quæ myriades Angelorum & novi foederis Mediatorem Jesum habet, incolis suis adnumerat spiritus iustorum consummatorem. Heb. XII. 23. Post dissolutum terrestrius huius domus tabernaculum, sperare nos adificium ex Deo. Apostolus jubet, domicilium non manu factum, æternum in celis 2 Cor. V. 1. Et uti Lazari anima ab Angelis in sinum Abrahamæ portabatur, Luc. XVI. 22. ita ut in convivio coelesti proximum Abrahamo occuparet locum; ad eundem modum latroni pollicetur Christus, fore ut ipso crucifixionis die secum in paradiso sit. Luc. XXIII. 43.

LXXII. Beatitudo illa qua piorum animæ in coelis fruuntur, quantum ex scriptura colligere datur, in his consistit. I. Ut Dei Christique gloriosa

Et mox a morte corporis in celestia habitacula & gaudia suscipiuntur.

ubi eximia fruuntur beatitudinæ.

*riosa fruuntur praesentia.* Joh. xii. 26. xvii. 24. Phil. i. 21. II. Eum familiariter videant in lumine gloriae. Mat. v. 8. qualiter se conspiciendum exhibet in operibus Gloria quæ jam in coelo ostenduntur, quæque opera Naturæ in mundo, & Gratia in Ecclesia militante, fulgore suo præstringunt: item in facie Jesu Christi. Joh. xvii. 24. & denique magis *in se ipso* qua homini Deum adire fas est, non uti nunc *per speculum* & *enigma*, sed *coram*. 1. Cor. xiii. 12. III. Ut Deum perfecte cognitum ardentissime ament, amore non desiderii, sed exoptatæ pridem *fruitionis*, 1. Cor. xiii. 8. IV. Ei in sanctitate ac gloria conformes sint. Si enim ex Dei in sacro monte commercio id consecutus est Moses, ut insolitæ lucis radii in facie ejus splenderent; Exod. xxxiv. 29. si contemplatio Christi Domini per fidem & in speculo facit ut ad eandem transformemur imaginem; 2. Cor. iiii. 18. quam non Divinæ puritatis & gloriæ conformitatem conciliabit animæ intimæ illius familiaritatis consuetudo ad quam admittetur in coelis. V. In omnibus hisce gaudiorum inveniant *satietaem*. Ps. xvi. 11.

Longe tamen maxima futura est beatitudo hominis integri, post diem novissimum.

LXXIII. Eximia certe hæc sunt. Nondum tamen exhauriunt plenitudinem istam beatitudinis quam sperare nos jubet Evangelium. Atque hinc est quod felicitatis nostræ consummatio in illustrem sæpenumero Domini nostri adventum rejiciatur. 2. Tim. i. 12. 18. 2. Tim. iv. 8. 1. Pet. i. 5. & v. 4. Col. iiii. 4. 1. Joh. iiii. 2. Restat ergo ut inquiramus quid novissimus dies ad felicitatis nostræ cumulum & complementum allaturus sit.

LXXIV. Atque id quidem primo tenendum est, beatitudinem ab eo tempore futuram esse *hominis integri*, quæ hactenus *solum* fuerat *anima*. Corpora enim fidelium in gloria fuscitata animabus suis restituentur. Vel si quos vivos dies ille deprehenderit, eorum corpora in gloriam transformabuntur, ut una cum animabus consummatæ capacia sint felicitatis. Admirabilem hic sese præstat incredibilis prope summi numinis benignitas. Destinaverat corpora quoque nostra cœlestia felicitatis participatione beare. Verum uti nunc sunt constituta, tantæ gloriæ ferendæ imparia sunt. Quid ergo? Num cœlestem imminutum ibit gloriam, ut ad ejus qualemcunque communionem admitti corpora nostra queant? Non certe. Corporis potius nostri qualitates immutabit, illudque ex animali spirituale, ex terrestri cœleste faciet, ut ad gloriam qua donabitur convenientem proportionem habeat. Ita *transfigurabit* Christus corpus nostrum humile, ut conforme fiat corpori ipsius glorioso, pro vi illa efficace, qua potest etiam subicere sibi omnia. Phil. iiii. 21. ut hac quoque in parte fulgeamus sicut sol in regno Patris nostri cœlestis. Mat. xiii. 43. Fieri autem non potest, quin anima ob insitum sibi adversus corpus suum amorem, ex tanta illius sibi reuniti gloria ingentem voluptatem percipiat.

LXXV.

LXXV. Sed & illud accedit, quod eo demum die *plenissime* Deus gloriæ suæ *effulgentiam* in operibus *gloriosissimis* demonstrabit. Tunc licebit cernere ingens hoc universum, a servitute corruptionis vindicatum in libertatem gloriæ filiorum Dei, & cœlum novum, novamque terram, in quibus nil nisi iustitia habitat, & panegyrim electorum omnium, qui a primordiis conditi orbis ad novissimum usque diem fuere, & novis superinduti corporibus incredibili splendebunt fulgore. Et quum in hisce omnibus nihil miraturi sint beati nisi Divinæ gloriæ undique coruscantis jubar, nonne, dum hæc cernunt, Deum ipsum eminentissimo modo cernere dicendi sunt? Hinc Johannes 1 Epist. III. 2. *Scimus autem fore; ut quando ipse factus fuerit manifestus similes ei simus: nam videbimus eum sicuti est.* Adde Pl. XVII. 15. *Ego in iustitia videbo vultum tuum: satiabor, quum expergiscar, e somno mortis, imagine tua.* Tunc enim & obiectum clarissimæ representabitur, illiusque erit efficacior & nobis nunc inexplicabilis in mentem illapsus; & subjectum optime constitutum erit ad illud omne in Deo & de Deo cernendum, quod felicitatem suam consummare potest.

LXXVI. Porro *fruitio Dei* qui summum Bonum est, multo tunc erit *perfectior*, magisque *immediata* quam omnis ea fuit qua antehac gavisi sunt. Non supererunt ullæ peccati reliquæ, quibuscum etiam sanctissimis semper in hac vita luctandum fuit. Non remanebunt ulla peccati effecta, qualia in pie defunctorum corporibus cernuntur donec in potestate & carcere mortis sint. Quæ quum ignorare non possint coelites, fatendum est ad plenissimam gaudii abundantiam aliquid iis deesse. Quamdiu autem aliquæ in electis supersunt peccatorum reliquæ, sive effecta, non communicat se iiscum Deus nisi interventu Mediatoris. Cæterum per resurrectionem mors ipsa *abolebitur*. 1 Cor. xv. 26. *conjecta in stagnum ignis ac sulphuris*, Ap. xx. 13. neque posthac potestatem ullam habitura nisi in hostes Dei atque fidelium. Nihil tunc in universa erit Ecclesia, quod non plane sanctum Deoque omni modo subjectum futurum sit. Nihilque impedit quo minus Deus se beatis plenissime ac *immediatus*, sine Mediatoris interventu, cujus omnis tunc cessabit oeconomia, communicet, sicut sanctis Angelis se communicat. 1 Cor. xv. 28. *Postquam vero subjecta fuerint ei omnia, tunc & ipse Filium subjicietur ei qui subjecit ei omnia, ut Deus sit omnia in omnibus.*

LXXVII. Apex autem beatitudinis in eo est quod ÆTERNA futura sit illa felicitas. Non *vita* solum, sed *æterna vita*. Mat. xxv. 47. Rom. II. 7. Nam & subjectum semper erit ad beatitudinis fruitionem idoneum, & *beatitudo* ipsa ab eo nunquam auferetur. Anima quidem per se immortalis est. Corpus autem & peccati plane exfors erit, quod proxima est corruptionis causa: neque erit iis corporibus simile quæ elementorum

Quæ sine ullo fine metu duratura est in æternum.

rum contemperatione constant, inque ea resolvi possunt; sed, ut pridem docuimus, erit spirituale, coeleste atque incorruptibile. Nexus vero ille quo anima cum corpore colligabitur insolubilis est; propter æternam virtutem meritorum Christi, & vim Spiritus Sancti utramque hominis partem ad gloriam vivificantis. Sed & ipsa beatitudo non minus durabilis erit. *Hæreditas ea quæ in cælis servatur nec corrumpi potest, nec contaminari, nec marcescere.* 1. Pet. 1. 4. Corona ista *amarantina* est. 1. Pet. v. 4.

LXXVIII. Et certe talem beatitudinem hanc esse necesse est, si futura sit id quod dicitur, veri nominis beatitudo. Si rem ipsam spectemus, quum bonum quo diuturnius est, eo, cæteris paribus, melius sit; id quod summum bonum est æternum esse colligitur. Sin ad *sensum* rei in animo humano attendamus; quantumcunque sit bonum molesta est cogitatio qua terminum illius antecapimus; & quantumcunque sit rei aliqujus duratio, si tamen finiri debet, fieri non potest quin de illius interitu cogitemus. Imo vero etiam si nunquam esset finienda, quamdiu tamen ejus perpetuæ durationis certi non sumus, vix est aut ne vix quidem ne metu ejus amittendæ corripiamur. Ubicumque vero metus est, ibi non potest esse ea gaudii ubertas quam consummata beatitudo exigit. Unde conficitur, ad consummatam beatitudinem requiri, & *æternitatem beatitudinis*, & *æternitatis* illius in beatis *πλεροφορίαν*. Facile esset hæc amplificare, & invitat allicitque ipsa materiæ jucunditas; sed quia alibi copiosius de his rebus differuimus, suffecerit nunc summa rerum capita quasi digito monstrasse.

PRAXIS. 1.  
Ex tam sublimis felicitatis Doctrina Evangelii discamus Divinitatem.

LXXIX. Verum enim vero non est nobis committendum ut in frigidis speculationibus exisse hæc commentatio videatur, quæ, si ulla alia, mentes nostras quam validissime adficere debebat. Atque eo quidem primum comparata tam sublimis felicitatis doctrina est, ut de *Evangelii*, quo exponitur atque offertur, *Divinitate* nos convincat. Excutiantur subtilissimæ *Philosophorum* disputationes, consulatur *Muhammedistarum Alcoranus*, interrogentur *Hebræorum* novitii doctores; quid habent quod cum felicitate ea quam Evangelium pollicetur configi ullo modo queat? Postquam felicitate sua post peccatum multati sunt protoplasti, adeo illius apud mortales cæteros memoria exolevit, ut summi boni non nisi obscuram quandam & confusam ideam formare sibi possint; omnesque ad unum, donec Evangelii luce collustrentur, pro thesauro carbones, pro corpore umbram, &, ut in Poëtarum fabulis est, pro Junone nubem amplexentur. Confer. Jes. LIX. 20. Quærent, satagunt, currunt, hiant; sed nec quo contendendum sit sciunt, nec qua. Et quum invenisse se sperant, quod avido tandem animo satisfaciat, autam potius sitim comperiunt, quam extinctam. Nam vel subducunt  
le,

se, quæsitâ diu, possessâ brevi bona; vel ipso usu frangitur vitrea felicitas, fruentemque lædit, atque animum ad nova neque minus fatigatura desideria acuit. Conf. Jes. xxix. 8.

LXXX. De *animæ* vita, post conspicuæ hujus vitæ interitum, qui sapientissimi inter *gentiles* fuere, aliquid opinati magis & suspicati sunt, quam ut sciverint. De *corporum resurrectione* pauci nescio quid fando audiverant, cujus mentem per nebulam quasi cernebant, omni argumentorum soliditate destituti, quæ ad tantæ rei fidem persuaderentur. Sed quæ de summo bono anxie quæsierunt Philosophi, quæ de animæ immortalitate negavit cum suis Epicurus, dubitanter disputaverunt Socrates & Plato, suspicati sunt Indorum Brachmanes & Druides Gallorum; quæ de futura illius post hanc vitam conditione infinitis fabulis involverunt Poætæ, ea nobis & dilucidè & assèveranter exponuntur Evangelio, non credenda solum, sed & prælibanda, ut ex iis quæ nunc possidemus, cernimus, gustamus, certa fiat fides futurorum.

LXXXI. *Muhammed*, quum in eo est ut maxima illa præmia edoceat quæ doctrinæ suæ sectatores sperare jubet, nil nisi carnalia loquitur: Domicilia Paradyfi splendidissima, conclavia lectis aureis, serico, tapetis, ac lapidibus pretiosissimis strata, ignotum argenti pondus & auri, aquas nive candidiores, & dulciores melle, totque appositos iis crystallinos cyathos quot sunt in coelo stellæ, mensam adamantinam, cum sellis ex auro atque argento, mala citrina singulis exhibenda, ad quæ ubi odorabuntur confestim ex iis profiliunt virgines formosissimæ, Muhammedanos archius complexuræ, & quæ his similia, vel absurdiora alia, referre pudet pigetque.

LXXXII. Neque saniora sunt *Judeorum* deliria de splendido *Messias* sui convivio, ex bove silvestri hunc in finem creato saginatoque, ex pisce *Leviathan*, ex ave *Bar Iucma*, ex vino delicatissimo, quod, in Paradiso cretum, in cella Adami ad novissima tempora adservatur; de quibus rebus incredibile est quas non næcias narrent, adeo quidem ut Manassem ipsum earum puduerit, qui eas quantumvis infansulo conamine in allegorias vertere annisus est. De *animarum separatarum* conditione misere cespitant, quas per integrum a morte annum circa cadaver suum, illius nimirum captas amore, vagari, & a Dæmonibus aërem infestantibus ad magicas sæpenumero artes adhiberi, nugantur: *Metempsychosin* etiam, seu animarum in alia corpora transmigrationem, & Pharisei veteres & Cabbalistæ recentiores credunt. *Resurrectionis* quoque doctrinam multis conspurcant fabulis: uti quod de *ossiculo* aliquo *incompactibili* in spina dorsi tradunt, ex quo solo, absunto reliquo corpore, reduci illud restaurarique totum possit; & de *rure* quodam *caelesti*, quo officulum illud molliendum atque extendendum fit, ad instar fermenti quod in totam

totam sese massam diffundit. Ne quid nunc dicam de *corporum* per abditos terræ meatus in Palæstinam usque *devolutione*, ut ibi suscitentur. Quæ omnia uti a ratione sana, ita & a sacrarum literarum dictamine alienissima sunt.

LXXXIII. At quanto sublimius adfurgit Divina *Evangelii* doctrina, quæ beatitudinem hominis non in creatis rebus quærendam docet, nedum in crassis illis & animalibus quæ ventrem aut ea quæ sub ventre sunt adficiunt; sed in Optimi Maximi Numinis pia contemplatione, jucundissima fruitione, sanctissima similitudine: quarum rerum initia per Dei Christique gratiam fidei adflectis jam in hac vita concedantur, uberius conferenda in pias defunctorum animas, ut corpore peccati solutæ in Dei Christique amplexibus delicientur, donec redditæ corporibus suis ad gloriam suscitatis, Deum sibi, sine ullo rerum interventu, omnia in omnibus factum experiantur. Hæc demum ea sunt quæ animi summi boni avidum expleant: extra quæ nihil desiderabile aut norit aut cupiat. Et quis dubitet, veram eam Divinamque esse doctrinam, quæ tantam felicitatem tam dilucide doceat, tam valide præstet? Quis non sibi de Evangelio hoc, post tantas ignorantie tenebras prædicato, cognito, agnito, gratuletur? Quis non in eo tanquam inestimabilis pretii thesauro bona fide exsultet?

II. Inquiramus sedulo num ad nos quoque tantæ felicitatis expectatio pertineat.

LXXXIV. Cavendum tamen ne in generali aliqua tantarum rerum cognitione, aut præcipiti nec satis solida earundem spe subsistamus. Opera nobis præprimis danda est, ut certis argumentis convicti in animo simus, ad nos quoque tantæ felicitatis expectationem pertinere. Idcirco inquirendum nobis quanta possumus maxima sollicitudine, tum quid in iis requiratur quos testamento Dei bonorum istorum hæredes scriptos esse constat, tum etiam an ea Divinæ gratiæ gnorismata in nobis inveniatur.

LXXXV. Id enim primo certum nobis indubitatumque esse debet, non omnes ad beatitudinis illius communionem admissum iri, imo ne multos quidem, sed, si cum reliqua pereuntium turba comparentur, paucissimos. Mat. VII. 13. 14. *Minor est numerus*. Luc. XII. 32. *In arca pauci, id est octo, animæ servatæ sunt per aquam*. I. Pet. III. 20. Pauciores ex incendio Sodomæ evaserunt, quæ tota in tot incolis ne decem quidem pios habebat. Ex sexcentis millibus Israëlitarum qui Ægypto exiverunt duo tantum intrarunt Canaan. Ita & hic, multi vocati, pauci electi. Mat. XXII. 14. Nota est terribilis illa Chrysostomi concio quam ad Antiochenos suos habuit: *Quot esse putatis in civitate nostra, qui salvi fiant? Infestum quidem est quod dicturus sum, dicam tamen. Non possunt in tot millibus centum inveniri, qui salventur. Quin & de his dubito.* Non est quidem nobis pereuntium servandorumque numerus temerè definiendus, multo minus de proximo, nobis forte non deteriore, aut meliore etiam, inclemens pronuncianda sententia; id tamen ipso præeunte Servatore fortiter mortales inclamamus, longe minimam eorum portiunculam vitæ compotem fore beatæ atque æternæ.

Quod

Quod si probe meditatum haberemus, nonne sollicita hæc singulorum quæstio foret: *Num ego in iis sum, Domine Mat. xxvi. 22.*

LXXXVI. Accedit, quod non obstante hac Domini admonitione plurimi semetipsos decipiant. Adeo enim cæco amore ac simul mente capti sumus mortalium vanissimi, ut interrogati quam vitæ spem beatæ in sinu foveamus, passim nos magno animo eorum adnumeraturi simus paucitati quos vitam vitæ insistere dixit Dominus: neque quisquam forte respondebit hæsitantius, nisi cui certissimum felicitatis jus est. Mira hæc est, nec fatis deploranda supinitas, quod toties tamque fideliter admoniti, tamen ingens illud gloriæ pondus a tenui ventosæ imaginationis filo, ac velut arachneo stamine, suspendamus. Quis non sibi, quamvis minimarum cæteroqui rerum suarum egregie satagat, in hoc maximi momenti negotio, a quo omnia pendent, stolidissime blanditur, coelumque suum esse adfirmare audet, nullis litet tabulis, nullis probandi juris sui argumentis instructus? Usque adeone de capite, de anima, de salute nostra ludimus, vesanissimi? Paucis eam audimus addictam. Et paucis iis accendere nos audemus omnes? Qua ratione? Quo fundamento? Nullo admodum; nisi quod ita nobis videatur. At cur ita videtur? Enimvero nescimus: nec causam dicere habemus apud animum nostrum, nedum alios, nedum Deum. O vecordiam! insaniam! furem! Quod enim dignum tanta supinitate nomen inveniam?

LXXXVII. Excutiamus tandem fatalem hunc veternum, & vel hoc saltem tempore agnoscamus ea quæ ad pacem nostram faciunt. Absit ut ludicris somniorum inaniis decipi nos diutius patiamur: sed ἀποδομιζέμεθα ἑαυτοὺς ἐν τοῖς ὕπνοις καὶ οὐκ εἰς τὸ μέλλον. 1. Tim. vi. 19. id semel statuentes frustra a nobis vitam æternam sperari in gloria, nisi illius initia hic habeamus in sanctimonia; neque quenquam perventurum ad beatam resurrectionem corporis, cujus anima non prius fuerit suscitata ex morte peccati. Nam & hac mente verum est id quod dicitur Apoc. xx. 6. *Beatus & sanctus ille est qui habet partem in resurrectione prima: in hos enim secunda mors non habet potestatem.* Certe nisi quis fuerit genitus ex aqua & Spiritu, non potest introire in regnum Dei. Joh. iiii. 5. Exploret ergo quisque semet-ipsam an Spiritum novæ vitæ auctorem in sese experiatur, per quem peccato, mundo, sibi mortuus, Deo vivat, eo vitæ genere quod a communi mortalium instituto plurimum abhorreat; quod Philolophorum moralem honestatem, Phariseorum fucatum pro religione zelum, Hypocritarum larvatam sanctimoniam, omniumque hominum ex solis naturæ viribus operantium quantascunque virtutes longo post se intervallo relinquat: quod mentem supra fluxa sæculi bona erectam in Deo fixam habeat, eum contemplando, amando, orando, laudando, imitando: in quo denique Divinæ vitæ, illiusque quam Christus in terra egit, non

obscura deprehendantur lineamenta. Quum enim id de quo agimus præmium immensæ sit dignitatis, & quod paucis oppido concedatur, merito inferimus quod eximium aliquid iis inesse oporteat, qui ejus se compotes futuros postulare ausint. *Dico enim vobis, nisi abundaverit vestra justitia, plus quam illa scribarum & Phariseorum, vos nequaquam ingressuros in regnum cælorum.* Mat. v. 20.

III. Adlaboremus diligenter, ne ea excidamus.

LXXXVIII. Et profecto indignus vita æterna est qui non animum induxit suum res omnes præ illa relictas habere, ingentique ausu quemvis subire laborem quem illius possessioni Divina præstruxit sapientia. Mira est, sed ad nostrum apprime faciens institutum, historia, quam *M. Paulus Venetus* narrat *Itiner. lib. I. cap. XXVIII*. In compendium mittam. Tyrannus quidam *Aloadinus* nomine, in Regione *Mulete*, siccariorum sibi turmam adjunxit, per quorum effrenatam ita grassatus est audaciam, brevi ut omnibus terrori esset. Milites hosce suos ut ad omnia obsequia promptos haberet, arte effecit. Hortum sibi formaverat, in amoenissima valle altissimis undique montibus cincta, omne genus voluptatibus instructissimum, prorsus ad instar Paradisi Muhammedis, cujus dogmata cum suis sectabatur. Introitum clausit arx munitissima, ingenti firmata præsidio: neque alius vel aditus patebat vel exitus. Mentitus autem paradisi se clavem a Deo nactum, quos obsequentiores sibi reddere volebat, medicato inebriatos poculo gravique per illud oppressos sopore, in hortum hunc suum incios deferri curabat, ut expergefacti, dum tantis se interesse deliciis cernerent, in Paradisum se Dei raptos esse putarent. Sed quum tot voluptates vix dum primo labro degustassent, eodem poculo dementati extra paradisum deducebantur. Ad se reversi, non poterant non dolere tanta se felicitate excidisse, mortem libenter subituri, modo eam vitam semper vivere liceret. Sic stolidos adulescentes inescabat Tyrannus, ut animæ suæ prodigi nullum facinus detrectarent, vitam pro ista felicitate depascisci parati. Tantum si in animis mortalium valebat crassæ fraudis ludibrium; ad quos non generosos conatus excitare nos debebat solidæ felicitatis spes certa, & primitiæ nequitiam fallaces?

LXXXIX. Gratis quidem suis pollicitus eam Deus est. Est enim *χαρίσμα Θεοῦ*, in Christo Jesu Domino nostro. Rom. vi. 23. *In vitæ æternæ non in ullis operum nostrorum meritis, sed in sola Christi pro nobis satisfactione, fundatum est. Nemo tamen speret aliter se illius adepturum esse possessionem, quam via bonorum operum. Cum timore ac tremore vestram ipsorum salutem conficite*, inclamat omnes Apostolus. Phil. II. 12. Non est in facili, neque exposita nimis tanti boni consecutio. *Iustus ipse vix servatur.* I Pet. iv. 18. *Contendendum est ut intres per angustam portam.* Luc. xiii. 24. Vis facienda in Hierosolymam coelestem, nec aliter



aliter eam occupes. *Violenti regnum calorum rapiunt.* Mat. xi. 12. *Unicuique secundum opera sua reddet Deus.* Et nemini quidem vitam æternam nisi iis qui per tolerantiam quærunt boni operis gloriam & incorruptibilitatem. Rom. ii. 6, 7. Quis autem existimet laborem ullum , Dei impensum ministerio, aut nimium esse, aut frustraneum, cui tam inæstimabilis proposita præmii merces est? *Itaque, Fratres mei dilecti, stabiles estote, immoti, eminentes in opere Domini semper, quum sciatis laborem vestrum non esse inanem in Domino.* i Cor. xv. 58.

XC. Inanis enim qui posset esse labor , cui Divina Veritas sum-  
 mum illud præmium addixit, quod Divina præstabit Bonitas? Cui hæc <sup>iv. illius</sup> attendenti non lubebit exclamare, *Quam multa est bonitas tua quam recondis* <sup>spe in om-</sup>  
*reverentibus te! operaris erga eos qui se recipiunt ad te!* Pf. xxxi. 20. *Quan-* <sup>nibus nos</sup>  
*tam boni hujus non fallax expectatio afflictis animabus consolationem ad-* <sup>solemur ad-</sup>  
*ferre apta nata est? Si per iniquorum hominum fraudes atque violen-* <sup>veris.</sup>  
*tiam hujus seculi facultatibus exui contingat: Deo Gratias quod Christia-*  
*ni hominis felicitas in iis nequaquam rebus sita sit, quas tineæ aut rubigo*  
*corrumpit, quæque furum expositæ sunt artibus. Quid ille perdit, cui for-*  
*tasse minutula quædam , & sua sponte peritura, quæ in domum recepit*  
*non in animum, adimuntur, ita tamen ut pretiosissimum Divinæ gratiæ*  
*unionem intactum hostibus conservet, & locupletissimos gloriæ thesauros*  
*apud Deum depositos, in sanctiori Cœlestis Templi ærario , imo in ip-*  
*sius summi numinis sinu, custodiri sibi certus sit?* Heb. x. 34. Quod si  
*afflictiones ingruant, Christi potissimum ac pietatis causâ; durum non sit*  
*cum Christo pati ut cum eo glorificemur.* Reor enim minime pares esse præsentis se-  
*culi perpeffiones gloriæ in nobis revelandæ.* Rom. viii. 17. 18. Si morbi dolo-  
*resve graves sint corpori; si animus tristibus excrucietur cogitationi-*  
*b; si mortis ipsius sævus intentetur horror; in futurum se exporrigat ge-*  
*nerosus hominis Christiani animus , ea sibi tempora, neque tempora,*  
*sed æviterna secula , fide occupans , quibus corpus omnibus ægritudi-*  
*num difficultatibus solutum e mortis pulvere suscitatum , glorioso Chri-*  
*sti corpori conforme, fulgebit sicut sol in regno Patris sui cœlestis : qui-*  
*b; anima omnibus eluctata tentationum certaminibus in Deo Christo-*  
*que deliciabitur, nunc ea omnia coram cernens, possidens, fruens, sine*  
*modo ac mensura , ad satietatem absque satietate, quæ hic inter tot an-*  
*gustias rerum, nequicquam fremente ac frendente Diabolo, credidit, spe-*  
*ravit, & extremis quasi labris prælibavit. Tunc resumptis viribus ani-*  
*mo se dicat, vos me morbi aut dolores, tu me mors, tu me Satan*  
*cum omnibus tuis inferorum copiis, e statione mea dejicere speratis?*  
*Jam pridem, detracta per fidem larva, novi vos. Sine voluntate Patris*  
*mei cœlestis ne hilum potestis, ne pilum nocebitis. Tu dolor, tu*  
*morbus, veterem necabitis hominem, & corpus destruetis peccati. Tu*

mors miseriarum mearum finem facies, latamque mihi poli portam pandes. Tu Satana vel invitus mihi futurus es humilitatis magister, & post exigui temporis certamen, tenebo te constringamque victum, & his ipsis conculcatum pedibus proteram: dum tu æternis cruciaberis flammis, ego non finiendi in ævum triumphi potiar honore. *Propterea non senescimus; sed etiam si externus noster homo corrumpitur, internus tamen renovatur in dies. Illico enim prateriens levitas afflictionis nostræ, excellenter excellentis gloriæ pondus æternum conficit nobis: Dum non spectamus ea quæ cernuntur, sed ea quæ non cernuntur. Nam quæ cernuntur temporaria sunt: at quæ non cernuntur æterna.* 2 Cor. IV. 16. 17. 18.

V. Et sicut  
ea dignum  
est, generose  
vitam in  
hoc seculo  
transigamus.

XCI. Tantæ cui repositæ sunt & tuto adservantur gloriæ opes, quam magno eum animo caduca seculi bona contemnere oportet, eaque quæ prophanum vulgus stupet & adorat veluti longe infra se posita pro stercoreis & damno habere? Num coeli candidatus, & resurrectionis filius, circa res nihili, ad eas congerendas, custodiendas, augendas, sese fatigabit, quæ neminem sapientiore, sanctiore, Deo similiore, atque ita beatiorem faciunt, & plerumque vitiorum sunt irritamenta? Num his vel auctis efferetur, vel ablati collabascet? Num hujus se vitæ illecebris patietur capi, aut molestiis prosterni? Num invidis oculis eorum tuebitur vitream felicitatem, *quorum in hoc mundo portio est, quorum non animum sed ventrem replet Deus recondito thesauro suo, quorum filii satiantur, & excellentiam suam relinquunt nepotibus, dum in iustitia Dei visurus est faciem, illius satiandus imagine postquam experreſcuerit.* PLXVII. 14. 15. Sed & quantas Christo Sospitatori se debere profitebitur gratias, qui sua ipsum morte ex tam profunda miseriarum voragine, in tam excelsum felicitatis culmen evexit? *Gratias ago Deo meo per Jesum Christum.* Rom. VII. 25.

A M E N.

LOCORUM SCR. SACRÆ, IN EXERCITA-  
TIONIBUS IN SYMB. APOST. SUCCINCTE MAGIS  
AUT PROLIXIUS ILLUSTRATORUM ET  
EXPLICATORUM.

GENES.			JOB.		
Cap.	Ver.	Pag.	XIX.	25. 26 27.	378.
I.	1.	89. 92. 99.	XXX.	12.	295.
III.	15.	255.	XXXV.	9.	65.
IV.	7.	373.	XLII.	2.	170.
V.	24.	288.			
XV.	1.	53.	LI.	7.	74. 158.
XVII.	1.	49.		8.	40. 171.
XXII.	1. 6.	223.	VIII.	2.	276.
	2. 12.	165.		4. 5. 6. 7. 107. 304. 305.	
XXXVII.	35.	248.	XVI.	9. 10. 240. 246. 248. 262.	
XLIX.	26.	99.	XVII.	15.	161.
			XIX.	2-5.	38, seq.
EXOD.			XXII.	1.	265.
IV.	22.	166.		16.	239.
XVI.	32. 33. 34.	288.		17. 18.	223. 225.
XXIII.	21.	160.		21. 22.	221.
XXX.	30.	126.	XXVII.	8.	36.
XXXI.	17.	107. seq.	XXXII.	1.	116.
XXXIII.	14. 15.	101.	XL.	7.	189.
XXXIV.	7.	200.	XLV.	8.	125.
				11.	25.
LEVIT.			XLVII.	6.	286.
IV.	4. 7.	272.	XLIX.	15.	248.
XXVI.	12.	179.	LI.	14.	153.
			LXVIII.	25. 26. 27.	290.
NUMER.				8.	227.
XII.	8.	161.		19.	286.
XIII.	17.	112.		21.	229.
XVI.	30.	86.	XCV.	7-11.	331.
XXI.	6.	224.	CIV.	6. 7. 8.	101.
			CV.	7.	39.
DEUT.			CX.	2. 7. 154. 268.	269.
XXI.	22. 23.	219. seq.	CXXXIX.	7.	335.
XXXII.	12.	332.	CXLIX.	2.	65.
JUDIC.			PROV.		
VIII.	23.	135.			
II. SAM.			IV.	3.	165.
XXIII.	2. 3.	332. 333.	VIII.	15.	135.
				22.	158. 159.
I. REG.				23.	124.
I.	26.	399.		24.	159.
XII.	16.	125. 126.	ECCLES.		
II. REG.					
II.	11.	288.			
II. CHRON.					
XX.	20.	34.			
JOB.					
XII.	7. 8. 9.	38.			

# I N D E X

Cap.	Vers.	Pag.	Cap.	Vers.	Pag.
<b>X.</b>	<b>2.</b>	<b>295.</b>		<b>JOEL.</b>	
<b>XII.</b>	<b>1.</b>	<b>64.</b>	<b>III.</b>	<b>2. 12.</b>	<b>319, 320.</b>
	<b>C A N T I C.</b>			<b>M I C H E E.</b>	
<b>I.</b>	<b>3.</b>	<b>245.</b>	<b>IV.</b>	<b>14.</b>	<b>309.</b>
	<b>5.</b>	<b>357.</b>	<b>V.</b>	<b>1.</b>	<b>159.</b>
<b>III.</b>	<b>2.</b>	<b>293, 294.</b>		<b>H A B A K.</b>	
<b>V.</b>	<b>1.</b>	<b>54.</b>	<b>II.</b>	<b>4.</b>	<b>30.</b>
<b>VI.</b>	<b>3.</b>	<b>25.</b>		<b>Z E P H A N.</b>	
	<b>7.</b>	<b>364.</b>	<b>III.</b>	<b>5-8.</b>	<b>270.</b>
<b>VII.</b>	<b>10.</b>	<b>26.</b>		<b>H A G G.</b>	
<b>VIII.</b>	<b>1.</b>	<b>167.</b>	<b>II.</b>	<b>23.</b>	<b>163.</b>
	<b>2.</b>	<b>209.</b>		<b>Z A C H A R.</b>	
	<b>5.</b>	<b>26.</b>	<b>III.</b>	<b>9.</b>	<b>163. 196.</b>
	<b>J E S A.</b>		<b>VI.</b>	<b>12. 13.</b>	<b>185.</b>
<b>VII.</b>	<b>8.</b>	<b>205.</b>	<b>IX.</b>	<b>12.</b>	<b>339.</b>
	<b>14.</b>	<b>187.</b>	<b>XII.</b>	<b>10.</b>	<b>224.</b>
<b>XI.</b>	<b>1.</b>	<b>186.</b>		<b>M A L A C H.</b>	
<b>XVI.</b>	<b>5.</b>	<b>303.</b>	<b>III.</b>	<b>1.</b>	<b>161. 335.</b>
<b>XXVI.</b>	<b>19.</b>	<b>378.</b>		<b>M A T T H.</b>	
<b>XXXIII.</b>	<b>22.</b>	<b>309.</b>	<b>I.</b>	<b>21.</b>	<b>113.</b>
<b>XL.</b>	<b>3.</b>	<b>170.</b>	<b>III.</b>	<b>11.</b>	<b>328.</b>
<b>XLIII.</b>	<b>1.</b>	<b>191.</b>		<b>16.</b>	<b>326.</b>
	<b>4.</b>	<b>155.</b>	<b>IX.</b>	<b>33.</b>	<b>88.</b>
	<b>11.</b>	<b>114.</b>	<b>XI.</b>	<b>27.</b>	<b>60. 156.</b>
<b>XLIV.</b>	<b>24.</b>	<b>96.</b>	<b>XII.</b>	<b>31.</b>	<b>339.</b>
<b>XLV.</b>	<b>24.</b>	<b>170.</b>		<b>40.</b>	<b>241. 243.</b>
<b>XLVIII.</b>	<b>16.</b>	<b>76.</b>	<b>XIII.</b>	<b>21.</b>	<b>27.</b>
<b>LIII.</b>	<b>4. 5.</b>	<b>222. 223.</b>		<b>35.</b>	<b>42.</b>
	<b>8.</b>	<b>204.</b>	<b>XVI.</b>	<b>16. 18.</b>	<b>11, 12.</b>
	<b>8. 10.</b>	<b>269, 270.</b>		<b>21. 22.</b>	<b>9.</b>
	<b>9.</b>	<b>225, 240, 241.</b>	<b>XIX.</b>	<b>28.</b>	<b>314.</b>
<b>LIV.</b>	<b>5.</b>	<b>65.</b>	<b>XXII.</b>	<b>31. 32.</b>	<b>177.</b>
<b>LV.</b>	<b>3.</b>	<b>270, 271.</b>	<b>XXV.</b>	<b>24.</b>	<b>322. 329.</b>
<b>LXI.</b>	<b>6.</b>	<b>151.</b>	<b>XXVI.</b>	<b>39-44.</b>	<b>252, 253.</b>
<b>LXIII.</b>	<b>9.</b>	<b>161.</b>		<b>66.</b>	<b>285.</b>
<b>LXV.</b>	<b>1.</b>	<b>24.</b>	<b>XXVII.</b>	<b>26.</b>	<b>216.</b>
	<b>J E R E M.</b>			<b>52. 53.</b>	<b>267.</b>
<b>X.</b>	<b>11.</b>	<b>95.</b>		<b>59.</b>	<b>237.</b>
<b>XXX.</b>	<b>6.</b>	<b>158.</b>	<b>XXVIII.</b>	<b>1.</b>	<b>265.</b>
<b>XXXI.</b>	<b>22.</b>	<b>86. 184.</b>		<b>19.</b>	<b>141. 327. 338.</b>
<b>XXXII.</b>	<b>17.</b>	<b>110.</b>		<b>M A R C.</b>	
<b>XLVI.</b>	<b>28.</b>	<b>200.</b>	<b>XVI.</b>	<b>14.</b>	<b>266.</b>
	<b>E Z E C H.</b>			<b>16.</b>	<b>11.</b>
<b>X.</b>	<b>4.</b>	<b>276.</b>		<b>L U C.</b>	
<b>XXI.</b>	<b>27.</b>	<b>309.</b>	<b>I.</b>	<b>5. 36.</b>	<b>186, 187.</b>
<b>XXVIII.</b>	<b>2.</b>	<b>242.</b>		<b>35.</b>	<b>328.</b>
	<b>D A N.</b>		<b>II.</b>	<b>21.</b>	<b>113.</b>
<b>VII.</b>	<b>26.</b>	<b>314.</b>	<b>XXII.</b>	<b>29.</b>	<b>81, 83.</b>
<b>XII.</b>	<b>2.</b>	<b>391, 392.</b>		<b>43. 44.</b>	<b>252.</b>
	<b>H O S E.</b>		<b>XXIII.</b>	<b>22.</b>	<b>216.</b>
<b>VI.</b>	<b>2.</b>	<b>271, 272.</b>	<b>XXIV.</b>	<b>19.</b>	<b>184.</b>
					<b>49.</b>

## I N D E X.

Cap.	Ver.	Pag.	Cap.	Ver.	Pag.
	49.	328.		9.	35.
	50.	279.		18.	199.
	52.	278.		20.	41, 42. 96.
				28.	41.
I.	12.	157.	II.	11.	198, 199.
	13.	164.	III.	24. 25.	200. 202.
	14.	183, 184.	IV.	13.	81, 82.
III.	5. 6.	336.		25.	273.
	14.	224.		5.	329.
	16.	164, 165. seq.	VI.	4.	272.
V.	19.	72.	VIII.	1.	367.
	22.	309.		9. 10.	330. 401.
	25.	376.		11.	263. 381, 382.
	26.	74. 158.		17.	83.
	27.	310.		28.	82.
VI.	28. 29.	389.		32.	160.
	27.	124.	XI.	16.	349.
	33.	188.			
	38. 39.	203. 394.	I. C O R.		
	51.	188.		13.	140.
	63.	340.		2.	210.
VIII.	15. 50.	309.	9. 10.	11.	399. 326. 335.
	56.	180.		11.	12.
X.	16.	171.		16.	338.
	18.	221.		22. 23.	341.
XI.	18.	279.	VI.	2. 3.	313.
XIII.	15.	178.		13. 14.	386.
XIV.	16. 17.	329. 343.		16.	338. 340.
	28.	78, 79.	VII.	14.	349.
	26.	76.	VIII.	4.	78.
XV.	7.	390, 391.	XII.	3.	168.
XVI.	3.	78.	XV.	9. 11. 12. 13.	327. 145. 341.
XVII.				3. 4. 5.	225. 239. 269. 266.
	6.	161. 172.		20.	380.
	19.	131.		23.	395.
	24.	132.		24-28.	136, 137.
XVIII.	31. 32.	205.		42. 43. 44.	386.
XIX.	I.	216.		45.	183.
	7.	216. 217.		45-49. 50.	387. 387, 388.
	39.	237.		52.	321.
XX.	5. 6. 7.	265.	II. C O R.		
	17.	79.		15.	148.
			III.	6.	329.
	A C T.			18.	29.
I.	8.	328. 329.	V.	16.	188.
	9.	278. 283.		19. 20.	202.
	12.	278, 279.	VIII.	5.	25.
II.	3.	277.	XII.	3. 4.	330. 284.
	23.	223.			
	36.	301.	II.		
V.	3. 4.	333.			
	31.	282.			
VII.	55. 56.	284. 298. 299.	I.		
X.	2. 4.	9.			
XI.	26.	141.			
XIII.	32. 33.	75.			
XX.	32.	327.	IV.		
XXIV.	15.	392, 393.			
XXVI.	8.	397.	II.		
XXVIII.	25. 26.	332.			
	R O M.				
	4.	75. 157. 265.	III.		

# I N D E X

Cap.	Vers.	Page.	Cap.	Vers.	Page.
Iv.	5.	322.	I.	44.	81.
I.	C O L O S S.	202.	6. 9.	II. 49.	34.
II.	20.	31. 150.	23. 26.	166, 167.	347.
	3.	25.	J A C O B.		
	9.	42—198.	5.		154.
III.	3.	402.	8. 9.		322.
IV.	I. T H E S E.		I. P E T R.		
	14.	321.	7.		23.
	8.	333.	9. 19.		171. 36.
	16.	311. 402.	II. P E T R.		
	II. T H E S S.		4.		48.
I.		312.	1.		170.
II.		23.	4.		315.
	I. T I M.		19. 20.		116. 29.
II.	5.	78. 189.	I. J O H.		
III.	15. 16.	12. 183.	29. 20.		350. 19.
VI.	15.	49. 87.	23.		26.
	II. T I M.		4.		154.
I.	10. 18.	233. 317.	II. J O H.		
	T I T.		10.		67.
I.	1.	26. 68.	J U D A.		
	H E B R.		4.		169.
I.	3.	162.	6. 14.		315. 312.
II.	7.	303.	A P O C.		
	10. 11. 14.	200. 168. 182.	4. 5.		128. 337.
III.	7.	331.	12.		145. 327.
V.	7.	229.	II.		94.
VII.	7.	133.	6.		338.
VIII.	1.	303.	9. 16. II.		402.
IX.	5.	202.	3.		145.
X.	12. 14.	131. 334.	1. 2. 6.		285.
	22.	21.	3.		132.
	26. 29.	339.	13.		402.
XI.	1.	21, 22. seq.	4. 5. 6.		395.

## Vocum Hebraicarum quæ illustrantur.

אדון	169.	משיח	123.
ברא	86. 87.	נפש	248.
גואל	190, 191.	עדה	346.
האמין	14, 25.	עולה	224.
חטאת	366.	קהל	346. seq.
כארי	223, 224.	קנאה	199. seq.
כהן	152.	שאר	247.
כפורת	202, 203. 316.		

## Vocum Græcarum quæ exponuntur.

ἄδης.	248.	ἱησῦς.	111.
ἀνάληψις.	282.	Ἰλαστήριον.	202, 203.
ἀτυχία.	366.	κρίζω κρίσις.	86.
δικαίωσις.	169.	πανήγυρις.	347.
δυστυχία.	366.	πληροφροσύνη.	31.
ἐκκλησία.	346.	συνοχὴ.	346.
ἐλπίς.	22.	ὕψιστος.	21.

HERMANNI WITSII  
EXERCITATIONES

IN

*Orationem Dominicam.*

# HERMANNUS WITSIUS

## Auditoribus suis , veræ

Theosophiæ Studiosis ,

S.



LECTISSIMI JUVENES , SACRA DEO CAPITA ,  
AMOR AC DELICIE NOSTRÆ , uti quotidie viva voce ,  
ita nunc scriptis vos compello literis . Id unum omni prece ,  
studio , sollicitudine , labore agens , ut res Divinas recte edo-  
cti , eas alios aliquando docere idonei sitis . Ne pigeat literarium nunc  
hoc à manu mea iterum accipere munusculum . Vobis olim conscripsi , vo-  
bis edidi in Symbolum Apostolicum Exercitationes . Atque ipso facto com-  
peri , non fuisse inanem tunc meum in Domino laborem . Fuerunt enim ,  
atque etiamnum exstant , qui se eo aliquantulum adjutos fuisse profitentur ,  
ad explicanda plebi Christianæ præcipua religionis nostræ mysteria , eaque  
applicanda ad genuina virtutis ac generosæ pietatis exercitium . Neque  
dissimulo , id mihi magna fuisse consolationi . Si quisquam alius , conscius  
mihimet ipse sum , parum admodum à me proficisci , quo Dei gloria , &  
regnum Christi amplificari possit . Idcirco volupe mihi est alios videre lo-  
cupletioribus instructos donis , qui omnem suam operam magno cum fructu  
nobilissima illi rei impendant . Et quoties , illos inter , nonnullos eorum  
deprehendo qui ex mea prodierunt disciplina , toties ad agendas Deo gra-  
tias , atque ad insignem animi lætitiā , valide impellor . Neque possum  
quin eos considerem uti subsidiarios infirmitati meæ datos . Quo animo ,  
quo serio , qua contentione iterum vos iterumque moneam , ut cælestes ve-  
ritates , è sacris literis , tanquam ex ipsius Dei ore , sedulo petatis ; ut  
eas in puri cordis sacrario solícite custodiat ; ut menti impressas toto  
vitæ vestræ instituto exprimatis ; ut professionis vestræ memores , memores  
spei , quam de vobis parentes , quam præceptores , quam Christi Ecclesia  
concepit , in hac ipsa juventute vestra Naziræos vos Domini præstetis ,  
à mundi contagione sejunctos , sanctissimoque Dei ministerio caste additos :  
neque ignorare potestis , neque inficiari unquam poteritis . Nostis etiam  
quomodo ea quam sector informandi ratio tota ad hunc finem comparata  
sit . Nunquam enim in operosarum sophisticationum inanes subtilitates ,  
aut in contentiosarum disputationum acrimoniam , aut in secus sentien-  
tium prætumidam exagitationem , aut in Fratrum à nobis in diversa  
abentium ludibria , aut in propriarum inventionum , quas fere nullas esse  
lubens



## Alloquium ad Studiosos Theosophiæ.

lubens fateor, stultam prædicationem, nostra desinere solet commentatio. Sed quod à Deo me didicisse gratulor, perinde existimans cujuscunque hoc factum sit hominis interventu, placide, tranquille, & cum Spiritu lenitudinis vobiscum communicare amo: hoc operam dans, ut demonstratione veritatis ad conscientiam Dea me primum approbem, tum animo meo, denique vobis. Atque hæc docendi ratio, quæ ab omni strepitu pompaque longe semota est, quamvis frigidiuscula videri possit; non tamen suis caret, sed salutariter pungentibus, aculeis, & sane omnium aprissima est ad eam ingenerandam sapientiam, quam Apostolus Jacobus laudat. Quæ primum quidem casta est, deinde pacifica, æqua, obsequens, plena misericordia & fructuum bonorum, absque disceptatione & minime simulata. Quicunque consideratione Divinarum virtutum, prout resplendent in facie Christi Domini, caterarumque sublimium veritatum, quas patefacit Evangelium, in luce Spiritus Sancti placida contemplatione, non accenditur ad earum amorem, non animatur ad strenuum pro iis cernendum certamen, etiam ad martyrium ac mortem usque; eum non valde commovebunt vehementes de rebus Divinis altercationes. Aut si quis inde oriatur ardor, eum ego suspectum haberem tanquam peregrinum ignem, qui non est ut Deo in altari suo sit acceptus. Quandoquidem vero ea quam vos docere, aut potius vobiscum discere amo, sapientiâ, castis purisque precibus à Deo petenda est; hinc facile à me impetrari passus sum, ut quæ de precum exercitio, atque ea imprimis oratione quam commendavit nobis Jesus, olim ore exposueram, ea nunc calamo consignata vobis sisterem. Scio equidem, viros omnium ætatum atque ordinum illustrissimos, quibuscum me meave comparari iniquissimum foret, hanc materiam pridem occupasse. At nisi ea à me accipere in animum inducat, quæ ab aliis, & fortasse melius, dicta sunt; & mihi æternum esset imponendum silentium, & vobis vacuis plerumque recedendum manibus. Neque tamen ita existimetis velim, nihil prorsus à me actum esse. Aliquid certe in vestrum commodum actum erit, si quæ sparsim alibi exstant, neque absque molestia conquirenda, ea nunc vobis collegerim, & in fasciculum non plane inconcinnum colligaverim. Et quid ni de hoc opere idem sperare mihi liceat, quod de aliis meis, quæ non ingrata vobis, neque prorsus inutilia fuisse, aliquoties estis testati? Homines eruditos, & studiorum nostrorum veteres, ut docere præsumam mea me satis vetat tenuitas. At neque displiciturum iis confido, quod publi Academiæ ea à me tradi videant, quæ & ipsi fortasse quum juvenes essent à magistris suis didicerunt. Quid enim aliud ab eo expectent homine, qui nihil antiquius habet, quam vobis ex officii ratione, pro modulo suo prodesse? Cæterum non semper me subsistere in his doctrina nostra elementis, ipsi omnium novistis optime. Quoties dux &

## Alloquium ad Studiosos Theosophiæ.

auctor vobis sum, ut omnia tam Veteris quam Novi Instrumenti Divina volumina magno animo atque indefesso studio aggrediamini? Eo conferentes, quicquid ex linguarum originalium accuratiori examine, ex Antiquitatibus Hebraicis, Græcis, Romanis, iisque nostri ævi scriptoribus qui hanc sibi præcipue sumserunt operam ut illustrandis sacris literis incumbere, industrie potestis colligere? Quoties conquestus sum, hac tam præclara, à nimium desidiosus, aut plus justo Festinantibus, sicco pede præteriri? Quoties hortatus sum, ut non contenti ex Locis Communibus, Systematibus, Summis, Synopsis ea didicisse, quorum in Examinibus reddenda aliquando erit ratio, generosioris animi stimulis instigati ad majora eniteremini, ac sapientiam Dei, per universum scripturæ corpus, non in dogmatibus solum, sed & historiis, & ritibus, & prophetiis, mirabili varietate partitam, ea qua par est diligentia rimaremini? Quoties in eam rem meam vobis obtuli manuductionem; si non peritissimam, fidem certe atque liberalem, quam quibus sequi libuerit mirum ni brevi ductorem ipsum præcurrant? Ita est, mei Juvenes; modo cum Deo incipiat, modo naviter opus urgeatis, verbo ut dicam, modo vobis ipsi non desitis, desperandum non est de eximiis profectibus, eo tempore de quo credibile est Danielis cecinisse oraculum, PERCURRENT MULTI, ET AUGEBITUR COGNITIO. Hoc omine desino, Deum supplex venerans, ut vos ad omne opus bonum perfecte instructos, primæ magnitudinis stellas in cælo Ecclesiæ suæ faciat. Et si quid bene de vobis merui, precibus vestris, pro misero me peccatore, apud communem Dominum, per unicum Servatorem Christum, intercedite. Ita scribebam Ultrajecti. Anno æra vulgaris M DC LXXXIX. Ante diem VIII. Kal. Jul.



# EXERCITATIO I.

## DE

# ORATIONE.

### B R E V I A R I U M.

- I. *Summa eorum quæ dicenda sunt.* II. III. IV. Δησεις, προσευχαι, ἐντεύξεις, αἰτήματα, εὐχαριστίας, quomodo differant. V. *Voces Hebrææ.* VI. שאל. VII. רנן. VIII. שער. *Quiritatio.* IX. תפלה. X. תחנון. XI. *Orationis definitio.* XII. *Sola creatura rationalis orat.* XIII. *Quo sensu brutis oratio attribuitur.* XIV. *Cur Assyrius iumenta jejuna, & saccis operiri jussit.* XV. *Spiritus S. & Filius Dei ante incarnationem, orare dicuntur.* XVI. *Atque ille quidem ea mente, quod orationes nobis suggerat.* XVII. *Quæ sensum ac studium ejus continent.* XVIII. *Hic vero, qua sponsor.* XIX. *Solus Deus adorandus.* XX. *Mente intenta in virtutes Dei, ac distinctas Deitatis personas.* XXI. *Speciali ratione circa Christum Mediatorem nostræ versatur oratio.* XXII. *Quæ ratio distincte explicatur.* XXIII. *Origenes laudatus.* XXIV. *Virus Theologiæ Socinianæ circa adorationem Christi.* XXV. *Idololatria est, creaturam quamcumque religiose colere.* XXVI. *Cui & à quibus debetur Adoratio, eidem & ab iisdem debetur Invocatio.* XXVII. *Religiosam adorationem non concedit Deus non-Deo.* XXVIII. *Quæ veritas nullis cavillis eludi potest.* XXIX. *Cultus Christi ejusdem ordinis est cum illo qui debetur Patri.* XXX. *Exponitur Phil: II: 9. IO: XXXI. Quid sit forma Dei.* XXXII. *Quid sit gerere se parem Deo.* XXXIII. *Ipsa Christi exinanitio argumentum summæ Deitatis est.* XXXIV. *Uti & superexaltatio, propter voluntariam humiliationem ei concessa.* XXXV. *Et nomen supra omne nomen.* XXXVI. *Quod quo sensu Christo gratis datum sit.* XXXVIII. *Oratio est alloquium Dei.* XXXIX. *Quid sit Deum orare in Spiritu ac veritate.* Joh: IV: 23. XL. *Item lingua, spiritu, mente.* I Cor: XIV: 15. XLI. *Clara voce orandum esse, multi voluerunt.* XLII. *At distinctione opus est.* XLIII. *Vitanda est Battologia.* XLIV. *Promissio de exauditione precum sub restrictionibus quibusdam intelligenda est.*

I. Summa  
eorum quæ  
dicenda  
sunt.

I.



Uum eam sacræ Orationis, sive formulam, sive Exemplar, quod auditoribus atque discipulis suis commendavit Dominus Jesus, Exercitationibus aliquot illustrare animum induxerim; res ipsa postulare videtur, ut de ea religionis nostræ parte quæ precibus consistit non indiligenter primo disputem. Multa enim concurrunt, quæ hanc nobis tractationem commendare debeant. Non dico nunc, lucem accensum iri obscurioribus aliquot Christianæ, vel Judaicæ etiam, antiquitatis ritibus, imo & plurimis sacrarum literarum pericopis. In id præcipue incumbō, ut rite informetur animus quomodo pure castèque ad Deum accedat, & pia grataque summo Numini vota offerat. Hoc autem ordine procedendum mihi arbitror: ut primo exponam QUID SIT ORATIO, tum quæ nostra ad eam OBLIGATIO, denique QUO MODO institui debeat. Quæ singula in sua iterum capita varie partientur.

II. Δήσις,  
προσευχὴ  
ἐντεύχαις.  
αἰτήματα,  
εὐχαριστίαι,  
quomodo  
differant.

II. Non inutile erit eas in antecessum voces explanare, quibus, tam Novi, quam Veteris instrumenti scriptores, de oratione agentes, uti solent. Paulus *δήσεις, προσευχάς, ἐντεύχαις* commendat I Tim: II: 1. quibus *αἰτήματα* addit Phil: IV: 6. omnibusque *εὐχαριστίας* conjungit. In quarum vocum discrimine assignando non consentiunt interpretes; quamvis in eo conveniant, omnibus preces designari, neque tamen eodem modo atque adspectu. Plerique distinctas precum species notari arbitrantur, quæ sub generali *αἰτήματων*, sive *petitionum* nomine comprehensæ sint. Hac mente, ut *δήσεις* notent deprecationes, ad mala avertenda; *προσευχὰς* sint preces ad bona obtinenda, *ἐντεύχαις*, intercessiones pro aliis. Sic Theodoretus, *δήσεις ἐστὶν, ἡπὲρ ἀπαλλαγῆς τινῶν λυπηρῶν ἰκετεία προσφερομένη. Deprecatio, est ad malorum quorundam depulsionem oblata supplicatio. Προσευχὴ ἐστὶν αἰτήσις ἀγαθῶν, est petitio bonorum. Ἐντεύχαις ἐστὶ κατήγορία τῶν ἀδικούντων, est accusatio injuria afficientium, & consequenter intercessio pro aliis qui injuste opprimuntur.*

III. Sed quod sine doctissimorum hominum fraude sit, dubitare nobis liceat, satin hæc sint solida. Nam *δήσεις*, si vim vocis sequamur, ἀπὸ τοῦ δεῖσθαι, & petitio ejus ἢ δέωμεθα, quo indigemus. Optime Gregorius Nazianzenus Carmine *Jambico* XV. *Δέσσω οὖν, τὴν αἰτήσιν ἐνδύν.* *Δέσσω* esse existima hæc petere qua desunt tibi. Et si usum observemus, notat etiam *petitionem boni*. Ita Zachariæ pro filio oranti respondit Angelus, *ne metues Zacharia, διότι ἐσσηκόςθη ἡ δήσεις σου, & κὺρ τῆς Elisabeth pariet tibi filium.* Luc: I: 13. Vox *προσευχῆς* admodum generalis est, & significat qualiscunque voti nostri expositionem: quod non minus tendere potest ad averruncationem mali, quam ad impetrationem boni. Certe talis erat *προσευχὴ* Christi Mat: XXVI: 39. & 41. quando

προσευ-

προσυχόμενοι<sup>Ⓢ</sup> dicebant, *Pater, si fieri possit transeat a me calix iste.* Talis etiam προσυχὴ quam suadebat discipulis com: 41. προσύχουτε ἵνα μὴ εἰσαίδητε εἰς πειρασμὸν. Denique quum quidquid distinctis precum nominibus hic complectatur Apostolus, id pro omnibus hominibus fieri velit, quæ ratio dici potest cur solam ἐντεύξως vocem de *intercessione pro aliis* interpretemur? Certe id non significat I Tim: IV: 5. ubi ea quæ a Deo creata. nostroque ufui donata sunt, sanctificari docet διὰ λόγου Θεοῦ καὶ ἐντεύξως.

IV. Mihi sic videtur: unam eandemque rem diversis nominibus designari pro diversis quos habet adspectibus. Preces nostræ δεήσεις vocantur, quatenus, quatenus iis nostram apud Deum testamur *egestatem*, nam δεοῦθαι *indigere* est: προσυχαὶ quatenus *vota* nostra continent: αἰτήματα, quatenus exponunt *petitiones* & desideria: ἐντεύξεις, quatenus non timide & diffidenter, sed *familiariter* Deus se à nobis adiri patitur. Ἐντεύξις enim est *colloquium* & *congressus familiaris*. Ἐυχαριστίας *gratiarum actionem* esse pro acceptis jam beneficiis, notius est quam ut moneri oporteat.

V. Simile quid observare licet in vocibus Hebraicis quæ frequenter junguntur aut alternantur. Quarum præcipuæ sunt, תַּחֲנוּן & תַּפִּלָּה <sup>v. Voces Hebrææ.</sup> שְׁאֵלָה / רִנָּה / שִׁיר / ordine a nobis clarandæ. Singulæ enim aliquid dicunt, quod in oratione attendi meretur.

VI. שְׁאֵלָה / est αἰτήσις *petitio*. Dedit *Jehova mihi שְׁאֵלָה מִי שְׁאֵלָה* <sup>vi. שְׁאֵלָה.</sup> petitionem meam quam petii ab eo, ait Anna I Sam: I: 27. Alio ejusdem originis vocabulo David orationes vocat לְבַשְׂתִּי שְׁאֵלָה / *petitiones, optata cordis*. Ps. xxxvii: 4.

VII. רִנָּה / significat *clamorem validum*, aliquando quidem in cantu <sup>vii. רִנָּה.</sup> & lætitia, aliquando in præconio, sed & aliquando in ploratu & precibus. תַּחֲנוּן אֶל שְׁמֹעַ לִי ut attendas ad clamorem, ait Salomon I Reg: viii: 28. David Ps: xvii: I. קְשִׁיבֵנִי רִנָּה attende ad clamorem meum. Notat animi sollicitudinem, quæ vehementer corpus quoque afficiens, & spiritus agitans, valide impellit linguam, auxilium petituram adversus ingruentia mala. Respondet Pauli phrasis, κραυγὴ ἰσχυρά Heb: v: 7.

VIII. שִׁיר / est vociferatio, qua petitur *salus*. Clarissimus Coccejus amat *Quiritationem* vertere. Porro *Quiritare* Romanis is dicitur qui *Quiritium fidem* clamans implorat: unde nostrum *Belgicum Krytten* originem suam habere in Etymologica conjectat *Vossius*, quasi *Quiriten*. Sed hæc propter viam, redeamus ad שִׁיר / <sup>viii. שִׁיר.</sup> <sup>Quiritæuo.</sup> cujus vim vocis non melius expreffero quam Cocceji verbis ad Ps: v: 9. *Est vox, inquit, constituti in periculo, & discrimine salutis presentissimo, qua is sibi vim fieri significat, ad excitandum eos quos ad injuriam ab immoxio repellendam vel voluntas*

voluntas, vel officium potest commovere. Hoc enim est שׁוּׁא / quod quia salutis causa fit, a שׁוּׁא / sive שׁוּׁעִי / salutem notante, deduxerim. Vel enim clamabant, וְשׁוּׁעִי / serva vel וְשׁוּׁעִי / vis fit, vel similiter. Ut Latini, Io Quirites Serva, Opprimor, & similia.

IX. תפלה.

IX. At plurimum observandum est in voce תפלה / quæ orationem notat quatenus causæ bonitate nixa ad Deum ut arbitrum ac judicem defertur, est enim a פלל / *judicavit*. Huc pertinet præclara illa Eli Sacerdotis ad filios suos sententia. 1 Sam: 11: 45. *Si peccaverit vir adversus virum, ופלל אלהי / judicabit eum Magistratus; sed si in Jehovah ullus peccat, וי תפלל מ' / quis orabit pro eo*, eo nimirum orationis genere quod ullam causæ fiduciam apud summum istum judicem præ se ferat. Alias enim nihil vetat supplicationem Deo offerre, quæ admissi veniam debita animi humilitate petas. Uti Jobus Cap: 11: 15. וְלִמְשׁוֹמֵי אֲתוֹנָן / *judicem meum deprecabor*, gratiam illius implorans. At qui suæ sibi bonæ causæ conscitis, cum fiducia accedit ad Deum, juris sui demonstrationem adversus hostium improbitatem postulans, illius oratio secundum omnem vim vocis תפלה / dici potest. Talis erat oratio Davidis Ps: 6: ubi ad Dei sanctitatem & justitiam provocans, hostiumque suorum furorem graphice exponens, de sua interim innocentia ac pietatis studio protestans; ita instituit: vers: 3. *Attende voci clamoris mei, Rex mi, & Deus mi, וי תפלל אלהי / quia ad te*, ut æquum judicem atque arbitrum, orationem habeo. Conferri meretur Luc: xviii: 7. *Ὁ δὲ Θεὸς ἂν μὴ ποιήσει τὸν ἐκδικῶσιν, Deus autem non vindicabit electos suos clamantes ad ipsum die ac nocte?* Sed & illud observandum, תפלה / non solum valere ad impetrationem juris, verum etiam ad deprecandum culpam; sic tamen ut hac quoque in parte justitia Dei attendatur: supposita nimirum Messiae satisfactione. Est enim quædam etiam judicialis actio apud Deum, qua fit, ut reum qui agnoscit delictum, & ad arcem salutis confugit, & Messiae justitia nititur, justum sit Deo non tantum gratiose dimittere, nec punire, sed etiam assumere. Imo, habent fideles accessum ad Deum, tanquam ad justum judicem, ut propter Christum veniam peccatorum ab eo petant, atque expectent. 1 Joh: 1: 9. *Si confiteamur peccata nostra, fidelis est & Justus, ut remittat nobis peccata.* Atque hæc in ea quoque oratione ubi quam maxima gratiæ imploratio est, remanet respectus aliquis ad Dei Justitiam. Eleganter hæc junxit David. Ps: 14: 2. *Quum voco, responde mihi, Deus justitia mea. In arcto dilatasti mihi. Gratosus esto mihi, ושמע תפלת / & exaudi orationem meam.*

X. תחנון.

X. Cæterum alio respectu oratio תחנון / dicitur, quatenus nimirum est *supplicatio favoris* ac clementiæ apud eum cujus bonitati potius, quam causæ nostræ, beneficium aliquod debere volumus. Nam tam *favorem*

ac clementiam ea vox significat; quam *supplicationem favoris* ab eo qui dives est gratia, ad condonandum & donandum. Unde talis orationis species summa cum humilitate Deo offerri solet. In תפלה qua tali, dominatur fiducia bonæ conscientiae. In תחנון dominatur humilitas, cum confessione indignitatis. Huc facit & illa phrasis, qua תחנת dicitur *cadere*, & orantes eam *prosternere*. תחל נא תחנת' לפניך *cadat queso deprecatio mea coram te*, inquit Jeremias. Cap: xxxvii: 20. Iterumque Cap. xlii: 9. *misistis me ad Deum לפני תחנתכם להסיל' ut prosternerem deprecationem vestram coram ipso*. Respicitur ad gestus supplicantium, qui ad terram proni gratiam implorant. Nam dum ipsi procidunt, & pedibus advolvuntur, una cum ipsis verba procidunt, quibus ad favorem animi flectere constituunt.

XI. At fortasse justo diligentiores quibusdam videbimur in hac explicatione vocabulorum. Quamvis revera nihil minutum aut superfluum censere liceat, quod ad illustrationem sacri sermonis facit; neque inutile aut injucundum piis sit ex ipsa vocum diversitate discere, quid ipsis, quid precibus ipsorum conveniens sit. Sed ad rem ipsam accedamus. Non incommode forsân Orationem hoc modo definiverim. ORATIO EST ALLOQUIUM CREATURÆ RATIONALIS AD DEUM, QUO EXPONIT EI ANIMI SULA DESIDERIA, CUM FIDUCIA IMPETRATIONIS. Ad cujus definitionis elucidationem expendamus. I. QUIS ORET. II. QUIS ORETUR. III. QUAIN RE ORATIO SITA SIT.

XI. Orationis definitio.

XII. Proprie loquendo, nemo orare potest, nisi *creatura*, & ea quidem *rationalis*. Creator enim, quum nullius rei indignus sit, neminemque se ditiozem habeat à quo aliquid accipere possit, neminem superiorem cui reverentiam prætet, ut orare credatur, majestate ipsius indignum est. Creatura autem irrationalis, quum neque Dei Majestatem, neque suam indigentiam intelligat, ad orationem non est idonea. Solæ creaturæ rationales, Angeli & Homines, orationis propriè dictæ capaces sunt.

XII. Solæ creatura rationalis oratur.

XIII. Atque hæc quidem per se tam sunt evidentia ut vix digna memoratu videri possint, nisi occasionem nobis suppeditarent elucidandis aliquot scripturæ dictis. Duze enim hic occurrunt difficultates, quarum tamen posterior priore longe intricatior est. Dubium primo videri posset, quo sensu scriptura *brutis* quoque animantibus oratiorem, clamorem suspiria, spem in Domini benignitatem attribuat. Ps. cxlvii: 9. Joel. i: 18. Ps. civ: 27. Tum etiam quid sibi voluerit, quod Rex Ninives *jumenta* quoque jejuna, faccis operiri, & ad Deum valide clamare jussit Jon: iii: 7. 8. Atque illud quidem quod attinet, non est obscurum totam eam locutionem esse metaphoricam, quâ, phrasis ab hominibus desumpta, denotatur brutorum indigentia, & dependentia à Deo, cum connotatione

XIII. Quo sensu brutis oratio attribuitur.

Divinae providentiæ, quæ citra ullam eorum curam ipsis de necessariis prospicit, non minus quam si enixis precibus continuo id a Deo contenderent.

XIV. Cur  
Assyrius ju-  
menta jeju-  
nare, & sac-  
cis operiri  
jussit.

XIV. Sed Assyrii Regis jussum aliò spectabat. Faciebat id ad testandam luctus dolorisque magnitudinem, quæ omnibus signis exprimenda erat, quibus exprimi poterat. Receptum antiquis fuit, ut in gravissimo luctu & pecudes à pastu pellerentur, & equi camelique, atque id genus jumenta, pretiosis strângulis ac tegumentis suis exuta, atrata ac squalida in publicum prodirent. Exemplum præbet *Virgilius Eccl. v.* in acerbissimo luctu propter mortem Cæsaris.

*Non ulli pastos illis egere diebus*

*Frigida, Daphni, boves ad flumina, nulla neque annem*

*Libavit quadrupes, nec graminis attigit herbam.*

Faciebat quoque ut hoc spectaculo magis commoverentur homines ad dolorem; & velut in speculo viderent, quid meriti essent; sicut & lege Divina jussi sunt pecudes mactare & crenare, ut in iis vivam suæ damnationis cernerent imaginem. Et quid convenientius fuit quam ut iis nunc bestiis uterentur ad doloris & pœnitentiæ incitamentum, quibus ad luxuriam ac fastum modo abusi fuerunt? Adde, quod quum hæc omnia hominibus inserviant, eorum afflictio ad hominum quoque afflictionem pertineat. Accedit, quod spem foverent, facilius numen ad misericordiam flexum iri, si totus aer, non hominum modo clamoribus & ejulatibus, sed & jumentorum esurientium boatu, rugitu, balatu resonarent.

XV. Spiritus  
S. & Filius  
Dei ante  
incarnationem  
orationem  
dicuntur.

XV. Major est difficultas, quum Deum orare non posse adstruxerimus, quo pacto Paulus *Spiritui Sancto ἑνὸς ἑν* attribuat: & Christus Dei Filius, etiam ante dies suæ *ἐνσαρκίωσης*, pro Ecclesia intercessisse, legatur. De Spiritu enim ita scribit Paulus Rom. VIII: 26. 27. *Ipse Spiritus inaperitvychaî intercedit pro nobis suspiriis inenarrabilibus. Qui vero scrutatur corda, novit ti τὸ φρονεῖν τῷ πνεύματος quid sapiat spiritus: quia secundum Deum intercedit pro sanctis.* Et de Filii intercessione in Veteri Testamento aliquoties exstat. Huc sane, ut alia nunc omittam, referenda est Zachariæ visio. Cap. I: 12. 13. Ubi repræsentatur Angelus Jehovæ; hac Jehovah oratione compellans: *O Jehova exercituum! quousque tu non miserturus es Hierosolymorum, & civitatum Juda, in quas indignatus es jam septuaginta annis? Respondit autem ei Jehova exercituum verba bona, verba consolatoria.* Angelus ille Jehovæ, Christus Dominus est, idem qui inter myrtos stabat, quæ erant in profundo. vers: 11. id est; qui Ecclesiæ suæ, in ipsa etiam oppressione, myrtorum instar, semper virenti, tutelâ suâ adest; quem viderat Zacharias sub  
emble-



emblemate *viri insidentis equo rufo*: quem, ut imperatorem suum, *sequebantur equi rufi, balii, & albi*. vers: 8. ad quem accedunt actuum suorum reddituri rationem. vers: 11. qui denique alloquitur prophetam, omniaque dicenda suggerit. Hic Angelus Jehovæ, qui se pro Jehova gerit introducit tamen ut orans.

XVI. Respondeamus ad singula distinctè. *Spiritus* dicitur pro nobis *ἱκετεύων*, non quod ipse oret, sed quod, ut *Spiritus precum*, Zach: xii: 10. orationes nobis formet, dicat, suggerat. Nimirum est *παράκλητος* *Advocatus* noster uti sæpius apud Johannem dicitur, non tam quod causam nostram apud Deum agat (eo sensu Christus noster *Advocatus* est 1 Joh: 11: 1. qui ob eam rem à nobis abiit ad Patrem,) quam quod Dei Christi que causam agat apud nos, ad quos à Patre & Christo mittitur. quibus successum satisfactionis & advocacy Christi exponit, quos excitat ad ejus rei fiduciam; quos instruit argumentis, quibus & coram Deo, & contra adversarios, jus & securitatem nostram tueri valeamus. Finge tibi reum aliquem, cui, super maximi momenti negotio, libellus supplex offerendus est judici: ipse autem neque materiam scribendorum, neque scriptionis formulam exploratam ullo modo habeat. Finge pariter *Advocatum* artis suæ peritissimum, qui libellum totum formet, quem describat reus, quem sua manu signet, quem ipse judici offerat. Libellus quidem ille totus opus *Advocati* est, attamen libellus petentis censeretur debet, quippe cujus causa agitur, & ad quem quidquid petitur redundat. Ille reus nos sumus; qui quum multa ad Deum dicenda habeamus, tamen quid oremus ut oportet, non novimus. Ille *advocatus Spiritus Sanctus* est; qui omnia quæ & quomodo petenda sint suggerit, qui mentis nostræ oculos aperit, ut & indigentiam nostram, & spiritualium ac celestium rerum præstantiam rite æstimemus; qui ardens earum rerum desiderium in nobis excitat; iisque nos affectibus imbuat, qui Dei maiestate, nostra vilitate, rerum desideratarum præstantia digni sint; qui denique sanctam largitur *παρρησίαν*. Atque ita clamat in nobis Gal: 1v: 6. ut per eum nos clamemus, Abba Pater. Rom: viii: 15. Ita intercedit pro nobis suspiriis inenarrabilibus, ut ea in nobis excitet ac cieat.

XVI. Atque ille quidem, ea mente quod orationes nobis suggerat.

XVII. At neque hoc totum est: ita considerari debent ista suspiria ut *φρόνημα τῷ πνεύματι*, continentia *mentem, sensum, studium Spiritus*. Sic ut quod nos petimus ipso charitatem in cordibus nostris accendente, id nobis Spiritum Dei à Deo petere, hoc est, nobis una voluntate cum Patre & Filio decernere, non dubitemus. Neque emphasi sua caret illud *ἱκετεύων* quod Spiritui attribuitur. Nos per Spiritum sumus *ἐντυγχάνοντες* pro nobis ipsis. Spiritus *ἱκετεύων*, superaddit aliquid intercessionis nostræ; conciliat ei vim novam: facit ut vota nostra

XVII. Que sensum ac studium ejus continent.

non pro nostro solum studio, sed & pro suo habeantur. In quibus omnibus non modo nihil est, quod infra Majestatem summi numinis sit; sed cuncta potius incredibilem atque inæstimabilem Dei erga nos charitatem evincunt.

XVIII. Hic  
vero, qua  
sponsor.

XVIII. De *Filio Dei* pro nobis deprecante ita statuendum est, considerari eum posse bifariam, I. Ut *Deum*, II. Ut *Sponsorem*. Qua *Deus*, Patri ὁμοῦσι & ἰσότητι, non orat, sed oratur. Qua *Sponsor*, ex voluntate Patris & sua, susceperat ea in tempore præstare quæ ad plenissimam salutis nostræ impetrationem requirebantur. Illiusque Mediatorii muneris fere quoad omnes sui partes, præludia exhibebat ante unitam sibi humanam carnem. Huc pertinebat ea deprecatio: ita à nobis intelligenda, ut sit expositio voluntatis illius quam Filius Dei qua sponsor habebat, ut id quod ut bonæ fidei sponsor statò tempore suis impetraturus erat, nunc iis applicaretur. Quæ non est oratio nostræ similis, cum confessione indigentiae, aut subiectione ad maiorem, sed gloriosa declaratio illius voluntatis, quæ non potest esse nisi in Filio Dei, qui solus dignus est cui Mediatorium munus imponatur.

XIX. Solus  
Deus ado-  
randus.

XIX. Hactenus consideravimus *Orantes*, nunc de eo agamus qui *Orandus* est. Atque eum quidem solum Deum esse, in dubium vocari à Christianis hominibus non debebat. Secundum id quod tentatori dicebat Dominus Matth. IV, 10. *Dominum Deum tuum adorabis, & ei soli servies*. Penes Deum solum ea suprema *Majestas* est quam in precibus agnoscimus & veneramur Jer. x. 6, 7. Ille solus est *omniscius*, ut desideria, vota, & suspiria ἀνεκλαλητα omnium ubique locorum exaudire norit, I Reg. VII: 39. omnesque omnium necessitates scire. Matth. VI: 8. 32. Solus *omnipotens*, qui summa cum exuberantia omnia possit facere super ea quæ petimus aut exspectamus, pro illa vi agente in nobis. Eph. I: 20. Solus *omnis boni fons*, pater luminum, à quo omnis bona donatio, & omne integrum donum, superne descendit. Jac. I: 17. quique ex isthac sua scaturigine de torrente deliciarum ad beatam usque ebrietatem familiaribus suis bibendum dat, uberrime eos pinguedine domus suæ explens. Ps. XXXVI: 9. 10. In eo solo omnis idcirco precantium collocanda est fiducia. Jer. XVII: 5. 7. Verbo ut absolvam, is est cui dicitur: Ps. LXV: 3. TU AUDIS ORATIONEM, AD TE OMNIS CARO VENIET.

XX. Mente  
intenta in  
virtutes Dei,  
ac distinctas  
Dei: tis per-  
sonas.

XX. Cæterum non sufficit agnoscere solum Deum esse adorandum, nisi id porro attendamus qua ratione, quaque σχίσου, animæ, pie & scitè oranti, obversetur. In oratione ergo anima devota ac sapiens Deum contemplatur. I. Secundum virtutes suas, eas maxime quarum animadversio reverentiam, fidem, spem, zelum excitat. II. Secundum admirabilem illam personarum distinctionem, cui salutis nostræ œconomia in-  
ædificata

ædificata est. Juvat compellere Patrem, ut qui consilii pacis princeps auctor est, egitque de nobis adoptandis in filios per Iesum Christum, in sese, pro benevolæ affectu voluntatis suæ. Filium, ut Fratrem nostrum primogenitum, qui æterni Patris favorem nobis conciliat, nosque inviolabili testamento cohæredes suos mirabili prorsus modo facit. Spiritum Sanctum, ut regenerationis, sanctificationis, consolationis nostræ principium, & consummatorem. Hoc modo distincte individuae Trinitatis personas compellavit Paulus, 2. Cor: XIII: 13. & Johannes, Apoc: I: 4. 5. III. Denique ita Deum considerat is qui orat sapienter, quemadmodum est, & secum peccatore communicat, in Christo Mediatore, in quo coli vult, & sine quo uti par est ab homine peccatore coli non potest. *Hæc enim est voluntas Patris, ut omnes honorent Filium, quemadmodum honorant Patrem: qui non honorat Filium, non honorat Patrem, ut qui misit eum.* Joh: v: 23. Et sane dignus est Agnus ille mactatus, qui accipiat potestatem, & divitias, & sapientiam, & vires, & honorem, & gloriam, & benedictionem: dignus cui res omnes conditæ, quæ in cælo sunt, & quæ in terra, & sub terra, & in mari, & quæ in eis sunt omnia, una voce occinant: *Ei qui insidet throno, & Agno, benedictio & honor, & gloria, & robur in secula seculorum.* Apoc: v: 13. 14. Hoc est nomen illud supra omne nomen quo Christum donavit Deus, ut ad nomen Jesu omne genu se flectat, cælestium, ac terrestrium, & subterraneorum, omnisque lingua profiteatur Jesum Christum esse Dominum, ad gloriam Dei Patris. Phil. III. 9. IO. II.

XXXI. Ex quibus omnibus patet, quod circa Christum Mediatorem & Dominum nostrum speciali ratione nostra versetur oratio. Quomodo autem ille in oratione considerandus sit, id enimvero inquisitu dignum est. Non libet nunc eam disputationem ingredi qua olim præstantissimorum etiam Theologorum distracti sunt animi, *An Christus qua Mediator sit adorandus.* Ea enim, si affectus absint, in *λογωμαχίαν* recidere videtur, quandoquidem Orthodoxi omnes in sequentibus conveniunt hypothesebus. I. Fundamentum adorationis esse solam Divinitatis præstantiam; neque adorandum fuisse Jesum nisi summus cum Patre Deus esset: unde ex adoratione Jesu debita æterna ejus Divinitas solide infertur. II. Ipsum Mediationis opus continere in se *Θεία ἀντίκτυπα*, Divinæ præcellentiae argumenta, & exerceri non posse a non Deo; ipsamque adeo *ταπείνωσιν*, & assumptionem formæ servi, includere ac supponere, Divinæ Personæ, hoc ex pacto quod Deo dignum sit facientis, infinitam dignitatem. III. Gloriam illam excellentissimam qua Christus secundum humanam naturam donatus est, indicium atque argumentum Divinitatis Christi esse. Neque enim humana Christi natura ad eum gloriæ gradum erecta fuisset, aut

XXI. Speciali ratione circa Christum Mediatorem nostram versatur oratio.

*Ἰσχυροῦς* evehi potuisset, nisi esset humana natura Filii Dei. IV. Non tamen eam humanæ naturæ gloriam, quantamcunque illam esse prædicamus, efficere ut Christus secundum humanam istam naturam, sive quatenus homo est, quamvis glorificatus homo, adorandus sit. V. Attamen Mediatorem esse adorandum, qui *Ἰσαβήρως* est; imo & qua Mediatorem in oratione considerandum esse; eaque à Christo petenda quæ qua Mediator facit. Quod superesse potest controversiæ, pendet ex subtili & scholastica illa interpretatione particulæ QUA, quam scriptura in hoc negotio nunquam adhibet.

XXII. Quæ ratio distincte explicatur.

XXII. At nos nunc praxin orationis ad Christum directæ exponamus, quæ profecto non hæret in scholasticis subtilitatum minutis. Circa eum ergo ita versari & potest, & debet piorum oratio. I. Ut religiose perpendentes mediatorii muneris præstantiam, Filium Dei laudent tanquam qui solus idoneus & dignus est tantæ molis opus in se suscipere, & peragere. Opus certe de quo dici non possit, ut est apud Moysen Deut. xxxi 1: 27. *Non Jehova fecit hoc.* Hæc est gloria Mediatoris Christi, ut quivis ei dicat, *Utique in Jehova omni: justitia & robur est, ad eum quisque veniet: in Jehova justificabuntur, & gloriabuntur totum semen Israël.* Jes. xlv: 24. 25. II. Ut confidant, sperent, delicientur, jubilent in immensa ista charitate, qua vadimonium pro iis obire, & quæ eo pertinent omnia præstare voluerit. Hoc est canticum illud novum quo viginti quatuor Seniores honorant Agnum, *quoniam*, inquit, *massatus es, & redemisti nos Deo per sanguinem tuum, ex omni tribu, & lingua, & populo, & natione: & fecisti nos Deo nostro Reges & Sacerdotes.* Ap: v: 9. III. Ut læti agnoscant gloriæ præcellentiam, etiam in humana natura resplendentem, quam post humiliationem suam consecutus est, glorificatus nunc *ea gloria quam habuit apud Patrem antequam mundus esset.* Joh. xvii: 6. Non quod humanam naturam adorari velim: hoc enim jam pridem occupavi, sed quod ex splendore isthoc incomparabilis gloriæ, qua secundum humanam naturam donatus est Christus, ad laudem & Patris & Filii piis meditationibus colligi velim, eam personam, quam adeo nunc glorificatam conspiciamus, non posse non gloriosum atque unigenitum Dei Filium esse, cujus Majestas olim sub velo carnis & servilis speciei occultabatur. IV. Ut ab ipso omnium quæ meritis est bonorum *ἐπιχορηγίαν* petant, secundum potestatem ipsi à Patre factam. Ap: i: 5. 6. *Gratia sit vobis & pax à Jesu Christo, qui est fides ille testis primogenitus ex mortuis, ac princeps Regum terræ: qui dilexit nos, & lavit nos à peccatis nostris per sanguinem suum.* V. Ut petant ipsius validissimam, & cui nihil negari queat, apud Patrem intercessionem. Nam quod non indignum est Christo facere, quod decet fideles de Christo credere, sperare, expectare; id de-

cet etiam orare. Nec est quod objicias, in tali oratione duas contrarias *σχέσεις* simul attribui Christo: dum enim oratur, agnoscitur eum pro summo; dum rogatur ut orat, id ab ipso peti quod subjectionem involvit. Etenim quam duæ in Christo *σχέσεις* distincte considerandæ sint, *σχέσις* Filii Dei, *ὁμοσίου καὶ ἰσοτύπου* cum Patre, & *σχέσις* Mediatoris, secundum quam Patri se subiecit: sciendum est eum orari secundum illam, orare secundum hanc habitudinem. Neque ipsa illa Christi oratio prorsus infra dignitatem Divinæ personæ est: nam uti subjectionem aliquam humanæ naturæ importat; ita notat voluntatem Filii Dei *αὐτοκρατορικῇ*. *Pater, quos dedisti mihi, θέλω VOLO ut ubi ego sum, illi quoque tecum sint.* Joh: xvii: 24. VI. Ut precibus suis ad eum tanquam ad Pontificem suum eant, petentes ut velit eas Patri repræsentare, & virtute suæ oblationis ac intercessionis omnia vota nostra & sacrificia laudis grata Deo facere.

Ap: viii: 3.

XXXIII. Pulchre *Origenes* contra *Celsum* Lib. viii. pag. 386. Edit: *Cambrig*: τὸν ἕνα Θεὸν, καὶ τὸν ἕνα υἱὸν αὐτοῦ καὶ λόγον καὶ εἰκόνα, ταῖς κατὰ *genes lau-*  
τὸ δυνατόν ἡμῶν ἰκισίαις καὶ ἀξιώσεσι σέβωμεν, προσάγοντες τῷ Θεῷ τῶν *datus.*  
ἔλων τὰς εὐχὰς διὰ τοῦ μονογενοῦς αὐτοῦ ὡς πρῶτον προσφαιόμεν αὐτὰς, ἀξιῶ-  
τες αὐτὸν ἰλασμὸν ὄντα περὶ τῶν ἁμαρτιῶν ἡμῶν, προσάγαγῃν ὡς ἀρχιε-  
ρεῖα καὶ τὰς εὐχὰς καὶ τὰς θυσίας, καὶ τὰς ἐντεύξεις ἡμῶν τῷ ἐπὶ πάνσι Θεῷ.  
*Sed unum Deum, & unum ejus Filium, & Verbum, Imaginemque,*  
*quantum possumus, supplicationibus & honoribus veneramur; offerentes Deo*  
*universorum Domino, preces per suum Unigenitum: cui prius eas adhibe-*  
*mus, rogantes, ut ipse qui est propitiator pro peccatis nostris, dignetur*  
*tanquam Pontifex preces nostras, & sacrificia, & intercessionem offerre*  
*Deo Optimo Maximo.*

XXIV. Postulat pietas in Divinum Servatorem nostrum, ut Theol- *xxiv. vi-*  
ogiæ Socinianæ virus hic detegamus: quorum illi, qui plurimum hono- *ras Theolo-*  
ris Christo deferre videri volunt, & *Invocantes* apud ipsos dicuntur, distin- *giæ Soci-*  
guunt inter *Adorationem*, quam definiunt reverentem nostri coram aliquo *nianæ circa*  
indeclinationem; & inter *Invocationem*, quæ sit religiosa compellatio, *adoratio-*  
& imploratio opis, Utramque ajunt concessam esse Christo, nullam natu- *nem Christi.*  
ram habenti præter humanam illam quam habet ex Maria Virgine. Sed  
& utramque pugnant subordinatam esse Deo, & in eum terminari. Ad-  
dunt, Adorationem ab Angelis etiam Christo præstandam esse: Invocationem  
à solis hominibus; qui Christi ope indigeant. Illam præceptam, ac  
necessariam esse; hanc licitam modo, & convenientem.

XXV. Quibus Assertionibus has opponimus *ἀντιθέσεις*. I. Creaturam *xxv. ido-*  
quancunque præter Deum religiose colere, character Idolatriæ est. Hoc *latria est,*  
enim argumento gentiliū idololatriam arguit *Paulus; Rom. i: 25.* quod *creaturam*  
*ἰσιλά-*

quamcun-  
que religio-  
se colere.

ἱερέας θύσαι καὶ ἐλάτρευσαι τῇ κτίσει παρὰ τὸν κτίσαντα: coluerint eos conditas & servierint iis prater conditorem. Particula παρὰ prater, notat ibi non exclusionem prioris, sed additionem alterius. Uti & I Cor: III: II. *Fundamentum aliud nemo potest ponere παρὰ τὸν κείμενον prater id quod positum est.* Et sane non eos solum perstringit Apostolus, qui præterito prorsus creatore omnem religiosum cultum ad creaturas transtulerunt; sed & eos culpat, qui conditorem omnium & crediderunt & agnoverunt, & præter eum tamen nescio quos δαίμονας, aut heroas, semideos, genios, mortuos homines, solem, sidera, ipsumque denique Universum religiose venerati sunt. Nam qui sapientiæ laude maxime inclauerunt, inter suos quidem professi sunt τὸν πῶτην καὶ πατέρα τῶ παντός uti Plato loquitur; sed; quemadmodum de iis testatur *Josephus Lib: II. contra Apionem, eis πλῆθος δόξαις προκατειλημῶν τῇ ἀληθείᾳ τῶ δόγματος ἐξενεγκῶν ἐκ ἐτόλμησαν ἀπὸ πλεβὴν πρæjudicatis opinionibus occupatam sententia istius veritatem publice enunciare ausi non sunt.* De cætero in omni Religionis negotio id fecere quod populus. *Seneca de Sacris receptis agens, quæ omnia, inquit, sapiens servabit, tanquam legibus iussa, non tanquam Diis grata.* Hæc mali moris velamenta, uti optime, observavit Grotius, injustitiæ convincit Evangelium, & hoc loco Paulus. Unde inferimus, injustitiam esse atque idololatriam, cultum religiosum rei cuiusque deferre præter quam Creatori.

XXVI. Cui  
& à quibus  
debetur  
Adoratio,  
eidem & ab  
eisdem de-  
betur Invo-  
catio.

XXVI. II. Non infitemur in precibus distingui posse προσκίνησιν, adorationem ab Invocatione, sive imploratione: quatenus illa notat venerabundam agnitionem Divinæ Majestatis, etiam corporis nostri gestibus demonstratam; hæc, petitionem opis. Sed contendimus utriusque eandem hæctenus esse latitudinem, ut cui, & a quibus, una debetur, eidem etiam, & ab iisdem, debeatur altera. Quem enim agnoscimus ut suprema præditi majestatem, ad adorationem: eundem necesse est agnoscamus ut infinitæ plenum bonitatis, ut ab eo quæ nobis utilia sunt petamus. Et vicissim. Hæc enim sunt inseparabilia. Angeli, uti agnoscunt majestatem Filii Dei, ita eundem agnoscunt ut Creatorem, & conservatorem suum, & fontem omnis boni quod possident. Col: I: 16. Nulla idcirco ratio assignari potest, cur non ab ipso petant continuationem suæ beatitudinis, & demonstrationem virtutum suarum in regno tam gratiæ quam gloriæ.

XXVII. Re-  
ligiosam  
adoratio-  
nem non  
concedit  
Deus non  
Deo.

XXVII. III. Religiosam adorationem non concedit Deus non Deo Jes: XLII: 8. *Ego sum Jehova, illud est nomen meum, & gloriam meam alteri non dabo.* Nota I. Christum ipsum hoc sermone a Deo Patre compelli: eique hanc gloriam tribui, quod datus sit in sædus populi, qui fœderis promissa non annunciet solum, sed & impetret, & præstet; & in  
lucem

*lucem gentium*, ut in ipso cum lætitia cognoscant gentes quis sit verus Deus, & in ipsius communione ac cultu servantur; quod per ipsum *aperiendi sint oculi cæci, educendi è claustro vincti, & è carcere sedentes in tenebris*: quæ veræ atque æternæ salutis collationem important. II. Hanc tantæ salutis conferendæ gloriam tantam esse, ut ea laus deferri non possit, ei qui non sit Deus. Nam qui futurus est fœdus populi, ejus est implere hanc fœderis promissionem, ego fiam ipsis in Deum, & ipsi fient mihi populus. III. Eam gloriam contineri significatu nominis Jehovæ: præter quem nemo Magnus ille populi servator esse queat. Sic enim ipse Cap: XLIII: II. *Ego, Ego sum Jehova, & nullus præter me est Servator*. Neque fas est Israël in alio ceu servatore suo gloriari, præterquam in Jehova. Jes: XLV: 24. 25. Quandoquidem ergo negat Deus se gloriam suam alteri daturum, qui Jehova non sit, & simul hac sua compellatione docet, se gloriam istam Christo dedisse; consequens est, ut eum una secum pro Jehova agnosci, & ut talem, honorari ac glorificari velit.

XXVIII. Quam disertam æternæ & immutabilis voluntatis Divinæ declarationem frustra quæsitis cavillis eludere conantur adversarii. Tria solent excipere: I. Per *alterum* intelligendum eum esse qui Deo sit contrarius: non, subordinatus. II. Quod *dare* hic significet, permittere ut præter jussum Dei ab aliis detur. III. Neque Christo datam esse eam gloriam ac laudem quæ sit Patris, sed *aliam*, minorem, ac *subordinatam*. At non difficile est iis respondere. Dicimus ergo ad I. Quum negat Deus *alteri* se eam de qua quæritur gloriam daturum esse, illa voce quæ latissimæ extensionis est, eos omnes excludit, quibus nomen Jehovæ in significatus sui plenitudine non competit. Docet enim non posse eam gloriam communicari cum quovis eorum qui non sunt Jehova. Ad II. Non *dabo* plus notat, quam non permittam ut meo injussu ab aliis detur; sed, neque ego jubebo unquam, neque permittam, ut quivis alius in laudis ac gloriæ meæ participationem veniat. Ad III. Religiosum cultum *subordinatum* scriptura non agnoscit: non certe in Christo; cui cultum attribuit ejusdem ordinis cum illo qui est Dei Patris. Et sane quem secum admittit Deus Pater ad communionem nominis Jehovæ, eorumque *ἀρχαῖαι* quæ istius nominis significatione continentur, eum simul admittit ad ejusdem cultus communionem qui debetur Jehovæ.

XXIX. Talem cultum, sine sacrilegio ac raptu, vindicat sibi ipse Christus; dicendo: UT OMNES HONORENT FILIUM, QUEMADMODUM HONORANT PATREM. Joh: v: 25. Non solum Filium suum honorari vult Pater, sed ita honorari ut honoratur ipse. Scio adversarios Honoris Christi excipere, quod particula *καθώς, sicut* non semper notet parificationem.

Orat. Dom.

C

nam,

XXVIII.  
Quæ veritas  
nullis cavil-  
lis eludi po-  
test.

XXIX. Cal-  
tus Christi  
ejusdem or-  
dinis est.  
cum ille  
qui debetur  
Patri.

nem, sed sæpe connexionem rerum quamvis disparium. Verum enim vero alicubi significat paritatem: & nihil obstat quo minus hic paritatem significet. Imo res ipsa jubet ut paritatem hic significare debeat. Nimirum ea de se prædicaverat Christus unde colligebant Judæi, *quod parem sese faceret Deo*, vers: 18. Hinc indignatio, ira, destinatio cædis. Quid agit Christus Dominus? Nunquid id tanquam dictorem suorum calumniam refellit? Nunquid contrarium asserit? Quod certe videtur debuisse facere propter gloriam Patris sui, & ad avertendam suspicionem blasphemie, si quidem blasphemia est, Christum cum Patre parem facere. At longe aliter instituit Christus. Multis argumentis diligentissime probat, quod nihil Deo indignum admiserit, nihil sibi temere arrogaverit, dum Deo se declarabat esse parem. Et profecto si Christus non vult paritatem intelligi, & Judæos erroris arguere vult, quibus videbatur se parem fecisse Deo, quare sic locutus est, ut æqualitas exaudiri possit? Quare si fidem & opinionem paritatis averfatus est, & ejus assertionem raptum & sacrilegium existimavit, non dixit potius, honorandum quidem esse Filium, secundum voluntatem Patris, at *non sicut* honoratur Pater? Aut cur non, si nimium sibi videbatur arrogasse, de honore Filii prorsus tacuit? Plane ergo toto hoc sermone id agit Christus, ut eodem honoris cultusque genere afficiendum esse doceat Filium quo afficitur Pater.

XXX. Expo-  
nitur Phil:  
II: 9. 10.

XXX. Non vacat nunc omnes adversariorum argutias excutere, quibus debitum Christo honorem impugnatum veniunt. Illud tamen retorquendum in ipsos argumentum esse videtur, quod sibi à Paulo suggestum gloriantur. Phil: II: 9. 10. Si enim, inquirunt, summi istius religiosi cultus gloria, Christo virtute æternæ alicujus Deitatis per se debeat, cur non Paulus id quidquid est honoris ac nominis Christo *καταρτισμένης* gratis à Patre datum esse scribit, idque in *premiū* antegressæ humiliationis atque obedientiæ, atque ita quidem ut terminetur iste honor *in gloriam Dei Patris*? Dignus enim vero hic locus est qui diligenter à nobis attendatur. Atque illud primo observandum, quomodo eum Paulus describat de cujus honore hic agitur. Versu 6. ita inquit; *ὅς ἐν μορφῇ Θεοῦ ὑπάρχων, ἑχ' ἀπαγμὸν ἡγήσατο τὸ εἶναι ἴσα Θεῷ*. Quid est *μορφῇ Θεοῦ*, forma Dei? Quid, *τὸ εἶναι ἴσα Θεῷ*, gerere se parem Deo? Quid illud *ἑχ' ἡγήσας ἀπαγμὸν*, non ducere pro raptu.

XXXI.  
Quid sit  
Forma Dei

XXXI. Forma Dei quid notet, non ex Philosophorum aut Scholarum glossematis sed ex Divinis oraculis discendum est. Respondet phra-si Hebraicæ *תְּמוּנַת אֱלֹהִים* / quæ exstat Num: XII. 8. *תְּמוּנַת אֱלֹהִים* Formam Dei adspiciet: iterumque Ps: XVII: 15. *אֲשַׁכֵּחַ בְּחַקֶּיךָ* *תְּמוּנַתךָ* satiabor, postquam experrectus fuero, forma tua. Ubi forma Dei notat ipsam Deitatem, quatenus illa se luculentissimis gratiæ ac majesta-



tis suæ indiciis prodit. Imo meretur disquiri an non forma Dei allegatis locis notet eam ipsam Divinæ Majestatis demonstrationem quæ in Filio Dei elucet. Nam illic singulare aliquid Mosi præ cæteris tribuitur prophetis. Quum ergo cæteri quoque illustria Divinæ Majestatis indicia conspicati sint, Mosi autem Deus locutus sit ore ad os, familiarissime, atque is formam Dei conspexerit, quod non contigit aliis; cogitari potest, an non credibile sit, Deum ei apparuisse ea specie humana qua deinceps visus est Filius Dei, sic ut in eo splenderet gloria veluti unigeniti a Patre. Et sane in eo beatitudo hominum sita est, quod, è somno mortis excitari, Christum sicuti est visuri sunt, & in eo reperturi satietatem gaudii. 1 Joh: III: 2. Col. III. 4. Quidquid sit, Forma Dei est ipsa Divinitas, illustribus se indiciis prodens. Quum igitur Christus in forma Dei fuisse dicitur, innuitur, eum, uti verus Deus est, ita se qua talem olim ostendisse, eaque forma visum esse in qua luculentissimum esset præsentis Deitatis symbolum.

XXXII. Hæc de Forma Dei. Nunc videamus quid sit *ἵνα ἴσῃ θεῷ*. XXXII. Acute observatum est ab eruditissimo interprete, distinguendas esse duas *Quid significare se pariter Deo.* phrasas, *ἵνα ἴσῃ θεῷ*, & *ἵνα ἴσῃ θεῷ*. Illud ex Joh: v: 18. notat parem esse Deo. Hoc autem notat apparere tanquam Deum, ita se gerere, ut Deo par est, in demonstratione Divinæ Majestatis ac gloriæ, *Non ducere pro raptu*, est existimare, talem actionem non esse sacrilegium, quo Deo eripitur, alterique attribuitur, quod Deo proprium manere debebat. Quæ omnia si jungantur, sensus dicti hic erit: Christum, quum verus Deus esset, speciemque Deitatis aspectabilem luculentissimis apparitionibus jam olim præ se tulisset; deinceps quoque existimavit, posse se sine ullo sacrilegio palam se verbis factisque Deum asserere, tantoque Divinæ Majestatis fulgore omnium aspicientium oculos ferire, ut omnem dubitationem, & contradictionem excluderet. Fuisse autem cussas, propter quas id facere ad tempus non duxerit esse consultum. Atque ita hic evidentem habemus assertionem illius dignitatis qua Patri par est Filius. Simulque habemus irrefutabile argumentum paris honoris ac cultus qui utrique debeatur. Paritas enim Divinitatis est fundamentum paris honoris.

XXXIII. Sed & illud perquam dignum observatu est, quod ipsa illa *καὶ ὁμοιωσὶς* ac *καταύωσις* Christi argumentum Divinæ dignitatis sit. Ea *xxxiii.* enim exinanitio atque humiliatio hic describitur, ut actio Christi spontanea, ex deliberato consilio profecta. Porro initium illius exinanitionis est in nativitate ipsius per quam factus est homo, Tunc enim quum in similitudine hominis fieri inciperet, mox assumpsit formam servi, quam ab eo tempore gestavit quo *ἵνα ἴσῃ θεῷ* *ὡς ἄνθρωπος*, *habitu inven-* *ipsum Christi exinanitio argumentum summæ Deitatis est.* *tus*

*tus est sicut homo.* Ex qua observatione tria sequuntur. I. Jam tum præ-existitisse Christum, antequam cum habitu & similitudine hominis formam servi sumeret. II. Ita præexistitisse, ut consilio eam formam induerit. Hoc enim *φρόνημα* Christi proponitur nobis pro humilitatis exemplo. III. Id quod ante eam formæ servi assumptionem fuit, plenum fuisse Majestatis & gloriæ. Id enim nisi sit, non est ea assumptio servilis formæ, humiliatio, nedum exinanitio. Porro si Christus ante carnis suæ nativitatem fuerit, si eam consilio sibi assumsit, si præditus fuit insigni Majestate, quam sub velo carnis formæque servilis occultuit, quod sine sacrilegio potuisset non facere, modo voluisset; consequens est ipsum Deum fuisse. Hæc enim totidem sunt Deitatis argumenta.

XXXIV.  
Uti & super-  
exaltatio,  
propter vo-  
luntariam  
exinanitio-  
nem ei con-  
cessa.

XXXIV. Tertio id quoque notandum, dignum Deo fuisse, ut post hanc Filii sui humiliationem, imo & propter illam, eum superexaltaret, eique *nomen* daret *supra omne nomen*. Ea superexaltatio, est demonstratio luculentissima magnæ illius gloriæ quæ occultata fuerat per voluntariam humiliationem. Sicuti autem ea occultatio sita erat in vili, contento atque abjecto habitu, quo conversatus est inter homines, nisi quod aliquando radii quidam sublimioris dignitatis emicarent: ita & demonstratio gloriæ. est in ea glorificatione illustrissima humanæ naturæ Jesu Christi, qua luculenter probatur, omnibusque aspicientibus patet, eam esse humanam naturam Filii Dei, eumque hominem, qui olim vix pro homine habebatur, esse revera Deum Benedictum in secula. Hoc enim est illud nomen supra omne nomen. Et sic iterum ad eam deducimur gloriam quæ Divina minor non sit. Hanc autem conveniens erat Christo deferri propter antegressam humiliationem. Quum enim ad gloriam Patris sponte eam humiliationem subivisset, gloria Patris exigebat ne frustra id fecisse Filius videretur. Quum blasphemiam damnatus esset ab injustis Senatoribus, eo quod se Filium Dei professus fuerat, neque raptum duxisset esse instar Dei; iustum Deo Patri fuit clarissime declarare, merito id fecisse Filium; eumque absolvere a blasphemiam crimine, quod impeggerant ipsi adversarii, quibus humilitas ipsius offendiculo erat. In quibus iterum nihil est quod non evehat cogitationes nostras ad eam gloriam quam habuit Christus apud Patrem antequam mundus esset: & quam æquum fuit luculentissime demonstrari, postquam per voluntariam Oeconomiam aliquamdiu occultata fuisset.

XXXV. Et  
nomen su-  
pra omne  
nomen.

XXXV. At neque id prætereundum: quum Paulus dicit Christo datum esse *nomen supra omne nomen, ut in nomine Jesu omne genua flectat*, citat verba Prophetiæ quæ invenitur Jes: XLV. 23. quam & alibi Christo applicat Rom: XIV: 10. II. docetque collationem hujus gloriæ esse complementum illius prædictionis. Videamus ergo an apud Prophetam agatur de Gloria quæ Divina minor, eique subordinata sit. Pondera quisquis

quis ulla Dei, ulla Christi Domini reverentia duceri, hanc Divini sermonis magnificentiam. *An non ego Jehova? nullusque amplius Deus prater me, Deus fortis, justus, & servator? Nullus praterquam ego. Respicite ad me, & servemini omnes fines terræ: nam ego sum Deus fortis, nullus prater ea.* Hoc ergo est nomen supra omne nomen: JEHOVA, DEUS FORTIS, JUSTUS, SERVATOR, PRÆTER QUEM NULLUS. Quo majus atque augustius ne cogitando quidem fingi potest. Atqui hoc nomen ei competit, ad quem, ut ad unicum Servatorem, convertere se oportet omnes fines terræ. Et quis illæ præter Filium Dei, *quem constituit Pater in lucem gentium, & ut sit salus ipsius ad extremitatem terræ?* Jes: XLIX. 6. Is servator ita nunc pergit loqui: *per me juravi, prodiit ex ore meo juste verbum, quod non revertetur; mihi incurvatum iri omne genu, juraturam omnem linguam.* Adde & illud nomen quod femori & vesti servatoris inscriptum Johannes vidit Ap: XIX: 16. ΒΑΣΙΛΕΥΣ ΒΑΣΙΛΕΩΝ ΚΑΙ ΚΥΡΙΟΣ ΚΥΡΙΩΝ. Hoc quoque in præmium antegressæ humiliationis datum est Christo, qui ex mortuis redivivus declaratus est PRINCEPS REGUM TERRÆ Ap: I: 5. Estque in isthac dignitate fundamentum illius honoris qui incurvatione omnium genuum ei deferendus est. Hæccine gloria est, quam quis sine blasphemia Divinâ inferiorem ducat, dicatve? Talis vero est ea gloria, quam tota hac pericopa Christo Paulus asserit.

XXXVI. In cujus fraudem cedere non debet, quod ea Christo *ἵκεται* XXXVI. *ἵκεται*, five *gratis data* esse dicatur. Etenim si Christum qua Filium Dei spectemus; sicuti virtute æternæ admirabilis atque incomprehensibilis generationis suæ à Patre, id habet ut Deus Filius sit; ita virtute illiusdem generationis ab æterno, habet omnes Deitatis præcellentias, à quibus iste de quo agimus adorationis honor separari non potest. Si autem spectemus Christum Mediatorem, illud ipsi in tempore, post humiliationem suam, dedit Pater, ut præcellentiæ illæ Deitatis illustrissimo fulgore splenderent in unita sibi natura humana. Quæ quidem non sit isthoc pacto Deificata; sed declarata, comprobata, ipsoque facto demonstrata natura humana Filii Dei esse, in excelsissimo gloriæ gradu ad quem vehi creatura potest. Adeo quidem ut quibuscunque datur Christum ita glorificatum cognoscere, illi simul agnoscere cogantur, ex incomparabili illa gloria, eum hominem Magnum Deum esse, atque idcirco dignum quem omnes ceteri adorent. Hoc est illud, quod Christo Mediatori in tempore gratificatus est Pater.

XXXVII. Ceditque ea Christi gloria *ad gloriam Patris*. Patris enim XXXVII. *Ad gloriam Patris.* gloria est talem habere Filium, qui peracto feliciter ingenti illo redemptionis opere, nunc ut gloriosus omnium à se redemptorum Princeps, intaminatis fulget honoribus. Atque hæc quidem de adoratione Christi Media-

toris nunc dicta sunt. De adoratione Spiritus Sancti nihil speciatim addam: quippe de qua prolixè actum *Exercitatione XXI. in Symbolum.*

XXXVIII.  
Oratio est  
alloquium  
Dei.

XXXVIII. Explicuimus hactenus *quis oret*, tum *quis oretur*: nunc tandem inquiramus, *QUA IN RE IPSA ORATIO SITA SIT.* Diximus eam esse *alloquium creatura rationalis ad Deum.* Quod & *Clemens Alexandrinus* monuit *Strom. Lib. VII. p. 722. ὁμιλία πρὸς τὸν Θεόν, ἡ εὐχή.* Et Deus ipse orantes *verba secum sumere* jubet, *Hol: XIV. 3.* Alloquium illud institui potest dupliciter, vel *mente sola*, vel addito *sermone oris.* Deus, quum mens sit perfectissima, omnes mentis nostræ cogitationes non minus perspectas habet quam si clamoso sermone promerentur. *Ps: XXXVIII: 19. Domine, coram te est totum desiderium meum, & suspirium meum à te non est absconditum.* Neque dubium est, quin mens in oratione sit præcipua. Inde semper incipiendum. Oratio *invenienda est in corde.* 2 *Sam: VII: 27.* Non sine ratione parietibus Synagogarum suarum opportunum orantibus monitum inscribunt Judæi: תפלה בלא כוונה נשמה בלא נשמה ORATIO SINE MENTE EST VELUTI CORPUS SINE ANIMA.

XXXIX.  
Quid sit.  
Deum ora-  
re in Spiritu  
ac veritate  
Joh: IV: 23.

XXXIX. Lubet hac occasione lucem fornerare uni alterive scripturæ dicto, quod de mentali oratione agit, neque passim in omni vi significationis suæ allegari solet. Dominus Jesus cum Samaritana comiter disputans, hoc ei inter alia inculcat: *Venit tempus & nunc est quum veri adoratores adorabunt Patrem Spiritu ac veritate: etenim Pater tales querit qui ipsum adorent: Deus est Spiritus, & qui adorant eum, oportet ut Spiritu ac veritate adorent.* *Joh: IV: 23. 24.* In Spiritu & veritate adorare duo significare potest; alterum quod commune est omnibus temporibus: alterum quod uni alicui tempori est proprium. Omnibus commune temporibus est, Deum adorare *Spiritu*, id est, *mente*, non externis solum corporis gestibus, & *veritate*, id est, *sincere* ac sine fūco. Sic ut spiritus opponatur corporis gestibus, veritas fūco atque hypocrisi. Omni ævo hoc obtinuit, ut nullus cultus Deo gratus esset nisi talis. Hoc Judæi scivere, neque ignoraverunt Gentiles. Judæorum dogma ab eo Christi non abludens, ex Euchologio eorum, citavit *Ludovicus Capellus.* בנה אקדס פני כי אם ברחמי כי אין לאיש נכבד כנסו שו *quare potius præveniam faciem ejus nisi spiritu meo? Nihil est enim homini pretiosius anima sua.* In Latino quoque versu est, *Deum pura mente colendum* esse, quod Persius dixit, *compositum jus fasque animi.* Idque ex eo deduxere, quod Deus sit *animus*, aut ut Dominus noster loquitur, Spiritus, qui idcirco mente ac sinceritate delectatur. Pulcherrime Hierocles, Grotio in hunc textum laudatus: τὸ εὐθεὸν φρόνημα διαρκῶς ἡδρασμένον σὴνᾶπται Θεῷ· χωρεῖν γὰρ ἀνάγκη τὸ ὁμοιον πρὸς τὸ ὁμοιον. *Mens Divina inspiratione gaudens, ac sufficienter firmata*

*firmata contingit Deum : Simile enim ad simile accedere necesse est.* Sed & aliquid verbis Domini continetur quod Oeconomiae Novi Testamenti est proprium. Et tunc Deum adorare in Spiritu & veritate est eum colere sine apparatu elementorum mundi & praecepti carnalis, sine figuris & umbris, sine respectu ad certum aliquem locum certosque ritus. Tum *Spiritus* opponitur *Literæ* ac *Præcepto Carnali : Veritas Umbris.* Hoc quoque ex eo deducitur quod Deus *Spiritus sit, Mens*, ut Cicero ait, *soluta & libera, segregata ab omni concretionem mortali* : quare corporeo cultu nec per se nec præcipue delectatur. Non longe hinc abit quod ex *Philone* laudat *Grotius* γησίς μὴ θραπείας ἀσπάζεταιται Θεὸς γησίαι δι' εἰσιν αἱ ψυχῆς καὶ μὴν θησίαι φέρουσιν ἀλήθειαν. *Genuinis cultibus delectatur Deus : Genuini autem illi anima cultus sunt, quæ nudam solamque victimam offerat, Veritatem.* Et si tempus aliquod correctionis expectandum fuerit, uti fuit, conveniens Deo fuit eo saltem tempore ostendere, non placere sibi nisi rationalem cultum, non alligatum temporibus locisque. Supra *Menandrum* est, quod Tamen scripsit *Menander*, πάντ' ἐστὶ τῷ καλῷ λόγῳ ἱερὸν ὃ νῦν γὰρ εἰνὶ ὁ λαλῶν Θεῷ : *Bona menti omnia pro Templo sunt. Animus enim est, qui loquetur Deo.* Eam horam venire dicit Dominus, quia tempus destructionis templi Hierosolymitani destinatum appropinquabat : imo jam esse, quia jam tum fideles incipiebant de ea re erudiri.

XL. Aliquanto obscurior est Pauli ῥῆσις. I Cor: XIV. : 14. 15: *Si orem lingua, spiritus meus orat, sed intelligentia mea est infructuosa. Quid est igitur? orabo spiritu, sed orabo etiam intelligentiâ.* Quid hic est orare *Lingua*: quid, *Spiritu*? quid, *Mente*? *Lingua* significat hic sermonem aliis incognitum, cujus usum quis singulari Spiritus Sancti dono consecutus sit. Credibile est eos ex Corinthiis, quibus donum linguarum concessum erat, præ cæteris charam habuisse Hebræam; adeo ut ea conciones & preces suas etiam apud cives non intelligentes recitare amaverint. Allecti linguæ illius præstantia, & in scrutandis priscis oraculis utilitate: fortassis etiam imbuti ea opinione, quæ apud Judæos passim vigeat, verba Legis & Prophetarum primo Hebraice legenda, tum vulgari idiomate exponenda esse. Preces autem Deo longe gratissimas, quæ Hebræa lingua conceptæ essent; cæteras propemodum profanas. Ne Arabica quidem lingua, quamvis proxime ad Hebræam accedat, publicas in Synagoga preces concipi patiuntur, nedum aliis linguis quarum multo minor cum Hebræa affinitas est: qua de re videri possunt *Jacobus Capellus* & *Lichtfootus*. Neque solos Hebræos ea opinio incescit. De aliis etiam *Clemens Alexandrinus Strom: Lib: 1.* Ἐπεὶ καὶ τὰς μυχὰς ὁμολογῶσιν οἱ ἄνθρωποι δυνατωτέρας τὰς βαρβάρῳ φωνῇ λεγομένας : *quandoquidem & eas preces validio-*

XL. Item  
lingua, spi-  
ritu, mente  
I Cor: XIV:  
14, 15.

*validiores esse censent homines qua Barbara lingua dicuntur. Lingua igitur Orare est orare sermone cæteris incognito, exempli gratia Hebræo apud Græcos. Eo sensu dixerat versu 1. Qui loquitur linguā, non hominibus loquitur, sed Deo: nullus enim audit.* Id est qui peregrina lingua loquitur, cujus cognitionem singulari Spiritus dono consecutus est, is Deum solum conscium ac testem habet; non item homines linguæ istius ignaros, ad quorum ædificationem aut parum oppido, aut nihil confert. Spiritus hic notat donum illud extraordinarium, quo homo ad certo modo agendum impellitur, motibus ferme extaticis; ut neque ipse admodum percipiat quid dicat, neque alii intelligant quid velit. Spiritu orare, est ita orare ut ostendas adesse tibi donum extraordinarium spiritus quo vehementer commovearis & rapiaris ad ea quæ admirationem eient. Nōs intelligentia, Mens, videtur hic potissimum transitive sumi, ut notet id quod alteri intelligendum damus: quo sensu usurpatur תבונה / cui respondet וָסֵס. תבונתך נא וְסֵס / inclina aurem tuam ad intelligentiam meam, id est ad ea quæ intelligenda tibi daturus sum. Prov: v: 1. Mente orare, est ita orare, ut vota, quæ sedata mente concipis, ita exponas, ut ab aliis quoque concipi atque intelligi queant. Paulus ergo hic se proponit pro exemplo decori. Si orem lingua ignota in coetu apud quem oro, sed quam spiritus afflatu didici; Spiritus quidem meus orat; id donum in me operatur, quo impellente ad insolita & mirabilia excitor: Sed intelligentia mea est instructuosa, conceptus meos alteri cum fructu intelligendos non do. Quid igitur: Orabo Spiritu, non obnitar equidem, si res ita ferat, vehementi illi Spiritus emotioni: Sed orabo etiam intelligentia, ostendam me non insanire, sed mentis compotem esse, operamque dabo ut & alii mea isthac oratione ædificentur. Pertinent ergo hæc omnia ad ea tempora, quibus insolita spiritus dona vigeabant in Ecclesia; neque in hodiernis fidelium precibus usum habent, nisi analogice.

XLI. Clara voce orandum esse, multi voluerunt.

XLI. E diverticulo nunc in viam redeamus: inquisituri, an suspiriis ἀνεκλάληται absolvi nostra debeat positive oratio, an jungere oporteat sermones oris? Hebræorum magistri in omni oratione sermonem exigunt, eatenus saltem ut ab ipso orante audiat. Quomodo Annam orasse legimus, ita cum animo loquentem ut labia moverentur, vocis sonus ab aliis non audiretur, 1. Sam. 1. 13. Pythagoras suos docebat *μὴ φωνῆς εὐχεσθαι, clara voce orare.* Non quasi existimaret Deos aliter non intelligere, sed οὐ δικαίως ἐβέλστο εἶναι τὰς εὐχάς, quod iustas vellet esse preces. Pertinet huc Martialis illud Lib. 1, Epigr: xl.

*Si quis erit recti custos, imitator honesti,*

*Et nihil arcano qui roget ore Deos.*

*Nec abludit Persius, Satyra 11.*

*— non tu prece possis emaci*

*Qua*

*Quæ nisi seductis nequeas committere divīs.*

*Haud cuivis promptum est murmurque humilesque susurros*

*Tollere de templis, & aperto vivere voto.*

Præclare in hanc rem Seneca Epist. x. Tunc scito te omnibus cupiditatibus solutum, quum eo perveneris, ut nihil roges Deum, nisi quod rogare possis palam. Nunc enim quanta demencia est hominum? Turpissima vota diis insusurrant: si quis admoverit aurem, conticescent, & quod scire hominem nolunt, Deo narrant. Et mox. SIC VIVE CUM HOMINIBUS, TANQUAM DEUS VIDEAT: SIC LOQUERE CUM DEO, TANQUAM HOMINES AUDIANT. Aurea profecto sententia, dignaque quæ menti nostræ continuo obversetur.

XLII. At plura hic observanda sunt. Distinguendum inter preces publicas, & privatas. Atque illas quidem quæ præsentæ cætu ab Antistite funduntur sonoras esse oportet, sermone qui cætui cognitus sit, ut omnes respondere possint, Amen. I Cor: XIV: 16. Hoc promittebat Ecclesia. Hof: XIV. 2. וְנִשְׁלַח פִּיךָ שְׂפָתֵינוּ & *retribuemus juvencos, labia nostra.* Sic enim proprie Hebræa sonant. Oblatione juvencorum fiebat confessio reatus, professio fidei in oblationem Messiae, & protestatio animi ad omnia obsequia promti, etiamsi in sui gratiam vel mori Deus jubeat. Id omne explicatius est in precibus labio non fucato pronuntiatis. Ideoque pro juvencis, vel cum juvencis, labia sua pollicentur. In privatis precibus sermo non est absolute necessarius: non tamen semper omittendus: I. Quia corpus quoque nostrum Dei est, in quo glorificari ipsum oporteat. I Cor: VI: 20. Inter membra nostri corporis excellit lingua, qua vix aliud nobilius, usu præstantius, effectis mirabilius, non dicam in humano corpore, sed in toto invenitur universo. Hinc gloria hominis dicitur. Ps: XVI: 9. col: c: Act: II: 26. Ideoque ad gloriam numinis quam maxime adhibenda Ps: LVII: 9. 10. *Evigila gloria mea. Celebrabo te in populis, Domine.* Ps: LXXI: 15. *Os meum narraturum est justitiam tuam, toto die salutem tuam, quamvis ignorem numeros ejus.* II. Quia ubi cor spiritualibus motibus plenum est, vehemens ille affectus facile & quasi sua sponte ciet plectrum linguæ: *ex abundantia enim cordis loquitur os.* Math. XII: 34. III. Quia expedit sæpe nobis ipsis, tam ad compescendos vagos animi motus, quam ad excitandos affectus; per arctam illam unionem animæ & corporis.

XLIII. Vitanda tamen in omnibus tam privatis quam publicis Precibus *Battologia* est, sive verborum eodem recidentium inanis atque ambitiosa repetitio, Domino damnata Mat: VI: 7. Non vetamur aliquamdiu producere & continuare orationem, quod & Christus & Apostoli fecerunt; neque id quod sollicitè expectamus repetere aliquoties, sive iisdem verbis,

*Orat. Dom.*

*D*

*sive*

XLII. At  
distinctione  
opus est.

XLIII. Vi-  
tanda est  
Battologia.

sive eodem redeuntibus, quod in Psalmis est frequentissimum. Sed prohibemur Deo verba annumerare, quasi ille preces ex prolixitate potius, & labore externi illius operis, quam intimo animi affectu metiretur, *Epiphanius* dixit, *διὰ λεπτολογίας προσευχόμεναι*: quod fit quum multis idem, neque necessario effertur. Additque exemplum, ut si quis dicat: *Σὴ ἔστιν ἡ δύναμις, σὸν τὸ κράτος, σὴ ἔστιν ἡ τιμὴ, σὴ ἔστιν ἡ δόξα, σὴ ἔστιν ἡ εὐλογία, σὴ ἔστιν ἡ ἰσχύς, σὴ ἔστιν ἡ δύναμις*. Prorsus uti illi, apud *Lampridium* in *Commodo*; *Parricida trabatur, rogamus, Auguste, parricida trabatur. Hoc rogamus, parricida trabatur*. Hoc vitio in orationibus suis plurimum laborabant gentilium multi, qui uti est in Comoedia, Deos suo ex ingenio judicabant, ut nil crederent intelligere, nisi idem dictum esset centies. Suis vero stulta ista opinione interdicat *Iesus*. Idem alio verbis jam olim praeceptum fuerat à *Syracide*. Cap. VII: 5. *Μὴ δευτερώσης λόγον ἐν τῇ προσευχῇ σου*.

XLIV. Promissio de exauditione precum, sub restrictionibus quibusdam est intelligenda.

XLIV. In isthoc alloquio, quo is qui orat, compellat Deum exponit numini quum *necessitates* suas, tum *desideria*. Phil: IV: 6. Idque cum *spe exauditionis*. Jac: I: 6. nixa promissione Dei Mat: VI: 6. Quæ tamen sub certis quibusdam restrictionibus intelligenda est, I. Ut is qui orat rite sit dispositus ad orandum. Job: XI: 14. Neque enim eos audit Deus, qui ipsum audire renuunt. Prov: I: 24. — 28. XXVIIII: 9. Jes: I: 15. Joh. IX. 31. II. Ut oratio recte instituatur. Jac: IV: 3. I Joh: V: 14. III. Ut non adstringatur Deus ad tempus quod nobis commodum videtur; sed ipse agat pro sua sapientia. Eccl: III: 11. Act: I: 7. Ps: XXII: 6. Ps: LXIX: 14. Jes: XLIX: 8. col: cum 2 Cor: VI: 2. IV. Ut exaudire non tum modo censeatur, quando rem petitam dat, sed & tum, quando illius loco id dat quod pro summa sua sapientia magis nobis expedire novit. Gen: XVII: 18. 19. 2 Cor: XII: 8.

## EXERCITATIO II.

DE

### Orationis Utilitate, & Necessitate.

#### BREVIARIUM.

I. *Capita nunc tractanda.* II. *Caro infert, Orationem esse supervacaneam* III. *Inutilem.* IV. *Contumeliosam Deo.* V. *At perperam.* Vult enim Deus, ut *necessitates* nos nostras nosse profiteamur. VI. *Et ut preces nostra consilio ipsius inserviant.* VII. *Quod à Davide, & Daniele observatum.* VIII. *Neve adstricta nimis prece Majestati ejus ponamus terminos.* IX. *Judeis, ipsisque Gentilibus id agnoscantibus.* X. *Preces nostra Divina*



*Divina Bonitati nil præjudicant. XI. Potissima Religionis pars sunt. XII. Earumque neglectus est expulsio timoris Dei. XIII. Est in iis agnitio Divina Majestatis. XIV. Et Omnisufficiencia. XV. Et Omniscia sapientia. XVI. Et Omnipotentia. XVII. Et Bonitatis. XVIII. Nostra nos egestas precum necessitatem docet. XIX. Quarum officium omnibus incumbit hominibus. XX. Quo tamen nemo rite defungitur, nisi qui regenitus est. XXI. Parentum est, à prima pueritia liberos suos ad preces erudire.*

**A** Tque hæc quidem nobis de Orationis definitione dictata sunt. Nunc de illius UTILITATE ac NECESSITATE videamus, sive, quænam nostra sit ad eam obligatio. Ubi primo refutanda sunt arguta male suadæ carnis ratiocinia; deinde adstruenda salutaris Veritas.

II. Caro infert Orationem esse SUPERVACANEAM; quorsum enim obtundemus Deum quæsitâ necessitatum nostrarum enarratione; quæ eo odiosior esse debet, quanto prolixior atque frequentior est? Deus enim ipsis nobis multo melius cognoscit, quibus rebus indigeamus. Neque perpera videri debet hæc illatio; quum non multum abludat ab illa Domini Mat: VI: 31. *Ne estote solliciti — Nam omnia ista gentes requirunt: novit autem Pater ille vester cælestis, vos indigere his omnibus.*

III. Additur, Orationem esse INUTILEM. Quum enim Deus ætern<sup>o</sup> atque immutabili statuerit decreto, quid cuique homini eventurum sit, frustra eum multa prece fatigabis. [Quod decreto tibi destinatum est, etiam non oranti obtinget. Quod non est destinatum, ne millenis quidem precibus impetraveris. Et quum Dei in eo consistat gloria, ut de eo quod semel placitum est ne latum quidem pilum discedat; impium esse videtur id ab ipso contendere, ut, in miseri homuncionis gratiam, constantiæ suæ vim faciat.]

IV. Unde porro infertur orationem esse CONTUMELIOSAM, non modo *Constantia* Divinæ, sed & *Majestati*, quæ reverentius à nobis habenda est, quam ut nostra ei exponere ausimus desideria, quum fatius sit, ut, omnia ejus committentes arbitrio, in suprema ista voluntate acquiescamus: imo & *Bonitati* Dei, cujus gloria in eo quoque sita est, ut vota nostra præveniat, & ex opulentissimo benignitatis suæ thesauro, etiam non petentibus, se cum bonis suis fruendum concedat. Jes: LXV: 1. *Expositus sum eis, qui non interrogabant, inventus sum ab eis qui non quærebant me: dixi, ecce me, ecce me, genti qua non vocatur de nomine meo. iterumque vers: 24. Eritque nondum clamantibus, ut ego respondeam,*

I. Capita  
nunc tra-  
tanda.

II. Caro in-  
fert, oratio-  
nem esse su-  
pervaca-  
neam.

III. Inuti-  
lem.

IV. Contu-  
meliosam  
Deo.

V. At perperam. Vult enim Deus ut necessitates nos nostras agnoscere profiteamur.

V. Sed quantumvis hæc speciosa videantur, procul tamen à soliditate, veraque in Deum pietate repulsa sunt. Novit utique necessitates nostras Deus, neque nostra indiget monela; vult tamen ut & ipsi quoque eas agnoscamus, & agnoscere oratione profiteamur. Ne & nobis id aliquando exprobetur, quod Laodicensium Ecclesiæ: Ap: III: 17. *Dicis, dives sum, & ditatus sum, & nulla re mihi est opus: neque nosti te esse arummosum, miserabilem, & pauperem, & cæcum, & nudum.* Ipseque aliquando ita se gerit Deus, quasi res nostras ignoret, atque adeo ignorare velit, donec eas ad ipsum referamus. Memorabilis in hanc rem historia extat, Exod: II: 23. 24. 25. *Fuit autem diebus illis, qui multi fuerunt; quum mortuus esset Rex Egypti, ut suspirarent filii Israelis præ servitute illa, & vociferarentur: & eorum clamor de servitute illa ascendit ad Deum ipsum. Quam obrem UT AUDIVIT DEUS GEMITUM eorum, RECORDATUS est Deus FOEDERIS sui cum Abrahamo Isaaco & Jacobo. RESPEXITQUE Deus filios Israelis, & COGNOVIT Deus.* Eodem tendit Davidis observatio. Ps: CVI: 44. 45. *Respexit ad angustiam eorum, audito clamore eorum, & recordatus est pro eis fœderis sui, & pœnituit eum pro amplitudine benignitatum suarum.* Humano quidem hæc more de Deo dicuntur, cavendumque ne diluta interpretatione fraudem faciamus Divinis virtutibus: attamen vel hinc conficere licet, quam grata numini sit humilis necessitatum nostrarum expositio, quod ad eam eliciendam phrasibus uti voluerit, quæ, nisi dextre exponantur, minus ipso dignæ videri possent.

VI. Et ut preces nostræ consilio ipsius inserviant.

VI. Porro & illud verum est, fata Dei flecti non Possè precando: neque committendum nobis unquam est, ut nostri causa ullam consilii Divini mutationem fieri petamus. Id solummodo rogandus Deus, ut quæ animo suo destinavit, in nostrum commodum gratiose exsequatur: atque ita preces nostræ consilio ipsius inserviant. Quæ enim nobis bona dare decrevit, ea decrevit precantibus dare. Neque fas nobis est, ineptis ratiociniis adversus Deum sophisticari. Audiamus ipsum: Ez. XXXVI. 36. 37. *Ego Jehova readificabo id quod destructum, conseram id quod desolatum est: ego Jehova dixi, & faciam. Sic ait Dominus Jehovi: עַד זֶמֶן אֲדַרֵּשׁ יִלְכִּיתִּי יִשְׂרָאֵל לְעִשְׂוִיתָ לָחֶם* PRAETEREA ID ROGABOR A DOMO ISRAELIS UT FACIAM EIS. Firmitatem consilii de conferendo beneficio primo inculcat Deus; sed & subdit, velle se ut suorum interveniant orationes. Adde Jer. XXIX. II. 12. *Nam ego novi cogitationes quas cogito super vos, ait Jehova, cogitationes pacis, & non in malum; ad dandum vobis extremum & expectationem. Et invocabitis me, & indefinenter orabitis me, & exaudiam vos.*

VII. Quod

VII. Unde etiam factum est, ut illi qui sapientiæ non minus quam pietatis

pietatis laude fuerunt celebratissimi, postquam consilium aliquod Dei in ipforum commodum exstare intellexissent, in precibus suis fuerint ferventissimi. Pro exemplis sint David & Daniel. David auditis insignibus Dei promissis, & de eorum executione certus, non solum pro illa Divinæ benignitatis demonstratione gratias agit; sed & orat quam solícite uti dictorum suorum fidem liberare velit Dominus. *Nunc ergo, inquit, Jehova Deus verbum illud quod promissisti servo tuo, & familia ejus, præsta in seculum: & fac quemadmodum dixisti. Tu enim, Jehova exercituum, Deus Israelis, revelasti in aurem servi tui, dicendo; domum edificaturus sum tibi:* IDCIRCO JUDICAVIT SERVUS TUUS CUM ANIMO SUO, ORANDUM TE ESSE ORATIONE HAC. 2 Sam. VII. 25. 27. Daniel, quum intellexisset ex Jeremiæ vaticiniis, transportationi Babylonicæ præfinitum fuisse LXX. annorum numerum, eosque jam ad finem vergere animadvertet, mox se ad orationem composuit, eamque accuratissimam, qua Reipublicæ suæ restitutionem enixe contendit. Dan. IX. 2. 3. Adeo gloriæ sibi duxerunt viri sapientissimi pariter ac piissimi, quod precibus suis executioni Divini consilii inservire ipsis datum esset. Tantumque ab ea sophistication abfuere, quam nunc refutandam sumus.

VIII. Sed & illud est falsissimum, contumeliosas Deo esse fidelium preces. Ipse enim testatur eas sibi esse quam gratissimas, Cant. II. 14. Et quid ni essent? sunt enim *Φρόνημα πνεύματος, sensus spiritus S. Rom. VIII. 27.* quem & ipse habet, & nobis suggerit. Atque idcirco *Spiritus supplicationum* dici se amat. Zach. XII. 10. Et quo pacto injuriosæ essent preces *Divinæ Majestati*? quum in omni legitima precatione, qualem nos Christus docuit, sit protestatio acquiescentiæ nostræ in voluntate Divina. Neque enim fas esse arbitramur, ut sustineat quisquam adstricta nimis petitione Sancto Israël terminos ponere.

IX. De cuius rei absurditate nos Christianos convictos esse oportet, quum & Judæi eam & Gentiles agnoverint. Exstat sententia *Rabbi Symeonis in Capitulis Patrum, Cap. II. §. XIII. וְכָל תְּהִלָּתָהּ שֶׁנֶּחֱלָה: Orationem tuam fixam ne feceris.* Vetus Poëta apud Platonem in *Alcibiade* hanc formulam commendabat amicis:

Ζεῦ βασιλεῦ τὰ μὲν εὐχὰς καὶ εὐχομένοις καὶ ἀνέυκτοις

ἄρμυ διδῷ, τὰ δὲ δεινὰ καὶ εὐχομένοις ἀπαλεῖξαι.

Tu, Rex summe, dato nobis bona, siue rogemus,

Seu non: at mala vel poscentibus usque negato.

Xenophon de Socratis memorabilibus Lib. I. *Εὐχετο δὲ πρὸς τὰς θεὰς ἀπλῶς τὰ ἀγαθὰ δίδοναι ὡς τὰς θεὰς κάλλιστα εἰδούσας ὅποια ἀγαθὰ ἐστὶ: rogabat autem Deos simpliciter, ut ea quæ bona sunt sibi darent: quippe quum Dii omnium optime norint, quæ bona sint.* Juvat hic appingere

a Davide & Daniele observatum.

VIII. Neve adstricta nimis prece Majestati ejus ponamus terminos.

IX. Judæis ipsisque Gentilibus id agnoscantibus.

quod *Valerius Maximus* habet. *Lib. VII. Cap. II. Socrates, humana sapientia quasi quoddam terrestre oraculum, nihil ultra petendum à Diis immortalibus arbitrabatur, quam ut bona tribuerent. Quia ii demum scirent, quid unicuique esset utile: nos autem plerumque id votis expetere, quod non impetrasse melius foret. Etenim densissimis tenebris involuta mortalium mens, in quam late patentes errores cæcas preces tuas spargis? Divitias appetis, quæ multis exitio fuerunt: honores concupiscis, qui complures pessum dederunt: regna tecum ipse volvis, quorum exitus sæpenumero miserrabiles cernuntur: splendidis conjugii injicis manus; at hæc ut aliquando illustrent, ita nonnunquam funditus domos evertunt. Desine igitur, stulta, futuris malorum tuorum causis, quasi felicissimis rebus, inhiare. teque totum cælestium arbitrio permitte. Quia qui tribuere bona ex facili solent, etiam eligere aptissima possunt. Hinc sua *Juvenalis* hauserat *Satyra* x. Cujus carmina utinam semper tantum sapientiæ ac bonæ mentis haberent!*

*Nil ergo optabunt homines? Si consilium vis,*

*Permites ipsis expendere numinibus, quid*

*Conveniat nobis, rebusque sit utile nostris.*

*Nam pro jucundis aptissima quæque dabunt Dii,*

*Charior est illis homo, quam sibi.*

Id ergo Divina à nobis Majestas exigit, non ut nullas ipsi preces, nulla vota offeramus, sed ut nostra exponentes reverenter desideria, ea ipsius sapientiæ & voluntati lubenti animo submittamus.

X. Preces  
nostra Di-  
vinæ Boni-  
tati aul præ-  
judicant

X. Non magis contumeliosæ sunt preces in *Bonitatem* Dei. Quippe quas non obtrudimus Deo tanquam causas meritorias benedictionum ejus: sed consideramus potius ut signa & effectus Divinæ gratiæ in nobis. Nam quod cognitionem habemus eorum quæ vere bona ac desiderabilia sunt; quod eorum tenemur desiderio; quod desiderium illud debitæ animi dispositione Deo exponimus; id ipsum donum est, quod alio dono, nimirum concessione rerum desideratarum, prosequi solet: secundum illud *Pf. LXXXI. II. Dilata os tuum, & impleturus sum illud.* Accedit, quod ipsa Dei dona gratiora nobis esse soleant, si ea precibus nostris obtinuerimus. Tunc enim comperimus, non casu nobis obvenisse, sed ex amore Patris nostri cælestis, qui patulas precibus nostris aures habet. Unde consolatio, gaudium, & amor filialis. *Pf. cxvi: I. Amo, quia Jehova audit vocem meam supplicationem meam.* Certum interim est, Deum multa nobis bona dare non rogatum: quum ignoramus nos iis indigere, ipseque sua nos gratia prævenit.

XI. Potissi-  
ma Religio-  
nis pars  
sunt.

XI. Ita nunc refutatis sophisticationibus carnis, veras rationes expendere pergamus, quæ nobis preces necessitatem utilitatemque persuadeant. Illæ binæ potissimum sunt, quarum altera *Deum* respicit, altera *Nos.*

*Nos.* Deum quod attinet, preces potissima pars cultus sunt, quo honorari à nobis vult. Hinc totus cultus, *invocatio Divini nominis* dicitur. Cujus, nisi fallor, exemplum in prima mundi ætate habemus Gen. IV. 26. *אז חמל קרא בשם יוהו*. Quæ verba multis significationibus foeta sunt; quas ad plenitudinem sensus conficiendam, simul jungi nihil vetat. *קרא בשם* significat aliquando *nomen edere*, ac publice proclamando profiteri. Ea mente Mosi dixit Deus: Exod. xxxiii. 19. *וקראתי בשם יוהו לפניך* & *proclamabo nomen Jehova coram te*. Quod & fecisse Deum narratur: Exod. xxxiv. 5. *Et descendit Jehova in nube, & constitit cum ipso ibidem, וקרא בשם יוהו & proclamavit nomen Jehova*. Quomodo autem id factum sit, docetur vers. 6. *וקרא יוהו יוהו אל רחום חנון & proclamavit Jehova, Jehova Deus misericors & graciosus*. Sed præterea eadem phrasis significat *precando invocare nomen Domini*. Gen. xiii. 4. Ubi de Abrahamo narratur, postquam pervenisset ad altare olim à se exstructum, *וקרא שם אברם בשם יוהו*. Et *invocavit ibi Abram nomen Jehova*. Denique notat *se ab aliquo denominare*. Jes. xlii. 4. *והוא יאמר לי יוהו אני חיה יקרא בשם יקב*. Hic dicit, *Jehova ego sum, ille vero denominabit se de nomine Jacobi*. Jungamus hæc omnia & habebimus sensum plenissimum. Tunc cœptum est publica professione celebrari nomen Jehovæ, & veri Dei cultores ita se ab idololatriæ & carnalibus hominibus discriminarunt: celebraverunt autem invocando in publicis coetibus; atque ob hanc rem à Jehova denominati, ac filii Dei dicti sunt, contradistincte ad impios Cainitas, eorumque assclas, qui *homines* nuncupantur Gen. vi. 2. Sed & posterioribus temporibus omnis Dei cultus eo invocationis nomine comprehensus fuit. Joël. ii. 32. *Eritque ut quisquis invocaverit nomen Jehova eripiat se*. Hinc templum cultui Dei destinatum, *domus precum* dicitur. Jes. lvi. 7. *כי ביתי בית תפלה יקרא לכל העם*. Nam *domus mea domus precum vocabitur omnibus populis*. Conf. Luc. xix. 46. Quemadmodum & veteres Christiani suas ædes sacras *προσκυτάς Oratoria*, dixerunt.

XII. Et sicut pia precum observatio præcipuus religionis actus est; ita earundem proterva omissio est expulsio omnis timoris Dei. Id Jobo, at sine ratione, exprobrat Eliphaz Job. xiv. 4. *Etiam tu irritam facis reverentiam: & ותגרע שירותי לפני אל*. *Detrahis confabulationem cum Deo forti*: five, tollis preces coram Deo. Gentium autem impietas eo nomine arguitur, quod Deum non invocarent. Jer. x. 25. *Effunde excandescen- tiam tuam in eas gentes, quæ non agnoscunt te, & super familias quæ nomen tuum non invocant*.

XIII. Et res ipsa docet precibus sanctis cum maxime honorari Deum. Est enim in iis agnitio & prædicatio I. Summæ MAJESTATIS Divinæ, quæ digna

XII. Ea-  
rumque ne-  
glectus est  
expulsio ti-  
moris Dei.

XIII. Et  
in iis agni-  
tio di-

vinz Maje-  
statis.

digna est cui flectatur omne genu eorum qui vel in coelis vel in terris sunt: quam gloriam se sibi propriam asservare velle jurejurando confirmat. *Jes. XLV. 23.* O pulchrum ac dignum Deo spectaculum, quando millies centena millia, & decies centena millia angelorum conspirant cum rebus omnibus conditis, quæ in cœlo sunt, & quæ in terra, & sub terra, & in mari, ut una voce canant, *Ei qui insidet throno sit benedictio, & honor, & gloria, & robur in secula seculorum. Quatuor animalibus accinentibus. Amen: dum viginti quatuor seniores procidunt in facies suas, & adorant eum qui vivit in secula seculorum.* Ap. v. 11 - 14.

XIV. Et  
Omnisuffici-  
entia.

XIV. H. OMNISUFFICIENTIAE Divinae, qua non sibi solum, sed & creaturis suis omnibus ad felicitatem sufficit. In precibus enim ea confessio est, quam eleganter exposuit Psalter. *Pf. CXLV. 13 - 16.* *Regnum tuum regnum est omnium seculorum; & dominium tuum in unamquamque generationem. Sustentat Jehova omnes cadentes, & erigit omnes incurvatos. Oculi omnium ad te spectant, quibus tu das escam tempore suo. Aperis manum tuam, & saturas quidquid vivit ex beneplacito.* Iterumque *Pf. CIV. 27 - 31.*

XV. Et  
omnisciez  
Sapientia.

XV. III. OMNISCIENTIAE & perfectissimæ SAPIENTIAE Divinae: per quam & omnium necessitates exploratas habet, & omnia supplicum omnium vota intelligit, non ea solum quæ sermone promuntur, sed & quæ animo duntaxat concipiuntur, & vias omnes in expedito habet, quibus succurrat suis, in quibuscunque difficultatibus constituti sint. *Psal. CXXXIX. I. 2. 3. 4. 17. 18.*

XVI. Et  
Omnipo-  
tentia.

XVI. IV. OMNIPOTENTIAE Divinae: quidquid enim à Deo petimus, id hoc ipso confitemur posse eum effectum dare: atque adeo hanc gloriam ei tribuimus, quod *summa cum exuberantia omnia possit facere supra ea quæ petimus aut cogitamus, pro illa vi agente in nobis.* Eph. I. 11. 20.

XVII. Et  
Bonitatis.

XVII. V. Inexhaustæ BONITATIS Divinae, ad quam, veluti perennem scaturiginem, omnibus omni tempore locoque liber accessus est, ut ex plenitudine ista hauriant aquas cum gaudio, uti è fontibus salutis. *Jes. XI. 3.* Denique in precibus Deum *omnia* esse fatemur; nos ipsos *nihil*; qui quidquid sumus ab ipso sumus & in ipso, quidquid habemus ex ipso habemus; qui proinde in universum toti pendemus ab ipso. Atque hæc quidem Deum spectant.

XVIII. No-  
stra nos  
egestas pro-  
cum necessi-  
tatem do-  
cet.

XVIII. Nos ipsos si intueamur, magna se mox aperit orandi quum necessitas tum utilitas. Nos enim in nobis ipsis omnium rerum egeni sumus, sic ut ne ad momentum quidem valeamus subsistere, nisi Divina sustentati ope. Nihil etiam habere possumus, quod non ab eo nobis concedatur, *cujus est terra & plenitudo ejus.* *Pf. XXIV. 1.* Et qui *omnibus benigne dat, nec exprobrat.* Jac. I. 5. Pleraque etiam dare non vult nisi

nisi petentibus. *Non obtinetis*, inquit Jacobus Cap. iv. 2. *propterea quod non petitis*. Et profecto facile satis obtinemus, quæ suspiriis, votis ac precibus nanciscimur: quid enim hoc aliud est, nisi os aperire, ut fa-  
turemur?

XIX. At quibus tandem incumbit orandi officium? Confidenter respon-  
dendum est, *omnibus omnino hominibus*. Est enim pars Divini cultus, &  
quidem naturalis, cujus æquitatem & necessitatem ipsos gentiles constien-  
tia docet. Egregie apud Platonem *Timæus*; Ἀλλὰ τῶτε δὴγε πάντες ἴσκει καὶ  
κατὰ βραχὺ σωφροσύνης μετήχουσιν, ἐπὶ πάσῃ ὁρμῇ καὶ σμικρῇ καὶ μεγ-  
αλῇ πράγματι Θεὸν αἰεὶ πρὸς καλεῖσθαι. Omnes qui mentis quoquo modo com-  
potes sunt, in operis cujuslibet, vel parvi, vel magni, principio, invocare  
Deum solent. Ex platonis scriptis patet, vere dixisse Maximum Tyrium  
Dissert. xxx. Ἦν ὁ βίῃ Σωκράτης μετὸς εὐχῆς, totam Socratis vitam ple-  
nam precationum fuisse. Idque tanquam universale officium omnibus præ-  
scribit Plato: Ἀπὸ Θεῶν χρεὶ πάντας ἀρχόμενοι αἰεὶ λέγειν τε καὶ νοεῖν, om-  
nibus in rebus sive dicendis sive cogitandis. semper principium à Diis su-  
mendum est. Xenophon vero publice etiam in Civitate observari vult de  
Ration. Red. in fine. Ubi, quum quædam instituendæ ordinandæque Rei-  
publicæ consilia præbuisset, à Deorum benevolentia consilianda maxime  
initium capiendum monens, rationem adjicit: σὺν γὰρ Θεῷ πρᾶττομένων  
εὐκὸς καὶ τὰς πράξεις προεῖναι ἐπὶ τῷ λαῷ ὅν ἀμεινον αἰεὶ τῇ πόλει: nam quæ  
res numine propitio suscipiuntur, eas semper melius feliciusque civitati ces-  
suras esse, consentaneum est. Cui consonum est Plinii illud in initio sui  
Panegyrici: Bene ac sapienter majores instituerunt, ut rerum agendarum,  
ita dicendi initium à precationibus caperetur: quod nihil rite, nihilque  
providentur homines sine Deorum immortalium ope, consilio, atque honore  
auspicarentur.

XX. Cæterum quamvis omnibus omnino hominibus incumbat oran-  
di officium; nemo tamen eo recte defungi potest, nisi homo fidelis atque  
reginitus, ductore ac doctore Spiritu Sancto: qui solus preces Deo gratas  
in animis fuorum format. Nec tamen impotentia recte orandi in irrege-  
nitis tollit eorum obligationem ad preces: hæc enim obligatio fluit ex na-  
turali subordinatione hominis sub Deo. Neque idcirco censendum est, ob-  
ligari ipsos ad peccandum in suis orationibus. Nam qua lege obligantur  
ad precandum; eadem lege obligantur ad bene precandum. Si id non pos-  
sint, hoc ipsorum vitio est. Et satius adhuc manet, ut irrogeniti quomo-  
docunque orent, ex naturali sensu suæ indigentiae, & Divinæ Majestatis  
ac Bonitatis agnitione, quam ut prorsus non orent. Quod enim orant, hoc  
hactenus Deo non displicet: licet id quod orationi adhæret vitium merito  
improbetur. Vide exempla Achabi i Reg: xxi: 27. & seq: & Ninivitarum

Grat. Dom.

E

Jon:

XIX. Qua-  
rum offi-  
cium omni-  
bus incum-  
bit homini-  
bus.

XX. Quo  
tamen ne-  
mo rite de-  
fungitur,  
nisi qui Re-  
genitus est.

Jon: III: 8. 10. Minus malum est bonum facere cum defectu, quam prorsus omittere.

XXI. Parentum est à prima pueritia liberos suos ad preces erudire.

XXI. Ideo parentibus etiam incumbit, jam inde à prima pueritia liberos suos ad preces erudire atque assuefacere; neque expectare donec indicia regenerationis in iis deprehendant. Quis scit, quo tempore, & quorum mediocri usu, efficacitatem suam primum exerturus sit Spiritus? Interim hoc manet; quum soli fideles recte orare possint, scire eos oportet sibi potissimum id operæ datum esse in oratione perseverent.

## EXERCITATIO. III.

DE

## Dispositione Animi ad rite Orandum.

## B R E V I A R I U M.

I. *Non perinde est quo quis modo oret.* II. *Ea oratio optima est, quæ simplicissima.* III. *Quatuor potissimum sunt ad quæ orantem attendere oportet.* IV. *Eorum primum est sancta animi dispositio.* V. *Qui ante preces rite præparandus.* VI. *Sic tamen ut absit affectatio.* VII. *In ipsis precibus exferat se Fides.* VIII. *Attentio.* IX. *Fervor.* X. *Perseverantia.* XI. *Post preces expectandum Dei responsum.* XII. *In usu legitimorum mediocri.* XIII. *Temporis dispensatione Deo commissa.* XIV. *Experiendum an meliores ex oratione resurgamus.*

I. Non perinde est quo quis modo oret.

**H** Actenus de Oratione ipsa differuimus, deque nostra ad eam obligatione: sequitur ut nunc expendamus quomodo eam comparatam esse oporteat, ut Deo grata atque accepta sit. Neque enim perinde est quo quis modo oret. Sunt quibus exprobrat Jacobus Cap: IV: 3. *Petit et non accipitis, eo quod male petatis.* Sunt quorum preces abominationi sibi esse testatur Jehova Prov: xv: 8. Idcirco Dominus Jesus, sicuti discipulos suos orare jubet, ita & modum rite orandi præscribit: Mat: vi: 9. *ΟΥΤΩΣ ΔΕ ΠΡΟΣΕΥΧΕΣΘΕ ὡς ὁ υἱός.*

II. Ea oratio optima est, quæ simplicissima.

II. Nec tamen quicquam, minus est casta sanctaque Oratio, quam coacta quædam, & nescio quibus regulis ac formulis adstricta ars. Uti in familiaribus amicorum colloquiis nihil se magis commendat, quam animi sinceri candidique inaffectedata libertas; eo gratior quo ab arte compositis sermonibus remotior est; ita, quum oratio colloquium animæ cum Deo sit, ea demum optima cenferi debet quæ simplicissima est, & pia desideria.



deria à Spiritu Sancto excitata sine ambagibus Deo exponit : in qua denique id potissimum agitur ut orantis animus cum omnibus recessibus suis Deo pateat , ipseque vota à se formata videat potius , uti concipiuntur corde , quam audiat , uti exponuntur lingua.

III. Multa tamen sunt ad quæ attendere orantem oportet , ut nihil quod se , nihil quod Deo indignum sit , in oratione committat. Ea vero ad hæc quatuor maxime capita referri posse videntur. I. UT ANIMUS ORANTIS rite dispositus sit. II. UT CORPORIS SITUS GESTUSQUE sacramentissimæ huic actioni sint convenientes. III. UT STATA ORANDI TEMPORA observentur. IV. Ut eæ solum RES à Deo petantur , quas ipso dignum est dare , nobis accipere.

IV. Ad sanctam castamque animi dispositionem requiruntur nonnulla ANTE preces , alia IN ipsa precatione , alia denique POST precationem.

V. *Ante preces* rite præparandus est animus. Job. XI: 13. 14. 15. **אֲנִי הִכְעִיר לְךָ אֶת־רוּחִי** *Si tu præparaveris animum tuum , expande ad eum manus tuas. Si nequitia est in manu tua procul amove eam , & ne finito habitare in tentoriis tuis iniquitatem. Tunc enim extuleris faciem tuam è vitio : erisque validus , & non timebis.* Beatus ille , cui oraturo dicere licet cum Davide. Ps. LVI: 8. **נֶכֶן לִבִּי אֱלֹהִים** *paratum est cor meum , o Deus , paratum est cor meum.* Ad hanc præparationem pertinent. I. Evacuatio cordis ab omnibus cogitationibus & affectibus importunis. Sic ut tumultuantis mundi turbæ non cubiculo solum , sed & animo excludantur. Jes. XXVI: 20. Matt. VI. 6. II. Sancta animi Humiliatio : ex consideratione nostræ vilitatis , indigentæ , indignitatis , damnabilitatis ; Divinæ autem Majestatis , Sanctitatis , & Justitiæ Eccl. V: 1. III. Avocatio cogitationum nostrarum ab aliis quibuscunque rebus , earumque vehemens appulsio ad eas res de quibus agitur , & fixio in istis objectis : atque excitatio affectuum & omnium animæ nostræ facultatum , ad tantum opus , quod profecto universam requirit animam. Ps. CIII: 1. IV. Imploratio spiritus precum , qui animum nostrum cæteroqui torpentem alacrem efficiat , eaque omnia suggerat quæ Deo exponi merentur , idque eo modo qui Deo gratissimus est. Ut enim rite preceris , necesse est Deum orationem oranti dare. Luc. XI: 1. Rom. VIII. 16.

VI. Non tamen hæc ita sunt intelligenda , quasi nulla oratio rite atque legitime concepta foret , ubi omnes hi actus explicite & ordine non præcefferint. Sufficere posset , si habitus animi bene sit dispositus. Majorem enim pompam atque ostentationem , quam sinceram pietatem & solidam utilitatem , habuisse videtur , quod de Hasidæis narrant , eos integram horam meditabundos confedissee in præparando ad preces animo. Nisi me fallit præsumta de mentium nostrarum infirmitate opinio , tam operosa

rosa præparatio, præparatio non esset, sed lassatio. Vix enim est quin fatigatum sese sentiat, qui mentem intro revocatam, tanta intentione, uni alicui objecto, tam diu impendit. Et si verum dicere amamus quid tandem est illa oratio, quæ tam operosam præparationem consequitur? & quomodo ipsa illa præparatio ab oratione distinguitur? Non enim cum Deo agitur, uti cum hominibus, ut primo meditemur, tum inventa ordine disponamus, artificiose exornemus, denique recitemus. Meditatio ipsa, & ardentia desideria, & ex imo corde mutuo se impellentia ac trudentia suspiria, omnem ordinis concinnationem antevertentia, ex occasione potius quam quæsito studio nata, facundissimæ plerumque & vehementissimæ preces sunt. Id solummodo agendum, ut in statis precibus eam animi dispositionem habeamus, in qua nihil coactæ artis se ostendet, sed omnia naturaliter, ut ita dicam, fluant. Imo naturaliter: sed secundum eam naturam; quæ à regenerante, & sanctificante Spiritu est.

VII. In ipsis  
precibus,  
exeratur se  
Fides.

VII. In precibus ipsis hæc observanda. I. Ut oratio proficiatur ex Fide, Jac. I: 6. 7. Ea involvit A. Spem saltem aliquam, personas nostras Deo gratas esse. B. Persuasionem de rei quam rogamus bonitate. C. Fiduciam impetrationis, nixam promissione Dei: attamen cum subiectione sub Divina sapientia & bonitate, quæ fortassis meliora nobis prospexit.

VIII. At-  
tentio.

VIII. II. Ut fiat *attente*. Attente, inquam, ad Deum, ad Res, ad Nos. Eccl. v: 1. Eleganter Lanspergius in *Enchiridio militis Christiani* Cap. x. Sic intendas Domino soli, quasi præter eum & te nihil sit Nec minus eleganter alicubi Ephrem: Si dum oras permittas vagari animum, eris tanquam qui tenet quidem arcum, verum sagittam contra adversarium dirigere nequit. Si uspiam, hic obtinet vetus verbum, Hoc age.

IX. Fervor.

IX. III. Ut fiat *fervide*. Ignis accendat hoc thus, ut suffitus bonæ fragrantie nares numinis repleat. Ps. cxli: 2. Sed sit sacer ignis, *Flamma Domini*, Cant. viii: 6. accensæ à Spiritu Sancto: qui ab igne libidinis ac parvarum cupiditatum longissime sejunctus est. Jac. iv: 2. 3. Hæc est illa orandi intentio quæ laudatur Luc. xxi: 44. ἐκτενέστερον προσήχηται. Act. xii: 5. Προσευχὴ δὲ ἦν ἐκτενὴς γενομένη ὑπὸ τῆς ἐκκλησίας πρὸς τὸν Θεόν.

X. perseve-  
rantia.

X. IV. Ut fiat *indefinenter*. I Thes. v: 17. Sic ut animus conservetur in statu orandi; & frequentissime, quavis data occasione, in aliarum occupationum interstitiis, imo & in mediis occupationibus, ardentissima ad Deum emittat suspiria. Ac statæ preces super maximi momenti negotiis crebro repetantur, redintegrato subinde certamine, donec victor resurgat. Gen. xxxii: 16. Hoc est πάντοτε προσεύχασθαι & μὴ ἐκκακῆν. Luc. xviii: 1.

XI. Post  
preces ex-  
spectandum  
Dei respon-  
sum.

XI. Post preces hæc agenda restant. I. Ut expectemus rem rogatam, & responsum Dei. Ps. lxxx. 9. Audiam quid locutus sit Deus ille for-  
tis

*tis Jehova : nam eloquetur pacem erga populum suum , & erga eos quos benignitate prosequitur Mich. vii : 7. Quapropter ego Jehovam versus speculabor , præstolabor Deum salutis meæ. Deus me exaudiet. Quum servi Syrorum regis Benhadadi , superbissimi nuper , nunc humillimis precibus salutem ejus ab Achabo Israëlitarum rege peterent , gratumque acceperunt responsum , homines isti experimento discere festinabant , & præcise cognoscere , an ex ipso rege esset. 2 Reg. xxi : 33. Idem , servata tamen justa proportionem , orantibus faciendum est erga Deum. Habac. ii. i. Stabam in custodia mea , & consistebam in munitione : ac speculabar ad videndum quid eloqueretur mihi.*

XII. II. Ut eandem expectemus in diligenti legitimorum mediorum usu. Ps. xxvii : 4. *Unum PETII à Domino , id ipsum REQUIRO. Prov. ii : 3. 4. 5. Si prudentiam inclamaveris , ad intelligentiam edideris vocem tuam : si quaesiveris eam velut argentum & tanquam abditos thesauros scrutatus fueris eam : tunc intelliges reverentiam Jehovæ , & agnitionem Dei consequeris.*

XII. In usu legitimorum mediorum.

XIII. III. Ut temporis dispensationem Deo committamus , contenti semper *αὐτῷ καίρῳ βοηθεία opportuno auxilio. Heb. iv, 16. Non enim est nostrum scire tempora sive oportunitates , quas Pater in sua ipsius auctoritate statuit. Act. i, 7. Est tempus aliquod benevolentiae , quo Deus pro amplitudine benignitatis suæ exaudiat. Ps. lxxix. 14. Nostra autem tempora omnia in Dei manu sunt. Ps. xxxi : 6. Idcirco par est ut fide ac spe acquiescamus in ista promissione Dei : Jes. xlix : 8. Sic ait Jehova , tempore accepto exaudiam te , & in die salutis auxiliabor tibi.*

XIII. Temporis dispensatione Deo commissa.

XIV. IV. Experiendum est an meliores sanctioresque ex oratione resurgamus. Qui enim cum Deo familiariter conversatus est , eum oportet splendorem aliquem Divinæ factitatis exinde reportare. Qui sanctificavit semet ipsum ut ad Sanctum Israël accederet ; qui cum Sancto illo aliquamdiu collocutus est ; qui præ cæteris rebus omnibus , sui sanctificationem , ut par est , ab eo petit ; nonne conveniens est ut is post tales preces animum ad sanctimoniam instructionem ac promptiorem deprehendat ? Atque hæc quidem de animi in orando dispositione dicta sunt : eo brevius , quo pauciora aut nulla fere scripturæ testimonia occurrerunt , quibus illustrandis inhærendum nobis fuerit. Totumque hoc negotium magis singere praxios quam prolixæ disputationis est.

XIV. Experiendum an meliores ex oratione resurgamus.

EXERCITATIO. IV.  
DE  
GESTIBUS ORANTIUM  
BREVARIUM.

I. Corporis gestus ad honorem Dei comparatos esse oportet. II. Eorum alii ad totum corpus, alii ad partem aliquam pertinent. III. Genuflexio. IV. Submissionis symbolum. V. An & lapsus, ac resurrectionis ex peccato? VI. Veteres nefas duxerunt de geniculis orare die Dominico, & inter Pascha & Pentecosten. VII. At superstitiose. VIII. Incurvatio versus scabellum pedum Dei. IX. Qua testabantur se à caelo opem expectare. X. Propter Messiam. XI. Prostratio signum mœroris. XII. Statio. XIII. Viri stationarii. XIV. Statio etiam Christianis usurpata. XV. Est signum reverentiæ, & promittudinis. XVI. Quibus & alia mysteria addere Christiani Veteres. XVII. Judæi in terra sua versus Occidentem stantes orabant. XVIII. At qui nunc in partibus Occidentalibus degunt, versus Orientem. XIX. Quo mysterio? XX. Gentilium plerique, & Christiani Veteres, versus Orientem orabant, sed ob diversas causas. XXI. Pii Veteres sedentes aliquando precati sunt. XXII. Non tamen ad precandum confedissee videntur. XXIII. Ne quidem Rex ipse David. XXIV. Sessio non est gestus orantem decens. XXV. Capitis operatio in cultu, Judæis usitata. XXVI. Et Plerisque Orientalibus. XXVII. Romanis etiam. Quorum Flamines à capitis tegumento sic dicti. XXVIII. Græci aperto capite res Divinas fecere. XXIX. Quod cur Paulus apud Corinthios præferat. Attingii observatio. XXX. Et Ludovici Capelli. XXXI. Non tamen videtur Apostolicus canon omnes semper & ubique Christianos obligare. XXXII. Manuum Lotio: apud Judæos. XXXIII. Gentiles. XXXIV. Christianos. Quorum templa in eam rem fontes habebant. XXXV. Manuum Expansio & Protenso. XXXVI. Quarum rerum signum sit. XXXVII. Chrysostomus laudatus. XXXVIII. Manuum Osculum. XXXIX. Pedibus calceos exuere in re sacra multe gentes solent. XL. Quod Abyssini Christiani emulantur, ob rationem futilem. XLI. Ratio solidior ejus ritus. XLII. An & qui gestus homini Christiano in Oratione adhibendi sint? XLIII. Aliqua preces nullos gestus exigunt. XLIV. Aliæ eos exigunt, qui affectibus animi excitantis vel testandis idonei sunt. XLV. Augustinus laudatus. XLVI. Forma gestuum pro temporum locorumque diversitate diversificari potest.

**C**Orpus quoque nostrum ad honorem Dei in orando comparatum esse oportet: ideoque de GESTIBUS PRECANTIUM nunc est dicendum. Qui quamvis multo minus ad orationis valorem conferant, quam sancta animi dispositio, uberiori tamen dissertationi materiam suppeditabunt; quia multa ex Antiquitate hausta huc nunc congerenda esse videntur. Eo autem procedemus ordine, ut primo *Historice* enarremus, quos gestus in orando observaverint prisca; tum *Theologice* doceamus, quid nobis hac in parte tenendum sit.

II. Gestus ergo orantium vel *totius corporis habitum*, vel *quandam* signate corporis *partem* spectant. Ad totum corporis habitum pertinent. I. GENUFLEXIO. II. INCURVATIO. III. PROSTRATIO IN TERRAM. IV. STATIO. V. SESSIO.

II. Eorum alii ad totum corpus, alii ad partem aliquam pertinent. III. Genuflexio.

III. GENUFLEXIO à Deo commendata est: Ps. xcvi. 6. *Venite incurvamus nos, & procumbamus, flectamus genua coram Jehova, qui fecit nos.* Adde Jes. xlv. 23. Phil. ii. 10. A sanctis etiam usurpata: non solum sub Veteri Testamento: 1 Reg. viii. 54. 2 Paralip. vi. 13. Dan. vi. 11. Ezr. ix. 5. sed & sub Novo. Act. vii. 60. xx. 36. xxi. 5. Eph. iii. 14. In templo Hierosolymitano solebant Israëlitarum stantes sacris interesse; ubi autem orandum erat sæpe procumbebant in genua. Exemplum habemus Neh. 3. 19. Huc spectat illud, quod inter mirabilia primæ domus refertur in *Pirke Aboth. Cap. v.* וְיִשְׂרָאֵל וּמִשְׁתַּחֲוִים וְצוּפִים וְיֹמְרִים *qui coarctati stabant, adorabant dilatati.* Hoc est, quibus ob multitudinem in festivis conventibus vix standi locus erat, suppetebat tamen sufficiens spatium ingeniculandi. Quod & postea passim in Ecclesia Christiana obtinuit. *Eusebius Hist. Eccl. Lib. v. Cap. v.* ubi narrat Christianos milites, sub Marco Aurelio merentes pluviam suis precibus impetrasse, addit id eos fecisse γονυθύντας ἐπὶ τῇ γῇ, κατὰ τὸ ὁικεῖον ἡμῶν τῶν προσευχῶν ἔθος *genua in terram usque flexo, secundum consuetudinem nobis in precibus propriam.* *Tertullianus ad Scapulam. Cap. iv.* *Quando non geniculationibus & jejunationibus nostris etiam siccitates sunt depulse?* Frequenter admodum adhibitum fuisse hunc gestum, etiam in Ecclesiasticis precibus, prolixo Constitutionum atque exemplorum syrmate de Ecclesiâ Antiquæ, Mediæ, Proximæ ætatis, probat Venerandus *Voëtius Disput. Tom. v. p. 536. & seq.* Etiam tempore Reformationis inprimis cœtibus, quos in campo & saltibus Belgæ habebant, orabant de geniculis. Qui mos in Ecclesia Dordracena, Ao. MDCXIX. tempore Synodi Nationalis adhuc constanter observabatur. *ibid. p. 560.* Unde patet non esse eos res novas molitos, qui genuflexionem, tanquam gestum orantibus convenientem, etiam in Ecclesiasticis precibus, ubi ea commode fieri poterat, commendarunt.

IV. Et sane est in genuflexione demonstratio quædam humilitatis & IV. Sub-

submis-

missionis  
symbolum

submission. Nam dum nos ipsos, ita flectendo nos, quantum fieri potest minores facimus, testatur hic gestus professionem nostræ vilitatis. Unde propter rem, quæ significatur, gestus iste iis quoque attribuitur, in quibus propter membrorum nervorumque carentiam locum habere non potest. *Theophilactus ad I Cor. XIII.* exponens Pauli dictum Phil. II. 10. In nomine Jesu etiam cœlestibus flectendum esse genu; bene observat: *Οὐκ ὅσα ἡ νύρα ἔχουσιν οἱ ἐπικρανοί, ἀλλὰ τὴν ἐπιτεταμένην ὑποταγὴν ἐδήλωσε: Ossa & nervos non habent cœlestes, sed maximam submissionem significavit.*

V. An &  
lapsus, &  
resurrectio-  
nis ex pec-  
cato?

V. In nobis hominibus genuflexionem lapsum in peccata figurare observat: *Auctor Quæst. ad Orthod: apud Justinum Martyrem Resp. cxv. Γονυκλισία σύμβολόν ἐστι τῆς ἐν ταῖς ἀμαρτίαις πώσεως ἡμῶν.* Addit *Basilius M. De Spir. S. Cap. xxvii.* resurrectionem esse Symbolum resurrectionis ē peccatis. *καθ' ἐκάστην γονυκλισίαν ἡ διανύσασιν ἐργάζονται, ὅτι διὰ τῆς ἀμαρτίας εἰς γῆν κατεβύθημεν, ἡ διὰ τῆς Φιλανθρωπίας τοῦ κτίσματος εἰς ἕραν ἀνελήθημεν. Quoties genua flectimus, & rursum erigimur, ipso facto ostendimus, quod per peccatum in terram sumus delapsi, & per humanitatem ejus qui creavit nos in calum sumus revocati.* Attamen hæc plus subtilitatis quam soliditatis habere videntur: quamvis negandum non sit, tales cogitationes, quavis data, imo & arrepta occasione, pias, & precanti oportunas esse.

VI. Veteres  
nefas duxe-  
runt de ge-  
nuculis ora-  
re Die Do-  
minico, at-  
que inter  
Pascha &  
Penteco-  
sten.

VI. At sæpius sibi in hujusmodi subtilitatum minutiis indulserunt Veteres. Ex eodem fonte derivatum est, quod die Dominico, totoque illo tempore quod inter Pascha & Pentecosten intercedit, de geniculis orare, uti & jejunare, nefas duxerint. *Tertullianus, de Corona militis Cap. III. Die Dominico jejunium nefas ducimus, vel de geniculis adorare. Eadem immunitate à die Pascha in Pentecosten usque gaudemus.* Quumque id non satis accurate à quibusdam observaretur, tanti ea res visa est Synodi Nicænæ Patribus, ut districtè omnes isthoc tempore stantes orare jussent. Sic enim habet *Canon. xx. Ἐπειδὴ τινες πῶν ἐν τῇ κυριακῇ γονυκλίνοντες, ἡ ἐν ταῖς τῆς πεντεκοστῆς ἡμέραις, ἰπὲρ τῶ πάντα ἐν πάσῃ παρακίᾳ ὁμοίως φυλάττεσθαι, ἐξάτας ἰδοὺ τῇ ἀγίᾳ Συνόδῳ τὰς ἐυχὰς ἀποδίδοναι τῷ Θεῷ. Quoniam quidam sunt qui die Dominico genua flectunt, & in diebus Pentecostes, ut omnia similiter in omni paracia serventur, visum est Sanctæ Synodo, stantes Deo orationes persolvere.* Estque illud passim à Patribus inculcatum, inque aliis Synodis repetitum: & pro ratione dicitur, esse ea in re symbolum resurrectionis, per quam Christi gratiâ, & à peccatis & à morte, quæ ab illo interfecta est, liberati sumus: uti habet *Auctor Quæst. ad Orthod. apud Justin. Mart. Quæst. cxv.*

VII. At su-  
perstitiose.

VII. Sed quantumvis hæc antiqua sint, nulla nos antiquitatis reverentia

rentia impedire potest debetve, quo minus libere pronunciemus, ea superstitiosa esse, ab Apostolici Christianismi simplicitate aliena; imo ei contraria. Certe Paulus Apostolus, cum iis omnibus qui ipsum Tyro ad navigium deducebant, positus in litore genubus oravit. Act. XXI. 5. Id autem factum esse iis diebus qui non procul à Pentecoste aberant, colligi potest ex Act. XX. 16. ubi narratur eum festinasse, ut si fieri potuerit, die Pentecostes Hierosolymis esset.

VIII. Affinis genuflexioni est CORPORIS INCURVATIO versus Sanctuarium, Israëlitis in suo cultu usurpata. Ps. v. 8. *Incurvabo me versus templum Sanctitatis tue cum reverentia tui.* Iterumque Ps. XCIX. 5. *Incurve te vos versus scabellum pedum ejus.* Quid est scabellum pedum Dei? Deus ipse declarat, terram esse Jes. LXVI. 1. *Possset, inquit Coccejus, existimari hoc ita dictum: Adorate Deum demississimâ adoratione.* Sed puto subesse plura, Rabbini intelligunt בית המקדש / domum Sanctuarii; & juvat eos vers. 9. *Incurve te ad montem Sanctitatis ejus.* Eadem mente consimilis locutio existat. Jes. LX. 13. *Gloria Libani ad te perveniet, abies, tædæ, arboreque opacæ pariter; ad ornandum locum Sanctuarii mei, ut locum pedum meorum cohonestem.* Ubi locus Sanctuarii, & locus pedum Dei pro eodem sumi videntur. At nec sic existimo satisfactum esse omni vi phraios, In domo Sanctuarii sacratissimum καμηλίων erat Arca Fæderis. Ea videtur hoc nomine designari. Sic enim David. I Chr. XXVIII. 2. *Ego quum esset mihi in animo adificandi locum quietis pro arca fæderis Jehovæ, & pro scabello pedum Dei nostri.* Ubi scabellum pedum Dei à loco quietis, id est à templo, distinguitur. Adde Ezech. XLIII. 7. *Fili hominis, neque locum solii mei, neque locum plantarum pedum meorum, ubi habiturus sum inter filios Israël in seculum, neque nomen Sanctitatis meæ contaminaturi sunt amplius.* Ita autem arcam vocari credibile est, partim in relatione ad cælum, ubi Deus thronum Majestatis suæ habet in plenissima gloriæ demonstratione, sic ut quidquid in terra est, atque illud præcipue in terra in quo præsentem sese exhibebat Deus, scabelli instar sit. Jes. LXVI. 1. partim quod Deus alis Cherubimorum expansis ac se mutuo contingentibus videretur insidere, pedibus arcæ operculo tanquam scabello impositis. Huc conversi adorare jubentur: non quod scabellum statuatur adorationis vel objectum, vel terminus, sed locus tantum quo oranti respiciendum erat; etiam si absens esset. Hoc enim volebat Salomon I Reg. VIII. 29. 30. *Ut sint oculi aperti erga domum hanc noctu & interdiu, erga locum illum de quo dixisti, futurum est nomen meum ibi; auscultando orationi qua orabit servus tuus versus locum hunc. Et auscultes deprecationi servi tui & populi tui Israelis, qua orabunt versus locum hunc.* Quod aliquoties repetitur in sequentibus: & exigitur ab Israëlitis è terra sua ho-

VIII. Incurvatio versus scabellum pedum Dei.

stium violentiâ expulsi. vers. 33. 34. Uti religiose illud observavit Daniel, Cap. vi. 11. qui oraturus ingressus est domum suam, cui fenestrae apertae erant in coenaculo versus Hierosolymam, ubi procumbens orabat. Ut ergo omnia simul comprehendamus, incurvare se versus scabellum pedum Dei, est incurvare se demississime in terram usque, idque corpore atque animo versus Sanctuarium, in Sanctuario versus arcam Foederis.

IX. Qua restabantur se è caelo opem exspectare.

IX. Indubium est subfuisse huic rei mysterium aliquod. Quid autem illud? Incurvatio humiliationis signum est. Incurvans enim videtur se ad alterius pedes demittere, seque pro scabello offerre. Jes. LI. 23. *Dicebant animæ tuæ, abjice te ut transeamus; quibus exponebas tanquam humum corpus tuum, & tanquam plateam transeuntibus.* Principes Orientis habebant mulieres, *Climaces* dictas, quarum tergo insistebant equum conscensuri. Sed quid incurvatio versus Sanctuarium & scabellum Dei notabat? Sanctuarium typus erat cœli: cœlum recta adiri non poterat eo tempore, ἅτι τῆς πρώτης σκηπῆ; ἐχέσης χάριν. Hebr. ix. 8. Ad Sanctuarium ergo se inclinando, testabuntur se è caelo opem, & precum suarum exauditionem exspectare. Israelitæ orantes versus Sanctuarium, orabant ut auscultaret Deus in loco habitationis suæ in cœlis, & auscultans condonaret. 1 Reg. viii. 30.

X. Propter Messiam.

X. Sed & aliud suberat mysterium. Tam templum quam arca foederis symbolum Christi est, *in quo omnis plenitudo Deitatis habitat corporaliter.* Col. II. 9. de quo dictum est Jes. viii. 14. *Eritque vobis Jehova* יהוה *in Sanctuarium: quemque proposuit Deus in ἱλασθῆναι per fidem in sanguine ejus.* Rom. iii. 25. Huc ergo redit sensus nobilissimè quod explicamus commatis: *Exaltate Jehovam Deum nostrum, & incurvate vos ad scabellum pedum ejus. Sanctus est.* Vos, qui adoratis, solum respicite Deum, omni religiosa veneratione prosequendum; & ut rite adoretis, solum respicite Christum, in quo habitat & invenitur Deus; per eum elevate animos ad Deum in cœlis habitantem; qui, quum Sanctus sit, non admittit ad sui familiare commercium peccatores nisi interventu magni illius Mediatoris.

XI. Prostratio signum mœroris.

XI. Non minus humiliationis, sed & mœroris magni signum est PROSTRATIO in terram, quæ Hebræis dicitur כָּרַע עַל הָאֲדָמָה Exemplum habemus in ipso Domino Matth: xxvi. 39. Ἐπεὶ ἐπὶ τὸ πρόσωπον αὐτοῦ προσευχόμενος. Et 1 Cor. xiv. 25. καὶ ἔτω πτωχὸν ἐπὶ πρόσωπον, προσκυνήστω τῷ Θεῷ. De Christianis militibus apud *Justinum Marcus Aurelius*, ὅτι πάντες ἑαυτοὺς ἐπὶ τὴν γῆν. quum se ipsos in terram projecissent. De *Theodosio Theodoretus Lib. v. Cap. xviii.* ubi profundam Imperatoris poenitentiam narrat, ejus intuitu excommunicationis vinculo eum solverit *Ambrosius: Atque ita demum, inquit, in Dei templum intrare ausus fidelissimus Imperator*



XII. Sed & STATIO in precibus usurpata fuit. Etiam ab Antiquissimis. XII. Statio. Huc referunt Judæi Gen. xviii: 22. *Abram stetit coram Jehova.* Iterumque Gen: xix: 27. *Abiit in locum illum, ubi steterat coram Jehova.* Ad quem locum Talmudici אֵין עֲמִידָה אֵלֶּיךָ תפִּילָה. *Non est statio sine Oratione.* Volunt dicere, nusquam fieri mentionem stationis, ubi non designetur aut connotetur oratio. Eadem mente interpretatur *David Kimchi*, verba Eliæ i Reg. xvi: 1. *Vivit Jehova, Deus Israelis, ante quem stoid est*, inquit, שאני רגלי לעמוד לפני בתפילה. *coram quo ego stare soleo in oratione.* *Maimonides* alicubi אֵין מתפלל אֵלֶּיךָ מעומד. *nemo rite nisi stans orat.* Quod ea, nisi fallor, mente intelligendum est, ut ad minimum teneatur stare, neque gestum abhibere fas sit qui minus idoneus sit demonstrandæ reverentiæ.

XIII. Habebant antiquitus Judæi *אנשי מעמד* / *Viri stationarios* XIII. *Viri stationarii.* in viginti quatuor classes distributos, qui erant legati totius Israël, eumque quotidie repræsentabant in precibus & sacrificiis, quibus stantes intererant. Quandoquidem enim pro quibus sacra fiebant, suis quique sacris faciendis interesse debere censerentur, totius autem populi sacris totus populus interesse non posset, hinc usu venit ut optimi quique deligerentur, qui totius populi personam gerentes, sacris publicis interessent. Iis præerant præfecti templi, quorum primus Sacerdotes, Levitæ, Virosque stationarios hoc præconio evocabat. *עמדו כהנים ליהם לדון ישראל למעמד* - *Surgite Sacerdotes, Levitæ ad suggestus, & Israëlita ad stationem. Maimon; in Celei Hammikd: Cap: VII.* Hinc etiam libellus est dictus *סדר מעמדות* / *ordo stationum*, id est Lctionum & præcum liturgicarum. Vide fodes *Buxtorf. Lex. Talm. ad vocem עמד*. *Cunæum de Reipubl. Hebr. Lib. II. Cap. x. Outram. de Sacrif. Lib. I, Cap. II. §. VI.* Tantique hæ stationes habitæ sunt Judæis, ut dixerint in libro *Musar, sine stationibus non flaret mundus*. In novo quoque Testamento aliquoties stationis mentio est. *Mat. VI. 5.* De hypocritis: *amant in Synagogis & angulis platearum ἐς ὧτες προσερχομαι*. In quem locum operæ pretium erit consuluisse

*Lichtfootum.* Mar: XI: 25. Ὅταν σήκατε προσευχόμενοι. Luc. XVIII. 13. Μάκρωθεν ἰσως.

XIV. Statio etiam Christianis usurpata.

XIV. Quod è Synagoga in Christianam quoque Ecclesiam transfusum est. *Justinus* in *Apologia ad Antonium Pium*, exercitia publica diei Dominicæ describens, hæc inter alia habet ἑπὶ ταῖς ἀνιστάμεθα κοινῇ πάντες, καὶ εὐχὰς πέμπομεν; *Dein surgimus communiter omnes, & preces fundimus.* In *Lurgia* Marco, sed temere, adscripta, Diaconus aliquoties inclamat: *Ad orationem state.* Et, *state recti.* Et, *qui sedetis, surgite.* De hodiernis Græcis *Christophorus Angelus* Cap. XXI. προσεύχονται οἱ Ἕλληνες αἰεὶ ἐν τῷ ναῷ ὁρθῶς ἰστάμενοι. *Orant Græci in templis erecti semper & stantes.* De Armeniorum stationibus videri potest *Tabernarius Itiner.* Tom. 1. Cap. III. In Latina quoque Ecclesia frequentissimum fuit stationum nomen. Desumptum ex militia Romana, ubi notæ militum stationes, & stationarii milites, qui certis locis jubebantur consistere, & excubias agere; & Christianorum sacris exercitiis applicatum *Tertul.* de *Oratione*: *Si statio de militari exemplo nomen accipit, & nos militia Dei sumus.* *Ambrosius*, ad mentionem stationum, *Sermone* XXXVI. *Castra enim nobis sunt nostra jejunia quæ nos à Diaboli oppugnatione defendunt.* Denique stationes vocantur, quod stantes & commorantes in iis, inimicos fidentes repellamus.

XV. Est signum reverentia, & promittudinis.

XV. Est autem statio signum reverentia, obedientia, & promittudinis erga superiorem. Uti colligi potest ex exemplo *Josephi stantis* coram Rege Pharaone. Gen. XLI: 46. Et *Danielis* ac sociorum, quos erudiri *Nebucadnezzar* iussit ut consisterent coram Rege. Dan. 1: 5. Hinc Angeli quoque representantur, ut ministri, coram Deo; ut Rege ac Domino suo, stantes. Dan. VII: 10. Zach. III: 7: Quod & *Paulus* urget. Heb. 1: 13. cui angelorum dixit unquam, sede ad dextram meam? *Maimonides* in *Biat Hamikdas*: אין עבדך אלהי מעומר non est ministerium nisi stantis: quia dictum est, ut stent ad ministrandum. Deut. XVII: 1: 5.

XVI. Quibus & alia mysteria addiderunt Christiani Veteres.

XVI. Christiani Veteres in stationibus suis præterea observabant symbolum resurrectionis tam Christi quam nostræ. & signum animi ad cælestia erecti, atque promittudinis ad emigrationem ex hac vita, & denique gestum rei adstantis coram iudice. *Clem. Constit. Apostol. Lib. 11. Cap. LXIII.* Die Dominico tres orationes stantes concipimus, in memoriam illius, qui tertia die resurrexit. *Chrysostomus* formulam Diaconi clamantis, STEMUS HONESTE, ad rectum animi statum hoc modo accommodat: *Tempore Divini sacrificii stare honeste jubemur, ut cogitationes humi repententes erigamus, ut languore quem ex huius vitæ negotiis contraximus, excusso, rectum coram Deo animum exsuscitare possimus.* *Basilius*, siue quicumque auctor est libri de *Spiritu S. ad Amphilochoium*. Cap. XXVII. *Necessarium igitur in hoc die Ecclesia suos alumnos docet, stantes absolvere preces*

ces suas, ut assidua commonitione vita illius nunquam desitura, non negligamus ad eam demigrationem parare viaticum. *Johannes Climacus*, cujus scripta exstant in Bibliotheca Patrum, de *Luctu*, gradu VII. *Sta in Orationis prece tremens, nec aliter quam reus judici adstans, ut & interiori, & exteriori habitu, favorem justī judicis concilies.* Sed & hæc fortassis subtiliora sunt.

XVII. Qui vero stantes oraverunt, ii non omnes ad eandem coeli plagam versa facie stabant. Judæi se vertebant ad *Occidentem*. Nam Templi ostium erat ab Oriente, Sanctum vero Sanctorum ad partem templi Occidentalem, quo respiciendum ipsis erat. Hinc *Rabbenu Ascher ad Megilla Cap. III. p. 36. Non faciunt ostia Synagoga nisi ad Orientem: quia sic legimus de Templo, quod illius janua fuerit ad Occidentem; sicuti dicitur: Et castra metantes coram tabernaculo Orientem versus: coram tentorio conventus Orientem versus.* Secus faciebant Idololatræ, quibus se horrendis criminibus sociabant Judæorum aliquot: de quibus *Ezech. VIII: 16. Ecce autem in porta templi Jehovæ, inter porticum & altare quasi viginti quinque viros: quorum posteriora erant versus templum Jehovæ, facies autem Orientem versus, & adoratio ipsorum Orientem versus ad solem ferebatur.*

XVII. Judæi in terra sua versus Occidentem stantes orabant.

XVIII. Observandum tamen, Judæos patria sua extorres, & in partibus Occidentalibus degentes, ita Synagogas suas exstruere, ut januæ in Occidente sint, Arca in qua liber legis asservatur, januæ è regione opposita, in Oriente, versus quam ingredienti sese incurvant, atque orant. Ratio discriminis hæc est: Quia, qui in occidente sunt Judæi, terram Canaan, & consequenter locum ubi Sanctuarium fuit, ad Orientem habent. Hæc enim constans apud ipsos doctrina est; quando quis consistit ad precandum, si stet extra terram Israël, convertat faciem suam versus terram Israël, & dirigat etiam versus Hierosolymam, & Sanctuarium, & Sanctum Sanctorum. Adeo omnia ad Sanctum Sanctorum respectum suum in orationibus habebant, ut in ipsa terra Israël, si quis consisteret pone propitiatorium, is faciem suam versus propitiatorium, & sic versus orientem convertere debuerit. De qua re erudite, pro more suo, disputat *Vir eximius Campegius Vitringa Archi Synagogi sui Cap. IX.*

XVIII. At qui nunc in partibus Occidentalibus degunt, versus Orientem.

XIX. Neque carebat ea res mysterio, quod tamen recentiores non intellectum prave neglexerunt. Uti Arca universa typus erat Christi, ita *כפרית* propitiatorium Arcæ opercelum potissimum ad Christum referebatur, & significabat propitiationem quam in Christo habemus; nostro apud Patrem Intercessore. *Rom. III: 25. I Joh. II: 2.* In ipso Deus habitat, uti quondam in propitiatorio, ibi compellendus, inde exaudiens preces supplicum; nunquam rite adoratus nunquam exoratus, nisi intuitu propitiationis per Messiam faciendæ, aut factæ.

XIX. Quo mysterio;

XX. Hæc & quæ his similia sunt prorsus ignorantes, ob longe diver-

XX. Gentilium plerique: & Christiani Veteres, versus Orientem orabant, ob diversas causas.

fas causas versus Orientem in precibus se flectebant Gentilium plerique, teste *Tertulliano Apologet. Cap. XVI. Sed & plerique vestrum, affectatione aliquando & cœlestia adorandi, ad solis ortum labia vibratis.* Idem & Veteres Christiani religiosissime observarunt; more, ut nonnulli asserunt, ab Apostolis tradito. At temere, quippe in quorum scriptis nihil de hac re exstat. Atque, ut ingeniosa est superstitio, multa commenti sunt, quæ huic suæ consuetudini firmandæ facerent. *Pseudo-Athanasius Quæst. XXXVII. ad Antiochum*, pro diversa ratione interrogantium, cur ad Orientem conversi essent Christiani, diversimode respondendum esse censet. Et Judæis quidem responderi jubet, quia Spiritus S. præceperit nobis per Davidem, *Ps. CXXXII. Adoremus in loco ubi steterunt pedes tui, Domine.* Vult dicere, quia Christus in Oriente natus, educatus & crucifixus est. Gentilibus vero: *non quasi Deus Oriente circumscribatur, ad Orientem versi adoramus; sed quoniam Deus lux vera est & nominatur, hanc ob causam ad lumen creatum respicientes, non illud, sed illius Creatorem adoramus.* Christianos autem docet, ideo Ecclesias ad Orientem exstructas esse, *ut ad Paradisum respiciamus, unde excidimus, rogantes Deum Dominum nostrum, ut nos in antiquam Patriam restituat.* Alii alias rationes addunt. *Justinus Martyr* id fieri dicit propter Orientis præ aliis omnibus creaturæ partibus præstantiam. *Clemens Alexandrinus*, quia hinc lux & natalis diei. *Damasceus*, quia Christus vocatur Lux, & Sol Justitiæ, & Oriens ex alto. Alii, quos nimis ἀρχαῖοις magnus *Seldenus* sequitur, *De Diis Syris Synagm: II. Cap. VIII.* quia Christus crucifixus Occidentem, id est, ab Oriente spectavit, atque ita ab adorantibus versus Orientem quasi suspici potuit: & quia, uti fulguris ab Oriente in Occidentem motus, ita magno illo, quem omnes exspectamus, die erit adventus filii hominis. *Matth. XXIV. 27.* Sed hæc frigida sunt; nec consistit in quæsitis hujusmodi mysteriis res Christiana.

XXI. Pii Veteres sedentes aliquando precati sunt.

XXI. SESSIO an ad gestus orantium pertineat, disquiritur inter eruditos. Id enimvero invenimus in sacris literis, factum aliquando esse ut orantes considerent. Soletque huc referri exemplum Moïsis, cui pro Israelitis adversus Amalecitas deprecanti *supposuerunt lapidem ut insideret illi. Exod. XVII. 12.* Davidis: de quo precante dicitur, *Et ingressus est Rex David, וישב לפני יהוה & confedit coram Domino.* 2 Sam. VII. 18. Eliæ, qui oravit *confidens sub junipero quadam.* 1. Reg. XIX. 4. Nehemiæ, qui *sedens flevit ac luxit, & jejunavit ac oravit coram Deo celi.* Neh. I. 4. & denique turbæ totius quam jussit Christus per herbas discumbere, quando suspiciens in cœlum precibus suis benedixit quinque panibus & duobus piscibus. *Matth. XIV. 19.*

XXII. Non tamen ex eo, quod sedentes aliquando oraverint, confici  
necessario

neccessario potest quod ad orandum confederint, & sessionem non minus decorum oranti gestum esse existimaverint, quam aut genuflexionem, aut stationem. Aliud est, si sedentes ob aliam causam, occupaverit precandi ardor. Et sane si rite perpendamus allegata modo exempla, in singulis videmur tale aliquid deprehendere. Moysen clarum est confedissee ob lassitudinem. Eandem sedendi causam Elias habuit, molesto itinere fatigatus: ejusque preces magis ex tædio profectæ, occasionatæ, ejaculatoriæ, quam statæ fuisse videntur. Nehemias confedit ob mœrorem: sic enim mœsti solent. Thr. 111. 28. *Sedeat solitarius, & acquiescat.* Nec sine temeritate asseritur, eum omnibus illis diebus quibus confedissee, luxisse, & jejunasse legitur, non surrexisse ad orandum. Verbo sedendi non exprimitur gestus *precantis*, sed *lugentis*. Confer Jobi 111. 23. ubi de amicis Jobo condolentibus: *ita sedebant cum eo humi septem diebus, & septem noctibus.* Turba à Christo ad edendum confidere jussa est: Christum autem precantem confedissee non dicitur.

XXII. Non tamen ad precandum confedissee videntur.

XXIII. Major difficultas in Davidis exemplo est. Sed observandum I. Quod vox Hebræa שׁוׁב non solum significet *sedere*, sed & *manere, permanere*. Græcus interpret Deut. ix. 9. exponit per *κατακλινοῦσαι, perseverare*. Eundem sensum hic quoque habere posset ut non desidem indicet & mollem oratoris habitum, qui supplicem minime decet: sed constantiam in orando significet. Et sane quum David populum frequenter hortatus sit ut incurvarent se ad scabellum Dei, an credibile est ipsum, non optimo exemplo, confedissee versus arcam? Aliter visum est *Josepho Antiq. Lib. vii. Cap. iv.* *His, inquit, à Propheta auditis, David letus --- ad Arcam se convertit, procidenque in faciem adoravit Deum.* II. Si retinere debeat communis sedendi significatio, cogitari potest de jure quod soli Regi concessum esse Hebræorum magistri tradunt, ut in templo confidere ei liceret. Qua de re videri potest *Schickardus de Jure Regio Hebræorum Cap. iv. Theorem. xiiii.* Ubi *Maimonidem* citat de Regibus in hæc verba differentem: *Quum intraverit atrium Sanctuarii, si est de semine David, assidet. Neque enim locus est sedendi in atrio, nisi regibus familie Davidis tantum: sicut dicitur 2 Sam. vii. 18. Ingressus est Rex David, & confedit coram Domino.* Confedit ergo David, non ad orandum, sed ut more Regio interesset sacris; quibus dum intererat oravit. III. Quid obstat, quo minus eum primo quidem confedissee, dein quum orandum erat, surrexisse aut genua flexisse credamus? Sicuti Ezras, audita populi in peccato perseverantia, primum *stupens sedebat* aliquamdiu, dein *surgebat & flectebat se in genua, & expandens manus ad Jehovam Deum suum orabat.* Ezr. ix. 3. 4. 5.

XXIII. Ne quidem Rex iple David.

XXIV. Alias sessionem non esse gestum in oratione decentem, plurimæ gentes

gentes consentiunt. Hebræi certe putant, non convenire id cum reverentia quæ numini debetur. *Maimonides in Biat Hammikdas Cap. v.* כל העובד והוא ישב חלל ועבודתו פסולה. *Quicumque sedens ministrat, profanus est irritumque est ministerium ejus.* Alexander ad Sisygambim Darii matrem, quamvis captivam, apud *Curtium Lib. v. Quotiescunque ad te veni, donec ut considerem annueres, restiti.* *Tertullianus de Oratione Cap. xii. Irreverens assidere sub conspectu, contraque conspectum ejus, quem cum maxime reverearis aut veneris: quanto magis sub conspectu Dei vivi &*

XXV. Capit  
tis opertio  
in cultu ju-  
dæis usitata.

XXV. Hactenus de iis Gestibus egimus quæ totius corporis habitum spectant: nunc ad eos accedamus qui ad certas corporis partes referuntur. Ubi primo loco occurrit CAPITIS OPERTIO vel APERTIO. Apud Hebræos non Pontifex solum & sacerdotes operto semper vertice erant, dum sacrisungebantur, sed & quotquot iis intererant Israelitæ velato capite adstabant. *Maimonides in tractatu De Oratione Cap. v.* לא יעמוד בתפלה בראש מטה. *non stabit in Oratione Capite aperto.* Idem sciscitur in Libro *Musar Cap. iv.* quod in hanc rem laudat *Drusius ad 1 Cor. xi. 4. Debet homo tegere caput, qua hora precatur, propter Deum ante quem ipse orat: & fiat cum timore & metu.* Habebant enim id pro signo reverentia. Sic habet alicubi glossa Talmudica citata *Lichtfooto* in eundem Pauli Apostoli locum מתעטף מאדם שכינה *velat se præ reverentia erga Divinam majestatem.* Eodem Mosis & Eliæ factum refert *Jacobus Altingius, Oratione de Mitra sacerdotis summi:* qui se Deo sistentes, ejusque præsentiam animadvertentes, absconderunt faciem obducta veste, indignos se rati, qui nudo vertice comparerent. *Exod. iiii. 6. 1 Reg. xix. 13.* Addunt quoque, signum fuisse pudoris: atque idcirco discipulos sapientum in solennibus jejniis velatos sedisse, ut lugentes atque excommunicatos, כבני אדם נזופים לסקור *sicut qui increpiti sunt à Deo.* Sic ille נזופ increpitus à grandi aliquo Rabbino domi se continuit ut pudefactus, nec coram eo stetit qui ipsum pudefecerat capite detecto. Et sicut caput opertum pudoris, ita apertum audaciæ signum habebatur. Atque hæc ratio est, cur, quos Moses ex Ægypto ביד רמה *elata manu* exivisse dicit, *Exod. xiv. 8.* eosdem Chaldæus Paraphrastes בריש גלי *nudo capite* exivisse memoret. Similiter *Num. xv. 30.* ubi de anima agitur quæ delicti quicquam commiserit *elata manu*; ibi Chaldæus iterum habet, *nudo capite.*

XXVI. Et  
plurisque  
Orientali-  
bus.

XXVI. Nec Hebræis solis capitis velatio reverentiæ in cultu indicium fuit, sed & plerisque Orientalibus, *Curtius Lib. iv. Capite velato præibat preces Regis.* Eandem consuetudinem, Phrygas, Asiæ populum observasse, hinc colligitur, quod Helenus Trojanus Æneæ inculcavit *Æneid. i. 11.*

*Purpureo velare comas adopertus amictu.*

*Hunc socii morem sacrorum, hunc ipse teneto.*

*Hæc*

*Hæc casti maneant in religione nepotes.*

Eum morem in Italiam intulit Æneas.

XXVII. Secuti Romani sunt; qui extra sacra vulgo erant aperto capite: vixque caput tegebant, nisi in morbo, aut luctu, aut cœli intemperie; aut forte per nimiam mollietatem. In sacris autem Pontifices & Sacerdotes, pileo vel apice, infulis & vittis utebantur; populus rejecta in caput vestis lacinia, obnubilato capite adstabat. Hinc *Flamines*, Sacerdotes Jovis, *Plutarcho* dicti creduntur, quasi *Pileamines*, a pileis capitum tegumentis, quod pileum sive apicem nunquam deponerent. Sed id longiuscule petatum videtur. Melius Flamen dicitur quasi *Filamen*, à *filo*: sive quod filum esset annexum pileo sacerdotali, sive, quod solo filo, urgente æstu, caput cingeret. Dilucide hoc exponit *Servius in Lib. VIII. Æneid. Flamines in capite pileum habebant, in quo erat brevis virga, desuper habens lana aliquid. Quod quum per æstus portare non possent, filo tantum capita religare ceperunt. Nam nudis penitus eos capitibus incedere nefas fuit. Unde à filo quo utebantur flamines sunt dicti, quasi filamines. Verum festis diebus filo deposito, pilea necesse erat accipere.* Hæc *Servius*. At omnium optime, nisi fallor, *Vossius Etymologico*, flamen deducit à *flameo*, hoc est, albo galero, seu velamento capitis, quo utebantur. Id autem flamen vocatur, à *flameo* colore. Hujus vero coloris erat; quia erant sacerdotes Jovis Tonantis, cui is color convenit. Sed è diverticulo in viam. Hoc ostendere volebam, Romanos velato capite honorem diis exhibuisse. Unde & L. Vitellius ex Syria redux, quum putide ac yerniliter adulando divinos honores Cajo Cæsari deferre vellet, *capite velato eum adiit, deinde & procubuit*, referente *Suetonio, Vitel. Cap. II.* In quem locum videri possunt *Torrentii* observationes, ubi & alia in hanc rem.

XXVIII. Longe aliter instituerunt Græci: de quibus *Macrobius Saturn. Lib. VIII. Illic Græco ritu, capite aperto, res Divina fit.* Ita enim legendum monet *Grotius*, ex cap. x. ubi Sacrum Saturno fieri dicitur *aperto capite, ritu peregrino*, id est, Græco. *Plutarchus* de iisdem Saturnalibus Sacris agens, ea fieri dicit *ἀπαρχαλυντῶ κεφαλῇ*. *Lucem facere* id dici solitum *Festus* testatur.

XXIX. Paulus Corinthiis, qui Græci erant, scribens, eum morem præfert. I Cor. XI. 4. Non quod communem legem præscribere vellet, omnibus ubique servandum: sed quod civili se accommodaret consuetudini, apud eos, ad quos scribebat, tunc temporis receptæ. Egregie id mihi exposuisse videtur *Altingius*, oratione suprâ laudatâ. Græci, ut dictum, nudo capite sacra sua peragere consueverant, dum idolis serviebant. Quum enim centonibus caput operire solerent, rem pudendam patrant; contra aperto capite essent, qui in re honesta occupabantur (unde natum proverbium,

*Orat. Dom.*

G

bium,

XXVII. Romanis etiam. Quorum Flamines à capitis tegumento sic dicti.

XXVIII. Græci aperto capite res Divinas fecerunt.

XXIX. Quod cur Paulus apud Corinthios præferat.

Altingii observatio.

bium, γυμνῇ κεφαλῇ, de iis usurpatum, qui palam ac citra pudorem quicquam agerent) utique quia religione nihil dignius, in hujus exercitiis aperta resectaque capita habenda censuerunt. Postquam vero Græcorum multi deserta Idololatria ad Christianam fidem transiissent, videntur quoque ab illa consuetudine aperiendi capitis deflexisse: sive Judæorum id imitatione factum fuerit, sive odio moris antiqui. Verum hoc pacto Græcorum aliis prophanitatem & contemptum numinis induisse credi poterant, quod omni testimonio reverentiæ in sacris novis abstinerent. Monet ergo Paulus ut in precibus & prophetia gentile decus observarent, nec magis pudendæ religionis speciem præberent extraneis, postquam Christiani facti essent, quam olim præbuisent Idololatræ. Hactenus *Altingius*.

XXX. Et  
Ludovici  
Capelli.

XXX. Cujus observationi id fortassis addi potest, quod *Ludovicus Capellus* habet. Nimirum tam apud Græcos, quam apud Romanos, omnes ingenui nudo & aperto capite in publicum prodibant; neque caput tegere solebant nisi luctu, morbo, aliave necessitate coacti, aut vero effœminata fracti mollitie. Noluit ergo Apostolus Corinthios in sacris velato capite adstare superstitionum aut idololatrarum more: quod is ritus argueret perversam, certe non necessariam, Judaici moris æmulationem, vel *δυστοκασμῶν* tristemque ac servilem Divinitatis metum redoleret, non vero ingenuam Christianorum, quam apud Deum habent, & profiteri debent, libertatem atque fiduciam; vel denique quod omni modo improbatam vellet in Christianorum cœtibus conformitatem cum illa quorundam Trimalcionum tum temporis mollitie, qui nullam se aëris inclementiam perferre postulabant.

XXXI. Non  
tamen vide-  
tur Aposto-  
licus canon  
omnes sem-  
per & ubi-  
que Chri-  
stianos ob-  
ligare.

XXXI. Non tamen quod Corinthiis, habita moris eorum ratione, præscribebat, idem fortassis præscripsisset Hebræis in sua terra commorantibus aut Ægyptiis, & Arabibus, qui alio more utebantur. Quum enim civilis consuetudo pro locorum ac temporum ratione diversissima sit: id quod hic & nunc decorum est, alio tempore ac loco prorsus indecorum haberetur. Obtinuit tamen Apostolicus canon ab eo tempore inter Christianos propemodum omnes. An quia caput aperire ab omnibus *signum reverentiæ* censetur? Vix putem. Id nunc quidem in Septentrione per Gallicas & Germanicas nationes late manavit. At Judæis, Græcis, Veteri Italiæ, & etiamnum universo Orienti prorsus est incognitum. Videtur ergo potius pertinere ad *libertatem novi Testamenti*. Tertullianus: *Capite nudo, quia non erubescimus*.

XXXII.  
Manuum  
lotio: apud  
Judæos.

XXXII. A Capite ad MANUS veniamus: circa quas hæc tria potissimum consideranda veniunt, *Lotio, Expansio, Osculum*. *Lotio manuum* in precibus, multis usitata fuit gentibus, Hebræis, Græcis, Romanis, Christianis. *Aristæas*, sive quisquis auctor est historiæ de LXX. Interpretibus,  
inter



XXXIII. De Græcis *Homerus Odys.* II.

**XXXIII.**  
**Gentiles.**

De Romanis *Tibullus*, Lib: I. Eleg: II.

*Et manibus puris sumite fontis aquam.*

XXXIV. Christiani etiam, ex eo quod Paulus jubet puras ad Deum manus omni loco tollere, I. Tim. II. 8. externam manuum lotionem intulerunt. Chrysostomus Homilia XLIII, in I Cor. *Ὅπου ἀνέλειο χερσὶν ἀνθρώποις ἑὺχασθαι. Illotis manibus nequaquam ores.* In hunc finem templorum atria habebant fontes, cisternas, vel puteos, vel cantharos etiam.

ne fideles illotis manibus ad publicas accederent preces. Græci *λῆτῆρας*, *κῆρνας*, *νιπτῆρας*, *φρέατα* vocant. Chrysoft. Homil. LVII. Tom. v. *Κῆρνας* εἶναι ἐν ταῖς αὐλαῖς τῶν εὐκτηρίων οἰκῶν νεόμισται, ἵνα οἱ μέλλοντες εὐχισθῶσι τῷ Θεῷ, πρότερον ἀπονιψάμενοι τὰς χεῖρας, ὥτως αὐτὰς εἰς εὐχὴν ἀνατείνωσιν. Ut in atriis domuum oratoriarum fontes sint constitutum est, quo sic Deum oraturi prius manus abluant, & tunc demum eas ad preces extendant. Paulinus Nolanus ad Aletium scribens, Epist. XXXI. *Cantharum* vocat. In Vestibulo (Basilicæ Vaticanæ, quam ibi describit) *cantharum* miniftra manibus & oribus nostris fluenta ructantem fastigiatus solido ære tholus ornat, & inumbrat, non sine mystica specie quasnor columnis salientes aquas ambiens; decet enim ingressum Ecclesiæ talis ornatus, ut quod intus mysterio salutariter geritur, spectabili pro foribus opere signetur. Vid. Baron. Ann. I. Ad Annum LV. Num. cvII. Illud autem omnes passim Veteres urgent, frustra esse omnem, quantumvis accuratam, manuum abluionem, nisi animi à vitiis mundatio, isthac abluione figurata, accederet. Sine qua externum illum abluionis ritum vocant *γέλωτα* & *λῆρον*, *παίγνια* & *παίδων ἀθύρματα*, risum, nugas, jocos, & puerorum ludicra. Vide sis prolixa de hac differentem Suicerum in *Observationibus Sacris* Cap. VI.

G 2 XXXV.

XXXV. Ma-  
nuum Ex-  
pansio, &  
Protensio.

XXXV. *Expansio manuum & protensio in cælum*, in omnium fere precibus locum invenit. *Aristoteles de mundo*: πάντες οἱ ἄνθρωποι ἀνατείνουσαν χεῖρας εἰς ἑρανὸν ἐυχὰς ποιῶμενοι: *Omnes quotquot sumus mortales manus in cælum protendimus orantes*. De Veteribus Hebræis res est notissima ex Jobi xi. 13. Thren. iiii. 41. Apud Gentiles nihil frequentius. *Virgilius*:

— cælo palmas cum voce tendit.

*Livius Lib. v. Dicitur manus ad cælum tollens ita precatus*. De Christianis *Tertullianus*: *manibus expansis, quia innocuis*. Estque ea res adeo ubique obvia, ut plura addere nimiae cujusdam diligentiae videri queat.

XXXVI.  
Quarum  
rerum fig-  
norum sit.

XXXVI. Satiùs est ut quid gestus ille significet inquiramus. Et primo quidē creditus est notare *sinceritatem*; est enim gestus quasi nudantis operata, effundentis intima, referantis abstrusa. Hinc Propheta jubet *cor in palmis ad Deum in cælis elevare*. Thren. iiii. 41. Deinde etiam *spem*, ab omnibus rebus abductam, & ad Deum conversam. Solent pueri parentibus manus tendere, quasi ansam sui apprehendendi dantes. Idem faciunt qui gurgitibus pessus eunt. Manus porrecta, cordis paternam manum obviam summa cupiditate invadere & retinere gestientis formam exhibet. Ita *Coccejus ad Job. xi. 13*. Porro significare potest, *fidem operosam*; quasi petita bona ex manu Dei mox accepturi, vel luctando veluti extorsuri. Denique docet, non decere orantem ut *desidiosus* sit, sed potius in diligenti legitimorum mediorum usu benedictionem Divinam præstoleatur. Quo pertinet Laconum monitum: *admotâ operi manu, Deum implorandum esse*. Multas Græcorum sententias in hanc mentem collegit *Gathakerns ad Marci Antonini Lib. ii. §. xl. p. 347*. ex quibus has pauculas libet excerpere.

τὴν χεῖρα προσφέροντα τὸν Θεὸν καλεῖν.

*Deum invocare oportet admotâ manu.*

Ἄυτός τι νῦν θρῶν, εἴτα τὰς Θεὰς κάλει.

*Molire primus ipse mox Deum invoca.*

Ἀργὸς γὰρ ἔδεις, Θεὰς ἔχων ἀνα σώμα

βίον δύναται ἂν ξυλλέγειν ἀνευ πόνου.

*Expers laboris atque inops nemo potest*

*Rem facere, quamvis saepe compellet Deos.*

XXXVII.  
Chryso-  
stomus lauda-  
tur.

XXXVII. Sed nec temnenda *Chrysoptomi* observatio est, qui exinde argumentum petit quo ab omni operum improbitate orantes absterreat. Verba ipsius in Ps. cxli. digna notatu sunt, sed prolixiuscula; ideoque Latine exhibebo. *Quid manuum in precibus sibi vult extensio? Quoniam illa multis malis ministrant actionibus, cujusmodi sunt verbera, cedes, rapina, avaritia, & illicitus questus: hanc ipsam ob causam jubemur eas levare, ut, quia nobis in precibus ministrant, illud eas à malitia abstrahat, & à nequitia abducant: uti se quid rapere, vel aliena invadere,*  
vel

vel alium percutere velles, memor quod easdem manus, veluti deprecatrices & patronas, ad Deum mittas, & per eas sacrificium illud spirituale offeras, eas non pudefacias, nec per malam actionem libertate sua spolies.

XXXVIII.  
Manuum  
osculum.

XXXVIII. Sed & osculum manuum in sacris usitatum fuit. Jobus, de sua apud Deum hominesque innocentia accurate protestans, solis lunæque cultum his à se verbis amolitur. Cap. xxxi. 26. 27. *Si vidi lucem, quod splenderet, & lunam pulchre incedentem; & seductum est in secreto cor meum, & OSCULUM TULIT MANUS MEA ORI MEO.* Negat se pulchritudine cœlestium luminarium eo seductum fuisse, ut in secreto, nedum palam, religiose eā veneratus sit. At locutio mira videtur. Non enim manus ori osculum fert, sed os manui. Verum difficultatem hanc erudita observatione femovit Coccejus. Verbum Hebræum *פָּוַס* non est proprie ore premere, sed *quamvis partem parti jungere*. Inde est, quod & pro armari venit. Ergo verteris: *manus mea se applicuit ori meo*. Uti fecerunt LXX. *Εἰ δὲ καὶ χεῖρα μὲ ἐπιθῆις ἐπὶ σώματι ἐφίλησα.* Est hic gestus colentis. Fuerunt oscula religiosa, quibus gentiles sua coluerunt simulachra, os iis admovebando. 1. Reg. xix. 18. Hof. xiii. 2. Quibus cum testimoniis conferri meretur Ciceronis illud in *Verrem Lib. v. Ibi est ex are simulacrum ipsius Herculis, quo non facile dixerim me quicquam vidisse pulchrius: usque eo, iudices, ut rictum ejus ac mentum paullo sit attritius: quod in precibus ac gratulationibus non solum id venerari, sed etiam osculari solent.* Atque hæc quidem in Divino cultu simplex osculorum ratio fuit. Sed & alia erat magis superstitiosa & quæsitus cultus. Vice dissuaviationis oris, ubi aut distantia, aut verecundia impedit, est osculum quod fit manu ori appressa. Verèbantur plerumque Deos ipsos ore prophano suo tangere, sed eminus stantes manum porrigebant, eamque statim verenter ad os suum referebant & suaviabantur. Hic habitus receptissimus, & velut solennis adorantium fuit. Atque hinc formatum ipsum adorandi verbum: quia manus ad ora admovebant. Plinius: *in adorando dextram ad osculum referimus.* *Lipsius Elector: Lib. II. Cap. VI.*

XXXIX. Tandem etiam de PEDIBUS aliquid dicamus. Eos calceis exuere jussi sunt Moyses & Josua, præsentiam numinis propius subituri. Exod. iii. 5. Jos. v. 14. Sed id extraordinarium aliquid fuisse videtur. Neuter enim id fecisset, nisi monitus. Hebræi tamen tradunt Sacerdotes ipsorum nudis semper pedibus sacra fecisse. Adeo quidem ut prophanium censeretur illius ministerium, cui inter pedes & atrii solum medium aliquod interpositum erat. Videri super hac re meretur Viri eruditissimi *Antonii Binaï de Calceis Hebræorum commentarius Lib. II. Cap. III.* De Berenice *Josephus narrat, de Bello Jud: Lib. II. Cap. xv.* quod votum pro salute nuncupans templum ingressura calceos exuerit. Exstat cautio apud

XXXIX.  
Pedibus  
calceos ex-  
uere in re  
sacra  
multæ gen-  
tes solent.

*Maimonidem, in Bethhabbehira Cap. VII. לא יבסו אדם את רגליו בחבית בטהור. אבמטעל שברגליו. Ne quis cum baculo, aut cum calceis ad pedes suos, mentem domus Domini invaditos. Pythagoræ quoque notissimum monitum est: ἀνυπόδητος εἶναι, καὶ προσκύνειν. Nudis pedibus rem sacram facito, & adorato. Quod tamen ad mores potius quam ad ritus pertinere haud ab absurde arbitreris. Multæ gentes fana sua ingressuræ calceos exuebant. Quod à Græcis sæpius factum, ex C. Limacho & Valerio Flacco discere licet. Apud Cretenses qui Dianam religiosissime venerabuntur, ædem numinis, præternudus vestigia, nullus licite ingrediebatur: uti Solinus refert. Cap. XVII. Apud Romanos quoque Væstæ ædem nudis pedibus matronæ adibant. Mahumedani etiam ædes suas sacras subituri, calceos religiose exuunt.*

LX. Quod Abissini Christiani æmulantur, ob rationem futilem.

XL. Eundem morem ubi servari ab Æthiopibus, sive Abissinis Christianis auctor est Zaga Zabo apud Damianum à Goes: *Non datur, inquit, potestas nobis adeundi templum, nisi nudis pedibus.* Additâ ratione superstitiosa & futile. Sic enim pergit. *Quia Ecclesiæ Æthiopica non sunt similes terræ illi, ubi populus Israel comedit agnum Paschalem decedens ab Ægypto; in quo loco Deus jussit eos comedere indutos calceamentis, & zonis accinctos propter terræ pollutionem. Sed similes sunt monti Sinai, ubi locutus est Dominus Moysi, dicens, Moyses, Moyses, exue calceamenta tua, quoniam terra quam pedes tui premunt sancta est. Et hic mons Sinai parens nostrarum Ecclesiarum est, ex quo suam acceperunt originem; ita ut Apostoli ex Prophetis, & Novum Testamentum à Vetere. In quas non ineptias prolabantur mortales, ubi propriæ sapientiæ fastu turgidi à simplicitate Divinæ intitutionis desciscunt.*

XLI. Ratio solidior ejus ritus.

XLI. Nos solidiora sectemur. Exutio calceorum fuit signum I. *Subjectionis, & servitutis.* Nam servi olim nudis pedibus Dominis suis ministrabant, & Jesaias in omnem servitutis imminenti disscalceatus procedere jubetur. *Jes. xx. 2. Ei autem qui ad Deum accedit decorum est subjectionem suam testari, atqui omni modo ei dicere, uti David olim, Ps. cxvi. 16. Certe Domine, servus tuus sum, & filius ancillæ tuæ.* II. *Luctus ac mœroris.* Unde Ezechiel à luctu supersedere jussus, calceos induere jubetur. *Ezech. xxiv. 17. Et Hebræorum magistri tradunt die expiationis inderdictam fuisse אֲכִילת הַסַּנְדָּלִי indutionem Sandalii. Quod & in omni graviore luctu & solennibus jejuniis etiamnum à Judæis observatur. Et quid in sacris Deo gratius, quid numini ad misericordiam flectendo magis idoneum, quam demonstratio mœroris super criminibus nostris? Non ignorabat id superba cæteroqui Berenice, quæ Florum deprecatura, nudipes ante tribunal stetit. III. Puritatis.* Nam quæ ex via contractæ sunt sordes una cum calceis deponuntur. Pura autem mente castum numen colendum esse, cui non dicat conscientia? Haut immerito huc refertur Ecclesiasticus

clericali monitum Cap. IV. vers. ultimo. *Observa pedem tuum ingressurus Domum Dei.* Quod ita commentatur *Chaldaeus Paraphrastes*: אגרת ברנשא: שר רגלך בעדן דתול לבית מוקדשא די לצלאה דלאתהך תמן מלא חובין קדם עד לא תתוב. *Tu, fili hominis, observa pedem tuum quo tempore ingresses domum Sanctuarii Domini ad orandum, ne eo concedas plenus debitis resipiscentia nondum expunctis.* Quæ subtilius ab aliis observata sunt, ea suis relinquimus auctoribus.

XLII. Hactenus Historicum fere egi aut Criticum: nunc ea quæ magis Theologica sunt absolvam. Quæritur ergo, an & qui Gestus, homini Christiano, qui libertate Testamenti Novi gaudet, in Oratione adhibendi sint. Cui quæstioni non nisi distinctionibus aliquot satisfieri posse videtur, quorum aliæ preces spectant, aliæ corporis habitum.

XLII. An & qui gestus homini Christiano in Oratione adhibendi sunt.

XLIII. Aliquæ preces nullos gestus exigunt.

XLIII. Preces *ejaculatoriæ*, uti vocantur, sive breves illæ mentis ad Deum elevationes, quæ omni tempore ac loco, atque in omnibus actionibus nostris fieri possunt, certum aliquem corporis habitum non exigunt. Pro exemplo sit Nehemias, qui, dum Regi vinum ministrabat, & cum eo loquebatur, supplex orabat Deum cœli. Neh. II. 1-4. Idem statuendum de precibus *clandestinis*, licet prolixioribus, quæ sola mente peraguntur, in aliorum aliud agentium confortio, verbi gratia, in itinere, curru, navigio: ne videamur apparere velle hominibus, quod hypocritarum est. Mat. VI. 5. *Chrysostomus, Homilia LXXIX: ad populum Antiochenum. Licet genua non flectas, nec percutias pectus, nec in cælum manus extendas, si mentem tantum ferventem exhibeas, orationis perfectionem consummaveris. Licet enim & forum petentem, & ambulantiem prolixas facere orationes. Licet & in officina sedentem, & suentem pelles animam Deo dedicare. Licet & servo & menti, & adscendenti, & adstanti coquo, quum ad Ecclesiam ire non poterit, orationem facere prolixam, & solertem. Preces agrorum, etiam statæ, non sunt ordinariis adstrictæ gestibus. Nam Hizkias æger, facie ad lectuli sui parietem conversa, Deum pie deprecabatur. Jes. xxxviii: 2. Preces nocturnæ, ex sanctis meditationibus ortæ, etiam a jacentibus in lecto pie peragi possunt. Ps. vi. 7.*

XLIV. At preces *Ordinariæ, statæ*, sive *Privatæ* eæ sint, sive *Domestica* sive *Ecclesiastica*, eos requirunt gestus, qui humilitati, reverentiæ, spei, zelo, similibusque animi affectibus, tam excitandis quam demonstrandis idonei sunt. Nam I. Et corpus nostrum Dei se esse in Oratione ostendat. II. Ita nobis exemplo suo præiverunt Sancti, tam Veteris quam Novi Testamenti, & Sanctorum omnium princeps ipse Christus Dominus. Uti ex exemplis supra allegatis constat. III. Ita quandoque jussi sumus. Quamvis enim, quæ de incurvatione, & genuflexione & manuum expansione existant præcepta ad animum potissimum pertineant, supponunt ta-

ALIV. Aliæ eos exigunt, qui affectibus animi excitandis vel testandis idonei sunt.

men eum corporis habitum, cui animi dispositionem respondere Deus vult. IV. Multifariam expedit. Respectu Dei, cui ita demonstramus obsequium & reverentiam. Respectu aliorum, qui præsentes sunt, & conspectu eorum, quæ nos gerimus, ad similem excitantur reverentiam. Denique respectu nostri: nam dum gestus aliquid significant, suo modo nobis loquentes, recordari faciunt nos Deo loqui.

XLV. Au-  
gustinus.  
laudatus.

XLV. Pulcherrime id explicuit *Augustinus*, in *Libro de Cura pro mortuis gerenda*. Nam & orantes, inquit, de membris sui corporis faciunt, quod supplicantibus congruit, quum genua figunt, quum extendunt manus, vel etiam prosternuntur solo, & si quid aliud visibiliter faciunt: quamvis eorum invisibilis voluntas & cordis intentio Deo nota sit: nec ille indigeat his indiciis ut humanus ei pandatur animus: sed his magis se ipsum excitat homo ad orandum gemendumque humiliter atque ferventius. Et nescio quo modo quum hi motus corporis fieri, nisi motu animi præcedente, non possint, eisdemque rursus exterius visibiliter factis ille interior invisibilis, qui illos fecit, augetur: ac per hoc cordis affectus, qui, ut fierent ista, præcessit, quia facta sunt, crescit.

XLVI. For-  
ma gestuum  
pro tempo-  
rum loco-  
rumque di-  
versitate di-  
versificari  
potest.

XLVI. De speciali forma ac modo gestuum illud in universum tenendum est, quod idem *Augustinus* monet, *Variar: Quæst: ad Simplicianum Lib: II.* Quæst: IV. Non esse præscriptum Dei verbo, quomodo corpus constituitur ad orandum, dummodo animus præsens peragat suam intentionem. Id tamen agendum ut fervetur decorum personæ nostræ, & disciplina ejus Ecclesiæ in qua versamur. Nulli uni gestui omnes, semper, & ubique aligamur. Temporum & regionum usus, qui signa honoris varie dispensat, varietatem hic quoque admittit, imo infert. Veteres Hebræi operto capite orabant, & bene: quia id apud Orientales, uti olim, ita & nunc, reverentiæ signum erat. Nos in Occidente & Septentrionalibus Europæ partibus, detectionem capitis pro signo honoris nunc habemus: ideoque detecto capite rite oramus. Neque in eadem quamvis regione omnibus locis & personis eadem conveniunt. Major est libertas in precibus solitariis, ubi sequi licet sacrorum commotionem affectuum; quam in fociis, domesticis, aut ecclesiasticis, ubi magis attendendum ad τὸ πρέπον, & ædificationem aliorum. In talibus omnium commodissimi censendi sunt illi corporis gestus; qui in sacris literis laudati sunt & commendati: uti genuflexio, aut statio, manuum expansio: & similes: Duo hic vitandi scopuli; secunda prophanitas, & anixa superstitio.

EXERCITATIO. V.  
DE  
STATIS PRECUM HORIS.  
BREVIARIUM.

I. *Stata orandi tempora gentes pleraque habuerunt.* II. *Hebræi quotidie tria.* III. *Matutinarum precum tempus, ab Oriente sole usque in horam* IV. *Hinc illustratur Act. II: 15.* V. *Meridianarum, Hora* VI. *aut IX.* VI. *Vespertinarum, ab initio noctis usque ad auroram.* VII. *Barbari non minus quam Græci mane & vespere orabant.* VIII. *Mahumedani quotidie quinquies, vel septies.* IX. *Idque admodum adstrictè.* X. *Christiani Veteres tria quotidie orandi habuere tempora: primo liberius.* XI. *Dein, adstrictius.* XII. *Quæsitis etiam in horarum definitione mysteriis.* XIII. *Alii sexies orare jusserunt, aut septies.* XIV. *Græcorum in precibus diligentia.* XV. *Romanenses ter quotidie Beatam Virginem salutare jubent.* XVI. *Hora Canonica.* XVII. *Persona ad eas obligata.* XVIII. *Earum Modus.* XIX. *Partes.* XX. *Septem horæ una hora deproperari possunt.* XXI. *Origo horarum canonicarum ex Psalmidiis Angelorum.* XXII. *Preces publicæ stata tempora exigunt.* XXIII. *Privatim omni tempore certo sensu orandum est.* XXIV. *Quotiescunque id postulat occasio.* XXV. *Et quando Spiritus precum impellit animum.* XXVI. *Expedit tamen ordinariis pietatis exercitiis certas destinare horas.* XXVII. *At sub cautelis quibusdam.* XXVIII. *Non statuitur isthac precum ordinatione ullus Spiritui S. terminus.*

I. **P**ostulat nunc ordinis instituti ratio, ut de STATIS ORATIONIS TEMPORIBUS agamus; ubi eadem qua nuper procedentes methodo, primo exponemus quid plerisque gentibus in more fuerit positum; deinde quid homini Christiano conveniat.

I. Stata  
Orandi  
tempora  
gentes pleraque  
habuerunt.

II. **HEBRÆI**, ab antiquissimis seculis tria habuerunt quotidie orandi tempora. Sic enim de Daniele narratur Dan. VI: II. *Temporibus tribus de die ipse procumbens in genua sua orabat, & confitebatur coram Deo, quemadmodum fecerat antea.* Eique consuetudini tam severa lege se adstringebat Vir sanctissimus, ut spreto regis Darii edicto, leonibus se objicere mallet, quam eo numinis cultu vel unum diem supersedere. Quænam porro tria ista tempora fuerint, David explicat Ps. LV: 18. *Vespere, & mane, atque meridie meditabor & perstrepat, donec audiverit vocem meam.* Nihil quidem super hac re expressa lege præcepit Deus; sed Ju-

II. Hebræi  
quotidie  
tria.

Orat. Dom.

H

dæorum

dæorum recentiores magistri tradunt, majores suos hanc consuetudinem a veterrimis Patriarchis accepisse. Orationem matutinam, quam vocant תפלה שחרית / vel תפלה אור / imputant Abrahamo. Orationem meridianam, תפלה מנחה Isaac. Orationem Vespertinam, תפלה ערבית Jacobo. Rationem hujus instituti reddit *Kimchius in Ps. LV: 18. Nam debet homo Deum laudare quum dies mutatur: mutatur autem ter, mane, meridie, & vespere.* Ludovicus Capellus existimat respectum esse ad numerum oblationum. Illæ binæ fuerunt quotidie: hinc binæ preces singulis diebus, quæ responderent sacrificio jugi, quod mane & vespere quotidie offerebatur. Quia autem victimæ artus tota nocte super altari ardent, hinc tertiam vespertinam, sive nocturnam, addidere; jejunii potissimum die peragendam. Quam vocant נעילה / *occlusoriam*, habendam post occasum solis, propterea quod tunc occludantur cœli portæ super solem, qui absconditur. Diebus festis, & jejunii addiderunt & alias de quibus videri potest laudatus modo *Capellus ad Act. III: 1.*

III. Matutinarum precum tempus, ab oriente sole usque ad horam IV.

III. Tempus precibus his ita definiverunt. Matutinæ concipiebantur ab oriente sole usque ad horam diei quartam. Sic enim *Maimonides, Tractatu Tephilla Cap. III. §. I. תחלת שחרית מצותה שיתחיל להתפלל עם הזקן* תחלת שחרית מצותה שיתחיל להתפלל עם הזקן *De oratione matutina præceptum est ut incipiat cum ortu solis, tempusque ejus est ad finem horæ quartæ: quia hæc est tertia pars diei.* quia vero Sabbatho & diebus festis, præter sacrificium matutinum addebant aliud sacrificium; hinc factum est ut ejus vicem illis diebus aliæ preces conciperentur. Et quia id sacrificium vocabatur קרבן מוסף / *sacrificium additum*, oratio etiam illi sacrificio respondens vocabatur תפלה המוספת / *oratio additamentorum.* Durabatque, secundum Maimonidem, ad horam septimam: secundum alios, ad sextam. Neque dimitti solebat populus ad prandium, nisi post finitas illas preces. *Iosephus in sua vita: τὸν συνῶδον διέλυσεν ἐπειδὴ ἐκτὴ ὥρᾳ, καθ' ἣν τοῖς σάββασι ἀριστοποιεῖσθαι νόμιμον ἔστιν ἡμῖν.* *Superveniente hora sextâ solutus est cætus, qua hora fas nobis est Sabbatis præssum ire.* At aliis diebus præterquam festis licebat epulis operari post horam diei tertiam. Quamvis qui religiosiores erant cibum non fumerent ante sextam. De talibus dicit *Maimonides: קבל עלי תענית עד חצי יום* / *suscipit in se jejunium usque ad dimidium diei.*

IV. Hinc illustratur Act. II: 15.

IV. Hinc lux affulget apologiæ illi, qua se & coapostolos ab intentata ebrietatis absurdissima calumnia purgabat Petrus: Act. II: 15. *Non enim inquit, ut vos præsumitis isti ebrii sunt, quum sit hora diei tertia.* Non lubet nunc repetere quæ passim ab interpretibus ad vim hujus argumenti ostendendam observata sunt. Omnibus iis id addi potest, quod ex Judæorum ritibus erudite annotavit *Petitus.* Erat nimirum iste dies Pentecostes,



tecostes, ac proinde singulari modo festus: nec licuit per instituta patria, ante peractas preces, non matutinas solum, sed & adjectitias, quæ non nisi meridie finiebantur, quicquam gustare. Vix autem tunc erat hora diei tertia. Quæ ergo in viris antiquæ pietatis vel species ebrietatis suspitioni patebat, ea hora qua vel minimum procurando corpori indulgere nefas erat? Sed hoc ἐν παρώδῳ.

V. Preces respondentes Minchæ, sive sacrificio pomeridiano, uti & Mincha, duo habebant tempora. Scilicet erat מִנְחָה מִנְחָה / *Mincha magna*, quando sacrificium iuge vespertinum offerebatur, hora sexta & dimidia, uti tempore Pascatis si illud mactandum veniebat in Sabbathi parafœve: & מִנְחָה קְטַנָּה / *Mincha parva*, ab hora nona & dimidia usque ad occasum solis. Licebatque pro arbitrio vel hoc vel illo tempore preces suas concipere: quamquam satius arbitretur Maimonides id facere, mox a meridie. Sic faciebat Petrus Act. x: 9. *Adscendit in solarium, ut oraret, circa horam sextam.* Sed & aliter, pro libertate sua. Act. III: I. Petrus & Johannes simul adscendebant in templum, *sub horam precationis, nempe nonam.* Qua eadem hora, etiam Cornelius precatus esse legitur. Act. x: 3. 30.

V. Meridianarum, hora VI. aut IX.

VI. Precis, quæ מִנְחָה vespertina dicitur, tempus est ab initio noctis, usque ad primum auroræ radium. Ea autem quæ מִנְחָה occlusoria vocatur, perfici debet circa solis occasum. Cæterum non tam arctam volunt esse obligationem ad preces vespertinas, vel nocturnas potius, quam ad matutinas, easque quæ respondent Minchæ: quamvis tamen Israelitæ omnes ubique terrarum nocturnas quoque preces usurpant.

VI. Vespertinarum, ab initio noctis usque ad auroram.

VII. Nec apud Hebræos solum, sed & apud plerasque GENTES hic mos obtinuit, ut matutinis ac vespertinis precibus numen adorent. Ideoque Atheos eo remittit Plato de Legib. Lib. x. Ἀντέλλοντός τε ἡλίου καὶ σελήνης. καὶ πρὸς δυσμὰς ἰόντων προσηύχοντες ἅμα καὶ προσκυνήσαντες ἀκρωτῆς τε καὶ ὀρώντες Ἑλλήνων τε καὶ Βαρβάρων πάντων ἐν συμφοραῖς παντοίαις εὐχομένων καὶ ἐμπραγίαις: ut qui quotidie in ortu & occasu solis & lunæ Græcos & Barbaros omnes, tam in rebus adversis quam secundis, audirent conspicerentque suppliciter adorare. Apollonius quoque Thyaneus auroram precibus dandam, atque ita totius diei actiones quasi sanctificandas consuluit. Ita enim diei tempora dispescit apud Philostratum, Lib. I. Cap. XII. Ἐφασκε γὰρ χρῆναι τὰς ἑπτὰ φιλοσοφῶντας ἡς μὲν ἀρχομένης ζυγῆναι Θεαῖς, περιόσης δὲ περὶ Θεῶν (supple διαλέγεσθαι, vel simile quid) τὸν δὲ μετὰ ταῦτα καιρὸν ἀνθρώπων περὶ τὰς ζυγισίας ποιῆσθαι. Aiebat enim qui recte philosophatur oportere veniente aurora cum Diis conversari, procedente autem die de Diis loqui, reliquum vero tempus humanis rebus & sermonibus impendere.

VII. Barbari non minus quam Græci, mane ac vespere orabant.

VIII. Muhammedani quotidie quinquies, vel septies

VIII. MUHAMMEDANI quinquies quotidie precantur. I. Disicula II. Oriente sole. III. Meridie. IV. Inter meridiem & vesperam. V. Occidente sole. Atque hæc quidem institutionis Muhammedicæ sunt & usus necessarii. Acceperunt duæ aliæ preces: I. In vespera, hora una & dimidia post occasum solis. II. Circa mediam noctem. Hæc sunt traditionis & consuetudinis. Sed ad imitationem Muhammedis a devotis observantur. Vide *de Dien ad Aët.* III: 1. Ultimam preces omnium faciunt longissimam: quia decet, inquit, ut devotio crescat, & potissima opera meliora sint antegressis.

IX. Idque admodum adstrictæ.

IX. Tam præcise hæc tempora observanda esse dicunt, ut nemo sine crimine ea possit negligere. Adeo quidem ut si quis in mare fuerit præcipitatus, aut si quæ foemina cum partus doloribus luctetur, ne ii quidem his orandi legibus soluti sint. Si quis itinere præpeditus publicis sacris interesse nequeat, is de statuta orationis hora quomodocunquo monitus, iter ad istud tempus sistet, aqua se, si quidem ea in promptu sit, abluet, sin minus pulvere se aut arena sparget, neque recedet loco, donec ordinarium precum pensum absolverit. Negligenti autem impune non est. Habent enim inquisitores, qui omissionis convictos non sine contumelia aut multa dimittunt. *Hotting. Hist. Orient. Lib. II. Cap. v. §. III.*

X. Christiani Veteres, ariæ quotidie orandi habuerunt tempora, primo libenter,

X. CHRISTIANI veteres, Hebræos imitati, statuta quoque orandi tempora habuere: *at salva, ut Tertullianus ait de Jejuniis, indifferentia, semper, & ubique, & omni tempore orandi.* Clemens Alexandrinus *Sermonum. Lib. VII. p. 728*, Gnosticum suum, hoc est, pium ac spirituale Christianum, iis describit verbis quæ auro pingi merentur. ἅπας ὁ βίῃ αὐτῆς πανήγυρις ἀγία· αὐτῇ δὲ θυσιαι μὲν αὐτῷ, εὐχαῖται καὶ αἶνοι, καὶ αἱ πρὸ τῆς ἐξιστάσεως ἐντευχέες τῶν γραφῶν ψάλμοι δὲ καὶ ὕμνοι παρὰ τὴν ἐξίστασιν· πρὸ τῆς κοίτης. ἀλλὰ καὶ νυκτὶ εὐχαὶ πάλιν· διὰ τῶν αὐτῶν ἐνοπείᾳ τῷ Θεῷ χορῶν ἐκ τῆς συνεχῆς μνήμης εἰς αἰῶνα μνηστὸν θεωρίαν συντεταγμένῃ. *Universa ejus vita tanquam celebris ac sanctus dies festus est. Atque ei sacrificia sunt ipsæ preces ac laudes, & quæ ante cibum fiunt scripturarum lectiones, psalmi autem & hymni dum cibum sumitur. Antequam autem eatur cubitum, sed & noctu rursus orationes.* Per hæc se ipsum unit choro Divino, ex memoria continua in æternæ memoriæ contemplatione positus. Sed & alibi apud ipsum matutinas, & vespertinas, & nocturnas, & diurnas ante ac post cibum preces commendatas videmus, quas tamen nullis hæcenus horis alligat.

XI. Deinde adstrictius.

XI. At p 722. *Tertiam, Sextam, Nonam laudat.* Ἐὰν δὲ τινες καὶ ὥρας τακτὰς ἀπονεύσῃ εὐχῇ, ὡς τρίτην Φερε καὶ ἑκτην καὶ ἑνάτην, ἀλλ' ἐν γὰρ ὁ γνωστικὸς πρὸς ἅλῃ εὐχεται τὸν βίον, δι' εὐχῆς συνέχει σπουδῶν Θεῷ. *Quod si nonnulli certas & definitas horas constitunt orationi, ut, verbi causa*

*caussa, tertiam, sextam, nonam, at is qui est cognitione præditus per totam orat vitam; dum per preces suas cum Deo studet versari. Alter Clemens, auctor διατάξεων sive constitutionum Apostolicarum, Lib. VII. Cap. XLVIII. ter quotidie orare jubet, præscriptis etiam orationum formulis, quas mane, & vespere, & in ἀγίστω ad prandium circa meridiem recitari vult. Eusebius Constantini pietatem hoc quoque nomine laudat, quod in intimis palatii sui penetralibus quotidie sese STATIS HORIS includens, remotis arbitris solus cum solo colloquebatur Deo: & in genua provolutus ea quibus opus haberet supplici prece postulabat. De Vit. Const. Lib. IV. Cap. XXII. Ubi statas quidem horas memorat: at non definit, quas.*

XII. Qui horas definiunt, plerique in illa definitione quærent myste-  
 rium. Quod à diversis diversimode exponitur. Cyprianus, in *expositione* XII. Quæ-  
 sitis etiam  
 in horarum  
 definitione  
 mysteriis.  
*Orationis Dominica, in hora tertia, sexta, nona invenit sacramentum Tri-  
 nitatis, quæ novissimis temporibus manifestari habebat. Nam prima hora  
 in tertiam veniens, consummatum numerum Trinitatis ostendit. Itemque  
 ad sextam quarta procedens, declarat alteram Trinitatem. Et quando  
 à septima nona completur, per ternas horas Trinitas perfecta numeratur.*  
 Quibus speculationibus, admodum sublimibus, quid significare voluerit  
 Vir Sanctus, difficile explicatu est. Sed & aliud sacramentum observat in  
 statutis & legitimis illis serviendi temporibus. Eas subjungens rationes quas  
 suas quoque deinceps fecit Hieronymus. in *Dan. vi. Tria, inquit, tem-  
 pora sunt, quibus flectenda Deo sunt genua: tertiam, sextam, & nonam*  
*Ecclesiastica traditio intelligit. Hora tertia descendit Spiritus S. super Apo-  
 stolos: sexta volens Petrus comedere ad Orationem adscendit in cœnaculum.*  
*Nona Petrus & Johannes pergebant in templum. Alias rationes Augusti-  
 nus reddit, in Sentent. Num. 203. Vigor, ait, fidei Christianæ tribus*  
*temporibus initiatur: vespere, mane, meridie. Vespere enim Dominus in*  
*cruce; mane in resurrectione; meridie in adscensione: unum ad patientiam*  
*occisi, aliud ad vitam resuscitati, tertium pertinet ad gloriam majestatis*  
*in Patris dextera confidentis. Pintus Christianorum institutum cum illo*  
*Judæorum contendit; quam perite & solide ipse viderit. Tribus horis, in-*  
*quit, orabant Judæi in die, scilicet tertia, sexta, & nona. Tertia, quia*  
*tunc data est Lex in Sinai; & eadem hora orat Ecclesia, quia tunc datus*  
*est Spiritus Sanctus in Pentecoste. Sexta, quia tunc erectus fuit serpens*  
*æneus in deserto: eadem orat Ecclesia, quia tunc crucifixus est Christus.*  
*Nonā, tunc petra dedit aquas in Kades: uti & Christi latus in cruce*  
*tunc perforatum sanguinem dedit & aquam. An Judæorum Doctores has*  
*instituti sui rationes laudent, equidem nescio: Hoc video, non deesse su-*  
*perstitiosis ingeniis quibus sibi placeant commenta, quantumvis aliena &*  
*frigida.*

- XIII.** Alii *sexies* quotidie orandum dixerunt. Ita habent *Constitutiones*, quæ *Apostolica* dicuntur, *Lib. VIII. Cap. XXXIV.* Circa auroram, hora Tertia, Sexta, Nona, Vesper, circa Gallicinium. Additis singulorum temporum rationibus. Idem habet *Chrysostomus Homilia in Ps. CXIX.* ubi tamen & alias hujus distributionis rationes laudat. Nonnulli etiam Davidis exemplo *septies* preces ad Deum quotidie fundendas voluerunt.
- XIV.** *GRAECI* recentiores, diebus festis, Dominica, & quolibet die Saturni circa vesperam in templum se conferunt. Iterumque summo mane, id est hora post mediam noctem secunda, etiam foeminae cum liberis, domi puero solum vel puella relictis: ibique manent usque ad tempus matutinum, vacantes precibus & hymnis. Oriente sole domum redeunt, ab omni cibo potuque usque ad horam nonam abstinentes. Qua Sacerdos iterum iis in templum praecedit. *Christoph. Angel. Cap. XIII.* Adde annotationes *Feblavii.*
- XV.** *ROMANENSES* hodierni, omnes fideles cujuscunque sexus aut status obligatos ajunt ut ter quotidie Beatam Virginem salutatione Angelica venerentur: mane, meridiæ, vesperi. Addunt, terna illa salutatione revocari in memoriam tria maxima Christianismi mysteria. Matutina, Christi Resurrectionem; Meridianâ, Passionem; Vespertina, Incarnationem. Sic docent Bellarminus, Canisius, alii. Sed quantopere ea à Veteris ac purioris Christianismi praxi recedant, prolixè demonstravit *Dallaus, de Objecto Cultus Religiosi Lib. III. Cap. XIV.*
- XVI.** *HORÆ CANONICÆ.* XVI. Maxime apud ipsos memorabiles sunt *HORÆ CANONICÆ*, si-ve *Officium Divinum*, Quod ita definit Bellarminus: *Est certa ratio publice laudandi precandique Deum, mente simul & voce, auctoritate presulum Ecclesiae instituta.* Dicuntur *Horæ*, quia statutis horis recitantur. *Canonica*: vel quia Ecclesiastica; nam Canonicum & Ecclesiasticum pro eodem habent: vel quia sunt preces Cononicorum, choro addictorum. Materia Officii, secundum Bellarminum, partes decem habet: Psalmos, Cantica, Hymnos, Lectiones, Responsoria, Antiphonas, Litanias, Capitula, Collectas, Symbolum, & Confessionem. Quæ quid singula significant, & quo modo à se invicem distinguantur prolixum effet exponere. Neque vel ad eruditionem, vel ad pietatem multum refert.
- XVII.** *Personæ ad eas obligatæ.* XVII. *Personæ* ad officium illud obligatæ, non sunt Christiani omnes, sed I. *Beneficiati*, qui titulum habent beneficii Ecclesiastici, incipiendo à die possessionis adeptæ. II. *Sacris ordinibus initiati*. III. *Regulares professi*, tam mares, quam foeminae, choro addicti: quorum obligatio incipit ab ea hora qua solemnem votorum professionem emiserunt. Hæc tamen multas patiuntur exceptiones. Non enim omnes illi quibus officii ratione incumbit, horas illas ipsi observant, sed per alios vicarios chorales observari

observari curant. Imprimis obligari negant eos, qui nullos ex Beneficio suo fructus percipiunt: teste Jesuita *Sa*, qui se quadraginta annos in elegantibus hisce arcanis explicandis consumsisse narrat. Docetque eos qui valde exiguos fructus, verbi gratia octo duntaxat ducatorum, accipiunt, secundum quosdam non teneri.

XVIII. Ad *modum* pertinet. I. Ut fiant lingua non vulgari, sed Latina. II. Non sola vocis pronuntiatione, sed & cantu, & quidem symphonico, tum vocali, tum instrumentali. At hoc publicum in Ecclesia chororum spectat: non extenditur ad Horarum per Beneficiatos pronuntiationem domi factam. III. Debitis conditionibus: quas septem Bellarminus enumerat. Ut servetur præscripta integritas, ordo, qualitas officii, locus, tempus, attentio, devotio.

XIX. *Partes* sunt, septem horæ. Matutinum, seu Laudes, Prima, Tertia, Sexta, Nonâ, Vesperæ, Completorium. Quibus hæc subesse censentur mysteria. Media nocte, sive Matutinâ, natus est Christus, & resurrexit. Hora Prima, ductus est ad Pilatum. Tertia, linguis Judæorum in crucem actus, & flagellis cæsus, spinis coronatus. Sexta, vere cruci affixus. Nona, exspiravit, & ad inferos descendit. Vespertina, de cruce depositus est. Eâdem hora cœnavit, pedes lavit, eucharistiam confecit. Hora completorii oravit in hortu.

XX. At ne quis putet septem integras horas officio huic impendendas esse, ars aliqua inventa est qua non contemnendum temporis compendium fiat. Sciendum enim est, sacerdotem una hora omnes horas suas deperantem officio satisfacere. Matutinas etiam vesperi, & Vespertinas mane dicere poterit, nec tamen errabit. *Potest ex causa statim post Completorium dici Matutinum sequens, & mane totum officium diei*, ait modo nobis laudatus *Sa*. Etiam quis Vespertinas post mediam noctem dicere posset, atque ita præcedentis diei officium transire.

XXI. Egregiam hanc Divini cultus rationem *præsulorum auctoritate* institutam esse Bellarminus definit. At *Johannes Cassianus Lib. II. de instit. Canobit*: refert, non solum humano, sed Angelico etiam ministerio & magisterio, Canonicarum Horarum ordinem esse constitutum. Et *Ado Trevirensis in Martyrologio ad nonum diem Januarii* ait: *tempore persecutionis Diocletiani auditam fuisse circa Sanctorum reliquias cælestem Psalmidiam Mane & Vespere, & rursus Hora Tertia, Sexta & Nona*. In vita Magdalenæ narrant, *Angelos quotidie in cælo Canonicas illas Horas decantare*. Idcirco constitutiones hæc de Horis Canonicis Divinis fere mandatis exæquant: intermissione hujus officii peccatum mortale statuunt. Opus autem ipsum cantandi Horas Canonicas tanti æstimant, *ut licet sine actuali attentione, & mentis ad Deum elevatione peragatur, tamen sit cultus*

*cultus Deo gratissimus.* Qui plura de his desiderat, adeat *Casaliū, de Vet. Sacr. Christ. Ritibus Cap. XLIV. Johannem Gerhardum, Disput. Part. I. Disputatione VIIII. Thes. IIII. Rivetum, Cathol. Orthod. Quæst. XXXV. Gisbertum Voetium Disput. Select. Tom. IIII. p. 1056.*

XXII. Preces publicæ statâ tempore exigunt.

XXII. At nos, missis his Romanensium næniis, de re ipsa potius inquiramus, an homini Christiano conveniat habere statâ precandi tempora. Quæ quæstio iterum sine varia precum distinctione rite expediri non potest. I. Preces publicæ certos dies certasque horas exigunt, omnibus ad eam Ecclesiam pertinentibus notas, ut ordine convenire possint.

XXIII. Privatum omnino tempore certo sensu orandum est.

XXIII. II. Quod ad preces privatas attinet, certo sensu orandum est omni tempore, sine intermissione, Col. IV. 2. I Thes. V. 17. Eph. VI. 18. Hoc est, animum ita dispositum esse oportet, ut promptus ad preces sit, quoties commoda orandi occasio inciderit, utque ex bona ista dispositione frequentissima cum Deo colloquia oriantur, & continua fere sanctorum meditationum exhalatio. Ita de Socrate Maximum Tyrium, de homine Christiano Clementem Alexandrinum nuper dicentes audivimus, *totam ipsorum vitam continuam esse orationem.* Nec abludit illud Epicteti, apud Arrian. Lib. II Cap. XIX. *Ἐἰς τὸν Θεὸν ἀφορῶν ἐν παντί, καὶ μικρῶ καὶ μεγάλῳ, Deum in quacunque re respiciens, tam parva quam magna.* Bonum Sanctumque Johannis Lansbergii consilium est, *Enchir. Mili. Christ. Cap. X. Ex omnibus quæ vides, quæque audis, discere orandi sumere occasionem, mentemque ad Deum elevandi. Nihil enim adeo potest audiri absurdum, nihil fieri, quod bonæ menti sese ad Deum convertendi, cum Deoque tractandi, non præbeat occasionem.*

XXIV. Quotiescunque id postulat occasio.

XXIV. III. Præter hæc preces, quas *ejaculatorias* Præctici vocant, quibus omnes actiones nostras tanquam sale condiri oportet, aliæ sunt prolixiores, magisque, ut ita dicam formatæ, quæ nullis certis temporibus alligari possunt: quippe quibus occasio datur ex iis quæ cuivis in cursu rerum suarum accidunt. Non nostræ solum pietatis doctores, sed & gentiles observarunt, nihil quod alicujus momenti sit aggrediendum esse, nisi invocato prius numine. Notum est Epicteti illud: *ΕΠΙ ΠΑΝΤΟΣ ΠΡΟΧΕΙΡΟΥ ΕΥΚΤΕΟΝ.* Et memorabile admodum. Scipionis exemplum Livio laudatum Lib. XXVI. dignumque quod nostris sæpe Politicis hominibus inculcetur. *Nulla die prius ullam publicam privatamque remegit, quam in Capitolium iret, ingressusque ad eam consideret, & plerumque tempus solum in secreto ibi teneret.* Sed & orandi necessitatem impositam sibi sentit Christianus quivis, quoties tentationibus ad peccandum exponitur, vel peccato se præoccupatum cum dolore animadvertit, vel repentina affligitur calamitate, vel ingruens deprehendit periculum, vel recenti afficitur beneficio,

beneficio, & quæ id genus plura enumerare infinitum foret. Hæc nullis se temporum periodis circumscribi patiuntur.

XXV. IV. Uti nec Spiritus precum, qui quodocunque animum invadit, & ad orandum excitat, rejectis protinus omnibus impedimentis id agendum est quo impelli nos à Divino Spiritu sentimus. Secunda coelestis istius venti aura flante sine mora expandere votorum nostrorum vela oportet: neque ullo committendum est modo, ut nostrâ vel tarditate, vel importuna *πελυπραγμοσύνη*, optatam adeo tempestatem præterlabi sinamus. Non habemus in potestate nostra suavissimas illas Spiritus emotiones: idcirco quotiescunque contingunt, promptissima eis alacritate obsecundandum est.

XXV. Et quando spiritus precum impellit animum.

XXVI. V. Pro ordinariis & quotidianis pietatis exercitiis, sive solitariis, sive domesticis, multifariam utile est statas horas habere. Etenim I. Conducit id ad vitæ nostræ ordinem, qui in rebus omnibus maximam semper commoditatem habet. II. Ita occurritur socordiae; tepori, negligentiae quæ animo cæteroqui facile obrepunt. *Calvin. in Act. x. Nam quia totum fere diem distrabimur variis negotiis, nec finis est tumultuandi, nisi tanquam injecto freno nos retinemus, utile est certas horas habere precibus dicatas: non quod horis simus astricti, sed ne memoria effluat oratio, quæ omnibus curis debebat prior esse.* III. Ita præivere omnium temporum laudatissimi mortales, quorum exempla ex sacris, ecclesiasticis, profanis etiam scriptis prolixè allegata modo sunt, quibus plurima alia superaddere in promptu nobis foret. Si quis plura desideret, adeat Venerandi Voetii *Poëticam Ecclesiasticam Tom. 1. p. 161. & seq.* & inveniet quo sitim expleat.

XXVI. Expedit tamen ordinariis pietatis exercitiis certas destinare horas.

XXVII. Observandæ tamen hæc cautelæ sunt. I. Non est quaerendum mysterium aliquod in horarum spatiis; quod non sine superstitione à Veteribus factum esse dolemus. Cui recentiores Romanensium doctores in suis horis Canonicis infinita propemodum adjunxere nugamenta. Nihil hic attendendum nisi pietatis commoditas, ordo, & felicius ac constantius exercitium. II. Non omnes ad eadem tempora obligari possunt, debentve. Neque enim ullum in sacris literis mandatum exstat de determinatione temporis, sive quoad numerum, sive quoad horas precum. Et quæ inibi laudantur exempla, ea imitanda sunt quoad rem ipsam, non præcisè quoad omnes rei circumstantias. Non enim omnia tempora conveniunt omnibus. Alia est ratio eorum qui suis vivunt redditibus, scique adeo per magnam diei partem juris sunt, & de temporibus suis disponere pro suo libitu possunt; alia eorum quibus alièno vivendum est arbitrio, & quorum ministeria circumscripta tempora habent, uti operarii, famuli, ac similes. Æquitas exigit, ut in tam dispari hominum conditione non eadem præscribantur omnibus. Cuique integrum est ea seligere tempora, quæ sibi ac familiæ suæ comperit esse convenientissima. III. Quum ista ho-

XXVII. Ac sub cautelis quibusdam.

rarum selectio non sit Divinae obligationis, sed privatae prudentiae, non nimis se iis alligare debet animus: ut vel existimet se officio egregie defunctum esse iis horis precando, vel magnum se crimen admisisse, si fueta hora impeditus in aliud tempus orationem differe coactus fuerit. Omnes diei horae aequae Dei sunt. IV. Non tamen temere negligenda sunt solita tempora. Sed dolere debet animus, si impediatur; desiderare & quaerere impedimenti remotionem; sarcire defectum proximo tempore. Sicut qui stato tempore edere vel dormire solent, instante illo tempore sentiunt cibi appetitum, vel inclinationem ad somnum, atque aegre iis est si cibo somnove potiri non liceat: ita quibus cordi est ordine Deum venerari, iis jucundae accidunt precum horae, & nescio quid incommoditatis animo sentiunt, si aliis occupationibus interpellentur.

XXVIII.  
Non statui-  
tur isthac  
precum or-  
dinatione  
ullus Spiritui S. terminus.

XXVIII. Non est existimandum hac precum ordinatione modum terminumque poni Spiritui Sancto, quasi illum ad statas horas praesto esse oporteat. Nam I. In antecessum nunc monuimus, quandocunque quis sanctos spiritus ad orandum impulsus persentiscit, eum rupta omni mora, sepositisque omnibus impedimentis, mox se debere accingere ad preces, non exspectata ordinaria precum hora. II. Id quod adversus stata precum tempora objicitur eodem modo valet adversus stata tempora publicae lectionis, auditionis, celebrationis Eucharistiae. Haec enim non minus praesentiam Spiritus Sancti exigunt: & tamen commode & ordine nisi statis temporibus fieri non possunt. III. Nec David, nec Daniel, nec Apostoli, statis temporibus orantes, quicquam fecerunt quod Spiritu precum indignum sit. IV. Male supponitur, non esse precandum nisi tum quando Spiritu nos ad precandum excitari deprehendimus. Obligatio nostra ad officium non pendet ab influxu Spiritus, qui, uti Dominus omnium, sua agendi tempora in sua etiam habet potestate: sed pendet unice à Divina institutione quae nobis pro actionum nostrarum norma est. Influxus Spiritus in ipso pietatis exercitio per fidem est exspectandus.

## EXERCITATIO VI.

### DE

Rebus à Deo petendis, quarum summa continetur in  
Oratione Dominica.

### BREVIARIUM.

- I. Circa preces nos informat Deus. II. Intus per Spiritum. III. Extus per Filium. IV. Judaei ex insinuatione Gamalielis habebant preces XVIII. V. Quo-  
vlt



vel integra, vel per compendium recitanda erant. VI. Id genus compendia discipulis suis tradebant magistri. VII. Quod imitatus Johannes est. VIII. Solebant & oratiunculam pro clausula addere. IX. Christus hac quoque in re se accommodavit moribus sua gentis. X. Orationem suis dictans, qua non pro exemplari solum, sed & pro formula fit. XI. Huc enim nos Christi verba ducunt. XII. Et praxis Ecclesiae, tam Israelitica. XIII. Quam Veteris Christiana. XIV. Quae Orationem Dominicam cum aliis precibus iungebat. XV. At non docebat eam Catechumenos. XVI. Argumenta eorum qui orationem hanc pronunciandam esse negant. XVII. Prisci Israelitae formularum quarundam verbis adstricti fuerunt. XVIII. Quae iisdem premuntur difficultatibus, quibus usus Orationis Dominica. XIX. Uti & Psalmorum cantus. XX. Attenta verborum Christi pronunciatione non suffocatur spiritus. XXI. Nec committitur idololatria. XXII. Aut Battologia. XXIII. Repetitio huius orationis apud Lucam facit eam commendabiliorem. XXIV. Apostolos ea usos non esse, ex scripturarum silentio non invicte concluditur. XXV. Complectitur, saltem generatim, omnes necessitates nostras. XXVI. Nec ulli temporis incongrua est. XXVII. Qui non habet animum condonandi, ad nullam precem idoneus est. XXVIII. Absurde Bogomili reliquas omnes orationes ob hanc unam spernabant. XXIX. Quum nequidem necesse sit eam aliis semper precibus adungere. XXX. Non sunt Christiani exercitati alligandi formulis humanis. XXXI. Quarum necessitatem quorundam ignorantia, & socordia introduxit. XXXII. XXXIII. XXXIV. XXXV. XXXVI. Pleraque Dominica Orationis ex Hebraeorum sunt desumpta formalis. XXXVII. Amen, ubi, quando, & quomodo sit subiectum precibus. XXXVIII. Probabilius est Christum has phrasas ex Veteribus Hebraeis, quam recentiores ex Evangelio habere. XXXIX. Orationis Dominica praestantia. XL. Partitio.

**N**unc id restat ut QUID A DEO LEGITIME PETI POSSIT inquiremus. Atque hic sese mortalium omnium prodit ignorantia. Quid enim oremus ut oportet, non novimus. Rom. VIII. 26. Sed & simul sese pandit immensa numinis benignitas, dum imperitiae succurrens nostrae, exemplaria aut formulas orandi clementer nobis suggerit. Nimirum plus uno modo circa preces nos informat Deus. Facit illud intus, per Spiritum; extus, per Filium.

I. Circa preces nos informat Deus.

II. Spiritus sublevat infirmitates nostras, & intercedit pro nobis. Rom. VIII. 26. Qua de re supra quoque diximus. Res huc redit. I. Mentis nostrae oculos aperit, ut videamus, indigentiam nostram, atque indigentiam: quippe qui sumus *erumnosi, & miserabiles, & pauperes, & cecii, & nudi*. Apoc. III. 17. II. Facit ut animadvertamus spiritualium bonorum praestantiam: ac sciamus quae sit spes illa vocationis ipsius, & quae opes gloria

II. Intus: per Spiritum.

*gloria hereditatis ipsius in sanctis.* Eph. I. 18. III. Ardens eorum bonorum desiderium excitat, quale est cervi glocitantis ad alveos aquarum. Ps. xlii. 2. IV. Mentem imbuunt iis affectibus, qui Dei Majestate, nostra vilitate atque indignitate, & rerum desideratarum præstantia digni sunt. Atque hoc nomine *Spiritus precum* dicitur. Zach. xii. 10.

III. Extus  
per Filium.

III. Sed & Filius Dei suos docuit, quò modo orandum sit. Et quidem bis. Primo sua sponte, occasione sumpta ex pravis Phariseorum precibus. Mat. vi. 9. Dein rogatu discipuli alicujus, postquam ipse ab oratione surrexerat. Luc. xi. 1. Sive discipulus ille non interfuerit præsens, quando Christus docebat turbam; sive oblitus fuerit eorum quæ tunc à Domino dicta erant; sive aliam aliquam formulam ampliores expetierit. Christo autem eandem ingeminare placuit: quippe qua nulla consummatiores atque exactior præscribi potest.

IV. Judæi  
ex instituto  
Gamalielis  
habebant  
preces  
xviii.

IV. Operæ pretium est hæc ex antiquitatibus Hebraicis paullo enucleatius exponere. Uti Judæi quotidie statas precum horas habebant, ita iis horis statas habebant preces, quas conceptis verbis proferrent, institutas, ut ajunt, ab Ezra, & viris Synagogæ Magnæ, & in certum ordinem, ad numerum duodeviginti, redactas à Gamaliel Seniore, qui vixit tempore Christi, & fuit præceptor Pauli Apostoli. Hujus hæc memoratur in Talmude constitutio: *Dicit Rabbā Gamaliel, unoquoque die oret unusquisque octodecim orationes.*

V. Quæ vel  
integre, vel  
per compendium  
recitanda  
erant.

V. Qui non valebat promptitudine aut memoria ut numerosas illas preces commode recitare posset, ei licebat compendiosa summula uti, in qua omnium istarum medulla esset veluti compacta. Hanc summulam vocabant *מנחה* sive *fontem*. De qua Rabbi Aquiba. *אם שוהה תפלתו במי מנחה* *אם תי' מנחה* *אם תי' מנחה*. *Si expedita sit oratio in ore ejus oret octodecim; sin minus, oret summulam istarum octodecim.*

VI. Id ge-  
nus com-  
pendia dis-  
cipulis suis,  
tradebant  
Magistri.

VI. Porro Usitatissimum erat Doctoribus Judæorum, ut sibi suisque discipulis, formulas ejusmodi summulasque struerent, quarum aliquot in Talmude exempla occurrunt. Quæ non eo erant comparatæ, ut ordinarias statasque gentis preces à medio tollerent, velut iis crearent præjudicium, sed ut haberent aliquid quod sibi suisque privatis rebus esset accommodatum.

VII. Quod  
imitatus Jo-  
hannes est.

VII. Receptum hunc seculo suo morem imitatus fuit Johannes, qui sicuti singulare aliquid habebat in doctrina sua, quæ plurimum à Phariseorum disciplina distabat, unde tantus ad eum factus est hominum concursus; ita etiam suis orandi formulas tradidisse videtur, ab illis Phariseorum, & communibus Synagogæ, diversas. Luc. xi. 1.

VIII. Sole-  
bant & ora-  
tunculum  
pro clausula  
addere.

VIII. Nec inusitatum erat precibus statim orationem addere, quæ clausulæ loco esset. *Rabbi Eliezer* finitis orationibus solitus erat dicere:

*Sic*

*Sit beneplacitum tuum; Domine, ut habitet in sorte nostra amor, & fraternitas. Rabbi Jochanan, finitis orationibus sic dicebat: sit beneplacitum tuum, Domine, ut observes contumeliam nostram, & respicias miseras nostras. Vide Lichtf. ad Mat. vi. 9.*

IX. Christus igitur, qui passim se accommodavit seculi sui moribus ac institutis quæ mala non erant, tam sua sponte, quam rogatus à discipulis suis, hanc iis præscripsit formulam, quæ vel pro summula prolixiorum precum, vel pro conclusionem earundem usurpari possêt: à nobis certe amplectenda est ut *θεοδιδαντ* (Θεὸς δίδαντ) quemadmodum vocatur à Cyrillo Hierosolymitano Catech. iv.

IX. Christus hac quoque in re se accommodavit moribus suæ gentis.

X. Hæc aditum nobis faciunt ad solutionem quæstionis: utrum Oratio Dominica Exemplar duntaxat sit, an vero & Formula orandi: sive an ad id solum nobis sit data, ut disceremus qualia & qualiter à Deo petenda sint; an vero & ipsa ea verba ab hominibus Christianis recitari conveniat. Dico, conveniat. Vix enim existimo quenquam esse qui serio pugnet, Christum discipulos suos iis præcise verbis adstrinxisse. Uti nollem inter Christianos inveniri, qui, nescio qua superstitione, Christi verba suppressa mallent, quam ut sua Deo vota Christi verbis exprimerent. Equidem non censem cum iis esse litigandum, qui etiam pro formula usurpant, modo id faciant cum intelligentia & devotione.

X. Orationem suis dictans, quæ non solum pro exemplari, sed & pro formula sit.

XI. Nam ipsa simplicitas verborum Christi huc nos ducere videtur. *Mat. vi. 9. Vos igitur ita precamini.* Et magis adhuc. *Luc. xi. 2. QUUM ORATIS, DICITE.* Vult ergo ut ea verba nobiscum sumamus. *Hos. xiv. 2.* Et sane qui rogabat ipsum discipulus, non tam cupiebat de orandi modo informari, quam desiderabat exemplar & formulam orationis; quomodo Pharisei suis affectis, Johannes suis auditoribus, precandi formulas tradiderant. Cui desiderio promte satisfacit Dominus Jesus: non dicens, hoc fere modo orate; sed, *quum oratis, dicite.* Non dicit, petite ut nomen Dei sanctificetur, Regnum ejus adveniat, &c. quomodo locutus fuisset, si solum præbuisset exemplar. Sed ait, *Dicite, Pater noster, Sanctificetur nomen tuum.* Non res solum, neque dispositionem, sed & verba suggerens, quibus Pater noster cœlestis compelli amat. Quisquamne sine præjudicio hæc considerans, animum suum inducere potest ut credat, ea intentione ita locutum esse Dominum, ut religiosissimi Patris cœlestis adoratores existimarent orationis hujus usu sibi vel plerumque vel semper interdictum esse? Ubi Christum docentem audimus, *vos, quum oratis, dicite*: licetne id ita *παράφραζεν*, vestris quidem verbis has ipsas res utcumque exponite; at scitote cavendum vobis religiose ne iis ipsis verbis utamini quæ ego nunc vobis præco.

XI. Hæc enim nos verba Christi ducunt.

XII. Accedit praxis Ecclesiæ Israeliticæ, quæ ex præscripto Divino, conceptis

XII. Et  
praxis Ec-  
clesiæ, tam  
Isræliticæ,

conceptis verbis, & solemnî carmine, Deum alloquebatur. Ita formulam Benedictionis Aaroni & filiis ejus Deo mandante prævit Moses: Num. vi. 23. *Alloquere Aaronem & filios ejus, dicendo: sic Benedicite filiis Isrâelis, dicendo eis.* Exstat & præscripta formula confessionis atque precationis, usurpanda in oblatione primitiarum: Deut. xxvi. 5. & decimarum. ibid. vers. 13. Ubi notandum, præceptum hoc in singulari numero proponi, ut singuli scirent his sibi verbis utendum esse. Tunc dices coram Jehova Deo tuo, *sustuli quod sanctum est è domo mea, &c.* Joël quoque Sacerdotibus supplicationis formulam prævit. Cap. ii. 17. *Inter ipsum vestibulum & altare fleant sacerdotes, ministri Jehovæ: & dicant, parce, Jehova, populo tuo, &c.* Et in Davidicis hymnis, quotquot sunt *ἐκκλησίαι*, quales sane sunt plurimi, quid aliud sunt, nisi quædam formulæ orationum, in communem Ecclesiæ usum traditæ; 2 Chron. xxix. 30. *Edixitque Ezechias Rex, & principes, Levitis, ut laudarent Jehovam verbis Davidis, & Asaphi videntis.* Quod ita decorum fuit Ecclesiæ Veteri, ut certis orandi formulis uteretur, non debet indecorum censi Ecclesiæ recentiori: in cuius usum jam inde à priscis temporibus formulæ quædam tam præcum quam gratiarum actionum conceptæ sunt. Exstant enim tam in Psalmis, quam in Prophetis non pauca, quæ ab antiquis, in expectatione futurorum, recitata ac decantata, nostris proprie temporibus conveniunt.

XIII. Quam  
Veteris  
Christianæ.

XIII. Eadem est praxis Veteris Ecclesiæ Christianæ. Cui in summa veneratione fuit Dominicæ orationis recitatio. *Tertullianus in Libro de Oratione: Quid mirum? Deus solus docere potuit, ut se vellet orari. Ab ipso igitur ordinata religio orationis, & de spiritu ipsius, jam tunc quum ex ore Divino ferretur, animata, suo privilegio adscendit in cælum, commendans Patri, qua Filius docuit.* Cyprianus similiter, in *Sermone de Oratione Dominica, initio. Christus inter cetera sua salutaria monita & præcepta Divina, quibus populo suo consulit ad salutem, etiam orandi ipse formam dedit, ipse quid precaremur monuit & instruxit. Qui fecit vivere, docuit & orare, benignitate scilicet qua & cetera dare & conferre dignatus est, ut dum prece & oratione quam Filius docuit, apud Patrem loquimur, facilius audiamur.* Post pauca: *Qua potest magis spiritualis esse oratio, quam qua à Christo nobis data est, à quo nobis & Spiritus Sanctus missus est? Qua vera magis apud Patrem precatio, quam qua à Filio, qui est Veritas, de ejus ore prolata est? ut aliter orare quam docuit, non ignorantia sola sit, sed & culpa. . . . Oremus itaque, Fratres dilectissimi, sicut Magister Deus docuit. Amica & familiaris oratio est, Deum de suo rogare, ad aures ejus ascendere Christi orationem. Agnoscat Pater filii sui verba, quum precem facimus. . . Nam quum dicat, quia quodcumque petieritis à Patre in nomine meo dabit vobis;*  
quanto

quanto efficacius impetramus quod petimus in Christi nomine, si petamus ipsius oratione?

XIV. Ita autem Dominica Oratione utebantur Veteres, ut ea absoluta, alias preces pro rei exigentia subjungerent. Sic enim Tertullianus ea quæ modo laudavimus prosequitur: *Quoniam tamen Dominus, prospector humanarum necessitatum, seorsim post traditam orandi disciplinam, Petite, inquit, & accipietis, & sunt quæ petantur pro circumstantiâ cuiusque: præmissa LEGITIMA ET ORDINARIA ORATIONE, (sic Dominicam vocat) quasi fundamento, jus est superstruendi extrinsecus petitiones.* Sic ergo Tertulliani tempore in Africa oratio Dominica præmittebatur subsequabantur preces aliæ. Verum aliis temporibus locisque, præmissis aliis precibus, Oratio Dominica pro conclusione addebatur. *Gregorius: Lib. VII, Epistola LXIV. Orationem Dominicam mox post precem dicimus.*

XIV. Quæ  
Orationem  
Dominicam  
cum aliis  
precibus  
jungebat.

XV. Cæterum hic singulare aliquid habebant Veteres, quod a nostro usu longe semotum est. Orationem Dominicam non docebant Catechumenos; neque fas esse existimabant nondum baptizatis ea oratione uti; imo nequidem publicæ illius recitationi interesse non initiatos permittebant. Illius rei duas potissimum habebant causas. Prior hæc erat, quia, quum Baptismus regenerationis Sacramentum sit, non videbatur decorum ab iis Deum Patris nomine compelliari, qui regenerationem suam baptismi receptione non comprobaverant. *Theodoretus in Epitome Divinorum Decretorum Cap. XXXVIII. Ταύτην τὴν προσευχὴν ἡ τῆς ἀμνητῆς, ἀλλὰ τῆς μεταγωγικῆς διδάσκουσι. Οὐδεὶς γὰρ τῶν ἀμνητῶν λέγειν τοῦτο, Πάτερ ἡμῶν ὁ ἐν τοῖς ὕψουσιν, μήπω δεξιόμενος τῆς ἰοθεσίας τοῦ χαρίσματος. Ὁ δὲ τῆς τῆ βαπτίσματος τετυχηκώς δωρεὰς πατέρα καλεῖ τὸν Θεόν, ὡς εἰς τῆς οὐκ ἐτελείας τῆς χάριτος. Hanc nos orationem non initiatos non docemus, sed initiatos: nullus enim eorum qui initiati non sunt dicere audet, Pater noster qui es in cælis, quum adoptionis donum nondum acceperit. Qui autem baptismi donum consecutus est, Deum Patrem vocat, tanquam in gratia filios adscitus.* Altera ratio erat, quod veterum nonnulli existimarent orationis Dominicæ recitatione factam esse Eucharisticorum Symbolorum consecrationem ab ipsis Apostolis: saltem ipsi eam ad Eucharistiam Symbolorum consecrationem ab ipsis Apostolis: saltem ipsi eam ad Eucharistiam adhibebant; & petitionem quartam *περὶ τῆς ἀρετῆς τῆς ἐπιουσίας* plurimi de Eucharistia interpretabantur. Cujus mysterii quum Catechumeni non initiati participes esse non potuerint, frustra orationem hanc, tot modis Eucharistiæ innexam recitassent. Sed hæc, ut multa Veterum, superstitione non carent. Nam neque regeneratio aut adoptio a Baptismo pendent; neque in omni recitatione orationis Dominicæ de Eucharistia cogitare necesse est.

XV. Sed  
non doce-  
bat eam Ca-  
techume-  
nos.

XVI. Argumenta eorum qui Orationem hanc pronunciant esse negant.

XVI. At neque eos superstitionis culpa libero, qui Orationis Domini-  
cæ recitationem non aliter ac periculosum aliquem scopulum refugiunt;  
& partem aliquam defæcationis pietatis in eo constituunt, quod formulam  
istam ex familiis Christianorum, & cœtibus Ecclesiasticis exulare jusserint.  
Et quandoquidem id nobis nunc agendum, ut incomparabilem illam Do-  
mini nostri sapientiam exponamus, quam in concinnatione hujus Oratio-  
nis ostendit, operæ pretium erit præcipuas eorum rationes expendere, qui  
illius usu piis hominibus interdunt. Pugnant ergo. I. Non esse eum qui  
in Spiritu Deum colit, verbis adstringendum, ne, dum nimis attente syl-  
labas pensat, generosioris spiritus emotiones sufflaminentur. II. Non  
abesse periculum idololatriæ alicujus, circa verba toties repetita, & pro  
Divinis identidem folicite commendata. III. Tam frequentem eorundem  
verborum recitationem Battologiam esse, Christo condemnatam. IV. Di-  
versitatem verborum quæ deprehenditur in sacra Matthæi & Lucæ historia,  
satis ostendere non fuisse mentem Domini nos verbis alligare. V. Aposto-  
los, quamvis orationem istam ex ore Domini audiverint, nunquam tamen  
ea esse usos. VI. Orationem istam non satis in specie exprimere necessita-  
tes omnes, quarum gratia sæpe numero compellandum numen est. VII. Ne-  
que omnibus omni occasione ac tempore convenire. Quorsum enim quis  
in confinio mortis positus panem quotidianum peteret? VIII. Imo esse qui  
eâ utentes maledictionem potius quam benedictionem sibi accerferent. Si  
quis enim, qui animum peccata inimicis suis condonandi in se non depre-  
hendit, Deo tamen dicat, remitte mihi debita mea, sicuti ego meis ea  
debitoribus remitto; is revera non remissionem suorum debitorum, atque  
adeo sui ipsius condemnationem petit.

XVII. Prisci  
Isrælitæ  
formularum  
quarundam  
verbis ad-  
stricti fae-  
runt.

XVII. Quibus argutationibus primo generales quasdam observationes  
opponam; mox distinctim ad singulas responsurus. Id itaque attendi ve-  
lim, citra controversiam esse quod Deus in prisca Isrælitarum Ecclesia cer-  
tas quasdam formulas Benedictionis, Confessionis, Precationis, Gratiarum  
actionis, dictaverit; ut jam antea a nobis probatum est. Addo, voluisse  
Deum ut in sacris exercitiis iisdem verbis ex præscripto uterentur, saltem  
in carminibus & canticis religiosis, ubi rythmus & moduli non facile pa-  
tiuntur verba verbis, sententias, sententiis substitui. Imo est ubi adstrictos  
suos voluit ad ipsas Alphabeti literas, a quibus singula ordine commata  
incipiunt: magna arte ita concinnata, ut eo facilius verba memoriæ im-  
primerentur. Quæ si consulto transponere, aut alia iis substituere, in ani-  
mum induxissent cantores, aut quicunque Isrælitæ, profecto hoc fuisset  
injuriæ facere arti cujus magister in hominibus Θεωρεῖται ipse Dei Spi-  
ritus fuit, & sapientiam illius supersticiosa temeritate eludere, Sed nec  
illud

illud omittendum, fuisse nonnulla sacra illiusmodi cantica quæ singulis sabbathis recitanda erant. Quod de Ps. xcii. illius inscriptio docet.

XVIII. Jam obtestor quemvis, qui animum præiudiciis vacuum ha-  
bet, annon illæ quæ modo adversus orationis Dominicæ usum prolatae  
sunt argutationes æque validæ sint adversus formulas Israëlitis olim à Deo  
præscriptas? Licuitne tunc Deo opponere, motus a Spiritu gratiæ & pre-  
cum profectos perperam angustis formularum cancellis cohiberi? Discrimen  
esse ne idololatria circa verba sic publice identidem recitata commit-  
tatur: saltem battologiam non abesse a crebra eorundem repetitione: ne-  
que contineri iis quidquid pia mens subinde exponere gestit Deo; denique  
non convenire eas formulas omnibus omnium conditionibus aut statibus:  
consequenter satius esse ut sepositis omnibus istis formulis, quisque pro  
Spiritus sibi indulti mensura ipse preces, confessiones, gratiarum actio-  
nes formet, quibus multo liberius ac generosius, sine ulla Spiritus in se  
operantis præiudicio, cogitata animi sui Deo exponat. Si ita Deo respon-  
sare Israëlitis non licuit, cur nobis hodie licet? Si validæ sint rationes  
istæ contra formulam orationis Dominicæ, qui fit ut validæ non sint  
adversus priscas formulas? Aut si adversus has nihil valeant, quid demum  
est quod persuadere nobis debeat eorum valorem adversus illam? Solane  
temporum & Oeconomiarum differentia rationibus valorem addit aut de-  
mit in re, quæ ad rationalem Dei cultum pertinens, nulli temporum aut  
Oeconomiarum diversitati obnoxia est: qualis est devotio spiritualis in  
precatione?

XIX. Adde & hanc observationem. Psalmorum usum in decantandis  
Divinis laudibus commendatissimum sibi universa Ecclesia Christiana ha-  
bet. Nihil autem Orationis Dominicæ recitationi opponitur, quod non  
perinde adversus sacrorum carminum cantum valeat. Si nefas sit verbis  
orationis insistere, qui fas est Psalmi verba strictim retinere? Minusne  
constringitur spiritus si ad cantici arte compositas lexis se accommodet,  
quam si simpliciore præcis sermonem sectetur? Qui fit ut verba oratio-  
nis mentis attentionem turbent, Psalmi verba non item? Minusne ido-  
latriæ periculum est circa Psalmi alicujus elegantem atque affectuosam  
grandiloquentiam, quæ aures animumque incredibili blanditiæ demulcet;  
quam circa precationem cujus sermo sola se incompta castitate & nativa  
munditiæ commendat? Ubi earundem & rerum & verborum repetitiones  
crebrius quam in Psalmis occurrunt? quas Battalogiæ convitio infamare,  
horrenda esset profanitas & vera blasphemia. Annon multi a nobis Psalmi  
Davidici cantantur, nostris temporibus rebusque multo minus convenien-  
tes, quam ea quæ in Oratione Dominica exstant? Denique si ad ædifi-  
cationem atque excitationem animorum nostrorum inserviat, uti revera

XVIII. Quæ  
iisdem præ-  
muntur dif-  
ficultatibus,  
quibus usus  
Orationis  
Dominicæ.

XIX. Uti &  
Psalmorum  
cantus.

inservit, crebra eorundem Psalmorum decantatio: quâ tandem causâ sit, ut ædificationi obsit, ut excitationem animi impediat, attenta, qualem volumus, Dominicæ orationis recitatio?

XX. Attenta verborum Christi pronuntiatione, non suffocatur spiritus.

XX. Sed & singulis hisce argumentis breviter aliquid reponamus. I. Neque nos ii sumus qui verbis adstringere spiritum precum, aut orantes ex spiritu, postulemus; sed non quia certis verbis alligati non sumus idcirco nefas aut inconveniens est ea adhibere. Si Deum nostris nobis verbis compellare liceat, ideone non licebit eum compellare suis? Speramusne nostra balbutientia gratiora ei fore suis, quæ sapientiam continent innarrabilem? Non est etiam illud universaliter verum quod attenta verborum consideratio devotionem turbet. Id fortasse fecerit, si quis in verborum cortice & apice hæreat, non si per verba, plurimi significatus foeta, ad meditationem rerum sublimium ac cœlestium, quæ iis verbis significatæ sunt, enitatur. Non minore devotione animi atque emotione spiritus audienda nobis Dei vox est, quoties nos compellare dignatur; quam ipse à nobis compellendus est: non tamen idcirco minus attente pensitandæ syllabæ, si quidem ita loqui libeat, Divini sermonis sunt. Imo attendendum *attente*, *attentissime*, Jes. xxi. 7. ut eo sanctius Divinam sapientiam in iis stupeamus.

XXI. Nec committitur idololatria.

XXI. II. Idololatriam circa Orationem Dominicam committere, est ei vim aliquam aut reverentiam Divinam attribuire quam non habet. Id illi faciunt qui existimant verba ipsa, quia à Christo profecta, tantæ esse dignationis atque efficacis apud Patrem, ut nude recitata, etiam sine mente atque attentione, quidlibet impetrare valeant. Huic periculo non est obviam eundum abrogatione sive omissione hujus orationis, sed seria atque animum convincente informatione, irreligiosum esse Deo verba qualiacunque admurmurare, nihil in eorum sono esse valoris, pia devotione attendendas esse res efficacibus illis verbis significatas, ita componendum esse animum ut occasione horum verborum ad rerum cœlestium excitetur desiderium, atque ita excitatus iisdem rursus verbis desiderium suum numini exponat. Id si fiat, ne ulla quidem idololatriæ species remanet. Neque profecto frequens Orationis Dominicæ repetitio, quæ mentes ad solum Patrem nostrum cœlestem excitantur, ei soli regnum, gloriam & potentiam attribuire docentur, majus idololatriæ circa eam discrimen inducit, quam crebra repetitio, accurata inculcatio & diligens discussio verborum præcepti secundi, quæ omnis idololatria interdicatur.

XXII. Aut Battologia.

XXII. III. Battologia Christo condemnata, quid sit, jam antea à nobis est expositum. *Exercit. I. §. XLIII.* Repetitio autem quotidiana, sed attenta atque devota, ejusdem orationis nihil cum Battologia commune habet. Nisi velimus ipsum Dominum in crimen a se damnatum incidisse, quo



quo tempore ferventissime orabat, ter repetitis vicibus eundem sermonem prolocutus. Mat. xxvi: 44.

XXIII. IV. Quandoquidem Dominus apud Lucam eandem orationis formulam repetit, alio tempore, loco atque occasione olim traditam, uti Matthæus memorat; eo nobis debet esse commendator. Meritoque exinde colligimus, voluisse Dominum ut illius usus familiaris discipulis suis esset; quum eandem reponere maluerit, quam plures dictare, quarum veluti optionem suis faceret. Porro quum tam exigua verborum apud Matthæum ac Lucam differitas sit ut pene nulla videri debeat, si modo excipias id quod à Luca omissum Matthæus exhibet; intercessisse potius exemplo suo videtur Dominus consultæ aliorum verborum substitutioni, quam ut eam probabilem fecerit. Neque nos, quod sæpius jam monitum, orantem syllabis adstringimus.

XXIII. Repetitio hujus Orationis apud Lucam facit eam commendabiliorem.

XXIV. V. Non legimus equidem Apostolos hac formula usos; verum non debet mox negari, imo ne quidem pro dubio semper habere licet, id quod factum esse expresse non narratur. Nuspiam gentium exstat, quod Elias Elizæum in Prophetam, Hazaëlem in Regem Syriæ unxerit; sicut à Deo jussus erat. An quia id non legitur, inferre nobis licet neglectum à pio vate Domini, mandatum esse? Nunquam, quod memini, narratur in sacris historia celebrati à Judæis Jubilæi: neque tamen fas est dubitare, quin id, si non semper, at plerumque certe observatum sit. Nuspiam exserte scriptum est, Apostolos baptizasse in nomine Patris, Filii & Spiritus Sancti: quia tamen id facere jussi erant, pie colligimus, ipsos, ut obsequibiles ministros, id nequaquam neglexisse. Si itaque non liceat libeatve nobis ex commendatione orationis Dominicæ colligere, Apostolos ea esse usos; saltem ex scripturæ silentio non negemus id ab ipsis esse factum, quod legimus ipsis à Domino esse commendatum: maneatque ad minimum ea quæstio indecisa, neutram ut partem juvet.

XXIV. Apostolos ea usos non esse ex scripturæ silentio non invicte concluditur.

XXV. VI. Fatemur utique non esse necessitates nostras omnes in specie hic expressas, nullæ tamen sunt, quæ huc uti ad sedes suas & generaliora principia referri non possint. Tum quis intercedit, quo minus ea quæ nos urgent aliis precibus, prolixè, si quidem res ferat, Deo exponantur? modo id ea cautione fiat, ne ad nimis singularia descendentes, nocitura potius quam profutura petamus, pro ovo scorpionem. Aliarum precum usus, hujus usum non destruit. Imo vero, quum contingere facile possit, atque adeo contingat frequenter, ut in prolixissimis quoque precibus nonnulla à nobis omissa sint; ad Dei gloriam regnumque plurimum tamen facientia; nonne consultum est nostris precibus eam orationem addere, in qua certi sumus nihil esse omissum?

XXV. Complectitur, saltem generationem, omnes necessitates nostras.

XXVI. VII. Neque nos volumus necessum esse ut omni tempore at-

**XXVI.** Nec que occasione recitetur hæc oratio. Sapientis est, tempus & modum nosse. Nec tamen video, esse aliqua tempora, quibus ea incongrua censi debeat. Ecquid in eo est absurdi, quando preces funduntur pro vel ab homine moribundo, si tum quotidiani panis mentio fiat? Non enim sibi quisque solum orat, sed & suis. Est hæc oratio, si non plurium, certe pro pluribus; quibus se jungere quemque fidelium oportet, ut se iis indigere, eave accipere arbitretur, quibus indigent, aut quæ accipiunt fratres sui. Tum panis nomine omnia ad hanc vitam pertinentia intelliguntur: etiam doloris mitigatio, & respiratio libera? Quid impedit hæc iisque similia petere, vel ad momentum?

**XXVII.** **XXVII. VIII.** Qui non habet animum offensas condonandi iis à quibus offensus est, is non magis est dispositus ad aliam quamcunque precem Deo offerendam, quam ad hanc. Nam quibuscunque verbis peccatorum suorum remissionem petat, ne speret se quicquam impetraturum, si odio & vindictæ cupidini indulgens implacabilem se proximo præbeat. Itaque ut justam numinis vindictam effugiat, non desinat orationem Dominicam recitare, cuius utique omissio nihil ipsi proderit; sed ita componat animum, ut dicere sine hypocrisis queat: remitte, sicut ego remitto. Hæc est voluntas Domini, qua obligamur omnes & semper Mat. vi: 14. 15. Atque ita existimo satis retusam esse vim earum argumentationum, quibus nonnullis adversus Orationis Dominicæ usum pugnare lubuit.

**XXVIII.** **XXVIII.** Quamvis autem Orationem Dominicam rite atque legitime à Christianis hominibus usurpari posse atque oportere existimamus; non tamen idcirco putandum est, eam solam nude recitatam sufficere, reliquas omnes preces propemodum supervacaneas esse. Exorta est sub finem seculi XI. *Bogomilorum* secta longe lateque per totum Orientem sparsa, Veterum Euchitarum & Massalianorum propago. Cujus sectæ historiam brevi quidem, sed accurata atque erudita oppido Dissertatione, complexus est, Vir Clarissimus SAMUEL ANDRÆ, Theologus omni laudum genere cumulatissimus. Inter errores quorum insani isti hæretici accusantur, hunc quoque numerat *Harmenopolus de sectis, sect. XIX.* Μὴν ὀνομάζουσιν προσευχὴν, τὸ Πάτερ ἡμῶν, τὰς δὲ ἄλλας αἰδεῖσθαι, βατλολογίαν καλεῖν. *Solam orationem Dominicam preces appellant: reliquas vero rejiciunt, easque inanem clamorem vocant.* Sed hæc ipsius Christi Domini, & Apostolorum, & fidelium omnis temporis constanti praxi repugnant, quippe qui iis Deum precibus compellasse leguntur, quas extorquebat occasio, pro rei temporisque varia ratione variatas.

**XXIX.** **XXIX.** At neque omnibus necessario precibus hanc pro clausula adjungendam esse arbitramur; quasi nullæ consummatæ, Deo gratæ sint, nisi

nisi hac accedente. Omnium minime eorundem verborum repetitio annumeranda Deo est, uti Pontificii faciunt, quibus sacratissima oratio in cantandi fere formulam abiisse videtur.

cessu sit eam  
aliis semper  
precibus  
adjungere.

XXX. Denique ita existimo, id officii cuiusvis homini Christiano incumbere, ut Spiritum precum excitet, Deumque de pectore compellare discat, accommodate ad singulas rerum circumstantias. Et sane, ubi suæ miseriæ, aut Divinæ majestatis atque bonitatis sensu tactus est animus, & inflammatus præstantissimorum bonorum desiderio, non patitur se quorumcunque formularum cancellis contineri. Non sunt exercitati Christiani in precibus sive privatis, sive domesticis, multo minus Antecessores Ecclesiarum in Exercitiis publicis præscriptis semper formulis alligandi. Nam nec Deus, nec Christus, nec Apostoli, statam precum liturgiam unquam præscripserunt. Nec in antiquissima post Apostolos Ecclesia universalis aliqua liturgia fuit. Quod *Justinus*, in sua ad Antoninum Imperatorem Apologia docet: *ὁ προεὐχὴς ὁμοίως καὶ εὐχαριστίας ὅση δυνατόν ἀετῶ ἀναπέμψαι*. Et præpositus itidem, quantum pro virili sua potest, preces & gratiarum actiones fundit. Cui consimile testimonium junge ex *Tertulliani Apologetico Cap. xxx. Christiani manibus expansis, quia innocuis, capite nudo, quia non erubescimus, denique sine monitore quia de pectore oramus.*

XXX. Non  
sunt Chri-  
stiani exer-  
citati allig-  
andi formu-  
lis huma-  
næ.

XXXI. Dein deservescente pietate, & crescente fœcordia, propter hæreticorum pravitatem, & propudiosam multorum ignorantiam, de certa liturgia aliquid præscribi cœptum est. Cujus prima initia, quantum animadvertere licuit, deprehenduntur in *Concilio particulari Laodicensi*: habito A°. CCCLXIV. Ubi canone XVIII. exstat decretum, *περὶ τῆς τῇ αὐτῇ λειτουργίας τῶν εὐχῶν πάντοτε καὶ ἐν ταῖς ἐννάταις καὶ ἐν ταῖς ἑσπέρας ὁφείλει γίνεσθαι*. De eo, quod eadem liturgia precum, semper & in *Nonis* & in *Vesperis*, fieri debeat. Non multo tempore post prohibitum est propriis uti precibus, nisi postquam communicatæ essent cum peritioribus. Hoc jubet *Canon XXI. Carthaginensis Concilii*, habito A°. CCCXCVII. *Quicumque sibi preces aliunde describit, ne eis utatur, nisi prius cum instructioribus fratribus contulerit*. Sed & processum est ulterius: neque visum est preces permittere, nisi à Synodo approbatas. Sic enim cavetur in *Concilio Milevitano*, A°. CCCXVI. *Can. XII. Placuit etiam & illud, ut preces, vel orationes, seu missæ, quæ probata fuerint in Concilio, sive præfationes, sive commendationes, seu manus impositiones, ab omnibus celebrentur. Nec alia aminò dicantur in Ecclesia, nisi quæ à prudentioribus tractatæ, vel comprobata in Synodis fuerint: ne forte aliquid contra fidem, vel per ignorantiam, vel minus studium, sit compositum*. Certe propudiosum ministrorum istius temporis, inque istis re-

XXXI.  
Quarum  
necessitatem  
quorundam  
ignorantia  
& fœcordia  
introduxit.

gionibus, stuporem fuisse oportuit, qui istiusmodi decretorum necessitatem induxit. Quibus carere facile possumus, ubi ministerio melius prospectum est. Neque quæ imperitis pudendæ exprobratio sunt ignorantiae, ea probe exercitatis, non tam pro normis, quam numellis ac compedibus suarum meditationum, perpetuo edicto injicienda sunt.

XXXII.  
Pleraque  
Dominicz  
Orationis  
ex Hebræo-  
rum sunt  
desumpta  
formulis.

XXXII. Sed ad Orationem Dominicam redeamus. Eam ita instituit Jesus, ut verba, phrasæ, petitiones fere omnes, ex Hebræorum desumptæ sint formulis. Sic ut & in concionibus plerumque utitur notis eo seculo proverbiiis. Pridem hæc ab eruditis annotata sunt: quæ ut juniores in promptu habeant, huc transferre non pigebit. Sicuti Dominus Jesus suos *Patris celestis* nomine Deum compellare docet: sic & Judæi passim: אֲבִינוּ שְׁמַיִם. *Pater noster qui es in cælis.* Maimonides in Tephilot: *Pater noster qui es in cælis, sic nobiscum agito, sicuti promissisti per Prophetas tuos.* Et in orationibus quotidianis Judæorum Lusitanorum: אֲבִינוּ שְׁמַיִם / עֲשֵׂה לָנוּ חֵסֶד. *Pater noster qui es in cælis, fac nobis gratiam.*

XXXIII. De sanctificatione nominis Dei, & adventu regni ipsius, suas quoque formulas Judæi habent. *Drusius ex Libro Musar* hæc depromsit: *Deus noster, qui in cælo unicus es, stabiliatur nomen tuum semper: Regnum tuum regnet super nos in seculum & æternum. Sanctificetur autem nomen tuum per opera nostra.* Capellus non absimilia habet ex Euchologiis Judæorum: אֱלֹהֵינוּ יִתְקַדֵּשׁ / שְׁמֶךָ / nomen tuum, Domine Deus noster, sanctificetur: & memoria tua glorificetur, Rex noster, in cælo desuper, & in terra inferne. Exstat & alia precatio, cujus hoc est initium: נִקְדֵּשׁ אֶת שְׁמֶךָ בְּעוֹלָם כְּשֶׁמֶךְ שֶׁמֶךְדִּישׁ אֹתוֹ בְּשֵׁם מֶרֶץ. *Sanctificemus nomen tuum in hoc mundo, sicuti sanctificant illud in cælis excelsis.* In eadem precatione hæc quoque invenitur petitio: מִסְקֵמֶךָ מַלְכֵנוּ תוֹמִיץ וְתַמְלוֹךְ עָלֵינוּ. *Ex loco tuo Domine cum splendore prodi, & regnato super nobis, sicut expectamus te. Quando regnabis in Zion?* Paulo post: וְעֵינֵינוּ תִּרְאֶנָּה מְלֻכּוֹתָךְ. *Et oculi nostri videant regnum tuum.* Iterumque: *Super omnia magnificetur, & sanctificetur, & laudetur, & glorificetur, & exaltetur, & amplificetur nomen Regis, Regis inquam Regum, Sancti Benedicti.* Imo, Lichtfooto observante in Scholis Judaicis pro axioma obtinuit: מִלְּבִרְכּוֹתַי שָׂאֵין בָּהּ מְלֻכּוֹתַי אֵינֶר בְּרִיכָה. *Ista oratio in qua non est memoria regni Dei, non est oratio.* Unde verba illa offerentis primitias non transgressus sum præcepta tua, nec sum oblitus, Deut. xxvi. 13. ita in Talmude exponuntur: *Non sum transgressus, id est, non agendo gratias; nec sum oblitus, id est non oblitus sum memorare nomen tuum.* At à Rabbi Jochanan sic traditur: *Non oblitus sum memorare Nomen tuum, & Regnum tuum.*

XXXIV. De Divina voluntatis præstatione suam quoque habuere formu-

formulam. In Bab. Beracha rogatur, quæ est Oratio brevis? Rabbi Eliezer respondet: *עשה רצונך בשמים / fac voluntatem tuam in celis, & dato quietem spiritus timentibus te in terris.* Neque deest quod respondeat quartæ petitioni de pane quotidiano; ibidem. *Necessitates populi tui Israelis sunt multæ, & cognitio eorum tenuis, ita ut non norint necessitates suas patefacere: sit beneplacitum tuum, ut des unicuique quod sufficit ipsi in alimentum suum.* De remissione peccatorum infinita obvia sunt in omnibus ipsorum precationibus. Atque neque illud ignorarunt, eum qui sibi remissionem petit obligatum esse ut eam iis quoque petat, à quibus injuria affectus est. Sic enim loquuntur in commentariis super libro *Abot*, fol. 24. *Pii priores dicebant, Remitte & condona omnibus qui vexant me.*

XXXV. Sextam quoque petitionem iisdem propemodum verbis alibi expressam invenimus. In libro *Musar* apud Drusium: *Ne inducas nos in manus peccati, neque in manus tentationis; sed libera nos ab omni occurſu malo.* Et in *Berachot* apud Lichtfootum: *Rabbi Juda precari sic fuit solitus: sit beneplacitum tuum ut liberes nos ab impudentibus & impudentia, ab homine malo, & ab occurſu malo, ab affectu malo, à socio malo, à vicino malo, à Satana destruttore, &c.* In Liturgiis suis precationem ita conceperunt: *Ne me inducas in peccatum, neque in transgressionem, neque in tentationem, neque in contemptum, & remove à me figmentum malum.* Ubi *יֵצֵר הרע* videtur respondere τῷ πονηρῷ. Alibi ita habent: *וְיֵצֵר הרע יִשְׁלוּם בְּנוֹ שֶׁטֶן וְיֵצֵר הרע.* *Neque dominetur nobis Satan & figmentum malum.*

XXXVI. Denique nec Doxologia caruerunt, quæ plane similis ei est qua suam Orationem concludere Domino libuit. In tractatu *Joma*, post recitatas varias oratiunculas, quibus Pontifex utebatur die expiationis, dicitur populum respondisse: *ברוך שם כבוד מלכותו לעולם ועד. Benedictum sit nomen gloriæ regni ejus, in seculum & sempiternum.* In Liturgiis hoc modo concepta est: *כי המלכות שלך היא העולם עד תמולך בבנך / quia tuum est regnum, & in secula seculorum regnabis gloriose.*

XXXVII. De votiva particula AMEN observat Lichtfootus: quod ficuti publicis precibus in templo prorsus non responderint voce Amen, ita raro etiam subjunxerint precibus privatis. De templo exstat traditio: *לֹא הָיוּ עֲנִין אֲמֵן בְּבֵית הַמִּקְדָּשׁ. Non responderunt Amen in domo Sanctuarii.* In synagoga tamen à populo responsum est Amen ad preces fufas à ministro. Vide 1. Cor. XIV. 16. itemque domi, patri familias benedicienti, aut oranti. At rarius, aut nunquam quidem, privatim quis orans hoc suis precibus subjunxit. Magnam tamen hujus particulæ crediderunt esse vim, modo debita fide ac devotione pronuncietur. Scriptum est Ps. xxxi. 24. *אֲמוֹנִים נִצָּחַ אֱלֹהִים / fideles custodit Jehova.* At quinam sunt אֲמוֹנִים. Illi nimirum שְׂאוֹמְרֵי מצוֹת / qui dicunt Amen cum vera fide. Additur in libro *Musar*: *quicquid*

XXXVII.  
Amen ubi,  
quando, &  
quomodo  
subjunctum  
precibus.

quicumque dicit Amen omnibus viribus suis, ei aperiuntur porta paradisi; sicut dictum est, Jel. xxv. 1. 2. & ingreditur gens iuxta אֲמֹנִים וְיִשְׂרָאֵל id est, qui dicunt Amen omni virium suarum intensione. Buxtorf. Lexic. Talmud.

XXXVIII.  
Probabilius  
est Christum  
has phrasas  
ex Veteri-  
bus Hebræ-  
is, quam  
recentiores  
ex Evange-  
lio habere.

XXXVIII. Procul ab omni verisimilitudine repulsum est, ut tanta phrasium ac petitionum convenientia, quanta deprehenditur inter Orationem Dominicam easque preces quæ Judæis in usu sunt, casu fortuito contigerit. Unde alterutrum factum esse oportet: vel ut recentiores Hebræorum Magistri ea ex Evangelio desumpta ad Synagogæ suæ transfulerint usus; vel ut Christus ea ex Veterum Catechesi, ac Judæorum sui temporis consuetudine, mutuatus, Discipulis suis ut bona & sancta commendaverit. Utrumvis dicatur, certe in honorem Christi, huiusque orationis, cedit. Nam si Judæi, jurati Evangelii hostes, ea ex Evangelio sua fecerint; oportet eos admodum captos fuisse elegantia, sapientia, ac sanctitate istorum dictorum: ut non absteriti exosi sibi nominis auctoritate, ea in suorum quotidie ore esse voluerint. Sed difficulter ab animo meo impetro, ut id factum esse credam. Probabilius longe videtur; Christum se, quantum sapienter ac sancte fieri poterat, populi genio accommodantem, quæ bona apud ipsos inveniebantur, ut priscae fidei ac spei aureas reliquias, suis usibus applicuisse. Ita factum est, ut neque nimis & affectatæ novitatis avidus videri posset, & facilius intelligerentur atque acciperentur ea quæ tradebat, si pateret, ea collectionem esse præstantissimorum cimeliorum quæ adhuc in Ecclesiæ Judaicæ thesauro restabant. Non nescio quæ in contrarium prolixè disputantur ab eximio Viro *Johanne Ouwenio Theologo: Lib. v. Digress. 1.* Sed quod pace tanti Theologi dictum sit, adeo me à sententia hac non dimovent, ut potius luculento exemplo discam, quantum in præstantissimis etiam ingeniis valeat studium partium, & quam facilis, æquis etiam animis, sit inclinatio eis ἀμετρίαν τῆς ἀνθολογῆς.

XXXIX. O-  
rationis  
Dominicæ  
præstantia.

XXXIX. Neque quicquam hac observatione de præstantia Orationis Dominicæ detrahatur; quæ non novitate, sed rerum excellentia, & petitionum ubertate, & concinnitate ordinis, & verborum sententiosa brevitate, sese commendare debebat. Et sane hæc singula atque universa, tam abunde hic inveniuntur, ut nihil huic orationi par aut simile ostendi possit.

XL. Parti-  
tio.

XL. In tres ea partes commode dispesci potest. I. *Compellationem Patris nostri celestis.* II. *Explicationem petitionum.* III. *Epilogum Doxologicum.* Compellatio, præterquam quod res in se maximas paucissimis verbis comprehendat, ea de Deo in mentem oranti revocat, quæ ad reverentiam, fidem, spem, ac coelestia desideria excitanda cum primis idonea sunt. Quibus affectibus nihil in oratione prius atque potius est. Petitiones ordine sex, ea complectuntur omnia quæ ad Dei gloriam, nostræque

que salutis consummationem, pie à nobis sancteque desiderari possunt. Ea ordinis concinnitate, ut omnium primo id proponatur, quod, veluti supremus finis, maxime expeti ac quæri meretur, Divini nimirum nominis sanctificatio. Tum media exponantur ad summi istius finis consecutionem destinata: quæ partim consistunt in appreciatione bonorum, tam spirituales, quam animales hanc vitam spectantium; partim in deprecatione malorum, tam præteritorum, quam futurorum. Doxologia, omnia quæ à Deo descendunt bona, ad Deum iterum referenda esse monet. Sic ut in exigua hac Oratione *Breviarium* habeamus *totius Evangelii*, uti Tertullianus loquitur. Addo ego, & totius legis. Quod ex accuratiore singulorum explicatione patebit.

## EXERCITATIO VII.

DE

## Compellatione Patris nostri Cœlestis.

ΠΑΤΕΡ, ΗΜΩΝ Ο ΕΝ ΤΟΙΣ ΟΥΡΑΝΟΙΣ.

## B R E V I A R I U M.

- I. *Singulis verbis sua inest emphasis.* II. III. IV. V. VI. VII. *Patris vox hic primam electæ personam notat.* VIII. *Non exclusis tamen ex adorationis objecto Filio & S. S.* IX. *Deus pater noster dicitur, respectu I. Creationis & Sustainationis.* X. II. *Regenerationis.* XI. *Qua ex Deo geniti sumus.* XII. III. *Adoptionis.* XIII. *Omni tempore licuit fidelibus Deum Patrem suum dicere.* XIV. *Attamen major παρρησία filiis T. N. data est.* XV. *Patris appellatio commodior hic visa est quam Domini.* XVI. *Seldeni observatio.* XVII. *Nostrium Patrem quum dicimus, id partim fidei est.* XVIII. *Partim charitatis.* XIX. XX. XXI. XXII. *An nemini fas sit hac oratione uti, nisi regenito, & regenerationis sua certo?* XXIII. *Deum in cælis thronum suum habere insigniter cecinit Orpheus.* XXIV. *Eoque meditationibus suis ascendendum oranti esse, monuit Euripides.* XXV. *Pater noster ex invisibili caelo venerabilem se inferiori mundo ostendat.* XXVI. *Præcipue tamen Majestatem gloria sua tueretur in Excelsis.* XXVII. *Etiā quum Deus in terrestri habitaret sanctuario, animus ad cælum elevandus fuit.* XXVIII. *At Christus nunc recta eo contendere jubet.* XXIX. *Praxis.* XXX. *Bonitatem Patris nostri rite asstimemus.* XXXI. *Non nisi rêverenter ad eum accedamus.* XXXII. *Attamen cum fiducia.* XXXIII. *Et cum amore.* XXXIV. *Anhelantes ad cœlestia.* XXXV. *Sed & vitam universam, uti tanto Patre dignum est.*
- Orat. Dom. L est.

*est, instituemus. XXXVI. Et pra caelestibus contemnamus terrenā. XXXVII. Ne Seneca grandiloquentia pudorem nobis incutiat.*

I. Singulis  
verbis sua  
inest em-  
phasis.

**N**unc denique ad ipsius Orationis Dominicæ meditationem accedamus, singula illius verba quanta possumus attentione ac diligentia pensitantes. Ubi primo occurrit Proœmium, eum nobis repræsentans qui sacra prece compellendus est. Is vocatur

**PATER NOSTER QUI EST IN COELIS.** Ubi nullum occurrit verbum, quod non insigni sua emphasi memorabile sit. Nihil quidem vulgatius est in Hebræorum orationibus quam ut Deo dicant אֲבִינוּ שְׁבַשְׁמִים / *Pater noster qui in celis es* : at pauci adsequebantur, quid illa Dei compellatio valeret. Nos id conemur, quibus beatioribus datum est vivere temporibus.

II. Patris  
vox hic  
primam ele-  
cte perso-  
nam notat.

**II. PATREM** quum Filius nos dicere jubet, electe primam Deitatis personam intelligit, eum nimirum, qui, uti Christi Pater est, ita & in Christo & propter Christum noster. Indubium quidem Orthodoxis omnibus est, non posse Patrem rite invocari, sejuncto ab invocatione Filio ac Spiritu Sancto; διὰ τὸ ὁμοῦσιον καὶ ὁμότημον, pridem & valide à nobis asser- tum. Neque illud negandum esse videtur, Deum, non considerata explicite personarum distinctione, propter ea quæ omnibus Divinis personis communia sunt, Patrem nostrum nuncupari posse. Iis tamen judiciosis Interpretibus facile conscisco, qui hic signate Patrem Domini nostri Jesu Christi denotari arbitrantur.

**III.** Nam I In Oeconomia gratiæ Pater nobis proponitur uti qui ἐξουσίαν ac Majestatem Deitatis tuetur, primusque beneficiorum salutarium auctor datorque est, ideoque precibus nostris compellendus. Filius, uti qui meritis suis atque intercessione molles nobis apud Patrem aditus facit, & commoda fandi tempora. Spiritus Sanctus, uti qui preces ac suspiria intus præformat. Atque hæc est ratio, cur Patrem frequentissime ac pene semper in sacris literis adoratum legamus; Filium, rarius; Spiritum Sanctum, rarissime.

**IV. II.** Phrasis ea Pater noster, passim in Novo Testamento, & fortasse semper, eum notat qui ut *Pater Christi caelestis*. Matth. XVIII. 35. ita & *noster Pater caelestis est*. Matth. v. 48. aliter tamen Christi, aliter noster. Christi naturâ: noster gratia. Hinc distincte dixit Dominus: Joh. xx. 17. *Adscendo ad Patrem meum, & Patrem vestrum*. Ad quem locum Epiphanius Hæres. LXIX. Πατέρα μὲν κατὰ φύσιν ἐν τῇ Θεότητι, καὶ πατέρα ὑμῶν κατὰ χάριν δι' ἐμὲ ἐν υἱοθεσίᾳ. *Patrem quidem meum, secundum naturam, respectu Deitatis: & Patrem vestrum, secundum gratiam propter me, respectu Adoptionis*. Unde etiam *Pater omnium*, à Christo ut *Domino* distinguitur. Eph. iv. 5. 6. *Unus est Dominus. Unus Deus*



*Deus & Pater omnium.* I Cor. VIII. 6. *Nobis tamen est unus Deus, Pater ille, à quo omnia, & nos in ipso: & unus Dominus, Jesus Christus.* Matth. XXIII. 8. 9. *Unus est Doctor vester, nempe Christus. Unus est Pater vester, qui in cœlis est.* Neque ullus, quod memini, in Novo Testamento locus exstat, qui expresse tres personas simul, aut distincte, Filium aut Spiritum Sanctum, Patrem nostrum vocet.

V. III. Idem in precibus Apostolorum fere continuo observatur, ut Patrem à Christo, & ubi res ita fert, à Spiritu Sancto, distinguant. Solemne est, & frequentissimum Pauli votum, toties in Epistolis repetitum: *Gratia sit vobis & pax à Deo Patre nostro, & Domino Jesu Christo.* Sic & Ephes. III. 14. *Hujus rei gratia flecto genua mea ad Patrem Domini nostri Jesu Christi.* Et sane Spiritus Sanctus quando fideles facit clamare Abba Pater, à Patre quem inclamare facit distinguitur. Rom. VIII. 14. 15. Breviter, huc tendunt omnia, in Orationibus Apostolorum, quando Deus Patris nomine compellatur, toties intellectum fuisse Patrem Domini nostri Jesu Christi.

VI. IV. Denique quid multum laboramus, quum ipse sese interpretetur? Joh. xv. 16. & xvi. 23. *Amen dico vobis, quacunque petieritis à Patre in nomine meo dabit vobis.* Neque alium unquam præter Patrem Messiae, discipulis Christi in mentem venisse credibile est, quando toties Christus id nominis repetiit. Matth. vi. 6. *Pater tuus adspicit in occulto.* vers. 8. *novit Pater ille vester, quibus vobis sit opus antequam petatis ab eo.* vers. 14. 15. *remittat vobis Pater ille vester cœlestis.*

VII. Non abludit etiam ab hac interpretatione Catechesis Palatina. Nam in expositione secundæ petitionis ita loquitur: *Rege nos verbo & Spiritu tuo.* Iterumque in expositione sextæ petitionis: *Tu nos sustentas ac Spiritus tui robore firmes.* Ubi manifeste Pater noster quem oramus distinguitur à Spiritu suo, & consequenter exponitur προσαιτῶς. Vide sis *Gommarum* accurate & copiose de hoc negotio differentem.

VIII. Cæterum eo solum hæc à nobis observata sunt animo, ut ἀκριβῶς <sup>VIII. Non exclusis tamen ab adorationis objecto Filio & Spiritu s.</sup> sectantes phrasin scripturæ certius intelligamus: nequaquam quasi interdictum velimus piis Dei adoratoribus; ut Patrem cœlestem nuncupantes, de Filio etiam & Spiritu Sancto, tanquam ejusdem adorationis objecto cogitent. Nam, ut bene *Tertullianus* notavit, de *Orat. Domini: In Patre Filius invocatur. Ego enim, inquit, & Pater unum sumus.*

IX. Sed illud fortassis utilius ac fructuosius inquisitu erit, cur Pater ille Jesu Christi, etiam *noster Pater* dicatur. Indubium est id ob eam quoque rationem fieri, quam communem cum aliis omnibus hominibus habemus: quia videlicet ipse *dat omnibus vitam & halitum & omnia*; unde de genere humano pulchre *Aratus* cecinit: τῷ γὰρ καὶ γένει τὸ μέν. <sup>IX. Deus Pater noster dicitur, respectu I. Creationis & sustentationis.</sup>

Act: xvii: 25. 28. Id Malachias urget: Cap. ii: 10. *Nonne Pater unus omnibus nobis est? nonne Deus fortis unicus creavit nos?* Inficiandum utique non est, plurimum nos terrenis Patribus nostris, quos *Patres carnis* Paulus nominat Heb. xii: 9. quoad nostri generationem & sustentationem, debere: non tamen ita quin omnia debeamus Patri nostro coelesti, qui *Pater est spirituum*. Nam præterquam quod ipse solus *formet spiritum hominis in eo*: Zach. xii: 1. obque eam rem *Deus spirituum omnis carnis vocetur*. Num. xvi: 22. ne ea quidem quæ naturalis corporis nostri generatio dicitur, quamque parentibus nostris imputare solemus, sine eo est. Deus est, cui non minus vere quam pie occinuit. Psaltes: Psal. cxxxix: 14. 15. 16. *Celebro te, כי נורא ונפלא, quia suspiciendis modis mirabiliter factus sum. Mirabilia sunt opera tua: quam maxime id novit animus meus. Non celata est apparatus ossium meorum tibi, ex quo factus sum in abdito, veluti phrygionico opere confectus, in imis partibus terræ. Massam meam viderunt oculi tui; & in libro tuo hæc omnia scripta sunt.* Consentit Jobus: Cap. x: 10. 11. *Nonne sicut lac fudisti me? & tanquam caseum coagulasti me? Cure & carne induisti me? ossibusque & nervis texisti me?* Nec minus vitæ nostræ continuationem, & quidquid in ea nobis boni accidit, Deo debemus, quam illius initium. Quod eleganter prosequitur Jobus: vers: 12. *Cum vita benignitatem exercuisti erga me: & visitatio tua conservavit spiritum meum.* Cujusvis est, grato simul humiliter animo agnoscere, animam suam continuo in manu Dei esse, Dan. v: 25. piisque meditationibus dicere: *ubi est Deus qui fecit me, qui dat Psalmorum materiem de nocte?* Job. xxxv: 10. Non male hæc excutatus est Basiliius M. Lib. 11. contra Eunomium. Πατὴρ ἡμῶν ὁ Θεός, ἡ καταχρηστικῶς, ὃ ἐκ μεταφορᾶς, ἀλλὰ κυρίως, καὶ πρώτως, καὶ ἀληθινῶς ὀνομάζεται, διὰ τῶν σωματικῶν γονεῶν εἰς τὸ εἶναι ἡμᾶς ἐκ τῆ μη εἶναι παράγων, καὶ ταῖς κηδεμονίαις προσοικειμένῳ. Pater noster Deus, non abusive, aut translatione, sed proprie, primo & vere nominatur, quum per hos corporeos parentes ex nihilo nos ad esse produxerit; & singulari cura sibi adjungat. Paulo fortius Damascenus, de Orthodoxa fide, Lib. 1. Cap. xiii. κυριότερον ὁ Θεὸς ἡμῶν ἐστὶ Πατὴρ, ὃ ἐκ μὴ ὄντων εἰς τὸ εἶναι παράγων, ἢ οἱ γεννησαντες, οἱ ἐξ αὐτῶ καὶ τὸ εἶναι καὶ τὸ γεννᾶν ἐκληφότες. Magis proprie Deus Pater noster est, qui nos ex nihilo ad esse perduxit, quam illi qui nos genuerunt, qui ab ipso & esse & generare acceperunt. Atque hinc nonnulli Deum πατέρα dici volunt, ὡσανεὶ τὸν πάντων τηρητὴν, veluti omnium conservatorem. Quæ tamen allusio magis est quam etymologia.

X. II. Re-  
generatio.  
nis.

X. Cæterum hæc neque sola, neque præcipua ratio est, quamvis in se magna sit, cur Deum Patrem nostrum dicamus. Accedit alia, momentosior.

tosior, quam electi & fideles sibi privam habent. Quia scilicet Deus per Spiritum suum eos *regenuit*, & gratiose in filios *adoptavit*. Hinc fideles *non ex sanguinibus, neque ex voluntate carnis, neque ex voluntate viri, sed ex Deo nati dicuntur*. Joh. 1: 12. Non censentur filii Dei, quomodo nonnulli erant filii Patriarcharum secundum carnem, quidam *ex sanguinibus*, via ordinaria generationis; quidam *ex voluntate carnis*, nimio desiderio quolibet modo liberos habendi, quo factum est ut quis carnis ratiocinationi plus justo indulgens media adhibeat a Deo non præscripta, cujus exemplum esse potest Ismaëlis generatio; alii denique *ex voluntate viri*, aliquem præ cæteris, ob rationes quasdam suas, easque non satis prægnantes seligentis, cui præcipuam hæreditatis partem animo destinet; quemadmodum Isaaci hæc circa Esavum voluntas erat. Sed Filii Dei sunt, quia revera *ex Deo geniti*.

XI. Atque hac quoque in parte, qui sunt Filii Dei per gratiam, similitudinem quandam habent cum eo qui est Filius Dei per naturam: servata interim ea proportione, quam inter infinitam Domini *ὑπεροχὴν* & illius tenue in nobis *ἀποστολὰν* intercedere par est. Cur Deus, Pater Domini nostri Jesu Christi dicitur? Quia *genuit eum*. Ps. 11: 7. In quo consistit ea generatio? In eo quod *sicuti Pater vitam habet in se ipso, ita & Filio dedit vitam habere in se ipso*. Joh. v: 26. Cur Deus noster quoque Pater vocatur? Idem respondendum est; quia genuit nos: non solum quatenus homines sumus, sed & quatenus fideles sumus. Jac. 1: 18. *Βουλῆς ἀπειλήσεν ἡμᾶς, voluntate sua genuit nos, sermone veritatis, ut essemus primitiæ quadam earum rerum quas fecit*. Adde 1 Joh. v: 4. 18. In quo generatio illa sita est? Fecit nos *confortes Divina natura*. 2 Pet. 1: 4. id nobis pro nostro modulo, indulgens ex gratia, quod Filio sibi æquali communicavit modo nobis incomprehensibili, sed qui Deo dante, Deo accipiente dignus sit. Saltem nos quoque ad similitudinem ejus transformamur, neque contemnendam sanctissimæ gloriæ effluentiam acquirimus.

XI. Qua ex Deo geniti sumus.

XII. Verum & ob eam causam Deus Pater noster dicitur, quod gratiose nos in filios *adoptavit*; atque ita in familiam suam adscitis, omnes filiorum dignitates, ipsiusque hæreditatis adeundæ jus clementer concessit. Hæc est illa adoptio quæ toties laudatur. Rom. VIII: 23. Eph. 1: 5. Gal. IV: 5. Eaque parit *ἐξουσίαν τέκνα Θεοῦ γενεσθαι*, Joh. 1: 12. facultatem ita se gerendi ut filiis Dei dignum est, fruendi omnibus privilegiis quæ isti statui competunt, exspectandi hæreditatem testamento addictam, imo & perfectum illum statum filialem qui cum liberatione nostri corporis conjunctus erit. Rom. VIII: 23. Breviter per Adoptionem Filiis Dei conceditur jus ad hæreditatem cœlestem, & eam eximiam dignitatem,

XII. III. Adoptionis.

qua quoad corpus & animam, ut filii familias, in Palatio Patris sui gaudebunt: atque ita quidem ut in nullius creaturæ potestate sit, eam dignitatem ipsis eripere, minuere, vel interciderere. Et sic Pauli illud obtinet: Rom. VIII: 17. *Quod si filii, etiam hæredes, hæredes quidem Dei, coheredes autem Christi.*

XIII. Omni tempore licuit fidelibus Deum Patrem suum dicere.

XIII. Hactenus omnibus omnium temporum fidelibus Deum Patrem suum dicere licuit: quum omnes a Deo regeneriti, & in filiorum jura adoptati sunt. Etiam Israëlitis dictum est: Deut. XIV: 1. *Filii estis Jehova Dei vestri*: quod ita toti populo dicitur ratione confederationis externæ, ut in electis è populo verum sit respectu adoptionis ad hæreditatem æternam. Ique vicissim in fide dixerunt Deo: Jes. LXIII: 16. *Sane tu Pater noster es. Tu, Jehova, Pater noster es.* Iterumque: Jes. LXIV: 7. *Jam vero, Jehova, Pater noster es.* Et extra communionem populi Israëliti Elihu Deum Patrem suum nuncupat. Job. XXXIV: 36. *Pater mi, probetur Job etiam atque etiam.* Quod ut sensu tam minuto intelligamus quomodo & Gentiles Jovem Patrem dicebant, a fide & pietate viri, & familiaritate quam cum Deo habebat, alienum est. Acute observavit Celeberrimus Interpres, quod Elihu ita compellans Deum, ea appellatione indicet I. Affectum Dei in hoc judicio, scilicet paternam sollicitudinem. II. Affectum sui petentis, fraternam charitatem. III. Finem probationis, filialem reverentiam atque fiduciam. Quæ omnia involvunt tales de Deo cogitationes, quales auditores suos habere voluit Dominus, quum hæc iis quæ exponimus verba præiret. Et sane ab omni ævo fuerunt fideles, ut filii, ita *hæredes omnium*. Gal. IV: 1. Hæredes, inquam, tam Divinæ gratiæ, in hac, quam, gloriæ, in futura vita. Pl. XVII: 15. Neque dubitare fas est, quin hac fiducia & spe Deum ut Patrem suum invocaverint. Jer. III: 4. *An non saltem ab hoc tempore te docuero, ut voces me, Pater mi, tu dux adolescentiæ meæ?*

XIV. Attamen major *πατρησία* filiis Testamenti Novi concessa est. Profecto illustris admodum fuit status fidelium Veteris Testamenti, si contendatur cum statu gentilium, imo & cum statu eorum, qui in sola externa fœderis communione viventes, veræ pietatis & salutari gratiæ exsortes fuere. Hi enim omnes manent filii iræ, & hæredes thesaurorum excandescentiæ Divinæ. Verum omnis illa felicitas non parum de splendore suo amittit, si comparetur cum iis privilegiis quæ Pater cœlestis beatoribus Novi Testamenti temporibus reservavit. Antiquitus enim fideles, quamvis *Domini omnium, non admodum a servis differabant*: quippe *qui sub tutoribus & curatoribus erant, usque ad tempus à Patre præsinitum. At postquam venit plenum tempus, emisit Deus Filium suum, ut eos qui legi erant subiecti redimeret, liberando illos, quum*

ab

ab aliis incommodis, tum ab infantili illa legum quas Cerimoniales dicere solemus observantia, & ut adoptionem acciperemus, non eam modo qua a filiis Diaboli & iræ discriminamur, sed eam etiam qua excellimus supra infantes, qui non multum a servis differunt. Nobis itaque Deum Patrem nostrum appellare fas est ea libertate, fiducia, & gratiosæ dignationis conscientia, qualem quantamque filii Dei antiquis temporibus non potuerunt habere.

XV. Porro hæc Patris appellatio commodior visa est in precum exordio, præsertim in ista familiaritate quam Novi Testamenti gratia parit, quam *Domini*; aut quocunque alio honoris titulo alibi Deum compellari deprehendimus. Quod & *Theodoretus* observavit ad *Cap. I. Cantici. ω δόστοτα & πάτερ τῦτο γάρ μάλλον ἢ ἐκείνο θείλεις ἀκούειν. O Domine & Pater*; magis enim Patris quam Domini apellatione delectaris. Quia hac apellatione validissime commoventur affectus reverentiæ, fidei, spei, charitatis, *παρρησίας*, similesque quorum in orante maxime est habenda ratio. Et profecto singularis hæc est Dei erga nos benignitas, quod Spiritus ille quo donamur, faciat nos clamare *Abba Pater*.

XV. Patris appellatio commodior hic visa est quam Domini.

XVI. Non licuisse olim servis & ancillis Dominos suos Patris nomine compellare Hebræorum Magistri tradunt: uti ex iis demonstravit *Seldenus*, de *Success. in Bona Defunct. Cap. IV*. Libero autem homini omnino fas erat quempiam, sive frequenti adlocutione compellando, sive aliis inter loquendum appellando, patrem ita sibi adsciscere, ut adoptionem ab isthoc homine veluti ambiendo sibi præpararet. Quæ à patre ita adscito, & filium agnoscente, ad successionem demum firmabatur. Cæterum servis atque ancillis id non permisere, ne patris sic adsciti familia, servilis maculæ fama adspargeretur. Non est difficile hæc ad institutum nostrum transferre. Omnes equidem natura servi sumus peccati, & diaboli. Antiquorum temporum fideles, quamvis ab isthac servitute liberati, servi tamen sub lege erant. Nos, quotquot Christum consummatum verâ fide recipimus, ab utraque servitute in libertatem asserti, facultatem habemus Deum ut patrem compellandi. Id non invitum audit, quum Spiritus ipsius dictamen sit. Atque ita firmatur nobis hac compellatione, à nobis per Spiritum facta, à Deo admissa, jus hæreditatis.

XVI. Seldeni observatio.

XVII. At neque de nihilo est, quod NOSTRUM Patrem dicere nos Christus jusserit. Hoc enim partim fidei est, partim charitatis. Fidei, quatenus ea omnia quæ isthac apellatione continentur nobis quoque applicamus. Nostram protestamur esse & regenerationem & adoptionem & charitatem illam incredibilem qua electos suos prosequitur Deus. Nos quoque profiteamur ea adversus tantam benignissimi Numinis pietatem reverentia ac redamatione, ea fide ac spe, ea subjectione ac obedientia præditos

XVII. Nostrum Patrem quum dicimus, id partim fidei est.

ditos esse, quæ tali tantoque Patri debetur. Fidei enim est, ex omni tentationum lucta feliciter tandem caput exsertantis, Deo dicere, certe *Tu es Pater noster*. JES. LXIII: 16:

XVIII. Par-  
tim charita-  
tis.

XVIII. Sed & *charitatis* est erga proximum, quem ita oratione nostra includimus, uti ejusdem nobiscum gratiæ atque adoptionis, vel re, vel spe, consortem. Hoc quoque ex prisca Ecclesiæ Israëlitiæ scitis est. De quo talis existat Canon: *לְעוֹלָם לְיִשְׁתָּף אֵינִישׁ גַּפְשִׁיר בְּהַדִּי צְבוּרִי* *Orantem quotiescunque orat oportet se semper cum Ecclesia sociare.* Quod non ea solum mente dicitur, quasi necesse sit precibus publicis in Synagoga interesse: sed ut is qui precatur, ubicunque terrarum positus, etiam si vel maxime solus sit, semper precetur in numero plurali. Sic enim explicat glossa: *אֵל יִתְפַּלֵּל תָּף בְּלִשׁוֹן יָחִיד אֵלֶּיךָ בְּלִשׁוֹן רַבִּים* *Ne oret quis orationem brevem*, id est aliam à statis precibus, *numero singulari, sed numero plurali.* Lichtfootus in h. l.

XIX. An  
nemini fas  
sit hac ora-  
tione uti,  
nisi regen-  
to, & rege-  
nerationis  
suz certo?

XIX. Cæterum hic disquiri meretur; quandoquidem impium est Deo in precibus mentiri, nullæque preces acceptæ Deo sunt nisi quæ ex fide proficiuntur; an nemini fas sit hac oratione uti, & Deum Patrem suum appellare; nisi qui & revera filius Dei sit per regenerationem atque adoptionem, & insimul de ista sua regeneratione atque adoptione per Spiritum Sanctum firmiter persuasus.

XX. Ego sic existimo. I. Nemo uti par est Deum orat, gratasque numini preces offert, nisi qui vere fidelis atque sanctificatus est. Illæ enim demum preces suo sunt nomine dignæ, quæ ex Spiritu precum proficiuntur. Spiritus autem precum est Spiritus regenerationis atque adoptionis. Unde consequitur, neminem rite orare, nisi qui revera filius Dei sit. Gal. iv. 6. *Quandoquidem autem estis filii, emisit Deus Spiritum Filii sui in cordibus vestris clamantem Abba Pater.*

XXI. II. Fieri potest uti quis regeneritus & in filium Dei adoptatus sit, qui tamen id ad tempus ignoret: & indicia gratiæ non satis dilucide in se deprehendens, aut non satis diligenter attendens, *ισοθυσία* suam in dubium revocet; imo vero, si validis tentationibus exponatur, aut si fortassis, in grande aliquod peccatum, aut statum animæ languentem ac torpidum inciderit, inclinet in contrarium, seque potius existimet non esse filium Dei. Certe qui in eo constitutus est statu non potest cum plena certatione fidei Deum Patrem suum dicere. Nec tamen idcirco jubendus est ab oratione abstinere; aut, si oret, Deum potius alio quovis quam Patris nomine compellare. Nam quamvis fidelibus omnibus incumbat ut ad distinctissimam fidei certationem enitentur; non tamen propter aliquem, imo ne quidem propter magnum luctantis fidei defectum, continuo eos spernit Deus. Patrem dicant Deum, respectu ingentium quæ in eos cum-  
mulavit

mulavit beneficiorum; quæ sane neque ignorare, neque inficiari unquam possunt. Patrem dicant, intuitu istius reverentiæ quæ nulla unquam peccatorum violentia expectorari ita è fidelibus potest, quin identidem recurrat, animumque submittat Deo. Patrem dicant, ex desiderio obtinendæ Paternæ suæ gratiæ, qua nihil ipsis accidere possit jucundius. Patrem denique dicant, si non ex fidei persuasione quod jam Pater ipsorum factus sit; saltem cum spe, certe cum voto, ut Pater ipsorum fieri velit, ipsosque in filios tanto Patre dignos formare. Et faciet sane illa Patris compellatio ut in animo excitetur pudor ob antegressa peccata, & desiderium gratiæ, & spes veniæ, & propositum accuratioris pietatis: atque ita quamvis non sit alacris fidei effectus, ad promovendam tamen fidei alacritatem plurimum inserviet.

XXII. III. Qui in Ecclesiæ institutæ communione degunt, nec tamen regeniti sunt per Spiritum Sanctum, illi non possunt Deum Patrem suum dicere eo sensu, quo fideles. Nihilominus incumbit ipsis orandi officium, uti & cætera pietatis officia. Nec præscribenda ipsis alia orationis formula, ut Deum Creatorem potius aut Dominum nuncupent. Frustra enim semper erunt, quamdiu non invocant eum filiali affectu. Doceantur ergo, neminem rite orare posse nisi qui sit filius Dei: ideoque id sibi omnibus votis contendendum esse ut eam felicitatem à numine consequantur. Deum quidem Patrem ipsorum esse, & dici ab ipsis posse, respectu creationis, conservationis, multorumque beneficiorum, quibus eos auxit atque ornavit: cæterum id nequaquam ad solidam felicitatem sufficere, nisi Patrem eum nanciscantur per regenerationem, & adoptionem. Patrem itaque dicant Deum, quatenus possunt dicere, ad eam interim anhelantes gratiam, ut in omni verborum vi ita eum vocare ipsis liceat. De cætero non amat Deus in orando nimias curiosarum plerumque quæstionum subtilitates.

XXIII.  
Deum in  
cœlis thro-  
num suum  
habere, in-  
signiter co-  
cinit Or-  
pheus.

XXIII. Nunc ad id accedamus, quod Pater ille noster IN COELIS ESSE dicitur; pluraliter ut respondeat voci Hebraicæ עֲלֵינוּ: Deum in cœlo thronum suum fixisse, & ut Hesiodus canit, ὑπὲρ τὰτα δώματα ναῖειν, omnium fere nationum religio præscripsit. Insignia sunt quæ in hanc rem ex Orpheo habet Clemens Alexandrinus, Strom. Lib. v. p. 607. 608.

Αὐτὸς δ' ἂν μέγαν αὐθις ἐπ' ὕραν ἐσήρικται,  
Χρυσῶν εἰνὶ θρόνῳ γαίῃ δ' ὑπὸ ποσσὶ βέβηκται,  
Χεῖρα δὲ δεξιτερὴν περὶ θέρμασιν ὠκεανῶο  
Ἐκτίτακται. ὀρέων δὲ τρέμει βάσις ἑῖδοθι θυμῷ  
Οὐδὲ φέρει δύναται κρατερόν μιν. ἔτι δὲ πάντῃ  
Αὐτὸς ἐπικρανεῖ. καὶ ἐπὶ χθονὶ πάντα τελευτᾷ.  
Ἀρχὴν αὐτὸς ἔχων, καὶ μέγιστον, ἥδ' ἐτελευτῇ.

Orat. Dom.

M

Ἄλλως

Ἄλλως ἔθ' ὁμιλὸν σε λέγων. τρομέω δὲ τε γῆν  
Ἐνθῶ ἐξ ἰπάτης κράναι.

*Ipse autem in magno constans & firmus olympo est.  
Aureus huic thronus est, pedibus subiectaque terra.  
Oceanus ad fines illi pertingitur ingens  
Dextera, montanas atque intus incutit illi  
Ira bases, motus nec possunt ferre valentes.  
Ipse est in calis, & terram amplectitur omnem.  
Principium solus, medium est ille, atque supremum.  
Nec aliter fas est te dicere, membra tremiscunt  
Cogito dum summum.*

XXIV. Eo-  
que medi-  
tationibus  
suis adscen-  
dendum  
oranti esse,  
monuit Eu-  
ripides.

XXIV. Atque uti in cœlo Deum gentiles collocarunt; ita etiam oranti meditationibus suis, veluti alis, 'in cœlum adscendendum esse monuerunt. Memorabilia sunt Euripidis illa apud eundem Clementem Strom. Lib. IV, p. 543. Χρ' σται δὴ μοι πτέρυγες περὶ νῶτον, ἃ τὰ Σειρήνων ἐροῦντα πιδίλα ἀρμόζεται, βασμαί τ' ἐς αἰθέρα πολὺν αἰεθεῖς Σηπὶ προσμίζων. In meo, inquit, tergo sunt pennæ aureæ, & aptantur grata Sirenium talaria, Iboque in immensum sublatum aethera, Jovem conventurus. Cæterum quantumvis hæc magnifice dicta à Gentilibus videantur, non cognoverunt tamen thronum illum in quo Deus residet: quem confusis ac male sibi constantibus ideis in cœlo stellifero, vel in aliqua stellarum collocarunt, vel in aliqua nescio qua sublimi Regia, quam inter aut super astra suis imaginationibus fabricarunt.

XXV. Pater  
noster ex  
invisibili  
cœlo vene-  
rabilem se  
inferiori  
mundo  
ostentat.

XXV. Nobis Christianis haut paullo altius enitendum est; superatisque cœlis omnibus visibilibus, invisibile cœlum, multo iis celsius, fide contemplandum, ubi Pater & Rex simul noster Majestatem suam, sicut ipso dignum est, augustissime tuetur. Inde se venerabilem, aut terribilem etiam, inferiori huic mundo ostentat, dum, *lucem habitans inaccessam* I Tim. VI. 16. *se luce operit veluti amictu, & extendit cœlos tanquam aulaum, & contignat in aquis cœnacula sua, & disponit nubes in vehiculum suum & itat super alis venti.* Ps. CIV. 2. 3. Inde diei noctisque alternationes, caloris frigorisque ac tempestatum anni vicissitudines, sapientissimo ac constantissimo ordine dispensat; *faciens Arcturum, Orionem, & Pleiadas, ac penetralia Austri.* Job. IX. 9. Inde loquelam tonitruum ex ore suo prodeuntem sub omnibus cœlis dirigit, & *lucem fulgetrorum suorum ad oras terræ, tonatque voce excellentiæ suæ, neque differt illa quum audienda est vox ejus.* Job. XXXVII. 1. 2. 3. *Vox, inquam, Jehovæ, quæ est plena potentia atque decoris, vox quæ confringit cedros, etiam cedros Libani, facitque ut exiliant sicuti vitulus, Libanon & Sirion, ut pullus unicornium, vox denique quæ cedit flammæ ignis.* Ps. XXIX. 4. 5. 6. 7. *Quis est,*



est, qui hæc attenta mente pensans, non gestiat exclamare; *Jehova regnat, exsultet terra, latentur regiones plurimæ Nubes & caligo circumstant eum: justitia & judicium locum solii ejus. Ignis ante eum incendit, & inflammat circumquaque hostes ejus. Perlustrant fulgura ejus orbem habitabilem, videns formidat terra. Montes ut cera liquefunt à præsencia Jehova, à præsencia Domini totius terræ. Indicant cœli justitiam ejus; adeo ut videant omnes populi honorem ejus.* Ps. xcvi. 1. 6. Talis tantusque est cœlestis ille Rex, quem nos Christiani ut Patrem nostrum invocamus.

XXVI. Cæterum hæc omnia non nisi *extrema partes viarum ejus sunt; & quantillam hactenus rei particulam de illo audivimus?* Job. xxvi.

XXVI. Principue tamen Majestatem gloriæ suæ tuetur in Excelsis.

14. Quæ enim è cœlo in inferioribus mundi regionibus patrat, comparari cum iis non possunt quæ Scripturæ nos de Dei in excelsis gloria condocesciunt. Ibi in throno gloriæ suæ confidens, cinctus myriadibus Angelorum, quos ad nutum semper suum præsto habet, eo splendore mi-  
oat, ad quem non luna solum cæteraque astra, sed ipse sol pallefcet; quæ-  
que ne Seraphini quidem irretortis audent possuntve intueri oculis, dum in laudibus ejus decantandis beatissimam transigunt æternitatem. Jes. vi. Ibi electis suis post peractos hujus seculi labores, & emensum per desertamundi molestissimum iter, jucundissimæ felicissimæque quietis locum præparavit: ad cujus incredibilem præstantiam mera ac cassa rerum somnia sunt, quæ in Somnio Scipionis magnificentissimis verbis apud Ciceronem differuntur. Ibi invisibilia quidem, sed eo pretiosiora, quia immutabilia, inalienabilia, atque æterna bona suis reposuit, tum demum perfectissime fruenda; quibus simile aliquid vel secundum nullus unquam conspexit oculus, aut audivit auris, aut cogitando sibi finxit mens. Ibi se, quod beatitudinis supremus apex est, cognoscendum, amandum, fruendum cœlitibus omnibus dabit, eo modo qui modum omnem mensuramque superat; & ad quem si ea conferas quæ ex inexhaustis opulentiae suæ thesauris hæredibus salutis in hoc seculo impertiit, ea quantumvis exuberantia nil nisi tenues pauperesque primitias merito dixeris. Quam opportunum atque conveniens est, hæc, & quæ his sunt similia, eum cogitare, qui sancta prece aditurus Deum est?

XXVII. Omnes equidem omnium temporum fideles decuit in cœlum cogitationibus suis eniti, atque ea quæ diximus sibi repræsentare, quando meditata oratione compellendus Deus erat. Fuit tamen tempus quum in terrestri habitaret Sanctuario: ibique à suis compelli, inde iis respondere vellet. Idcirco se versus *templum Sanctitatis Dei reverenter incurvabant.* Ps. v. 8. Eo faciem atque oculos convertebant. 1 Reg. viii. 29. 44. Dan. vi. 11. Ibi Deum inter Cherubinos habitantem implorabant. Ps. lxxx. 2. Inde Dei alloquium, opem, ac bona omnia salutaria expectabant, & con-

XXVII. Etiam quum Deus in terrestri habitaret Sanctuario animus ad cœlum elevatus fuit.

sequebantur: secundum promissionem Exod. xxix. 42. *Intra portam tentorii conventus, ibi conveniam vobiscum, alloquendo te ibi. Conveniam autem illuc cum filiis Israelis, ut sanctificentur gloria mea.* Sed hæc à plebisque nimis jejune intellecta, neque eo quo pertinent relata sunt. Sanctuarium illud terrestre, quod supra quoque monuimus, typus cœli erat: eoque elevandus erat animus dum oculi templum respiciebant. In cujus templi dedicatione ipse rogabat Salomon, ut quoties oraturi erant Israëlitarum versus locum illum, Deus auscultaret in loco habitationis suæ in cœlis. 1 Reg. viii. 30. 32. Et sane dicendum fuit omni tempore: *Attolamus animum cum manibus ad Deum fortem in cœlis.* Thr. iiii. 41. *Intuere è cœlis & vide ex habitaculo sanctitatis tuæ, & ornatus tui.* Jel. lxi. 15.

xxviii. At  
Christus  
nunc recta  
eo conten-  
dere jubet.

XXVIII. Sed quum id à paucioribus rite observaretur, plerorumque autem animus Christi tempore, *ad elivum*, id est templum materiale in monte situm *se subduceret* (sic enim non incommode Habacuci verba Cap. ii. 4. exponere videtur Celeberrimus Interpres) oportune Dominus Jesus monendos suos duxit, ut recta in cœlum tenderent. Idque eo magis, quod ea nunc instarent tempora, quibus omnis terrestris Sanctuarii religio, una cum ipso Sanctuario, cessatura erat. Sic enim decet novam Hierosolymam quæ è cœlo descendit; in qua nullum vidit Johannes templum. *Dominus enim Deus omnipotens, templum illius est, & Agnus.* Ap. xxi. 22. Sicut prædictum erat, Jel. viii. 14. *Jehovam exercituum suis futurum esse ἱερωὴν pro Sanctuario.* Atque hic iterum eximium aliquid habet Novi Testamenti Oeconomia præ illa Veteris.

xxix. Pra-  
zis.

XXIX. Plurima hac compellatione continentur, quorum insignis USUS est, non solum ad orationem bene formandam, sed & ad Universum vitæ Christianæ institutum: ut non modo in precibus, verum etiam in omni conversatione nostra, ita nos geramus sicuti cœlesti illo Patre, cujus nos filios profitemur, dignum est.

xxx. Bo-  
nitatem Pa-  
tris nostri  
rite asse-  
mus.

XXX. Atque illud quidem ante omnia, quantum fieri potest, altissime ingendum est animo; eximiam plane atque incredibilem hanc esse Dei erga miseros peccatores charitatem; quod non solum ab iis se adiri in oratione patiat, sed & facultatem iis faciat ipsum blando illo Patris nomine compellendi. Quantum illud, & quam inæstimabile beneficium est, quod nobis hominibus, aut vermiculis potius; terræ filiis, iræ filiis, concedatur, tremendum Omnipotentis Dei numen, cœlestibus angelis adeo venerabile ut cernui illud adorent, non Creatorem, Dominum aut Herum, sed Patrem nostrum dicere, atque ita, ipso non nolente, ingerere nos in dignationem & jura filiorum? Pulcherrimis verbis hanc Dei nostri *φιλανθρωπίας* prædicavit Chrysostomus. *Homilia xxx. Tom. v. ὁ πόνητὴς φιλανθρωπίας*

*Σπουδίας ἡ ὑπερβολή ; αὐτὴ πῶς τῆς φιλοτιμίας ὑπεροχή ; &c. Quanta hæc humanitatis excellentia? Quanta honoris & dignitatis eminentia? Quæ, quaeso, oratio sufficiens esse queat ad gratias ei agendas, qui tanta in nos effundit bona? Considera, dilecte mi, & tuæ & meæ naturæ vilitatem, scrutare cognationem; terram, pulverem, lutum, limum, cinerem, quæ neminem ex terra sinus formati, rursus in terram tandem resolvimur. Hæc ubi consideraveris, cum stupore admirare impervestigabiles divitias summa Dei erga nos Bonitatis, quod ipsum iussus es vocare PATREM, terrenus COE-LESTEM, mortalis IMMORTALEM, corruptibilis INCORRUPTIBILEM, temporalis ÆTERNUM heri aut nudius tertius lutum, eum qui ANTE SEcula DEUS est.*

XXXI. Sed Patrem quum dicimus, ipsa illa appellatio docet, ut non nisi reverenter ad eum accedamus. Est enim hæc non scripta, sed nata XXXI. Non nisi reverenter ad eum accedamus. lex, quam non aliunde didicimus, sed ex ipsa natura hausimus, æquum esse ut Filius Patrem revereatur ac veneretur. Mal. i. 6. Quanto magis, si idem qui Pater noster, simul etiam Rex noster sit? Id quamvis fucato animo, & arte composito vultu, erga Davidem, & Patrem & Regem, præstiterit Absalomus; docet tamen quid homini ingenuo, ac vere nobili, sincere præstandum sit. Absalomus enim ad Davidis alloquium admissus, veniens ad Regem, incurruavit se super faciem suam in terram coram Rege. 2. Sam. xiv. 34. Quantam ergo eam par est esse reverentiam, quam Deo, PATRI & Regi nostro, & Patri quidem ac Regi COELESTI, in oratione exhibeamus? Ne acceleres ore tuo, & animus tuus ne festinet proferre quicquam coram ipso Deo; nam Deus ipse in cœlis est, tu autem super terram: idcirco sunt verba tua pauca. Eccl. v. 1.

XXXII. Non obstat tamen hæc reverentia, quin idem Patris nomen XXXII. At tamen cum fiducia. πατρίαν fidei ingeneret. Quid enim non speremus à Patre, & quidem cœlesti Patre? Si Pater est, pro Paterna sua bonitate nihil filiis negabit quod norit ipsis usui fore. Pl. ciii. 13. Ut miseretur Pater filiorum, miseretur Jehova timentium ipsum. Imo est aliquid in bonitate Dei, quod omnem non paternæ solum, sed & maternæ εὐγῆς pietatem immensum superet. Jes. xlix. 15. An oblivisci potest mulier satus sui, ut non misereatur fructus uteri sui? Eriam si hæc oblivisci possint, tamen ego non obliviscar tui. Omnis humanus affectus angustis est circumscriptus limitibus: Dei erga suos charitas æterna est atque infinita. Jer. xxxi. 3. Quæ conferre, etiam in dilectissimos suos humani amoris paupertas potest, ea adeo sunt exigua, ut qui largissime boni sunt, si ad Divinæ bonitatis opulentiam exigantur, mali sint. Ita nos argumentari ipse Christus docuit: Luc. xi. 13. Si vos igitur qui mali estis nostris bona dona dare liberis vestris, quanto magis Pater vester cœlestis dabit? Quod enim cœlestis Pater sit; & hoc plu-

rimum ad fidei ac spei firmamen facit. Qui in cœlis habitat, is unico obtutu omnes & miseras nostras & desideria cernit. Pf. xxxiii. 13. Ejus erga suos cœlestis est bonitas. Pf. ciii. 11. *Quam alti sunt cœli supra terram, praevalet benignitas ejus erga timentes eum.* Ejus etiam omnipotentiae, ad suos juvandos promptissimae, nulla rerum creaturarum vis resistere potest. Pf. cxv. 3. *Deus noster in ipsis cœlis est, quidquid placet facit.* Ejus denique cogitationes & viæ omnes humanas cogitationes & vias tanto præcellunt, quanto cœlum terra celsius est. Jes. lv. 8. 9.

XXXIII. Et cum amore.

XXXIII. Sed & docet Patris appellatio cum amore ad Deum accedere. Cum amore, inquam, tam erga Deum, quam erga proximum. Nostrium erga Deum amorem quid validius excitet, quam meditatio tantæ erga nos pietatis, quæ uno Patris vocabulo continetur; & tantarum præterea tamque amabilem perfectionum, quas ut Deo inesse cogitemus epithetum Cœlestis admonet? Et qui fieri potest ut charitas erga proximos non inflammetur, dum Patrem NOSTRUM dicendo, profitemur ejusdem cum iis fraternitatis communicationem? Excludit ea meditatio invidiam; acuit desiderium bona pro fratribus nostris petendi; excitat gaudium in bonis proximi, quippe ad nostram quoque intercessionem ei concessis. Atque ita in hac sincera & devota Patriis nostri cœlestis compellatione est castissimæ purissimæque charitatis exercitium, totiusque legis Divinæ completio.

XXXIV. Anhelantes ad cœlestia.

XXXIV. Denique quum Patrem appellamus qui in cœlis est, oportet cogitationes nostras inter orandum ita ab omni terrenæ vilitatis mistura defæcare, ut de Deo ipso non nisi sublimia, spiritualia, cœlestia, & incomprehensibili illius Majestate digna nobis figuremus; & à Deo ea potissimum in precibus nostris petamus, quæ cœlesti Patri dare, & nobis, tanti Patris filii accipere convenit. Chrysostomus Homil. xix: in Mat. Ο' ἐν τοῖς ἕρπυσι ὅταν εἴπῃ ἐκ ἐκεῖ τὸν Θεὸν συγκλείων τὸ το Φῆσιν, ἀλλὰ τῆς γῆς ἀπαύγων τὸν προσευχόμενον, καὶ τοῖς ὑψηλοῖς προσηλὼν χωρίοις, καὶ ταῖς ἀνω διατριβαῖς. Quando dicit, qui es in cœlis, hoc non ideo dicit ut Deum ibi concludat, sed ut orantem à rebus terrenis abstractum sublimibus affigat locis, & supernis conversationibus.

XXXV. Sed & vitam universam, uti tanto Patre dignum est, instituat.

XXXV. Cæterum quum Deus veritatem in præcordiis amet, opera nobis imprimis danda est, ut vitæ nostræ institutum cum orantium professione conveniat, ne facta verbis contraria os nostrum, in ipsius numinis alloquio, mendacii infimulent. Qua re profecto nihil potest esse turpius propudiosiusque. Pulcherrime hæc exsecutus est Gregorius Nyssenus Orat. II. in Orat. Domin: Cujus verba quædam huc facientia neminem bonum pigebit hic appicta legere. Ο'ταν τοίνυν Πατέρα τὸν Θεὸν λεγὼν ἡμᾶς ἐν τῇ προσευχῇ διδάσκῃ ὁ κύριος, ἔδεν ἕτερον μοι δοκεῖ ποιεῖν, ἢ τὸν ὑψηλὸν τε καὶ ἐπὶ ἡμῶν νομοθετῶν βίον καὶ γὰρ δὲ ψευδοῦσθαι διδάσκει ἡμᾶς ἡ ἀλήθεια.

θαί. ὥς λέγειν ὃ μὴ ἴσμεν, καὶ ὀνομαζέειν ὃ μὴ παύομεν. Ἀλλὰ Πατέρα λέγοντες ἑαυτῶν τὸν ἀφάρτον τε, καὶ δίκαιον, καὶ ἀγαθόν, ἐπαληθεύειν τῷ βίῳ τὴν ἀγχιστίαν. Οὐδὲς ὅσης ἡμῶν παρασκευῆς ἐστὶ χρεία; οὐκ βίς; πόσης καὶ ποταπῆς ἐστὶ τῆς σπουδῆς; ὥς ποτὲ πρὸς τὸτο τὸ μέτρον τῆς παρρησίας ὑποδείξης ἡμῶν τῆς συνειδήσεως, τολμήσαι εἰπεῖν τῷ Θεῷ ὅτι Πάτερ. *Quum igitur ut Deum in Oratione Patrem dicamus Dominus nos docet, nihil aliud mihi facere videtur, quam sublimen & altam instituere atque praescribere vitam. Non enim utique mentiri nos veritas docet, ut dicamus nos esse quod non simus, & appellemus nos eo nomine quod tamen nobis attributum non sit. Sed ut dum incorruptum, & justum, & bonum Patrem nostrum dicimus, vitae integritate propinquitatem exprimamus, eamque veram esse ostendamus. Vides, quanto nobis opus sit apparatu? quali vita? quanto ac quali studio? ut ad eundem modum fiducia, erecta tandem conscientia nostra ad Deum, dicere audeamus, Pater.*

XXXVI. Quisquis igitur in spiritu & veritate Deum Patrem nuncupas, vide ut eum toto vitae tuae instituto colas ac reverearis, ut mandatis ejus omnibus dicto te audientem praestes, ut ad similitudinem sanctitatis ejus te componas, & virtutes ejus amuleris. Quisquis *Pater Noster* dicendo aliis te in oratione jungis, eos ut fratres tuos diligito, eorum bonum promoveto, idque pro virili tua parte annititor ut ejusdem tecum haereditatis evadant confortes. Quisquis Patrem te *in caelis* habere credis, minuta haec & caduca contemnito, ad coelestia, gloriosa illa, aeterna, & vere bona anhelato: 2. Cor. IV. 18. Col. III. 1. 2. atque ita te componito ut in consortium Deo venias.

XXXVI. Et  
pra coelestibus  
contemnamus  
terrena.

XXXVII. Tunc animus consummatum habet plenumque bonum fortis humanæ, quum, calcato omni malo petit altum, & in ipsum Dei sacrarium venit. Tunc juvat supra siderum altitudinem generosis meditationibus enisum, divitum pavimenta ridere, & totam cum auro & argento suo terram. Tunc juvat contemnere porticus & lacynaria ebore fulgentia, & tonsiles sylvas, & derivata in domos flumina, & quidquid stulte sibi placens avaritia atque ambitio miratur. Inde si terrarum orbem superne despicias, angustum, & magna ex parte opertum mari, etiam qua exstat late squalidum, & aut ustum aut nigentem, tunc libebit tibi ipsi dicere: hoc est punctum illud quod inter tot gentes ferro & igni dividitur? Quum te in illa vere magna sustuleris, quoties videbis exercitus subrectis ire vexilis, & quasi magnum aliquod agatur, equitem modo ulteriora explorantem, modo à lateribus affusum, formicarum iste tibi discursus videbitur in angusto laborantium, de quibus cum Poëta dicas, *It nigrum campis agmen*. Sursum ingentia spatia sunt, in quorum possessionem animus admittitur: at ita, si minimum secum ex corpore tulit, si sordidum omne deterfit, & expedi-

XXXVII.  
Ne Senecæ  
grandiloquentia  
pa-  
dorem no-  
bis incuriat.

expeditus levisque, ac contentus modico, emicuit. Quum illa tetigit, alitur, orefcit: ac veluti vinculis liberatus in originem redit. Et hoc habet argumentum Divinitatis suæ, quod illum Divina delectant; nec ut alienis interest, sed ut suis. Nisi ad hæc admitterer, non fuerat nasci. Quid enim erat, cur in numero viventium mepositum esse gauderem? An ut cibos & potiones percolarem? ut hoc corpus caussarium ac fluidum, periturumque nisi subinde impleatur, farcirem, & viverem ægri minister? Detrahe hoc inæstimabile bonum, non est vita tanti, ut sudem, ut æstuem. O quam contenta res est homo, nisi supra humana surrexerit? *Seneca Quæst. Nat. Lib. I. in initio.* Ita fere Romanus ille sapiens affectum se fuisse testatur, ex nuda visibilium cœlorum contemplatione, quatenus illa Philosopho, Physicæ scientiæ studioso, obversantur. Quos non sublimes affectus in nobis Christianis, nobilioris sapientiæ candidatis, excitare debbat ea meditatio, quod Patrem habeamus longe supra omnes istos cœlos, in se ipso suaque inaccessa luce habitantem; & Fratrem primogenitum, qui eo nobis præivit paraturus habitaculum; & hæreditatem quæ nec corrumpi potest, nec contaminari, nec marcescere, repositam in super cœlestibus? Hæc, hæc demum tua, Christiane, cura, amore, satagentia digna sunt. Reliqua præ illis omnia, crepundia, nugæ, umbra, nihil, damnum, sterora. Concludo verbis *Chrysostomi Homil. XIV. in Epist. ad Ephes. Εὐθείας εἶπες, Πάτερ ἡμῶν ὁ ἐν τοῖς ὕψουσιν, καὶ ἀνέστησέ σε τὸ ῥῆμα, ἐπέβρωσέ σε τὴν διάνοιαν. ἔδωκεν ὅτι πατέρα ἔχεις ἐν τοῖς οὐρανοῖς. μηδὲν πράττει, μηδὲν λέγει τῶν ἐπὶ τῆς γῆς. Εἰς ἐκείνην σε τὴν τάξιν ἵστησι τῶν ἀνω, ἐκίω σε ἐνέκρινε τῷ χορῷ; τί σαυτὸν κάτω κατέλκει;* Simul atque dixisti, *Pater noster qui es in cælis, verbum te erexit, & mentem tuam in altum evexit, ostendit te Patrem habere in cælis. Nihil agas, nihil dicas, ex iis quæ sunt in terra. In supremum illum ordinem te retulit, illi choro te inseruit. Cur te ipsum deprimis?*

---

## EXERCITATIO. VIII.

DE

### Sanctificatione Nominis Dei.

ΑΓΙΑΣΘΗΤΩ ΤΟ ΟΝΟΜΑ ΣΟΥ.

#### BREVIARIUM.

- I. Magna est anima precantis cum Deo familiaritas. II. Quæ quando pro Deo orare videtur, orat pro seipsa. III. Capita hic exponenda. IV. Nomen Dei notat Deum ipsum. V. Quatenus se cognoscendum præbet creaturis

turis rationalibus. VI. Sanctificatio Dei, est sanctitatis Divinae declaratio. VII. Quæ sit I. Ab ipso Deo, quum exercet vindictam. VIII. Et asserit sibi populum electum. IX. Joh. XII. 27. 28. X. II. Ab omnibus creaturis. XI. III. Maxime à Rationalibus. XII. Cur sanctificationem nominis Dei, ab ipso petamus. XIII. Et quidem primo loco. XIV. Multorum facta arguunt eam non sincere ab iis peti. XV. Nos autem serio sanctificemus Deum. I. Meditando virtutes ejus, in operibus naturæ & gratiæ XVI. II. Eas celebrando. XVII. Episteti memorabilia. XVIII. III. Omnia nostra ad Dei gloriam referendo. XIX. Episteti & Antonini præclara in hanc rem. XX. IV. Sectando sanctitatem quæ Deo digna sit. XXI. V. Præ Dei gloria nostram contemnendo. XXII. VI. Gaudento, si modo glorificetur Deus, sive per nos, sive per alios. XXIII. XXIV. Motiva.

**E**Ximia admodum ac prope incredibilis familiaritas est, quam qui devote orat exercet cum Deo. Magnum certe est, quod vilis homuncio, damnabilis peccator, vermiculus conculcatione dignus, ad illius commercium numinis admittatur, cujus Majestatem sublimissimi cœlestium geniorum chori, etiam dum laudant venerabundi stupent. Majus est, quod ad illum gratiæ thronum ab ipso Dei Unigenito Filio oraturus deducatur, ac Spiritu precum verba simul ac suspiria suggerente, liceat *παρρησιαζομεθα*, omniaque desideria, vota omnia, modo nihil Deo indignum, nihil oranti nociturum contineant, summa cum libertate exponere. Sed illud longe maximum est, ac fidem propemodum superat, quod homini apud Deum, non pro se solum, & proximo suo, agere liceat; sed & pro Deo: sic ut Deum, pro Dei gloria, Dei que regno, oret. Quasi Deus gloriosus esse, & regnare nolit, nisi ad preces fidelium. Palam est, Psalmo LXXII. de Dei regno, Deoque Rege sermonem esse. Inter cætera autem quæ plane magnifica sunt, hoc quoque memorabile est quod commate 15. dicitur: *Orabitur pro illo (Rege) jugiter, toto die benedicetur ei.* Hæc autem gloria, ut homini pro Deo orare concedatur, tanti debet esse animæ fideli, ut Deum supra omnia, supra se ipsam quoque, diligens, sui tantisper obliviscatur, donec ea quæ Dei gloriam ac regnum spectant probe accuraverit.

II. At revera nunquam sui minus obliviscitur anima, quam dum ita instituit. Nam præterquam quod desideria sua impendere non possit nobiliori objecto; quando pro Deo orat, maxime orat pro se. Ingentem profecto injuriam Divinæ faceret Omnisufficientiæ, si vel minima cogitatione eo inclinaret, posse Deo per preces suas aliquid perfectionis aut beatitudinis accedere; quum Deus in se & ex se habeat omnia. Quicquid à

Orat. Dom.

N

nobis

I. Magna est animæ precantis cum Deo familiaritas.

II. Quæ quum pro Deo orare videtur, orat pro se ipsa.

nobis proficisci potest in eo situm est, ut inserviamus consilio isti Divino quo ab æterno constituit gloriam suam illustrem facere, & virtutes ac perfectiones suas demonstrare in stupendis quibusdam operibus. Et dum nos ea re delectari siacere profiteamur; non solum voluptatem illam nostram promovemus, qua nihil castius sanctiusque est: sed & in Dei gloria nostram invenimus gloriam, in Dei regno nostram felicitatem. Dum Dei gloriam pia prece poscimus, id simul rogamus, ut in nobis quoque gloriosus & admirabilis fieri velit: qui beatitudinis nostræ apex est. Atque hæc est ratio, cur Christus à Sanctificatione nominis Dei preces nos nostras exordiri jusserit.

III. Capita  
hic expo-  
nenda.

III. Ad cujus petitionis explicationem tria consideranda veniunt. I. Quid intelligatur per NOMEN DEI. II. Quid sit *nominis Divini* SANCTIFICATIO. III. Quorsum eam Sanctificationem nominis Dei AB IP SO DEO PETAMUS.

IV. Nomen  
Dei notat  
Deum  
ipsum.

IV. NOMEN DEI, significat *Deum ipsum*, quatenus se & virtutes suas, operibus & verbis, creaturis rationalibus manifestat. Nihil frequentius est in Veterum Hebræorum sermone, quam ut Deum vocent *שׁוּמָן* *nomen calorum*, vel *שׁוּמָן* *nomen illud*, absolute Deut. xxviii. 58. *Timendo nomen gloriosissimum & summe timendum istud, Jehovaham tuum*. Eodem sensu dicitur Ps. xx. 2. *Exaudiat te Jehova tempore angustia: in edito te collocet nomen Dei Jacobi*. Id est ipse Deus Jacobi. Iterum Jes. l. 10. *Considat nomini Jehovah, & imitatur Deo suo*. Neque enim nomen Dei inane aliquid est, tinniens solummodo in auribus, aut pingens aliquid ante oculos, aut phantasma aliquod repræsentans menti: sed est *שׁוּמָן* *res ipsissima*. Nihilque tam magnificum de Deo vel verbis proferri, vel scripto consignari, vel mente concipi potest, quod non infinito magnificentius in Deo existat. Hoc est quod Agur docere voluit Prov. xxx. 4. *Quod est nomen ejus, & quod est nomen Filii ejus, si noris?* Nostine tu illum vel intellectu tuo imaginari, vel verbis effari, ut postquam multa conatus es, dicere ausis, hoc demum est Deus, nihilque aliud est? Nulli soni, nulli characteres, nullæ ideæ undecunque vel illatæ nobis, vel petitiæ à nobis, millesimam illius præstantiæ partem repræsentare possunt quæ in Deo invenitur. Jer. x. 6. *Ex eo quod nullus tibi par est, O Jehovah, maximus es, & maximum est nomen tuum in potentia*.

V. Quate-  
nus se co-  
gnoscenti-  
um præ-  
bet creatu-  
ris rationa-  
libus.

V. Non tamen nomen Dei præcise Deum notat, quatenus est in se; sed quatenus se manifestum facit & cognoscendum præbet creaturis rationalibus, in operibus tam creationis ac communis providentiæ, quam gratiæ & gloriæ; & maxime in verbo gratiosi fœderis; quo exponit quo modo Deus & salus hominis-peccatoris nominari possit ac velit, cum demonstratione omnium virtutum suarum. Ita enim Deus nomen suum proclamans coram



coram Mose, eas potissimum virtutes suas laudat quæ se exercitio veritatis, gratiæ & iustitiæ suæ prodant. Exod. xxxiv. 6. 7. Et Christus, dum Evangelium verbis annuntiavit, & opere complevit, dicit *se nomen Dei manifestasse hominibus, sibi ex mundo datis*. Joh. xvi. 1. 6. hoc est, sermone exposuisse, facto comprobasse, atque ita ad conscientiam electorum demonstrasse, id quod de Deo recte vereque ad laudem ejus cogitari dicique potest, quodque de ipso credendum est ut glorificetur, & non temere ab hominibus Deus ipsorum dicatur. De cætero necesse non est circa nomen Dei multa subtiliter λεπτολογεῖν. Id simpliciter teneamus, nomine Dei Deum ipsum intelligi quatenus virtutes suas cognoscendas nobis exhibet.

VI. SANCTIFICATUR Deus, dum Sanctus esse declaratur. Sanctitas autem Dei, est castissimus suarum virtutum ac perfectionum amor; vel si mavis, ea Divinæ voluntatis puritas, ut nihil intelligere, velle, agere possit, nisi quod perfectionibus suis dignum & ad eas illustrandas idoneum sit. Et quandoquidem ea Sanctitas perfectionum Divinarum decus atque ornamentum est; hinc totum, ut ita dicam, complexum perfectionum Dei, omnis Θ:οπρίπια, omnis gloria, qui quasi fulgor est ex omnibus perfectionibus simul sumtis resplendens, hoc Sanctitatis nomine comprehenduntur. Idcirco dicitur שׁוֹרֵב נִדָּא / *Magnificus Sanctitate* Exod. xv. 11. Quumque ea Dei Sanctitas omnibus numeris absolutissima sit; palam est, non posse Deum sanctificari novæ Sanctitatis additione; sed solummodo illius quam habet Sanctitatis declaratione.

VI. Sanctificatio Dei, est Sanctitatis Divinæ declaratio.

VII. Declaratio ista partim ab ipso Deo fit, partim à Creaturis; Omnibus quidem sua modo, at maxime Rationalibus. Deus ipse se sanctificat ejusmodi operibus in quibus evidentia, illustria, animumque convincentia documenta sapientiæ, bonitatis, iustitiæ, cæterarumque virtutum suarum sunt. Sic aliquoties se sanctificasse & glorificasse Deus dicitur, quum in homines criminosos exempla statuit notabilis vindictæ. Exod. xiv. 18. *Glorificabor in Pharaone, & in omnibus copiis ejus, in curribus ejus, & in equitibus ejus, & experientur Egyptii me esse Jehovam, quum glorificabor in Pharaone &c.* Levit. x. 3. *In propinquis meis sanctificabor, & ante conspectum totius populi glorificabor*: id est, ostendam gloriam sanctitatis meæ in justa vindicta eorum, qui non satis ex præscripto agunt in meo cultu. Hanc expositionem ipse nobis Dei Spiritus suggerit Ezech. xxviii. 22. *Ecce me contra te, O Sidon, ut glorificer in medio tui: ut cognoscatur me esse Jehovam, quum exercuero in ea judicia, & sanctificavero me in ea.* Similia exstant, Cap. xxxvi. 23. xxxviii. 16. 23.

VII. Quæ fit 1. Ab ipso Deo, quum exercet vindictam.

VIII. At nunquam magis nomen suum sanctificavit Deus, quam in assertionem populi sui electi, quomodo eam procuravit per Christum. In eo enim opere luculentissima, & plane incomparabilis omnium simul Di-

VIII. Et asserit sibi populum electum.

vinarum virtutum demonstratio est. Ibi *φιλανθρωπία*, sive pietas erga genus humanum, ibi sapientia, clementia, potentia, veritas, iustitia, & nominatim ea, de qua nunc loquimur, Sanctitas, illustri splendore micant. Sanctitatis est, quod turpiter foedatam sui imaginem in homine peccatore reparare animum induxerit. Sanctitatis est, quod facere illud noluerit sine demonstratione odii, quo prosequitur peccatum: quodque odium illud non verbis duntaxat ostendere voluerit, in quibus peccati detestatio est, sed & factis per *כבוד* sive *exemplarem vindictam*. Sanctitatis est, quod, ut sanctificari electi sui possent, vindictam illam poposcerit à sanctissimo Filio suo, sponte se ad eam rem offerente; idque tam solemniter, ut coelum & terra ad tam severae iustitiae purissimaeque sanctitatis exemplum exhorruerint. Sanctitatis est, quod Filium suum, per passionem consummatum, excitaverit ex mortuis, & coronaverit gloria atque honore: ita enim sibi sanctissimum Filii sui sacrificium placuisse ostendit. Sanctitatis denique est, quod redemptos sanguine Filii ad gloriosam ipsius imaginem transformet, ut is sit primogenitus inter multos fratres.

IX. Job.  
III: 27. 28.

IX. Haec, atque his similia Christum in animo habuisse credibile est, quando instante illo tempore quo iustitiae Divinae satisfactorus erat, in haec verba erupit. Joh: XII: 27. 28. *Nunc anima mea turbata est, consideratione gravissimarum illarum perpeffionum quae me manent. Et quid dicam?* Omnes vellem intelligere affectum meum, sed eum verbis exponere difficile est. *Pater libera me ab hac hora.* Si fieri potest, fac ut hic à me dolor abeat: *sed propterea veni in hanc horam.* Scio dolores hos constanter mihi ferendos esse: ea lege mediatorum munus suscepi, ut hoc pretio, & tuae satisfacerem iustitiae, & meos mihi redimerem electos. Neque etiamnum conditionem detrecto. Itaque, *Pater glorifica nomen tuum*; ostende in perpeffionibus, quibus me promptus offero, sanctitatem & iustitiam tuam; sed & easdem ostende in liberatione mei, & vindicatione meorum postquam tibi satisfacero. *Venit ergo vox è caelo, dicens, & glorificavi*, multis virtutum mearum demonstrationibus in regimine universi, ac novissime in datione tui, in praedicatione Evangelii, & patratione tam stupendorum operum, quibus Evangelii veritas confirmata est. *Et rursus glorificabo*: acceptando satisfactionem tuam, illiusque fructum tibi ac tuis, ut par est, imputando. Omnia huc tendunt, ut doceamur in opere redemptionis nostrae illustrem esse sanctificationem nominis Dei. Ita ergo Deus ipse se sanctificat.

X. II. AB  
omnibus  
creaturis.

X. Sed & ab *omnibus Creaturis* suo modo sanctificatur. Quatenus virtutum Divinarum gloriam, in iis elucentem, Angelis atque hominibus conspiciendam praebent. Hoc David petiit Ps. CIII. 22. *Benedicite Jehovah omnia opera ejus, in omnibus locis dominationis ejus.* Ps. CXLV. 10.

*Celebrant*

*Celebrent te, Jehova, omnia opera tua.* Ps. CXLVIII: 3-10. *Laudate eum sol & luna, laudate eum omnes stellæ lucidæ. Laudate eum cæli cælorum, & aquæ quæ supra cælum sunt, &c.* Neque frustra id petiit. Nam revera cæli enarrant gloriam Dei, & opus manuum ejus indicat expansum eorum &c. Ps. XIX: 2. Id faciunt, dum homines Angelosque per contemplationem admirandi ordinis exactæque pulchritudinis suæ ad laudes Dei excitant.

XI. Proprie tamen loquendo sanctificatur Deus à solis *creaturis rationalibus*. Quando illæ I. Mentem suam impendunt cognoscendis atque agnoscendis Divinis virtutibus. *Quis est sapiens? Attendant ad hæc: & animadvertant benignitates Jehovæ.* Ps. CVII: 43. Estque hac in re sapientiæ humanæ caput, & summa hominis, si quam habere possit, gloriatio. Jer. IX: 24. *In hoc gloriatur, qui gloriatur, se intelligere & cognoscere me; me esse Jehovam exercentem benignitatem, jus & justitiam in terra: quia istis delectator dictum Jehovæ.* II. Quando virtutes illas celebrant. Id quod Angeli faciunt Ps. CIII: 20. *Benedicite Jehovæ, Angeli ejus, valentissimi robore.* Et beati cælites. Ap. IV: 10. 11. Quod Sanctis adhuc in terra degentibus pro exemplo esse debet. Ps. CXXXV: 1. 2. 3. 19. 20. 21. III. Quando universum vitæ suæ institutum ita componunt, ut non sermonibus modo suis, sed & actionibus omnibus glorificetur Deus. I Pet. II: 9. 12. Mat. v: 16. I Cor. x: 31. Id quoque ad Sanctificationem nominis Dei pertinere, ab Hebræorum Magistris pridem observatum est. Huc enim facit quod ex libro *Musar* citat Drusius in hæc verba: *Postquam omnia opera nostra conformari debent ad similitudinem operum Dei benedicti; liquet quocunque tempore facimus quod bonum rectumque est, nos sanctificare nomen ejus magnum . . . Summa horum quæ diximus: quandoquidem ei similes sumus operibus nostris, sanctificatio & pollutio sive profanatio nominis ejus pendet ab iis, hoc est ab operibus nostris.*

XI. III. Maxime à Rationalibus.

XII. Quotiescunque autem DEUM ROGAMUS ut nomen ipsius sanctificetur, toties declaramus I. Serium ac sincerum nostrum desiderium, quo gloriam ipsius supra omnia expetimus. Jes. XXVI: 8. *Ad nomen tuum & ad memoriam tuam fertur desiderium animæ nostræ.* Ps. XL: 17. *Gauderant & latentur in te omnes quærentes te: ac dicant jugiter, magnificetur Jehova, omnes amantes salutis tuæ.* II. Deum ipsum esse unde glorificatio nominis sui procedere debeat: quippe qui solus idoneus est suas ipsius demonstrare virtutes. Ipse A. & Ω. Primum initium ultimi finis. Ps. LVII: 6. *Exaltare supra cælos, ô Deus, super totam terram gloria tua.* Ps. CXV: 1. *Nomini tuo da gloriam, propter benignitatem tuam, propter fidem tuam.* III. Rogamus ut nos ad sui sanctificationem idoneos faciat.

XII. Cur Sanctificationem nominis Dei ab ipso Deo petamus.

A. Illuminando intellectum nostrum, ut virtutes ipsius in liquida luce cernere valeamus. Ephes. I: 17. B. Excitando cor nostrum, ut cum Davide dicere nobis liceat Ps. LVII: 8. *Erectus est animus meus, ó Deus, erectus est animus meus; canam & psallam.* C. Ciendo linguam nostram. Ps. LI: 17. *Domine labia mea aperiás, & os meum annuntiabit laudem tuam.* D. Regendo nos suo Spiritu, ut totam vitam nostram ad nominis sui gloriam componamus: ut ipse primo in sanctificatione, tum in glorificatione nostri, appareat gloriosus & admirabilis.

XIII. Et  
quidem pri-  
mo loco.

XIII. Quum hæc *primo loco*, atque ante alia omnia petimus; ostendimus nihil nobis magis curæ ac cordi esse debere quam hoc ipsum. Hic ultimus finis est, quo cætera referenda sunt omnia. Ad hoc nobis vitæ nostræ sustentacula chara esse oportet, & vita ipsa optabilis; ad hoc salutis nostræ media desiderabilia nobis esse debent; ad hoc ipsa salus nostra expetenda est, ut ad Dei gloriam cuncta referantur. Non licet nobis in ullo bono nostro, quatenus nostrum est, & nos inde utilitatem aut voluptatem percipimus, acquiescere. Ne ipsa quidem beatitudo nobis ad id unice querenda est, ut nos in illius possessione deliciemur; sed ad id quoque, ut peculium Dei, quod nos sumus, reddatur auctius ac locupletius; & ut tantis à Deo bonis ditati, quæ felicitatem nostram absolvent, ad virtutes Dei celebrandas instructiores simus, & Deus ipse sibi in isthac opulentia suæ demonstratione complaceat. Hæc demum suprema nostra felicitas est, si maxime ad Dei gloriam simus. Hoc culmen gloriationis nostræ, quod *gloriamur in spe gloriæ Dei.* Rom. v: 2.

XIV. Mul-  
torum facta  
arguunt,  
eam non  
sincere ab  
iis peti.

XIV. Verum si credi postulemus, sincere hæc à nobis dici, opera præprimis danda est, ut dicta factis comprobemus. Eosne credibile est Dei gloriam sincere expetere; qui proprii honoris mancipia sunt; & quidquid sunt, quidquid possunt, quidquid habent, quidquid infanis præterea votis desiderant, & habere quocunque modo annituntur, suæ duntaxat ambitioni famulari cogunt? Qui ita sibi in suis placent vel opibus, vel honoribus; vel ingenio aut arte, vel eleganter dictis, vel erudite scriptis, vel præclare gestis, sive revera sive in ipsorum duntaxat stulta ac prætumida imaginatione talia sint, ut de se ipsis idolum faciant, postulentque digito monstrari, ac dicier, hic est? Jes: x: 13. Dan. IV: 10. Qui Divinæ bonitatis munera suorum meritorum adscribunt dignitati; eoque superbiunt quod egregia Dei dona supra alios, vel habeant, vel habere se præsumant? I Cor. IV: 7. Qui ne ipsum quidem numinis cultum ad ejus referunt honorem, sed tunc maxime videri se volunt, ut sancti & religiosi ab aliis habeantur; deque isthac sua sanctitate non solum tacite ac in sinu, sed & apud alios, imo apud ipsum Deum, gloriantur? Jes. LXVI: 5. Luc. XVIII: 11. 12. Qui veluti bruta animantia non at-  
tendunt

tendant ad opera manuum Dei, vel certe tam perfunctorie ea considerant, ut plerorumque Philosophorum more in causis secundis hærentes, virtutes Dei, quas stupendis ostendat operibus, clausis cœcisve oculis prætereant? Jes. v: 12. Qui Dei sanctificationem ore profitentes, factis suis ipsi dedecori sunt, faciuntque ut nomen Dei blasphemetur? Rom. 11: 24. Quicumque ita instituunt, eos quidquid prætexatur, cum Deo ludere certum est, quotiescunque dicunt, *Sanctificetur nomen tuum*. At non frustra ludent. Invitis ipsis, imo & in ipsis si quidem ita perrexerint, sanctificabitur Deus demonstratione justitiæ, & vindicta severissima.

XV. Nos autem, qui, Deum Patrem nostrum agnoscentes, Sanctificationem nominis ejus sincere desideramus, omni ope niti oportet, ut ad Dei gloriam esse comperiamur. Quam nobis dedit intelligendi facultatem, eam contemplandis, cognoscendis, meditandis virtutibus ipsius impendamus, quas in operibus naturæ ac gratiæ, & in verbo supernaturalis revelationis suæ, clementer nobis patefecit. Nihil oculis mentive nostræ occurrere potest tam exiguum, quod non uberrimam in eam rem materiam nobis suppeditet: modo didicerimus invisibilia Dei perspicere in visibilibus, & per creaturas, veluti per scalas quasdam, via eminentiæ, ad summum Deum ascendere. Id statuentes, quidquid bonitatis, lucis, pulchritudinis in creaturis est, id omni modo perfectissimo in Creatore inveniri. Ita nos assuefaciamus, ut res hujus mundi, naturales, civiles, œconomicas, tanquam figuras aut picturas quasdam consideremus rerum spiritualium ac coelestium, earumque quæ ad regnum Dei pertinent. Hujus artis callentissimus fuit Dominus Jesus, cui nihil unquam tam minutum obversabatur, quin sufficeret ad illustrandum ea occasione Regnum cœlorum, ne aquæ quidem situla, aut grano sinapis exceptis. Joh. 4: 10. Mat. 23: 31. Eandem artem discipulis suis commendavit; ut piæ meditationis alembico ex crassioribus istis Chymicorum more spiritum extrahere discerent. Mat. 24: 32. Verum ante omnia ea Dei opera frequenter meditemur, quibus gloriam suam asseruit in procuranda salute generis humani, quæ non docentur nisi in schola gratiæ: atque ita se pie sancteque delectet animus in luce notitiæ gloriæ Dei, splendentis in facie Jesu Christi. Non potest nobilissima illa intelligendi facultas, nobiliori se impendere objecto, neque nobiliori occupari exercitio, quam contemplatione τῆς αὐτοαληθείας, cæterarumque veritatum sublimium atque salutarium quas de se suprema illa Veritas nobis revelare dignata est. Atque hoc quidem modo intellectu nostro nomen Dei sanctificatur.

XVI. Sed non est hic subsistendum. Quas ita cognoscimus virtutes Dei, eas amare, venerari, mirari, ac quovis modo celebrare par est. Ut sæpe

XV. Nos autem Sanctificemus Deum.  
I. Meditando virtutes ejus in operibus Naturæ & Gratia.

XVI. II. Eas celebrando.

sæpe numero ex pleno cordis nostri thesauro proclamemus. *Quam ampla sunt opera tua, ô Jehova? quam ea sapienter fecisti? quam plena est terra possessione tua?* Pf. CIV. 24. *Jehova Domine noster, quam magnificum est nomen tuum in universa terra, qui ponis majestatem tuam supra cælos? Quum respicio cælos tuos, opus digitorum tuorum, lunam & stellas, quas statuisti: Quid est mortalis quod memor sis ejus? aut filius hominis, quod visites eum?* Pf. VIII. 2. 4. 5. *Ego semper sperabo, & addam ad omnem celebrationem tui. Os meum narraturum est justitiam tuam, toto die salutem tuam, quamvis numeros ejus ignorem. Veniam per præpotentias Domini Dei, memorabo justitiam tuam, tuam solius. Etiam celebraturus sum te instrumento nab'ii, fidemque tuam, Deus mi: psallam tibi cithara, ô Sancte Israël. Cantabunt labia mea, quando psallam tibi, & anima quam redemisti. Etiam lingua mea quotidie enuntiabit justitiam tuam.* Pf. LXXI. 14. 15. 16. 22. 23. 24. Non possunt hæc Jehovæ, aut de Jehova, melius atque affectuosius dici, quam iis verbis quæ sacer Dei Spiritus dictavit: quæque idcirco ita nobis legenda, meditanda & quasi ruminanda sunt, ut iisdem imbuti affectibus, quibus olim sanctissimi vates, ea nostra quoque facere valeamus.

XVII. Epi-  
cteti memo-  
abilia.

XVII. Non tamen mihi tempero, quin hic repetam ea quæ EPICTE-  
TUS, Gentilis Philosophus, sed supra Philosophum & Gentilem, com-  
mentatus est apud *Arrianum Dissert. Lib. I. Cap. XVI.* Verba proli-  
xiuscula sunt: ideoque Latine solummodo adscribam ex versione *Hieronymi Wolfii*. *Si sani essemus, quid nobis aliud agendum erat & publice & privatim: quam numen celebrandum, & laudandum, & grates persolvenda? Nonne & inter fodiendum, & arandum, & edendum, hymnus hic cantandus erat Deo, Magnus est Deus, qui nobis instrumenta præbuerit hæc quibus terram excolamus. Magnus est Deus, qui manus dederit, qui deglutiendi vim, qui ventrem, qui effecerit ut latenter crescamus, ut dormientes respiremus. Hæc singulis in rebus cantanda erant, & hymnus maximus ac Divinissimus resonandus, quod facultatem dederit harum rerum intelligentem, & utendi ratione instructam. Quid ergo? Quum vulgo excæcati sitis, nonne oportebat esse aliquem qui hoc munere fungeretur, & loco omnium hymnum Deo publicaret? QUID ENIM POSSUM ALIUD SENEX CLAUDUS, NISI CELEBRARE DEUM? QUOD SI LUSCINIA ESSEM, LUSCINIÆ OFFICIO FUNGERER: SI OLOR, OLORIS. NUNC RATIONIS QUUM PARTICEPS SIM, DEUS MIHI CELEBRANDUS EST. HOC MEUM MUNUS EST. HOC EXSEQUOR. NEQUE STATIONEM HANC DESERAM QUOAD LICUERIT. Et vos adeandem hanc cantilenam exhortor. O quantum ignaviæ atque inertiae nostræ pudorem incutere par est tam sanctum hominis Gentilis sermonem, tam pium institutum? Hæccine Philosophus dicat, agat? Nos Christiani, quid?*

XVIII. Ve-

XVIII. Verum uti Deum celebrare decet in suis operibus, ita & eundem nobis proponere oportet in nostris, nostraque agere cum certo quodam ad ipsum adpectu. Prov. III. 6. *In omnibus viis tuis agnosce eum.* Egregia sententia est quæ exstat in *Pirke Aboth. Cap. II. 12.* *יְשׁוּעָה בְּשֵׁם ה' כָּל מַעֲשֵׂיךָ יְיָ כָּל הַיּוֹם* *omnia opera tua fiant cum intentione ad nomen calorum,* id est ad Deum. Consentit Paulus Col. III. 23. *Quidquid feceritis, ex animo præstate, tanquam Domino, & non hominibus.* Nimirum homo Christianus in communibus vitæ civilis officiis eadem omnia agit quæ cæteri mortales: at non eodem modo. Alii civiliter, ille spiritualiter. Alii, hominibus & sibi; ille, Deo: idque non in *προφάσει*, sed *ἐκ ψυχῆς*, non in quibusdam quæ Deum propius spectare videntur, sed in omnibus. *Quidquid feceritis.* Non claudicando, ut ubi commodum est, Deum, ubi secus, homines respiciat: sed *tanquam Domino, non hominibus.* Atque id eo usque extendit Apostolus, ut ad quotidianam manducationem referat: I Cor. x. 31. *Sive editis, sive bibitis, sive quid facitis, omnia in Dei gloriam facite.* Non quasi necessum sit in omnibus & singulis vitæ nostræ actionibus, explicitam eam intentionem habere, ut Deum per eas glorificemus. Hoc enim per rerum naturam fieri non potest. Verum id universaliter firmum fixumque filiis Dei esse debet; Deo se consecratos esse, ne quid posthac cogitent, loquantur, agant, nisi in quo expressio quædam virtutum Dei, & manifestatio gloriæ ipsius sit, in omnibus ad præcepta ipsius attenderites, omniaque facientes cum studio ipsi placendi. Vide quæ prolixius de hac re scripsimus *Oecon. Fæd. Dei. Lib. III. Cap. XII, Sect. xcvi. & seq.*

XIX. Officii hujus æquitatem ac pulchritudinem aliquo saltem modo *Epictetus* conspexisse videtur, dum id magno serio agit, ut faciat auditores suos *εἰς τὸν Θεὸν ἀφορῶντας ἐν παντὶ μικρῷ καὶ μεγάλῳ*: tales qui in magnis æque ac parvis rebus omnibus Deum intueantur. *Arrian. Diff. Lib. II. Cap. XIX.* Id ab *Epicteto* didicisse videtur *MARCUS ANTONINUS IMPERATOR*, cujus hæc exstat aurea ad semet ipsum monela. *Lib. III. §. XIII.* *Quemadmodum chirurgi instrumenta & ferramenta sua ad curationes subitaneas semper habent ad manum: ita tu dogmata in promptu apud te habeas, quorum ope res quæ Divinas tum humanas dignoscas. Καὶ πᾶν, καὶ τὸ μικρότατον ἕως ποιῶν, ὡς τῆς ἀμφοτέρων πρὸς ἀλλήλα συνδύσεως μεμνημένον. ἔτι γὰρ ἀνθρώπων τι ἂν ᾧ τῆς ἐπὶ τὰ Θεῖα συναφορᾶς ὡς πράξεις, ἔτι ἐμπάλιν. Et rem quamque, etiam levissimam, ita peragas, ut qui memineris duo ista esse invicem connexa.* NEQUE ENIM HOMINES QUOD SPECTAT QUIDQUAM RECTE EGERIS SINE HABITO AD RES DIVINAS RESPECTU; nec vice versa. Quæ non eo à nobis laudantur, quasi pietatis nostræ de Sanctificatione Divini nominis mysteria æque

XVIII.

III. Omnia nostra ad Dei gloriam faciendo.

XIX. Epicteti &amp; Marci Antonini præclara in hanc rem.

ex Philosophorum placitis, ac Sacrarum nostrarum literarum monumentis, hauriri possent. Nam quidquid illi dicunt longe infra harum subsidit sublimitatem, & quod dicunt, hinc fortassis etiam petatum est. Vix enim tam præclara apud Philosophos invenias, nisi post publicatum Evangelium. Cæterum ad zelotypiam excitare nos debent tam sancta Ethnicorum monita atque exempla.

XX. IV. Se-  
stando san-  
ctitatem  
quæ Deo  
digna sit.

XX. Quanto autem Evangelii doctrina omnibus Philosophorum, Legislatorum, Hierophantarum placitis præstat, tanto etiam sublimius vitæ institutum Christianos sectari par est: in quo imago Patris cœlestis, & vis meritorum Christi, & efficacia regenerantis atque sanctificantis Spiritus singulariter eluceat. Hoc enim cum maxime ad sanctificationem Divini nominis facit, ut qui illud profitentur inculpati sint ac simplices, in medio gentis pravæ & perversæ, inter quam splendeant uti faces, in mundo: sic ut ipsorum probitas pietasque, omnem Gentilium virtutem quantumvis pompasam, omnem Phariseorum Scribarumque scrupulosam accuratorem immenso intervallo anteeat. Hi demum sunt *fructus illi justitiæ, quibus repletos nos esse oportet, quique sunt per Jesum Christum ad gloriam & laudem Dei Phil. I. II.* Sic uti & Dominus dicit Joh. XIV. 8. *In hac re glorificatus fuerit Pater meus, ut fructum multum adferatis.* Imo sic ipsi erimus gloria Dei & Christi. 2 Cor. VIII. 23.

XXI. V. Præ  
Dei gloria,  
nostram  
contem-  
nendo.

XXI. Porro ita hanc Dei gloriam cordi nobis esse oportet, ut nihil nobis ægrius sit quam Divini numinis contemptus. Ps. XLII. 12. paratique simus omnem, si quam habemus, aut habere possumus, nostram gloriam sacrificare Deo, & propter ipsum ignominia addici. Sic prævit Filius Dei naturalis. Joh. XVII. 4. *Ego te glorificavi in terra: opus consummavi, quod dedisti mihi ut facerem.* Quomodo autem glorificaverat Patrem Christus? & quo opere? Id Paulus dixerit Heb. XII. 2. *Intuentes in fidei ducem ac consummatorem Jesum, qui pro sibi proposito gaudio sustinuit crucem, ignominia contempta.* Sic præeuntem Jesum sequi decet omnes Dei filios adoptivos; ut qui gloriæ sibi ducant, quod *digni habiti sint qui pro Dei nomine contumelia adficerentur.* Act. v. 41. magno animo regiam virtutis viam insistentes *per gloriam & dedecus, per convitia & laudes.* 2 Cor. VI. 8. eam solum habentes *φιλοτιμίαν* ut placere possint Deo. 2. Cor. v. 9. de cætero securi; quamvis contingeret colaphis cædi, & convitiis addici, & infamari, imo tanquam purgamenta mundi, & omnium ramentum esse. I. Cor. II. 12. 13.

XXII.  
VI. Gau-  
dendo, si  
modo Deus  
glorificetur,

XXII. Ita qui fuerit adfectus is certe non invidet fratribus suis, si quos videat aut locupletioribus instructos donis, aut honoratiori loco in domo Dei collocatos, aut plus operis studiique ad Dei gloriam conferentes; sed volupe ipsi erit, modo sanctificetur Deus, sive per se, sive per alium



alium quemcunque, & quia sibi conscius est id per se non satis, neque utri <sup>sive per nos, sive per alios.</sup> par est, fieri; hinc gaudet alios esse, qui in subsidium sibi veniant, & in magno hoc opere plura quam ipse possit præstent. Nihilque est celebrandis Divinis laudibus idoneum, quod non eo secum invitare atque incitare velit, dicendo: *Cantate Jehovah canticum novum, canticum laudis ejus ab extremo terræ, qui descenditis in mare, & in flumina implentia illud, insula & habitatores earum. Attollant vocem desertum & civitates ejus, & villa quas inhabitat Kedar: canant habitatores petrae, è vertice montium vociferentur. Tribuant Jehovah gloriam, & laudem ejus indicent.* Jes. XLII. IO. II. 12.

XXIII. Multa profecto sunt, quæ nos ad nomen Dei, eo quo dictum est modo, sanctificandum impellere deberent. Nam opus ipsum tale tantumque est, nihil ut à nobis proficisci possit quod præstantius, jucundius, utilius, atque omni ratione dignius sit. Hoc est opus beatorum coelitum, quo suavissime interminabilem transigunt æternitatem; in cujus jugi ac nunquam interrompendo exercitio tranquillissimam inveniunt sine cessatione quietem. Hæc nostra gloria est, quod ad Dei gloriam quidquid sumus, quidquid possumus, impendamus. Cui nos ac nostra potius reservabimus quam Deo? aut cui potius exercitio, quam ei quod maximum est circa maximum? XXIII. Motivæ.

XXIV. Et sane quidquid homo Christianus est, ad id est ut in ipso sanctificetur Deus. Ad id *creatus*, ac mente rerum Divinarum intelligente præditus, ut dicat, *ubi est Deus qui fecit me, qui dat psalmorum argumentum de nocte? qui docet nos præ bestiis terræ, & præ volatilibus cæli sapientes nos facit.* Job. xxxv. IO. II. Ad id à Deo per Jesum Christum *electus* est, *pro benevolo adfectu voluntatis Divine, ad laudem gloriosæ suæ gratiæ, quâ nos gratis sibi acceptos effecit in illo dilecto.* Eph. I. 5. 6. Ad id *redemptus* est sanguine Christi, ut sit inter primitias Deo & Agno sacras, canatque canticum novum ante thronum cum iis qui nomen Patris inscriptum frontibus suis habent, quod canticum nemo discere potest, nisi illi qui emti sunt è terra. Ap. xiv. 3. 4. Ad id *vocatus* est per Evangelium, & *reginitus* ac *sanctificatus* per Spiritum, *ut virtutes prædicet illius qui vocavit ipsum è tenebris in admirabilem suam lucem.* I Pet. II. 9. *Populus quem formavi mihi laudem meam enarrabunt* Jes. XLIII. 21. Ad id denique *glorificabitur* aliquando, ut cum quatuor animalibus, & viginti quatuor senioribus, & innumerabilibus Sanctorum Angelorum myriadibus dicat: *Ei qui insidet throno, & Agno, sit benedictio, & honor, & gloria, & robur in secula seculorum.* Ap. v. 14. Amen.

EXERCITATIO IX.  
DE  
ADVENTU REGNI DEI.

ΕΛΘΕΤΩ Η ΒΑΣΙΛΕΙΑ ΣΟΥ.

B R E V I A R I U M.

1. *Prima Orationis verba continent fundamentum earum rerum quae deinceps per-  
tinentur.* II. *Summa eorum quae dicenda sunt.* III. *Regnum Dei geminum est.*  
IV. *Universale.* V. *Speciale.* VI. *Sub Testamento Veteri: ubi formam habebat  
regiminis Politici.* VII. *Attamen & Ceremoniale ac Typicum fuit.* VIII. *Imo  
vero & Spirituale.* IX. *Hebraeorum Magistri regnum caelorum quandoque ex-  
ponunt de timore & amore Dei.* X. *Maxime ad T. N. pertinet.* XI. *Notat-  
que statum Ecclesiae liberum.* XII. *Cur Patris hic potius quam Christi dicatur.*  
XIII. *Forma illius externa.* XIV. *Interna.* XV. *Regnum Gloria.* XVI. *Ad-  
ventus Regni ad universam Ecclesiam.* XVII. *His perficiuntur gradibus.* I. *Es-  
ficaci Evangelii predicatione inter Judaeos.* XVIII. II. *Conversione gentium.*  
XIX. III. *Excisione rebellium Judaeorum.* XX. IV. *Liberatione Ecclesiae à  
persecutionibus gentilium.* XXI. V. *Reformatione errorum Antichristi.*  
XXII. VI. *Destruitione mystica Babelis.* XXIII. XXIV. *Cujus ruina est aug-  
mentum Regni Christi.* XXV. *Et conjuncta erit cum Israelitarum multarum-  
que aliarum gentium conversione.* XXVI. *Et abundantia spiritualium bono-  
rum.* XXVII. *Et unitate Religionis in Festo Tabernaculorum.* XXVIII. *Qua  
tamen sua iterum habebunt decrementa.* XXIX. *Donec ad judicium veniat Do-  
minus, consummaturus omnia.* XXX. *Adventus Regni Dei ad singulos ele-  
ctos.* XXXI. *Qua mente olim à Veteribus, nunc à nobis, adventus Regni Dei  
petatur.* XXXII. *Praxis.* I. *Fateamur nos natura extra regnum Dei esse.*  
XXXIII. *In conditione miserrima.* XXXIV. *Invalidos ad exuendas servitutis  
catenas.* XXXV. *Adeo quidem ut regnum Dei fundari videatur in impossibilibus.*  
XXXVI. *Qua tamen possibilia credimus esse Deo.* XXXVII. II. *Felicitatem no-  
stram in Adventu regni Dei queramus.* XXXVIII. *Quippe quod est Regnum  
A. Misera aequitatis.* XXXIX. *B. Incredibilis opulencia.* XL. *Jer.* XXXI.  
12. 14. *exponitur.* XLI. *C. Secura Tranquillitatis.* XLII. *D. Incompara-  
bilis Dignitatis.* XLIII. III. *Omnia pro Rege & Regno illo faciamus.*

I. *Primo  
Orationis  
verba con-  
tinent sua-*

**V**Ti Christi Domini sapientia in omnibus sermonibus atque actio-  
nibus ipsius exinie elucet; ita illius summam & quasi synop-  
sin exhibet ea quam nobis tradidit Orationis formula. Præ-  
termit-

termitto cætera quæ eam nobis prorsus admirabilem debent reddere: id unice nunc observari velim, quomodo in primæ compellationis paucissimis verbis fundamentum jecerit earum rerum omnium quæ ordine concinnissimo deinceps petuntur. Jussit ut in ipso precis exordio diceremus, *Pater noster qui in cælis es*. Hoc si rite intelligatur, reliqua quæ mox adduntur evidenti satis consecutione inde deduci facile animadvertemus. Si enim Deum pro cœlesti nostro Patre agnoscimus, quid convenientius est quam ut ad tanti nominis sacram glorificationem animæ nostræ desiderium ante omnia tendat? Id quod votum est Filii Dei Unigeniti atque æterni: *Pater glorifica nomen tuum*. Joh. xii. 28. idem oportet esse votum eorum qui filii Dei facti sunt *ex gratia*. *Dicant jugiter, Magnificetur Jehova, amantes salutis tuæ*. Ps. xl. 17. Porro si Pater ille noster in cœlis habitet & dominetur, oportet ipsum pro Rege quoque à nobis agnosci; neque certe sanctificaretur à nobis nomen ipsius, si Regiam ipsâ detraheremus Majestatem. Atque hinc Regni ipsius in nobis amor nascitur ac desiderium: quod quum Regnum Patris nostri esse supponatur, non potest non in nostrum quoque cedere commodum ac gloriam. Deinde si Deus Rex noster sit, res ipsa loquitur, nihil esse magis necessarium, quam ut. supremæ ipsius, ac sanctissimæ semper voluntati debita nos veneratione submittamus, eamque non minus in terra fieri petamus quàm sit in cœlo. Cætera quæ sequuntur paullo nos longius ab instituto abducerent; & quomodo cum dictis cohæreant, suo loco ostendetur. Nunc ea nobis petitio exponenda est, qua *Adventum Regni Dei* poscimus.

II. Ad quam clarandam observanda sunt hæc tria. I. Quid REGNUM DEI sit. II. Quid ADVENTUS istius REGNI. III. Qua mente illum ADVENTUM REGNI DEI PETAMUS.

III. Dubium non est quin DEUS REX magnus sit, non supra homines solum, sed & supra omnes eos qui Deorum insigniuntur nomine. Ps. xcv. 9. Estque istud Dei Regnum in duplici nobis differentia considerandum, ut alterum UNIVERSALE sit, alterum magis SPECIALE.

IV. UNIVERSALE REGNUM appello infinitam illam eminentiam, dignitatem, auctoritatem ac potestatem in omnes & omnia. Ps. ciii. 19. *Jehova in cælis stabilivit solium suum, & regnum ipsius omnibus præsidet*. Atque hoc est Regnum illud, cui sol cum omnibus astris, cui mare cum suis fluctibus, cui venti cum omni flatuum suorum vehementia, cui anni tempestates cum suis vicissitudinibus, cui diei noctisque alternæ reciprocationes, cui omnia terræ imperia, quantumvis sibi invicem minitantia, subsunt; cui cœlestes genii obsequiose parent; cujus jussa Diabolorum ferocissimi, quamvis renitentes, exsequuntur tamen; quod superbissimi tyranni nolentes agnoscunt; quod ipsi, qui vocantur Athei, insanientis sapien-

damentum earum rerum quæ deinceps petuntur.

II. Summa eorum quæ dicenda sunt.

III. Regnum Dei geminum est.

IV. Universale.

tiae magistri, arcanis animi sui convictionibus inviti experiuntur. In hoc Regno Deus pro throno cœlum habet; terram pro scabello pedum suorum, pro satellitibus cœlestes Angelos, pro vehiculo nubes, pro equis ventos, pro hostibus improbos, pro tormentis bellicis fulgura & tonitrua, pro carcere infernum, pro executoribus vindictæ suæ atros dæmonas. De hoc Regno insignis exstat Nebucadnetzaris confessio Dan. iv. 34. 35. Et piorum omnium Ps. cxlv. 10. 11. 12. 13.

## V. Speciale.

V. Sed præter hoc *Universale Regnum*, quod *Natura* possis dicere; aliud sibi *SPECIALE* formavit Deus, in populo huic fini singulariter electo. Idque iterum vel *GRATIÆ* est in hoc *seculo*, vel *GLORIÆ* in *futuro*. Regnum *Gratia* rursus considerari potest, vel uti olim fuit sub *OECONOMIA TESTAMENTI VETERIS*; vel uti nunc est sub *TESTAMENTO NOVO*.

## VI. Sub Testamento Veteri, ubi formam habebat Regiminis Politici.

VI. Certe sub *Veteri Testamento* Deus Rex populi Israëliti fuit; quem valida manu, ac fidem propemodum superantibus portentis, *Ægypti* ergastulis extractum sibi asseruit; quem solemniter sibi foedere junxit; cui, ad radices Sinai convocato, è cacumine montis, coruscantibus fulgetris, crepitantibus tonitruis, mugientibus ventis, horrida caligine, trepidante terra, sacratissimas leges suas promulgavit. Apud quem, in ipsis Arabum desertis palantem, omnia sibi ad quæsitissimam Regiæ magnificentiae pompam parari iussit. Tabernaculum enim ad monstratum è cœlo instar constructum est; multa cedro conspicuum, multo auro splendidum, vasisque materia & arte pretiosissimis superbe ornatum, variis etiam distinctum receptaculis. Exteriorius atrium, populo omni, nulla immunditie polluto, ad obsequia precesque Regi offerendas patebat. In interiori aula consistebant sacerdotes, veluti purpurati Regis, & familiarioris admissionis ministri. At in intimo adyto, cui oppansum pretiosissimum aulæum erat, & quod Sanctum Sanctorum dicebatur, solium erat Divinae gloriæ: quo pedem penetrare mortalibus omnibus sub mortis comminatione interdictum; solo excepto Pontifice, idque non nisi semel quotannis. Ibi propitiatorio operculo Arcæ cujusdam aureæ, prodiga arte factæ, & Cherubinis aureis, monstrosæ formæ animantibus, facie ad operculum conversa, & alis operculum tegentibus, symbolo singulari præsentis Majestatis suæ, insidebat Deus. Inde consultus responsa dabat: inde precibus votisque annuebat: inde velut ex abdito venerabilem se faciebat suis. *Jehova Rex est, commoveantur populi: insidet Cherubinis, contremiscat terra.* Ps. xcix. 1. Prolixum esset cætera persequi, quomodo omnes Regis partes ex decore absolverit; pacis ac belli negotia moderatus sit, populum in terram patribus promissam introduxerit, Rempublicam universam disposuerit, Magistratus ac Judicis mandatis suis instructos constituerit; omnia denique sic ordinaverit, ut à suo solius penderent nutu atque arbitrio. Sic ut Politia

Isrælitica

Israëlitica omni jure *Theocratia* dici meruerit. Quod debita pietate agnovit Gideon, quum hæreditarium ipsi imperium populus deferret. *Non habebo*, inquiebat, *ego dominium in vos, neque filius meus habebit dominium in vos; Jehova habiturus est dominium in vos.* Jud. VIII. 23.

VII. Attamen & Ceremoniale ac Typicum fuit.

VII. At non ea solum facie Regnum Dei in Israël intueri vos volo quatenus *civile* fuit, atque externa specie Politis hujus mundi hæret usque quaque dissimile. Majora sub hoc velo latent. Præfiguratum hisce omnibus Dei in Messia regnum, & status melioris ecclesiæ est. Huc tendebat omnis ille sacer apparatus, ut Israëlita, tum demum feliciter secum actum iri crederent, si *spirituali* Dei regno quoad animum & conscientiam subsint. Si à cæteris mortalibus juxta immutabile electionis decretum distincti, è servitute peccati atque diaboli in veram libertatem filiorum Dei afferti, gratioso foedere ei juncti sint; si legem non tabulis sed cordibus inscriptam habeant; si ceremoniis ritibusque suis deducantur ad Messiam, illiusque officia & beneficia; si accessum habeant non ad tabernaculum templumve manu factum, vel ad typicam aliquam Dei præsentiam, sed ad eum qui pollicitus est se suis pro Sanctuario fore; si non in terra solum Jehovah habitent, sed eam velut cæli pignus possideant, jus habentes ad hæreditatem hoc typo figuratam. Breviter Regnum Dei in Israël non *civile* solum fuit, quatenus Rempublicam habebant in terra Canaan; sed & *ceremoniale* longe majora ac meliora significans & figurans, quatenus Ecclesiam faciebant Testamenti Veteris.

VIII. At ne hic quidem subsistendum est. Deus in ipsos *spirituale* quoque regnum habuit, quantum temporis illius dispensatio patiebatur. Non enim est existimandum, ceremonias istas ea solum bona præfigurasse, quæ ab aliis fidelibus longo post tempore possidenda erant. Earum etiam rerum symbola ac sacramenta fuerunt quibus jam tum fruebantur quotquot pii erant in Israël. Nam & hi sane exeunti regno Diaboli & præsentī seculo malo, participes eorum facti sunt privilegiorum in quibus regnum Dei consistere Apostolus monet Rom. XIV. 17. Habuerunt *justitiam*, virtute tam justificationis quam sanctificationis. Ps. XXXII. 1. 2. 3. Habuerunt *pacem*, reconciliati Deo per sanguinem Messiae suo tempore fundendum: & pacis illius conscientiam, indeque ortam beatam animi tranquillitatem, & *gaudium per Spiritum Sanctum*. Quæ omnia uti sibi fide precatur David; Ps. LI. 9. 10. 13. 14. ita & à Deo impetravisse gloriatur. Ps. IV. 8. 9. Ex quibus conficitur, Deum *triplex Regnum* in prisco Israël habuisse, *Politicum, Ceremoniale, Spirituale*.

VIII. Imo vero & Spirituale.

IX. Et sane postremum hoc recentiores quoque Hebræorum Magistri agnoverunt: qui ex Veterum Catechesi internum Dei timorem atque amorem vocant מלכות שמים שלמה *regnum calorum completum*. Id enim

IX. Hebræorum Magistri Regnum

frequenter

cœlorum  
quandoque  
exponunt  
de timore &  
amore Dei.

frequenter repetunt, in recitandis phylacteriis primo ea verba recitanda esse, *Audi Israël Jehova, Deus noster, Jehova, unus est.* Deut. VI. 4. antequam recitentur ea quæ exstant Deut. XI. 13. *Erit si serio auscultaveritis preceptis meis &c.* quia, inquit, *homo primo in se suscipere debet regnum cœlorum, deinde jugum precepti.* Unde recitationem prioris illius pericopæ passim nuncupant *ספר סליחות* *susceptionem regni cœlorum.* Et quamvis velint sponsum prima nuptiarum suarum nocte à recitatione phylacteriorum liberum esse; narrant tamen Rabban Gamaliel eam exemptionem noluisse gaudere, addita hac ratione, *quod ne ad horulam quidem seponere à se regnum cœlorum vellet.* In libro autem *Zohar* rogatur, *quid est jugum regni cœlorum?* Et respondetur, *servire Deo in timore, illo nempe timore de quo scriptum est, timor Domini est initium sapientia. Et hoc est Regnum cœlorum.* Vid. *Lichtf. ad M.* III. 2.

X. Maxime  
ad N. T.  
pertinet.

X. Verum enimvero ita passim sacræ literæ loquuntur, quasi *Regnum Dei*, sive quod idem est, *Regnum cœlorum*, expectandum non esset nisi post revelationem Messiae. Hinc & Johannes & Christus ipse dixerunt, *Regnum cœlorum prope esse.* Matth. III. 2. IV. 17. Et Pharisei rogarunt Jesum, *quandonam venturum esset Regnum Dei.* Luc. XVII. 20. Et Josephus Arimathæensis *expectabat Regnum Dei.* Luc. XXI. 32. Neque incredibile est phrasiologiam hanc eo sensu desumptam esse ex Dan. VII. 13. 14. Ubi post repræsentatas quatuor præcipuas noti tunc orbis monarchias, describitur *Regnum Dei in Christo*, ad quod pii omnes ingenti desiderio anhelabant.

XI. Notat-  
que statum  
Ecclesiæ li-  
berum.

XI. Idcirco *Regnum Dei* in Evangelio vix alia significatione venit, quam ut notet *statum illum eximium & vere liberum Ecclesiæ Testamenti Novi sub Rege Messia.* Et distinguitur illud Dei regnum non solum à *Regno Universali & Naturæ*, quod sine ulla variatione semper idem est; sed & à *Regno Dei Speciali* quale obtinuit sub *Testamento Veteri.* Quippe quod tunc *Civile* erat, unius populi genio attemperatum; & *Ceremoniale*, figuris constans, & *Spirituale* quidem, sed sub *involucro elementorum mundi*; nunc autem nihil humanum habet, nullos Principes aut Seniores, qui cum imperio Ecclesiæ præsent, nihil mundanum, nullum *ἀγίον κοσμίον*; sed omni modo *Regnum Dei*, & *Regnum cœlorum* est.

XII. Cur  
Patris hic  
potius quam  
Christi di-  
catur.

XII. Est quidem hoc *Christi Regnum*; attamen rationes fuere prægnantes, cur Christus id nunc *Patri* attribueret. Nam I. Christus, quando orationem hanc dictabat, apparebat in forma servi, qui non venerat ut suam gloriam quæreret, aut quærere ullo modo videretur, sed *gloriam ejus à quo missus est.* Joh. VII. 18. II. In Christo regnat Pater. Pater ipsum in Regem unxit; Pater ipsi subditos dedit, quos redimeret. Quos redemit, eos emit Patri. Ideo Patris nomen gerunt inscriptum frontibus suis.

Ap. XIV. 1. 4. Atque hæc duo junguntur: *Nunc facta est salus & potentia, & REGNUM DEI NOSTRI, ET POTESTAS CHRISTI EJUS.* Apoc. XII. 10. Denique in consummatione seculorum Christus omne regnum suum Oeconomicum ac Mediatorium *Patri tradet, ut Deus sit omnia in omnibus.* I Cor. XV. 24. 28. Merito ergo Christus id regnum, quod cæteroquin & suum est, Patris hic dicere maluit.

XIII. Cæterum hic status Ecclesiæ Testamenti Novi dupliciter considerari potest; vel quoad *externam*, vel quoad *internam* formam. *Externalis forma* consistit in prædicatione Evangelii, & administratione Sacramentorum, quibus adjungi potest Disciplina Ecclesiastica, quam magnus Theologus recte dixit, *Thronum Christi in Ecclesia regnantis.* Hoc sensu Christus Judæis, quibus sermo Evangelii factus, plurimisque miraculis confirmatus erat, de regno Dei sciscitantibus respondit, *Regnum Dei intus ipsos esse.* Luc. XVII. 21. Quia Deum Regem in Filio suo præsentem conspiciebantur & verbum regni publice prædicari audiebant; licet neutrum intelligerent ac fide reciperent. Illi tale Regnum Dei expectabant quo Messias Dei nomine veniens ipsos liberatos à iugo Gentilium omni opulentiae genere auctos atque ornatos redderet. Christus negat regnum Dei venturum esse cum tali pompa atque apparatu mundano, sic ut observari possit ex regio splendore, divitiis, triumpho, qualia expectabant Pharisæi; sed consistere in publicatione, Evangelii animata per Spiritum Sanctum: quæ quamvis ab ipsis non recte attenderentur, faciebant tamen ut regnum Dei jam in medio ipsorum esset. Confer. Matth. XII. 28. *Si autem per Spiritum Dei ejicio demonia, nempe pervenit ad vos regnum Dei.* Et Matth. XIII. prædicatio Evangelii cum diversis suis effectibus ac fructibus passim *regnum cælorum* dicitur: quod variis ibi similitudinibus à Christo illustratur. Atque hoc adspectu ad regnum Dei omnes illi pertinent, qui externa professione Evangelium libertatis recipiunt, sive sincere, sive fucate. Confer Mat. VIII. 12. *Filii regni ejicientur in tenebras exteriores.* Id est, hi qui externe solum fæderati Dei sunt. Tales dicuntur *mentiri Christo*, sive fraudulenter se ei subdicere. Ps. XVIIII. 45.

XIV. *Interna forma* hujus regni in eo sita est, quod in electis fidelibus per regenerationem & sanctificationem infringatur vis peccati atque diaboli; quod cordibus ipsorum inscribatur lex Dei, quod animo pariter & corpore ad Dei obsequium prompti alacresque reddantur; quod loco vehementium istarum ac vitiosarum perturbationum quibus olim exagitatus fuit animus, oriatur placida tranquillitas, pax & gaudium per Spiritum Sanctum; quod fideles, ita asserti Deo conserventur virtute ipsius in fide ac sanctimonia; quod sub vexillis Christi Imperatoris adversus satanam fortiter dimicent, non posaturi arma, donec patrato bello integram nacti fuerint

fuerint victoriam. Ubicunque hæc sunt ; ibi sane regnum Dei in mentibus mortalium est.

XV. Regnum  
Gloriæ.

XV. Quæcunque dicta sunt hactenus pertinent ad *Regnum Gratiæ* ; cuius complementum futurum est in REGNO GLORIÆ. Quo nomine intelligitur status ille beatissimus Ecclesiæ in cœlis, quando superatis omnibus hostibus, abolitis omnibus peccati reliquiis atque sequelis, in unum coactis omnibus omnium temporum, inde ab orbe condito usque ad illius consummationem, electis, tota quanta quanta est subjicietur Deo, eoque implebitur ad fruitionem perfectissimam æternæ felicitatis. Quæ Divine exsecutus est Paulus I Cor. xv. 24. & seq.

XVI. Ad-  
ventus Re-  
gni Dei ad  
universam  
Ecclesiam.

XVI. Ex his quæ de Regno Dei hactenus differuimus satis est evidens, non agi hic de Regno Dei Universali, neque de eo Dei Regno quod speciali ratione in prisco olim Israël habuit, sed de Regno Dei prout manifestandum erat sub Oeconomia Testamenti Novi : per cuius ADVENTUM quid intelligi debeat ; id nunc inquirendum nobis restat. Et nisi fallor ; adventus Regni Dei bifariam considerari potest. I. In ordine ad *Universam Ecclesiam*, II. In ordine ad *singulos electos*.

XVII. His  
conficitur  
gradibus.  
I. Efficaci  
prædicatione  
Evangelii  
inter Ju-  
deos.

XVII. In ordine ad *universam Ecclesiam* Regnum Dei venit hisce gradibus. I. Quando Doctrina Evangelii per Christum & Apostolos publice est prædicata, miraculis confirmata, morte Christi consummata, Resurrectione ipsius è mortuis & Adscensione in cœlum vindicata, Effusione Spiritus Sancti obsignata, & per eundem Spiritum ad multorum convictionem ac salutarem conversionem efficax facta. Tunc *emisit Jehova sceptrum roboris Messia ex Sione, ut dominetur in medio hostium suorum*, à quibus nuper erat crucifixus. Ps. cx. 2. Tunc impletum est, aut saltem coeptum est impleri, quod prædixerat Dominus, Mat. xvi. 28. *Amen dico vobis, sunt quidam ex his qui hic adsunt, qui nequaquam gustabunt mortem, usque dum viderint Filium hominis venientem in regnum suum.* Ex iis quæ tunc facta sunt certo cognoscere potuit debuitque *universa domus Israël*, quod Deus hunc fecerit Dominum & Christum, hunc, inquam, Jesum quem ipsi crucifixierant ; atque ita regnum Dei manifestatum esse in medio eorum. Act. ii. 36.

XVIII.  
II. Conver-  
sione gen-  
tium.

XVIII. II. Magis adhuc venit Regnum Dei, quando Evangelium *Gentilibus* prædicatum, & ab iis fide receptum est. Sicuti prædictum erat Jes. xlix. 6. Iterumque Ps. xcvi. 3. 7. 8. *Narrate in gentibus honorem ejus, in omnibus populis mirabilia ejus opera. Cedite Jehova familia populorum, cedite Jehovæ gloriam & laudem. Cedite Jehova honorem nominis ejus ; adferte munus, & venite ad atria ejus.* Et profecto nonne illustrissimum indicium Regni Dei est, quod gentes, olim à communione cultuque numinis remotissimæ, conversæ sint ab idololatria & mori-



& moribus profligatissimis ad Deum Israël, ut eum ex sanctissimæ legis suæ præscripto venerarentur? Nimirum hunc nobis characterem Regni Dei sacra vatum carmina aliquoties cecinere. Ps. 11: 8. & LXXII: 8. Zach. 1x: 10: Atque alibi sæpius. Hoc autem Apostolos Evangelii sui præconio inter Gentes effecisse, res ipsa cum multorum stupore evicit.

XIX. III. Sed & tum Regnum Dei venit, quando vindicta sumta est de rebellibus Judæis, præfractis regni istius hostibus; qui neque ipsi intrabant, & alios intrare cupientes arcebant; quando Politia ipsorum & Carnalis cultus, una cum Hierosolyma & Templo, everfa sunt; quando plenaria libertas ab omni ceremoniarum servitute parta populo Dei est, quam de jure quidem habuerant, de facto autem non ita, donec Templum, quod ceremoniarum omnium veluti centrum erat, adhuc stabat in honore. *Ab eo tempore viderunt Judæi Filium hominis sedentem ad dexteram potentia Dei, & venientem in nubibus cæli.* Mat. xxvi: 64. Tunc enim in nubibus dicitur venire Dominus, quando venit ad demonstrationem Divini alicujus judicii. Jes. xix: 1. *Ecce Jehova insidens densa nubi levi invasurus est Egyptum.* Isti hoc urbis ac templi sui excidio experti sunt Judæi, Deum gloriose regnare in Messia. Tunc impletum est illud Christi dictum Luc. xix: 27. *Quin etiam meos illos inimicos, qui voluerunt me regnare supra se, adducite huc & jugulate coram me.* In scholis Judæorum à longo tempore perverfus admodum vixit de Regno Dei conceptus. Opinabantur Messiam excisurum esse omnes gentes quotquot legi Judaicæ morem gerere detrectarent; Judæos autem liberaturum à jugo gentium, ac formaturum inter eos regnum mandanum, daturumque tempora omni deliciarum genere affluentia. Verum longe aliter cecidit. Judæi immorigeri cum omni suo cultu justo Dei judicio rejecti sunt; gentes in eorum assumptæ locum, in eoque constitutæ statu, ut sine Mosaicorum rituum jugo Deo servirent, in libertate Regni cælorum.

XIX.  
III. Exci-  
dione re-  
bellium Je-  
dæorum.

XX. IV. Novus adventus Regni Dei in illa incidit tempora, quibus Ecclesia liberata est à persecutionibus Gentilium, & publice in lucem prodit, rerum in mundo potiri cœpit, Imperatoribus ac Principibus religioni Christianæ non faventibus solum, sed & eam amplexantibus, profitentibus, tuentibus, omnique splendore exornantibus. Quod factum est sub Constantino magno, multum adnitente matre ipsius, Imperatrice Helena. *Tunc projectus est Draco ille magnus, serpens ille antiquus, qui vocatur Diabolus & Satanas, qui seducit totum terrarum orbem; projectus, inquam, est in terram, & Angeli ejus cum eo projecti sunt.* Tunc audita est vox magna, dicens in cælo: *Nunc facta est salus & potentia, & Regnum Dei nostri, & potestas Christi ejus, quia dejectus est accusator fratrum nostrorum, qui accusabat eos in conspectu Dei nostri, die ac nocte.* Ap. xii: 9.

XX. IV. Li-  
beratione  
Ecclesiæ à  
persecutio-  
nibus geni-  
lium.

10. Tunc *Sancti* inceperunt *judicare mundum*. I Cor. VI: 2. id est homines Christiani, qui hactenus iniquissime ad tribunalia rapti, injustissime damnati, crudelissime plexi erant, publicis judiciis præfecti sunt, & magistratus in republica Romana gesserunt.

XXI. V. Reformatione errorum Antichristi.

XXI. V. Iterum advenit Regnum Dei, quando Ecclesia asserta est ab humanis institutis, superstitione, idololatria ac tyrannide Romanæ Babelis; quando vis secundæ illius Bestiæ plurimum imminuta, nuditas Antichristi & Antichristianismi detecta, æternum Evangelium denuo prædicatum, omnibusque ex Babele illa exire cupientibus apertæ fores sunt. Quod patrum nostrorum memoria per illustrem illam Reformationem factum est, in cujus luce etiamnum, Deo favente, ambulamus. Ad ea tempora commode referri potest Ap. XIV: 6. 7. 8. *Deinde vidi alium Angelum volantem per medium cæli, habentem Evangelium æternum, ut evangelizaret incolis terræ, & omni genti, & tribui, & lingua, & populo: Dicentem magna voce, timete Deum, & tribuite ei gloriam: nam venit hora judicii ejus; & adorare eum qui fecit cælum & terram & mare & fontes aquarum. Et alius Angelus secutus est, dicens, cecidit Babylon.*

XXII. VI. Destructione mysticæ Babelis.

XXII. VI. Major adhuc adventus Regni Dei expectandus est, quando Babylon prorsus concidet, & Antichristi Regnum destruetur, illudque implebitur quod Ap. XVIII. prolixè atque accurate figuratum est. Quam ruinam Babelis non immediate conjunctam fore cum die novissimi judicii, multa probant. Nam com. 4. qui ad populum Dei pertinent jubentur ex ea exire, ne participes peccatorum & plagarum ejus sint. Et com. 9. 10. futurum esse dicitur, ut fleant & plangent super ea reges terræ qui cum illa scortati fuerant, quum viderint fumum incendii ejus; & procul stent propter terrorem tormenti ejus Com. XI. narratur fletus ac luctus mercatorum terræ super ea, quoniam merces eorum nemo emit amplius. Com. 17. additur, omnes gubernatores, & omnem in navibus versantium turbam, & nautas, & quotquot ex mari quæstum faciunt, procul constitutos esse, & exclamatueros ad fumum incendii ejus. Quæ quomodocunque exponantur, talia sane sunt, ut die novissimo, multo minus post eum locum habere non possint.

XXIII. Cujus ruina est augmentum Regni Christi.

XXIII. Ea autem est oppositio inter Regnum Christi & Antichristi, ut hujus ruina illius sit augmentum. Idcirco mox post Babylonis excidium audit Johanes *vocem magnam turbæ multæ in cælo*, quo representatur Ecclesia, *dicentis, Halleluja; salus & gloria & honor & virtus Domino Deo nostro*. Ap. XIX: 1. Iterumque com. 6. *Et audiivi tanquam sonitum turbæ multæ, & tanquam sonitum aquarum multarum, & tanquam sonitum tonitruorum vehementium, dicentium, Halleluja: quoniam regnum iniit Dominus, Deus ille noster omnipotens*. Ab eo tempore vidit Johanes

nes Christum Regem insidentem equo albo, cum multis in capite suo diadematis, & hoc nomine quod in vestimento ac femore suo scriptum habebat, REX REGUM, ET DOMINUS DOMINANTIIUM. Com. II. & seq.

XXIV. Deinde vidit Diabolum & Satanam vinctum ad mille annos, conjectumque in abyssum conclusam & obsegnatam, ut non seduceret amplius gentes, donec consummarentur mille illi anni: quibus cum Christo vivunt ac regnant animæ eorum qui securi percussi sunt propter testimonium Jesu, iique qui non adorant bestiam neque imaginem ejus, nec acceperunt characterem ejus in frontibus & manibus suis. Ap. xx: 1. & seq. Quos mille annos ligati Satanæ in Ecclesiæ Historia non invenio; nunquam enim tam diu ligatus fuisse videtur Diabolus, quum gentes primo seduxerit per idololatriam gentilem, mox per consimilem illi idololatriam Antichristianam (nam in utraque potestate suam idem Draco exercuit. Conf. Ap: xii: 5: & xiii. 4.) denique per deliria Muhammedis, quibus totum fascinavit orientem, & Indiam universam, nisi qua parte adhuc gentilis est. Neque regnum illud mille annorum de æterno Christi regno in cœlis exponere audeo; quum expresse dicatur, *consummandos esse istos mille annos*, & exinde *solvendum Satanam è carcere suo, ad gentes iterum seducendas*. Ap. xx: 7. 8. Unde consequitur tempus illud fide expectandum, & votis nostris expetendum esse, quando eventus optimus erit erit obscuræ prophetiæ interpretes.

XXV. Illam regni Antichristiani ruinam comitabitur illustris ac nationalis Israëlitarum ad Christum Dominum conversio, quæ universæ Ecclesiæ veluti *vitam ex mortuis adferet*. Rom. xi: 15. Remotissimæ gentes eorum excitatæ exemplo, ne iis quidem exceptis quæ olim populo Dei fuerunt inimicissimæ, ad renovatæ Ecclesiæ limen alacriter concurrent. *Tempore illo erit Israëlitarum gens tertia Egyptia atque Assyria: benedictio in medio terra. Cui benedicturus est Jehovah exercituum, dicendo, Benedictus populus meus Egyptius, & opus manuum mearum Assyrius, & possessio mea Israeliticus*. Jes: xix: 24. In quarum gentium ambitu specialem quoque TURCARUM conversionis, sub *Assyriorum* nomine atque emblemate, in Prophetiis spem fieri, non absurda quorundam conjectura est.

XXV. Et conjuncta erit cum Israëlitarum, multarumque aliarum gentium conversio.

XXVI. Quidquid ea de re sit, tum sane æterni Evangelii & salutaris sapientiæ lux radios suos quaquaversum spargens exinio fulgore micabit, ac triumphabit de tenebris erroris atque ignorantiae, quibus merfus olim mundus fuit. Jes: xi: 9. & xxx: 26. Nec deerit splendor sanctitatis Deo dignæ, & lætitia spiritualis ex Divinæ bonitatis suavissimo gustu sensuque. Nempe *quum advenerit Sioni vindex, & conversis à defectione in*

XXVI. Et abundantia spiritualium bonorum.

*Jacobo* (quod, Paulo interprete, de futura Israëlitarum conversione intelligendum est) *tunc dicetur Hierosolyma, surge, luce; quandoquidem advenit lux tua, & gloria Jehova super te orta est. Nam ecce tenebra operiunt terram, & caliga nationes, sed super te orietur Jehova, & gloria ejus super te conspicua erit: Ut accedant gentes ad lucem tuam, & reges ad splendorem exortum tibi.* *Jesl. LIX: 20. LX: i. 2. 3.*

XXVII. Et unitate Religionis in Festo Tabernaculorum.

XXVII. Tunc gentes in unitate fidei ac charitatis sibi invicem junctæ, unum Deum in Christo ex præscripto verbi ipsius adorabunt ac colent. *Eritque Jehova Rex super totam terram: tempore illo erit Jehova unus, & nomen ejus unum: atque ex omnibus gentibus venient, qui adscendant de anno in annum, ut incurvent se Regi Jehova exercituum, & ut celebrent FESTUM TABERNACULORUM.* *Zach. XIV: 9. 16.* Sicuti festum tabernaculorum & lætissimum Israëlitis fuit, & ultimum in anno sacro; ita aptissimum fuit ad designanda lætissima illa tempora quæ Deus ante consummationem seculorum gratificaturus populo suo est.

XXVIII. Quæ tamen sua iterum habebunt decrementa.

XXVIII. Cæterum illud in hoc festo notabile fuit, quod in dies holocaustorum numerus minueretur. Primo enim die tredecim juvenci offerendi erant; secundo, duodecim; tertio, undecim, & sic porro donec in septenis juvencis subsisteretur. *Num. XXIX: 13. & seq.* Qua re significari potuit futurum esse, ut in illa magna Ecclesiæ pace, & bonorum abundantia, cognitio, fides, charitas, & fervor in Divino cultu, paulatim imminuantur. Universus enim sacrorum vaticiniorum tenor eo nos ducere videtur, ut credamus non ad extremum usque duraturam esse illam Ecclesiæ felicitatem, sed impietatem paulatim resumituram vires, & ad castigationem Ecclesiæ nova illi bella impendere ab hostibus ferocissimis, qui sub *Gogi* & *Magogi* nomine in prophetiis celebrantur. *Apoc. XX: 8.*

XXIX. Donec ad judicium veniat Dominus, consummaturus omnia.

XXIX. Iis autem superatis ad judicium veniet Dominus, & Ecclesiam universam sanctificabit, glorificabit, æternumque beabit in cœlis, Diabolo cum bestia illa & Pseudo propheta coniecto in stagnum ignis ac sulphuris, ubi torquebuntur die ac nocte in secula seculorum. Atque hic novissimus ac gloriosissimus est Regni Dei adventus, omnium votorum nostrorum interminabilis terminus.

XXX. Adventus Regni ad singulos electos.

XXX. Vidimus hætenus, quis & qualis sit adventus Regni Dei in ordine ad *universam Ecclesiam*; nunc videamus qualis sit in ordine ad *singulos electos*. Ad eos venit regnum Dei hisce gradibus. I. Quando Deus admirabili sua providentia alicui procurat media gratiæ, sine quibus vix est, aut ne vix quidem ut adultus aliquis è servitute Diaboli & peccati transducatur in statum gratiæ. Nam, uti aliquoties nunc monuimus, Evangelium est *verbum Regni*. II. Quando Spiritus Dei per Evangelium

lium aliquem regenerat. Tunc enim panduntur portæ cordis, ut intret Rex gloriæ. Tunc Satan cum veteri illo homine deturbatur de folio suo, affixus cruci Christi. Tunc lex libertatis & regni publicatur in animo per Spiritum gratiæ, & inscribitur menti, omnesque facultates tam animæ quam corporis ita disponuntur ut præsto sint ad Dei obsequium. Uno verbo, tunc quis revera *eripitur ex potestate tenebrarum, & transfertur in regnum dilecti Dei Filii*. Col. 1: 13. quod eo ipse die fit quo *vere audit & cognovit Dei gratiam*. com. 6. III. Quando deprehenditur notabile gratiæ augmentum, in cognitione, consolatione, sanctificatione; maxime si id fiat post torpentem, mœstum, sordidum, ac multis modis turpatum turbatumque animæ statum: IV. Quando anima, certamine suo in corpore & adversus corpus peccati defuncta, illiusque soluta nexibus, suscipitur in cœlum, ut propius fruatur Deo, tantæque gaudeat beatitudine quantam anima corpore suo viduata potest capere. Phil. 1: 27. Apoc. XIV: 13. V. Quando animâ corpori in gloriosa resurrectione unitâ, totus homo glorificabitur, & admittetur ad perfectissimam Dei possessionem. 1 Cor. XV: 52. 53. 54. Omnia hæc ad adventum Regni Dei pertinent.

XXXI. Quo tempore Dominus Jesus discipulis suis jussit ut adventum hujus regni statâ oratione exposcerent, omnia ea quæ hæcenus exposuimus adhuc futura erant, & pleraque in arcanis factorum abdita, ab opido paucis, distincte intelligebantur. Pii ergo istorum temporum homines, quicquid sub communi conceptu adventus regni Dei comprehendere ab ipsis poterat, commendabant Deo. Cætera Deo permittentes, quæ secundum diversam temporum Oeconomiam, clarius revelanda, distinctius demonstranda, ulterius amplificanda atque consummanda erant. Nos autem quibus tam felicibus esse contigit, ut non solum regni illius primordia viderimus, sed & mirabilem ejus progressum, stupendumque augmentum; quoties eandem proferimus orationem, toties gratias Deo agere oportet pro iis quæ hæcenus ad Regni sui promotionem tam magnifice præstitit, in iis cum acquiescentia animi nostri summaque lætitia exultantes, ea laudantes ac celebrantes; & tum porro precari, ut ea omnia gloriose perficere dignetur, quæcumque ad nostram ipsorum; totiusque Ecclesiæ consummationem, & complementum omnium prophetiarum restant: ex iis quæ hæcenus completa sunt, certa spe cætera complenda præsumentes. Et quandoquidem ea haut paullo distinctius nobis quam priscis illis fidelibus exposita sunt; non ingratum Deo erit, si profectum sapientiæ spiritualis etiam in orationibus nostris ostendentes, ea ipsi aliquanto explicatius & enucleatius proponamus. Non Deo quæ facienda sunt ullo modo præscribentes; quod a modestia nostra, & reverentia Divinæ Majestatis perquam debet esse alienum; sed ut palam faciamus, nos

XXXI. Quam  
mente olim  
a Veteribus,  
nunc à nobis,  
adventus regni  
Dei petatur.

non

non prorsus indiligeret & opera ipsius observasse, & verbum meditatus esse; neque minori fiducia expectare futura, quam ea est contenti animi alacritas quâ laudamus præterita.

XXXI.  
Praxis. I. Fa-  
teamur nos  
natura extra  
regnum  
Dei esse.

XXXII. Nunc tandem ad eas observationes accedamus quas attenta petitionis hujus meditatio ingenerare animis nostris debet. Et primo quidem si adventus Regni Dei petendus nobis est, eo ipso fatemur naturâ nos extra Regnum Dei esse, omniumque privilegiorum ejus exsortes, *absque Christo, extraneos quod ad pactorum promissiones attinet, spem non habentes, & absque Deo in mundo.* Eph. II: 12. Nimirum per peccatum homo se imperio Dei subduxit. Dum sui ipsius, & actionum suarum Dominum se esse postulabat, infelicis arboris fructu se ipsum Satanæ vendidit, factusque est Diaboli & pravarum cupiditatum suarum vile mancipium. Injusta equidem hæc omnia sunt. Neque enim integrum erat homini subducere se Deo, legitimo possessori ac Domino. Neque Diabolus quicquam juris in eos, qui Dei erant, habebat, ut eos pelliceret, seduceret, & à Creatore suo ac Rege alienaret. Placuit tamen Deo in justam peccati poenam hominem Diabolo ac peccato subjicere; ab utroque miserum in modum vexandum torquendumque: secundum eam æquissimam sententiam quæ exstat 2 Pet. II: 21. *A quo quis superatus est, ei etiam in servitium addictus est.* Si attendatur pravitas ac nequitia Diaboli seductoris, hi qui ab ipso seducti sunt, sunt *captura violenti atque tyranni*: sin justitia Dei, hominem in suo crimine punientis, & Diabolo ad torturam tradentis, hæcenus iidem sunt *captura justii.* Jes. XLIX: 24. 25.

XXXIII. In  
conditione  
miserissima.

XXXIII. O miseram vero, nullisque fatis lacrymis deplorandam eorum conditionem, qui tam iniquo & crudeli subsunt Domino, nec Domino sed carnifici, sævissimæque vindictæ Divinæ exsecutori. Qui in miserrimo vilissimæ ac laboriosissimæ servitutis ergastulo occupatos semper suos tenet; qui æternis tenebrarum catenis constrictos rigidissimus exactor ad continua impellit crimina; qui nullam unquam indulget requiem, nisi ut inanium somniorum mendacibus suaviludiis pastos eo certius & arctius laqueis suis retineat; & securius interim ad tartarum vehat; qui denique pro omni operæ, etiam diligentissime sibi navatæ; pretio, igne torquebit nunquam extinguendo, & verme rodet nunquam morituro. Talis est status, non eorum solum quos scelera sua infames atque intestabiles reddidere, sed omnium nostrum, quamdiu in ea versamur calamitate, in quam nos nostræ ex Adamo originis conditio induxit. Duo duntaxat magna in mundo imperia sunt: alterum Dei, alterum Diaboli, qui est Deus hujus seculi. Et quicumque non pertinent ad Regnum Dei in quô nihil est nisi felicitas; hunc pertinere necesse est ad Regnum Diaboli, in quo nihil est nisi merissima miseria. Utinam illud ita incul-

cari cœcis, furdis, amentibus, & insensatis mortalibus posset, qui in sua sibi servitute stulte blandientes catenas suas depereunt; *ut ad resipiscen-  
tiam & agnitionem veritatis redeant, & sanitate mentis recepta evadant ex  
Diaboli laqueo, à quo captivi facti sunt ad ipsius libitum.* 2 Tim. II: 25. 26.

XXXIV. Porro si à Deo petendum sit, ut Regnum ejus ad nos ali-  
osque veniat, simul fatemur nos ex nobis ipsis invalidos esse, ad exuen-  
das crudelissimæ servitutis catenas, & enitendum ad libertatem Regni  
Dei. Adeo Deus hujus seculi constrictos tyrannicis funibus suis miseris  
mortales tenet! Excœcavit oculos ipsorum, ne veram libertatem, ac viam  
eo tendentem cernant. 2 Cor. IV: 4. Arcta obsidione premit voluntatem  
atque affectus, ut ne quidem animum inducant, ullasve serias cogitatio-  
nes forment de abjiciendo fœdissimæ servitutis jugo. Omnem iis sapien-  
tiam expectorat, ut compedes suas, veluti libertatis indicia, ac volupta-  
tis instrumenta, fatui exosculentur. Ita denique validus iste domum su-  
am ac vasa custodit, ut diripi non possint, nisi a validiore, qui primo  
viaverit potentem illum ac tum domum ejus diripiat. Luc. XI: 21. 22.  
Is autem validior est *Rex gloriæ, Jehova robustissimus, & potentissimus,  
Jehova potentissimus Bellator.* Pl. XXIV: 8. Quid itaque superest, nisi ut  
edita humili nostræ impotentiae confessione arcem salutis ipsius apprehenda-  
mus, Regumque omnium maximum accuratis precibus rogemus, velit quod  
solus potest, velit, inquam, nos Satanæ ac peccati nexibus solutos Regno suo  
adferere? Hic solus est qui, contra quam fieri posse videatur, spem aliquam  
evasionis facere suis queat. *At an auferetur à robusto captura? an etiam cap-  
tiva turba justî eriperetur? Quin, sic ait Jehova, & turba captiva robusti  
auferetur, & captura violenti eripietur: nam adversus contendentes tecum  
ego contendam, & filios tuos ego servabo.* Jes: XLIX: 24. 25.

XXXIV. In-  
validos ad  
exuendas  
servitutis  
catenas.

XXXV. Mira sunt quæ dicere nunc incepti, ac porro dicturus sum: *XXXV. Adeo  
quidem ut  
regnum Dei  
fundari vi-  
deatur in  
impossibili-  
bus.*  
attamen vera. Fundatur hoc regnum Dei in impossibilibus. Magisque  
contrarium est suis initiis, quam primum Regnum Naturæ. Illius enim  
initia sunt, non esse: hujus, esse non posse. Potest id existere atque ori-  
ri, Deo vocante, quod non est: sed ad vitam pervenire, quod injustum  
damnatumque est; & æternæ morti implicatum; cum natura & virtutibus  
Dei pugnat. Neque enim vita absque justitia est. At ubi injustitia, ibi justitia  
non est; imo ibi damnatio & mors est. Quem vero Deus juste ad mor-  
tem damnat, eum non potest juste vivificare. Quare nec in eo regnare  
potest. Exstat Lex, quæ quum peccatorem damnet, non potest damnare  
accusans peccatum. Exstat caro, sive natura spiritu rectore orbata, quæ  
non potest subjici legi. Exstat sensus & factio carnis, quæ est inimicitia ad-  
versus Deum. Nam odit necessario eum quem sibi cognoscit contrarium,

Orat. Dom.

Q

quemque

quemque ut amabilem peccatori cognoscere non potest, aut, ubi peccatori animadvertit lenem ac clementem, etiam reputat similem. Ita, ut Regnum Dei novum exoriretur, impossibilia necesse erat fieri; nempe ut Lex, quæ peccatum accusans damnare non potuerat, id danaret; ut Caro sentiret quæ sunt Dei, injustus justus pronunciaretur à justo, qui mentiri seque ipse abnegare & peccatori similis esse non potest. Nemo regnum Dei habet, nemo id cognoscit aut videt, qui id non ab impossibilibus proficisci persuasus sit. Neque ullus hanc impossibilitatem salutis videt, nisi qui regnum Dei videt, idque in se exoriri persentiscit. Simul cognoscuntur, & quod impossibile est omni creaturæ, & quod solus Deus potest, & solus facit. *Coccej. in Panegy. de Regno Dei.*

XXXVI.  
Quæ tamen  
possibilia  
credimus  
esse Deo.

XXXVI. Quando itaque adventum Regni Dei à Deo petimus; profitemur I. Nostram impotentiam ad illius regni adsecutionem. II. Omnimodam hujus rei impossibilitatem, si creaturæ solum spectentur, ut homo peccator regni Dei particeps evadat. III. Spem nostram in omnifufficiantiam Dei, qui quod impossibile nobis, & omnibus prorsus creaturis est, solus effectum dare & potest & vult. Quarum veritatum devota meditatio ad pietatis Christianæ praxin magnam habet efficaciam.

XXXVII.  
H. Felicitatem  
nostram  
in adventu  
Regni Dei  
queramus.

XXXVII. Præter hæc, ex petitione ipsa, & ordine quo ea collocata est, colligere licet, post Divini nominis sanctificationem nihil nobis esse optabilius quam adventum regni Dei. In hoc enim regno omnis nostra sita est felicitas.

XXXVIII.  
Quippe  
quod est regnum. A.  
Mera aequitas.

XXXVIII. Quippe quod Regnum est A. *Mera aequitatis.* Rex ille noster est ipsissima Sanctitas, Justitia, Bonitas. De eo dictum est, *Et stabilietur benignitate solium, cui insideat, constanter in tentorio Davidis; judex & procurans jus, & promptus ad justitiam.* Jes. xvi: 5. *Justitia & judicium sunt firmitas solii ipsius, benignitas & fides faciei ejus præeunt.* Ps. lxxxix: 13. *Sceptrum ipsius est sceptrum rectitudinis.* Ps. xlv: 7. Lex Regni est *Lex libertatis* Jac. i: 25. Hæc enim vera libertas est, facere quod velis. Ita tamen ut intelligatur neminem posse vellem, nisi quod animo solidam jucunditatem adfert; id autem vere jucundum esse, quod conscientiam bonam gignit; porro nihil esse quod conscientiam bonam gignat, nisi ea fiducia ac bene fundata persuasio quod facta nostra cum Dei voluntate conveniant. Unde consequitur, unumquemque eo liberiores esse quo addictius servit Deo.

XXXIX.  
B. Incredibilis opulencia.

XXXIX. B. *Incredibilis opulencia.* Quaecum uno die vix narrare fas est quidquid de Salomonici Regni divitiis magnifice sacra prædicat historia. 1 Reg. x: 27. Digna consideratione nostra est Regiæ civitatis delineatio quam Johannes reliquit Ap. xx. . . Ubi plateas, muros, portas, omnia, auro, crystallo, gemmis ac margaritis fulgere videas. Non quod



ea proprie ad opes hujus regni pertineant, multo minus ut eas absolvant. Nam quantivis pretii alibi esse videantur, hic nimis exilia, tenuia, vilia sunt, quam ut in censum veniant. Sed quia nobis mortalibus pretium rerum spiritualium atque coelestium vix aliter indicari potest, quam earum rerum comparatione, quas, non dico quam sapienter, præ aliis omnibus tamen aestimare solemus. Opes hujus regni sunt verbum Dei in sanctiori animi ærario repositum. Ps. CXIX: 72. Et sapientia spiritualis inde hausta. Job. XXV: 11: 15. Prov. III: 14. 15. Et gratiæ Divinæ ubertas, cujus vel minima guttula totius universi auro contra non chara est.

XL. Elegantibus symbolis hæc exponuntur Jerem. XXXI: 12. 14. *XL. Jerem. XXXI: 12. 14. exponitur.*  
*Venientes cantabunt in excelso Sionis, & confluent ad bonitatem Jehovæ, ad framentum, & mustum, & oleum, ad fœtus gregis & armenti, eritque anima eorum similis horto irriguo, neque pergent mœrere amplius. Et irrigabo animam Sacerdotum pinguedine, & populus meus bonitate mea saturabuntur, dictum Jehovæ.* In Sione, uti omnes novimus, ædificatum templum erat. Templum ipsum cæteris partibus Sionis celsius. In Templo Sanctuarium celsius Atriis. At Sanctum Sanctorum omnium celsissimum. Israëlitis communibus nefas erat ulterius quam in Atrio se ingerere. Solis Sacerdotibus licebat in Sanctuarium, atque Uni Pontifici in Sanctum Sanctorum pedem penetrare. Sacerdotum etiam erant, quæ in Sionem conferebantur neque cedebant altari; eaque, quum Domino sacra essent, Domini bona nuncupantur. At hic prædicitur, in spirituali isthoc Dei regno omnes veros Israëlitas, hoc est sinceros subditos, Sacerdotum gavissuros esse præeminentiis, quibus non Sionem solum, sed & Excelsam Sionis conscendere liceat, nulla celsitudine excepta, ibique ubertim iis bonis frui quæ ex inexhausta, benignitate sua intimæ familiaritatis amicis largitur Deus; ne pinguedine quidem demata, quam olim aræ suæ reservaverat, ibi cremandam. Quis non ad hæc exclamet: *O quam multa est bonitas tua, quam recondis reverentibus te? operaris erga eos, qui se recipiunt ad te; coram filiis hominum?* Ps. XXXI: 20. *Uberrime explentur pinguedine domus tuæ, & de torrente deliciarum tuarum bibendum das eis.* Ps. XXXVI: 9. Ridicula quidem hæc videri possent hominibus hujus seculi, non aestimantibus res nisi ex iis quæ in oculos incurrunt, & sensus adficiunt. Verum nos melius, edocti, *non spectamus ea quæ cernuntur, sed ea quæ non cernuntur: nam quæ cernuntur temporaria sunt, at quæ non cernuntur, aterna.* 2 Cor. IV: 18. Non diffitemur, regnum Dei esse pauperum, sed hos *pauperes elegit Deus ut divites sint in fide & hæredes regni quod promisit iis qui ipsum diligunt.* Jac. II: 5. Atque istas spiritualis regni divitias, quas & pauperrimi participant, omnibus Crœsi Craffique bonis, omnibus Persarum gazis, immensum quantum anteferimus. Rideat mundus, sed & videat, & intabescat.

XL. C. Se-  
cure tran-  
quillitatis.

XL. C. *Secura tranquillitatis.* Enimvero non defunt huic regno ho-  
stes; quum Satanas dux militiæ infernalis, & mundus universus qui in ma-  
lo jacet, & Antichristus cum suis satellitibus, stipendiariis, ac turmis auxi-  
liaribus, continuo illud impetant atque laceffant. Ceterum Rex ipse per-  
petuas agit excubias, neque quenquam suorum perire finit. Si quando in  
prælium eos educat, pro pietate & fide quæ semel sanctis tradita est, id  
eo facit animo ut postquam victores evasere, de triumpho participent, co-  
ronam gloriæ reportent, secumque in suo confideant solio. Etiam quum  
victi videntur, vincunt tamen: si non aliter, certe *per sanguinem agni*;  
& *sermonem testimonii sui*; & *quod anima sua prodigi sint usque ad mortem*  
Ap. XII: 11. Sed non semper belli tempora durabunt. Est, eritque ali-  
quando huic vaticinio locus Jes: LX: 18. *Non audietur amplius violentia*  
*in terra tua, vastatio aut contritio in terminis tuis: sed nominabis muros*  
*tuos salutem, & portas tuas laudem.*

XLII.  
D. Incom-  
parabilis  
Dignitatis.

XLII. D. *Incomparabilis dignitatis.* Quod enim in nullo unquam ob-  
servatum est regno, hic subditi omnes non modo liberi sunt, sed ad sacer-  
dotum, imo principum Regumque dignitatem vocati. *Regale sacerdotium.*  
1 Pet. II: 9. Jesus Christus, *Princeps regum terra, fecit nos Reges & sa-  
cerdotes, Deo & Patri suo.* Ap. 1. 5. 6. Reges, inquam, qui præditi  
רוח נדיב *spiritu ingenuitatis*, Ps. LI. 14. רוח נדיב *spiritu excellenti*,  
Dan. v. 12. VI. 4. & Sanctæ cujusdam *φιλοτιμίας* generosis stimulis agi-  
tati, heroico ausu præstare cæteris hominibus nituntur Prov. XII. 25. tan-  
tumque iis præcellere opibus mysticæ sapientiæ, decore spiritualis gratiæ,  
eminentia virtutum Christianarum, quantum reges antecellunt suos sub-  
jectos. Qui peccatis & concupiscentiis suis imperant, quibus cæteroqui  
rerum domini timeâdique tyranni abjecte serviunt. Qui totum cum inve-  
teratis consuetudinibus ac pravis moribus suis mundum, magno animo sper-  
nunt rejiciunt, conculcant, non ferentes se sub ullius rei redigi potestatem.  
1 Cor. VI. 12. Qui denique ipsius Satanæ victores, & *plusquam victores*,  
Rom. VIII. 37. expectant præmium à Christo promissum Ap. III. 21. *Qui*  
*vicerit, tribuam ei ut sedeat mecum in throno meo, ut & ego vici, & sedeo*  
*cum Patre in throno ejus.* Quandoquidem ergo tantæ hujus regni præ aliis  
omnibus prærogativæ sunt, tantaque eorum quæ huic regno subsunt feli-  
citas, nihil nobis post Dei gloriam debet esse antiquius, quam ut felici-  
tate ista frui à Deo rege nobis concedatur.

XLIII. III.  
Omnia pro  
Rege &  
Regno illo  
faciamus.

XLIII. Id si serio desideremus, aliquid & nobis ipsis est *agendum*.  
Ejurandum omne Diaboli, mundi & peccati Obsequium. Obnitendum  
etiam dulcissimis cupiditatibus, quibus olim fuimus mancipati. Aperien-  
dæ portæ cordis nostri, ut intret Rex gloriæ. Excipienda jussa ipsius om-  
ni animi alacritate. Removenda omnia quæ Regi sanctissimo displicent.  
Conferea-

Conferendum omne studium ad regni illius in nobis, & aliis, iis potissimum qui curæ nostræ commissi sunt, promotionem. Si quid nobis ingenii, eloquentiæ, auctoritatis est, id omne Regi nostro sacrum sit. In sua singuli statione fidos nos promptosque præstemus ministros, qui, ubicunque Regis & Regni gloria agitur, vitam ipsam prodigere parati sumus: eos demum beatissime vivere persuasi, qui, ubi omnia quæ possunt pro regno Dei amplificando fecere, tandem pro eo gloriosam mortem optent.

## EXERCITATIO. X.

DE

## FACIENDA VOLUNTATE DEI.

ΓΕΝΗΘΗΤΩ ΤΟ ΘΕΛΗΜΑ ΣΟΥ, ΩΣ  
ΕΝ ΟΥΡΑΝΩ ΚΑΙ ΕΠΙ ΤΗΣ ΓΗΣ.

## B R E V I A R I U M.

- I. *Nexus tertia petitionis cum antecedentibus.* II. *Illius summa & partitio.* III. *Voluntas Dei est vel decernens vel iubens.* IV. *Qua mente precemur ut decernens Dei voluntas fiat.* V. *Itemque iubens.* VI. *In cælo astrifero quidquid est iussa Dei constanter exsequitur.* VII. *Satius tamen est ut de Angelis & spiritibus cælestibus hic cogitemus.* VIII. *Quorum submissio sub voluntate Dei esse qui in terra degunt pro exemplo est.* IX. *Quid petita iiscum conformitas importet.* X. *Liceatne in terra eundem perfectionis gradum exposcere, qui in cælis obtinet.* XI. *Praxis.* I. *Discamus nostra renunciare voluntati.* XII. *Quippe hac sola via ad tranquillitatem pervenitur.* XIII. *Quod & à Philosophis Gentilium observatum est.* XIV. II. *Unice acquiescamus in voluntate Dei decernente.* XV. III. *Obtemperemus voluntati iubenti.* XVI. IV. *Proponamus nobis perfectissimum exemplar cælitum.* XVII. V. *Nostra nobis impotentia conscii Divinum ad hac omnia imploremus auxilium.*

**P**ostquam ea quæ Regnum Dei illiusque adventum spectant, nostra absolvit oratio; ordinis concinnitas poscit, ut de facienda Magni Regis istius voluntate animi nostri desideria exponamus. Si enim quidquam, hoc certe ad Majestatem Regis nostri pertinet, ut pene eum rerum omnium dominium esse agnoscamus; adeo quidem ut nefas

I. Nexus  
tertiæ peti-  
tionis cum  
antecedentibus.

sit subjectos ipsius quacunque in re aliud velle quam velit ipse. Regis est dicere, *Consilium meum stabit, & omne beneplacitum meum faciam.* Jes. XLVI. 10. Subjectorum est, illi voluntati se conformare in omnibus; & cum grandævo illo Sacerdote respondere, *ipse est Jehova, quod bonum est in oculis suis faciat.* I Sam. I. 18. Porro quum Rex ille noster solium suum in cœlis stabiliverit, nihil æquius est quam ut subjecti quos in terra habet ad eos respiciant qui in cœlis sunt, eorum exemplum, quantum assequi possunt, æmulantes. Eo nos vocant Domini verba; quando jubet Divinæ voluntatis præstationem in terra petere, uti ea præstatur in cœlis.

II. Illius  
summa, &  
partitio.

II. In qua petitione est declaratio acquiescentiæ nostræ in voluntate Dei, & desiderii nostri ut ea omnibus modis impleatur. Duo autem hic distincte consideranda sunt. I. *petitionis propositio.* II. *Ejusdem amplificatio.*

III. Volun-  
tas Dei est  
vel Decer-  
nens vel Ju-  
bens.

III. *Propositionem* hæc verba complectuntur; FIAT VOLUNTAS TUA. Id quidem maximo hic jure supponimus, Deum supremum rerum omnium *Dominum* esse, cui liceat de omnibus pro suo lubitu disponere. Quippe in *cujus manu est anima omnis viventis, & spiritus omnis carnis humana.* Job. XII. 10. *qui pro voluntate sua facit in exercitu cœli, & habitatoribus terra? neque est qui prohibeat manum ejus aut dicat, cur facis ita?* Dan. IV. 35. Sed & illud supponimus, Deum esse *Legislatores* supremum, qui creaturis rationalibus officii sui normam summa cum auctoritate præscribit. Jac. IV. 12. Jes. XXXIII. 22. *Jehova Legislator noster, Jehova Rex noster.* Ex hac observatione consequitur, Divinam voluntatem sub duplici nobis ratione obversari: primo quatenus *DECRETUM* aut *consilium Dei* notat, quo apud animum suum ab æterno constituit, quid futurum esset in tempore ad suam gloriam. De qua voluntate agitur Ps. cxv. 3. Eph. I. 5. Deinde quatenus *MANDATUM* Dei significat, quo creaturas rationales obligat ad obsequium. Qua voluntate indicatur quidem quid fieri oporteat; sed non determinatur quid re ipsa futurum sit. De ea Paulus scribit I Thes. IV. 3. *Hæc est voluntas Dei, Sanctificatio vestri.* Altera voluntas est causa eorum omnium quæ geruntur; altera, norma eorum quæ gerenda sunt. Utraque competit Deo ut Regi & Domino Absolutissimo: neque aliam sui rationem habet, nisi quæ in immensa potestate Dei, cæterisque illius perfectionibus ac virtutibus fundata est.

IV. Qua  
mente pre-  
cemur ut  
Decernens  
Dei volun-  
tas fiat.

IV. Circa utramque petimus ut FIAT. At diversimode. Circa voluntatem *Decreti* id petentes, declaramus I. Acquiescentiam & complacentiam nostram in omnibus iis quæ Deus constituit. Luc. I. 38. *Dixit Maria, ecce ancilla Domini, fiat mihi secundum verbum tuum.* Eodem sensu hoc loquendi genus usurpatur Matth. XXVI. 42. Luc. XXI. 42. Non male Tertul-

Tertullianus: *In hoc dicto ad sufferentiam nos ipsos admonemus.* II. Promittitudinem, ut precibus nostris Divino consilio inferviamus. Dan. ix. 2. 3. Ezech. xxxvi. 36. 37. III. Alacritatem animi, qua nos ipsos Deo offerimus, si forte ad beneplaciti sui executionem nostro uti libeat ministerio. Jes. vi. 8. IV. Sin contingat carnem aliqua in re obstrepere, rogamus ut ad Dei obsequium victrice gratia ejus edometur, ut nihil aliud, vel in nobis, vel in aliis fieri velimus, nisi quod vult Deus. Cujus rei præclarum habemus exemplum in piis illis Cæsarensibus aliisque Pauli amicis, qui quum audivissent vincula ipsi instare apud Hierosolymam, omni opere ab isthac eum professione dehortabantur, rogantes quam poterant accuratissime ne ascenderet Hierosolymam: attamen quum non adfentiretur Paulus, protestatus se paratum esse non solum vinciri, sed & mori Hierosolymis pro nomine Jesu, *acquieverunt, dicentes, Fiat voluntas Domini.* Act. xxi. 12. 13. 14.

V. At quando mente ad voluntatem Divini *mandati* intenta eam fieri rogamus, tunc I. Testamur nos eam pro sapienti, iusta, æqua, sancta agnoscere, eaque delectari quoad interiorem hominem Rom. vii. 22. ut pro nostro quoque modulo dicamus, *Facere voluntatem tuam, Deus mi, delector; & lex tua est in visceribus meis.* Ps. xl. 9. II. Fatemur deesse nobis vires quibus superemus carnis obstacula ac vim omnem hostilem, quæ tam in nobis quam extra nos Divinæ se voluntati opponit. Cujus præstatio ardua nimis est, quam ut nos ipsos, sicut ex nobis ipsis, pares ei esse præsumamus. Idcirco III. Cum omni propriæ abnegatione sufficientiæ humiliter Patris nostri cœlestis imploramus auxilium, sine quo nihil; quo adjuti valemus omnia. Joh. xvi. 5. Phil. ii. 13. IV. 13.

V. Itemque  
jubens.

VI. Atque hæc quidem ad *simplicem petitionis propositionem* pertinent. *Amplificatio* sequentibus verbis est, SICUT IN COELO, ITA ETIAM IN TERRA. Cœlum vel *astrorum* est, vel *beatorum spirituum*. Utriusque posset hic haberi ratio. Nam in astrifera ista regione quicquid est præscriptum sibi à Deo leges indeclinabili constantia exsequitur. *Observat luna stata tempora sua, agnoscit sol occasum suum.* Ps. civ. 19. Agnoscit & ortum suum, & quo jubetur momento *prodit tanquam sponsus e thalamo suo, ac latatur tanquam robustus decursurus viam.* Ps. xix. 6. Atque ista sua exacta constantique tot jam seculis obedientia laudant *Desem sol & luna & omnes stellæ lucide. Ignis & grando, nix & exhalatio; ventus turbineus efficiens verbum ejus.* Ps. cxlvi. 3. 8. Et Lucanus sapientis animum ita se babere ait,

VI. In cœlo  
astrifero  
quidquid est  
iussa Dei  
constanter  
exsequitur.

*Sicut cœlestia semper*

*Inconculsa suo voluntur sidera motu.*

VII. At potius est ut de summo cœlo cogitemus: ubi beati Angeli & spiritus

spiritus

VII. Satiustamen est ut de Angelis & spiritibus cœlestibus hic cogitemus.

spiritus iustorum consummatorum felix sanctumque ævum transigunt. Ps. CIII: 20. 21. *Benedicite Jehova Angeli ejus, valentissimi robore, efficientes verbum ejus, auscultantes voci verbi ejus, Benedicite Jehova omnes exercitus ejus, ministri ejus facientes placitum ejus.* Hi faciunt voluntatem Dei. I. *Omnes & in omnibus.* II. *Eo quo decet modo, sapienter, prompte, constanter.* Quæ eleganter representata sunt emblemate Cherubinorum Ezech. I: & Ap. IV. *Promittunt* docent quatuor alæ, & quod excurrebant & revertebantur in speciem fulguris vehementissimi. *Sapientiam*, quod & manus sub alis habebant, & intus atque extus pleni erant oculis. *Constantiam*, quod & pedes rectos habebant, qui firmum faciunt gressum, ibantque quocunque ducebat spiritus, non divertentes eundo. III. *Perfekte*, sine ulla vitii mixtura. Quidquid enim in cœlo est, aut nullum habuit vitium, aut jam deposuit. Consummata ibi omnia.

VIII. Quorum submissio sub voluntate Dei iis qui in terra degunt pro exemplo est.

VIII. Quando autem eo modo voluntatem Dei in terra fieri petimus, *quomodo ea in cœlis fit*, similitudo ponenda est. I. *In re ipsa.* Ut quemadmodum quidquid in cœlo est, totum se ad voluntatem Dei componit, ita etiam in terra omnes qui ad eundem nobiscum finem destinati sunt, Dei se voluntati nobiscum subjiciant. II. *In modo.* Simili promittunt, sapientia, constantia, III. *In gradu.* Quantum quidem illius fieri potest, perfectissime. Proponimus ergo nobis pro exemplo beatos cœlites, sive familiam Dei, ut Talmudistæ loqui amant, supernam; qui sine ullo murmure decernenti voluntati Divinæ subjiciunt, Deum in omnibus judiciis suis glorificantes. Apoc. XVI: 5. 7. jubentem vero voluntatem per omnia alacriter exsequuntur, etiam in iis quæ factu mira nobis videntur. Ezech. IX: 7. Idque exemplar repetita sæpius meditatione identidem nobis est ponendum ob oculos, quam diu in terra versamur, ut neque de diuturna obligatione conqueramur, neque præsentī imperfectione nos excusemus.

IX. Quid petitis iis cum conformitas importet.

IX. Tria ergo his verbis rogamus. I. Ut aliquando universalis omnium gentium obedientia & subjectio sub Divina voluntate in terris sit, quemadmodum ea est in cœlis. Pii enim homines sibi ipsis displicentes, ac imperfectionum sibi suarum conscii, optarent omnes, si pote, quotquot sunt mortales in exsequendis Divinis mandatis opem sibi ferre; uti in cœlis omnes ad id conspirant. II. Ut nobis quoque contingat filialis complacentia, acquiescentia, lætitia in voluntate Dei, sanctissima, sapientissima, optima: sine ulla legali constrictione, quæ in cœlis non obtinet; ubi amor pro omni lege est. III. Testamur ægre nobis esse quod quidquam in nobis inveniat, voluntati Divinæ minus consentaneum: nosque ad perfectionem anhelare, nec cessaturos in hac oratione donec acquiescerimus in cœlo quod desideravimus in terra.

X. Atque

X. Atque hæc observatio aditum nobis facit ad solutionem non con-  
 temnendæ difficultatis, liceatne in terra præce exposcere eundem perfectio-  
 nis gradum qui in coelis obtinet? Ad quam quæstionem hoc fere modo  
 respondendum mihi esse videtur. Distincte hic consideranda veniunt, *Oe-*  
*conomia Divinae voluntatis decernentis, & Præceptum Divinae voluntatis*  
*jubentis.* Secundum illam non vult Deus nobis in terra morantibus dare  
 perfectionem coelitem. Et dum petimus ut voluntas ejus per omnia fiat,  
 simul protestamur nos in ea quoque dispensatione Dei acquiescere, ut sa-  
 pienti, justa, bona, nobisque tandem evasura, in bonum. Secundum  
 hoc tenemur, I. Perfectionem coelestem amare ac desiderare. II. Omni co-  
 namine eo niti. III. Desiderium illud ac conamen Deo precibus nostris ex-  
 ponere, rogantes ut in terra quam proxime nos ad perfectionem promo-  
 veat, donec eam omnibus numeris suis absolutam nanciscamur in coe-  
 lis. Phil. 111. 12. 13. 14.

X. Liceatne  
 in terra  
 eundem  
 perfectionis  
 gradum ex-  
 pōscere qui  
 in coelis  
 obtinet.

XI. Multa nobis virtutis officia hac parte Dominicæ orationis incul-  
 cantur. Et primo quidem discimus *nostræ* nobis ante omnia *renuncian-*  
*dam esse voluntati.* Dum enim Divinam fieri petimus, simul osten-  
 dimus æquum esse ut nostra ei submittatur. Et sane Divina voluntas,  
 quum suprema sit, omnia præter se in se absorberi merito postulat. No-  
 stra autem *inimicitia contra Deum est.* Rom. v 111. 7. Decernenti obmur-  
 murans, contra præcipientem concupiscens. Nihil nobis ea carnis nostræ  
 voluntate intimius. Sed & nihil nocentius. Ea in nobis omnis tædii ac  
 perturbationis fons, domesticus hostis, continuus quietis atque *inquietas*  
 nostræ turbo. Nihil actum, donec monstrum illud debellaverimus. Ido-  
 lum illud, quod omnes ubique terrarum mortales religiosissime adorant, de-  
 turbandum suo altari est. Atque ita componendus est animus, ut dicere  
 Deo possit, non habeo ego voluntatem Domine; tua mea est.

XI. Praxis  
 I. Discamus  
 nostræ re-  
 nunciare vo-  
 luntati.

XII. Unica hæc est ad veram tranquillitatem via. Quum enim fieri  
 non possit, ut quæcunque eveniunt ita eveniant sicut nos volumus, ne-  
 cesse est animum cum sorte sua rixari donec in concordiam cum Divina  
 providentia venerit. Quumque iniquissimum, neque impetrabile postu-  
 latum sit, ut supremus rerum arbiter cedat homuncioni, & Deus suam  
 voluntatem humanæ accomodet; nihil ad pacem acquirendam & conser-  
 vandam superest, nisi ut homo sine murmure vota sua omnia submittat  
 Deo, aut potius nulla formet præter hoc unum, ut Divina fiat voluntas.  
 Adeo quidem, ut si facultatem homini concederet Deus quidquid lubet  
 expetendi, nihil se petere sincere protestetur, nisi ut id faciat Deus quod  
 factu ipse novit optimum; Deo omnium votorum suorum optionem red-  
 dens atque resignans. Id ubi a nobis impetraverimus, tunc demum nostra  
 semper potiorem voluntate, & brevi pervenimus ad eam *inquietas*, quæ

XII. Quip-  
 pe hac sola  
 via ad tran-  
 quillitatem  
 pervenitur.

consummatum fortis humanæ bonum est, omniumque fortuitarum rerum possessioni immensum quantum anteferenda.

XIII. Quod  
& à philo-  
sophis Gen-  
tilium ob-  
servatum  
est.

XIII. Turpe profecto foret, si pudorem hic nobis Christianis gentilium incuterent Philosophi; quorum pulchras aliquas in hanc mentem sententias alibi dedimus. *In Symbol. Exerc. XIII. §. XXI.* Quibus nunc adde *Timarida* illud apud *Jamblichum*, in *vita Pithagoræ*. Timærides ille amico, qui discedenti tanquam fausta omnia precatus dixerat) ὅσα βέλαι παρὰ τῶν Θεῶν γένοιτό σοι: *Dii tibi dent quæcumque voles*, regessit, εὐχόμεναι, ἀλλὰ βέλαι μᾶλλον ὅσα μοι παρὰ τῶν Θεῶν γίνεσθαι. Absit, sed ea malim omnia quæ Dii dant. Quam sapienter & sancte, si pro Diis Deum dixisset! Nec abludit *Epicteti* illud apud *Stobæum* *Tom. I. Lib. II. Tit. VII.* μὴ ζητῇ τὸ γιγνόμενα γίνεσθαι ὡς θέλει, ἀλλὰ θέλει ὡς τὰ γιγνόμενα γίνεσθαι, & εὐρησέως. Ne quarito ut ea quæ fiunt fiant sicuti tu vis; sed tu potius velis ita quæquæ fieri ut fiant, & succedet tibi semper. Copiosius in hanc rem *Epictetus* est Apud *Arrianum* *Lib. II. Dissert. XVII.* Ubi eos primum increpat qui prava appetitionum suarum directione se ipsos reddunt miseros. Διὰ τί θέλοντες σε τί εἴ γίνεσθαι, & μὴ θέλοντες, γίνεσθαι; ἀποδείξεις γὰρ αὐτῇ μεγίστην δυσφορίαν & παροξυσμὸν. θέλω τι, & εἴ γίνεσθαι, & τί ἐστὶν ἀβλύστερον ἐμοῦ; Cur te volenti aliquid, non fit? Cur nolente, fit aliquid? Hæc enim demonstratio maxima est calamitatis & infelicitatis; Volo aliquid, & non fit; & non volente, fit. Quo quid infelicius? Dein ostendit erroris istius fontem; quod nimirum non satis attendant homines, consecutionem eorum quæ volumus non esse petendam extrinsecus, neque res esse transferendas & mutandas ut consentiant nostræ voluntati, sed voluntatem nostram ita comparandam esse ut consentiat rebus. Denique optimum suggerit consilium, & auro contra non carum. ΚΑΙ ΑΠΑΛΩΣ ΜΗΔΕΝ ΑΛΛΟ ΘΕΛΕ ΗΑ Ο ΘΕΟΣ ΘΕΛΕΙ. καὶ τίς σε κολύσει; τίς ἀναγκάσει; εἰ μᾶλλον ἢ τὴν Δία. Ὅταν τοῦτον ἔχῃς ἡγεμόνα, & ταῦτά σοι συνθέλης & συνορεύῃ τί φοβῇ ἐτι μὴ ἀποτυχῇ; DENIQUE NIHIL VELIS, NISI EA QUÆ DEUS VULT. Quis te prohibebit, quis coget? nemo, non magis quam Jovem. Si talem habens dæcem, conjunctamque cum eo voluntatem & appetitionem, quid etiamnum times ne frustreris? Pergit: Si tuam appetitionem & aversionem pauperiati & opulentia donaris, frustraberis, & incidēs in ea quæ nollēs: si sanitati, calamitosus eris: si magistratibus, honoribus, patriæ, amicis, liberis, denique cuius earum rerum quæ in nostra potestate non sunt. SED JOVI (nos dicamus JEHOVÆ) DONATO EAS ILLI TRADITO. Ille gubernet, cum illo stanto in acie. Ubi tunc successu carebis? Hæc qui nondum eruditi sunt, sic ut ipso facto præstare annitantur, eos negotium ne quidem attigisse pronunciat.



XIV. At miſſo Epicteto ad Jeſu ſcholam redeamus; ubi & illud hac petitione docemur; æquum eſſe ut, poſt noſtræ abnegationem voluntatis, unice acquieſcamus in voluntate Dei decernente: non in proſperis modo, ſed & in adverſis. Cujus rei præclara aliquot in ſacris literis exempla exſtant. Expende ſodes exemplum Aaronis. Lev. x. 3. Eli Pontificis. 1 Sam. iii. 18. Davidis. 2 Sam. xiv. 27. 29. 30. Ezechia. Jeſ. xxxix. 8. Et certe ſic omnes decet. Nam & fruſtra voluntati ejus obnitaris, & improbe. Fruſtra; quia volentem ducit, nolentem trahit. Improbe; quia æquius eſt omnia noſtra peſſum ire, quam ut ſacraſſimæ illius voluntati minimum decedat. Confer quæ prolixius commentati ſumus laudata modo Exercitatione in Symbolum. *Imemate xv.*

XIV. II. Unice acquieſcamus in voluntate Dei decernente.

XV. Sed & tertio diſcimus, id uti petendum, ita & agendum nobis eſſe, ut optemperemus Divinæ voluntati jubenti. Sic quidem ut I. Sedulo inquiramus ac *probemus quæ ſit voluntas Dei, bona illa, placens ac perfectæ*. Rom. xii. 2. & interrogemus identidem, *Domine, quid me viſ facere?* Act. ix. 6. Dicamurque ei, *Doce me facere placitum tuum, quia tu Deus meus es, Spiritu tuo bono deduc me per terram planam*. Pf. cxlii. 10. Idque attendamus non univerſim ſolum, ſed & in ſingulis, etiam in minimis, ſermone, victu, amiſtu; nihil omnino audentes, quod non perſuaſi ſimus placere Deo. Hoc eſt magnum illud bonum quod Coloſſenſibus apprecabatur Paulus Col. i. 9. *Non deſinimus pro vobis orare & petere, ut impleamini agnitione voluntatis ejus cum omni ſapientia & intelligentia ſpirituali*. II. Agnitæ iſti voluntati nos conformemus per omnia. Sic enim pergit Apoſtolus verſ. 10. *Ut ambuletis ſic ut Domino convenit, cui per omnia placeatis, omnis operis boni fructum proferentes*. Non tantum nobis unquam tribuamus ut de ſapientia, æquitate, utilitate mandatorum Dei arbitrari præſumamus; ſed quantumvis ingrata carni, aut abſona fortassis male ſanæ rationi videantur, alacri ſemper promptitudine obſecundemus. III. Idque ob eam potiſſimum rationem, quia Dei voluntas eſt. Joſ. i. 9. *Nonne ego præcepi tibi?* Id ubi conſtat, nihil præterea inquirendum, nihil hæſitandum eſt. Deus jubet: homo pareat.

XV. III. Obtemperemus voluntati jubenti.

XVI. Præterea diſcimus, non ad ipſa ſolum attendendum eſſe officia; ſed ad eorum *modum*, SICUT; atque ita quidem ut *perfectiſſimum* nobis proponamus exemplum. Ea nimirum virtutis Chriſtianæ præcellentia eſt, quod illius ſtudioſi neceſſe non habeant Socratem aliquem aut Zenonem, Catonem vel Lelium, alioſve iis ſimiles, quos hac fini Seneca alicubi commendat, ob oculos ſibi ponere. Conſummatoria longe exempla habent; eaque non in terris ſolum, ſed & in cœlis. In terris habent Patriarchas, Prophetas, Apoſtolos, Martyres, alioſque ſanctos homines, generoſiori Dei Spiritu agitatoſ, quos ſua familiaritate, commendatione atque

XVI. IV. Proponamus nobis perfectiſſimum exemplar cœlitum.

elogio dignatus est Deus, & quorum institutum victuris chartis æternisque voluminibus, sine arte quidem & pigmentis, sed, quæ omni arte potior est, nativa simplicitate descriptum exstat. Sed & alia exempla in coelis Christiani habent. Quidquid in inferioribus hujus mundi partibus unquam uspiamve conspectum est (si solum exceperis, Jesum) quamvis laudatissimum, suis tamen, semper taminatum fuit vitiis, suis turpatum nævis. Altius itaque enitendum homini Christiano est, ut perfectum inveniat non exemplum modo, sed & exemplar. Fidei alis evolandum in cœlos, ibique lynceis animi oculis contemplandi Sanctissimorum Angelorum justorumque spirituum chori, qui candidissima luce perfusi, & purissima, charitate flagrant, omnia Dei jussa incredibili alacritate, dexteritate, atque constantia perficiunt. Horum nobis institutum repetitis frequenter meditationibus pro norma ingerendum est; ita quidem ut serio nobis ipsis irascamur, quæ parte iis sumus dissimiles; & continuo studio ad sublimiora identidem profecti, quantum humanæ patitur imbecillitas sortis, quam proxime ad eos accedamus; donec ea quam ambivimus virtutis ac sanctitudinis perfectione tandem potiamur in coelis. Ubi in consummatissima Dei visione, amore ac fruitione omne voluntatis nostræ desiderium, ut in infinito bono, sine termino terminabitur.

XVII. V. Nostra nobis impotentia conscii, Divinum ad hæc omnia imploremus auxilium.

XVII. Denique quum nostræ nos impotentia hæc ipsa convineat oratio, necessum est ut ad omnium horum officiorum præstationem Divinum imploremus auxilium. Adeo enim voluntas nostra, inanibus decepta speciebus, imaginariis est agglutinata bonis, adeo cæco perditoque sui amore capta, adeo præjudiciorum ferreis constricta catenis, adeo denique Deo immorigera atque rebellis; ut nisi vis illa Dei omnipotens & vorticordia accesserit, neque vineulis eam suis exsolvere, neque Deo subjicere valeamus. Solus ille qui voluntatem nobis nostram fecit, &, postquam libertate sua turpiter abusa esset, perversis suis concupiscentiis iusto iudicio mancipavit; ille, inquam, solus eam liberare sibi que morigeram reddere potis est. Hanc gloriam Deo dare Christiana pietas jubet, ut nullam eum creaturam fecisse credamus, quam non sua semper manu teneat, facileque quo vult dirigat & flectat. Et quamvis nostræ nobis libertatis adeo sumus conscii, ut eam in dubium vocare sit rationem ipsam ejurare; tanta tamen & sapientia & potentia præditus est Deus noster, ut sine ulla libertatis læsione voluntatem quo lubet impellat. Habet ille occultos suos ad voluntatem aditus; & summa quidem vi in eam agit, quæ se repellere non patitur; at vi lubentifica, quæ, dum facit velle, libertati adeo non præjudicat, ut eam potius asserat, stabiliat, vindicet. Et sane non posset voluntas Dei fieri in omnibus, nisi & quidquid vult in nostra efficere valeret voluntate. Id sancte de Deo Patre nostro credamus

ac profiteamur : eoque nixi fundamento crebris ab eo precibus contendamus , ut voluntatem nostram pravarum concupiscentiarum nexibus solutam suæ devinciatur voluntati : ut mentem malefantis præjudiciis liberatam , sui Spiritus luce collustrat , ad cernendam nostræ quidem voluntatis stultitiam & perversitatem , suæ vero sapientiam summam & æquitatem perpetuam : ut suæ nobis Majestatis reverentiam indat ; qua impediamur & decretis ipsius obstrepere , & mandatis refragari : ut denique Spiritu ingenuitatis agiles nos alacresque ad omnia jussa præstet. Imo vero DOMINE DEUS , PATER CŒLESTIS , EFFICE IN NOBIS QUOD JUBES , ET JUBE QUOD VIS , NEQUE JUREBIS FRUSTRA. AMEN.

## EXERCITATIO XL

DE

## PANE QUOTIDIANO.

TON APTON HMŌN TON EPIOTZION

ΔΟΞ HMIN ΣΗΜΕΡΟΝ.

## BREVARIUM.

- I. Quarta petitio omni ævo diversimode fuit exposita. II. A qua tamen diversitate abesse debet acrimonia. III. Laudandi sunt qui plus de spiritualibus ac cælestibus rebus cogitant, quam de temporalibus. IV. At hic inquirendum, quid Christi verba significant. V. Tam corporis, quam animæ cura nobis incumbit. VI. Sed hujus præcipue. VII. Eo nos ducit Orationis Dominica tam perfectio, quam ordo. VIII. Cujus quarta petitio de pane corporali agere videtur. IX. Panis nomine comprehenduntur omnia ad vivendum necessaria. X. Το ἐπίσκιον est quod ad substantia nostra conservationem sufficit. XI. Noster panis ille est, ad quem jus habemus, tam in foro poli. XII. Quam soli. XIII. Et distinguitur à pane qui indigentibus ut elemosyna datur. XIV. Panem nobis dat Deus, tam κατὰ κτῆσιν. XV. Quam κατὰ χηρῶν. XVI. Quid designetur voce Hodie. XVII. Non sibi quisque soli panem petit, sed & aliis. XVIII. XIX. Ordinis, quo hæc petitio locata est, concinnitas variis modis ostenditur. XX. Alius vera ratio. XXI. Transitus ad praxin. XXII. Observatio. I. Sancta rerum corporalium petitio ad Dei gloriam facit. XXIII. XXIV. XXV. XXVI. XXVII. XXVIII. Etiam sub Oeconomia T. N. XXIX. XXX. XXXI. II. Modico contentos esse oportet. XXXII. III. Dum nostrum

*panem petimus nobis dari, docemur A Diligentiam. xxxiii. B. Justitiam. xxxiv. C. Animi à Dei favore dependentiam. xxxv. IV. Obligat hac petitio ad gratitudinem. A Ne nostra quidquam attribuamus industria. xxxvi. Quod in Gentilibus quidem inultum fuit Deus. xxxvii. B. Sed omnia bona nostra imputemus Deo. xxxviii. C. Iisque hilariter utamur. xxxix. Semper tamen secundum Dei voluntatem. xl. Et ad ipsius gloriam.*

I. Quarta  
petitio om-  
ni xvo di-  
versimode  
fuit exposi-  
ta.

**N**unc ad eam Dominicæ orationis petitionem devenimus, quæ diversis admodum, qua Veterum, qua Recentiorum, interpretationibus omni ævo obnoxia fuit. Aliis hic *panem Sacramentalem Eucharistiæ*, cujus quotidianus propemodum priscis usus erat; aliis *panem spirituales atque celestem*, qui est Christus Dominus cum sua gratia, qua anima sustentatur & nutritur ad vitam æternam; aliis *panem naturalem*, quo corpus nostrum conservatur in vita hac animali; aliis denique *hæc omnia simul* intelligentibus. Occasionem tantæ expositionum diversitati cum maxime dedit vox Græca *ἐπιτροπή*, quæ neque in sacris literis alibi exstat, neque in ullis è seculo scriptoribus, quantum viri literatissimi potuerunt deprehendere. Mirum itaque non est, quum ignoretur cui voci Hebraicæ à Christo usurpatæ respondeat, si diversimode à diversis accepta sit.

II. Ceterum ab ea  
diversitate  
abesse debet  
acrimonia.

I I. At id dolendum foret, si propter sententiarum dissenfum in re obscura, animorum quoque deprehenderetur divortium; neque posset ea res expediri sine quadam disputantium acrimonia. O quam illa omnis in meram dulcesceret lenitatem atque mansuetudinem, si cogitarem de precibus agi, in quibus nobis non cum hominibus, sed cum Deo res est: & quidem de ea oratione, quæ uti tota Divinum fraternumque amorem spirat, ita eundem orantibus omnibus inspirare debebat.

III. Laudandi sunt  
qui plus de  
spiritualibus  
ac celestibus  
rebus  
cogitant,  
quam de  
temporalibus.

I I I. Mihi equidem religio est, eos ullo modo exagitare, qui hæc quartæ petitionis verba pronuntiantes de Christo Domino illiusque gratia cogitant, enixisque suspiriis, tam sibi quam fratribus suis, à Patre Coelesti poscunt, ut dignetur eos verbo & Spiritu suo ad veræ vitæ robur & augmentum continuo pascere, donec satietatem gaudii ad dextram Dei consequantur. Utinam coelestium ac spiritualium rerum desiderio ita semper arderent animi nostri, ut quavis data, imo & quæsitâ occasione, erumperent in flammis flagrantium precum! Utinam ad terrenarum etiam ac animalium rerum mentionem edocti essemus assurgere; ut iis vel pro scalis uteremur ad sublimiora; vel sepositis etiam, & seclusis quodammodo è cogitationibus, præstantioribus illis inhæreremus unice; sic ut præ coelestium rerum amore, omne in nobis rerum secularium flaccidesceret desiderium

fidendum ! Et sane nihil minus decet hominem Theologum , quam ut qualibuscunque ratiociniis mentem solidorum atque æternorum bonorum meditationi ac quæstioni intentam , ad evanida ac caduca avocet.

IV. Verum non ea nunc res agitur. Quæritur duntaxat de sensu verborum , quæ suis Christus dictavit auditoribus ; ad quem indagandum non tam considerandum est , quid aliis alibi verbis de studio eorum quæ ad regnum Dei pertinent inculcaverit ; aut qua in re Christianæ generositatis consistat sublimitas ; quam quid ipsa verba in omni suo nexu significare apta nata sint , eo tamen semper supposito , nihil iis contineri , quod aut Christo docente , aut Christianis discipulis indignum sit.

IV. At hic inquirendum, quid Christi verba significant.

V. Mihi quidem ita videtur : Deus hominem anima & corpore junctis constare voluit. Utrique parti suas præscripsit leges , ut in utraque suæ sanctitatis conspiceretur effigies. Utrique suas proposuit præmii promissiones ; ut in utraque & veritas & bonitas sua eluceret. Utramque suis cumulat benedictionibus ; ut utraque speculum suæ esset providentiæ. Imo & Christus ipse tam corpore quam anima & obedivit , & passus est ; ut non solum animam nostram bearet , sed & corpus nostrum glorioso suo corpori efficeret simile. Quandoquidem ergo utraque nostri pars adeo curæ est Deo , oportet ut nos quoque ad exemplum Dei curemus utramque.

V. Tam corporis quam animæ cura nobis incumbit.

VI. Cæterum quum anima nostra pars nostri longe potior sit , bonæque eo spectantia solida atque æterna ; corpus autem nostrum fragile sit , illiusque bona & viliora multo , & caduca ac peritura ; res ipsa loquitur longe majori sollicitudine animam curandam esse quam corpus. Imo vix curandum esse corpus , aut ne vix quidem , nisi ea intentione , ut suis instructum bonis expeditius inservire possit animæ in grandi isthoc opere quod incumbit utrique , quod est glorificatio Divini nominis , in promovendo regno & facienda voluntate ejus. Unde consequitur tunc demum hominem partibus suis rite fungi , quando tam corpore quam anima Deum glorificat ; tunc demum vere beatum esse ; quando Deus in ipso , tam quoad corpus quam quoad animam , glorificatur. Sed & illud porro consequitur , hanc esse officii nostri partem , corpus ita curare , ne illud suo destitutum vigore , & animo & Deo desit. Destitutum autem esset suo vigore , nisi illi de sufficienti prospectum esset alimento. Illisque rebus omnibus quibus animalis hæc vita sustentatur atque fovetur. Atque hæc quidem talia esse existimo , ut nihil contineant , nisi quod circa controversiam Christianis hominibus , & mediatu & factu sit dignissimum.

VI. Sed hæc præcipue.

VII. Porro quandoquidem orationem Dominicam omnium consummatissimam esse merito credimus ; ea autem demum consummata est oratio quæ omnia comprehendit bona quæ ad totius hominis felicitatem requiruntur ;

VII. Et nos ducit orationis Dominice tam

perfectio  
quam ordo.

runtur; quumque ad totius hominis felicitatem requiratur ut corpori in vita hac animali de iis prospectum sit sine quibus vita aut nulla, aut certe non vitalis est; conficitur conveniens esse ut in perfectissima oratione non prorsus omittatur bonorum ad vitam animalem pertinentium petitio. Cæterum quum sponte sua eo nimium quantum inclinet hominis animus, id quoque conveniens sapientiæ Christi est, ut talis petitio & paucis sit comprehensa verbis, ne diutius quam par est ei rei immoremur; eoque exponatur sermone qui frugalitatem testetur; & denique eo collocetur ordine qui ostendat bona corporis omnium infima esse, neque alio fine expetenda, nisi ut subserviant homini ad majora.

VIII. Cujus  
quarta peti-  
tio de pane  
corporali  
agere vide-  
tur.

VIII. Hæc autem omnia videre mihi videor acutissime & sapientissime observata esse in ea petitione quæ ordine quarta hoc solet proferri carmine, PANEM NOSTRUM QUOTIDIANUM DA NOBIS HODIE. Quæ verba ita commentabimur, ut omni secus sentientium refutatione omissa, id solum adstruamus quod veritati maxime censemus esse consentaneum. Monemus autem initio, veriorem nobis videri eam explicationem, quæ in Ecclesiis nostris receptissima, & in Catechesi Palatina indicata est, quæque de *pane naturali* hic cogitare jubet. In eam sententiam nos induxit, tum SINGULORUM VERBORUM accurata meditatio, tum consideratio ORDINIS quo petitio hæc collocata est.

IX. Panis  
nomine  
comprehen-  
duntur  
omnia ad  
vivendum  
necessaria.

IX. In verbis nihil est quod non habeat suum pondus, & mereatur exactissimam attentionem. Agitur hic de PANE, eoque ΕΠΙΟΥΣΙΩ, & quidem NOSTRO. Circa illum petimus ut Pater noster coelestis eum DET, HODIE, NOBIS. PANIS vocem non tam stricta significatione in sacris literis usurpari ut eum solum cibum notet qui ex terræ frugibus conficitur, novimus omnes. *Omnis victus*, etiã arborum fructus, etiã caprarum lacticia, panis nomine veniunt. Jer. XI: 19. *עֲשֹׂתֶיהָ עֵץ בְּלֶחֶמוֹ* *corrumpamus arborem cum pane suo*. Prov. XXVII: 27. *וְיִדְחֵב עֵינָם לְלֶחֶם* *Et quantum satis est lactis caprini ad panem tuum, ad panem familia tua*. Hoc igitur firmum maneat: panis omnem victum significat, sive esculentum, sive potulentum. Gen. III: 19. XXVIII: 20. Prov. XXX: 7. At nihil vetat significationem panis paulo latius extendere, ut & *vestem*, & *habitationem*, & omnia corporis ac vitæ animalis comoda complectatur. Jacobus quidem Patriarcha panem à vestimentis distinguit Gen: XXVIII: 20. At Deus quum primo parenti eum imponit laborem ut in sudore vultus pane suo vescatur, futurum esse docet ut homo insigni cum molestia vitæ sibi suæ sustentacula comparare cogatur. Et Agur quando pane demensi sui se petit pasci, id omne, nisi fallor, intelligit, quod ad dignitatis suæ, in qua collocatus erat, tuitionem requirebatur. Apud Romanorum quoque Jurisconsultos amictus sub victu compre-

comprehenditur ff. *De Verbor. signif. L. XLIII. Verbo victus continetur qua esui ; potui cultuique corporis , quaque ad vivendum homini necessaria sunt. Vestem quoque victus habere vicem , Labeo ait. Addit Gajus : & cetera quibus tuendi , curandive , corporis nostri gratia utimur , ea appellatione significantur. Habemus igitur quid panis in sacris ; & communi loquendi usu notet : ea nimirum omnia quæ humana sibi doleat natura negatis. Gregorius Nyssenus , Orat. IV. In Orat. Dom. Ἄπρον ἐπιπῶν , πᾶσαν τὴν σωματικὴν περιλαμβάνει χερίαν. Dum panem dicit , omnia ad corpus necessaria complectitur. Atque hactenus nihil est quod ab ea notatione nos cogat discedere. Nisi fortean id lateat in epitheto ἐπιπῶν. De quo nunc inquirendum est.*

X. Non revocabo jam ad examen plurimas quæ super hac voce exstant doctissimorum virorum commentationes. Prolixe illud atque erudite non ita pridem præstitum est à Clarissimo , Doctissimoque Viro , JOHANNI A MARCK , Collega quondam meo in Frisia Academia desideratissimo , in Exercitationibus quas Jeviles vocat , sed quæ multum reconditæ sapientiæ continent. Mihi præ cæteris simplicissima & probabilissima semper visa est eorum sententia , qui existimant esse vocem compositam ex ἐπι & ὁσία : quemadmodum ex περὶ & ὁσία ; est περιόσιον. Non enim obstat analogia compositionis : quæ non semper exigit ut in voce ἐπι jo-  
 ta ante vocalem absorbeatur. Uti probant voces ἐπιεικής , ἐπιτογδο , ἐπίορκος , ἐπίορκομαι , ἐπιῶ , multæque consimiles. Concessa hac derivatione , quæ nihil infueti & anomali habet , multum ad rei ipsius investigationem promotum est. Nam sicuti τὸ περιόσιον significat quod plus satis est , & ultra quam existentiae conservatio requirit ; ita τὸ ἐπιόσιον significat quod satis est. In hanc mentem exposuerunt Græci Veteres , lingue suæ peritissimi. Chrysostomus Homil. xxx. Tom. v. Ἄπρον ἐπιόσιον . τρεῖς ἐπὶ τὴν ὁσίαν τὴν σῶμα διαβαίνοντα , καὶ συντηρεῖν αὐτὴν δυνάμενον : qui ad substantiam corporis transit , eamque conservare potest. Gregorius Nyssenus : ζητῶν προσετάχθην τὸ πρὸς τὴν συντήρησιν ἑαυτοῦ τῆς σωματικῆς ὁσίας. Querere jussi sumus id quod satis est , ad substantiam corporis conservandam. Basilii Cæsaris in Regul. Brevior. Interrog. CCLII. exponit , τὸν πρὸς τὴν ἐφήμερον ζωὴν τῇ ὁσίᾳ ἡμῶν χρησιμεύοντα , qui ad quotidianam vitam , sustentationem substantiæ nostræ conducit. Plura in hanc rem videre licet in Thesaurο Suiceri. Atque iterum nos eo ducunt , ut hac petitione contineri credamus τὰ εἰς ζωὴν ἐπιτηδεύα , quæ ad vitam necessaria sunt , uti Cyrillus Alexandrinus exponit ; aut , ut Theodoretus ait , τῇ κατὰ τὸν παρόντα βίον χερίαν ; presentis vite necessitatem ; & qui his omnibus major est Jacobus Apostolus , τὴν ἐφήμερον τροφὴν , victum quotidianum. Jac. II: 15.

Orat. Dom.

S

XL

XI. Noster  
panis ille est  
ad quem jus  
habemus,  
tam in foro  
poli.

XI. Eum panem NOSTRUM dicimus. Noster autem est, quando ad eum jus habemus in foro, ut ajunt, tam *Poli* quam *Soli*. In foro *Poli*, coram tribunali Dei jus habemus ad res hujus mundi, quando fide uniti sumus Christo, qui constitutus est hæres omnium. Nimirum Adamo mox à creatione concessum erat dominium in omnia ea quæ usibus ipsius inservire apta nata erant. Id jus dominii peccato suo amisit, iustissimo Dei judicio abdicatus atque exheredatus; sic ut nemo filiorum Adami jus aliquod spirituale, quale filiis Dei dignum est, in ullam, vel minimam creaturarum, integrum sibi reservaverit, sed omnes homines in statu peccati iniusti possessores, usurpatores, raptores bonorum Dei sint. Christus autem id quod Adami peccato deperditum erat suis recuperavit; ac Deus ipsum paulisper *minorem factum Angelis*, deinceps gloria ac honore coronavit, & præfecit operibus manuum suarum: omnia posuit sub pedibus ejus: greges & armenta quotquot sunt, etiamque bestias agrestes; Aves cæli, & pisces maris: quidquid permeat semitas marium, Pl. VIII: 6-9. Porro hoc jus communicat Christus cum iis, & solis & omnibus, qui ipsi fide uniuntur. I Cor. III: 22. *Omnia vestra sunt; vos autem Christi, Christus vero Dei*. Unde consequitur, in foro Dei fideles solos legitimos possessores esse omnium; quippe quæ pro suis habere possunt ex dono Patris sui cœlestis, secundum merita & voluntatem Fratris sui primogeniti. Adeo quidem ut nihil præter decorum faciant, si sui gratia hunc solem, hanc lunam, has stellas, veluti totidem faces accensas esse arbitrentur, ad quas ea quæ bona & homine digna sunt operentur: imo si sui causa universum hoc in statu suo manere existiment, sibi que istius rei gratiam ab improbis deberi: si denique creaturas omnes ita suas esse in Domino glorientur, ut & ipsæ, & universa Dei circa eas gubernatio, ad iumentum iis in bonum esse debeant. Rom. VIII: 28.

XII. Quam  
soli.

XII. Sed & aliud præterea jus requiritur in foro hominum. Nam illud universale admodum est, nihilque derogat juri singulorum in singula. Non quia omnia fidelium sunt, idcirco singula desinunt, esse singulorum. Deus, bonorum suorum supremus diribitor, id uniuscujusque esse voluit, quod sibi iusto titulo occupavit & subjecit: quod quisque secundum dispensationem Divinam vel hæreditate crevit, vel dono accepit, vel labore, vel prece, vel pretio, vel quovis alio legitimo acquirendi modo comparavit. De quibus acquirendi modis differunt juris consulti. Certe quid in sacris *noster panis* significet, Paulus explicuit, quando Thessalonicensibus mandavit, *ita ut non in quiete operantes sua pane vescantur*, 2 The. III: 12.

XIII. Et  
distinguitur  
à pane, qui

XIII. Quando ergo NOSTRUM Panem petimus; id I. Primo cogitandum est, supponi justam acquisitionem, per laborem & diligentiam,  
sub



sub benedictione Divina ad exclusionem panis alieni, quo multi vel ex turpi pigritia, vel foedo lucro, aut avara rapina vescuntur. II. Deinde, deprecamur quoque eam paupertatem, & indigentiam, qua per alienam liberalitatem nutrirī cogamur. Quamvis enim id quod ex divitum liberalitate donatur, à pauperibus iusto possideatur titulo, eoque tam coram Deo quam coram hominibus bonā conscientia uti & frui possint; solet tamen panis nostro labore acquisitus, à pane qui indigentibus ut eleemosyna datus est, ut noster ab alieno distingui. Enimvero unicuique acquiescendum est in forte sibi Divinitus attributa: attamen quum ipso Domino monente *beatius sit dare quam accipere*, Act. xx: 35. nihil ab officio suo alienum facit homo Christianus, si eam deprecetur paupertatem, qua cogatur de alterius bonis vivere. Eo pertinet sapientissimi Aguris oratio, Prov. xxx: 8. *Remove à me paupertatem, ale me cibo demensi mei*. III. Porro, quum vox nostri pluralitatem innuat, denotatur communio charitatis, per quam non sibi solum quisque fidelis, sed & suis atque universæ familiæ, neque suis solum, sed & cæteris fidelibus fratribus suis, & omnibus denique sine discrimine hominibus necessaria petit; eo quoque animo ut aliorum necessitatibus per eleemosynas possit succurrere.

XIV. Atque ita paulatim deducimur ad considerationem eorum quæ circa hunc panem iussi sumus petere. Petimus autem primo ut Deus eum nobis DET. Dat Deus panem bifariam. I. *κατὰ κτῆσιν*. II. *κατὰ χεῖρσιν*. Priori quidem modo A. Quando culturæ terræ benedicit, & lætas leges uberemque proventum largitur: quum *irrigat montes è conaculis suis, ut à fructu operum suorum saturetur terra. Faciens ut germinet fanum ad jumentum, & herba ad hominis usum, ut depromant panem è terra*. Pl. CIV: 13. 14: B. Quando ea quæ ex benedictione sua provenerunt largitur singulis, ut in horreis, in ædibus, in mensis habeant. Tunc autem vere singulis largitur Deus, quando habent non uti panem pigritiæ, avaritiæ, doli, rapinæ; sed quando sua procurat providentia ut eum iusto possideant titulo. Qui enim secus possident, ii non habent quod sibi à Deo datum, sed quod ab ipsis nequiter raptum est. Pl. CXLV: 15. 16. *Oculi omnium ad te spectant, quibus tu das escam tempore suo: aperis manum tuam, & saturas quidquid vivit ex beneplacito*. C. Quando fidelibus ea omnia largitur, non ex communi *φιλανθρωπία* sed ex Paterna charitate qua eos prosequitur in Christo. Quæ Dei Patris Christique charitas quando minimam panis micam, aut frigidæ guttam dat, facit ut illa omnibus divitum cupediis immensum quantum anteciferenda sint. Quum in iis arrham habeant meliorum & cœlestium bonorum. *Pauculum illud quod iustus habet, plus est copia multorum improborum*. Pl. xxxvii: 16.

indigentibus ut eleemosyna datur.

XIV. Panem nobis dat Deus, tam *κατὰ κτῆσιν*.

XV. Quam  
 πατα  
 χρεῖσιν.

XV. At non sufficit bona ista possidere, nisi & vim facultatemque habeas iis in commodum tuum utendi. Idcirco existimandum est tum quoque Deum nobis panem nostrum dare. A. Quando nos bona corporis valetudine donat, ut in usu bonorum ipsius sobrie deliciemur. *Ægrorum enim animus omnem cibum abominatur. Pl. cvii. 18. Abhorret vita eorum ipsum panem, & anima eorum escam desiderabilem. Job. xxxiii. 20.* Unde fit, ut etiam tum quum habent, non habere videantur. B. Quando animo nostro eam indit generositatem, ut singuli pro ratione status quem cuique in hoc seculo assignavit Deus, laute atque hilariter vitæ hujus commoditatibus fruamur. Præclare hoc exsecutus est Ecclesiastes Cap. v. 18. 19. *Ecce quod vidi ego, bonum pulchrum esse comedere & bibere, & frui bona ex toto labore suo quo laborat sub cælo numero dierum vita sua, quas dat ei Deus: nam ea est pars ejus. Etiam cuicumque homini dedit Deus divitias ac facultates, & cui copiam fecit comedendi ex illis, & percipiendi partem suam, ac letandi de labore suo. Hoc DONUM DEI ESSE.* C. Quando suis ipse bonis benedicit, ut eam nobis commoditatem adferant, cui adferendæ destinata sunt. Nam absque illa benedictione Dei nescio quomodo dilaberentur: atque etiam si manerent, neque panis nutriret, neque potus sedaret sitim, neque vestes calefacerent. Hagg. i. 5. 6. *Quapropter nunc sic ait Jehova exercituum, adhibete animum vestrum ad vias vestras. Seritis multum & infertis parum; comeditis, minime vero ad saturitatem; bibitis, & non est ad ebrietatem; induimini, sed nemo ita ut sit calor ipsi: & qui mercedem reportat sibi, mercedem reportat in loculum pertusum.* Hæc Dei benedictio est baculus panis, qui pani suam nutriendi vim conciliat; eoque sublato, quod aliquando se facturum minatur Deus, nihil juvabit omnis abundantia. Lev. xxvi. 26. *Quum fregero vobis scipionem panis, etiamsi decem mulieres panem vestrum in uno furno coxerint, eumque vobis suo pondere retulerint, comedetis quidem, nec tamen saturabimini.* Scipio iste panis vim suam omnem à Dei verbo habet; id est efficaci illo jussu, quo Deus vult hunc panem hoc tempore hunc hominem nutrire. Sicut enim omnia verbo Dei condita sunt, hoc est virtute omnipotentis jussionis illius existunt; ita etiam omnia ejusdem jussionis efficacia operantur. Atque hoc est quod Moses dicit: Deut. viii. 3. *Ut notum tibi facerem, non solo pane vivere hominem, sed omni eo quod prodit ex ore Jehovæ vivere hominem.* Ex quibus conficitur, etiam ditissimis mortalium æque necessariam hanc petitionem esse ac pauperrimis. Quid enim juvaret omnium bonorum affluentia, si absit Divina benedictio, quæ sola dat ut nobis cum lætitia quæ filiis Dei digna est, & ad corporis animique commodum, utamur.

XVI. Cæterum & illud emphasin suam habet, quod petamus panem  
 cum

eum dari nobis **HODIE**. Multa hac quoque voce docemur notatu dignissima. I. Est in ea professio nostræ indigentiae, quæ singulis diebus novam sustentationi materiem requirit: jubetque continuo à Deo, victum nobis in diem suppeditante, dependere. Ps. cxv. 27. 28. 29. *Omnia ista in te expectationem habent, ut des ipsis escam eorum tempore suo. Te dante ipsis colligunt &c.* II. Revocamur ab anxia & infideli cura, quæ nimia solitudine in crastinum prospicit, & dies nunquam fortasse futuros. Matth. vi. 34. Dico anxiam & infidelem curam; nam cura prudentiæ, conjuncta cum fiducia in Divinam bonitatem, non permixta solum, sed & commendata est. Vide Prov. vi. 6. 8. xxxi. 21. Imo Paulus dicat, ad officium parentum pertinere ut thesauros filiis suis recondant. 2. Cor. xii. 14. III. Revocamur à nimia rerum ad hanc vitam pertinentium aviditate, monemurque eo contenti esse quod in singulos dies suppeditatur. Omnino enim videtur *σήμερον* hic positum esse pro eo quod pleniore Hebraismo diceretur *σήμερον σήμερον*, hoc est Luca interprete, *τὸ καὶ ἡμέραν. in diem.* Luc. xi. 3. Hebræi dicunt *דבר יום ביומו* Dan. i. 5. Quod Græci transulerunt. *τὸ τῆς ἡμέρας καὶ ἡμέραν.* Junius demensum diei cujusque in diem quemque. Optime Domini mentem expressisse mihi videtur Illustris Grotius. *Quemadmodum, inquit, hi qui in potestate sunt Patris familias & boni & sapientis & divitis, non postulabunt ut alimenta in multos annos sibi in cellis recondere liceat, sed contenti erunt demenso diurno; ita & Christus abesse vult à nostris precibus, tum dissidentiam, tum aviditatem. Sensus ergo horum verborum est: Da nobis, Deus, victum qui atati in posterum agenda sufficiat: & si non placet dare annua, da mensura, da saltem diurna: quidquid ultra dabitur id erit adventitium.*

XVII. Denique non sibi quisque duntaxat panem petit, sed & aliis. *Parci, avari, atque invidi animi est dicere, da mihi.* Jesus jussit dicere da **NOBIS**. Ut quæ à Deo ad istas preces concessa sunt, ea lege concessa norimus ut communicentur quoque cum aliis. Hebræorum magistri virum *Justum*, quem *צדק* dicant, à viro *benefico ac pio* quem *צדק* vocant, hac ratione solent distinguere; quod justus proximo dicat, *omnia mea mea sunt, & omnia tua tua.* Pius autem ac Beneficus dicat proximo: *omnia tua tua solius sunt, sed omnia mea tua quoque sunt.* Tales *צדקים* *Asideos* Dominus Jesus suos esse vult, qui quæ à Deo acceperunt, ea aliorum quoque impendunt utilitati. Atque uti pane aliorum vesci, nisi necessitate cogente, haut desiderant: ita nec amant pane suo seorsim vesci, exclusis egenis. Quod pulcherrimis verbis de se protestatur Jobus. Cap. xxxi. 16. 17. 18. *Si cohibui me ab optato tenuium, & oculos vidua confeci; & comedi fructum cibi mei solus; ac non comedit pupillus ex eo! Nam à puer-*

xvi. Quid designatur voce Hodie.

xvii. Non sibi quisque soli panem petit, sed & aliis.

*ritia mea adolevit apud me tanquam patrem; & ab utero matris mea ductavi illam.*

XVIII. Ordinis quo hæc petitio locata est, concinnitas variis modis ostenditur.

XVIII. Hactenus singula petitionis verba exposuimus; nunc ORDINEM videamus, quo eam collocatam Dominus voluit. Ita autem dispositam invenimus ut postponatur quidem iis petitionibus quæ propius concernunt Deum; præponatur tamen iis quæ de avertenda animæ nostræ calamitate agunt. Ea res sollicitos interpretes fecit, ordinis concinnitatem supponentes quidem, at non eodem modo demonstrantes. Nonnulli existimant, voluisse Dominum à corporalibus ordiri, ut ita paullatim animi eveherentur ad altiora, & ex minoribus fiducia conciperetur majorum. Horum mentem egregie exposuit Calvinus. *Esti victui, inquit, præferenda est peccatorum remissio, quatenus scilicet anima corpori præcellit, initium tamen Christus fecit a pane & terrena vita subsidiis, ut à tali rudimento altius eveheret.* Non ergo panem quotidianum prius nobis dari petimus quam Deo reconciliari, quasi nobis pluris esse debeat caducus ventris cibus quam aterna salus animæ, sed ut mentes nostra quasi per scalas à terra ad cælum conscendant. Nam quum se Deus ad alenda corpora demittat, minime dubium est quin de spiritali vita nostra longe sit magis sollicitus. Ergo tam benigna ejus indulgentia fiduciam nostram altius erigit. Acute quidem hæc & pie dicta arbitror; nescio tamen an cum ordine totius orationis bene conveniant. Non enim id agit Dominus ut ab humilioribus nos paullatim evehat ad celsiora; sed ab eo orsus quod omnium supremum est, ad humiliora descendit. Primo omnium id proponit quod ultimus est votorum nostrorum finis; dein de mediis agit ad eum finem ducentibus. Si per scalas ascendere docuisset, initium fecisset à gradu infimo, donec procedente ordine perventum esset ad summum. Nunc autem secus factum deprehendimus.

XIX. Sunt quialiquanto adhuc subtilius commentantur. Eo, inquit, tota Evangelii doctrina nos ducit, ut sciamus cœlestia, spiritalia atque æterna animæ bona longe enixioribus votis petenda esse, quam caduca illa quæ ad vitam hanc animalein spectant. Tanta interim hominum, eorum etiam qui se Christi disciplinæ tradiderunt, est imbecillitas, ut prius de corpore quam de anima cogitare soleant. Jesus ergo, pro incredibili sua tam bonitate quam sapientia, humanæ imbecillitati hactenus se accomodat, ut patiat corporali ac terrenorum bonorum prius in oratione mentionem fieri; quo animus isthac sollicitudine liberatus, eo securior atque alacrior quæstioni rerum spiritalium se impenderet. Verum enim vero hoc non tam esset medicinam facere morbo, quam eum fovendo roborare. Hæcine via est qua avocetur animus à nimio earum rerum studio quibus corporis procuratur incolumitas, si permittatur eas primum in tuto collocare, ut

ut isthoc exsolutus metui deinceps accuratius de aliis cogitet? Nonne oportet hominem Christianum majoribus intentum cætera illa non nisi pro adjectamentis habere? Hoc sane inculcat Jesus Matth. vi. 33. Atque si isthac sibi insistendum via arbitratus fuisset, nonne hanc de quotidiano pane petitionem præmisisset cæteris omnibus, ut quum naturali isti atque animali satisfactum esset desiderio, mens nostra liberius atque alacrius circa res Dei versaretur?

XX. Quid ergo? Nihil mihi potius esse videtur simplicitate. Ita autem deprehendimus Dominum totam hanc orationem disposuisse, ut petitiones ipsius duabus absolvantur partibus: I. Postulatione Bonorum. II. Deprecatione malorum. Bona iterum in duplici sunt differentia: alia Divina, coelestia spiritualia; alia terrena, corporalia, animalia. Illa quum longe præstantissima sint, primo ordine collocari oportuit; quod & factum à Domino, quum tres priores petitiones iis occupentur. Hæc quum multo sint viliora, in infimum merito sunt relegata locum. Ibi enim, quoad bonorum petitionem subsistitur. Mox sequitur deprecatio malorum, nimirum ablatio reatus, quo constrictos nos commissa peccata tenent; & vindictio à peccati atque diaboli tyrannide. Quo enim nobis vita attineret, si cum illis semper conficiendum esset malis? Et quam quæso voluptatem adferre nobis posset bonorum hujus seculi affluentia, si iratum peccatis nostris Deum experiremur, & sævum criminum exactorem Diabolum? Bene *Tertullianus: Quam eleganter Divina sapientia ordinem orationis instruxit; ut post caelestia, hoc est Dei nomen, Dei regnum, Dei voluntatem, de terrenis quoque necessitatibus petitioni locum faceret?* Cæterum quum liberatio ab iis quæ diximus malis magnum revera bonum sit, ipsaque vita animali optabilius; non absque ratione est, quod vitæ animalis sustentacula medio ponantur loco, ut ab æternis bonis orsi, in æternorum malorum deprecatione desinamus. Appositissime id observavit *Crocus, Antiweigelii Part. II. Cap. v. Quæst. I. Placuit Domino in media oratione panem hunc ponere, ut à spiritualibus incipiamus, & in eadem desinamus; scientes terrena petenda esse, solum hoc nomine, ut possimus laborem ferre in via ad regnum colorum.*

XX. Istius  
vera ratio.

XXI. Atque ita videri possumus non incommode mentem Domini explicuisse; nihil dicentes nisi quod & nativæ singulorum verborum significationi, & sermoni universo, & orationis cum præcedentibus ac sequentibus connexioni, apprime sit consentaneum; quodque & sapientiam Christo dignam demonstrat, & exercitium virtutum doceat quibus Christiani hominibus in hoc seculo vita exornetur. Illud autem manifestius fiet, ubi paullo enucleatius ostenderimus quot quantaque morum præcepta pauculis

XXI. Transitus ad  
praxin.

culis hisce verbis contineantur: id enim nobis ad praxin hujus petitionis restat.

XXII. Ob-  
servatio  
I. Sancta  
rerum cor-  
poralium  
petitio ad  
Dei gloriam  
facit.

XXII. Ac PRIMO quidem docemur ad Dei gloriam facere, ut homo Christianus ea etiam quæ ad vitæ hujus sustentationem pertinent, ab ipso uti Patre suo cœlesti, petat. Id laudatissimi homines, qui familiares ac necessarii summi numinis fuerunt, ingentibusque ab ipso promissis aucti, omni tempore fecerunt. Nota sunt sapientissimi Aguris, & Israël patris nostri exempla. Prov. xxx. 8. Gen. xxviii. 20. Imo & præcepta Dei in eam rem exstant, quibus supplicia atque jejunia indici jussit ad avertenda incommoda & impetranda hujus vitæ bona. Joël. ii. 16. 19. Et Salomo in templi dedicatione docet, id genus vota frequentissime ibi concipienda esse. i Reg. viii. 33 - 37.

XXIII.  
Etiam sub  
Oeconomia  
Testamenti  
Novi,

XXIII. Neque excipi velim, omnia hæc ad Vetus Testamentum pertinere, ubi populo amplissimæ terrestrium bonorum factæ sunt promissiones; secus esse in Oeconomia Testamenti Novi, cujus promissa omnia spiritualia sunt atque cœlestia. Etenim longe aliter Paulus id intellexit, qui non dubitavit Corinthiis bona terrestria apprecari, quæ & ipsis vitam jucundiores facerent, & novæ erga egenos liberalitati præberent materiem. *Qui autem suppeditat semen ferenti; & panem ad escam suppeditet, & multiplicet sementem vestram, & augeat fructus justitia vestra. Vobis omnimodo ditatis ad omnem benignitatem, quæ per nos efficit ut gratia agantur Deo.* 2. Cor. ix. 10. 11. Ubi multa occurrunt notatu dignissima. I. Petit Apostolus expressis verbis ut panis ipsis detur ad escam. II. Imo ut multiplicetur ipsorum sementis. III. Idque in mercedem pietatis ac charitatis ipsorum. IV. Ut & ipsi ditentur, & habeant unde aliorum necessitatibus possint prospicere. V. Denique docet talem opulentiam in gloriam Dei cedere, ut à quamplurimis ipsi reddantur gratiæ.

XXIV. Omitti sane hic non potest id quod omnibus Christianis tanto serio inculcat idem Paulus, ut orent *pro omnibus quidem hominibus, sed & speciatim pro regibus, & quibusvis in eminentia constitutis; ut tranquillam ac quietam vitam doceamus cum omni pietate ac veneratione.* i. Tim. ii. 2. Ubi quod de tranquilla ac quietâ vita dicitur, pertinet ad vitam in Republica; quod de pietate ac veneratione additur, ad vitam in Regno Christi. Sapienter observatum est à Celeberrimo Interprete, duo hic jungi, quorum alterum ab omnibus hominibus quaeritur, alterum a filiis Dei tantum. Omnes homines quaerunt vitam quietam & tranquillam; h. e. commodam, sine tumultu, sine metu ac sollicitudine, sine penuria ac defectu bonorum, quæ homini ab homine per varias artes aut operas conciliari possunt; cum mutuo honore & reverentia, cum amicitia & mutua fiducia. Hoc est illud bonum propter quod homines congregantur; cui procurando

curando & tuendo potestates constituuntur; propter quod & vestigalia & tributa conferimus. Quod Christiani itaque quatenus cives sunt, juxta cum aliis civibus quærere, & à Deo petere tenentur. Sed & alium societatis humanæ finem sibi proponunt, longe excellentiorem, ut liceat ipsis sub tutela justī ac pii Magistratus, in omni pietate ac sanctitudine vitam transigere, sine ulla vexatione quæ pietatis causā filiis Dei inferatur. Hoc autem votum Christianis proprium est.

XXV. Neque profecto in eo statuenda est Novi ac Veteris Testamenti differentia, quod hoc duum generum promissiones habuerit, temporales ac æternas; illud autem æternas atque spirituales solum. Secus enim ipse Christus docet *Matth. vi. 33. Ista omnia adjicientur vobis.* Quænam sunt ista omnia? Ea de quibus paullo ante fuerat locutus, quæ edimus, quæ bibimus, quibus amicimur, quibus omnibus nos indigere Pater noster cœlestis novit, quæque sancta animi fiducia ab ipsius bonitate sperare jubemur. Ista vero fiducia ac spes cui rei certius innititur quam promissioni Patris nostri? Et hæc saltem Christi verba quid aliud nisi promissionem continent?

XXVI. Adde Pauli illud, *1. Tim. iv. 8. At pietas ad omnia utilis est, ut quæ promissionem habeat vitæ præsentis ac futurae.* Non nego ad bonæ vitæ præsentis pertinere quoque spiritualia illa quæ nobis hic in terra commorantibus Divina indulget benignitas: at nego excludenda esse ea quæ ad vitam animalem pertinent. Nam I. Paulus dum promissiones pietati factas laudat, eas intendit quæ pridem scriptis consignatæ exstabant, quibus citra controversiam bona hujus sæculi comprehenduntur. Eas autem ad nos quoque pertinere testatur. II. Nonne certum est bona vitæ animalis promitti præcepto quinto? Sed & ea promissione tanquam argumento apud Christianos utitur. *Eph. vi. 2. 3.* Quorsum? ut eam quoque nobis factam esse intelligamus. Ut Christianorum etiam filii, parentibus suis morigeri in Domino, sciant beatam sibi longævamque in terra vitam addictam esse. Ea enim verba prout Judæis dicta sunt nativo suo sensu, & proprie exponere; quando Christianis applicantur in meram allegoriam vertere, religio nobis est. III. Observandum Paulum in antecedentibus egisse de cibis quos Deus condidit ad participandum cum gratiarum actione, *vers. 3.* Ab iis per *σωματικὴν γυμνασίαν* superstitiosi & falsiloqui quidam abstinere jubebant. At contra docet Paulus, sinceram pietatem ad omnia utilem esse, atque id inter cætera præstare homini ut omnibus bonis quæ condidit Deus cum lætitia & gratiarum actione fruatur. IV. Quomodo pietas promissiones hujus vitæ haberet, si istis destituta esset promissionibus, sine quibus non est ut quis vivat? Præsens enim vita est vita hæc animalis, *vita quam vivimus in carne*, uti Paulus amat loqui *Gal. i. 20.*

Phil. 1. 22. Eam ergo ipsam cum suis necessariis sustentaculis promissam esse supponi debet. V. Denique quid dubitamus de promissionibus vitæ animalis, quum diserta Domini verba in Evangelio habeamus? Matth. vi. 30. *Quod si herbam agri, qua hodie exstat & cras in clibanum conjicitur, Deus ita circumvestit: nonne multo magis vos o exigua fide præditi?* Est hic promissio, promissio vestitus quo corpus tegitur, promissio confirmata argumento, quod desumtum est à minori, promissio fide amplectenda, ita quidem ut propter fidei istius defectum non perfunctorie culpentur auditores.

XXVII. Vera itaque differentia Veteris & Novi Testamenti, quantum promissiones bonorum temporalium & spiritualium attinet, in eo consistit; quod in Testamento Veteri spiritualia atque æterna bona parcius atque obscurius promissa sint, & plerumque sub involucri bonorum temporalium: bona vero ipsa temporalia promissa sint, ut figuræ, symbola ac pignora bonorum cœlestium: at in Testamento Novo bona spiritualia atque cœlestia frequentissime, clarissime, nudis ac propriis verbis, atque in majori abundantia promittantur; & bona temporalia atque corporalia, uti spiritualium ac cœlestium adjectamenta, & adjumenta, sine ratione typi ac pignoris, cui quodammodo inserviendum sit.

XXVIII. At pressius ostendamus, quomodo earum quoque rerum petitio quibus vita hæc animalis sustentanda est, ad Patris nostri cœlestis gloriam faciat. I. Ita profiteamur vitam nostram in manu Dei positam esse, qui uti eam nobis solus dedit, ita & solus sua virtute & bonitate conservat: eaque suppetit adminicula, sine quibus, secundum ordinem à se constitutum, vita conservari non potest. Quæ postquam meditationibus suis accurate prosecutus esset Pfalter, mox subjungit Ps. civ. 31. *Sit honor Jehova in seculum, latetur Jehova in operibus suis.* II. Laudamus providentiam illam Dei, qua statis anni temporibus frugibus terræ atque animantium foetibus benedicit Ps. lxxv. 10-14. *Visitas terram hanc, & appetis eam; plurimum ditas eam rivo Dei pleno aqua: paras frumentum eorum, quum ita præparaveris eam &c.* III. Agnoscimus omnem nostrum laborem, diligentiam, industriam, nihil prodesse, nisi quatenus ipse suo conatus nostros favore prosequitur: Ps. cxxvii. 1. 2. Atque ita docemur in omnibus actionibus nostris ab ipsius gratia unice dependere. Quæ profecto magna pietatis veræque religionis pars est. Ps. cxxiii. 1. 2. IV. Agnoscimus valetudinem nostram, per quam donis Dei frui nobis licet, & quidquid in hac vita honestæ percipimus voluptatis, merum Divinæ benignitatis munus esse. Sic ut ad Deum ipsum adurgere discamus per sua nos bona delectantem. Eccl. i. 24. In quibus omnibus ea est Divinæ bonitatis prædicatio, quæ à pio profecta animo, non potest ei non grata atque accepta esse.



XXIX. SECUNDO loco est in hac petitione inculcatio *frugalitatis & commendatio animi modico contenti*. Quoquo enim mentem flectamus, huc nos ducunt omnia; siue numerum petitionis spectemus, siue ordinem, siue denique verba quibus exponitur. Petitio rerum terrenarum numero non nisi unica est, & brevissimo comprehensa sermone; quum Divinarum ac coelestium rerum desideria, in exiguo orationis compendio, pluribus distincta capitibus, quinque petitionibus absolvantur. Unde inferimus, illis vix sextam partem sollicitudinis impendendam esse quæ his debetur. Est etiam hæc petitio in ordine bonorum desiderabilium omnium infima atque ultima: ut sciamus ante omnia nobis regnum Dei quærendum esse cum iustitia illius; cætera, ut longe minora, non nisi post, & propter vitam. Denique ipsa orationis verba ita comparata sunt ut nil nisi frugalitatem spirarent. Panem petimus, non lautitias; eumque ἐπιβσίον non περιβσίον; idque in dies singulos.

XXIX.

II. Oportet contentos esse modico.

XXX. Præclare hæc ab antiquis Ecclesiæ Doctoribus observata, & insigni verborum gravitate auditoribus suis inculcata sunt. Ex quibus pauca quædam hic transcribere non pigebit. *Chrysostomus in Ps. cxxviii.* Διὰ τοιαύτην ἐκελεύσθης εὐχέσθαι εὐχὴν, ἐν ἣ μόνον ἐν αἰτήματι αἰσθητὸν αἰτεῖς, καὶ πλεον εἶναι. Propterea talem jussus es precari orationem, in qua unam tantum petis petitionem terrenam, ac præterea nihil. Quod paullo latius persequitur *Homil. LIV. in Genes.* Διὰ γὰρ τὸτο καὶ ἐν τοῖς τῆς εὐχῆς ῥήμασιν ὅρας ἡμῖν καὶ κανόνας τιθεῖς, μέχρι τίνος δὲ τὴν περὶ τῶν βιωτικῶν αἰτησὶν ποιεῖσθαι, τὰ ῥήματα ἐκεῖνα λέγειν ἡμᾶς ἐκέλευσε, ΤΑ ΗΛΑΣΗΣ ΦΙΛΟΣΟΦΙΑΣ ΓΕΜΟΝΤΑ, τὸν ἄρτον ἡμῶν τὸν ἐπιβσίον δὸς ἡμῖν σῆμαρον, ἀντὶ τὸ τὴν τῆς ἡμέρας τροφήν. Propterea etiam in verbis orationis terminos nobis εἰ cancellos posuit, quatenus mundana sint petenda, dum nos ista verba recitare jussit, QUÆ SUMMAM OMNIS PHILOSOPHIÆ CONTINENT, Panem nostrum quotidianum da nobis hodie, pro diei alimentum. Prolixus hic est, & disertus admodum *Gregorius Nyssenus Orat. IV. In Orat. Dom.* Ζητεῖν προστάχθημεν τὸ πρὸς τὴν συντήρησιν ἐξαρκεῖν τῆς σωματικῆς ἐσίας. τὸν ἄρτον δὸς, τῷ Θεῷ λέγοντες, καὶ τροφήν. εἶδὲ πλεον, καὶ εὐανθεῖς ἀλεργίδας, καὶ τὸν ἐκ χρυσίου κόσμον, — εἶδὲ τι τοῖσιν εἶδεν δι' ὧν ἀφίληται ἡ ψυχὴ τῆς θεῆας τε καὶ προτιμοῦρας Φροντίδος, ἀλλὰ τὸν ἄρτον. Querere jussi sumus id quod satis sit ad naturam corporis conservandum. Panem da, ad Deum dicentes, non luxum, non divitias, non floridas vestes purpureas, non ornamenta aurea, — neque quidquam tale, per quæ anima à Divina ac potiori cura abstrahitur; sed panem. Quod post pauca vehementer urget, ita Christum mortales compellantem introducens: Πάνσμοθε οἱ ἄνθρωποι περὶ τὰ μάταια ταῖς ἐπιθυμίαις Διαχόμενοι, πάνσασθε τὰς τῶν πόνων ἀφορμάς καθ' ὑμῶν αὐτῶν πλεονά-

πλεονάζοντες, μικρόν ἐστὶ σοὶ τὸ τῆς φύσεως ὀφείλημα. τροφὴν χρειῶν τῶ σαρκίῳ σὺ, πρᾶγμα μέτριον τε καὶ εὐπόρισον, εἰ πρὸς τὴν χρείαν βλέπῃς. *Definite. ὁ homines, circa res vanas cupiditatibus diffundi ac distineri: definite laborum adversus vosmetipsos causas ac materias accumulare: exiguum est quod natura debes: cibum debes caruncula tua rem & modicam & paratam facilem si usum & necessitatem spectes.* Omitto alia, quæ qui desiderat apud *Suicerum* invenire potest.

XXXI. Enimvero multum ad veram animi tranquillitatem profecit, qui frugalitatem didicit. *Est enim quæstus magnus pietas, cum animo sua sorte contento. Nihil enim intulimus in mundum, videlicet nec efferre quidquam possumus, sed habentes alimenta, & quibus tegamur, hæc nobis satis erunt.* 1 Tim VI: 6. 7. 8. Hoc sibi dictum meminerint Christiani omnes, quod Hebræis olim dixit Paulus. Heb. XIII: 5. *Sint mores vestri alieni ab avaritia: estote contenti præsentibus: dixit enim ipse, nequæ te omittam, neque unquam te deferam.* Æque pauperibus magnam frugalitas commoditatem adfert, locupletibus æque. Pauperes enim quum multis careant, quibus alios luxuriare deprehendunt, tum demum bene beateque vivent, si ne desiderent quidem. Modo iis contenti sint, quæ natura ad sui sustentationem exigit, & quæ vix est ut cuiquam Divina neget providentia, regum æquare possunt opes animis. Non minus jucundus iis erit, imo vero aliquanto jucundior, & cibus, & somnus, quam delicatulis illis, quibus gulæ irritamenta ex peregrino adferuntur orbe, quibusque nulla ad molliem culcitella satisfacit. Brevissima ad divitias, per contemptum divitiarum, est via. Nihilque est eo Stoicorum paradoxo certius: *Contentum suis esse rebus, maxime sunt certissimaque divitia.* Multa super hoc negotio Philosophorum curiosa disputavit subtilitas. Nos re ipsa præstemus, atque experiamur. Magno potius animo, quam magifico sermone, cum Paulo nostro dicentes 2 Cor. IV: 10. *Ut nihil habentes, sed omnia obtinentes.* Sed & divitibus sua quam maxime proderit ad tranquillitatem frugalitas; quibus omnis abundantiae suæ usus perit, nisi ab animo impetrent res sibi suas submittere. Quantilla enim voluptas est, nunquam jucunde edere nisi gulæ responderint omnia? irasci autem, indignari, fremere, ubi famulus aut ancilla vel minimum officio suo defuerint? Certos habebat dies ille magister voluptatis Epicurus, quibus maligne famem exstingeret: visurus an aliquid deesset ex plena & consummata voluptate vel quantum deesset, & an dignum quod quis magno labore pensaret. Et quidem gloriatur non toto affe se pasci. Comperitque in illo victu non saturitatem solum esse, sed & voluptatem. Voluptatem autem, non illam levem, & fugacem, & subinde reficiendam, sed stabilem & certam. Non enim jucunda res est aqua ac polenta, aut  
frustum

frustum hordeacei panis: sed summa voluptas est, posse capere etiam ex iis voluptatem. *Senec. Epist. xviii.*

XXXII. TERTIO. Dum panem *nostrum* nobis dari petimus, docemur <sup>xxxii.</sup> *Diligentiam, & Justitiam, & animi à Dei favore dependentiam.* <sup>iii. Dum nostrum panem petimus nobis dari, docemur A. Diligentiam.</sup> *Diligentiam*, quum *nostrum* dicimus, id est nostro nobis labore comparandum. Nemo enim nisi amens expectaverit, ut corvi sibi panem cum carne apportent; quamvis id Eliæ aliquando contigisse sacra narret historia. Laborandum cuique pro vocationis suæ ratione est, ut iusto eum titulo acquirat. In primævo hominis statu hortum deliciarum omnium plenissimum custodiendum homini colendumque Deus dederat, ut ne tum quidem quum sua sponte natura produceret omnia pane suo prorsus otiosus vesceretur. Post peccatum autem dictum humano generi est: *In sudore vultus tui vescitor cibo.* Gen. iiii. 19. Estque hæc *occupatio illa mala*, hoc est molestia, *quam dedit Deus filiis hominum, ut se occuparent in illa.* Eccl. i. 13. Ipse Filius Dei, Jesus sospitator noster, ante publicam prophetici muneris functionem, arte fabrilis se & familiam cujus membrum erat sustentasse videtur; unde non fabri tantum filius, sed & *faber* à civibus suis dictus est. Marc. vi. 3. Neque isthoc nos labore Evāgelii exsolvit libertas; quæ quidem à pœnali illa quam peccatum introduxit molestia, & à rerum huius seculi servitute, fideles vindicat, atque à nimio earum studio avocat; officii tamen diligentiam non tollit. Paulus, quamvis Apostolus, inque illo munere obeundo diligentissimus, gratis panem edere recusavit, sed *cum labore atque arumna nocte dieque operatus est, ne cuiquam esset oneri.* Ea intentione ut cæteris se Christianis *pro exemplari ad imitandum praberet.* Estque hoc ex iis quæ demandavit Ecclesiis: *quod si quis nolit operari, etiam ne edito.* Omnesque sub Christiano nomine inordinate ambulantes, nihil agentes, sed inaniter satagentes, *obtestatus est per Dominum nostrum Jesum Christum, ut cum quiete operantes suo pane vescantur.* 2. Thes. iiii. 8. 12. Nemo hic fucum faciat, aut Christianam libertatem studiumve rerum nobiliorum suæ prætexat ignaviæ. Indecorum est homini pio, sine exercitio aliquo, quo sibi, suis, publico prodesse coeatur, *comedere cibum pigrity.* Prov. xxxi. 27.

XXXIII. Sed & *justitiam* hic docemur. Neque enim noster ille panis <sup>xxxiii.</sup> est, quem vi, clam malivæ artibus iis ereptum imus, quibus vel jam concesserat, vel destinasse videbatur Divina providentia. Neque sincere eum à Deo nobis dari petimus, quem contra justitiæ, æquitatis ac charitatis leges, antequam à Deo detur occupamus & rapimus. Ludibrium est ac apertissimus Divini numinis contemptus, si quis pravis adhibitis mediis opes coercans, eas Divinæ bonitati quasi acceptas ferre ausit. Hoc erat eorum scelus, qui pro arbitrio suo oves Dei interficiebant, vendebant, neque

tamen idcirco se reos esse postulabant, *dicentes benedictus Jehova quod datus sim.* Zach. xi. 5. Nec abludit Ephraimitici mercatoris improbitas, qui quamvis dolosas manu lances teneret, amaretque opprimere, tamen sibi in male partis opibus placebat, & gloriabatur *in omni labore suo non inventum iri iniquitatem quæ peccatum sit.* Hof. xii. 8. 9. Cæterum non est ut quis tuto se ac secure injuste quæsitis fructurum speret. Vidit olim Zacharias volumen volans, longitudine viginti cubitorum, & latitudine decem cubitorum, undique conscriptum execrationibus, sed & vidit illud *invadere domum furis,* (fur autem Deo iudice est quisquis injustum quæstum facit,) & ita quidem invadere, *ut commorans in domo ejus consumat eam, & lingua ejus ac lapides ejus.* Zah. v. 2. 4. Elegantia admodum atque emphatica sunt, quæ in hanc rem Zophar Naamatithes differuit Job. xx. à vers. 15. usque ad finem capitis: sed prolixiora, quam ut hic adscribantur. Id ergo omni sollicitudine caveant Christi discipuli, ne quem à Deo sibi dari panem poscunt, eum fratribus improbe eripiant aut præripiant.

XXXIV.  
C. Animi à  
Dei favore  
dependen-  
tiam.

XXXIV. Sed & *animi à Divino favore dependentia* hac oratione includitur. Sicuti enim quando *nostrum panem* dicimus, protestationem edimus diligentiae qua legitime eum acquiramus; ita ubi eum nobis poscimus à Deo *dari*, simul fatemur nostram diligentiam sine Divina benedictione nihil profuturam. Dignum notatu est, quod quò Capite dixit Paroemiastes, *manus sedulorum datur eos.* Prov. x. 4. eodem capite dicat, *Benedictio Jehovæ ipsa datur, neque addit molestiam secum.* vers. 22. Idcirco necesse est ut quotiescunque, singuli in ea quæ nobis obtigit vocatione aliquid aggressuri sumus, toties favorem Dei super laboribus nostris accuratis precibus expetamus. Imprimis id faciendum videtur singulis matutinis temporibus, quando ad ea nos accingimus officia, quæ quisque quotidie obeunda habet. Egregium hic nobis carmen præivit Moses Ps. xc. 17. *Adsit amœnitas Jehovæ Dei nostri nobis: & opus manuum nostrarum firma nobis, opus, inquam, manuum nostrarum firmato.* Habes hic protestationem diligentiae, quando iterato de opere manuum loquitur; sed & habes animum Divini favoris avidum, ab eoque dependentem, dum amœnitas Jehovæ super nobis, & confirmatio operis nostri ab eo rogitatur.

XXXV.  
IV. Obligat  
hæc petitio  
ad gratitudi-  
nem, A.  
Ne nostræ  
quidquam  
attribuamus  
industriæ.

XXXV. QUARTO plurimum quoque hæc oratio confert ad ingenerandam animo *gratitudinem.* Si enim à Deo vitæ nostræ petimus sustentacula, æquum est ut pro iis acceptis reddamus ipsi gratias. Multo autem gratitudo ista complectitur. Et primo quidem ne nostræ hic quidquam attribuamus industriæ atque solertiæ, Deum nobis aut coordinantes, aut subordinantes, aut, quod eodem fere recidit, prorsus prætereuntes. Eo naturaliter inclinatur humani ingenii arrogantia. Cujus rei illustre in Nebucad-

netzare

netzare habemus exemplum: qui in superbo suo obambulans palatio, unde in pulcherrimam prospectus erat urbem, apud animum suum dicebat, *an- non hac est Babylon illa magna quam ego edificavi, ut esset regia & orna- mentum decoris mei, robore potentia mea?* Dan. iv. 29. 30. Confer Jes. x. 13. *Quia dixit, virtute manus mea feci, & sapientia mea, quod pru- dentia instructus sum.* Hoc est vim suam sibi Deum facere, & sacrificare plagis suis ac suffitum facere retijaculo suo. Habac. i. 11. 16. A qua re populum suum alienissimum esse volebat Deus. Deut. vii. 17. *Ne dicas cum animo tuo, virtus mea & robur manus mea paravit mihi opulentiam hanc.* Minaturque, si secus fecerint Israëlitaë, se ingratitude istam bo- norum suorum ablatione ulturum. Hos. ii. 8. 9. *Etenim ipsa non agno- scit me dare sibi frumentum, mustumque, & oleum, etiam argentum copiose suppeditare ipsi & aurum.* Idcirco reversus recipiam frumentum meum tempore suo, & mustum meum tempestate sua, eripiamque lanam meam, & linum meum testurum nuditatem illius.

XXXVI. Imo ne gentilibus quidem inultum id sivit Deus. Memo- rabile est quod apud Ezechielem exstat, Cap. xxix. 3. Ibi Pharao, rex Ægypti comparatur balænzæ maximæ cubanti inter rivos suos, dicitque, **MIHI EST RIVUS MEUS: NAM EGO FECI MIHI.** Potest id intelligi ut verba sonant. Ægyptus enim Nilo suo in varios rivos regum artibus diviso valde superbiebat, eique feracitatem suam debebat. Notum est *Tibulli* il- lud ita Nilum compellantis:

*Te propter nullos tellus tua postulat imbres,*

*Arida nec pluvio supplicat herba Jovi.*

Quia scilicet non nubium illa imbris, sed terræ ipsius sudore, & Nili fluminis incrementis foveretur. Hunc amnem suum esse jactabat Ægypti Rex, quem sibi fecerit, id est in sua commoda suamque gloriam distinxerit atque aptaverit. At credibile est plura huic dicto subesse. Tralatitium in prophetiis est, populum cum fluente comparare. Vide sis Ap. xiv. 7. xvii. 15. Uti ergo per Euphratem intelliguntur Babylonii Jes. viii. 7. ita hic per Nilum Ægyptii, populus Nilum bibens. Superbia ergo Pharaonis hæc erat, quod populum Ægyptiacum suum esse crederet tanquam propriam hæreditatem ac sortem, quæ auferri ab ipso non posset: quodque Deo in- super habito sibimet ipsi opes, regnum ac potentiam se debere jactaret. In- juriam hanc numini suo illatam adeo indigne fert Deus, ut dicat vers. 8. 9. *Ecce ego adducturus sum contra te gladium, & excisurus ex te homines & jumenta. Ut sit terra Ægypti desolationi ac vastitati, & experiantur me esse Jehovah; eo quod dixerit, RIVUS MEUS EST: NAM EGO FECI.* Pro- phetiæ respondet historia. Rex Ægypti qui tempore Ezechiëlis vixit, fuit *Pharao Hophra*. Jer. xliv. 30. Nam *Jeremiàs* & *Ezechiël*, uti notum est, eodem

XXXVI.  
Quod ne in  
Gentilibus  
quidem in-  
ultum sivit  
Deus.

eodem tempore prophetarunt. Eum LXX. vocant Ὀυαφρῆν. Videtur idem esse, quem Herodotus Ἀπρίην nunciat. De quo hoc inter cætera narrat Lib. II. Cap. CLXIX. Ἀπρίῳ δὲ λέγεται εἶναι ἴδι ἡ Διάνοια, μὴδ' αὖ θεὸν μιν μετένα δύνασθαι παῦσαι τῆς βασιλείης. ἔτω ἀσφαλῆως ἐπιτῶ ἰδρῖσθαι εἰδόμενα. Fertur Apries ea fuisse persuasione, ut nullus neque Deorum neque hominum possit sibi adimere regnum: adeo videbatur sibi stabilivisse. Et tamen, sic pergit Herodotus, tunc congressus praelio fugatus est, vivusque captus ad urbem Saim ductus est, in ades qua antea ipsius fuisset tunc autem Amasis regia: tandemque ab Ægyptiis strangulatus. Sciendum tamen est, non in omnibus Herodoto & prophetis convenire. Sane quæ de Aprii superbia tradit pulchrum commentarium in Ezechielis verba exhibent: uti & quod generatim de fædo ejus exitu narrat. Cæterum Herodotus dicit Ægyptios ab Aprie defecisse, & Amasin Regem fecisse. Scriptura autem tradit, Regem Ægypti illo nomine traditum esse in manus Nebucadnetzaris. Ezech. xxx. 25. At hæc propter viam. Illud solum intenderam urgere, quod non possit Deus æquo animo ferre eam sui oblivionem, qua sit ut Divina beneficia suæ miselli homunciones industriæ aut potentiae imputent. Quod si tam severe ulciscatur in hominibus gentilibus, quid non expectandum haberent Christiani, si eodem se impietatis crimine obstringerent?

XXXVII.  
B. Sed omnia bona nostra imputemus Deo.

XXXVII. Deinde id quoque exigit gratitudo, ut quod nobis derogamus Divino imputemus numini. Deut. VIII. 18. *Recordaberis Jehova Dei tui, quia ipse est qui dat tibi virtutem ad comparandum opulentiam.* vers. 10. 11. *Quum comederis & saturatus fueris, benedices Jehova Deo tuo in illa terra optima quam dederis tibi. Cave tibi, ne obliviscaris Jehova Dei tui.*

XXXVIII.  
C. Iisque hilariter utamur,

XXXVIII. Porro ista Divinæ bonitatis celebratio non sola gratæ mentis agnitione constat, neque verbis absolvitur: sed id etiam importat, ut bonis à Deo concessis, secundum ipsius voluntatem, & ad ipsius gloriam utamur. Dico *utendum* esse bonis Dei. Non enim in eo vel frugalitas consistit vel pietas, quas tamen virtutes multi aut avaritiæ suæ aut hypocriticæ superstitioni prætexunt, ut nostrum defraudemus genium, & in Divinæ benignitatis affluentia parce & nos ipsos & alios excipiamus. Hæc una earum vanitatum est, quas ex humani ingenii stultitia ortas non immerito sugillat Ecclesiastes, Cap. vi. 1. 2. *Est malum quod vidi sub sole, idque maximum super homines: Viro cui dederit Deus ipse divitias, facultatesque & honorem, & cujus animus non destituatur ulla re qua delectetur, quum huic non fecit copiam Deus ipse fruendi re illa; sed vir alienus fruitur illa. Hoc vanitatem & ægritudinem esse.* Ita qui instituit, is, insigni dementia, in mediis divitiis ipsum sese pauperem facit: *oblivisci-*

*obliviscitur usus, rationes accipit, forum conterit, kalendarium versat, fit ex domino procurator: uti scite Seneca ad finem Epist. xiv. Homo Christianus, religionis suæ veræque pietatis intelligens, quæ sibi à Deo concessa sunt, habet, possidet, utitur, materiam virtutum.*

*Non hic sepositas infelix strangulat arca  
Divitias.*

*Quid ergo? — expositi census & docta fruendi  
Temperies.*

Hoc certe ex scitis sapientum est. Eccles. ix. 7. 8. *Agedum, comede cum letitia cibum tuum, & bibe animo hilari vinum tuum; quandocunque benevole prosequitur Deus facta tua Omni tempore sunt vestimenta tua nitida, & unguentum infusum capiti tuo ne deficiat.* Injuriam faciunt pietati Christianæ, qui eam pro re tetra habent, & quæ cultores suos hilari Divinarum benedictionum usu fraudet. Aliter Israelitas informavit Moses, ubi de decimis agit deferendis in locum quem isti fini destinavit Deus, qui justo longius si abfuerit, permittit decimas pecunia commutare, additque: *Expenses pecuniam illam in omnia quæ desideravit animus tuus, in boves aut in pecudes, & in vinum & in alium potum inebriantem, denique in omnia quæ expetierit à te animus tuus, & comedes ibi coram Jehova Deo tuo, ac lataberis tu cum familia tua.* Deut. xiv. 26. Neque credendum est, sub Novi Testamenti indulgentia Deum filios adultos adstrictius habere, quam olim infantes sub rigore Testamenti Veteris.

XXXIX. Id tamen semper observandum, non aliter esse utendum bonis Dei, nisi secundum ipsius voluntatem. Hæc autem est voluntas ejus, ut procul omni molliæ contenti simus præsentibus, ubique & in omnibus initiati, ad abundantiam & penuriam. Phil. iv. 12. ut corpus foventes nunquam illud proritemus ad lasciviam. Rom. xiii. 14. ne ullo unquam tempore animum gravemus crapula, aut ebrietate aut sollicitudinibus hujus seculi Luc. xxi. 34. ne sub ullius rei mundanæ atque animalis potestatem nos redigi patiamur. I Cor. v. 12. ut tempori nos accommodantes, ubi ad ciliçium ac cinerem vocat Deus, deliciis ac commoditatibus nostris haut gravate careamus. Jes. xxi. 12. Denique ut res omnes hujus seculi præ Deo illiusque cultu relictas habeamus. Hebr. x. 34.

XL. Sed & ad gloriam ipsius referenda sunt omnia I Cor. x. 31. Tunc autem ad gloriam Dei referemus, si in ipso bonorum usu meminerimus benefactoris; si non hærentes in rebus creatis, meditationibus nostris ad creatorem adscendamus, cogitantes illius nos virtute sustentari, illius bonitate refici, illius pinguedine satiari, illius dulcedine exhilarari, illum denique esse cujus ubertatem in cibo, in potu nostro gustemus; si ipso cibo & potu ea intentione utamur, non ut inde animaleam quandam voluptatem

XXXIX.  
Semper tam-  
men secun-  
dum Dei  
voluntatem.

XL. Et ad  
ipsius glo-  
riam.

percipiamus, quam carnales homines communem cum brutis habent, sed ut corpore atque animo alacriores simus ad Dei ministerium; si ab iis quæ in vita hac animali jucunda nobis accidunt piis desideriis ad vitæ spiritualis ac cœlestis delicias enitamus, quas terrestres animæ nec sapiunt nec capiunt; si vitam ipsam eo fine amemus, ut eam impendamus Deo, utque eo plures inter mortales inveniantur, qui Patris nostri cœlestis nomen sanctificent, qui regni ipsius cives sint eique promovendo inserviant, qui denique voluntatem ipsius in terra faciant ad exemplar sanctorum cœlitum. O quam spiritualis est hæc petitio de pane corporali, modo eam rite intelligamus; & in spiritu oremus!

## EXERCITATIO. XII.

DE

## REMISSIONE DEBITORUM.

ΚΑΙ ΑΦΕΣ ΗΜΙΝ ΤΑ ΟΦΕΙΛΗΜΑΤΑ ΗΜΩΝ,  
ΩΣ ΚΑΙ ΗΜΕΙΣ ΑΦΙΕΜΕΝ ΤΟΙΣ ΟΦΕΙ-  
ΛΕΤΑΙΣ ΗΜΩΝ.

## B R E V I A R I U M.

I. Christus oratione sua ad perfectam nos beatitudinem ducit. II. Partitio quarta petitionis. III. Debitum hic notat peccatum. IV. Princeps hominis debitum est obedientia. V. Huic si non satisfecerit, incidit in debitum peccati. VI. Ea singuli habent quam plurima. VII. Quæ neque negari, neque cavillando eludi possunt. VIII. Nec à nobis, aut alioquoquam mortalium expungi. IX. Idcirco oranda remissio. X. XI. XII. XIII. XIV. Quæ multa complectitur. XV. Amplificatio petitionis. XVI. XVII. Debitorum nostri qui sint. XVIII. Et quid debitorum istorum remissio. XIX. XX. XXI. Nostra remissionis ad Divinam respectus. XXII. Praxis. XXIII. XXIV. XXV. XXVI. Uti peccato non remisso nullum dirius malum est. XXVII. XXVIII. XXIX. Ita in remissione peccatorum magna est felicitas. XXX. Quæ non tam facile acquiritur ut multi sibi persuadent. XXXI. XXXII. XXXIII. Quod ad excutiendum securitatis lethargum plurimum valere deberet. XXXIV. Pathetica excitatio. XXXV. Media ad obtinendam remissionem. XXXVI. Ejus obtenta jucunditas.



**P**erfecta omnibusque numeris consummata hominis peccatoris beatitudo duabus partibus absolvitur: primo collatione omnis boni, deinde ablatione omnis mali. Quandoquidem beatitudo, Boethio finitore, est status bonorum omnium aggregatione perfectus; beatus censeretur non meretur, cui bonum aliquod deest cujus desiderio torqueatur. Porro quum exiguum aliquod malum sufficere queat ad obtundendum sensum gustumque plurimorum & maximorum bonorum; id quoque ad beatitudinis consummationem requiritur, ut nullus in ea mali sensus remaneat. Fatendum utique est, tam perfectam felicitatem nulli mortalium in hac vita contingere. Sed & illud firmiter tenendum, hanc esse Religionis Christianæ præ cæteris omnibus quorumcunque populorum placitis ac dogmatibus præcellentiam; ut sinceros sui professores ad supremum illud beatitudinis culmen certis quibusdam gradibus promoveat. Dum etiamnum in terris commorantur, Deus se virtute gratiosi foederis iiscum communicat, sic ut gloriari iis liceat, *Jehova portio mea est, inquit anima mea.* Thr. 111. 24. Deus autem est omnia: quidquid alibi boni reperitur, quidquid boni animus vel cogitando sibi fingere potest, universum illud eminenter in Deo est; qui idcirco suis est *merces valde magna.* Sed & in Deo protectio est contra omne malum. Idcirco se suorum dicit esse *clypeum*, qui omnem mali impetum ita in se recipit, ut a suis abmoveat. Gen. xv. 1. Cæterum etiam si hæc omnia perfectissime in fruitione Dei sint, fruitio tamen Dei in hac vita non est perfecta. Ideoque semper aliquid boni remanet, quod petamus; semper aliquid mali, quod deprecemur. Donec ad perfectam Dei fruitionem promoti, omni bono abundantissime satiemur, sine ullo mali sensu aut metu. Ad tantam felicitatem discipulos suos hac oratione deducit Jesus. Primo enim jubet ea bona votis expetere, quorum primitiæ ad eam beatitudinem sufficiunt, cujus hæc vita capax est, & in quorum plena fruitione omnis est desiderii satietas. Nam profecto qui Deum perfecte cognoscendo & perfecte amando sanctificat, qui omni Regni Dei opulentia locupletatur, qui coelestibus aggregatus geniis ita ut illi in omni voluntate Dei acquiescit, ei quid bonorum desit nemo facile dixerit. Deinde docet Dominus deprecari ea quæ mala sunt. Malorum autem omnium compendium in peccato est. Porro in peccato considerari potest, reatus quo nos obstrictos tenet ad condemnationem, & tyrannicum dominium quo sibi miseros mancipat. Adversus utrumque igitur precibus nostris vigilare jubemur. Nam neque alterum ab altero separari potest, & alterutrum sufficeret ad nos omni bonorum Dei participatione excludendos. Primo autem oramus adversus reatum peccatorum nostrorum petitione quinta, in hæc verba: **REMITTE NOBIS DEBITA NOSTRA. SICUT ET NOS REMITTIMUS DEBITORIBUS NOSTRIS.**

1. Christus oratione sua ad perfectam nos beatitudinem deducit.

II. Partitio  
IV. Petitionis.

II. Duo hic nobis explicanda. I. PETITIONIS PROPOSITIO. II. ILLUS AMPLIFICATIO. In propositione expendendum. I. Cur peccatum dicatur *debitum*. II. Cur de *debitis* hic loquamur in plurali numero. III. Quid significet hic *remissio debitorum*.

III. Debitum notat peccatum.

III. *Debitum* hic peccatum notat, exponente Luca Cap. XI. 4. *Et remitte nobis peccata nostra*. Eodem sensu dicit Dominus Cap. XIII. 4. *Illi decem & octo supra quos cecidit turris in Siloam, & quos interemit, putatis DEBITORES* (id est facinorosos) *fuisse præ omnibus hominibus qui habitant Hierosolymis?* Princeps hominis debitum est obedientia Deo. Illi debito non soluto, succedit aliud debitum peccati, quo peccator poenam debet Divinæ justitiæ, Digna res quæ paullo enucleatius tradatur.

IV. Princeps hominis debitum est obedientia Deo.

IV. Deus est Primus, Summus, Absolutus Dominus omnium earum rerum quas fecit. Idcirco necessum est ut omnia quæ extra Deum sunt ipsi sub sint, omni eo modo quo subesse possunt. Præterea Deus est suprema Ratio, & Purissima Sanctitas: inque ea re Exemplar Creaturarum rationalium. Pro ista sua suprema in res omnes potestate Legem homini dedit, in qua expressio quædam & delineatio sanctitatis suæ est, quatenus ea imitabilis est homini. Ea lege aliquid ab homine exigit atque postulat. Illud omne nimirum quod æquum justumque est Mich. VI. 8. *וְשִׁיר יְהוָה דֹּרֵשׁ* *Et quid Jehova requisivit abs te, nisi ut exerceas jus, & ames benignitatem, & modeste ambules cum Deo tuo?* Eandem legem, ut venerabilior pariter atque amabilior homini esset, sancivit hinc promissionibus maximorum bonorum, quæ addidit omnibus colentibus maiestatem & amantibus sanctitatem suam, inde comminationibus horrendæ maledictionis æternum incubituræ omnibus osoribus suis & contemtoribus mandatorum suorum. Unde conficitur, hominem Deo debere obedientiam, sive, quod idem est, omnis pietatis virtutisque exercitium, in agnitione supremæ potestatis & purissimæ sanctitatis ejus, ad acquirendum ejus favorem atque evitandam ejus iram. Rom. VIII. 12. *Nempe igitur, fratres, DEBITORES SUMUS, non carni, ut secundum carnem vivamus; supple, sed spiritui, ut vivamus secundum spiritum.* Luc. XVII. 10. *Quod debuimus facere, fecimus.* Hoc est debitum homini naturale, quod oritur necessario ex ea relatione, quæ est inter Deum ut supremum Dominum & summam sanctissimamque Rationem, & inter hominem ut Creaturam Dei Rationalem.

V. Huic si non satisfecerit, incidit in debitum peccati.

V. Huic debito si non satisfecerit homo, incidit in aliud debitum, nimirum peccati. Quod debitum vocatur quia peccando se reum facit violatæ Divinæ Majestatis & Sanctitatis: ita sese in conspectu Dei gerens quasi non esset Deus cui deberet subjectionem: imo quasi ipse esset Deus, & supremus actionum suarum arbiter; & quod omnium pessimum est, quasi Deus esset peccatori similis, qui delectetur iniquitate neque ullam unquam criminum

criminum exacturus sit poenam. Pf. L. 21. *Cogitas me prorsus esse similem tui.* Hoc est Deum solio suo deturbare, cui se proterve peccator imponat; imo, quod horrendum cogitatu dirumque dictu est, hoc est Deum in Satanam commutare, ne peccator dissimilis videatur Deo. Nonne ita agendo tale tantumque contrahitur debitum, cui solvendo nullæ unquam hominum facultates æternum sufficient? Mich. VI. 6. 7. *Veniamne ante eum cum holocaustis? cum vitulis? amniculis? An accepta haberet Jehova millia arietum? myriadas torrentium olei? an darem primogenitum meum pro defensione mea? fructum ventris mei pro peccato animæ meæ?* Nonne isthoc scelere meretur peccator ut omni, si quam haberet, felicitate mulctetur, excidatque præsentis numinis favore, ac spe futuræ gloriæ? Rom. III. 23. quæ nullo rursus pretio comparari possunt. *Quid enim dabit homo ad redemptionem animæ suæ?* Matth. XVI. 26. Nonne denique debitorem se facit Divinæ justitiæ vindicativæ, ut æternis animi corporisque cruciatibus, ei, si pote, satisfaciat? Matth. XVII. 34. *Et iratus Dominus ejus tradidit eum tortoribus, quo redderet id omne quod sibi debebatur.*

VI. Tale debitum si unum duntaxat numero contraxissemus, nonne illius cogitatio sufficeret ad incutiendum animo insuperabilem horrorem? Nunc autem in rationibus nostris exstant debita. Debita, inquam, omne genus. Originale, Imputatum, Inhærens: Actualia, omissionis, commissionis, ignorantiae, infirmitatis: malitiæ: sine modo, sine numero. *Errores quis intelligat?* Pf. XIX. 13. VI. Ea singuli habent quam plurima.

VII. Si negari possent ea debita, aut cavillatione aliqua eludi; non deesset homini peccatori vel audacia mendacii, vel solertia fraudis, ut quomodocunque creditoris sui manum evaderet. Sed chirographum omnes gestamus in pectore. Jer. XVII. 1. *Peccatum nostrum scriptum est stilo ferri, & scalpro lapidis perdiuturni; exaratum in tabula cordis nostri.* Indelebilibus characteribus consignatum est in libro Divinæ omniscientiæ, libro, inquam, illo commentarii coelestis, de quo Malac. I. 16. Unde Deus ordine peccatoribus omnia edisseret. Pf. L. 21. Neque ullus erit aut negandi aut cavillandi locus. *Si viribus experirer, ecce fortissimus est: sin judicio, quis vadimonium constitueret mihi? Si justum me assererem, os meum condemnaret me: Si integrum me, perverteret me.* Job. IX. 19. 20. Iterumque vers. 30. 31. *Si laverò me aquis nivalibus, & emundaverò smegmate manus meas; tum in foveam demerges me, & abominabuntur me vestes meæ.* Quorum dictorum hæc est summa: nihil agere hominem negatione, excusatione, palliatione, purgatione delictorum suorum; imo hoc agere, ut delicta augeat, judicium sibi gravius accersat, & denique convictus atque *αὐτὸν κατακρίνῃ* esse appareat. VII. Quæ neque negari, neque cavillando eludi possunt.

VIII. Cæterum & illud aliquam debitori fiduciam faceret, si forte inter

VIII. Nec à nobis aut alio quocquam mortalium expungi.

amicos suos ac proximos opulentus aliquis ac beatus inveniretur, qui ex suarum abundantia divitiarum aere eum alieno liberare & vellet & valeret. Verum ne & hinc vel minimam sibi spem peccator fingat, efficit commune omnibus debitum; cujus confessionem edimus dicendo, *nostra debita*. Nemo unus est mortalium, quin animam debeat. *Sicut scriptum est: non est justus, ne unus quidem. Omnes deflexerunt, simul inutiles facti sunt; non est qui faciat bonum, non est usque ad unum.* Rom. III. 10. 12. Quandoquidem ergo omnes aere alieno pressos esse constat, nemo est qui suum expungere debitum valeat; nedum aliorum. *Fratrem nullo modo redimere potest quisquam, non dare Deo redempturam ejus. Est enim cara redemptio anima eorum, imo cessat in seculum.* Ps. XLIX. 8. 9.

IX. Idcirco oranda remissio.

IX. Hæc autem omnia eo nos subigunt, ut ad pedes Creditoris prolapsi gratiam ipsius imploremus, non ore magis quam animo clamantes, **REMITTE**. De remissione peccatorum non indiligenter diximus *Exercit. xxv. In Symbol.* quæ hic repetere nihil attinet. Id solum nunc monendum esse videtur, qua mente debitorum nostrorum remissionem hac oratione petamus.

X. Quæ multa complectitur.

X. Videlicet id exposcimus I. Ut Divinæ bonitatis indulgentia criminum nobis nostrorum veniam faciat, non exigendo à nobis quam meriti eramus poenam, neque tanta severitate castigando ut illi ferendæ impares simus. Ps. VI. 2. *Jehova ne in ira tua reprehendas me: neque in excandescencia tua castiges me.*

XI. II. Ut Deus propter satisfactionem & merita Filii sui propitius nobis sit, animumque habeat placatum ac benevolum non obstantibus omnibus nostris criminibus, & singulari eo crimine, quod orantes cum dolore ac poenitudine confitemur. Ps. CXLIII. 2. 7. *Ne congregiaris iudicio cum servo tuo: nam non esset justus coram te ullus vivens. Festina, exaudi me Jehova, consumitur spiritus meus; ne abscondas faciem tuam à me.*

XII. III. Ut gratiæ istius suæ certiores nos facere dignetur per arcanum Spiritus sui testimonium: & sententiam pronunciatam in foro cœli obsignatamque sigillo suo, intimet atque insinuet animis nostris per Spiritum Sanctum. Hoc credibile est Davidem petiisse Ps. LI. 3. 10. *Gratiam mihi fac, ô Deus, secundum benignitatem tuam; secundum amplitudinem miserationum tuarum, dele defectiones meas. Facito ut audiam gaudium & lætitiā.* Audiverat jam gratiosum Dei consilium ex ore Nathanis. 2. Sam. XII. 13. *Etiā Jehova transulit peccatum tuum, non morieris.* At eo nondum plane contentus, interno Spiritus alloquio certiorari sese cupit. Hoc demum considerat uti veram, & si non unicam, maximam certe & proximam causam redeuntis post prolixum mœrorem lætitiæ. Vix est ut verbo nudi hominis, etiam si fidus Dei minister, imo & Propheta sit, committere se suspicax animus in tanti momenti negotio ausit. Tunc demum plane acquiescit, ubi Deum

Deum ipsum de gratia sibi loquentem audire datum est. *Dic anima mea, salus tua ego sum.* Pf. xxxv. 3.

XIII. Porro quum illud Spiritus alloquium non tam verbis quam rebus absolvatur, petimus IV. ut ea nobis Deus largiatur quæ remissionem peccatorum consequi solent, imprimis ut nos re admittat ad familiare sui commercium, mutuumque jucundissimæ amicitiae exercitium. Conferri hic analogice potest historia Absalom. Revera condonaverat ei David commissum in fratrem parricidium; & declaraverat id per Joabum, jubendo ut Geschure rediret Hierosolymam; non tamen confestim eum admittebat ad aulam, minus ad cubiculum, minime ad osculum. 2. Sam. xiv. Eodem fere modo cum Davide agebat Deus. Quamvis animum non haberet ulciscendi ipsius crimina; quamvis, uti modo dictum, eum animum suum per Nathanem jam declaravisset; non tamen mox amico fruebatur Deo; non licebat, ut olim, familiariter ad ipsum accedere, & in suavissimo Divinæ gratiæ gustu deliciari; sed excarnificatus aliquandiu horrendis animi angoribus, petit sibi *reddi gaudium salutis, ut exsultent ossa qua contrita erant.* Pf. LI. 14. 20.

XIV. Idem frequenter accidit fidelibus. Postquam semel Dominum Jesum vera vivaque fide receperunt, reconciliati cum Deo & justificati sunt, sic ut certum sit non incubiturum iis iræ Divinæ pondus ad condemnationem. Fieri tamen potest, & fit frequenter, ut iidem fideles ex statu iræ in statum gratiæ translati, incidant in grandius aliquod crimen, vel etiam in languentem & torpidum animæ statum. Id ubi contigerit, solet Deus, ad demonstrationem sanctitatis suæ, & odii quo prosequitur peccatum, faciem suam abscondere, imo gravissimæ indignationis indicia præ se ferre, virgam paternæ vindictæ ostentare; & ne supplicem quidem mox ad benevolentiae pristinae jucundam fruitionem admittere. Non potest id non durissimum esse animo peccatorum suorum conscientia preffo, Deum interim sincere amanti, ejusque favorem rebus omnibus antepONENTI. Hinc lachrymæ; singultus, suspiria, querelæ, & ex imo corde vociferationes, donec bonus ille Pater coelestis ad redintegrationem dulcissimæ amicitiae exorari se patitur. Nihil vetat quo minus ea quæ dixi omnia hac petitione comprehendendi posse statuamus.

XV. Placuit autem Christo Domino petitionem hanc addita insigni ratione amplificare: SICUT ET NOS REMITTIMUS DEBITORIBUS NOSTRIS. Ad cujus intelligentiam notandum est. I. Quinam sint illi *Debitorum*. II. Qua in re consistat ea *nostrorum debitorum remissio*. III. Quem respectum hæc remissio habeat ad eam quam à Deo petimus.

XVI. *Debitorum nostri* non ii sunt, qui, secundum contractuum civilem jus, pecuniam, aut officia aliqua nobis debent; quasi ea jure atque ordine

xv. Amplificatio  
petitionis.

xvi. Debitorum nostri  
qui sint.

ordine exigere homini Christiano nefas sit. Semper enim homo Christianus manet civis Reipublicæ, neque sanctissimæ religionis professio ququam eo jure fraudat quod leges naturæ, aut gentium, aut civiles, hominibus & civibus concedunt. Fucum facerent debitores, qui Christianismum prætexerent suæ injustitiæ ac nequitiae. Singulis solvendum est quod debent. Rom. XIII. 7. 8. *Reddite igitur omnibus quod debetis. &c. Nemini quidquam debere, nisi hoc ut alii alios diligatis.* Ipse Paulus, quando apud Philemonem intercedit pro fugitivo servo Onesimo, qui nondum Christianus se ipsum & alia hero subduxerat, veniam quidem delicti gratiamque petit, sed ita ut simul solutionem polliceatur. Philem. vers. 18. 19. *Quod si qua te injuria affecit, aut debitor tibi est, hoc mihi imputato. Ego Paulus scripsi mea manu, ego dependam.* Est aliqua in mundo religio, quæ ad sui propagationem, & hæresios quam vocat destructionem, jus ac fas esse putat Catholicos suos, si quid hæreticis debeant, solvendi obligatione exsolvere. Cæterum ea quæ jus naturæ ac gentium tam palam violat, quamvis sola se Christianam dici postulet, hac certe in parte nihil minus quam Christiana est. Id interim æquitas & misericordia, quam communis humanitas suadet, & Christianismus validius persuadet, à creditoribus exigit, ne nimio erga debitores suos rigore utantur; sed pro stricto jure dominetur charitas, quæ legis nostræ completio, & Christianismi testifera est. Rom. XIII. 10. Joh. XIII. 34. 35.

XVII. Debitores itaque nostri ii hic dicuntur, qui nos offenderunt, sive moliminibus, sive dictis, sive factis iniquis. Equidem omnia peccata adversus Deum committuntur, tanquam supremum Dominum, & Legislatorem. Quædam tamen adversus homines quoque; uti objecta circa quæ peccatur. Uti si quis aliorum vitæ, pudicitiae, bonis, existimationi vim aut fraudem facere animum induxerit. Is se eo facinore alteri debitorem constituit, ad reparationem injuriæ. Et de talibus hic debitoribus sermo est.

XVIII. Et  
quid debitorum istorum remissio.

XVIII. Quibus sua à nobis debita *remitti* Dominus postulat: non ea mente, quasi prorsus illicitum foret injuriæ reparationem petere, modo id legitime, sine acerbitate, sine vindictæ cupiditate sine charitatis læsione fiat. Sed quod omne odium, omnem inimicitiam, omnem rancorem deponi à nobis velit; ne quid male cupiamus, nedum faciamus illis à quibus non uti par est excepti sumus: ne iis quæ ipsis adversa contingunt gaudeamus: imo vero ut iis bene velimus, &, ubi occasio ita fert, bene faciamus: id simul optantes ut & Deus ipsis condonet suæ legis in injuria nobis facta violationem. Uno verbo, remissio hæc notat omnis malevolentiae depositionem, & officia charitatis erga offendentes. Sicut Paulus exponit. Col. III. 12. 13.

XIX. Nostra  
remissionis  
ad Divinam  
respectus,

XIX. At quem denique *respectum* nostra hæc remissio habet ad eam quam à Deo poscimus? Non sane hoc docere nos voluit Dominus, magnam valde

valde nedum omnimodam inter utramque similitudinem intercedere. Nam Divina illa à nostra immensum quantum diffidet. I. Deus nobis remittit, ut Dominus, Legislatoꝝ, Judex, pro suprema sua potestate. Nos nobis invicem, ut pares, & in mutuis sæpe offensis vel æquales vel certe similes. II. Deus, quum personam justissimi judicis deponere non possit, peccata non remittit nisi intuitu satisfactionis Christi, *quem constituit placamentum per fidem in sanguine ipsius, ad demonstrationem justitiæ suæ, ut justus sit dum justificat eum qui est ex fide Jesu.* Rom. III. 25. 26. Nos autem, quum ut privati & fratres hic consideremur, quamvis ad reparationem teneamur injuriæ, remittere tamen debemus etiam sine satisfactione ulla, & quo liberalius ac promptius cedimus nostro jure eo agemus laudabilius. III. Deus ita condonat, ut peccatorem ab æternis pœnis supremoque supplicio liberet, ac suo beet favore, in quo vitæ omnisque felicitatis fons est. Nos ita, ut eum qui offendit non persequamur invalida nostra & nihil fortassis nocitura ira; atque ad summum nostra dignemur benevolentia, quæ quum paupertina semper sit, vix est ut multum inde commodi percipere queat. Et sane misere nobiscum comparatum esset, si non infinito plus utilitatis ex Dei remissione ad nos redundaret, quam ex nostra ad proximum nostrum.

XX. At neque hoc voluit Dominus, ut nostram remissionem allegaremus veluti causam aliquam meritoriam remissionis Divinæ. Nihil enim orantem magis dedecet, quam fastuosa meritorum præsumptio. Maxime ubi quis delicti veniam petit. Quænam hæc esset impudens damnabilis peccatoris superbia, ut cum criminum teterrimorum confessione, quibus ne speciem quidem ullam prætexendam habet, arrogantem meritorum suorum jactationem jungat? utque miserabilem illam suam remissionem, quam ut officium charitatis proximo debet, & qua ipse fortassis haut minus frequenter indiget, allegare præsumat tanquam causam qua se Divina remissione dignum faciat? Procul à Christiani pectoris humilitate tam indecens fastus absit; cum maxime in oratione, atque ea quidem orationis parte, qua gratiam & veniam supplex precatur.

XXI. Verum ita nostram hanc remissionem allegari Dominus patitur. I. Ut contineat argumentationem aliquam apud Deum, liberam quidem, sic tamen ut libertas illa cum veneratione atque reverentia numinis conjuncta sit. Argumentationem, inquam, qua, procedendo à minori ad majus, hoc fere modo cum Deo agimus: Domine, nos quorum benignitas arcta semper atque maligna est, ita erga proximum nostrum affecti sumus, ut offensas ei suas haut illubenter condonemus; quanto ergo majori cum fiducia idem nobis à te expetamus, cujus immensa benignitas neque modos ullos neque terminos habet? Nititurque hæc argumentatio simili illatione

Grat. Dom.

X

quam

quam præformavit nobis Christus. Luc. XI. 13. *Si vos, qui mali estis, nosti bona dona dare; quanto magis Pater ille vester cælestis?* II. Ut indicium Divinæ circa nos & in nobis gratiæ. Hinc enim patet nondum nos pravis affectibus nostris prorsus esse traditos neque Deum Spiritu suo plane à nobis recessisse; quandoquidem ea in nobis miserationis viscera inveniuntur quæ non nisi à Spiritu gratiæ & charitatis sunt. Atque inde nobis ulterioris gratiæ concessionem non vana spe pollicemur. Solet enim Deus dona sua novis donis coronare. III. Uti id quod sensum remissionis peccatorum nostrorum necessario antecedit: & cuius defectus iram Patris nostri cælestis adversus nos accenderet. Fieri enim non potest ut certi ac securi simus nostra nobis crimina condonata esse, idque ad gaudium ac consolationem animi nostri experiamur; nisi hoc fraternæ charitatis officium erga proximos nostros exerceamus. Imo vero iratum, uti cæteris criminibus, ita & duritiei nostræ, habebimus Deum, quamdiu implacabilem erga fratres animum retinemus. Mar. XI. 25. 26. *Et quum adstiteritis precantes, remittite si quid habetis adversus aliquem; ut & Pater ille vester qui in cælis est remittat vobis offensas vestras. Nam si vos non remiseritis, nec Pater ille vester qui in cælis est, remittet offensas vestras.*

XXII. Pa-  
xii.

XXII. Id itaque animo nostro infixum maneat: HOMINI PECCATORI PECCATORUM SUORUM REMISSIONEM MAXIMO SERIO A DEO EXPETENDAM ESSE. Huc enim nos ducit ea quam hætenus exposuimus Dominicæ orationis pars. Neque profecto desunt ingentes quæ eo impellant rationes.

XXIII. Uti  
peccato non  
remisso  
nullum di-  
rius malum  
est.

XXIII. Nam nullum dirius malum est quam peccata non condonata. *Si iniquitates observaveris, Domine, quis possit consistere?* Ps. cxxx. 3. A Dici non potest quantopere peccati non remissi moles miseram premat animam, opprimat conscientiam. Ps. xxxviii. 5. *Iniquitates meæ transcendunt caput meum; ut onus grave, graviores sunt, quam ut perferre queam.* Nulla intus tranquillitas, nulla pax est, donec criminum suorum reatu obstrictus animus, à se, à Diabolo, à Deo, ab omnibus denique metuendum habet. Ipse sibi observatur ut monstrum horrendum, informe, ingens; cuius intuitu continuo exterretur: ubi ubi commoratur perpetuum intus carnificem circumfert, horrendis terroribus excruciat; hæret lateri lethalis arundo, post equitem peditemque sedet atra cura. Aut si nescio quo malagmate mitigetur ad tempus dolor, ulterius carcinoma serpit, mox gravioribus symptomatibus proditurum. Non extinguitur ita incendium: manent ignes suppositi cineri doloso. Nunquam bona fide sibi reconciliabitur peccatoris animus, donec reconciliatus sit iudici suo, nempe Deo. I. Joh. iiii. 20. Deo autem non reconciliatur, nisi per offensarum remissionem.

XXIV. B.



XXIV. B. Donec eam obtinuerimus, carendum nobis erit Divinae bonitatis favore, qui vita ipsa jucundior est Pf. LXI I I. 4. non licebit ad Deum tanquam ad Patrem nostrum familiarius accedere; aut in facie ipsius ullum cernere paternae indulgentiae indicium; aut ex ore ipsius ullum intelligere exoptatissimae consolationis verbum; aut in animo nostro persentiscere ullum suavissimi amoris influxum; nedum ut ad amplexus & oscula admittamur, pro quibus vitam ipsam depacisci grave non sit. De caelo ac salute ne cogitemus quidem. Clausa ea porta est. Paradiso ejectis, dum peccata manent, nulla redeundi spes. Si contingat nobis in isthocrerum statu, bonis hujus seculi frui; non sunt nobis bona. Non proveniunt ex eo Dei favore, unde omnibus rebus sua demum bonitas constat. Et quid tandem proderunt mox misere perituris? Lautus fortassis & opiparus, sed novissimus, & ad mortem aeternam damnatis, apparatus.

XXV. C. Neque solum Divino nobis carendum erit favore, sed & experiunda irae atque exandescientiae illius intolerabilis acerbitas. Dira est peccati lues: quidquid tangit, id inficit: corpus, animam, & facultates denique omnes execrabili veneno corrumpit. Maledicta peccatori sunt omnia. *Maledictus est in civitate, maledictus ruri. Maledictus corbis ipsius, & mastra. Maledictus fructus ventris sui, & fructus terra sua, fetus boum, & greges pecudum. Maledictus est in ingressu suo, maledictus in egressu.* Deut. xxviii. 16. 19.

XXVI. D. Haec autem omnia, quantumvis dictu gravia, perpessu aspera, non nisi dolorum initia sunt. Longe duriora criminum supplicia post hanc vitam luenda habebunt peccatores, in interminabilem usque aeternitatem. O si profanos illos, nimiumque suo periculo securos, manibus vel auribus potius prehensos, deducere mihi liceat ad ferreas inferorum portas, ut cominus viderent quibus excrucientur damnatorum animae tormentis; ut audirent planctus & lamenta, quibus, at nil profuturo luctu, male impenso temporis, male collocatae operae, male neglectae Divinae gratiae, irreparabilem jacturam dolent; ut denique quasi coram cernerent terribilissimos, sed & perpetuos, acutissimorum flagellorum ictus, quibus justissima numinis severitas, non carnem solum, sed & viscera & ossa & medullam lacerat: fortassis tantarum contemplatio ærumnarum animos horrore perculsos, ac criminum suorum conscientia tactos, ad pedes suppremi judicis abjiceret, ut dum nondum oppressulata gratiae janua est, omni prece, suspiriis, lachrymis veniam exorent. Non enim profecto haec inania credularum mentium terribilissima fictaque spectra sunt: sed certissimae veritatis oracula. O miseram, neque ullis unquam lachrymis fatis deplorandam eorum sortem, qui reatu peccatorum suorum constricti remissionis expertes sunt!

XXVII. Ita  
in remissio-  
ne peccato-  
rum magna  
est felicitas.

XXVII. E contra beata admodum eorum conditio est, quibus peccatorum veniam clementer indulget Deus. Pl. xxxii. 1. 2. Tunc enim A. Ab ira & maledictione, atque omni malo quod revera malum est, liberantur. Rom. viii. 1. Non est quod exhorrescant ad conscientiae accusationes, ad Diaboli calumnias, ad Judicis severitatem, ad numinis vindictam, ad inferorum mentionem. Quid accuset conscientia, si placatus sit conscientiae Dominus? Quas calumnias intentet Diabolus, si iustificet Deus? Quae metuenda sit judicis severitas, aut numinis vindicta, si satisfactum sibi esse semel declaraverit? Quid terreat inferorum mentio, si id sublatum sit cui soli inferos minatus est qui inferorum aequae ac coelorum claves solus habet? Si paternae adhuc ferendae sint castigationes; at benigni patris erunt, non severi judicis; dignaque ea patris virga est quam proni supplicesque osculemur. Mich. vii. 9. Si contingat ut cum variis praesentis seculi miseriis luctandum sit, aberit ab iis maledictio, -cujus acerbitas sola miseriam facit; bonae erunt, & ad bonum cooperabuntur. Thren. i. 27. 28. Rom. viii. 28. Imo ne ipsum quidem mortis nomen iis terribile esse debet qui placatum Deum habent; quia amisso aculeo suo non est amplius illa mors, peccati poena; sed peccandi finis, peccati condemnatio, & introitus ad vitam. Qui revera peccatorum veniam consecutus est; ei licet de morte atque inferis triumphum cum Paulo canere. I Cor. xv. 55. 56. 57.

XXVIII. B. Porro peccatorum remissio non solum ab ira Dei liberat, sed & favorem atque amicitiam Dei peccatori reconciliat. Nam uti ex amore benevolentiae, atque praevemente Dei gratia peccatorum remissio profiscitur; ita remissio ista peccatorem in eo constituit statu ut Deus eum prosequatur amore complacentiae, & dignetur participatione dulcissimae suae gratiae. Tunc licet faciem Dei ut propitii Patris intueri, & frui blandi sermonis alloquio, & deliciarum in sensu gustuque jucundissimae familiaritatis, cui nulla vini suavitas comparari queat. *Non enim, inquit Deus, in seculum contendam, neque in aeternum effervescam: nam spiritus à conspectu meo obrueretur, & animae quas ego feci. Vias ejus video, sed curabo eum: & reducam eum, reddamque consolationem ei, & lugentibus ejus.* Jes. lvi. 16. 18.

XXIX. C. Quandoquidem haec omnia procedunt ex plenissima Christi satisfactione, qua non modo impunitas sed & felicitas fidelibus impetrata est; consequitur, cum remissione peccatorum conjunctam esse adjudicationem juris ad vitam aeternam. Adeo ut qui remitti sibi debita sua petit, eadem opera petat decerni sibi consummatam felicitatem. Beatos itaque illos, atque omni quidem modo beatos, quibus de peccatorum suorum remif-

remissione gloriari in Domino licet. Et quis dubitet tantum bonum omnibus votis expetendum esse?

XXX. Idque eo magis, quia non tam facile acquiritur, uti multi sibi temere persuadent. Quantis Christo Domino laboribus, sudoribus, angoribus, perpeffionibus; quam dira & maledicta morte constitit, antequam peccatorum remissionem electis suis impetrarit? Sed & ipsis multa supersunt agenda, antequam impetrata remissio iis applicetur. Multas oportet antecedere preces, mœrores, lachrymas, luctus, cum diabolo & Deo, multos æstuantis animi dolores, priusquam de sui cum Deo reconciliatione certi reddantur. Docent id Davidis gemitus, Ps. LI. & XXXII. & Petri amaræ lachrymæ, Matth. xxvi. 75. & fluentia oculorum quibus pedes Domini rigavit nobilis illa & beata peccatrix. Luc. vii. 38.

XXX. Quæ non tam facile acquiritur, ut quidam sibi persuadent.

XXXI. Utinam hæc, quemadmodum oportet; ad animum revocaretis I. Vos qui tanta cum voluptate peccatis indulgetis, qui securi, læti, ridentesque debitorum vestrorum numerum immensum quantum indies augetis, quibus crimina non oneri aut horrore sed prolubio sunt, qui denique sannam sicut aquam bibitis. Mihi credite, nec mihi, sed Deo potius; insana illa peccandi voluptas, vel in hac vita, vel in futura, & fortassis in utraque, tandem in acerbissimum mœrorem desinet. *Dicetis aliquando isti risui, insanus est, & latitia illi, ecquid ista facit? Eccl. ii. 2.* Quod tanta cum aviditate nunc deglutitur, venenum est præsentissimum, quod intolerandis doloribus omnia erodet viscera. Vinum istud quod peccatum propinat, est *ex vitibus Sodoma & Gómorra; uva illius sunt uva venenosa; botri amari. Venenum, inquam, draconum est vinum illud, imo venenum aspidum sevisissimum.* Deut. xxxii. 23. 33. *Tandem velut serpens mordebit, & ut hæmorrhoids punget.* Prov. xxiii. 32.

XXXI. Quod ad excuriendum securitatis lethargum plurimum valere deberet.

XXXII. II, Sed & vos ex sopore vestro evigilate, qui tam gravi ære alieno pressi; sine tamen sollicitudine vitam transigitis; aut si quæ aliquando invitos sollicitudo invadat, eam excutere omni nisu conamini: id agentes ne vel diem unquam minus festum, vel coenam minus hilarem, vel noctem minus securam habeatis. Quisnam hic est animi tam prave rebus suis consulentis lethalis torpor? Nunquid ea quæ de peccatorum fœditate, deque debiti reatu quo obstringunt peccatorem, hactenus monuimus, nugæ esse putatis & febricitantium insomnia? *Nemo vos seducat inanibus sermonibus.* Certe animam debetis, *propter ea quæ perpetrastis venit ira Dei in homines contumaces* Eph. v: 6. *Afflictio, inquam, erit & angustia in omnem animam hominis Perpetrantis malum, tum Judæi imprimis, tum etiam Græci. Non enim est personarum acceptio apud Deum.* Rom. ii: 9. II. An vero vestra vos debita inficiaturos esse speratis? Enimvero non poteritis. Præsto sunt rationes exactissimæ ac-

curatissimæ

curatissimi creditoris, quibus non potest quin adstipuletur animi vestri conscientia. An fuga vobis consulere praesumitis, ut manus injectionem à creditore evadatis? At quâ, aut quo? *Si scanderetis cælos, ecce illic est: si stratum poneretis in sepulcro, ecce adest: si assumeretis alas aurore habitaturi in extremitate maris, etiam illic manus illius teneret vos, & apprehenderet vos dextra ejus.* Pl. CXXXIX: 8. 9. 10. Ubi tandem tutum asylum invenietis adversus omnipræsentem? *Superbia animi vestri decepit vos.* Obad. 1, 3. *Si foderetis latitaturi in sepulcro, inde, inquit Deus, manus mea caperet vos: & si ascenderetis in cælum, illinc deducerem vos. Et si abderetis vos in vortice Carmeli, inde scrutatus caperem vos; & si occultaretis vos à conspectu oculorum meorum in fundo maris, inde præciperem serpenti ut morderet vos.* Amos. IX: 2. 3. An vero ea vos spe lactatis, futurum nunquam esse, ut rationes exigantur? Cæterum inviolabili juramento sanxit Deus, certo eas exigendas esse. *Scriptum est enim: Vivo ego, dicit Dominus, Certe mihi sese flectet omne genu, & omnis lingua palam agnoscat Deum.* NEMPE ERGO UNUSQUISQUE NOSTRUM DE SE IPSO RATIONEM REDDET DEO. Rom. XIV: 11. 12. An denique arbitramini, non defuturam vobis apologiam, qua excusetis aut purgetis admissa? O vanas decipientis se sponte animi cogitationes! ne folium quidem ficulneum habetis quod prætexatis peccato. Jôh. xv: 22. *Ut omne os obstruatur, & obnoxius fiat totus mundus condemnationi Dei.* Rom. III: 19. Quæ ergo ratio, aut quæ tandem rationis species superest, qua se tam infana securitas tueatur? Id fortasse restat, ut existimetis à clementissimo numine non admodum difficulter impetratum iri veniam; modo in lectulo emortuali verbis publicani illius Deum compelletis, *Domine propitius esto misero mihi peccatori.* Sed tu quis es qui plura tibi de Dei bonitate polliceri ausis, quam David aliquis, aut Hizkias, aut Petrus, aut Paulus, similesque quos amicos atque necessarios Dei fuisse ignorare utique non debebas, & qui non nisi per vallera lachrymarum in collem tranquille consolationis anhelantes enisi sunt? Nemo, nemo sibi molliores aditus imaginetur.

XXXIII. III. Sed & vos mihi compellendi estis, qui temere vobis peccatorum remissionem tanquam acquisitam certamque arrogatis, quamvis neque crimina unquam vestra uti par est desseveritis, atque etiamnum in iis vivatis, neque æquitatem, mansuetudinem, charitatem exerceatis erga proximos vestros. Quænam hæc est dementia, ut in tanti momenti negotio cascarum imaginationum stultorumve somniorum suaviludiis vos pascatis? Peccata nobis nostra, sic dicitis, sic credere vos profiterimini, à Deo condonata sunt. Atque ista præsumptione freti animum, adversus omnes sive commonitiones, sive suspensiones, obduratis.

At

At quando condonata sunt? Et quo modo? Quo die facta est sententiæ illius absolutoriæ pronuntiatio? Quis illius vobis nuncium retulit? Quis insinuavit, atque intimavit? Ubi illius exstat exemplar? à quo scriptum? à quo subsignatum? Ænigmata, dicitis, & perplexi interrogationum gryphi: quis logos istos intelligat? quis respondeat? Itane vero? ignoratis hæc? non intelligitis? non estis experti? Et tamen tam confidenter de absolutione gloriamini? Hoc sane scitis, reos vos esse horrendorum criminum, meritos condemnationem æternam: rem vobis esse cum iudice & omniscio, & iusto. Ignoratis quando, quo modo, facta sit vestri absolutio: non habetis proferre ullum argumentum idoneum, quo eam aliis, quo vestro approbetis animo: & tamen libet vobis securis esse, haut secus ac si nulla contracta essent debita, vel certe ac si apocham haberetis domi? Dicite mihi bona fide! nunquid ita institueretis in debitis pecuniariis? ubi si quid neglectum, sarciri meliori tempore ac faventiori oportunitate posset. Et quod ibi non audetis, id non dubitatis in hoc negotio facere, ubi bis peccare non licet, & à quo æterna animarum vestrarum sive salus sive perditio pendet? Expergiscimini tandem ex hoc lethargo: etiam atque etiam attendite, ne idem vobis eveniat, quod facinoroso alicui, cui nescio quis deceptor commentitios veniæ libellos obtrufit, quibus imprudenter fretus, quum minime existimaret, ad malam crucem rapitur.

XXXIV. Vos autem, mei Fratres, quos in visceribus Christi diligo, quorumque salutem vehementi desiderio sitio; vos, inquam, sapientius atque prospicientius agite. Misereatur vos vestri: neque spem aliquam tantæ rei inædificetis nisi fundamento solido. Nemo vestrum est, qui non mecum fateri cogatur, immensa atque insana se contraxisse debita; quæ neque inficiari; neque purgare habeat. Quid superest, nisi ut ad Deum conversi, in faciem proni, suspirantes, plorantes, singultientes, iterum iterumque ingeminetis illud: Remitte Domine, remitte Pater Coelestis. Hoc mane, hoc meridie, hoc vesperi, hoc diu, hoc noctu clamate: interrompите aliquoties sæculi occupationes, seligite vobis locum solitarium ut ea de re cum Deo agatis: imo in mediis negotiis tacitis id, sed Deo notis, gemitibus expetite: neque pacem animo aut tranquillitatem concedite, donec obtinueritis, & obtinuisse invictis argumentis certo persuasi sitis.

XXXV. Ut autem obtineatis, hoc modo instituite. I. Peccatorum vestrarum omnium ingenuam Deo edite confessionem. Nihil enim est quod ignoret, & dissimulationem omnem pro indicio habet animi non candide secum agentis Ps. xxxii: 2. 3. 5. Prov. xxviii: 13. Luc. xv: 18. 19. I Joh. i: 9. II. Subjicite vos humiliter virgæ paternæ castigationis suæ,

XXXIV.  
Pathetica  
Excitatio.

XXXV.  
Media ad  
obtinendam  
remissionem.

id unice deprecantes ne in furore suo vos corripiat. Dicite, Domine, si sapientia, & sanctitas, & bonitas tua me jubeant amaritudinem peccatorum meorum gustare; si carendum mihi aliquamdiu sit luce exoptatissimæ faciei tuæ, præ qua tamen quidquid mihi in hoc mundo jucundum est carere mallet, si experiunda indignationis tuæ, quæ morte mihi gravior est, & quam eheu! me meruisse fateor, acerbitas; neque subducere me possum, Domine, nec ut subterfugere velim æquum est. Ecce me paratum ad ea omnia sine murmure subeunda quæ imponere lubitum fuerit. Tantummodo, absit ira atque maledictio tua; castiga me modice, ad correctionem mei, non ad interitum; ubi autem castigatus fuero, in amicitiam me tandem tuam recipito; depone virgam, alluceat mihi lux faciei tuæ, redde mihi gaudium salutis, & refice ossa quæ contrivisti. Quid est quod tam humili prece non impetremus à tam immensa bonitate, quanta Patris nostri cœlestis est? III. Addite autem sinceram professionem animi *συγγνωμὴν*, ad ignoscendum facilis promptique; non semel solum, atque iterum, sed frequenter, quoties fert occasio, etiam si opus sit non septies solum, sed & septuagies septies uno die, Luc. xvii: 4. Mat. xviii: 21. idque non modo in levioribus offensis, sed & in gravissimis: & sine personarum delectu; etiam adversus eos quos plurimis beneficiis obstrinxistis ad gratitudinem. Qua enim fronte tot talentorum debitores veniam à creditore nostro Deo petemus, si difficiles sumus minæ alicujus aut denarii gratiam fratribus, nostris facere? Videndum ne pro benedictione maledictionem nobis accersamus. Non patitur sibi ludos fieri Divina Majestas. Mat. vi: 14. 15. xviii: 35. IV. Accedat denique protestatio serii propositi, de peccato omni cura atque diligentia vitando. Sicuti Elihu Job: xxxiv: 32. *Præterquam quod video, tu doce me: si iniquitatem operatus sum, non pergam.* Atque universa adeo Ecclesia Ps. lxxx: 19. *Non retrocedemus à te: conserva nos in vita.* Certum enim est Deum promissionem veniæ annexuisse stipulationi sinceræ resipiscentiæ. Jes. i: 16. 17. 18. Lv: 7.

XXXVI.  
Ejus obtenta  
jucunditas.

XXXVI. Hoc modo, hoc animo si precemur, expectandum est ut viscera Patris nostri cœlestis pia commotione strepent; ipseque in media nos oratione suavissime interpellans dicat: surge, Fili, absterge lachrymas, desine gemitum, remissa sunt tibi debita tua, aversa est ira mea, redintegrata amicitia: en dextram, pignus favoris mei; apprehendito eam fide atque amore: accedito propius, ad amplexum & oscula: tu tibi à novis offensis sollicitè caveto: ego nunquam intermorituri amoris æternitatem polliceor. O verba omni melle dulciora, omni auro cariora, omnibus gemmis pretiosiora! Christe Jesu, Advocate noster atque

que intercessor, fac ut ea ex ore Tui nostrique Patris audiamus, per Spiritum Tuum. Amen.

## EXERCITATIO XIII.

DE

## Inductione in Tentationem.

ΚΑΙ ΜΗ ΕΙΣΕΝΕΓΚΗΣ ΗΜΑΣ ΕΙΣ ΠΕΙΡΑΣΜΟΝ, ΑΛΛΑ  
ΠΥΣΑΙ ΗΜΑΣ ΑΠΟ ΤΟΥ ΠΟΝΗΡΟΥ.

## B R E V I A R I U M.

I. *Qui amicus Dei est, is hostem habet Diabolum.* II. *Et Diaboli hostis est.* III. *Petitionis hujus ordo.* IV. *Partitio.* V. *Tentatio quid hic notet.* VI. *Ea quandoque ex nostra oritur vitiositate.* VII. *Et tunc omnium periculosissima est.* VIII. *Qua mente Paulus se distinguat ab inhabitante peccato.* IX. *Aliquando tentatio proficiscitur à Satana.* X. *Cujus magna in tentando est astutia & efficacia.* XI. *Quamvis modus quo se humanis mentibus insinuat, obscurus nobis sit.* XII. *Satana se jungit Mundus.* XIII. *Deus nullius unquam mali auctor est.* XIV. *Neque unquam nostra crimina Divina imputanda sunt Providentia.* XV. *Atamen sano sensu Deus dici potest hominem in tentationem inducere.* XVI. *Quatenus tentatori permittit artes suas excutere.* XVII. *Et tentandum ei objicit.* XVIII. *Neque auxilio suo fulcit.* XIX. XX. *Qua mente petamus, ne inducamur in tentationem.* XXI. *Per malum intelligi potest, vel id quod malum est.* XXII. *Vel is qui malus est.* XXIII. *Quid sit liberari à malo.* XXIV. *Praxis.* XXV. *Necessitas hujus petitionis.* XXVI. *Cui nostra jungenda est vigilantia.* XXVII. *Sic ut omnes male agendi occasiones evitemus.* XXVIII. *Alipii exemplo moniti.* XXIX. *Et sobrii simus.* XXX. *Certoque proposito adhæreamus virtuti.* XXXI. *Fortiter denique obstitamus malo.* XXXII. *Fundamenta Consolationis.*

**Q**uisquis amico fruitur Deo, is hostem experietur Satanam. Qui I. *Qui amicus Dei est, is hostem habet Diabolum.*  
idcirco Satanæ nomen gerit, quod primo quidem Dei ipsius sit adversarius; dein etiam eorum quos amicitia sua dignatur Deus; qui Deum amantes à Dei semper partibus stant; in quibus denique imaginem Dei animadvertit, & non exiguum gloriæ Divinæ resplen-

resplendescantiam. Adeo quidem nefarius ille hostis infestus Divinae Majestati est, ut, si quo modo potis esset, nihil ageret libentius quam eam folio suo deturbare. Id quum se consecuturum improbe desperet, omne suum virus in electos evomit: omnes artes suas excutit, omnes movet machinas, ut eos à Deo avulsos sibi mancipet.. Draco ille rufus è caelo præcipitatus, id agit ut ad insanum miseriæ suæ solatium quot potest stellas cauda sua secum trahat, sedibusque emotas ætheriis abyssi puteo mergat. Primum Adamum in Paradyso adortus; fraudibus suis circumvenit. Alterum tentavit in deserto: at cassis moliminibus. Ea spe dejectus omnem suum impetum in eos convertit, quos asseruit sibi Christus. Hos dum suis extricatos cassibus, suis solutos compedibus atque numellis, in libertatem vindicatos, rectaque ad cœlestis regni gloriam grassantes cernit; in rabiem furoremque agitur: ac rugientis leonis instar, prosequitur, ambit, cingit undique, ut tandem devoret.

II. Et Diaboli hostis est.

II. Cæterum mutuam hoc odium esse oportet: uti Deus olim in Paradyso sancivit, quum serpenti dixit, *Præterea inimicitiam ponam inter te & mulierem hanc, similiterque inter semen tuum, & semen hujus: hoc conteret tibi caput, tu autem conteres huic calcaneum.* Gen. III. 15. Et profecto quicumque veræ sanctitatis studiosi sunt, ii internecino odio prosequuntur Diabolum cum omnibus operibus suis: & à nulla re diligentius sibi cavere amant, quam ut quicquam faciant, dicant, desiderent, cogitent, quod ipsi non displiceat. Ex hoc fonte oritur ea petitio quam nunc exponendam habemus: **ET NE INDUCAS NOS IN TENTATIONEM, SED LIBERA NOS A MALO.**

III. Petitionis hujus ordo.

III. Modo rogavimus ut Deus admissorum olim criminum veniam nobis faceret, redintegrata amicitia. Procul autem à piis pectoribus abesse debet, ut ea impetrandæ veniæ spes, aut impetratæ fiducia, securitatem animis inducat, eosve novis criminibus expositos faciat. Quo se clementiorem pronioremque ad gratiam Divina ostendit Majestas, eo nobis debet esse venerabilior. Ps. CXXX: 4. *Apud te est condonatio; ut reverenter colaris.* Tantæ tamque immeritæ benignitatis conscientia; uti mentem inflamat optimi sanctissimique numinis amore, ita à peccando vehementer absterret: ne & abuti Divina bonitate videamur, & novorum nobis gemituum difficiliumque supplicationum necessitatem inducamus, & amicitiae exoptatissimæ dulcedine privemur, ejusque recuperandæ viam nobis præscindamus. Certum denique est, neminem posse justificationis suæ jucundo sensu frui, nisi qui diligentem sanctificationi operam dat. Cujus sanctificationis magna pars est, peccati odium & fuga. In id quidem juratus animarum nostrarum hostis incumbit, ut priscis soluti debitis mox contrahamus nova. Sed quia hæc scelerata hostis nostri molimina sunt; nobis



ex adverso invigilandum est, ut & ille operam luisse, & nos fidem optimo numini servasse comperiamur. Atque hæc est sapientissima ratio ejus ordinis, quo petitionem hanc antegressæ junxit Dominus.

IV. In qua duo potissimum considerata nobis veniunt. I. Id quod *deprecamur*, ne contingat. II. Id quod *apprecamur*, ut eveniat. Depre-  
camur, NE Deus, Pater ille noster qui in cœlis est, NOS INDUCAT IN  
TENTATIONEM. Apprecamur, ut NOS LIBERET AB ILLO MALO. In de-  
precatione iterum observa. I. *Quid sit tentatio*. II. *Quomodo Deus dici*  
*queat, nos inducere in tentationem*. III. *Qua mente oremus, ne id nobis*  
*eveniat*.

V. Tentatio hic significat, aut sermonem aliquem, aut rem, aut occa-  
sionem denique quamcumque, qua excitemur, aut quomodocunque impella-  
mur ad id quod malum est. Ita enim tentatur, probatur, exploratur homo,  
utrum à Dei & virtutis partibus constanter stare velit, an ab iis se avelli,  
patiat. Deut. VIII: 2. *Ut affligeret te, tentando te, ad cognoscendum*  
*quod erat in id animo tuo, utrum observares præcepta ejus, nec ne*.

VI. Istius generis tentatio non uno modo homini accidit. Aliquando  
ab interno, aliquando ab externis principiis proficiscitur; quæ non raro  
inter se conspirant ac conjurant. Internum tentationis principium, est ea  
naturæ nostræ vitiositas atque corruptio, quam singuli nimis pro dolor  
experimur; quam veteres Hebræorum Magistri יצר הרע *figmentum malum*.  
Novi autem instrumenti paginæ, *inhabitant peccatum, carnem aut concu-*  
*piscenciam, & legem peccati quæ in membris est*, nuncupare solent. Ea nos  
inordinatis suis motibus vehementer quandoque ad malum impellit, belli-  
geratur adversus legem mentis nostræ, ac nisi prudenter fortiterque resi-  
stamus, captivos nos redderet legi peccati, efficeret in nobis totam cupidi-  
tatem, imo seduceret nos atque occideret. Rom. VII: 23. 8. 11. Sapien-  
ter nos hujusce rei Jacobus Apostolus monuit. Cap. 1: 14. 15. *Unusquisque*  
*tentatur, dum à propria cupiditate abstrahitur, & inescatur. Deinde cupiditas*  
*posteaquam concepit parit peccatum: peccatum vero peractum gignit mortem*.

VII. Et nulla profecto periculosior est tentatio, quam quæ ex interno  
hoc principio proficiscitur. Vix enim est, aut ne vix quidem, quin  
semper pravum aliquem producat effectum. Etenim quamvis non continuo  
in ipsum actum exeat, atque ad plenam criminis patrationem erumpat;  
impedit tamen animum ne eâ qua par est, quaque ipse optat, alacritate,  
& boni operis perfectione, virtutem exerceat. Gal. v: 17. *Caro concupiscit*  
*adversus spiritum, spiritus autem adversus carnem: hæc autem inter se op-*  
*posita sunt, ut non quæcumque volueritis eadem faciatis*. In conflictu ist-  
hoc, quandoque hæc pars, alias opposita prævalet; mutuoque renisu utraque  
in actionibus suis debilitatur. Imo vero quandoquidem concupiscentia illa ani-

IV. Parti-  
tio.

v. Tentatio  
quid hic  
notet.

VI. Ea  
quandoque  
ex nostra  
oritur vitio-  
sitate.

VII. Et tunc  
omnium  
periculo-  
sissima est.

mæ nostræ actus est, non potest exinde ulla ad malum proritatio procedere, quin mox ipsa illa proritatione polluamur.

VIII. Qua  
mente Paulus  
se distin-  
guat ab in-  
habitante  
peccato.

VIII. Verum quidem est quod videatur Apostolus semet ipsum ab inhabitante peccato distinguere Rom. VII: 20. *Nunc vero non amplius ego id facio, sed peccatum in me habitans.* Cæterum ea locutio, quamvis sapientissima ac digna Apostolo, Rhetorica est, quæ non prorsus secundum proprietatem verborum sed secundum intentionem scribentis est exponenda. Nam si rem ipsam simpliciter sectemur; peccatum quod in nobis habitat, non est alterius peccatum quam illius in quo habitat. Et peccato faciente quod malum est, omnino certe nos in quibus peccatum habitat id facimus. Nos ii sumus qui peccatum illud confiteri, lugere, deplorare habemus; Deum rogantes ut id nobis condonet. Et profecto peccaret contra mentem Pauli, qui à prava sua cupiditate ad male agendum impulsus fuisset ipsius exculpandi occasionem imprudenter hinc arriperet. Hoc voluit Apostolus: alium se per Dei gratiam factum esse atque fuerat antea; neque alium solum, sed alius; non peccatorem amplius, qui cum voluptate totaque animi inclinatione malum agat, sed sanctum, qui lege Dei delectetur, & peccatum horreat; neque peccati amplius: cui mancipatus sit, sed Christi: & se quatenus sanctus & quatenus Christi est, à qua *σχίσσιν* potissimum denominari volebat, non facere peccatum; sed quatenus in ipso invito remanebant, aliquæ peccati reliquæ, quas pro suis, multo minus pro se ipso agnoscere renuebat. Manet ergo infelicem nobis omnem tentationem esse, quæ ab intrinseco principio proficiscitur; nisi quatenus per eam demonstratur vis spiritus, peccati vim retundentis, ac superantis.

IX. Ali-  
quando ten-  
tatio profi-  
ciscitur a  
Satana.

IX. Inter externa principia tentationis primum suo merito locum obtinet *Satanas*, sive *Diabolus*, qui idcirco καὶ ἑξοχῇ dicitur Ο ΠΕΙΡΑΖΩΝ. TENTATOR ille. Mat. IV: 3. Is serpentis indutus formam malefuadi sermonis veneno protoplastos in paradiso corruptit. Is Jobi; sanctissimi Viri; ipsiusque numinis præconio celebrati, innocentie insidias struxit. Job. I: 6. 7. Is Davidem, Regem invictissimum, immanis gigantis totque ferocissimarum gentium victoria inclutum, plus semel prostravit. I Chr. XXI: 1. Is non solum perfidum Judam ad nefandum instigavit facinus, & proditorem fecit optimi ac beneficentissimi Magistris sui. Sed & Petrum, fortissimum cæteroquin athletam, adortus, ventilare sicut triticum gestivit, & quamvis prolixè ac præfidenter omnia pollicitum, ad trinam dilectissimi Domini abnegationem perpulit Luc. XXI: 31. Atque eundem semper animum obtinet in eos qui Dei Christique sunt; quos modo serpentina astutia, modo leonina sævitia ambit, quærens duntaxat quos perdat & absorbeat. Adeo quidem ut quocunque pedem movemus, insidiosum ubique ac sævissimum anguem, sub herbis quoque & floribus, latere, merito suspicandum nobis sit.

X. Ha-

X. Habet etiam tentator ille artes suas, quas sine magno nostra malo vix est ut detegamus. Eas Paulus Apostolus τὰ νοήματα 2. Cor. II: 11. τὰς μεθόδους Eph. VI. 11. Christus τὰς ἐκτὸς τῆς σατανᾶ nuncupat. Ap. II: 24. Mirumque est quanta potentia atque efficacia quandoque agat in miserorum mortalium animos. A. Ingreditur in hominem, sic ut domesticus jam hostis esse videatur. Luc. XXII: 3. Joh. XIII: 27. B. Immittit malas in corde cogitationes Joh. XIII: 2, atque implet cor ad agendum male. Act. v: 3. C. Occæcat mentes. 2 Cor. IV: 4. D. Idque omni calliditate. 2 Cor. XI. 3. E. Et efficacia summa. Eph. II: 2. F. Adeo ut frequenter prævaleat. 1 Reg. XXII: 22. & pro arbitrio suo quosdam detineat captivos. 2 Tim. II: 26. Hæc omnia sacræ nos literæ evidenter docent.

X. Cujus magna est in tentando astutia & efficacia.

XI. At modus quo ea à Satana tentatore peraguntur, non æque in liquido est positus. Nam & ipse quantum potest occultat se, inque ea re magnam astutiæ suæ partem collocat, ut ex insidiis ac sine sensu noceat: & ignaræ nobis plerumque earum operationum rationes atque viæ sunt quibus mens in mentem agit. At tamen præeunte Scriptura, comite Ratione atque Experientia, hæc quidem tuto dici posse videntur de modo quo Satanās in animos sæpe nostros operatur. I. Nonnunquam sensibus externis ea objicit, quibus mentem valide affectum iri novit; uti Evæ objecit vetitæ orboris pulchritudinem; Achani togam Babylonicam, Davidi nudam Batsebam. II. Spiritus etiam in cerebro certo quodam modo disponere, movere ac determinare novit, ut ad eum motum juxta naturæ ordinem certæ quædam cogitationes in mente formentur, sive dormientibus, sive vigilantibus. III. Per motum sanguinis, & alterationem humorum in corporibus humanis dominantium, ciere potest varios adfectus, amoris, iræ, tristitiæ morosæ, similesque. Ita in Saule atram bilem vehementissime concitavit, unde tristitia & formido spontanea; mox flavam bilem, unde ira & indignatio contra Davidem. IV. Verum quidem est, quod non possit physica efficientia mentes irradiare, vel judicium invertere, aut inflectere voluntatem. Ea in animos potestas soli Deo competit. Prov. XXI: 1. Cæterum quum spiritus sit subtilissimus, videtur commercium aliquod cum mentibus nostris habere posse, & revera quandoque habere, quod valide se iis & penetranter insinuet, ad eundem fere modum quo Angeli secum mutuo cogitationes suas communicant. Id datur colligere partim ex testimoniis modo citatis, quæ de sola operatione in corpus, eoque mediante in animum, exponere nimis coactum est; partim ex spiritualibus injectionibus & suggestionibus cogitationum abstrusarum de Deo ac rebus Divinis, quæ pure mentales esse videntur, & à materia cum maxime secretæ. At cavendum est ne in hisce talibus plus

XI. Quamvis modus quo se humanis mentibus insinuat, obscurus nobis sit.

iusto curiositati indulgeamus. Id unum modo infixum cordi maneat, cum callidissimo simul potentissimoque nobis hoste rem esse, qui occultos animorum nostrorum aditus ipsis fortasse nobis melius norit.

XII. Satanæ  
se jungit  
Mundus.

XII. Diabolo Tentatori merito adjungitur *Mundus*, cujus *Princeps & Deus* est nequam ille spiritus. Joh. xiv. 30. 2. Cor. iv. 4. Per *Mundum* autem intelliguntur aliquando I. *Homines improbi*, qui ut ipsi in malo jacent; I. Joh. v. 19. ita probos ac probitatem Vatiniano persequuntur odio. Joh. xiv. 18. iisdemque secum criminum nexibus implicare student. Prov. i. 11-14. &, ut Christi phrasi utar, ipsis pro Satana sunt. Matth. xvi. 23. II. Sed & per mundum intelliguntur *prava illa consuetudines* quæ inter homines vigent, & à rectitudine præceptorum Dei deviant. Id Paulus vocat τὸν αἰῶνα τῆ κόσμου τέτυ. Eph. ii. 2: vetatque συσχηματίζεσθαι τῷ αἰῶνι τούτῳ. Rom. xii. 2. Et Johannes discipulos suos præmunit adversus eam tentationem quæ ex mundo hac mente dicto obvenire fidelibus solet. I Joh. ii. 15. 16. III. Denique mundus etiam notat ipsas *Dei creaturas*, quatenus ea *mancipata peccato*, & vanitati propter illud subjectæ, amabilitate sæpe sua incautos animos pelliciunt, ut inordinato illas affectu depereuntes spirituale committant adulterium. Ita solis splendor, ac lunæ cæterorumque astrorum pulchritudo, adeo non homines solum aliquot, sed & integras gentes fascinauit, ut vel pro summis numinibus eos venerati sint, vel summo certe numini junxerint. Unde Jobus hoc inter alia argumento religionis suæ puritatem tuetur, *quod non adspexerit lucem quum splenderet aut lunam pulchre procedentem, sic ut pellectus fuerit in occulto animus, & osculata sit manus ipsius os suum*. Job. xxxi. 26. 27. Atque hac ratione mundus iis qui nos tentant adnumerari potest.

XIII. Deus  
nullius unquam  
auctor est.

XIII. Cæterum an Deo quoque attribui possit ea de qua agimus tentatio, merito disquiritur. Sane Apostolus Jacobus negat. Jac. i. 13. Illudque indubium esse debet omnibus purissimam Dei Sanctitatem uti par est agnoscantibus, eum neque suasorem, neque auctorem mali, neque hortatorem ad malum unquam esse. *Idcirco homines cordati auscultate mihi: absit à Deo improbitas, & ab omnipotente iniquitas*. Job. xxxvi. 10. Non minus in Deum injurius est, qui auctorem eum mali esse contendit, quam qui prorsus Deum aliquem esse negat. Exstat *Basilii M.* oratio cum hac inscriptione, ὁ τι ἔκ ἐστιν αἰτίῳ τῶν κακῶν ὁ Θεός. In ea oratione hoc quod modo observavi eleganter exsequitur: neque pigebit ratiocinationem ipsius appingere. Sic ergo ille: Ἀφρων ὡς ἀληθῶς ἐς ἡμεῖς, ὃ λέγων ὅτι ἔκ ἐστι Θεός. Παραπλήσιος δὲ τούτῳ, ὃ δὲν κατὰ τὴν ἀφροσύνην ἀπολειπόμενος, ὃ λέγων κακῶν αἰτίον εἶναι τὸν Θεόν. Ὁμοίησι γὰρ αὐτῶν εἶναι τίθεμαι τὴν ἀμαρτίαν διότι ἐκάτεροι ὁμοίως ἀρῶνται τὸν ἀγαθόν. ὁ μὲν ἔκ εἶναι τὸ παράπαν λέγων, ὃ δὲ ἔκ ἀγαθὸν αὐτὸν εἶναι διορίζομαι.

ζόμενος. Εἰ γὰρ κακῶν αὐτοῦ, ἐκ ἀγαθοῦ δηλονότι. εἰ δὲ ἐκ ἀγαθοῦ ἔτε Θεός. ὥς ἀμφοτέρωθεν ἐστὶν ἀληθὺς τὸ Θεῶν. *Stultus & vere à sensu alienus est qui dixerit, non est Deus. Similis item huic est, nec quidquam in stultitia differt, qui Deum malorum causam esse dicit: par enim eorum scelus esse existimo, quoniam ambo bonum Deum similiter negant. Alter quidem non esse omnino dicit, alter vero non bonum esse adfirmat. Si enim malorum est causa, utique non est bonus. Si non bonus, neque Deus. Itaque utrobique est abnegatio Dei.*

XIV. Cavendum itaque nobis quam fieri potest sollicitissime, non solum in disputationibus, quæ nimis sæpe curiosæ sunt ac temerariæ, sed & in omni meditationum nostrarum cursu, totoque adeo vitæ nostræ instituto, ne unquam criminum nostrorum culpam quomodocunque Divinæ impetum providentiæ. Hoc enim impietatis culmen foret. Neque hanc nobis professionem extorquere debent adversariorum sanam doctrinam calumniantium cavilli, sed Divinæ sanctitatis amor atque reverentia. Dandaque accurate opera est, ut quæ loquimur, quæ meditamur, omnia ita comparata sint, ne quid sanctissimæ isti Divinissimæque veritati præjudicent. Id de Deo ad suam gloriam credendum dicendumque semper est, *rupis illius opus esse perfectum, vias illius omnes esse jus, Deum fidelem & expertem iniquitatis, justum denique & rectum esse*: Deut. xxxi 1. 4. de nobis autem, ad absurdissimæ superbix depressionem, omnem male actorum culpam penes nos residere; ut absolvat semper Deus, homo autem criminum suorum conscientia convictus, suo damnetur calculo.

XV. Non tamen hæc omnia obstant, quo minus D. Jesus ita de hac re loquatur, quasi Pater noster cœlestis aliquando suos in tentationem inducere possit. Fuere quibus visum fuit, non modo in sua explicatione, sed & in ipsa Dominicæ orationis recitatione, dicti hujus duritiem emollire. Sane Cyprianus legit, *ne patiaris nos induci in tentationem*; atque ita in multis Latinis codicibus inveniri, testis est *Augustinus, de Bono Perseverantia Cap. vi*. Cæterum non est modestiæ nostræ tantum nobis tribuere, ut ipsam ausimus corrigere sapientiam. Non sunt mutanda verba Christi, quibus à nullo mortalium substitui possunt commodiora. Sed investigandus est verus eorum sensus. Prorsus ita suis locutus est Dominus, uti sueti erant audire. Frequens Hebræis est *אל תביאנו ליד נסיון*. *Ne inducas nos, aut ne facias ut veniamus, in manum tentationis*. Exprimitur ea phrasi valde emphatice, efficax, attamen justa semper, sancta, & casta Dei circa tentatores, tentationem & tentationis effectum Providentia.

XVI. Quæ sese his modis exserit. I. Quod tentatori permittat, permissione non morali, sed reali, non juris, sed facti, permittat, inquam, tentatori artes suas excutere. Quum enim omnes omnino creaturæ, ne ipsis quidem

XVI. Neque unquam nostra crimina Divinæ impetum providentiæ.

XV. Attamen sano sensu Deus dici potest hominem in tentationem inducere.

XVI. Quatenus tentatori permittit artes suas excutere.

quidem dæmonibus exceptis, ita in manu Dei sint, ut sine ejus arbitrio ne pilum quidem, se movere queant; fieri omnino non potest ut ullas adversus electos Dei machinas expediant, nisi ipso annuente. Sic Satanæ facultas data tentandi ac seducendi Achabum. 1. Reg. xxii. 22. Et Davidem: adeo quidem ut eadem actio & Deo attribuaturs & Satanæ. Conf. 1. Chr. xxi. 1. cum 1. Sam. xxiv. 1. quamvis diversimode, Satanæ, ut hosti sua sponte ad hominum perniciem procurandam inclinanti. Deo, ut sapienti ac sancto rerum omnium quæ in universo contingunt Gubernatori. Ad eundem fere modum pernissum pseudopphetis est, tentare populum Judaicum, quod Jeremias non veretur, sensu tamen sano, Jehovah attribuire. Jer. ix. 10. *Et dixi, Aba Domine, Domine; הן לך שׂאן הן לך שׂאן utique plane seduxisti populum hunc & Hierosolymam, dicendo, pax erit vobis.* Respicit ad Prophetarum conciones, qui populo, & Hierosolymæ imprimis, quæ postrema omnium desolata est, promittebant securam & prospera omnia. Id vero ad Deum refert; quatenus ille prophetis indusserat, ut ita mentirentur, etiam prætenso nomine suo, neque mox eos semper puniebat. Deum autem considerat ut justum judicem, qui populum rebellem, verisque monitionibus refractarium, & blanda, quamvis falsa, cupientem, seductorum illorum blandiloquiis ludendos dabat. Nisi quis malit interrogative pronunciare; ut sit sermo admirantis, *An tu profecto, Domine, plane seduxisti populum hunc?* Quasi diceret, quomodo hæc sunt, & conveniunt cum promissionibus Dei? Fierine potest ut Deus alicui imponat? Quidquid sit, id tenendum, nullam cuiquam tentationem obvenire, nisi convenienter permissioni & gubernationi Divinæ. Atque id minimum eorum quæ sua ista phrasi innuere in oratione nostra voluit Dominus. *Theopylæstus in Cap. xi. Luca. Μη εισενέγκης ἡμᾶς, τῷ ἔργῳ μὴ συγχωρήσης ἡμᾶς ἐμπεσῶν εἰς πειρασμόν. Ne inducas nos, hoc est ne sinas nos incidere in tentationem.*

XVII. Et  
tentandum  
ei objicit.

XVII. II. Sed plura Divinæ providentiæ circa tentationem adscribenda sunt. Accidit enim quandoque ut eum qui tentandus est in eum deducat locum, atque in iis collocet circumstantiis, ubi tentator occasionem habet omnes suas machinas admovendi. Sic de Christo narratur *eum à spiritu*, Divino nimirum, *deductum fuisse in desertum, ut tentaretur à Diabolo.* Mat. iv. 1.

XVIII. Ne-  
que auxilio  
suo fulcit.

XVIII. III. Est etiam ubi pro suprema illa libertate qua in gratiæ suæ dispensatione utitur, aut in vindictam commissorum criminum, aut ad convictionem humanæ infirmitatis, non ea auxilii sui efficacitate opem tentato fert qua hostis impetum retundat. Cujus rei insigne exemplum in Ezechiae historia habemus. 2 Chron. xxxii. 31. *Dereliquit eum Deus, tentando eum, ut experiretur quidquid erat ei in animo.*

XIX. Quā-  
mente peti-  
mus ac in-

XIX. Quando itaque rogamus, ne Pater ille noster coelestis nos in tentationem ducat, I. Protestamur ea petitione de odio quo adversus peccatum ferimur,

ferimur, & sollicitudine animi nostri, & vigili cura, ne quo pacto laqueis illius irretiamur. Ps. xcvi. 10. H. Confitemur infirmitatem nostram, cui superandæ haut adeo magna hostium manus sufficiat. Sic ut hoc quoque sensu quisque nostrum habeat dicere, *Ego ad claudicationem comparatus sum.* Ps. xxxviii. 18. III. Petimus A. Ne eas nobis tentationes obvenire permittat, quibus superandis impares simus. 1. Cor. x. 13. B. Ne in iis quæ eveniunt, qualescunque sint, nos deferat, nobis ipsis, aut hostibus nostris permittat, atque ope isthac sua destituat sine qua nihil valemus: quod Ezechiae accidisse audivimus modo Ps. cxix. 8. *Ne derelinquas me admodum.* C. Ut è contra efficacissimo Spiritus sui auxilio nobis adsit, cujus virtute insultus omnes fortiter repellamus. Ps. xxv. 20. 21. *Serva animam meam, & eripe me; ne erubescam, quia recipio me ad te. Integritas & rectum custodiant me, quia exspecto te.*

ducamur in  
tentatio-  
nem.

XX. Non ergo hic est sensus, ne Deus nos permittat *πειρασμοῖς περιπίπτειν*, quæ communis fors est Christianorum omnium, ac maxime eorum qui plurimum in doctrina Christi profecerunt. Jac. i. 2. 3. sed ne nos sinat oneri succumbere. Nam *πειρασμοῖς ἐισέλθαι εἰς πειρασμόν*, significat ita involvi illecebris aut periculis, ut non extriceris. Math. xxvi. 41. Marc. xiv. 38. Luc. xxi. 40. Plenius Hebræi dicunt, *intrare in manum tentationis*, h. e. in potestatem ejus atque dominium. Vide sis quæ erudite annotavit Grotius. Breviter, induci in tentationem, est *κύριον θῆναι ὑπὸ τῷ πειρασμῷ, & εἰσελθεῖν εἰς τὴν ἡττάν αὐτοῦ*. subigi à tentatione, & cladem accipere; ut est apud Theophanem Homil. xxvii. Enimvero Deus non solum homines improbos vitiis sæpe suis permittit, *tradens eos cupiditatibus cordium ipsorum ad impuritatem.* Rom. i. 24. sed eos etiam qui viribus plus æquo confidunt ad tempus veluti abdicat. Hoc jubemur, agnitione infirmitatis nostræ, & assiduis precibus, antevertere.

XXI. Atque hæc quidem ne eveniant nobis, deprecamur. Apprecamur autem, *ut liberet nos Deus à malo.* Ubi primo expendendum, quid intelligatur per *malum*; dein qua in re *liberatio à malo* consistat. *Malum* dupliciter exponere possumus, vel ut intelligatur *id quod malum est*, vel *is qui malus est*. Si priori sumamus sensu, malum idem significabit quod peccatum. Recte observavit Chrysostomus Homil. vii. in *acta Apost.* *πνηθὲν* dictum esse *ἀπὸ τῷ πόνῳ*, labore, eo quod peccatum non nisi laborem ac molestiam homini conciliet, quum vera animi quies in solo virtutis exercitio inveniat. Jes. xxxii. 17. Et sane hac mente vox *πνηθὲν*, etiam cum articulo, usurpatur 1 Joh. v. 19. *ὁ κόσμος ὅλος ἐν τῷ πνηθὲν καίται. mundus totus in malo jacet.* Atque hoc modo si interpretemur, jubebimur precari non immunitatem ab omnibus incommodis, sed animum invictum adversus tentamenta peccati. Uti Christus oravit Joh. xvii. 15. *non rogo ut*

XXI. Per  
Malum in-  
telligi po-  
test, vel id  
quod ma-  
lum est.

tollas eos de mundo, ἀλλ' ἵνα τηρήσῃς αὐτοὺς ἐκ τῆ πορνείᾳ, sed ut ex malo conserves. Et Paulus 2 Tim. iv. 18. καὶ ῥύσεται με ὁ κύριος ἀπὸ πάντῃς ἐργῶν πορνείᾳ. Et liberabit me Dominus ab omni opere malo. Neque abundunt ab hac mente Hebræorum formulæ: *יְיָ יִצִּיל מִי מִכָּל עֲוֹנוֹתַי* Et ne inducas nos in manus peccati, & in manus transgressionis.

XXII. Vel  
is qui ma-  
lus est.

XXII. Cæterum plerique tam veterum quam recentiorum per τὸν πορνῆον Diabolum intelligunt. Eoque sensu hæc vox occurrit Mat. xiii. 29. 39. Ephes. vi. 16. Chrysof. Homil. xix. ad Mat. vi. Πορνῆον ἐνταῦθα τὸν Διάβολον καλεῖ, κατ' ἐξοχὴν δὲ ὅτι ἐκείνος καλεῖται διὰ τὴν ὑπερβολὴν τῆς κακίας; & ἐπειδὴ μὴδὲν παρ' ἡμῶν ἀδικηθεὶς ἀσπασθὲν πρὸς ἡμᾶς ἔχει τὸν πολέμου. *Malum hoc loco Diabolum vocat. Singulari vero modo is ita vocatur ob summam malitiam, & quia nulla à nobis affectus injuria irreconciliabili nos bello prosequitur.* Et profecto hoc mali cognomen meretur spiritus ille nequam: quia Deo Sanctissimo atque Optimo in omnibus adversatur: quia nil nisi malum agit: quia omnis mali quod in universo exstat ab illo origo est: quia in eo quod & ipse male agat, & alios ad male agendum impellat, unice delectatur, inque ea malitia desperatæ suæ miseriæ scelestissimum solamen petit. Quibus nominibus odiosum eum nobis atque terribilem esse oportet.

XXIII. Quid  
sit liberari  
à malo.

XXIII. *Liberari à malo*; non significat ita Divina virtute præservari ne in ullum posthac incidamus vitium, aut ne ullis unquam Diaboli vexationibus simus expositi; hoc enim seculi hujus conditio non patitur. Sed notat gratiosam illam Divinæ Providentiæ gubernationem, qua vehementiores & insuperabiles nobis Diaboli insultus arcentur, aut vires nobis sufficiuntur ne succumbamus ac vincamur. Adeo profecto pii homines Diabolum omniaque ipsius opera oderunt, ut cupiant nihil sibi cum eo rei esse; cæterum si id impetrari non possit, sed necesse sit aliquoties cum crudeli & insidioso isto hoste experiri, rogant eam sibi à Deo concedi fortitudinem, prudentiam atque constantiam spiritualem, ut & vim ejus frangant, & astutiam eludant, & impetum omnem retundant. Imò vero ut per ea ipsa certamina demonstretur gratiæ sibi à Deo concessæ invictæ firmitas, & virtutum Christianarum soliditas, promoveaturque earum incrementum; donec tandem hostis ille feliciter triumphatus conculcetur sub pedibus ipsorum, & projiciatur in lacum ardentem igne & sulphure; unde ad nova prælia redintegrandam nunquam proditurus sit. Apoc. xx. 10.

XXIV. Præ-  
xia.

XXIV. Quæ hæctenus à nobis dicta sunt, & in unam colligantur summam, huc redeunt: Homini Christiano quotidianis precibus id à Patre suo cœlesti expetendum esse, ne inducatur in tentationem, sed fortiter, ubi res fert, resistat malo. Cujus petitionis necessitas ex plus una ratione demonstrari potest.



**XXV.** Etenim I. Arcta admodum est quam calcandam habemus via, ubi neque dextrorsum, neque sinistrorsum declinare datur. Matth. VII. 14. Prov. IV. 27. Eaque via plurimis undique est obsepta hostibus. Ps. III. 2. Hostes illi ad singulos fere passus suos tetenderunt atque occultarunt laqueos. Ps. x. 9. Hinc Satan cum omnibus copiis suis infernalibus premit. Illinc mundus suis cassibus cingit. Intus caro instat, & vix est ubi pedem ponas quin intriceris retibus. Quæ ex omnibus propemodum rebus neectere hostes didicerunt: non ex iis solum quæ ipsa natura sua malæ sunt, sed ex iis etiam quæ indifferentes sunt & licitæ; imo & ex bonis rebus, quarum facilis est, sed & perniciosus simul, abusus. Omnia fere quæ in mundo occurrunt, postquam potestatem suam exercere peccatum incepit, fascinum quoddam habent, quo antequam deprehendas incanteris. Breviter, quoquo te vertas vel anguis in herba latet, vel incedis super ignes suppositos cineri doloso. II. Adde, hostes illos nostros & potentes esse atque feroces Eph. VI. 12. & callidos ac malos. Eph. VI. 11. Jer. XVII. 9. Atque id agere ut omnibus nos opibus nostris, ut amictu integritatis, ut ornatu Divinæ imaginis, ut unionem fidei, ut hæreditate salutis, ut ipsa denique animæ vita exuant. Pugna ista missionem non habet: aut vincendum est, aut moriendum. III. Nos ipsi autem, quibus tot talesque instant hostes, invalidi prorsus sumus ad resistantiam: idemque hic nobis dicendum, quod olim Josaphato Regi 2. Chron. XX. 12. *Non est in nobis vis obsistendi multitudini isti magnæ invadenti nos; & nos nescimus quid facturî simus, sed in te Domine defixi sunt oculi nostri.* IV. Imo vero intus aliquid circumgestamus quod occultam cum externis hostibus conjurationem habet. Est in nobis *inimicitia* & *ἀμαρτία*. Heb. XII. 1. magnaue ad male agendum proclivitas. Gen. VI. 5. VIII. 21. & lex peccati stabulans in membris nostris. Rom. VII. 23. & fomes omnis mali, cui ut in incendium erumpat vel una injecta favilla sufficit. Jacob. III. 5. Quæ omnia si attenta consideratione jungantur, quis non videt summam nobis impositam esse necessitatem, ut continuo clamemus, *Domine ne nos inducas in tentationem?*

**XXVI.** Ita autem instituere hanc orationem oportet, ut interim nihil eorum quæ nobis commissa sunt negligatur. Ea infirmitatis atque imbecillitatis nostræ conscientia orandus est Deus, eo zelo potentissimum ipsius implorandum auxilium, quasi ab ipso pugnae hujus exitus penderet, à nobis autem nihil conferri posset. Ea interim diligentia ac vigilantia peragenda nobis omnia sunt, quasi sine ea neque opem ferre Deus velit, neque felicem nobis prælii eventum largiri. In se utique suscepit custodire eos qui sui sunt: idcirco rogandus est ut dictis suis fidem factis adstruat. Sed & eum suis indit animum ut se ipsos custodiant. *Qui genitus est ex Deo conservat semet ipsum, & Improbis ille non attingit eum.* I. Joh. V. 18.

XXVI. Cui nostra jungenda est vigilantia.

Jungenda itaque nobis ipso facto sunt, quæ sua junxit admonitione Dominus Math. xxvi. 41. *Vigilate & orate, ne veniatis in tentationem.*

XXVII. Sic  
ut omnes  
male agendi  
occasionem  
evitemus.

XXVII. Porro vigilantia ista non pauca complectitur. I. Ut evitemus quantum in nobis est omnes male agendi occasiones. Quicumque vel in se expertus est, vel in aliis, vel ratiocinando colligere potest, esse nonnulla quibus haut difficulter pelliciatur animus, aut quomodocunque dimoveatur à sua firmitate; nã is & Deum tentat, & seipsum in tentationem inducit, nisi à talibus sive rebus, sive locis, sive consortiis ac contuberniis, sollicite sibi caveat. Imprudenter, præfidenter, ac temere agit, qui vel suis confusus viribus, vel Divinæ gratiæ auxilium justo liberalius sibi promittens, eo se ingerere non veretur, ubi alii ipso fortiores, vel ipse fortassis olim lapsus est.

XXVIII.  
Alipii exem-  
plo moniti.

XXVIII. Memorabile in hanc rem est *Alipii exemplum Augustino* memoratum *Confess. Lib. vi. Cap. vii.* Is gladiatoria spectacula vehementer averfabatur & detestabatur. Factum autem est ut quidam amici ejus & condiscipuli, quum forte de prandio redeuntibus perviam obvius esset, recusantem vehementer ac resistentem familiari violentia duxerint in Amphitheatrum, crudelium ac faneistorum ludorum diebus; hæc dicentem: *Si corpus meum in illum locum thrabitis, & ibi constituitis, numquid & oculos meos in illa spectacula potestis intendere? Adero itaque absens, & sic & illa & vos superabo.* Quibus auditis illi nihilo segnius abduxerunt eum; id ipsum forte explorare cupientes utrum posset efficere. Quo ubi ventum est, & sedibus quibus potuerunt locati sunt, fervebant omnia immanissimis voluptatibus. Ille autem, clausis foribus oculorum, interdixit animo, ne in tanta mala procederet. Atque utinam & aures obturavisset! Nam quodam pugnae casu quum clamor ingens totius populi vehementer eum pulsasset, curiositate victus, & quasi paratus quidquid illud esset etiam visu contemnere & vincere, aperuit oculos: & percussus est graviore vulnere in anima, quam ille in corpore quem cernere concupivit, ceciditque miserabilius quam ille quo cadente factus est clamor; qui per ejus aures intravit, & referavit ejus lumina, ut esset quo feriretur & dejiceretur, audax adhuc potius, quam fortis animus, & in eo infirmior quod de se præsumserat id quod debebat Deo. Ut enim vidit illum sanguinem, immanitatem simul imbibit; & non se avertit, sed fixit ad spectum; & hauriebat furias, & nesciebat; & delectabatur scelere certaminis, & cruenta voluptate inebriabatur. Et non erat jam ille qui venerat, sed usus de turba, ad quam venerat; & vetus eorum socius, à quibus adductus erat. Quid plura? spectavit, clamavit, exarsit, abstulit inde secum insaniam, qua stimularetur redire: non tantum cum illis à quibus prius abstractus erat; sed & præ illis,

& alios trahens. Discamus ergo Alipii exemplo cautius mercari, omnesque mali occasiones prudenter vitemus.

XXIX. Cæterum & illud ad commendatam nobis vigilantiam pertinet, ut II. Sobrii simus, ac tuta omnia timeamus; attendentes ad singula, ne forte laquei iis etiam rebus subsint, de quibus cæteroquin id vix suspicaremur. Tunc enim plerumque insidiosissimi sunt hostes nostri quando maxime blandiuntur. Nullumque oportunius iis tempus est, quam ubi animum occupavit socordia. I. Pet. v. 8. *Sobrii estote, & vigilate: nam adversarius ille vester Diabolus obambulat querens quem absorbeat.*

XXX. Et sobrii simus.

XXX. III. Armandus etiam hac cogitatione animus est, quidquid evenit, standum esse semper à partibus Dei, & obnitendum Diabolo. Act. xi. 23. Expedit ut singulis matutinis temporibus propositum hoc renovemus, & quotiescunque ad hujus vitæ negotia accessuri sumus toties nos humilibus sanctisque pollicitationibus obstringamus Deo, futurum esse ut ad ipsius voluntatem attendamus in omnibus, ab ipsius nutu unice pendeamus; ut decenter & apte adhærescamus Domino, absque ulla distractione I Cor. vii. 35.

XXX. Certeque proposito ad hæreamus virtuti.

XXXI. IV. Si omnino in rem præsentem veniendam sit, & tentatio ingruat, dimicemus fortiter, resistamus firmiter; persuasi neque contemnendum hostem esse, neque desperandum de victoria. *Obstite Diabolo, & fugiet à vobis.* Jac. iv. 7. *Obstite firmi per fidem.* I. Pet. v. 9.

XXXI. Fortiter denique obstamus malo.

XXXII. In hunc modum si precemur, & si precationi eam quam modo descripsimus vigilantiam addamus multa, nobis hæc Dominicæ orationis pars consolationis fundamenta suppeditat. Magnam enim hæc consideratio fiduciam ingenerare potest, quod nulla nobis tentatio obvenire queat, nisi sub oculis, ductu & moderamine Patris nostri celestis. Idem enim hac petitione supponitur. Porro si sub oculis Patris nostri tentatione laceßimur, danda nobis opera est ut fortitudinem nostram & constantiam ei approbemus, cui placere gloriæ nostræ apæ, cui displicere maxima est ignominia. Si ipsius ductui & moderamini subsint omnia, uti sunt; credendum omnino est, non passurum eum esse ut graviore ac difficiliore tentatione exploremur quam sustinere valeamus. I. Cor. x. 13. neque permissurum hosti ut omni sua nequitia in nos sæviat, sed limites ei terminosque positurum. Job. I. 12. & II. 6. neque defuturum nobis sua gratia, si eam imploremus: neque denegaturum opem, si videat nos ea indigere; secundum promissionem quæ exstat. Ap. III. 10. *Ego te servabo ex tempore tentationis.* Et denique ita gubernaturum esse omnia, ut ipsa tandem tentatio ad commodum & decus nostrum redundet. Ita enim conformes reddimur imagini Filii Dei, qui æque ac nos tentationi expositus est. Ita triumphatur superbissimus hostis noster, qui imbellibus homullis victoriam denique

XXXII. Fundamenta consolationis.

que cedere cogetur. Ita fidei nostræ pietatisque elucescit constantia, *cujus exploratio multo pretiosior exploratione auri, quod perit & tamen per ignem exploratur, invenietur nobis esse laudi & honori & gloria, quum revelabitur Jesus Christus.* I. Pet. I. 7. Et quod caput rei est, ita post feliciter decertatum virtutis certamen, gloriosum hoc dabitur cantare *ἐπὶ τῷ θύμῳ*. CERTAMEN ILLUD PRÆCLARUM DECERTAVI, CURSUM PEREGI, FIDEM SERVAVI. QUOD RELIQUUM EST, REPOSITA EST MIHI JUSTITIÆ CORONA, QUAM REDDET MIHI DOMINUS IN ILLO DIE, JUSTUS ILLE JUDEX. 2. Tim. IV. 7:8.

## EXERCITATIO. XIV.

## DE

## E P I L O G O.

ΟΤΙ ΣΟΤ ΕΣΤΙΝ Η ΒΑΣΙΛΕΙΑ, ΚΑΙ Η ΔΥΝΑΜΙΣ, ΚΑΙ Η ΔΟΞΑ  
ΕΙΣ ΤΟΥΣ ΑΙΩΝΑΣ. ΑΜΗΝ.

## B R E V I A R I U M.

I. Partitio Epilogi. II. Cujus authenticam negant aliqui. III. Eorum argumenta. IV. V. VI. VII. VIII. IX. Quibus opponuntur validiora. X. XI. XII. Exponuntur singula verba. XIII. Nexus cum petitione proxime antegressa. XIV. Cum oratione Universa. XV. Dei gloria omnium precationum nostrarum sine fine finis est. XVI. Amen.

I. Partitio  
Epilogi.

**P**Aucula adhuc dicenda restant de *Epilogo*, quæ brevi Exercitatione expediemus. Epilogus autem duabus partibus absolvitur. I. DOXOLOGIA. II. Particula AMEN. De Doxologia hoc ordine disputabimus, ut I. Eam tanquam genuinam vindicemus. II. Verba illius singula paucis exponamus. III. Nexum cum antecedentibus ostendamus.

II. Cujus  
Authenticam  
negant ali-  
qui.

II. Non desunt interpretes, qui Doxologiam hanc non à Christo profectam, neque partem Dominicæ Orationis esse, sed à pia fortassis, verum imperita & audaci manu, textui insertam autumant. Neque Pontificiæ solum Scholæ Doctores in ea versantur opinione; sed & *Grotius* contendit, ex Græciæ consuetudine coeptam esse adscribi magis, quam partem esse orationis: quippe quæ Latinis omnibus ignota sit. *Erasmus* aliquanto longius procedit, taxatque eorum temeritatem qui non veriti sint Divina precationi suas nugas assuere. *Nugas enim*, inquit, *jure dixerim ad Divinam doctrinam, quidquid ab hominibus profectum fuerit; præsertim si quod ab hominibus annexum sit, ad Christum auctorem conferatur.*

III. Ar-

III. Argumenta eorum qui ita sentiunt, hæc sunt potissimum. I. Ab-  
est hæc Doxologia in Vetusissimis aliquot codicibus Græcis, uti observa-  
tum est à *Bæza*, & in Vetusissimo Evangelio Nazaritarum, & in omni-  
bus propemodum codicibus Latinis. II. Non invenitur etiam Luc. XI. ubi  
repetitio Dominicæ orationis est. III. Neque à *Tertulliano*, *Cypriano*,  
*Augustino*, aliisque agnoscitur, etiam ubi ex professo orationem Domini-  
cam enarrant, atque exponunt. Quia vero Græci Veteres omnes preces  
sacras hoc fere modo concludere consueverunt, hinc credibile est totam  
illam coronidem paulatim in textum irrepsisse.

III. Eorum  
argumenta.

IV. Cæterum non videntur mihi hæ rationes tanti esse, ut possessione  
sua in Græco Matthæi Evangelio deturbanda tam magnifica Divinæ pre-  
cationis coronis veniat. Nam & plura & validiora argumenta habet, qui-  
bus se tueatur. I. Constat in antiquissimis & probatissimis codicibus Græ-  
cis inveniri, ne dissentibus quidem iis quibus secus sentire lubet. Uno  
Parisiensium codice excepto, cæteros omnes pericopam hanc habere testa-  
tur *Brugensis*. In vetustissimo codice se invenisse, testis est *Robertus Ste-*  
*phanus*. In omnibus Græcis codicibus exstare, & *Erasmus* & *Bellarminus*  
fatentur. Et si paucula exemplaria aliter habeant, ea vix est ut in censum  
venire queant. Unde autem evinci potest, codices eos esse falsatos, atque  
hanc pericopam à nescio quibus fuisse intrusam? Non sufficit ad tantum  
postulatum audax, uti solet, Criticorum quorundum conjectura. Audio  
quidem Græcis in more fuisse positum preces suas hoc epilogo concludere:  
verum utrum probabilius est, Græcos eum ex Evangelio didicisse, an ali-  
unde haustum in Evangelium intrusisse? Illud sane multo mihi credibilius  
videtur, quam istud. Neque obest quod apud Lucam non exstet. Non enim  
ex unius Evangelistæ silentio adversus alterius narrationem argutandum est.  
Sed quod uni tacitum est aut prætermisissimum, id supplendum est ex alio  
qui adnotavit. Cujus rei tam frequentia sunt exempla, ut nemini Evan-  
geliorum mediocriter perito latere queant.

IV. Quibus  
opponuntur  
validiora.

V. II. Exstat apud *Syrum* interpretem, qui & ipse est Vetusus, &  
Vetusissimos Græcos codices secutus: & apud *Arabem*, non illum so-  
lum ab *Erpenio* editum, sed & alterum M. S. bonæ notæ in collegio Reg.  
Oxon. Quod quum agnosceret *Grotius*, hinc intulit, non Arabicam tan-  
tum versionem sed & Syriacam factam esse postquam Ecclesiarum Liturgia  
certam formam acceperat. Quasi vero pro confesso effet sumendum, quod  
ab omni veri similitudine abhorre arbitror, versiones illas ad Liturgiam  
Ecclesiasticam ita esse concinnatas; ut textui aliquid addere ausi fuerint  
earum Auctores, quo cum recepta Liturgia consentiret. In Latinis quidem  
codicibus non inveniri hanc pericopen certum est: sed quaeritur, quid iustius  
sit, an Latinos, ut recentiores, ad Græcos, quippe antiquiores, corrigi; an  
Græcos,

Græcos, propter Latinos lituram pati. Pereommode *Helvicus* apud *Clasium*, *Phil. Sac. Lib. I. Tract. II. p. 150. Quæ enim cedo editio fuit prior? quæ posterior? quæ mater? & quæ filia? qui fons? qui rivus? Maternæ è filia, an vero filia nascitur ex matre? rivusne fluit è fonte? an fons è rivo.*

VI. III. Quamvis à *Tertulliano*, *Cypriano*, *Augustino* exposita non sit, quia in Latinis suis editionibus eam non invenerunt, exposita tamen est à *Chrysostomo*, *Euthymio*, *Theophylacto*, qui Latinis hac quidem in parte non opponi solum, sed & præponi merentur: quippe qui ex fontibus sua hauserunt, quum cæteri è rivis. Scio equidem, *Brasium* hoc argumentum pro levi admodum habere: nam *Chrysostomus*, inquit, *illud interpretatus est quod solennis usus Ecclesiæ Græcæ quotidie sonabat; perinde quasi quis enarrans Psalmos, interpretaretur solemnem illam coronidem, Gloria Patri & Filio. Nec mirum si hoc dignatus est facere Chrysostomus, quum in Homiliis diligenter exponat hymnum, quo Monachi quidam soliti sunt consecrare convivium suum.* Cæterum observatio ista prorsus nullius rei est; neque aliunde proficisci potuit, nisi ex quadam animi præoccupatione. Patet enim cuius *Chrysostomum* inspicienti, quod doxologiam hanc non uti carmen aliquod Ecclesiasticum enarret, sed uti pericopen sacrarum literarum, & partem Orationis Dominicæ.

VII. Digna *Chrysostomi* verba sunt quæ hic appingantur; non solum quia id probant de quo nunc disputatur; sed & quia ad rei ipsius elucidationem apprime sunt idonea. Quia tamen prolixiuscula sunt, Latine solum exhibebo. Exstant *Homil. XX. in Cap. VI. Matt. Postquam inimici nos consideratione ad certamen permovit, desidiâque à nobis omnem prorsus exclusit: rursus mentem nostram confirmat ac suscitât, illius nos regis, cui fideliter subdimur, commouendo, eumque omnibus potentiorē esse monstrando. TUUM ENIM, inquit, REGNUM, ET POTENTIA, ET GLORIA. Si igitur ipsius est regnum, nihil oportet timere, utpote existente nullo qui ei repugnare possit, sibi que imperium vindicare. Quando enim dixit, Tuum est regnum; ostendit, illum quoque impugnatores nostrum ipsi tamen esse subiectum, etiamsi repugnare videatur, sinente interim hoc Deo. Nam & ille unus de numero servorum est, licet reorum jam atque reproborum. Nec audebit aliquando super illum irruere conservum, nisi prius ab omnium Domino acceperit potestatem. Qui ita hæc verba interpretatur, illene aliter illa considerat quam sermonem Domini, & partem orationis? Sed pergamus.*

VIII. IV. Alibi etiam in sacris literis similes doxologiæ exstant. Imprimis ea conferri meretur quam David suæ precationi inseruit i *Chr. XXIX: 11. 12. Tua est, ô Jehova, magnitudo, & potentia, & gloria, & atri-*

*aternitas, & majestas, imo omnia in calo & in terra: tuum est, Jehova, regnum ut qui te extollis super omnia in caput. Nam divitiæ & gloria à facie tua sunt, & tu dominium habes in omnia, in manu tua vis & potentia in manibus, inquam, tua magnificandi & confirmandi rem quamlibet.* Hæc quum David olim Spiritus Divini instinctu protulerit; alienum non est, si Davidis & Filius & Dominus, qui gloriam Patris sui cœlestis quæsit in omnibus, eandemque suos quærere docuit, similia suis præverit discipulis; atque in eodem vero finire voluerit à quo orsus erat. Accedit, quod discipuli Christi, in quibus Magistri agebat Spiritus, partes saltem aliquas ejusdem doxologiæ Divinis suis scriptis immiscuerint. Paulum certe hoc fecitasse comperimus. 1 Tim. I: 17. *Regi autem aeterno, incorruptibili, invisibili, soli sapienti Deo, honor sit & gloria in secula seculorum. Amen.* Iterumque Cap. VI: 16. *Cui honor & robur aeternum. Amen.* Idem Judas initatus est Epistolæ suæ commate ultimo. *Soli sapienti Deo, servatori nostro, gloria esto & magnificentia, robur & auctoritas, & nunc & in omnia secula. Amen.* Quum ergo consimiles doxologias & ibi legamus unde sua desumere amavit Dominus, & apud eos qui sua à Domino mutuati sunt; ecquæ dici potest ratio, cur constantem Græcorum codicum fidem sollicitare malimus, quàm agnoscere ea verba à Domino profecta esse, quæ Domino dignissima esse diffiteri non possumus?

IX. V. Supra ostensum est, ita orationem hanc composuisse Dominum, ut in eam mira arte congerisset præstantissima eorum quæ Hebræis sui temporis in ore & votis erant. Sed & simul est ostensum, ex more Ecclesiæ Israëlitiæ publicas preces hoc epiphonemate fuisse conclusas, *Benedictum sit nomen gloriæ regni ejus in seculum & sempiternum.* Cujus antiquitatem carminis Patriarcharum ætatem referunt. Quid nunc censendum est probabilius? an Dominum Jesum hoc, uti cætera fere omnia, ex gentis Hebrææ priscis institutis in suam retulisse orationem? an nescio quos Græculos ex recentioribus suis ritibus hoc assuisse sacro textui; idque tanta omnium conspiratione, ut vix ulli Græci codices inveniantur in quibus non exstet? Atque hæc quidem ad hujus loci vindicias dicta sunt.

X. Nunc singula verba ponderemus. TUUM, dicimus; EST REGNUM. X. Exponuntur singula verba. Regum nimirum potestatis illius Universalis, quam obtines in omnes & in omnia: ex quo consequitur nihil esse quod nocere queat, nihil quod non inservire ad sua commoda debeat iis, quos benignitate prosequeris. Tuum etiam est Regnum gratiæ, in populum ex mundo reliquo electum, Christi sanguine redemptum, Spiritu tuo sanctificatum; in quo regnare amas demonstratione Bonitatis, Sapientiæ, Sanctitudinis, atque ad omnis sufficientis Gratiae tuæ. Tuum est Regnum gloriæ, quod jam in tot spiritibus Justorum consummatorum feliciter auspiciatus, & quoad universam Eccle-

siam magnis progressibus continuo promovens, consummaturus es in omnem æternitatem. Pridem petimus, ut regnum tuum veniat: & merito, quum multis etiamnum modis revelandum atque amplificandum sit. Nunc profitemur regnum tuum esse: atque id quoque merito, quum & jure & facto regiam omnem dignitatem potestatemque habeas, sicut habiturus es in secula. *Jehova regnat, celsitate indutus: indutus Jehova robore se accingit: etiam stabilitur orbis habitabilis, ne dimoveatur. Stabile est solium tuum ab illo tempore, inde à seculo tu regnas.* Pf. XCIII: 1. 2.

XI. Addimus, TUA EST POTENTIA: quâ & hostes omnes regni tui domare, superare, & ad nutum tuum dicto audientes præstare, & peculium tuum conservare, & quidquid in coelo, in terra, in mari, in inferis quoque est, ad promovenda tuorum commoda gubernare, quidquid denique petimus, quidquid juste sancteque desideramus, abundantissime præstare vales. *Tibi brachium est cum potentia, robusta est manus tua, elata dextera tua. Decus roboris nostri tu es, & pro benevolentia tua attollitur cornu nostrum.* Pf. LXXXIX: 14. 18.

XII. Denique subjungimus: TUA EST GLORIA. Tu solus eas perfectiones, easque virtutes possides, quas nulla mens concipere, nulla lingua profari, nullus calamus pingendo exprimere queat. Tu eas & Verbo tuo ad omnium conscientias manifestas facis, & operibus tuis, illo præsertim operum tuorum magnificentissimo, quo perditum generis humani salutem moliris, tam luculenter demonstras; ut quidquid iis cognoscendis idoneum est, in sanctum quendam stuporem rapi debeat. Tu, qui ipse lucem habitas inaccessam, & amictus es luce, eos undiquaque spargis incomparabilis atque incredibilis splendoris radios, quos ne cœlestes quidem genii inconnivis oculis intueri valeant. Dignus itaque es quem omnes, summi, medioximi, infimi, agnoscant, colant, adorent, IN SECLA SECLORUM: interminabilem illam æternitatem impendentes, non tam fruitioni suæ beatitudinis, quam celebrationi tuarum laudum, & admirationi tuæ gloriæ. Imo certe, dignus es, Domine, qui accipias gloriam & honorem & virtutem Ap. IV: 11. *Quis est sicut tu inter fortissimos, Jehova? Quis est sicut tu, magnificus sanctitate? reverendus laudibus, faciens mirabilia?* Exod. xv: 11. *Quis enim in superiore nube par æstinetur Jehovæ? assimiletur Jehovæ inter filios fortium? Deus plurimum formidabilis est in consilio Sanctorum, & reverendus supra omnia quæ circumstant eum. O Jehova Deus exercituum, quis est par tibi, & præditus decentia? nam fides tua circumvestit te.* Pf. XXXIX: 7. 8. 9. *Sic psallemus nomini tuo in perpetuum, rependendo vota nostra quotidie.* Pf. LXI: 9. Hæc frequenter meditari, hæc Deo nostro occinere, atque harum rerum meditatione, harum laudum decantatione, animum ad æternos



æternos perfectosque hymnos præparare, id enim vero, si quidquam aliud, Christiano homine dignum est.

XIII. Cæterum id quoque videamus, quam concinne hæc cum antecedentibus cohæreant. Considerari autem possunt vel in eo nexu quem cum proxime antegressa petitione habent, vel in eo quem habent cum universa oratione. Cum proxima petitione cohærent hoc modo. **TUUM EST REGNUM.** Id impugnat Satanas, & Mundus & Caro, quoties nos impugnant, nolunt te in nobis regnare, quod tamen tu vis: volunt tuo nos regno nequiter subducere, quod tu non vis. *Surge itaque ô Deus, surge Rex noster, & dispergantur inimici tui, & fugiant infesti osores tui à conspectu tuo.* Ps. LXVIII: 2. **TUA EST POTENTIA:** Tu robustior es robusto illo, cujus alias insultibus nostra facile succumberet imbecillitas. *Evigila, evigila, indue robur, ô brachium Jehovæ; evigila, ut diebus præscis, in generationes æternas.* Jes. LI: 9. *Frangere caput inimicorum tuorum, verticem comatum indefinenter ambulantis in reatibus suis. At corrobora, O Deus, quod operatus es in nobis.* Ps. LXVIII: 22. 29. **TUA EST GLORIA:** quæ nulla re magis offuscatur quam tuorum peccatis, nulla re magis illustratur quam tuorum liberatione, & mali ac superbi illius conculcatione sub tuorum pedibus. *O Deus ultionum, Jehovæ, O Deus ultionum, illusce. Attollere, O Judex terra, redde retributionem superbis.* Ps. XCIV: 1. 2.

XIV. Sed & eadem hæc firmamina fidei nostræ sunt in omnibus quæ petenda à Deo habemus. **REX** enim quum sit, Dives quoque, & Fides, & Liberalis est; sic ut præclara omnia ab ipso expectare liceat. *Tu ipse es Rex meus, O Deus, præcipe omnimodam salutem Jacobi.* Ps. XLIV. 5. **POTENS** quum sit, *summa cum exuberantia omnia potest facere, supra ea quæ petimus aut cogitamus, pro vi illa agente in nobis.* Eph. III. 20. Quia ei **GLORIA EST**, hinc & *glorificabitur in sanctis suis & admirandus fiet in ædificantibus omnibus, in die illo.* 2 Thes. I: 10. Quia denique regnat, & potens & gloriosus est **IN SECUla SEculorum**, hinc æterni istius regni æternæque gloriæ participationem merito nobis pollicemur. *Tu idem es, & anni tui non finiuntur. Filii servorum tuorum habitabunt, & semen eorum stabilietur coram te.* Ps. CII: 28. 29.

XV. Eo tandem comparata hæc doxologia est, ut de fine omnium petitionum nostrarum edoceamur, quæ non in nostris terminandæ sunt commodis, sed in demonstratione Regni, Potentiæ & Gloriæ Dei. A Dei gloria incipiendum. In Dei gloria finiendum est. Amor Divinæ gloriæ primum debet esse principium, quo desideria nostra ad preces excitentur. Quidquid autem desideramus, desiderari debet uti medium ad summi istius finis consecutionem. Ista gloriæ Dei intentio præcipuum in Oratione est,

& quod ei pretium addit. Post consummationem seculorum omni bonorum abundantia ita in coelis satiabimur, nihil ut amplius desiderandum superfit. Hoc unum ex omni precatione remanebit, *Ei qui insidet throno, & Agno, sit benedictio & honor, & gloria, & robur in secula seculorum.* Apoc. v. 13.

XVI. Amen.

XVI. AMEN Hebræis particula est & asseverantis, & valide aliquid optantis, *Dixit Jeremias Propheta, Amen, ita faciat Jehova.* Jer. xxviii: 6. Declaramus ergo hac voce, & sinceritatem professionis nostræ de Dei regno, potentia, & gloria: & magnitudinem desiderii nostri, quo tanta à Deo bona expetimus; & fidem nixam promissionibus Dei, non in casum nos orare quæcunque secundum voluntatem ejus oramus. Animose, ut solet *Melanchtoni* scribebat olim *Lutherus*: *Ego pro te oro, oravi, & orabo: nec dubito quin sis exauditus: sentio enim illud Amen in corde meo.*

BENEDICTUS SIT JEHOVA IN SE-  
CULUM. AMEN. ITERUM  
QUE AMEN.

Pf. LXXXIX: 53.





# I N D E X.

Locorum S. Scr. in Exercitationibus in  
Orationem Dominicam succinctius aut prolixius  
explicatorum.

Cap.	Vers.	Pag.	Cap.	Vers.	Pag.
G E N E S.			N E H E M.		
IV.	26.	31.	I.	4.	46.
E X O D.			J O B.		
XVII.	12.	46.	IX.	19. 20. 30. 31.	157.
L E V I T.			XI.	13.	52.
X.	3.	99.	XXVI.	14.	91.
XXVI.	26.	140.	XXXI.	26. 27.	53.
N U M E R.			XXXIV.	36.	86.
XII.	8.	18.	P S A L M.		
XXIX.	13.	118.	XVII.	15.	18.
D E U T.			XX.	2.	98.
XXVI.	13.	78.	L.	21.	157.
J U D I C.			LI.	10.	159.
VIII.	23.	III.	LXXII.	15.	97.
I. S A M.			XCV.	6.	39.
II.	45.	8.	XCIX.	5.	41.
II. S A M.			CIII.	19.	109.
VII.	18.	48.	CIV.	27.	9.
	25. 27.	29.	CXXX.	3.	162.
			CXLVII.	4.	170.
				9.	9.
			P R O V.		
			XXX.	4.	98.
			E C.		

# I N D E X.

Cap.	Vers.	Pag.	Cap.	Vers.	Pag.
	<b>E C C L E S.</b>				
v.	I.	36.	II.	10.	83.
	<b>E S A.</b>			<b>M A T T H.</b>	
XII.	3.	32.	VI.	7.	25.
XX.	2.	54.		9.	69.
XXVI.	2.	80.		30.	146.
XLII.	8.	16.		33.	145.
	<b>J E R E M.</b>		VIII.	12.	113.
IX.	10.	176.	XXVI.	64.	115.
XVII.	I.	157.		<b>L U C.</b>	
XXXI.	12. 14.	123.	XI.	2.	69.
XLII.	9.	9.	XVII.	10.	156.
	<b>L A M.</b>			21.	113.
III.	41.	52.		<b>J O H.</b>	
	<b>E Z E C H.</b>		I.	12.	85.
XXIX.	3.	151.	IV.	23. 24.	22.
XXXIV.	17.	54.	V.	23.	17.
XXXVI.	36. 37.	28.	XII.	27. 28.	100.
	<b>D A N.</b>		XVII.	4.	106.
IX.	2. 3.	29.		6.	99.
	<b>H O S.</b>		XX.	17.	82.
XIV.	2.	25.		<b>A C T.</b>	
	<b>J O E L.</b>		II.	15.	58.
I.	18.	9.		<b>R O M.</b>	
	<b>J O N A.</b>		I.	25.	15. 16.
III.]	7. 8.	9.	VII.	20.	172.
	<b>H A B.</b>		VIII.	26. 27.	10. 68.
II.	4.	92.		<b>I. C O R.</b>	
	<b>Z A C H.</b>		VI.	2.	116.
I.	12. 13.	10.	X.	31.	105.
XIV.	9. 16.	118.	XI.	4.	49.
	<b>M A L.</b>		XIV.	14. 15.	23.
I.	6.	93.		<b>II. C O R.</b>	
			IX.	10. 11.	144.
				<b>E P H.</b>	
			II.	22.	120.
				<b>PHIL.</b>	

# I N D E X.

Cap.	Vers.	Pag..	Cap.	Vers.	Pag.
	P H I L.		IV.	8.	145.
II.	9. 10. 18. seq.	40.		J A C.	
	C O L O S S.		I.	6. 7.	36.
III.	23.	105.		II. P E T R.	
	I. T H E S S.		I.	4.	85.
V.	17.	36.		A P O C.	
	I. T I M.		XVIII.	4.	116.
II.	2.	144.			

## Vocum Hebr. & Græcarum Ibidem illustratarum.

רנר	7.	תזנר	7.
שאלר	7.	תפלר	7.
שוער	7.		
αημα,	6.	εχαρισια	6.
δισμα.	6.	προσευχη	6.
δισμα.	6.		





